


叢書集成續編 第一六一册目錄

文學類



詩文別集——清

補過齋遺集二卷·····	清	甘雨撰	雲南	一
子銘先生遺集二卷·····	清	李泉撰	沔陽	三九
復堂類集文四卷詩十一卷詞三卷·····	清	譚獻撰	半厂	五七
顧齋遺集二卷·····	清	王軒撰	山右	二二九
附顧齋簡譜一卷·····	民	楊恩濬撰		二二三
一笑先生詩鈔二卷文鈔一卷·····	清	李玉湛撰	雲南	二九五
守拙齋詩存一卷文存一卷·····	清	胡鼎著	樸學	三二九
不冷堂遺集四卷·····	清	張舜琴撰	雲南	三六一
天根文鈔四卷文法一卷續集一卷詩鈔二卷·····	清	何家琪著	三怡堂	四一九
味吾廬詩文存二卷外紀一卷·····	清	江仁徵撰		
鶴巢文存四卷詩存一卷·····	民	張壽鏞編	四明	五八三
篤慎堂燼餘詩稿二卷文稿一卷·····	清	忻江明撰	四明	六一五
柴扉集拾餘一卷·····	清	金諤撰	江陰	六八七
	清	杜關著	壁經堂	七二九

雲南叢書集部之六十五

補過齋遺集

共二卷

雲南圖書
館藏板



補過齋遺集

編輯瑣言

立言必有其本仁義道德是已有本之言躬行而心得之於是達之於辭足以垂世立教即尋常吟詠亦自有一種纏綿悱惻之意溫厚和平之音足以感發乎人心非可矯飾也是集首性理重所本也次教育達諸用也終之以詞章即末可以知本也

先君子有功於世莫大於教育一端避難山居傾側擾攘中亦無日不讀書講學雖以小子兄弟之不肖詩禮趨庭幸亦竊聞緒論及大亂甫平斯文不絕如縷先君子

補過齋遺集

子毅然纂修州志褒揚善類貶斥凶逆所以為世道人心計者至矣而主教書院十餘年明經修行以廉靜為多士倡一革浮囂之習人皆以不讀詩書為恥奔競有司為辱被其化者教授鄉閭一傳再傳類多明理之士今之習師範占最高程度而雄踞講席者皆其選也蓋淵源有自來矣

集中所載教育諸篇皆先君子之言教而身教之入人則更有深焉者先君子事先王父母愛敬無間於初終喪葬備禮於患難生平取與不苟出處有節當日觀感而成卓絕之行者若韓先生瓊之廬墓終身邵先生與

周之善事繼母韓先生珊之行孚鄉里終身清潔皆得力於先君子之身教而不在語言文字之間者也

清純廟斥錢謙益曰進退都無據文章那有光大哉王言為士之有文無行者昭炯戒矣集中所載廉泉愛廬諸記述懷獨坐諸詩皆先君出處之大節所關與商山栗里相頡頏有是行乃有是文傳人以文耶實傳文以人耳

寒家自曾祖以來代有著述咸豐五年室火於兵遺稿付之一炬先君三十六歲以前所著讀經讀史諸日記亦盡成劫灰集中所載皆咸豐九年以後之作至如時

補過齋遺集

文試律亦有借題發揮自寫胸臆者以其為向來文集所不登故此集亦略而弗載

墓表行狀先君子亦屢為之然皆旋作旋棄一無存稿文之可存者少以人之可傳者不數數觀也故集中所登無幾州志諸傳出自先君子之手既垂為一州之史故集中亦不重載

連河避難時先君子得呻吟語以付小子讀至修身篇所載六合是我底六合那個是人我是六合底我那個是我四語茫然不解所謂執以問先君子曰此不難解只是天地萬物一體六個字又約言之只是一個公字

而所以然之理只是吾性中一個仁字小子請曰大人
避處深山不問世事似於天地萬物渺無交涉先君子
曰潛龍以不見爲德因不敢侈言天地萬物然悲天命
憫人窮吾初未嘗忘情於天地萬物也先君子之所存
所志如此今編輯遺文偶憶及此因附記之
先考畢生精力萃於姚志一書其餘雜者亦時爲之咸
豐初遭寇亂存稿盡付祝融後避難山居又懼觸時忌
旋作旋焚一無存稿迨不肖稍解文義時竊取而藏之
得數十紙今略分爲二卷曰文曰詩

補過齋遺集目錄

卷一

文

補過齋座右十箴

啟蒙四言訓

讀書談

訓德純德馨德裕

女四言訓

廉泉記

韓氏愛廬記

補過齋遺集

連河避兵記

重建筆架山三丰祠記

遊鎮南鸚鵡山記

雜記五首

姚州志序

甘氏族譜序

讀書談序

卧雲老人壽藏自序

姚州桂香社先後册序

上楊提學書

上岑撫軍書

與劉克莊姪婿書

復朱慶五揚茂書

癸酉三月二十日家諭

丁亥四月十七日家諭

戊子二月十一日家諭

四月二十三日家諭

十月十六日家諭

己丑十月初一日家諭

庚寅閏二月二十六日家諭

補過齋遺集

五

曾祖海若公事略

族曾祖士雅公墓表

祖妣劉太孺人事略

先考事略

先妣羅孺人事略

側室楊孺人墓誌銘

范烈婦傳

蘭英傳

公祭昭忠祠文

送祭曾翹松先生文

關甥倫哀文

施生為政哀文

卷二

詩

仁靜禪院課徒

遊鳳山廢寺

書懷三章

望老鴉山

獨坐

豺狼行

補過齋遺集

六

九日登華藏嶺

客邵甸

步臥雲樓故址

步映月池憶僧香溥

題張騫乘槎圖

送別友人

疊前韻述懷

己卯清明日墓祭悼側室楊孺人

送別劉永齋孝廉入蒙化幕

題門人陳雲宰且園

秋夕過且園

喜雪種蕉

遊大石湖

司訓瀘西病中感懷

次前韻留別瀘城諸君

意興未盡再賦七絕六首並以索和

遊廣西州東寺

遊廣西州西寺

題曹玉東先生遺像

病中偶作

補過齋遺集卷一

姚州甘雨潤之著

男孟賢謹編次

文

補過齋座右十箴

子自甲午春初遭疾旋遭三子叔賢之變觸目傷懷宿疴未拔知不久於人世諸子闢宅東來室爲予養病之所予題曰補過撰聯曰養身易修身不易知過難補過尤難以自箴儆自孟夏居此凡五閱月茗椀藥鑪羅列左右古今之書堆積案頭諸子時時檢閱冀起衰病予頗厭之

補過齋遺集

卷一

八

謂之曰老則必死非藥所能挽吾但求以得之天者還之天斯慰耳先儒云一息尚存此志不容少懈又云存吾順事歿吾寧也子敢以老病自棄乎乃作十箴示諸子並以自勸焉

天命

維皇降衷厥有恆性人物所同是曰天命無分靈蠢智愚凡聖始生之初稟賦皆正天理渾然知愛知敬不學不慮良知可證

氣質

兩儀既判一陰一陽陰勝則柔陽勝則剛氣質偏勝中

行難望變之以學振懦抑強無過不及恭儉溫良優入聖域何用不臧

靜存

人生而靜爲動之基存養不熟動則支離古之君子慎獨不欺以誠爲主以敬自持兢兢業業存理去私夜氣不息聖賢可期

動察

靜而必動自然之理應事接物本末終始時加省察勿踰乎矩見之不真行之非是曾子省身顏子克己前規不違體行爲美

補過齋遺集

卷一

九

存誠

誠爲天道純乎自然無物不具無人不全或爲物誘或爲私牽虛妄日滋自鑿其天善誠去偽謹幾爲先理念必存欲念必捐

主敬

主敬之學功在涵養檢束身心勿庸放蕩外謹威儀內禁妄想如涉春冰如承祭享主一無適不愧俯仰昊天日明及爾出往

窮理

萬事萬物莫不有理知之匪艱當然而已究其當然性

善是止體認真切致知在此本末精粗知其所以體立
用行明德君子

盡性

性之本然上帝降衷人物之性與己相同盡其在己推
之無窮不爲物蔽不爲欲攻復還天理允執厥中參贊
化育至誠之功

知命

惟理與數君子知之守分循禮警戒自持身之所處隨
地隨時富貴不淫貧賤不移勿類小人天命不知趨利
避害終身如癡

補過齋遺集 卷一

十

樂天

天德既全天命可樂隨身俯仰不愧不怍八己渾忘進
退寬綽心之所之光明磊落性之所至鳶飛魚躍樂在
性天是曰天爵

啟蒙四言訓

小兒開蒙讀三字經外遠授以四子書句之長短
不齊難於記誦今於課徒暇口說四言爲諸孫
訓取其順口易記耳然語雖俗不悖於理果由
此而解其義焉或不無成人之一助也卧雲老
人識

上者爲天氣之所積象空體圓覆幬周密日月星辰垂
象於上雷雨風雲出沒鼓盪春夏秋冬四時行焉周流

不息古今皆然下者爲地持載有常其氣則濁其體則
方山峙水流載於其中草木鳥獸生殖無窮承順乎天
道則主靜萬物資生何有窮盡中則爲人天地生之耳
目口鼻手足四肢無一不具無物不靈智愚賢否區別
在心有男有女各分陰陽女曰坤順男曰乾剛親有父
子義別君臣兄弟朋友是謂人倫性有四端亦名四德
宇宙網維民夷物則惻隱之心謂之曰仁推施民物歸
本親親先盡其本由本及末倒行逆施所厚者薄是謂

補過齋遺集 卷一

十一

兼愛墨氏之學明以辨之仁道乃確理本性生非由外
鑠物欲憧擾天真失卻慈愛衷腸變爲殘虐學者求仁
去私存理刻厲精勤念念不已由勉企安仁道熟矣心
如太空和氣洋溢位育功成參天兩地仁者之道卽此
是具羞惡之心謂之曰義人當初生此理皆備天性之
良吾心之恥人無此心禽獸而已是故爲人須知此理
持行不失無愧君子以之處事中正合宜無偏無黨無
曲無私名曰正路蕩蕩平平由之貴熟守之貴堅勿爲
襲取致類矯廉精擇明辨履蹈端嚴勇於有爲可嘗大
任心無窮思氣稱強盛忠孝廉節由此而定或曰喻義

或曰由義孔孟教人不外此字精義之學由勉而致終
 身由之勿生畏志恭敬之心謂之曰禮禮之於人實有
 諸己儀文在表恭敬在裏不由敬生虛文而已大而朝
 廟小而鄉里喪祭冠婚不能舍此稍有不行風陋俗鄙
 嚴而能和斯可流通理根乎性道本乎中失之不及苟
 簡疏慵失之太過矯飾足恭皆宜品節以持我躬內而
 家庭父子弟兄夫婦宗族相與以情不越乎禮愛敬相
 生外而朝廷君與公卿事之以禮揖讓風成人已相交
 親戚故舊若非以禮動輒得咎無論往來饋遺授受以
 敬相持情意斯厚禮通古今推行無替賢否智愚此心

補過齋遺集 卷一

三

同具本心而行禮斯無弊是非之心謂之曰智心之所
 生非由外至動作語言立身處事唯智所使運用各異
 歸本言之率性皆具孩提知愛稍長知敬不教而成良
 知天命自染習俗靈性漸汨本心之知蔽於私欲邪正
 混淆是非顛倒自甘庸愚自昧靈巧愈措愈亡昏昧難
 了天生上哲雖云至少好學敏求鑽言至道成功則一
 無分遲早彼君子兮常存本性涵養必深操存必慎理
 在吾心格致誠正不雜一私明焉若鏡好善惡惡絲毫
 無混由此擴充大智稱聖智之所行尤不可鑿世每好
 奇蹟探隱索道非中庸君子弗學求乎當然審擇精確

其知共由私智不作勉而行之即是先覺我說四端孔
 孟所傳意淺語俗理則不偏童而習之始基立焉謹案
 之說發於孟子而四端則又發明性善之旨指點親切凡
 讀書者所當知亦所易知者也學莫先於知性性以童
 子之蒙昧亦宜使之略有所領會庶終身不迷於趨向先
 考本孟子意著為此書推闡無遺句短聲諧較程氏性
 理字訓羅氏小學韻語尤為易讀學使項城高勉之先
 生嘗稱此書義理圓足手筆亦好為課蒙者所必需云
 男孟賢記

讀書談

學莫要於敦本孝弟忠信人之根本吾輩所以讀書求
 知此理行此理耳此之不務讀書何用世有才辨超軼
 僑輩而大倫有虧鄉黨非之交遊議之不以其有才而

補過齋遺集 卷一

三

恕之亦有學問未為淹博而內行無忝鄉黨式之交遊
 稱之不以其無才而輕之天理自在人心公論昭於鄉
 曲學者可以知所勉矣
 士以立品為急立品非矜己以傲物以禮持身言動守
 乎準繩以義制事取與必有分曉如此則端嚴凝重正
 大光明自具泰山巖巖氣象不求勝人人自不得而卑
 之
 讀書莫要於存心心祇一個天理內蔽於私外交於物
 遂將本然之性都汨沒了人於清夜中或獨處時澄心
 默想覺那好色好貨念頭實為可恥這便是本心之明

由此保守奉持絕去外緣心之靈明愈出以此讀書覺
聖賢之言皆吾心自有之理以吾心之真知確見達之
於文字之真切自與勦襲者迥別况由此擴充又有可
聖可賢者在乎

讀書所以明理理者何存諸心則仁義禮智信之五德
見諸事則親義序別信之五倫堯舜禹湯文武周公之
政教所以維持乎此孔曾思孟周程張朱之語言所以
闡明乎此吾輩讀書要知古今千言萬語不是爲後人
留下些作文底材料每讀一書要一字字想其所當然
之故究其所以然之理反之身心欲其收益於己達之

補過齋遺集

卷一

西

天下欲其有益於世乃不負頻年誦習之功

心之有思慮耳目之有見聞手足之有運動吾輩與古
人未嘗不同而品行則判若天淵何也不肯取法故也
誠念天之所以與我者不薄聖賢所能亦我所能奉賢
哲以爲師或尙友千古或取諸近世居心行事奉爲準
繩若射之有的若途之有軌人人自能引向上去

爲人最忌欺心每讀一書誦習未熟不肯再讀每看一
書講解未通不思質問此之謂自欺又如作文不出自
心裁東鈔西寫湊合成篇甚且直錄舊文蒙蔽師長此
與小人之掩其不善而著其善何以異讀書若此他事

可知安望成純篤之士耶

吾人所恃以寡過者莫如本分二字何謂本分理所當
爲職所當盡者是也夫士爲四民之首長官接以禮貌
鄉閭仰爲儀型人之待士也重則士之自待也愈不可
輕誠能審知民間疾苦白之有司俾興利除害陰造民
生之福分也抑或絕跡公門閉戶閭修敦孝悌睦族鄰
講明婚喪禮節以爲鄉里倡俾愚賤有所矜式而厚其
風俗亦分也今也不然博一衿獲一第遂自以爲地方
名望進則把持公事鉗制官長退則凌虐鄉里欺侮愚
民其無恥之甚者則諂事門丁接交胥吏干預錢糧辭

補過齋遺集

卷一

辛

訟就中取利以爲肥家潤身之計心術既壞而禍亦不
旋踵矣可懼哉

立身以廉潔爲第一義廉則有守潔則不汙有了廉潔
二字便有幾分人品今之學者利欲薰心借讀書爲富
貴之媒賣文章爲養身之具場屋槍替種種弊端無不
做出做秀才時如此他日幸獲科第受職任官病根常
在懷上剝下勢所難免安能潔己愛人爲循良之吏哉
讀書作文貴有心得心得不可驟致亦不可強致聖賢
道理初看似無入處虛心涵詠久久自見用功祇在勿
忘勿助到心有所得時則左右逢源頭頭是道返之於

心有真味達之於言無枝辭其妙有不可言者特非淺率粗浮人所能領取耳

人非明師益友兩相夾輔未有能成材者然師嚴而友親故益友之切磋較明師之指引收效尤速諸生須各相愛敬不生嫌隙暇時相聚或論詩文或談古今析疑問難共相講習則彼此互收其益若羣居終日言不及義飲酒歌唱聚賭宿娼是謂匪人讀書人豈宜如此諸生當切戒之同學中如有此等人宜遠之無交

玩物喪志最爲妨學讀書人惟書史筆硯爲不可少之物此外若名書古畫奇花異石固文人逸興所託與狗馬奕博諸好有雅俗之殊而其供耳目之娛足以紛心喪志則一也董江都三年下帷目不窺園其精專可想諸生果立志爲學玩好亦所當戒

少年光陰千金一刻不可虛擲雖然讀書不宜太苦每日必有休暇之時此時只宜閉戶靜坐以收放心或把卷流連以味書旨若三五聚談嬉笑無度或執袖出遊酒食徵逐以有用光陰作此有損無益之事試思父母師長所期望我者何事哉將來欲作何等人而可如此乎

諸葛公淡泊明志范文正斷齋畫粥苦志讀書之人務

其遠者六者是以居無求安食無求飽若營營居食則養小失大必至昏忽無得每見富貴之子學而有成者少貧窶之子學而有成者多職是故耳

學者之患莫大於自足義理無窮那有滿足之日我所見在是人之所見有大於我者矣我今日所見在是異日所見又有深於此者矣可見天下理境愈入則愈深愈求則愈出虛心探討求之詩書問之師友集益無方則收效無窮若據目前之一知半解遂謂天下之美已盡於是祇此自足之一念橫互胸中便無長進矣

自足之念每起於自是君子敏事慎言可以寡過矣而猶必就正有道何哉義理精微剖析實難見以爲是不知似是而實非必求得見理真切者爲之指引斯不迷於所往而所造就日深今也詩文不求人改正理路不求人指點是非得失茫然不辨終身在誦讀中終身在睡夢中亦大可哀也已

人苦不自知因人勵己亦是進修之一法德學才藝一過勝己者自家短處立見相形見絀積愧生奮便有思齊之念所謂知恥進乎勇也今也不然於己則賣弄所長陰護所短於人則攻其所短掩其所長甚且吹毛求疵於無過中指過曾無一點奮勉之意所謂怠者不能

修忌者畏人修也其實此等念頭於人何損於己何益
不過成一媚嫉之小人耳

爲學固不宜躐等驟進亦不可玩日愒時一日課程須
一日做完畫間未完者宜於夜間補之若留待明日追
補明日或課程多或有他事則又有停積之件如此至
旬日外所積愈多望而生畏愈難下手則終無了期矣
試思年富力強早起遲眠何事不了胡乃苟安姑待以
自受累乎諸生異日或居官或處家皆宜日有所課日
了其事方無廢事之虞

制義詩賦楷法借之以取科第固不能不於此用功其
補過齋遺集 卷一 末

實不過文人一藝即做到精妙處亦未必便是不朽盛
業人須高著眼孔要想上面尙有事在未可以此自矜
若穎悟稍好於此數事稍有可觀便謂然自命爲才
子亦淺之乎爲丈夫矣

人生罪過大半由於言語巧辨以飾其非一也攻訐以
揭人短二也戲諱以恣慢侮三也出之者有意入之者
難堪每結成終身不解之仇恨故謹言不但可以養德
而又可以遠怨學者宜致思焉

聖賢之學以主靜立極讀書作文亦必由靜而入靜則
精神內斂志意專一讀書必易記作文亦別有解悟但

人日在事物紛擾中此心不免逐物而去隨境而遷則
習靜實難惟於每日不拘何時得暇即斂襟靜坐屏去
一切閒思雜慮使此心在腔子裏如此做工夫不過兩
三月心境便與從前不同而進境亦迥殊於前日

讀書宜崇正學佛老兩家先儒闢之已詳不必贅論近
世又有不墨不儒不釋不老之教誑誘男婦斂錢爲會
蹤跡詭祕而著書立說輒徵引論孟學庸以肆其謬妄
不經之談此世道之榛蕪人心之蠱賊也宜痛絕之

讀書固是好事然須看他所讀是何書益人莫如經史
他如先儒語錄名臣奏議身心性命之理治道學術所
補過齋遺集 卷一 末

關不可不熟讀深思諸家古文宜擇其選本之精者讀
之此外如算數醫方種植之書亦於人有濟聰明有餘
無妨博覽至於俗家小說多係妄造徒費目力讀之無
益有損其他淫辭豔曲釋老之言及外人傳教之書蕩

惑心志終身不觀可也
讀書談一卷凡二十二條光緒
甲申先君子主大成書院講席
所作也是歲肄業者四遠俱至舍不能容不孝孤侍養
左右日講月課稍服微勞先君子杖履多暇詔諸生
以爲學之要諄復誘掖聽者感悟請先君子筆之於書
垂教永久遂有此篇之作立說無多大都審知學者受
病處而爲對症之藥也不孝孤篋藏十二年而先君子
見背矣家居讀禮檢閱手澤此篇幸存無恙奉讀再三
如承當年詩禮之訓而色笑不可復親不禁泣下潸然
願維諒德蕩躬無以讀承先緒舌耕筆耨勉循舊業愧
無以爲教謹推先君子之所以教者教之舉此篇授從
學生各錄一卷爲陳說大義俾知所以讀書者其要在

於立身行己庶幾勉為佳士以無負先君子諄諄告誡之意固不孝孤之所深望也光緒二十三年歲次丁酉季夏小祥後六月不孝孤孟賢泣血謹識於福應山廬

訓德純德馨德裕

人生不幸年幼父亡爾父既歿爾母居孀可悲可憫孤弱堪傷幸爾伯叔可靠予亦在堂爾須奮志讀書立志做人勿好頑耍勿自怠荒時聽伯叔教訓勿傲惰而輕狂言語必遜讓行止要端莊兄弟須愛敬第一要孝娘果做一個好人勿為遊蕩自然讀書有進會作文章那時節入學中舉為媼母請旌建坊為爾父爭了光也不負爾伯叔教訓有方也纔遂我老年人望爾輩的心腸

補過齋遺集

卷一

三

若不然不聽教訓學世上愛頑耍好穿喫吹煙飲酒賭博鬥很的兒郎敗壞門牆何以對爾伯叔何以對從堂兄長何以慰爾父於九泉鄉爾須自揣爾須自量光緒二十年六月二十六日潤之老人書

謹案三弟幼脚以光緒二十年

甲午三月二十五日病歿長子德純十一歲次子德馨九歲三子德裕三歲先考憂之為小冊手書此訓詒之意摯語淺叶之以韻與南陽柴氏訓子歌同一用意然柴氏之歌務在讀書得名此則以盡倫立品為主最易感發童子良心天下無父之子讀此而不惕然警省者非人也即天下有父之子讀此而不恧然愧悟者亦非人也男孟賢謹識

女四言訓

天生男女一陰一陽女德主柔男德主剛男當冲幼教

以義方讀書明理莠亦成良惟斯女子教育多荒少時習慣長即乖張不知禮義不識綱常徑情自遂任氣逞強淫妒可患潑蕩堪傷敗壞風俗玷辱宗鄉故凡生女訓誨必詳內安貞靜外學端莊時當童穉漸有識知教以禮節進退如儀上事父母宜盡孝思雞鳴盥漱縫櫛總笄適父母所氣下聲怡問煥請寒奉槃進匱必誠必敬勿偽勿欺上有兄姊恭敬事之下有弟妹友愛為宜衣服飲食公用無私推棗讓梨和氣怡怡年及八歲須學鍼黹未能縫裳先習小履鍼腳密縫線頭細理樣貴端平花勿華美挑龍繡鳳無益於己人物字跡所宜禁止年及十三懶惰休食學做大履又學縫裳蠶桑織紡時戒荒耽日入廚下調食進餐味有酸苦辛粹甘鹹調和烹飪事事宜諳勿作生硬入口不堪油鹽柴米浪費為憂果能節用致富根由謹守規模勿好閒遊燒香拜佛看戲登鞦往來街市出入城隍呼姊喚妹醜態堪羞凡諸惡俗禁戒必周淡雅精潔貞靜嫻幽勿穿紅綠勿著絲紬布衣洗淨破服補周只要清白無愧溫柔女子之道惟此是求甫及成人于歸別戶或妻仕宦或妻商賈或妻士人或妻農圃各有其業隨命甘苦夫本是天柔順為主敬事無違琴瑟偕鼓夫唱婦隨反目何補夫

補過齋遺集

卷一

三

柔順為主敬事無違琴瑟偕鼓夫唱婦隨反目何補夫

或不才恐辱宗祖幾諫婉言惡聲戒吐以敬周旋以禮
導輔久自改之人非木土上有翁姑如事父母伯兄叔
弟敬愛相處如娣小姑相待勿侮和睦為心寬宏為度
最宜禁戒猜嫌忌如相愛相親終身如故勿積私財勿
分家務忍讓精勤便稱佳婦幸而有孕諸凡宜慎坐臥
必端行止必正薤蒜魚羊辛熱當禁勿怒勿悲為和為
順善語日聞惡聲禁聽胎教若斯生子必令富貴久長
可於斯定其或不生身體多病生而不育俱由乎命急
宜勸夫置妾買媵勿生忌心勿存妒性宗祀能延便稱
孝行齊眉夫婦偕老終身固是慶事何論苦辛倘遭不

補過齋遺集卷一

三

幸年少青春分飛鸞鏡早喪良人與其再醮不如守貞
懷清履潔撫孤養親終無二志閭里交稱官司申報朝
廷表旌建坊入祠光榮族鄰男女既生教訓宜急世上
慈親多從慣習酸李生桃油餅糖食所欲是從致兒生
疾或任罵詈或任敲擊不能教改反覺心喜幼時如斯
長何成立兒曉讀書更加護庇師前告免不容責備怠
惰偷安盡遂兒意漸次作惡益無憚忌豈知養兒宗祀
所係小時慣從大難成器須學孟母斷機勉勵熊膽和
丸柳母足式自來母賢子必立志成聖成賢胥由於是
或為繼室母道更難前妻遺子對之惻然撫育之下量

要弘寬提攜保抱饑飽煖寒細心體會寬意周旋己有
生育一樣同看有婦如此子孝夫歡兒當長大婚娶成
姻前作媳婦今作婆身要立綱紀要盡慈仁隨媳不質
巧拙攸分輕言告語善誘循循勿行刻薄打罵時聞如
此立己如此盡倫三從皆備四德俱純古之名媛堪與
比倫言雖淺俗可當女箴誦之於日記之於心體行不
怠女範同欽謹案此書與政蒙四言訓作於光緒七年辛
巳是時子長子德柄次子德輝及諸女漸長
先考親授之書啟蒙四言訓孫此篇以課女孫撰
書室聯云書可化愚課男尤須課女先治內教讀所
以教家是時女學向未萌芽而我先考於三十年前諄
諄訓導已開女學之先聲至其書該女道妻道婦道母
道之全揭立身處家之要婦女體此力行勿怠雖不能
為女中之聖亦必不愧為女中之賢吾不知今之講授

補過齋遺集卷一

三

女學者素宗旨何如也光緒癸巳子以二書呈頂城高
督學督學寓書云承賜太先生所著男女四言訓旋省
後為諱遂初中丞所見謂二書有資教育裨補風化索
之去刻下友朋來索者尚多祈再賜數本以資分惠云
云二書之見重於當世名公鉅卿
者如此因附及之男孟賢謹識

廉泉記

予以咸豐己未避亂姚西往來洋湖蓮河間靡有定處
庚申夏五月始定居連河之韓村村北里許有寺寺後
深谷有泉出焉村人引泉循山麓東南行至寺後剝木
為規鑿寺壁通規下承石益泉自渠達規而注於益若
飛瀑自懸崖巖下淙淙作響終日有聲泉澄鮮清冽以
煮茶則甘以炊飯則香以澣濯則潔予既卜居韓村日

與門人韓子玉珍寶珍及村之父老來遊於寺并攜兩
兒孟賢仲賢讀書其中暇輒挹泉淪茗吸淡芭孤坐廊
廡間觀花聽鳥泉聲鏗然與山鳥相和一洗塵俗之耳
雖在患難憂戚中頗得世外閒情偶以泉名問諸父老
僉曰泉無名宜請先生名之予觀斯泉自石罅湧出鄰
鄰清淺不雜泥滓味可供飲光可鑑形周禮六計疏潔
不濫濁謂之廉因名曰廉泉而寺亦以廉泉名之時蒙
化威寶山道士汪君雲樵亦避亂至連河村人招之入
寺主香火雲樵識草木藥品能醫瘡瘍跌撲之疾以村
人所給粟供養煖以醫藥所得錢製衣履而遊方乞食

補過齋遺集卷一

語

則深以爲恥而不屑蓋黃冠中之廉者也予既愛廉泉
之潔又喜雲樵之廉遂與訂方外交晨夕入寺與雲樵
挹泉水拾燥薪煎茶燕坐雲樵性剛介善談論言及時
事拊膺抵掌有不可一世之概時或攜鋤入山採藥得
野蔬歸以泉濯去泥土烹之煮之留予共飯尤得世外
味予自卜居連河以醫術糊口雖藜藿不充裋褐不完
一以堅忍處之初不作非分之想老妻稚子亦諒予之
志窮阨之極無怨歎聲故予得藉是以適其疏放之性
時或有以翹翹車乘覓招者予終懼斯泉嫌予之汚將
幽咽以怨我階以怒我二三父老亦得執我前日名

泉之意以詰責我用是惕然懔然終決然不肯往以保
吾志而全吾高以常飲吾廉泉而滌吾塵垢以與木石
居以與鹿豕遊是則吾之所以爲吾也乃爲之歌曰廉
泉之清兮可以鑑吾形兮廉泉之潔兮可以除內熱兮
白石鑿鑿兮岫雲漠漠兮吾名斯泉吾意有託兮礪吾
齒兮洗吾耳兮吾得斯泉吾以遠恥兮

韓氏愛廬記

予自咸豐庚申卜居連河之韓村主門人韓子玉珍玉
珍分一室一樓居子後峙崇山前環連河後垣開小戶
斜通山麓劉挺卿所謂閒門向山路者也寇兵時至脫

補過齋遺集卷一

語

肩出戶西行百步卽入林中如爵入叢如魚赴淵得免
矰繳網罟之禍予既賴此避寇亦藉以採其幽勝陟巖
登峯一木一石之奇皆供遊賞其最可愛者兩山間有
谷一徑盤曲不能通馬中多蘭無人自芳春有杜鵑秋
有海棠殷紅可愛其他野花有如舞鶴者有如飛蝶者
不一其類亦不知其名谷口地較寬平四圍皆松楸南
有修竹千竿綠陰蔭地予遊而愛之語韓子於此開一
別墅爲遊息之所韓子然之邀予同相地勢伐松楸爲
椽棟構五架三間之堂於其西上覆以茅南北東墀以
土垣就山爲階階七級階下留古松一株垣下作砌移

谷中野花及蘭蕙數十種蒔諸砌爭芳競巧野色幽香足供玩愛既卒事予取陶詩名之曰愛廬以階下一松於歸去來辭撫孤松而盤桓之意有合也名其堂曰撫松草堂廬背陰向陽南北西皆山夏不大暑冬不大寒四時無暴風山障之也予得暇卽入廬閉門寂坐執來氏易註一卷俯讀仰思默驗盈虛消長之理以識進退存亡之機風聲鳥語外塵世喧囂舉不到耳居之久愛之彌深不知柴桑之居與吾韓氏之廬風景何似然陶之廬陶自愛之吾之廬吾亦自愛之廬不必同所以寄情於廬者無不同遂爲之記時同治戊辰正月也

補過齋遺集

卷一

三

連河避兵記

予避居連河之韓村十五年雖曰適彼樂土爰得我所而寇至則逃寇退則返播走亦屢矣賊踞州城虐民之事固多而未嘗不慮民變故居常亦不敢縱兵擾民惟官兵進剿失利而退則賊兵四出劫掠深山無不到之賊踪衣物牲畜擄奪一空婦女更有淫汙之辱如是者十日或七八日謂之打財喜蓋較之契丹之打草穀尤酷也故民間一聞官兵進剿卽豫窖其粟米財物偵知官兵敗退卽攜家避深山中如是者率以爲常同治元年壬戌冬官兵圍攻州城敗退賊二十餘人出駐韓村

打財喜十二日子家信村人避於大蕎地大蕎地者韓氏先營也距韓村西十餘里在萬山中平岡曲嶺地盡喬松密如麻林直如箭幹林下豐草繁縟便於藏匿村人三十餘家皆避居於此伐松枝就塋墓爲棚以蔽霜露向晦各歸棚作食展被安眠夜將半則咸起執炊飯畢攜釜甌被褥藏草中男婦皆四散距墓所二三里匿深澗中而別遣丁壯數人往來山徑間潛窺賊蹤而爲之備賊踞韓村十餘日晝則入山搜剔夜則歸村迄未至大蕎地故日日登山越嶺卒無所得一日於歸途指大蕎地相謂曰彼處有密林村人避兵必於其地明日

補過齋遺集

卷一

三

當往而蒐尋之丁壯之探賊跡者備聞其言來告衆皆曰吾匿附近谷中藤蘿菅茅覆蔽不見天日彼雖來將奈我何予曰不然彼見松棚如此之多蒐尋無所得必怒而縱火則吾等危矣卽於是夜率諸人去大蕎地西南行十里至老青山而天曙回望大蕎地林端樹白巖知賊已至少頃而鳴鉦少頃而喊聲四起又少頃而煙焰熏天蓋賊至其地不見一人不得一物遂縱火焚燒草深林密又值隆冬物燥一炬燎原延燒十數里隨俯非乘夜南徙則三十餘家皆作繻上之介推矣明日賊首下令招安羣賊散去村人始歸檢查人物一無損失

此連河初次避兵事也繼此則有五台山之避小圍地之避梅子箐之避紫貝塢之避此外朝出暮歸暮出朝返者不可勝計不備錄也五台山在連河之東一峯突起四巒層疊而下故名山多草無木山下澗谷平曠中有田廬四圍山勢合沓以爲之障蹊徑蟠折若草蛇灰線亦一奧區也壬戌進剿之官兵退駐大姚癸亥三月進攻州城復敗退村人商所以避寇者欲仍避連河之西予曰河西山深林密賊料我避兵必於其地我往寇亦往去歲大蕎地之火可鑑也不如東走五台此處無林木庇蔭不便藏匿彼必料我不往亦必不來庶或免

補過齋遺集

卷一

表

乎村人十數家從之東徙五台住澗谷中一日而寇至韓村子率同人登五台山之巔匿叢草中西望河西諸山如大蕎地老青山諸處白幟縱橫往來如此五日西避者悉遭劫掠而避五台者無恙也小圍地之避則甲子之冬乙丑之夏也地在韓村西南七八里許深山中東西北高而南下中央地坦平可坐數百人其西有古時炭窰倚山臨澗灌木野草葑其門非土人指引莫知其處村人遇寇至輒以物藏其中事定則取出之伯有之壑谷未足喻其秘也甲子冬官兵敗退予家偕村人避此五日嚴霜凜冽夜不能寐拾薪燒火而卧次兒仲

賢時起折松枝埽予被上霜冬夜露處之苦如此乙丑夏五月又出避於此六日炎暑鬱蒸繼以暴雨衣被全溼晝夜無一刻之安兒輩偕村僮擷採野蔬供饌得連珠細菌香美異常困苦中忽得異味又不禁破愁顏而解頤矣明年丙寅正月則有梅子箐之避滇人讀箐作青去聲謂山谷也箐在韓村之西距大蕎地五里澗泉流通山多野梅冬時作花疏影橫斜頗有孤山逸趣有夷族周姓者居其地與予有夙好聞官軍敗退即遣其子來迎予攜家往則埽榻以待且款以酒食居此半月始返計自同治壬戌至此凡五次出避顛沛流離中人

補過齋遺集

卷一

表

物俱獲安全亦云幸矣最苦者其明年丁卯之走紫貝塢乎丁卯二月官軍圍州城至三月敗退二十八日子攜家南徙六七里踞一高岡下爲水槽箐擬避箐中相傳箐中有巨蟒村人曾經見之曰將午渴甚予偕同入下箐取水深草中一徑曲屈非人跡所到亦非牛羊所踐知爲王蛇出入之路遂不敢往欲就近避藏時而親申中有陳氏之媵久爲賊酋垂涎予懼其乘亂搶擄思遠避以絕其望遂決意走紫貝塢紫貝塢爲連河下流距韓村三十餘里岡巒起伏路盡崎嶇時夕陽度嶺暮色蒼然既無月光又不敢燃松炬於星影明滅中探足

而行同行男婦三十餘此起彼躡彼起此躡狼狽不可
名狀天色向曙始達紫貝塢之和尙莊喘息未定而喊
聲猝起則夷匪至矣踉蹌北走三里至一小村名薄薄
忝寂無一人急逃入深林中夷匪踵至衣被褫奪一空
賊甫去而暴雨颺風驟起勞極困極餓極警極又加以
櫛風沐雨之苦異哉異哉天時人事所值一至於此向
晚回和尙莊明日徙居丁家嘴周氏家住二十餘日而三
子叔賢痘瘡忽發勢不可久居乃返韓村則村中痘瘡
徧起嬰孩死者八九十人如天之福予三子叔賢四子
季賢幸俱獲痊時杜文秀發兵寇省城連河爲賊兵自

補過齋遺集

卷一

三

大姚入武定之路韓村一帶時有賊兵經過戈戟所向
雞犬不寧予家衣被既失又值暑天晝有賊兵之擾夜
有蚊蟲之擾苦况殆不可殫述卒賴醫藥養生不至餓死亦
不幸中之一幸也間一歲已巳楊提督雲階提兵進剿庚午
亂平予貢成均一子入泮食廩餼漸有回甘之機癸酉長子
孟賢舉鄉試甲戌之夏乃得復我邦族屈指一十六年
而予年五十有四坎珂歷盡鬚髮漸白矣

重建筆架山三丰祠記

姚南四十里有山三峯屹立曰筆架山山本四峯東一
峯最高西北一峯潛隱其下自姚治南望惟見三峯故

又名三尖山云其最高之一峯雞鳴見日如泰岳之曰
觀巍然爲吾鄉之雄鎮舊矣前明羽士張三丰結廬棲
止其巔時著靈跡國朝乾嘉間丹竈猶存土人於張去
後刻其象於石建祠祀之山勢高插青霄煙霞出沒溼
露沾濡棧棟易腐屢建屢傾勞費不止一次光緒甲申
里人周君集桐陳君集五羅君某倡衆重修易木瓦以
磚石爲一勞永逸之計又於山半建屋數楹爲遊人棲
息所既落成乞予文以記之夫西望點蒼晴雪如銀北
峙曇華烟樹微茫遠則東南諸山高峯如兒孫拱立卑
者如坡隴起伏近則川原平敞城郭村墟星羅幕布若

補過齋遺集

卷一

三

隱若見數百里外之景收來眼底此山之勝概登臨者
類能言之不俟予之贅述也然而予重有感焉往者漢
池弄兵干戈滿地羣寇嘯聚乎山林人民竄伏乎巖穴
登茲山而四望村舍邱墟四郊多壘滿目荒涼悲慨係
之矣今則烽燧不驚已十餘年休養生聚人安其業民
樂其生登茲山而四望青青者禾黍盈疇芘芘者桑麻
被野寓於目而愜於心向之慨焉悲嘆者至此又不覺
歡然嘯歌矣山一也喜者遇之則悲樂者遇之則喜山
不能使人悲使人喜人自爲之耳人亦不能自爲悲喜
時使之耳夫悲喜與時轉移古今來治日少而亂日多

宜乎人生斯世樂之日短憂之日長也惟樂道之君子
是非得失決諸己吉凶禍福聽之天我自有其可樂者
則亦安往而不坦然泰然乎抑又聞之山川靈秀鍾於
人則爲聖賢豪傑吾姚前哲豈無有鍾茲山之靈立德
立功立言可與茲山並峙者人顧不之問獨於一方外
人遊蹤所至肖其像而祠之以爲茲山以仙而名求名
求利求子求壽日具牲牢酒醴而不絕噫山之靈耶仙
之靈耶予不敏不得而知也

遊鎮南鸚鵡山記

山川景物古今事變觸目皆可興懷特非置閒身於靜

補過齋遺集

卷一

三

境則物與我遇我與物忘熱視若無覩者往往而然光
緒丁亥春杪余司訓瀘西兩月致仕歸道經鎮南以親
故款留少住十餘日時方炎暑苦無以避客有指城西
鸚鵡山招余往遊者余喜而從之出郭西行里許陟其
巔清風徐來炎歎頓洗相與脫帽披襟坐長松下縱目
四望近則珠盤北峙苴水南環雉堞參差畎畝縱橫一
時山川景物咸爭奇獻媚於茲山之下遠則五樓峭聳
王元載張明亨之所眺吟也石鼓嵯峨南詔東爨之所
戰爭也天城五摩之險馬寶之所蟠踞也關灘呂閣形
勢雄奇則段功楊淵海之所出奇制勝大破明玉珍之

師者也今也時移事遷青山如故一登眺間古今事變
已悠然入吾胸次回憶瀘西之遊往返千里所過名山
勝地不可勝紀然皆過而不留於吾心渺無交涉茲獨
觸自有懷何歟遊心物外其身閒其境靜也繼自今退
老田間屏棄一切月夕花朝春秋佳日遊二三知己戴
翁笠著芒屨手提詩囊香梳往遊於筆架山飽卧烟蘿
間身愈閒境愈靜其觸目興懷又當何如也

雜記五首

連河產細鱗魚味美於鱸有捕之者予時往觀焉一日
網得鱸魚大如掌左扁右圓右一目一鬚一腮左則無

補過齋遺集

卷一

三

之人咸怪之予曰此比目魚也今捕者仍縱之水考爾
雅錄出東方吾滇未有也連河繞州西北而達於金沙
金沙匯揚子江而注東海此魚殆逆流而上歟
爾雅中有枳首蛇郭注歧頭蛇也江東呼爲越王約髮
一名弩絃按凡物之兩分者爲歧爾雅釋宮二達謂之
歧旁言路之旁出者也漢書麥穗兩歧注一莖而二穗
皆分歧之義而爾雅音圖所畫之枳首蛇則頭在兩端
而無尾與經歧頭之旨不合州西彌興有賀姓者善捕
蛇同治三年六月間捕得兩頭蛇長三尺許擊斃以其
爲異物也懸之短垣俾衆觀之予亦往觀而親見焉蓋

一身一尾頭分兩歧而生兩頭如駢指然與經所謂歧頭合圖所畫頭在兩端者蓋誤也史稱見兩頭蛇者必死孫叔敖殺而埋之後以陰德官令尹賀氏殺而不埋卒亦無恙觀者數百人亦無一死者賀氏卒以瘍醫顯於時但未宦達耳

同治四年客有自大理來者言有大鳥白點蒼山盤空飛下兩翅九頭翅大如箕晝夜回翔於府城不下集所至滴血羣鳥飛鳴從之如是者三日後亦不知何往

李生黃瓜氏皆無家前史所載志亂也同治七八年間連河一帶李樹徧生黃瓜大如指中空無瓢時多瘧子

補過齋遺集

卷一

言

紅痰之疫中者一日死或云有服李上黃瓜而生者雞樓菜向推爲滇中野蔬上品近數十年來則梨窩虎掌二菌滋味之美似又駕乎雞樓之上梨窩一本而數莖或數十莖莖各一傘初生時傘小如珠抱根的皜瘰信所謂連珠細菌殆指此註家引抱樸子珠芝二十四枚輒相連而垂如貫珠殆強爲牽合耳此菌道光初年始入食品虎掌菌香味最濃色黑有芒形如虎掌咸豐間野人每得之疑其有毒輒棄去後有察其氣味不惡而消水以煮鴉片者至同治初遂入食品數年後且珍尚燕窩海蔘矣始嘗者不知何人竟負壯膽爲後之鑿

客開此先路亦異矣連河間山深林密暑雨所蒸產菌最多惟土人能悉舉其名某有毒某無毒亦知之甚審菌之最毒者曰牛肚菌形如牛肚氣甚香入口立死此菌之外能殺人者尙多土人素號知菌者亦或誤食而死口腹之故軀命所關胡可不慎哉惟是深山大澤草木叢雜之菌繁多資人之用者知味者不能徧嘗著述者不能徧紀數百年後如梨窩虎掌經嘗試而入食品者不知凡幾入藥品而起沈痾者又不知凡幾矣

姚州志序

漁仲鄭氏日志者憲章之所繫非老於典故者不能爲

補過齋遺集

卷一

言

也然有不能爲不獲己而爲之者雨今日所修之姚州志是也自咸豐己未之變雨避跡山林偶於邨塾中得舊志數卷取而讀之往事雖有可徵而道光十二年以後近事闕如且篇簡亦頗殘闕失次求其一事一物原委窮悉使心目中了然無礙者不可得也感時撫事掩卷長嗟因於課徒之暇取近事所能記憶者草就數帙命兒輩收藏篋中惟冀河清有日出而供當道之採擇至於全志之修無能爲役矣同治庚午王師西上州城克復泊辛未壬申之間全滇肅清雨以甲戌孟夏回里間一歲雲間陸公希樵來宰是邦慨然有修志之舉以

採訪之役屬雨雨謝不敏公曰考獻徵文都人士義不
咎辭况予五日京兆難蔽厥事未期年公果解任旋省
以是役專責雨雨出篋中舊帙接舊志踵事增入未嘗
自立門類意在續貂而已乃於補輯之餘取舊志反覆
檢閱證之以正史覈之以省志參之以裨官之論著騷
人遷客之謳吟於舊志不無憾焉僭不自量於其冗者
汰之略者詳之疑者闕之解其膠轕刊其舛譌刪其重
複而補其遺漏條例既殊門類自別誠知狂妄不免獲
罪前賢然亦行乎心之所安耳遠近交遊中聞雨躬爲
是役舉所聞見來相告語故窮鄉僻壤之間湮沒未彰

補過齋遺集 卷一

三

之蹟與夫父老常談鄉曲異聞世族家乘名人著作荒
邱斷碣古寺殘碑皆得依類摭摭選擇而登之以成是
書爲卷一十有二爲門一十有一爲目十七操觚於丙
子孟夏脫稿於壬午初秋秋杪兒輩計偕北上俾攜赴
省垣求正於學憲盧公蒙加剴削芟其荒穢而賜以弁
言適陸公以守安平致仕將歸兒輩於逆旅見兼呈是
書公喜曰吾不意是書之卒成也且不意是書之成而
吾卒得而睹之也亦書數行於簡端以志其梗概歲癸
未郡伯陳公崑山春巡至姚復以是書就正甫經筆削
值節帥岑公開局續修滇志徵舊志於各郡縣因以是

書呈覽公過爲獎許趣付剞劂適沔陽張公典二來牧
茲土爲籌資而付諸梓人是書遂以告成嗟乎雨豈能
爲是役哉彼陸公者督之於始岑盧諸大憲復誘掖鼓
舞於其後雨是以不獲已而爲是役也其於憲章之所
繫本無宏麗之觀則以地處蠻荒風氣所限徵文攷獻
有非通都大邑之可比者尙冀知我者匡其不逮也必
如鄭氏所謂非老於典故者不能爲則雨將謝不敏矣

甘氏族譜序

甘氏族譜之作其始也然則前此無譜乎曰有之矣
既有之矣以勅也有之而弗傳今之譜非踵前人之舊

補過齋遺集 卷一

三

也溯自始祖遷祖卜居於姚胥字甫定卽垂譜牒立宗約
傳之子孫歷有年所明季火於兵而譜亡矣譜亡而世
系之可考者賴有祖墓存耳我先考稽之祖墓詳其支
派源流而修明之稿粗成先考卽世旋經寇亂再火於
兵甘氏族譜遂終弗傳矣雨避亂山居十餘年矣入城
而諸父兄弟各在一方生不得共晨昏死不得視含斂回憶
昔年雍睦之風渺焉無存感時撫事益增惋傷爰以同
治壬戌春歸省祖墓一晤族人老病死亡不可指數閱
然曰曩者譜牒亡祖墓可徵今干戈擾攘人且不保墓
石可常恃乎墓毀則世系無稽世系無稽則纂修無據

坐令祖宗四百年相繼相承之統泯沒無傳誰執其咎哉迺詳觀歷代墓誌筆記之攜以還山錄成一冊藏篋笥中兵事有警輒取此冊藏岩穴間兢兢護持弗敢失墜越歲己巳王師進劔塗墓間戰壘縱橫碑殘碣斷滿目荒涼果如前日所料蓋至是而吾族交獻之徵惟篋中所藏之冊耳亂平歸里整理田廬勞勞生計迄無暇日壬辰七月既望祭祖於家對越先靈木本水源之恩殷然動念謂兒輩曰祀先所以報本睦族所以敬宗睦族之道在聯宗支聯宗支莫要於修族譜吾老矣族譜之修非汝曹而誰授以篋中所藏之冊以爲纂修之本

補過齋遺集

卷一

表

其未備者四出採訪族中斷簡零緝蒐羅罔遺踰月採輯粗具乃講明體例以圖表屬之孟賢以傳誌藝文諸篇屬之仲賢叔賢季賢分類編輯甫於暇時輒爲之刪改潤色越三月而成書凡二卷上卷首宗約次五服圖次瓜瓞圖終之以世係表下卷首螟蛉圖次外姻次傳誌終之以藝文其發凡起例則見於各篇之首嗟乎是書之成際喪亂之餘典籍無存靡所依傍故志在承先而事實初始繼自今隨時增修以無忘祖宗四百餘年相繼相承之統是有望於後人矣

讀書談序

從吾遊者爲讀書來耳讀書何爲爲科名耳爲科名而讀書將視六經四子無非梯榮之具逐逐於名利之場終身讀書於身心毫無所得雖其裝冠博帶淨几明窗自命爲讀書之士究與不讀書者等學者之惑抑教者之過也今於課讀之暇與學者談讀書以讀書治心以讀書修身不沾沾焉以讀書求科名然循是以讀書亦未嘗不得科名也聖人曰君子謀道不謀食學也祿在其中又曰言寡尤行寡悔祿在其中讀書者其省之

卧雲老人壽藏自序

補過齋遺集

卷一

表

藏以誌請予曰孺人之墓予可誌予之壽藏烏可自誌時有客在坐謂予曰昔司空表聖有自誌之文先生胡不效之予曰然但誌之難也必其人行本忠孝守有廉潔或經史文章高乎一世及其老也自道其生平甘苦以傳諸千秋百世於是乎有自序之文予覩然一士庸庸碌碌既不能以忠義大端見許於人徒拘繩守墨自安耕讀是烏足誌客曰先生處亂世避跡山林誓不從賊事父母生則朝夕左右不敢遠離歿則顏戚哭哀不違其禮且非義不取貧困自甘設帳多年成就者衆遊於門者不但得語言文字之傳且得立品淑身之道

豈不可自道生平昭茲來許哉予曰客其嘲我也客曰此皆姚人士爲我屢言之故耳之熟而道之非虛先生不自誌予且爲先生誌之曰先生道甚高而其守甚篤生無穢行與人無怨讎不求聞達以邀穀祿老於明經嚴於教讀是亦立本之儒而與古之高士同其芳躅客去遂筆之付兒輩刊諸石

姚州桂香社先後册序

滇俗以歌誦佛道經卷祈福禳災謂之談經然有吟哦之聲而無變說之言歌也誦也非談也夫其歌誦之際管絃齊奏拜跪維嚴雖祈禱也而禮樂寓焉矣然奏其

補過齋遺集

卷一

序

樂行其禮必有聚會之所於是設之以壇位而設壇之地在他郡則有以某學某會名者而吾姚則名之社社土地神主也杜預曰在家則主中霽野則爲社談經非以祀土神而設壇亦不在野於社之義奚取晉義熙間僧惠遠與劉遺民等十八人以書招陶淵明結白蓮社於廬山同修淨土蓋古人因有以親朋相聚而結社者茲之談經者以同鄉共井之人爲之相聚皆親朋也然則經壇以社名義在斯乎義在斯乎州城舊有桂香社崇壽文昌帝君帝君爲科名主宰故入斯社者類多賢序魁材先輩列序時人立籍以紀某也長某也少某也

舊某也新歷歷可指列其先後亦所以序齒也自咸豐己未之變老成凋謝典籍喪亡迥非昔日之舊矣今幸底定禮樂漸興社中人復聚而修明之冠裳羽籥燦然大備庚辰之夏復修先後箒周茂才鏡源社中之老於事者屬余爲序余幸斯社之復盛而爲社中人進一言夫前人立社之意美矣善矣後人誠能於談演之際凡樂音禮節彼此互相研求守先輩尙齒之風而少不凌長新不問舊則事得其序而大禮斯在物得其和而大樂斯存以此社陶情可也淑性可也祈禳云乎哉是爲序

補過齋遺集

卷一

序

上楊提學書

竊姚州百姓鬧糧株累貢廩增附多人悉遭斥革身繫囹圄但事涉疑似情實冤誣生等身處局外隱合同類之傷是以不揣冒昧謹爲宗師陳之姚之錢糧積弊曰深頃自九月開征以後民情洶洶道路之間觸於目皆怒色接於耳皆怨聲禍變將成該緣事貢廩增附等逆睹其患遂聯名具牘瀝陳積弊冀當事者覽牘省悟剔去弊端以一紙示諭張貼城門則民怨釋而民氣平庶或消禍於無形其立意如此非有他也不料牘甫入於公門禍遽生於頃刻積怨之民男婦數千人紛紛入署

凌辱書役而不犯官繼又四出折毀書差及官銀匠房
屋破其器物焚其衣被不持械不劫財亦不擾民事已
闕然而散被擾之家遂以該緣事生糾眾為亂訟於州
州已惡控糧之激話又以控牘方來民變遽起事在莫
須有之間而不為詳究即據訟者之詞稟於上遂至株
累達繫至數十人之多實則該緣事生之控糧意主於
弭亂並未與民謀而民之鬧糧情出於共憤亦並未與
緣事諸生謀不然既聯名具牘於州而又懲惠民亂甘
為禍首以蹈不測之危何啻倒持太阿而授人以柄此
在愚者且不肯為矧緣事諸生誦習書史夙知利害而

補過齋遺集

卷一

聖

肯為此乎民之鬧糧男婦數千人頃刻並至積怨積怒
發於一朝不待徵召而然彼緣事諸生有何權力而能
糾合四方數百里外之男婦一旦入城又能禁之使不
劫財不犯官不擾民乎且民之鬧糧上不犯官下不擾
民所仇者惟書差及官銀匠則姚州錢糧之為弊亦大
可想矣惟念該緣事生意在弭亂肯以積弊上陳則其
心可諒而事涉疑似遂至鍛鍊成獄則其情又可矜此
場大獄姚之兩庠羅禍者貢增附且無論廩生四十名
今科試保考者僅生等二人餘皆入於法網士習縱壞
惡劣者亦不應如此之多宗師為學校宗主庠序中人

苟有冤抑如赤子入井慈母必有挽救之方用是據實
陳情倘蒙垂慈伸理而昭雪之俾湯網宏開青衿蒙再
造之恩通學有天日之睹幸甚望甚此先考癸丑歲試
一等一名賓興日
上提學書也方控糧之初有招先考入名者先考力拒
之羣笑先考膽怯及祀發有逮繫者有逃竄者局外人
無一人敢過問而先考奮然遂向先生澤霖陳先生笏
齋列名上此書書中所謂保考僅三人指此卒蒙提學
為之伸理悉
開復衣頂云

上岑撫軍書 同治八年

竊生等奉督兵楊副將王科札詣轅稟陳兵事仰蒙批
示授以方略城之克復全滇之肅清為日應已不遠願
蕩平寇亂固翊贊中興之宏謨而表章忠節實收拾人

補過齋遺集

卷一

聖

心之至計姚自道光二十八年漢回交關兵端始兆至
咸豐六年城池既陷而旋復九年城再陷十年東南兩
鄉起義討賊全師覆沒前後十餘年間士民仗節死義
者所在皆有固由天地之正氣不泯於人心實則聖澤
之涵濡養成乎節義方九年城陷之時闔門赴義以舉
人曾希孔為最烈及十年討賊之師督兵進戰以文生
陳天才為尤著彰彰在人耳目間十餘年來人競稱之
矣其餘若士若民若兵卒若婦女或以陷陣死或以罵
賊死或以仰藥死或以赴水死或以不食死或以自焚
死蹈白刃而如歸甘鼎鑊以如飴碧血膏平原草大義

薄於雲天誠足以維持名教而壯山河之色夫純忠大節在諸人未嘗計身後之名而獎善褒賢在朝廷原自有旌揚之典用是據所聞見另冊臚呈伏乞據情彙奏倘旌恤幸邀不唯忠魂慰於九原而草野悉知我朝教忠之義不更維持人心風化於無窮乎臨稟無任翹首待命之至謹稟

與劉克莊姪婿書 同治丁卯

克莊姪情足下頃聞服藥得效宿病將除慰甚薄薄留之難衣物劫奪一空僕與足下所同也僕返連河三四兩兒齊發天花幸俱告痊足下令子竟以天花殞殤且

補過齋遺集 卷一

醫

又爲二豎所苦至半年之久足下所遭視僕殆有甚焉然處此時勢正吾輩卧薪嘗膽修省儆懼之時不可忽也僕以至寒之胃而有茶癖猶足下以至弱之體而有煙癖近覺茶能損精耗神極力戒脫勺飲不入於口已三月有餘或亦遷善改過之機也乎足下六歲佳兒一巨疔折悲痛可想然北堂萱草可以忘憂尚冀隨時訓勸舍姪女於尊堂處竭誠承歡滄饋致養庶孝德所感天必早賜麟兒也臨楮馳依伏維垂鑒

復朱慶五協戎書

慶五仁兄足下來諭謂貴鄉僞官俞某壽藏序文爲弟

所撰誤矣碑已踏而捶碎此事似可以不辯而有不得不辯者名節所關則亦何能嘿爾無言弟自避跡山林亦有六年守身如玉亦惜墨如金雖一紙通問未嘗輕以與人而况爲從逆之人作爲傳序勒之碑石遺臭後世以自同於劇秦美新之莽大夫乎此序想係當日與俞某往來之王雨村徐曉嵐所爲諛頌太甚自知不爲當世所許乘弟山居遠隔城市遂竊弟名以爲款識夫竊人之名以媚權要爲之者自以爲得計殊不知盜名欺世適足以自取笑罵而於弟固無毫末之損也敬布區區一洗污垢維兄鑒之

補過齋遺集 卷一

醫

癸酉三月二十日家諭

先考家諭惟孟賢所存數紙此外論諸弟者尙多今

無存矣

論孟賢接望日來稟知爾考列一等第一仲賢病將告痊爲慰至於拔場雖學憲有意培植亦不宜應爾年方弱冠學識未優雖應未必能得即使得之而少年遂意恐非終身之福不如買經史數種回家讀書爲妙考試告竣仲賢精神復元卽束裝歸來可也爾兄弟若肯用功今鄉試雖借貸路費予亦必攜爾兩人到省觀場餘不多及

丁亥四月十七日家諭

論孟賢爾往鎮南未識路上平安否德柄馬上清吉否
殊深係念家內一切如常惟小瓊德輝眼痛未愈見在
調理田內於十五六七等日插秧幸連日得雨沙溝外
可於旬日間種豆矣此論

戊子二月十一日家論

論孟賢近日家內老幼一切清吉家務如常辦理叔賢
學生已有四十餘人大姚來者又二十人訓課太苦初
十日易州尊專差來家呈送報帖一紙書信一函銀四
兩係其長孫入泮來謝叔賢予已致書伸謝爾若面晤
州尊當稱予意致謝鎮南學生共有幾人雖用心教讀
補過齋遺集 卷一 一

補過齋遺集

卷一

一

亦宜愛養精神為要德柄讀書不宜過責亦須養其心
志庶有進步耳此論

四月二十三日家論

論孟賢本月二十一日寅時四媳生男母子平安予心
甚喜林生長春於二十二日來謝季賢共銀十兩近十
餘日雨澤未降田水將涸恐秋成無望家內老幼清吉
無庸念

十月十六日家論

論孟賢得孫生嘉榮攜來之稟備悉壹是北塔書院仲
賢欲辭不往以讀書者寥寥甚屬荒涼不耐久處故也

叔賢季賢館地諸生紛紛邀約多人請他兩人在五顯
廟三元宮開設大姚李生等請爾明年在鄧家屯教授
予未答應予老矣諸子在家相依甚樂何必以區區東
修而遠離耶爾在鎮南總以養息身心為要德柄亦須勤
中有養餘不盡言

己丑十月初一日家論

論孟賢接來稟備悉一切德柄考試列名雖低亦聽之
自然不必督責若二場出著亦須接續覆試不宜遽歸
大凡子弟驟發者不祥多屈者有成爾應知之稻已成
熟麥已種畢壽具已動工上漆勿須遠念也

補過齋遺集 卷一

卷一

一

庚寅閏二月二十六日家論

論孟賢二十四日接來稟知經古榜發德柄列第二不
勝歡喜正場更要教他留心方能有望生員場發榜後
爾兄弟館內考列高等幾名宜寄一信銀不敷用無妨
於相知處借貸朱朝元若實在鎮南稍可放心近得白
井信師韓尊堂已仙逝三月中發引爾兄弟必須一二
人往弔四禮翼已刊畢州地缺紙印刷須緩此論

晉祖海若公事略

雨七八歲時頻識字嘗嬉戲於後堂仰見簷宇間懸掛
扁額一方中刻功勤賢序四大字旁刻姚安府儒學教

授某爲典吏甘文湘立數小字心異之而未識其故稍
長以問先君先君曰此吾祖父爾曾祖也諱文湘字海
若爾高祖棠公以晚年得公懼年老子幼難撫之成名
是時戶役煩苛縉紳之家有祖父初亡子孫微賤者鄉
約保長之役皆不免焉爾高祖心憂之商於公之舅氏
厲某厲時爲府學典吏吏將滿曰可以是以兒補是缺亦
足撐持門戶爾高祖然之遂以公名頂補職事皆舅氏
代理此匾卽滿吏後儒學官所獎給者也時公尙未冠
比長奮然曰是不足以趾前美而啟後昆吾家累葉詩
書之澤不可自吾身而斬遂肆力於學博通經史年三
補過齋遺集卷一

吳

十始應童子試以第一人入泮蓋去爾高祖之卒已二
十年矣嗣是退修田園不圖進取移其自課者以課子
時爾祖汝梅公及爾叔祖昭公已就學公親爲教誨不
令出就外傳督課加嚴爾祖遂以弱冠擢芹爾叔祖質
稍鈍使改業歸農曰耕讀皆吾家本業也後爾祖生子
及爾叔父泰交公已年近六旬發蒙時令入塾受學書
則塾師課之宵則公自課之呼坐誦寢室枕側必置一
食物以勵學或梨或棗杏書成誦各予一枚如是者以
爲常視且茫猶執書向明披覽不自暇逸今架上書鈎
乙塗竄琳瑯奪目皆公手澤也壽六十有二而卒兩敬

識之嗚呼家國之興視乎祖德我曾祖阜學績文以光
前緒世世子孫之楷模也予小子恐久而遺忘爰次其
略登諸家乘公初娶張孺人生先祖汝梅公先叔祖昭
公繼娶米孺人有賢行

族曾祖士雅公墓表

族曾祖諱文彬字士雅州庠生稟性剛介治家嚴肅幼
時家貧力學入泮後絕意進取惟以耕釣自娛及老而
家漸裕益肆志詩酒有高士風配王氏生三子長如飴
次玉珍三玉琳俱守先人訓安本分勤耕鑿爲衣食計
公享年八十餘用之生也猶及見之謹表其崖略如此
補過齋遺集卷一

吳

祖妣劉太孺人事略

祖妣劉太孺人先祖汝梅公繼配也太孺人來歸先曾
祖下世已久惟繼曾祖妣米太孺人在堂太孺人奉事
恪謹甚得姑歡前妻遺一女太孺人撫字存恤常厚於
己女先祖治家嚴肅內外事不使有纖毫疏漏偶缺失
卽加譴責太孺人婉婉順從綴疇緝零早作夜思兢兢
惟恐以過誤觸夫怒外曾祖諱玉州庠生有學行世居
州西代苴鄉家素封喜周戚好貧乏太孺人遠嫁每頻
頻來問遺看視而太孺人茹苦含辛未嘗向父一訴憂
勞狀一日灌園臨池汲水力不勝失足墜焉起衣履盡

徑適外曾祖至家人往告太孺人潛從後門歸入室易衣出見容色如常終不言其墜水事也太孺人性慈淑遇子婦有恩家事以身先之不苟以所難有過亦惟溫語開導從無譏議罪責卒年六十生子五男三人長卽先君次先叔榮昌又次先叔榮禧皆歲貢生女二并前妻之女而爲三一適徐氏一適譚氏一適劉氏皆太孺人所許嫁者也雨稍長請事先君輒以太孺人匍匐狀示之先母慈孺人亦常常爲雨說太孺人事甚悉嗚呼母德茂矣特次其崖略以爲後來婦女式效焉

先考事略

補過齋遺集

卷一

三

光緒壬辰之秋命兒輩修輯族譜凡高曾積累之功及族人孝友之行皆爲狀爲傳登之譜牒俾後人觀法伏念先君子讓產於弟一時聞風者化爭爲讓易乖爲和大節雖載在州乘而盛德懿行施於家政足爲子孫式法者州志所不及詳也小子雨爰舉生平所聞見而能記憶者跪而述之先君子孝友性成不假修飾其事先大父雨生晚不及見則嘗聞諸族曾祖士雅公矣士雅公告雨曰汝祖性嚴毅課役內外皆有程限汝祖母體弱每以踰限受譴責汝父方六歲時見母氏受譴卽跪及前泣涕求免轉而以身蔽母汝祖意動威遽霽自是

譴責遂希八歲受學於外翰周躍舟每日灑掃而後入塾歸則置書於案卽汲水於井摘蔬於圃凡母氏所不任者躬代操作又微察汝祖意向先事白母豫爲之汝祖父母自是靜好無間矣十八歲與汝叔同入州庠二十食餼以汝祖父母老講學於家奉甘旨課農圃事無鉅細身自任之俾汝叔得肆力於學汝叔所讀書汝父手鈔者十之七八鉤乙音釋整齊精緻予嘗見而愛之此雨之得聞於族曾祖者也雨六七歲時先君子與先叔秦交皆課徒於家先叔處前樓先君子處後樓門人才俊服麗者輒歸之前樓先君子所教類皆戚黨寒素

補過齋遺集

卷一

三

之士雨請其故曰若輩易教俾汝叔得暇讀書耳居無何先叔以食指多議分爨先君子雖讓產與弟而泣而不食者二日食而減半者數日必先叔同食食乃復常是以居雖析而食常共也先叔善飲午課畢必一入酒家先君子雖不勝杯勺而酌茗對飲歡欣浹洽無一日不與之偕道光壬辰以揆次當貢成均先叔臨場病疫遂徒步送先叔輿疾歸兼程而至足繭磊然而不以爲苦也遲貢四年而不以爲失也此雨所及見而記憶之者也雨之生也先君子四十有八矣先兄三人皆不祿雨又體羸多病戚黨以孤弱不勝嚴課請先君子謝曰

獨子恃愛多驕驕則教無所施某僅此子又爲大宗所
係失時不教墜吾宗矣爾當日雖知先君子之愛爾而
不知先君子之有痛於心也嗚呼爾之得侍先君子者
二十有五年耳先君子以道光戊申二月忽遭偏枯之
疾左手足不能舉動命爾代課生徒改一藝必呈以觀
講一書必述以聽時以誤人子弟爲戒七月望日祀先
於家猶命爾扶掖適正寢參拜拜訖訓爾曰居心以忠
信爲本處人以寬厚爲量立品以清潔自持事叔父如
父持吾喪以禮勿從俗而修齋醮勿違禮而侈浮蕪吾
心安吾日暝矣二十九日疾革不能言合目若寐聞先

補過齋遺集

卷一

聖

叔至則啟驗熟視如有不忍舍者竟執叔手而長暝矣
嗚呼先君子愛弟之情詎有終極乎又豈小子爾所能
殫述乎小子爾以光緒十三年選授廣西州訓導間二
歲逢國大慶得邀皇恩贈先君子修職佐郎妣贈八品
孺人而先君子見背已四十二年矣自顧不肖之身亦
頽然就衰懼懿行之久湮用敢追而述之登諸族譜俾
我子孫有所取法庶先德不墜以慰先君子於地下是
則小子之所深望也

先妣羅孺人事略

先妣羅孺人州西代苴村羅公升之之第四女也乾隆

四十九年十月十五日生年十有八歸先君子咸豐六
年九月十四日卒後先君子八年壽七十有三初先君
子與先叔同居家政皆先君子主持先妣佐之承而不
專有役則身趨之不責望諸娣諸娣有失悞輒引爲己
罪家眾或以怨言詈先妣先妣笑謝之年逾艾猶與姪
婦共修中饋事不以爲勞每年終製衣先君子購布付
先妣給家眾先妣按長幼均分之不足則推己所應得
者以與之又不足則并己子女所應得者盡予之或累
歲服垢敝家人完美自若也後議分爨先君子讓產與
弟先妣體夫之志凡釜甑碗碟匙箸之屬壹聽諸姪婦

補過齋遺集

卷一

聖

所取其朽敝弗取者先妣存以備用不與爭較多寡先
妣仁恕寬厚待族黨姻眾恩禮有加族曾祖來仙公少
爲三教菴道士親老歸養家居不出晚年不能自炊先
君子謂先妣曰來仙公耄而無依子欲迎就子家侍養
以終其天年何如對曰此妾志也於是具饘膳必求糜
爛躬補綴必求緜密來仙公慣早起先妣恆温盥以待
來仙公常愛而呼之曰大女視先妣猶女也先君子一
姊二妹姊歸徐氏年且耄先君子每有酒肉必迎姊來
共食姊輒食不勝中夜泄瀉溷穢積寢室先妣躬爲掃
除無難色故姊每歸寧先妣在則信宿不忍舍去或先

妣他往則一飯即返蓋有非先妣而勢不得留者先君子投徒家塾從學生有幼穉者飲食起居先妣必省視之俾適饑飽寒煖之宜故幼兒從師者多負笈先君子門下其父母曰師母賢吾兒在外如在家也後遭寇亂再奉之避難外祖家邁疾卒先君子門人聞訃至哭臨如喪其母云先妣善理內政勤無隙休儉無毛棄羸事縮食習以爲常生平不以惡口厲色加人事先君子五十餘年婉順劬恭從無違犯先君子或因他事致怒必從容和解唯於兒女不捨其過雨女兄五人女弟一人四姊早逝餘各出嫁有家方諸女在堂先妣教導峻整

補過齋遺集

卷一

壽

稍不順即裁抑之許字後簪珥衣服及諸資妝先妣豫爲辦治嫁五女皆不煩先君子臨時拮据也雨上有三兄不幸早殤存者唯雨亦不姑息雨受書先君子課之嚴先妣不以獨子故爲請寬假有過悞先君子或扑責之退後先妣諭之曰汝勿使性幼不受父母教長何能成人十一二歲時家中瑣細事不待先君子命先妣即督令操習曰汝如是大尙不能代父勞耶或與羣兒有所往必戒之曰兒去毋從羣兒作無益戲不則蕩而性溺而志必致墮而學貽而父憂嗚呼雨今年七十矣去先妣之卒已三十有七年每一追維猶覺慈母之訓依

依如昨日也

側室楊孺人墓誌銘

光緒四年九月庚午雨之側室楊氏卒十二月甲申葬州西朝陽山先妣羅太君墓之北雨誌其墓曰孺人諱蓮江右監生玉山公四女生二十有四而歸雨孺人未嫁善事父母既嫁事先母以孝聞二十六生子孟賢二十八生子仲賢三十四生子叔賢三十七生子季賢生女鍾鳳鍾蘭皆不祿孺人靜專寡言善理家政遭亂離隨吾奔馳二十餘年卒不怨其苦癸酉回籍是秋長子舉於鄉越三年丙子次子亦中有司式孺人意甚適無

補過齋遺集

卷一

壽

何老疾時作竟以五十四歲終吾以孺人孝事先母且從吾於困苦中不可忘也因祔葬母側銘曰生不忘姑死葬姑側於靈則安於禮不忒嗚呼痛哉令我心惻

范烈婦傳

范烈婦不知何氏女夫范姓行六浙紹人精刑名學人呼范六先生咸豐九年知州普惠聘入幕攜妻女來居州署之西廳是歲十月惠統鄉兵往白井勦夷匪先生從焉留妻女署中已而州城陷烈婦聞變縛其兩女於几解足帶縊之旋自縊賊入署拋其屍於城外三日面色如生有乳媪過而識之曰此范師命妻也藁覆而土

揜之

卧雲野史曰州署西廳署中人所稱師命房者也城陷後賊之書記某移烈婦母女屍涓潔新之出掠美婦殺其夫而居於廳美婦鮮衣華飾肩輿出入洋洋焉自鳴得意聽一也前之居者何其潔後之居者何其穢玉碎瓦全判若霄壤遺臭流芳只爭一息嗚呼人之立身可不慎哉

蘭英傳

蘭英者九畹人也母夢天使而娠使詹尹筮卜之遇遯之咸其繇曰利於肥遯幽人之貞不事王侯其道大亨

補過齋遺集卷一

三

及生異香滿室人曰此國香也當為王者之瑞既長循該養母以孝聞舉孝廉與郎官捧雞舌香入值郎官貪黷英羞與為伍援琴作操以見志遂解職去隱於湘沅之間時有達官遭纒被放澤畔行吟以離憂寄諸歌詠英遇之氣臭相投遂為斷金友每因時興感望美人於西方自據其抑鬱不平之氣既而達官溺於汨羅英家居寂寥徙窮谷中慨然曰知己無人孤芳當自賞耳汜光風池清露與世相忘然芳澤襲人終不可掩有聞風相悅者披榛來訪英深匿之終不與俗人見最後得淇園先生秋圃逸士結為三友卒全晚節云

太史公曰英初有志用世而避汙就潔迹江湖可謂高矣韜光匿彩晦而彌章亦芳馨之體自有不可揜者歟卒與淇園先生秋圃逸士結世外之三友德不孤必有鄰信矣哉

公祭昭忠祠文

嗚呼命稟於天完忠貞者獲考理能勝數有氣節者常伸故志士捨生仁人赴義近之為朝廷振興士氣遠之為天地扶植綱常忍片念而慙於一心屈一時而伸於千古是以疾風勁草宇宙推為不朽之完人而褒德昭忠國家因有必隆之祀典諸公稟扶輿之正氣識君父

補過齋遺集卷一

三

之大倫際大羊肆逆之秋矢松柏後凋之志歲逢己未月在孟冬禍起蕭牆十萬之賊兵猝至變生肘腋四城之管鑰頓開公等或望重縉紳結纓而就義或職居官守握節以效忠或以草野良民凶鋒忍受或以香閨弱質曾井甘投或慷慨以焚身或從容而仰藥或拌父子夫妻以一死而萃忠孝節義於一門生為王國干城劬作人倫楷則蘿山增色與常山之節義俱傳棟水流清共止水之波瀾並壯矣惟是銜鬢飲血野外固多無主之幽精而束革裹屍沙場更有未歸之靈爽天陰雨溼樓涼蔓草荒烟夜靜更深冷落寒霜曉露不昭祀事矣

慰忠魂爰修祠宇一區告竣本年六月乘中元之令節
作木主以入祠虔備犧牲用伸祭祀嗚呼披肝瀝血昔
日捐軀之士卓爾英光齒齒穿眼當年野戰之夫巍然
廟貌同為正直之神共饗春秋之祭尚饗

送送祭曾翹松先生文

巖巖巖嶺秀氣橫空棟川北走勢如長虹篤生先生才
駿志雄剛大不撓勁草疾風慷慨一死大節純忠已未
孟冬寇兵有作我官吏據我城郭先生聞變神色自
若見危授命不忘溝壑子死其父妻死其夫弱孫受刃
慘及僕奴神歸箕尾血灑平蕪泰山等重先生之死輕

補過齋遺集卷一

美

視軀命鴻毛為比是夏六月讌集張氏先生拊膺感傷
時事飽視鼎鑊偷生為恥素志已定自許如此先生謂
予子將如何予曰肥遯在山之阿先生曰嘻隱者誠高
既遯荒野磨墨吮毫名山著述寸管獨操撫我逸事一
字為褒先生有言予豈忘心凶鋒肆毒奄忽到今魂招
楚些感舊情深焚香酌酒悲淚泔泔愁雲黯淡白日西
沈魂兮來格鑒此微忱尚饗咸豐己未十月州城陷翹
松先生祖孫父子夫妻主
僕一門殉難明年庚申七月既望先考為此文招魂以
祭先是歲六月讌集城東張氏家言及時事先生慨
然以死自誓問先考曰隱者必著書自娛果如是肯為我
招遯事表章之乎先考嘿然蓋心許之而懼事變難料
不敢輕諾也亂平後先考纂修州志為先生立傳列入

忠義一門文中是歲六月以
下一段指此男孟賢謹注

關甥倫哀文

嗚呼關甥二姊佳兒震亨一索主器實資幼率兩弟事
我以師擲書兀坐和氣怡怡擷芹歸去禍變旋滋有寇
西來踞我城池毀巢取子為鴉為鴟從亂如流大局孰
持烈烈陳君奮舉義旗甥實參佐羽檄交馳誓掃凶逆
復我邦基援兵不集一木難支陳君慷慨臨陣指麾賊
驅精銳悉眾來追糜爛以敗遂罹凶危功雖不就志則
可悲為而不成終勝不為甥全公義我悼其私我姊疫
死時際亂離甥又凶死家道陵夷哀甥念姊痛徹肝脾

補過齋遺集卷一

美

寢與寤寐如或見之引領南望煙雲迷離嗚呼痛哉
姑長子姪南鄉人少從先考學弱冠遊庠旋丁咸豐己
未之亂城池陷沒南鄉文生陳君天大暗招鄉勇起兵
討賊為書招東西北三鄉同日舉事四面合攻期以必
濟倫實左右之至期天大統東南兵勇攻勦而北至大
石塘西北援兵不至賊悉眾來
敵遂大敗倫與天大俱歿於陣

施生為政哀文

嗚呼施生溫文儒雅身陷於賊溷跡戎馬封豕結巢點
蒼之下雄關扼險洱河西瀉生乃倡義欲覆其巢拔劍
而起誓斬騰蛟期率滇西歸命天朝反逆為順大義昭
昭率我坊勇從爾寶酋陳說利害借箸以籌逕上蒼洱
據爾祕謀夜半舉事突起戈矛時乎不利一潰難收憤

慨就死斫嚴顏頭天木厭亂於生何尤嗟我避亂遯跡
連水閉口捫舌不言時事乃有妄人昧於事理具牘請
兵竊名入紙災來无妄禍不隔咫尺生為解救免我於死

吁嗟施生惟我與爾分則師生恩則父子吁嗟施生情

何能已嗚呼哀哉為政城東人先考門人也己未城陷

為政為文明陳說順逆又言江南髮匪已平國運中興

為政事不久當平文明心動遂有反正意為政率吾九坊

兵勇隨文明因事入大理城夜半舉事有泄其謀皆遂

敗文明被殺為政亦死賊擒從事諸人鞠之皆曰九坊

人杜文秀深恨之役有賊首來守姚遂改九坊為九甲

云先考避難連河岑襄勤公進兵勦鎮南有王某竊先

考名具牘請兵襄勤兵潰牘為賊所得執之來姚捕虜

中有名三十餘人禍在不測為政從中營救三十餘人

皆免於死文中所載竊名入

紙一事指此男孟賢謹注

補過齋遺集

卷一

本

補過齋遺集卷二

姚州甘雨潤之著

男孟賢謹編次

詩

仁靜禪院課徒

此咸豐己未之作先考逆暗回夷內証禍變將成於是歲正月攜孟賢及學徒三十餘人課於仁靜禪院自號臥雲山人示不出也院在連河之東是冬城陷遂攜家避連河十六年既免於難亦不受偽職之汗以見機之早也時又有題齋室聯云權將丈室為書室聊借禪心奇道心並附記之男孟賢謹注

不願違心逐俗

山深寺靜好藏身萬千花朵近階笑

三兩書童作伴親法鼓聽來空世界禪關踏破悟前因

從今妄念須消淨獨臥雲泉養性真

補過齋遺集卷二

遊鳳山廢寺

寺在連河之西男孟賢謹注

岩堯鳳嶺雨時秋躡屐登臨頗自由灰燼村墟無寸瓦

流離客路少歸舟僧逃寺毀鐘聲杳木落山空野水流

抱樹溪雲殊不定隨風舒卷去還留

書懷

烽火連年春復秋德鄰仁里亦戈矛世風似水惟趨下

時事如雲總是浮只有丹心常捧腹不堪白髮漸盈頭

樊籠脫去閒身在好共深山鹿豕遊

未技從容問緩和中年歲月浪消磨

原注予為憐舉世方業醫

皆沈痛誰製靈丹起宿痾塞上征夫歸國少鬪中少婦

寡居多人間不有回生劑滿地瘡痍奈爾何

學書學劍兩徒然虛度光陰四十年老因名場休道命

中遭時變只由天避黨幾日遊山寺觀化終朝看石泉

釋子也知高隱趣攜書坐讀野林邊

望老鴉山

原注山在連河之東咸豐庚申彌河人避兵山巔築壘自衛失火焚死男婦數

天氣陰陰柳帶煙出門忽見鴉山巔可憐彌水千人命

忽被狂風一火然骨冷寒灰悲此日魂飛烈焰痛當年

愁雲度嶺日光暗颯颯西風啼杜鵑

獨坐危樓對夕暉於今世事太相違池塘花草今猶在

城郭人民已盡非傲骨自憐孤鶴瘦癡心尚愛鱖魚肥

囊中檢點誰堪讀一卷離騷寓意微

天濤射狼行

夜雨春燈暗茅屋坐聽鄰翁頓足哭叩門問翁哭何悲

翁言豺狼肆凶毒今晨門外捉柳花噉我女孫年十六

村人聞狼走且呼壯男八人提戈逐逐狼人去人已死

牙穿其頸洞其腹哀哉子家三十人死相繼如滅燭

火男三男四男沙場一戰遭殺戮時疫沿門病不休

諸婦繼死埋幽谷男孫女孫並老妻四人雖存實孤獨

不堪十六小女兒又遭饑口飽血肉我聞翁言爲翁痛
寸心慘裂嬰劍鏃人生不幸逢末季兵疫饑饉相反覆
而况豺狼逞其凶伏藏幽草隱叢木過人輒囓嚙嘔死
貪心何日能饜足我自避兵姚之西三年卜居連水曲
蒼黃推燠嘆時轄四方靡騁嗟蹙蹙豺狼當道我心悲
感時不覺淚盈掬

九日登華藏嶺源註詞

笑挈親朋踏翠岑東山高處快登臨村墟寥落難經眼
世事蒼茫懶計心菊酒載來多醉客松風吹到老龍吟
宜情惟有秋蟬聽日暮枝頭送好音

補遊齋遺集卷二

三

客邵甸原注于以同治己巳九月奉揚協戎散赴省稟陳軍事畢途中多盜不敢歸時高

助勤子遂率同人至邵甸俟其調兵至一月之久始得歸歸則十二月月中旬矣

策馬歸來不計程迂途轉宿邵新城原注邵干戈滿地

國多盜征戰連年民盡兵寒夜梅花入夢遠沿河楊柳

逐風輕關山阻絕無音問客裏思家動別情

貧心步臥雲樓故址在仁壽院先考已未課徒也後火於兵男孟賢謹注

梯閣山林萬木疏當年於此讀羣書而今瓦礫盈階砌

祇有松風尚似初

步映月池憶僧香溥池在仁壽院香溥寺僧之有戒行者男孟賢謹注

記得昔年遠避秦清池映月好垂綸蒲團坐化禪僧杳
泉水西流不見人

與余題張鸞乘槎圖

不乘車馬不乘船浪裡浮槎貫月邊疑是神仙多幻術
駕雲直上九重天

送別友人

英姿晤對已經年忽聽驪歌思悄然人到離時情更密
交難天下士皆賢聲華斂盡真知己道義相成亦夙緣
杯酒饒君慚味薄無窮別恨滿霜天

曼前韻述懷

補遊齋遺集卷二

四

駒隙光陰周甲年頭童齒落鬢蒼然無心問世趨名利
信手拈書晤聖賢十畝耕桑誠可樂一生富貴總無緣
羨君此去舒鵬翮老眼遐觀雲外天

己卯清明日墓祭悼側室楊孺人

令節清明雨如絲柳陰深處啼黃鸝家家墓插柳枝
我亦折柳招故姬憶昔十年經亂離嗟君隨我遠奔馳
蒼黃西走路傾崎我負老母君負兒百里走避山之陲
哀哉母病竟垂危母病不能暇粥糜兒乳姑君樂爲
延我母命旬月期孝婦哺姑勝良醫母喪甫畢亂復滋
君隨我避連河溜我甘貧賤惟君知頻年黎藿慣忍饑

愛惜物力芥無遺百種成衣數米炊苦辛嘗盡歸遲遲
整我田廬結藩籬兩兒鄉舉拜母慈君弄弱孫笑含節
老境回甘不須疑剝復循環理如斯茫茫天意竟難知
三朝寒風入薄帷嗟君一去去何之塵生簾幙淚暗垂
試將往事閒追思風雨淒淒不勝悲我豈爲君情太癡
最難忘情患難時

送別劉永齋孝廉入蒙化幕

留君無計送君行一曲驪駒唱短聲此去蒙陽三百里

春風依舊幕簾清

一年聚首共晨昏情意相投儼弟昆杯酒聯歡談道義

補過齋遺集卷二

五

樽前何止細論文

題門人陳雲峯且園

消息天地機有剝必有復聽之以自然妄想即非福君
看且園居舊時曾卜築有亭形翼然有徑堪蹴踘栽植
陶宅松培養渭川竹曲水浪悠悠瑤階花簇簇每值春
夏間遊人來往熱借以賦詩歌借以娛心目候忽起狼
煙烽火竟連年幽人避世出幽居無寸椽林木皆濯濯
河水徒涓涓蒿目荆棘滿那見芝蘭鮮滄桑二十載風
景忽煥然否極泰復開天心漸轉回琴書一擔足之子
賦歸來三徑就荒久注視且徘徊未暇謀衣食先自闕

草萊茅屋三間築竹梅一徑栽種松兼插柳鋤月皆自
手清幽益有蘭蕙菖池多藕或疑桃李園須罰金谷酒
或稱靖節居菊花爲我友愛蓮說濂溪探梅訪林叟詩
客與酒仙漸向園林走消閒共局棋樂飲較杯斗吟詠
細推敲唱和在郊藪我亦乘興來題句隨手口不計拙
與工聊以寫予衷感慨目前事追思舊時同半生閱人
世多少替與隆盛衰復盛看此且園中聊作短歌誌
談笑說始終

秋夕過且園

散步郊原日漸低故人邀我到園西呼僮煮茗花間飲

補過齋遺集卷二

六

染翰聯吟石上題淡菊有香留老圃殘荷擎蓋出汀泥

歸來好是黃昏後隱隱波光月映溪

喜雪

天光上下白平鋪身世端然在玉壺安得玉維精繪筆

寫成積雪輞川圖

種蕉

豈爲學書始種蕉成陰最喜脫塵囂生機靜息終能活

說與兒童莫動搖

遊大石壩

老去遊情尙未降壺中有酒喚兒扛紅桃滿路通源水

綠柳垂隄映石在浪裏浮鷗多結伴風前聞笛不成腔
分明一段西湖景卻少漁人泛小機

百言司訓瀘西病中感懷

昔行作客已千里浪博微官冷如水盤中止有苜蓿供
猶恐素餐受訾毀自愧年衰無計策覲顏稱師對多士
無聊獨坐晝難消繙閱架上殘經史忽忽老病侵人來
冷熱時作不由已風雨虛窗永夜燈問煥請寒惟一子
家山蝴蝶夢中歸客思吟蟬深樹裏我欲久戀宦途濃
百憂感觸從中起觸動離憂難久住忙促歸裝具行李
亦知簪組榮我身煙霞繫情不自己况復世事與願違

補過齋遺集

卷二

七

次前韻留別瀘城諸君

騎鶴高峯互百里縈迴遠抱盤江水雄峙東南第一州
鞏固金湯無缺毀山川鬱結靈秀多鍾毓特生瑰奇士
武有斬將擎旗功原注指張吳兩君文人屬詞本經史我因秉
鐸遊名邦千里萍蹤結知已署冷官閒太無聊談心賴
有諸君子芝蘭氣味兩相投契合妙在性情裏好望諸
君振羽儀鯤鵬變化冲霄起春風尊鱸動歸思只因嫌
疑避瓜李雅意相留感盛情我心實有不能已世人皆

言宦遊樂豈知可行亦可止來無歆羨去無憂琴書一
擔重料理此去天涯各一方暮雲春樹思之矣

意興未盡再賦七絕六首并以索和

詎因祿薄始辭官歲月催人不自安歸去黃花開老圃
消閒三徑飽貪看

悠悠瀘水寄萍蹤良友相親意興濃老病思歸留不得
西窗剪燭話離悰

來是無心去有心休將得失感升沈家山風景堪娛老
秋水寒潭月滿林

小佳瀘西亦夙緣要知位置有蒼天宦情淡處歸情切

補過齋遺集

卷二

八

老去得官轉自憐

聊將文字結因緣信手揮毫賦短篇高和定教珠玉唾
仙心送我到蛤川

山光萬點繞城青風景宜人馬暫停一曲騶歌催別後
幾番惆悵在長亭

遊廣西州東寺

策馬出城東登臨古寺中村陰疑有雨座爽不因風修
竹當軒綠山花繞徑紅幾杯香茗啜萬慮盡消融
徑曲疑無路巖幽別有天閒看雲出岫靜聽鳥談禪清
碧風中遠叢蕉雨後鮮將歸猶戀戀擬結再來緣

遊廣西州西寺

曳杖登臨笑眼開
滿山佳氣撲人來
足經危磴常防滑
身似飄蓬轉自哀
滿地黃花如我瘦
參天翠柏問誰栽
老僧似解閒遊趣
鐘磬泠泠送客回

題曹玉東先生遺像

人生直兮罔生免
此理世人知之罕
先生秉性獨忠貞
不似庸愚志淺短
早歲有志奮青雲
雞窗誦讀無間斷
長棄儒術精歧黃
濟世功神同和緩
忽遭變亂起羣凶
暗襲州城欺愚蒙
守土宦紳膏白刃
城鄉內外血流紅
先生誓死不從賊
舍生取義知報國
堂堂正氣還太虛

補遺齋遺集

卷二

九

棟水山川生顏色
先生雖死亦如生
千古芳名史筆勒
吁嗟乎先生之生
山川秀靈先生之
死河嶽日星一片
丹心千古馨令人
思慕想儀型况存
遺像寫丹青嚴氣
正性生時形我今
瞻拜情難已舉筆
作歌當青史猶冀
褒封來聖朝載入
忠烈亭廟祀蒸嘗
俎豆奉千秋也應
含笑九泉裏

病中偶作

此先考絕筆也作於乙未正月十七日

書五紙並作此詩十八日病僧

年來無事覺心寬
一病纏人總未安
自顧桑榆傷景晚
正逢梅柳報春寒
此身叢過思今補
老眼看書較昔難

天地生機原不息且將物理靜中觀

補遺齋遺集

卷二

子

生

人銘

遺

夫

集

河陽盧氏慎
始基齋刊行

序

吾鄉李子銘先生詞賦高才夙絕里黨賦性豪邁磊落清狂自負所爲詩篇摹擬太白歌行似香山哀豔動人江漢學者莫不稱誦之先生善書法興酣落筆輒書數十紙獲者珍如拱璧苟不屑其人雖重金索之弗顧也先生歿後身世蕭條生平著述大都零落每欲訪覓遺藁苦不可得今年席君襄坪郵寄先生手書焚餘詩草展卷讀之欣喜過望席君保存先輩手澤之功誠不可沒亟寄余弟慎之付梓屬以校勘之役惟是吾鄉夙稱澤國數苦水潦士夫頻年奔走饑寒交迫不遑學問固於固陋無所師承先生獨具卓識之資負絕世之才鳳鳴高岡不同凡響其所以矜式後學者爲足多已藉使先生不困蹙窮僻之鄉得與當世賢士大夫相周旋雍容

序

誦詠當稽於古作者之林不僅播聲譽於江漢閒可斷言也吁孤寒常有以挫其氣環境不足以展其才可慨也已靖少時妄不自量鄙帖括不爲專治經世之學爲貧賤所窘又局於疇人之術鄉人士多非笑之獨晉謁先生侈口狂談頗蒙寬假不以常見相目且時有獎誘溢量之辭光陰彈指忽忽五十年矣音容回憶宛如目前而靖白首老病坐廢津門條逾十載學術功業百無一成有負先生之期許愧何如耶讀先生遺集尤慨然不能自已者也壬戌三月同里後學盧靖序於天津知止樓

序

獨自少年出就外傳稍壯遊游江海往往數年或十數年不一歸故鄉之山川風物時時縈繞夢寐閒而故鄉之先哲耆舊尤時時景仰私淑不能忘蓋敬老尊賢與愛鄉之念人情所同然非有所阿好也吾邑李子銘先生高才絕豔卓犖一時詞賦雄贍博洽超邁不羈賦性豪放落落寡合先大夫嘗稱道之觀其爲先大夫所書屏聯勝幅參合蘇米而神妙其閒可以想見其人顧其詩文散落未及流傳鄉里後進欲求所以徵文考獻者卒不可得家兄木齋嘗有志輯刻吾鄂先輩遺書彌謂行遠自邇集腋成裘盍先自吾鄉始近覓得先生遺藁一卷亟付梓人挑鎔校讐恍如與先生晤對一堂親受教益於几席閒總使先生功名富貴煊耀當時未必有意於文詞浮雲夢幻倏忽消沉姓字磨滅草木同腐求如今日後生小子之私淑景仰與故鄉之山川風物流連詠詠同垂不朽者恐不可必得嗚呼先生之不幸或亦先生之幸也壬戌三月同里後學盧弼序於都門寓廬

序

序

子銘先生遺集

河陽李皋

春日出武昌東門尋覽至卓刀泉汲飲詠歸

一路經行處垂楊盡向西野雲如白鶴深樹有黃鸝澗水流
入葑山花入馬蹏似忘途近遠隨意度前溪

十里隨飛絮春風滿店香途人多負販村女儉梳妝水聚新
苗活田乾大麥黃漸看塵市遠烟景似吾鄉

斷嶺迴爐落高峰出樹林石平官道闊松古寺門深老衲無
塵色寒泉見道心如能謝人事常日此追尋

江上送人東歸

夕陽見人面遠影船頭立不願有西風吹得船去疾

登寶通寺浮圖

子銘先生遺集

盤空千磴鬱崔嵬滿目風烟絕頂開野闊江依平地轉春晴
山負遠天來却看塵土連荒驛早識星辰在上台北斗迢遙

呼吸近不知誰擅碧雲才
雲天翹首竟蒼茫披髮何因下大荒到此當逢青鳥使全身
都作紫霞光浮生落落心千載前古悠悠淚幾行王粲不來

崔浩往村農離醜酒人狂

題袁氏倚樓

樓在黃鶴樓北面東北

相逢道是息機人結宇層巒迴出塵小立招同黃鶴語幽棲
夢與白雲親檻前花草依依發屋外烟霞局局新太息江頭

奔走客幾回風雨向前津

烟波滿目愁崔浩芳草千年葬禰衡弔古其間滋悵惘買鄰
於此慰平生地維穩載東流闊時嘆夷擾江
浙甫退去天守高懸北斗

明子美草堂多過計悲歌未及爾閒情

金支曲

無邊芳草連天綠捲地落花紅簇簇樓臺歌管聚羣嬉唯有
傷心人獨哭聞道錦城春色賒女兒顏色鮮於花生小自憐

遭磨蝎却教纖手弄琵琶琵琶聲逐水東流巫山雲連楚水
頭楚國風騷委荆杞蘅蕪何處生遙洲哀音苦曲問誰識對

此零涕增長愁昔年女伴常相見開奩各闕紅妝面淺笑深
顰一樣嬌梅前戲賭黃金釧傳來消息到江鄉雕梁泥暖巢

雙燕記否昔時共命人祇今零落搖歌扇自古才人多失路
孤飛忍逐羣鷄鴛寒水繡遊星文刀寶光夜黯珊瑚樹美人

自怨容華銷妝成竟使朱顏誤可憐紅粉太漂零可憐孤影
寄伶仃阿嬈遠住蜀山西阿爺不管猿哀啼廝養亦任驕羅

子銘先生遺集

綺坐使軟玉投汗泥燈花昨夜照人泣滿袖斑斕紅淚濕侍
兒強起倦難扶心已成灰軟無力漂蓬斷梗復何方流水東

風催人急馬骨誰信值千金而今最好修眉色我亦生平不
得志偶語忽聞關心事勸君愛惜金縷衣勸君珍重少年時

玉裏金鑲無定質世間終竟有真知聽我高唱金支曲天風
裏裏吹晴絲

擬古

美人在空谷空谷生幽蘭採擷動盈把將以遺所歡所歡常
居處七寶合離闌其中長紫芝玉葉青琅玕亦知非所愛輾

轉不能安過時而不採且恐秋露殘况乃道路遠風日愁枯
乾舉燭怨淚盡抽繭怯絲單素心不可見方寸多波瀾

有女臨妝閣攬鏡看長顰雙睛不肯轉視此鏡中人芙蓉媚

秋日桃李嬌陽春卷施心獨苦乃不爲灰塵起滅千萬慮一
意不辭頻寸心幾許地中有雙車輪手鏡忽欲墮清淚盈羅
巾

織就迴文詩反覆再三吟鳳鸞爲我泣浮雲爲我陰將以示
情人輾轉愁意深意深多委曲端緒誰能尋披胸見脾膈君
心非我心焚之滅手蹟何用飽蠹蟬

十二能織綺十五能採桑同行諸女伴都祇如我長伯姊董
雙成昇霄騎鳳皇小妹劉懿眞控鶴雲中翔仰首扳弄玉移
時送蘭香低頭亦自顧釵釧爛生光石華紆廣袖絲履曳文
章帝子降北渚何處是瀟湘

孝感道中

繞道出崇岡幽花滿路旁石盤如馬大松立比人長野積黃

于銘先生遺集

三

連屋田苗綠過塘不知流水意何事出山忙

亦爲農人喜新田雨露饒相風懸繭子關水放魚苗大飽形
俱澤牛間日似驕征夫懷往路烟裏去迢迢

分水嶺

萍蓬漂泊遠來過牽挽回看卅六坡堰口排山截楚界嶺頭
分水下淮河遙瞻北極星辰近初入中原意氣多自古征人
常感賦接輿安肯廢狂歌

雜詩

驅車齊魯地默默數城邑矮屋周泥牆罅漏晴補葺野人蹲
而食麤飯飽梁稷破梓盛苦茶泥水生鹽汁老人負耆來糞
土途中拾蓬頭少婦人求薪擘枳棘後隨赤脚兒呱呀牽衣
泣連年聞歲豐升米值錢十官貴蕩侈增市肆巧偽集環視

鄉里間生意日凋瘵穀賤轉傷農豐年亦不給吾鄉水災頻
想像更愁悒

人生一倮蟲醜形甚畜類被體飾儀容偉然與畜異聖人制
衣服典章文物備大袖裁闊幅垂裳至被地長襟中不分不
見下歧二歷古雖變更率不逾此制豈不厭紛繁紆回而遲
滯豈不樂簡率便捷而輕利晨起必梳櫛衣冠多附贅所以
約束人舉動勿輕易修容逾晷刻積刻少惡事手足不偃佻
奔趨鮮恣肆本朝尙武功勇壯人畏避窄袖持弓矢開襟便
馳騎高領不在衣轉顧容睥睨頭毛無幾莖囚首免譏刺周
公走見賢不必握髮至以此示斯民懦夫有立志馴致天下
強聖人有深意

于銘先生遺集

四

星聯中稜易解攜厥制名曰馬袖短露馬蹄天上樞密地庶
務煩指揮短袂便作事新式滿黃扉人人競仿倣天下皆軍
機將軍盔在首圓頂見應稀舉步削到底竟與寬平違窄袖
緊切肌如羊足不肥東夷人類此瘦臂輕挈提傳云服不衷
古言可與稽天下所習尙達者知其幾宋人腰上黃示兆幾
亦微視履錯倒底堪嗟人事非君子慎服物道義生光輝
通衢榜條教諄切勸輸將大僚計國用發議何周詳我思運
京米紆折來帝鄉迢遙幾千里脚尾千餘艘通計所需費斗
米一千強天地生人物各地皆有糧精者奉尊貴蠹者給蚩
氓不仰食外郡俱樂豐年穰必欲致遠物輕稅徠行商古昔
異國時南北分土疆南國未輸糶北地儲困倉當今四海富
玉食奉吾皇運艘箱龍首布袋拳藉黃趨走及承奉赫若越

軍裝因思鑄錢法水部羅高堂采銅白滇省車船接遠方爐
火並工需鑄銖當較量鑄錢十百成費已兩倍借計銀一兩
值兩貫錢陌長給發論市價半兩千錢當誰秉司農政斯言
試與商

過十二聯橋

十二橋頭駐馬臨萬行烟柳碧森森蒹葭搖漾飛鳧浴忽聽
漁歌入浦深

秋水涵天動午潮銀漢千里護層霄過來詞客驚心眼不數
揚州廿四橋

燕南趙北

古稱感慨悲歌士今我來斯不可聞車轍滿前何處往野田
幽草綠紛紛

子銘先生遺集

五

呂仙祠

征車滾滾入京華未熟黃粱夢想賒開煞呂仙祠畔樹年年
開發馬纓花

捧日篇咸豐元年山東旅次題壁

紅雲捧日出扶桑翹仰高岡集鳳凰九域萬年增氣象層霄
五色燦文章孔公自道從周禮魯國誰知過楚狂賈誼憂時
多痛哭漢家天子是文皇

卅年在位矢憂勤四海悲歌頌聖君鸞爵行權從宰政和戎

垂淚許將軍道光初年欲停捐大臣議以國用不足不果得

遺殊錫膺隆禮徐制府葉中丞皆封爵獨鑿勞臣起廢員林少穆草野起用

聞知天上事求賢不得更情殷

公車催發到巖阿黃榜頻開進士科通顯有時嗟老至饑寒

無術患才多慢言卜式知廉恥自詡蘇秦善揣摩論孟經言
隨制發文章根柢日消磨

生財大道帝王師霸國權謀亦用奇升斗不須求省齋茶鹽
或許相機宜豈容聚斂頒條教要使司農領度支中飽暗耗

無益費利源生聚本無涯
關河險扼地圖開有客行經萬里回地遠始知民氣悍時清

真見戍樓摧軍名待補常虧額武舉須求異等才益餉增兵
皆浪說岳家軍少奮如雷

漢武開疆萬里通威靈炬赫震西戎秋天衰草羊眠雪夕路
驚砂馬畏風得地不毛猶轉餉其人革面亦稱功明時交趾

終淪沒鄙遠空勞議戰功
周家同姓藩共主漢室諸王啓大謀但使朝廷無隔膜須知

子銘先生遺集

未

胡越可同舟往觀三代勤耕織仰視諸星見女牛孫子繩繩

瓜衍蔓聖人謀慮及千秋
最惱官人間取樂深愁兵力懈防邊無窮金玉烟中燼萬族

魚龍火裏煎厲禁打教鴉片落緩攻催使鵠形痊通商不賣
退方物近見芙蓉種滿田豐粟花一名阿芙蓉

滂沛甘霖下九霄年年陰雨膏枯苗哺兒不辨親妍醜畜大
何知主跣堯况際聖神深愛養只虞搜括重科條溪毛泔水

皆天澤遍宇繁星護斗杓
雲天翹首金門遠風雨歡心玉燭調姬錄方興綿嗣德楚人

多感愛離騷側聞漢帝求言詔思獻唐民擊壤謠累牘不辭
干禁忌涓埃期補聖明朝

夢登泰山吟

白日皎皎昇高穹雲車縹緲乘靈風珠幢羽葆紛前導翠崖
金壁行長虹蒼松古竹露華洗玉磬徹耳聲玲瓏漫空雲氣
填胸臆浸天秋水涵青瞳下視不知幾萬丈碧霞銀霧浮中
峯蒼犬俄對立元鶴乍高翀白玉爲馳道中有朱門通珠光
照耀金闕龍從雲衣綵縹羽帔環璫平生不審此何所羽客
謂余青帝宮青帝手中握春布八表漫天匝地皆併懾生生
無止極永永不終窮隨大化之遷轉與元氣爲始終空中渾
渾藏幽宵天鷄長叫驚頑聾金蛇萬縷忽電起海波倒映東
天紅水底火輪初湧出流沙萬里光瞳瞳大地震盪不得定
須臾半壁青山融排神馭氣行虛空全身金色生雲中紫烟
赤道相間發赫若大爐然紅銅平生卑微偃塞不稱意天地
鼓鑄無神功飛身直上最高頂始得放眼觀鴻濛俯瞰塵擾

子銘先生遺集

七

雜紛紛行保蟲真人遊物表涉想生明聰緣慳不得居福地
運蹇那復符飛熊昨日少壯今老翁墮中蕉鹿終夢夢仙靈
窟宅誰引從攀龍附鳳何時同玉佩雲衣朝岱宗

高生行

秦人高生童年貌美才高以瀟橋春柳賦爲金學使
幕劉唯廷所賞入泮唯廷一見卽知孰爲高生迎娶
有日生死其女亦自經殉劉君哀之作傳徵同人咏

詩

天外神仙渺何所海上瀛洲多仙侶徐福挈行五百人至今
猶是童男女對騎紫鳳雙垂髻或是絲鸞與文簫偶以目成
致似譴天風吹度瀟南橋瀟橋春柳綠依依飛絮影裏停征
驂星使亦從天漢下暮裏羣賓皆少微聞有天台舊羽客方

瞳似水澄澄碧落花看遍曲江春斜陽弔影驪山夕曉風殘
月柳卿詞十五女兒天人姿標題品藻聞新語想見當場下
筆時君身自抱九仙骨說與旁人知不知知是濃春送好風
春風偏長蕙蘭叢千條楊柳生生綠一色天桃片片紅金仙
左挹浮邱袖戲使摸索向暗中乃知識人先識意不在形骸
在神氣回眸一笑朱霞生青童此日真遊戲裏玉裝花艷綺
羅手擷芹藻香風多春日招搖閭巷側窻虛簾隙感秦娥消
息傳入深閨裏機中織錦初停梭不知心中道何語兩頰微
笑紅雙渦三星近在銀潢左月姊邀期已報可鳳皇臺上吹
簫人玉屏紅倚花雙朶上元夫人降雲霧夜深不省焚香訴
利羅小劫住塵寰未允人間成嫁娶須臾金飈吹夢醒迷離
猶認來時境傷心玉折春蘭摧海棠墮地秋霜冷秋霜嗚嗚

子銘先生遺集

八

血凝壺閣裏嬌嬈泣無夫寶鏡抵地紅鸞死鴛紋裂斷合歡
襦鳳去樓空驚鳥散女龍夜號天不旦可憐尺組繫蟾蜍
影頰雲可髻亂墳前迸發連理枝行路晝聞哀禽喚吁嗟秦
士失高生瀟橋殘柳亦傷情踈地長條扶不起歲歲寒山見
女貞卯金詞客重嘆息如此嬋媛不負卿楚水秦山幾玉里
我亦爲作高生行

渡黃河

晴午出河潯天光俯照臨奔波來浩浩靈怪隱深深利濟一
時事安瀾萬古心神宜告海若莫使毒龍吟

庚戌出京至蘆溝橋回望有作

層閣聳崔嵬迴瞻亦壯哉長虹天際出征雁日邊回黃葉隨
車下青山繞郭來秋風人指珠櫛乏鍊都才

二

買誰千言策梁鴻五噫歌憂天同此志許國盼誰何遠徼風
塵擬新朝雨露多微車起廢置歡舞誦卷何咸豐元年起
用林少穆

三

天上富春秋明光日月伴啓賢能續禹姬德並與周寶樹枝
初發神芝葉尚柔聖躬願養壯慎莫爲民憂

登兗州城樓

城上高樓樹杪攀翛然意氣出塵寰天開北極臨奎宿地做
東隅讓泰山日下征鴻何處集江邊黃鶴幾時還茫茫楚塞
風烟接變滅浮雲滿故關

登峴山

羣山合沓亂晴暉遠樹蒼茫野色微如此江山今我至幾回

子銘先生遺集

九

登眺昔人稀天低大漠龍蛇蟄水滿荒陲雁鶩饑日暮鄉關
勞極目登樓王粲欲何依

遊仙詞

庚戌下第出都作

山外蒼烟鎖絳霞山頭開滿碧桃花白龍紫鳳排班立知是
天曹帝子家

三千玉女嚴妝竟五百仙人下拜遲丹詔兩行新捧出玉樓

高處待題詩

翹首迷離望玉京金宮銀闕玉爲楹繞階瑤草承珠履何用
拖泥帶水行

兩扇朱扉際曉開此身親得到蓬萊門前銀榜分明見爲底
因風又引回

酸心曲

爲河陽沙湖烈婦羅王氏作

辛卯之歲夏五月羣龍在田蛟出窟平地波濤十尺餘千人

萬人相擄沒鯨魚飽食乍轉晴水裏逃得三人坐那知天意
憐賢婦不忍死其夫與母那知婦不愛其軀不忍死其姑與

夫母子夫婦幸不死家亦無歸母老矣書生無力難爲備母
饑不語終憐子千數願母私零涕俯見朱顏照清泚窮秋九

月風雨頻野無青草水無葦東家老人僵路側西家八口餘
一身妾欲剪髮髮無多妾肉食盡將如何婦人能以色事人

幾見溝中埋翠娥翠娥羞向他人笑妾心若死有如河夫妻
恩愛兩無惡忽聞詎許聲嗚嗚男子不能食婦人誰更相從

委谿壑鄰人搖首嘆息言薪米夫妻終逸樂不得畜水養生
魚何如開籠放飢鵠母低頭泣婦無言男子將言不忍諾鵠

面鳩形兩少年慙慙覓得分媒錢一家眼見三人困一人去
子銘先生遺集

十

得兩生全入門來者是新郎衣帽楚楚湖南商商人歸居坐
十載笑眉歡眼催促忙婦叩辭母雙淚流兒身今去兒心憂

母老不得人服役兒死能來亦已休更泣別夫與夫語風雨
饑寒誰伴侶只思前事不思仇慎勿相念空酸楚嚴霜雨雪

自支持梳篦杯粥親烹煮所需頻繁與母謀囊裏空孰貸
汝他日鸞膠續斷絃地久天長常與處願得皇天屢豐年安

居受享誰家女猶記舊人今日心一陌黃錢私焚楮唱唱幽
語卒難終穩穩商人敦促去婦人二夫深可恥人世財無苟

得理耗爾多財濟吾家含淚擎杯深勸爾手中之酒甘奉人
一動一言皆越禮含汗急趁江波洗須臾船頭商人醉譁言

船尾新人墜隣舟隔舫齊驚喧水底茫茫星斗碎吁嗟此婦
志深沈聞者傷懷感不禁無可奈何之厄運必不得已之危

心我爲走筆記顛末白日黯淡浮雲陰

窮居

獨得窮居樂幽閒與性宜風雲天地事言論帝王師閉戶思
周易挑燈誦杜詩古人今聚首常日慰心期

弔楚霸王墓

漢高若得媿成康暴氣如君敗亦當灞上有軍猶畏力關中
不王底歸鄉淮陰舊尉同亡楚項伯宗人亦叛王三代而還
多詭道范增陰計遜張良

湯陰岳廟

英名烈烈到今垂趙室河山祚屢移天地本無私覆載聖賢
甘與道扶持人心不死千秋淚國運難回異代悲今日祠堂
謹奉祀陰雲猶護向南枝

于銘先生遺集

長歌贈徐仲章

仲章先爲僧還初服益工爲詩

三十年前李子銘以戚誼交兩龔生其時孝長倡高調孝旂
季舉爲弟兄子重子壽子尙比松門有筆相爭衡子貞示我
一卷詩稱爲五字之長城黃鶴樓下雲層層武昌城外尋詩
僧豈知緣慳不得見前因留作今日面我誦詩僧紀事之長
歌涕泣爲歎摧殘多古來俠士有至性如黃香者虎當如之
何孝長敘事相詰屈云不死於虎死於佛諷之今慰尊人心
孝旂爲易儒冠服朋友聚散不可常各天異地分飛翔罡風
吹落墮大海茫茫四顧天蒼蒼木民重尙二孝季舉死子貞
後晤情悲涼聞說仲章兩上京師皆不遇西走巴渝復南渡
五溪遊還浮彭蠡南北東西人遲暮子壽常讀仲章詩驚喜
愧欲餘傷悲慷慨舉杯賀仲章謂窮乃益工文辭子壽達後

不再晤子貞亦逝聞更稀身經大難十餘載虎口幸留殘骨
皮未識重尙孝旂季舉面蘭摧玉壑徒想思豪傑艱難困走

死餘生縱在將安依眾緣生生新雨餘鳥啼花落窮巷居天
邊忽下朶雲書有客猶知今日吾縱談十日不得盡恩恩言

去胡爲乎嗚呼仲章實富有才具遊覽更得江山助此行乞
畫向松門灑然西上竟陵去南湖居近孝長里孝長之壻子

貞子姻婭當悉遠音耗問讀遺書今何似

徐仲章贈詩依韻酬之

平生勢位恥蘇秦垂老愴然落拓身涕淚滿懷天下事草萊
相望意中人昔聞孺子聲名大今識廬山面目真我誦詩篇
今更喜文章一豚本情親

贈李寅齋丁酉同年

于銘先生遺集

主

羣山迤邐荆門來高陵忽下天爲開江流遠導三峽水紫紆
迴繞章華臺其間磅礴而鬱積平沙大麓生金石榭楠杞梓
棟樑材饒足稻粱寒足帛文人隱映草澤間青龍之文白虎
脊仙李蟠根特秀出春發其華秋結實章華臺下冬草黃登
高四顧天茫茫遠山跳躑多虎狼妖狐媚狸走且僵老鴉鷄
雀爭飛翔扼塞騏驎不得進掩遏荆壁無精光寒雲幕歷滿
前津殷勤杯酒留羈人推原見本同根發亦爲同科情逾親
南山氣暖北山寒一枝零落一枝春鬱鬱蔥蔥見橋梓荆樹
生花顏色紫長條下覆雙鴛鴦嘉蔭密密生蘭芷山有巉厓
水有波羊腸小逕多偏頗人生快意對酒歌華門靜掩歡娛
多門前老柳長婆娑九烈神語當無訛世間寶玉不終秘千
載人猶憶卞和

清明

濛濛烟雨迥成塵
林氣新鮮野色勻
楚楚桃花無賴好
生生楊柳可憐春
道旁草意親紅鬼
村裏鴉圍儻白人
一樣東風各消受
不堪回首記前因

與陳稼卿疊韻

慘霧沉沉白日陰
寒風烈烈壞雲深
奔蹄滿地來剛鬣
矯翼登天有翰音
泥水濺埋無齒屐
塵灰漬滿斷紋琴
商量童子頻修竈
可笑三旬突未黔

鴟鳥人皆謂鳳鸞
當門久已忌芳蘭
劉郎舊恨蓬山遠
李白長歌蜀道難
亦有綺紈所養襲
誰供粗糲腐儒餐
鄭虔官冷休相悼
說酒論詩且自歡

本結茅齋漢水陰
柴門霜老薜蘿深
高軒無自降顏色
空谷何人閒足音
意外晚雲無體畫
檐前寒溜自然琴
有時濡髮爲顛草
夜臥驚看首尙黔

李銘先生遺集

七

自鑑形容鏡裏鸞
猶傳香色畫中蘭
雍門語及千秋後
賈島吟安一字難
得稟兜鍪常守戒
敢如饕餮未忘餐
坐間若許談風月
偃室周旋不盡歡

再疊前韻

窮人靈輒餓淮陰
株守窮廬歲月深
舊雨喜承知己訊
中山愁聽感人音
對鏡忽驚潘鬢雪
安絃誰鼓伯牙琴
芙蓉容既老秋江冷
昔日朱顏面已黔

作對文鴛並彩鸞
成叢朱草亞紅蘭
長安米貴居非易
福地絲慳夢亦難
龍尾却羞華子附
猪肝應勸閔君餐
楚江萍合高風積
亦與名流一日歡

登黃鶴磯有作

一代江山一代才
白雲蒼狗費疑猜
似聞古鶴凌香下
會見驕龍舞浪來
此日左思常詠史
當年阮籍獨登台
憑高入望秋無際
寂寞何人在草萊

寄敖海洲

用前歲贈詩元韻

君子昔見愛慰我
困風塵相去日以遠
相憶情逾親年景雖
云暮陽和當有春
松栢青不改晚節良
自珍鑑影亦矜慎
羅敷本姓秦感君纏
綿意常記語諄諄
門前東去水來自
藥江濱篋中舊書蹟
諄諄視生精神愧
之一端綺所惜儂居貧

寄呈胡松門丈用前韻

兵中與水窟相望
隔煙塵時天門兵災後大水
吉人多受社數數
詢交親龍松不改色
四時常自春展觀
昔手迹隸筆實奇珍
想像

李銘先生遺集

七

見顏色古貌如先
秦安得侍几杖時
領誨諄諄老人星
夜明朗朗天漢演
文章有靈氣妙墨
皆通神鷄林求至
寶一字買堪貧
用杜句

貴公子

富貴公子不知兵
乃欲僥倖成功名
若翁殉難武昌死
統緒纏身有兒子
杖矛播鼓督兵進
戰時適無人猛然
跳起白身賜卹加
等驟襲父職小郎
握兵人盡驚驅市
人前死我督陣未
必飛矢來後營有
客進帳言機宜大
人赤剝熟睡橫擁
三裸兒睡醒當是
飯熟時睡起日過
午中軍驕擊鼓賊
果退避莫子敢侮
快意追奔亂行伍
忽然圍合飛礮如
雨大人身死全軍
沒嗚呼珠爾杭阿
巴圖魯

東南平

閱抄報作

六十餘日血三省蘇杭繼陷任馳騁東南財賦蓄聚二百年
煮不得爛喫不得化金銀錢守待賊走三日始知覺重寶難
攜沉不在淵飛不上天飛章告剋復入城唯瓦磚國用雖空
不愛財寶東南民喜賊走了

臣無功臣弟忠諸將受教令臣弟實英雄追奔逐北算無遺
策眾口嗟呀只不見黃與白皇上天恩兄封侯弟封伯

軍中十二年老臣辛苦皇上天威巨今古賊死賊逃部將畢
力擒得偽王一彼口稱與我戰我皆不敵唯遇諸葛始窮迫
生口解京途恐逸臣下令已斬訖似聞賊首死亂軍餘賊膽
寒不敢復造逆皇上天威震遐邇

題劉栢生前輩梁園醉雪圖遺冊用原韻

寒山東老冬青葉窮巷年年天雨雪冠裳裂碎酒漿乾千古

去銘先生遺集

去

梁園音響絕寡龍單鳳無時無雪壓袁安壁已折鄰生放生
久黃土地老天荒名不滅卯金才子曠世生道路逢迎爭曳
擊當年繫馬觀中原風迴雪舞花如纈公卿送酒醉千觴天
亦闢奇霏玉屑良時盛會不可常虛譽流光纔一瞥接輿自
昔歌已而中州人士至今說淒淒雪打墓垣松嗣君猶抱磨
穿鐵

丁卯中秋日闌中明遠樓望月

團團明月滿前山空裏如聞鶴又還世界如銀秋似海桂花
香已到人間

李白年年對酒歌天邊不老是姮娥神山仙島周遊遍今夜
清光此處多

天宇茫茫四望開渾身風露少塵埃高樓此夕吟詩夜已是

人生十五回

江東才子舊神仙記在瑤池共綺筵飛上崑崙高著眼看人

兒女拜嬋娟時李筱
荃監臨

誰織天孫錦一端荷衣蘭佩稱身難楚騷天問天應笑竊藥
人都到廣寒

明遠樓高見遠無塵中夜色似模糊玉皇不用凡鐙燭要選
光明大寶珠

悅君詞

古詞有心悅君兮君不知一語深情若揭戲爲衍之
語雖近狎而古來美人香草之喻正不必執泥言之
也

心悅君兮君不知我心歡喜我知之願得須臾與終古千秋

去銘先生遺集

去

百歲逢今時

心悅君兮君不知我心蘊結我知之可堪孤館迢迢夜人定
燈昏月到時

心悅君兮君不知欲說與君君猶疑非是君懷疑不釋無術
得瀝儂肝脾

心悅君兮君不知我得見君好容儀長松當有歲寒操黃綠
非是萬蘿枝

心悅君兮君不知我常見君好容儀合眼分明開眼失幾回
夢醒人天涯

心悅君兮君不知要君知我意如斯記取今年今日日紅袖
殷勤捧玉卮

心悅君兮君不知恐君知我意如斯人生有懷不稱意千思

百慮消人肌

心悅君兮君不知世間如儂知復誰華筵百味都常遍甘苦酸鹹只自思

心悅君兮君不知世間如君更有誰天長地遠有時到人意綿綿無盡期

已酉冬武昌塘角火紀事

次韓昌黎陸渾山火詩韻

江水倒塘旋流渾沈沈夥矣來泉源鱗鯉傍岸張口吞蛟宮
鼉窟開楹軒有水可沃不憂燔千艘萬舸來原原淫酣腥穢
暗乾坤慾火貪餒無崖垠餘艘外樣如高垣連環中遶五花
門皎皎曙月連朝暎徹夜不息跳歡猿梟雄虺虬雜巨龜雞
祝雉鳴調織鳴離商誘引黃夜奔閑無內外無卑尊浮石載
土開芳園燈火宵宴明星繁祝融震怒風爲喧噉嘈絲管間

子銘先生遺集

七

簾塌微茫星火下靈旛飛爆入卧焚其禪灼爾牛後炮黑臂
醒起驚如頸繫轆火箭四射出空鞵火車旋轉煨箱轆飛上
錦帆燎旌帛焦頭烙足熟熊膳幼子嬰兒罹難屯噀呼跳躑
投火盆陰火酒發傾疊樽失聲荷荷何能言千波萬浪熱湯
翻竄身滾滾角弓反開目醒死睜雙暖曳之不動如生根穉
男抱母祖攜孫肉爛皮開斷肩跟誰知火帝酷無恩奸徒應
爾喪其元百萬人死不能援其中玉石豈難論語語訕訕叫
天關自訴浮尸滿烙痕鬼驅神策亡其魂因緣牽累多號冤
福善禍淫義所存一人一死難絕境况復錢貝買私婚更留
遺孽災後昆一炬不許陰藏蹲有翼能展任高騫善能逃死
亦何怨豈無脫化滄溟鯤珠冠玉佩朝崑崙舟人大估醒愚
昏不信吾言又將焚作詩紀事不憚煩且休晒吾舌莫捫

傳教 咸豐十一年事

孔道中庸立大中開章三語關鴻濛測知後世談天說喝起
皇王翊聖功唐代昌黎猶詆佛宋朝秦檜竟和戎大宗伯掌
行邦禮明時西士贊天工

酬胡霞城韻

黃山仙迹著靈奇欲往追攀未有期卓犖人才當挺出褒嘉
天語共聞知霞城幹辦公事大府奏聞賓興定展三年志策
畫會行六月師今日時行方暑雨蛟龍騰起及茲時

名倡篇

妾本貧家女羞爲時世妝窺鏡自嗟嘆虛譽爲名倡忍恥求
眾好挾瑟上高堂堂上何所有朱丹羣鳳皇堂下何所見紫
翠雙鴛鴦歷身所遇自道猶能詳寵愛非敢望願盼亦承

子銘先生遺集

六

光逝水不復回幽憂填中腸不敢復識人受恩彌悚惶纖指
忽欲脫何以奉衣裳皓腕又已疲何以持壺漿眾女富諠詠
白肉生瘡瘍况妾久零落賤質誰謂良古井深復深汲綆安
得長自憐心血竭兩目成枯眶悲思與歡喜不可更禁當人
生有感念至死不能忘恐負君子意惻惻中懷傷下泣如流
水引領歸空房

戲爲斷句示鄭石雲同年

時同客省垣

一隊青鸞紫鳳皇就中私識杜蘭香可憐昔日同車女猶作
邯鄲挾瑟侶

玉轡金輿匝送迎仙衣雲薄六銖輕舉頭忽見雙成姊笑我
拖泥帶水行

高會羣真紫府寬紅雲彩月擁仙官劉安雞犬森森列野鶴

偷睛不敢看

不慙形穢暫相依玉宇瓊宮見亦稀獨鳥羈雌底留戀登山

臨水送將歸

海波清淺問麻姑况隔蓬山兩地居莫說諸天長甲子一回

相見一回疏

蛛絲乞巧錦成堆舊日諸姨暫得陪相約倘邀隣女伴年年

秋月抱琴來

瑤草琪花爛熳栽浮雲到眼亦無猜仙槎此日秋江上爲問

芙蓉開不開

熊海槎同年在江夏幕時一相見
大魚鼓沫一江風結網垂竿此意同看人取魚魚果得也應

歡喜釣魚公

請江夏令在同年
寄呈天門胡松門丈乞畫

子銘先生遺集

九

唐人三絕稱鄭虔宋人米老與坡仙所南雲林繼代起詩章

書蹟世猶傳明董宗伯稱巨手風徽不肯讓前賢我朝大筆

爭輩出往昔吾見查二瞻文人筆墨修通敏三長之藝誰能

兼淨烟漲墨都無骨點腕玉版汗霜縑卅年前見劉孝長作

字吟詩氣蒼莽爲言天門蕩蕩開光芒夜見少微朗同世里

有二胡君子重布衣松門丈杜甫習與王宰交餘事更擅倪

黃兩子重之才不可及遺珠斷壁人什襲松翁獨造過子重

今且精進年八十我聞詩文書畫妙無窮使力恃氣皆偏鋒

公權剛狠失古法盧仝險怪非正宗高才轉恐落邊際命中

直中中心中此事一蹴不得到少壯閱歷成老翁造化小兒

何神奇千情萬態非人爲才人以筆相摹擬窮形盡相無參

差動合自然入老境天地萬物皆吾師君詩清與王孟比更

於義厭接遐軌况復韻遠神骨清詩心書格通畫理我亦有

志竊攀躋天門迢迢隔雲水敖君許君翹高足明瑤古壁愛

雙美長揖介紹爲求通執贄前驅等弟子拜賜或許賜瓊瑤

觀海尙能窺涯埃古人生今我幸逢一幅東絹情何已老翁

披髯一笑時前生呼我誦仙李

贈賀老卽送別歸荆門

難得文星聚武昌萍踪吹散兩情傷分張更復何時晤進取

都非少日狂松柏有心扶棟宇鳳皇通體是文章芙蓉既老

荃蕤察嘆息嬋娟鬢已霜

扶輿靈氣繞荆門屈宋風流迹尙存比玉並看雙壁映羣山

合讓一峯尊當時驛許常相過李白詩應與細論今日東風

昨日雨片帆西去又黃昏 五句請石雲同年

子銘先生遺集

三

夏六月天大雷雨 戊午詩記錄

萬木如癡萬象頑低天飛落倒懸山麓砂大石聲齊發碧嶽

金光手欲攀定有蛟龍翻地底真疑神鬼到人間王師六月

東行疾驟起雷車下楚關

和劉子綽韻酬贈 庚申詩

王子著書今子雲 請王子壽子綽啓口 竟陵劉尹與同羣 劉

長昔時餘論猶知我今日相逢更識君露布文傳何記室風

流人憶鮑參軍不才自分終淪落學圃長甘四體勤

天高木落萬山秋最是傷心客倚樓剩有友朋能道古除將

文字莫銷愁四山風雨雙蓬鬢萬里波濤一葉舟讀罷離騷

休感憤古人詩教總溫柔

題江右夏馨甫蒼茫獨立卷送之北上 丙辰詩

海上瀛洲路杏花楚山獨眺蒼蒼夢回天地孤舟月酒醒
江湖兩鬢霜壯志莫言人易老豪遊休羨客還鄉紅雲畫擁
簪裾接多少真人拜玉皇

亂後返里 乙卯作

不惜奔馳苦招邀返里門頽垣留火色委骨認刀痕大漠風
聲惡荒原日氣昏鄰翁相對語悽惻不堪論

險惡烏鳶叫心傷舊壘營書生難獻策豎子易言兵道路窺
人怯親朋見我驚諸君須努力莫更誤蒼生

喜曹右臣至書館

空齋坐岑寂君子惠然至慰我夙昔心感歎蒙不棄憶昔趨
庭時教語今猶記漢陽曹先生孝友敦行誼相與平生歡老
至通夢寐恐不見汝成教汝知師事憶昔爲兒時前輩未隨

子銘先生遺集

三

侍親苦經卅年私憶每零淚大水與兵戈迫轉人萍寄亦既
見君子坦懷無虛偽皆念舊先人勗勉繼先志白地光明鍊
君德實克嗣樛櫟乃不才瞻企滋慚愧別久心傷悲遠念勞
馳意把握良獨難日暮催歸易二少刺船來迎接婉然媚丈
人有二子世業靡失墜而我獨煢煢孤坐垂涕泗

贈武昌葉燮堂兄卽慶其五十壽

江漢分流兩派通沙邊爪迹見飛鴻山迴去水連西塞日照
來帆飽朔風雙眼青看人隴上一燈紅話客途中自言更歷
平生事艾髮成華願未終

山居舊認葛仙蹤野鶴寒松有壽容道士幾曾窺顧兔主人
今更好真龍親知聚晤論文友子弟同遊識字農伯玉知非
負嗜學襟裾深喜暫相從

中秋月和汪叔步韻

萬方清景合高望入雲天氣候精金玉規收大地圓關山千
里靜輪廓一丸堅三島十洲客何人得月先

子銘先生遺集

同里後學盧 靖 校刊

子銘先生遺集

三

子銘先生遺集卷二

河陽李 皋

伯牙碎琴賦

以流水高山知音不易為韻

嗚呼空爾如夢宿草如油推軫餘恨驚絃動秋音希巖壑
登天極極繁解人而不得嗟陳迹之難求持此安歸知不同
鍾錚之響昔人已往而安問庸庸者流原夫伯牙之善鼓琴
也刻羽引商移宮換徵妙解觸心元音在指鳴如適夫化機
馬亦為之仰視茫茫世宙更復何人渺渺予懷託茲薄技箇
中得趣問訊則飛鳥游魚象外忘言寄情在遙山遠水乃有
鍾生山林隱逸湖海人豪賞音忽觀傾蓋相遭悟澈山風心
日通乎樵徑情移水月韻更寫入漁舫證語於生平徒念
我亦如船寄相思於別後應嘆此曲彌高向使未忘前好無

子銘先生遺集卷二

十一

有後艱來尋石徑重款柴關心期守素鬢嘆成斑則當相攜
篋裏並鼓松間謂知己之難逢豈比歌閣下里接傳人於後
起且須藏待名山豈期塵溷古玉風萎靈芝空懷顏色猶感
夢思再至則高山改色重來而流水生悲試奏三終或通冥
漠為彈一曲亦訴乖離然而水枯石爛以還斯人不作其或
王碎珠沈而後逝者有知忽驚柱促轉訝音沈物猶如此人
何以任已傷人往而琴在徒見山高而水深願此三尺孤桐
金寒玉冷猶餘七條哀緜鳳咽龍吟冰裂何辭諒箇人猶憐
予意瓦全奚事以此物並詢知音自此世更寥寥情懷鬱鬱
良會難期好音易訪寄感喟於蒼茫託光儀於髣髴願言思
伯化尻輪神馬而來何以薦君備桂醕椒漿之物若使改絃
更調此水有如倘令翦紙招魂入山恐不迄今憑弔高臺栖

遷地長望芳徽低徊往事世既閱夫滄桑古不傳夫文字
伯牙已去逝水無聲鍾子如逢寒山轉翠接遙情於千載宛
如蜀道登難感知我之一言益信長安居易

黃鶴樓賦

以洞天別境仙客離宮為韻

漆亦層城嵯峨高棟勢出星辰氣吞雲夢昔時之勝境猶存
往古之名流代送為詞題詩之客芳草隨車好尋賣酒之家
垂楊繫繫樓頭控鶴云此者一千餘年天外遊仙探奇於三
十六洞高飛黃鶴遠舉雲邊巍然城郭渺矣風煙王子晉來
無定所丁令威返更何年而猶寄情瞻眺託想翩躚臨長洲
雨延佇向舊館以留連乃不隨鸚鵡來歸長懷逝水或當與
鳳凰生下遠接遙天而登斯樓也碧檻旁開丹楹對列額篆
金簷鈴舌鐵龍蛇繞壁以將飛星斗搖窗而不滅白雲有

子銘先生遺集卷二

十二

色光景常新玉笛無聲塵氣盡絕其間風月本無今昔之殊
到此登臨大有仙凡之別於時天宇清地維靖展雄圖開麗
景高擁峯巒近臨臺省人傑地靈風熙日永芝蓋蒙巖蓉裳
披嶺流霞與仙佩齊光飛鳥共珠輪逐影林翳日而常陰露
橫江而不警覽上方之雲物抗手羣真匯大地之煙波馳眸
四境下臨飛閣近瞰長川城開百雉路指千崖山鬱青而翹
楚湖盪碧以生蓮武昌之城郭外漢陽之樹欄前庾亮樓頭
秋仍接引鄂王樓畔草更綿延門傍柳營自昔原稱巨鎮亭
垂棗實古來曾住飛仙若夫縱目遐方凝眸遠驛拱北斗而
天寬限南山而地窄襟長江之路三千抵洞庭之流八百下
峽水於須臾接海雲於咫尺仰埒連山俯噓大澤莫不愜游
心動羣魄極遠眺於微茫笑俗塵之拘迫豈說江郎夥稱楚

客噫嘻自唐而後累世於茲滄桑幾易陵谷常移而遂遊發
不燬大木猶支流水終古行雲四時豈不以辛家善釀崖瀨
能詩藉仙人之品題資大雅之扶持因知岫復瀾迴斯稱奇
麗莫以塵飛霧結徒悵迷離偉哉傑構卓矣高風思超雲表
步出晴空倏升高而自下知立地之何崇當頭映日垂手承
虹扶搖可接顧盼自雄幸凡襟之盡豁企仙路之遙通方思
駕鶴人還名竹廣寒之府竊擬望仙樓近神馳蓬島之宮

火輪船賦

以一日千里全資火力爲韻

有船焉如日輪之車如重樓之室銅柱中空金錯外實狂火
內燒頑煙上出來捷於追風去速於駸騁耳際但聞波濤目
中不辨形質譬以乘輿濟水爲術猶疏比之縱火因風其勢
加疾日木日金日火固已兼而有之爲釜爲炭爲爐所以行

字銘先生遺集卷二

三

之者一旦夫船行之多患也重任難勝安行莫必長風最患
折頭小艇僅堪容膝料應難容萬斛涉險多危若使改易雙
輪前車既失除軍書之火速方許破浪乘風但賈客之舟行
或當稽時緩日而遠人之善爲輪也鳩工累萬聚匠盈千鑿
彫處處鏤刻年年雖云東軸疑空罔能斲削但信南轅既改
用是推遷蓋求大木則窮雲山之遠而製良器則同金石之
堅然而匪火之攻其船則止焚巨突以衝煙圍大鑪而煮水
石火常燒金輪不燬湯沸而騰輪啖生而氣起輪皆出力大
力之轉千鈞火亦生風因風之翔萬里五行並用回祿爲君
一傑當權祝融自喜女丁婦壬之位置呼吸相通雞心龍骨
之鈎連循環不已中通烈火遠望濃煙推詳其制作揣測其
中邊以輪激浪以水作船以機相發以序相聯以水運氣水

爲之旋以火迫水水爲之煎以土範火火不能延以金衛木
木不能燃相爲統制常保安全視此汨汨滔滔惟輪流而火
轉如茲炎炎滾滾實火速而輪圓其船之行也撥龍鱗之葉
葉轉鹿角之枝枝煙中擲箭磨裏搖旗團花亂落熱霧交施
鬼火繞舟跳雙丸於浪裏風車轉斗走一炬于炊時詢王良
而不解問禪竈而焉知謂止沸揚湯有取于水也苟止轆失
軌其何以行之幾莫辨舟車之互用而其實水火之相資也
乘斯船者輟開鎖火之銅釘燒斷橫江之鐵鎖執熱誰能探
湯亦可怪出燃犀之緒白面花兜人看載鬼之車黔頭煙裏
或取一秉杆方虞見異斯遷爲問老斲輪應亦謂多爲夥倘
欲東觀壺嶠不乘輶而乘標轉恐西上舡艚亦仗風而仗火
因知南方之運火爲開東夷之巧輪爲則萬代所寶佛即機

字銘先生遺集卷二

四

中國爭傳渾儀式雖則火牛火鳥所向無前火車火船以戰
則克要未若此以輪爲功用火斯熱取其形製更造剗木之
奇藉以推行莫費吹灰之力

漢江賦

以楚塞三湘接荆門九派通爲韻

夥也沈沈楚人楚語於山見衡嶽之崇高惟水以漢江爲深
阻禹王東下從庚辰豎亥以馳驅舜帝南巡送女英娥皇而
延行文王式型於江上之遊人召伯化行於江間之媵女諸
姬分土之邦古國開封之所百代舟航萬年樽俎炳耀於茲
輝煌如許觀水者思深望洋者氣阻地闊天寬神潛怪處萬
派中開雙峯夾拒溯巴峽巫峽而下楚門過彝陵東陵而至
鄂渚瀉於南注於北而行於中駛於蜀震於吳而大於楚且
夫凌厲寰中縱橫宇內扼上下於咽喉擁湖南於腹背回視

則荆郢爲頭前衝則蕪黃在喙劃疆索於中區運樞機於大塊流長而遠微皆通波及而遐荒已速映照四方涵濡百輩似往疑旋如奔若潰惟江之永應天文據形勝而啟英雄在漢之陽蟠山阜峙城垣而開閭閻仰視天璜雲漢旁炳一星因思荆阮方城刊名九塞若夫行江上歷漢南其美其利實敷實覃萍花忽發芰子餘甘綺湘蘋藻木筏梗楠水衣石髮文蛤金蠶珠光月暈晶影日涵金沙細鍊玉液窮採水馬之鱗刺刺江豚之鬣麋龜貝之文盡現蛟螭之性能諸地如龍而蜿蜿鯨化虎而耽耽神魚驚鈞於曲渚大鳥避弋於深潭靈奇外炫珍麗中含而重以水居之練習土著之爭食官人之博訪士女之深耽承筐實篋納軌盈函又況爲禮以魚既盈千而累萬兼之備荒有穀亦耕九而餘三又若皤腹大

于銘先生遺集卷二

五

估長髯老僧招招舴艋兀兀餘艘金銀氣王鹽鐵論強川流百寶波委餘糧蠟珠多於薏苡象齒繁於菰蔣布金長於廣路張錦密於連檣橋包齊於外郭茅廬高於短牆黔珍粵寶蜀賈吳商無脛善走不翼能翔發陸於水舍梯而航臺省裁義利涉有通天之路康衢擾擾臨流皆賭勝之場驚波失險流水生香萬津電沸百里宵光大都挹江流爲膏沃傾漢水爲壺漿豐腴若此沾潤無方固不僅通甌越來戎羌誇雲夢侈衡湘已矣當其盛時布化之公卿安愚之臣妾好禮之富人尙矜之豪俠名士多於鱗魚遊人豔於蝴蝶命艇清遊舉裳競涉風雅絺裘歡呼扇筵點也詠歌義之稌帖送酒移船看山行艤尋落後之梅花遲歸來之桃葉李白與張謂之宴文士風流黃祖壽禰衡之杯才人敏捷負販所慕聲華羈旅

亦霑餉餼然且恤困窮扶疲茶張帆來拯溺之舟抱囊鼓救焚之楫疾風騰示禁之旗佳日下放關之牒樂利難喧嘯歌亦協蓋儀文與風氣實有本原而富贍與奢華相爲引接肴同波藉酒似江清興臺羅綺下走簪纓左相十千之勞費彥伯百萬之輸贏賁郎粟尉賤子愁生同舟笑語照影光榮漢皋之贈佩南浦之留行問迷樓於曲水燒鉅燭於殘更琵琶江頭之畫舫簾幙江上之雕甍香風來而粉墜紅雨漲而脂傾萬雲頰而妝卸千月照而鏡明鷗乍驚而鳴鍾動魚聚唼而棄粒盈橫陳波影醉夢江聲窮朝畢暮暮雨遊晴以至歌郎選服丐子調羹綠檀走索騎馬因淫莫不指漢濱爲富水詡江夏爲安城慕無計士闕有嬉賓我所思兮爲詢丈人漁父來何暮也相望柳鄂韓荆何意由百之歲水沒高原空堂

于銘先生遺集卷二

六

集鷺深闖藏龍馮夷入市水伯行村魚爲民化龍作人言高冠半麓大別一痕鴻嗽中澤蟻聚高墩水花充食席屋爲禪洗污盪垢溷溜流渾方陽侯之甫奠更回祿之連番猛如赤壁之火酷類阿房之燔裨竈之談己中藥巴之術空論濃煙噴而駭月乾箴起而驚魂一江水熱十里山温千艘魚爛萬族豚奔頭焦似墨髮灼如髡不知曲突徒薪皆無上客翻似恆沙抱石爲得生門甫脫奇災俄跳小醜裂赭加身新紅抹首抱痛金夫懷貞玉婦刈草當前亂麻積後染江水而成丹漬江草而爲黝遊燹起而城爲墟劫灰飛而石亦朽瓦礫長衢蓬蒿廣陌四野皆空一江自走悲乎哉魏犢之胸卻克之肘恤周親慰良友幸矣哉南國之棠西門之柳詠干城歌父母猶是量金數玉取萬求千依然美景良辰初三重九百足

之蟲難僵十尋之木不壞威所攝而易安利所趨而匪懈倏
九市之爭開見重城之入畫千里來遊羣真下拜蠢蠢島夷
紛紛水怪舟自能行人不知誠禹鼎當鑄其好回呂刑必誅
其狡獪犬嘗畏狂蜂能無蠱而乃遠物是珍異端不戒薪下
之火未然劍頭之蜜姑喙人在社而鬼謀錢買山而國賣遂
令舜禹經行之地晝見妖氛周召治化之邦陸遊鱗介古今
未見之奇天壤難言之話豈濟漢者不問清流而泛江者亦
有別派歟夫天下以鄖襄爲樞紐荆鄂爲幘幘疆域逶迤不
可極江流界劃於其中襟淮右控粵東帶黔蜀引峭嶺楚耀
威而四遠震江順軌而萬方同輪環輻湊發育滋豐而富厚
不可覷形勝不可攻則人心之忠也狎玩不可長放佚不可
終則風俗之隆也以漢江之華瞻博遠涵濡恢洪樂易來而
悲無盡利所聚而害必叢知憂則無患設險易爲功混茫元
氣素籥神工深深莫測永永無窮然不能封其域閉其宮瑾
其隙窒其空則且籌思於八荒之仰日九野之趨風萬流之
畢匯四驛之交通也亦幸甚矣

高家

尚

米酒

樂

光緒乙卯冬
徐惟琨書

復堂類集目錄

仁和譚獻仲儀撰

集一 文四卷

集二 詩九卷

集三 詞二卷

集四 日記六卷

集五 金石跋三卷 未刻

集六 文餘三卷 未刻

敘曰年將六十學未通一經七葉爲儒讀未破萬卷皮骨
奔走游未陟五嶽一行作吏名未挂朝籍山雞之舞候蟲
之鳴尙足以言文哉生有歟尙出有良師友哀樂所寄繇
於語言叢殘之本何必無隙穴之明發篋寫定畱此過簫

目錄

之風而已陸務觀云文章在眼每森然力弱才疏挽不前
前輩不生吾輩老恐畱遺恨又千年固如吾意中之言也
光緒十一年歲不盡十日獻識

文一

復堂類集一

六義篇

書皋陶謨後

周公居東說

明詩

衢言

周季編略敘

周易通說敘

復堂文錄甲敘

古詩錄敘

唐詩錄敘

文一

金元詩錄敘

明詩錄敘

復堂詞錄敘

篋中詞敘

李西雲先生遺書敘

怡志堂文集初編敘

稼書堂詩敘

學宛堂詩敘

朱櫻船詩敘

鷗堂詩敘

道華堂詩續集敘

蒿菴詞題辭

小輞川圖後敘

鄧析子校文跋

太平廣記跋

送布政使楊公入都敘

六義篇

夫明陰洞陽人聲幽越莫知所起原本自天性情畢宣託於萬彙神人和協表於笙鍾大呂雲門亦云遐矣周宗太師分職宗伯迺教六詩其一曰風曰賦比興正誦成焉絃詩三百六篇無辭自衛反魯然後樂正不經孔公風正無別西河老師高足傳授命筆敘之端木教化六義次第亦

文一

二

亡革焉禁邪止姦春秋成法蝨蟲草木通乎易象成厥王政尙書典要升降品節攷禮古經然而人心幽乎陰氣有欲化匪在著不疾不除好學深思請陳其略功德隆盛朝廷清明春大合樂宜首頌聲正有正變上宣治理下道疾苦亦堪弁冕鋪陳其事厥制富有賦且先焉聖師萬物援爲法戒比引大端毛公說詩獨標興體經師家法夫有所受則亦綜括一而周五昔抱遺經諷誦言語述東西京博士所業側聞吹關堂上樂作關正關頌統於一詩關公之孫實惟周公王基肇始以詔子姓非風而風且詩拊之又聞崧高天子大功命將策勳宜告清廟生民推本皇祖發祥雅亦有頌各還其曹有客紀宋韓奕大韓列國之風亦有推

本故知篇什脈絡可通若賦比興詩以爲緯匪可別白判爲異製惟風也者上以化下下以風上吟詠情性本末條貫如其無風是無詩也四方所形乃名曰疋各有正變與風不殊頌雖巨禮不出民間風化初徧乃告成功立風之極匪殊涂軌賦比與興陳事託物六情五性風以動之由斯以談故書雅記多陳六義次第勿章以風首列可以意逆或者戶曉未有敷陳憑臆而言以俟達者且夫風者終始化本世與世續旋轉簸蕩天人盛衰古古相禪乾坤未息風且不窮人心永靈風爲職志金水木火天門開闔皆以其物周官所掌大敘所陳齊魯毛韓一以貫之豁滯楛疑又何嫌乎

書皋陶謨後

文一

三

僞孔傳本益稷篇在治忽傳曰在察天下治理及忽怠者忽之訓怠於古無徵治忽連文句乖師法史記集解引鄭注云習者臣見君所秉書思對命者也君亦有焉以出內政教於五官是在治句絕下云習以出內五言也此古文家說與說文解字曰部習籀文曰注一曰佩也象形然夏本紀作來始滑裴駟云滑字尙書作習不言來始字異同司馬貞索隱乃曰古文尙書作在治忽小司馬時正義已頒以僞傳爲眞古文所謂古文者僞孔本非鄭注本也史公從安國問故所見壁中眞本而史記傳寫來爲形誤滑爲聲誤蓋一求之漢書再求之尙書大傳而知之矣漢書

律志曰書曰予欲聞六律五聲八音七始詠以出內五言尙書大傳曰定以六律五聲八音七始著其素伏生所傳孟堅同之足攷今文家法至史記所引七乃作黍轉寫成來非史公本然也自七始之文見於漢初七始華始唐山夫人歌之孟康注之則在安國史遷之前者矣由是觀之今文作七始古文作黍始初無異文鄭氏注大傳曰七始黃鍾太簇太呂南呂姑洗應鍾蕤賓也其注虞書未必不合後人自爲小司馬誤耳至於史記之滑與鄭注之習同一古文而殊別者裴駟所謂音近致誤習之與詠乃爲今古文之異索隱又云今文作采政忽近儒或以爲蔡邕石經本或以爲夏侯三家本竊謂貞之言古文不可信言今

文庸渠可信乎

文一

四

周公居東說

書金縢紀周公居東儒者紛紜異說案說文辟部彛注曰治也周書曰我之不彛此壁中古文本之孔氏者也馬鄭所傳消作辟遂讀爲避言避居東都而王肅乃曰周公攝政遭流言作大誥而東征是以居東卽東征證之詩序言東征三年而歸與居東二年不合史記周公世家云東土作三年當以本經爲正蓋征東三年事非居東二年事公方攝政聞流言史臣紀管叔及其羣弟乃事後之文當居東時未有主名冢宰大臣巡方以廉之亦以鎮撫遠近久之蹤跡顯著反形益成周公乃賦鴉鳴之詩垂涕而道書言於後公乃作詩以貽王

居東既久已得主名也三監遂畔始有東征之師當在二
年之後不得遂以東征當之馬鄭之言澁石似本周公世
家而失其義史記云我之所以弗進而攝行政蓋謂不避
攝政亦非出避之謂壁中古文安國以今文讀之故以辟
當僻與退辟之辟同文子長問故馬鄭傳經至生異議倘
文從遺簡事訪古初則僻者治也居東二年所以治之也
罪人斯得得主名也二公分陝召伯巡行則周公居東亦
猶召公聽訟而已與夫冢宰攝政皆其分所當爲無滋曲
說可也若夫揃蚤沈河走而奔楚傳聞異辭當衷諸聖魯
襄適楚夢公祖道左氏爲六國時人炫奇奮筆未足爲左
契也

文一

五

明詩

夫六藝既散百家代興晚周以來持之有故言之成理者
爲文章之盛世有別集地龍之蒞名法儒墨若遠若近若
出若入甚矣其衰也劉班敘詩賦亦復稱家分別部居言
各有當惜乎今日亡佚殆盡無能詳說作者之旨後來文
士如阮籍爲道家陶潛爲儒家謝靈運爲名家江淹爲從
橫家之屬凡夫學有本末皆有台於微言大義者也江總
楊素遺意猶存及唐而微敝無友紀錄畫組繡文具而已
獻嘗服膺會稽章先生之言曰詩教至廣其用至多而又
師其論文之旨持以論詩求夫辭有體要萬變而不離其
宗進退古今以求其合蓋千一而絀然而一代政教一時

風尚則可以觀焉世盛則草野皆和平之音世亂則衣冠
皆噍殺之音流連風月奔走聲氣雖甚解鄙而可覘靈長
悲悼感憤窮蹙酸嘶雖甚迫狹而可識兵凶嚴刑峻法世
變日亟則羣樂放廢家家自以爲老莊放僻邪侈名實不
副而不恥干進人人自以爲屈賈之數者幾相感召如環
無端無病而呻與樂憂者非人情耳有道術者依仁據義
履中蹈和則上合六義懷才抱樸言志永言則旁通九流
卓矣茂哉同志友人吳子珍莊中白皆識斯義子珍中道
夭折中白學道不欲以文字見獻離索十年獨學憂傷不
副此志近得潘鴻儀甫可以語此而所學未就又得義甯
朱崇山子逸才氣斂亦其人也願有爲二子告者天地之

文一

六

幾神而睽兆有所寄今海內多事前五十年之文章已可
測識蓋賢者如汪容父龔定闇周保緒諸君子智足以知
微也亂端漸已承平且復學人潛心大道折衷禮義爲專
門之著述於憂生念亂之時寓溫厚和平之教使季札之
聰將卜天下復見太平豈與文士競一日之短長哉二子
皆在閩中獻將歸里警歎且遠作明詩一篇臨別贈言以
端其趨

衡言

聞之無平不陂無往不復天時人事如循環浙江肅清歲
且四稔置吏宣力庶司百執事承流於下譬如房夫大病
之後呻吟以望國醫於是乎先以糜繼以梁肉扶杖而起

立躡足而行而屣且壯矣然而一不謹則患中於騰理自
信太過則犯寒暑神明敗焉則夫嗣後之難也廬井殘毀
人戶死亡田野荒蕪莫甚今日曰招墾曰清賦亦既文告
奉行矣而上游數十州縣土曠不治者相接也嘉湖甯紹
修治成熟者按多試舉漕糧之籍田主徵租之簿猶不能
十之六也閭閻之荒熟以視官司賦斂隱匿以為利者成
數又參差也客民開荒情事殊別或主凌客或客虐主乃
至西成之日米穀直賤禁不出境客戶坐擁倉稟不救故
土婦孺親戚之飢荒田瘠薄人力且倍籽種財入土而催
科之符已下又多其名目吏乃因緣為姦則墾荒遂為畏
涂愚以為牛種廬舍聽其自備赴官請某鄉田票責令成

文一

七

熟三年五年方報升科願著籍者著籍子弟讀書應舉徑
除原籍不願著籍者編入流寓籍其丁小主客辭訟官無
偏徇未科錢漕別無雜費庶幾開荒漸有成效若夫穀賤
傷農請由官收買建倉儲蓄推陳出新以備旱潦可也南
畝之農夫見為少而官司之白役見為多此大患也方今
創夷未復生聚未盛子遺之民方離強寇係累屠割之慘
復受敲剝縲紲之苦覩焉民上自願衣冠當不搏噬然坐
堂皇研朱案簿吏役有名籍者幾何人牙門左右趨走揚
揚者且數倍也此其家當有妻子甚或毆使與臺蘇軾所
謂縱十萬虎狼于民間者此之謂矣愚以為大縣留若干
人中小縣以差府道事簡數人足矣承行一案吏一人僉

差一符役一人犯多者二人過三人者許上控著為令竝
禁止官寺前後茶社酒家比屋張設若輩羣聚非羅織小
民即闖伺官長少一羣聚之地省事必多夫何忍已毀之
身家再合之婦孺子驚心五木之前離散於瓜蔓之獄乎夫
百姓至愚也者欲至亾等也奢侈之風中之如鳩毒去之
如拔山欲長治久安則正人心厚風俗語似闊疏政無急
於此者東南好巫尙鬼越人之禩自古為然象教淫祠浙
中不少賊之來也仆神象焚祠廟存者屢矣克復之日惜
未有為置臣言者當是時董督有司延訪耆舊考祀典稽
志乘山川社稷名宦鄉賢祠宇所在留者修之毀者復建
其佗淫祠及仙釋寺觀一槩不許重建即其傳會古賢而

文一

八

稽之正史非有功德於此土者亦不許建如是則覲巫僧
道奔走無所擅施香火人心不迷不亦善乎愚以為今日
猶可及止宜下郡邑廉境內祠廟已復未復如荒誕淫祠
永禁興造已成之區嚴禁造作壽誕朝審等期誑惑愚眾
糜金錢曠日力而僕僕于淫昏之鬼暇召父老曉以民義
俾知假託神靈科斂財物煽惑愚蒙顯干
國憲且教匪之興實由此輩涓涓不塞將成江河欲正人
心此其一也聖王之世無甚貧甚富之家無驕淫之失故
無飢寒之困今則不然匹夫衣不掩胷而地衣坐褥綿錦
如雲勾者康覈不厭而朱門酒肉日食萬錢浙中大亂初
定冀其懲創而昏喪宴會服御飲食侈靡不息且加甚焉

邨野樸質古處尙敦城市之間產僅中人習於聞見典質假貸以徇一時之耳目愚以爲宜定禮制縉紳之家各依品官等級不過其物節儉相高以奢爲辱庶幾風俗日趨於厚且夫胥吏之禍可勝言哉開荒之法胥吏撓之差役之橫胥吏主之假設神鬼一切以賄賂爲政皆胥吏之智儻來之財悖入如糞土悖出如泥沙卽觀杭州吉凶之繁費宴樂之沈酣兵火初息而歌舞已起者皆胥吏始則今日善後之政莫大且先於察吏至於勸懲之次第教養之節日期之一二十年而非旦夕可效者尙不在此議

周季編略敘代

司馬公撰資治通鑑既成從官劉恕有外紀之作自上古

文一

九

以至周威烈王與司馬氏之書相接也顧其細大不捐勸懲或失好奇之過金仁山氏嘗譏之夫古初則荒忽矣而三代經法備於春秋晚周二百四十二年事著春秋筆削炳如日星非承學之士所可擬議聖人旣沒微言遂淪戰國之世兵爭分裂百家紛紜日以言競是非之謬聞見之錯雜未有甚於此時者也戰國策以縱橫相尙違大道而夸智力甚或虛構事實疑誤後世近儒陸清獻公謂其文字之奇足以悅人耳目機變之巧足以壞人心術乃有戰國策去毒一書以明是非之大而本末不具未大顯於世定海鄉賢黃微居先生承浙東學脈之正兼綜體用著書百卷得令子以周昆弟傳其家學先生嘗病周末衰微春

秋亾而經史遂分國策之變詐子書之寓言史記之采掇不純說苑新序之事蹟悠繆通鑑備矣而諸子百家之言未盡裁割而正之以大道傳聞紀載之異未盡考核而合之於情事乃博采羣籍自春秋以後貞王元年迄於秦并天下成周季編略十二卷羣言淆雜落其實而枝葉盡去條貫終始是非自見時表其勸懲之微旨則從司馬公之例而加慎焉予循覽咨歎前則道原讓其裁斷近則當湖謝其美備乃付書局刊刻卽令以周校正期學者卒業是書而有數十百卷之益上追春秋三傳以窺經教下考史記通鑑以究史才可也先生於羣經皆有撰述以周兄弟排纂目錄是爲微居遺書之五云

文一

十

周易通義敘

周易通義八十一篇莊忠棟撰忠棟字中白江南丹徒人流寓泰州性玄穆好深湛之思少治易通張惠言焦循之學又好讀緯以爲微言大義非緯不能通經世業鹽筴方少歲卽入貲以部郎候選嵯綱改家中落及忠棟稍長好讀書益盡廢生產貧甚走京師困不得上官應京兆試數被斥偶以文學見知喬侍郎薦改府同知非所樂也兵閒欲有所自試卒無成亂定校書淮南往來揚州建康傳食大府學呂大就著書數十萬言嘗寓書譚獻曰僕所著不下十種皆可散棄惟大圖通義爲生平心力所注以待後世子雲者獻時未見其書也忠棟久客益困又善病故交

當路無能振拂之者獻以縣令需次安慶則念獻尤篤光緒三年七月溯江來訪始出通義之書獻雅故也又海內辱齊名之稱亦不能不河漢其言久之而始得其意之所託爲定今名曰周易通義俄而別去是年獻官歛猶數數得忠誠書談藝如夙昔四年四月忠誠以連蹇死訃至歛獻爲位哭亟求其遺書易緯通義人間有傳之者矣樂府最奇彙本先在獻所待寫定雜詩文可十餘卷其子守之乃以周易通義約劉壽曾共校讀之雕木曰傳獻聞之傳曰作易者其有憂患乎太史公言古聖賢人不得已而作文王之易居一焉通義之書當今世而出其次篇曰負且乘終篇則曰貞下起元是何爲也哉非夫憂患之餘曷爲

文一

十一

而有此言與固非經生博士之家法也獻與忠誠定交京師廣慧寺中年皆二十餘耳夜闌秉燭相與論易初忠誠有易圖三篇上篇雷風水火相薄相射悉本于大傳中篇首顛以明隨巽同宮之旨探陰陽之原本與世儒絕异下篇則首同人以爲文治天下純太平之世故曰成既濟定終焉當是時志氣盛壯以爲兵甲方亂幹運在人事易道大矣見乎著龜惟以成功盛德庶幾一遇茲之八十一篇同不同未可知也兩人者共晨夕將二歲已而奔走北南出死入生獻在閩中寄忠誠詩曰九死風塵吾尙在一家妻子爾能閒竊不料東南廓清與忠誠一見於揚州再見於安慶也又不料忠誠年未五十夭等龔生而獻有後死

之責也戶部主事桐廬袁昶撰忠誠哀辭寢門之慟與獻略同獻欲爲傳狀以告方來兩年而不成蓋隱痛深矣今書梗槩於易義目錄之後示海內故人後來學子焉譚獻識

復堂文錄甲敘

大漢之文章炳焉與三代同風何以明之鳳鳥不至黑不代蒼孔氏之門六藝授受春秋之成或曰爲漢制作子曰我欲託諸空言不如見諸人事之深切著明也春秋之傳董相始有書賈生淵源張蒼爲左氏大師類次二十四代朝野之篇章則以董賈爲稱首以夫經教推究世用則二子始於是乎百家稍息孔氏仁義之教詩禮之家法日以

文一

三

昭灼且夫洪範五行天人之故抑亦肇於董子矣翼奉郎顛京房之流循至蔡邕皆洞天地之幾鏡興亡之原非若後世空言無事實使人君曠蕩於上庶民鬲塞於下絕地天通之蹟無復留遺而所以爲經術者隳而不振古者學以爲治陳言朝廷之上舉舉大者貫五德之運通萬國之情其次因事納忠一簡有一簡之益一篇有一篇之用如日月之燭幽著龜之決事凡以爲六藝之所推也宣上功德震耀乎耳目扶翼廢墜鬱乎經生之業迹其深湛之思澹雅之才華乎子雲覈乎孟堅從容著書司馬良史之實錄振於東都非可裁篇最錄而有應人事於無窮志遺聞以不墜成章有斐亦子游子夏氏之儒所有事也要有利

鈍視乎折衷揚雄曰好書而不要諸仲尼書肆也好說而不見諸仲尼說鈴也伏誦曩篇分別部居以實事求是爲本此義不明五三六經日以廢闕畔渙之言蠶起而歸於無用摛文之士非復立言之不朽所謂文紅纂組不足觀也已矣豈不惜哉

古詩錄敘

詩者古之所以爲史託體比興百姓與能勞人思婦陳之太師於是先師孔氏刪詩三百表於六藝天人之正變品物之蕃庶情偽之紛紜淵淵乎文質之相宣也南雅之列遂以得所微言絕大義乖破文析理離經畔道末學橫流由是滋蔓然而大漢初定日不暇給孝武立樂府采歌謠

文一

三

天馬登歌汲黯興刺而其時朝野鄉風蓋份份矣故夫鏡歌瑰奇其旨也深遺篇十九其義也遠四言稍微矣五言以立七字之制柏梁僞託然亦濫觴後來作者苟其通風教之原植比興之體國風小雅嗣音不墜東京則張蔡振其奇建安則曹徐揚其采同時之人未嘗無支離渙靡之作然其根也樸其枝葉以煥麗其合者皆風論之遺也晚周所紀蓋無讓焉晉之詩婉其蔽也漫有其質者傅玄劉琨陶潛之爲也宋齊之詩約其蔽也窳有其精者謝靈運江淹之爲也梁之詩豔而荒矣而武帝爲最高文士之杳眇明麗者則沈約柳惲有焉陳之詩蕩而不反矣而江總其人也靡其言也哀而摯隋之詩敖而不理矣而楊素其

人也驚其言也法北方之學聲律爲疏庾信來自江南鬱伊多感擊察成敗之由俯仰身世之故蓋變風之流也綜其升降恆以運會衡其才品係乎邪正性情所統千古同之慨夫島夷索虜兵革相尋天下因之鼎沸民命幾於斲絕雖春秋紀載弑君滅國有其過之王化曠蕩聲教間阻板蕩民勞猶際其盛以故文章壞亂聲音廢闕好色而淫怨誹而亂非無賢俊存十一於千百而已獻撰錄是集亦欲推本情性規矩雅頌匪徒標舉美文遺饒學子裁斷或失時時有緣情綺靡者錯乎其間是則予之罪也然必有可以觸類焉者庶有知者理而董之

唐詩錄敘

文一

古

有唐取天下以武定天下以文高祖太宗有堂有構啟暨丹雘明皇是賴蓋旁魄而斧藻之以有此三百年也當是時學以博聞爲先士以多文相尙鋪張排比之言四聲入病之制因之而盛又其列辟多好文辭科舉之立惟用詞賦風行草偃天下景從文翰恂恂通於六義蓋斐然足以觀矣惟是一代文獻散無友紀貞淫雅鄭雜糅於中夫鉤玄提要文人用心揚風挖雅儒者立教唐詩有選殷璠高仲武而下遂積十數蕩而無本華而不實或泥一隅不觀其通或徇眾說不衷於是披尋所及喟歎因之丁巳之歲游學京師仰宮闕之壯麗接衣冠之風采攬時物之遷變感家室之化別緣情感寓不忘篇翰主善爲師及唐代之

作者導涇分渭披榛采蘭舉三百年之遺文離爲八集都爲一編排纂未竟旋以圖南悠悠五載復事發正錄成定本附古詩錄之後嗟乎詩也者根柢乎王政端緒乎人心章句纂組蓋其末也權其離合沒世難誣眾之所傳或在擯棄代之所忽出於幽隱折衷詩教匪用愛憎庶闕達方雅興爲商權云爾

金元詩錄敘

予錄金詩孔氏存曹檜之義也金起朔漠尙戰獵無文辭比其侵尋講藝而國勢固已衰矣朝大小臣說學蓋眇使命往來又習聞南土性命空虛之言以求經教故文學無足觀者元好問輯河北諸人詩爲中州集其辭浮厲異乎

文一

五

詩人之旨然差不染宋季鄙倍之習故藉而芟之以識文章絕續之事好問所自爲欲學古矣綴數掇拾十一而已然不可謂非豪傑之士也元初遺民因以附之元有天下不足百年學士大夫瞻烏之羽初息黍離之傷又作蓋可悲矣而游藝者眾既曰彬彬顧氏元詩選三集作者數百網羅蓋備頗傷繇鄭子今據以著錄有學道之氣者莫如劉因有宗國之哀者莫如趙孟頫初定中國四方人士亦姑息肩於水火而喁于焉方元盛時虞楊范揭謂之四家翩翩著作之林哉亦眾作之有滋味者也於是更唱迭和五音繁會合者與元和元豐相上下矣感威柄之褻越悼征賦之繁重上帝甚蹈下民孔哀予輒錄當時憂生念亂

之言以求世變之亟宋詩弁陋言之不文故元代文士類欲祖唐而所見不循其本楊維禎晚出乃知求比興風諭之信於樂府古詩雖繁麗弔詭其言不盡軌於正而其意固甚美也特標極吟以維禎冠元季之士由是左克明郭茂倩之書盛行於代馴至明弘正閒而詩教於是中興矣維禎不與有力哉不與有力哉

明詩錄敘

夫去聖久遠情性無所統飭音籟之發或備宮商或傷繁鄭由唐以前合者十五宋元之世合者二三審音君子庶裁斐然有明取天下最正養士最優世變雖亟而雅好文章問學疏闊猶慕稽古經史大誼無足觀采獨其爲詩三

文一

去

百年閒作者蔚然雲興嘒殺淫哇之響一見於宣德景泰而玉振於弘正再出於啟禎之閒而宮縣之音不絕尋其離合可得而言開國之日承元季之遺大雅漸復而弔詭繁麗未能盡忘文成摩天之刃揮斥羣賢尋厥名篇多在前代黎眉一集慘舒異致四方文士標舉詩派不無利鈍而清典可味惟時吳下遂爲冠冕故一代文教東南爲盛運祚靈長可以覘國殉難變起士氣摧傷朝野之文遽以衰息長沙李相雖處危疑而丁中葉休養之會於是制詩緝頌談者推爲宮聲足以樹型來哲王文成大賢亞聖之資楊文憲離騷放逐之痛文外獨絕視乎其人夫尙論作者蔑不抗心有唐折衷杜甫聲實之美至比之周公制作

不亦過乎吾觀北地李夢陽質有其文始終條理匪必智過其師亦足當少陵之史矣先後七子希風建安馴至偽體視乎別裁接武旁流差無悞響辭高皇甫同工異曲李王之後四十子之倫未厭眾志袁氏非通變之材一變知味鍾譚爲亾國之詠去之若浼極盛而衰亦足知政於是縉紳之士匿遠聲迹韋布之彥獨絃哀歌山水清音無假絲竹小雅之材斯其選也王澤旣竭頌聲遂亾聞澤畔之吟識懷沙之志和麥秀之篇者有呼天之哀鄙露刑昉可謂超超乎著矣殉國之賢遺民之作歌也有思哭也有懷不其善與至若屈願處士鼎湖之攀旣哀魯陽之戈復激忱槩任氣磊落使才憑臆而言前無古昔乃有怨而近怒

又

七

哀而至傷者則時爲之也吳嘉紀表布粟之文章杜濬彭孫貽鬱松檜之柯幹言不期深而自然感激文不期工而吐于高亮則陶潛劉琨之流也明人矢詩之旨義法未必盡純至其音節往往可歌甄綜羣言以爲是集庶幾存六義之遺意而已

復堂詞錄敘

右錄三百四十餘人詞一千四十七首敘曰詞爲詩餘非徒詩之餘而樂府之餘也律呂廢隊則聲音衰息聲音衰息則風俗遷改樂經亾而六藝不完樂府之官廢而四始六義之遺蕩焉泯焉夫音有抗隊故句有長短聲有抑揚故韻有緩促生今日而求樂之似不得不有取於詞矣唐

人樂府多采五七言絕句自李太白創詞調比至宋初慢詞尙少至大晟之署應天長瑞鶴仙之屬上薦郊廟拓大厥宇正變日備愚謂詞不必無頌而大旨近雅於雅不能大然亦非小殆雅之變者與其感人也尤捷無有遠近幽深風之使來是故比興之義升降之故視詩較著夫亦在於爲之者矣上之言志永言次之志絜行芳而後洋洋乎會於風雅瑠瑠曼辭蕩而不反文焉而不物者過矣靡矣又豈詞之本然也哉獻十有五而學詩二十二旅病會稽乃始爲詞未嘗深觀之也然喜尋其指於人事論作者之世恩作者之人三十而後審其流別乃復得先正緒言以相啟發年踰四十益明於古樂之似在樂府樂府之餘在

又

六

詞昔云禮失而求之野其諸樂失而求之詞乎然而靡曼熒眩變本加厲日出而不窮因是以鄙夷焉揮斥焉又其爲體固不必與莊語也而後側出其言旁通其情觸類以感充類以盡甚且作者之用心未必然而讀者之用心何必不然言恩擬議之窮而喜怒哀樂之相發嚮之未有得於詩者今遂有得於詞如是者年至五十其見始定先是寫本朝人詞五卷以相證明復就二十二歲以來審定由唐至明之詞始多所棄中多所取終則旋取旋棄旋棄旋取乃寫定此千篇爲復堂詞錄前集一卷正集七卷後集二卷其間字句不同名氏互異皆有據依殊於流俗其大意則折衷古今名人之論而非敢逞一人之私言故以論

詞一卷附焉大雅之才三十六小雅之才七十二世有其人則終以詞爲小道也亦奚不可之有光緒八年九月譚獻書於安慶樅陽門內寓舍

篋中詞敘

國朝二百餘年問學之業絕盛固陋之習蓋寡自六書九數經訓文辭篆隸之字開方之圖推究於漢以後唐以前者備矣至於填詞僕少學焉得本輒尋其所師好其所未言二十餘年而後寫定就所睹記題曰篋中其事爲大雅所笑其旨與凡人或殊容若竹垞而後且數變矣論具卷中不覩縷也李白溫岐文士爲之昇元靖康君王爲之將相大臣范仲淹辛弃疾爲之文學侍從蘇軾周邦彥爲之

文一

七

志士遺民王沂孫唐珣之徒皆作者也昔人之論賦曰懲一而勸百又曰曲終而奏雅麗淫麗則辨於用心無小非大皆曰立言惟詞亦有然矣譚獻敘光緒四年立秋日李西雲先生遺書敘

獻知從事爾雅訓詁說文形聲蓋本福安李先生之教云先生聞儒於學無不窺其嗜學也綜羣經其治經也先小學蓋與江戴段孔諸家途徑悉合榮榮大者若證武王伐殷辨孔子不知防墓振豁羣滯釐然有當於人心求天文家言實事求是不爲曼衍之術子史之書隨筆甄綜巨細畢舉雖時時與他家相出入而儒者不遺一物之志可見也先生舉於鄉久困公車不得已謁選爲浙吏以經術飾

吏治未竟厥施乃以海塘樵菑之役重困毀家從公卒中吏議終於令長從政之日不廢撰著其素所蓄積然也方先生之宰仁和獻以童子試受先生知初謁先生卽告以當讀邵氏爾雅正義段氏說文解字注乃至今日二十餘年濩落無所成就固已重負先生而先生之亡且十稔矣先生遺書皆在杭州令子世綖於兵火中奉持而出叢殘未寫定殆十不四五今世綖以屬獻謹次先生說經之藁爲西雲札記三卷以雜治羣籍者附焉說文引經攷未成倉頡篇輯本散佚雜文一卷詩二卷畱雅故通古今皆有合於經訓者也夫藻績爲文章者世多有曰體勢曰聲病譬彼草木華而不實又或張皇幽眇爲性道之空言皆未

文一

三

奉教於先生者矣

怡志堂文集初編敘

桂林朱伯韓先生居諫垣直聲滿天下比粵西寇起先生居鄉創義保衛里閭會賊渠某慕義來歸羣將帥疑而未敢許也先生毅然以百口保之後其人成大功死王事議者謂李白之識郭子儀殆遜之矣論團練功以道員用未施于政從役江蘇浙江當是時東南鼎沸兵甲連千里先生紆籌料敵未竟其用致命疆場炳如日星嗚呼如先生者豈徒以文傳哉而先生之文植體經訓原本忠孝恆病當世人心數於言利故于讀孟子書貨殖傳後表立言大旨其化則萬變而不離其宗夫利之入人心也如水灌垣

無所不摧如火燎原無所不烈內而家庭外而中國天下
交征者日盛而巳至於變故相尋何所不至萑苻之盜
賊敵國外患之馮陵睽睽萬目惟利是視充類至盡殆甚
於洪水猛獸得一人昌言以排之庶幾振迷之木鐸也子
輿氏七篇息邪說距詖行而首發仁義大聲疾呼以正言
利之失孟子之功不在禹下則先生之功其諸不在孟子
下與桂林之山槃槃杳冥奇秀甲天下而聞人蓋寡不逮
中土豈其僻遠無由自通與抑亦薄鬱積而有所待也
國朝古文起元明之衰襍粹然一出於正桐城方氏姚氏
後先相望爲世儒宗而粵西呂月滄先生同聲應之至朱
先生而益大先生揮斥萬有暉麗媿兼方姚之長而擴

六一

三

其所未至桂林奇秀之氣其特鍾于是矣咸豐中獻獲接
先生於京師推獎之言猶若在耳老成丰采猶若在目而
清忠亮節爲國效死獻在杭州與纂忠義錄嘗流涕爲先
生立傳計偕入都適先生文集刻成復流涕而爲之敘文
凡六卷皆先生手定付獻錄副者聞吳下曾以活字印行
不知於此本異同何如也同治七年三月

稼書堂詩敘

鄉先生潘惺盦侍御遺詩四卷曾孫恬盦丈以授獻讀之
作而曰獻夙謂詩可以觀政可以觀化何以明之賢士君
子哀樂過人以詩爲史風論得失陳說疾苦而當時德禮
政刑之迹閱千載而如見然可見者其事之粲然者耳朝

廷清明休養生息也既久王政敷布綱舉目張薄海內外
服先疇之吠畝食舊德之名氏韋布之士抱道尙志皆得
逸樂而通顯者有奚斯吉甫之才則其言論文章莫不春
容夷愉而嘯殺之音不作遺篇墜簡流布人間後之人不
幸當災眚干戈之際無以自存三事大夫夙夜勞勩則前
此琴歌酒賦興到之語一入於勞者之耳不禁目想神游
求生於其時不可得則夫化澤之長無迹可求者皆見於
學士大夫之文有季札之識者可以觀矣侍御君策名全
盛之

六一

三

老成之側而尤慨息於天下休明人事寬閒衣冠文物如
在開元嘉祐間如何其不發思古之幽情也恬盦丈克紹
家學屬以兵燹轉徙海上賦述祖之篇痛楹書之寄當不
以是言爲河漢也

學宛堂詩敘

學宛堂詩二卷武進董君子中所著也君名家子學有淵
源故其中春容而夷愉屬天下多故流離轉徙於大江南
北車轍及於齊楚之郊名山大川有以振動其氣志而憂
生念亂則不能無悲悼感憤之辭然其中之春容而夷愉
者如故也嘉慶中常州數百里間學士接踵天下談者以
之稱首君固晉卿先生之少子而泉聞翰風二張先生所

自出也其繼起宜矣蓋嘗論之樂經亡而聲音之理微而其道猶未至於滅息者則詩尙焉孔子曰詩亡然後春秋作雅頌闕壞宮商廢失而上之德意無以宣下之民隱無以達猶賴賢人君子負述作之才稱心而言世治則可以歌詠功德揚盛烈於無窮世亂則又託微物以極時變風諭政教之失得綱繆婉篤於倫理之中遇之如近而尋之實深此誠足以通春秋之教者也往讀宛鄰書屋古詩錄去取乎雅鄭揚抑乎興觀得詩人之遺意而有裨於聲音之道子中爲張先生甥儻亦與聞緒論而窮力於正變乎吾見其日進於古也

朱櫻船詩敘

文一

三

泰州吳野人先生抗逸民之高蹤樹詩人之逸軌言皆布菽功在風化昔者著錄遺文未嘗不心游目想矣百年作者有難繼之歎薄游閩海交於朱君蓋吳先生之鄉人也仕隱丞尉抗心曹劉內行潔清而文章彬蔚矢詩數百篇皆出入騷雅無佻染諛悅之習吾觀其含思逸澹託體峻雄而感時述事既不激詭而雅有比興善已詩道總維今異於古所云往昔文章壇坫爭立名字一二巨子矜其創獲天下靡然無異詞者不復能折衷禮義別白誠僞是其蔽耳今則師心而鬪之彼亦一是非此亦一是非蕩蕩乎無所統故里塾皆散無友紀之士則田井皆散無友紀之民獻嘗謂詩可以觀化者此也文章者禮教之飾以學木

詩書音中律呂爲正宗必以辭氣鄙倍聲音嗷殺爲畸衰獻游四方見夫不失其正者葉潤臣觀察符雪樵大令而君亦其選也且以君退然夷然虛和近道其鄉先正吳先生之風於是乎不隊豈不懿與抑吾友丹徒莊中白遭亂流寓泰州其人甄極絳緯通天人之故荀董之文枚傅之詩可謂卓爾朱君或蚤辭纓絛振衣言歸與中白修士相見禮於海濱蕭寥之區示以鄙言當相視而莫逆也

鷗堂詩敘

唐人雅言子美爲詩宰相摩詰爲詩天子若以輞川爲度越草堂者其旨安在豈不以少陵言薄蘇李氣吞曹劉而以當右丞之夕箸超超會於風雅雖同爲羣言之主宰而

文一

三

一出自然一有作用蓋近世王貽上尙書知之矣所撰神韻集不傳於世三昧集之指歸實舉右丞爲職志別白而定一尊是在心知其意者焉右文之代浙東爲賢喆林府會稽南鎮鬱乎淵乎若天漢哉並世作者曹文孺孫子九文章爾雅未獲接席平生故人則秦勉鉅王眉子周叔明季況掉鞅詞壇聲華藉甚而李越縵通經稽古尤負物望同年友孫彥清陶紫畛者孟晉不已前無古人何其盛與不佞乃於笙磬之列山水之間遇吾馬子幼肩於物外喟然於江東獨秀非君莫屬也諸君子兼愛多能著作皆等身幼肩則覃思自精專力爲詩何嘗不窮極正變而五金一冶八音成樂若性若習若忘若遺自成爲鷗堂之詩而

羣言如廢求摩詰於今日其在斯乎其神似非形似乎馬
子生平歉然於足跡之近交游之寡不足以發其奇特廣
其應求似也吾觀摩詰有鼎貴之弟居帝王之都藍田別
業傳爲丹青馬子連蹇卑栖固不敢望然摩詰一生游歷
亦未若少陵之東郡南徐秦州劍閣備經奇險卽同遭天
寶之亂卒苦賊中僅以凝碧短章忠悃如見庾信陳琳之
歎遂以千秋北征詠懷滔滔大篇當之亦豈有愧色摩詰
山澤之游惟裴秀才爲同調殷遙儲光羲輩大都蕙帶荷
衣贈言送別無當日巨公固不必汝陽宗王東川節使也
吾幼眉可煥然矣若夫獻交幼眉一再相見卽出宦游中
問自新安乞假暫還幼眉有懷人之詠未獲晤語明年自

文一

三

定詩三卷刻行越縵序之而獻與君溫伯雪子之交別有
相視而莫逆者君詩刻成遠寄在余懷袖閒已三年矣高
秋木落于役安吳道中望黃山之背泓崢蕭瑟浩然有懷
重申遐悵並許同人

道華堂續集敘

古者揚子雲澹雅而好深湛之思求之於世賢達惟代州
馮公魯川足以當此咸豐丁巳戊午間獻客京師多接有
道時馮公官比部桂林朱伯韓侍御漢陽葉澗臣侍讀馬
平王少雀農曹上元許海秋起居瑞安孫琴西侍講經術
文章蟄下俯盛逡巡廿年孫公馮公先後莅皖比獻來應
官馮公已歸道山孫公旋擢鄂藩以去則友於馮公族子

子明君母家浙西故相見如鄉人投分忘年交日以摯當
公在時許子明以不朽之業固不啻口出也君著書盈尺
詩尤綜古近之長前集四卷體素儲蓄已名其家中更兵
事憂生念亂而道力超然雖仕宦不進文望日高大府恆
禮遇之官休甯日從邵學使游白嶽詩最工清峻卒著有
謝康樂柳子厚遺意前此姚棣伯普陀游詩不能及也獻
聞昔之能文章者輒言得山水之助竊以爲稽古學道肖
次悠然靜深有本乃始與清景相發而其高步遠想感時
述事且出於山水之外不徒模範泉石閒而已君嘗刺舉
鄆元水經注成山水奇藻八卷獻讀之以爲寄託在山水
之表也而況於詩乎君前在軍府日久盾墨作文仍不爲

文一

美

伉厲之習有道之士不域於境如此可謂寓意於詩而若
無意爲詩者矣爾者年踰七十詩律益細絕不見其自放
然則老杜夔州以後論者謂風格不無少積或君有感於
是與方今風雅道衰而褻裾尊俎之辭亦不足與於斯文
安得耆舊如吾子明者落落然參錯天下使獻推衿送抱
虛往實歸何至回首京華有風流獨絕之歎也

蒿菴詞題辭

夫神之所宰機之所抽心之所游境之所構身之所接力
之所窮孰能無所可寄哉縱焉而已逝蕩焉而紛魚寄於
水鳥寄於木人心寄於言凡六寄於榮利莊域寄於辭填
詞源於樂閨中之思乎靈均之遺則乎小子學詩可以興

可以觀可以羣可以怨沱潛洋洋岷嶓峨岷汎彼柏舟容
與逍遙爲鶴鳴爲沔水爲園有桃爲苑有苦葉吾知之矣
吾知之於其詩也

小輞川圖後敘

夫閒房曲榭酒德琴歌三餘讀書一門風雅則管者之小
輞川也徹其牆屋薪木毀傷訓狐嗥而碩鼠走者兵閒之
小輞川也山川重秀城郭是而人民非折柳采蓮主客思
舊是今日之小輞川也主人王五謙齋承育泉徵君之家
學少時攢書名園學以大就柳谷蘆碕之間吟聲出金石
唱和之篇追蹤摩詰壯丁亂離父子仗義投身戎馬足以
披洩其意氣已而土死城積園林有茂草之嘆謙齋出入

文一

老

兵閒亦有萬戶野煙感同凝碧事定歸來故居煙莽拮据
苟完而小輞川別業水咽竹荒尙未暇葺治也春朝秋夕
華鳥依然徘徊逍遙之津欲與裴迺秀才賦輞水淪漣之
句而前游不可復矣謙齋舊賦小輞川權歌屬宋君圖之
凡四十流離轉徙猶在篋中乃合前後賦詠之篇合裝二
卷子來廬州流連丹青以當臥游吟諷詩歌如接翬屐昔
吾鄉吳慶百棄梧園後友人畫梧桐數十本遺之慶百乃
有畫圖梧園之記垂俛藝林謙齋高才作達其亦尙友摩
詰舍宅爲寺之曠懷而絃詩讀畫悠然如少年之游從可
知也

鄧析子校文敘

九流之學名法尤數月食修刑帝王所重董子云陰居大
冬刑在於空虛不用之處固未嘗廢也鄧析竹書隊不復
見遺文如綫剝拾而已博覈而不竄尙非申商之旨也子
駿敘錄於二千年宋槧絕續不殊球璧吾友彥清七略傳
家覆刻舊本子受讀之舉馬總意林馬驢繹史警校異同
許君邁孫有舊藏寫本亦附箸焉

太平廣記跋

太平廣記五百卷短書稗說不爲典要唐以前遺聞奇事
略具於是矣劉舍人云無益經典而有助文章其斯之謂
與宋子京纂唐書列傳多采小說往往見於此書安知不
因館閣新編人世罕見左右采獲翫奇忘割乃至緜簡之

文一

美

間多失本真一以爲正史一以爲類書亦疇爲聽真哉所
據羣書亡佚差少儻得好事一一讐校補正闕誤亦辭苑
之瓊瑤何獨御覽歟輝方來
送布政使楊公入都敘

昔光武中興不試功臣以吏職豈不以身在行閒氣憍意
滿軍興之日文罔闕疏遂不欲循有司之法一旦爲吏民
事既非所習又挾其武怒之氣則舉厝恆壘吏議然而功
臣之賢者折衝盡其力拊字勿施其仁雖有寇恂賈復之
循良徒以列侯就第而已夫躬囊韃犯霜露行師所過往
往鋒鏑之餘也見夫人民流離閭井殘毀遺黎動色來告
疾苦又聞官吏之擾水火盜賊之災害而惕然有感於中

疆場肅清勞來安定朝廷擇賢而用之以綏一方民則功
臣爲吏其效且出尋常倍蓰也湘鄉楊公從軍入浙號儒
將三衢以西收名城十數大小百戰公當帷幄之任發蹤
指示告全功焉既克杭州任按察使持法寬平再葺擢布
政使於是散遣士卒歸其田里率羣吏以養凋殘之民風
雨和甘疫癘不作嘉禾獻瑞異畝同穎黎老扶杖以爲復
見太平由是觀之功臣不必盡賢功臣而賢則雖試以吏
職而吏職益治同治八年季春之月公以述職入覲於
朝士大夫以逮氓庶蔑不惜公之忝而望公之來而公於
浙東西之曷士皆昔日躬櫜鞬犯霜露百戰之所恢復也
流離之人民公所安集殘破之間井公所繕完也度亦有

文一

完

戀於懷登車而躊躇焉從可知已

廈門義學記

石城僻廬記

全椒崇善堂記

上座主湖北督學張先生書

與夏薪卿書

答林實君書

與歙縣諸仕宦論修方志書

與黔泉易大夫書

義冢碑

浙江忠義祠碑銘

文二

崇義祠碑

前全椒令孟公祠碑

葉君修橋碑

唐先生教思碑

來孝女傳

朱聯華傳

黃先生傳

許教授家傳

張先生傳

繆太僕家傳

文學屈君妻節孝陳立人家傳

廈門義學記

古者鄉遂必有學禮童子勝衣就傅以迨成人始終於學故灑掃應對之節詳六書九數之術習三年而通一經求賢審官皆出於學然而橫經負耒士未貢於司徒者未嘗一日離其鄉也今天下郡縣立學增廣生員鬻舍不足以容頽水之側絃誦無聲而補弟子員者往往成人之年幼就外傅則從其句讀小師執經無家法逐利速化而已學之不隸有司者則有書院書院必有師肄業弟子各歸其家書院又多在城邑而課生徒以文藝則夫鄉井之間總角之童子書數方名之術業散無友紀譬彼垣墉勿崇厥基蒙以養正莫致其功義學者貧家子弟財物不足以執

文二

文二

贊疏教不足以饌先生童幼雖秀良淪於牧豎賢士大夫有憂焉創學舍聘師儒教焉而資其稟既推究其原蓋出於古里塾之制端本善始以達於郡縣貢於成均王政之大本乎一鄉匪獨好施已也廈門一島風氣樸儉無文德之昭曠亦未習為聲利邪侈葉君仁心為質樂善不倦掩骼糞芻澤及枯骨成渠治道行路頌焉於是立義學四區生徒數百人指讓於階佔畢於堂份份焉穆穆焉以表禮容而講六藝海隅之盛事也詩曰菁菁者莪樂育材也周官以三物教民而賓興之若夫恢宏經典禮訪名儒上比馬鄭下不失為胡瑗者以為之師誦詩書甄誌緯經義治事各有本末無城闕之游有丞徒之楫始於養穉極於官

人豈不偉哉抑吾聞之七閩設學始唐常李聲績爛如君任非牧伯在鄉里間海隅聲教之本前無成規經之營之卒副其志天下之大有司之眾苟其著爲令甲脩明學制事始一鄉教成國學則天下可以無私師而人才畢出於學矣

石城粹廬記

古者友教四方子路居衛子張居陳澹臺子羽居楚子夏居西河田子方段干木受業子夏之倫爲王者師何彬彬與易曰君子以教思無窮記曰師道立則善人多抑又聞古之人七十致仕大夫爲父師士爲少師故曰天下無私師吾何以知其然哉以此全椒薛先生家世儒者教授鄉

文二

三

里先生策名筮仕爲劇邑令爲大郡守進筮糧儲孳孳爲政宜無暇與逢掖之士講習從容然几席間攝衽說履請益者且盈焉難進易退宦成而隱蓋嘗設教於杭州西湖之上浙江東西箸弟子籍者數百人去思之頌亦既盈耳羣弟子以先生客也乃結屋湖濱表游息之迹氏之辭廬先生大布之衣邛竹之杖相羊其間士之以名節自許誠義欲用於世者奉教先生如古經生家法焉獻惟先生往歲寄意丹青有滁山村學淮水秋風之圖迄於解組不獨懷鄉有浩然之志後起之秀良聞先生之風而欲親炙之者淮流鍾阜與南譙雲物相望百里如何其不斐然而受裁也同治八年先生去杭州設教於石城山下未知先生

少壯時攝衽說履受業家塾者猶有其人乎而淮流鍾阜閒束帶自修以名節自許誠義欲用於世箸弟子籍者又數百人遠巡十年嚮學益眾有德有造盛於浙江東西先生大年六十有三稱東南老師羣弟子以先生少長於是也乃結屋山麓表游息之迹氏之辭廬先生大布之衣邛竹之杖相羊其閒如在杭州而加樂焉以土風之近鄉而釣游之所習也當此之時獻方爲全椒令江南人士與獻既同名一師弟子如古經生家法相識也相聞也於是千里而外遙遙兩辭廬潤色山川增成故實獻皆得觀厥成抑亦樂先生之樂與石城山下有袁枚大令隨園大令杭人去鄉流寓園林觴詠如前日事以視先生播大易之教

文二

四

思廣執禮之師道子方段干之賢函丈授受澹臺西河之風縣引勿隊山林終老復古大夫致仕之職業故國故都之思朝夕如不出鄉豈非前賢之所不逮及者哉而獻所稱天下無私師者由是而益堅其持論矣

全椒崇善堂記

從善堂者全椒士大夫敦周官任卹之義所以軫顛危哀寡弱劑有無者也全椒之爲縣也小地無他生殖田家作苦力嗇而已不能爲商賈錐刀之事以故時和歲豐則樸而易足兵事凶年相侵尋則貧不能自存吾聞之者舊當殷盛時農趨於畝士趨於塾耕夫贍足而衣冠蒸蒸江淮之間百里之國文教既茂衣食禮義相先也於是乎贏不

足之故消息之運賢者嘗深思熟計之族媼相卹也鄰里相與也道光中一國之善士猶以爲無仁術以經紀之不可欣羣力立從善堂於南郊凡夫死喪之威則有棺柩之施矜寡之哀則有養婦之養其他周貧乏扶阨難者尤備秉禮之邦好善之士行之如故常而哀益平施尙未見爲勞鱗也且夫中流失船一壺千金又曰觥飯不及壺飧惠不在大視乎其亟施不在博視乎其力若夫崎嶇戎馬之後喙息繕完之時生聚乎十不六七田野乎蕪不治且連阡陌皆是也困者日益困則如陷淖中噉號於人而人固徒手相視解尺綆之藉無童子之助幾幾乎欲拚而無由噫嘻艱哉然而秉禮之邦猶昔好善之士習聞故事而興

文二

五

起焉古所謂贈人以財者則分資儲以爲庸所謂贈人以言者則廣董勸以爲備君子人者拮据經營四三年矣而崇善堂興大都往年營從善堂之子姓與其親友皆在列而當大兵凶年之後歲事穰饑無九三之蓄穀且賤又傷農也則其集事之勞視殷盛時難易之故蓋判然矣從善堂在南郭者既燬於兵兵時武夫健兒雜居民閒有屋一區在城中都人士乃購以爲經紀仁術之堂顏之崇善以爲繼前人之迹非前人之時蓋有難焉而如登之義且積小以高大也其治事之方任事之人矧台持久金錢之數別有簿錄而勾縣令書其本末紀績舊不廢之善事以告後之人

上座主湖北督學張先生書

正月計偕道出滬上遇李農曹敬知與居萬福疴疾悉平南雲詹尉以吾師究天人之奧發道德之腴今日稽古之榮朝廷如以厲學卽異時以公羊斷獄以三百五篇當諫書載都載俞爲時臬夔劔劔惟以竟書生之業而已獻生三十七年矣蚤識文字以斧藻自蔽且二十寒暑學無師授至二十五六歲始知推究於遺經中丁亂離瀕死者數昔人所謂無晷刻發篋陳書之暇徒於舟車之中竈突之側從衡一卷十念七八竊關經教外識世變於天地民物之故惛然也而不無所概於心欲著一文名曰學論未屬草也其大要四言耳曰天下無私書天下無私師人

文上

木

才皆出於學國政皆聞於學繼而讀明夷待訪錄則黃先生已發其凡焉憲已於餽名易書中幸出大賢門下殆天閱弟子之窮而得所歸邪抑亦在奔秦禦務之列也逡巡遠離問業日淺斯文未在楮墨末由就正春趨京師禮部報罷幽憂多疾又迫淺火偃蹇圖南竊願忍飢誦經叩屋簷書江湖道遠甬夾請益不知何時文采漸落賁且剝矣而根實未茂想大楚人士得夫子三年之教其樂無以冀或矜念離羣獻將繼此莛叩以當執經耳獻以六月暑秀水教諭今之學官非古之博士也世且以爲詎以爲諧猶復則古昔稱先王駭怪當日甚而獻不顧也桐鄉沈生遂上著作夫子當日吾道不孤伏惟珍衛

與夏薪卿書

薪卿世兄足下自來秀州冷齋晝揜發視詩藁縱心其間名章迴句往往見珩後來之秀且誦且憲抑僕聞之詩者持也持之有故言之成理先民有言厚積薄發足下冠年踰五命筆斐然四卷之書已踰百什僕始以爲足下十年侍宦燕秦滇蜀征衣飄搖何止萬里又於其間骨月多故出入烽火創夷在目齒位雖未也要當哀樂過人深湛之思不廢述作語言繇多都關情性絀簡旣竟蕪詞累氣卽又不逮夫干霄之木根入九泉盈尺之綺不以麻績昔吾有先正其言明且清六義退矣漢氏以來樂府古詩不盡可通言外之旨恍忽有物六朝三唐凡其燼燼皆非苟作

文二

且文章小道入自小之著作之林請循其本忠孝廉節之士夙無文譽偶一發唱足動鬼神陳編具在曷一致思若夫讀書匪惟剡藻天地民物視乎推燁百家諸子各有專門性之所近善建不拔稽古說詩曰不得已豈必雅頌皆由窮愁不得已者學問旣成身世所值洞見本末觸緒起興稱心而言傳之其人乃爲不得已也茲事體大物引其端所望足下杜門發篋植心經史之區託體比興之域至應世科舉互得證明殊不相妨無待擯絕張融有言不阡不陌不文不句又曰丈夫當刪詩書定禮樂何至寄人籬下狂狷之言亦云縣解明月之珠干將之劍要不能多多亦不貴又士生今日文事難倍古人古者塗徑未闢清新

俊逸殊轍同歸鍾生品詩源流各異唐朝名家各立門戶

雖脈絡可通而枝葉替出元白李温盧仝馬異成名而去任人褒彈今則不然每樹一義皆非獨創若論深造後不如前百川學海或者潢潦自非特立以問學爲之根以變化爲其用殊呻窈吟百響一寂夫何爲哉僕學道不堅結習未盡竊於此涂自比老馬足下今日正僕初入京師之年遠巡涼燠歲不我與足下視僕十三四載所得幾何吁可畏也足下宿昔芟耆故敢貢其區區並世賢達接踵布武吾喙三尺幸深祕之伏承上侍曼福獻頓首

答林實君書

實君足下省書蔚然拳拳固陋愧不敢當伏承左右盛年

文二

竺志晉與古居龍文之驥一步十景駑駘卻走敢曰識涂然而肫肫之誠不可以不報獻少傷孤露學無師承長而遠游當海內多故文獻絕續之交猶幸與四方賢達推襟講肄垂三十年力不赴志學行無所就謬以浮華爲見愛者所傳有如來貺匪徒過情亦非鄙人之願樂也記有之曰無本不立無文不行圓首方足曾見未立而能行者乎必不然矣左右求立言之法而以體裁下問可謂知本而未得大本也大本者何曰持身曰正學洙泗之間則有四教而必推本於忠信參也傳之樹孝弟以爲之鵠果其出入禮義束躬規矩而後通經學古一以非聖爲戒致用爲推身止而學無不正於是有意隱然不能已於言之故發爲

文章上則範世立教下亦則古稱先粹然一出於正卽不
必揣摩體勢寫仿古人而立言之法已備若夫體勢孰有
尊於六經者乎卽窮其流變孰有備於周秦諸子者乎足
下之告友人所謂秦漢八家之文高僅能窺六經之一節
降焉者尙不及九流諸子之書持之有故言之成理洎乎
流極數變而爲浮華之文去古之立言者遠矣以君之年
性分超邁盍亦潛心經訓以飭行志學爲先文章之事則
待諸優柔饜飮之後可也獻以訓詁小學治經適得其末
而又不詳密三十以後差有窺於微言大義遂棄前日記
誦之所得識大識小兩見乖違雜文三卷藁草未及寫定
又性好晉宋齊梁文士之作瑠球曼辭無當大雅不足爲

九

左右助也舊刻詩詞一冊奉呈浮華鮮實無足觀采池陽
秋浦有太白牧之之遺蹟勝國吳劉英聲茂實後生師友
足下當歸而求之布答區區伏惟爲道珍重不宣
與歙縣諸仕宦論修方志書
伏承勸勤聲實式里匡時不譽風采如臨方策誠欽誠企
獻竊聞之古者列國有史今之郡縣志書當之矣周官外
史掌道方志所以陳四方之風備柱下之要刪非圖經游
記也新安山水之勝禮教之隆二千年人物之薈萃盛
衰之故亦薈萃矣夷稽掌固求藝文於乙部則羅鄂州撰
輯開先天下郡國遺文散落蔚爲前徽偉哉作者伏陳
憲典一統編摩域內之紀述蓋備而長治久安續舊不廢

賢士夫與司此土者竝有責焉道光八年歙縣志成刪訂
張斯之書事增文富用志方來令長勞君實賴都人士以
觀成同時府志之創則又程封君樹之義聲爲此邦徵文
獻而四方且興起者也獻又聞之前事不忘後事之師莫
爲之後雖盛勿傳勞志告成於今將五十年此五十年山
水如故也禮教猶昔也人物之生忠孝名節或出或處則
亦接踵有司之政事舉措利病奉上臨民之蹟且日積海
水羣飛潢池之中有盜弄兵者則有軍旅之事疆易戰守
城邑失得盛衰之大端也其閒則有策勳則有抗節則有
國家之功令法度之沿革口耳相傳者故老盡矣考之書
策無名山之藏當官簿籍久亦嚶耳獻生於浙西千里而
近東帶學吏乃奉檄以來此尋討江源馮軾問俗慨乎興
歎不揆其喬宇崑瓌敬告賢士大夫當絕續之交謀述作
之業茲事不朽而勞費固蕃非羣力無以集所望吳越閩
楚閒仕宦諸公盱衡鄉井俛仰前修矚仕商之金以圖其
功求著作之賢以當其任獻固夤陋猶斤斤司土者之責
又念勞如齋大尹爲同邑先達高山仰止心嚮往之用敢
私布左右知峻山封君之風烈亦必不隊於今茲也庶幾
歙志續修備一邦之史策布諸海寓垂諸將來俾程忠壯
汪越國之勳賢程朱之闕里盛益盛傳益傳邑宰不才附
名簡末有光寵焉下風懷想無任區區
寄黔臬易大夫書

故人譚廷獻奉書於叔子廉訪左右爲別二十五年人事百變聞游尚通書問已而風塵九死喪亂餘生側聞君子振策王路以時開濟文通武達交游光寵而下走淪落無狀遂不欲以姓氏通伏念疇昔京華之游聯鑣接袂唱予和汝時六州雲擾方厲鈍奮弱冀效於時以爲劉祖之事正在我輩何圖雲散苑枯殊致鄙人海客與徐學使游幾死於汀州之寇鄉井淪胥老母垂白殉節客子不可以爲人瘦妻稚子脫鋒鏑入閩嶠單門一綫覩焉視息年三十而無生之氣生平之志廢焉已盡東南清夷歸栖墓田師友敦我重以諸生服旅於場屋則名乙科在丁卯之歲行年三十六矣公車三罷臂痛廢書計無復之更有敦我者

文二

二

折署作吏苟焉圖近先隴乃以羸官入皖忽忽八載今年五十頭童齒豁臣精銷亾與左右定交時忽忽如前日終以偃蹇志事不展何其惡與執事聲績聞見所習不待揚詡獨有憲者邊袖石方伯公子卓存太守筮仕至此告以長君天才亮特今之班揚欣企無盡獻此八年中權欵令一載王子槐尚書後人尙接言論未稱其家兒幾疑明德達人爲虛語尹全椒二年山尊樓亭之文采亦衰歇矣拙者之政斤斤簡書何以異於俗吏之所爲哉去年秋受代需次如入海一漚敖倉一粟蝨處而已何足又道皖中文章治術十百鄙人者有江夏鄭襄中吏議劾罷改轍之黔獻同官道義之交惟此一人遽焉乖離抑塞而無與語當

已備左右器使無疑也抑或垂神故舊進而問之語焉可詳已卯歲中白淪亾當徹高聽獻爲刻其周易通義十六卷不得已而作有合於先聖憂危之旨關山脩阻末由寄達至於中外之事肖次所欲發抒者百端千緒無從覩縷儻辱還答當繼是以言伏惟鑒察廷獻再拜

義冢碑

嗚呼天人消息之故微乎其可畏也古昔聖王尊生爲本故以民爲天生聚不與富盛期而富盛至富盛不與奢淫期而奢淫至奢淫不與凋喪期而凋喪至小者災沴大者兵甲皆天所以懲戒之而天心仁愛又必豫生救災之君子大人以濟其艱而圖其後屯之傳曰雲雷屯君子以經

文二

三

論師之辭曰師貞大人吉吾於今督部左公今布政蔣公見之方杭州之再陷也環攻日久饑道斷絕權金易粟不得糜革茹草皆盡芟殲相望死者已十七八城破之日刳割之慘雖少殺于庚申而子遺黎民難一二數抑亦百年治游侈靡之習召此變邪其陽九之數與粵之東西皖之南北同丁厄運邪於是乎左公督援師來蔣公之士三萬人轉戰而下更生之人求食之鬼胥嗚嗚焉

王師克杭州日積骸如莽蓋飢餓屠戮與夫百戰之骨皆在焉左公前驅所臨觸覩以憂以詢於蔣公蔣公以詢于鄉士大夫慕義集資募壯夫竭手足從事凡遺骸之可合者十萬具而羸并殘毀者棺之暴露者斂而覆之西湖諸

山在南山者若干區在北山者若干區江干湖墅亦就近掩藏之其制坎深二十尺斂骨若干具其上墳之崇八九尺皆以三和土爲之不惜費而求其堅畢如也其外溝若干丈裁令流水蔣公又慮久而湮於榛莽也載發資繚以周垣左公胸請於

朝埒於厲壇列爲祀典春秋有司祭之凡此不知誰何之鬼無所求其子姓而引之以至於無窮由斯以後歲有康年不逢災害厲氣盪滌永無兵燹微二公濟艱之大略無以掃除此土亦微二公圖後之盛德無以委曲周詳恩及無知之朽骨如是也此邦之人弔死扶傷創鉅痛深春之朝秋之日麥飯一盂涼漿一劑冢中之人非其親故卽其

文二

三

里郇合貧富而同盡混賢愚于一丘吁可悲也其將崇禮義敦儉讓以感天心之和而無負大吏之仁與賢士大夫之勤勞則是纍纍者又不徒動千秋之馮弔已也系之辭曰

西湖之山繚而曲兮叢豕纍纍如防如屋兮魂乎有知血相矚兮飽彼烏鳶飛土誰逐兮爲枯骨主靈臺之仁兮生匪相識死爲鄰兮陵葬澤葬思古人兮鬼不爲厲升于天兮粟麥歲熟國生聖賢兮嗚呼貞石垂千春兮

浙江忠義祠碑代

浙水東西禮義而文顧近弱國生斯土者與官斯土而用其人則亦曰近弱也然而句踐以報強吳抗中國錢氏立

國傳世戢守卒完其域譚戚名將以浙兵雄九邊則夫血氣之奮禮義之歸與

國家全盛博大之氣或漏氛斃芽燧日星晦孛於是乎有廣西之亂令長不職遂勦將帥四五千里鏖鏑塞乎中原狂走十餘年卒逃死於浙江浙江復而兵事漸解遂以救平浙江之繫於天下大矣唐宋以來袁鼂董昌方臘張士誠亦云代有然所殘掠或數城或數十城已耳若夫外寇憑陵肢體折心腹潰枝葉槁本根拔千載所未有也夫浙江四道襟帶江海面背甌吳賊犯上流旁略數縣形勢尙格逡巡遁走自皖南魚爛廣德績溪門戶盡徹而後有庚申之事省會不守大臣死封疆賢桀外扞衛匹夫匹婦忼

文二

四

慨於水火繩藥者相望何其烈烈與援師如雨五日而毆豺虎顧未大創也東南蠶食已徧壯健日外亾東壩陷而喉吭絕蘇州亾而唇齒失糧匱鄰蹙智力困矣備分力單賊來無方而後有壬戌之事當是時列郡淪沒未下者二三城皆艱机無以濟可謂危矣文武官吏抗橫艸之憤膏血塗野而不顧士大夫之有志節者提義號召前殲後繼赴義如渴百戰悍暴投外包邨析骸易子湖州北於昨陽時乎艱難則莫彊於禮義矣豈多文者固必弱哉今恪靖伯左公奉

命於鼎沸之日誓師於荆棘之野開府三衢而謀恢復時蔣君益澧爲前驅昌濬亦以書生參軍事馳驅知已效鉛

刀之用撥甲數十百戰窮獸猶噬大韃大鞞羣力允宣師武不匱乃以同治三年甲子之春攻復杭州廓清郡縣子遺黎民十不得五國殤之哀貴賤同之

朝廷教忠典制顯一命以上晉階錄孤尊者易名崇祀下不遺於氓庶既厚且廣左公乃延攬賢大夫士資其聞見采掇遺烈網羅幽潛開采訪忠義局於甯波府城後移杭州具籍入告仰邀

褒卹歲月淹久以名達者二十餘萬人蓋繼左公者荷澤馬端敏公合肥李公及湘鄉蔣公及昌濬封事既陳

恩施沛然前後入奏者三十有三京曹陳請恆有增益欽承詔書稽之成憲擇地東城金牙莊廢公府巨金閔建祠

文二

五

堂奉文武官瑞忠壯羅壯節王壯愍而下鄉大夫戴文節趙忠節而下需次之吏庠序之士逮夫庶人婦女外封疆外扞衛外水火繩藥者堂夾房室粟室類從復崇坊表一如律令其有浙人而外事於外者附祀焉主採訪者今湖州府知府楊榮緒浙江候補道秦細業王蔭棠梁恭辰王景澄前國子監司業仁和沈祖懋前四川永甯道富陽高應元前內閣中書錢塘張應昌忠義祠創始同治十一年四月落成十二年二月仲春宜祀俎豆肅離衣冠在列車馬來下昌濬周旋興起乃銘麗牲之碑銘曰
皇帝中興沐浴日月重輪重光宵衣南顧女牛所照如沸如羹篤生將率運民水火掃厥機槍漸水之流大越之山

重秀而明奪人虎吻還友饋粥弔外扶傷溝壑原野無完家室嗟乎遺叱爰咨爰詢疇殉疆場疇抗戈兵萬世不視陷胷決脰凜凜平若生上告

天子榮賁九原禮在太常贈秩卹後復啟崇祠牲物來享相茲棟宇鬱乎沈沈翼然東城有延林泉安幽降靈百世馨香痛深創巨職守土者內安外攘被都土女母習於狙兇危忘亡羣靈在天消戾化厯百穀用成孫子忠孝蹈乎賢智肅承王章庶幾古語永無兵燹來眎斯銘

崇義祠碑銘代

同治三年新貽拜撫浙之

命秉節於兵戈之後下車之日進子遺之民人弔外扶傷

文二

三

惻焉於襄及稽故牘詢黎獻則庚申辛酉間浙水東西列變之文武犯難之士女烈烈乎項背相望蓋毅然可以興矣惟夫行省十有八浙江介嶺海號柔而有文安全之時封域晏然若大小吏離容爲緣飾之治邦之人水陸奔走百貨來集以華相尙絃誦於里塾者工藻斧之言冠裳翁翁訪文字者以爲敷澤其東南隅樸野而堅質蓋十不得以三數無幾何時外寇瞰其饒裕狎其弱也兵興十年無完土凡事有常有變史言不困阨惡能激乎水火之側不能不奮此十年中戰守之功蓋大有所披洩矣鏖刃接於眉睫忠憤填於胷臆民間扶義而起者亦郡縣相接自夫疆臣以下鄉大夫士抗志不辱流風被婦孺所謂義形於

色者也文柔者日與禮教近是故處常不能以惇大而遇
變不至於鳴義不即於渙靡有由然耳愚以為痛定之可
思前轍之可師必有以風示之既登吳山望江流之激盪
越山之磊砢若與國殤相揖讓而杭之士族有戴氏家殉
於亂乃指其宅建崇義祠以祀殉變犯難之官吏紳民此
與舍為浮屠老子之宮者何如邪國之賢者於是繕完拓
大之來告於吏新貽拜疏寵錫 宸翰曰湖山正氣迎奉
入祠之日風雲壯麗川原開朗逡巡恍忽如見羅壯節王
壯愍瑞忠壯戴文節趙忠節諸先臣率從祀士吏氓庶森
列几筵欽謝恩澤新貽瞻拜成禮乃推明
朝廷教忠之典而為之銘曰

文二

七

昆岡之火則莫敢遏懷襄之流無所不沒志決於安行成
於危橫艸猶勁歲寒無時慷慨從容有死無二亦有淪胥
同盡一致江海之縱縱也惟於越之為大邦也以一瞑而
勤事勒石室之功宗願告兮來者覲文兮匿武兵燹兮永
息馨香祀兮終古

孟公祠碑

前全椒令山陰孟公以道光十七年宰邑二十二年調解
咸豐初軍事起六年公奉檄幫辦縣事八年三月賊陷全
椒公戰於北關沒於陳事聞
郵贈知府銜同治七年東南底定邑士大夫合詞請建專
祠督部曾公陳於

朝報可比光緒七年之春乃克建祠宇於襄水書院之側
昭忠祠之左禮也公治績於今四十年被澤之民僅有存
者以死勤事亦二十餘年當時捍衛之難抗志之烈父老
傳之輒為流涕徒以兵戈而後歲數不登又未得地也而
未有祠公子教諭君沅垂老篤孝以光緒六年秋奔走陳
乞歸而疾卒邑之賢者旁皇乎仁政興起乎忠烈感槩乎
孝思鳩工庀材欽承

明詔几筵堂階如律令凡以報勞臣勸循吏正以遲之又
久而後見三代直道之公所謂沒世不忘者此也祠既落
成沅之友仁和譚廷獻方宰是邑乃書其本末於祠壁而
為迎送神之辭俾工歌以祭

文二

六

決防兮溢水劍折兮鼓聲死父母兮悼厥子奚免於懷兮
不視靈之來兮甲裳紫須無汗土兮色有喜匪喜蒸嘗兮
喜井里 右送神

孰大社兮孰水庸夙富教兮公之功釜山兮蔥蔥襄河之
雲兮如龍靈之去兮雲中孺子色兮千里相從永成孝兮
成忠 右迎神

葉君修橋碑

君姓葉氏名文瀾福建同安縣廈門人也近道之性無假
書策推迓善賈不競錐刀白圭居市之知子贛博施之仁
彥方處事之直老氏和光之教固行出於眾已廈門海嶼
古曰嘉禾人物樸僊風義未昌君掩骼霾藪澤及枯骨建

立義學生徒至者數百人泉嶠啟隘谿壑陝隘人騎檠桓
縈策躡躡同安南安晉江三邑孔道爰有七橋名在徐記
歲久頽圯傾墜入水行者變色次且不前時或風雨陷淖
呼號顛覆莫辨我余孟門僕如斯與君閱其然若已推內
靡金錢集徒眾刻日興作土石畚鍤督其成闕階翼如
人不病涉向之畏途由是坦坦昔在國僑乘輿濟人鄒邑
論定不如杠梁近聞萬安與自蔡氏循吏之蹟疑猶鬼神
君不在馮軾之位不勝其援溺之志是可頌矣予乃嘉歎
爲之辭曰

茫茫禹蹟泥行棗橋淺厲深揭臨流求匏爰有仁人興廢
舉隊徒行呂安振策無退伯都西狹鄒君褒余表功貞石

文二

元

過者歎嘆

唐先生教思碑

竊聞之師也者傳道授業解惑者也蒙之言曰天下無私
師古者師有家法弟子名一師則終身焉爾自天子而下
皆有師養老乞言朝之師也父師少師致仕之卿大夫爲
教於鄉焉仕學遷變師道日廢然而

國家甲令郡縣有學學必有師通都下邑由宋以來則有
書院書院則院長爲之師二者接踵或稱或不傳道尙已
蓋慎言之授業解惑竝吾世而有唐先生安慶建行省懷
甯爲附郭縣光緒三年縣令彭廣鍾始建鳳鳴書院閱六
年獻蒞官諸生言曰吾師唐先生固懷甯學師也到官五

年主鳳鳴書院三年矣獻告之曰唐先生吾友也嘗同校
安徽通志純白宏毅亦吾師也唐先生之教何如曰先生
敦內行孝友無閒教以樸先生博極羣書爾雅深厚教以
文言必忠信行必篤敬教以君子誦詩讀書知其入論其
世教以尙友獻曰若是其厚矣至矣非書院所得私諸生
曰懷甯學弟子員數百人七鄉散處或者游於四方于于
焉詣於庠校束脩承誨歲一再至書院者拔數百人之秀
良服習於齋講受於堂請業焉請益焉庶幾名一師弟子
如古經生家法匪私也若或私之獻官懷甯不再替屏僕
御設茗粥與唐先生談藝訪治不能數數見也吏事敦我
五六接席而已見則悠然廓然者且數日十年夏四月獻

文二

辛

已奉合肥檄未受代而先生病病一日卒寢門之哀獻與
諸生雪涕相向也先生名壘字子愉太平府當塗縣人七
葉爲儒力田逢年一門相師友學既成道光十七年舉於
鄉數上公車輒報罷主敬亭中江潛川廬陽書院身教言
教其有焉有用世才兵起避地襄漢間大府禮敬任以筭
權綽然就理亂定歸則受志局聘始終成書乃喪其壯子
舉人汝璟於是盡傷差以道力自遣耳志局罷選授懷甯
教諭貧而樂道卒於官年七十有二歲初彭大令營建書
院徵培文洲租以爲膏火資連歲苦潦賦入不登講肄幾
輟兢兢焉爾獻與先生商權經歲始得邑之宦達錫金謀
久遠規模嶄舉而先生卒不佞行矣諸生習先生之遺教

且旁皇且纏綿不澹澹忘之也於是祀先生於堂春秋之日肆薦肆享而以獻於先生雅故書院又有司職也請爲文以述之易臨之傳曰君子以教思無窮唐先生其人與作教思碑竝紀先生生平庶有傳焉

來女傳

來女鳳筠父某蕭山諸生生三女客福州嘉慶二十五年十月女病父之古田挈女登舟經籍洋時風雨晦昧波激起舟欲壞父出視蕩隊入水榜人呼女躍出援父則亦隊舟人意其從外矣水駛風茁女反覆得徐下下則傍佗舟過佗舟人見之引篙欲救女尙能言疾呼曰救吾父救吾父人感之羣舟爭救果得父并救女女猶爲父易衣燻湯

文二

辛

浴已而疾大作入舍館三日女外識其事者皆曰來孝女云女靜容而弱事父婉婉得歡心父病且不治女刲臂和藥進而病瘳女外數年父又病則仲妹鳳蓀夜顛天承露盈囊以療遂與季妹鳳梧以奉侍積瘁相繼外父哀三女外孝恆爲文學士道之賦詩歌其事久而猶有傳者贊曰邯鄲之碑江流與長媼姪至性生于娥鄉曰士者女孝德不爽誰歌汎舟靈來籍洋

朱聯華傳

弟聯萼

朱聯華字倬人浙江江山縣上台莊人世以武仕及聯華好讀書爲廩膳生母弟聯萼附學生兄弟相友變事親並以孝聞朱氏家小康父履通嘗散財貸貧者聯華兄弟又

善接人故鄉里稱之咸豐十一季夏四月廣西賊分道犯浙江江山地接江西爲迤西屏蔽時無兵守縣城陷初上台鄉民虞賊至聚千人相保履通謂子曰吾無職守義可去鄉黨建義奈何違之違義不祥逃必不免發積粟以饗眾鄉人素惠朱氏至是咸樂效外賊既陷江山城鄉被掠甚苦掠及上台聯華兄弟迎戰鄉人執糧鉏從之大敗賊於山谿閒初賊自江西長驅入浙不三月深入千里如亾人焉者氣懦甚倉卒遇上台之眾出不意大愕以挫幾覆全隊因是數日戒勿掠鄉既偵知鄉人力薄又孤立遂合其徒有致外之心鄉人語聯華曰曷率君族避諸勿聽再三請則奉母及其孥入山而身復來侍父率丁壯計戰

文二

三

守越日賊大至誓於眾曰勝則進克縣城不勝則汝曹自爲計吾與吾父爲存亾眾咸感泣與賊遇於莊外久持不利裹創浴血鬪千人無奔者賊又敗去聯華知賊且持久困我而我無後繼也遣弟侍父遁甫行賊廬至入其莊聯華斂眾復戰軍數合爲賊中擊首尾不相應當是時鄉民潰賊奮呼逐北憤前敗遂窮追煙埃蔽野聯華冒白刃蹤迹父弟而履通已爲賊追及與聯萼相失矣賊斫履通聯華身翼之弁外焉聯萼去稍遠遇逃人聞父兄外急反鬪或沮之憤曰吾父外於賊吾兄外於賊安用獨生爲聯萼精技擊趨入賊陳盪殺數十賊力竭而外

論曰吾友銅梁郭炳章爲子言朱氏外狀欲涕欲搏方咸

豐間羣盜竄起海內百姓不皇且莫通都大邑司印綬之吏隳封疆之守者相望聯華聯萼非有專城之寄剖符之命也率寡弱之民折強盛之寇父子兄弟率以戰外亦大不自量矣記曰臨難毋苟免聯萼有焉

黃先生傳

黃先生名式三字薇香浙江定海人祖必悌父興梧先生事親孝父性嚴先意承志恆得歡心嘗應鄉試母喪暴病卒於家馳歸慟絕誓不再赴試以歲貢生終於學不立門戶博綜羣經治易言卦辭爻辭一意相承六十四卦爻辭同者亦一意相承又釋繫辭衰世之意謂伏羲世衰而神農作易之興也其於中古乎中古謂神農也以此申鄭君

文二

重

神農重卦之義治春秋作釋救執釋人釋名釋盜釋殺釋歸入釋以以訂杜預釋例之譌先生宗鄭氏尤長於三禮論郊禘論學校謹守鄭學其說明堂則云明堂之制見於攷工記匠人漢師鄭君猶有疑義辨之曰夏后氏世室堂修二七當作堂修七股度以尋堂修七尋周度以筵堂修七筵則夏度以步堂修七步鄭君以堂修七步爲隘注有令堂修十四步之文假令之辭也而後人乃依此作二七字隋書宇文愷傳言記文云堂修七轡校古書並無二字此爲得其實也先生撰易釋四卷書后幪三卷詩叢說一卷敘說通二卷詩傳箋攷二卷春秋釋二卷論語後案二卷十卷惟論語後案排字印行吳縣吳鍾駿上元朱緒曾鎮

海劉燦慈谿王約皆以爲漢宋持平之書可垂國胄作求是齋記曰天假我一日卽讀一日之書以求其是作畏軒記曰讀經而不治心猶百萬之兵而自亂之蓋自道云讀史喜文獻通考而時論定馬氏之闕失嘗應聘佐軍幕府主以外寇問作禦外寇議問者色沮先生曰不從此言數年後必有大寇事果驗年七十二乃作知非子傳曰人各有職士無職以治經爲天職其治之也必以畏聖言侮聖言爲懸衡洞見得失用不敢勦說雷同而卒以行不掩言爲咎至是而先生之學大成越二年得偏痺疾病革挽手欲起諸子扶之命書別語告兄弟宗族門弟子端坐卒子以愚道光乙酉副榜貢生以異議敘從九品以周優行廩

文二

首

生能世其學江東稱經師者必曰黃氏先生沒五年督學泰興吳存義讀其遺書與巡撫荷澤馬新貽會奏入祀鄉賢祠

許教授家傳

許君正綬字齋生會稽人初名正陽成進士後有所避改焉祖國英父元相以學行重於鄉君生而恂慧厚重力學童子時村人儼賽簫鼓過門攤書不輟業望若成人焉出應有司試以文驚其曹偶喜治經有家法道光二年鄉試中式會試再下第歸而講授里中多成材浙東號大師九年成進士歸知縣班候補歸請於父母承親意改教職選湖州府教授數月而母喪去官服除選嚴州府教授生徒

問業束帶蒸蒸官嚴州四年父喪歸恆往來建德壽昌主書院講席來學益親二十四年年五十復授湖州教授君希古經義治事之教日進秀良修明樸學成就益眾當是時事例日開學官稍雜進矣君以爲高語學術人或迂之文字吾職也輯國初以來校官詩錄網羅放失表章前脩將以垂則儒官上備太史學者稱之已而歲不登兵事又起君於振災助饑之政恆竭心力大府重君吏才以知縣薦君追懷二人守先志謝焉巡撫使者黃宗漢奏加國子監監丞銜咸豐十年君年六十六歲患腰脚疾乃謝病棄官歸歸未幾而湖州陷君憂念深所苦遂劇明年卒所著有胡安定言行錄四卷校官詩錄十八卷重桂堂集若

文二

三

千卷校輯之書有爾雅疏連氏周官精義翁氏困學紀聞注凌忠介公奏疏唐一庵木鐘臺集皇祐新樂圖記遇亂多佚子章燕傳需能世其學

譚獻曰天下有私師師道亡矣學官者國家所立郡邑書院則有院長皆師也顧人士恆不執業文具而已而當世之學官院長弁陋無文學或者巧慧不循正道士以逐利速化之心求師而

朝廷官司所推擇復庸下者利無足比數安望其嚴事而服從耶一行省中得數十許先生爲公家之師承學之士庶乎其得所歸耶何其甚與

張先生傳

張先生名炳杰一名道字伯幾錢塘人父敬謂力學致疾絕意仕進箸南園詩集故先生又字少南幼慧有神童傳十六歲補諸生後學使者下車無不以國士待之師陸璣雲九得詩文法所居定南鄉地幽民原樸先生性恬澹鮮入城市父卒怨家某構訟學官羅織之幾及旣割腴田營救得免坐是家中落先生亾瘁容益讀書自厲嘗曰前後讀書二萬卷二十歲前讀十得九由是博綜羣籍經史大義皆通旁及山經地志小說雜家富朋儕文酒清集中坐偶舉一事輒指某書某卷百不一爽當是時杭州文學頗盛伊樂堯遇龔鍾學聚蓮裳沈璜竹虛周蘭伯蓀經學詞章各有成就先生實左右之而遂安毛慶麟仲雲洪自舍

文二

三

子泉東陽盧正珩蔥甫龔秉琳潤山青田端木百祿叔總均以文義相切劘先生最工詩一意學蘇軾嘗鈎稽全集折衷羣論成蘇亭詩話談者以爲蘇門功臣也漢軍徐榮知杭州府文字往還最契數年間先生於徐僅一面而已鄉試久不第學使吳縣吳鍾駿激賞先生恆於廣坐惜其不遇已而鍾駿視學福建卒官喪至杭州先生迎奠江上賦詩哭之哀先生性好山水慕匡廬鴈宕欲裹糧往游以母老不能遠離而止咸豐十年賊陷杭州十一年復來據之先生奉母蕭山村中轉徙無恆居者三年同治元年遭母喪時四方皆賊藪不能盡禮一恠成疾體素羸處僻不能得藥餌又曉夜哭母遂不起臨終告其子預曰汝父一

生兢兢自守，亡他憾。汝祖母遊此鞠，因耳自念束髮讀
書，頗能彊記。今此腹分爲青草，平生撰著，莫本汝當守之。
如事我存也。卒年四十二。遺書存者：唐浙中長官考二卷。
臨安旬制記一卷。蘇亭詩話八卷。漁浦詩集四卷。文集四
卷。散佚者尤多。子預，杭州府選拔貢生。同治丁卯，竝補行
甲子科舉人。

論曰：雲九陸先生，振奇人也。獻年十三，見陸先生於秋鴻
館。時盛暑，陸先生敝髻搖兒童所弄赤紙小扇，右手持酒
杯，談諧百態，客有敏後漢書三國志者。陸先生誦史文如
流，俄而佐以稗官家言，闔坐絕倒。獻雖童子，甚敬畏之。陸
先生終已不遇，竟於酒旅葬德州高第弟子如張先生。

文二

三

復老諸生，晚丁亂離，以身殉孝，箸書等身，曾不中壽。天乎
繆太僕家傳

繆府君樹本，字翰仙，世居常熟。明殉禍，諭德文貞公九
世孫家。世忠篤，爲吳右族。府君官陝西臨潼，知縣從團練
大臣前副都御史張文毅公入賊，巢諭降，叛回任老五同
時，舛難秦中。漢回構，擊伏戎且久，回人多外黨。曉夜謀亂，
誦羣吏短長，同治初元，粵賊自蜀北竄，全秦戒嚴。臨潼居
其衝，府君禦卻之賊，乃紆道南田，犯渭南，逡巡出關。於是
渭河回眾，遽起，冒團練名，漢民亦集眾自衛也。修夙怨，且
日，聞則有馬百齡者，以解散之策干張公，百齡固回人，列
衣冠，張公久在軍中，習於豫皖羣帥，撫諸捻，以成功，又易

視回眾，乃挾百齡入油坊街，回巢會大府，厭兵。府君舊有
戰守能，威望著民間。文毅既行，有司不能不從漢團，既散
回眾，益橫。遂攤張公與府君至蒼頭，露刃害之。府君行時
嚴守具，而出謂張淑人曰：吾許國之身，犯難不避。粵逆在
郊，誓與城存。今患生肘掖，吾出以諸子累若矣。淑人曰：
君殉國，我不當殉君乎？行矣，勿念妻子。府君既陷賊，指示
禍福，譬曉百端。洪興者素德府君，至是謀脫。府君不果，賊
渠慮眾心且搖，官軍又未集，乃決計戕之。當是時，二華高
陵皆不守，臨潼孤立，以備禦完得不陷，而張淑人已絕食
七日矣。府君通刑名學，少客游，名動燕豫。咸豐四年初，
官河南縣丞。五年改陝西知縣，大吏如曾公望、顏家端、恪

文二

三

公皆慎於折獄，奇賞府君。理西安獄局，因機立斷，民以不
冤。歷宰咸陽，武功，整厓皆有異政。臨潼民抗糧，結聚乃移
治之力，疾莅官，獲亂民楊某械繫之。其兄楊生花謀劫獄，
府君已先期檻送省城，單騎禦眾投戈歸農，獨禽生花置
之法，撫部奏保。

子戴花翎，以直隸州知州在任，候補府君。歿事年四十六。
張淑人年四十三。府君

卹贈太僕寺卿銜，世襲雲騎尉。子鍾汴，承蔭改知縣，發安
徽鍾洛陝西府同知。鍾渭，鍾澆。

論曰：府君之於可謂從容矣。身糜於豺虎而所施設卒完
危城，豈輕於一擲哉？閨門之賢與蓋臣比，烈懿已鍾汴世

其家善折疑獄亦有聲讞局也與予善

文學屈先生妻節孝陳宜人家傳

宜人氏陳常熟人父諸生野平訓女有禮法宜人幼卽婉順長字於同邑屈氏年二十四歸文學官綬屈故士族多儒生文學曾祖曾發貴州畢節縣知縣有治績文學治經粹然少擅文學顧連不得志於有司困童子試有年然不廢讀孳孳擁書擘討也爲文恣肆下筆千百言不止長老奇之久不遇益困奉親至孝色養無違得宜人佐助之門庭益肅過其家者默識言動以爲準槩津逮焉宜人旣食貧以鍼帶佐饜膳之不足重闈姑嫜樂其事養咸得頤性黨族垂範文學才不副命年二十五早卒歿三月而子承

文二

三

福生宜人捋茶鞠養事祖姑及姑甘旨無闕以文學中道摧傷故承福童齒就傅宜人課之嚴恆對子唏噓述三世惇嫠先人齋志助遺孤以讀書體用立身本末拮据賣宅節衣縮食以爲承福束脩從師地承福岐嶷亦善體母志顧家日落文學諸弟皆不振連遭大喪承福方爲游學養親計而粵寇來侵三吳塗炭咸豐庚申蘇常陷八月朔二日賊至常熟南村太平橋宜人母子相失承福忍死陷賊中輾轉尋求踰年始知宜人卽以遇賊之日投南村河外節矣承福誓死從母而慮苦節之不章也旣脫於難荷戈從軍以才能見知洵保縣令歷任安徽黟蕪湖諸縣補授懷遠令同治七年具宜人殉難狀請於巡撫使者英翰公

陳於

朝得

旨旌表建坊祔祠以承福官贈宜人承福治績如畢節府君也

譚廷獻曰不孝鮮民也生二歲而孤母陳宜人蚤寡與屈母同貧幸與屈母同不孝弱冠橐筆游於四方年三十方客侯官而杭州陷病母殉節又與屈母同哀哉先君子不登中壽遺書散落承福常唏噓告子文學先生有詩文橐草遭亂盡失雖陽九之會百族同盡而人子之身覩焉視息一官一邑豈爲顯揚承福與廷獻追慕音容椎心沒世而已

文二

三

甘府君墓表

光祿大夫徐公碑銘

徐公夫人張氏靈表

辭侍御墓表

新興場大使陳君墓志銘

陸大夫墓志銘

候選府同知武君妻王墓志銘

吳節母墓志銘

中憲大夫高先生行狀

吏部左侍郎吳公行狀

文三

國子司業沈先生行狀

祭馬端敏公文

丁卯同年祭餘姚朱侍郎文

祭沈司業文

甘府君墓表

丹陽甘氏出於晉于湖敬侯卓族居甘邨明萬厯年遷江甯府城爲右姓居江甯六世生府君名延年字存仁祖邦基考國棟府君幼慧載籍一目輒上口顧不樂仕進蚤棄科舉學稍稍以治生昌其家性樂施與才氣無不舉嘗好爲其難上元周家山石磯臥水濤浪朝夕來齧之地當江口羣帆所趨暴風起激盪上下望岸欲赴逆而折焉胥溺

歲有府君斲巨石爲柱治鐵經百丈柱倚磯經及山足風水卒變人得馮挽乃獲全矣築高橋門石隄從橫廣堅負戴坦坦人名之曰堅固垣聚寶門雙城黠泰易石新之往往陰出私橐而以釵資告人惟恐義聲或章也道光季季江甯數被水圩田淪陷盪及廬舍風雨嘯號如響之答府君權舟載餽徧饑者或有樓居莫出闕牖得濟蓋惟日不足無勞苦之色寒者衣之病者藥之全活無算夫天地大矣人猶有憾偏災流行人命若芥川涂險塞行道傷嗟人力旣施遂以裨天地之闕若府君者可謂賢豪者邪府君性孝友義先於家昆弟繼逝致哀恤後旁逮甥姪率視所生歛故學士程公晉芳爲世通儒嘗寄孥江甯及子婦

文三

二

張旣寡流寓無所依府君周之備至比死葬焉少羸善病日者謂季不逾六十比七十而神識不衰咸豐三年賊破江甯府君避居官山冢祠泯焉無長物而所識有陷賊後出者猶館之丙舍不能容僦邨舍農家皆滿日脫家人環瑣易穀以食曰大難之來我則幸免窮而歸我何忍而不同憂乎賊據江甯日久乃轉徙至嘉興府君憂兵事日亟東南之民轉於水火盡然以傷遠適異地徂暑中人咸豐七年七月得疾卒年八十有一府君雖享大年而晚丁喪亂憔悴憂傷衡以仁壽之理卜以神明之厚胡不百年不獲親見承平之期其可慨也夫嘗以兄子熙貴馳封朝議大夫禮部儀制司郎中生子二鼈貢生光祿寺

署正銜元煥優行貢生 朝考一等以教職用署宿遷縣
訓導孫曾源曾沂皆江甯諸生江甯克復歸葬官山之阡
元煥走杭州以狀來乞銘幽之辭謹次厥大耋表於墓道
誥封光祿大夫徐公墓碑銘

公諱夔字俞臣先世名惠自浙東衢州再遷爲長沙人也
晦學黥志橫經隴畝十有餘世祖光楚內行純篤配羅夫
人苦節百歲垂輝方志蓋克昌之基也考國摺成教鄉鄰
隱若大師王彥方陳仲躬之流矣公生而齊稷少以軌物
自持長益澤於詩禮孫志時敏造次儒者言動視聽衷聖
復禮年三十講授里塾生徒蒸蒸弟子羣從就傳於家師
嚴道尊尠所假貸因材成就道路傳之公季弟芬舉甲科

文三

三

官禁近萬石之家門戶始崇公用世之志濟物之仁屢中
之知成德之勛溫溫不試斯盛斯傳所生諸子執六藝之
通東三物之教匡國宜民發揮家學公之隱曜賢於振轡
非偶然也長子樹銘弱冠登朝康夷王路使車四出以人
事君海內人望中朝寶臣實曰家督嚴君樂之仲叔諸子
民人社稷學古入官吳楚於越膏澤下民公拜親於堂老
猶孺子嘗就養樹銘福建官府而妣羅太夫人壽終於家
星奔泣血感動路人繼遭父喪益用緜悒盡誠窀穸脩明
禮經固知百行莫先巨孝至於窮經討古不事箸述箴戒
滕口匪直搗謙初樹銘使齊公游太山軍期旁午寓兵於
農出書墜衍軍法部勒長君承教組練堅利仁者之勛不

其然乎公道器凝嶠淵淵其淵頎身眸容儼然而溫以故
識不爭趨於前與父言慈與子言孝所至撰杖浸成風俗
沅澧大水流亾萬夫公勸貸振養全活無算旱乾平糶家
穀先發鄰里詬諍欲訟不敢一就質正推誠化爭蓋莫不
斂服云家庭雖穆過華子魚身教久矣何述可忘怡神家
荷年七十七偶嬰微疾手不廢書光緒五年三月幾望公
撤瑟之日沐浴正冠家人咸侍講禮中庸記反覆首章率
性脩道本之中和和大原戒慎恐懼言畢視晷啟手告
終公以子貴累封光祿大夫兵部侍郎配張氏封夫人同
治十年先公卒子樹銘道光廿七年翰林歷官兵部禮部
侍郎以薦士左遷今官大理少卿樹鈺江西府同知署清

文三

四

江知縣樹銘監生樹釗江蘇知府前六合知縣樹鋒同治
九年副舉人官浙江知縣樹鐸議敘布政司經歷孫豐立
二品廕生慤立兵部車駕司主事公大楚耆德聲實蔚然
耄期不倦施於孫子禮葬長沙東鄉大賢都建碑墓左於
制立銘辭曰

古鄉先生沒可祭社履蹈規矩文章韶夏巖巖徐公會閔
儒者孝于惟孝德輝朝野英英令子競爽揚名珪璋國珩
金玉家聲執禮無違上壽垂明慈彼後裔矜石永貞
光祿大夫徐公夫人張氏靈表
夫人長沙名族張氏高門某公之淑女也迹其箴紉在室
蘋藻教成孝弟永懷臧獲無閒體季蘭之性嚴贊栗之儀

歸同邑徐公言告師氏何辭煩騁夫子克相威姑以訢宜其誕毓大賢紛綸五福者也徐公服彥方之仁直膺仲弓之純懿潛德不仕糜壽綰綰夫人生六男二女貞松丸柏奇玉特殊天眷德門萃於帷帟長君樹銘學明外內志康民物踰冠登庸優馭揚歷岱嶽輶車閩海錫日迎養之書旁午拜信而尊章色養婉婉在堂夫人至性竺厚澹榮職孝十年之間未嘗就道比同治六年長君以禮部侍郎使浙視學夫人已終事二人餘哀澹澹始俞誠乞來就盤區蓋徐氏累葉孝思不匱侍郎兄弟明發耿耿猶孺子慕承教實然侍郎使還方奉顏笑次于江汜夫人第七子樹釗作宰六合施偃艸之政關子舍以迎之平反庶獄踰於廿

文三

五

旨夫人樂焉侍郎以薦士蒙議左官太常廬邱震蕩南望惕寐果馳凶問夫人以同治十一年年七十五某月某日終於六合縣署太常聞告自絕者十失血者數望星南奔雪霰助哀江艷縈幕六衢不春迺以十二年卜葬于長沙鬼神來告龜筮咸從十月丙子朔十有七日景時負土斯竟防封已完子樹銘前兵部侍郎今官太常寺卿樹鐸劬學蔚文嬰疾早卒樹鈺江西候補府同知樹釗江蘇六合縣知縣樹鋒浙江候補知縣樹錄某官孫五人太常先時書命達於杭州故吏譚獻文以哀辭銘之丹石庶揚母惠於不朽誌幽宮於罔極頌曰
繫母氏之令德永育鞠于後人殊一門之壽軌恒疆固曰

百季廣思齊之成教蹈任姒之鴻塵鬱楚國之輝光蒞家道而繼賢想我公之純惠桓車挽而栖山嶺尤來而弄兵分馳猷猷之狺狺日左右而無方迄靡危而不殛羌致孝以教孝索八子而恂恂何夙喪於江表庶期頤而摧之坤載衰而靡恃銜枯魚而增哀邁微疾以告終謁和緩而不治窮銜恤于四方解華紱而襲衰稟衡嶽之淑氣卜鬱鬱之佳城申烏集之悲懷永揭虔而妥靈芾乾蔭之大臺作王國之翰楨翩靈禽兮來下曜日月於元局

山東道監察御史薛先生墓表

同治元年江西鄉試副考官薛侍御以勞疾卒於南昌貢院閏八月九日也先生東南人望多文有聲考校尤精覈

文三

六

臨沒猶部分進呈錄越日放榜多方間士皆以不及見舉主為恨侍御名春藜字淮生安徽全椒人咸豐壬子舉人癸丑進士先達沈文忠公典江南試以先生為榜首嘗舉其學行以告獻游京師未見先生心儀之已而見先生同懷弟於嘉善今學者所稱桑根先生者也同治二年桑根先生知杭州府署糧儲道謝病解職講學西湖獻著弟子籍於薛氏益習頗聞侍御為學節目立朝本末又十餘年獻作令全椒侍御嗣子葆榘以先德卜葬日久表墓之文未具因以屬獻爰本夙昔所聞書之先生少承父教治經有家法遂三禮之學老於鄉舉既上第恆慟親之不見也入翰林銳志經世自四史三通以至胥吏案牘潛心研討

不事冠蓋徵逐所交惟王侍郎茂蔭尹御史耕雲黃兵部雲鶴何員外秋濤皆清介開敏之賢者也改官臺諫益奮欲有所建立每上封事肅衣冠垂涕屬草既進或焚之家不得闕當是時海警方興粵寇猶橫時事阨危先生抗章籌防夷劾權貴尤犖犖大者可謂不負所學矣先生卒時家人在京邸次年南歸中道遇征軍紛然奪行客車馬弓刀雜沓且大窘江西會試舉人數十方聯車至皆曰吾師門也若何敢爾驅我曹車去可乎軍人則斂手退矣先生教授人士多所成就成進士歸全椒方戒嚴先生乘陣戰守卻寇散館入都而城始陷故鄉黨感之同治十三年請從祀鄉賢祠祖鳳翥父鑫淮南耆學爲教鄉里兄暄黍

文三

七

庚子舉人弟時雨癸丑同榜進士浙江杭州府知府有三鳳之目娶王繼娶吳三娶郭郭淑人尤賢明也皆無子以兄子葆榘嗣優貢生候選光祿寺署正同治四年十月葬先生於羅梁趙山揭石墓門乃系之以銘辭曰

匡衡抗疏於古有聞通知時事則殷侑其人興起者與夫親炙之士再拜則曰文先生之墳

清故新興場大使陳府君墓志銘

新城陳氏代有聞人江南西道高門弟一文辭書翰垂輝海內則有碩士侍郎玉方侍御子鶴尙書後先相望而凝齋先生實以正學修明南服金鑽石室遺著列於儒家粹然爲江右人師有四世孫學洪字充之戶部侍郎觀之孫

承德郎希良長子也少羸善病又苦淡悶時時厥逆父母憐之不令肄科舉之業而君固沈默好學受業於世父蘭祥饒進士拱辰治宋儒書遠有崑緒益推究凝齋之學恂齊遠遁束修出入其爲學以孝弟爲本篤事二親先意承順弟兵馬司副指揮學淵早卒遺孤又殤君既命次子鵬爲弟後資嫁弟女過於所生先時家門鼎盛與從兄弟公財於鄉黨好施嘗理義倉以舊儲襍稊稗出緡錢買穀陰易之迄更兵亂家亦落而君志行終始如一少卽治心性極理要不讀非聖之書丹鉛劬瘁能文工書蓋嘗謁醫祁門方劑有效病良已道光二十一年年且四十始謀祿養入資爲兩淮鹽場大使淮上離運甲天下牢盆之利習尙

文三

八

奢詐鮮能以吏職自厲君漸漬儒術緣飾從政於海州築隄濬河事至立辦嘗蹤跡富安灘審私發之如山積泰州運副邵陽魏源歎異君之才識署板浦大使商民頌之至今咸豐元年以憂歸三年粵寇棘圍攻南昌君先倡團練於鄉至是義眾四千人扼武陽渡賊不敢犯饒道以通君與同邑楊太守莖南豐吳編修嘉賓之力也解圍策功君力辭薦達卒以兵事毀其家六年再之官授新興場大使以安靜爲政時時讀書如經生同治初元羣捻犯清淮君嚴保甲乞師守境夏旱海濱民扇動環官寺洵洵求減賦君曉眾大義調誠步禱旣得兩人心甫定乃有議加賦者君以兵起鹽滯銷小民生計且盡力陳於大府始寢積瘁

官事夙痾旋作十二年春謝病得請去官日父老泣送道旁數十里不絕既歸流連花木手一編孽味如少壯手書教子恆舉先正格言以修身應官安貧謙退爲宗旨光緒三年新城稽事告歉君約同志平糶五月五日猶集議俄而疾大作越一日丙夜卒年七十三長子驥工部都水司主事好學有文効於京邸次子鵬安徽知縣三子鷺浙江縣丞杭州陷殉難四子駒福建巡檢漳州陷殉難五子祐候選通判孫四振清揆清挹清皆鵬生本清祐生揆清嗣驥後承重子姓烝烝讀書有家法新城人皆曰凝齋先生後人賢也配雷氏有婦德仁孝慈儉前君十年卒茲以光緒三年某月某日合葬某山之塋銘曰

文三

九

儒書高蹈以爲世憂吏道多端岷乃飄搖請書陳公揭糶于臬卅年遺愛淮水漚漚陳多貴仕華纓以彰卓乎循吏太邱之儔搏搏厚土妥靈於幽石泐名章崇封千秋

陸大夫墓志銘

所貴乎循吏者以其勤民也勤民也者親民者也古之有司守令而下丞簿尉各舉其職課勤程能去民也近其勤易施漢魏間人位卑而名高悉數不能盡後世大吏日增多在下位者束縛而無以自見願雄駿君子懷仁抱義威則威惠則惠效捷而事專昧其人而已願亭林云小官多則天下治有以哉陸大夫名枚字建中浙江山陰人遷蕭山大父山遠父閻風嗣於大宗則祖名遠考東高父以諸

生游京師名動公卿君亦留都下十餘年習與巨人長德上下議論故才益博達宅心尤和厚出官而不以未秩自菲薄也宦游安徽任桐城馬踏石巡檢地當古樅陽漢以來名人游覽馮弔狀蛟之遺蹟盛唐之歌如聞焉爾君之官曰此固陶士行治所也吾安敢不勤以繼古賢於是日討四民肫肫告語民見君疏食大布之衣而孳孳於興舉廢隊則奔走恐後爲梁治道飢者體之病者藥之未足多也大者乃力止菜子湖築隄以爲舒城潛山旁七邑水爭趨樅陽以出大江湖居其內山洪匯之外漲緩內流駛隄之則泥沙墊隘非順水之性也濱江成家磯石齒齒爲行舟畏涂道光中君蠲金創眾造救生船事幾幾不就迂笑

文三

十

者走匿桀黠之人至百計沮傷之君不爲動終以誠感四十年不廢歲拯數十人歿者瘞焉汪公子者豪貴人也銜緡民牧馬者以危言告大府謂有陰謀將中以奇禍君乃走白大府事始寢咸豐八年大帥率師逐寇過樅陽兵士鬪于市者君縛而笞之乃闕于門君曰彈壓吾官守也笞兵丁爾帥且告大府吾待擧而已若何敢譁卒斂手去君能立威重非啗嫗者今者懷甯李丞亦笞軍士健吏不當如是邪桐城陷賊官軍復之大吏信君能檄攝縣令邑人訐從賊者若瓜蔓君多方出其學以爲救歿之人不當概繩以危法仁而愛人固素所蓄積與城以內設育嬰堂君久於樅陽知溺女之俗去城遠力不能至終棄不顧敦勸

善士分立於樅陽蓋永利寺云所全活又無算解縣事還樅陽先後三十六年時大小吏無久於君者矣同治八年乞病去官時長子顯勳已官壽州知州由四品銜加級請二品封典大夫之誥諸子者不外躬行所謂身教也光緒十年君去官流寓樅陽又十三年矣疏食大布之衣如平生樅陽之民親之如孫子之依祖父也五月三日沐浴端坐卒年正九十廷獻官懷甯嘗課圩隄民工往來樅陽入陶長沙之祠徘徊庭宇扶杖之老猶道君治行僕指不能盡亂定元氣未完又潦歲也安得大小吏勤如大夫仁如大夫威惠如大夫庶有蘇乎距君居尚二十里不得以鄉里後生撰杖老成之側於今思之如有失也丈夫子七顯

文三

三

勳嗣叔父後煥從九品前卒顯仁糧道庫大使槩殤炳巡檢獻附貢生銑知州孫六人君之卒也顯勳方以捧滿入覲歸未至院聞喪星奔與諸弟卜葬於山陰天樂山橫山岡以配王氏合葬焉元配周繼室王姚皆別葬顯勳與廷獻雅故馳書狀廬州乞銘案狀書其犖犖大者無愧古循吏於義宜銘銘曰
拄笏者誰吏則傲陽趨走無特操下此股民若炙燎繫陸大夫德自耀委吏棄田聿聖功矧同王臣一命庸處位惟嘆治惟豐繫陸大夫羞卿公黃耆者賢子揖揖理縣之譜垂家集水有蘭渚山有鼓繫陸大夫過者泣
候選府同知武君妻王氏墓志銘

錢唐武正性季復悼其賢婦出入黯然如古所謂神傷者聽其言使人增伉儷之重季復曰吾婦年十九歸于子實曰道光二十八年四月十有二日午成禮今曰同治七年閏四月十有二日午告終二十寒暑時日不爽豈彼氏所謂因緣固有定邪哀哉吾婦家素封父戶部公好奇多能所生子女十人顧奇愛吾婦吾婦至孝童幼至長婉嫵不去側戶部公卒于圓溝吾婦親含殮時兄弟異居吾婦守匱不去曰至嫁日未嘗離圓溝也戶部嘗指海安一宅謂吾婦曰嫁曰依汝比嫁兄弟勿與婦無一言既歸予溫溫曰肅侍尊章如父母人定尤寡言笑亦曰此戒婢媼曰勿謹我大人也一家無閒言蓋二十年如一日咸豐初兵事

文三

三

起避地轉徙無恆居長物盡失語子曰君不可以家食矣馨簪珥界子入貲為南河縣丞子之筮仕殆所謂為貧者非邪婦得戶部之傳善奔通音律竝解技擊既歸于武女工外未嘗一試子曰所聞叩之輒曰非婦人事也癸丑春子奉母避亂山居卒有寇排戶欲入戶堅力闢之樞壞幾厭吾母婦伸臂拒戶因擊數賊賊愕胎去家人咸歎詫曰為不可測也婦氏王父篤慶江蘇揚州府東臺縣人居泰州之圓溝歸武氏後生子一同辰女一其父母曰子視之其舅姑以子視之其婿則以友禮之而今已矣哀哉季復之言如此詩既醉曰釐爾女士說曰女而有士行者如武君言豈非有士行者乎於義宜銘銘曰

松風肅然武家之山山靜已安是爲孝於父母於舅姑賢婦王氏之阡濟濟武氏婉婉閨門式此貞石告武氏之孫旌表節孝吳母顧太淑人墓志銘

太淑人生於河南裕州殯於江蘇陽湖蓋故嶧縣令吳大夫之側室也容德端粹閨範自然大夫文儒客授嫡劉有風痺疾四十無子母管太夫人且高年也太淑人婉嫺來歸孝於尊姑善事女君族嫻有間大夫成道光十三年進士孝家之山西治嶧五年固劇邑也繇役餘日不給歲又不登振荒球乏傾橐不足假貸以繼惟太淑人實左助之大夫廉又好施子賢勞卒官公私逋積無算旣捐館盈門嘯索太淑人流涕發篋來者無紉綺珠玉可直十金故

文三

三

書名紙則責家皆棄不顧去孤子唐林未成立措拄逆旅閒管太夫人又碎於太原太淑人拮据治喪禮無違者於是焦學使友麟羅按察繞典間而感焉賻贈有加淑人乃得閒關舉二喪奉嫡攜孤歸於常州也旣葬益貧宗族無與振豪強且侵之故宅不可託居太淑人曰惛疾故鄉鷓鴣之詩毀室取子小君貞疾時時歸甯未亾人何所託命然立錐無地則可兒子廢學則不可吾君高才清白吏子孫可襍庸係乎乃挈唐林就學舊媼管氏寄廡讀書唐林竟以文章風節有名當世身用於時矣歲時伏臘祭於故宅扶龍鍾媪未明而至暝色而行不使路人見其面也唐林學成負米北南公卿折節中咸豐辛酉順天舉人以賞

官兵部迎養京師向日豪強稍反其宅乃有寧宇唐林歸治園榭太淑人題之息裒古飴啜粟顧而樂之已而改官杭州輕舟可達邸舍如家巡巡五年唐林連登啟事太淑人年踰七十雖平生積瘁而神明完固如四五十人光緒七年秋得末疾迫冬不起以十月下旬七日壽終太淑人幼遭河決附柿漂流遇拊溺者故不知生時月日至於有家食貧扞難茹辛苦者卅餘年始獲有子有孫居安食甘之一日然而祿未逮養孝子之心猶泣血也唐林三品銜道員用浙江候補知府孫禮申陽湖學生禮璜禮壽太守以管樂撰狀來乞志墓之文獻於太守雅故前年太淑人之訃郵致夥縣獻方宰全椒道阻今始有間也謹按狀要

文三

西

刪如右管樂才叔太守同學舊媼文詞爾雅獻固無以加之乃系以銘曰

息裒之園始築不垣惟時歲晚風雪旣寒鯁生隨計訪戴關藩陶母留賓窮涂一浪客衣襤褸未拜睟顏同上公車分金濟艱宦轍殊軫寤思昔言馮勤可扶齊賢蒙恩何圖蕭條風急樹殫膏梁匪腴金石匪完有母介節惟音斯翰達於

九陞綽楔清門清門再造下告九原馬鬣崇封謚兮營魂清故中憲大夫道銜候選府同知高先生行狀

曾祖士楨 皇贈通奉大夫四品銜內閣中書

祖崇文 皇贈通奉大夫四品銜內閣中書

父鳳墀 誥授中憲大夫候選道仁和縣貢生

浙江杭州府仁和縣雙陳衙高錫恩年六十六狀

先生原名學瀉咸豐六年後改今名字古民高氏世居山陰前梅里曾祖士楨始遷杭州士楨長子宗元創建杭州普濟堂號善士家世素封好施予醫藥棺匱寒衣歲有惠也曰是負鄉里望至先生父中憲公益任郵不勸先生幼卽劬學長益肆力經史於世泊然無營淵原師友有名聲于時曰例貢生應鄉舉七薦不上弟應舉文字古澹不偶時俗終已不遇屢助軍精議敘候選府同知加道銜先生博習于古尤軼正史成誦如翻水世事溫溫無所試願獨居講求河漕水利輿地之學究極本末每衣冠盛集坐客

文三

五

論議飄舉先生默不一送難暇乃爲子弟析其是非其沈潛如此性好詩歌入書肆輒捆載古今人詩集歸坐一室丹黃點勘從橫滿席洞燭正變不喜近世門戶之見與夫斤斤唐宋之論議獨操正聲曰姸雅爲用而植體忠孝已撥弃世事也一意于詩所作富至數千篇又慎不示人非夙與文字酬唱并不知爲詩人也先生素溫厚家庭無疾言遽色僮奴治事不謹徐喻以理不忍呵譴孝及于家門外無閒言中歲遭中憲公喪哀慕猶孺子色中憲公存日家事不曰屬先生得專力讀書既終喪先生始庀家政一曰慈儉爲則而益之寬和客升其堂子姓愉愉臧獲亦豈然有自得之色絕不聞詬誶聲者數十年如一日先生有

才子曰炳麟字昭伯絕慧治經能綜後先諸儒說得要領爲文渾渾入古甫冠銳乎有不朽之志願體弱目又眇自恨也曰爲不足用世則治釋氏書靈悟乃入荒渺遂病病時哀樂無常緒馴至飢寒皆與人人異先生百方療之終不瘳曰同治五年卒於越中先生樂交游一善稱之不去口自少至老所遇文學士蔑不傾衿款接談藪極歡先生之姑歸錢唐胡書農學士最契先生爲詩推許甚至吳江郭頻伽山陰鄔雪舫錢唐張仲雅賢而有文負知人鑒皆樂就先生定交相得也咸豐甲寅乙卯間獻季二十餘同志吳懷珍輩八九人聯鳴秋之社曰道義相劇切每集皆記曰詩文昭伯猶未病與羣從望曾字茶盦傳錦字子容

文三

六

者皆在先生輒引後進密坐燕語若折行輩與論交者咸豐十年十一年杭州再被寇先生避地會稽一季遷上海兩年亂定逡巡歸故居一時耆舊有吳督部振棫許撫部乃劍諸公宦成家居慕古香山洛下之會與張中書應昌曰下有九老之游先生與焉諸老皆耆碩鄉黨崇其學行春秋佳日一觴一咏可以照耀山水增成故實先生次子驂麟嘗受知督學泰興吳公知杭州府全椒薛公讀有用書爲名士季子雲麟亦勤稽古有文行同治六年舉於鄉自昭伯之外人咸爲先生惜今茲二子競爽家學益昌先生自奉約綦繩牀布衣雖寒士不異中年喪偶寡無姬侍斗室蕭然書一卷酒一杯而已善飲酒百榼不成醉年逾

六十神明不衰步履如少壯惟比年飲酒少減疇昔同治七年夏頭風作醫已爲久飲溼熱沈懸遂劇疾既甚猶枕書散吟不輟八年五月卒年六十六計先生生平文字外無聲色絢綺之好雖流離憂患未嘗一日去書可謂學道君子矣著友石齋集若干卷娶趙氏封恭人繼娶關氏封恭人生三子炳麟仁和附貢生候選訓導前卒驂麟仁和廩貢生試用訓導雲麟同治丁卯並補行甲子科舉人女一歸杭府學生許之淦孫爾夔炳麟出爾伊爾傳雲麟出年家子譚獻謹狀

誥授資政大夫封光祿大夫吏部左侍郎吳公行狀

曾祖文運 贈光祿大夫吏部左侍郎

文三

七

祖世昌 贈光祿大夫吏部左侍郎

父士珪 贈光祿大夫吏部左侍郎

江蘇南通州泰興縣本貫安徽徽州府休甯縣吳存義

年六十七狀

公字和甫先世爲休甯望族父修餘公始遷泰興著籍焉公中道光十二年壬辰科副榜貢生十七年丁酉科舉人戊戌會試成進士官翰林二十二年任雲南學政邊徼士惇樸而信公翼翼已慎校藝至丙夜不休諸生悅教于于日親人圓方音多不能辨四聲公于音均母串今古乃曰李氏音鑑教之歲月改觀是時回民煽亂公巡試永昌竣事扃行出郭數里城中火燭天駭詢左右則曰回人構兵

既期矣使者清惠不敢犯俟出城而後舉火也公先後在雲南兵火相望夷然無懼云回京一年丁太夫人憂歸里二十八年江北大水泰興饑公倡士大夫議振募富人資至長隄曰吾爲數十萬人屈也泰興知縣張興澍公同年生相善也一曰荒政聽公方水盛時饑民栖樹抄數日無炊煙公親擢小舟楫餅餌必徧水退又爲苦蔽露處者是歲饑而不害服除入都直

南書房充日講

起居注官京察一等擢侍講咸豐五年乙卯科雲南鄉試正考官畱任學政其視學也益誠士民益親學使如家人顧回亂益烈至偏省城圍之城中兵又鬪掠各牙門及富

文三

六

家獨不入學政解一步民攜婦孺藜藿來匿者數千人號舍皆滿公居雲南久習其亂端獨居愀然恆曰滇事一紙書可定而疇實蹙之比復命奏對陳變亂始末最詳其後畱臣稟用征撫小定復橫中原道阻淺等絕域者數年衆遷侍讀至學士嘗署順天府承當泰西各國自天津深入乘輿出狩都門戒嚴間暫多攜家屬出走公方臥病謂所親曰慎之妄動自貽悔也事定既出復入者遇公有慚色論守禦功公獨署牘曰府丞吳某抱病干掖詰姦皆不與今病未瘳不敢冒濫奏上廷臣嗟異已而升太僕寺卿改通政司通政使遂擢侍郎署禮部侍郎日慨文廟從祀位次多外奏請審定績圖頒行從祀諸儒增設既鯨于代用

其書垂於國胄之義漸失疏奏各直省臣工不得濫請署
刑部侍郎日核議秋審冊籍秉燭鉤稽惻然於人命之重
時有直隸民聚眾抗逆總督奏當抗糧律抵辜者且數十
人公爭於管部大學士曰糧抗而不納謂之抗糧糧納而
不行謂之抗運刑部法天下之平也當示區別卒如公議
減等公用文章進用學有經術溫溫不出諸口詩文藁艸
不輕示人性廉儉無妄取予傲衣惡食讀書一室如寒士
自通籍至宦成不邇權貴超然榮利之外惟臨利害侃侃
持論不撓人以爲不可測也同治二年以戶部侍郎簡放
浙江學政調吏部左侍郎當是時浙江全省被寇城邑蕭
然前學政國子祭酒吳葆泰輾轉戎馬閒一試衢州府丁

文三

九

母憂去官公繼之省城初復人士離枝喘喙繭足遂巡來
歸勾筆研赴學使者檄公與爲坦夷姬响拊循之士氣漸
定從容飭粥比歲考一周秀良者遂奮於學公進與之言
經史小學刻好高無實之論而一以讀書爲歸吏有虐士
及民者畏公持之斂手不敢逞補行辛酉科選拔貢生考
取辛酉甲子丁卯科優貢生所得皆知名士六年任滿三
載中公中風數病乞休歸嘗告其子曰歐陽文忠既遷穎上
灌岡先墓曠遠足爲盛惠之累既謝病乃赴休甯經營宗
祠買田百畝祭祀之外分贍宗姓工未竟而卒次子寶清
成之七年九月公卒於泰興里第遺疏上奉
旨照侍郎例賜卹娶李氏封夫人前卒生長子寶慈二品

蔭生候選府同知繼娶汪氏封夫人生次子寶清候選郎
中三子寶讓泰興學生孫四人曾孫一人公著有榴實山
莊文二卷詩六卷詞一卷葬于泰興某原既葬之次年碑
志未具寶清走杭州乞獻撰述先師行狀將請當代碩儒
表厥幽宮謹敘次大略同治九年夏六月受業門人仁和
譚獻謹狀

四品卿銜國子監司業加五級沈先生行狀

先生名祖懋字念農晚號恬翁先世自湖州歸安之竹墩
遷杭州家世儒術曾祖鴻基贈資政大夫祖孫連乾隆壬
辰進士官福建道監察御史累贈資政大夫父學曾累贈
資政大夫伯父學厚嘉慶丙辰進士官至翰林院侍講先

文三

三

生父魯齋公績學不遇生丈夫子三伯祖望仲爲先生季
祖諫相繼舉甲乙科益大其門先生少穎異性沈篤每治
經史務竟其曲折不好涉獵喋喋口說十歲時嘗私取伯
父架上書誤觸酒餅倒有聲長者得其故舉藏書縱之讀
不限以童子業故先生未弱冠卽博綜羣籍爲文好深湛
之思于學無所不闕至老不自表襮晚更兵亂轉徙數季
遺文散落承學之士終莫測其韞初就傅卽代同學爲詩
文成章師嗟異之應有司試輒冠暫偶道光二年季散館
第一授翰林院編修二十三年任山西學政使旋丁贈公
憂器葬盡禮以下地致疾服除北上考取御史記名咸豐
三年擢國子監司業明年

顯皇帝臨離時故事稍遠國子監滿漢官議禮無所折衷先生博稽掌故證諸經典撰定師生迎

躋位次及廟廷禮器斟酌古近精審再三先期進御講義母串先儒推明王政上契

聖聰同寮推服四季二月上丁禮成拜緞匹之

賜園橋觀聽侍從雍容稽古之榮無與倫比時廣西寇起已三載林鳳翔李開芳之眾度河犯山東警報狎至秋九月遂寇天津京師戒嚴朝官或謀走避先生創議各部院官不許乞假以持人心已而賊渠既俘九門解嚴人服先生臨事之勇明年三月簡放安徽學政院北被寇浚前學政孫文節公殉難太平府城羣視爲畏涂

文三

三

命下門無賀者先生慨出使郵傳阻絕紆道輾轉至蘇州受關防奏請赴徽州甯國暫駐二郡爲入浙門戶浙江巡撫黃宗漢聞先生至大喜謂浙人經理院防必能共濟先生入徽州府城鄰邑太平石埭皆爲賊踞先生乃檄兩校官往諭之二縣民謹呼迎曰不意今日復見長官學使者出我水火敢不如命賊所置監軍皆宵遁先生在徽州五季弔死傷問疾苦士民安之然賊去來無常欲舉試事輒中止至九季己未始受代先生遂謝病游白嶽黃山賦詩而歸矣比抵杭州賊警日逼十季移家居山陰賞祔弟編修君劬于寓廬既而杭州陷五日克復旋竄浙東先生轉徙之慈谿十一季杭州再陷同治元季甯紹台道史致

謬舉采訪忠義局延先生主之三季官軍復杭州大吏趣先生歸仍主采訪局時善後事係有司周諮屠沽織兒皆來干政先生遂不問它事比議建貢院乃推先生董其役費巨萬皆出激勸輸集不請公家一銖兩也先生以發潛鬪幽史官舊職采訪局纂忠義錄實綜其成又以寇亂數年人士死亾子遺廢學主講杭州敷文書院歸安龍湖書院提倡後起以經術爲教杭州舊有宗文義塾教養孤寒子弟先生倡議請之有司廢者復舉先生善病時時杜門然物望所繫隱然師表家居七載優游山水潛心道誼不務爲講學門戶而虛和清粹見者自化至九季春臥病已六閱月枕席間手不釋卷四月卒臨終聰明不改先生生

文三

三

卽秀巖長而幼學差以道氣自固又習養生家言性恬退無榮利之擾聲色之好故于一家昆弟最爲老壽伯兄以舉人官陝西同知弟編修君出嗣伯父後既卒所遺四子皆撫之成立在徽州治軍勸捐濟饑奉特旨加五級浙江肅清總督左宗棠臚奏得旨加四品卿銜娶孫氏繼娶劉氏皆先卒孫夫人生子晉蕃杭州府學廩膳生員孫榮椿乙丑之夏獻歸自閩中始得奉教先生五季撰杖若引爲忘季之交遂遁奉手每質所疑徐得一言渙然冰釋而今已矣獻方撰次泰興吳少宰師行狀先師與先生同季進士學行最近相繼徂謝海內老成何其衰也嗚呼

祭馬端敏公文

嗚呼天隕台星地敷長城方三千里萬涕一傾肘腋奇變
中外震驚天胡不弔國喪老成起家司牧待用鈞衡九閩
倚畀名勒天廷南條大川浩平德聲吁嗟謫波九衢憤盈
鬼神如告診兆五行攬轡於越東帶貢誠如何終古不見
前旌漢壽弔費蜀道亾彭故吏聚哭傳芭揚靈尙饗

丁卯同年公祭餘姚朱侍郎文

惟同治十有二年四月壬申前內閣學士禮部侍郎我年
伯久香朱先生卒於餘姚里第惟名德之蹇蹇識韓歐之
未遠何上壽之未及迫崦嵫而過反八月聿秋火既西流
禮殯將發執紼泗浮彭年等乃以淵毛明水告奠筵几辭

文三

三

曰嗚呼龍集丁卯鄉舉之年懿惟少子家學淵淵同籍二
百情誼斯聯公謝末疾浩然歸田武林城曲得撰杖馬或
未上謁望若神仙經師人師飢渴聞見中外優賢名臣列
傳鬱鬱東南珍異竹箭奇幹千尋隆棟

玉殿南鎮作嶽降公夙成姚江汐流浩乎賢聲五色雲見
稚圭策名隱若麟鳳作瑞

聖清於二百年湯李晨星公平接武文正文貞儒術苾苾
絕學將墜公續其散縷析仁義如樂在縣金石就次羣疑
百罔一日自棄乃章厥施乃措厥宜積誠悟

上懷謙集思挺挺正色言行俱危諫艸既焚物望在茲屈
軼之生應此

昌期始終一節忠爲世師以人事君古今同揆求若不及
功無與比輅車四出羣賢鵠起大廈際雲公采杞梓萬里
秋駕公策駮駮文武蒸蒸惟

天子使如何百六壘在四郊子弟制梃鄉里同袍狃狃黃
巾羅拜不驕燄燄譏口兼金可銷層霄有輝

君門匪遙浮雲須臾終以昭昭公豈近名公惟從學至五
六十炯乎先覺驚辱驚寵傷我太樸儒林碩果上艾筮剝

嗚呼公亾壽考優游悉數生平行無瑕尤忠孝傳家功名
彪彪伯仲及季嗣公好脩承學之士如土思范遐邇哀悼

濟行濡軌悲彼卿月終不舒湛思公不見越山巉巉湖公
始仕大用上卿比再登

文三

三

朝翊贊

承明粵楚燕皖同升俊英濂洛關閩不藉郵程態臣偷祿
爾母絜楹曲士隼詬來就楛檠嗚呼典刑遂亾遺書可讀
蕭蕭西風衰此松鞠儉德敝帷遺風喬木再拜來陳生芻
一束尙饗

祭沈司業文

嗟乎公之存也超然公之亾也怒焉蓋傾城器老成之望
而明哲亾大耄之季嗚呼哀哉惟公策名天衢聘長轡也
軾轍聯鑣昌昆季也持衡萬里羣空驥也綜庀軍實文武
備也公以道氣之純學脈之真冲澹寡欲以終其身疇書
言之錄卓乎名臣疇叩經史之術如見古人公謝病歸

塵壘之外游日逍遙從容楸帶夕烽四竟鄉國旌旆湖山
失容揚塵蒙昧黃巾埽盪還吾德門自然成蹊桃李不言
委懷聽之有司周爰市朝旣肅清議乃尊觀國之光鑲院
重闢矧工庀材罄厥良畫子來之誠歸于几席濟濟多士
游公之澤嗚呼人文淵藪浙水之溜縱橫乎太槍尤來斯
文卽乎陵夷絃誦之音復作聿求乎經師人師公乃亟安
定之教士如在韓門之時扶衰之任非公而誰天胡不弔
德星其隕衣冠告哀靡有遠近曠乎金聲鬱乎玉韞指明
湖之流水若令惠之未泯嗚呼哀哉游公之宇知者其靡
表公之學著者其餘惻愴琴瑟流連圖書儻後人之賢而
衍其緒與尙饗

文四

復堂類集一

明堂賦

明堂後賦

臨安懷古賦

定香亭賦

登城賦

續駢體正宗敘

儀徵王先生詩敘

知非齋詩敘

吳學士遺文敘

夢辭敘

文四

笙月詞敘

蘋洲漁唱敘

書薛先生詩集後

憶曇庵記

石交圖記

乘風亭碑

答郭晚香書

上張大夫書

馮童子誄

王孝子哀辭

哀一士文

附答王竹泉書

施母墓志銘

魏烈女墓碣文

張君妻江氏墓志

僧月印生壙志

薛先生六十壽言

明堂賦

夫明堂者權輿伏羲之易制始神農百家多言黃帝遐哉
邈乎匪杳冥苾芴莫鏡其原者乎眾禮之所歸羣政之
榘矣侈矣華矣懿矣冬官亾書闕有閒其軼時見於籍大
道槪矣何說鈴之嚶嚶也爰託孝武故事荀制度衷王道
繆呂氏明會易而賦之

文四

二

漢武皇帝元封五年天子方封太山禪梁父息風雨于離
宮斂珪璧于宗府儀七十有二帝兮而邦二十五姓沐日
浴月肅乎清靜岱宗之止蒲輪之所經有齊太室之遺檢
乎隱隱奚以瞰玉檢而造天方將拱乎蘿圖之上朝羣后
而祀明庭仰霄霓于四海下降乎重淵廣樂鏘鏘入華胥
而上僊則公孫其人豈不寫仿大火輝乎太微之躔張三
微之統而握百神之權徒詩清廟班茅土進縣蕞藉藉榮
熒其于何詢之哉於是涉南人公玉帶待詔闕下陳黃帝
明堂之圖其外則溶溶瀾瀾汨汨泚泚泌節流溢沆漑湜
湜原乎鯤鯁之壑放乎藻菴之隄行乎仁義之丘度乎道
憲之厓風乎蘋末泣泣朝椒穀繡芳玼奩若爛爛流文彰

于尺只環橋門之鬱鬱若雲霧之下積帝蓋則天圍以象
之肆安翔而如璧其垣則土事不文木工不琢檄崇基之
嶸嶸列宿肅乎先後句陳翼乎上下兮灑太一以相屬四
門之洞達兮夫何規鉅運互而不回曲也召萬靈以出入
兮亾不克鞏其中則有殿焉耽耽軒軒環瑋秩秩飛宇崔
嵬踈鳥出乎其內窈亾四壁雲氣黓黓東延日兄寅賓自
出天漢所直王禮夕月八方萬國不知所屆茅茨后唐從
衡覆蓋太古抑損廓乎無外若乃嵩高三萬峙乎昆侖樊
桐一成閭風輪囷太帝所尻傾城之顛淵精光碧銅柱際
天鸞鳥裴裊巢乎列眞天人往來不可殫論複道狀之玉
樓岫岫炎熊熊太史眎氛蓋惟南之方位望屬車之清

文四

三

塵火絕燎以北出俛蒿柱以東西時拜祀乎上帝何萬葉
之填填天子披圖未數丞相平津侯飄言曰鉅制斯崇古
曰合宮夏后世室四戶八窗五室九階白盛是重四阿重
屋複竿橫縱七尋三尺帝乙以降陳遺規於匠氏緬致飾
於攷工三王不相襲兮釋博士之所誦於是泐天準地葡
物象德周曰明堂軒轅是則反坫亢郎隄唐山廡東都清
廟休有烈光度几度筵廟門闔門九嬪九御外內有間宗
周始位營洛既作路寢斯闢時巡有赫沿革損益孔曼且
碩固聖王所有事攷禮儀而卒獲臣聞大裘而冕璧圓而
蒼禋祀昇天五帝明明頡太紫於穆清威泰壹以下頊目
冥眴而如見御神氣于天閭耀魄珤之灑灑仁六合而備

天皇青帝威巾招拒金方燦怒樞紐或赤或黃玄冥北極
其帝汁光達乎中坵郊乎四旁泔然淶澤雨乎庚庚圭璋
瑰瑣牲幣各放天產地產中蘇是防初生半舛猛象秋嚴
沆乎四周半見閉藏尔乃有牧仁明越第肇祀大開明堂
觀于天子爲宮爲壇奉旂尚右御天乘龍升降薤薤柴升
沈瘞卽于神謀赤芾金烏會同是求九夷八蠻通達萬里
友邦豕君恭敬執事蓋穆穆焉雖雖焉翼大路之時巡拱
神京而述職齊玉軼以範驅錫象服以蕃祉惟天子之有
父祭莫大于配天粵若叶古重華文命顓頊侏鯀協和人
神殷薦配食岳牧駿奔風雲翔於俎豆日月接于塊振肅
太廟之巨麗猶模繡之紛紛金聲玉振升歌而絃俎鼎刀

文四

四

匕粲乎節文禮不王而不禘尊宗祀而承先拜文武于二
室大合樂于四親王尻門中歸餘已成歲軒獲寶鼎推筴
甲子之會絕地天通星疊布位大撓已來乃司分而司至
迎送日月百物以遂繫靈憲之昭昭乃義伯和伯之所泣
殷誓正夏中星就次三正迭用夏時釋例鞠見女正符若
勿契日官月御南面所視正月始和頒告朔於邦國挾日
斂藏祭牲用特五味異宜衣裳異色綦綦象魏父老扶杖
而來觀振木鐸以徇之亟玉璫而聽焉至若大教之宮法
天立政大學辟雖靈臺既營四門教胃東序是程養國老
與庶老詔乞言於樂正東學南學之出入師氏保氏之是
刑園橋觀聽虛而不盈濟濟多士蔚爲國楨乃稽農祥小

非脈土爰章耕藉之制率五鳩與九扈乃緯耒而均田
怨寒而咨暑散軍郊射澤宮閑閑豨首騶虞冕而總干惟
虎賁之說劍肅乎扞城之選文憲昭武節宣攘蹙整旅已
清中原聿有獻俘于京大室大武奏焉惟王師之獻捷布
愷樂于九區太平之應日至願忍於須臾詠在泮之獻
職繩繩逮乎魯侯固禮樂之統宗宏六籍之總龜乃告葡
於宮縣合羣音已翁集會咸池與六英修六代之虞業鍾
鏞作于堂上閒竹石之翁翁夔搏拊已滄滄百獸舞以孔
洽歸昌鳴而來下簫韶九成而相合奏大呂與雲門亾大
過與不及羅任昧與侏儻人聲應而逾捷帝翦鷲首醉於
咸秦呂十二紀游客拊軫居左右介時則之訓羌上園而

支四

五

下方如坐井而驤首上無所容衝梯兮下亦阻乎隊道固
約略于帝王俄逡巡而器守步星紀而異中命百官而非
舊大漢隆盛如日再升遐稽中古妣子已興文質循環張
弓弛弓分五室已治之開寢廟而畢登出郊而朝萬邦何
大旂之如林於鑠乎順考古道襲六藝爲七而揚皇風且
夫衢室之聽顯懿五府承天生聖爲會易主東西北南中
央神斗左右紫微之垣順並大微之數五潢營室天市肺
附旋機玉衡七政葡具五行棄于震兌判執規而執槩東
方不巳治西朔南各眎其卦蕃艸木與鳥獸已无災而无
害夫是已星陳天行詔泰陰與招搖屬堪輿已壁壘聲警
蹕已豫游倚五行而交會兮金水木火各還乎其曁皇帝

俞之乃詔奉高經營於汶上執帶圖已面執采古禮已不
爽鬼我複宮四達九房五季修封降福穰穰鄒子樂乃上
明堂之頌頌曰於皇封禪彫鴻湛恩巒喻林飾雷回雲云
洞達不幽亾有遐遠遐稽義農天濩粲粲於惟明堂在國
之陽桐生含靈象設孔明天子于郊樂倡和聲般爾謙能
天府紀成明堂四序歲功惟敘治憲明時天若匪阻總章
青陽金木茂豫穆穆皇皇承天帝祐明堂四極日出海隅
泰遠之鄉汎國旣趨濮鉛南屆祝栗不踰允惟四荒莫敢
不來享拱于帑宮精粟習爽明堂四靈黃龍之蜿蜒雙角
竝舐神囿有麒麟惟鳴之節足鳳皇之仁神蔡游深池靈
沼粼粼帝惠廣淵符瑞敷臻翼翼明堂天漢作之滂沛巡

支四

六

游惟惠布濩之杳冥降靈川嶽格兮明矣洞易遵天路兮
惟漢四世兩且博兮訪道空桐求罔不獲兮勅石歷竊被
蠻貊兮三五六經百王上下兮危言日出志可逆兮
明堂後賦篇賦略具經師眾說
復要刪爲後賦焉
齊宣王欲毀明堂孟子諫焉遂止勿毀王乃發于雪宮後
車于乘朝駕于泰山勃窣畢登從臣穆穆游于明堂王願
謂大夫髡曰斯堂也果奚始哉對曰臣聞之成周卜洛萬
邦朝宗大祭于廟布政于宮衮衣來歸明堂既位東西北
南鑿輅時至泱泱乎齊之風也太公賜履實爲方伯巡狩
扈從天人來假不敢私于國中也故築王者之堂泰山之
陽風雨已和民物已臧天子歸洛神靈震震諸侯拜送各

從其旂厥輒既東天威普矣和鸞亾聲日月其晦媯育于
姜封履益大東狩已荒車息馬逝明堂閱久而不廢王
曰茲之八達四通博橢圓方寡人見之肅乎如接太一之
庭游華胥之鄉制之質文禮之古近其若何也髡曰楚客
景差來主于臣嘗作大招械乎有文曰名聲若日照四海
德譽配天萬民理北至幽陵南交阯西薄羊腸東窮海又
曰雄雄赫赫天惠明三公穆穆登降堂諸侯畢極立九卿
昭質既設大侯張執弓挾矢揖辭讓凡所已崇尚三王發
掬明堂之禮者畢隲王曰善試召客爲寡人賦之髡乃命
差差曰唯唯夫何昊穹之衆象兮煥明堂之上儀心三星
其在天兮互太敷而曾累指五潢而營室兮狀堂壇與璧

文四

七

水赫兮公孫氏之王天下鬱淵化人之神風后力牧太山
稽曩乎拜道之臣兮女制車應龍戰野丁壬降天螾螻表
土實惟萬靈來止亾所繫習闇已云集羌呼吸而升降帝
乃坐明庭已朝之齊中宮而儀聖茅葢殿而水流長迎日
于中央闢合宮之嶠嶠布乎德之明明互三古而无極含萬
物而合含易世室重屋矧子沿革反坫四阿知所損益周
宗巖巖几筵已度元公負展成康荆曆太平之應渾鳴玉
輅於是乎東都載營灑澗交繁建圭土中遂若羣生高倚
大壇萬國有聲其堂也則穹窿洪宏耽耽峭峭嶙嶙臬臬
摩摩庚庚外則泮流溶溢洳布漾裔駕央在梁婉頸丞翼
汎瀾內向風采寔厲楛穀激盪涵漉哲哲周垣繚之四門

煌煌皋雉庫應觀闕有伉樂仄又五室從衡四序布政
下國是皇尔其衆玉璪命瑤圭景風至被玉墀結胃貫耳
之民雕題鑿齒之國九譯八蠻殊方絕域土揖于楹開兮
合大樂于宮縣奉旂而從祭兮肅肅仁明之幽兮四方各
帝其色兮宿天府之冥冥招拒既出震而司東兮神斗中
央而爲祖秉號令以穆穆兮嚙乎金火而執規槩森蒲穀
之在列兮金鳥委佗已會同拜壇墀已辰拱兮望赤帝陰
羽之周周整稽首于堂下兮戎索殷索之和調保奉同而
未老兮且鴻誥而思明農撰杖祝鳩左射騶虞饒歌大室
愷樂獻俘祝蠲之遺則兮至宗周而大備儼祗祗之夙夜
兮執五行已有事聿修大祀煙膏氤氳天皇大帝御气九

文四

八

闔大裘而冕質明上察請詩振鷺白馬助祭特牲全烝鸞
刀用祭俎梲異實命乎太宰盛惠配天爲天子父文王令
聞百神尸主魚鼈羊牛貽孫子嘏求賢宦官恩皇繼序若
夫王狩屬車揭揭吉行卅里旌蓋轍轍同軌畢至觀于斯
堂闔闔戶牖肅承天常晷若列星之順行回兮若巖壑之
承茂矣旗物之扶筵廣矣衣冠之雲興隄唐山牆六七百
載郊面而巖膺遠而望之景光玄耀東西華榮儀象天地
員楯中程入而察之八闔四出日月異輝星鬢布次堂室
崇階天容軒軒退而魚睨離若汎海極乎無際師保詔王
侯伯就列羣黎百姓若衽席之置夫是已謂大教之宮巡
守之禮室寥窳冥曠乎數十世矣景出舍補不足陳夏諺

勸游豫南出樓象昆侖進奉大藥惟仙之人君王天恣千萬壽

臨安懷古賦

江上秋風裴回故宮芳草衰兮莫雲合流光逝矣歌舞終出武林而迢遞擊天目之從龍故國故都馮弔無窮夾城煙高地平殿闕重湖月黑骨冷英雄青山千古濁酒一中遺老盡矣信史在開見絕而精誠通粵自宋政不綱汲京蘇歲天潢此倚遺臣翼戴即真無靈武之詔從亾眇夏靡之輩李綱勤矣自江祖淮王淵請矣不進則還杭州既改爲臨安天子所居曰行在國容遂多誓師不再指襄樊已爲藩撫常揚而面內使介交馳哀祈無悔梁元帝江陵軍

文四

九

府大有圖書王丞相建鄴經營能安闔闔至今百里之雲山猶似千官之劍佩於是朝野休息鍾鼓喧闐冠蓋旣集臺殿相連行宮廊艸創之制太學安絃誦之賢選德延和規模大后嘉明崇政制度相沿班固上靈臺之頌駱丞有帝京之篇德壽移宮之日隆興內禪之季瑤臺瓊闥已宛轉龍車鳳輦已回旋粵長春之碧艸汎太乙之紅蓮雲窗霧閣望若神仙嘒萬歲三風來肅然國家斯爲奠矣典禮於是崇焉若乃園壇泰禋之儀青城齋宮之設修築則絞縛可成陪祀則質明在列狹拱輦輅大慶精結壇壝依然玉幣無缺明堂合祭大饗品節吟載主而告遷行款謁而鳴咽奉安原廟之春秋遙拜胡天之風雪東京夢華之已

非南渡薦馨而不絕笑漢高之馬上庶叔孫之絲繩百季歲幣兩國尋盟誰爲國僑之事大不問向戌之弭兵王倫孫近之可斬朱弁洪皓之無成蒼鴉飛而河洛灰燼銅狄摩而吳越榛荆肇亏國書之僞姪極亏降表之僉名牛女二星不成紫極麟洲小水如此蒼生孝光則小朝宴息曷是則孺子震驚傷時者扼臂懷古者吞聲君王復讐之志將相匡時之略秦岳之鬣旣成韓趙之情又惡艸荒玉津之園煙閣格天之閣儻使馬欲浮江燕非戀幕綱鼎位安韓劉功廓免符離之覆退同采石之踴躍不樂金牛之游遂踐黃龍之約百官冠舄同發錢唐九廟神靈重安河洛采芑之紀中興麥秀之歌不作來巢兮鳳皇將飛兮未翔

文四

十

春復秋兮華艸香奉宸游兮君王森乎排衙之石拓乎校軍之場歌臺舞榭歲歲佻觴琳宮梵宇降福穰穰大將高門風雲開閣小侯上第玉照名堂鞠部奏新翻之曲霞帔試時世之妝圖畫流傳荷華桂子朝堂題署閭馬丁當指撞敷之家居纖兒不少作下殿之天子富貴何常蘆灰沈沈息壤千古夏后四載禹杭后宇文身而披艸萊築唐而捍斥鹵文物于漢代冠冕于南土三光景耀之奇五代文章之府六井平海水之波十道分會稽之部八都輝于石鏡三節歌于繡繡東南一隅豈非興亾之林而欣慨之所觀縷近則鏡湖環其西胥山峙其裏東有海鹽之浩淼南登秦望而迤邐城形晉鼓樓櫓四起鬼鬼峩峩去天尺只

循天安而左轉曠馳道之如砥天門跌蕩日鳳窩大內屹
突而鶴峙太廟焜蒿于霜露中書奔走夫冠履阿監銜憲
于禁闈百官詔精于臺寺羌隱隱已闕闈接萬家而未已
俄荒三輔之黃圖皇問六橋之流水矧戚里與侯家祇華
堂之荆杞遠則前控平江九重曾駐後臨越國六師造舟
度河絕中原之望浮海非神仙之游危乎溫台之避慘乎
厓山之秋背鬼軍來餅山无恙水雲歸去琴軫空留出狩
未回夫劍閣行人誤識夫汲州釣魚之城徒築襄陽之兵
不收淮東愧大峴之捷空阮等沓中之謀偏安事去識應
庚頭春鸞唳吳山曲秋鴈飛江水淥黃旗紫蓋之已非高
臺曲池之誰屬月縣仁壽之鏡雲椒昭華之玉惟世世之

文四

二

與閱遂古古之相續蘭成不作江南之哀誰賦茂陵何如
女貞之樹猶綠

定香亭賦

若夫蓬蒿仲蔚之園基酒讞公之墅下九初三之戲大有
林亭樵歌漁唱之閒非亾泉石天虛風月地闕文章聊共
冶游無資掌故定香亭者雲竊聽經之石儒自爲林風回
滌筆之池文原作苑真州節使斷手杜老之艸堂青田茂
才微吟蘭成之小賦使君一去勝地重新盛事百季遺老
能說秋芳斯羽匪涉江而可采權歌如聞罷登高而可賦
也已

余其慕荒石壽樹古華新仍啟文游之地重逢公燕之辰

谷非鄭憲水疑洛濱有絃歌兮遺響羌兩學而爲鄰名山
訪古林下逢人披杜若兮飲清露植芳蘭兮釋香霧疇迎
翫夫物華奚惻愴夫遲莫非艸市之宅有桃源之路春煙
夕交鳥定新巢羅日嘉植面日姓郊挹巖阿之朝爽儲竹
箭之芳苞風攀招急之桂霜縣可濟之匏正復千古可期
三餘多暇遲遲兮冶春炎炎兮消夏裁紉絮兮月殿擁金
鑪兮雪檝椒髮招嵇攤鼻吟謝復何悲乎替人想風流而
未罷地則十尋之址半畝之宮市屢既隔流水潛通埽羣
峰之黛色環綺牖之蔥龍煥日朝霞泉鳴泅泅惟照景之
瑤唐和閒防之琴筑椒木石之芳潤嘯晨曦而如沐翼翼
兮朱萱離離兮碧瓦香綴蘅蕪蔭餘梧檟旣華發兮東西

文四

三

復鳥鳴兮上下絲竹在堂華前一觴酒尊豔冶衣袂馨香
高閣公孫之館南樓庾亮之牀景差在楚枚叔游梁清歌
百季爲樂未央歌曰儼仁帶義喜心極欲采春華惜顏色
和之曰青霞冠兮白雲衣車殆馬煩得所歸於是大藥延
年鼓瑟言志邈學士之高文鬱君侯之奇意招明月之杜
天倚長松之得地牛晉卷卷之書蠹尾行行之字爲歡及
時學道遺累眺望高明蘊氣標致惟九秋之令卉豔風定
之扶渠帶盈盈之一水歌采香兮孰華予重幰莫卷密幄
晨舒傾三爵之碧玉振四坐之瓊瑤一載亭之酒樂莫
樂兮于胥

登城賦 少作

壬子三月三日上武林城樓馮高四望慨傷懷灑翰賦
之藉抒憤懣云尔

人族處於天地兮眇滄海之一粟羌憂患之循環將於何
而託足幸上巳之克和兮撰佳辰而游日登武林之城樓
兮攬江山之所東左天姥之嶽釜兮右浙水之奔屬結骨
母之逶迤兮帶重湖之灑瀟風發發其徐興兮雲沈沈而
逾邈信登高之多感兮倏涕淚之相屬莫春三月天地清
嘉雉蕪滿野桃李載華近桑榆之交蔭兮遠薺麥之載涂
馮軒楹而望朝市兮何紛沓已周遮雖生人之靈秀慨習
俗之浮奢問錢刀于夙夜兮塵日起而迷家眾競已媮薄
兮孰古處而靡佗當春榮之發生塊獨處于泥污蹙躑躅

文四

五

于衡門若威鳳之在笈面暨陽兮百里鄙閉門兮在茲指
吳興兮二水陳抱病兮經時久離羣而索居兮森予心之
自知橫琴兮欲鼓輒臨風而聽思運斤兮欲斲輒聖壘已
待之眾不可戶說兮顛到鶴鷺之昌披交九衢而欲語兮
眇不知其告誰季弱而方冠兮遭遇兮多艱獨善而猶未
能兮攬八荒而嗟咨紛吾懷此百憂兮願馮高而少戢何
對此之茫茫兮忽百崙之交集升東皋之赫曦兮薄劬逝
而太急咏河清之難俟兮恐司命之汲汲鳳鳥不復至兮
君門遠而莫入寄一身于百尺兮若不可已久立循前除
而下降兮足不于階級惟莊爨之齊物兮靡憂患之相
襲終栖心于不默兮解萬感之維繫

續駢體正宗敘

嗚呼文質之事我知之矣干霄之木根入九泉照燻之珠
孕於員折筮磬發響律生於縈黍紉綺被色功始於縈絲
故知文章原於天道若夫篇體皆出遠起曾公乃云脫俗
失真猶其迹也夫車子一歌潛氣內轉中旗動操用志不
紛士有蕉萃失職婉約言情單詞不足鳴哀獨思豈能無
儷登山臨水秋士將歸羣鷺襍華春人望遠發過人之哀
樂妙天下之語言至於金門可排玉堂不遠頌聲作於周
召用賦盛於鄒枚振金王者蔚乎席堂之製紀勳庸者繇
于南董之載惟訓詞之深厚乃聞見之本原若夫星霜首
涂江海羈旅大夫則山川能說游子則雲物感懷含悽大

文四

五

雷之書撰奇石門之敘莫不文外獨絕稱心而言又或結
訊朋交應求人事關山馳伯玉之使石墨寫中郎之碑契
合通於神明著錄尊於金石鬱乎奇意發為高文都無愧
詞采於史氏言平蕃變則才性既殊統平宗旨則波瀾莫
二百家既棧別集斯繇九流可歸立言不朽謙夢漁給諫
尚友論世今人與居游乎著作之林判乎淄澠之味都轉
之書固為奇作文苑之續引為己任惟曰問學為主庶幾
華實可兼固非女紅模繡之事豈有壯夫彫蟲之慚允恭
克讓經訓可師蔚宗休文史體尤備君子務其大者修辭
先乎立誠有不琢之大圭識續事之後素古文駢體一曰
卅之諒徑庭於人情若河漢而无極也

儀徵王句生先生詩敘

書曰詩言志詩敘曰詩者志之所之也故夫擷蘭紉蕙之流刻楮鏤冰之士莫不借口揚扃縱心陶寫然而華實失序雅鄭雜陳或高標遠寄浪沉澹而憑虛或滯迹久淹緇泥壤而戾古渙靡而淫哇起謹嗽而正聲流其志荒者其言嘒大率表異塵區謝能靈府者也儀徵王先生思出物表晉與古居壯懷三千之流奇氣萬言之試發公羊之墨守蘊司馬之高文術兼經史與託騷雅所著詩集千篇都爲十卷杭州譚獻受而讀之亭亭千尺秦松挺而干雲皎皎連城和璧珍而韞櫝翫索妍妙愒忘涼燠夫凌陰雖納會冰必由積水而成織縞既貢衫絺豈謝素絲之質沃其

文四

五

膏以舒光滋其根以取蔭故知物必有本外不先內先生激揚孝弟沾溉經訓哲王之寤有方之游忠厚之遺風諫之體寢饋乎比興襟帶乎興觀徘徊周流精神襟著子長有言其志潔故其稱物芳其先生之謂與原夫

昭代聲教遠加滔滔江淮文物斯萃十室必有忠信逢原在其左右慨夫風雅之衰厥張鄙倍之習家寶蛭蝓之轉人嗜蓼蟲之辛度無不塵垢其心俳優其貌蒿萊叢生荃蕙孤出如先生者身涉江濤探原岷峨目攝傲徠訪奇泰岱自宜尸而祝之則而象之者也

知非齋詩敘

若乃悠悠湘水正則廿五之篇鬱鬱建安孔璋樂府之句

離憂終古才子千秋衡山陳君可謂和以楚謠植之漢骨

者矣君抱體盅和學窮鯨鱗牛心啖炙嬰母題篇偃蹇乙科脩明甲令乃屈承明之著作飾吏治以文章當十八而足了豈一行而遂廢馬遷游迹將藏書於名山吳質入官有憲事之小史君又運鋤筭之智負囊韉之勇神明以爲民父儒將貴於軍中玉弩生塵鐵衣沐雨江水寒而擊楫袍澤具而乞師從政之年偶書牘背入軍之作復磨盾鼻君陵顏轅謝之才攀阮招嵇之雅伏聞王鄧今之鄒枚君蓋解帶輸心倚輪講德一采沅澧莫非菹蘭作於宮室爰伐桐梓鳴球而和於九變廢瑟而應於一堂也已君又覃思天人出入彖易竺乾夙契小品旁通故能妙奔筌蹠性

文四

六

與天道張皇幽眇前無古人卽以迂生猥同默識非獨俞牙之聽實同溫伯之交今者君造車必合游刃若虛民物之故纏緜於每飯風雲之懷頡頏於作者流連管樂慨想黃虞益發浩倡之聲信乎知言之選名篇旁午削橐矜嚴五言美文選樓可上七字長句海內何人可謂盛矣可謂難矣獻蓬心飄搖木癭旂贅結習未盡名言漸忘竊謂鐘鏞殊音采古於追蠹泰華異峙同大於土壤學無止竟成由積漸塵纓濯而眾流斷浮雲盡而天宇開非夫懷樸之倫莫與銜華之事於是含茹馨逸往復幽深惟十九之寓言求三百之得所君矢詠有穆如之美爲政在學優之中以沈休文之詩兼任彥昇之筆道在一冊才長九能洋洋

既盈簫勺競奏泚泚易盡演潑不流表以雕龍之心慚夫刻鵠之類云爾

吳學士遺文敘

全椒吳山尊學士以千秋一二之才撰八家四六之集平章眾製希風建安品藻羣倫復聞正始匪徒向友古人抑亦其中有我所業在此來者難誣夫不朽之事自然之文代有數人今不逮古學士際星雲賡載之朝枚馬同時之盛明東漢之師法而不必併樸學擅北宋之詩格而不居於名家獨於駢偶之篇奄有唐賢之體任沈清英而不疏齊梁綺麗而不縟閎深若張燕公開闔若杜牧之所以即伯齊名孫伯青藍謝色也劉圃獻童年篆刻夙愧子雲三

文四

七

日坐卧不忘索靖一行作吏之日賢者通德之里平泉華木同梓澤之邱墟蓬萊文章亦羽陵之墜簡徵文考獻抱闕守殘得遺文數十篇於故侍御薛先生家塾讀竟叢殘粗爲排類蓋自定之集不可復見散佚之餘賴有此耳學士定八家之文逸二汪存南容甫之作披文相質落實取材伐柯之則在於簡質清剛相馬之真主於清轉華妙善於持論夫子自道即以學士之說次第學士之文賦先正明清之詩待有私淑艾之士資爲枕祕蔡中郎之論衡可與共語寒陵寺之片石時光緒六年重九後三日譚廷獻書於銅陵舟中

夢辭敘

噫嘻簫吟鳳去待比竹之聲爭冷鴈飛匪獨絃之韻情以雙而難歇物以耦而相憐是以樂府齊梁寓言身世楚辭騷辨託興閨中芳艸原頭結春心而未已楊枝陌上叢離緒以頻驚事有傷心感兼知己又况宵長夢短牀委簾而已空物在人亾君縷金而不御由房雅奏夏酬和之無期入室恩情與華年而俱逝行媒求女怨結荷裳取友同心言通蘭臭略閨房之婉變廣君子之精誠僕於陳君潤甫夢辭一卷不以爲角杵之悲而以爲牙琴之感也夫以苒枝婀娜春翻謝朓之階鳳羽離夜入揚雄之夢月涼琴語風落鏡湖車來緩緩之塵香燼遲遲之漏鴛鴦夫壻非生世之不諧蛺蝶光陰苦爲歡之未足西烏夜飛之曲梧

文四

七

冷巢新大江東去之時柳牽舟住女兒心性大是聰明世上悲愉都歸幻景至於幽憂善病涕淚爲浪一笑一顰幾日已成追憶在天在地相逢未卜佗生君蘭成射策之年孫楚悼亾之賦搏搏大地不載離愁浩浩長瀾難平古恨抑情學道星月蕩而未休短歌散吟華鳥愁而如訴鮫還

魂

笙月詞敘

時則顛宇激鮮涼波蕩涵明月千里倡婦樓頭離笛三秋
西風江上王子於是悅縹渺之魂發徘徊之曲美人獨立
參差誰思鶴骨不肥如答子晉銀河無景疇箋玉谿水調
百篇笙月一卷抑何玲瓏其聲激昂善變與夫采詩入樂
無詔伶人按譜填詞豈云小技子夜讀曲之變勞人思婦
之遺致兼情文雅備比興世有作者前無古人庶尙友夫
風騷乃吐音於令慢溺志閨帷之內應求尊俎之閒刻畫
微物以夸多雕琢曼辭以取悅閱達大雅蓋無取焉王子
之詞儲體於絜結想斯遠文外獨絕予懷信芳可謂古瑟

文四

九

未拌洞簫作謔者也僕攤鼻洛下之吟隱几玉臺之集深
情祇有一往抽豪不知誰屬竊託同調敢曰知音隴首雲
飛洞庭葉下秋心杳然秋士悲矣

蘋洲漁唱敘

浙水以西嘉禾之里蓋樂府之職志而倚聲之林淵也珂
雪把梅村之袖竹垞拍飲水之肩四方歌曲莫能相尙吾
友嘉興張公束陶靈碧山標體白石擷梅溪之秀而芟其
蕪翫夢窗之奇而割其類先哲可作後來交推結交十五
六年唱子數十百調公束以稚圭揭櫟不佞以止菴津逮
而同有法於臯聞以為樹比興於慢令通絃雅於犯引譬
之染黛妝蛾短長入鏡成塵拂麝冷暖皆香琴緒分明酒

鄉棲逸抑亦磊落如昔鬢笑無端者矣公束去年賦春柳
四詩傳唱東南身世之感民物之故託興如見而楫詞可
通子閱歲乃始和之折腰淪落拄笏偃蹇同心離居兩刀
一鞘斯敬通孝標各當自敘可乎審定公束詞卷埒以詳
之

書薛先生詩集後

夫桑根山色窈窕書堂錢唐湖水裴回行憶全椒先生杜
門讀書振衣作吏蓋皆有山水之助焉靈暉萬有妙物為
言匪經匪卒亦文亦句佇興而作有詩四卷蓋文不先質
華不先實潘生所談亮符縣解先生植學以為基好古以
為澤託事以為興率性以為涂故名章迴句狀遲遲之春

文四

三

日古意新聲吟湛湛之江水學士逕庭謝厥九能詞人藻
斧供徒一映所謂撥皮皆真文如其人者也獻朽木謝彫
詠歸亦和君子杖屨之側後堂絲竹之聽竊見先生世味
既澹道氣自親才鋒且斂名心殆盡疏傳言歸之日不洽
生產霸陵徒行之夜誰知將軍春風不嘯浮雲易變頌聲
作于周召變雅采于大東豈有同哉豈有異哉

憶曩庵記

錢唐定南鄉東南有曇山焉余其只尺雲泉 山名 鬼筆谿
谷遐不絕俗竊而有文咸淳以前未嘗錄新安 朱子過
之題句矜表山容秀發以上戴石春風未動村郭先發斧
斤謝能樓閣隱見不亦麗乎昔瀕江之埃檣纜過而縈曳

痕如刻畫激滌靈根其來久矣吾友張子子虞生于是鄉靈骨得氣屬以兵事轉徙州郭歲時伏臘存問父老每過山下流連久之望榛莽而有思墜崔嵬而不改經營小築題名述懷以志釣游以盟蘿薜夫謝公有墩醉陶有石賢人雖遠故實可增山水之游不辭緣飾曇山之靈望張子矣

石交圖記

君子之交貞信而已若乃輪囷嵬礪律萃萎蕤階而不危羣輕之基不亦貞乎槃鬱嵯峨刻畫屢屨霜雪靡迨久要則宜不亦信乎吾友邁孫高陽氏之儔也負骨既奇同氣斯應遐乎四方之游馨乎十步之艸纓蘿接軫儒墨傾衿

文四

三

和不殲光介不絕物惜別如雨言念生平人圖一石傳神寫照古有金蘭之簿今有石交之圖丹青可傳警欬不遠雖山川阻深而恆在一室雖出處殊趣而彌久不渝大易終日之吉風人我心之轉有如是夫昔者王君種石成癖以自題目何圖前哲詒以圖畫六七十載後生同揆棲谷翫奇采山招隱青霞之意白水之盟袍笏既具請從君拜益盎之側倘容一卷則下走在焉

聞乾隆間有王君樹青石自號石交其後得倪文正石交圖朝夕對之

嘉善藥風亭碑

藥風亭者浙江嘉善士民爲肅毅伯李公築也公名鴻章安徽合肥人甄極圖書兼資文武由翰林出爲江南監司

惟時東南鼎沸蛾賊結聚沿江上下殆二千里公升壇誓眾殺敵致果旋拜江蘇巡撫之

命滔滔肥水誰迎謝石之師屹屹霸上方結亞夫之陳公以犬牙之錯屑齒之依惟彼平江襟喉吳會逆渠李秀成負嶠長洲之苑浙西諸郡縣犄角大槍之屯公不以主客自疑不以畛域自畫以爲浙師格在上游形執中沮虎有牙須益肆其豪蹴而拔之乃制厥命於是樓船之軍倏飛之士呼則波立叱則墉摧七里之城一鼓可下公曰徐之乃以同治二年三月春水方生陽侯效順蒙童直進艸樹皆飛郭令公之一出導騎傳呼飛將軍之行夜沒石飲羽五兩決雲萬醜塞穴公輕舟薄城鳴礮警賊喘喙惕息矢

文四

三

不敢發公歸軍中謂將佐曰賊在吾目中矣雖破竹之執迎刃必解而蓋世之氣先聲奪人魏塘百里秀州分區循此而東傳檄皆下非上智何以洞幾非神勇何以制勝公平吳高于王濬百戰威于樂毅昔斬蛟有臺猶銘布衣之烈長風可借軌踐平生之言登斯亭者其亦頌壯猷賈餘勇也乎亭既落成杭州譚獻紀敘斯文勒諸貞石云尔

答郭晚香書

晚香同年先生有道姑熟太守來告話言全椒山中正多風雪祇通異縣之書遂無乘興之訪自勞慰誨益用沈吟伏承來教流連南皮之游歎想平原之飲衣裳在笥別後誰同瑤玉居山何塗自達然而有道君子逸樂於名山平

生故人沈淪於末吏昔抗顏行今殊軌轍靜言以思胡能不歎獻與足下神交廿年偶同乙榜泰興之門齊名忝竊林宗之鑒擇交已遲言志如七子賦詩我輩以數人定韻自謂一邱一壑可與忘象忘言飢竟來驅吏非可隱孔稚圭所云抗塵容走俗狀者七年於茲矣軒轅臺下望江水而懷鄉霸王廟前起杜默而痛哭塵滿萊蕪之甌酒絕步兵之廚猶復發篋陳書停雲慕友文章而嗟才盡交游而歎離居言念諸子邈焉生平或怡神家荷或振轡皇路或翩翩書記或皓首橫經加以以川流易逝叢蘭多萎旣絕雞黍之約彌痛人琴之亾不聞集苑之歌遂有後死之涕知足下同此感也旣未探金匱石室之祕不免讀司空城

文四

三

且之書比來五稔稍理九流究向錄之異同思邢書而一適何有獨照之匠殊非磊落之人於越古史趙煜袁康樵輸先賢計硯文種竊欲治討以補闕遺此事遂廢當作吏之年結習未忘有述者之志安得共君朝夕相與丹鉛至於摘文百篇備詩五卷學子寫定汗青有待溫韋旣遠俳優自居句有長短義兼比興託於小知未敢多讓云尔足下又示屋梁顏色之詩雞鳴風雨之響伏誦三日附以千秋稱心贈答而言白首同歸斯在溫伯雪子之交何嘗下帶張敏相思之路同此夢尋匪河梁之五言徒劍首之一映足下其亦憐伯仁之退見然明之心也乎伏惟祓馭譚獻再拜

上張大夫書

獻白獻負鹽短轅之下未敢鳴嘶吞腥污澤之中猶思祓濯乃者旁無紹介仰接光輝一奉音塵遂勞紆軫伏聞不啻口出無閒幽遐聽采虛車吝嗟燕石獻何以得此於明公哉意者魯遽之瑟有相應之聲然明之心有握手之歎是以技羞楮葉神往車茵積感旣深所懷欲白伏承我公劑八儒三墨之平壯五嶽九州之志文通武達三公以辟置優賢知人安民九萬之扶搖伊始馮軾而問疾苦臥閣而清中外列郡培其元氣冷江流其惠聲猶復栖神道真游藝文囿時事原於經術吏治飾以詞章古有斯人今無其偶於是皖山望塵親冬日夏日之色佛峪刻石兼才人

文四

三

學人之長善氣者造福之本原高文者闕達之餘緒然而多思覃精日笑齊梁以下長吟寡和託體楚漢之遺往者弇山尙書南城都轉懷文抱質嘯阮攀嵇不徒閱攬賢豪友聲多助實則等身著述名山可滅何嘗耀其振纓良足尊其載筆私心舉例眾口可關者也獻側足百僚之底息心九品之表齋處士吹竽之濫并無列試之時唐節使學詩之年稍忘結習之痼非敢曰君平世弃某局投閒亦自知泮漫技疏鉛刀罷割匠門不遠帶水未遊偶狃勞歌庶塵不覺使者遙聞行部平反紀不疑之仁流行適有天災比興繼春陵之作伏希垂察不宣獻再拜

馮童子誄

代州馮氏世有聞人童子名福基其先撫部公光裕提刑公廷丞洸洸令德爲時名臣安徽潛山縣天堂巡檢焯之子也焯文儒連蹇屈在卑位童子鍾潛嶽之地靈膺上黨之家學勝衣執經語驚耆宿總角臨難功高介冑粵以咸豐七年大盜盈野婉婉繫嬰孺無算獨以弱幹運其奇策寘藥鬻金羣凶量飽忠生殉變甘與同盡其日賊歿十七人童子毒發縣愾爲賊委棄野僧收之具聞斯異志全厥生屬竄荆棘藥餌無所仍至奄忽悲裏父母歿而猶視嗚呼哀哉夫以橫流之日易九之災膏血被野何閒愚智持戈之士結綬之吏茹憤以盡者何限童子之外所披洩者亦足慰矣昔者賁父有誅已在能御之士汪錡無殤尙

文四

三

從公爲之後以今方古過無不逮當世賢達議諡童子曰智烈禮也大府上章

朝廷褒許於是流連奇行發揮哀辭爲之誄曰

食采於馮公高餘裔籍代置弁冕奕世巨嶽之產寸條必異高門之生艸兮抗志抗志伊何激昂大義收功于危懷忠其逝行不在年天子以智儻枋尺寸用罔弗濟我我潛山宵燧震驚蘭艾併悴猓貽既盈童子不畏奇憤以生謂禍蓋烈疇主甲兵火炎昆岡勺水不傾流毒萬里天榛地荆爰披其魄駢尸在庭薦食吾穀如服上刑疇昔夜誦辟咎父教疾風板蕩成人是效小子不豸蟲沙未造小子豸矣并命虎豹嘉善一孺九賊殮藥地下如逢雪涕相告

嘉善孫文德八歲遇賊求信實賊釜毒外九人文德樹外見浙江忠義錄續傳伊父吏隱英英多聞西河之悃國殤之魂蘭栗之犢可祀天神盈握之璧連城勿珍人傳我文文傳其人嗚呼哀哉曰智烈君

王孝子哀辭

光緒六年四月朔有五日會稽孝子王繼毅自沈於鄞月湖外繼毅之外蓋可以不外也其可以不外奈何父教諭府君某先一年病縣愾僅屬含玉且具出走蒼黃告於大社陳辭瀝血志不反顧惟麻衣之骨立從地下而靡及何脩夜之不暘紛鬼伯之來集繼毅之外未從父而因以殉母也其殉母奈何兄歸卜葬母偃在牀神其眇聽鬲於幽明繫髮膚之全受惡乎而用吾情糜身贖而不可驅狐狸

文四

三

於泉鄉淪漣之水一暝不視如古懷沙魂魄無隊嗚呼可以不外而竟外未能從父而殉母若猶以爲失愚何金膝曰代某身後毀譽在所不計固已自道矣外後一年王氏之世父諸兄告於文人不沒其性行乃爲辭以哀之曰晨迺諱於掌臆指匪齧而如傷孰無父而斬焉愁一母兮在堂無泰山與鴻毛家則治而有兄翩雲車以來下兄復夢以自明嗚呼學士程孝本兮神識不遷天路遠兮二人有懷佗靡願兮巫陽不下乃終困兮豈弟君子沒豈晚兮朝子望於甬上兮何穆穆之夕雲下曲水之月湖兮眇瀾瀾而晨煙棄室家以自浮兮長侍乎二親何所無遠游兮羌地下之寢門泉魚之立槁兮曠千載而德鄰崔子之渡河

兮寫子哀于五絃猶加絃于桐棺兮嗟何辜兮蒼天衷卜
氏而謂學兮軼獨行之清塵

答王竹泉同年書

竹泉同年足下計車三廢遂曠音塵沈霾簿領忽誦手書
企德門之教孝辱君子之懷舊遠荷慰誨仰承起居動定
如聞欽遲彌聞弟自棄青袍遂牽塵鞅行七年矣一宰新
安浪黃山之靈氣再蒞南譙想迷溝之叱咤無如宦情既
淺吏材自愧無濟於民物復違乎師友祇聞三損何有一
善畏我友朋如何可言君家至行閨櫛已奇子詒孝子風
烈彌著作者如林不遺葑菲滄沐名教寤思琦行何敢以
不文辭謹撰上哀辭一篇自抗塵俗久廢筆研惟平生故

文四

七

人垂念不逮賜教督焉停雲有作合并無期行已伯玉知
非之年無復子游學道之效名山回首悔與慚俱緘札經
年南汀云逝方作書郵旋爲異物亦增寢門之慟矣廷獻
再拜

哀二士文

唐元結有惡圓惡曲之篇讀之知方直之行之貴也亦以
知方直之過將至於無所容也獻耳目所接一二年間乃
有劉縣令何教諭蹈刃浮江蓋迫於官悲憫於世乎嗚
呼胡爲方直之士至無所容而出於一死天爲之乎人爲
之乎劉履芬字彥清江山人吾友也候補府同知官江蘇
十餘年以文學事上官比光緒五年秋權嘉定知縣縣有

冤獄殺無辜人君當閱實不能抗上官以平反神明盡傷
已而告殺人者至諛也君廉知之而法當往既屍度護者
必挾以難吏憤甚先一夕自刺死閱一年上元何忠萬字
子青者官宿遷教諭鍾吾書院歲入駱馬湖租司出內者
侵金錢無算有司左右之君以爲書院固學官責也持之
急遂爲怨家告許吏議模稜不別白也君則以爲大辱光
緒六年會試被落當還故官附火輪船昧爽赴江水死不
得其骸如二君者可哀也夫獻於二君或識或不識求其
隱痛沒身之故則以名家舊德不可以失職蒙垢負先人
之清白其外也古之所謂忼慨者與白居易著哀二良文
弔幕府之抗節者獻以爲二君遭逢困阨迹異心同不欲

文四

七

以繳繳者蒙污苟其立朝廷任封疆伏節死義者其在斯
人乎乃爲文以哀之二君者皆有官位著仕籍而獻曰二
士蓋傳於子臧之言固守節之士也曰余昔一鬻之師兮
今從百里之政儒官旣旒贅兮邑長束縛於律令吁二子
之百罹兮無如何而若命一瞑而不復視兮志不行而生
竟羣巫焉乃下招兮無遠逝兮營魂霄霏夕其荒荒兮冥
而不知其原踐搏搏之九土兮何所其無埃氛來濯纓於
滄浪兮奚委身於重昏噫嘻苟聽訟於孟涂兮吏可爲兮
刻木仰以嚇夫鳩雛兮謂腐鼠以同欲孰非正而可從兮
孰非道而可依自古皆有死兮顧人生兮可哀秋風兮蕙
摧火烈兮玉毀尚棲心兮道眞歌迷陽兮知止

施母墓志銘

母葉山東歷城人幼秉有齊之性長奉無違之教年廿七歸于烏程施氏施固儒族府君某潛德不曜含章可貞不幸卽世所遺二男幼无疆近之親室无禦冬之蓄鄰里敦勉兩郎廢學出就負販可謀升斗母曰不然身未亾人圖保單門君子憂道惟食不謀安貧讀書橫經爲士於是饘粥艱於再食光輝窘於四壁風晨雨夜繚絲不休恆所坐處當鄰皆穿古昔斷機无已過也令子補華朝夕拊背之訓出入齧指之恐借書輒誦多文有聲搏扶暫息斂翅家荷履蹈不忒遺音泮林母以補華文行日高門多長者顧而樂之悄然復悲言念疇昔幾襍庸保忍於勸學不期世

文四

三

榮無何三吳騷然蔓延羣盜補華奉母轉徙不蹈危機兒弟遠引皎然勿污母憂能傷八纏縣疾亂定歸里兩三季閒遂至沈悒以同治五年七月卒春秋六十有二母性寬仁頗好施與比其喪也里媪失聲不圖帟幃乃見晏子長子補華湖州府學優行廩膳生次某二子將以某季卜葬母於某山而以狀請杭州譚獻爲銘獻於補華友也雖升堂之拜阻於衣帶而當世女宗具於彤管銘曰古俾婦惠無非無儀持危扶顛彼相攸宜彼相則那而母是罹洗洗令子千人之雋匪食之求而惠之進峴山高高霽水既秋母靈髮鬢母墳嶺嶺孝子歸善汪君可師曰施氏母勞苦之碑

魏烈女墓碣

夫以珠玉可糜無改其潔白沈檀既蒸迺發其馨香固知性善而不渝變至而不奪貞夫一者也吾越山川崇秀天地清嘉自來志士畸人亦既比肩接踵又况幽篁涕淚隣古帝之三妃植羽婆娑拜老巫之一女閨檐箸節志乘垂輝蓋已久矣魏烈女者名家箴組生有令儀弱息媼姪早哀復我謝庭春絮最小偏憐涇水秋茶我躬不閱父恭壽以女失母孤雛承歡孝水選壻得上虞王光祖字之謂公鸞巢穩枳棘無憂雛鴈春初槃匝可奉矣無何恭壽又卒閨中月苦曙後星孤女之篤孝哀傷蓋可知也女年二十而嫁行及昏期是歲五月之閒俄驚噩夢光祖苗而不秀

文四

三

弱而先零赴至婦家禮無往弔女也山高墜石碎無復合之期雨落實天下絕重回之望決脰陷冑之氣垓下軍摧天荒地老之情不周山觸淚浮枕簟血已同枯妝徹瑣環魂兮先盡兩家童角尙有嫁殤從一女貞誓歸見廟惟時禮俗之士父兄之言未嘗無敬禮之誠尙未決將迎之議而女之從父昌壽願成苦志忽有遠遊女以爲孤露有年叔父猶父遲回不定雖生無生六禮奠鴈生不逢有爛之儀一杯仰鳩死願作下殤之鬼在家從父問名卽委贄之臣視死如歸一瞑絕羣疑之論距光祖之死一月而烈女身殉焉情風灑浙蠅蚋不飛異馥芬馨芝蘭在戶於是感均頑豔興起衣冠日在天中終古常新之色禮由義起文

家合葬之規請書愍女之碑可合陶嬰之傳鴻鵠雲間之翼不忍分張梧桐冢上之枝盡成連理樹之片石永矣千秋

張君妻江氏墓志

嗚呼神仙之說或曰荒唐伉儷之間人殊輕重謙自然之化去孫子荆之悼亾何以稱焉江堅字子璞文學君漪泉之女少尉君清藻之室也閨房巧笑呈于奉膳之晨選樓文章就于停鍼之夕比文學君之終也緹縈泣血墜九地而通辭娥江精靈見三光而不忍茹鍼仰藥若分糗粟之甘繫帛隊樓仍有保抱之護笏皇恩孝悅忽先靈姑姊妹傳之言歸少尉隱於文吏鼎鼎百年娥娥雙笑文窗窈窕

文四

象管分攜粉本從橫黛妝未竟藻績之練囑于之句世有聞焉所謂同繪軒者雖傳舍居官亦一時勝事已滅性之孝非惟寒暑之侵淪謫之人恆絀期頤之算又况歎吟華月招鉢寸肝薄宦舟輿晡迷曉露上元女仙或來嘯侶修文故事竟及閨檐江蓋於月色高寒詩聲酸苦鳳鸞景事鵝鰈分張遂以長吉自識云明年廿七光緒七年閏月產亾三醫之藥謁之而失中一焚之芻棄之而猶熱屋呼臯女之復庭傷奉倩之神與夫託以仙靈澹其哀悼曷若求之禮法祿此言功屬者鄉里僑州上言公府

朝家令甲褒許幽泉知與不知孝于惟孝獻官書手披質行心數家聲制水言終寢門之志旅寤濠梁如從羸博之

葬文木連理綽楔千春

僧月印生曠志

夫四大和合動轉歸風百年且夕骨肉親土死生大矣蒙莊之卮言究竟涅槃瞿曇之了義歛覺華釋月印者從語言文字悟夢幻泡影自嘉慶庚辰齏而剃度夜而脩持麻麥之浪徧施於長者哀悅之誦感動於異人游方之外由定生慧者已大智所照游藝無名夙世前生詩禪畫理環中象外水宿山棲文字之維那煙霞之後喻居士吸西江之水精舍布化城之金自夫縷絨無垢之儒韋布忘言之士莫不蘭閣彈指香積皈心瓶鉢因緣牟尼堅固柳栗之杖吳楚倦游貝葉之書龍天擁護江村結夏明無明心丈

文四

室安禪世出世想亦越光緒紀元臘踰六十智周大千迺悟雲駛月運之刹那將尋枯木寒巖之般若非戀色身偶營歸室天花如雨不沾維摩之衣明鏡非臺且種菩提之樹惟善知識說無生話乃為銘詩

秋水共長天空一月印風華新好者乃是無生忍道人鰲山出木石為佛性珠衣窮子窮藥王病夫病廿年山水遊舟岸與無竟歸來見能仁無著相接引願學長不死觀河道眼瞬日西方不無坐忘非戒定蕭蕭祇樹園獨有山鳥應待梅子熟時雨溼林間磬

薛中議慰農師六十壽言

廷獻於全椒薛夫子脩相見禮在咸豐協洽之年著弟子

籍貫同治旃蒙之歲惟時專城郡伯兼轉漕之豸章侍坐諸生盡空羣之驥德成功代謝而後賞音寥廓之中文字孰爲傳人交游通於性命時月歷二十寒暑期以千秋離合阻異地江山邇於一室不揆薄植謬許傳衣竊以爲及門多賢青藍相謝生平歷溯甘苦略同以一人之私言比當仁而不讓聊博掀髯之笑以侑介眉之觥可乎伏念師羸書啜讀囊筆代耕清四數七葉皆儒函丈守五經爲教獻少傷孤露不獲聞辟咄之言長卽羈栖未克肆膠庠之業與師異矣然而叩張華之篋捉原憲之襟奉母傭書食貧鬻字則有同焉師人中鸞鸞原上脊令著述軼乎三劉科名齊乎二宋獻旁無第弟顧景鮮儔學失師承孤生子

文四

三

立與師異矣然而分鐙就塾燥髮得朋結臭味於古人諷戲逾於寸晷則有同焉師翔步名場盛年通籍飛卿八又之手李程五色之篇獻十駕回車乙科滯轍題榜無羅隱之名削牘下劉蕡之第與師異矣然而親承砭石劇心寫帖括之文盼斷泥金繭足逐計車之吏微有同焉師仁設蒲鞭智深鈎距學道絃歌之宰策勛戎馬之間獻仕學非優聰明不逮書考驚寵辱之地戴星愧出入之勤與師異矣然而書生與父老相忘得情而鞭笞不忍雁思戶集魚可金生殆有同焉且夫成之者性道在自然更略遭逢還商心志師干莫之氣銳於李邕清濁之分渾於黃憲以故莊襟老帶見形者謂之和員折方流親炙者知其介獻奉

教以來逢時多舛立身本末辨晏子之和同與物周旋戒屈平之婞直造車合轍世法終違送抱推襟故步不失敢以爲性分之合也師讀九儒八墨之書不立門戶笑暮四朝三之術祇益支離以故漢宋分涂波瀾先障陸王異部輔頰徒膝獻志學而後兼愛好奇書肆說鈴固寸長而尺短蜀日越雪奚入主而出奴識曲聽真但無竿濫講非求是勿逞機鋒可以爲學識之近也師杜陵詩史文如其人太白酒星後無來者以故萬言可待奪學士之錦袍五色相宣受夢中之彩筆獻聲諧鐙盞句滿奚囊讓坐客之劉又狂吟冰柱識微辭於韓偓罷賦香奩一句兩句在人耳中大雅小雅埃諸論定固並有詞章之嗜也師心勞政拙

文四

三

功在民間進禮退義超然物外以故備史公之列傳循吏儒林拜海內之人師名遂身退獻錦初學製刀不藏鉛白鷗盟心數訟庭之花落飛鴻送目想故國之春生不待十年言尋初服祇求一試非有宦情又均無利祿之懷也於是還我使君有如前日今茲弟子敢在下風望若斗山壽同金石溯公青山高隱已閱終星數公黃髮大年正當周甲青佩讐書之日月金門獻賦之年華雉下車前春風無恙馬鳴旗側落日依然承平之吏卒如仙幕下之健兒已貴大江南北聖俞則詩繡弓衣浙水東西荀勗則祠陳春酒而吾師舉杯邀月商春夢之醉醒策杖看山笑浮雲之變滅芝蘭盈砌桃李在門未妨盡室之貧祇有吾行之素

東山無墅人閒之兒女蒼生西笑何心同學之少年白首
文章聲價爭赴龍門貧賤夫妻相依鴻案今日者大山小
山之授業雛鳳老鳳之清聲講坐經師名門家學倘比涕
南古訓合傳伏勝之圖但看蘇氏詩篇繼起斜川之集獻
請益又違三載敢忘夫子之哂由作歌試誦百年竊附韓
門之有湜此日衣裾坐席門下誰從古人飲酒彈琴俗心
蚤盡淵明處士暫求三徑之資成連先生自在五絃之外
斯言率爾或曰起予

書復堂類集後

同治三年夏在江啟叔棧頭讀譚君仲修所著閩江曲二十二章心嚮往之並世有其人又生同里閨深以不獲奉手爲憾明年始晤於宗太守湘文席閒初以爲僑僑老儒不意猶白袷少年也一揖之外不暇他語落落然莫能測之後數相見於僻慰農觀察所蹤迹漸暱予旣心儀其人每有請益仲修輒爲予盡後爲予作石交圖記推許過當若以予爲可交者丁卯秋仲修登賢書計偕北行下第歸時時作近游每歸必暱就予從容談藝終日不倦文字之飲無虛月直諒多聞予之獲益於仲修者不可以尺寸計最後仲修赴官皖中書問往復時時以道義相助始終不

復堂類集書後

以予之不才而相棄也今年夏仲修乞假還杭州所居相距不數武時秀水沈蒙叔館榆園平湖徐鏗青居聽園張子虞陳鄂士皆鄰近之數人者日必一再見往往夕月西隊街鼓統如猶不忍去商榷文字討論金石莊語諧語所論說不一端所見又不盡合旁觀者竊笑之僮僕厭薄之不顧也及是予之獲益於仲修者視昔日更有進焉因屬畫師繪榆園今兩圖仲修復爲文記之子嘗語蒙叔曰昔云與君一夕話勝讀十年書語或太過若吾與仲修語終日實足當一日讀也仲修近刻復堂類集二十一卷養夜卒讀悉加句度其治經之學于闡然不知所以不敢贊一詞若詩文之淺近易解者讀之亦時有悟入處不敢遂謂

足以知仲修也心知旣久遂併其言外之指亦若有知之者惜予老病廢事不能相從問學以益我所不知則此中不能無耿耿耳至其詩文之峻潔適美足以信今傳後四方能文之士皆能言之似予之不才正不必喋喋言之也因憶廿年來論交始末書之簡尾以不忘良友之益且使後之人知我兩人交誼之篤也時丁亥八月二十二日仁和許增適孫識

復堂類集書後

復堂詩

同治乙丑冬十月

吳讓之書首

敘

復堂詩一卷杭州譚獻仲修著其友吳懷珍敘之敘曰嗟乎仲修非詩人也君子于同人中罕最少然獨有志於學其學獨有所成就通古今治亂言天下得失如指諸其掌國家大政刑大典禮能講求其義會世無能知其學者顧藉藉然偁其詩吾嘗語君世亾能知子之學世且未有以知子之詩也夫風會所極詩道亟變工拙蓋殊焉而原賢人君子所以作詩之指蓋必有天地民物之故與夫倫類身世升沈新故之感一旦有觸於外而動於中遂以宜其纏絲悱惻煩冤咄喑不能自己之詞故優柔善入惻然動人使人歌呼悲愉而無以自主蓋其發乎性情之正有聲

敘

詩以來未有能易此者也雖千百載之下猶將求其指于千百載之上其大者則下之人識所以事上而上之人亦有所警而不敢越惡者以懲而善者以勸詩道之可貴蓋如是其至也今君之爲詩其摯乎其心而動乎其情者固不知何所感而然即吾亦不能盡得其意之所在然優柔善入惻然動人使人歌呼悲愉而無以自主要與古作者同出于性情之正者烏乎切已則痛難言則淡何其言之痛且淡也而世輒求君子聲律章采之末則仲修之詩在彼不在此雖然吾方與君共志于學君方汲汲焉恐日之不足吾願益讀書養氣充其作詩之指以爲有用之學毋徒以其詩爲也咸豐甲寅夏五月旣望撰于金華旅邸

詩一

復堂類集二

古風七首

朝易生闌闌流照嘉樹林房龔掩靜女微步鏘鳴金松柏
日森森豈有桃李心無由發妙指誰與蘇瑟琴芳菲從風
發求友鳴春禽孤妾亡與歡華年諒難尋芳杜遠莫致淚
下不可任

薄莫登高山冥冥長江流回風生波瀾不見行客舟行客
自知反舟子怨天晚江上蛟龍多咫尺千里遠白日不還
照流水亡已時亭亭青楓樹孤生空江滄

韋布足御冬乃使蒙霜雪窮士掩蓬廬中腸為誰結歷歷
人世事未忍相決絕與子如一身歡愉有倉卒亡為怨此

詩一

離視彼日與月

崇蘭汎春風容華發故枝良人攜素手驅車得同歸婉變
嫁時鏡照見鬢成絲飄飄日暮雨沾妾羅裳衣昔日車中
人裴裒泣路岐棄婦如秋艸零落亦已遲當年悔一笑今
日復奚為

南山無百里上有孤生樹我欲棄人間登高窻予步寒水
見孤景汎汎不得度歸來庭戶空几席亦非故山禽有別
離蓼蟲自辛苦安得如舜華榮落隨朝莫

秋日澹邊野芳艸不復生我行當此時徒御皆吞聲芳春
共游冶蹴鞠彈鳴箏粲粲綺羅服美酒交相傾前歡如夢
寐遲莫若為情願言保顏色努力全令名

卜築空山下長歌無和者揮手彈青琴沈憂于此寫蓬蒿
日以長聊用息車馬高堂飛燕燕好音時上下衣冠閱邱
壠悲風起松檟浮雲不可尋渺渺方寸心

妾薄命

瑤艸蔥龍彌山朝日初出團欒燕啄倉琅金環樓上美人
朱顏盈盈十五嬖嫫頭上金爵雙鬢被服粲粲羅紈佩玉
瑋瑋琅玕脩眉連蟠翠翰凝脂頰輔承權文窗寶鏡飛鸞
流蘇綺帳春寬琵琶宛轉沈檀瑤瑟朱絃徐彈大道駿馬
雕鞞入門列坐堂閒豔歌雅舞忘還佳麗細步珊珊入懷
旖旎承歡河中之水東歸白日欲落何依表獨立以沾衣
春風爾來為誰桃李不言成蹊高臺樓烏夜嘯

詩一

行路難

雨中登高臺望不見西山但見煙霧漠漠開平原行人去
路宛然在行人一去不復還南風莫吹歌聲去我歌乃是
行路難

君有大宛之名駒燦爛黃金之絡頭要下昆吾切玉之寶
劍綴以合浦之明珠揮鞭笑出五陵道千金一擲倡家樓
莫向長安金張第崔嵬亭臺作平地

願為山上石山崩石成灰願為大海水東流豈重回不如
雙飛燕美人樓上去復來朱樓美女顏如玉身佩瓊琚曳
羅縠紫簫吹作鳳皇吟轉聲卻是思歸曲曲調不成卷珠
簾楊華茫茫入華屋

吳女多素絲織作成羅衣炎蒸六月適君體手中團扇涼
風颭崇臺廣榭將進酒歌曰不醉其無歸庭前蘭艸爭芬
芳馨香入衣雨不違秋風發霜雪零典衣更進羔裘輕
酌酒且盡醉願作中山千日之眠一眠千日會須醒吾隨
安期巢神山金銀樓臺排雲出徙倚樽桑弄白日青鸞適
從何處來口中故人一書札上言北邙山昔日朱顏今白
骨下言黃金盡博徒零落歌舞歇

門前鬱鬱烏柏樹上有夜烏啼不去開門看嗷烏星河蒼
蒼耿將曙依稀金碧何王宮云是東巡駐蹕處黃金不成
秋風蚤眼見高臺起承露

欲解紅羅襦是君親手結悲風吹流水日夜聲烏邑行路

詩一

三

在何所居人感化別今日隨風之落花昔日經天之明月
讀書盡萬卷頗識忠孝字學道行十年與君斟酌仁與義
行路難聲莫悲今日是昨日非攜手出門望朝日惟見浮
雲東西南北飛

戰城南

戰城南城南虛其無人百夫躍入直前敝其門城門開聲
如雷礮聲轟轟鼓聲疾援兵不至胡為哉援兵乃屬大將
軍將軍遠游之冠翡翠被高坐虎帳如不聞壯士不敢哭
敗馬不敢鳴格鬪行且盡叩視北辰星城烏巢空出復沒
烏子飛來啄人骨城頭月落烏飛去帳前歌舞管絃歇城
門閉聲如雷礮聲轟轟鼓聲疾將軍議遣援兵來

七夕

雲雨楚臺霽環佩湘水深天漢有佚女機杼揚哀吟時夕
告嘉會輝光驚靈襟靚飾六銖衣灑駕三青禽嬋媛聞太
息頃河澹欲沈九秋隔形景一瞬淪徽音綺帳華月流玉
樹珠露侵西逝不可挽交會不可尋靈修去浩蕩離索傷
子心

楊柳歌

春風幾日度玉關晚來楊柳亂西園西園公子酌春酒新
栽枝葉從風翻黃金白璧鬪歌舞銜柘絮亂復絲絲十圍
顛頌武昌城攀枝折條空長歎人生可能免離別長繩繫
日不復還憶昔武帝出長楊從臣意氣不可當雷公擊鼓

詩一

四

玉女侍投壺一笑生輝光金勒寶馬紅塵暗瑤臺青鳥朝
雲翔燒丹一成上天去橫要手版游帝旁由來富貴艸頭
露車前不見金鳳皇三十六宮風華香廿五絃瑟朱柱長
秦宮赤鳳故相惱人愁明鏡飛秋霜白門咸烏各飛揚佳
人舉袂當朝陽不知眠起幾朝夕易遣霜露沾衣裳天邊
柳宿生顏色思婦高樓莫斷腸

所思

雲起高臺上蒼茫有所思可憐芳樹下散雨掩門時
春思

日莫卷羅幃春含艸色菲郊原无遠近併是一萋萋
子夜歌

陽鳥無偏照連理華同榮華今兩處飛見日慰平生
縑素手爪工長日爲歡停欲語乍如忘淺笑不聞聲
池水無人蹤菡萏婉自妍獨行犯霧露非君誰見蓮
無言倚前窗離鴻林閒度郎行白雪心淤泥諒難污
歲莫行

冬十二月歲聿莫樓頭積雪日初吐野人病母相對愁飢
鳥反哺飛無數空庭老桂尋丈長苦用枝幹斲冰霜忍寒
慎勿自摧挫會見桃李爭春易

渡江

大江浮白日客子去何之萬古滔滔意愁心共此時長天
亂春色無處寄相思前路生芳艸青山范蠡祠

詩一

五

癘

俛視蒼鷹背長林送往還艸閒足狐兔眼底盡關山劔拂
江雲壯風高漢幟殷南征諸將在對爾破愁顏
鏡湖

風日越州城鏡湖如鏡明昔賢于此隱流水至今清颿拂
稽山去雲從剡曲生千年無賀老誰贈謫仙名
遣興

江鄉春寂寂流水繞書堂深竹有人語野華隨徑香相期
與農圃招手話耕桑莫問桃源路山中日月長
有感二首

自解湖湘甲蒼黃遂遠侵屋烏求食苦江燕入林深艸澤

成何事謫言自不禁大河控南北宵旰

一人心

江上日流血天涯多鼓聲臨危思猛士橫議起書生憑弔
隋隄柳虛傳京口兵空談知誤國未敢請長纓

春華篇畬周葆昌

春華易零落轉眼成枯枝與子通一顧遂辱彤管詒西施
朝澹紗谿水照容質同車有鄭旦入宮間見嫉秦宮縣明
鏡光散月與星予身化作鏡照子婉變形龍門思素琴宮
商五絃起願子作琴絃哀聲繞子指寶鏡有昏日朱絃有
斷時寸心太山重力士不能逐

鏡湖早秋寄烏程陳炳文二首

詩一

六

夕陽下曾巒餘輝亂羣木我行望歸燕遙見平蕪綠門前
賀監湖流水明如玉薄莫涼風生秋心不可掬流螢時一
飛若爲照幽獨羅衣日以敝猶是別時服裋中故人書錦
字不忍讀上言行路難下言歲華速

峴山日夕佳苔上宜清秋少婦家禾中往來木蘭舟舟前
夫容華淥水朝霞浮采之不我寄芳華諒難畱

贈朱孝起

塞雁衝寒雲景開城烏飛去角聲哀綈袍珍重憐知己玉
劔飄零愧霸才落木西風同戀別空江暮雨此登臺少年
浪說枚乘筆人世難逢袁紹栝

愁緒

愁緒難爲理辛酸勞者歌病懷淹枕席寒夜杳山河犯曉
城笳奏新霜旅雁多無衣堪卒歲之子復如何

初冬覽眺

關河度微霜羣鴻亦已飛蕭瑟秋冬際清游漸成稀病起
難爲懷登覽窮翠微江水在襟帶渺渺長天圍眾木下空
山蒼茫景物違百季亦易盡萬緒相因依豈茲江山感身
世將安歸尋巢林閒翻衰度煙霏暝色起天末林風振
素衣

寒夜對月同蔣坦

林空夜無風雁羣聲蕭蕭虛窗受寒月星沈天宇高天涯
未云遠行雲不可招與子眺江山目極心爲勞月華澹孤

詩一

七

景空齋益無聊飛霜蘭蕙盡春風吹故條

哭陳炳文二首

吁嗟雙飛龍雲閒折其翼一墮入重泉千載消息零落
道旁樹已非別時色我歌子不和鏡水長相憶酸辛五字
詩未得達君側焉知行吟時子已沾牀席長辭金門詔歸
彼太山籍臣質忽云亾豈忍話夙昔

室有偕隱妻庭無稱家兒純明與盛惠天遠良未知身負
禮樂本入棺安所施長卿少善病子憂我質羸餘生能潦
倒今子竟何之江山二百里中有浮雲馳行舟自此去尚
想重來時

春日對酒贈高丈錫恩

綠滿南山艸山前賣酒家一尊何敵澹留醉碧桃花嘯鳥
銜微雨垂楊過落霞恩恩看逝水甘甘問香車天下春如
許人間樂有涯交游參父子身世誤龍蛇玉劍芳心折青
雲去路賒靡蕪盈手贈還自惜瑤華

送袁臥歸新城

予已不得意子今行路難江湖尊酒別風雨客衣單士信
無長策貧尤戀故歡靡蕪山下是欲采路漫漫

送吳懷珍之金華

六月正徂暑君胡作此行金華高不極言訪黃初平松華

石牀冷瑤艸洞門生采藥逢樵安因風一寄聲

潮

詩一

天地無顏色濤聲上古臺秋風江水闊落日莫潮來縹緲
魚龍氣艱難舟楫才十年滄海思何處問蓬萊

祝生歌爲吳子珍作

生名呂訓
慈谿人

祝生落魄家四明渡江作客杭州城杭州吳生正好古鳴
鳥出谷得友聲前年祝生偃蹇外酒瓢詩卷歸飄零平生
篆隸侶神授風雷擊攫蛟蚪驚春寒新月窺窗牖滿席疑
塵酌枯酒吳生薄莫叩門入僂說祝生時在口上言與生
古道交盡傾肝膽離塵垢下言八分與小篆斯逸爲師韓
蔡友大冶深深鑄吉金曾霄落落回高斗筆如美玉肉好
半渠以瘞硬文麤醜顧荅鄭籛今已矣不知位置誰先後
復言生也夙窮餓縑素如煙付誰守江水悠悠無盡流故

人搖落同衰柳我聞此語慘不舒吳生念舊真吾徒方今
文體日波靡如彼姿媚逞俗書茲世發言已莫賞名山身
後富何如祝生尙得一知己外可不恨良非誣吁嗟祝生
絕世無歌成酒盡良夜徂吳生出門月載涂

寄邵比部文懿辰

威鳳隱文章在山戢其翼名惠無盛衰輝光被鄉國吁嗟
世風微原野多荆棘豈無梧與竹不忍安棲食如雲蔚羅
張千仞安可得會當鳴朝易鷓鴣失顏色
萬古大江水東流日夜長吳楚佳麗地烽燧何蒼黃堅壁
怨笳鼓轉饑窮餓糧斥鹵權物力艱虞戎馬場平準善通
變物望思賢良此行阻同舟天末遙相望

詩一

九

時危表國士廣厦思良材桓桓曾侍郎奇姿鬱風靈雲龍
一會合論兵心肯開蛾賊百戰餘城闕生蒿萊予如學習
鷹一飽羞凡才願知狐兔蹤何日君歸來

送袁鳳桐陳州迎喪

風霜紛滿目況此失巢禽浩浩黃河水依依孝子心歸涂
兩兄弟遺恨視棺衾我有孤兒淚孩提灑至今

送壽丈僑還諸暨

風雨夜如何征鴻盡度河先生猶道路海內正干戈垂莫
雄心在深梧濁酒多未須臨易水相送有悲歌

贈儀徵王丈翼鳳

登樓一賦倍淒其王粲季季在路岐故國風煙悲骨肉過

江名士近流離兵戈歲月人無色文字關河鬢有絲搖落
西風江水闊思家臥病雁來時

放歌去年九月高炳麟昭伯同龔橙孝拱蔣恭亮寶梅伯虎朱孝起廉卿重游撫時感舊慨焉作歌

生同鄉縣才同調高生與我季俱少明堂合樂陳清琴宮
商異舉非殊音抗峰高館凌清秋當窗洞壑羅深幽高生
擊筑同敖游九日悲歌樓上頭龔生意氣何雄桀蔣顧詩
才亦清絕各有神明兩不疑栝行無算肝腸熱是時木葉
辭枝柯白日下湖湖水波人生哀樂何其多浮雲欲聚如
風何風流雲散須臾事轉瞬一季風景異艸木今季更變
衰登高無復當時意山鬼悲嘯如可聞嬋娟不下雲中君

詩一

百艸不芳春心外清霜蘭艾誰當分苦爲交游感化別登
山臨水悲秋節無論風塵滿海內咫尺邱山渺難越奮袞
起舞歌百季山靈無恙當我前秋江潮落執紼向人江
鳥飛翩翩高生杜門亦已久譚子行吟良可憐人間何地
無重九不醉萸鞠甯非顛人生蓬轉真無權局景鄉里徒
摧顏明季此會誰賓主儻憶天涯人未還

送吳子珍北上五首

華月生滄海奄忽向桑榆百歲一昏朝何計盡歡娛芝艸
本無根鬱鬱託山隅馨香同時出行人忍見鉏君子結交
密心憐夙昔疏行雲散回風僕馬已先驅

悠悠指長道京華渺天末征塵上素衣關河莽遼闊三策

對春秋十上近倉卒羣龍盈天衢高步戒超越浮雲金鳳
車落日銅龍闕眞人居深宮大臣有黃髮

高歌西風前木落鳳皇山明湖渺寒水無聲照別顏山鳥
倦還飛巢危何時閒離獸窮巖側散迹互躋攀柳枝日顛
頽遲久春風還無情已如此有情共潛潛

太行天下脊登高一回顧海水方橫流兵甲如風雨直北
長安城氣脈隱回互嶽色從東來河聲自南去一髮眺中
原散茫起煙霧冰霜日紛紛輪蹄瘁征路

汎汎盈尊酒飄飄游子衣淒淒動離管脈脈看鴻飛飛鴻
祇隨易游子莫忘歸臨行結衣帶慈母在庭幃交游勿濫
諧言語慎褒譏功名志四方吾道今已非

詩一

十一

寄周炳

勞苦山中雲一出安所之琪樹遶天風鸞鳥願徘徊玉劍
折無鋒金鏡闇不治年長心力短萬物爭一時我適防風
國思子安能來艸色如故鄉百里亦天涯還念金門客攀
龍計已非子珍向在京師願言逍遙游共此黃髮期

秋風

人事季季改秋風日日來黃華吾羨汝祇向故枝開

分水縣九龍山

明滅寒谷顏日華澹容與林丹細微霜矚碧鳴新雨嶙峋
復俛仰杳杳似太古元宰畱眞氣磊落相媚嫵叢祠走野
老想象傳芭舞巖棲吾未能聊復忘羈旅

安定山寺

泉原有寒色平楚望蒼然初地不知處樵徑與回沿林麓
導我來倚竹照寒泉美人志容鬢空谷誰與傳側聞開山
者高舉劫灰前英雄與達官事去耽幽偏風疏雲不行巖
古鳥亦僊古今此寥落獨往成周旋

寶劍篇贈常州董用威

祥金不作躍冶鳴十年一劍鑄始成洪波常使蛟螭避空
谷時合虎豹驚龍文磊落自申誦鶴膏滑澤常光晶提攜
戰場當大敵十步五步無畱行人閒睚眦何輕試所願天
地常清平縣之壁閒久不佩風蕭雨晦終無聲神物無聲
有深意藏鋒不用全其生刺鐘久恐有缺折補履世豈知

詩一

十一

重輕誰與君子來拂拭防身同志成功名出入金石決雲

霧上天下地通精誠古聞時危智勇出偉人奇器當合并
風胡辭燭長已矣斗牛寶氣徒宵明

江行

十月與臨海翟飛滂
雲別於桐廬山下

臘日何暄暖有如二月時江山此挂席竹柏桐君祠淥水
似春酒寒林無畫眉飛蓬憐去住歲晚一相思

述舊敘懷送陳雲欽北游五十韵

艸色王孫路柳條天下春鴻賓高念侶癯縈紮曲隨人間俗
衣冠拙杜門談笑眞相驅飢有力靡騁亂無因伐鼓中原
賊炊珠吾土貧稻梁嗷寡婦烽燧互征塵月旦評黃憲滄
洲挈惠詢斷金數輕薄衰玉與沈淪海出珊瑚氣霜知枯

柏鄰素交原有屬別恨爲重陳憶昔書堂聚逢君早歲親
盟心俱落落逐隊各振振文史三冬益恩情千載新音餘
山水意迹自驅蛩偷風日開軒好家庭真酒頻萊衣朝爛
漫縞帶坐逡巡樞葉青于染荆華豔似紉銅鑲畱紫燕碧
井狎文鱗物態嬋娟足交期脫略信嫌都忘弟妹歡不閒
宵晨世事翻雲雨浮生感溷茵藥籠遺小艸車轂是勞薪
絕塞飛狐險高臺駿馬珍關河慘幽薊戰伐閱燕秦白日
辭鄉樹黃流暗去津江南載書劔天北指星辰惻惻倚闌
望飄飄去國身之官依夏馥驚坐到陳遵浩蕩游無色蕭
條筆尙神故人多落魄遠道獨含辛作客山陬晚達時跬
步連田閒歎鴻鵠地上走騏驎謀食懲書卷登場易笑羣

詩一

十三

兒曹且紈綺畫氣亦金銀鄉縣浮雲隔荒齋暝霧屯壁昏
蝸寄窄檠淺鼠窺喧歸夢迷難覺離居意未申出門春黯
澹伏枕母嘔呻深淵松根鬱孤芳蘭佩紉洪鑪金莫躍泚
緝手還龜羈旅空驤首天涯送去舡江雲飛縹緲嶽樹望
嶙峋壯志看青鏡君行近紫宸聖賢聞贈處韋布待經綸
側想

皇輿建兼調玉燭均普天解龍戰擊壤樂堯民出處思烏
屋飢危比免罫容華他日憶蹤迹少年溼夢雨生紅藥空
江蕩白蘋悲歌中夜發離思渺無垠

種蘭篇含桂英

種蘭少著水水多根易爛種蘭先去艾艾生恐滋蔓嬋娟

幽谷中馨香發九畹子已過時悲離披君子翫珍重素心
人勿使芳華晏

別董子中

零落人閒寶劔篇離亭華發與潏然江湖滿地重回首南
北東西兩少年

題西山方氏主人壁

尊前渾忘是他鄉萬里春風過戰場一日桃華源裏住出
山人事又茫茫

錄別四首

翩彼雲間鳥音響自蘇平臨岐握君子忼慨結平生雲雨
莫來還伊胡獨長征時至發林華默默感衰榮帷開表素

詩一

十四

衣散落見天星飛去雙黃鵠中道軫子情

大義結夫婦依依四體分車前千里道閨中千里身華燈
粲良夜耿耿斯須親斯須復何言方寸難具陳裴哀怨晨

雞僕夫爾何人鴛鴦自奮飛天路一逡巡嗶嗶嗚雁折

掖墮江津江水日以長浮雲日以新紈素雖云做故物當

見珍

臨軒動朱絃曲調悲履霜飛蓬復奚爲轉徙之遠方出門
丈夫心銜涕下高堂離居視聽異氣象感中腸昭昭月揚

輝中夜流素光披懷見子美語笑暫在旁得攬瓊樹枝飢

渴兩可忘

回首望故鄉南風河水流陽春去遙遙他人各綢繆鳴蟬

在灌木厲響一何修常時閭里閒
倦仰亦云愁強勉加餐
飯誰與相勸疇修身無出入
贈子已千秋

同王以湘滄浪亭懷古

游絲纒華天陰陰隔華嘯鳥青林
深古人不見古亭圯惟
間流水如鳴琴清流不洗世人耳
滿城絃管多繁音畫漏
遲遲歌未歇豪竹哀絲為誰發
此時蔓艸徧池臺當日金
錢買風月勝地由來有盛衰
何況人生易華髮天涯弔古
復傷離人物風流各有時
雲樹江南留不得爭知來者復
為誰

小車行

小車兀兀黃沙走老父前稚子後
道旁招行人行人但搖

詩一

五

首三朝麥飯不入口我家揚州承
平樂休賊來如風大男
縣頭白日慘慘淮水浩浩飛蝗刺
天人賤於艸連營鼓角
日嗚嗚健兒肥馬塞道涂小車兀
兀挽馬芻
飛蝗行呈德化萬侍郎

風起黃塵暗惟旬飛蝗東來密於
霰去年赤地數千里揚
豫亢旱炎風煽蝗蟲一過野如刈
驅之頓跌傷人面野夫
面傷哭向天蝗食新禾人食薦大
兵凶年莽相接至今沈
疴益瞑眩淮蔡之間非尋常人材
雄驚古今見異獸飢渴
虞唐突已痛黃巾盈郡縣自計貧
無負郭田哀時欲繪流
民卷吾師少宰方述職藉手拜上

蓬萊殿

晚泊

市小危檣灑沙平落日嵌吹蘆勞
破網收麥慰長鏡流水
賢愚盡清輝歡怨銜依然吾土
月夜夜照征衫

新河作

微湖新荷一萬柄紅妝婀娜臨
明鏡故鄉風物西子湖遠
山如黛何娟淨客心流水爭波
瀾落日南陽百端併剝苔
先讀滄溟碑新河一記筆力稱
往年大上河魚橫南來惡
浪千家罄鬼火陰風慘不收遺
墟蔓艸迷誰姓人言南漕
此襟喉萬柁千檣舊縣互江南
酒藥紛入市河北馬贏多
塞徑河決軍興那可說黃蒿作
垣塵滿甌飛來莫雨上征
衣憂時涕淚還交迸五年鼓角
滿天地戰後山容黯銷疑

詩一

六

此地荒涼賊似憐渡河北去狼
投奔頗聞練卒齊趙勢凱
歌已奏猶未定水有蛟鼉林有
虎河北子遺聊可慶獨立
悲涼感衰盛世事身事同躡
躑躅沂泗東流浩無已中原
千里浮雲夏大有關山庚信詩
聽風聽水明朝更北地柳枝
覺麤醜客中自折無人贈

湖中

嶧山有起走峩峩擊汰空明卷
白波大澤交流神禹迹故
宮遙聽漢王歌瑠弧齊魯新
徵戍寶鼎風雲望塞河十萬
糧艘成坐廢颿檣遼海近如
何

任城太白樓

綠蘿倚日當高樓夾城風色宜
清秋雲端美人散如霧城

邊古水紛長流婉變天容散瑤席當時賓主神僊伯一從
賀老去瀛洲今日山東無李白瀛洲浩渺若可親長句平
生亦有神泚南泚北搖芳樹不見開元天寶人

亂後過臨清

斜風澹日慘河濱南北襟喉此要津山鬼荒唐知劫運潢
池莽鹵本王人千家遺竈飢烏散五月孤城細艸春一片
沙邱嗚咽水年來不復怨王倫

野望

蕭蕭萬馬戰場空千里征塵在眼中岱嶽人閒望霖雨衛
河北上有秋風黃沙野哭牛羊斷白日驅車艸樹窮趙魏
由來形勝地漢家畫閣就論功

詩一

七

次青縣

北征徂暑月枕席日浮浮古道開青縣渾流下白溝高飛
勞燕雀暮色起梧楸亦有風波恐人生出戶憂

舟中立秋

大化無畱景人事浩徂遷志士輕道路美人惜嬋娟晨曦
澹平曠夕露下潺湲驚沙遽慘烈轉蓬不遷延浩蕩葭收
駕飄搖鄂君船於心感物變矧茲越鄉季奇樹幾銷榮南
雲迷歸旋歷歷九辨辭憂來無陌阡

詩二 復堂類集二

北平古意

瑤星瞻帝座 珥日照長安 一識

皇都盛焉辭行路難

皇都鬱鬱古山東 而借襟河后宅中 燕山南控沙邱遠遼

海東回碣石 雄萬乘 旌旗三輔壯 八方風雨九州同 旌旗

風雨神哉沛 規模七葉恢 無外漢帝離宮起 上林雲房霧

殿相鉤帶 建章衛蘭綺 甘泉擁芝蓋 上壽璇宮降宓妃 冠

寵椒涂迷下 蔡玉樹春深 王母游瓊華 天醉蓬萊會蓬萊

閣下列仙班 溫室深深帝子顏 蕭何曳履得上殿 平陽飲

醇時閉關析圭東 第后峩冠北 闕間內直沙隄靜 歸休繡

詩二

穀還沙隄繡 穀如流水來 往侯家兼戚里 大道青樓襍戲

陳洞房白紵 清歌起三公 市上解琵琶 四姓門前鬪羅綺

金張許史高如天 嶽嶽城南路 可憐柱下張蒼通 計籍山

中卜式奏輸邊 華燭夜宣金殿詔 牙籌日算水衡錢 分曹

趨殿最上計 日聯翩 鏘金夸尺五 過錦戲秋千 車中金鳳

飛何處 果下青驄驕 不前趙李但知今日樂 夷齊豈論古

時賢豪華轉 眼分今古 素衣到處生塵土 金馬森森學士

堂夜烏啞啞 御史府 囊中采筆相鮮新 柱後惠文休媚嫵

振衣直上燕昭臺 臺上風沙去不回 北極時聞金鼓震 南

征日見羽書來 欲解吳鉤憐錦帶 且澆魯酒倒金罍 酒薄

不成醉 人事朝朝異 抱玉老空山 賣珠取高位 俠客青春

河朔游貴人 白首京華地 五侯門外長荆榛 七貴墳前紛
鼓吹 鼓吹發 拂舞陳 擊我筑 吐君茵 天下用兵求劇孟 殿
前發難屈 平津攀龍明主側 射虎短衣人 功成長揖去歌
舞 江南春

燕歌行

林闕初日澹 光輝驚沙漠 漠漠相蔽虧 下堂不望所思手
中膏沐昔所持 塵生寶鏡闇 不治庭樹葉 脫羣鳥飛故巢
誰復同安危 翩翩者葉根 本離遠游何人不獻款 君飢君
渴妾具知 他鄉娛樂當念歸

秋風引

君不見 轆轤宛轉青絲綆 日繫銅餅汲金井 一朝綆斷餅

詩二

復折女子空來照 斜領又不見 金刀玉尺縫春衣 天吳紫

鳳相光輝 塵埃黯澹日以敞 空箱棄置餘香稀 高者山下

者谷水浩浩魚育遠 望當歸歌當哭 鏡中顏色非少年

秋風吹塵塵滿屋

對酒贈吳煥采

尊前握手訴飄零 離笛聲中酒易醒 欲寄愁心與楊柳 不

堪搖落短長亭

富內閣侍讀葉名澧

二南王化始 江漢有風詩 皎皎長安月 冷冷寡女絲 古人

思見我大疋 得同時 燕州逢搖落 半愁醉莫辭

送李承瀚赴山海關

健兒白馬紫貂裘海色蒼涼上戍樓
微外風高塵漠漠尊前酒盡路悠悠
征衣落日盧龍塞羌笛清霜白雁秋
一旅入關成

帝業遼河東望古營州

贈陽湖楊傳第

蒼龍發清曉詆蕩天宇開朝暉
澹木末雲物盈我懷長安冠蓋盛
夾轂揚塵埃遠游無好顏藿食世
見猜君子賦緇衣吹律同聲諧良驥
伏阜樞芳蘭藏艸萊下女不可遺捐
佩絕往來鳴鶴有聲聞九臬清且哀
大道西風起春服謝故裁與子期歲
寒勿爲狐白哈奉贈朱黃門文琦十韻

詩二

三

雙闕麗朝日綺繡交瞳矐明堂資巨棟
詆蕩宣王風君子起領表高標凌華嵩
忼慨朱雲檻不子鮑氏馳中夜望櫜
槍欲射無長弓驅車下峻阪御者思良
工偉哉兼善志違卹一身窮歲晏元雲
興霜雪下喬松高柯有密蔭勁艸亦芄
芄庶幾埃春易得氣全和盍

贈許舍人

皇居帝里有光輝賦罷凌雲入瑣闥
寓直獨吟西苑月明時無恙侍臣衣
山川雨雪天涯晚哀樂中年人事非
卻對青尊堪中酒五陵何物是輕肥

雨雪曲二首

燕山風雪撲貂裘白面郎君控紫驪
昨夜胡姬留一宿寶

刀遺在酒家樓

金杯澱灩與君揮醉倚琵琶夢裏歸
燕地雪華如掌大朝朝卻向鏡中飛

酒家遇楊子

客去不去轅駒鳴長安市上藏姓名
門外北風天欲雪與君把酒說荆卿

贈丹徒莊棫中白

浩浩長河水欲渡見曾冰潛魚自辛
苦無爲羨飛騰勁風一東西轉蓬力
不勝邈焉去根株天路不可升天寒
霜霰盛客子中夜興緼袍豈云曠抱
故忘愛憎結歡不在兒語笑何足憑
哀鳴雙鴛鴦虞羅無見陵

詩二

四

翫月和莊中白

明月照瑤艸瑤艸已如結一別江南
華來看燕地雪

慈仁寺松

與予同偃蹇一臥帝王州平地風濤
合中天日月留扶疏慚俛仰蕭瑟閱
春秋多少閒榆柳冰霜爲爾憂

古意四首和莊棫

繡轂相逢大道邊朱樓玉佩隔飛煙
四方爭點長眉黛百乘誰輸姹女錢
朝朝莫莫看雲雨葉葉華華感歲季
願化輕軀作明鏡春風留與正釵鈿

江南蓮葉愁日莫白下柳枝隨逝波
樂府恩恩歌督護征

夫脈脈度交河熏香侍女調絲管畫
閣新人嬌綺羅履迹

銷沈知幾日玉階芳艸已成科

栽桑東海真三見種柳金城未十圍侯家歌舞紅塵散天
上神僊青鳥稀芳樹何季生玉砌西烏一夜竟孤飛明月
光光星欲墮景沈積水幾時歸

沈沈少婦鬱金堂畫帳茶蕒自有芳鳳管新聲傾下蔡龍
城征戍向遼陽桂華婉變三秋莫錦字迷離萬里長明發
東方千騎至含情永夜拂流黃

送吳子珍南歸三首

燕樹日青青無情爲誰好君還故山春我留長安道
相逢京洛塵相憐客子衣前季送君出今日送君歸
南雁日以北北燕日以南車前塵漠漠城下艸粼粼

詩二

五

古離別

欲采靡蕪艸春風吹故蹊征人去天末賤妾守空闌下階
芳艸合開簾華月低寶匳塵黯澹玉笛響淒迷采蓮歌魚
戲隔華間馬蹶江南行樂地塞北斷腸嗚長眉恆獨斂雙
帶自然齊思君如流水不信有東西

元夜

佳期千里遠顧菟徒盈盈清輝一已沒華燭自然明似有
遐方怨淒其玉笛聲鈿車來往處今夕倍含情

樂府詩贈尹侍御耕雲

御史府中烏欲棲長安道上車塵迷雲飛霧散看朝日絲
繁絮亂掩空闌永夜獨織鴛鴦錦春日相逢桃李蹊長衰

起來憐白苧短歌含意是前谿

大風重贈尹侍御

獨坐淹春節冷風萬里長燕鴻紛去就蓬艾誤飛揚白日
臨芳樹青尊揜畫堂從容軒后夢去垢未荒唐

送傅太守壽彤

繞梁餘響在情竭爲知音千里春風路行車芳艸深四方
多難日相送一沈吟河流有新故珍重結交心

贈李比部汝鈞

多識蟲魚富高翔鵬鸚知立談見真際勸學得吾師海內
愁兵氣人生覺酒悲長安春二月風雪杜門時

詩二

六

送夏氏

二月長安雪飛飛傷畫輪如何華發處不見故園人

悠悠涉帝京游子戀故人驅車歷廣陌冠蓋揚輕塵長安
爲樂地銜恤行苦辛嘉會忽曠絕分襟及茲辰薄酌暫燕
婉岐路意莫申猗猗故園樹端然發易春滔滔吾道悲願
言謝交親出處不可期令意表道真哀愉可一視贈言念
人倫

長安道一首爲中書舍人吳紹烈賦

長安輕薄兒兩馬蹀躞黃金鞵華纓玉佩光參差意氣相
傾無不有背面哈笑庸渠知與君相遇長安道與君相親
年少時君不見萬古西山色上有童童桂樹枝

夜詩

遠近易春節乘除明月時佳期于此曠人事亦云岐寒露
生芳苑棲鳥無定枝乘槎消息在西海路透迤

送朱黃門丈

垂楊暗帝城飛鳥散春聲華州方云莫關山獨遠征箸書
參史職多難倚儒生試進離絃奏宮商似不平

紹古

敘曰學者折衷于六藝詩者古之所以為史比物連類有
易之象敷陳政典有書之事升降品節有禮之教宣鬱達
情有樂之蘇詩凶然後春秋作託體比興百姓與能勞人
思婦陳之太師世凶孔子正鄭不別三百而後遂以闡如

詩二

七

王通非其人也故曰吳楚僭王晚周至今宣尼復起關雎
麟止要不復作國風小雅嗣音斯在夫智者通於其情味
者逐於其迹溫柔敦厚遺教不隊五言七字何論迹象僕
少好篇章稍長彌篤豈必盡謝纂組之工揆之六義卻行
求及然茲事體大匪曰瑠蟲荏苒十季業不加益復以羈
旅暇日撫茲時變述為十篇敬質當世君子

黃金為君輿白玉為君堂翩然一兮鶴矯首雲間翔堂前
有棗樹堂後有方塘堂上坐美人妙目發奇光主人復為
誰信陵與孟嘗佳肴酌蘭醴既醉盈千觴方塘華池中高
下夫渠芳所悲清秋節白露結為霜我欲竟此曲此曲哀
且長安期與羨門延季以樂康

右情

天地生我後蜉蝣生我前今日樂復樂安知我為人人閒
者何為卜與猛虎鄰鶴鳴于九皋其聲聞于天耳目齒髮
閒強名為我身鬼伯一嗚呼其散如浮煙孔子陳四科後
世傳聖賢孤竹兩兄弟乃从首陽山武王母野師有亂臣
十人箕子陳洪範封之于朝鮮我今遠行游下下入黃泉
高高出兮雲求我心所憐

右志

春日載易時倉庚鳴啾啾高樓齊浮雲阿閣三重階階前
何所有庭樹從橫枝洞房歌聲起歌意我所知天下方太
平蘇樂相保持妻子得婉變金玉如沙泥策馬行萬里糧
糗誰復齋名譽高于天朋友不我遺四坐萬年壽奉藥一
刀圭日夜為樂方難可與等期

右感

宣宗皇帝末年浙江巡撫吳公下車擊豪彊僚吏趨風解一
月離于畢厥歲天淫雨大水日夜禱祠行泣于野上告
天子蠲宿逋復田租出生于外解二公性慈仁用濶嚴平敷
歷中外罔不翕然稱賢解三厥後三年廣西寇起窺漢與江
新天子詔曰爾吳文鎔可持節督湖南北諸軍事朕開明
堂待成功解四譴讒文吏專已自私洗洗武臣持爵祿以嬉
人言噂沓盈廷首鼠不決公心憂悲解五兩陳交大旗飄飄
獨前斬馘無算軍聲動天親犯矢石奄忽不幸力竭歸黃

泉解六事間舉朝震悼贈太子太保諡文節楚人至今以思
豈徒公之悲又六年舊部民杭州譚獻賦詩哀之七解

右哀

佳辰曠燕婉乘春暫游歷天路速義馭媿樂此朝夕嘉茲
林潭人于野忘所適浩蕩江海波欲靜何時息物人儻云
具咎師期有獲絳萼山桃舒朱英沙棠覲微步卻高趾行
歌反沈默

右于郊詩

惟庭之槐鵲有巢日夜烈風室飄搖獨鵲哀鳴求其曹籬
鷓決起紛相嘲彼槐之樹折其枝孤根緩急當語誰皇天
雨露日以施下有小草方葳蕤山石犖犖不可履海水蕩

詩二

九

蕩不可理縣車解舟閉門居獨抱憂疑其行止黃雀飢華
報以環靈蛇之珠明月懸黃金可成河可塞身無疾病安
如山

青春逝矣朱夏臨空庭蕪沒芳艸深萬里從君力不任羽
毛顛顛悲故林翩彼海燕日以南雌者哺子雄相尋一彈
別鵲調素琴枯株何用徽黃金衫彼絺綌淒以風空牀胡
爲爛錦衾安得美酒爲酌斟歡娛白首亾二三

右吁嗟篇

明月鑒薄帷流景照空林芳時西園艸寒露日以深一從
君子役涼燠行相尋君身如金石哀樂毋見侵焉持飛蓬
鬢爲容異素心吁嗟閭里人慰勉亦不任何當託飛鳥一

揚四方音

右明月

白石何鄰鄰清波與沈浮江湖有曾瀾浩蕩具輕舟奄藹
搏桑枝杲日相環周尙賴爛龍力揚光炳其幽鯨魚跋滄
溟長弓忽云收金尊酌美酒沈飲聊可休

右白石

枯魚游于釜趨外須臾間甘餌有餘薌福溢禍來還

右枯魚

東風西日帝京春北馬南舟行路人揭揭驅車過洛水沈
沈高閣望平津依依去後離亭柳漠漠飛來大道塵莫雨
朝雲迷處所金簫玉管爲誰陳

詩二

十

右律詩

五言詩贈沈司徒

皇朝盛堂構

列碎勤菑畚游豫無非事沼園奠厥居鬱鬱玉泉山湛湛
昆明湖森森羅玉樹澹澹發紅渠寫仿金僊窟恍忽白雲
衢直由氣執壯兼之締構殊建章開千門井榦凌太虛蛾
眉曳錦綺鵲列佩瑤琨金門方待詔侍從與機要憑几拜
清問前席書嘉召縹筆簪彤墀朱紱奉玉導何言文章事
下通風雨好侍郎天人姿衣冠此高蹈承明論思入夙夜
簪裾儼憂危簡書畏艱大度支效濟濟登賢俊南齋連英
妙鼓鞞思封疆關山感離川海風殷洪濤江瀾濫天際端

然青陽回復此素秋節番舶要互市金戈慘連歲鮫人無
夜珠魯婦有髮髻家山東商望征雲西北結天官運星辰
曉日過雨雪蒼望今泉夔致身古稷契木日離離匏瓜
徒纍纍爲社既詬厲不食生歎咨賤子逢迎絕遠游骨月
非門蘭受鉏易山柱援枝稀褐薪甘獨負燕石良自疑秉
受既已偏違奔諒非宜金丹授大還何用一刀圭積水負
巨舟潢潦或不辭揭揭上長安驅車人未還焉知高門事
得奉長者歡橫經王傅醴孫侍講衣言獻策學士冠潘學士祖蔭不
遺一謬謬故步忘蹢躅高樹接長楊滄波通太液觚稜望
天上禁鐘聽咫尺側聞

皇輿正功皇震濯赫從公上衢歌愧子岸儒嘖

詩二

十二

酒樓同龍陽易叔子中江李翁生

長安市上今宵月不醉金尊可奈何夢裏家山迷近遠望
中兵氣滿關河孤光歷落青天動秋色蕭森白露多便與
諸君堪作達玉簫愁倚百年歌

送涵學士典試關中

使車曉發鳳城端侍從風流動漢官早歲文章傾海內明
時將相出長安棧雲萬里盤空細嶽雨三秋照路寒見說
中原人物在因君憑弔古衣冠

贈歙縣王少司馬

十載傷孤宦秋風一夜深常持戀闕意併作入山吟寒露
衰羣木危巢動暝禽五雲高處望樓閣覺蕭森

秋夜絕句

高空流月映華軒砌下時聞隊葉翻自是孤根搖落易梧
桐秋色故人門

五雲咫尺望觚稜欲賦甘泉病未能玉宇瓊樓三十六西
風莫近最高層

空拈筇柱十三絃彈盡伊州倍可憐一上高臺望山月天
涯處處向人員

終古長安有狹斜相逢夾轂不容車可能明月時時滿無
柰浮雲處處遮

賦得元菟城南秋夜長

元菟城南秋夜長金壺銀箭漏茫茫機中錦字思鴻雁臺

詩二

十三

上清簫待鳳皇故國相思空見月西風酌酒不盈觴最憐
十五盧家婦雲髻我我出畫堂

雄縣食魚鱠

八月江鄉水落時家家細鱠斫冰絲京華倦客今歸去千
里秋風有所思

山行雨

杳杳空濛處車行始見山陰陽自殊態天地有重關衣履
沾溼輪蹄閱險艱由來膚寸合瞬息雨人閒

望嶽

眼前岱嶽與回翔鸞鶴如間接帝鄉漢簡朱文憑想象秦
松黛色入蒼茫風雲一氣開齊魯禮樂千秋待帝王司馬

文章成倦客可憐白髮別明光

宋伯韓文聞
尚雷濟南

別嶽

敘曰鄧子游衡譚生望岱精誠莫一文采愧之矣作別嶽

詩

眞宰叩冥冥長風洞戶局車中感玄鬢天表別空青元氣

思三古浮雲有百靈末由陪瀟駕鸞鳥獨矜嶺

襍詩四首

我行瀛莫閒曠土廢耕桑古來征戰地風沙浩茫太息

石家事輕棄此邊防盛衰有變遷人土可憐傷安得跨郡

邑作鎮開雄邦田疇重稼穡畜牧多牛羊扶輪一長望止

見河水黃灌注事溝洫險要扼津梁屯種十年閒斯土眞

詩二

十一

金湯方今侯甸地胡乃如要荒

有生各甘苦同根異條起名實時時易人地無恆理

水舖憶予入長安西笑徒爲爾俄焉再涼燠無時問甘旨

輪蹶忘苦辛飢寒念妻子倦飛會當還浮榮良可已不見

無定河永定不復徙不見大清橋浩浩黃河水

晨行至日昃人畜同時飢耶舍忽喧騰鞦韆馬爭光輝弓刀

作急裝乃是河朔兒但言點行頻軍書如火追昨者江北

賊困獸觸樊籬連營修瓦解不見

天王旗援師發畿輔逆旅暫相依醉飽得歡呼客間前致

詞制敵仗諸君努力申國威南來有潰卒如鳥失羣飛

秋風日以深秋艸日以莫秋山送行人歷歷見來去嘉名

行路

愛九日高會渺難遇故人日南北轉蓬在何處回首亭林

祠文酒朋簪聚宛轉開蘭尊婆娑倚松樹引領望故山莫

鞠清秋趣臨江殷洪濤坐石晞朝露迢遞阻嘉招衷念

行路

車遙遙二首

車遙遙遙遙涉長道所嗟車中人不如道旁艸艸衰春更

榮人生日趨老

車遙遙遙遙復何之行雲有時盡遠游有時歸空山折蕙

艸猶爲王孫悲

華月

華月輝輝濁水泥車輪四角事難齊星辰天上何言別城

詩二

十四

關雲中未有梯北地會傳鴻雁信東飛誰共伯勞棲殷勤

如感陳王賦翠羽明珠夢不迷

明星篇

白髮老還生黃金作不成朝朝看曉日夜夜見明星明星

三五連珠子千門萬戶天如水鳳管鸞笙次第陳雲房霧

殿參差起參差城闕隱雲中落落雲英光采同玉佩本來

天上有霓裳難得世間逢霓裳妙曲驚鴻舞爛熳蘭幃聞

密語織女支機可浪傳牽牛服軛徒辛苦辛辛年年岩婦

樓流蘇寶瑟最驚秋妾窺玉鏡悲年少郎上金鞦獨遠游

金鞦多露滿行迹玉鏡爲霜感顏色在罍三星耿耿明無

梁一水迢迢隔牛女由來一水濱乘查消息若爲親明星

長照關山路憐爾東西南北人

高郵

蘭漿盈盈動水濱樓雅點點度湖漣便從衰艸微雲裏想

見風流淮海人

秦郵驛前夕照沈露筋祠下天陰陰明璫翠羽無消息一

片珠湖是此心

過甘棠湖

流水如碧玉秋風挂席時東山感絲竹北地失燕支明月

方弦朔香車有別離門前烏柏樹葉落是相思

杜牧前游在

謂中

關山玉笛聲可憐蕭寺月長照故園情

團扇飄零易楊枝宛轉生吹笳閨夢斷愁絕未休兵

詩二

十五

渡江望諸山

商聲應造律逝水歎在川客心曠于役地靈行屢遷緒風

依蕙隰華日動蘭船冷江改渟瀾危石臧遠煙折麻待大

隱佩玉期眞僊修鱗潛易驚芳禽翔未還旌旂散北顧鐘

鼓絕梵筵長波有歸息雙與與攀緣大哉舟楫功遠矣隨

刊季

寄董子中

桐廬山下有浮雲獨繫蘭舟最憶君季子祠前看塞雁重

尋桂樹又離羣烏帽錦袍猶昨日伯勞飛燕不相聞楚中

自古悲秋地悵悵人如落葉分

常州聞歌

屋梁初日動微雲華氣衣香雨不分如李清歌聽不得江

天落葉正紛紛

乘舟

搖落秋爲氣平生宋玉悲江魚驚景落雲雁莫歸遲斜日

蘆洲滿清霜蕙艸知乘舟吾興盡野水照旌旗

韋蘇州祠

停舟入祠宇朝爽秋岑發燕寢馨香閱虎阜風流歇華日

絢輕雲文禽和寒樾高詠復寂寥微吟感辛髮

烏夜啼

思婦樓前頭白烏天寒漏斷嗁井梧家家縫衣事刀尺處

處繁霜滿道涂千里關山夢覓去河漢如煙耿將曙分明

詩二

十六

垂淚下空機遠人歸來笑相語

詩三

復堂類集二

夜過桐廬

兩日征颿挂勞人覺轉閒三更上寒月一枕失名山風水
魚龍蟄冰霜竹柏顏飛蓬殊未已曉髮定應斑

上灘行

羣流走亂石萬指爭一篙逡巡欲上不得上天寒水落灘
益高七里灘頭更西去山似荆關點豪素平生坐愛山水
清甯知行路復難行人進止各有數由來美惡無定名
水淺沒至甯空歌白石爛千夫耶許聲晨朝達夜半舟中
之人兮耿獨旦

蘭谿

詩三

一

叢蘭日衰歇谿色有餘妍淒淒上晨霧滌滌藏遠煙羣岫
互犇峭一水成渦旋飛雲當知反觸石無時閒礪芳寒欲
盡林秀遠孰塞耳說淙流水目極互靈山百里阻三朝咫
尺絕攀緣銜舳方連連回瀨祇淺淺笳鼓感搖落魚鳥計
安全有朋接語笑惟酒開心顏行止任以道夸嶮亦自天
惟言植芳艸馨香佩勿諼

送曾太守省三入軍

北風歲晚江雲白霜深艸樹無顏色征人有似南蜚鴻萬
里雲霄馮羽翹清秋八月作急裝長安城外塵茫茫欲持
一劍軍門謁不覺三千道路長是時妖星照江水江北江
南陳雲起歸來慈母惜孤兒書生未敢醜知己物望三湘

司馬公人閒李郭僊舟同豔說公門植桃李喜持尊酒合

萍蓬使君季似周郎少三十登壇此懷抱天地胡為滿甲

兵功名未可爭華要保障東南曾侍郎軍聲直似郭汾陽

才子雄豪出同姓短衣忼慨去沙場天寒凋盡沙場柳玉

笛關山莫回首淺艸甯容狡兔藏高蜚何落蒼鷹後江村

歷歷荒雞號越石憐君起舞勞誓清中原一擊楫大江日

夜生寒濤人生何地無離別意氣相看各愁絕好寄從軍

五字詩無諸臺下思今夕

對酒示曾太守章大令

依微燈火素波長漂泊聽歌夜有霜太末城頭飛木葉無

多尊酒各佗鄉

詩三

二

太末

太末城頭月衰稟照鬢絲蜚鴻猶有信衰艸最叵知壞塔
聞殘角清流見畫旗蕭條燈火夜悵悵過江時

度僊霞嶺

元氣此吐吟皇天畫揚粵甌駱殊風會領嶠羣城闕靈秀
說徒旅崇高恣沿越行雲散如炊空日澹于月礪松風濤
合厓竹馨香發懷哉窮舍時翫此蒼翠質千峰無起止一
向互明滅關門匹夫守巖壁孤徑絕陽九當革命龍戰野
卒黃動搖五諸侯馮陵異姓王虎臣算聚米蛾賊醜跳梁
鎖鑰一控扼戈戟徒枝撐盛時復盜弄民氣虛抵塘絕嶮
寔重閉羣鷲終回翔閒道惜竄伏餘美悲鄉邦百雉馮太

末一炬燭江郎悄悄客子心行千里道登高望閭里陟
遠異歌嘯泉流謀纓足巖晦藏華曜雲霞松喬游笳鼓襟
喉要有時息戎馬會許安宜釣踰嶮適炎方探奇指員嶠
琴歌感鳶跼易卜危龍躍行矣我僕痛勉旃仁者樂
至日晚集浦城武當山下簡徐少司馬樹銘章大令觀文
炎方山水入嚴冬礪枝厓艸交蔥蘢陰厓不待陽律轉峰
巒離立開春容意行采藥不辭遠羣舟俛視漚鳧同乘興
浮栝坐磐石歌笑勿乃驚樵童束帶鳴琴有茂宰倚牀清
嘯追庾公信有千載文字力由來萬里神明通濁醪妙理
託一醉回春足竝造化功葦根啾啾鳴夏蟲鷓鴣一飽漁
火紅山靈蘊奇思太盡沾衣林雨還恩恩

詩三

梅

領嶠芳梅樹華開葉已新長憐拾翠侶相逐弄珠人
偕新城楊舍人希閔游道山

芳樹結輕陰春山靜如客虛臺頰闌闌三山峙丹碧厓深
挾龍氣雲雨洗片石古人在文字來者矜履烏海風回曾
瀾結此鮫窟宅形勝孽寂寥王公弔疇昔石髓足饗飧銀
臺在几席山阿若有人晤言待朝夕

釣龍臺

神山自丹碧混濛臨高臺僊人持絳節何者爲蓬萊還丹
不可期元精共裴裏龍駕已寂寥名王安在哉瑤華乘春
發鏡月洗暝開鑑微王伯氣擊古吟嘯懷乘桴浮積水中

路復遲回飄風引之去何用出塵埃

登樓

日上高樓倚夕陽望窮雲樹更蒼茫今年海國傷春色獨
有青山似故鄉

海上索居寄京邑諸游好

姓氏猶畱賣酒家一春不見帝城華懷人海上生明月回
首長安有狹斜蚤歲文章違世濶倦游蹤跡向天涯高樓
楊柳曾相識折寄同心感物華

瀨谿同壽衡司馬作

谿色動春雲萍葉合清淺微風來中田爽氣有餘善弱湍
觸石回晴煙傍巖展文禽送詠瑤華發盼晒海濱見古

詩三

四

風行路寄深緬璫枝倚菱蕤疏麻共游行流坎情已忘華
樸理俱顯良辰設芳醴眞賞獲所遣

清明南樓答壽衡司馬卻寄易叔子吳子珍楊聽臚李子
衡京師

令節依然對玉尊江湖不繫故蓬根天涯芳艸憐將莫寒
食東風尙有痕跌宕高樓自華柳扶攜吾道在乾坤金門
待詔無消息同向南天念舊恩

憶別詞和壽衡司馬卻寄里中周伯虎朱伯原袁敬民陳
雲欽高昭伯茶盃章子佩程心樸蔡子鼎諸子

前季上巳桐廬山去季上巳長安道嶺表今季作寒食南
浦春風迷碧艸新巢海燕羽差池舊種胡麻顏美好鵬山

山下煙樹微芳心日逐浮雲飛陽春歌倚白玉管少季舞
惜金縷衣斜陽積塔望蕭瑟平生故人還復稀積塔臥斜
易友新

城哀雪
安詩

月夕南樓同壽蘅司馬臥雲舍人作
南樓一片月脈脈上林端卻憶佳人遠關山生莫寒鄰訝
度遙夜芳樹澹煙巒逆旅招子美更淡共倚闌

雨

作客窮三月離家復半季蕭蕭風雨夜歸夢落誰邊

月下贈壽蘅學使

忽忽春陽莫寥寥海上風鷺華雷客醉雲樹遠天空明月

如流水青山有轉蓬西窗頻翦燭爭得故人同是夕得
叔子書

詩三

五

旅興

天高多悲風長林折其枝蕭蕭無餘榮發發異昔時鴟室
隨傾覆蝥穴當遷迆委身臥泥沙天路絕無階觀者行不

子聞者相歎咨由來梁棟材勿爲羣葦欺

朱亭原署三百三
十有三士亭

澥邦懷古日文獻在朱亭鄙渌相攜醉離支滿坐馨先春
華倚暝過雨石通靈清夜扶闌望輝輝見使星

雷別

曰歸豈不樂執手戀此行會近意何多脈脈難自名不歸
天倫愛歸卽人事生高柳散疏風鳴鳥方嚶嚶欲飛願其
枝息久巢不驚秋雲如衣裳飄飄獨且征關山有南北意

氣无重輕十載憂患餘方寸謝世榮一陳木瓜義共茲章
布情

七夕泊谷口

西風谷口邊回湍七夕維舟坐夜闌銀漢高秋自清迥金
波永夜盼團圓雙星天上睽離數一水人閒揭厲難見說
爲梁烏鵲在日歸無計借輕翰

延平津

婉婉雙龍合飛騰在此閒如何出入世不爲濟時艱石激
孤流水雲沈北去山脊深迷劍氣神物未應閒
挽葉潤臣觀簪

聞海歸來日當君輟瑟辰平生重知己當世失斯人楚雁

詩三

六

來何莫燕雲閣不春金徽雷古調絃絕自傷神

九日雨中游嘉善面城園同汪仲得

意行偶出郭勝賞慙所經一舟繫門前興與漚鷺并蓮塘

度微雨枯荷流餘馨浦雲暝入戶霜華繡當楹雙鬢幾重

陽無復十季青歌獻異新舊英鞠與伶俚風雨有時歇酒

夢有時醒與子勿弃世塵寄可忘形

棣華道人墓

想見春風路梅華落墓門清秋還弔古遺老自精魂志出
文章外名依忠孝尊雲山正寥落浩劫總無痕

泉亭

十日高興盡扁舟從此還爲雲復爲雨愁對泉亭山

贈陽湖吳唐林

栽花當及春結交當以神華開有必落神交得其真風從
四方來念我平生親道路損肌骨金石為君身木落方更
榮衣故先經新甦勉濟時器毋為兒女仁

北地多風塵執手驚老蒼別離閱涼燠人事安可詳過眼

變浮雲對面起太行子從海上來鴻雁不能翔鳳毛子未

振梧竹意回皇安危有時會窮達任所當請君揮五絃側

耳聽洋洋

黃浦

渺瀾春申浦真從林際看風擊颿力健波偏日光寒懷古
雄才去長征歲序闌乘桴吾有喜咫尺豈辭難

詩三

滬瀆雜詩

滬瀆風煙入望遙春申浦口送歸潮樓頭一夜溟濛雨付
與荒寒似六朝

懷抱何時得好開模黏屨氣出樓臺劇憐清淺蓬萊水曾

照麻姑鬢影來

長安客子如蛩駝自別音塵又一霜思見素衣心蘊結過

江人物數王郎王郎即慶昌家南翔時正居憂

龔生龔公日飲何酒程子程子頗工長短唸故鄉人在佗鄉

別擊筑都成變徵音

觀滄海

我觀滄海茫茫乘桴天與水極萬象如亾日沒中流不見

龍魚浩乎呼吸寒風所都欲暨尋仞鬼窮其謀尺山寸林

神安其廬幸甚至哉歌以言志

觀覽滄海竭乎亾際天與上下柔不處地滔滔萬民法法

萬水恭承聖人為人之海朝變夕化長存久在載山內河

不謝羣葦幸甚至哉歌以言志

夷場行

人閒何地無滄桑平填黃浦成夷場高高下下噓屨氣十

十五五羅蠡房青紅黃綠辨旂色規制略似基坪方門前

輪鐵車碾碾人來闌戶搖銀鐺倒映窗牖頗黎光左出右

入迷中央兜箇窈窕停言語厖笑指奇器紛在旁銅壺銀箭

人官廢自鳴鐘表矜工良五金光氣出巨冶百寶追琢來

詩三

重洋水春機上織成匹磁引箭中火具揚銀鏤尺表測寒

暑電景萬里通陰陽我非波斯胡目眙安能詳中原貴遠

物一握兼金償矧乃阿夫容其毒能腐腸世等酸鹹者直

以饗飡當烏乎利藪召兵甲烽燹廿載盈海邦不誅義律

縱虎咒哩啞味見章奏用此三文出尤猖狂大沽一勝申

國討伏莽仍憂粵與江九州禹服萬物備何煩重譯通梯

航廣州南岸印吾鐵閉關不蚤師陶璜

聖人先見在故府煙塵海上天蒼涼皇惑萬怪有銷歇大

風去垢朝

軒皇

泛海夜至福州

海國一颿遠茫茫天四圍扶空波欲立過眼樹如飛出沒
心無際飄零客似歸南臺燈火夕屢氣拂征衣
夜集小嶼响館

雨過石氣靜池館失嚴冬傾尊倚虛牖蘿月澹如空青袍
文字飲薄醉意從容昔人重歌舞鳴佩聲玲瓏玉衷動微
步珠樹倚深宮粉黛雖假物圖畫猶春風中酒觀宋人仕女圖風光
白髭稱坐客桐城張海客酒顏紅銀箭度微寒為樂方未
終

延平試院月夕和徐學使

月上平林夜氣浮素波渺渺入煙流乘春風雨頻中酒未
老鷺華一倚樓玉宇生寒衣袂薄紫簫微咽洞房幽佗季

詩三

九

滅燭重回首窈窕江山古劍州

春風樓延平

江上春風百艸熏樓頭日日坐氤氳山光散翠常疑雨塔
勢浮空半入雲嶺表望鄉憐去鳥儒林懷古訪遺文季來
兵甲東南滿劍氣還愁出夜分

明翠閣延平東郭鳳冠巖下

高閣頰煙津餘寒肅莫春名山曾歷劫初地自無鄰樹色
迷征轡波聲恐傍人陳詩及鴻雁艸澤念君親壁間何人題云北來雁兩從北極到南天飛過漢蓬萊殿幾處烽煙我的君王最可憐又云南來雁爾從浙水到蠻天見我慈母手中綫回首鄉關我的淚堂最可憐語俚而哀

近聞

雨暗家山入渺茫近聞烽火復蒼黃涼漿麥飯尋常事歲
歲清明在異鄉

哭吳子珍

人生山海別日夕念所親君子忽淪亾然疑已悲辛既信
祇野哭逆旅豈寢門寒雨匙春氣黯黯太空雲高堂多白
髮寡婦猶青春穉子未毀齒無術贖君身長安有何戀聞
見皆傷神憂來多狎游醉飽鑠精魂我今結習盡牙琴不
復陳著書真旒贅子毋惜遺文

我昔長安歸秋風弔袁生臥袁吳為中表各負俠少名我
謂子記室亦呼袁騎兵袁外子已孤子外我益驚生外凡
夫中蒼蒼有權衡但惜二十季苦為名教爭推移我嶺外

詩三

十

肝府摧已平軍中周伯子炳勿乃猶磴磴

故鄉忽殘毀二月辛酉賊陷杭州羣盜橫戈矛刀光滿城市火雲復
浮浮兩家老弱在倉卒將誰投子家我在遠我家子已休
結客雖云多緩急孰與謀重足待消息存命還吾州羨子
入下泉亾知當亾憂不能為國殤七尺真悠悠

憂憤二月辛酉杭州陷三月丁卯官軍克之

消息未分明羈人寢寐驚飄零踰領路慘澹故園兵羣盜
馮城日高堂望子情時危誰喚女悔遣爾南行
胡轉子于恤蒼茫問有司橫戈先解甲一外謝羣黎風雨
紛亾度江山望轉疑春城林木盡來燕莫求枝
建甯試院送楊晉熙廣文丈歸杭州

北來雲氣紛如墨一春霖雨春無色雷殷空山艸木仆飢
禽塌翅危巢側殊方客子悲餘春消息鄉閭不忍聞昆岡
玉石有餘望握手相看各苦辛賊去蒼黃問家室千里歸
人氣蕭瑟我有高堂胡不歸口不能言但悽恍中流失船
馮一壺赤手救火空奮呼書生乃爾等木石艱危到此還
峙嶠先生意氣吾鄉里同客天涯異行止風鳴萬竹僊霞
關晴見雙臺富春水營門笳鼓任喧闐襍被孤征路如砥
再拜乞君諗吾母未暇聞房念妻子去作人閒丁令威人
民城郭是邪非魂夢相隨度領去杜宇聲中淚滿衣

江行雜詩閏三月既望發建甯舟行四日至福州

建安春色去駸駸臨別黃華山名夏木陰南下輕舟似鳧雁

詩三

一天涼雨夾江深

禪榻今季感鬢絲往來鴻爪迹迷離炎州翡翠空文采高

枕江風讀楚辭

一灘煙雨一灘晴灘底風雷即次鳴波濤心事尋常有不

爲人閒黯澹名

延津落日水曾波劍氣微茫客再過身到文山誓師處一

時北望陳雲多

卻待人牛不閉門渡頭炊火接煙邨妻兒尉勞田閒事泥

飲依依注瓦甃

二更吐月隱微雲艸樹空山望糾紛諧笑尊前不當作陳

王墓是可兒墳

雞鳴日出青山空灘灘水激自生風萬事安危堪倚仗人
閒難得鐵稍公

天遣流光閏三月諸君無地借春看林華開落誰畱得雨

打風吹大是難

記得去年當七夕歸舟谷口看雙星丈夫歲歲輕離別風

水荒寒未厭聽

悲涼燹火連三月迢遞家書抵萬金難得多情李別駕平

安兩字未浮沈李君寄語知家書已來老幼無恙

故園華作道旁塵雪虐風饑不見春杭州三月十二十九日大雪

季流水去周瑜荀彧是何人舟中讀三國志

風送回湍作意吹鳳皇橋下落颿時南人猶賽王湖席東

詩三

晉難尋郭璞碑

秋雨五章

嗚呼下土漸何時勁風木落巢叵枝寇來如風阿兄歾寇

退不退猶相持脊令塌翅日色薄急難我遠久始知皋亭

山中桂樹晚淹畱不歸將何之時婦子居皋亭山中

家書不來已二月夢中吾母多白髮夢忘離亂未問訊猛

雨驚起意荒忽游子淚與檐溜注虛牖生寒切肌骨今季

三黨如衰艸嶺雲海霧魂飛越婦氏婦翁賊來皆从

莫夜雨氣昏北窗浩如乘舟絕大江平生故人在何處雞

鳴如晦思難降言官左遷尹杏待詔从珍鄉里貼危韋

布樓杭城復後尚未得聞伯虎袁敬民蕭消息更從海隅問莊棫黃鶴一逝何

由雙

笛聲哀厲出林表
襍曲相和風裏裏
洞庭葉下蒼龍吟
高閣如逢楚天曉
萬方一槩吾道難
夕角晨笳復多少
金波玉繩祇隱約
雲端美人何渺渺

身不得飲中山干日酒
何能服食鍊氣求神僊
人生三十忽在眼
意氣猶欲俾少季
入荒蒼涼元氣溼
山靈終古相周旋
朝來晴空盼獨鳥
羽毛亾恙陵秋煙

萬松關

北來浮雲如白馬
南山石色疑蒼龍
關門跌蕩入雲際
欲界元氣分鴻濛
羣峰積鏤無尺土
大木攢生不知數
幽崖石室相對局
薜蘿在眼人何所
吁嗟重關一夫守
九州之

詩三

古

險何不有秣陵
衰艸國殤多
臨沼西風丞相走
浮雲浩浩阻山河
布韞青鞵客子過
萬松南峙僊霞北
閭嶠風煙柰爾何

秋桃華辭

僊原一出青山空
廢圃秋桃落淺紅
一種禮華好顏色
不曾含笑對春風

宛轉歌 漳州九日作

八月銀河黯亾輝
九月炎方未授衣
嘹唳塞鴻不可見
翩翻海燕復已稀
欲攀僊人三華樹
還憐織女七襄機
鸞鶴幾時有機上
鴛鴦何處飛
鸞鶴鴛鴦相向出
屋梁顏色明朝日
自有竊藥姮娥心
終亾縮地長房術
造造秋風

三十載悲秋人事總非
一桂樹嬈娟生水濱
樹下不見澣衣人
蘭衾櫛枕亾絕香
朱絲玉管空生塵
望華成葉愁不盡
飛霜零露誰相親
妾季三五二八餘
眾中識君奉歡娛
一室欲進掩簾幙
千喚不應動脣朱
由來同姓可憐子
嬈僞瓊樹舊根株
計吏車馬久不反
從軍笳鼓今何如
君勸長生餐水碧
妾隨神女弄明珠
不是篋中棄團扇
行愁舞罷畱僊裾
華落還尋艸市宅
南朝江令亾差殊
寸心九夙猶宛轉
流光千載亦斯須

送徐十三丈慶勳

吳山越水望迷離
君去江東艸樹衰
如夢荒臺歌吹歇
鷓鴣飛上虎邱祠

詩三

古

歡聞歌

曲水西風莫裊裊
始見蓮采之亾兩
楫望望不能前
夫容生屋裏
流水動光景
西風吹通髮
離憂浩難整
南靖道中呈諸同好

客心如蕙艸搖蕩
素秋節空山歲時
晚餘馨亦未絕
礪秀佩爭鳴林芳翠
如結橫巒孕柑鄂
飛流散冰雪珠樹
思春陽金膏問僊訣
含誠易為感在遠
忘所閱衛竹寒待
倚楚菑香可禱招之
巖阿人瑤華共芳悅

適中同伯激學使夜坐有作 入龍巖州境

似逐漁人繫釣船
重吟石磴寫紅泉
田間華竹分秋色
樓上雲霞媚遠天
脈脈青山如鏡裏
遲遲華月到尊前
耦畊

儻有佗季約暫息征塵亦灑然

落月

敘曰落月傷知己也杜甫詩云落月照屋梁猶疑見顏色
關山遼遠感逝傷離遂形于言

娟娟涼月墮未墮只餘暉已闕風生霧臨分露溼衣幌塵
雙照景查石舊支機欲刻橫山蔽蛾眉一瞬非

悲憤

清惠當陽九萬里如沸鬻羣盜橫豺虎東南渺堅城江淮
既蕩析吳越以淪器七閩實領徽十載弔夷傷汀贛隔風
氣韋布諸侯客填委職文字忽焉睹兵革人謀實不臧變
至徒惕息日中城門開賊來不盈百盈城一萬戶奔走誰

詩三

五

枝格徒手出官廨蒼黃被要執是日大風雨森寒襲營魄
俄頃賊大至其魁樹羽旗矛戟亦林立襍用竿木持瘦馬
載婦女肥馬載健兒撞門撲捉人搜得怒斫之或解外人
履踐血污我衣我衣旋亦解驅我從之歸黠賊慮我外步
步相前後晨來勸食飲莫徇復拘守性命在皇天就外亦
何有憤其殘生民將卒戰爭久欲闕其虛實得出告我右
假我羸卒千陷陳誓捐脰三日渠魁來見我大喜歡反復
說我降為客不為官招要適所居繆云授子粲渠猶識文
義又云愛女才女命如金石勿殺慎勿疑欲去徐徐計凶
者自招尤委蛇臥虎側狎虎如嬰兒所居故牙門戎帥此
開府高堂列旂旌雙戟門前樹秋霜沃公亦亦有偃月斧

寶劍如墨陽舊乃冷官鑄券舍臧軍籍名字編什伍肅肅
烈風起凜凜霜霰晨搖搖心如醉慘慘夜不瞑豈不達生
从高堂有老親逡巡四十日一日比一季辨論從衡起吾
舌幸尚存或恍以稟街或誘以

國恩書生既不武羈留復何云比賊許我釋惻惻同羈人
同羈一吾友餘者亦良民先是居賊久羣賊多脅從流涕
念妻子拊心述家術壯夫恥何戈威劫豈賈勛但愁玉石
盡从不一依上壘臨行憤力拔此數千眾詰旦與吾友脫
身走城南城南多白骨烏鳶來相侵賊去子姓來生外悲
難任面目久已非魂魄虛招尋登涉足生胝伏艸或臧林
窮巖友相失踽踽日已沈黯慘山下語邨人得二三乍可

詩三

六

託生从窮鳥奚擇音五日仍三徒頭髮散復簪望城見宰
官友已先我臨轡橋卽長道重生方自今侯官開尊酒憂
來眇凶際儻从非國殤吾婦徒髮紛兵甲動不息風雲慘
如結城凶有收日人絕凶生理安危視忠信痛定時助厲
皇上在離宮北狩已二歲王綱弛復張大臣實倚賴次弟
謀恢復含靈冑自棄或充一校任亦願畫軍計承平閉戶
人壽命康且直視息百季中念此魂九逝

朱亭歌送徐侍郎假歸省親

海上有朱亭築時海寓方清甯三百三十有三士人進一
石題其名

帝陞朱家好兄弟采風視學敷

王廷徐公數乘使者車巴蜀鄒魯驄馬驅求賢自然盛桃
李奮武還欲清荏苒九重誅蕩開天門六部九卿朝至尊
天顏左顧每色喜臣銘才氣無女偷從容清問白日移日
中宮樹交青春吁嗟使問以來又三載阿監傳呼猶在耳
大臣夢落觚稜旁雲英夜照桑乾水三載坐我朱亭上石
氣空青鬱相向隱几方論文字心馮高祇見兵戈象滄溟
萬怪復皇惑海風吹裂夫容仗千里馬駕乘輿從官萬騎
來西都西都之事不可說

慕陵佳氣無時無木落玉泉山水涸昆明湖烏乎中外將
何如翠華搖搖向東舉星辰北極還

新主顧命之際非尋常策勳定學不可數卽今離席斷絲

詩三

七

竹過密八音淚如雨徐公祖父俱大季白雲親舍心悠然
君親慘舒耿在抱述職將游

日月邊

先帝昨御日月筆錫類殊恩內府物

天章昭回賦雲漢貢珍綺麗盈堂室與公結交如弟兄知
公夙夜思承明

大行詔下眼流血海濱孺子知忠誠人世之榮可無有沐
日浴月賴公手繞鄰知承春酒歡趨

朝莫在秋風後烏乎中外之事難具陳豈惟世事難具陳
君不見朱亭已圮石生塵江湖流宕平生親
贈符大令兆綸

十季削籍遂初衣伏枕衡門生事微客舍春風常不到故
山倦羽幾時歸青蕪千里聞鷓鴣夢雨空林老蕨薇我識
虞卿心力勝箸書已就自忘機

淡春雨雪簡符雪樵丈

苦寒維霰集薪蒸客子貂裘敝不勝鶴語堯季俱寂寞鯨
魚海上莫飛騰衣冠故國隨江水歌舞清時憶

慕陵吾輩文章慚正正北風車出得同乘

贈德清戴望時同在廈門

窮秋萬木盡誰得臥空林爭喚南中艸歸飛暝後禽古聞
滄海蹈聖抱歲寒心子未甘淪棄君今已碎琴

吳興好山水賣藥得幽棲一夕愁風雨靡無爛作泥浮生

詩三

六

眞若夢世事苦難齊相接徠窮島楚然子杖藜

歷歷深閨夢無由共挽車杭州再陷婦子避地德清泊泊天地意于此
識歸虛處士通雲物風塵滯素書君還遇黃石爲我問何

如

廈門畱別

灑上風濤不可期人間霜雪欲何之朱絲微物能悲喜彈
向天涯是別離

戴生行送子高之邵武

戴生三載三乘桴海若見之爲歎吁羣飛之水十季不得
息關河水陸皆畏涂君不見譚生風塵玉貌改懂哉十外
完厥軀杭州再陷亾其孥錢刃赦葦閒居閒關南徠寄生

艸不得將母魂九徂陽春恆雨天蕭瑟鬱鬱浮雲送白日
慘澹麻衣叩門至握手神驚淚橫臆江湖義士此然諾飢
寒獨客還家室妻子蓬蒿仗友生不然與爾長相失明月
下瑤京遲輝十二城身在泥滓中無由闕太清箕揚斗挹
大東歎滔滔念亂還憂生汝南周季子作吏影華纓陳蕃
得徐孺千載思齊名送人作郡離亭雨復送良知適昭武
儒林循吏行同方東京宗范非其伍譚生欲行人事奪同
舟鷹秦徒虛語獨漉歌鸛鶴舞悲懼一往皆塵土童山日
陟門閭毀朝滄未覺秋茶苦我昔揚颿出海東且霾不見
構桑紅皇惑萬怪息聞見曼衍不計誰魚龍卽今桑田處
處變人事波濤安可窮暴鯁跋扈等閒事須臾銷歇隨長

詩三

九

風金丹大藥望可見欲發秦弩無良弓戴生行矣謂誰繼
中流一壺那可致閩嶺東西百仞高蒼茫合有羶愁地北
風雨雪待我徠攜手同行肩遐弃君不聞築城思堅劔思
利

孫登一首答平湖葛景亮

一倚孫登石宮商備歎絃高臺澹白日鸞鳳故迢然卻把
嵇康衷飄飄采藥季亾將太平引揮手謝時賢

寄中白

書來云住鹿門山山上蜚鴻自往還九外風塵吾尚在一
家妻子爾能閒繁霜正月亾車徹莫雨高臺想佩環裋褐
相逢知有日月從桑下話人閒

夜聞子規

寂寂寒鏡幕瀟瀟宿雨林浮雲萬里路青鬢百季心別院
春華落空堂夜氣沈縣知嗁鳥意長此淚痕深

君子篇贈江湜別

君子遠行游理此百慮端登車陟危阪繞轍悲風寒海濱
鮮人迹欲語誰爲歡耿耿上皇心曹樂渠能下睇彼接翼
鳥毛羽日以殘矢音匪同聲各自銜憂患吁嗟矰弋多擇
木何時安如忘天路闕祇識關山難一賦牖戶篇余兩摧
心肝

後錄別 送潘鴻歸杭州

奄奄晨且莫哀樂思其曹執手各亾言流觀此道周椒聊

詩三

三

自然芳因風揚遠條離貌不關心在遠亦同舟逝水東歸
海惟昔聖乘桴不待離門琴爲別涕橫流

人生百年會不絕方寸心嘉樹豈無枝悲矣此回風萬物
慮其安陽鳥日來南湛湛露朝晞能不睠中林衣緇云復

徹匪澣力難任淒其念忍于涕下孰能禁

登高眇與雲白日與裴哀風從四方來宛宛動行衣君子
望舊鄉少壯日云非贈子以素位初衷良不違何當識故
巢離鳥得同歸

寄德清徐駟

閨中少婦怨季芳華發鵲嗁正斷腸道上行入愁歲晚浮
雲落日天涯遠鏡裏娥眉妾自照車中衣帶君同緩路旁

好結青松枝相逢會及三春時

乍浦吳烈婦詩

寒谷无陽春鬱鬱生孤松大海無微波烈烈多長風延陵
本名門乍浦亦仁里彼妹有婦學纒筭事君子淥水雙鴛
鴦文采一何綺季季荷扶渠相憐守紅舫鴛鴦柘枝弓扶
渠露為霜黃巾塞門來郎君作急裝郎亦未忍去妾亦未
忍亾郎留徒俱盡妾留不愧郎妾心方皚皚有如山上雪
願持天下毒係此一身絮松亦有時折海亦有時竭魂逝
隨郎行千秋無斷絕郎行萬里道妾墮九重泉願化金光
艸滄君駐長季

送黃元坤歸新城

漳州城陷君
先一日出

詩三

三

君新辭浩劫我昔昧先幾一種飢驅出相憐將父歸煙雲

開故國霜霰慎征衣舊種垂楊柳季來長幾圍

符雪樵先生挽詩

滿徑蓬蒿淚雨殷故人忍再破松關流傳文字真知少閱

歷甘辛歿日聞浩浩驚風吹積水蕭蕭羣木下空山如何

千里江鄉路祇見翩翩白旂還

同蕭山丁文蔚茶陵陳遠謨游釣龍臺觀宋梅作歌

寒谷有陽春今人無古心千載貞歲寒嘉樹難為林不汎

明湖水祇夢明湖樹變彼雙青禽華開自來去頷嶠恆春

華蚤芳雲吟海醉日茫茫華開兮華落欲歸不歸思故鄉

甲子歲莫

匡坐有仲尼獨居有夷齊王心在飲食耕植為蒸黎茗茗
天上雲相望日以變耿耿雲間星一曙不復見嚴霜集庭
戶淒風振我衣旨蓄不可問所惜素心違
出門雙車輪悠悠陟長路悠悠復來還御者思故步婉彼
車中人采此林閒華苟非君子翫手爪謝相加季歲云晚
莫相加復如何車輪腸中轉白日何由反

詩三

三

詩四

復堂類集二

閩江曲

敘曰蓬飛閩嶠一息八載亂離小定溯江旋歸迺曰柔領
 海之氣申倦游之愔廣貞信之教發思古之情汎舟千里
 成詩二十二章世儻有師乙季札其人者其謂之何
 玉鏡紅粉妝珠樹青春心離人在萬里蕙艸搖回風曠蕩
 何纏緜寄此煙江潯一為思歸引海客倚青琴芬芳從睽
 隔亾絕此徽音
 佳人鬱金堂芳艸陽春陌但抱故時心東風總相識道邁
 沙棠舟璫札徒緘憶領樹與江雲晨朝改顏色子美勉加
 滄皋蘇何時偕

詩四

巫山與巫峽黃牛歌斷腸散吟白石爛古意南山長妾有
 持楫手中流不得將今夕攤翠被方寸何由明遲回有時
 達委心此舟杭
 征夫去深閨艸色如碧水旦夕笳簫聲愁心自吹起少婦
 沙場夢何知幾千里角枕一曰粲獨處懷子美莫聽江南
 鷺飛飛何時已
 莫莫為行雨朝朝自望雲流水相續流杲杲日成文久謝
 膏沐施祇悲車馬分來者各自媚亾言息紛紜游儻尔何
 知比目自為羣
 采雲空際滅瑤月望中生神女體自然姮娥鑿散誠天人
 亮不隔順運滅至精千春有弦望萬象同虧盈大藥奉君

子攜手升天行

妾有紫綺裘春風君自喚妾勸青精飯鬲飽空舉案弃寘
 已自寬疇昔夜展轉江上楊柳絲照水長婉婉班騅未云
 繫風定回波遠
 炎州多翡翠散落春江際所願斂文采不期君識管輕舟
 煙澹澹春心與搖曳紅芳儻云盡與子期水滌一謝前谿
 舞無為掄長袂
 神劍有時合同心方化離之子有令顏獸往未云徠如聞
 少芳佩願言結江離變彼河漢女身賤為牽牛一水終相
 見徒憂闕贈遺
 黯澹復黯澹輕靄日隱軫傾耳非車音蕭條變子鬢曾瀾

詩四

墟雲日抱信還自震結言亮未通折折知往避光景云滅
 沒遺響何能泯
 昔游雲海闊今來風江寒檀欒千竹林其下生微瀾帝子
 不可期別淚還班班瑤佩以寂寥滉瀟青霄崑永夜鷓鴣
 鳴青陽行歸還
 瑤階有芳艸澹澹宵露滋如何雙青鬢照鏡漸成絲羅裏
 時拂拭何日君來持平生山海言錦衾夢佳期咳唾散微
 波君亦長相思
 女桑秀幽渚春流一回復離言寄浮雲無與申款曲契闊
 顏長好彼姝美如玉堂上廢瑤瑟當絃自結束曲中願雙
 栖不必思華屋

春山散翠歷歷間
嗚鳥自鳴本無心
聽者偶云好結巢
青松枝下臨往來
道亾論行與居一
別各言老匪無一
心人平生但自保

閩女年三五天韶
時世妝一縮靈蛇
髻金甍如飛翔雅
鞵不生塵翠額有
輝光敷為吳越聲
清歌能抑揚賈客
期不來俄焉鬢成
霜

戎戎綠榕樹結根
盤地厚用以蔽風
雨嘉蔭在戶牖葉
下玉階前一積不
可掃器用苦滲液
沓彰雜好醜卑溼
無全氣賈生歎已
久

雜英繡郊野風日
委餘春垂楊拂淥
水不浣衣上塵一
間子規嗁孤華似
無鄰芳醕明如玉
斟酌平生親裴回
青桂

詩四

三

枝願言葆孤根

辛苦問丹山道回
悵修渚千春無出
入何用傷行旅未
由披深衷祇悔閒
言語續紛解子佩
遙遙望遠者灑鴛
自有適一昔神靈
雨

水宿一千里星飯
再三過不覺春已
闌采芳愁思多翩
翩川上萍婦孺薄
閒蛾分無鍊顏術
徒聞勞者歌錦衾
已寂寞離憂復如
何

疏桐覆深井西北
妾家樓汎豔春洲
水宛轉門前流華
落無行人綺薦散
不收海燕將安棲
林木何修修徒倚
孰華子閣路餘光
留

望舒弦又朔遲輝
散江天畏人日蕉
萃臨鏡難為妍匪
無

一尊酒密意不可
宣寒深思挾續客
久思歸還磊磊澗
底石汎汎波閒船

春日云遲遲芳意
漸蕪沒關河寄離
憂星霜變毛髮力
理前歡曠若隔溟
渤脈脈溯洄心褊
阻行將豁高詠涉
江篇寓物情未歇

浦城立夏

一昔青陽改關山
去未央眼前多節
物領外是家鄉荼
苦誰知味蘭幽只
自芳十年憐晚莫
吾意愧津梁歸度
仙霞領有懷徐侍
郎

詩四

四

回遞響谷威夷往
時攜手處步步思
履綦采藥仙路闕
折麻故心違霽雲
無處所地遠勿相
疑

衢州城下感舊寄
曾佑卿章斐泉
挂笏匡廬下曾任南康知府行車瘴海壘曾任臺十年中酒地零
落舊舫船

釣臺

雲自飛飛江自流
雙臺清迥閱千秋
分無蘭葉騷人怨
復有蒼梧帝子愁
曼衍魚龍迷故國
銷沈劔佩自荒丘
後來倦把長竿釣
風雨重被大澤裘

投贈蔣布政使十韻

熠熠將星明輝從
翼軫生九重遙授
鉞百戰得專城穴
蚤

鱸鯢掃破傳虎豹名南州孝寬陳西漢亞夫營浙水淪胥
久全師蕩滌清江山回破碎帷幄精誠賤子流亾骨遺
虛家室情烏瞻存歿感鴻集撫綏平折節來旬美忘功道
氣盈軍門避杖策載酒試調箏

送呂編修耀斗歸常州

嬋娟江南雲目送征帆去離琴未成聲汀鴈飛無數木葉
下亭皋物理良可悟孤根煥春榮晨霜憺吾慮所期平生
人千里猶庭戶結佩有成言金石奚云固出入各龜勉授
衣慎緇素別酌不盡觴清風儻回顧

靈隱山游十月六日吳恆仲英招同丁丙松生高人驥呈
甫沈景修蒙叔陪前知杭州府全椒薛先生宿
雲林寺明日徧覽巖洞題名而歸
時先生謝病解官將去杭州矣

詩四

五

虛襟受山色臨厓絢散霜清冷不成浴卻振夫容裳永夜
禪榻側意與鐘魚涼豈無心一寸其此流離光隨僧問殘
劫謀日皆滄桑蕩蕩百年間無夢覺宵長

茗茗翠微亭泉壑還道眞成功付太虛師此英雄人危藤
蔓虛棧孤華壽古春九衢歡怨場一頰皆成塵師友非近
契悲懷在臨分山靈不可留脈脈望離津

酒樓和薛先生

白蘋風起漸成秋無恙琴尊共一樓高懸玉鏡青天外遙
憶美人江上舟

雜題

輓裘細馬走長安犀辟塵埃玉辟寒中晚文章多感槩鏡

留華景借人看

欲采芳馨楚水波書成三館讓婀娜東山絲竹當年坐聽
盡良宵喚奈何

隊歡難理漸華顛景事回頭近十年誰爲猗蘭留一曲玉
箏彈冷十三絃

答泰興吳寶儉

笳簫寂寂作芳辰雨雪絲絲不見春白墮乍傾先自醉青
林獨往喜逢人華年萬里江山助家學千秋述作新卻向
空巢憐倦羽好隨高鳥出風塵

薛先生全椒卮居

五柳未云荒飛華點夕陽遙知與青舊相對話滄桑天闊

詩四

六

山俱澹帆回水任長看雲還變滅宵次未相妨

聞道卮居樂雲山是故人一尊聊獨醉千古卻相親杖屨
誰陪從耕漁見道眞卽今爭席罷省識葛天民

春晴精舍

重舍豁清霽人意俱一新緒風度綺節遲遲散芳塵酥氣
盈子眸恍若候初晨桃李亾故芳數載卻行人漸見枝條
起成蹊步可循樓臺往往出羣木相依因雖云勝游減頗
覺遠意眞但當倍珍重觀聽迹易陳

弦月出雲靜流輝暎疏樾煙嵐不見人漁歌葦閒發光景
爾何物曾次爲疏豁學道百無成雜念徐銷歇了了見秋
豪清光易淪沒青山在几榻空秀離言說萬事歸始眞失

計敖溟渤

雨

如水華年別緒紛美人消息斷知聞樓臺長隔三春雨朝
莫同為一片雲碧艸猗憊還樂子玉簫幽咽總思君錦衾
不展銀燈闇試聽烏號又夜分

山陰倪師旦寒江歎釣圖詩

天空水氣斂木落雲雲裂蓑笠不逢人寒江夜來雪釣絲
本無心鉤曲良不肩得魚換邨沽稍覺雙耳熱四顧絕聞
見孤光長不滅養此虛白心蒙莊復何說

黎里行

荒邨日落飢鳥號風來殘壘何淒淒烏子八九啄人骨模

詩四

七

餽戰血沾塗泥東南日日名城破吹笳萬里軍聲播百年
生聚忽蕭條天心未閔耕毗憫吳江黎里衣冠鄉小戎一
賦人知方藩籬欲固不得固坐見弱肉投封狼發發烈風
吹勁艸等死何如國殤好百戰健兒徐與陳書生不向書
堂老欲避桃源何處邨傳芭擊鼓為招魂當日雄師先解
甲雲旗銜怨過營門

紫陽書院十六詠同山長孫琴西先生作

樂育堂

大木日會會鳥飛欣在林但容養毛羽何必入山深

五雲深處

望見蓬萊山風輒引之去鶴背何高寒飛飛入深處

春草池

雲景曲池平心如流水清春風吹不斷芳草自然生

凌虛閣

高閣倚晴空山光面面通平生列禦寇於此御天風

簪華閣

厭鬢驕青春風流還側帽寄語少年人莫遣華枝笑

別有天

拾級不可窮步步有新意石氣無古今閱盡人間事

尋詩徑

文章偶然事一失不可求雲閒墮華月華外送春流

巢翠亭

詩四

八

孤亭已不見亭外閒風雨欲問舊巢痕空翠向人語

螺泉

寒玉出石罅涓涓無盡期細流終到海珍重在山時

鸚武石

隴山莫寄書芳洲休作賦巖石不能言忘言有真趣

筆架峰

大筆何濡染奇峰架閣能珊瑚好文采只合伴徐陵

垂釣磯

我定知魚樂何煩論是非斜陽華景亂紅上釣人衣

校經亭

蟲魚亦名物何必非磊落寥寥子雲亭有酒試斟酌

觀瀾樓

八月枚乘筆激江千里開登樓送秋色月滿夜潮來

景徽堂

昔渡尤谿水名山訪考亭祇應書帶艸堂下自青青

聽經巖

先生如戴馮一坐幾重席卻羨執經人長傍巖間石

豔體四章

宓妃仙館倚芝田碧落難尋切利天枕畔竟無珠替月鏡
中空有淚如泉同心試向青松結指爪曾留橋李圓莫雨
門前重一過班騅不繫已經年
促織華年二八強春風人瘦鬱金堂紅襟鷺未新巢隱碧

詩四

九

樹雞偏唱曉忙豔曲有人曾願誤空機終歲不成章心灰
淚盡馮誰訴試看離筵蠟燭光

銜來石闕口生碑細數酸辛只自知女伴嫁期忙厭綫中
央心事怕彈棋東窗孔雀飛何處西北高樓望所思砌下
落花如雪滿巢痕依約是空枝

蕭瑟淮南桂樹秋離騷終古是離愁魂銷紅藥春前酒人
在白蘋江上舟景事迷離猶有夢中門惆悵不成游綠蕪
盡是相思艸試拂裙裾為少留

哀詩為朱康壽作

熒熒枝上華泫泫華上露露晞宵復霈華落長辭樹吁嗟
井上人甘為井底泥井闌風正惡但有驚鳥唬驚鳥無安

巢失侶在中道不見同心蘭祇見斷腸艸玉碎總成煙波

寒景可憐不堪霜月苦猶照畫秋千

贈揚州僧植盒卽送其游天台

丰容靜華竹水色柔我心汎汎不覺遠初地隱幽尋彈指
問蘭閣巖壑垂靈磔經過恆河畔芥舟有浮沈不惜拂朱
絃橫此石閒琴門前湖水碧曲罷流餘音山光禪智好藹
藹蒼蔚林側間忘言士倚策匪自今芒屨天台山南來復
登臨如何塵世閒徒戀桃華深

惟山十一章章四句為嘉定錢節婦作

惟山實有木惟木亦有枝妾身非松柏際此嚴霜期其一日
亦不知暄霜亦不知寒女子願有家來日方大難其二縣吏

詩四

十

閨中趨鬼伯相催促九死復何戀閨中人如玉其三山移木

何寄木菱枝何生下眎黃口兒牀上唬嚶嚶其四惟山實有
木惟木亦有枝松柏為妾身託根在空閨其五斯言不入耳
聊尔相勸勉閨中人如玉努力加餐飯其六鬼車夜半唬死
者長已矣黃鵠不再雙膏沐復誰理其七黃口何婉變焉能

相割絕黃葛蔓蔓長空谷閨顏色其八惟山實有木惟木亦
有枝枝上有巢處哺此黃口兒其九黃口羽毛長飛飛各有
偶松柏既後彫嚴霜復何取其十從君九地下妾心日月明
日月輝綽楔報君其十一

雲林紀游同學使泰與吳先生前糧儲全椒薛先生

季來飲山淥雲臥聊息景山靈總相識時訪巖壑迴言陪

杖履游人外得幽屏林風稍稍多雨洗萬綠靜漸欲謝文
字照水時慙瘦何論萬里流濯此冷泉冷亭臺既秀出華
竹復修整淺深餅鉢綠坐客各自領儻容買山游如遂祠
祿請

學道不擇地何處非山林矧此初地古耳悅鐘磬音天人
一護持楮柏猶森森林雨鳴更寂湖雲起常陰十季領海
游霞想時在襟倦游話塵劫嘯侶思苔岑諸老一接席已
脫塵网侵雲葉天外肥華乳洞中深鳴幽方息羽知是何
時禽忘言如愈可悟此成連琴

望月憶女

生汝過三歲從無百里分月如嬌女面人倚秀州雲索果

詩四

七

邪頻喚敲門笑已聞今宵依母鄰不見母歡欣

某華洲訪石中玉

芳洲八九曲曲曲蘆華明黃葉下如雨渚禽時一鳴清絕

無可言素心託爻生語笑墮煙水猶惜未合并鮑昌照銘
青之嘉善

趙銘桐孫張鳴
珂玉珊在杭州月寒有閒意市遠無鷺聲儻來風雪中何

殊剡谿行

雞鳴壺歌同高古民文作

閒庭霜蕭蘭缸掩疏幕沈沈夜瀟灑絃不鳴酒喉渴銀
槎手僵那堪把先生枕書恆獨醒欲欲紙帳棊翠馨月地
長生供免藥壺公高隱聽雞鳴妙手不須朱朴制嵇鼈丁
鑪參位置碩腹中含獸炭溫長頭巧篆雷文字世閒冰雪

孰爲腸一識壺天別有鄉但使傳薪餘火在要令大地回
春陽二十五聲蓮漏轉海水愁添夜愁短汝南雞曉天下
白紅玉四支爲誰輓襄裏五斗椒散醒兩腋風從煮葑生
儻復中季好將息高人稱藥是穰苓任育平生問茶茗癡
絕有時忘熱冷不飲從知酒價高壯心尙爲聞雞警熏籠
徙倚到更闌翠裏天涯歎處難單身熒火能多少尉到人
心寒不寒

詩四

七

詩五 復堂類集二

虎阜

雲物蛇門霽煙光虎阜春戰餘千里道老我十季人殘雨
流歸夢初華覆去津祇今臺榭少於此識天真

贈烏程凌瑕客上海十二年

海上春多寒艸樹寡顏色低眉走塵沙亭微此行役沈沈
黃浦雲彌望異鄉國中有閉戶人求思安可得縣知造化
心斂氣為尔惠御風匪無待負戴各努力學道行廿季動
足迷廣陌何知餽五漿自有人爭席種樹依山澗何時藉
麻息麻息會有時相思無終極

述征

詩五

同治七年中海寓趨激清東南歸耕鑿西北猶戈兵王路
阻荆棘蕃船通滄溟洪波狎枕席人與蛟龍爭二月斷春
氣冰雪方崢嶸峩峩之梁雲秦皇昔遐征巨魚不能射三
山蔽其明千里此瞬息性命亦已輕直沽照白日乃有更
生慶天地茲設險門戶相支掌願瞻南北臺涕淚交從橫
客子來何為挾策游

帝京長安我舊游迭蕩開曾城扶宮新氣象苑囿虛不盈
九閨達九衢箕畢聯精誠梯杭萬萬國適古軒皇名
詔書下直省良士彈冠行彈冠志匡時文字非至精勞勞
客子裝耳目飽所經願言貢黼坐疾苦通耆嬰滬濱一澤
國浩浩風濤驚日夜盛歌舞閭井誰憂生匪不知憂生奇

貨操其贏五行水火利物機輪成然炬凌青霞奇光楛

熒熒人力惡不出勞逸失其平嗚呼三十年誰達造化情
臣從漸江來遺黎出沸羹曠土無人耕穀賤還傷氓頗道
齊魯閒弓刀向連營貂蟬與兜鍪積忤定程天人有消
息休咎日以更儒冠耿夙憂艸閒無和聲伏聞謹測候重
光麗羣形

璇宮揲先甲玉爛調由庚為霜晞朝日濡軌倚前衡一瞰
正大正樂府誰子賡
答德化蔡編修丈壽祺
海內亂未已萬方笳鼓日在耳先生今老矣萬言不及一
杯水十季人事如轉輪恩讐百態相與新浮雲萬里有白

詩五

日振衣一拂還緇塵秦關蜀道何艱辛艱辛寸心在蕉萃
雙鬢改意氣何須惜遲莫江山未免憐文采春風三月隔
長楊芳艸王孫各斷腸相逢祇作亾何歛落日黃鑪盡一
觴

驅車一首贈孫舍人勳烈
驅車長安道夾轂多緇塵大隱甘寂寞志士思經綸杜門
息營魄默與道味親苟非澹泊者安有英雄人金門方待
詔匪已榮吾身風雨思君子無言對松筠
題葉潤臣先生敦夙好齋續集東許丈宗衡
舊宅山丘感新詩金玉聲十季尋磨跡有淚總無名芳艸
迷長路晨星散

帝城玉河橋畔柳折處帶愁生

王郎行

玉河橋上東風新鳴鳩乳燕嬌青春廣場跌宕一絕倒酒
痕卻浣緇衣塵酒中豪客各岸幘急管繁絃忽然歇姓天
何處鳴春雷當筵傳唱王郎出叩叩蠻鞋短後衣燕兒一
掠已如飛天際奇鷹錦毛動殿中駿馬蘭筋肥敵場猛士
皆龍虎意氣能為項莊舞刀劍光芒若曙星衣裳颯沓如
飛雨風雨無端下九天瓊瑜紅處定場員辟易兜鍪容盪
決嫖姚桐鼓試胡旋胡旋舞罷妝初卸如鳳翩翩忽來下
玉立風前白袷香曲闌語定華鐙地王郎季幾十五疆不
知倚旋還昂藏每與文游知句讀還從度曲識與人翩然

詩五

三

入洛何季少樓生樓汝達子通許生許承勳子華傅二妙獻賦方隨
計吏游徵歌不負長安笑是時北地復傳烽軍書夜奏明
光宮安得如郎好身手迅掃敗孽迴秋風文鴛鬱鬱風雲
氣快馬盤龍戰場利小隊飄靄誤盛季請纓問阻難如意
一唱將離可奈何二生與我各蹉跎祇將阮籍登高歎付
與王郎斫地歌

天津

七十二沽雲氣昏莫天笳吹是津門元戎小隊貔貅遠海
國樓船虎豹尊故壘蕭蕭猶倚角名王寂寂欲招魂西山
寇盜頻季急鋌險何當限鹿犇
之翠

丹山雲氣接微茫空綠冥冥波不揚萬斛來舟輕似燕
尋逆浪走如羊謠歌齊地巡游壯風雨秦時霸業荒中外
不須仍控扼登臺日日見煙樞

秀水雨中

寓物皆愁緒聞門掩雨中霖鈴違帳飲遙憶客舟同汨汨
此西水涼涼似北風夏寒占越紐旗鼓在山東
送高先生均儒之淮上

道散運未夷斯人老田閒并違樵隱志寤寐空雲山淮水
西風生秋艸路閒關寓公無安居五十鬢已班一室自虞
夏徠者慚衣冠季來抱肺病一臥得靜觀門生持坐席褊
阻皆自寬世語意何淡苦心疇見原攜兒江上舟者舊尋

詩五

四

古歡遙知接巾帶人外相周旋歎惜重湖開寒林照離顏
疑抱無由豁祇待行來還

游覽詩二首為秦嶮使賦

霜氣二十里林薄歇鳥聲雲容過谿閣但見蘆華明觀變
有盛衰索妙無虧盈詠歸入城市禪榻留餘清使君折屐
齒漱石尋前盟山僮話陳迹所惜未合并娟娟某未華彼
美誰目成河渚有遙色巖壑墮曾青愴怳山水趣耳目難
疆名出塵不在遠遣累自然輕老衲膚如石倚杖絕逢迎
交蘆叩名義後先證無生右西谿

撥雲古蘭若嘯侶曾巖越過雨宋無人蕭蕭響林樾理公
昔安禪清境離言說林丹潤霜露空翠寒毛髮再拜古先

生聊與塵埃絕山中一勺水人海無餘熱初冬游氣肅
麗歸銷歇况當浩劫餘真意在疏闊淮海舊風流看此山
水窟一曲比鑑湖儼容大夫乞寒華絢餘舊古泉寫初月
願言菖蒲根扶杖尋九節右南山

元延銷拓本器舊藏秀水文氏遭亂亡失

嘉慶己徠富金石東南最著由拳張未未先生大父行先
與先生同流傳縑素皆琳琅同時好事數交氏後山斗室
舉戊午榜生古香商槃周彝有法物一一星斗干輝光帳構之銅慮
僂只款識摹拓傳四方兩家奚僮走不息如得佳句投錦
囊元延一銷攷舊制天廚尚食宜君玉卅枚弟甘隸法古
采彼片玉知昆岡當時賓客盛裙屐拂拭如在漢殿旁吁

詩五

嗟甌水當咸火此金或者疑不祥向方供奉勒歲月循習
故事原尋常衣冠林林久黃土偶留姓氏分否臧古器今
傳百一耳沈霾剝蝕安能詳兵戈水火代所有希世一出
珍收藏五十季來失老蒼人閒海水還生桑庚辛之間那
可說西吳東越天蒼涼龍文礪石碎寶鼎駿骨求金趨樵
場先世宗器惜不得子孫涕泗心徒傷此時此銷遂亡失
晚有拓本餘馨芳范蠡良金寫狀貌虎賁入坐思中郎散
盤齊疊或近遠號鐘張篋疑存亡少壯略喜篆隸執問奇
終愧通凡將後生未拜修眉龐叔未先生肩有异采解屣亦未升文
堂老輩風流在人曰南湖煙月秋茫茫
題扇爲湯荔卿作辛酉冬杭州破荔卿跳身走持先人聚頭扇繪十八應真象避地三年未嘗去

襄衷

修羅浩劫總成塵惡世依然見應真門戶清風留一扇兵
戈閒道暫爲人犯雲寒雁孤凶伴破網窮鱗出有神今日
青瑣非故物栖心只合向天親

嘉善秋日雨集金都轉安清詒我蕭梁碑拓本紀五言詩
一章

瑤雲凝不流玉雨飛高秋神仙在何許縹眇思瑤樓遙遙
不可即遠興期滄洲語笑墮蒼煙空水維輕舟故人坐重
席精舍十日留音子佩學博賢豪盡相識此邦吾舊游金公何
嶽嶽身退高王侯雖不勝杯杓招要共拍浮中酒話劫灰
文物東南愁油素付需零碑版謝羅梭夙恨南天貧矧乃

詩五

驚戈矛既充礮石用復備垣墉修南朝文字禁齊梁斷瑀
鏃戔戔白下門古怨澹不收屹立二蕭碑徐貝揚琳瑯吳
平時神道筆力回萬牛時平出芳馨椎拓來相求殷勤脫
手贈秀斂尋山眸頗閒栖禪悅吐舌師其柔予亦弃文采
言語拙轉喉集古亦寄耳留意良可羞讀書記名姓懷古
與誰儔願乞王喬藥脫屣无悔尤俯視大瀛海醒醉看浮
漚晦明理無隔日月行不休王孫惜淹滯芳艸思道周
徐孝婦詩詳龔禮部譙墓碣
休留嘯復止悲風歇前除鏡奩金剪刀照血紅模黏姊姒
走相告附耳相嗟吁湯餌既云窮和緩今則無一割瘳母
氏再割瘳慈姑兩肱不能三術生賢夫彈斷寡女絲凍

折冬青株魂魄復何戀願化爲皋蘇何願爲皋蘇藥物姑
所須况忽帶憐旁婉婉垂素襦存亾兩無隔海竭誠不枯
請誦既醉詩女德爲士模

碧雲一章贈黃巖王詠霓

碧雲凝霄空輕颺一回薄瑤笙咽涼吹秋心盪高閣門前
青瑤流平江赴靄霏夫容淺深色季季此開落華開人不
歸華落長相思鴛鴦尙成匹婉婉惜良時玉顏如花紅苦
心中自知羅裏垂不卷采采將誰貽曾瀾送朝雨權歌隔
煙渚茗茗出馨芳照水終自許彈罷琵琶絃馳情渺何所
霧露復分明見蓮有歡語

謝烈婦挽歌事詳陶庶
常模撰傳

詩五

七

莫夜剛風惡吹殘玉作塵苦心完此劫覩面孰爲人鴉鳥
嗚何急孤華慘不春青山山下雨閨豔失前津
霜折女貞枝青青似舊時鬼神應悔既父母幸忘兒不轉
臨厓石彈哀獨繭絲此身如可碎骨化藥即癡
雲間

泓崢蕭瑟此雲間詞客英靈尙往還浩浩衣冠寒故壘依
依日月閣名山歌聲似爲相思發劍氣長隨過客閒珍重
吳淞半江水人間留與照朱顏

吳門遇吳晉士

勞燕東西事不齊相逢吳市各栖榜人似怨江湖闊驛
樹能藏烏雀棲與我猶爲在山水佗時莫作憶雲泥舉頭

多少南來雁日出長安路不迷

雨中游惠山

征衣上寒雨蕭蕭意未歇吳舫盪空濛巖阿與超越龍山
百重泉失盼夜來雪尋春春欲歸初地依寒樾臺榭沐新
霜艸樹鑿古月玉泉酌靈芬金輿度仙窟百季列仗散石
氣涼毛髮酒味猶昔季微酣論戰伐夢醒斂舷歌嘯鳥春
聲發

雨泊無錫

龍山山下雨氣昏烏嘯啞啞上城門北風北來江水渾丹
陽隄塞河流奔孟河想見千櫓屯我舟留滯此水濱二子
吳趨隔莫雲朱千雲張子
虞雨同年青袍歷落多酒痕而我斂裘衰

詩五

八

不溫余子右軒和我吟聲吞城烏啞啞夜又分

常州

歲不盡三日凋季客思新併無絲麗地付與別離人白艸
遲春色黃流滯去津失憂者舊盡珍重百季身

月夜

永夕指參橫長天霜氣清微波猶震盪壯歲自崢嶸解帶
從渠緩燒鐙向我明敝裘堪一舞歷歷數雞聲

自丹陽赴鎮江

長天春陰陰惟霰集平林城闌風色嚴散素列遙岑邈邈
曲阿道滔滔越鄉心北固揚袂指樓堞回馮臨江山自懸
遠名酒試酌斟客行已改歲華髮相侵尋懷賢感自昔攬

勝方在今往持度江楫時平有和音芳艸千里色廣涂去
駸駸青陽感羣動思來疇能禁

金山

笳鼓聲銷戰氣收金山無恙出中流江光自上南朝寺春
色遙連北固樓飛鳥回翔來去客浮雲變滅古今愁舊人
不識巖前路載酒聊從步履游

寄莊中白

十四季來別行歌待故人空江上寒月寂寂不成春稍忍
逢君淚微聞盡室貧南歸堪計日天許儻相親
游宦歸田事知君兩意非天涯阻尊酒中歲厭征衣芳艸
臨岐遠愁鴻索侶飛同攀薊門樹此日故條稀

詩五

九

江淮雜詩

此水東流流不盡潤州人日度江人蒜山煙月連宵夢瓜
步鷺華後日春

成行華藥復何如一賦燕城恨有餘五兩偃風憑小泊錦
鱗不見過江書

行人躡艸梅華嶺瘦日疏風亂華景平山堂圯蜀岡空嘯
鳥飛來弔史公

布衣凌瑕古高士流寓廣陵對妻子席帽風塵行自慚計
車亦歎車生耳

老韓自昔憐同傳蘭艾無端共向秋祇覺谿山太多事浣
紗時節復何求

夕陽西拂露筋祠欲借迎神笛一枝記得清秋聞鼓角北
來倦客落帆時

南舟日日勞牽挽暢好春風飽曉帆高臥柁樓歌水調回
波作雪上征衫

淮水窪棱想異才通侯去後莫潮來英雄束手漁竿老誰
指荒城說釣臺

美人隻袞垂金縷欲舞亭亭惜不舉春風殷勤入戶來正
掃雙蛾鏡中語

祀光湖水月如潮磊磊春燈火樹遙更向青紅城郭裏看
人兒女作元宵

堂堂篇贈太和張編修端卿

詩五

十

青春何堂堂華日戀西樹長生亦可求朱繩繫何處言開
上真廬靈鳥通情素盛季逝駸駸懷舊軫吾慮張公真人
豪抵掌皆掌故平生中山游高歌撼珠戶一回長者車有
舌容我吐雜沓文字飲觴行不知數杯深復杯淺天真各
相遇嘯侶驂龍鸞從公韻韶護綺轂走黃塵下眎不足顧
天門近可即欲騁祇安步排雲儻見招明月閒寶璐仙人
垂玉佩鸞鳥不敢舞瑤流動湘水奇雲謫玄圃眾華表春
餘珊樹豔回互當筵華燭繼星駕隱香霧疇知侍臣渴不
羨金莖露滔滔百罰杯化作崇朝雨在耳銀河笙餘響入
寐寤

東晉王

銷盡輪蹄鐵回頭十五季相逢燕市酒重讀北征篇斂手
逢時輩柄心向古賢荒雞猶起舞珍重未華顛
春風出馬閒今歲復登山望嶽崇朝雨觀河客子顏功名
違壯歲文字表時艱滄海投曾次魚龍狎往還

莫春卽事同張編修劉李二大令

奇氣蒼涼寶劍篇西山如黛落尊前酒人千載思劉李春
色三分送筦絃瑤樹有枝皆婉變朝雲入夢尙纏絲周瑜
荀彧成虛語寂寞風塵十二年

燕臺花柳佇文雄北海豪情酒一中華髮侵尋猶獻賦金
門談蕩待諸公中季人事傷哀樂永夜高歌雜雨風春去
欲留還旖旎綠章無計乞天工

詩五

七

自從行爲會稽王烈婦作

自從大義結君子比翼由來不辭外休留上屋鬼伯呼天
地無情有如此亦知文章與命憎雨落不上山摧崩妾背
尊章歸地下孤根不華古井冰天光垂垂與天語偕隱不
許偕外許君今一暝臥松楸恨不妾骸先化土九泉佳壻
扶婦翁婉變一女來相從季季寒食澆麥飯與君同飽深
山中

鏡湖行贈王繼香

吾聞一夜飛度鏡湖月古人興逐秋鴻發若邪雲門似圖
畫倒影湖光相出沒玉簫金管又今年肯廢尊髯負華髮
王生澹蕩人下筆亦有神錦袍試著李太白金龜欲解質

季真獻賦長安塵待詔金馬門秋風浩然歸去來菡萏鱸
膾還相親沙棠作舟櫂歌起拍拍輕鷗度湖水高唱不負
山水奇深杯一賞風景美移舟飄蕩隨天風越山正墮尊
酒中樓臺艸木掩復重朗月忽照東南峰銀笙咽秋雙玉
童便可左揖浮丘公入懷月色爲誰好哀樂中季休艸艸
白露初霽歌舞筵飛星欲闕關山道我望稽山亦故鄉湖
煙湖雨墮茫茫無時無地無明月解帶隨君盡一觴
戴園寓興同諸子

詩五

七

敘曰堂前鴛鴦長吟樂府之詩江上楊枝試奏相思之曲
但通奇字寂漠箸書未買名山艱難種樹況乃夫容采擷
桂樹淹留魯遽之瑟有聲昭文之琴不鼓亾端哀樂已到
中季卽論文章誰堪千古北風雨雪出門有岐路之悲西
方美人懷古結好音之慕斐然有述來者難誣矣
白日天涯遠清霜去日多君裾非偶余車轍欲如何落木
有寒色回唐生素波廿季淪奔後勞者自成歌

關山已倦游一日自千秋杜酒清尊其玄文故篋收寒蘿
人不見鳴雁夜何修暫有霜煙興飄蕭一敝裘

歲寒將雨雪脈脈北風心寂寞含情待遲回蓄意深美人
垂綠鬢華日照青林流轉風光在丘園任陸沈

送湘鄉左楨仲勉

風色越山寒征衣單復單含悽无可語行路古來難白日
馳何急衰楊折已殘關河重握手同作故人看

海內神交久如君兄弟賢謂其兄桓山哀復尔原隰感依
然江水寒吳楚笳聲靜歲季將離還惜逝愁雁莫雲邊

贈山陰王詒壽御寄李戶部慈銘京師

白日光光天宇高寸心中坐似波濤飄零何處無霜霰拂
拭由來愛羽毛隱几青山方寂寞故人綠鬢易蕭騷與君
尙有登臨興躍馬林丘莫憚勞

奉答薛先生三十四韻

浩浩春風色都歸杖履前相望隔一水爲別過三季世亂
東南定人才吾黨賢師門分道義餘痛爲烽煙循吏車塵
在名山杯酒專紛紜爭自喜心迹付誰傳長使師憐弟生
憎命有權見聞南北異出處溷茵然泥滓孤青眼雲霄讓

詩五

三

比肩扶輪計吏笑薦贖

聖明捐挾策裘重傲行歌履任穿倚華辭雨露照水失激
鮮闖闖違天闕波濤狎海船諸公盡賢聖賤子合屯適中
外承平樂衣冠養望先匹夫仇劔佩異類送腥羶禮樂因
時定珍奇入貢聯燕齊稍災殫秦隴暫戈鋌濟險需茹吐
非材審脆堅前功買黃犢斂手坐青瑣疾苦遺民瘵文章
萬口妍紫鸞仍羽翼免復獠豕一近家山隱難期痼疾
痊罷官非決絕薄俗厭周旋尙盼門生仕關心舊學研中
年踰四十道長閱三萬木冰霜改陽和華鳥憐梅蘇寒
綴玉柳苗暝生煙舊夢簫吹起新妝鏡照便尺書亭越鱸
朝雨斂吳舫俊賞違諸子良辰各勉旃輕旛垂綺樹芳艸

徧湖壖激盪前期赴昌丰勝事徧乘春歌會合意氣滿山

川

吳江

玉管金笳媚晚天春波如畫故依然銀濤海國三千里青
鬢吳江十五季曾是薄游非上計更無高詠動鄰船金閨
門外垂垂柳又向東風舞可憐

送陶方之同年模之官文縣

羌笛倚涼州塞垣春似秋玉堂新輟筆金印待封侯厭作
上考吏奚爲弟一流兵閒原灑落民氣望優柔匹馬陰平
道凝妝少婦樓江梅隨意贈驛柳照人愁杯酒輕岐路鏡
歌起隴頭由來班定遠忼慨出關游

詩五

古

雨

乘春弄輕舟吳江復越江倚篷數微雨乍溼人衣裳古岸
緒風生無華艸自香

波與雲俱流餘暉稍向莫遠意望天涯不覺於茲遇季季
度春洲何處吟芳樹

西谿詩同王麟書施補華朱文炳作

山鳥答微吟招攜共入林葦華飛不起雪色靜人心去權
聞歌遠寒流繞寺深古梅消息動乘興一遙尋

送會稽陶七之武昌

西風漢水長楚望望他鄉蕙艸晚芳歇征衣古色涼少季
貪道術爲客慎津梁莫漫憂羈旅青霄有雁行謂仲遠

題金運使半野樓

白日不再中浮雲且千變鼎鼎百年閒歡怨如飛電田間
識風雨野父有先見空閨窮老女十指瘁鍼綫秋聲動高
樓霜晨拂征雁天末思佳人尊酒阻清燕學道三十載非
棄復非戀高名難久居已貴何妨賤黃華頗盈園馨香當
歲晏閉戶問桑麻揮手謝時彥

聞笛

天涯何處望夫君繞笛江風到夜分等是梅華樓上客廿
年長遣客中間

聞鐘

玉管金笳併寂寥關河魂夢一迢遙不知何寺疏鐘發聲

詩五

落寒江第二潮

贈嘉善知縣陳鍾英

冬暎非風雪還浮剡上舟一傾君子酒如接古人游開閣
文亾害驅車客且休川涂狎來往興盡未能留

渡江

歌起西陵樹姓浮剡水船名山迷磨迹中歲照華顛巖穴
求書路鷺華載酒季春心與芳艸卽漸破霜妍

東王肩叔

市聲西郭門市遠幽人廬衰中字不減招我游山書相期
東晉游曲水今何如

贈秦樹銘秋伊

萬梅華發伴癩仙獨鶴高寒下九天白社深梧忌主客青
春散髮臥林泉乾坤難得惟清氣竹肉由來近自然從此
人閒風月夜夢隨流水到門前

吼山同陶方琦子珍

夫容倒垂作奇石春流日漱靈根白下削雲膚幾千尺東
岩鳥嘯西岩聞雲窗霧閣參差分美人離立錦繡裊振衣
直出煙蘿上翳竹盤松各殊狀萬壑千巖鬱相向蠶屐頗
愧阮步兵安得秋攜雙玉笙雲石峰頭吹月明千秋高舉
尋遐契流水浮雲看世事樵風可乘休入市廿年心力未
箸書名山笑我當何如白頭與子來結廬

快閣

詩五

六

古人已去碧流空快閣依然著鏡中尊酒淺深浮夜雨遠
山高下畫春風客心一往此湖水地主千秋惟放翁江艸
江華裘辰勝他年記我檣烏逢

小雲棲

隔竹暝煙迷林寒無鳥嘯梅華香不斷微雨到招提門外
鑑湖水亭山相向低蕭然遠公社隨意問幽棲

鑑湖雨汎

撥擢尋煙語濛濛曉色橫西窗鐙下雨留此鑑湖聲
娛園梅華下作

梅樹倚牆東芳唐曲曲通春風吹作雨明月照如空玉衰
不可見畫屏相向同人閒珠作佩悵悵入懷中

張公東校經圖

男兒不建大將旗蕭條五字從軍詩待詔未著金門籍零
落天人二三策張君學劍復學書萬里鬱鬱風雲涂漸水
洗兵遺經出臣向臣雄今有無奈書一卷杜林守車囊誰
從康成後有時家法辨魯韓有時文字證耶耶精廬畫掩
生蒼苔檐華細拂青尊開酒中懷抱向誰是名山之臧何
有哉春風當戶似故人明月入懷如好女三季風月踐嘉
招塵埃一別還如雨蘿薛簪纓時出入感舊傷離淚痕溼
八載鄉閭我最淹天涯悵悵題襟集華髮與君各上簪論
文耿耿千秋心皓首經生亦無謂一聲鴉鳴春山深君不
見孫公陳臬辭公隱李生郎潛董生實同時鼎鼎八九人

詩五

七

接席幾時半殊軫案頭坐見囊螢乾匡山讀書作計難百
城可攤比南面茫茫隊緒儒林傳

答同年陶潛宣

濁泥見說盼清塵握手名山結所親高柳依依寒食雨微
波脈脈度江人東勞西雁長相見去馬來牛各有因劍術
文章須不朽酒杯留醉一千春

朱鎮夫陶子珍雨中見過

浩浩此秋陰玄談不覺深坐來華外雨聽盡竹間琴岐路
趨何極名山晚共尋涼風天萬里回薄著書心
平湖秋汎同鎮夫子珍

偃仰久不出良知踐嘉招日出四山靜天宇秋益高枉渚

葦欲華不風亦蕭蕭夫容謝鼃采楊枝思故條一心結芳
馨千載亾遠遙山水入朱絃藉聽隨所操纓組各未謝文
字亾乃勞宵月輝雲間寄心此霜泉

吳山道院秋集同秦秋伊馬幼眉諸君會者十
五人

龍堂消息近何如一破玄宮問玉符蕙圃芳馨秋作佩竹
林觴詠古為徒之江自昔衣冠盛其雨難忘膏沐娛八月
枚乘虛氣象三車徐福下平蕪

古意

明鏡化為月天涯照別離明月化為鏡閨中照鬢絲鉛華
日以黯良人日以遠春晚例蕉萃不怨衣帶緩鄰女嫁過
畢自媒亾是非房櫳宛然靜不語縫裳衣今年雙燕飛應

詩五

六

非舊相識祇恐去年時見妾當窗織

三五二八年蛾眉尙許長春風有期信待我君子堂出門
行步工忽隊雙明璫弃之泥土中還如匣閒藏裏回江南
春華華自成行拂拭玉馬鞭結客少年場脫手亾所贈脈
脈掩洞房歸來卷單衾自惜雙鴛央

華落東孫彥清

無賴春心片片飛嘯鵲何處不催歸江南一樣閒華落祇
少黃塵上客衣

萬柳堂補柳詩為潘侍郎作

種樹何年大看山夙願遲亾將斗酒會及此好春時跌宕
年俱晚蒼茫醉自知金城風起處終古向人垂

揖客今將老風塵二十年高歌如昨日勝事想名賢地遠
忘機蚤情深學道堅城南車馬地春色故依然

贈南皮張祖繼

澗松鬱鬱樹成畦森聳城頭艸不齊有骨終憐燕市馬長
鳴合是汝南雞月沈萬戶誰無夢雨墮千華總作泥日日
鄰娃歌管急顰眉日日掩空閨

世間萬物總無情已遣情癡過半生大道衣冠先避面人
前語笑是吞聲督郵成就陶元亮卓氏銷磨馬長卿昨向
河濱尋智叟山靈終古不須驚

送施補華入秦

當關白日出關雲意氣滔滔袂易分朝雨飛來吹笛罷未

詩五

能留我莫留君

苦雨行代北上大行山

驅車宣武門汪汪歎塗泥雙輪日摧敗行路一何艱白日
失輝光何能不悲悽出門晒浮雲入門念舖糜徘徊客舍
中引領望天涯塵埃匪可泔桁上顧裳衣寂寂斗酒會滔
滔逝水期崇朝此淫霖佳人阻空閨平生未決絕亾言尙
依依掬漿解煩渴溷濁君勿疑清風有時生高舉絕亾階
爲梁復築室行游軫所懷

鳴雞行

噫嘻天涯月色同一明天涯雞唱同一聲東西北南萬里
客獨夜試作雞鳴行誰持祖逖楫起舞呼劉生誰書王勃

檄金距方縱橫丹山鳳皇好毛羽歸昌發響天下方升平

駕央在梁自婉婉人來打鳴莫使柘弓驚時桀凡禽休笑

哂知時不共晨覺盟冥冥風雨正如晦膠膠豈改君子貞

獨立不欲矜文采卽逢孤鶴無異評人間伏雌固當烹屢

屢一歌爲上卿天雞下顧亦矜寵雲霄與余齊聲名

顧郎歌出塞之曲

萬歲千秋塞艸春鷓絃欲絕爲何人馬前淚作他鄉雨不

洗征衣一片塵

曲調何曾怨畫師誤人第一是蛾眉明明如燭明明月霧

隱風欺到幾時

畫蘭

詩五

娟娟秋水香艸日以蘭芳馨一以閱圖畫結古歡由來

空谷中春風亦靡曼采掇託君子移之白玉闌位置何足

道榮落非所歎但期入懷衷脈脈凌微寒疏華旣冉冉白

露復溥溥素心期不來芳華老巖巒美人雙蛾眉微睇眄

雲端高樓一徙倚不覺衣裳單河漢有期待日夕生微瀾

辛苦猗蘭曲寸心彈復彈

畫竹

我聞長公言何可居無竹雨葉與風枝一如削玉鳳皇

在何處結實猶未熟入門無主人飽看亦已足甘蕉未須

彈幽篁自成曲瀟湘雲水間古豔芳蓀續煙篠痕迷離渠

儂淚初沐墨戲誰擅場李生染新軸詞客與畫師書堂同

號復種之一萬竿每食何須肉

七夕寄婦

客枕金風憶少年紅牆柳色玉河煙辛勤鵲羽輸橋石黯
澹鴛機設聘錢鄉夢有時同夜漏秋期無賴此雲箋相逢
重話鍼樓事合使黃姑妬比肩

南皮蘭貞女詩

孤墳南陌頭魂魄長相見生人作鬼語淚下如流霰寒楸
風雪中馨香誓不變大義此分明尊章結哀戀吁嗟人間
世衣冠有荒燕方寸不能負何者為窮賤百年亦鼎鼎一
去巖下電黃鶴無匹雙碎翼相後先中壘不可作零落賢
明傳孔雀東風飛蘭氏生良媛

詩五

三

贈龍伯子

龍繼棟松岑桂林人翰臣方伯子

槃鬱桂林奇南雲有所思家門關氣運山水閱艱危相見
何嫌晚他年已可知新交龍伯子塞我路岐悲
亦有窮涂淚青袍各自憐傾子皖公酒待子祖生鞭文字
回衰薄鸞華送歲年臨岐相鄭重不獨是淒然

詩六

復堂類集二

戴園留別五章

輕煙澹日向書祠華前日日倒接離相逢幾載文字飲便
須喚作我家池無波池水櫓華落歷歷琴絲低素幕土龍
不出尙雲閒揚雄何地亾高閣

七年三度公車客酒肆減名何落魄如水閒雲戀舊山緒
風吹出還無迹千絲拂鏡不成妍六七青袍非少年風風
雨雨華樹下將離錯怨琵琶絃

林亭無我有諸君華發鵲鳴處處聞故人鬱水

李宗庚平
長作令廣

西還盱水王麟書松谿
作令江西客路秦雲施補華伯均
從軍甘肅又楚雲陳

藍洲作
令湖北萬言何如一杯水未免資郎羞犬子入洛亾成更

詩六

度江平生聞一能知幾

皋園古藤煖張蓋南園絲柳春垂帶三園作主儂是客客
去煙光各亾賴曾波流月何迢遙青山如夢非南朝北風
雙鬢吹裏裏回首杭州第七橋

新讀人間種樹書攀枝折條空踟躕黃頭催發徑須發成
行華藥將何如平生幾兩阮家屐臨別片言繞朝策時平
中外思賢豪珍重東山謝安石

南北行

人生失意無南北日日煙霜冷胸臆夢賦巖壑待春姿坐
廢行慚去鄉國今年人事太恩恩出門無地非春風荒荒
海氣入懷抱曼衍失笑誰魚龍天門九重詆蕩蕩曾階終

隔玄雲上無用文章退自疑有時歌哭神猶王長星息光

不入井海東生塵休蔽景常何不作馬周老火色鳶肩誰

見省送人作郡鬼挪揄勇圖作佛吾何愚試求腰笏走江

介心已共浮雲徂行雲秋落九曲城支離病骨妻兒驚

筆研欲棄不得棄無田無處容躬畊朔風滔滔傲裘滿冰

雪憎予去程緩馬足長辭北地寒鴻飛又失南雲煖汗泥

何必非清塵過江艸木回陽春六朝已逐寒潮盡弟二流

思溫太真

和金屑生送別

似恐丹鉛廢此身出門不獨為清貧過江晉宋風流改落

木關河感槩真相送青尊同恨淺論交白首肯如新去容

詩六

拄笏衣冠坐猶是嶽崎厯落人

過松江懷張公東並東魏般仲

歲晚趨江介行舟日日風嚴城送鴻雁寒水納魚龍欲制

臨岐恨如忘握手同雲閒名士國後夜夢雙東

江行

洪濤渙南紀何地無長風煙輪去浩浩江國時其通是日

方曾陰栗烈寒威充十二月
六日金焦若部婁日攝馮夷宮笳

吹猶軍聲雨洗征塵空維霰宵橫素巖壑遲春容平移千

里席靈境一時逢鬱奇去易失曠古勢猶雄忽憶秋乘槎

重冥垂六龍噴雲溼八表舒卷賦其功龍鼉不敢豪光景

浮蒙龍濡鬣今其時百稟柴吾肯員嶠亦可接玉女時相

從靈繮指往來金銀氣濛濛東帶適江表萬化閱玄冬一
歌日出入江海已終窮

安慶

海岱歸來百感平上游形勝拓羈情嶽浮漢武南巡色潮
卷尋陽西上聲一槩軍容寒戰壘萬家民事儉江城做裝
丙手無多煖洗眼曾雲即漸生

偕漢陽蕭筱田蕭山盛春塘江樓覽眺

丙手無端還出手與君同指隔江山吳歌楚舞何今古虎
踞龍蟠只等閒

迎江寺

寺門霜色俯姓空蕉萃征袍有烈風南國年光隨逝水北

詩六

三

來消息阻飛鴻塔鈴獨語馮誰解石闕銜悲訝許同謬誤
應官無一事思歸心與大江東

答新城黃長森兼懷楊舍人臺灣

逢君驚歲晚風雪厭江天目攝千秋上神交十載前功名

容拙宦哀樂亦中年海內衣冠盛推移幾輩賢

浮海事何如艱難老病餘兩人懷故舊萬里斷音書冰雪

春仍轉雲山約已虛八荒原不隔何待接裙裾

送黃襄男之和州

暫解琴絲御別觴名賢筦榷豈尋常九華山色辭陶令會

青二月春風醉歷陽世事浮沈非本計人閒憂樂未能忘

皖江近接章江水獨夜知君夢故鄉

答鄭襄

廿載憂思餘一澹息千慮偶思試人事守拙安吾素與子
夙知名執手如雅故一官雖瓠落差免為世蠹江介春恆
寒葛屨踐霜路尺寸不自知勿乃窮予步文字豈足矜絃
詩陳靡盬有時程吏職勉前修赴林木思春陽飛鳥一
回顧毛羽任摧頽稻梁隨所遇

贈邢世銘子膺

最宜邱壑不宜官塵外相逢結古歡名士衣冠供刻畫舊
游琴酒各荒寒鳥嘯芳樹春人倦華發山城夢雨殘日夜
大江流不盡揚州明月好誰看

和鄭贊侯

詩六

四

華月輝輝似有情照人寂寞客江城天涯劍氣尋知己故
國楊枝念遠行青鬢曉隨金鏡換綠波煖送布帆輕鷺初
燕晚渾無賴一曲陽春待繼聲

題張子虞負書圖

酸風如刀雲壓壘高城不闢鼓聲外十日五日斷行人鳥
下空邨復飛起破衣踽踽者為誰一囊頽肩走不弛囊非
金玉非糗糧瑟瑟作聲皆故紙道逢暴客何猶猶釋負與
我我貫尔答言無錢祇有書拂拭艸閒解相脉是何年少
真書癡舍去勿顧笑不止莫投逆旅向書拜名父云生
孝子等身著作張先生已脫干戈外轉徙遺編鄭重付佳
兒契闊逃亾終寶此三年蕩滌復儒冠百卷攜持還故里

何圖家學得傳人，卽漸名山出良史。痛心往事欲招魂，啟手遺言猶在耳。眼中艸樹何荒涼，落日依稀嘯山鬼。楹書徧讀堪世用，移孝求忠良有以。故山落拓尚青袍，夕膳依依仍負米。

贈周星譽

不材山木雁能鳴，哀樂中年已飽更。家有衰融皆我友，考書上下總無聲。江間估客千帆過，眼底浮雲萬里平。閒與青鏡談往事，道人少小是書生。

夜坐東贊侯敬夫稚楓

歇芳鴉鳩竟先鳴，幾日登樓物候更。繞樹華飛春有淚，度江風定月無聲。艱難吏隱容元亮，蕉萃山游待尙平。艸艸

詩六

五

我尤慚出處，滔滔今亦是蒼生。

送李君入京

激波如練照征衣，日日收樓柳絮飛。作賦梁園曾跌宕，上書漢闕有光輝。十千酒美長安樂，卅歲年強薄宦非。儻遇荆高重問訊，浮雲江介夢依稀。

疇昔行答代州馮焯

龐眉京洛衣生塵，高軒愈澁通殷勤。謝臣伯韓少鶴 通許起居狎槃敦，一時大雅方扶輪。君家魯翁接尊酒，眞氣噴作西山雲。廿年奔走皮骨在，杜甫未拜房公墳。代馬踠蹶致千里，有耳蚤熱君高文。看持手版眉宇古，箸書瀟嶽松生鱗。吁嗟名山走復出，而我亦是菰蘆人。執手差堪

數塵劫埃飛海上，何紛紛滄海生桑那。可說鏡中五月先

飛雪，老女雖無欲嫁情。膏沐人間未忍絕，相逢不免作文

語。白日舊照書堂色，各持黠敵牛腰卷。大楚弱曹通玉帛

卅篇雜體終湯沐。君作詩云：效復堂體。坐見嬋媛莫雲碧。晚公山前

大有人六七，文儒宦游客。稚楓贊侯敬夫涑人諸君 巨公更有瑞安孫

今臬使孫公舊接于京邸 鸞鳳戀香尋古柏，使子回首望京華。江國行

吟感疇昔

絕句

老女愁蛾只自憐，舞衣何處鬪嬋娟。歸來阿母如相問，廣

袖長眉異昔年。

點點林鴉拂曙琴，楚天涼雨夾江深。從渠水調無人聽，彈

詩六

六

盡平生一片心。

雨

廢瑟揜虛堂，林華雨萬行。無將千里思，併作四更涼。不飲

杯從淺，求衣帶未忘。江雲栖八表，平陸正茫茫。

將往白門莊，子襄白岱樓。太守胡稚楓，趙敬甫刺史鄭湛

侯。陳邁甫大令同集江亭，稚老賦詩，寵行依韻酬之。

夕陽金碧畫樓臺，主客忘形託酒杯。鬢景漸霜憐老大，秋

心和月出煙埃。江山百戰今無恙，風氣千年未盡開。便與

諸君彈古調，繞絃合有雨聲來。時正望雨

魚龍曼衍使人愁，欲賦江城五日秋。曾是倦游仍作客，未

成薄宦且登樓。笑言不朽皆青史，意氣中年愛白頭。淮水

鍾山回首處煙波離緒黯難收

江閣月夜同敬夫贊侯

江晚上明月停空如不行流年青鏡換江關緒風生懷古

前朝水臨分客子情故園秋信蚤空外搗衣聲

長風沙

人言此是長風沙爭遣征夫不憶家二十出門過四十竟

隨估客誤年華

阻風劉婆磯

別風如友朋暫欲留行旅荒磯日未西榜人息鳴機初程

亦不憂予生本多阻坐月戀宵涼葦根響疑雨

銅陵道中

詩六

七

碧天無際水長東笳鼓聲稀出大通荷葉洲前猶望雨銅

官山下復愁風六朝消歇藏兵後五兩飄搖過客同曾聽

使君歌楚調由來吏隱是文雄舊令邢世銘子膺有文學武昌人

舟夜

荒荒楊柳岸明星何寂歷含悽正不眠鄰舟夜吹笛

鳴蟬不可聽况乃無鳴蟬客心浩亾際獨枕曉涼天

東南開運會五馬昔浮度荒江無異人聊傍租船住

望嶼磯

東下蕪湖櫂嶼磯枕亂流回潮家國淚落日廟門秋遠勢

趨何極孤光炯未收靈絃淒蜀調神沛若爲留

自東梁山至采石

回瀾如雪下天門流宕江關劍氣昏白紵青山吟謝朓錦

袍烏帽想開元簡書尙逐諸生後舟楫終酬造化恩形勝

依然文物盡詞人何苦役精魂

題陳藍洲畫

蕭疏留與卷幰看深夜無人月滿闌今日秦淮如此樹風

光好處是荒寒

金陵三首

鳳皇去千仞高臺迷處所江靈揚輝媛結抱向誰語南國

勢猶雄元氣亾今古燭幽寶日月洗甲揮風雨中興思將

相仗節兼文武英英安石公寥落東山豎飄搖石頭城蒼

然倚平楚海國正多風爰居謝鍾鼓

詩六

八

鍾山翠陰陰從橫滿城關既抱龍虎氣亦慕仙靈窟人師

辭夫子四載感此別從容忘世語流宕通蘊結今年走塵

中奉袂仍倉卒同堂六七人枯苑兼存殂講坐副名山谷

吏懷奇節終從何點游弟子今華髮

秦王旣淮水梁武復臺城帝王逝衰盛山川寄聲名南朝

流水盡巖阜自青青故家孰王謝物望揚芳馨衣冠薄文

采天地殊性情千秋送王氣一笑酬山靈西風從何來蕭

蕭木末亭一飲建業水人遠秋冥冥

同薛慕淮飴澍兄弟登清涼山翠微亭

千尺凌蒼蒼山亭接森茫人煙當晚聚塔勢與江長古色

留殘照高歌滿建康烏衣兩年少雲起說家鄉

飛霞閣弔戴子高

關外山如屏伴君四三年我行躡秋艸到君舊榻前須眉
不可見雲物故嬾娟正坐讀書設事事無世緣西風滿闌
檻何能不淒然零落平生契言語徒自賢唐生端甫 古外
友遺書為君傳出門淮水西雪涕亦潺潺安得蔣山石奇
骨與同堅

隨園

大好林亭付劫灰野華猶向墓前開承平清議容荒宴晚
晚詩名掩吏才山冷難留閒步履艸衰誰識舊樓臺青袍
正滿秦淮路幾輩英奇似夢咳事見黃春谷集
試院對月呈勒按察

詩六

九

蔣山八月秋俯仰秦淮婉變平如掌似憐意氣隔重門坐
見空階涼月上下土乾竭快雨澤多士泥涂苦搶攘明遠
樓高指廣寒三霄御氣何森爽洗眼今無文字緣常頭祇
有風雲想長吏衣冠揖巨公少年詞筆慚傳賞萬夫吟歎
月有聲停空下作徘徊明纖阿卻恐有私照大江上下殊
會姓中秋幾日千里共銀潢迢遞連鳳城銖衣飄雪思太
清從兩青童吹玉笙洪崖子晉公舊侶下走亦夢浮邱生
卽今看山拄手版猶憶掉罄羣公卿

明遠樓

書戟俛淮流褒衣一倚樓江天容閉置文字贈牢愁萬瓦
烏栖晚三山虎氣浮攀援桂之樹心折此清秋

九日

無端束帶更佗鄉暫對風雲寄慨慷青鬢逢飛過四十白
門柳晚又重陽魚龍天塹樓船罷烏鵲鍾山蹕路荒珍重
茱萸報消息廿年人事幾津梁

絕句

桃葉渡頭十日居過江風色近何如真成我自來迎接不
用雙鱗再寄書

秦淮雜詩

淮水西頭華作泥雞鳴埭上艸萋萋平生未飲心先醉殘
月出門烏夜啼

揚州明月照兒家十三學得箏琵琶勸郎且酌鬱金酒看

詩六

十

儂可似菖蒲華

日煖高秋似冷春玉琴絃柱欲生塵通侯第宅閒歌舞江
上重來下道人

荒宮何處聽秋鷺日日西風滿石城更無楊柳堪攀折明

發渡江何限情

寄襄男和州

姓雪江水開陵陽發浩唱王孫行已久綠艸忽復長西笑
違故人南雲共塵鞅落落方寸心深鑿夢疇曩

題贊侯停雲圖卽送其之官太湖

廿載關河夢東西南北身停雲同有作舊雨更何人耆好
老都減交期遠始眞江皋仍賦別風月念相親

懷人絕句五十首 補錄

敘曰過江山後所經皆劬餘心目忽恍如不自主感念存
漫人賦一誣平生師受非止于此意到即書不復詮次舟
行八日達錢塘豕已輟簡總得五十篇

新知弟一朱山子妙契成連海上音一睡人閒惜遲算十
季身外足沈吟 福建縣丞朱崇山子江甌義甯人後二句
朱詩

二老風流陳與符忘季人太賞音孤翩翩林雨沾衣句各
有兒肥侶老夫 清惠安知縣陳借燦少香甫建陽知縣符
兆綸雪樵江甌宜黃人符四子有文譽陳
龍時馨子椒詩畫
清妙福建縣丞

鷓鴣毀巢復取子嗚呼周生止於此滄海力士今難人報
讐不成張良 副貢生周炳元伯虎錢塘人舉家殉庚申
難

詩六

七

冰霜一字抗公卿折節歸來學漸成海上風煙君竄外可
憐溝壑送儒生 監生袁鳳桐敬民江甌宜春人外上滬

惻哭楊公身殉母甘季說禮復敷詩人閒多少偷生者敢
薦椒漿孝子祠 河南知府楊傳第聽臚江蘇陽湖人入祀
孝子祠

由來俠少出名家不憚黃金擲狹邪一賦流離成鄙賤相
逢蔡女泣胡笳 江蘇知州周葆昌仁甫錢唐人

同學少季甘賤貧一家弟妹夾情親青山森地靈君骨尚
欲江湖訪故人 陳炳雲欽仁和諧生

眞令屈宋佞衙官朱九清才大是難能畫粉圖來贈別可
憐風味各蒸寒 福建縣丞朱寶善樓船江南泰州人

千金鳳皇來聚會萬里燕鴈皆投安 二語浦城逆縣令酌
旅壁園所見

我一尊酒欲忘人閒行路難 浦城知縣趙符銅小乾河南
兖州人

悉我情如滄海深見君不憚一橫珽東京艷泰凸它异耿
耿來取一片心 福建府經歷郭炳章午橋四川銅梁人

梅萼落處是相恩羌笛橫吹鏤一枝何日鳴鞭建章道
廷應念羽林兒 世襲雲騎尉陳遠謨穎生湖南茶陵人

諫艸森森御史臺九霄淪謫下蓬萊貂蟬果是兜鍪出攬
轡中州鬱吏才 清給諫今河南陝汝道尹耕雲杏農江南
桃源人

賊襲漳州外巷戰吁嗟奇錢知縣白頭二老挈曾孫我
爰黃泉斷聞見 殉難龍谿知縣錢世敘客堂上虞人

願匪眞有虎頭癡記得旗亭縱酒時玉顏想來蕉萃甚可
能畱得舊頭皮 願鏐子眞仁和人

詩六

七

廣文先生味道腴魏唐流水青瑤如玉臺弟子尤相憶甚
欲移家來卜居 嘉善訓導章朱徽子佩仁和人婦汪能文
內子嘗欲師事之

達官不濟十口飢國子先生侶退之角卅論交文字外
門孝爰是吾師 國子司業夏同善子松仁和人

一臥東山安石賢化為猿雀已三季平生虛受中詭顧零
落邊文倍愴悽 清副機章京刑部員外詔邵佐勵先生仁
和人殉辛酉難

皖公山色落栢中李子平生氣侶虹蕪市酒徒如雨枝飄
歸辰遣一尊空 兵部主事李鴻裔眉生四川中江人奏調
在皖營

廣慧寺中揮別淚君行躍馬復橫戈一弄龍跋太公望千
殊鳳直接輿歌 四川道員易佩紳未子湖南龍陽人

夫有哀情賦悼凸復聞宦拙侶河陽青山偕隱虛尚約城

艱人民痛故癡 江蘇知縣章朱綬紫卿仁和人

頗憶平生嵇阮倫 輿落拓京華塵讀書不負當官學航

麟須知損道真 戶部主事俞之俊嗣生仁和人

槁梧一倚足千秋 我辨如施君是周安得濠梁攜手太忘

言聖白兩人頭 候選員外鮑莊忠域中白江南丹徒人

咎人貧但恨天南 但恨金石南天貧 龔定盦先生詩 碑版窮搜莫是貪

屬合攜蠶蠟太折 署佗吏介何堪 福建鹽場大使魏勇會 稼孫仁和人

孝廉湖海氣難除 學劍精神等學書 聞道狂名人易狀 勇 兒不合佗文儒 舉人吳唐林晉壬江蘇武進人

繞頰虬髯火色騰 風塵書札寄難馮相逢再佗期高猷申 巨狸歌病未能 湖南府經歷董用威子中江蘇武進人

老爰桐廬江退谷 聽松讀易道心生誰知名士流離外我 尙來爲訪戴行 副貢生江肇壘退谷桐廬人訪之已外

賢兄讀律合爲吏 哀樂中季可奈何存澗口號應及我杜 陵佳句向來多 刑部主事李汝鈞子衡江南甘泉人

故家誰得如王謝 羣從清萼六七八人夏與一門誇叔父先 生道藝是天民 議敘府同知高古民仁和人

高氏爲儒今七葉 吾爰阿祥參白業一病五載非清狂道 人不忍相塵劫 訓導高炳麟昭伯古民丈長子

昨歲育人見高四 博場勁毅氣何麤一問譚生凶恙在回 身脫帽優呼盧 高望會茶菴仁和諧生

投鹽入水與虫化 牽絲結佩何其長祇恐朱生難再見一

吟錄別侶河梁 朱孝起廉卿錢唐諸生晉二句廉卿遊子 入都詩

隊歡難理一沾衣 蔣徑茶蘼二仲非君是林逋舊時在魂 歸可向故山飛 蔣坦謫卿錢唐諸生

刻中山水自清嘉 辟地藏書不滿車記得往季高十九殷 勤攜米餉吾家 高綬會子容錢唐諸生

京江七世兩文貞 持節觀危殉老成感激一言追簪籍 蘋 香何處拜先生 殉難浙江學政禮部侍郎張文貞公江南 丹徒人獻追執弟子禮方欲謀其祠事

門牆許我佗彭宣 老閱滄桑骨倍堅 鑿齒傳聞新病足 胄 焮一弄復誰傳 杭州府學教授陸定圃先生桐廬人

與君犯難共開關 犇忝相憐老未聞文胄波瀾師承叔詩 能風諭侶香山 拔貢生楊希閔臥雲江甯新城人庚申與 子同陷賊

星坼中台冷直廬 南翰文望沈尙書孔融矚管能知禰淚 灑秦雲四載餘 陝甘總督沈文忠公本官

尋常不是悼亾詩 記得圍城熱火時它日奉錢營奠處阿 灰腸斷畫幃歔 候選知縣汪綬之若卿錢唐人與子爲姪 婦殉庚申難

故體文采胄清門 流落南天侍御孫歸公儻編耆舊集靈 光魯殿歸然尊 貢生潘承翰少樸文仁和人

南翰風義門生重 賤子從師未報恩洛蜀交爭人望在翰 霞天半自軒軒 兵部尙書葛公江甯德化人

簪書歲月詞臣老 公望公才惜蔡邕不是枕中收祕笈論 衡終古失王充 翰林編修蔡壽祺榘盒文江甯德化人

汝南門第如韋杜 吏舍讐書不厭難莫忘久嬰周季子浮

詩六

西

生只辨十季官

邵武府同知周星詒季賦河南祥符人

過江犇豸黠傷神揮塵談玄述已陳身在富貴山色裏那

能不念六翰人

蔡鼎昌子彝錢唐諸生

才如武庫驟不有流俗相見駭而吞約我同歸竟失期使

我念之不忝口

戴望子高德清諸生

奇氣龍鬣自不羣罷官浩蕩就高文天教避面慚顏色鬻

酒何堪對使君

浙浙江道員鄧輔綸彌之湖南武岡人未識面予入季尚存絕句云十五風詩少楚

入離騷哀怨出清新善梅譽

三吳冶習江隄少與我論文各掉頭君是肖生狸道士可

能重訪大龍湫

浙江縣丞江湜跋示江蘇長洲人

平生辛苦殉雕蟲程子窮交外更窮犇豸誰憐皮骨盡一

詩六

五

生竟不識曹風

程耀采心構仁和諸生

三季廕下寄梁鴻難忘人間臯伯通浪吞風塵君蚤悔誰

知宦海有飄蓬

廣東候補府同知徐慶勳芝泉湖南長沙人

中晚文章育歲叁狸瀾欲倒莫相加與卿休只求同調爍

鞠胥松自一家

潘鴻儀甫少構文子

吾土歸來一惘喫亂離王粲出秦川艱門艸歇蕭蕭雨涼

入哀箏第幾弦

詩七

復堂類集二

秋山

秋山重掩雲不齊
牽牽礪礪田間泥
筍將回曲七十里
斜照已拂山西我
生江湖狎舟楫亦
復學御輕輪躡閩
游七載厭輿致隨
彼腰脚相昂低行
田黃雲纔罷割叱
犛翻土重扶犁連
車囊米入城糶賴
肩語笑顏色鱉客
飯含沙嚼復嚼官
人便欲齒肉糜力
穡未免飽康穀土
養焉能斷稗穉今
年世事不可說旱
則蝗螟水魚鼈譎
言潛潛占人疴奔
走相看失鬢髮囁
耳語道坤毳日中
睽睽星光發江淮
之閒尤浮輕伯有
魂驚事荒忽物淵
地大無不容見岷
未爛夔夔滅海中
皇惑平陸棲鳥言
竟兩八人悅羣公

詩七

鼎鼎扶九州岳牧
義和紛在列俗吏
書生莫嘆嗟簡書
畏爾清霜節

潛山覽古

金冠銷沈玉弓闕
無復尋陽射蛟至
切雲瀟嶽高崔嵬
想象千官羅拜地
武皇功成四夷服
中國百靈參位置
南巡遺蹟今古同
先代規模子孫異
君不見武皇在日
疑神仙控御衛霍
親開邊弘羊卜式
鑿利孔丞相布被
惡能賢赤眉去後
黃巾來謔言世有
蒼黃天江聲漢代
流不盡輪臺一詔
心茫然嶽靈變滅
歸何處歷歷江山
感塵土四子難尋
樂職詩大人自廢
資郎賦後望嶽

教曰望岱以來二十年矣
嬋媛匪昔突兀依然束帶卑官

不由推擇中年哀樂何以寫之
瞻彼瀟嶽茹辛以吟

射蛟事遠古臺空
彈壓江流日向東
掌故難求漢家臘圖

經猶識大山宮
衣冠筍冷非霜雪
艸木春荒襟雨風楚尾

吳頭幾千里遠
教衡華謝神功

行經太湖贈鄭大令

司空山頭雲氣薄
絢染松杉隱樓閣
曉對秋嵐坐畫諾如

此作吏良不惡
鄭侯文章與子友
求古治術相先後苦雨

深鎧密論時冠裳
腥腐夫何有晉熙
作宰行判年無月無

書滿榻前于為于
曲復傳唱我識紫芝
行自賢山行忽覩

水竹勝場功處處
田如鏡迎人幽壑觸
鄉心悅爾柯亭翠

詩七

相映陶令籬邊
鞠有華西風落葉
停客車不知涼月滿襟

帶但覺秋水涵
官衙殷憂無酒醉
莫解試割求雞刀未差

土風吳楚偶輕
剽民氣東南襍
疹瘕一官仍為漆室女世

事猥多莫浪語
通塞平陂尚有人
柔剛文質從渠許疏寮

露氣偏裳衣時
節衰榮兩不違
華髮自然憐晚晚青天與

子相然疑

宿松縣解中秋
病松令黃傳燾溥之為少
司寇澍齋先生爵滋孫

宣宗皇帝御宇
承平時宜黃鴻臚
一疏陳漏卮海日出入

繞巨筆元氣掣
曳何淋漓

天朝神斷下如
電其柰四岳非和
義魚龍曼衍已冊載稔

毒九服民殿屎
蕞尾遂成四支瘡
螳孔乃潰千金隄薪徙

不徒突不曲坐中焦爛今爲誰江城秋節至葭青露未晞
耿耿思賢心涼冷求裳衣黃公孫子今茂宰清門養節由
含飴滔滔江湖夢舟楫鬱鬱鼎鉉間扶持塵尾落松風雨
歇不覺白月涼前墀月中露下被蕙艸萎波照席秋依依
中宵循檐斗西拂獨指斜漢攀空枝羣星歷落忽欲闌浮
雲變滅復不齊對酒不能飲對月使人悲金樞日遙遠玉
繩且透迤八萬戶中空有斧九千仞外終無梯羽扇一賦
久零落金鏡再獻無時期謂林文忠公男兒致身何必盡三事
焉得古人復起當安危

月下望廬山

南斗岌岌映月看匡廬長浸水晶盤振衣未躡香爐頂已

詩七

三

覺宵中萬頃寒

江邨曉起望小孤山

婉變娥池水裴回玉女容緒風吹日出夢雨洗塵封峽秀
孤標似門縣萬楫從通辭波渺渺拂曙景重重戰伐當前
日中流倚此峰銖衣儼仙跡石室勒功宗煙亂橋間鳥簫
疑海上龍沈吟天設壑獨立寺聞鐘

襟曲效江總

菜萸結佩蕙爲纒燕燕接翅白玉堂雲飛雨散在遠方三
春柳枝無故芳中有佳人帶明月三五二八倚瑤瑟天上
長河曉自沈海中蓬島尋還沒入門左顧鴛行羅鏡中離
淚橫素波衣裳金翠有時有鞦韆塵埃多復多掩闥獨處

嬋娟子博山無復雙煙起行人任爾脫帽頭足下由來戀
鄉里

脫釵贈別今三年桃枝當窗發新妍曲池水流流不盡高
臺雲行行可憐可惜可憐歲晚晚芳華蕉萃向林邊分甘
枯株倚霜雪無復新蕊交釵鈿房權寂寞烏頭白新管調
鹽歌昔昔門外班騅待故人筵前華燭留今夕阿誰工用
睢陽疆春風何在少年場他家筮篋未成曲滿路車馬自
生光無媒安用雙白璧獨夜尙熱鬱金香

星沈月沒漏聲咽當機縑絲絲不絕深井投火無暫明寒

女縫裳忍休息摘髮欲繫千里雲內熱猶思六月雪岩亭

山上結松枝青青共爾霜秋節佳人貽我貂襜褕何以報

詩二

四

之大秦珠年少會當逢眇眇夢中且復共斯須霧露縱使

不分明清池自發荷夫渠

和神國行太平廣記三百八十三

枕蛟騎虎焦原側吾患有身辭不得鄒衍空談大九州元
之親到和神國和神國與醉鄉通于日中山訝許逢碧山
處處入圖畫瑤林日日當春風鸞鳥自歌鳳鳥舞神駒蹀
躞香塵步醺醺閒浪泉水香稻梁不識耕夫苦但有醉飽
無別離長託歡娛永勿衰亦有鬚眉長孫子老去仙蹤人
不知二男二女各年少裴回花果皆新妙千官袍笏忘卑
尊一家婢僕誰傳導困倉不設無市塵千門萬戶皆安便
夜來微雨灑芳潤若榴繁綴爭丹妍不事詩書解歌詠飲

食自然無疾病想當無夢本無思鹿蕉蠻觸離觀聽安禪
試訪單越天高士規往桃華源坐中干夫感斯異愚公智
姿皆無言幾年清淺蓬萊水幾人雪鬢雙垂耳未知當日
筆頭公莫年憶否知和子

山行

嵐浮空翠指初程山抱池陽送我行秋蝶如春方弄煖曉
雅過雨又呼晴賢愚局外逡巡識憂樂肯中卽漸生昨夜
茅檐雲乍斂月痕的的向人明

登大洪嶺

崑崙刺天出疊翠爲表裏何意千百折拂拂襟裏底飛洪
百道散歎玉無首尾辛苦出人閒萬濁待此水繕性山靈

詩一

五

招矜類僕夫瘁槃槃重累人未可狎行李二分足外垂衰
險在尺咫坦坦恃吾心惕惕慎所履其顛望仙亭羣渴得
茗喜稍息醉飽心復掩鷲塵耳下視更陡絕投石食頃止
未能投簪隱恐泥垂堂理一勞絕萬念空谷想子美

漁亭中秋

一年京國中秋夜綺席金波開舞榭一年鐙院作中秋玉
宇高寒明遠樓一年坐對松滋令蟾輝下照琴絲靜今年
吏檄趣之官漁亭大橋煙月寬四載中秋地四易風光應
笑勞勞客山來白露戒裳衣未免華顛感疇昔新安山水
絢天都巖壑青蒼萬玉膚林亭彫剝風非古華樹芳馨氣
不枯二十年前競笳鼓市兒猶識從軍苦後鶴沙蟲弔國

殤子遺幾輩留田父縱金伐鼓走兒童燈月元宵訝許同
山戶如雲茶筍美秋場似鏡稻梁豐黦歛之聞民氣好令
長羸官休艸艸敢放黃紬被底衙愧渠白髮林閒老林閒
一老前致詞官今邇及承平時樓臺煙火十萬戶昌丰直
下錢江湄錢唐江是吾鄉水源從軒后仙臺起去國懷鄉
迴自憐繭絲保障從今始今宵明月多復多勞人面斂怯
觀河年過四十且五十不早樹立將如何

弔徐鐵孫觀察

兵豈書生事公休怨老儒嗚雅疑故壘敗壁尙軍符慘澹
人俱化艱危氣未蘇遺篇五更轉問訊羽林孤

送陳閩甫入都

詩七

六

我觀新安江君才如此清君上黃金臺我昔歌帝京帝京
迢遞三千里河嶽回縈懷衷底鳳閣龍樓望若雲朱輪繡
轂馳如砥雄冠跌宕如君年長揖公卿幾輩賢銷沈心力
荆山璞流落江湖寶劍篇廿年日月回輪囷儒冠幾被樵
夫笑老我難忘伏櫪心人間合有飛黃早吏道多端不可
知劇憐簿領有程期煙霜南國歇瑤艸悵天涯贈可離
出門人說長安樂士龍合造酬鳴鶴述職如陳薦士書何
須更說胡琴約述職謂馬佳方伯胡琴陳伯玉事

登太白樓寄湛侯

不逢呼酒侶奚以快登臨白也思顏色黃山無古今伊子
非俊物挂笏愧秋林安得鳴榔發冷江寫此心

新安江

羣峰紫翠浮若空眾鳥點點栖屏風
激江無恙清澈底不見古人見
流水舟師倚楫行忘勞珠寒練
溼來招招中流一放可百里夕
陽拂樹巖灘高游鱗無事驚冠
蓋西風窈窕吹蘿帶聽盡吳吟
復越吟秋心迥出黟山外

和贊侯

霜風被艸滿山隅斂袞輕寒似
獨居問俗自知無一善讀
書竟爾負三餘鷓鴣同受雲
閒嚇螟蟻休侵石畔畚束帶
疏慵曾不悔大裘欲覆卻慚予

婦言

遇物存知足竭來山中居
山中仕非隱意澹不求餘貧賤

詩七

七

結大義教頗聞詩書兒女無
恆母彼岷心亦如出柵非所
知但冀官仍儒官事雖多方
儒念守一迂去來祇故我此
卽爲身圖無聲皓已絜寒雪
盈前除卿言亦復佳歲晚心
勿渝

休甯道中大雪

長天垂四際塔勢凌寒山誰
將萬珠玉灑落徧人間松杉
成行冰釵綴一一似繫千螺
鬢山禽啁啾毛羽薄尋煙取
暖翔市闌人家塞向坐婦子
地鑪楮紅且然野夫畏冷
不入郭人吏侵曉方行田一
從簡書習奔走但愧無補人
飢孱黃山白嶽宅神仙高歌
欲拍容成肩陽春兮當還白
雪兮盈巒寒江不波碧潺湲
竹枝凍折行幃前安得干邨

夜犬不吠晨高眠

雪夜不休甯曹宰

春色盼登臺逢君說楚材雪深
榮菽麥耳熱借尊疊白嶽

寒無語青鏡華欲開所思黃

溥之與鄭 溥侯

南北阻追陪

絕句

蔡州深夜軍聲壯趙相高堂御
酒斟一樣漫漫風雪裏山

齋凍坼壁閒琴

深渡

拄笏謝登臨疇知勞者心春
情隨鳥換山氣入流溪憔悴

故鄉思低回擊楫吟浮雲朝
日澹空色似蕭森

大面樓感寓

歙縣官寺新成後樓面大面山故名

詩二

八

山中日色薄春夏多淫霖岑
樓不盈丈虛牖納遠心三晉
流亾多勺水亾蹶涔湯季復
司運執策書桑林析骸作糜
飲飲罷仍釜鬻中州帝王都
于野戰丁王慙女一以舞軒
宮輟皇琴子遺安可移移粟
道嘔欵側聞雨師仁尺澤踰
尺金絕無耨耜手奚以謀耕
溪晨炊坐持漁溝瘠聞呻吟
安能吐吾哺庭階食飢禽

仰視日月光兵氣銷亾際回
鵠無恆驕鐵衣一已敝秦川
滌凱歌關隴清亭彗有道四
夷守一氣百禽制景風隊典
修將星九霄麗時平幕府材
戰守傳籌計楫之以丞徒貂
蟬暎遐裔方召前日事赫赫
照書契金甌洗何胡玉門夕
無閉上相儻調燮通侯復環
衛饒饋天下息軍期幾年歲

嗚呼朝運斤涕絕思郢人同林俄苑枯獨樹終不春交道
日以孤莊生竟沈淪素車不能馳三號我非秦攻錯兩無
施名實一爲賓皖山揮手去江雲黯離津束筍牀頭書從
茲斷音塵公等滿天下支離遂無身星實不上天華落匪
墮茵况復冬尚白何能火傳薪今者吾喪我厄言孰非真
吏人不可爲一是憂一錯吏人亦可爲在官貧亦樂領阻
風氣僂昔富今寡弱擾馴比子弟自顧父兄惡薄植非連
林鳥雀將安託未能相响沫差不加椎鑿斂抑坐堂皇喜
慍審前卻書季有麥禾人食仍藜藿奢儉方代謝禮義與
斟酌泠泠新安江見底尙如昨孺子歌濯纓遺響何寂寞
家山山鳥嗥一水下嚴陵念昔撥權游客子中夜興冠季

詩七

九

狎舟車南北涉且登千秋此何世欣槩填吾膺一從干戈
息外亾竟陬陬結言寡親串我畏渺友朋墓田丙舍遠霜
露氣有恆餘生向中年哀樂日侵凌扶闌目巖際秋壓勢
峻嶒雲容向人間欲擊似不勝出山隨天風風止還清激
不爲太清翳子雨非殊能

世遠事已多文章涂徑蘇持之各有故契道在忘言已知
弃枝葉卽漸窮本原風雲納閔宇日月鄰峻垣羣蟲各鳴
游獨翮一飛拚無盡亦有盡太空與渾渾電裳與雲車下
上周亾垠歸來坐斗室寂若失攀援周孔益多師儒墨定
一尊達辭歸有用至理守長存器車當其無眾有反吾根
雲月與嬋媛昔昔感未歇僊飯想青精曉鏡憐素髮霄空

雲作暑息景栖林樾露晨洞庭遙參差幾時發所思明月
輝三五隨盈闕關山迷津梁夢弱難可越馨香念不違芳
蘭俱秘醇在谷雖透迤宮門奚覩疏所持方寸通引緒亾
倉卒庭虛何情滿相望車塵没皓首尙所期金石鍊肌骨
敗吟畔牢愁鑿遠猶荒忽

重有感

立秋前夕
哀莊中白

長河揮與淚痕深流水無情已碎琴七月送君舟徑去三
秋感逝漏初沈星期斜漢虛天路月色空梁誤夢尋燕市
酒人餘我在山陽鄰笛爲誰吟

汎新安江暫歸杭州五首

詩七

十

耳熟漁梁水鄉心夜夜縣曉揮人吏散風味故蕭然巖壑
青紅路雲霞去住緣日歸仍汎宅息景是何季

微煖作霜晨冷江樂榜人間涂仍磨蝨悅性此淵鱗林密
迎孤嘯風多闔去津釣臺高自昔不厭往來塵

海客卅年游雲濤有滯留美人尋蕙艸故國老松楸壯闊
心非阻遭回渚正修羨魚知結網歌起隔谿舟

遠念天災久爭傳請振書尙窺鱗有粟敢比釜生魚水束

寒林翠山圍客枕虛劒峰鳴鼓後父老意何如

猶晉
壘餘

初稟水畢
桑經注山

依散富春樹溪夜上寒潮華髮臨流換青山別夢遙燕鴻
天路代冰雪故人招竝有新知感揮絃與寂寥

月下

月下天門紫翠重涉江昔夢冷芙蓉金波拂水凌雙照玉
樹先秋絢此峰雲漢雅詩憂六月萊田民力瘁三農一舟
槁楫從人理傲吏休矜拄笏容

過太平贈沈太守

姑熟谿流碧晴煙接古城呼騶賢太守椀帙老書生烏帽
人何在青山夢與清宵分牛渚月不落爲歌聲

夜泊采石

但有青天無酒杯桓溫謝尚總塵埃江流千頃明如玉夜
夜南朝月色來

三山二水歌

世無李青蓮誰吟鳳皇臺羣山散作紫翠色翩如五馬浮

詩一

十一

江來白日遙隨布帆落清風乍卷浮雲開虎踞龍蟠雄兩
戒倒景酒杯酌奇快北海南皮幾勝游黃鑪未必無流輩
滄海三栽桑麻姑仍狡獪荒宮有曉鷺觸處迷人代沙棠
之楫木蘭橈羅裏美人簾下招簾波新水動華氣風光何
處非南朝一兩三聲沙嫩簫十步五步舫船邀雲容忽如
夢疊鼓隨回颺間說江山迷蔓艸巨手曾經六合埽飛鳥
銜來戰壘華英雄笑倚魚竿老幾日西風萬里秋異鷹立
處閒眸爪伊子彭澤琴無絃朝來拄笏心悠然亦知非驥
足千里尙能前祇愧不能飲何由中聖賢牀頭周易豈名
士鏡中白髮非少年宦游武帝臺故鄉文種水舫蛟樓船
弔莫雲白馬波濤薦芳芷吟徧齊梁樂府詩停舟愛問長

千里君不見秦淮蕩作錦繡文又不見清涼山頭多白雲
何點講堂好風日頗有絲竹生徒間全椒新篇寄道士霸
陵中夜逢將軍當頭有明月乘風高處金銀關日飲酒人
何琵琶送客鬢青蛾試將萬古千秋意譜入三山二水歌
舟行九章 自江甯至全椒

客從建康來衷拂鍾山雲箏琶弄絳響歌聲猶可聞廢箸
對梁肉吾思晉饑民

青山送六朝帶屐傳名士讀書不聞道萬言一杯水知味
病且飢無爲馬肝美

榆柳自成邨家家椀雞豚田父不入市頗知天地恩牀頭
麥已盡租吏猶打門

詩七

三

明月大於盤萬綠明江樹妻兒聚一舟沈瘁忘行路卷中
鄜州詩夙昔傷心句
六合古棠邑兵至如鐵堅溫公何慷慨烈士誰比肩掩涕
問遺老時平將廿年
榜人攀艸語墟里修篁色拂水緒風柔出樹炊煙直曉星
猶在天涼意披帷得
一官抗塵俗尺寸難自閒念彼父老意不改詩書顏言尋
一道士雲白全椒山
飲江味一清峩舸載萬斛山中百重泉奔走趨所蓄珍重
彈冠心今日吾新沐
羣峰送飛雨陰陰木千章微波瓦梁水夕照明山桑枯棹

聲稍息孺子歌滄浪

絕句

熹微曉光發露氣稻香來
媼婦猶蓬髮枯槔聲已催

滁山

鬱鬱滁山路何心訪醉翁
霜餘無冷葉至後有和風
濩落卮言出貧辛往轍同亦知慚
十駕努力道涂中

行縣作

我數行縣周四郊寒風颯颯長
林梢三旬不雨襄水縮土
出乾圻堆塘坳徒扛輿梁各廢
藪乘輿功用同縣苑江山
風氣頗樸遊聞省列郡雄南
譙衣冠媿雅成往事笳鼓殷
盛思前朝南瞻鍾阜可攀接
廬霍遠矣疇能招環滁之山

詩七

三

列粉障絲霜晨未凌寒消卽今
歲惡老農苦穀賤不敵麥
價高上集歸來掩屋歎顏色
黯似三重茅嗟嗟催科亦吏
責忍用糞撻接脂膏昨題陶
潛詠貧士驅車勿使逢陽橋
忍飢誦經者誰子願養名節
干雲霄四方故人書問至詩
子近政襍頌嘲作吏循常無
可道此事未廢栖書巢裁詩
欲寄古道士惟我無酒持空
瓢他年賢否無位置更僕孰
數譚全椒

冬興

出門凜朔氣井里此嚴冬
百昌亦云盡所思後彫松
寒風一以淒使我心焉忡
雲行依故山天路各相從
寄之澹蕩心曠若游鴻蒙
時至襄與肅飈氣栖玄宮

牽馬照路苟俠少顏如玉何知魯連生
當年自結束遂遁

華髮盈盛氣不可復斂手把鉏犁鳥雀閒
相逐分無隴畔歎尚有岐塗哭眼光牛背
上低顏事農牧

寒華號水仙方之洛川神馨香不自薦
白石何粼粼几席雖近翫桃李安足珍
黛色參天長檜柏復輪囷凌寒葆吾
分小大各天真鑿冰出雙鯉滅辭寄佳人

荒荒海氣昏聖欲九夷居不知空桐仁
揃爪當僂膚思管樓船將大角星辰孤
摧敵占大白遺書待黃石西征幾何
年景風誓陝伯會當收井田箕子舊
阡陌

詩七

四

詩八

復堂類集二

得陶子珍湖南書

楚天迢遞此征鴻
沅澧波語乍通
鄂客有歌皆白雪
使車何地不春風
裴回芳樹人千里
夙昔緇塵酒一中
落日浮雲看不見
高山流水幾時同

春雪

雪霰連朝集
遲遲不見春
已過蠶麥日
恐有凍飢人
華柳遑芳賞
風雲問去津
更憐魚陟後
海氣莫沈淪

渡和州後河

又照蕭疏景
征衣渡口看
山容新雨善
煠色過江寒
篋有齊紉閱
晨猶藥椀滄
通辭云不隔
是處動炊爨

詩八

八月

酒徒燕市散
荆高故國睽
違八月濤拙宦
益恩貧士樂中
年漸猷出門
勞飛騰偃蹇
騎魚晚意氣
逡巡倚劍豪
眼底青山仍未
隱鏡中白髮
不禁搔

答郭傳璞

流水有本末
尔正恩肥泉
春波散四澤
春風浮一山
琴緒彈別離
目想存斯人
懷極如不勝
幽默尋其原
太一與神光
飛遞謙益賢
陵阪不可越
深相不可拔
一失同堂歡
修阻何由達
縣知烈士莫
如我飄華髮
簪簪入君窻
寒歲共稂稊
惟音之嘒嘒
離鳥恩故條
風雨感君子
平生言久要
四海與往來
何論千里遙
晨雲化夕水
舉手一相招

題馮笠尉屯谿詩卷

馮君真吏隱
挂笏向名山
晚歲祇好道
近來時閉關
江天收物色
文字慰蕭閒
寄語鷗波趙
微吟孰往還
陽湖趙敬夫笺

顧子鵬寒林獨步圖

宋竄淮流
尙氏秦寒林
負手獨吟身
無多黃葉
古今水如此
青山醒醉人

送鄭湛侯之黔

苑枯人事苦
難分木葉聲
中又送君尊
酒寒於院
公水征衣薄
似夷郎雲邊
方變養勤爲
吏結習銷
除猷論文
試向冰霜巖
壑裏貞萋
不改念同羣

詩八

月當頭夕和笠尉

百年幾見月
當頭歲暮回
車得小休
逆旅每多風
雨夕清尊共
散古今愁
千絲入鏡
隨年換萬
瓦飛霜與
目謀何處
天涯同滅
燭餘輝何
爲酒人畱

幽栖和笠尉

遂有消搖旨
沈吟傲吏書
夢中人似蝶
濠上水知魚
命酒春風換
相恩落木疏
幽栖堪埽軌
歲晚尙愁予
雪爽寄世善
百先太原並
東陳閩甫滅
燭客出門
閒階顧人景
書堂敬高輝
寒色動深
警停雪猶在
樹數月挂檐
炯縣知天一
涯共此虛明
境朔鴈過會
霄卻寄縈心
冷牀頭有尺
書離心浩難
整羣有分一
照抱

宋聊自省關河足煙霜枕席通溟滓春風萬里來馨芳有
合并琴歌期和女塵壁方孤迥

贈桂林倪鴻

藉甚倪夫子龍鸞萬里翔老猶客江海少已友班楊雪色
南上古離蕙蕙艸芳停雲思故舊八表正茫茫

寄湛侯

故國別來楊春風度夷郎羣谿趨犖確遠岫拂青蒼離索
中年夢蕙虞學道方平生同拙宦贈處尙無忘

送彭廣鍾出關

華光四照海天游曾倚三山散古愁雄劍忽鳴風萬里漢
關猶對月千秋未隨李郭中興將不數金張小子侯獨有

詩八

故人尊酒別河梁離緒黯難收

柬王秀峰

拂衷江湖任所之竿竿老作釣魚師鬢新欲雪書俱老氣
尙如雲醉始知講授占人猶馬肆兒曹何處覓牛醫功名
一笑推杯起畫上凌煙只有詩

義士行書張炳元傳後

班超布衣一諸生奇功三十六人成奇功絕域尙可立胡
乃義士濊名城誰與男子張應庚宛轉虎口葶棘荆翻城
反正再三試雲作外氣鼓外聲氣經百折不少挫事敗狂
寇魂猶驚是時大帥亦雄桀艱難百戰揚麾旌一念持重
事機失坐甲遂老十萬兵西風秦淮艸不青漢月猶照將

軍營卅年高歌洗兵馬來弔國殤何不平伊子悲歌向燕
市田生玉梅握手濁酒傾奇聞涕淚述同志烈士骨相終
徇名辱哉降官亦男子朽骨遺臭迷從橫至今五夜蔣山
上義士精氣爲列星

送漢軍裕庚朗西觀察北行作涼風篇

涼風激水何紛紛蛟蚪罷舞江天昏輕舟待發客衣薄鐘
鳴落葉不可聞廿年公府多陳跡蒼白浮雲照顏色大木
何曾誤運斤回颺屢欲摧奇翮年來止酒官餉糟萬事醒
醉隨所遭長天寥廓本無盡虞者藪澤毋乃勞文雄飛檄
資開濟杜陵蚤雪蕙時涕三宿尙戀浮屠桑一醕猶陳穆
生醴當天日出望京樓魏闕江湖未白頭功名行見志萬

詩八

四

里文字先已凌千焮人事參商不相見國僑未識然明面
遠想由來衰性情卑栖祇合安窮賤白蘋騁望吹參差雲
中不下長相慰鞠芳蘭秀自旦暮歲晚淹留桂樹枝

寄皖南觀察張大夫

高空何山雲裴回麗會霄浩蕩此江水溯游動輕橈飛潛
有本性上下隨所遭一從嬰世事谷隴騰詼嘲何當就曠
朗奚至鳴譁囂君子穆惠音擊轅知中韶縣會采靡遺武
也方播發一心鑿止水百味歸醲醲涼焮起萬里風雨猶
瀟瀟匪敢歇卑栖勿乃悔特操淹留非山中桂樹思故條
長鳴擬何爲寄心茲九臬

天人有至理脈脈觀其通龍蛇遂起陸消息閱茲窮蕩析

浮萬家字斐拜羣公分無百里責蒿目徒忡忡立國在仁
賢本富先耕農沃瘠可一視悔禍歌婁豐不見三晉藉七
載閭井空安堵甘立槁禮義守倥侗殿屎古所歎膏澤亦
云充縣知利濟懷煩疴若在躬臨江有高閣秋覽動西風
民物一以盈末由解心春

江上

大地隨輪激空江拂浪平無窮沙際鴈一一送宵征澧浦
湘君佩瑤山子晉笙九天如可上願學慧爲旂

南陵舟中

安得沙頭雙玉餅枕舷山作黛眉青喬林葉落尋常事願
向林閒醉不醒

詩八

五

安吳道中

丹氣化雲雲不回陵陽仙人安在哉一重一掩舊游處山
鳥銜華飛不去潛蛟一舞不可當激谿崩壑驚雷碾桑田
果自今年變荒唐不待麻姑見瀟嶽相隣萬戶空來鴻處
處咽秋風安得仙人施大藥盡回捐瘠起溝中

旌德官舍感悼故尹廖洪盞春舫

黃山吾故人奇峰三百丈披煙指其背復擊飛鳧狀人閒
王喬鳥語笑恩疇曩無端下玉棺哀樂俱成往念此猷世
羅澤雉神不王名聲復何益巨壑竟虛賞使君方妙年熊
蓀淪謫丹霄上飢渴盈斯懷趨走非所向清霜集瑤林物
色各殊象貞萋有恆性于役寄遐想

山行

征袍拂曙識津程三日羣山管送迎風鴈放寒初變響露
華小豔不知名勞生安得居常逸險處還畱心太平如玉
谿流重問渡寒蘆點鬢最分明

暮雨

復此雨聲聲江湖舊感生鐙昏羅帳底不是此時情
西風爲儂來送此瀟瀟雨明發峭輕帆模糊煙岸語

晚霞

江上年年變晚霞霞邊三五野人家春情已罷妖心老客
路依然負鞠華

舟曙觀彗星

詩八

六

太史星占孛頻年不絕書泰階平若一黃閣近何如螳穴
疑多象鯨波昨埽除客舟搔髮短夜氣警龍魚

晚秋客路尙有蟬聲夜復聞鼃感賦二絕

日日秋風警舊栖林閒無樹不淒淒眼前尙有閒榆柳容
爾殘蟬抱葉嘯

木葉散霜月滿街清寒湖曲尙鳴鼃五行信有田家識閣

閣聲多聽易差

池上題襟小集會者代州馮笠尉桐城方相堂祥符
周涑人桐城方滌儕任邱邊卓存
江泉雨無塵微和澹餘春遲遲送物色古古禪茲辰昨日
枝上華今成艸問茵蒲醜試斟酌池水照鄰鄰淺深當自
適觴行各天真白髮方祭酒散言遺冠巾光景近可學文

字傳其人相期慎眠食善化閩海姓當相望恩舟輪中酒懷江

夏鄭

次日湛侯至自黔遂有晉游

夢阻高張路俄驚客在門閉關辭黑水壘塊借青尊自爾
憐同調終焉念舊恩已違池上酌相送又江輪

池上迎秋

明河脈脈度高城天末無書待鴈聲江上秋心先七夕池
邊雨氣欲三更劍室少年懷古淚衣袂遲暮美人情諸君
說有談空日月運雲移各半生

重九後一日胡稚楓壽華吟館分韻得佳字

日夕朝市中何能有好懷慙爾柴吾門古心浩亾涯秋華

詩八

七

色若芝風香與之偕龐眉綺里季獨客安心齋繫從先生
後適然隳形骸不飲固天性得酒亦復佳吾真祇一拙與
世庶無乖目笑籬落聞八荒卽庭階所期汗漫游送者方
自厓

送管才未池上第三集

林笛聲中無限情名家俠少二毛生向平自有青山願江
上煙霜又送行

縱陽江行東合肥沈鈞無爲吳毓騏

枯艸飛雅路周年又此行水寒猶過牖日落似依城裏有
驚人句江流異代聲何時攜二妙澤畔看春生

題方滌儕清水歸舟圖池上第四集

君不見南陽樊鄧多貴人秋風早與蓬蒿親又不見下游

漢沔錐刀集日暮空揚大道塵先生仕宦不得進古懷浩

蕩無與鄰車前走羸卒路左拜痛民毳衣之章正惕息散

衙豪客酣車茵拜迎鞭撻兩無謂歸田一賦休逡巡家山

頗羨隱士隱隴畔自頌神君神智懷不行文網密松楸無

恙煙霞新峩削奚所有鬱林之石何輪困百城萬卷書還

我丹鉛身黃童白髮走相送板橋水注寒澹澹英雄豎子

古恆有蕪蕪亭空艸不春文章結習自料理一官一集超

常倫龍眠之山高嶙峋清門七葉儒書陳中年哀樂託柘

酒甯與人世同甘辛甘辛有殊嗜出處隨天真輕舟詣闕

人何在便作司徒安足珍

詩八

八

贈方存之甲申元日作

冰泮未春熙焉已和芸芸者生樂意匪多閒乎通介中行
殊科晨攬浮雲夕月易過河干賓輪水曲則那

展矣君子交澹若水壑有歸流渟焉鑿止犖犖者石介不

忘履陳陳者粟飢不忘旨幸甚至哉百終一始

終始伊何五三六經亂罔在歧輒闕在庭洽江不波散之

春星帝開明堂洞焉百靈蓄洩羣有匪期汗青

納于瀛勃不治羣歲息壤無靈疏鑿乃廢神州宴如斟若

外內源可濫觴朔日繼晦謀束干成靈乎善貸

變彼鳴鳥栖于新條求蔭伊柏匪求斯若陳杞搏擢濯秀

且翹翾笙鼓簫君子由敖我朞君樹小大所遭

池上第五集

翩何者鳥傲發其音嬰茲春陽日有和風疇管清歌游于
息心歸與獨絃若聞于林君子倡予聲無二三命此芳醴
胡爲沈吟榮落自彼遙遙至今衣裳在堂慨笑相尋流水
以悠忘我欽欽

方氏五世遺墨卷子

存焉爲道德發之則文章大茲忠孝人耿矣日月光日月
雖代謝作述千秋長斗霄地維嶽瞻此龍眠方未造與
熙朝君子道其常仁言流溥澤聰聽繼旨堂翰墨如片羽
慈孫瑤收臧檀麝雖尺寸久久日芬芳夸毗固遐屏穴隙
匿放芒四出瀛勃流一本松檜蒼至今雲仍輩葉葉衍厥

詩八

九

祥庭聞卽經訓私淑非邑鄉吾師藥地超蘭幽吐奇香消
搖物外游下眎皆榆枋

鍾祥胡先生倚樓看鏡圖

三月鸞華又莫春百年師友屬何人名山珍重傳孫子耆
舊依稀見性眞日飲此中惟有酒風流然世願爲鄰行藏
勳業皆駢拇白石清泉是化身

世間祇見萬波隨造化無端作小兒鏡裏有華春黯黯樓
頭今月去遲遲往來柳雪人先老細碎恩讐劍不知信史
尙畱游俠傳壯夫莫作文郎詩

廣志詩 舊作補錄

宋寥人境孰與天游千齡旦暮一室商周如何蟬蛄亦有

春煠逝者如斯視彼川流其爵蛤鷹鳩吾生不化達者莊

吟聖乎孔謝炳燭有明耿茲長夜粲粲百王日侯取舍其

相彼放禽猶變毛羽力運千鈞身莫能舉克剛克柔有倫

有緒曠乎沒世執念規矩其坐忘坐馳同此暇逸作聖作

狂爭此一日琴瑟須材求彼梓漆踵事增華文有其質其

羣魚縱壑眾鳥翔林紛華戰道詭遇獲禽安得止水盟此

激心天機胡淺者欲胡深其高標天宇穆穆舒雲浩邈太

空翹首至文聽德在聰力學惟勤久而自然寤寐良殷其

握彼寸膠大河曷清翳彼兩葉泰山曷真高由簣覆進俟

科盈安吾故步退彼虛聲其釀孰酒清絃調聲起温故知

新慎終如始璞玉張輝巧匠斯理駑馬十駕亦致千里其

詩八

一

知者見知仁者見仁願爲堯堯獨轉陶鈞與古爲徒千載

如新世有愚公我師其人其

江行稊題 自懷甯至合肥作

十載元龍氣銷沈簿領閒風從襟袂出日日拂龍山

今古浮江水何人擊楫來浪華與雲葉長傍客舟開

江上餘霞色天空盪繡文短簫長笛起舊曲幾時聞

妻子如漚鳥風帆閱歲年日斜方縱目不覺沒蒼烟

落日下牛羊榆柳樹幾行無人記來往前路一蒼茫

離亭筑一鳴忽復變軍聲江海此揮手故人方遠征

柳色隔江多絲絲奈爾何六朝人事盡古意滿煙蘿

樵僮同去蹤車笠忘世語脈脈故人心濛濛渡江雨

老瘦空濛趣憐渠去鳥頻臨流不鬢景珍重少年人
傲吏非吾事忘機不可求相恩古賢達目送此江流
絨扇誤平生班姬賦未成銅官山下路一枕夢煠清
畱醉過芳洲青山滿鏡愁如聞李太白不復倚南樓
簫鼓歇叢祠幽篁發故枝湘君在何處天外倚參差
歲歲九張機織盡回文字放風動瀾漪迢迢不堪寄
醒醉渾閒事良辰過亦忘不堪題楚怨宋宋兩端陽閏五月
一掩旌旂色中流氣象殊岸華開不盡高詠過巢湖
和遺園唱酬韵

詩八

三

得酒霜風即漸柔不逢箏笛美人舟暮雲欲合長相憶木
葉同林又一煠陶令未妨彭澤傲梁臺曾接杜陵游迢然

鸞鳳聞清嘯珍重名山共白頭

送滬池張景樓比部

江介日煙霜行人試急裝終南遠出處河水老文章戰伐
吟諸將貧辛見道方鴻天毛羽煠珍重報高堂

魯遽一首贈王尙辰

魯遽堂上瑟堂下與之鳴鼓宮或商應豈得爲同聲賤子
罽駕馬少不就羈纓黃頭縛袴褶意氣呼老兵無端幽惡
病埋牖老書生書生三十年獻賦終無成一從作吏來友
朋慚畏并友朋多宿艸新知忽崢嶸崢嶸大道王白日一
班荆低眉論文字中和殊楚儉濠梁相爾汝儒俠忘其名
鳴笳天地煠數竈誰家營吹唇起惡少勿乃慕越黥萬牙

欲刺天氣已無堅城何來一青袍談笑羣兒驚斂戈卒曠
野唾血主齊盟飄飄大將旗摩壘千夫迎聊城燕將書一
矢爲重輕玉貌魯仲連肆志終辭榮塵中將相多散吟在
山清陳琳幕羈栖阮籍眼自青六十大布衣芝艸掇其英
九芝作文章卷軸牛腰橫朝登教弩臺逍遙水冷冷吾琴
久不張世耳習瑟爭相對一忘言五嶽旬中平絳霜詩正
月傲裘頗有情少垂富春釣旣冠游上京閩海狎波濤河
嶽叩精靈折腰又一紀倭遲此車輪世無尚氏簧曷由調
玉笙飄蕭回白頭相和長歌行

茅店

詩八

三

茅店烏啁啾真成屋打頭冰霜何樹古鳧鴈幾家收落落

千年事滔滔萬里流中宵敬客枕吾夢在滄州

教弩臺消寒第一集

浮雲無盡此登臺至日相招共舉杯并列不隨三國改酒
行已見一陽回蒼茫古意孤鴻送駘蕩春心野艸催眼底
風塵吾輩老人閒冰雪有時開

寄鄭湛侯

屈宋才仍老鄭虔行吟流落竟華顛酒尊語笑尋常事相
望相恩又一年

歲暮六章章六句

丈夫聞道苦不早五十三人漸老薄宦仍歌行路難小
儒敢說榮名寶窟吾憂吾鼎柳下季古義今人莫退棄

雪下一寸蝗一尺老農拍手歌三白衝寒隴閉有飽意如
鍼已見芄芄麥明年雙岐呈瑞連如雲峩舸飛饒海上軍
十二分野多使星歐羅巴洲同一明有客有客東瀛至遠
方濬益子聽 著書等身書未成我曹發憤著書各有志鼎
彝竹繁從所寄

禽言鳳皇不如我毛羽摧積行且過春風春風爲誰來噓
枯吹生無不可酒酣請歌暇豫之烏烏安得今吾勝故吾
車前八騶何甸甸車中之人不自見飲啄由來有定分人
食膏粱馬食菽胡爲容頭過身行不休歡娛蕭瑟恆相求
叢柯接葉百羽巢寄生糾結來相交大風斯拔寄生外羣
鳥飛去生詠嘲我見崇山蕩蕩無不有氣與天地長相守

詩八

春雪

東風散雪布巖巒積漸新泥覺路難初七兒童學嬉戲大
千春色作荒寒便成木稼令人怕略似棉花不耐彈幾日
晴郊牛背穩謝作芳騎關輕鞍

舒城道中

芳畎穀粳春來水不知道逢人日雪興發艸堂詩千古

廬江路三分割據時周郎不可見雲起一相思

殘雪安邸曹桂醞小塘詠雪云獨乘陰凝氣發爲
冷澹情曉曉初日出何處可容卿蓋有所風

人去玉京游寒生舊畫樓皖山人在幾夕白君頭冷澹

陰凝句興觀羣怨倚曹風重有感如雪悟蟬蛸

胡稚楓方滌僮願榜卿招同鄒邊二太守爲真率之會

主客忘形胡不樂逸興過飛共芳酌雨闌津亭浣去塵如
絲離緒檐華落使君作郡赴濠梁鄒太守檄 賤子前驅肥
水陽柳未全稀梅半吐舊游池上毋相忘爾來世事如山
倒華發幾人被華惱到手澆酒不辭寵辱無心能醉飽
時衣冠
多杜門

辛冬修夜陳尊壘雪車冰柱吟衰回念我廬陽遠莫致臨
湖客又黃頭催去年十二月朔諸君清集送
周諫人收無爲有見懷之篇 人隨春至陽
回谷好事天公猶戲玉昨宵海月照燧煙流雲似有鸞輪
逐相逢且復飲無何鎖澀落生劍不磨好聯會合韓孟句
爲歡不足離憂多

詩八

山鋪道上有感亡友管才未過此有三更鐘火
紅成市一片春燕綠近城句

樛柳嬌黃卻盡生車前如掌翹塵平遲遲春色寒猶峭脈
脈山光雨乍晴古有浮雲憐白日夢隨流水去荒城綠燕
無恙才人外罷唱陽關第四聲

回縣

羈宦仍爲客如何說是歸春風來傳舍官閣解征衣益益
萼爭發雲霄鴈倦飛南山歌罷唱吾愛豆苗肥

詩九

復堂類集二

二月五日夢園清集同謙齋子聽作

海思雲愁兩不禁春風莫負酒杯深當頭一片如環月猶

照平生結客心

花發禁寒煥又禁天涯春色為誰淡敝車羸馬塵埃路未

要羣兒識此心

斜陽一笛怨難禁祇有黃鑪客感深萬縷千條楊柳色勞

勞亭畔故人心近日哀辭先生
高未遲之逝

長安西望笑誰禁衣上緇塵尺寸深我有荆卿舊時劍蕭

蕭易水是知心子聽將
北行

苦雨同謙齋

詩九

何止霖三日空庭未更喧陸沈人有淚天漏問無言憂生

真若夢命酒竟難溫我欲揮長劍浮雲扶九閭

莫埽遺園徑泥涂老更驚鳴琴同失響種秫恐無成大造

知何意微官益自輕還思訟風伯脣舌藉君卿

絕句

吹笛難成曲下方何處晴含愁自無限日日共落生

遺園招飲小病不赴

老共消搖物外游一尊當復畔牢愁支離七發濤何氣縹

渺三危露欲秋頌酒劉靈仍獨醒入山禽慶始無求虛堂

並有懷人夢千里星河向曉流

香華徹清集同謙齋作示同游諸子善化陸蘭生無爲吳
驥仙合肥王緝甫衡

甫梁
緝軒

朝霞被青紅椹作千夫渠文章有正色君子意何如雲山

空徙倚一清不求餘持之淺淡梧跌宕今人居莫色俄蒼

然古古思襟裾奇山在懷裏空翠生闔閭浩倡為君發愧

走塵中車

孝肅祠堂

祠門雲氣接華光待雨先秋試蚤涼水鳥飛來蒲葦碧青

山影裏芰荷香好從尊酒頻中聖見說清時有諫章芳草

遠尋歌楚怨人閒何地不三湘

施水秋汎

青陽山色到眉閒施水衰回往復還一自風雲開甲第遂

詩九

令草樹隔人寰漁歌白日蘆中去秋士青絲鏡裏班不信

巢湖三百里老夫無耳洗潺湲

寄懷遠宮農山觀察

霞落月蒙蒙蕭閒病有功鴈來窮塞晚秋在獨絃中萬木

淮南下千山皖北雄回車新作達飛檄舊生風劍舞摩挲

罷花光夢寐通酒尊隨鬢綠鄉樹向人紅梗槩然誰昔泥

塗閱我躬百年尋警欵五嶽借龍從庖刃劬成頓遼丸眩

入空寥天原不隔結習况無同遠蹠言非近卑栖意亦崇

寒巖忘欲辨飲谷已藏虹

九日教鴛臺登高

雲物日且佳奚云愛重九蕭晨紀斯名藉以招賓友離離

霜前鞠瑟瑟津上柳谷谷散風塵往往尋林阜苑枯本自然樵隱求其偶足音相然疑物論齊可否高臺古豪英千秋一回首井冽猶濯纓弓藏宜袖手琴歌亦無心酒人誰不朽相期逍遙遊結言茲永久

和謙齋秋感

淮南秋色古來多脈脈鼓寒鴈乍過白日不淹華濺淚美人何在水曾波淋池爲樂忘歸夜沛邑傷懷猛士歌方寸幾時平五嶽蕭然一榻伴維摩
紫蓬山色晚蒼蒼意與浮雲六合翔白髮鳴琴猶吏隱青春無石作歸裝爾來偃蹇還鄉夢往事消沈結客場躍馬欲尋人不見逍遙津上有新霜

詩九

三

夜宿中廟

浪華雲葉共浮浮對此泓擘我欲愁水底有山如照鏡人家種柳易悲秋二更月出涼無際千頃波平翠不收巢父曹公同一夢隱淪戰伐兩難留

姥山

中流裏拂姥山青葉下依稀似洞庭湖水湖煙迷處所九歌無意問湘靈

感寓

人定振敝裘念彼衣裳單魯酒不盈酌呼兒卻微寒鱗星在庭戶而雨隊檐端城闕柝聲起玦月淒心肝置身銀海中忽如寫驚湍五緯一以正願菟輝未殘民勞亦云惕海

寓今且安遂遁母高言烈士方盤桓蕭條復蕭條烏虺夜已闌

和沈池州齊山秋詠

拄笏淮南木葉飛頻年語笑墜歎微袖中瑄札心如訴畫裏家山夢未歸尊酒重陽多勝事秋江千里共斜暉風流太守畱高詠我欲追陪一振衣

夢園歌贈定遠方忍齋臬使

夢園先生天人姿蒼髯顏色如嬰兒達官貴人比肩立千秋手定如公誰

文宗皇帝舊侍從手焚諫艸趨形埤入與重臣商國是出延詞客共憂時憂時詞客盈公府淮南壇坫爭千古輕重

詩九

四

夷吾鹽筴書亂離明遠蕪城賦采珍南海動魚龍樂職西川走風雨歸田十載臥清時衣冠肥上尊流寓青琴一揮曲調高曲中猶似廣陵濤園林鐘鼓古恆有平泉綠野今其遭檀欒正與道心發磊砢復似奇情標平生作記尙未就胃懷合共神樓超雄劍失鳴頭蚤白麤官浪寄淝津跡海內論交幾老成林間中酒思疇昔傳人心折此名山遲暮眼荒尋下澤遺園一老詩萬篇便作羊求成二客

田閒紅葉一枝

短短將積日荒荒無盡風紅顏原絕世不在上陽宮

消寒雜詠九首

拄笏蜀山邊煙霜又一年酒尊容卮宦詩國集羣賢蕭瑟

車塵後崢嶸臘鼓前不知圖畫裏梅萼幾分妍

老去風塵事然脂未筭書冬心憐晚晚雪色問何如花柳

依年少關山偏歲除即今通俊賞古意滿巾裾

祭酒動星辰縣車近買鄰衣冠尊咳唾江海出精神下帶

言忘象藏山書等身貞藁留古色珠樹自恆春夢園方先生

燕寢賦凝香清嚴太守堂北風上肥水明月滿衡陽浮渡

蘭為楫餐英鞠一囊圍宜除害馬里不飲晨羊太守黃公

亦有賢羅隱高吟續楚聲詩書餘味美平準素心清梅尉

藏封事毛公避大名塵容與君盡一一歲寒盟羅刺史梅微君

毛別駕

巫峽星河在樅陽劍佩非山川與懷抱聲氣此裳衣莫問

詩九

五

丞卿事聊通性習微寒宵心不競華燭白輝輝李屯尉蜀人陳大

令懷

酒罷刺輕舟巢湖凍霧流客心兼水陸人事畔牢愁懷裏

盈詩本丹黃借校讐乘閒尋結習落落寄千秋第二集後子赴安慶

二句

而歸高閣寫松風遺園酒不空錢刀違我輩儒俠抱誰同暢以

題襟集栖之半畝宮阮生仍至慎興在竹林中王謙齋典籍

晴雪待檐端天涯獻侶難餘情池水冷高調瑟絃彈懷古

春無恙留賓夜未闌人閒黨太尉一例說消寒池上故人近多離逝

元日雪是日立春

問訊江潭楊柳枝回黃轉綠益相思元辰正引陽春酌卓

午俄吟白雪詩長笛短簫聲娟媼朱樓翠箔隱參差天涯

華樹亟亟發寄與芳心不厭遲

正月三日諸文士琴酒清集

春朝越二日迎年翫歲芳意氣諸少年脫屣登斯堂雪色

停在樹宜麥歌樂康一持精白心良位恩所當七絃何冷

冷楚聲拂散范中和志云集斂氣視允臧化雲初往來煙

岫知素藏與子日飛鴻出門道且長豈無遠道思千里同

衣裳林寒鑿斲月回薄此輝光

和夢園先生畱別韻送之淮上

卓爾誰堪大雅羣老成一息眾言紛令人自醉非關酒他

日相從願作雲湖海襟期猶故我江淮耆舊有諸君林寒

惜別同聲鳥艸腐思飛未化蠶

再送夢園

愁思陰陰不見春并無絲柳拂離津寓公老作淮南客況

是尋常行路人

和答李丹未

國風從古說溫柔無屋何妨且住舟樓上才人曾作賦機

中春女尚悲秋綠波碧艸吟兼夢白水青山臥亦游病裏

把君詩過日負佗婪尾與遨頭

懷遺園海棠

明妝照鏡鏡無塵絳樹亟亟豔四鄰西府自憐紅裒影東

風鬢贈白頭人園林好處難離別煙雨多時減笑顰隔斷

輕綃空入夢一番閑置不成春

留別上合牋

燕雁本代飛物理如有求相感云自然一氣為春秋人事方驅遣心目匪自謀雖云必子室何殊王粲樓微風引之去蕭寥此虛舟止泊尙未能委蛇與之游宿宿復信信方寸結網繆太上非吾情盈襟有滯留金石為君身令德當自修相責敢期貨未退多所羞庶幾歸去來三徑方悠悠題楊凌霄望雲恩親圖

親存不逮養雲去何能畱耿耿哀鮮民縣縣至千秋歲時霜露肅歛拜無松楸何時化精衛所願凌陽侯從母夢寐中兒今亦白頭稍學慕大夫擇術行陵邱山下雲英英瞻

詩九

七

望涕橫流志安佗人親聊贖百誓尤如何富貴家輕別曠膳羞無為愛日長愧等行雲浮

宿松官舍中秋柬黃溥之

浩蕩煙光又一秋十年蓬轉憶前游涼尊邀月迷賓主疏樹因風悟去畱種鞠近宜尋粟里結茅古竟有閭邱清輝今夕恩千里咫尺知君共舉頭

秋日道中懷鄭贊侯前命太湖

山色絢司空人行紫翠中十年仍磨迹八月又秋風幕府蹉跎老琴絲泊澹厠後先思茂宰雲葉望無窮時黃溥之宰太湖官舍不寐

不眠滿點作秋聲露下空階月四更何似散香參柏子沈

沈山寺欲天明

後二秋詩八年九月于役皖南賦秋蟬秋露絕句今行太湖道中重有感作此

與塘蒲共未參

陳前餘怒尙騰騰老占陂塘氣自陵至竟未能諧律呂祇堪鼓吹亂邨腔

光緒丙戌八月自宿松赴行省阻風長楓用陶公規林詩韻

陶公八十日我愧久淹居歲華去冉冉州府來于于蒼葭晞白露黃鳥止邱隅志士懷不遂老矣失修涂行路邁危颺臥楫阻平湖始知無遠近云觀忽復疏非徒感疏密況

詩九

八

乃外生餘飄風朝且夕明發當何如

半生既道長動足迷所之淹畱此枉渚猶幸無程期披襟賦快哉得失亦有時風水各無心勿復怨今茲果為藏壑舟橈楫良可辭咫尺有阻修歸去復奚疑

小泊同丁兩東

偃風小泊客頻年迴薄愁心野渚前世味酸鹹何足嗜丈夫憔悴不求憐朝朝秋暖霜無信處處雲迷鳥未旋偶與禪房譚往事籬花徑竹意悠然

宿松太白臺遺址

我不見古人郊原碧艸年年春古人不見我清江白石何粼粼艸色與水似登高目千里天津酒樓隔莫雲匡山書

堂滿荆杞沙棠破接讀書臺
邱處士安在哉煖鷺涼鴈
識賓主酒人千載誰復來
萬古之愁揮不去有手何必持
金罍無恙青冥一片月冷照
疏林浩歌發故山木落胡不
歸縑不盡千絲鏡中雪五十五
年恆獨醒誰云飲者皆仙
骨清霜滿空憐柳枝停辛竹苦
有窮期臺上仙人難再得
白日欲落不落長相思

和二友詩

高飛何處影憐形
下上春風取次經
遠有樓臺煙漠漠
年來離別艸青青
倦游未肯長搖曳
一失無端墮杳冥
記得夕陽圖畫裏
竹枝曾共美人聽

右和沈蒙未紙鷲

詩九

九

無盡風光集曲池
閒吟誤比有情癡
機中文采當窗織
梁上纏絲小雅詩
故土雙雙栖海國
依人脈脈向天涯
提鵬挈鷺江湖去
春色憐渠睡起時

右和張公東鷺鷥

莊仲子中白次
子葆辰

莊郎二十始相見
喜心翻極俄沾巾
不見乃翁十一載
深地下同酸辛
一官傳舍將歸去
垂老心期復誰語
佳兒負薪玉雪好
遺書盤盪文字古
霜寒月苦來夢魂
海內知己幾人存
眼前三男豚大耳
昵近莊郎亦弟昆

風雪

遂有空濛萬古愁
人間深雪阻遨頭
寒扶斗極縣初正
春

隔滄江凍欲浮極目無窮迷
道遠回風有意識歸休故山
梅柳尋消息別曲笳簫悔滯
雷

丹霄二首丁亥上
元日作

丹霄望不極浮雲上亾階
素雪斂九造下覆濁水泥
太陽自然高流自有蔽虧
一朝挾羣陰朗朗何巍巍
佩服仙人之玉璐揚光輝
裨海一沐浴燭幽孰與齊
踐烏爾何趾終古相依棲
元夕嬰春陽下土昌幽微
鍾石方譖然遺響出

九閨

九閨交綺牖宛轉被氛霧
服食求長生勿乃懲藥誤
駕龍臨昌衢神骨當識路
安得戒邪徑玉軼無窘步
何必師轉蓬高空謬馳驚
道修有時至所求造父御
况乃春日長行

詩九

一

行鮮晨露環轍一以正芳華
隨所遇

將去宿松風雪道阻成四十二韻

東風猶未轉西閣不能離
北戶違聞稼南山愧采芝
儒冠輕出處江國久棲遲
推擇徒爲爾浮沈略可師
濁醪非獨醒拙賈詎論嘗
好古畢生事牢愁與我期
篋書嗟十上罾板隔重墀
課政星頻戴逢囚涕浪垂
天都晨臥閤裏水晚臨岐
亦緊龍岡嘯蒼茫蜀岫奇
曲衢行似轂黑白序如棊
鞭撻封邱歎菅屣下體遺
竭來殷邑長常繞夜飛枝
結客疇招蓋求全屢謁醫
茹辛安若素大宅滿何時
彭澤難忘隱沙棠近有陂
簡書一以畏束縛且須辭
漫掩殘編卷言尋舊餽糜
宵長占夢讖遇詭獲禽疑
鬱鬱千秋氣絲絲遠

道思拊心欣雀躍，側目送鷹飢。七緯宵初正，三陽律自知。
數回鳴應鳳，笙告灼從龜。陶鑄尊姑射，馳驅入具茨。公孫
行馬閣，百里五羊皮。滄海魚龍徙，師兵營衛移。辰躔恆拱
極，父老共耕菑。簾閉君平肆，牛歌甯戚厓。家鄉畫裏路，贈
處笛中詩。拄笏吟朝爽，傳觴述酒悲。微官拋墨綬，曉鏡對
黎眉。濡滯周南鳥，蕭閒退院緇。卅年毛羽改，八顧友朋衰。
散木林柯廢，當歸藥裹隨。骨原殊媚子，符已號詭癡。河嶽
羅匈次，煙霞待指攜。憂虞無好語，頑鈍看凡兒。揣分容吾
懶，諸賢慎所持。堅冰馴至候，缺月忍寒窺。津楫印艱涉，春
燈巷罷嬉。兼旬深雪沍，傳舍旅裝羈。意外句畱地，塵埃惜
履綦。

詩九

十一

別詩

去年送人處，今我亦行人。雪浣山畱絮，風吟氣已春。津梁
成老大，妻子習貧辛。路堠應相笑，遞回始乞身。
旁州盈丈雪，寒餓澤中多。共此乾坤內，其如枯苑何。具官
殊器受，率土一衢歌。宰割無吾事，鉛刀安用磨。

感興

雁爾知歸路，塗長好護持。紆干山上雀，憔悴已多時。
燕爾知來路，遲遲遇伯勞。春風正多厲，朋輩莫爭高。
哀王松谿君臨危有詩畱別卽用其韻

有約休官把臂行，山林無分再尋盟。青春角逐憐文字，白
首蕭寥見性情。易簣一詩惟念我歸帆，三月不逢卿艸堂。

人日空相憶，魂斷陽關第四聲。君以人日逝

蒼王謙齋方子聽小除夕見懷長句

小除同此天涯雪，憶我憶君兩不知。飛鷁過都甘早退，谷
鷲求友永相息。春風憔悴淮南夢，人日荒涼老杜詩。各有
千秋倍珍重，年年莫負歲寒時。

荅都昌李秀峰

匡山讀書處，千載有傳人。握手檣琴晚，江皋正算春。雲奇
天作雨，石峭地亾鄰。宋窻青琴奏，揮弦一聽真。

春風醉客顏相對，卽名山月轉林陰。澹江平帆力閒，九衢

憐畫轂，一臥夢柴關。問訊張公子，行吟鬢早班。謂張公東

寒食東方滌儕

詩九

十二

隔簾風色閉紅蘭，水上依然寒食寒。蹀躞城南成往事，白
頭無意問江干。馮笠尉遊世二年矣

上海徐園

問身求魚到海壘，重尋磨迹十二年。檀欒斷手散寒竹，宛
轉支頤已出泉。陶令園田歸路近，元公壑谷主人賢。故山
白首殊欣慨，卜宅聊牽岸上船。

題東坡石鈿圖爲張雨生賦雨生爲秦澹如運使甥

石交畱與證茶禪，暢好春風過禁煙。細數閒琴開落後，此
中不箸出山泉。

泊澹須知味外尋，老坡眉宇已消沈。方牀曲几相料理，酌
我平生一寸心。

西子湖濱啜茗回白頭舊夢墮煙埃衣冠淮海風流盡忍
與文潛話雨來

許邁孫畫蕉次郎仲方乞題

一樣不求顏色似阿翁作畫我題詩春江幾處鴻留影禪
榻頻牽鬢有絲此老句中自太古看雲天末卽吾師芭蕉
也是堅牢樹待到蒲團坐破時

王孝子髮冢圖

事詳秀水沈景修髮冢圖

總角就外傳橫經肆士孝飄蕭高堂上叅白親顏兒亾何
風色殯靜木有屈撓紉棺其負土毀滅慎名教至性不自
制臨穴重檢校歸受誓兩全竟從泉下淖母在暫視息髮
瘞入虛窳從知一寸心已託九地審明季詫異事雙芝等

詩九

三

杯琰坤輿炯愚誠百折不可拗終焉月湖沈獨行紀史儼
髮繫等干鈞靈艸有先覺

移居三首答張子虞

王尼滄海舊辭家一出邱樊送歲琴下考白書虛薦達故
山回首負煙霞隨身書卷縑塵浣賃廡夫妻白髮嗟早是
北堂荒夕膳樹譏亾地百憇加

追憶荆榛蔽路岐青山隱几此何時卜居龜筴離蕙古廢
瑟宮商變調遲管管御車憐昨夢行行戴笠謝新知岸菊
眞似牽舟住面皺觀河某在斯

藥餌扶吾暫避人何妨近市卻囂塵水流不隔三更月艸
色長連十步鄰君向秋風恩遠道我商舊學乞閒身林閒

至竟容琴鍛未可滄洲讓許詢松園主人許邁孫

錢武肅王遺象

天復阡危日神州正豆分起龍尊骨相識身應星文效順
傳家厚安人立國勤彤裳遺象肅肆雅賦宐君
電埽感恩都龍舫事有無錦衣晏神武警枕策艱虞士气
風雲合軍聲艸木蘇風帆沙島地點染故宮圖

山前兩乳長三節攤錢唐鐵箭流難去銀濤玃若亾吳歌
共歡喜萊子有衣裳試擊叢祠桂遺民走越鄉
猶識凌煙閣丹青燦若霞珠旂寒石鏡采筆潤籠紗懷古
婆留井閒情陌上萼佗季留浙臉故事屬天家
鍾貞女篇

詩九

四

門前雙鳳皇化爲休畱嗚風摧連理樹斷腸艸淒迷世事
有變遷心志亾夏改孽彼荆山玉何時昇光采女身玉亾
瑕問名已有家納采復請期御輪待香車郎爲天上雲墮
作何山石女如澗底松不復依廣陌矢言出閨房請命上
高堂望衡面面高卓絕此女郎抱衰入君門君祀絕復續
千秋夏靡臣弱質抗遐躅女如澗底松霜雪任所遭郎如
天上雲回照卽同牢女貞立後高門此賢婦劬學有遺
書不待閨房友

秋夜長

散風振兮薄羅裳扇不御兮在菊釭淒淒兮雞不鳴耿不
寐兮秋夜長

許邁孫贈蘭

十季重與縈心居澹色疏香我不如
比似成連弦指冷秋風裊裊刺船初

題秦椒之城樓望月卷子

舊時月色入雙眸獨夜裴回遠色幽
芳艸未衰先憎別故山
山山志怯登樓三秋砧杵勞人夢
一曲參差帝子愁千頃
平湖雙塔景此身天遣作閒鷗

吳倉碩蕪園詩

先生无半畝容鄰即名園夜雨青蕪國
秋風黃葉邨未回天地意暫遠馬牛喧
四海諸公在何曾酬對繇
白日照四鄰青山吾故人鸞閒一鳥語
始識江南春閉戶

詩

五

對妻子更誰嫌我真次公公醜醉欲酌復逡巡

古來聞傲吏聊尔寄散官芳艸有岐路
酒杯當薄寒文章分骨相語笑出艱難
何日還山去投君一釣竿

和王止軒司訓

銓除孝豐學官十季前子選授未赴也

丞綸日日坐江干谷飲如游處士盤
逝歲有春回晚晚選人憶我共荒寒
傳家東浙尊重席結集南朝紀一官
茗水淡溪峴山碧箸書千古在豪端

題故爻楊利未畫石

所恩如木葉歲晚祇空枝繁薄倚庭石
飄霽託酒卮試尋人外契多識不相知
故物催吾老何山有紫芝
歲暮禱詩二十首

白髮逢除歲青陽繼浩倡病猶親藥物老
自倦津梁蕭瑟天如夢權奇事漸忘
故人裏袖字回首少季場

離恩入冥濛巡檐雪墮空寒生衣桁
畔萼落酒杯中磊磊南山石荒荒北戶
風長歌出林表天末意凶窮

下土臣如蝨長吟月食詩吏非三府辟
歸已十季遲龜策

占吾縈衣裳浣舊緇春風曾不隔徙倚
故園枝十二月既望月食

凶凶志古梅萼荒寒處士家山孤流水澹
亭廢算雲遮杖策尋前路丞綸謙後車
何心論封禪痼疾借煙霞

雪涕中州事鴻飛冷大河衣冠誰負石
岡阜自曾波謀國仁仁讓防川力且多
黃金成幾日采藥路如何

少小投吾分黃鑪命酒初浮雲更世事
落木渺愁予默許

詩

六

延陵劍過從揚子居定文今轍簡後世
竟何如

芳艸復凌寒山中日以蘭馨香奚晚晚
蕉萃一艱難水石全生意冰霜易歲闌
春知風嫋嫋采憶路漫漫

不知何寵辱拙政豈能賢馮軾陽矯至
懷歸倦身旋先春詩綺靡養夜夢纏綿
入此寥天一吾門柴幾季

平生汗漫游雨雪敝征裘海國濤何气
京華賦孰收恨非囊負米分合壑臧舟
浪說尋高舉江皋已滯留

巢痕鳥與淡磨迹蝨重尋不待畢婚嫁
入山持此心徑荒前語笑萼發舊園林
但賃泉橋廡昭文不鼓琴

歷歷人閒世季徂恩不禁上醫全為國
生粟歲權金匠手嚴將作車游數莅臨
丹齡天詎遠闔管一沈吟

司車象指南軒后去龍駟環海神州大歸墟息壤揆恩讎
尋不已蠻觸尔何堪安得巨人釣連山更去三
表海星爲客仙槎紀往來塞河園有竹瓠子賦悲哀盟誓
尋車笠賢勞動艸萊旬宣新解組山澤意裴回
回憶干戈際遺黎出死生誓師收半壁泣血殉危城琴作
三春色覓猶卅載驚眼看童冠輩墮地已承平
江春逢舊歲容易柳依依短至尋長綫經新得故衣方欣
風澹蕩又見雪紛飛世有如何樹甘辛亾是非
轉綠艸痕齊浮雲暮色低長局金屈戌不御玉東西遠近
笳簫奏輕盈桃李蹊雕窰將步障好好試春泥
鬢已十季班慙余鏡裏顏衰因多難早怒爲穉兒頑名實

詩九

七

相賓久矣黃一瞬閒路岐憐公就桑者自閑閑
世有鯁生業惟堪馬肆羣賄更非卓犖寫定太紛紜大義
俄空簡敝言未隊文斷斷家法在同異待諸君
弦柱玉泠泠峰青柳欲青千絲迷宛轉一鏡過娉婷北里
歌房露東方送曙星自從藝下別誰與其芳馨
五十六除夕螺文指上生容顏瘁哀樂文字留聲名抱蜀
仍虛器忘筌不世情猶餘弦外意曲裏未分明

詩十 復堂類集二

答易叔子 江蘇布政 謝病將歸

拂衷來尋猿雀羣所思欲往雪雰雰
乘車戴笠人俱老魏闕江湖志
不分春色初歸憐逝水樓居相望
隔同雲卅季涕淚天涯其鄰笛山
陽不忍聞

和蒙木

好景難逢天意慳送春風雨臥鄉關
著書宋宋窮愁事行路栖栖客子
顏白日不隨朋輩盡青山幾見俗
人閒廿季弦外尋吾契祇在散吟
薄醉閒

題王止軒稽山攬秀圖

春風被崇蘭空谷與懷新
縣馨匪自達采擷視其人君子

詩十

有獨照古古合天真
負矣于煉想來軫武前塵白雲方
露彼物物類宜親崇光既云汎
襍佩且自陳譬彼臨流網一

振亾凡鱗于越山
峒峒悅性賦以神古今亾文字
冥若失昏晨香艸自然芳
裏衷相依因

題應敏齋布政移家鑑曲圖
君不見賀季真賢達
高尚辭風塵又不見陸務觀
兵閒農畝詩情換千古江山
又宋寥荷衣蕙帶相招邀
一篇傳唱遂初賦秋雲
寫影稽山遙稽山山下鏡
水碧孰解纓紱尋漁樵
永康大夫栽金貂丹青圖
畫民歌謠功成拂衷若黃

鶴顧影青青鬢未彫
登車南北千萬里晚戀一曲
鑑湖水載得琴書作寓公
人閒風雨思君子有約扁舟
逐子皮青

春枉渚采蘭芷篇章忠愛古詩人
儕輩功名多烈士西子湖濬
棧畫船越王臺下復留連
西風張翰歸來日千里
蕞羹話古賢權歌聲歇
樵唱繼閒門黛色爭芳
妍衛公不歸粵木老蕭
蕭瑟瑟思平泉雨枝雲
飛感疇咎衰庸縈髮歸
如客蔽山故里百季
荒樵風未挂芳涇席得
展新畫圖興懷古
裘履滄江一臥煙波
宅回首高歌拓金戟
藥物隨身大布衣
相從儻與遼山學

和何心齋先生消寒

飄蕭白髮三千丈
企待名山五百季
迓鼓且隨邨裏舞
柘枝還憶少時顛
北辰星紀重霄正
南國風詩萬口傳
山谷精莠弟子錄
著書歲月冠新編
今季八十一老學後
倉續集成

送羅矩臣 築游粵

羣蟄且振蘇觀物
思春陽榮時丈夫
志安能老故鄉
文軌日以遠領嶠
非殊方奚爭橘
柚榮盈裏自含香
古者游爲學束帶
循康莊低顏就文
字抗心師老蒼海
色尋歸墟羣言識
數茫季踰賈生壯
志合曼容臧窮經
不空託養拙用所
長稍謙衣冠塵默
存游夏堂伊予顧
衰莫炳燭餘光相
望亾遠遐一尊寄
中腸庶幾千萬里
共此北風涼灼彼
春莖色表回大道
旁

梅萼落

梅萼落東風惡
風多祇悔萼開
鎔霜雪逡巡棲
故條芳萼第一
遭逢薄萼閒
女兒怨春陽不
怨春陽只自傷
人閒亾

詩十

二

地亾歡笑萼萼葉恆相當朱門結束原非儉賣珠補屋
容光減隊樓人在落筭中公子簾龔晝常掩耐可酸風復
淒雨叵耐橫枝遠如許豆實青圓薦主筵冷抱馨香作黃
土落梅筭天一涯揚州明月照兒家飄零鉛粉亾歸路腸
斷簾龔日易斜

送高白未北上

乘舟方用涉送遠復懷人岸上汪倫酒天涯庾亮塵我吟

芳艸碧客到上林春儻答羣公問支離尙有身

題孔蓮伯詞卷

停舟煙語問同鄉鴈過聲留墮渺茫水冷筭疏蘆荻岸眼

前相識只斜陽

詩十

南雷井杼研

懷古耕田夫先識忠孝字低眉事筆研一菊興亾淚史家

黨錮傳明祚已云季井渫不受福爲犧軛用備姚江通德

門名父待繼志一錐奮獄門九鼎淪燧燹髮事隴畝叱

犢安耕蒔吁簪井邑非芻豢官就飢堅貞矜于石磨涅終

不二閉戶且箸書與研共蕉萃童牛可勿牯石田慎勿棄

摩挲發古香尙友從高寄

寄懷樊雲門

鴈與爍爲氣高空念故羣差池萬里道掩抑百重雲宿艸

山含淚行歌語不文因之憐病翼遺響一相聞

古銅劍行爲王五謙齋賦

一瞥飢鷹亾百里劍氣橫空狐兔舛提攜蒼銅作龍吼照
膽當季炯爍水缺折霾滅不計季疾雷夜裂空山起一人
憂時詞客懷蒺藜久矣辭知己劍邪人邪共蕭瑟健兒折
節師君子丹綠銷沈文字忘刀劍錄成同信史左右佩兮
相護持與君離索曠爍期儻過延平津水上雙鳴一躍莫
相疑

和答王謙齋蒯翰卿廬州見懷

浮屠桑下憐三宿況夢青山又故人倦鳥葦苕知有雨落

粵藩涵夏亾茵攀來叢桂君招隱鉅後芳蘭我幸民互答

歌聲二千里百季原憲老長貧以上己丑

題輞川圖錢松壺畫
樊雲門藏

詩十

名山爲地主繕性待賢人高棲飾巖壑雲物更相賓今古

禪文字林藪赴道眞丹青遡流風歎詠芳塵當時用題

目亾故亦亾新猗彼淪漣水綦履送千春忘言維摩詰舍

宅迭俱陳松壺追畫理樊山復入秦物色逞而復仕急形

非神拂東南山下浩尔與爲鄰

送鄭贊侯之官長沙

不意得相見高歌和楚聲君今倦游日客送主人行車習

交衢舞金憐躍冶鳴洞庭縣尺雨芳艸逐愁生

試折柳條新知君戀故人諸侯雄犬楚拙宦痼清貧薄俗

尊中酒遙尋陌上塵長沙有歸夢儻及我閒身

武昌春望同雲門

我如黃雀飛來晚不見當季百尺樓天上春雲前後客眼
中漢水古今流瀾衡賦筆空文藻庾亮胡牀罷勝游亾恙
江山亾事日蒼茫卻爲管人愁

旅興

楊柳陰中客舍歌季季面皺向恆河斗閒劔氣隨星落衣
上緇塵比絮多攤鼻謝公知不免濡頭阮籍飲亾何人前
笑語仍蕭瑟珍重當筵掩衷羅

寓感

香塵歲月掩青琴釵落落階何處尋
外春痕連夜雨夢中款語少季心離人璫札頻頻寄遠嫁裳衣密密鍼絳樹
雙聲方婉變明珠百琲一沈吟

詩一

五

蚤從水畔憶樓頭只隔歡娛不隔愁
上已真春吟勺藥停辛佇苦抱空侯
眾中眉語能答舞困要支酒莫浮珍重
歟波待西子未妨重汎五湖舟

黃鶴仙人歌送樊增祥雲門之官長安

黃鶴仙人招我凌雲游振衣直上百尺之高樓
滄霞舊侶樓上一握手問亾恙外憐我今白頭
憶管朱顏向京洛酒酣悲歌相閒作雲閒
陸士龍日下荀鳴鶴浩蕩風塵二十季強顏
意氣還如昨日是今日非餘音猶繞梁塵飛
春風芳艸有時有晨星故人稀復稀昨日非
今日是去馬來牛竟如此崢嶸對面太行山
淺溪彈指蓬萊水山非高兮水非深龍劔挂
壁時一吟六張五角不可說兩刀一鞘行

相尋成連先生刺船去水仙動操畱青琴男兒墮地必有

用一絲九鼎論輕重君非百里士元才我慚五柳陶潛種

誰與柳下誰魯男請持方寸邀君共我方游楚君入秦客

中送客別意陳漢家循良往往出三輔但聞衢歌還我神

君神輕塵朝雨楊柳新楊等落處多白蘋李陵哦五言目

斷河梁塵王喬作令雙鳧化爲舄羅縷冶術約略求道真

景差文章已零落一師弟子殊等倫送君去矣藥裏隨吾

身畱君玉額來結黃石鄰

南昌萬礪盟劍鶴礪詩龕

遺響度遙岑逋仙共此心礪雲寒不落流景臥青琴高詠

予能和褰裳試一尋家山等發處攜手入煙林

詩十

六

月下過張子密樞不值

引手高樓雀可招野煙漠漠水迢迢一聲橫笛無人應獨

夜相悤明月橋

再送雲門用畱別韻

尊前珍重不嘗身鎔愕衣冠幻大秦地望名空挂朝籍天

涯等不戀陽春日迷召杜龔黃傳聞索何劉沈謝人儻遇

長安簪笏問老夫不釣釣江濱

贈章壽康碩卿

一尊海上酌斜醺十載聞聲始識君故國江山箋越紐在

官臯過寫唐文投簪采鞠從吾好攬轡栽等證所聞等是

入荒同一室天涯未肯憎離羣

靄園

雲日方代謝人地相主賓平泉壽文字艸木迹已陳浩歌
鄂渚游鶴去樓亦湮眉動俛江流曠若浣前塵園林有來
者我行期咎人大雲眾高空亭檝若為鄰圖畫亦偶爾孰
寫輞川真裴回復裴回後顧斯為新青青過江山杖策寄
吾身

東萬礪民

昨宵黃雀樓頭月冷浸空江欲曙時我寄愁心二千里蒼
煙叢裏覓君詩

九日從張督部凌霄閣集送王比部詠霓

木落四字清高瞻肅真氣天空山參差土演艸茂蔚公燕

詩十

二

戲馬臺纓藿揚爍解蜀客都荔芳楚佩谷蘭植大山桂以
叢馨被萋萋卉倦身凌散寒毛骨忘餘鷲中坐歌驪駒馮
臨海天企苾苾納沖襟斷斷息羣哆醴酌耿餘慚林栖甘
自棄令名我衡雲提槩庶士尉以上庚寅

贈梁星海鼎芬

相望未相見神交近十季獨弦忘律呂集霰老嫗娟儻縱
蘇門嘯俄驚栗里眠塵中同調在貧不受人憐

昨歲西湖濱尋予弄晚春會當歌楚調忽復似勞薪流水
焦然宅疏風郭泰巾推排成故事不必愧陳人
令弟亦佳士亾端學抱關少季親素髮君子愛青山天地
浮雲改江湖作楫艱碎琴吾倦矣琴柳殢人閒

和張公東龍潭禱雨韵卻寄

用汝作霖雨商巖遠莫蹤江雲扶寸合來自香鑪峰膏澤
宐三尺天閭非九重尋陽盈百室歌起古侯封

投龍晨載簡警雀夜衣失喜隨車雨亾憂徧野饑瘠從
溝畔起須失鏡中肥遂罷桔槔響與民同息機

陳藍洲山水障

門前瀝水涑滔滔意何如風淫雲在山適來與我居遼遁
六十季哀樂兩亾餘繁交管同堂異國忽連裾平生一二
言深念良非虛周閔息樵爨楸帶益歸與雖亾半畝宮息
壤視此圖山林徑非絕文字習已除石泉槐火閒三宿問
遠廬芝蘭尋夙契晨夕且相於謂溱陽關季篔

詩十

八

東程蒲孫鄧石瞿

盈盈懷衷尚馨香意外行吟江瀝長逝水不隨耆舊盡高
文終與道心妨看雲眼底干爍事擊筑聲中五月涼祇是
相逢同一笑浮屠多少舊時桑

題侯鐵生瑋森胥江走雨圖胥口為伍大夫投厥處

火雲上天壓如磐雨邪淚邪夏凜寒傷人老魅且啜泣地
下當亦歌路難刀光在項泥在髀此時何者為衣冠漏箭
亾聲雨漫漫煦息如度百重關繩牀竹枕若天上皇問曲
室衾復單喘喙辨色我非我招伍大夫出波閒無簫可吹
目可抉願見蛾賊萬骨攢吁嗟人閒萬骨攢乞食視息推
心肝後三十季如轉圜山顛水澗數往還雨中老柳猶甦

純

答蒲孫

君與我亾恙時嶮三十季江山忘戰壘文字謝琴顛琴緒
有師曠車塵此魯連從知鸞身意高響故道然

逢君且楚歌雲月意彌多終古求松柏予心在薜蘿若若

天未算脈脈酒亾何戴笠聊相送會江焮始波

題潘嶧琴學使緝雅堂校詩圖輯軒續錄寫定

太史行述職陳詩觀民風正變一以區羣言折其衷小築

松鞠閒芥石知所從兩人颯流潤大雲飛高空學士起領

海東鞆鼎原通儀徵一再傳蒼然大山宮颯國文獻隊闕

遺且塵封纓紱與章布絲鼎力有窮輶軒迹徑軌難易或

詩一

九

匪同虛訪壑自歸羽羽栖厥叢連弓盈細几棟桷備良工

縣知風月夜衣冠集庭中衰屏愧不文瀟水飄游蹤蜀國

揖趙君襄古語從容大楚綜羣言九流鏡儒宗使車接兩

賢大宅神爲豐焮蓮定餘香緝佩今再逢度幾石渠臧越

唱此于喁湖北使者趙尚輔翼之四川人方刊定湖北叢書五百卷

西園涉趣圖題詩贈潘學使別

翠翬輶軒使庚庚翰墨林園居芳艸合物望漸江深日涉

清游跋雲停古處心人閒大小雅海恩夙盈襟

古月又宵分高輝證所聞定香亭畔坐風渙水成文師爰

傾心我吳泰興少宰師徐長沙伯把臂君廿季衰屐地身倦復

隨雲

左右竹修修林亭味紫焮與書尋夙好爲衙愴忘憂挂笏

胡牀靜驅車魏闕未相期三到日玉佩足風流

榆園鞠粦下飲

季季只誤牡丹時焮士焮粦共一卮畱得月痕霜意息不

會孤負鬢邊絲

送王謙齋還廬州

浩蕩尚期在蒼茫後約畱天涯同一室心事各千焮已罷

滄英酌還恩采藥游清瀾知不隔歲歲月當頭

磨跌問還園林粦應更籛別君樛樹下念管竹林尊寶劍

長相望青山若有言三季重握手止水復畱痕

李古漁吏急箸書圖

詩十

十

君聽弦外音橫我剗閒琴偃印千焮業低回一寸心相期

招急賦何待入山溪日暮雲來往縣縣憶故岑

約略青衿夢欽遲石室儲次知公府事端賴古人書往歲

差同調相逢或起予萬梅粦不遠消息竟何如

裏回大道塵人海未逢人傲吏誰知己高文此等身在山

泉有約獨夜月爲鄰儻復筌蹠弃忘言與道真以上辛卯

和邁孫元日

長我八季心力勝季季元日讀君詩架盈梨棗占君壽室

有芝蘭發故枝佛說惟亦大歡喜古人偶爾合時宜同功

吐作春蠶繭游戲還成五色絲

積雨近游口占

積雨離離陌上桑布帆低拂柳枝長榜歌不厭風尚聽訪
舊閒身偶越繼

寄答袁章京祖竝東南海張侍郎蔭桓

羊肉與軫飽飄馬十九季辭枝夙蕉萃蛻歸故林閒殊茵
墮尔尔懷土物同然馬客幽州吟正則涉江篇往來無北
南一室同旋槃制河春波長夕寐其觀瀾霄空殷維鐘遐
響若爲宣

九流墨家言曠逃靡津逮騶談大九州施及寰瀛屆挈引
力有無光景鑑內外翟簪經上下故訓循荒怪絕域旁行
書一二縮大槩乘桴公泰西或有鉅勝輩機事卻輸子金
火斯用械一氣翔木鳶無待夫有待諸公發篋衍蝨餘簡

詩一

未隊鄒陳識啟言重譯商興退

鄒伯奇言
東塾述之

行與轅固生慷焉陳齊詩嬰萋天左右佩劍解復持天門
此開闔蕩蕩繫瑱規艸閒尙數吟吟息溼陰機六十惠患
餘索尻病且飢百昌赴靈雨就筭問裳衣林萼冒顏芳勺
藥爲可離離言不可道髮白容色橐

樹木得嘉蔭樹人得彥士中正九品廢心目契文字高堂
鬱沈沈囊籥鼓天風工師隆棟朶朵桷待所堪繫君操尺
楫淵珠襖其匿皇知十二棄國瑤周行列矚管承詭言得
人斯無難執盈眎槃杆十一審所安

一尊故鄉酒天涯望于越夙心無餒醯能來不日月薪盡
耿鼓明帆是千鈞髮介恩隱焉用子文弃密勿水止塵大

止停空差自悅覆地一寸琴香罷歌未闕新衣誰當組明
星不可掇王風入札聽芄黍道蕭瑟

春酌和高宰平五丈

雲淺風疏自在春卅季奉手老成人酒尊灑灑鼓吟發藝
樹娟娟百態新城外青山廣招隱座中白袷憶肯塵飲餘
商略惟文字寓意鉛藝不狀真

白未招集豁廬同俞

廷瑛

小甫楊

葆光

古韞王

廷鼎

夢薇

楊

文瑩

雪漁鐘依

三多

六橋作

疏篁依依眷餘春出韞五里尋幽人南屏山翠當戶牖定
香橋下波粼粼豁廬主人與漚鄰名山跌宕辭冠巾遠攀
嵒阮近裴迪風期落落相與親銜栢語默各有寄襟裾泉

詩十

三

石同一眞卅季湖海走皮骨家山眠夢相依因衰遲投老
桌里貧飲酒乞食殊吟呻豈無雲愁與海息一彈指頃如
鼓塵明湖白髮照蕭瑟願爲流水無爲蘋楊琴飛盡柳罷
折故人四坐舒眉顰青山忘言息應對白社相見無主賓
友于山鳥飛逡巡數聲嗁徹粲滿茵

悠悠

悠悠三十季目習長亭樹久要此春風歲來還歲去臨流

照容鬢閒心託芳杜

舟行五章

嬌黃幾日成綠陰春人老矣愁息深三山樓閣不可卽成
連先生知我心一琴無弦不成曲青鞵出門試遐矚雲在

水流與無盡虛舟爾任來相觸

日日浮雲西北有安得故人其后酒故人不來我能往開
落閒琴約會負聽風聽水秀州城依依嚮曙憐晨星于長逝已

季江邨老友尋痠沈襟眉閒依約遙山青

縣車走馬將亾同看山拄笏風期通袁絲灌夫相上下當

季意氣雲隨龍擊筑燕歌感疇咎南北東西其夕夕三吳

琴月自季季履綦留此園林客沈毅成錢筮仙客吳下久李景卿吳仲英諸穉菊劉

芝屏需次于此

訪古印舟問婁李後期已失桃萼水修竹人家隔市塵循

吏風涼竟誰是願聽弦歌駐客橈不逢仙令舄飛遙訟庭

艸色向人綠回首相息明月橋嘉定訪張子密大令不值明月橋在江夏去季與君

詩十

三

行吟處

往來歲歲春申江海市氣懾魚龍降我曹但解文字飲離

憂酒半息蘭汀大有風吹雲葉聚湖海諸公日來去萬事

撥棄惟友朋老夫別有沈吟處上海與張子密章菡汀孫文卿葉鞠裳駱雲孫萬劔

盟相見因懷凌子與倪雲劔吳滄石俞成之諸故人

歸櫂

涼燠稍侵客聊歸興盡舟襟前吳市酒持此嚮杭州後夜

邀明月相息回白頭杜門芳艸色夢與蝶同游

題何廣文遺象

鼓嘯已尚塵風疏偶墊巾天畱長揖福人為抱書貧酒薄

亾殘醉亭空有玄輪迷離芳艸色十步想重茵

激蕩肯期在何嫌骨相寒忘機成痼疾獨立任回瀾藥店

題龍骨仙人困馬肝屋梁明月夜顏色故交看

湖上月夜同鏗青白未小集示子韶子衡兄弟

月出不在天明漪度湖水水月次無著予心澹如此楊枝

拂鼓醒觴行次偶爾涼風適然來虛亭笛聲起疇管竹林

游老我予鬢子枕藉空明中夢與舟同樣夫容綯曙霞凭

石妙香裏庶幾縈心人會此忘言惜

送濮止潛武瞽

炎風不枝鬢邊霜流水何如別意長燕市酒歌如昨日晚

餘一筑老江鄉

送邊拙存太守

詩十

西

酒尊猶昨日芳艸又秋風相見難為別沈吟夕照中雲容

江水闊歌響屋梁空歲歲天涯夢由來一室同

團扇歌贈空與朱又笏啟勳

團扇復團扇裁以機中縈朱碧丹黃且後期苦心獨繭千

絲作團扇復團扇縣如雲際月曲榭回廊暎夕輝天涯共

爾知時節涂椒佩茁出宮闈鏡裏雙蛾欲斂遲物色棄鸞

近仙路招邀撲蝶度琴枝齊紉出懷清言發複羅單縠宐

藝髮度曲難忘會合期障塵不厭關山越相恩得相見便

有炎涼罷歡怨得意文章口已傳長畱絜白中無變相見

復相恩曾共衣裳在笥時一出人間洗煩熱季季歲歲手

親持

海水爲倪 茹 儒粟賦

海水能飛鳥宿淵淚血叩視蒼浪天家山重重苦霧塞叫
呼有日通黃泉季季嗚咽橋頭水嗚咽遺孫訪繩里約略
三夏燐火飛夢中侶喚孤雛起千家知復幾家存幾家衣
冠拜墓門艸難叢葬得次弟人閒灑血無餘瘡男兒墮地
循齒髮負土炆霜煖遺骨下緬尋文改葬總歸全重掄青
山窟秦望山頭頭白鳥舊巢歸落何相株清明麥飯儻含
笑幾家招魂魂已徂

衰病杜門獨對庭粵炆士悲矣襍題八絕句

空谷有芳艸逡巡目已蘭叢簾人意恩粵不避輕寒蘭

誰倚淮南樹韶顏有八公當季招隱士終爲箸書窮桂

詩十

五

彭澤歸來坐此一籬鞠不入遠公社乞食顏如玉鞠

人生侶此粵敷馨露餘發相對四三季朝櫛慚予髮權

轉綠回黃後殷紅豔侶萼面牆炆已老暫綯野人家薛荔

木末寒夫容寓言恆十九不飲醉亾何水落難尋蕩夫容

芭蕉不堅固修竹勞彈事棟梁自有材風雨雷高致蕉

出手堪持贈馨香繞榻前語言文字外好證指頭禪柑

六橋

六橋都尉雪中見過

一白亾空闊柴門閉景單翩何裘馬客來此語寒交舊

誰千古平生此百端和歌塵不起迴雪繞檐看

詩十一

復堂類集二

司馬溫公澄泥研拓本 以下癸巳

中國相司馬邊釁敢輕開籌筆抗諸葛一研驅塵埃規稜
託性真摩抄集賢才元祐流新法如墨雲煙排黑守泥非
緇匣出鋒同指玉堅珪秉方蓮潤絲連菱宮中有聖人柱
石倚良材亾何麥飯恩起艸漸嫌猜沙門且傳法儒術瀾
將回磨礪安民石鉤黨樹崔嵬洛下氣蕭瑟長物生莓落
流風扇儒林拂拭珍瓊瑰彼哉維翰鐵挾策猶三台廢放
得揮斤一用題埏垓

虹橋板

幔亭遺跡幾何年絳闕無塵五夜填上界清歌如響裏人

詩十一

閒始信有神仙

蕭齋界尺助清吟虹景欲涿水淺澗失笑秦皇驅石去三
山終古只浮沈

題夢家山圖

六朝煙雨裏一曲念家山醒醉天涯酒風塵客子顏有時
聊憇几何日得柴關萬里猶同室襟靈自往還

今日逢修禪清游記茂林會稽山下路子亦謝登臨結習

萼如雨忘言水在琴雀鳴天不盡空外有遺音

過焦山懷梁星海

如畫山藏寺先生舊著書高吟浮漢水楚怨滿襟裾同有
回車淚難忘抱蜀居臨卽亾可羨逝者馭非魚

荅范仲林

容易煙笳送莫春過江風色與酸辛青山去住畱陳跡白
髮支離戀故人藉艸共傾天末酒振衣不流道有塵相逢
歌哭都無緒始信文章自有神

荅易仲實

洛下才名萬口傳漢廷誰及賈生季紀羣交道慚吾老勞
燕游蹤證夙緣漢水琴心流古調楚辭劍氣倚高天白頭
哀樂相忘否合寄南華弟二篇

荅沈伯華

吳興才子數居上後來賢庾信家風舊終童抱負先江山
分氣象金石貢雕鐫目送龍文足塵中尉莫季

詩十一

漢水曲知津江蘭歇去塵短歌和長笛古意贈今人山近
仍招隱粵迷又送春天涯畱一筑哀樂與逡巡

題海天落照圖

莫莫爲行雨斜陽且自紅平生滄海客舊夢酒柸中歡怨
有時有雲煙空復空齊紈裁作扇一歲一秋風

雀梅樓同范仲林陳伯嚴梁星海易實甫

名山待君子雲物入古裏偶然倚琴軫曲罷臨高臺素心
三五人袂舉且裴回空際蒼煙生明月浮江來芳艸自芳
艸天涯復天涯願持一尊酒長對林篔簹

汜上題襟集題辭

漢上題襟又此時圖中主客各弦詩斜陽去鳥都亾恙濁

酒疏筭有所恩，悵望天空磨後劍。沈吟人倦拂殘碁，老夫
脈脈黃墟別，珍重新交與故知。新交爲安陸趙儼歲伯威
寇煜孝冲郭拱辰仲侯劉

睿孝通故知爾
松高駿烈仿青

送仲林丈東伯嚴
望遠不可極，裏舊匪自今。卽漸忘哀樂，卮言一沈吟。方春
忽已秋，高梧倚蕭森。華月自然涼，入抱當以襟。范子物外
翔，默對觀其深。有孔與有絲，吹彈感予心。納山作壘塊，唾
海爲蹠涔。陳遵投客轄，和以亾弦琴。相將一漁父，路阻桃
萼林。亾端罄晉事，浮雲作輕陰。薄游易感槩，風轉歸故岑。
我舟亦不繫，去復成連尋。出處如晴雨，會合酒再斟。廬山
諸道人，淵明亾二三。何年且蓑笠，何物爲冠簪。一笑人間

詩十一

世異唱自齊音

送陳伯嚴范仲林易實甫游廬山

送春人去，雨如絲。見說匡廬待好詩，我對粉圖看瀑布。與
君同是在山時。

送仿青

先立秋三日，高梧倚晚風。月曾千里共，酒惜一尊空。楸木
山亾恙，虛舟水自東。相期哀樂意，歲晚與君同。

商略天人義，沈吟風雨詩。齊紈長拂拭，楚菑是相慰。江漢
流終古，琴笙應不遲。過從有周黨，學道愛芳時。謂漢
詔

錄別同雪漁白未

倦游蹤跡墮秋煙，往往離羣動判。季夢裏筇殘空有筆，人

閒稻孰卻亾田，酒壚栖逸遠。階阮病榻光陰證，幻禪江上
尙畱芳艸。色馨香遙共，縈心憐。

鐵如意歌

銘曰：非竹非玉，出自昆吾。指揮三軍，張我令圖。毋或溢
驕，逞志珊瑚。宋嵌金銀文，昔季姚六榆。明經得于項氏，
今臧秀水郭肖雷家，以名其齋。

男兒當建五丈旗，張吾三軍萬里馳。手中揮斥鐵如意，干
霄高結秋雲知。壯士往矣畱壯氣，詠襄古跡通襟期。非竹
非玉，閭文采不虞，缺折精神在。褒裏沈吟結古歡，畱與人
閒挂頭額。名士高談倚唾壺，脫餘塵尾愁如海。天水完顏
秋復春，摩抄氣尙識金銀榷。場款識待評跋，位置彝器高

詩十一

齋陳儻付巨治作七首壯士來訪徐夫人

沈太守庚堯東山行旅圖紀古林
之游

蒼茫弧矢丈夫心，攬轡雄邊度老林。天闊鷹盤雲自遠，山
空木落日疑沈。出關短後征衣薄，報國長戈馬客吟。五嶽
填甸誇不得，要從絕塞一題襟。

百年遼海事如何，席漢苞唐水不波。今日懷柔天廣大，登
舟激盪劍摩挲。圖門合奏樓蘭捷，魏闕如聞馬援歌。歸去
春申江上月，釣竿曾記拂珊瑚。

訪舊一章贈蕪湖關使袁重黎

依依江上雲，風水此邈逸。會合若亾心，千里不踰咫。爲別
十六載，息緒亾終始。亭魚尺素書，綵幅襍悲喜。相見乍忘

言坐久論方駛譬彼絲在縷譬彼玉就理沈息不可說方寸徒填委高齋與斗室哀樂同此悵回首榆枋閒華季疾如矢老矣炳爛游虛空不念視江雲復孤飛夢尋聊幾几同袁大夫游赭山塔院

丸辨凌秋得氣多招攜棗輿訪煙蘿山林叢老違婚嫁車笠當季寄嘯歌盪激江光疏樹接回旋塔景夕陽過放顛衲子無生話桑下難畱奈客何

星海屬題畫鞠寄朱荅生嶺南

浩尔學道人亾爲悲凜秋眾芳蕪歲中真氣黃華畱采采閱西陸結佩一何修秋士訊春筭長得如此不迎榮有必落遺世與之游東南悲逝水西北有高樓芳馨誓久要目

詩十一

王

送浮雲浮蓬茅出顏色持贈海南陬

又題絕句

寂寥漢上題襟集寄語南溟老寓公木落天涯畱晚節人間何處不秋風

離會三章簡邊卓存顧掄卿王子常方宗屏諸君

卅載狎舟楫盪旬江上雲皖山題吏憲楚國賦離羣地逐颺輪轉天隨磨跡分停舟漁子識一笛倚斜曛

飄濡池上酌拂拭鏡中霜游覽猶萍合羈栖似鴈行迷等

各茵席廢瑟一宮商嶽嶽諸侯客朱門道味長

過太守瀕瀆西湖一

龍山山下路芳艸幽人廬

宗屏寓居懷甯識路方尋夢逢君已徙

居杜門親木石酌我念衣裾別去江干釣重勞尺繁書

蒼方宗屏

老夫百事不挂眼倚樹往往歌停雲當季促坐商出處琴笙調合惟方君蓬飛從風一握手無多酌我袂又分艸木變衰去鄉國柘酒相看俗顏色倦鳥還從閒處飛雲行亾心畱不得四海諸公識往來一室何曾限南北

東方倫叔常季兄弟

存老二子

東南家學桐城方孱守櫺書接老蒼昨日行車猶腹痛墓門松樹比人長

冬夜長

羌背秋兮涉冬寒被體兮難降調蘆管兮不雙凌霜兮獨

詩十一

六

松牖深山兮誰與從

絕句

疏疏黃梅等噤童慎攀折寒香不待春亾等鬪顏色

懷星海赴王蘇州之喪

車前吏檄幃中哭眼青未識人如玉

子京外游從未識可莊太守

父老

悲同稚子聲雲月遙聞挽歌曲築車白馬故人來古道今

逢鄰笛哀碎琴千秋漢水咽我飄霜鬢獨登臺

閩海姓刺史

焯皖江歸櫂圖

皖山迎客峩危冠江水送客山林寬飄然出處矯黃鶴煙

霄一去凌高寒海姓先生仁且勇短衣投筆浩呼洵殺賊

下馬艸露布措大健兒甯有種功成作吏勇且仁竹馬兒

童戀迎送三州風采在耳目廿年報最謹輿誦行年八十
背不飭浩然拂衣歸去來張蒼瓠白冠者舊黃霸功名虛
斗台隱然物望留餘笑指名山神未衰盪盪蒼天豈獨
厚浩浩白水傾醕耐在官去官一虛舟天半朱霞無宿雷
衡蘭湘茵佩續紛道氣熏人人沐漱揮豪餘事寄丹青寫
照家山入懷衷合與天涯作比隣權歌我亦乞閒身縣知
笑卓夔閒杖屨外不識元規塵
送楊未喬鏡會試以下甲午
君攬燕齊轡我留江漢閒高攀從日月深入未雲山情語
恆妨道年衰只合閒筑歌猶在耳努力澹時艱
齋中雜詩

詩十一

七

少壯名山游日日浮雲飛緒風吹之還雲是山疑非山林
歲時改倦矣雲忘歸
一默息人事哀樂亦有涯人在四序中涼燠盈我裏戶外
無所見忽忽忘山齋
齋中洗高梧夜落粲如雨往時倚樹人欵笑復何處琴材
世云多叩桐桐不語
北馬復南舟勞矣長安道往來浮渡江予亦何艸艸未能
讀且耕離憂以終老
椒髮倚危崖望我舟中人相慰兩不知殊疾同吟呻離居
祇一空語笑忘昏晨
浴竟一振衣灑然室生白數風送坐忘日墮忽云夕茗椀

有溫涼欲憶已時昔

荅戴同卿

豈有閒哀樂能於木石侵天空猶一室雲倦亦無心白首
新如故青山後視今歸人匿徂暑失恐怨秋霖

題耦耕圖

費吧懷畫送
繆筱珊出都

如畫家山好清時亦耦耕天涯多倦客不獨爲尊羹流水
春亾恙浮雲遠自平川歌相應禽莫是舊吟聲

展重陽日同人滄鞠燕集二首

同人爲高白叔子留子欵
汪子川楊雪漁陳藍洲

車轍掃城闌黃華就主人鞠通陶交語交亦紫秋賓不飲
持深酌東籬有謝塵醉歸君莫送月與夕陽鄰

若手植鞠
圖多異種

詩十一

八

暝色子雲亭籬蔦歲又馨勞歌同罷唱招意蚤忘形豔豔
霜盈酌蕭蕭鬢減青送秋忘去住珍重制頽齡
夕飲雪漁
幸艸亭
諸暨徐母二世雙節坊詩
徐職字且臥其大母
母二代苦節旌表
絲絲節母後必昌若可券風義釐女士默爲來者勸來者
君子人歛冰齊所願再世五十年炯此心一寸豈復信世
閒勃谿有頑鈍姑兮筠青蒼婦也蘭繾綣高節與幽芳曷
用造物怨富春山容古陵阜隔塵溷超然讀書堂令子筮
蜚遯山林乃養志華臚謝以良頤園樹恆春霜霰亾復恨
坊表凌霜高雙節邦爲憲越國尊寶書足徵此文獻
董母百歲徵詩
枯匏逸士室小匏隱君
母二孫文學有聲菽林
不須金石鍊仙形西越春長拜母庭三世高淸宜壽考百

年供養寄丹青華顛鏡寫留眞色樹背堂深集古馨細數
飴孫倚松下曾元又見剛朱苓

白華戒養補周詩正是黃華晚節知寰海冠裳臚

慶典德門寢膳絜良時栖遲有道茲同調榮落亾求水樂
飢上壽遠巡彤管煒捋髯笑問子期頤

詩十一

九

復堂類集三

詞一
菩薩蠻

綺窗香暖屏山掩
翠華半照愁蛾斂
繡綫怯衣單
鵲鳴風雨寒
遠山眉翠薄
素艸輝珠箔
紅袖倚莖枝
亭亭三五時

象牀觸響釵梁鳳
嬌鶯喚斷春閨夢
裙衩映垂楊
曾驚游冶郎
一從春色去
玉貌渾非故
夫婿是浮雲
愁風愁水頻

深宮柳色慵眠起
章臺夾道車如水
付與可憐春
房權藏玉人
綠苔綠砌上
燕啄銅鋪響
殘醉醒還迷
迷門前聞馬嘶

詞一

朱絃掩抑聲如訴
鈿蟬金雁飛無數
人去幾時回
行雲何處來
畫闌圍曲曲
敲折搔頭玉
莖老鬱金堂
閒熏沈水香

長亭怨慢 霜楓漸盡書和廉卿

又消受江楓低舞
幾徧清霜落紅盈
路返照蒼茫亂山
憔悴黯無緒
悵莖吹絮曾日送
春風去往日倚樓
人早領略
芳容愁苦
薄草望昏雅宿
雁卻向隔城煙樹
長亭載酒道休負
別時言語記得是
荳蔻梢頭怕回首
尋芳前度柰一响
停車林際葉聲如
雨

醜奴兒慢

晴雲做暝如睡
寒山初醒尚留得
婆娑衰柳忍記
青青幾

點蘆華誤看飛絮
化浮萍霜林深處
殘紅未了一樣
飄零

淺水渺茫畫船
歸後簫鼓都停
問吹笛樓頭人
去記否
丁甯省識春風
踏歌扶醉上湖
亭而今依舊青
衫中酒落照西
冷

摸魚子

悄無人繡簾垂地
輕寒恻恻如許
東風送暖衣纔
卸還又繞樓疏
雨春好處怕落
了梅華便算青
春暮紅兒笑語
道薜荔牆根秋
千索下芳草綠
無數天涯遠不
斷行雲去去征
鴻歸計休誤紅
橋雙屐芹泥滑
寂寞踏青游侶
從聞阻任折柳
聽鶯年少判虛
度懷人正苦更
卷起重簾蕪煙
漠漠斜日暗南
浦

詞一

清平樂

東風吹徧穉柳
垂青淺雲樹
朦朧千里遠
望見高樓不見
樓前塞雁飛
還愁邊多少
江山忍把棉衣
換了玉梅華
下春寒

青衫溼

春來未有晴時
候風雨閉重門
今朝折柳明朝
飛絮幾箇黃昏
一鏡上了簾前
瘦影銷也無魂
青衫溼處看來
卻似點點啼痕

湘春夜月

忒迷離幾番風
雨莖朝賸有一
片芳塵渾望斷
紅橋燕子繞梁
飛遍為怕伊
憔悴替壘香巢
早長亭折柳天
涯盡處

春去難招 空階夜色彎彎月冷羅袂飄飄天末風生吹
皺了浣紗溪水濺上天桃一襟紅淚照往時鬢影蕭條算
此際有愁人似我朱樓縹緲無寐吹簫

雙雙燕

綠陰詞同廉卿作用梅溪韻

漸華事了數寒食清明斷紅香冷人家綠暗曉樹後堂枝
並行到荒臺廢井正天氣陰晴難定闌干竟日沈沈鏡裏
雙鬢留影 幽徑羅衣露潤怪葉底聲圓乳鶯輕俊草郎
歸也莫是暮雲催眼剛許眠琴坐穩算分付尋芳音信嬌
病最怯春寒雨過瑣窗還凭

蘇幕遮

綠窗前紅燭底小撥檀槽月盪涼煙碎夜靜銜杯風細細

詞一

三

吹上羅襟仍是相思淚 病誰深春似醉陌上桃華門內
先憔悴夢到高樓星欲墜零露無聲冷入空閣裏

青門引

人去闌干靜楊柳曉風初定芳春此後莫重來一分春少
減卻一分病 離亭薄酒終須醒落日羅衣冷繞樓幾曲
流水不曾留得桃華影

南浦

杯行漸盡便天涯芳草送征輪此去看華得意休念酒邊
人不是馬前風雨是臨岐別淚灑紛紛只依然雲樹無多
煙水一樣動離魂 我是近來消瘦最慊慊傷別復傷春
怨殺浣紗溪水不照舊羅裙日暮歸鴉飛盡賸河橋獨立

病中身問翠衾何處綠蕪無語已黃昏

洞仙歌

闌干濺碧疊苔痕多少芳樹陰陰斷嗁鳥記簪榴日暖折
柳風疏妝鏡畔斂袖愁蛾淡掃 陌頭新燕去煙雨無情
遮斷香車往來道徐起拂青琴絃上塵生憑傳語知音歸
早怕此去秋聲滿江亭賸把酒登樓亂鴻衰艸

滿庭芳

華是將離曲成憐子心情不似當年桃笙選夢綠酒說從
前滿地蘿陰似水無人到闌艸闌邊風初起池萍點點搖
蕩不成圓 聞蟬楊柳外乍調脆管半澀新絃試重問齊
宮舊事誰傳消受晚來風露離亭樹淡欲生煙聲徐歇高
樓微月翠袖隔重簾

詞一

四

浣溪紗

昨夜星辰昨夜風玉窗深鎖五更鐘枕函香夢太恩恩
簾閣焚香煙縹緲闌干擡笛月朦朧碧桃華下一相逢
好事近

華入畫屏秋華外夕陽倏憊高柳病蟬嘶起卻晚晴時候
酒邊知是笑嗔難風味記新舊獨掩盈盈畫扇忍伴人
消瘦

蝶戀華

庭院深深秋夢斷玉枕新涼雨氣和愁亂一炷鑪香燒漸
短空房無語芳心頓 小膽惺忪誰是伴瘦到支離病比

季季慣眼底朱闌千里遠西風幾點南飛雁

角招 荷華

近來瘦還如蘸水拖煙漸老隄柳欲尋雲際岫盪槳采菱
多刺傷手悲秋病久看褪盡紅衣蓮畝昨日柔香縹緲有
三十六鴛鴦向華前低首 空有抱香兩袖江南信息爭
唱新詞秀翠盤珠乍溜細雨微波重來時候登樓念舊歎
綠鬢消磨尊酒莫遣簫聲更奏怕雙淚濕青衫人歸後

采桑子

闌干一夜霜華重夢墮寒煙鬢老秋蟬菡萏香殘似去年
朱顏總被尋常誤等柱慵拈簾幕依然碧樹當樓更可
憐

詞一

五

浪淘沙

欄檻雨絲柔錦樹當樓芙蓉零亂作深秋不信浮雲從此
去都是離愁 酒盡算江頭怕聽篴篥青袍多少淚痕留
殘月杏華簾幙下往日風流

更漏子

酒杯停人語細月午繡簾垂地收玉鈿卷羅衣海棠憔悴
時 清漏斷迴腸轉誰道秋宵更短纔半晌又三更疏鐘
聞雁聲

鷓鴣天

城闕煙開玉樹斜幾重簾幙醉流霞并華曾照翩翩袖巷
口疑聞隱隱車 芳艸地玉人家女兒生是斷腸牽西風

只在高樓上吹澹文窗舊日紗

芳艸 送別

問西風玉階芳艸門前便是天涯驪歌聽唱微漫持殘酒
淚滿金杯羅衣親拂拭戀餘香曾入儂懷暫握手恩恩不
語斜日樓臺 頻催滿堂絲竹離亭畔恁許徘徊登車還
在眼玉容憔悴損首莫輕回銀屏人寂寂有年時明月重
來算此後翠衾夢斷亦疑猜

蝶戀華

樓外啼鶯依碧樹一片天風吹折柔條去玉枕醒來追夢
語中門便是長亭路 眼底芳春看已算罷了新妝祇是
鸞羞舞慘綠衣裳季幾許爭禁風日爭禁雨

詞一

六

下馬門前入似玉一聽班驩便倚闌干曲乍見迴身蛾黛
蹙泥他絮語憐幽獨 燕子飛來銀蒜觸卻怕窺簾推整

羅裙幅語在修眉成在目無端紅淚雙雙落
抹麗柔香新欲破為小團欒暗數盈盈朵睡起鬢邊低漸
墮鏡前細整留人坐 卻換羅衣憐汗顆不喚紅兒自啟

歲華鎖一握鬢雲梳復裏半庭殘日恩恩過
帳裏迷離香似霧不燼鑪灰酒醒聞餘語連理枝頭儂與
汝干華百艸從渠許 蓮子青青心獨苦一唱將離日日

風兼雨豆蔻香殘楊柳算當時人面無尋處
庭院深深人悄悄埋怨鸚哥錯報章郎到壓鬢釵梁金鳳
小低頭只是閒煩惱 華發江南年正少紅袖高樓爭抵

還鄉好遮斷行人西去道輕軀願化車前艸

玉顏妝臺人道瘦一日風塵一日同禁受獨掩疏櫺如病酒卷簾又是黃昏後六曲屏前攜素手戲說分襟真遣

分襟驟書札平安知信否夢中顏色渾非舊

金縷曲 江干待發

又指離亭樹恁春來消除愁病鬢絲非故艸綠天涯渾未徧誰道王孫遲暮腸斷是空樓微雨雲水荒荒人艸艸聽林禽祇作傷心語行不得總難住今朝滯我江頭路近篷窗岸華自發向人低舞裙衩芙蓉零落盡逝水流年輕負漸慣了單寒羈旅信是窮途文字賤悔才華卻受風塵誤留不得便須去

詞一

七

東風第一枝

省識華風驚回夢雨輕寒恰又輕煖斷魂紅袖香殘半醒翠尊酒淺空階竹影又訝是青袍微展鎮故園數點幽花欲寄一枝人遠從別後帳中淚眼知憶否樓頭素面慘悽曉鏡孤鸞冷落舊巢旅燕虛簾鉤起有一片柔腸同卷便好春過了江南怕過往時庭院

賀新郎

離思無昏曉不分明東風吹斷舊時顰笑疏雨重簾煙漠漠花色雨中新好又只怕人隨華老珍重乍來雙燕子問玉聽何處嘶芳草腰帶減更多多少春衫裁翦渾拋了盼長亭行人不見飛雲縹緲一紙音書和淚讀卻恨眼昏字

小兒說是天涯春到夢倚房櫺通一顧奈醒來各自閒煩惱知兩地怨嗟鳥

長亭怨

看春老飛華飛絮燕子來時綠窗朱戶不浣閒愁漫煎離恨奈何許妾魂銷矣最恨是沙頭樹相送客舟行卻不道天涯從此欲算想征衫乍解雙袖淚痕無數玉環錦帶是纖手背人親付算此後步步關情似華發空階無主更不遣分明淒斷柔腸一縷

浣溪紗

舟次吳門

五十三橋未是長水流不斷似迴腸弄風帆影過吳江玉枕啼痕猶昨日翠樓人語已他鄉真愁強笑費商量

詞一

八

蝶戀華

柝子華殘蝴蝶瘦鏡裏晨昏總是愁時候夢到江南人在否斷魂付與青青柳過盡春風三月後門外斜陽馬上休回首私語難忘今日酒玉闌干畔攜雙袖

鷓鴣天

綠酒紅燈漏點遲黃昏風起下簾時文鴛蓮葉成漂泊白鳳桐花有別離雲澹澹雨霏霏畫屏閒煞素羅衣腰支

破陣子

泊舟見官柳一株亭亭如蓋感賦此闕

紫燕黃鸝寒食綠窗朱戶清明簾幙尙留飛絮影衣帶誰聞拜月聲畫闌攜手行野水臉波添滿遠山眉黛同青

題作人閒端正樹驛路斜陽一片明西風容易生

解連環

後堂春晚背紅鏡影裏酒寒人散自卷幔別淚闌干正斜
月輝輝斷雲天遠半晌假儂怎便是三更三點歎從今只
有妝臺鏡子照人心眼 回頭歲華荏苒記無多笑語總
添哀怨謾付與約指雙環問何日題詩定情相見繡幄香
泥好護惜明年宿燕待蕭郎白馬歸來絮飛滿院

相見歡

往時幾度春風過恩恩最苦今年人去落花紅 月如水
光千里與誰同一樣翠衾香冷枕函空

踏莎行 畫柳

詞一

九

玉樹微寒瑣窗宿雨分明夢到閒庭宇一重簾幙對西風
離愁不斷浮雲去 來雁驚秋吟蛩向暮江鄉景物還如
許幾番殘月又新霜當時折柳人何處

浪淘沙

楊柳算蕭條風雨瀟瀟別時春水滿河橋幾日江南鴻雁
到燕子辭巢 玉樹向人凋角枕無聊嗟痕新舊總難銷
樓上黃昏簾不卷明月今宵

虞美人

天風吹落樓頭月客鬢生華髮枕函迷夢醒還空帳外一
星燈穗吐微紅 書來猶澆封時淚留得相思字江南芳
艸又逢春祇覺一般春色不宜人

河傳

樓畔輕喚鬢低垂欲語含羞語遲送郎出門郎馬嘶相思
夢回儂未知 難倩征鴻傳我意情似水空灑無名淚畫
鴛鴦更漏長殘妝君眠何處牀

鳳皇臺上憶吹簫 和莊中白

鏡掩虛塵枕寒別淚綺窗暗換春風悔翠眉輕別華月恩
恩問訊趙家姊妹看擁髻都是愁中雙棲燕雕梁在否容
易相逢 重重故山望斷有一片飛雲曾度牆東想倚闌
無語玉袖嗁紅不分銀笙吹冷調怨曲銷損芳容春依舊
天涯斷腸人去房空

江城子

詞一

十

江城垂柳一枝枝別君時日遲遲不道東風又是隔年期
霧鬢雲鬟憔悴損除鏡子没人知 小樓華發故人非送
斜暉信音稀有恨無言明月上羅幃金鴨香殘鴛袖冷剛
許道莫相思

甘州

問蕭條底事走天涯席帽拂黃塵又當筵紅燭金尊中酒
惆悵逢春回首花幡綵勝嬈嬈倚樓人一別高樓去日日
含顰 況是物華輕換望長安不見宵夢難真便明年人
面雙笑恐無因悔從前天寒羅袖倚嬌柔只是少溫存思
今夕掩盈盈淚幾處銷魂

詞二 復堂類集三

綺羅香 白蓮

具月依依非煙脈脈獨抱愁根遲算一片行雲爭許妙香
留住驚夢醒返照當樓聽歌起擢舟歸浦鎮相憐病榻維
摩拂衣正在葦深處 飄零人事盡改休唱田田舊曲江
南樂府遠水生秋消受和煙和露憐往日羅韞凌波願化
身瞻餅深護恁禁得搖蕩真圓銀塘連夜雨
南樓令 羊辛榴花窸吹笛圖

岸柳晚颺颺餘酣漱碧流卻臨風三弄倚輕舟吹得月華
如水冷有多少古今愁 一雁度南樓闕山首信休憶春
風葦影簾鉤曾是羅襟曾是酒渾不似少年游

詞二

眉嫵 梅華洲小泊寄趙桐孫張玉珊杭州

看霜棲柏樹風約蘆碕舫小橋暝屈指芙蓉老冬心誰
寄香訊斷霞記省料輕鴻曾照雙影更堪想一角朱樓小
畫眉遠山靚 趙北張南門徑羨買鄰計好沽酒邨近約
略紅裙醉鴛鴦曲琵琶彈到絃冷汎舟路穩問榜人消息
應準卻洲畔梅開歸趁春風未醒

尉遲格 西湖感舊周韻同潘少梅丈作

平隄路正落照欲下城頭樹離離草色城陰前日鉤車來
處東風宛轉吹不醒離魂夢南浦卻相逢柳外黃昏送他
雙燕歸去 回頭海國浮雲難忘是園林坐石萍聚唱徹
家山渾蕭瑟話幾許零歌斷舞如今又江深艸閣但添得

巴山一夜語問飄來甚處簫聲倚樓應是愁侶

湘春夜月 今年春初辭先生借泰觀察楊太守送吳少宰
于超山有梅邊送客圖紀事予以五月九日之

官秀州雨後過山下
梅林陰陰感賦此解

度芳洲綠波碧艸茫茫便覺一片春情分付與離觴人在
萬梅華下耐幾分風雪有幾分香卻畫橈載酒郵亭折柳
別緒方長 青袍似艸飄零詞筆禪鬢蒼蒼玉笛聲中吹
起了戀香雙羽華落江鄉修眉鏡閣等甚時重照梅妝算
再到只空枝月影宵深漏斷還上船窗

一萼紅 吳山

黯愁煙看青青一片猶誤認眉山葦發樓頭絮飛陌上春
色還似當年翠苔畔曾容醉臥聽語笑風動畫秋干一曲

詞二

琴絲十三箏柱原是人間 細數總成殘夢歎都迷蹤跡

只有留連劫換紅羊巢空紫燕重來步步回旋儘消受雲
飛雨散化胡蝶猶繞舊闌干不分中年到時直恁荒寒

憶舊游 九月八日紅豆詞人自禾中來踐登高約越日大
魏滋伯丈楊綱士重九唱和壽樓春詞
回頭影事已墮秋煙兼道山陽之感矣

正瀟瀟風雨漠漠城闌如此重陽負了尋秋約怕登山臨
水楚怨微茫廿年舊游蹤跡分付與衰楊算省識當時六

朝裙展九日壺觴 秋涼綺懷減想似水僧寮潤到衣裳
各有看花淚黯青袍顏色冷落餘香一任晝陰陰地愁雁

語昏黃待洗出秋容明湖寸碧西子妝

金縷曲 唐郡月夜懷勞平甫

木葉飛如雨繞空舟惟聞闌浪悄無人語蓬背新霜侵衣
袂冷壓缸華不吐料此際微吟閉戶三徑蕭蕭蓬蒿滿記
從前裘屨歡難補春去也惜遲算 飄零我亦泥中絮歎
明明入懷月色夜深還去芳艸變衰浮雲改況復美人黃
土算生作有情原誤莫倚平生丹青手看尋常顏面皆行
路哀與樂等閒度

霓裳中序第一 拾雲小築梅夢初發尋春未遲

細英展凍歷二月春風初著力江上薜蘿弄色好盪箇吳
船試迎桃葉絲絲雨溼傍小池籠影清徹人清瘦乍調鷺
語幾點上妝額 清絕舊游曾識看參橫玉梅如雪移根
孤嶼拂拭倚竹生寒羅袖岑寂一枝親許折問三店雙橋

詞二

三

信息歸來蚤商量眉黛留取夜闌說

虞美人

柔塵吹閣絲鞭道繡轂知多少玉河柳色又今年消受飛
翠飛絮晚風前 斜易只合遲遲下我已魂銷也殘妝有
鏡更無人留得鏡中小影自溫存

霞明煙細還如舊只覺桃華瘦有風無雨過清明慣了天
涯不慣杜鵑聲 玲瓏格子鑑香囊只共梨華笑儻教吹
笛影兒雙多謝四更山月照幽窗

點絳脣 臨平道中

側帽東風輕撓剪斷朝來雨去年客路愁聽車鈴語 黛
色臨平影作眉痕聚春如許玉人心緒恐被眉痕誤

謁金門 春曉

人未起聽盡一湖春水林外杜鵑聲不已杜鵑華發未
多少深閨羅綺臨鏡不勝悲喜華發遲遲華落易留春須
蚤計

山華子

曲曲銀屏畫折枝檐華欲笑向伊誰樓上輕寒羅袂薄最
相思 頻拂粉絲鸞鏡暗乍調筠管鳳簫遲綠鬢裏回渾
不是少年時

門外蕭郎駿馬行章臺初日踏歌聲妝閣夜長金穗落未
分明 黛掩嗔眉山隱約笙調怨曲玉瓏玲胡蝶夢中單
枕側不須驚

詞二

四

望江南

東風路如畫是家山艸色卻隨流水綠夕易只在有無閒
燕子話春寒

羣犯 唐郡梅華林下作

倚東風看羣霧冷芳心付流水去帆陰裏望暮雨朝雲無
限離思弄珠負了韶年紀前歡猶賸幾恁記省半江顏色
嬋娟相料理 無言繞花易苦昏依稀認窈窕文禽煙際
仙袂舉疏枝外不禁憔悴漣漪碧晚來照影春夢好憐他
鴛喚起但領取玉樓鬢笑寒香生翠被

洞仙歌 初秋

楊枝弄碧繫天涯心眼幾日涼風便零亂畫橋邊一片流

水無聲人獨立算角將愁吹斷 春塵煙雨裏如夢幃
曾拂檐華笑相見我已厭聞歌玉遂蒼涼又吹起十年清
怨問采采夫容隔西洲卻樹下門前爲誰留戀
西河 周美成金陵詞韻題片劍侯江上春歸圖

江上地長亭艸樹猶記夢回故國渺鄉心斷鴻喚起萬方
一槩聽笳聲煙波來去無際 耿長劍何處倚楊枝渡口
船繫烏衣巷畔有春風晚蘆故壘倒吹淚點上征衣知他

江江淮水 女牆夜月過小市照飛蓬歸來千里往事幾
回塵世只龍蟠虎踞山形依舊還枕酒浴寒流裏

最高樓 金釧老煙雨尋鷗圖卷中有王定甫通政陳實菴
編修蔣鹿潭大使宗湘文郡守及翁老唱和詞
煙雨裏脈脈只悲秋風片薄酒波柔綠楊不是靈和樹白

詞二

五

頭重上采菱舟百年身千古事一登樓 春去也倡條和
冶葉人去也斷雲還缺月涼別袂觸鄉愁相逢客路如南
鴈欲尋舊夢問閒鷗賸華年與流水兩悠悠

蝶戀華 水香菴餞春

零亂楊枝千萬縷今日爲萍昨日還飛絮禰鬢絲春又
去東風不伴閒華住 幾點繞簾梅子雨潤到屏山畫箇
江潭樹門外天涯芳艸暮眉顰深淺渾無語

南歌子

不煥臨分帶羞調已碎琴當時情竭爲知音憔悴青山何
況舊羅襟 黃月如冰冷銀杯借淚深少年景事總銷沈
只有微波來去到而今

瓊窗寒 連夕與子珍步月秋心眇懸感賦此解用玉田韻

淺酌吟香單衣卻爛畫闌同凭虛幃卷起月上一庭花景
問何時羽衣舞殘玉樓遠憶人閒冷恁無端葉底新霜不
管井梧飄盡 苔潤尋芳徑使涼收翠扇燠餘金鼎含情
寫怨誤了弄潮音信正閣中秋夢不成彈鬢海棠華下等
傍妝臺鏡子團樂天涯歸未穩

齊天樂 許邁孫賁夢會填詞圖

瓊窗朱戶尋消息明蟾與華俱瘦病榻玄談柔鄉景事曾
付青春消受微波似舊問前度通辭箇儂知否老卻夫容
晚鴛獨自戀珍偶 輕颺罷吹暗牖曲終人乍去離緒拖
逗遠水長東殘雲漸暝笛裏情濃如酒閒吟醉後只煙外

詞二

六

迷離故園楊柳便不相思隊歡何處有
浣溪紗 樊雲門詞卷

別院東風著意吹晶幃不卷雨霏霏等閒過了牡丹時
花外燕鷺猶旖旎酒邊箏笛沒參差道人原不解相思
記得華年是鏡中背燈人面隔華風天涯只在桂堂東
不語任佗瑤瑟冷回頭已是畫屏空十年影事忒怱怱
綺羅香 題李愛仙戶部沅江秋思圖用梅谿韻

艸瘦芳心柳迷倦眼回首佳人遲暮一片愁魂還被水雲
留住思故國不隔西風柰離緒尚縈南浦最憐佗松柏同
心往來寂寞鈿車路 清秋江上望遠祇恐回帆浪急公
今無渡霧失峰青蕉萃鏡中眉嫵垂翠裏人憶當年倚簾

牀夢醒何處思禁得彈冷箏絲瀟湘和雁語

一夢紅 愛伯桃華聖解庵填詞圖

書陰陰待題箏昵酒華髮謝冠簪歌管東風星霜別夢前
事都付銷沈黛眉淺厭厭睡損又喚起簾外怨春禽杏子
單衫梨華雙鬢愁到而今 猶有平生詞筆只空枝細艸

日日傷心木末關河雲中殿闕風雨無伴登臨願重倚如
人寶瑟數絃柱芳歲共侵尋記得班駘繫門一寸花深

長亭怨 燕臺愁雨和陶子珍

恁愁緒鷓鴣嗁冷滑滑天街雨昏煙暝潤到單衾幾時成
夢幾時醒蚤蟬聲靜偏獨自偎金鼎裏一縷餘香仁記得
渠儂燒臉 卻恨者珠歌翠舞付與曲廊人定妝臺鏡暗

詞二

七

記曾照月痕星影向客舍泄漏輕塵鎮蕭瑟與君同聽便
去也吳孃休唱一般思省

二郎神 清秋夜集人月如畫當歡欲愁

吐雲華月便墮作鏡中嬌面正玉樹煙迷香蘭霧細賺得
柔情似繭素扇攜來團圓影有幾日輕涼相見思淺綠酒
波低紅鏡穗儘容留戀 聽徧晚樓倚遂不勝淒怨但婉
變清歌碧天如水一片梁塵在眼寶瑟比人春華同笑芳
景怕成秋苑還只恐後夜風風雨雨畫簾愁卷

解語華 陶少質珊簾試香圖

華樓寶蕊酒醺香波妙豔相思句卷簾微雨鑪煙裏小坐
遊人不語柔繫澹泞在幾曲銀屏深處清夜游微步珊珊

散滿車塵路 我亦鳳城小住好沾蘭染席姚冶游侶分
囊傳吧都銷冷但有燠心一縷秋情未算更繚繞月魂疑
霧襟裏寒攜向天涯留舊痕如許

臨江仙 紀別

昨夜酒闌人未見玉郎從此天涯清秋倦客正思家十年
景事回首夢京華 不分車前重握手柔腸結了還加噓
痕欲寫臉邊霞無言強忍怕染路旁華

大江流日夜空亭浪卷千里起悲心問華華不語幾度輕
寒恁處好登臨春旛顛裏憐舊時人面難尋渾不似故山
顏色鴛燕共沈吟 銷沈六朝衰展百戰旌旗付漁樵高

詞二

八

枕何處有臧雅細柳繫馬平林釣磯我亦垂綸手看斷雲
飛過荒溲天未暮簾前只是陰陰

謁金門

人寂寂江北江南春色繞樹輕煙迷倦客煙中山半額
榆火梨花時節獨自怎生將息簾外弄寒風又急子規聽
不得

空繾綣休認當年人面雨雨風風渾不管落花飛滿院
付與清明魂斷折得楊枝還短樹下門前千里遠出門儂

又嬾

煙雨裏十二闌干慵倚飛絮飛華人似醉生憎江上水
檢點羅衣殘淚帶眼莫將春繫夢短夢長渾不記餘寒憐

翠被

桂枝香 秦淮感秋

瑤流自碧便作就可憐如許秋色祇是煙籠水冷後庭歌
歇簾波澹處留人景裏西風數聲長笛絲旗船舫華燈鼓
吹無復消息 念舊事沈吟省識問曾照當年惟有明月
拾翠汀洲密意總成蕭瑟秦淮萬古多情水柰而今秋燕
如客望中何限斜易衰艸大江南北

法曲獻仙音

蓋屋路山甫罷官客淮上

高柳無絲么荷非鏡賺得春人都老坐斷斜易夢回行雨
殘英有枝空繞凝望眼江波渺離尊那堪倒 渾閒了恁
妝臺入時梳裏聽杜宇簾卷總成獨笑風雨滿天涯柰而

詞二

九

今眉黛慵掃怕損魚鱗寄音書流宕難到問樓頭月色後

夜隔華涼照

鵲橋仙 七夕感汾陽故事

羅雲愁薄緒風催莫燭照擎杯酒淺絳河森森向人垂是
別淚經季流滿 江湖節序睽離心事忍記星期近遠尋
常行路更何人問可有輶車相見

大酺 問政山中春雨

看舞榆低絲楊綰爭忍良辰拋擲無端敲竹雨響空階疑
是故人雙屐枕溼鑪寒杯空劍鏞吹鬢東風欺客勞勞亭
前路便傷心不似少年時節者人遠多忘書催難好付渠
憐惜 泥塗遙望極望中見山外天空闊怕說與鷺兒巧

嘯蝶子輕翻待相逢翠幃將息煖到雙羅袖曾記得牽蘿
顏色更長笛誰吹徹梅瓣都墜容易細英收拾脆圓幾時
薦席

玉樓春

青山日日流鸞語曉得春來春又去好雲不似故鄉多行
雨依然相送處 樓臺金粉江南路欲寄相思無處所清
明霧裏溼梨華寒食煙中迷柳絮

木蘭華慢

桃華

過風風雨雨尚留得一叢華便欲舞還停如顰又笑巷曲
人家胡麻賺儂老去者仙山一出是天涯消受趁時勻染
靨邊片片朝霞 交加照水一枝斜鬢影誤年華記渡江

詞二

十

用楫停辛佇苦別夢都差丹砂漫尋句漏向紅塵何處走

雲車只是輕衾小簟從渠玉管金笳

浪淘沙

未雨已沈沈簾外輕陰澹黃柳色望中深一片東風吹乍
起江上愁心 倦眼阻登臨袖手閒尋雲愁海思兩難禁
百艸千華渾不解獨自沈吟

浣谿紗

是處樓臺是處風夕易欲下可憐紅水晶簾外望玲瓏
芳艸生時人似鴈鏡匳掩處鬢如蓬不成將息只恁恁
大酺

柰枕常敲裘常擁愁病桃華時節紅芳原不改過蕭蕭風

雨閣銷顏色燕妮鴛鴦梨唇柳暝哀樂何曾忘得驚心長
亭路但春泥沒馬要留車轍便山欲化雲絮都成淚怨離
傷別 年年挑菜日怕多露門外青燕溼有幾許瑤琴餘
恨淥酒餘歡到而今總成追憶更與吹橫玉還弄微落梅
淒切正迢遞斜易驛嘶騎遙駐人在江城天末倚樓忍聽
幾疊

訴衷情 柳燕

梨華澹白自成邨華下不開門春愁更與誰道憑燕子語
黃昏 簾仁卷覺巢痕與銷魂問伊來處綠艸天涯有箇

人人

丁香結

舟夜寄陶漢遼武昌

詞二

七

妝鏡人非屋梁吟罷寂寞酒尊甚墅問少年游處記斷夢
幾輩天涯塵土千華和百艸同消受葉上曉露眉頭曾有
舊恨更遣新愁來補 岐路只馬足難留折柳長亭前度
小簾輕衾今宵酒醒試哦離句人世原有甘瓜我覺瓜仍
苦況班騅郎去心事何時再吐

賀新郎

野水用顧兼塘莊翁叔唱和韻

野水方清淺拂蓬窗莫雲如蓋一痕流電昨日牽舟今帆
下絕似風前華片慚愧殺紅襟新燕楊柳層層深似幄笑
闌中坐老閒鍼綫春夢好那堪遞 絲絲絮亂征衣點化
浮萍依然身世者番驅遣玉笛閑飛人何處冷落舊家閒
院更誰倚寒鴛雙扇秦女但留顏色在待逢他簫史開生

面天一笑雨聲徧

百字令

和張樵野觀察題倪雲劬花陰寫夢圖

雲英爲水蕩春魂一片落花浮席鸚武簾巢人在否屬付
東風留客雷送車塵月裁扇景容易雙成隻美人香艸百
年難忘 去 今夕 見說墜夢迷離游仙大小樂府翻新拍
多少相思紅豆樹未抵明珠三百種柳光陰牽蘿身世付
與誰憐惜千絲織盡支機天上餘石

小重山

二月二日同馮笠尉江皋春行

陌上依然艸色薰柳絲猶未卸雨如塵相望珠箔一年春
江城畔無地展芳尊 桃蕊雨三分竹籬茅舍外乍含顰
少年何處醉紅裙風光好留與白頭人

詞二

七

瑞鶴仙影

白石客合肥自度此曲子用其韻題王五謙齋小欄川圖安得亞筆粟倚之

越阡度陌涼雲下蕪城一例蕭索故山可隱名園有主不
聞殘角傾襟未惡更消受青尊酒薄試重歌藍田輞曲冷
句寫宋 平 漠 回首芳林晚讀畫絃詩少時行樂翦燈細
雨賸檐華向人徐落燕到淮南者門巷年年記著弄扁舟
卻問野水賦舊約

摸魚兒

用稼軒韻自題復堂填習圖

唱滿瀟瀟城朝雨輕塵多少飛去短衣匹馬天涯客遙見
亂山無數雷不住又只恐飄零長劍悲岐路舊時笑語待
寄與知心被風吹斷曉夢託萍絮 瑤琴上曲調金徽早
誤淡宮人復誰妒一絃一柱華年賦但有別情吟訴鶻鶴

舞已艸艸青春紅裏歸黃土斜陽太苦獨自上高樓迷離
望眼不見送君處

壺中天慢 夏夜訪遺園主人不遇

眉痕吐月倚新涼羅袂涼雲栖暝楊柳知門塵不到記取
羊求三徑墨石生秋餘華媚晚何地無幽景先生舒嘯結
廬祇在人境 我是琴賦嵇康依然病嬾卽漸忘龍性畱
得廣陵絃指在無復竹林高興裁製荷衣稱量藥裏况味
君同領清輝遙夜碧天飛上明鏡

無悶 早雪

雲霧銀屏風滿畫檐陽鴈宵飛向盡卻夢枕猶欹酒懷初
醒早是鏤冰試手送大地無塵山河冷苑荒竹瘦聲聲碎

詞二

三

玉雀眠同警 淒緊在入境比臥老空山一般孤迥已誤
了華季那堪重省吹上蕭蕭短髮怕鏡裏難銷相思影儻
故里畱語春風待我落梅芳信

滿江紅 漢十二辰鏡和謙齋

天上人間難得此長圓明月羌付與舞鸞羞影涼蟾慵鬪
耐冷不隨孤劍化拂塵渾似輕綃滑更扣來碧玉一聲聲
眞尤物 興亡過情先竭文字古磨還滅喜沈羶無恙尙
方珍跡十二辰中鉛有淚千季劫後鴻畱雪柰鏡邊心事
笑嘯難何堪說

習三

復堂類集三

浪淘沙

芳意久闌珊病臥江關綠波芳艸疆留歡盼得春來春又
老如此春寒 風雨夏漫漫燭地香殘一聲笛唱念家山
庭院無人萼有淚孤負雕闌

金縷曲 和蒙未

招恨題襟集恁無端渭城折柳離歌三疊待我歸來猿鶴
笑杯酒難忘夙昔曾記得落萼如雪重向西園圖畫裏共
故人商略藏山業尋煙語一雙展 十季鄉恩南屏鮑怕
回頭秌林禱飲傷心非一天末涼風衣帶緩贏得蒼茫獨
立只舊雨相逢相惜結箇三休亭子好便討春結夏同將

習三

息知足傳點君筆

蜨戀萼 題瑞石山民畫蘭

林下水邊春欲去萼自忘言日日風吹雨幾几湘簾尋伴
侶天涯香艸渾無主 憔悴靈均曾作賦芳意如何離恩
朝還算回首卅季空谷路當時結佩人何處
風入松 用俞國寶韻題宗載之陌上尋鉤圖

游絲低縮錦連錢繫馬綠楊邊故人醒了當時酒風吹鬢
還旧從肯舊曲休調玉笛散波罷照秌干 江南容易落
萼天闌外夕陽偏博山卻是無情物難留戀一氣雙煙付
與絲絲長恨何時重見釵鈿
清平樂 用契機韻題籍樓延月補圖

谿光月洗樓上秌深淺鏡檻幽萼開落半情恩巷中徒滿

百季豔冷愁蒸卷頭點筆生涼飛過輕鴻片片波波舊

影難藏

臺城路 題何青和先生白門歸權圖

三山二水渾蕭瑟秌隨斷鴻來去玉佩甫塵觚棱昨夢吹
墮蒼煙淒楚萼開背檣指白下門前夕陽多處葉葉輕帆
客心搖曳遽如許 沈吟今雨舊雨記淮流月映歌罷金
縷故國周遭空城宋寔眼底滄桑重數西風問渡恁老倦
津梁柳枝非故畧筆依然寫愁無一語

卜算子 同卿屬題曼陀羅室遺景

鏡裏繞餘香萼落風無定流水依然傷畫闌不見徘徊影

習三

愁語墮蒼茫今日重恩省曲罷無聲侶有人祇覺梁塵

冷

干秌歲 海隅信宿旅倦游用少游韵示拙存太守竹潭
巖尹選園詩老時同客上海

曲闌干外肯度輕紅退疏雨斷散雲碎新愁慵攬鏡舊疾
難忘帶江水闊盈盈不渡空相對 意外同高會寒減西
園益好關取身長在夢中芳艸遠曲裏朱弦改畧影衣依
然明月生滄海

一萼紅 用選園韵志感

夢無痕記少季慘綠容易白頭人鏡影迷離萼陰瑣碎瓊
瑜結束鬢身便樓上下窺繡轂空盪漾日暮碧天雲悟後
成癡歡時又嬾澹處偏真 見說詩龍酒虎侶珠光照乘

劍氣通神佳俠嬋媿老仙遊戲絲絲沈水重溫任君笑林
逋冷落只空山抱煥玉梅竟已是江潭楊柳霜色如髮
氏州第一 東鄧石瞿四明

容易新霜樓偏岸柳青鬢照影都換簾拂牀虛塵凝鏡閣
依約妝樓晚晚肯度斜陽又冷照闌干西畔瑟柱分明琴
絲掩抑數聲來鴈 蕉萃江關須作逢好禪榻閒中排遣
樹老人肯雲先夢公說那堪畱戀向園林長望處數醒後
萼溪砌滿儻憶春肯本無萼簾葉罷卷

水調歌頭 瀟龍氏鏡為遺園賦

老淚向誰灑喚取鏡中人照殘今日哀樂閱過古來春持
此吉羊文字試問當時龍氏可有百季身光采一時發畱

習三

三

寫椒仙真 尙方製羅十二紀芳辰萼當葉對無恙先後
出風塵月在天邊圓缺珠有人閒離合好好伴脂痕莫問
笑曉事吾已謝冠巾

柳梢青

如此春風都來付與病裏愁中竹笑蘭言雲愁海恩細數
遭逢 先生坐老牆東看樹樹庭萼謝紅樓上箏聲陌頭
鞭影一樣恩恩

蝶戀萼

關外東風還侶舊生色眞香只共春消瘦小立心情如病
酒梨萼滿地慵回首 記想班騅人衣後薄醉孤吟無分
同禁受點點嘯痕垂廣裏夕陽又是愁時候

眞珠簾 題吳子述春眠風雨圖

參差畫閣燈昏了忒恩恩醉裏會眠芳艸艸色綠依稀染
淚痕多少鍼綫春衣尋舊迹傷枕函殘香猶繞休道者空
房心膽與卿同小 不分東風塵世伴孤吟只是青琴聲
杳樓外雨潺潺優萼隨人老一二三夏都數徧算祇有情
天難曉還蚤卻燕子梁閒何曾驚覺

六么令 寄題張韻舫眠琴小築

綠陰時候寒煖難將息遙山幾重遮眼芳艸向人碧不分
弦塵柱緩枝引都蕭瑟晚雲離席陽關休唱客舍楊枝俗
顏色 未老江關庾信文采畱南北試覓滄海成連別夢
憐風月道是天涯語笑付與閒箏笛玉琴橫邴垂簾罷鼓

習三

四

雨細煙深遲來客

妖霽 嘉善吳蜀鄉南湖妖汎畫卷

宵簾數涼望向曉汀洲晚柳顏色載酒游蹤讀騷心事遠
天雁程蕭瑟渡頭雨歇繞船一片殘荷碧有影拂蘋櫂水
樓嬌燕已如客 還念綺歲未折連枝秀盈南湖題句清
絕洩霞林餘颺送響隨流商調向人咽橫笛短簫渾宋宋
便討春衣一樣薄醉孤吟弄芳盟誓破愁將息

驀山谿 榆園詩葉多異品今季積雨萼晚霜遲涉冬三旬

如語仲冬五日主人招要爲滄英之會先一夕數雪時晴
喧之觴詠間曰欣懽主人許邁孫則曰身次萼肯一客也
同酌五人子譜
長短句紀事

宵來稷雪萬瓦畱餘紫裏衷訪疏香恁解萼須尋澹處一

層鏡檻淺黛映雙雙寒初度煠先太老倦春風路 如煙
綺夢聽罷霖鈴雨不爲折菁難爲招子東籬舊侶人間縱
好珍重看萼辰天付與尊徐舉簾外輕陰暮

滿庭芳

和王六潭

去住風蕩東西溝水季季小簾輕衾艸如青鬢不任曉霜
侵乍可梨雲柳霧嘯鸞破影事重尋持杯聽春人漸老香
夢已銷沈 端陽今日是況逢長至慵醉孤斟卻行來楚
澤吟徧騷心海上初生明月天涯照幾處羅襟襟前澆酒
痕和淚淚比酒痕深

瑞鶴仙

吳梅隱眠鶴盦

蚤霜侵薄鬢侶化鶴當季翔歡嘯恨山空賦招隱好牽蘿

書三

五

谿上風輕露冷襍裊息影卻付與新巢夜永趁人間骨相
憐肥換了黑甜幽境 還省菜雲迢遞倚笛高寒倦飛多
警子懷忍俊同龕待習禪定恁林逋多事巖蔘掛落又喚
游仙夢醒伴先生獨舞婆娑不曾睡穩

醉太平

萬禰民空矜詩息圖

恁輕夢輕風聲水聲孤舟小泊空矜正夏殘酒醒 今情

古情長亭短亭竹枝贈與湘靈續離騷未成

眉嫵

用白石戲張仲遠韵東邁孫

正茶蘼香輾棟子風斜畱取看鸞眼陌上樓頭夢停柝翠
珠巢遙待歸燕笑言款款閒阻淡儂汝同感算渾似一片
行雲墮入懷抱重煠 何限襟情蕭散有豔分等藥柔弄

書翰曾乞銀河巧回文字輕帆來繫津纜曲中試點倚隔
簾琴韵幽遠恁禁受文君弦解語笑相見

金縷曲

題雲龍軒主瑤臺小詠

我已飄雷後向天涯何堪重憶鳳城尊酒不分推排成老
輩恁許鬢髮依舊休采擷江南紅豆誰說芭蕉堅固樹只
生生種得相息穀詩句在故人口 君知作達觀空否問
往日雲愁海恩先生烏有一劍季季磨不厭潦倒健兒身
手空贏得萼嶺斂衷書札長安都冷落怕西山也侶人消
瘦堆案是楞伽咒

虞美人

題李香君小象

東風冷向萼枝笑轉眼萼枝老澹煙依舊送南朝畱得美

書三

六

人顏色念奴嬌 天涯一樣文章賤公子時相見酒杯傾
與隔江山山下無多楊柳不堪攀

古香慢

爲胡研樵題桂萼畫扇

翠鏤片玉黃唾露芬煠信江浦等是林亭倚到涼煙薄算
不分伴孤吟尙畱得淒蛩倦羽絡玲瓏寄向萬里裏熏味
卻辛苦 夏縹緲蓬山何處娥景高寒國香無主老質不
平眠起粟肌消誰誤翦翦紫羅裳算同瘦瑤階宿露弄金
風又如墨竊雲飾雨

小重山

用定山堂韵題顧橫波小象

人與江山并是柔六朝新樂府夢南游玉梅筍下月如鉤
扶香影幽緒上眉頭 尚書分新茗選閨人書句 柳下白

門妖幾番歡笑罷幾番愁內家梳裏倚風流尙書老悒悒

舊妝樓 謂董夫人

柳梢青 再題鬻廢倉填習圖

老本恩量香初茶後總是歡場定子當筵笛家舊曲唱出

伊涼 林蕤幾日芬芳任鄰蝶尋尋過牆情只空閒迷還

是悟賸與蒸唐

水調歌頭 東坡銅印

明月幾時有化爲百東坡文章壽比金石眼底古人多天

上星官名姓翠落峨眉山影箸手一摩挲黨禁偶然百塵

幼幾番過 隨朝直同遠謫未銷磨此中空洞無物棱角

尙嗟峨拈到如神詩筆付與朝雲拂拭印印想婀娜好事

書三

七

風流者持此傲隨和

瑣窗寒 寄荅葉蘭臺粵中

拂拭琴絲裏回鏡檻與琴俱老單衫泥酒片月入儂裏裏

向空梁數殘漏聲故心待寄縣縣道者風吹笑語望中還

是天涯芳艸 春杳家山好賸晚唱樵歌倦雲森森知音

不見枉憶旗亭季少侶行人攀折本時斷腸柳外迷晚照

恁蒼涼目送遙鴻又說飛難到

齊天樂 咏夾用榆園韻

叢蘭如病歆新箭夏比妖人消瘦絮夢蛩涼墜恁蛾倦昨

夜雨僂雲僂單寒漸逗好寄語天涯縈心相守蠟淚乾時

相恩付與閣中敲 檐風吹送斷澗柰噤信如潮枕痕非

舊小簾纔辭輕衾欲煥又是公季時候酸辛嚙透只老我

離騷初心終負月到中秋聽鄰家泥酒

柳梢青 易仲實海天落照圖

海客瀛洲風裳水佩目送東流落照蒼茫浮雲變滅付與

離愁 幾番零落人畱好記省天涯舊游半醉醒時最沈

吟處中有千秋

摸魚兒 題陳容未同年室葉裏雲夫人遺續用張鹿仙韻

記季時碧桃斲下東風依舊來日春人倚處闌干煖納數

水重山疊畱不得只紙上相逢認取珍叢密歡期未的柰

長簾無塵小簾有雨沈醉罷悲憶 妝臺側畱得零珠斷

壁梁閒燕語疇昔曲終江上青峰在己是鼓殘湘瑟情恨

習三

八

積抵多少離離芳艸空庭積天涯倦客卻酒醒敲詩香殘

讀畫老淚比君溼 予悼亡

百字令 秋感和榆園

柳枝亾恙柰已成秋苑香殘酒醒罨畫樓臺塵漠漠梁上

燕巢怎穩翠裏單寒朱闌零落風雨何人聽曉雅聲亂呢

痕誰與同搵 憶昔走馬章臺流觴曲水跌宕爭豪勝分

付長繩牢繫日海氣荒荒不定田未成桑鏡先作雪欲語

徒憐景斜陽餘煖塘蒲心事休冷

原作 許增榆園

雞人唱曉者零星斷響亾端喚醒踏徧千山忘屐折何

處游仙最穩鶯栗聲嘶琵琶弦澀古調亾人聽好收清

淚裏難重疊偷搵 曾記梳髮騎鯨十洲三島容我尋
幽勝只赤違瀛飛不到銷字六州鑄定搗麝成塵磨
作鏡萬事空等景拂衣歸去悄然塵念都冷

和作

關業寄賦

生來愁病況蔘然秋到高樓夢醒亂攤氈唯眠正好輸
卻箇人安穩絮柳鴛忙喚等燕老疇曩心聽枕函清
淚惜春時已偷搵 贏得桂嶼霏旌楓江豔晚待與春
爭勝點綴湖山誰作主莫誤鷗盟有定七夕星憐中秋
月醉累我神形景孤松知否塵寰何處先冷

又 萬釧瀟波

霜颺漸緊颯枯林悽響癡蠅都醒種柳金城人已老歸

書三

七

計東山難穩樹莫臧雅巢猶戀燕日暮悲笳聽馮高望
斷背闌襟淚頻搵 對此莽蒼關河蕭寥身世一負人
全勝弓挂樽桑何日事只在寸心持定舞裏空旋刀環
易折變幻須臾景甚殘柯爛鷗邊塵夢秋冷

沈沈寒檮傍短牆催遞夜闌人醒起喚樵青徵舊事倚
徧熏籠未穩珠箔飄鏡冰壺濯魄清籟誰知聽袁安窮
巷商歌淚與聲搵 陋彼帳底銷金淺斟低唱任自矜
豪勝可憶蔡州鷺鴨亂棄此雪天功定海氣蒼蒼陳雲
慘慘空盼旂旂景衰回繁側雩光四壁凝冷

又 劉炳照語后

五更鼓角喚銷金帳裏癡覓不醒玳瑁梁空巢幕上海

燕雙棲難穩大樹飄蕭涼風蕭颯苦雨連番聽夜溪孤
枕淚痕只自偷搵 回憶槎汎東瀛布帆心恙有客揆
奇勝轉瞬長鯨騰巨壑滾滾驚濤不定榆塞人歸棘門
兒戲盼斷紅旗景南柯夢覺料應凡念都冷

書三

顧

齋

遺

集



顧齋遺集上卷目錄

王顧齋先生傳

顧齋簡譜

綉經室詩集

卷一

卷二

卷三

卷四

卷五

卷六

卷七

卷八

顧齋遺集 卷一 目錄

綉經室詩集續編 另有刊本行世

山西省文獻委員會印

顧齋遺集上卷目錄終

王顧齋先生傳 通志文學錄

王軒字雷舉洪洞人性敏悟好學深思幼為詩已能驚其長老既舉於鄉則益治樸學研究三禮爾雅說文以及地輿歷算客齊魯三年學益進錢塘符葆森選其詩入正雅集資以金勸由貲郎進遂援例官兵部主事在都與一時名宿結社唱和以文章氣節相砥礪每高麗使至皆投詩造謁有執弟子禮者祔文端方在告見所著歎曰吾鄉後起有人石州死道不孤矣其後文端再出以經學特疏薦焉同治壬戌成進士引見以知縣用仍改歸部曹與兄昂素友愛兄卒乞假歸葬自此無復仕宦志主講宏運書院歷十年值光緒大祲朝邑相奏請襄辦賑務事竣復與撫部曾忠襄公議修通志延為總纂兼主晉陽講席會當事者擇高才生別設令德書院復移居會城凡八年卒生平湛深經術於六書九數用力尤勤詩文奇崛自成一家篤於師友脩脯所入率以資親故愛才下士後進多樂就之纂修通志體例多所手定河東道府州沿革亦其筆也卒後諸生祀之三立閣及四徵君祠所著有綉經堂詩集初稿續稿行世算學三書綉經廬文集雜著藏於家

顧齋遺集 傳

山西省文獻委員會印

願齋簡譜

道光三年癸未一歲

正月三日生 先生諱軒字霞舉號青田少志亭林之學復取願言願二語

又號願齋先世陝西三原人明初始祖子文遷居洪洞縣東南廿里薄村

故里曾祖准以好學稱著有讀鑑一得愚河東醜務說影祖楷蘇乾隆癸卯

舉人大挑知縣未仕工詩古文世稱眉山先生著悟堂集騷壇八略行世父

得中母段氏生昂及先生

道光四年甲申二歲

道光五年乙酉三歲

道光六年丙戌四歲

道光七年丁亥五歲

道光八年戊子六歲

願齋遺集 簡譜

從同里薄舒堂先生

學師所願高厚蒙求日月之輪大於地應之以平仄未語命更之日日高問

道光九年己丑七歲

道光十年庚寅八歲

按先生日記曰八歲師言先王父曾出一對云頓筆寫硬字當時未有對者

先世父命軒對之曰虛心求實學師云上對平仄不合為易學作理字後韓

友王希孟作時文每向其問法私學為破承父師不知也後見王東橋四十

道光十一年辛卯九歲

從韓華軒先生 學能文知聲韻

源善贈題曰孟子見梁惠王破曰大賢之見也先世父命作承曰蓋孟子非惡王

非孟子所能見者也而孟子見之非心欲行禮豈能不遠千里而來見哉先

世父笑示以犯下之病後時時命作以爲喜樂而以治經爲急不令韻時文

也 早作

道光十二年壬辰十歲

道光十三年癸巳十一歲

作制藝文成篇 按先生日記曰十一歲春先世父送先兄應縣試問題爲子

世父也 鄙人向勸學况學鄙人乎子首言學聖教萬世之意也夫子亦深說先世

父以先世伯繼中先生及堂叔祖張甫公均爲獎進繼中先生始授以國

初明文俄而命之學作遂成篇是年先世父歸聞世叔言未之信夜以忽問

之曰若爲文果已爲乎曰然曰吾試若能則信矣請命曰汝伯父言汝

後當觀國之時一人而已無孔子而有孟子道也蓋孟子生孔子之

道光十四年甲午十二歲

從張充軒先生 學與李亭山 張仲亭 共筆視始作詩

設師以應作詩不措切實不用心之故憤恐殊甚時命題公生明作云理貴

中心得何嘗不悉明分明由內出彷彿自公生氣節風霜凜冽月尚人

難逃水鏡我自定權衡集義非相與流形本各異母偏母黨路至大至剛情

日月無私照我王後一貞何如逢聖世百物順時行師徒之曰汝能清白乃

道光十五年乙未十三歲

讀唐詩作古劍篇始爲古體是年父贈公沒於山左

道光十六年丙申十四歲

道光十七年丁酉十五歲

是年母段太恭人沒

道光十八年戊戌十六歲

道光十八年己亥十七歲

張充軒先生補官潞城先生無所師與同學友李勉亭 景雲章 李亭山

張仲亭讀書玉峯山得與王雪堂 名商抑之 昌邢秋丞 訂交冬赴平陽

應童子試與李勉亭李亭山同以詞賦受知於學使滇南張桐廂觀察補縣

學生是年娶楊恭人同邑階平公女

道光二十年庚子十八歲

是年長子庶之生

道光二十一年辛丑十九歲

黃葉書屋詩草成作詩初存稿

按先生日記曰辛丑年十九作詩初存稿是年遂三百餘首秋作又過半焉時書屋有先二叔祖手書額曰黃葉書屋遂以名草丙辰初訂詩草去十之九辛酉再訂則新目甲辰數年舊作無一存矣

道光二十二年壬寅二十歲

同尉伯綺名光李勉亭王雪堂商抑之邢秋丞張仲亨李亭山遊九箕山

道光二十三年癸卯二十一歲

許蓮西名長主講玉峯書院與商抑之張鐵生同肄說文業始習六書古韵

從張伯翹名子問九章術授以開平方法始習天算歷數秋試未售

道光二十四年甲辰二十二歲

同李勉亭修禊箕山有遊九箕山詩申老泉詩再至申老泉入山莊最深處

願齋遺集 簡譜

詩普濟寺詩葉瓢池詩明太傅韓忠定公讀書處詩登九箕山遊韓仙墓記

遊申氏山莊記葉瓢池記箕峰別墅記遊玉龍潭記是年尉伯綺卒為撰墓誌銘

誌銘

道光二十五年乙未二十三歲

春同李勉亭景雲章商抑之讀書平山北橋寺禪院遊翼城縣訪潞公軒有

詩是年次子膺之生

道光二十六年丙午二十四歲

舉鄉試 從張石洲名穆問學始習地志 識安邱王莖友名河問苗先路名

道州何子貞名基諸先生皆為之延譽 有遊襄陵靈柏詩豫讓橋詩虞阪

詩宋溫國司馬文正公故里詩河東鹽池歌解梁官舍望中條山詩霍太山

詩韓信嶺詩千佛崖詩縣田詩郭有道阡詩石嶺關詩藏孤山詩秀容懷古

詩登代州城樓詩

道光二十七年丁未二十五歲

試春官未第 與馮魯川名志葉潤臣名名楊汀鷺名傳朱伯韓名訂交

同張石州邢實甫相國朱伯韓何子貞葉東卿馮魯川祀亭林生日於願祠

夏赴山左有遊大明湖詩歷下亭詩小滄浪詩北極台詩匯泉寺詩趵突

泉歌居寧陽三月歸里有東平道中詩張秋晚宿詩莘縣曉發詩平恩廢縣

崇福寺詩肥鄉道中詩滄陽橋詩邯山詩武安雜詩小終南詩魚兒嶺詩吾

谷關詩黎城縣詩微子嶺詩潞城縣詩起雲台行上黨雜詩盤秀嶺詩隋氏

阪詩岳陽詩

道光二十八年戊申二十六歲

仍里居同王蓮炬名興張仲亨遊雙泉有遊雙泉詩 是年長子庶之殤

道光二十九年己酉二十七歲

遊霍山有廣勝寺詩登廣勝寺浮圖詩霍泉詩分水亭小飲詩題乾元山寺

願齋遺集 簡譜

詩北橋寺詩萬安泉詩澗橋詩韓君墓碑歌 是年李勉亭王雪堂卒有輓

勉亭二兄詩

道光三十年庚戌二十八歲

再試春官未第 與張鐵生馮魯川王藕堂名煥文酒往還 有百邑詩苑

水汾王陵詩飛廉石槨詩夫婦嶺詩賞令驛詩妒女津詩 再赴山左寧陽

居王襄廷名教寓園有德州詩東平雜詩鶴山秋望詩新泰雜詩新甫道中

詩羊流曉發望松巖寺詩徂徠山行渡汶詩 春兄鶴齋名昂赴寧陽冬返里

是年張石州卒

咸豐元年辛亥二十九歲

仍居寧陽有遊千佛寺詩登歷山絕頂詩長清道中遇雨詩大雪宿泰山下

詩羊流店詩登平陽古城遺址詩晉任城太守夫人孫氏墓詩羊續墓詩

兩花道院詩宋刻秦碑殘石歌前登岱詩沒字碑歌磨崖碑歌白鶴泉詩任

城太白酒樓歌白龍池詩百丈崖瀑布歌普照寺詩黑龍潭詩天書觀鐵香爐歌 是年邢秋丞卒有晚秋丞二兄詩

咸豐二年壬子三十歲

仍居寧陽同張鐵生登泰山有後登岱詩天門觀詩日觀峯詩高唐鳴犢河

故道詩白溝河詩魯連村詩趵突泉詩三十初度感懷一千言詩

咸豐三年癸丑三十一歲

仍居寧陽

咸豐四年甲寅三十二歲

八月由寧陽歸里 讀全唐人詩悟黏對拗救雙單正變並絕句諸法創為

五七言古詩平仄韵各圖

咸豐五年乙卯三十三歲

仍里居 盤訂勾股圖解 秋鶴翁再赴寧陽

顧齋遺集 簡譜

咸豐六年丙辰三十四歲

三試春官未第 遊大寧寺有詩 自訂詩草

按先生詩錄自序曰別字丑 先生曰留之疑焉而未確決也姑留為前編以俟更刪庚戌迄乙卯日壯遊

草丙辰迄辛酉日編官稿已別者十三未訂者十七共十卷為初編云云前編次前當即是年所訂 是年三子崇慶生

咸豐七年丁巳三十五歲

仍在都 三月三日再祭顧祠 符葆森選其詩入正雅集假以金勸由賞

郎進遂援例授主事

咸豐八年戊午三十六歲

六月分發兵部主事在職方司前武庫司行走 三赴寧陽省鶴翁鶴翁已

前歸即返都 有遊圓明園詩 是年張伯翹卒

咸豐九年己未三十七歲

仍在都 重九日三祭顧祠 是年葉潤臣卒有哭葉潤臣詩

咸豐十年庚申二十八歲

仍在都 秋移館董氏邸舍董研樵名文 蓉舫 雲籍 文 三昆季從之游與

朱伯韓桂德山名 楊鐵臣 許海秋 名 宗 王少鶴 名 李子衡 名 汝 何願船 名 秋

吳稼軒名 田 黃翔雲 名 雲 丁頤伯 林穎叔 名 壽 沈仲復 名 秉 卞頤臣 名 寶 皆

以論學投契 九月捻匪掠寧陽姪崇簡死難喪廷家產焚蕩殆盡 是年

鶴翁卒有哭鶴翁詩百韻桂德山卒有哭桂德山詩

咸豐十一年辛酉三十九歲

仍在都 再訂詩草 按先生遊寧陽時集即是年所訂 所謂辛酉訂詩斷自甲辰者也 是年次子膺之殤楊

汀鷺卒有哭楊汀鷺詩

同治元年壬戌年四十歲

成進士引見以知縣即用兵部為奏請仍改歸本班 十月十五日同妻丙

卿董蓉舫何芝閣武升三尋管香杜鶴田溫吐秋續赤壁後遊祀東坡紀有

顧齋遺集 簡譜

詩祁文端公以經學與楊鐵臣名寶臣 端木探閭夢巖名汝弼 同薦得

旨軍機處記名十八疊山房 按先生所唱和草成 齊氏 沈仲復選顧齋詩錄

二卷入詠樓盍載集刊行

同治二年癸亥四十一歲

仍在都 遊西山有西山遊草 齊氏 訂董研樵聲調四譜圖說為作序

同治三年甲子四十二歲

四月請假歸里有至保定詩徐澗詩介休詩霍州詩 十月葬鶴翁于西坡

先塋

同治四年乙丑四十三歲

仍家居 再訂勾股備術細草十月入都是年朱伯韓卒有哭朱伯韓詩

同治五年丙寅四十四歲

仍在都 五月二十八日同董蓉舫四祭顧祠 按顧五月二十 十八日午 六月十二日同

董研樵王蓉洲孫萊山邢世長張孝達黃翔雲王信甫杜鶴田朝鮮人韓鮮

沈裕慶李樵叟祀山谷生日於豫章別墅七月五日同林穎叔祀康成生日

于諫草堂松筠庵九月十九日五祭願祠十一月十七日同許海秋張午楡

潘伯寅黃翔雲李若農孫萊山張孝達董研秋作消寒局二十九日同潘伯

寅李若農作消寒二集孫琴四錄所作爲篤舊集刊行是年祁文端公卒有

祁文端文按先生日記曰問疾時壽陽公臥內至延至榻前公執手歎嗟

力欲振興之不果自傷遲葬以見屬並爲言夢殿君之對此道不孤爲

可喜云云又晚祁文端聯曰河山壯三晉萃漢儒名物宋儒名理而爲名臣

中外咸知如祁文端所云名世邦並司馬冠冠律四朝統倫古遺愛勝古遺

直而慙遺老親賢不避宜夫子之歎遺徵家世繼黃羊

同治六年丁卯四十五歲

仍在都 是年馮魯川卒有哭馮魯川詩

同治七年戊辰四十六歲

仍在都 廷議設同文館遣京官五品以下正途翰林六曹出身入館學天

文算法倭文端名再疏力爭以代倭擬疏稿件於朝 丙辰至戊辰詩爲攝

經室詩續編門人校刊行世

同治八年己巳四十七歲

正月歸里 以楊鐵臣觀察召主講河東宏運書院

同治九年庚午四十八歲

仍居河東 同林穎叔遊華山留關中三月 是年董靜軒卒名思爲撰墓

志銘

同治十年辛未四十九歲

仍居河東

同治十一年壬申五十歲

仍居河東 撰勾股備術細章四卷成

同治十二年癸酉五十一歲

仍居河東

同治十三年甲戌五十二歲

仍居河東

光緒元年乙亥五十三歲

仍居河東 十月楊恭人卒年五十五

光緒二年丙子五十四歲

仍居河東

光緒三年丁丑五十五歲

仍居河東 歲大禮閣文勤公名奉命爲查賑大臣駐節河東奏請襄辦

賑務爲畫平糶勸捐事宜悉備以功晉四品銜 訂馮習三聊自娛齋詩草

爲作序 是年董研樵卒爲撰行狀

光緒四年戊寅五十六歲

願齋遺集 簡譜 八 山西省文獻委員會印

仍居河東

光緒五年己卯五十七歲

仍居河東 八月曾忠襄公名方撫晉議修通志延爲總纂

光緒六年庚辰五十八歲

居會城 主講晉陽書院仍兼通志局總纂

光緒七年辛巳五十九歲

仍居晉陽書院 張孝達方撫晉擇高才生別設令德堂復兼講席以楊秋

涓張鐵生楊儀村名協講五日一會 訂汪松樵燕窩語詩續集爲作

序

光緒八年壬午六十歲

仍居晉陽書院 訂洪洞縣志增入星度沿革等表

光緒九年癸未六十一歲

仍居晉陽書院 朝廷用前薦特詔起於家以老病辭人稱後君

光緒十年甲申六十二歲

仍居晉陽書院 是年張鐵生卒為撰墓志銘

光緒十一年乙酉六十三歲

仍居晉陽書院 楊秋涓丁憂輟講

光緒十二年丙戌六十四歲

辭晉陽書院移居令德堂任專席 楊儀村以丙戌計偕去都

光緒十三年丁亥六十五歲

仍居令德堂 訂董芸翁芸香書屋詩草為作序 十一月十三日病卒於堂中翌年三月歸葬於原籍五里張村之西原新阡

附錄

楊秋涓撰先生行狀其畧曰先生負海內重望又值當道多賢或推或輓得行

願齋遺集 簡譜

九

山西省文獻委員會印

其志從守業者類能知經史門徑文章軌轍不為俗學所困顧而樂之嘗與為約通志判成當仿粵之學海堂浙之話經精舍採諸生說經之文都為一集俾潛邱一脈昌於晉晉云云又曰生平於文不主八家而根底盤深莊婉合度盡其意之所止詩宗韓孟沈目劇心窮極要眇而出以雋逸最嚴格律視秋觀察所撰聲調四譜即本其說而推演者也自訂所作為釋經廬集董氏刊其前集八卷其後集並文集若干卷皆未梓行然自遊華山歸後一意於經亦不復作矣云云又曰嘗言人生行文必有一副假聰明最不可恃須閱歷既久深造以學而後真聰明方出其境最苦亦最樂可以規所養矣兩院士子羣為刊石頌德卒後議祀於晉陽之三立閣又以曾蒙特詔講與四徵君同祀其繫人思若此

楊儀村壽先生詩曰先生汪汪千頃波聞道最早讀書多實事恒被儒者服痛言永矢碩人果我從髣髴應郡試高名震耳鼓靈鼙同時雖見大人賦異縣其

如飲馬歌見說先生春官捷射策獨對金鑾坡一官大似因人授武庫森嚴富

矛戈爾時才傑萃帝里海曲之許道州何壽陽代郡泊平定并州男子無嫌娶

一一忘年似孔福日携樽酒往烟蘿先生此時飲一石手提松枝口懸河訓故

繁紫有深細形聲鑿鑿無偏頗日暮詩成新月上半天霞綺綺約纖蛾得句西山

秋氣爽談經東魯春風和十載不遷細事耳頭童齒哇顏常醜我計借走京

國已聞歸山事養痾徘徊儀徵履道宅 先生在京寓編望真子安樂窩 主講安

梁故居也 往歲假歸省親弟始見君子賦著我豬肝雖貴體不憊貂蟬既脫冠

仍峨湘鄉宮保好賢切欽仰高風設禮羅文獻百年書局啟雲山千里蒲輪過

遠溯虞夏近昭代南盡汾洮北岸沱此邦人地歸述作析疑舉要錫小苛黃鐘

大呂喲喲響不遺下里與陽阿何意寡陋如賤子亦蒙獎借少譴訶折楮教畫

新距度劊若俾識古隸辨經史大義駢雲集挑燈危坐紛纒關孟陬之月皇覽

揆朱顏紫髯鬢皓占書古重八日穀典禮今逢九門儺弱孫喜乘阿爺笏侍

願齋遺集 簡譜

十

山西省文獻委員會印

史深護進士韓藹藹門生通家子鏘鏘佩玉鳴相摩或羨仙服金光草或稱鳳

食玉山禾或引大夫賜鳩杖或祝老人處雞窠賤子舉觴貢一言古來大帥壽

不磨桓子五更榮何極伏生九旬語無訛矧乃吾鄉諸老後應遺一老獨公此

孔林之檜葛廟柏森森千古無改柯吾晉尚留漢槐古如見林宗有道科喬木

賢人同大養養生安同郭棗駝永為人倫作楷式詎曰將壽補蹉跎晉祠碧流

斜川似歲歲稱觴舞婆娑

許海秋答先生書畧曰閣下詩於諸君為別出 謂孫琴西林韻叔王少鶴體特

精嚴唐之少陵宋之山谷蓋兼綜其妙而孤瘦刻峭時入東林一派遺山云詩

必字字作閣下誠得其丹訣矣夫詩之為道不實不虛不融不渾不虛則神不

遠不渾則極不超而要自實與融求之實非摭拾端非規仿摭拾則氣寒規仿

則體又弱矣正我性情學以導之而不汨於俗由是各極其才徐觀其變無不

勝者非必相似也潘丈不云乎必澹雅渾大乃可以示天下宗衡以謂雅由於

學澹則有天能葆其天而又精於學斯渾大可幾然其原必自不求名始宗術荒落久矣語非有得然濁水有時而見影維閣下鑒之

符南樵跋先生詩曰成豐丁巳夏五月余小黼同年携大箬五册示讀三復之下心知其託意深遠而遠於古義尤熟於水道今昔遷徙雖一吟一咏指畫瞭然此才可當筭書豈僅以詩卷傳耶不禁折服者久之何時獲一把臂快聆塵鋒也時拙輯正惟集雕竣未及付刊僅錄八章歸入補編下有寄臨小印誌之冀讀書師村猷字家塾得輓先生聯六則其一曰誰謂經師易得哉生平宗許叔重鄭康成老事丹鉛屬疾時猶坐卓比與二三子敷陳疑義我知族黨同悲矣夙昔慕韓行人范徵士慨分脩脯長逝後僅存書帙無絲毫資留庇諸孤其二曰以名士爲通儒統地輿文字詩禮算數之全萃萃成書身後宜崇三立閣謂經師卽神道繼青主潛邱運洋彪西之次家居奉詔生前已作五徵君其三曰六十年壇坫風流老輩獨尊方幸靈光瞻魯殿四千載鄉邦文獻羣書共訂

顧齋遺集 簡譜

十一

山西省文獻委員會印

忍看筆削賸元經其四曰矣吾門三世惟公年來耄舊蕩然獨仰先生占剝果問當代經師有幾晉國梁山崩矣誰爲後學潛泉源其五曰家學紹河汾令德談心人慕傳經追叔重神交憶洪洞嘉言在耳我忘贈高槐延陵其六曰何日復歸來宋延清平生風義兼師友此老已云沒杜子美知已蕭條信陸沉惜無作者姓氏

戊辰秋倦遊里居讀先生詩略次年歲爲此册不敢云譜也其年多觀學襄陵携之行篋思蒐討補苴裨成譜狀忽忽四年矣繁蕪未剔掛漏猶昔憾因歎古人讀書之難而惕然於余志學之荒矣錄曰簡譜聊俟就正於君子云
民國二十一年壬申秋日滋泉志於襄陵縣政府

叙言

顧齋先生詩文今行世者惟沈氏詠樓盍載集中顧齋詩錄二卷釋經廬詩集續編四本無卷數單行本則有十八疊山房唱和草西山游草兩種而已狀稱董氏所刊之詩前集八卷暨家藏文集若干卷久已無覩或嘗時有是議而未克成耶是不得而知之潛歷年搜輯僅得遺文五十首歲辛未於友人處得見先生手書釋經室詩集四卷小楷迥麗恍如蘭亭樂毅再出每卷後有許海秋王少鶴馮魯川諸先生跋語堪稱珍本盛暑借冊亟錄之共文釐爲上下二卷而以潛所述年譜附焉其甲辰以前詩經先生手冊及集中許王馮諸先生刪去篇什亦均從略錄既成顏曰顧齋遺集噫先生爲吾晉晚清樸學導師久經前儒論定潛亦何敢私有譏述竊願後之君子讀先生之文若詩進而蒐輯先生之全書以問世焉則斯卷亦不無拋磚引玉之助也夫時旃蒙大淵獻竊月洪洞後學楊恩潛誠於定襄縣政府

顧齋遺集 叙言

山西省文獻委員會印

顧齋遺集上

山右叢書初編

博經堂詩集卷一

洪洞王軒雷舉遺稿

網達執徐

游九箕山

生有山水癖兼饒濟勝具李君約我遊足健起沉痾初行砂磧間盤磴上衣路
窈窕絕紅塵青天一線吐徑曲峯屢回前行疑無路佳境忽一開目疲不暇顧
羣首望遙山蒼翠迷烟霧夕陽忽西匿千峰收薄暮歌聲四野起婦人時相遇
小橋通約略水淺人競渡足倦坐山凹徙倚聊小駐安得脫塵埃共領林壑趣

由老泉

尋勝如食蔗佳境宵清爽林深跡轉幽路曲心逾廣月出前山明木未增開版
泝出深潭濼官蛙兩部響恐驚龍子眠漂靜波不盪山靈欲留人變態紛萬象
幽情逐去異日歸更悵惘何年一邱壑棄置溷榛莽苟無探奇士誰從塵外賞

顧齋遺集 卷上

山西省文獻委員會印

安得買山錢躬耕足長往

再遊申老泉入山莊最深處

尋幽不造極情懷苦不適乘興復來遊踐我舊時迹入山轉幽深往往矜劍獲
初行尙水濱漸復至沙磧隴上山花多林邊空翠積泉咽石縫細峰轉青天窄
前峰始開豁後峰又懸隔盤行依淺溪衣襟溼空碧濛濛霧氣青靄靄雲影白
數里通人烟山腰露窟宅薄寒深中人小憩坐盤石生平山水遊能着幾兩履
咫尺失佳景當面殊可惜

普濟寺

蘭若掩叢林呀呀出靈境橫簷上抗壁架戶西通嶺杳杳青山陰荒荒白日影
山僧延客至活火瀹新茗溼葉燃松脂寒泉汲石井風喧水春急鳥散林花靜
借榻聊小眠夢覺畫永人生無住著何地非箕顛而我方干祿蹉跎惜修景
一聲清磬回塔坐默深省

棄瓢池

山中有流泉一鏡涵清碧疏濬自何年云是陶唐跡許子輕軒冕遺瓢曾此擲
後世仰流風大書泐貞石莊生本寓言此事安足數陋儒愛吹求往往施繩尺
豈知天地間萬事貴自適天下且脫屣一瓢豈足惜古人今不作流泉聲似昔
峰前太古月夜夜照池白

明太傅韓忠定公讀書處

胸中有邱壑城市皆山林性苟無雅韻勝境皆俗音寄托不在地默契在一心
韓公未遇時曾居此山岑滄桑三百載風流未銷沉修竹自茂美流泉亦蕭森
我來重惆悵典型夙所欽世俗工效擊往往來登臨身雖在靈域心銅塵網深
公自有千古汝曹復何尋

箕峰別墅十景爲李二勉亭題次韵

萬綠交衆陰孤亭接清爽日午不見人蜂蝶自來往獨鶴睡初醒詩牌時一響

顧齋遺集 卷上

山西省文獻委員會印

可詩亭

虛廊聊延佇宿露溼衣冷夜靜萬籟空把杯自勸影好風送微涼月出萬峰頂

逸月廊

小沼旁亭開荷錢出水立游鱗相撥刺浪花襲衣溼心契妙難喻渺渺情何極

小涼樓

好花不知名年年自開落荷鈿踏殘紅雲深沒芒屨猿鶴淡無言春亭正漠漠

聞香徑

接葉覆庭綠長袖自善舞倚檻獨徘徊客至不知處小窗春晝閒一陣芭蕉雨

燕綠軒

朝餐赤城霞暮吸閩風露呼童掃砌花落英紛無數携來加晚餐留得紅韻駐

碧花館

開窗望遙山嵐光青欲滴林密午陰涼畫靜蟬聲寂一枕槐安國夢醒何處覓

翠游山房

增除淨如洗雨過自種竹籜龍初解甲萬介搖新綠清風忽颯然夜靜微寒至

聽鶴庵

留春春不住藏春春自在凜冽意常多色香終不改譬彼養晦士守器如有待

殿春塢

西風吹庭葉繞畦發叢菊微霜淡幽艷異香送清馥終古隱逸姿常伴高人屋

菊畦

旃蒙大荒落

王孝子行

庭樹有巢烏母飢哺以脯一巢八九子朝飛暮集無所苦物知愛所生嗟哉孤

兒獨無父一解孤兒有父薄宦從厥祖厥祖伊徂厥父靡歸父庸不歸兒心之

悲二解父兮去家兒時咳幼兒今已成立兒身非兒有矧兒尚有弟兒將從

願齋遺集 卷上

三

山西省文獻委員會印

父兒辭母三解兒不得父兒不還兒有死爾復何言謂兒慎勿言兒言摧母肝

四解泣血別母去兒去母吞聲寧不知母腸斷無父兒奚生五解天地悠悠山

川阻修瞻知父所兒將安所求六解夢見父面心繫母旁飲泣中夜寤起坐行

徬徨七解雨雪載涂茸茸莫把兒不見父淚墮於野八解欲濟靡楫欲渡靡梁

匪無舟與梁兒父焉望九解人謂孤兒有歸者叟形似汝音聲亦汝同云是他

鄉久羈旅十解孤兒驚以喜父兮倘未死髮其華止顏哉瘠猶是孤兒夢中色

橋山南椿山北根離託異地當面如何能不識兒臨父前父猶憶父呼兒名兒

心惻十一解父心悲止吁其太息爾祖殯旅魂餒安食不祭不葬言扶旋邦國

十二解殯之迷矣悵其戚矣殯之得矣神保之力矣十三解兒心其慰速厥妣

生死三世歸桑梓孝已愛所親天下欲爲子古人有作寧逾此作歌叙之表厥

里十四解

九日平山登高東勉亭

半載追歡首重回高屋獨上思悠哉曉林已多霜後淡籬菊故向愁邊開載酒
遲我時入夢携琴期君今不來幾番掃徑呼僮出門掩空山雨踏苔

落公軒懷古 在翼城府城上

百里桐封霸業開潞公遺澤古亭隈山隨斷岸參差出河抱荒城曲折回大節

中朝同富范算年國是望甌梅憑欄何限蒼茫意市步雙槐問劫灰

柔兆敦牂

霍太山

軒皇正物名高下已奠位粵維太嶽尊作鎮與天配肇古唐虞夏實在邦圻內

周方鎮冀州明禋紮百代自經呂秦絕書契久茫昧荒主恣淫游崇祀任憎愛

老虜亦何憑貢馘呼萬歲遂令外方高久借三公祭申呂與齊許秩宗祀已廢

將無山川靈聲聞有顯晦衡岳移城柱恒陽徙近塞華汧久不分四嶽勵存岱

天地終不易人心殊向背古始嗟已遙地謬豈一槩久假將不歸焉能家置隊

願齋遺集 卷上

四

山西省文獻委員會印

馬頭轉青蒼落日山橫騰

韓信嶺

巨嶺摩天斷當路路旁有祠祠後墓至今過客哀王孫下馬盤桓不能去石碑

磨滅知何年西風獵獵靈旌寒我坐踟躕重巾古口讀壁詩心不然夜半出變

禍初起鐘室深藏未央裏祇應傳首行東垣那有衣冠能葬此君不聞漢有兩

信俱裂土一者王韓一王楚王楚者誅韓者移太原列城啓新宇一自降王走

勾奴漢邊年年常備胡陳武兵下白登道遂令萬里行頭顱孤魂慘愴樓絕域

夜夜哀鳴望故國山中父老思舊君故向山頭作寒食吁嗟乎彼信非叛此真

叛奇禍淮陰空扼拳弓高龍額猶微侯一坏區區安足辨

願齋遺集 卷上 韓信嶺 韓信嶺在翼城府城上 韓信嶺在翼城府城上 韓信嶺在翼城府城上

千佛崖

千石深青出依崖露佛頭灘聲寒作雨嵐氣淡成秋木落時聞雁天青乍泊舟

塵勞應媿爾哀哀爲淹留

蘇田

憂患交不淪安樂義輕絕實懷俄棄遺傷哉一何決赤松有孤蹤五湖泛高節
豈不榮圭組兩顧戒先雪矯矯介子推蘇田見遺烈崎嶇十九載分寸羞自列
逃賞非云高色舉遠危轍白璧沉洪波固寵務智黠奈何君臣間恩禮變要結
世士重功名漏盡行未歇嗚言惻吾情頽波發心熱遐跡入林長清風厲彌潔
山木雖自焚餘芳激來哲媿彼患失徒赤族終一跌

有道阡

鸞皇不隱代時清乃一至蕭蕭菩荻叢胡爲能久繫赤劉遼陽九天地成畫閉
腐臣盜大柄黨禍盡善類斯人獨冥灘羅罟所逸翻生清風神完氣不悴
甦來不擇時迅去靡少滯傷彼衆鳥群摧殘十無二毛羽何皎潔焉知作身累
巢傾卵亦空豺虎更相繼絕俗良獨難全身寧自異東門識雛華亭怨鶴淚

顧齋遺集 卷上

五

山西省文獻委員會印

悌矣同一轍虛名復何事千載慕遐風中郎辭無媿

石嶺關

征車聲歷碌曉度石嶺關關門出平地見關未見山五夜雞聲催曉起關門誰
何及行李時平不用丸泥封宿草蕭蕭暗殘燧出關亂石忽陔陀東來起伏隨
濤波北連勾注西管汾雲嵐不動青嵯峨車輪入石深盈尺馬踏嚴霜凍行跡
蒼茫已盡肆虎川窈窕平通秀容積日出烟銷聞牧唱駝背鈴聲動悽愴中原
回望空雲端卻顧雄關已百丈

秀容懷古

想見中郎舊典型金源文獻未凋零斷篇自識中州集直筆常留野史亭大節
千秋同曠日文章一代耿晨星讀書山色空今古衰草夕陽無限情

藏孤山

殺身容易存孤難趙宗一綫危爲安白髮孤臣迸血淚錦綉三尺懷中碎咄哉

嬰也真小人乃以賣主取富貴賣孤存孤救孤死真孤乃在空山裏假孤一死
真孤全匿跡銷聲年復年謗蛟息盡恩怨絕死灰爭知當復然老臣功成嗟死
晚地下杵白應未遠可憐生死兩相同嗟爾苦心何委婉吁嗟乎存孤固難殺
身亦不易一死殉君身名又何計腐儒日日誦詩書幾見從容能就義如嬰不
死無以謝杵白何事道反自首不然嬰也真小人不惟負君兼負友

登代州城樓

重關百尺控三邊畫角聲寒咽暮天白日雲迷馬邑戍高秋風斷雁門煙雕盤
大野沙飛白駝臥平川月印圓弔古無人臨廣武至今猶憶左車賢

先生臨廣武時僕去家久矣

馮志沂注

雁門太守行

木吏蒲鞭堪治邑畫地爲牢安可入奈何人命輕草菅一路寧如一家泣八駿
游荒作選贖小邦亦事刑書鑄本意漸失文網繁慎祥一變爲嚴酷漢承秦做

顧齋遺集 卷上

六

山西省文獻委員會印

獨煩苛約法三章民氣和豈知重利輕儒術科條未免崇參何吏治西京蹄近
古不獨杜母與召父雁門太守爾何人酷吏乃自爾作祖見說威名懾強敵東
草爲人不敢射項王一吐樓煩驚猶事身親冒鋒鏑當時部民定何辜爭似中
都擊權貴側目重趼何足言朝廷不畏畏中尉至今父老歌蒼鷹秋高雁塞當
飛騰後來報最誰第一郡中乃以明神稱君不見南國甘棠猶愛樹桐鄉他日
魂歸處故鄉咫尺空雲山麥飯誰澆鄧都墓

去余家村東二里所師村東有懷中尉鄧都墓 自注

靈柏在襄陵

却老沙前白春回雪後青根猶摧火色枝解學人形山鬼知年事妖狐假祈靈
祇應無剪伐猶可起風霆

豫讓橋

主頭漆作器臣身漆作厲士各有志爲其難委曲爲能求事濟何物女子能識

昔吞炭變音不變心石氣稜稜腹中飽剛腸化作百鍊金入心動橋驚馬臣
當再死君再赦伏劍一死臣自甘但惜主仇無報者素衣朱宵來馬頭國士見
衣如見讎一躍一擊一出血墨車從此無再周臣心已盡仇人服故主重泉應
閉目五尺坐看血流紅趙士聞之同日哭荒橋流水空嗚咽恩怨千載那能滅
征馬踟躕不敢過壯士危冠怒指髮吁嗟讓也真國士戰國紛紛安有此豈真
駿骨重千金未免鴻毛輕一死乃知三晉多奇人吳宮燕市皆非真君不見五
世相韓婦女貌博浪一椎警竟報

虞阪

歷錄千車破曉霜負鹽爭識困飛黃自憐局促同轅下苦被馳驅爲路旁並世
幾曾逢伯樂遺神何處同孫陽黃金冀北從來賤可奈風塵十丈長

宋溫國司馬文正公故里

六官開王迹剽擬成美新白眼秉鈞軸乃以禍斯人聖言爲戒首流毒彌垓垓

願齋遺集 卷上

七

山西省文獻委員會印

蒼生待公出與世回熙春坐之衽席上哺煦何其仁姓名到婦孺強敵稱明神
惜哉勳業髮齋志長悲辛賢好不並世陽否俄成屯驅馬過舊里讀書景遺塵
孰鞭非所敢吾將附安民

鹽池歎

黃河西來落九天東注溟渤吞百川小曲無數大曲九一曲一直爲里千直波
爲徑浩如瀉曲者洞欸成淪漣太古元氣有闕蓋是生尤物爲利淵區輿壤沃
非意測潤下作鹹理有然中祿凌溼出地肺天道地實相融兌利寶一洩不可
閉萬古斯人爲禍緣自從乃粒憂淡食亦有貢自東海邊爾時畿甸納總括不
應至寶反無傳乃知孟門未開鑿此土所成桑田周官形鹽薦陶器萌芽漸
已登几筵吾聞大利須歸上匹夫不得操真權天生百物養人命豈以竭澤成
吝慳山澤虞衡有刊禁遏絕不通勿乃顛季世法做失本竊藏奸藪弊逾紛繁
王官析利窮毫末狼藉血肉堆金錢國家治績有體要持綱要須苛細鑄少府

別藏紆民力鹽鐵設官連海山苟利所在害不避迫促奚事勤朴鞭年年指商
益國息十家九罄無自全窮山勞苦偶一飽已被徵帖隨拘牽慎室竭財未賤
欲此方幸脫彼株連小夫醉飽私囊溢國帑紫紫仍空懸齊國四十爲陷阱以
此方之有過焉嗚呼何時斯澤潤出爲平地百七十里盡作桑麻原上佐國賦
下足食哀哉斯民庶息肩

解梁官舍望中條山

群山發脈崑崙麓尾沒渤碣首隴蜀北支絕漢人大荒南中二條挾兩瀆沂楚
既道荊既旅勞與嶽華爭軒轅當道闕流災九年巨斧開山洞穿腹遂令崕嶮
限兩戒坤維一斷無由續屹然三晉障雄藩表裏河山分脊肉片石千里高插
天積重將無折地軸太乙終南作右臂東連砥柱回王屋天晴五老遙相望寒
翠蒼然陲尊綠常時假塞不入城惠然滿我登高目官衙十日坐臥對從昕竟
夕那能足日落山頭吹晚霞時聞鳥啄丁丁木王官谷口冰雪滿長往未能愧

願齋遺集 卷上

八

山西省文獻委員會印

麋鹿詩人苔苔編空岩義士葦薇是幽谷何時絕頂壓雷雨北向雲山快遐矚
飲露餐霞倘可從一間茅舍行須卜

和商三抑之 昌讚資治通鑑

魯戰戕祥麟聖筆一朝絕九鼎象神奸中天曜日月季世窮戰爭俎豆縱橫裂
茅土衰陪臣冠履遂倒列千載永幽夜踵事襲竊涑水眼金鑑照肝寒吹髮
再獨六合清重露倏銷滅託始三晉起履霜意何切上接沫泗響下厲清風節
朽骨回春榮詭魄斷霜鏡一千六百年涇渭區以別興廢三致意言行緝遺烈
後王事游藝簡冊充棟設萬幾懋乾資凜然見圭臬番番紫陽叟白首續遺說
二老王者師千秋功卓越何必藏名山述作跋來哲前後聖一揆聲振木鐸舌
根本經術是作者惟傷五言以非孟韓者則情絕無一則字是會
十餘年前時已無美不備如是鄙人安得不勝乎其後 庚申歲除日
沂陽志
五言詩處皆彈故佳不在於象類非近人所能到凡三過有所見皆
書之不敷少存客氣也 辛酉清明後二日許宗衡識

得經室詩集卷二

強圍協洽

游大明湖

小艇橫清滿一碧渺無際淺港蘆葦重綠陰隔濛濛中流忽一開豁見天宇霽
千佛依檻出霧烟擁青髻微風蕩弱綸森覆縠紋細魴鯉時窺客菡萏欲破蒂
擢歌發深叢采蓮聲相繼孤時暫停橈依依去復滯良朋嗟忽忽歸夢天涯繫
何必泛五湖浮家吾欲逝

歷下亭

杜老吟詩時此亭已名古我今千載後猶得躋堂無絕島中流回風枝隱晴浦
中庭燦天章雲烟齊嶼嶼風雨不敢侵永作湖山主軒窗吹虛明疏光白入戶
水荻戰風涼蕭蕭欲生雨緬懷名士場幾輩揮玉塵風流久銷歇勝會豈堪撫

願齋遺集 卷上

九

山西省文獻委員會印

佳境難重留款乃盤柔爐

小滄浪

裏湖好烟水清暈微碧玉萬柄搖綠波新荷靜如浴推窗見千佛秀奪尊中綠
晦明各異態朝看暮難足水天望浩淼城郭隱遐矚瓜艇誰家女長歌綠水曲
中流澹容與美唱聲斷續

北極台

蒼蒼烟水深隱隱樓台迴偶逐萍開處柳陰見繫艇超然北極台睥睨層雲頂
坐我軒楹風披襟裕清袈回瞻萬頃出參差列畦町人語響深葦葦衣沒雲脛
白鷺浴晴波浩蕩入煙溟獨鶴眠山門客來睡初醒

匯泉寺

斷港不逢人芙渠忽通路數轉入深叢招提出煙樹深水橫階平空庭眠白鷺
院靜槐陰清炎熾不能度蟬聲時一鳴蕭蕭地涼露山僧睡正濃佛香燼餘炷

小坐蒼苔根頗得煙霞趣一聲聞軋啞前溪方喚渡

跨突泉歌

沛水發源自王屋聞道三見還三伏陶邱荷澤跡久泯獨餘灤泉出平陸眼前
亂水忽飛立突兀驚湍湧萬斛喧闐如聞雷鼓鳴噴薄群翻雨痕塵陰雪怒溢
煎洪爐谷簾倒捲口寒濕回首乾坤久變色晴光欲眩毛髮盡孤亭晝夏生陰
寒坐久似欲怯羅縠我聞岱陰水此泉匯衆谷人巧作機引伏流至此一洩如
啟積當年狡獪始何人驚空不畏山鬼哭忽疑混沌之窟開其三元氣欲困難
終蓄致令平地生波瀾世途那不憂反復邇來京維苦車塵對此暫可清心目
七十二泉皆附庸渙然星羅似臣僕昨泛蓮子湖未登鵲華麓沛南山水天下
無登臨未偏行期速故鄉幾處好林泉蠟屐頻荒真刺促不須臨流意悵望雪
爪鴻泥定再卜歸來緇塵淨征衫指點斜陽掛疎木

端溪石硯歌贈苗二酉樵逢年

願齋遺集 卷上

十

山西省文獻委員會印

研材自昔推端溪聲價倍莼逾澄泥下巖水坑尤殊絕剪成一段青玻璃歐九
作譜已難覓寶物縱有人豈識後聞新坑出大西一石頗亦千金直石理欲細
不欲轟出墨欲潤不欲枯澀不留筆滑受墨軟雲晴破紅殷膚蕉葉紋白火捺
黃擊聲宮越含宮商無眼非真有眼病鸚之鵲之瞳不方我生寡嗜頗耽研端
耶歛耶略能辨漫勞精賞窮瓦甌未免購求雜真膺石田犖確望年豐桑鐵欲
盡愁無功良工利器吾何敢十年人墨相磨磨苗君一生湖海客心情如雪髯
如戟匣裏端溪一片雲脫手贈我逾拱壁缺月娟娟隱松際微雲太清更點綴
眠底如觀萬斛濤筆下已具千霄勢晴窗日煥生烟雲墨花潑浪如縠紋使我
詩思不能止突兀已掃千人軍倦眼頻揩神乍王摩挲三歎激高唱擲地慚無
金石聲聊遺新詩拜佳祝

留別尹菊田孝廉 式芳

人生不相識邈若秦與越傾蓋一以交中情遂如揭共君相遇來倏已素秋節

諧談既共狎清尊亦堪設感君肺腑示照我肝胆潔人事常好乖何言即當別
孰知後會易相見恐辜髮江湖非隱淪坐惜身名減良飲不成歡空負尊前月
努力盡此觴出門心如結

蓬園夜讌留別

好風吹白雲英英作人立出岫雖無心歸山未云急男兒重聚散不作兒女泣
常恐朱顏斂身名修不及仰天摘短髮情懷苦鬱挹人生趣適意何用素衫溼
舊林有倦羽故淵有歸楫浩蕩烟波深行行整篋笠

榮榮西園葵菽菽東籬菊素月流清秋欲斂杯中綠良宵縱歡讌逸響動哀竹
蕭瑟壯士歌遲暮美人曲中觴更激放悲絲間歡肉夕短怨遙遙爲歡苦不足
春華及時愛各自須秉燭

東平道中

滿郊禾黍綠雲橫千里長堤近護城水漾官橋秋柳碧烟絲無限繞東平

顧齊遺集 卷上

十一

山西省文獻委員會印

張秋晚宿

疏星掛樹莫烟平鼓樓清波隔岸迎客艇齊從城下泊漁燈爭向水邊明磯殘
萬戶秋聞籟風靜長河夜有聲寂寞劉公誰繼者可憐陰雨費經營

莘縣曉發

雲樹晴開滿郭烟枯棹人影曲籬邊寒生老圃秋無主露地西風泣白蓮

平恩廢縣崇福寺

孤塔卓雲端空林落照殘鳥啼僧舍靜花落寺門寒廢院無人徑荒階尙藥欄
誰聞龍象泣城郭亦漫漫

肥鄉道中

青槐夾道午陰涼柳裊晴絲覆驛牆半日秋蟬聲不斷疏林缺處見肥鄉

滏陽橋

石橋高跨玉螭寒橋下風飄落萬竿日午推篷窗外立乘潮風已過邯鄲

浦裏烟波浦外潮柳陰門巷繫輕橈西風吹送征輪急滿耳喧聲度滏橋

邯山

山色橫我前忽如久別客揖我念我還忘足信履適馬行不知近稍已度危嶺
谷轉睇青紫岡逾悅紅積商巖散虛巖迤景半峰赤窈窕綴幽榮岑欽出巖融
遲遲林向晚杳杳霞沈夕佇目慚歸雲經年事行役

武安雜詩

頗牧齊名定不虛將軍百戰老闕於如何身後留遺憾有子空能讀父書
恨入清漳咽不流青虫夾道起寒愁不須載酒重澆土前日長平後杜郵
相趙歸來氣未馴道旁爭看拜車塵金多祇合驕妻嫂何事資儀西入秦
魏其賓客去紛紛一會靈山千載聞不分灌夫能使酒功名至竟到田蚡

小終南

峭壁懸千仞元陰立枯鐵開關疑神工幽荒自天設仰入豈穿磨俛出鳥窺穴

顧齊遺集 卷上

十二

山西省文獻委員會印

魚兒嶺

峰阜月窟塞根蟠厚坤裂壁洞生陰寒孤雲畫常閉平沙瞰莽蒼百里浩積雪
憶昨經秦岱高空風雨擊一笑滄海淺齊烟九點列顧茲一拳小亦足詫奇絕
高詠昌黎詩幽懷散激烈

吾晤關

歷盡白石單忽出青山背連岡踰陁陀盤與一峰對攀登馬蹄踰十步九回退
山氣冒川原雲容垂澹靄忽視白光浮炊煙散朝采始歎所歷高迥出鳥飛外
邱壑與正濃筋力寧辭憊人山愁不深精神從此倍

黎城縣

古戍指危樓雄關據上游氣吞全趙暗高壓太行秋煙火千家擁雲巒萬木稠
蕭條爭門穴遺鏃賸寒流

衡潭下

衡潭下覃懷勢若輔車依殷社未遽社崙已兆戮黎老成有遠慮人告祖煩伊

侈然方信命首懸太白旂殷鑒良不遠國風變式微鹿邱呼伯叔衰耳忘流離
哀哉榮澤戰沫土更靡遺好鶴雖禍本忌戰能無危域民藉天險用兵重地機
石轉千仞山水決千仞溪郵鄰古所重實固邦家基虞郭竟覆轍千古悲宮奇

微子嶺

爲奴傷夷明剖心悲繫寮老成日遜荒父師空相召悌矣殷王子袍器去宗廟
想當餓飢時心傷祖伊告殷喪越至今何邦躬自悼三毫失慮悉八國遯光學
玉馬俄朝周丑正遂不祧誣哉左氏言而縛重貽請推刃寧可忍在豈豈同調
向微三仁歎反側知幾冒蹈海狗小節覆宗遠誰紹至今麥黍歌空怨彼重狡

潞城縣

江漢失朝宗六月變小雅周政不復綱繼夸遂猾夏廣莫鄰晉鄙亦復阻聲化
近者怨狐裘人衛潰鶴駕陰雨恩下泉小邦傷無伯壯哉桓文烈未害成久假
藉非外攘勤憑陵意未罷路子眞嬰兒日爲賊臣射乃知亡國本端亦在內縛

顧齋遺集

卷上

十二

山西省文獻委員會印

留吁與鐸辰相繼日淪謝三驥鬱西時交漳洵東下雄圖莽悠悠斷壁空城社

潞城道中追懷先師張允軒先生

張子橫經地西州痛至今義文三絕業固維一生心木落靈山遠波長潞水深
何時楹語出後死憾難任

起雲台行

少年長羨李衛公失途誤入蛟龍宮夜半天門下寸紙堂前頃刻鞭雷風期迫
程嚴不相待兩龍家無一龍在失期當斬愁猪婆可許東窗呼客代出門茫茫
月深黑馬鬣翻空電尾赤未向凌烟圖壯容先從碧落生飛翼沉思下界憂寒
飢涓涓一洒何能爲但令優渥徧寰海區區獲咎應不辭豈意馬頭方一滴澤
下人間已成尺卽看隨手翻波濤千里滔天萬家泣人生得時憂獲譴蒿目誰
當憫穉旱雲霄暫假非無因醜醜兒曹空著願赤地頻年苦鄉里二麥無苗禾
盡死安得借公行雨來翻倒銀瓶滿空水

上黨雜詩

高台三載曠民時公室當年忽已卑玉帛久空鎖鑿改朔圖千古怨虜那
椒質公行有幾家深山大澤更龍蛇傷心舊日銅錐水自繞孤墳弔伯華
西河行父猶拘館楚使宛春亦待囚何事晉廷工執使後來孫嗣又純留
晉陽幾再趙宗傾委去寧堪衆志成民力已殫誰與守可憐長子自堅城

盤秀嶺

上黨天下脊茲嶺尤卓絕古人重屏藩豈不恃天設仰穿飛鳥窟俯視蟻窠穴
夜窅瀉陰泉哀湍響鳴咽石戴馬足滑蹶蹶崖谷裂重雲窅岑表孤霧宿巖列
絕頂聞雞鳴天風倏颺警歷歷群星乾玉繩低欲沒側身忽東望魯甸光明滅
沈沈夢未醒長夜何由徹惜哉臥榻酣何時見清月怪離聲正悲欲取鑄所缺
徘徊行復行溜溜杏難別

陪氏阪

顧齋遺集

卷上

十四

山西省文獻委員會印

過嶺山勢夷及茲道彌惡東峽互長阪橫空入寥廓丹崖夾門時足垂陰無著
殷雷轉危峯怒挾崖石落高階門踣鏡飛火雨中作少焉得平曠渺爾見空闊
孤雲暗遙岑層陰晦萬壑我行飛雨上天日光參錯蒼茫下界昏百谷聞歌薄
歷盡山水窟那不念孱弱

勞耕書壁

羈愁千里算登陟感長征山勢隨人轉溪流帶石清畬田非種去入饌不材烹
我亦塵勞客何時結偶耕

岳陽絕句

向夕寒雲沒翠微前峰落木歛餘暉紛紛遊子爭投宿驚散林鳥作伴飛

野田黃雀行

野田黃雀短尾翹深目如豆錐長嘴高飛不畏王孫彈自矜生長重簷裏一飛
一鳴來何處啄我田中新禾黍父老喧傳雀有神看爾食飽自飛去嗟爾食苗

勿食心葉盡根枯秋蟲深雨雪中田一尺足撥根猶向泥中尋蟪蛄子如雲已生
翼爾雀高飛不敢食下啄蟲蟻靡子遺蟻蟻完卯安可得西家稻登新未嘗榆
春如玉輪官倉爾雀食餘委穴鼠倉空歲久吾農償雀飽歸飛巢阿閣更呼其
侶鳴聲樂吾農日日勤東作見爾雀飛雙淚落

著誰滄灘

書夢

夜長不成寐愁心假杯杓艱難窮枯腸文字豈堪託元中道我去參差前樓閣
忽如遠霞明渺若蒼海闊搏桑千丈光野馬飛格澤雙首吹寒芒英英蕪花落
我生本彈丸乾坤寄蟲蟻萬感搖真精中乾外以鏗頤叩苦鬪繼并刀何由著
默默傷春蠶爲絲終自縛

游雙泉同王二蓮菴

與蓮菴張一禮門並會作

清溪幾人家巖腰結茅屋客至聞犬吠幽聲答空谷班坐依泉流回峯障游目

願齋遺集

卷上

十五

山西省文獻委員會印

清波蕪飛絮過兩生郭綠交交兩黃鸝嚶嚶鳴灌木谷轉桃李陰蒼松石上獨
幽芳擢萬妙野艷媚羣馥雖微靈異境類叩足清福入山何必深幽徑今塵熟
歎息慚野人年年狎麋鹿
絕壁綠陂陀目曠不敢騎山水發曠抱尋源窅奇境土室開重岩天光入疏影
是時穀雨霽風柯萬綠靜內寒猶怯續外煥已思裝氣候寧自殊苑枯誰與領
日落群峰陰空暉蕩晚景興隨牛羊下塗逐桑榆永而我悲中傷何由萬慮屏
且同今日醉惆悵歸前嶺

端陽後景五雪舫山自太原書來長句代荅

異時我醉并門秋狂歌獨上城南樓樓前白雲淡不收放眼忽窮天盡頭君行
踽踽無朋儔欻然相遇非相求快談俄許鍼芥投豪氣欲卻千龜貅歸來客舍
浮如舟寒燈夜雨相啣暖秋承先生皆舊遊爲我沽酒紛廣酬時作莊語問俳
優禮非我設無苛尤同舍相詫了不差言則不怒頤雙眸年華別我忽如逝負

郭二頃誠難謀我歸兀兀守故邱君亦頻年如轉郵蟻鶴羈檻魚在鈎非吾信
美慚依劉丈夫雖窮面未異目中豈識韓荊州誰令杯酒生戈矛自欲據樹嗟
雖蟬彼汾之水波清瀾鄉心夜逐西南流雙魚寄我無沉浮并刀不斷烟波愁
苦云世隘難久留便當屏絕荒山陬此身大地同浮漚繭絲自縛君知不有酒
且可傾千甌快意安能效楚囚橫逆自反誰其尤索癡任人呼馬牛作達未必
非良籌斯文未喪吾可愛

月夜宿邢二秋丞齋中

虛室湛微明塵心定不起眸久自生光空明轉秋水逸風歛輕機香馥凝暗几
中庭花影動徙倚礙行履露泣石欄清非秋亦可喜時聞遠歌聲萬籟入愁耳
不妨潘面城差同晏近市一枕成遽然朝曦封窗紙

夏日同蓮菴季九亭山時升宿勉亭山房

先生幽居常閉門長鑿自斷靈苗根偶然把釣坐溪水乘興還成尋水源或循

願齋遺集

卷上

十六

西省文獻委員會印

澗曲繞山足俯見脚底羣峰奔撥草洞口讀斷碣手紙榻破蒼苔痕歸來自持
尺半鯉呼兒沽酒傾清尊門前剝啄聲入耳闐然有客來南村入門一笑百不
語評詩說劍忘寒暄老妻解事脫劍珥知君好客烹魚煖酒酣烟雲落杯底快
意誰能相輕軒痴兒索畫更奇絕重達其意聊自尊憐渠童稚易欺給墨潘亂
潑如雲屯謬云十指生酒氣恐未一一如君言擲筆長嘯天地洞當頭皓月翻
金盆人生行樂爭有幾安能醒醒營雞豚有書須讀酒須飲此外奚肯勞清魂
日出人事應何限悠悠寧與今人論

中秋對月風雨與夜霽再酌同蓮巨作兼柬勉亭

去歲我自山東來愁霖十日雲初開中秋月色好如畫共君一飲三百杯今年
月色更清潔穆穆金波動蟾窟豈是景過漫不留翻疑年時無此月忽憶前年
同客并門時此夕文場爭構思相對年年曾未易一樽莫負當前持霜重石闌
露華白短榻重移草根擗徑須徹夜不歸眠容易姮娥伴雙客西來急風卷庭

樹月黑雲深雨如注世事變滅那得知無乃好事天公妒宵夜雨歇雲宇靜銀
河不動秋空映細看皓月轉清寒萬里晴天朗金鏡殘棧喚起重斟酌飛蛾細
傍燈花落階前冷露泣牽牛夜氣珠光更清霜箕陽先生吁可憐病起經時無
酒錢明朝相就能同醉尙許開尊晚桂龍

咏史

倦羽易爲條涸鱗易爲水所以中山君盡餐得二士淮陰感一飯千金酬漂母
陶公曾乞食冥報貽斯里倒戈脫趙孟市義重文字古人懷一食往往許以死
此人豈不偉飢驅不由爾一飽尙未易七尺胡可恃與苟非常屢千鍾曾不視

初冬訪仲亭書舍

初冬十月吹朔風風卷黃葉飛太空千里愁雲黯無色驚塵漲地天濛濛曠野
沙平日垂脚鳴咽哀濤撼林薄雲中孤雁鳴且翔翅重風回不能落前村遠燒
明木杪畏寒人家閉門早我向山中一扣扉先生無事方幽討山氣親人黯將

願齋遺集

卷上

十七

山西省文獻委員會印

夕落日樵風引歸客東山月出生晚涼城城乾聲動履跡

願齋雪夜憶箕陽舊遊柬勉亭兼寄亭山

箕山木落何紛紛寒鴻嘹唳聲相聞山中美人惜離群曉起青山弄白雲美人
家住青山裏八尺長竿釣秋水南隣詩客時相遇亭山設地下仙人呼不起亭勉

居其里許有唐

山頭日落牛羊夕松竹未荒山下宅霜中寒菊秋更鮮雪裏青

楓老逾赤清流夜灌浸階縫自持長柄奴抱甕花茵日和雲羅藥圃年年帶

烟種四廊慈竹頻移根別後近已聞生孫數片纔搖清月影一鞭忽破蒼苔痕

先生愛花兼惜竹夜夜勸醉西廊曲月落霜重不歸眠尙憐暗響聽不足昨夜

同雲舞飛雪寒重應憂壓枝折亮無虛壑千竿移未免新愁幾重結知君此時

應傾杯問訊消息到寒梅東風火急催花放蹋雪年年余早來

庚申夏六月
許宗衡讀過

右卷二終

釋經室詩集卷三

屠維作噩

汾橋夜渡

浩浩洪流當春勢已劇連木橫危橋夾轡不盈尺孤雲蕩餘影沙浦鷺將夕
星斗溼寒空天低萬頃白澤國方舍火漫流豈知惜南原久荒旱走望艱圭璧
吾欲回狂瀾挹注變枯瘠諒無搏躍能安得慰哀益藉稻傷鄙人浸蕭念郇伯
滂旱苦不均由來自古昔

夜雨

獻歲苦恒陰一雨慰懷抱傍晚猶風驟震霖忽及早雖微下尺深亦足振暎燥
望極願易足寧如日杲杲四載罹饑饉焦原憫青草比聞南原麥莖葉憂枯稿
小人監齋念苟足望黍稷狼戾猶啼飢頻荒豈能保八口難自謀非關惻黎首
轉欣負郭微租稅易時了不見足穀翁顛連日在道疇言富人帶園棘空如掃

願齋遺集

卷上

十八

山西省文獻委員會印

悠悠后土滯淫溢思潢潦縱我十日餓幸免千里殍

夢唐兒

死別已經年那能長相憶何由在我傍夢回轉悽惻雖異平生顏眉目則可識
汝母斷腸聲潺湲下沾臆我亦愧人父艱難寸衷逼生小未出門術歧恐迷惑
風波更阻修真幻安所測將非坏土滋魂餒欲求食生常困飢寒死亦憂菜色
那無一壺漿澆爾荒草域子歸向何方來往愁傾側寒風嘯窗竹落月向昏黑
悠悠宿莽心中霽坐太息

游廣勝寺

古刹蒼山巔危徑懸一髮履險方蜿蜒穿林互出沒山門業草深磴道長松列
葱蘢萬拱出紺碧閃金闕諸相窮纖豪森嚴入秋骨雲生古洞寒老柏垂清樾
殿扁不敢上云是神仙窟別蘇叩奇蹤捫蘿認詩碣遺像何人留百年眞恍惚
回瞻下界塵咫尺與超忽山氣排窗來高平失炎暍朱夏幸重游朝昏共拄笏

登廣勝寺浮圖

湧地盤崔嵬連雲十三級枝椏晴方搖突兀殿不蠟窮壁轉幽曠臨虛步飛閣
百里見汾川流波入九榻箕陽萬家雲晴絮擊殘衲雷雨東山昏虛聲轉歛歛
連峯踞北眺拱峙蒼翠師坤軸愁傾歛帝座通呼吸白日忽西淪蹉跎逝莫及
誰能借雲梯爲我排閭虎豹隘九關精誠豈見蒼涼無凌風輪高舉渺六合
默然念垂堂勇退謝口躅

霍泉

萬峯不肯平崖傾石仍驟山腹孕寒泉積響出岩竇陰寒湍煮虛牝宵聲漏
百道爭遶奔萬蹄競埒湊齧恐山骨穿吸知地肺透側廊驚群洄俯探怯虛漱
古柏縱橫臥陰森動晴晝石根走蛟蚪雨積蒼皮瘦萼藻濛沙明覆藻擿波秀
誰云深不測頗笑道元陋尋源譌始訂入汾跡豈舊滄海猶桑田歎息何能究

分水亭小飲

顧齋遺集 卷上

十九

山西省文獻委員會印

徑波互飛梁誰構臨流屋鐵檻回潛蚪免蠶坐中伏陰陰積晦暝颯颯易寒煖
寧知用壯感澎湃不可束前溪萬雪飛後嶽千雷逐我寒未色動尊酒闌千曲
鹽肅酌幽深勸龍吾有祝永思膚寸惠作我中田足罷祝喧童冠醉眠藉草錄
斜陽萬峰晦歸雨一何速負我聽潺湲懸鏡就僧宿

雨後過勉亭翠游山房時方養疴謝客

蹋雨來敲竹外門苔階嫩綠破新痕稀人草長斜侵履阻客溪深曲抱村小閣
春寒逢臥病空庭花落勸開樽看山又負年時約百五東風總斷魂

澗橋同享山

傍樹寒生漠漠烟隨風檣筴散春錢小桃夾岸初通路野水平堤欲到田花外
鳥啼催雨急沙頭人歇帶雲眠尋春遲我清明後風景分明已隔年

訪仲亨書舍

隔牆晴柳裊烟絲天氣輕寒欲煖時徑轉山腰窺院小橋通谷口到門遲先生

過午眠初覺獨客重來路自知竹裏茶香烟正颺東峯月上最高枝

唐韓君墓碑歌 有引

韓仙墓在九策之覽墓前唐碑甚佳惜剝蝕矣余與勉亭二兄別群出
之各編數紙因作長句紀之以誌余輩探奇之一快云

箕山東上何崔嵬山前猶蓋前朝碑乃是韓君墓旁石至今剝落莓苔披何人
作亭蔭廣廈敗壁摧殘色如赭狐兔夜鳴風卷林樵收晨登火燒野當年誰墮
峴山淚斷碣重封豈無意千佛猶存劫後容半偈已他千年字終朝摩挲認波
磔餘句覩縷那耐覈猶仿當時歐褚體尙沿前朝齊梁格書作名字俱漉滅首
尾低平下半脫標時獨識大唐年龍朔二年冬十月就中出處頗能詳獨云挂
冠歸梓桑豈如俗說承譌謬成仙化鶴殊荒唐我曷亂雲步荒草倍愛簪花跡
逾好手榻澄心三十張持向晴雨玩墨寶遺跡千秋出禾黍多少精魂泣烟露
山頭明月照孤墳寂寞寒潮自來去

題乾元山寺

顧齋遺集 卷上

二十一

山西省文獻委員會印

緣山逾白折穿雲履石磴澗松轉幽籟風泉入虛籟鐘聲飯後寂嵐氣午前定
僧難戲山門樵響發深徑落日幽禽鳴時聞谷口應不見珠芝人白雲謝持贈

夢遊北橋寺晤秋丞 君時臥病 近年難矣

古寺鐘昏落遠天閉關別我病經年迎人大吠花邊徑過雨雷鳴石底泉佛壁
有詩悲骨冷 己巳余讀書平山王醫堂君 會題詩壁間書堂今殆矣 僧房無榻認塵懸西窗苦負平生約

踏踏寒燈照獨眠

寄雪勝

君家平山下高臥平山雲結茅三十載日與麋鹿群門前夕波遠素浪生清汾
昔下南州榻共我蘭膏焚朝起相對酌夜深猶論文飢寒迫漂泊泊形影惜久分
一課插塵脚結念空殷勤世途嗟險巖彈缺知誰門十年走京雒江湖仍賤貧
拂衣歸舊山覽古窮皇墳素霜染明鏡悔此頭上巾勿效阮生痛且自迴雙輪

游萬安泉

閉戶怨舊寒尋芳畏新煥幽居玩衆化弄此方塘玉鉞水冒初晴迷原飄微綠
沿洄遂忘遠迢遞忽相迷得趣本無心因物方有觸群兒爭跳波予子動盈劑
萬族供一飽艱難抵升粟買放猶斯池明當復羅毒監河吾豈敢別孕念爾酷
歎息悲窮波修鱗安所伏

四月十八日大風作

黃雲蔽日來向東飛塵四塞天昏濛對案拋箸不能舉迅雷怒轉殷隆隆須臾
天低雲更墨狂沙刮地聞腥風鴨青一縷生麟角潮氣欲溼排扉窗白雨疏疏
散大點俄頃已滿空庭空樽前百物失舊態照我慘愴顏不紅老人更事獨竊
歎云恐雨雹成荒凶若饑粗逢麥可稜驚此使我憂忡忡潛心默禱願開霽造
物寧不哀愚蒙瞬轉息飛忽失在欵見白輪光轉叢此邦幸免固其理貪天敢
謝精誠通更愁何方罹此虐豈有人力回天工抑知飄瞥終消散雖災不害疇
能窮引滿相慶詎辭醉相與企望年豐

願齋遺集 卷上

二十一

山西省文獻委員會印

宿北橋寺同勉亭秋承雪筋抑之即題寺壁

殘陽欲落前山暉山寺鴉噪游人稀穿林越澗出山頂石根一徑盤翠微山大
狎僧解僧意見客不吠憑願揮入門青苔滑侵履蒼耳鈎結牽人衣老衲話舊
爭出見小松手植今盈圍榴花半吐芍藥謝落英滿地紅不肥空階畏溼屣還
坐夜久露下星河晞丈室久閉暫棲榻撲撲喜見游蛾飛卷衣代枕燈在壁酣
寢神清無是非人間婚宦不入夢香生鼻觀聞禪機四更月上前峯靜破窗風
裂光穿幃門樓鐘動催客起時有僧維來款扉城市在心不可住呼侶結束趨
塵巖危橋架澗道我去已見野老耕煙霏樽酒五載恍夢寐遂初無計無由歸
惜哉餅盜空著願結茅何日同飯依

願齋冬夜有懷張石州先生

長年低首拜經神座擁書城滿室春海內文章推大筆京華頗領獨斯人千秋
有業終傳後一歲多喪奈損真老屋孤燈風雪夜共誰相伴著書身

勉亭二兄輓詩

詞場悞盡苦吟身零山落房慘不春君嘗曰翠特山房少日名從詩裏得
兩夫子宰洪日君以檢笑詩多年跡是酒間親生成俠骨爲身累
受知先生呼日詩人詩人君家九笑山望山宇修禊何年重結社同香邀月總沾
死結飛仙作鬼隣有勝隱居韓仙君墓
巾甲辰春與君約余修禊笑山時

尋春約負隔年期病骨維摩暖未知君以病未與余前詩有君山又負年時

約百五東風朝望琴樽千古恨君仿輞川集以箕峯別墅與平泉花木一生痴

君性惜花嘗作護花詩買山病裏猶論價

墓生前已屬兒君病革謂錫恩等曰吾墓石必田樹並榮還前歎

危軀一葉寄輕雲君無靈跡太勤

瓣香留待後人分及門衛生侍君疾啓手魂歸夜月呼丁令

願齋遺集 卷上

二十一

山西省文獻委員會印

葬所相去伴結青山有卯君與弟靜誦同日最是兒曹忘不得何時眼見繼斯

文仲亭聞君疾君屬

茫茫遺恨感人琴路斷西州夢未沉余頻化夢君方欲死去論交空雪涕

已耳比疾甚與醫藥抑之視之已不自猶然出涕病中憶我最關心

八月十一日夜忽如危君泣然曰君夢胡不來乎家人道入魂招大野秋雲薄

同人二十餘輩執紼送葬秋送碑蓋荒山宿草深

原上路春明擬待謁青尋秋悉約余來春爲君酌

上章閣茂

百邑

余助爾波智爾封余百邑母乃貪天功豈伊神力及天使亦何勞又報唐師入

蕪水汾王陵

宿草荒蕪紫蕪水紫如帶生稟萬乘尊一坏安足賴可憐未巢孫築台仍避債

飛廉石柳

死不如速朽此言蓋有為飛廉作石柳奸諛同一致君看太白懸欵形更無地

夫婦嶺

角哀與伯桃解衣能成友奈何伯夸徒國士終相負輪蹄日夜明應愧此夫婦

祁大夫

外舉不避仇內舉不避親石碣殺其子乃亦稱純臣大哉趙充國且復及其身

賈令驛

息夫人不言此婦亦不笑天壤有王郎曠世如同調至竟子南材差勝子哲貌

妒女津

介山既已焚乃復見此妹無惑楚屈屢亦作申申嘗能令老孤避此頗強人意

都門遺懷呈王薇階

張鐵生 于結 王露堂 恩切 三孝廉

顧齋遺集 卷上

一二十三

山西省文獻委員會印

窮轍相濡煦彈冠各自慶願言曾無噫共此薰桂性黑貂忽舊傲素絲成新詠

奈我方孔語何由厠跖行照光六星明距曰非司命

僻谷和鳳瑄守困難為聲赤水遺元珠奏鼓難為明醫門日多疾棄材園工盈

爛柯良不達俗語方丹青永悲郢人質目巧誰與成大儒誦詩禮陵麥隨地生

梧台自致齋瑀氏何由名燭胡世已邈按劍宜爾驚

耶谿洞出銅鑄作軒轅鏡照肝百怪匿幽荒無遁映不斲亦不疲妍媸影自定

懶婦亦有膏粲然發號繫對織詎肯明昏昏乃天性燭灑渺莫及耳目成遐覿

遂令涇渭流壤穢焉持正泗鼎倘未淪南箕斗西柄

昔夢遊太山曾登日觀峯雲氣生履底徘徊哦五松玉女顧之笑嫣然發好容

授我讀丹訣道我騰虬龍精誠感魂魄青鳥有時逢絳組蕩世慮蓬萊千萬里

漢陽迷舊佩芳草青茸鈍根終自悔至道吾所宗

德州

一代宗工繼宋王孤寒八百歎門牆何人為雪中郎涕千古傷心雅兩堂

東平雜詩

斧屨猶傳樂善箴更開東閣集儒林思量自古惟家相四海常歸吐哺心

平視君臣禮數荒終應客得此奴狂絕縷自是尋常事至竟憐才屬楚王

苦蟲

弱膚困炎蒸中霄未能忍異水汗涌泉浪浪不可救白鳥虐拚飛越此小腴蝨

醜扇營青蠅藏穢疾駭隼晝伏銜枚斂霽行鈎援敏長簞臥正酣整居來穢流

潛窺幕巢鳥高唱笛宣蠅把簇穿健翼囊雖脫修吻相具班超飛血恣鄧通吮

時亦飽老拳糜驅嗟可憫奈彼繁有徒覆巢卵無盡渠魁雖聚殲孫子勿替引

袒背幸余示寢皮誰汝吝忽掛開門盜難招買山隱器入居然室室操安用盾

寒粟肉生墳繫日那可泯郵勿捫有梭手倦膚可準饕餮爾果腹瘡痍我劓腎

毒計施艾灼淚目愁消朕一跌赤爾口屬廢身先殞竟夕生清涼葛締不用珍

顧齋遺集 卷上

一二十四

山西省文獻委員會印

黃蜂莫余毒空為肉食嚼

立秋前一夕與家伯子坐話兼示崇貴崇簡兩姪

先秋意自感復此良宵近促膝閒深語疏光裕清隣喜行就花密畏坐易苔潤

兄別忽歲時做裘易緋振俗顏入我鏡塵土積青鬢不為浮名欺誰知逝景各

眼前千里身夢裏一年信風動荷氣涼孤螢暗微燼蕭蕭露蛩急瑟瑟月波趁

海色東方來蒼茫踰素汝故山叢桂晚日夕勞問訊

送尹菊田大令之官保定

幽薊饒風雪沙多土田少高揚比屋塵下積經年潦春種不到地秋成苗半槁

彌望三四家雪盡未生草何術能振之隰原足梁稻豈不恃神君補給寧無道

尹公富經濟佐幕才偏早五十非晚成服官慰襁褓况當赤縣地元氣尤宜保

萬家念飢寒百里人襟抱楚鄭非異民衆母為君禱燕樹黃葉飛秋風偏空堡

異時聽弦歌輟輒詢父老但使口碑多官卑貧亦好

送家伯子歸里

客游常苦悲言歸恨尤劇遂令壯士懷愁共寸腸積况我同懷人分飛厲終翻
忍啼各自傷臨歧不敢滴登高轉愁人渺渺長林隔孤雁叫寒雲野花發山驛
西風起素波清汶日沉夕茅店今夜眠知兄那能易明發秋草深一一踐來跡
誰謂歸路長太行今咫尺歸應明月滿庭果猶可摘置酒倘中秋應憐未歸客

鶴山秋望

山風豁醉眼蠟屐先與迎野曠秋慘愴天高日惝嶮溪泉咽幽響雲樹浮虛明
蕭蕭轉蒼翠木落寒蟬鳴清汶低向夕白波千里橫不知舟楫險但見風濤平
野人笑相顏雞黍款柴荊徘徊林際月向我樽中傾碧草愛露晚寒梧悅霜榮
莫辭一觴醉有客方孤征

夢鹿兒

嗚咽緣何事三年憶汝情都忘夢中死猶作病前生擇鬱登初暗世吟月半明

顧齋遺集

卷上

二十五

山西省文獻委員會印

覺來懷寢闕不見蛻衣輕

新泰雜詩

東去青山拔地高鄉名宛轉憶前朝晉人我亦慙孤陋不敢逢人問具敖
徐市樓船久不回茂陵千古費疑猜可憐百尺宮山頂落日猶明漢武臺
綿蕤紛紜悞後賢誰從灰燼問遺編至今識得三千面辛苦經師十七篇
羸服常隨使者車何須庭下看懸魚功名到底輸崔烈不向東園禮左廟
鵲上凌霄魏祚微鷹揚苦語識先幾當塗莫怨天心改至竟何曾晉鄭依
壯志平吳仗老謀輕裘緩帶劇風流想應覘首魂歸日眼見降幡出石頭
獨袍麟經契素王東州師弟亦恢皇龜山樑甫空蒼翠誰關先生舊講堂
環翠亭荒廢斷台烟空衰柳映清漪青山官府如前日滿郭雲嵐黨項詩

新甫道中

岱陽古徐域赤戟傳自昔我行屬時算泥潦雨雪積天時苦未寒冰凍盡滑坻

艱哉輪蹄勞紫日轉危積梁絕軌類欹崖傾磴仍窄鞞嶺凝沙根潭焚出泉脉

絕峯山性險跨租地防逆戴履空高厚人生自踟躕惆悵游子顏那不日凋瘵

羊流曉登望松巖寺

不識松巖路溪聲響算泉五更山寺渺殘夜水邨偏鳥散林邊月鐘鳴石頂煙
遙知僧定處花竹曉蒼然

徂徠山行

山色日千變山勢日百轉倏晦俄更明當近已復遠邈蹊靡定曲奧谷有餘衍
瘦條度虛聽寒梭落空阿冷冷燭氣昏弗弗曉風善積雪連崖幽歸雲入山淺
泥滑凍初融沙平石仍踳局促勞轅駒空效吳牛喘

除夕渡汶

向晚迷前川平沙三十里歲晏與梁成中流臥波起森森烟水昏微風動涯淡
去羽孤雲輕歸輪片颿駛日色增山城人聲喧夜市野菽薦時馨村醅酌來美

顧齋遺集

卷上

二十六

山西省文獻委員會印

遲莫仍百憂端居頗自恥來朝清鏡中惆悵添馬齒

陳後山論作詩當先黃轉而後老杜知言大著已盡其妙而又益以坡老之簡特直當求之古人於近今詩家莫能舉似中有微備質

之處亦是坡仙往往同病吾節節不謂者大力故弗為病也成豐庚申小存傳後馬平愚弟王極讀此贈於宜武門外寓廬

釋經室詩集卷四

重光大淵歎

蓬園立春

旭日明朝牖園林有餘清柔風弄煖節曉院雙禽鳴陰澤解新五陽條敷舊榮
軟知土膏動潤規泉脉生春意欣滿目壺觴獨遺情終焉偶沮溺東作思歸耕

游千佛寺

出郭日亭午輕風動步履遠幽懷穿林忽邈迤佛座青苔根飯台蒼崖裏
石泉覺鳴雨山鳥悅宮徵撲撲紅雨深灌灌綠濤起樓台晚空闊一白城湖水

淺靄依郊明流雲漾空止窗排巒嶺碧杯落晴天紫寂冥吊寒蕪灰飛火千紙

茫茫百憂集且進盈觴旨

登歷山絕頂

山路石氣濃長松上雲直
際寥天外晚落日見鄉國
霽目隨高冥翳懷散逼側
歷歷齊州煙晴湖萬家夕
陂陀轉岑嶺俯仰雙歸翼
古壙闕精魂草荒何年域
貝珠走人間殘碣雨中得
回瞻渺翠微鐘火長天黑
遠樹失春波層城隱暮色
俯身下甃底招提夜鐘息

長清道中遇雨

密雨散芳郊石平道里滑
征車慘不御孤醉方兀兀
近岫青周迴迤峯白出沒
蹄穿亂石罅輪破寒雲窟
天遠南轅深林昏北風發
僕痛我亦勞崔嵬那能越
川行有定程野宿仍躑骨
曉起失青山夜愁生白髮

大雪宿泰山下

寒天不待夕萬里乾坤嘆
飛雪橫長涂同雲暗山徑
重裘晚更單馬足悲深潭

願齋遺集 卷上

卷上

二十七

山西省文獻委員會印

行邁畏時勞鴻泥渺難定
前山暮鐘隱煙寺寒遙聽
咫尺迷岱宗蹉跎阻清醒
如何十年約慳此一覽勝
歎息傾卸醪悠悠孤夢醒

羊流店

倦馬飢思早征車晚來疾
路轉長河暗悽風動清瑟
稠流欲斷冰峯隱初寒日
煙樹荒村遠蒼崖古寺出
浦草橫隄隄山光蔭幽術
人歸喧渡晚羽倦趨林密
木末生金波逡巡靜離畢
迢迢春夜深惕較倚前屋

登平陽古城遺址

平楚斷人行墟煙出喬木
古堞蒼苔深從橫蔓平陸
登高懷前古陳跡滿春日
小汶日夜流具敖鬱竦伏
形勝自天然陰齊賴控逐
南陽復誰勝北鄙曾再辱
千載餘古槐青修苗枯腹
天晴雀噪簷月落鬼跳屋
想當番整初古有美時築
安誠千載異郊原悵陵谷

清明日出游

郊行無遠近緩趨隨幽歷
偶尋樵子蹤喜視清流脈
風動林色靜琴聲滿苔席
因之坐清陰藉草翠峰碧
前村澗葉繁近岸蕪花白
日氣明露桃紅牆一棧隔
孤煙散曠野世事消冥陌
太息泉下人講華誠不易
行樂苦難早何為羨金籍
回首故園春空慚異鄉客

梁父吟

魯山高魯水深荒郊立馬
愁人心懷古茫茫不可極
聽我劍歌梁父吟武侯昔
年未遇時慨慷還能為此
詞魚水一朝成際會神龍
隱見誰復知自比夸吾戲
言耳伯才小器焉知此輕
生三士吁可悲獨愧鬚眉
齊晏子梁父吟聲激烈寸
心如日如冰雪含沙射影
千氣豪婢膝奴顏萬骨折
儀衍區區非丈夫山君何
事威假狐東門黃大空垂
泣覆雨反雲智何及君不
見魏延生時不敢背他時
痛哭李嚴廢開濟由來結
主知恤才更自留遺愛梁
父吟愁人心魯山高魯水
深

願齋遺集 卷上

卷上

二十八

山西省文獻委員會印

晉任城太守夫人孫氏墓碑

楊君吾舅字欣木呼我訪古
新甫麓牛日摩確倦山凹初
來斷石衡平陸風喧土脈文
猶青兩剝苔花字生綠偏旁
憑几強能何語句盤喉盈方
讀上叙夫人系孫氏曰殯於
羊世名族繼言少慧如天成
婉語謝君父心服下言為婦
近卅載內外威德成雍睦夫
官雖著名字殘舊史遺文悵
難續辭古語簡絕溢美陳留
大筆力追逐筆痕入石石生
棧擊力嶮巖洞山腹山精駭
壁晴光寒木斃擎空爪痕秃
屹然猶是昔初風去漢未遠
口痴俗下揖曹全喜少態高
齊苦縣恨豐肉我觀歲月疑
太康欲與檀輒訂反復臥下
徑須三日留走驛無煩二字
促氈推他日記重來快補願
齋金石錄

羊續墓

羊流在城西後枕新甫山
前對羊氏壘鬱為龍虎盤我
聞羊公昔厭氣一貉安得非
常貴葬師悠謬姑未知果有
三公出折臂空山一夜飛霹
靂足斷坤維制

開關金蚪穴改風雨秋劍虎精騰川陸夕吁嗟公也真純臣忘家乃復兼忘身
故應地淚悽遇客豈比式墓歎可人君不見洛陽城南一里許賜墓荒涼掩禾
黍生前已定三朝動死後猶爲百夫禦又不見暴主南遊枉車轍黃金日開重
泉閉不及老臣裘帶長雍容坐見東南王氣歇

雨花道院

幽芳散曉雨苔徑穿修竹案几寒生香窗扉坐成綠鬢風濂初暑靜對水蒼玉
秘笈未銷塵前朝煥遺籙雞鳴午鐘動清梵萬松繡道人閑無事開卷課僮僕
小沼新種魚空林仍飲鹿雲濤瀟瀟雨擲山果熟寂無絃組縈金骨何由俗
聞說傳仙方近來還辟穀

宋刻秦碑殘石歌

六籍灰飛逐煙滅博士冤魂酒碧血皇天不肯黔首愚雨斷荒山古壁裂神物
隱潛劇幻化晝晦乾坤日生夜鏗然片壁留人間耿耿精光向空射滄桑過眼

顧齋遺集 卷上

二十九

山西省文獻委員會印

紛雲烟劫燼灰餘焉可全隻字連城不易觀珍藏豈瑩珊瑚瑤我聞刻篆始秦
相漸變周文失形象滂喜凡將日出新會稽碣石森相望獨立文章閱世久墨
寶終歸六丁守火焚礪山猶刻木石泐陳倉已墟白此碑偃仆知何代楊本重
鐫轉茫味玉女池邊宿草殘雨花院裏落苔碎弔古蒼茫問遺刻斷字零星壁
間得錯落明珠二十九晨星忽奪天邊色我來歎息重摩挲頽籙遺文今若何
山川鼎彝終未磨爾石安得常嵯峨

前登岱

少慕名山游聚糧願常裝三年夢岱嶽高興誰能惰風日石閭開舞心悅砮砮
衣香礪華寒帽影巖葉擲昨夜前山雨衝泥見虎過突岑懷危眩宵谷怯虛歌
蕭條天外雲萬里胸前幽賞隨趣異深行逐意夥頓忘蠟屐荒豈羨垂綸坐
身世嗟礪礪乾坤眞屑瓊
息旅叢林碧東窗攬晨嵐山旭靄初暉溪泉咽幽響寂寂落痕疏茸茸藥苗長

前峯飛瀑處雨霽雲樹朗收唱通谷聞樵蹤隔山上興隨去鳥倦心共還雲往
絕頂方茲期歸程庶當枉行行整輿符經谷結遐想

仄徑懸秋豪連山入煙靄蒼茫重紫畫局脊二分外得尺忱前穿枉尊涼後隘
再作釜底游表裏分兩戒紆谷闕迴沓窈蹊足荒怪風篁隔澗吟石丈向人拜
陰磴方道坦清流散遠派古壁經年頽蒼松閱時大幽耳暫爲滌濁步遂一快
巖壞終自歎人天此其界

入谷叩寒濤飛泉下幽嶺瑤琮萬琴竊窅落千丈井飢蟻時地澗獨鶴自窺影
絕棧橫空回晴波俯春永蟲鳴山曙寂草碧潭畫靜石頂寒雲凝松梢晚風冷
古心喜此憺塵念嗟何屏坐惜清涼陰前山力宜猛

鬱鬱長松枝寧甘趙秦職蒼顏傲世變百尺凌寒色皮甲日摧殘貞心自孤直
化龍遂不反雷雨至今黑將非工尺瑩無乃樵斤得諒無凌霄用空負拔山力
鬼火噓空煙寒鴉擁絕壁神物有潛晦蒼茫問巖刻

顧齋遺集 卷上

三十

山西省文獻委員會印

古宇鐫何年嵌空上危壁青青老煙月剝蝕隨霜巖山骨瘦可捫土花溼難剔
不逢鶴上叟雖識千年跡洞口奔驚雷取塗愁遐逝松露石根零寒泉雨中滴
我來映晚燒恍惚懷前歷虎嘯山月昏僧歸嶺雲寂登臨嗟未鮮俯仰歎空觀
豈念甄推功良工渺誰覓

雙峯相對出近裏山容變嵯峨倚翠微窈窕入葱蒨謾設長風陰松花驚地面
聲叩晚壑寂色靜晴空眩膚寸生襟裾白垂澗底練前轍不能尺聞響皆無見
體瘁清欲癯齒香冰可齧卻顧來時雲英英滿郊甸不辭歸路失幸喜海方晏
前登轉愁人一徑緣垂線

跌蕩天門開飛空擊翠鱗一索寄微命梯危不敢跨側身冒嶽崑崙足破崕嶮
退愁摩後頂進怯出前勝地迴風獨吹天低日辭射絕頂惟孤雲漂搖出元化
積雪覆重岑春深不能夏云術霞處盡歸人鳥邊下向迷仙客縱定迴俗士駕
茲遊倘可再預製雙不借

飛雨峯巔過奔騰萬靈集疎身蕩忽碎屍濛濛日光入金碧倚危空巍巍天際立
晚開天門霽俯見千階級去作何方霖渺然空郊隕入門生信心壁畫驚啟蟄
日見布全地智愚紛踴躍明璫儼相向瑞玉古來輯陋矣淫昏祀荒哉卑齋習
不聞癡罷神誰識龍象泣

昔門泰山上雲路連蓬島來往羣仙遊朱顏常不老或餉方朔桃復分安期棗
精誠忽可通已得長生道束髮縈世縛遠遊苦不早雙童久寂寞雲霧深窈窕
陳思謝黃丸李侯惜瑤草讀書坐自悞鍊骨豈常好百年寄飛電回首憂心擣
何物重邱山懷哉慎吾寶

萬古登封台通天表雙闕七十七代君驕淫起超忽春山御道閉懷古心鬱勃
佳氣望幽燕高空小吳越綠生成陽樹白日階前沒回首秦東門成勞啟仙闕
舉手捫蒼蒼滄波醉來關何時更清淺鉅細同毫末鮑臭闕三泉銅人泣寒月
白雲日悠悠千載雄心歇

願齋遊集

卷上

三十一

山西省文獻委員會印

我登天外峰還看天邊日聳身凌太清闔闔一朝軼局脊昏八表蒼茫俯萬室
人間隔明晦上界同氤氳寧識雷雨昏始疑煙霧密片雲乘化遠獨鳥翻空失
向來衆山尊脚底紛蠅垤海若顧之笑黃人枕前出生平五嶽游發軔今歷一
歎息向平愚何時婚嫁畢

沒字碑歌

茂陵雄才意不止親臨決河塞瓠子東封更躡泰山雲直窮天盡射海水二月
陽春草未生出頭御路連雲平巨表撐天卓天半屹然萬古寒嵒嶮古壁千年
立枯鐵深山伐石蒼崖裂千椎夜擊元蟻啼萬縷朝牽赤蛇掣谷深蹊轉乾坤
動十步九回萬鈞重斷危絕峭隴山椒作勢齊呼谷雲涌至今高峙人天界雨
剝風摧劫難壞空年老祝知歲年聞說深宵出光怪豈是功高邀無尙刪除詎
頌消誹謗獨留百代巍峨觀一掃百家文字障天門萬里來長風蒼龍下攫飛
秋空日出光寒碧落外湖平影落滄溟東玉牒微茫宮禁秘千古何人見丹黍

當時誰上封禪書不向峰頭酒椽筆

磨崖碑歌

巨壑摩山山欲摧五丁曉劈蒼崖開盤空矗立三百尺歷落不敢生莓苔鬼斧
誰從鑄鐵畫橫鑿天根斷石脈眼前歷落生寒芒洞腹徑寸寬盈尺宸翰高懸
煥星斗角尾橫棧燿九有快劍秋事虎豹啼金繩夜斷蛟龍走憶昔開元初上
禪盛典昭回倬雲漢蹊回旌纛五百里野宿縹緲三十萬功成勒石留巖鳥赫
然天半懸空青多少詞臣慙腕弱至今呵護勞山靈莽蕩天風動寥廓矗立深
憂地維弱雄詞自匹讀典文大手高躋雅頌作寂寞殘陽照千古誰憐覆轍驪
山土山鬼驚吟字裏雲哀蟻擁泣行間雨木落天晴一峯出中興却憶涪溪筆
秦碑漢石空嵯峨燕許區區更何述

白鶴泉

丈室掩青苔階前惟虎跡夜深白鶴還影靜風泉滴水宿琴聲覺空林萬嶽寂
願齋遊集 卷上 三十一 山西省文獻委員會印

願齋遊集

卷上

三十一

山西省文獻委員會印

蒼蒼城郭晦孤月聞吹簫夙昔鶴上仙千年鍊玉液浮雲不肯駐風雨終日夕
丹火無復餘玉容尙棲壁從師吾未暇自寄泉石癖
得商抑之三兄書喜即到晚歸遇雨

任城太白酒樓歌

君不見任城酒樓一百尺長虹午貫青天赤朱甍畫棟連雲齊中有萬古詩仙
魄詩仙愛詩兼愛酒生前杯杓常在手荷鍾行處死便埋身後高樓吾豈有樓
下甌觥飛千櫓湖波一鏡搖清光高歌忽疑謫仙謫痛飲莫負狂客狂至今人
去樓空在寂寞山川長不改星宿天來萬里源搏桑日出三更海今古茫茫客
長嘯千載青蓮我同調但當搥樓凌崔顥那許問天揚謝眺長庚作生西南
一尊且向樓頭酣疑是精魂來入座酒星忽欲天邊探我亦天涯感淪落短劍

孤琴出京洛鸞鶴自與千金裘鶴常孤十年約太白太白老不死待我騎龍
玉京裏片雲惆悵橫尊前一笑長空忽飛起

蓬園晚酌

既罷溪前釣還開花下酌白雲憺不流青山起寥廓梧徑無人行殘英紛漠漠
心共朗月閒興是青春作及時宜秉燭幾徧定履著醉鄉無是非何必殊今昨

白龍池

淇淇白龍池入山窅百折頗迴谿谷雨時惜林蘿月消石漱還清澄潭澗逾潔
鳥下衝波洄緩吟俯枝折西巖翠色重蘇壁垂風髮碧石弄清淺依依坐歡悅
靜覺塵慮盈遠欣世念別願持其葉法共証無生說

百丈崖瀑布歌

西巖瀑布天下絕白雲一劃青山裂煙銷葉卷林初霏霧溼行雲雲不飛晴虹
落澗三百尺半壁光穿日脚赤夜靜山虛百泉響劍倚秋空月初上散厓欲墜

顧齋遺集

卷上

三十三

山西省文獻委員會印

駭懸雷觸石怒作車輪迴動地谷風吹忽散悽聲欲續聽更斷我一見之嗟未
曾舌格不下肌生稜聞說雨後輕清快珠瀉空寒一潭碎欲流不流落復起萬
折千回到海水出山努口辨瀾溜永憶源頭高潔時

普照寺

石氣曉來深還瞻客衣薄青山寺門隱白日佛場作雨咽齋時鐘風喧定中鐸
真僧入空寂相伴惟孤鶴不見幽篁天杳無色相著樵歸林葉動鳥散巖花落
任放是知今逃禪非悟昨蒼松倚醉臥梵醒還清漠

天書觀鐵香爐歌

華表千年夜泣血十二銅人弔寒月荒山一盡飛青莽蝕盡前朝百鍊鐵香爐
尺半高嶙峋土盈苔班生古春素腹陰識未銷鏤紀年崇正時甲申盧火初然
切灰起國步倉皇已顛趾定鼎符終三百年窺器識應十八子世代滄桑一朝
換心香更孰焚殘燼孤月秋歸阿母魂斜陽晚入空王殿僧房兩扇門深閉宿

草蒼涼賜碑鬻棗梨日日徒堆錢香火年年罷征稅物理盛衰那得知誣天佞
佛同一嗤君不見孝陵魂魄思陵淚歲歲春官常祭祠

五銖錢歌

庚戌冬奉陽北鄙人掘土
出之得五百貫

夜聞妖狐向空語明日躡躑行及汝孤原萬鬼聲喧呶聚族齊稱奈何許九秋
月墮天昏墨苦雨滂濘斷水防鎗然瓦缶騰雷鳴財虜千年惜不得朽貫書脫
飛青蚨凌晨攫取千人呼百錢豪舉入我手拭剔纖書辨五銖土剝塵埋知幾
年坐令刀布如壘泉痴翁藏窮勞心力臆測定出皇唐前我聞闕法五銖稱至
便卜迄隋氏上炎漢文德指印易開通千三百年法始變有宋而還鑄年號刮
鑿磨谷愁銷耗文字誰從辨背漫廓輪漸已混肉好此錢制古形摸奇魚腹黃
牛誰見之斯世倘教長穴閉生人那不憂寒飢意氣相傾出都市多少英雄爲
汝死穴中畢方莫嗟吁野火吹灰化千紙

蓬園集三十首

顧齋遺集

卷上

三十四

山西省文獻委員會印

晴雲不到地坐臥鬚眉綠卷簾午風寒半榻幽夢熟

綠雲草堂

柳坨春水生波光向堪把鴨頭日悠悠不見垂綸者

柳坨

孤雲扶雨出演漾巖戶裏誰謂本無心蒼生終一起

小東山

六箸瀛洲塵情情橋中住不知清淺流小別今幾度

橋隱坪

直鈎竿窺窺月明橋下釣至人久無夢何必滄浪擢

魚梁

殘雨隴空廓夢醒間清滴蕭蕭秋夜永孤蛩答蔭壁

桐雨齋

海月波上來田田映龜葉曉來天在水瓜艇不能涉

湖月池

我揮杯底雲君賜波上月挂席凌倒景惆悵待明發

石驪亭

孤館吟風條迢迢門不閉客驚詩興來却立蒼苔細

翠筱館

杳杳日銜山丁丁鳥啄木霜氣下微涼葉落滿虛谷

木皮嶺

自經秋雨來葉長定幾尺蒼苔昨來滿一一鶴行跡

燕北勛

霜凋簷下芳日日呼童掃欲攜雁來紅都迷向時道

紅葉橋

斷頭作秋色一角推窗入山月呼不前招我遠相揖

獨鶴凌風游毳溢八表莫貪青雲戀忘却歸山好

珠簾不隔幽酣我窗前睡吟侶倘相從廬山一把臂

風波幾時息飛雪通地肺心寂不聞喧孤雲憐相對

倚欄愁風雨逢春惜開謝陰雲不肯晴故惹鶯兒罵

有美難終晦移根小窗北秋來蕭艾滿幽艷君方識

昨夜落星處晴曉曉相向靈槎何年游記待卜肆訪

森森空波盈盈憺煙水輕舟葉底出采采秋風裏

秋士多悲懷高台助清氣冷冷七弦夜月靜魚龍佛

疏籬遠招風短棚淺蔽日手携種樹書心悟齊民術

秋來不知處巖際爭花發憶我故山人何如今夜月

搖落感秋深歲寒覺春在凍蟻不知蟄年年夢香海

願齋遺集 卷上 三十五 山西省文獻委員會印

久作山中客頗耽山中味寧知出山苗還似在山未

罷釣石關倦夢醒自飯鶴客去知幾時風卷殘花落

偶逐松風去溪行忽已遠短葛委蒼苔歸來落花滿

未解是秋聲誤驚山雨至依依送歸鳥人影寒在地

一動萬波隨寒泉不改井目送清溪流心與清溪靜

山人餉靈苗過雨階下種日日遺鶴看新年分汝俸

八分歌題鄭仲平册

韻籍斯文並三古千載雲初變初祖佐書萌芽亦因時

老吏爾何物制作公然削曲屈冤哉萬古汚詩書何至

胡公棺遺文遠出祖龍前秦六體後漢八體乃與古篆

好金石銘鐫各爭寶中郎一手書六經別體譎書跡如

雞野鴛爭自珍大鳥西飛始變古五馬南渡從失真石

潤廿三世鍾公銘石無再傳遂令絕藝難為繼贖石殘碑向千載

金倍歐洪王趙勤搜討古法辛勤至今在鄭君嗜古近無匹

收將前代百家衣縮入懷中五色筆苦心點畫豈在多祕訣

古人看不誤逼真何止誇散戈我讀此編重嗟惜君今六十頭

人未知他年抵作連城璧

秋丞二兄晚詩

半世維摩病裏身年來衰朽惜殘春

詩格王郎有替人

窮愁未死豈言貧

阿成味夙因

王前商後劇風流景李疏狂未易儔

奉約同人

願齋遺集 卷上 三十六 山西省文獻委員會印

不吟詠秋風原水悲前約

遺句孟韓留

文字酬知累友難孤君長夜暗心酸

已物矣丹鉛璧裏書初出

明酬飲其葉田獨夜烏啼雙精冷

空堂盡化一編殘

匹馬春風恨別情梁山忍見一時傾

交空生死惟餘我累到飢寒忍負兄

三絕寢門千里有同聲

車白馬成惆悵慙愧平生范巨卿

成豐丁巳夏五月余小歸同年撰大著五册示讀三復之下

才可當著書登傳以詩考傳耶不辭折腰青久之何時補綴一把臂快吟
盛時也詩抽訪正雅集屢坡未及付刊籍錄入章歸入補綴下青寄賜
於小印師樂氏之平故國寓拜

顧齋遺集

卷上

三十七

山西省文獻委員會印

顧齋遺集卷上終

顧齋遺集下目錄

壬戌科會試前錄片

聲調四譜圖說序

玉井山館文畧序

蕉窗嚶語續集序

聊自娛齋詩草序

蕙香書屋詩草序

亭山詩抄序

勾股備術細草自序

顧齋詩錄自序

西山游草自序

李氏族譜序

顧齋遺集

卷下

目錄

喬氏族譜序

戴太恭人七秩壽序

周母姚太恭人八十壽序

重修學宮記

重修阜陶祠記

乘瓢池記

登九箕山遊韓仙墓記

遊申氏山莊記

遊玉龍潭記

箕峯別墅賞菊記

箕峯別墅記

遺經堂記

山西省文獻委員會印

同心齋記

募修財神廟疏

募修春秋閣疏

禽昌考

河東新修四門城樓紀功頌

袁端敏公家傳

勒贈忠義李貞靖先生傳

李義士傳

旌表孝子董霽堂先生孝行狀

董堯章公行狀

受天李先生像讚

莫齋彭君墓志銘

顧齋遺集

卷下

目錄

雲巖韓君墓志銘

靜軒董君墓志銘

鶴翁府君墓志銘

炳南喬君墓志銘

挹華王君墓志銘

有山范君墓志銘

魏恭人耐葬墓志銘

張伯翹先生墓志銘

張鐵生先生墓志銘

尉餐霞先生墓志銘

楊鳳岡先生墓表

挹華王府君墓表

山西省文獻委員會印

李勉亭先生墓表

陳峭夫先生教澤碑

信卿阮公義行碑

顧齋遺集

卷下

目錄

三

山西省文獻委員會印

目錄終

顧齋遺集下

壬戌科會試前錄序代

皇帝御極之元年歲次壬戌會試屆期吏部以試官請奉旨以臣倭臣萬臣鄭
臣熙往伏念臣倭滿州下士屢奉恩命於道光某年充某省正考官於咸豐某
年充某省正考官茲復渥承殊寵叨典文衡謹同臣萬臣鄭臣熙先後入闈夙
夜將事先是科臣以釐正文體為言下廷臣議以文務取清真雅正為宗以期
拔取真才得旨允行臣等謹持此意以采擇卷幾三千殫精遴汰取其言尤雅
者得士如額既以前茅十卷恭呈御覽錄既成臣例得綴言簡首乃拜手稽首
而言曰今取士之方其惟文章為盛乎我國家承歷朝之制試律經策試士擬
酌損益盡美盡善無復加已世多以士先器識後文藝制科恐不足以盡其才
而欲多設科目以廣登進固慎重掄才之至意也臣嘗伏思虞廷敷奏以言即
後世對策之權與周官三物教民而賓興之六藝與德行並重至孔門設科則

顧齋遺集 卷下

山西省文獻委員會印

合德行爲一而言語文學獨分而二之豈略實而崇華哉誠以賢才進身之始
德行非可言見而文藝不容僞托故造士之方雖廣而取士之途必出於此雖
聖人之教浸亦與爲積重焉三代而後漢以射策唐以詞賦宋明以經義所尚
各殊而以言取士則一蓋舍言而進矯僞轉不如取言而可別凡民其事爲有
徵此百王之所同莫之能廢亦莫之能易也夫制義代聖賢立言詩本采風之
遺經規根底策備實用文亦何嘗不足盡才者至於重射策而習縱橫尙詩書
而趨浮艷崇經義而溺章句此學者之過文之弊非文之失也懲其弊而救之
亦務取清真雅正爲宗斷無背於修辭立誠之旨斯可矣變其名而仍其實紛
紛設科徒滋冒濫又烏視可久者耶雖然以言取士固君子野人所由分也若
夫辨人品之臧否審學術之真僞則不繫此是蓋別有其道而亦非區區一第
進退之所能盡矣方今聖天子典學伊始黜華崇實首以釐正文體拔取真才
爲務凡此多士所陳率皆學古有獲不襲陳言不撫隱僻發明經義能以先儒

訓詁爲宗者由是而爲君子備志古人學文也而進於道此則臣等所仰答聖
恩於萬一且願與多士共勗者爾

聲調四譜圖說序

唐人詩法聲調蓋有定式律體多沿陳隋之舊惟古體與六代迴殊七言則至
唐始備且初盛亦自不同史稱沈宋研切聲律號爲律詩而世不傳其說俗有
一三五不論二四六分明之語莫知自來意即沈宋之遺夫一三五則拗救是
也二四六則黏對是也古語簡括當時家論戶曉無煩別詮中晚專工近體其
法寢失獨近體歌括四語至今不廢則利祿之途然也韓孟崛起力仿李杜拗
體以矯當代圓熟之弊宋元翕然宗之拗體孤行而正體微後人不復能通輒
以前二語爲詭病抑又悞矣國朝益都趙氏始創立聲調譜同時秀水朱氏亦
言杜律單句尾字三聲遞用今驗唐人皆然亦不盡句尾也余家世爲詩先王
父著騷壇八略二卷先叔祖父會手訂杜集聲調皆宗趙譜余年十三先世父

顧齋遺集 卷下

山西省文獻委員會印

即以二書並趙譜授讀比連遭大故幼學失恃師質疑莫由茹藉而已泊飢驅
奔走輒以杜集自隨始稍悟每聯偶對必諧趙氏但重下句爲未審也里居讀
全唐人詩獨愛劉文房格律精密又悟古體亦有黏聯舊但以一聯爲式猶未
確也因私創爲五七言古詩平仄韻各圖圖定爲四句略具黏對之法而已然
以証盛唐諸作輒難盡合既乃再討先人造書因得論黏對拗救雙單正變並
絕句諸法漸識端倪蓋黏對者古律所同拗救則異一三五字奇不惟拗不論
印救亦可不論二四六字偶不惟黏對分明即拗救尤須分明不明黏對之有
拗救是知正而不知變尤爲未備也趙氏論單拗雙拗之旨雖非其名嘗有所
受乃歎先人造書中鮮口授幾成絕學遂補均體諸法又推所從出於四者爲
之表融會貫通庶無大戾矣丙辰入都楊汀鸞葉潤臣二先生見所註唐詩而
愛之各假一冊去殘稿漸多散佚性懶志荒遂不能復竟其業庚申秋移居研
樵寓齋研樵喜爲詩持論多與鄙見相合而尤以趙譜論說未盡爲憾暇輒取

古人詩集以丹黃分註其側篇章既多遂手輯是編乃分別部居辨定體例每門各歸圖說不使淆亂錄成問序於余昔顧氏作音學五書既成語人曰五十年後當有知者計江戴之相去果符其年則雖名山之藏亦將有發屋壁而出之者况當吾世爲不脛之行耶余蒲柳早衰才學日退區區之願蓄疑且三十載同志凋喪略盡獨研樵得我心而爲之先親爲快宜無大缺矣猶憶少耽思史稱四聲八病創自沈約嘗較沈集逐句詩釋久而心知其意忽忽又十餘年矣舊冊莫記存否著述姑難自必研樵年方富力方銳而又覃思不倦聊發其凡倘準段氏諸經小學之例悉引伸於橫被四表一語以成不朽之盛業詩教庶少備乎又不備足補趙譜已也是則余之所深幸而屬望於無窮也夫同治二年立春日固齋王軒叙

玉井山館文略序

學問爲人之本文章學問之本古文詩又文之一端專家著於學寧無少窮於

顧齋遺集

卷下

三

山西省文獻委員會印

爲人奚當焉此楊子有壯夫不爲之謂也善乎顧氏亭林之言曰不能不足爲通人夫惟能之而不爲乃天下之大勇也蓋自負深矣雖然亦惡能不爲哉有其才矣年與位或弗之及古今志士思託空言而未由自見者何可勝道非是而高才積學莫不忧心劇腎矻矻白首力勸於古人立言之旨而未止也矧優游容與年位並逸而空空焉而味味焉其與固陋也幾何故有楊子顧氏之志則爲勇無楊子顧氏之志則爲怯與弱然既爲之矣奚壯夫之尙而異乎人之爲之者蓋本其爲人已矣爲人之本曰實曰真文亦爲其實焉真焉者可矣不然心營目注而千百人之相阿相諛而念而自爲之志荒矣烏視所謂能耶故曰有可傳之文無必傳之志有必傳之文無必爲之文此吾友上元許先生論文之旨而實自道者也先生雖不欲爲文人論者且謂先生不徒爲學人而世爭以能文道之先生亦無以自解則以年與位爲之也文之幸非先生之幸也先生之文一如其人不爲名不爲僞無事於能而無不能無意於爲而無不爲

斯其爲獨實獨真之文非壯夫通人不能者也先生文既不能自閱友人假錄維艱迺刊初集若干首厥衆意軒知先生深遠次所論述著於篇俾讀者知文章不足慨先生而所爲已至是益信夫學問爲人根底一貫惟其能之是以爲之夫固無之不可也然則舍爲人而徒文是求學焉務諸世而號專家是殆不足以見先生矣同治丙寅四月上日洪洞王軒叙

蕉窗語續集序

庚辰仲春余始移硯井門時王靜齋都轉方以囊寧道升任兩淮瓜代未行猶得暢叙契闊既而都轉出數冊相示曰此吾師由左汪松樵先生遺稿也先生久宦秦豫作詩甚富前集久已刊行此其續也凡生平歷官交遊家庭人事皆於詩中見之今先生已歸道山楹書長闕後死者懼焉子盍序之以當贈言且請點定吾將出而問世余不敢辭而未敢以應命也未幾而都轉之凶訃遽至重泉負諾悲感交縈泊得先生哲嗣湘帆通守相晤名父之子不愧先理深喜

顧齋遺集

卷下

四

山西省文獻委員會印

替人之有在而都轉見託之雅可少酬也長夏閱讀數四先生詩自抒胸臆不拘拘於規仿而長於言情一開卷而知其爲循吏之詩非僅以詞人見者也先生退老就養山西詩境又一變不煩繩削而自然合拍蓋老境冲淡夷猶真能不爲物累者則又徵先生所養之有素矣集中凡流連光景以及尋常酬應不甚經意者概從刪削計存十之六七嗚呼是足以見先生矣當先生來晉時余適請假歸里時代相接而未及一見今乃得序訂先生之遺集類有數存焉者書既竟以質湘帆通守庶可慰都轉未竟之志歟又不勝車過腹痛之感矣光緒辛巳閏七夕日洪洞後學王軒謹叙

聊自娛齋詩草序

代州馮氏爲吾晉望族自前代已然不第修閭閻簪纓也其一時詩文之盛幾於人各有集與吾晉之裴柳薛王相埒實爲諸大族之甲國朝馮氏詩人自柳水先生倡之代有作者近道光咸豐間以詩雄山右者則有習三學博與其族

弟魯川觀察兩先生時有二馮之目魯川先生早達官京師久負海內盛名余交最狎習三先生則久困棘闈鬱鬱以冷官終故未知名而未能一見二先生雖各未竟其志而遇合略殊境地因異詩亦所造不同魯川先生余別有論說習三先生少年才華與魯川相比大抵從溫李入而時涉盛唐之趣集中無如題諸作深契古人意內言外之旨至論詩諸什則又自道其生平得力之所自也暮年境愈進遇亦日窮而興復不減故所作不名一格雖未能脫盡百年間詩人習氣然亦足豪矣先生無子四女皆能傳其學叔為婉琳夫人歸吾邑董芸詭舍人工詩習書嘗執贊寄門下受詩法幼時從先生官遊南北每先生吟成輒能上口錄其稿藏之先生身後稿多散佚夫人於歸寧之暇極力搜求而集成若干首定為聊自娛齋詩草二卷仍舊名也舍人將為之授梓而問序於余且求刪定余謂使先生手訂其集則固將有自刪者不待言今先生稿既散佚賢女力為搜羅志意良勤雖斷句零篇猶當拱璧珍之即使間有漫興之作

顧齋遺集 卷下

五

山西省文獻委員會印

過而存之讀者自能分別觀之固無俟刪訂為也抑亦存先生之遺焉會舍人遽歸道山夫人欲成夫志寓書敦索因述先生作詩之大略弁諸卷首俾先生之志不終泯且以識夫人之勤庶足完舍人之志焉時光緒丁丑清明後三日
洪洞王軒

芸香書屋詩草序

董君芸翁中翰以光緒丙子宦沒京師逾年其孀馮佩芸夫人以君遺稿寄余鹽城浼為點定久無以應今年春夫人奔母喪赴代其夏歸寓會垣乃始校付手民刊成余不能無言也君早負時譽與兩昆久擅三鳳之目官京朝後與德曜同問字於余余不敢卻而請無居其名願君體弱善病不任過勞是以所學皆略規門徑獨性耽聲偶每構思輒冥心孤往不能自己與其癖嗜金石既蠟椎榻殆無虛日且室有同心相益相長雖寢食未嘗少廢距意竟坐是傷命耶惜哉君言笑不苟幼志儼然老成詩如其為人甫下筆即不作門外語中年始

肆力為之駸駸直與古會聲聞既起兼工篆隸憲攷証日下學人爭相引重以古相期待君亦雅自矜慎視萬里猶聞與衆方羨君年不可及余謂詩卷常留在君特餘事然既長愁養病嘔心佳什當不啻此寥寥者為也余竊怪君家世豐亨堂上愛日方長昆季同官清要生人之樂門內之遭罔非悅心之境與世之悲抑塞傷坎圻者判若霄壤顧君獨鬱塞地獄若有不能自釋者豈科第之內念傷志歟將疾弱之外緣損神歟固早訝其不祥卒不虞其可見於世者亦止此也豈不重可惜哉此余每展卷欲序而歎歎輒罷也老病衰慵久戒作傷心文字幸見此刻之成既不能已於言又泣然不知老涕之何從矣君家世生平詳余所為誌銘中茲不復及光緒丁亥登高日洪洞王軒

亭山詩抄序

甚矣天之生才成就如是之難也若吾亭山者抑何幸歟亭山補諸生能文章好學深思家貧甚若不介意凌厲飭饒之氣往往寄之於詩嗚呼其可慨矣初

顧齋遺集 卷下

六

山西省文獻委員會印

亭山有詩才而不作余嘗誘之亭山輒笑謝不為意余自歎為詩不工屢欲廢棄兼以埋首舉業家言未嘗精心以期於古之作者僅有一亭山可與言詩而又不作嗚呼天之生才豈終不欲成之耶歲癸卯亭山忽發憤為詩古近體百數十首清紆淡遠無憔悴抑塞之氣於詩人溫厚和平之旨為近余喜甚為點定其所作而刪其十之四嗟呼賢者固不可測哉豈天果欲成亭山而私之歟抑亭山實不負其才歟亭山勉乎哉昔夫子以為山之止進喻學道之勤惰吾謂學固如是詩亦猶然以亭山今日之所作一簣耶九仞耶以亭山今日之所至培塿耶泰嶽耶亭山當自辨之無俟余言矣嗚呼亭山其自此遠矣亭山勉乎哉

勾股術細章自序

勾股之名始見周髀算經或謂勾周同音股髀同義蓋卽一名也其法并差互見青黃相輔分之為六十題約之則二十五術古九章設問口口略舉一端示

例未備其術也李氏測圓海鏡皆以容圓立數雖本九章而亦多新意益古演數又有被絃分兩之法皆在二十五術之外我朝梅氏書又有積與各數相求例其孫文穆公又增積與勾股弦和較四例載入數理精蘊而謂向無其術不知王氏孝通緝古算經已有勾股較股較二問是唐人設科專經已有之矣近羅君若香著勾股容三事拾遺以容方容圓容垂線三數互求皆依天元一立草錯綜變化五化八門幾至不可思議是又於二十五術外別立二十五術也而勾股之能事畢矣咸豐乙卯張君鐵生以翼城布衣焦君文起所著勾股圖解示余蓋君方欲從之學數而未測其精否也余時尙未見李氏四香細草歎其窮老僻獨學無助苦心冥索能深契古意而無遺而惜其語之過煩而無紀目不能立術也思爲之節刪而補之術以成完璧時亡兒膺之方習乘除解開平方頗能按圖演其二三輒因其詢問稍爲釐定之未卒業也辛酉在京師楊君鐵臣言曾於廠肆見此書嘉其用功之勤亦欲爲補苴其缺略乃郵

願齋遺集

卷下

七

山西省文獻委員會印

諭膺兒索取以附會膺兒殤亡余心疾廢業楊君旋赴外任事又中輟同治乙丑申生贊唐與士驥同習開方術將從事於勾股焦君此本既已無存李氏書亦未携歸每所指畫多錄之計簿餘紙即以周髀經勾二股四弦五數皆依立天元一爲之細草而盡備其術使不涸涸二十五術之外亦各有所發明體例畧具洎乞假再歸移稅鹽城之四載同治壬申首夏乃爲排比而增刪之定爲四卷一卷正術二十五術也一卷廣術積與諸數求也三卷變術勾股容諸數相求也不盡三事有愚見凡增者其三事則祇求勾股弦與各數相求六術而已以自有專書且不敢掠美也皆有術有草卷四曰綴術則仿勾股積例以勾若股與弦乘積與諸數求迺愚見凡增故祇有術無草以示區別焉總曰勾股備術細草從其翔也向疑李氏既有細草則是書可不存是以久而未成既念各題不皆李氏所有若摘存之本末又未完且亦未襲李氏之餘閱者自知之故過而存之云願齋王軒自序

願齋詩錄自序

執筆吟咏越二十年境三變而吾心之詩終莫肖也刪辛丑迄乙巳作十不存一爲一卷曰洪崖集丙午迄己酉五不存一爲二卷曰太嶽集魯川先生曰汰之海秋先生曰留之疑焉而未能決也姑別爲前編以俟更刪庚戌迄乙卯曰壯遊草丙辰迄辛酉曰羈宦稿已削者十三未訂者十七共十卷爲初編伯韓潤臣魯川諸先生謂今乃遜昔海秋少鶴兩先生則謂後差逾前又惑焉而未定也最薦盈千蓋存猶待前而刪則絕無不可者壬戌春仲復先生撰嘗代名家之作爲咏樓蓋載集撰取初編所存錄爲二卷以付梓又惡焉而未能却也十年積悔老大徒傷重以生死契闊憂患亂離之餘忽忽遂已無聞根觸舊學茫然幾莫舉其名奚以是雞助爲哉且既爲此拘拘矣跡生平身遭足歷之境與夫耳接目及之端以當古人著書之資何遽不沈然已心意所至求肯諸手者尙百不一及也嗟乎時不再來師友日闕辱先生之厚愛益自傷學詩既

願齋遺集

卷下

八

山西省文獻委員會印

非素志而此區區者抑又不盡心之所欲爲也覲然附驥既滋愧重滋懼矣同治元年花朝後願齋學人王軒霞舉甫識於宣武城南之櫛經廬

西山游草自序

壬戌秋杪訪海老於我園不值詢老僕曰游西山未計歸期也心歎之而憾其不我招也留題二律以見志閱數日海老歸而見訪出詩十八章以示歎其高渾海老復爲道西山之勝心愈嚮往恨不卽襍被而前也決計往遊研樵亦欣然願爲先導海老復作紀遊示之程以促之乃竟再約未果遂罷興蓋西山之勝在秋而深秋尤宜山山紅樹如在畫圖入冬搖落蕭條景亦索然矣因作二詩寄慨次年春研樵申前約余謂遊山不約約終不往子姑待有興卽命駕耳既又屢約未果研樵方慰余言其年夏初余與同官奉職之藍澁廠事畢日未午或言碧雲寺之勝去此尤近同人約余往遊臨覽竟日而餓未預戒同人腹皆餒甚日落鐘動僅入城余虛往實歸乃殊覺腹猶果然也因得詩八章聊爲

此詩之作不第作游覽觀已也同治辛未谷雨日書於鹽城之隴陰精廬

李氏族譜序

天下氏族之盛莫過王李世謂王之姓出於周而李則肇自老聃厥後世代繁衍至唐尙賜姓之舉故李於他族爲尤盛即以洪洞論之比櫛而處者非王則李蓋二姓實居三之二焉今世之言氏族者輒曰張王李趙而張趙之宗終不若王李之多或曰賤之之詞也言其無可考稽也或曰張王李趙同爲一家又曰四姓者同姓爲婚不爲禁俗士紛紛矛盾如此其將奚從哉王李之族既盛則其姻友之家恒視他族爲多故余家累世戚好惟李氏爲最夥而他姓俱不及焉洪洞李氏無慮數千百家其居東張者又無慮數十家而余友享山之族則於東張村最大而著其始祖蓋嘗司鐸杭州矣溯厥自生世遠年湮已莫從而知之歟後代有隱德科名繼起而湘南孝廉呈才布衣俱能以忠義世其家蓋其家風之來也舊矣然譜久不修文獻散佚過半則有以他族而冒爲同宗

者有本族人而漢若陌路者有子孫而不知其高曾之名字與邱壠者享山傷之乃據舊譜而增修之規模略備考証詳實而不文實而不僞三易寒暑而譜始成乃携其稿而以問序於余余念享山與余少共筆硯且以歷世戚誼家世情懷無不周知序享山之族譜宜無過余享山縱不辱屬尙當毛生自薦求爲享山序之况又重以享山之意又烏得不言然享山族大丁繁其先人行事遺失已多問之享山亦有不免無缺漏之憾余縱略有所言豈果能賢於享山之所述耶獨是湘南呈才兩公其行事卓卓有足紀述余自髫齡卽嘗稔其事矣每思爲兩公作傳以昭示後人而自愧才學疏劣不敢輕爲下筆方當措思輒又投穎而止猶冀異日少有寸進庶幾可以傳兩公抱此區區未卜何日方酬其志筆墨有靈吾不食言因先書數語還之享山而豈是敬祖收族之陳言概不敢爲享山道時道光壬寅長至後三日

喬氏族譜序

立言可以空垂而紀事必徵諸實春秋之作以父母之邦時地尤近而傳疑傳信僅及祖之所逮聞豈果有所去取哉毋以徵文考獻猶是杞宋不足徵之故也國史變而邑志邑志流而族譜雖大小不倫而以備鄉黨之掌故志先世之遺聞則有非是未考者悠悠者勿論已其或著述別見記載而鄉黨反無其傳爵位猶在人口而家世未詳其次有志之士掇拾遺聞無徵不信能勿深慨歟同治己巳余歸里之始適喬墨莊孝廉修族譜屬爲之序越二年君以大挑知縣之山東壬申公旋遂竟其業而譜以成余不可無言蓋余觀喬氏之譜而不能無感也往讀元遺山中州集載吾邑祇一人曰蓮峯真逸喬辰小傳叙其科目並其子官秩出處視邑志暨喬氏族譜特詳余曾備錄其詩並傳於邑志以俟補增蓋三十年於此乃始獲付其裔孫俾載家乘傳之無窮蓋吾邑舊志創於明嘉靖時李對霍學使復初故紀於近溯自宋金元而止世家大族唐以前無著者至宋始備科目漸有聞人而文章著述則自元處士張雲谷守大始願

俠君元詩笑集所采是也如中州集所載湮沒者又不可勝道不幾疑吾邑父
風至是始啟耶則豈非志乘不備之故歟集中小傳稱展字君章初名逢辰今
喬氏族譜則別作蒲城縣丞逢辰一人世次又在展字字下未敢定其孰是夫
子傳其先世且官秩非可僞託似若可據然譜中所列與其宗祠木王並遠祖
而五已莫詳其世次且以下多闕至明初推官純一公者世始可考距君爲十
五世其後分爲九支君所譜備極詳明而自君章而下至純一公世系未可深
悉蓋猶在傳信傳疑之間此與邑志載狀元王綱里人至今猶道之而吾家世
系紀自元季無從考其支派其事正同則豈非譜牒不修之故歟夫遠者既靡
可究而近者久將復遠今日之昭昭安知不又爲異時之泯泯則君是譜之修
願謂猶可少緩耶抑余尤有望者吾邑志自李學使創始後楊司空范徵君嘗
一再修之泊雍正八年爲妄人竄改殆盡迄今且百四十餘年矣先王父屢議
增修未果思欲爲一家之書以待將來凡例備具今與三舊志尙什襲篋衍未

顧齋遺集 卷下

十一

山西省文獻委員會印

竟之緒責在後人計不肖半生亦五與其議而迄無成今雖天假歲月仍以飢
驅未遑安於家食舊學全荒同志日稀覽君斯譜私願轉寄他時政成而歸或
當共成其志且益讀未見書以蒐羅佚失不第鄉邦文獻與先世遺聞藉以不
墜卽以備國史之采擇則固舍是未屬也與君共勉之已同治癸酉仲秋後十
日

戴太恭人七秩壽序

國家龍興海右以武功定天下所守方畧既異歷代大抵八旂勁旅之力爲最
而元勳碩輔不待覓求夢卜篤韓彭於天屬聯望散於懿親茅土同休彪炳史
冊蓋騎射爲滿州根本屢垂訓典奮武揆文初未嘗畸輕重焉消寓縣底定監
前代而設科取士率鄉比天下之才俊三年而升之禮部禮部又比而獻之朝
廷以待任官中外士庶濟濟于于罔不由斯途進者蓋二百年於茲矣然定制
文武殊途於是有旂檔民籍之分民籍隸州縣文吏耕土輸稅秀異者由科第

出身以得官非是莫達也旂檔隸都統將軍武臣悉取正戶補甲充伍得以積

勞至大官雖或以科第進身不在此限也此其大較異者至於天潢宗支則自
五貝勒貝子公將軍以下受祿任職各視其等差蓋無不官之人矣疏屬閒散
復因其及歲或取以備宿衛授散秩及挑取雜差者輒試以射而不及文藝非
若民籍之埋首爲墨子業歲僕僕於春秋二試白首下帷舍是則絕無所憑依
者可比也顧承平日久聲教覃敷世爭以科第爲重矧其在魯衛晉鄭之伉耶
人文蔚起所由來矣而翰苑清華之選非科第不與士夫猶心折焉世胄勳戚
既不借及第出身又往往以不能與選爲憾而自視輒若不足者蓋積重之勢
然也竊嘗論之八旂宗室進身之途甚廣而科第之程反隘蓋朝廷之意既不
專此以爲登用則恐多妨妨寒賤之階故八旂與宗室中額往往視直省或得
則得之視民籍爲愈難得愈難乃愈貴重亦何怪其爭趨於是而以爲族黨僚
友光寵哉皇帝建元之始貢禮部者幾二百人而宗室僅二人焉比臨軒對策

顧齋遺集 卷下

十一

山西省文獻委員會印

二人者乃皆改官庶吉士士林艷稱以爲僅見之盛事我薊林同年其一人也
溫味秋編修爲余言薊林之成名蓋本於誥封恭人年伯母戴太恭人之教云
太恭人家本名族幼嫻姆教尤精熟孝經曲禮內則小學諸書言行皆有法則
及歸我年伯某先生也克盡婦職相夫子以敬事舅姑以孝先後姊妹之間怡
怡如也夫宗內外相接以禮歲時遺問無少愆御下以恩臧獲亦不忍相欺二
子四孫皆疑疑成立能克家矣人謂太恭人之厚德宜食其報而抑知太恭人
之宜有令子乃本其教而非妄冀於不可必之數也方薊林之未仕也則日以
力學讀書顯親揚名無忝所生爲勗及已仕也則又以立志篤行慎言擇交戒
浮僞抑躁競無負國恩爲訓蓋太恭人生平於事無不厚而教子獨不事姑息
且薊林來日方長太恭人時時若捉孩赤子而詔之行俾終身無失步此豈人
子易得之遺耶今歲十月之望爲太恭人七秩設帳之辰諸同年生欲謀製錦
稱觴而屬拜言於軒夫薊林衍玉牒席厚澤富貴固自有矣乃徇徇儒素降而

與吾儕角逐文場且以方壯之年官清華躋仕即津要可立致世俗視之所謂得之愈難而愈貴重者無以逾是宜若可以壽太恭人矣而以爲足盡太恭人之教與彌林之善承其教則未也雖然彌林雖不藉是重太恭人固不僅以是期彌林而彌林之顯親揚名無忝所生以至是者不得謂非太恭人之教也由是而率諸孫以繼家聲厥官以酬國恩彌林敢不勉承母教以謹守無忘乎豈徒以是爲宗族交游光寵已乎此則可爲太恭人勸一觴者矣謹序

周母姚太恭人八十壽序

皇帝以孝養先天下惟元年既尊上兩宮徽號遂覃中外臣工俾以所受爵秩各得推恩所生一時銜使諸臣或典試或督學凡切倚闕之望既竣厥事皆許陳情乞假迂途歸省以伸其私蓋自軍興以來周道多梗士大夫服官中都而板輿或不能遠致比比然矣汪濊下達大哉錫類之仁也惟時周君福陔則方以編修典試粵東歸道鄉里亦得拜展先壙而我年伯母諱封恭人姚太恭人

願齋遺集

卷下

十三

山西省文獻委員會印

已前次就養來都矣是年秋福陔又以原官充順天鄉試同考官尋遷侍御累以其官得封典如律令越明年太恭人年八十矣決意南歸福陔率留不許三月三日太恭人設脫之辰也諸同年生謀以慰福陔者慰太恭人也將製錦稱觴而屬言於軒軒竊聞福陔述太恭人之教曰吾婦人也職內事耳自歸汝家逮事汝祖母夙夜競競幸不失老人歡以爲外家憂佐汝父數十年亦未敢有謔言以遂怒者宗戚鄉鄰歲時問遣不相非笑而相矜郵意可感也至勤儉爲吾家法雖終身無敢逾然皆分內事無可道汝兄弟六人常恐不克樹立以下報汝父今汝又服官孫曾盈門吾又奚求焉噫福陔此言余何以易之哉然不能無感者何與兒時所聞於吾母之言相似也今且三十年矣矧子無立視福陔豈直愧之則信乎母教之有由來也若夫昆弟子女余所際且不忍言福陔此樂其亦思所以致者果何道耶太恭人今日歸矣福陔既不獲隨時瞻依之念情見乎辭然吾觀聖人之遣使也四收以達其情一日將父再曰將母而

終之以將母來諗蓋莫遠具慶自古爲難令妻壽母詩人屢歌之故亦以曲體其意歟今福陔年方強邁方隆簡書馳驅日不遑舍異時奉使言旋行道歸覲常常而見蓋可預期則太恭人雖歸如就養時也福陔之心可以慰矣然余則尤感不容已矣謹序

右序

重修學宮記

古者黨有庠州有序國有學皆所以造士也其間習射養老讀法飲酒以至大比賓興官民胥於是乎在蓋其地近而情通人習而意孚上下相喻相忘而莫之相欺則其教爲倍易故三代之盛無地非學亦無人不學後世州縣之立學宮其卽州序黨庠之遺乎洪洞學宮之建創自唐貞觀時其見之邑志者則自明嘉靖元年登州浦公遷地始迄我國朝屢經修理年月皆可考自道光十三年重修後今又四十一年矣同治辛未濟南艾公鏡漪來宰吾邑汰冗節靡振

願齋遺集

卷下

十四

山西省文獻委員會印

滯起固案無臥牘獄無宿囚出接民於庭入延士於室親自飭厲濫仁多怒仆者舉弛者張逾年人懷慈母家頌嚴師咸喻乎公之志而公亦與民相忘也癸酉春乃集衆謀修學宮僉曰唯命公首倡捐貲濂集得五千餘緡尅期興工經始於二月二十五日落成於八月朔日自戟門以外起至尊經閣止其間廡台池亭祠宮牆以及東西學署敝者更之缺者完之廢者補之荒蕪者闢除之淤滯者疏鑿之費不取民役不病時規制仍舊壯麗逾初邑之人既樂工之竣而嘉公之功謂不可以無述也遂屬言於軒軒喜而歎曰天下事無難爲者在任之與否耳有初鮮終者力不果也垂成而敗者識不定也學宮之頹廢久矣議修者亦有人矣然率以工巨費重爲難旋謀而旋輟者屢矣公初議時人或以前事爲疑公毅然任之不辭而其成功反倍易何哉斯知人患不爲耳畏其難而不爲將終無可爲矣爲之而卽成之遂無不可爲矣然非有慈母之懷嚴父之頌於平時與之相喻相忘而莫之相欺雖議定力果亦終莫之應也此其可

取粹辦哉夫以登州浦公創遷於前而濟南艾公大修於後三百餘年後先媿母美以生長宗邦者於禮教爲尤切故其造士爲尤殷敷是爲記是役也相時諷吉審權宜於其間者爲玉峯書院山長張孝廉桐鳴督工者闕司諭肇統王司訓桂林鄭少尉霖王城守書升監工者邑人段勳岳鄒望喬毓靈段嘉修岳錫恩侯愷鄭德元例得備書

重修阜陶祠記

虞廷五人半堯舊臣獨伯益爲舜舉耳証之經禹作司空契司徒棄后稷皋陶士唐代已然禹宅百揆方爲新命而三人則申之故禹亦獨謬三人者他不得與益以下或讓或否乃新命也傳稱舜登元愷二十二二人雖不能確指誰某要皆其選也劉向以伯益爲皋陶子驗之時代不爲無徵儒者因傳有皋陶庭堅不祀忽諸之文輒附合爲一人又作刑官無後之說謬矣呂刑一篇反復舜之郵刑所云土制百姓於刑之中舉官爲言此孔傳猶知之儒者不達文家竇主

願齋遺集

卷下

十五

山西省文獻委員會印

之法徒以禹稷伯益並稱三后又妄謂皋陶以明刑不與不益謬哉堯舜之德禹稷之功書傳所稱至矣今舜典禹謨棄稷久亡皋陶大謨實爲萬世立言之祖拜颺庶歌又萬世風雅之源也孟子稱禹稷者一稱禹皋陶者再揚子稱謨合皋陶之謨爲嘉謨蓋其盛矣僞禹謨因孟子禹薦益於天一事乃有讓於皋陶之文竹書紀年又有禹薦皋陶先卒乃薦益之說以牽合之固附會不足信然魏晉去古未遠語當有所受是禹皋陶再世象賢於堯舜爲尤盛豈如世俗之云哉平陽爲堯故都其屬邑曰洪洞邑南十三里阜陶村有阜陶墓墓前有祠載明一統志而志於廬州府下又載阜陶墓在六安州城東十里廟在州治東莫定誰是六安故六國也廖今霍邱英氏今英山皆阜陶後祠墓所在爲近而洪洞密邇帝都是趙城爲造父之封造父伯益裔實阜陶後二邑相距尤近俗謂阜陶故里尤無可疑蓋建置之久詳靡可究傳稱法施於民則祀之宜也或以阜陶聖名不當以氏村則取舊說謂名庭堅而阜陶非名者考廣韻陽唐

之入爲藥鐸証諸邑中方言凡陽唐部字皆讀入音今里人呼阜如高呼陶如

藥則村名蓋高陽之轉非聖名也或以村名高陽則里人稱祠墓作桃音爲是歟是不然考經典古祇作咎絲自衛包改經文始作阜陶陶絲一音之轉耳以地志証之定陶館陶音讀如桃蓋陶邱之陶從阜汪陶平陶瘦陶音讀如遙今平陶正作遙瘦陶古亦別作遙蓋陶器之陶本作匄也然則聖名奚取焉重文疊韻多出方語春秋傳秦復陶與詩陶復陶穴同文則居服殊形又經會於阜陶與聖名同音或地名異文而考工記鞀人爲阜陶記其形制度數尤詳則取于鼓爲名猶及所之義歟余承乏斯土三載於茲謁祠伊始驚其毀圮蓋自癸丑秋逆氛所致也今幸時平民康爰與邑之同志諸君謀所以新之首捐廉俸爲倡諸君亦踴躍樂輸以觀厥成計捐若干金經始於某年月日落成於某年月日凡八月而工竣祠既成乃樹鹿牲之碑與諸君贊之報豚肫將祀事天先聖之德善功烈何敢妄述敬效聖謨三敬之義作迎神降神送神之曲歌以

願齋遺集

卷下

十六

山西省文獻委員會印

侑神俾勒之石爲民祈福焉其詞曰

桂之擿兮蘭芬散竹宮兮靈星爲門茅茨剪兮垣墉勤雲生牖兮奐以輪招巫阜兮委佩神軒乎舞兮奮以陳靈保格兮降明神之來兮福吾人

椒醕絮兮瓦觴尊炳蕭脂兮羞醜醜靈之來兮如雲優都俞兮其聲如聞種德維馨兮福自臻盼蠶普兮來闡闡而殷殷俄近復遠兮不可親靈於穆兮醉飽

欣欣

坎土桴兮葦箬既均儀鳳來兮噉釋以倫糾慶雲兮飄氤氳靈修兮入無垠藝

六忽兮聖澤維新高陽舊里兮陶唐民歲時伏臘兮奉明禮福履永綏兮利我

後昆

棄瓢池記

去吾縣東二十里有山曰九箕相傳即許由所隱之箕山山有九曲皆作箕形得名以此箕山之陰有泉出焉卽俗所稱安全溝者是也傳謂堯讓天下於許

由許由逃隱曾棄瓢於此故又呼爲棄瓢池云然亦後世附會之談矣山上有許由墓洗耳泉古蹟紫雲俱係當年遺跡泉之西里許有申老之泉有玉龍之潭前後左右凡爲泉者十餘所此泉獨以棄瓢一事特著遂稱名勝後人因其地創爲僧寺地頗幽闕石罅流泉出山腹嗚咽送清響畫靜風清心神俱爽汲泉煮茗甘香芬齒頰峯雲礙日晝不接矚景竹樹陰森甚茂密每夏月避暑最宜前明吾鄉韓太傅忠定公會讀書於此山僧猶能言之泉旁有碣刻許由棄瓢池字誌古蹟也人或疑世遠年湮箕山窈窕泉源甚多許由未必卽棄瓢於此况所謂棄瓢一事乃後人附會之詞抑又安可盡信而箕山之名爲地不一如遼陽大陽諸邑往往有之且俱有許由之墓卽太史公所登箕山亦非指洪洞而言然則許由所隱之箕山未必卽在此山而又奚論夫池嗟乎古今一名而數地者豈少也哉况所謂許由姓氏傳記亦無明文南華寓言安知非子虛烏有之論雖太史公亦嘗稱之究屬疑信之詞而竹書路史諸書又出於後

願齋遺集 卷下

十七

山西省文獻委員會印

人僞撰終不敢所以盡信然則許由之有無向未可知而又奚暇論其池之眞僞哉夫自古聖人邱陵遺蹟往往不一其處如堯舜禹湯之墓以及歷山雷澤等地比比皆然大抵後人之所爲以寄其私淑之忱耳未可深求也至許由之所爲雖未必適合於聖賢中庸之道然其泥塗軒冕潔身不污孤高以行其意在古猶且少之至今千百年後仰豐采者猶艷稱其棄瓢一事豈非以其人哉嗟呼人貴自立耳世之人生前不少顯赫炫弄之名自以爲必有千古不轉盼而奄忽以盡名隨身滅曾不得與一瓢一池同其久遠者曷可勝道而許由無一日之榮徒以高尚其志千載猶想見之其棄斯瓢也蓋亦偶爲之事耳夫亦何足深論豈遂計及後之人珍重慨慕若是哉而此區區一池已遂與帝堯之天下許由之高風共傳不朽嗚乎後之遊其地者可以風矣坐頃視壁上題咏甚夥因向山僧索筆墨書四絕於壁題名而去

登九箕山遊韓仙墓記

春霖連綿不絕宿雨蒸聲清響徹夜心爽不寐時方與勉亭約登箕山弔韓仙墓欲早眠知次日不能踐因與勉亭縱談古今論文章得失頗相合漏下四更未休談聲與雨聲更相和也雞再鳴始假寐比醒鳥聲柔脆可耳勉亭急推窗視則嵐光射眸天青如染晴日下西廊矣因狂喜飯後思踐前約適劉子壽朋至因勸使偕行出勉亭居後而北緣山足徑仄僅通人坡行不甚陡峻足下沙磧多碎石大者如卵步步隱然作聲數武路漸高回視人家出徑下約數丈房舍了了可見山腰人家背巖居野花頗可觀前行峯愈曲徑愈仄山勢廻抱如箕塢中人家俱在箕上勉亭語余曰此山所由名也余適家其一焉里許路盡呼農夫問途移時折而東緣徑螺旋而上作郭索步約數尋始得路隱約可辨山形自東來復作箕形前箕人家俱不見半里許略坦卽復下則又一箕張口向南前箕復不見山下卽韓仙墓背枕玉皇閣前有祠時方演劇鑼鼓聲喧轟如涉士女集觀余畏煩不欲卽下乃與勉亭輩復登玉皇閣絕頂壽朋曲徑上

願齋遺集 卷下

十八

山西省文獻委員會印

余與勉亭奮勇直前山峭石澀路滑不容足數顛蹶幾仆仰面視不敢瞬比登氣噤不能息而劉子反出余輩前因笑謂天下事往往誤欲速之見而卒反出於後不獨於徑爲然也各大笑足倦甚乃據松根坐適李德華前輩亦至相與坐語移時遂起視閣後衆山綿亘矗伏隱然一大環中峯突起去地數十丈卽玉皇閣也前伏大澗一水如帶望南岑諸山屏列嵐翠欲滴岸上村落歷歷可指目山底萬家星布芳疇如繡烟樹隱隱可辨東西無所見唯連山起伏天外諸峯縹緲而已時午劇未終因復坐松根話雀山碣石菴廣勝寺之勝諸人共訂遊期良久露氣侵裾遂起下至墓所墓塔而不墳背有碣銘已蝕過半當是前朝物余與勉亭各留題塔左古柏一株枝四出每枝約圍十尺許高可參天相傳爲唐時物似不謬旁有塚爲仙學弟王禪師埋玉所已削又有煉丹爐一具率好事者附會不足信東南數武外有碑亭甚古碑有銘述仙出處頗詳惜剝落甚不能句余與勉亭剔藓視之良久始能辨字畫遒勁似率更文作駢體

精切可誦而全璧不得見兼之作姓名無存時代年號均漠漭殆盡按唐避世祖諱改丙爲景文中丙午作景午余意是碑當是唐人作無疑情吾洪志出庸手藝文失職無從考矣慨然者久之勉亭約墨搨數紙以存故物余甚避之言次午劇已罷寺僧鳴鐘會食乃俱至寺前李德華前輩辭去余等復歷遊寺中道士出款茗起視廊下諸碑石率蕪穢不足觀乃亟去時溪流方漲水湍激有聲沿溪行少許坐柳蔭下觀瀑水因約再遊至鐘樓寺訪史稱廊移時壽朋去而余與勉亭亦遂歸也

遊申氏山莊記

由韓仙墓西而北踰箕脊稍下行石峽中箕復作東向迤邐行里許不甚辨方向彷彿西北行石骨深卡嵯峨如虎豹蹲踞道旁攖擊欲飛步出齒牙間驚悸幾墮少選復由石罅下則後峯當面孤高聳雲際四山漸合仰視天光僅如鏡數轉則申氏山莊在焉蹀躞行溪上萬柳環拱蒼烟作雲氣路旁小柳礙足柳

願齋遺集 卷下

十九

山西省文獻委員會印

耳垂垂如珠泉水澄泓一碧如染藻蓼差布水面游魚嘍嘍有聲時方薄暮池畦閑閑送清響聆之忘歸復前行峯愈曲境愈幽突有奇峰拔地起陡冲霄漢嵐翠如洗峰下溪水半縈繞峰影倒印水中流光縹緲不足一望佳樹無際山回茅屋隱約林表蓋申氏子孫所居也初此泉不見知於世久蕪穢榛莽間野人不知愛惜至申老乃爲芟其穢濬其流壅土植樹而出之因家於此迄今已三十餘年故土人遂呼爲申氏莊云嗟呼物之顯晦亦各有時哉茲泉之毓秀藏奇於此土也不知幾千百年矣向使無人焉以爲之探其幽勝將飛湍激流共不蕪沒於空山而徒爲蛇鼠之所跳盪與猿鳥之所浴飲也幾希矣若申老者豈亦不可多得之人哉吾聞之數之窮者必返始茲泉之先豈亦曾顯於時而漸就湮塞歟則今之顯於申老者又烏知後之不復湮塞也抑今之所遇猶未爲顯將必有文人學士爲之題咏以生其色或且置買爲別墅而與王氏之輞川李氏之平泉柳氏之愚溪並耀千古將晦於前數千百年者未必其不

終大顯於後也嗟乎天下雖有奇異之區不得名公大人爲之激賞終亦與荒烟蔓草同其湮沒耳然則物之欲表見於世者豈能漫無所藉而然哉嗚呼顯晦盛衰之理可以感矣聞勉亭云後山景物尤佳惜日色已暮不能再窮其幽因惘惘而歸遂作詩以慰山靈並書是記以慶此泉之遇時同遊者爲劉子養旃啟蒙李子勉亭敏也

遊玉龍潭記

玉龍復在申老泉之北寒徹往遊再過申氏莊以前遊未盡其奧復下行溝中緣溪水千行約里許樹蔭密鬱不甚漏天光寒氣豎人毛髮凡前遊所未及者無不各窮其勝其間幽窈之境奇異之景雖善畫者不能仿其萬一余目能得之筆亦不能述也前行數武外一鏡鑿然即玉龍潭也潭石磴甚固圍二尺餘波靜不動清澈見底前所見諸泉皆蒼布滿蝌蚪魚蝦之屬跳躍其間此泉則一水浮泓諸物皆無余歲以麥楷吸飲之甘冽異常清涼沁心脾齒牙間

願齋遺集 卷下

二十

山西省文獻委員會印

時時作芬氣潭側有小碣文模糊不甚可辨相傳明時有人自秦中來者携一小玉龍至此小憩玉龍忽躍入水中覓之不可見而潭遂以是得名雖荒誕不足信然亦有未可盡誣者土人有言每當天陰人或見小白玉龍盤旋林際如匹帛如拖練即大雨或當晴日忽潭中游絲一線蜿蜒不定即出雲氣頃刻而合必大雨歷驗不爽噫異哉龍之爲用固靈異如是耶然吾獨疑龍之爲物變化無方當其無事必且優游於溟海之中潛縱於無涯之壑不與泥鱗鬪爭蹄涉之水一旦乘時有爲則有騰雲氣駕巨浪奔走蛟鯨叱咤風雷不崇朝而雨天下而此潭者不過盪勺之水沮洳之區耳無尺寸之波足以助其威無半畝之區足以安其體又地僻深隘不見知於時峻石細流不可以資灌溉無所用於世是固稽顙之所笑鄙而魴鯉之所不屑者也而龍乃獨斤斤於是且自秦而來經數百年而不移其地抑獨何歟豈天上謫龍之說果有之歟然而泉之大於此者何限乃他處俱不聞有龍而獨有於此抑此泉果有異耶吾聞秦

之先列國時秦穆公會得石鷄而立祠祀之陳室靈異不著茲潭以玉龍得名似與石鷄之事不甚相遠日俱產於秦噫何秦之多異耶或曰是泉既爲玉龍所居野人不知往往袒裼嬉笑於側或汲取飲之輒示靈異然余等驗之亦殊不然

箕峰別墅賞菊記

落第後心如稿灰萬念俱寂晨起齋頭籬邊黃花競榮蓋忽忽已至重陽竟不知爲令節也是日天陰晦欲夜沉悶如何勉起過荷亭坐頃蓮炬勉亭繼至則勉亭過期余而余先行矣勉亭爲余輩作遺圖計約十三日至其塾中觀菊蓋勉亭時方修其別墅栽菊數百本余等夙欲往遊未果故勉亭有是約言次陰愈甚似欲雨乃與勉亭輩歸比抵家雨甚遂止蓮炬勉亭下榻焉夜雨打窗孤燈不寐因與勉亭預話菊花之勝冥想良久次日雨止勉亭歸拉余同過范遠宇遠宇亦新失意故勉亭前約之時遠宇齋中菊花盛開流連移時俄遠宇

願齋遺集 卷下

二十一

山西省文獻委員會印

命酒勸客酒酣遠宇出妻拜客各答拜極歡醉後始別勉亭猶諄諄約踐花期比期曉霧余與遠宇跨雙衛從小奚奴造勉亭所過蓮炬於途乃舍騎聯步而行躡九箕山之足少許抵勉亭塾地不數弓而往復曲折備極精巧時方深秋百卉半凋蕉葉離披惟三徑菊英爛漫如錦余輩各倚檻玩賞亭中盆花如山色尤鮮艷對之心醉由規門出夾路行小菊依徒籬落間如小兒女隱約窺伺嬌態可愛比出圃則一望無際五色迷目蓬宮瓊樹竟無能名其狀也因歎花木無情時榮而榮時枯而枯不似人之悲歡不一俄頃屢變不知其爲誰使也相與憮然者久之歸勉亭出酒觴客俄景雪勸至呼燭擊篋分酌分曹射覆因約盡歡余解衣踞座上與蓮炬輩縱談意氣奮然如平時諸人亦精神豪舉憂悶頓釋中酒雪觴復發憤誦其闡中文憮然太息坐客亦秋歎勉亭溫語慰藉余怒目視雪觴良久曰大丈夫不能立取科第反效兒女子態作楚囚對泣何爲也哉因拍案大呼不自覺涕泣之橫集也四座盡默遂慘怛不樂忽惡客

入座強諸人飲酒昏嗽叫費關諸人與搏戰勢洶洶不止蓮炬佯醉使酒罵座座客盡驚羣起相勸而蓮炬使酒愈甚客遂巡去而余等各大笑蓮炬亦啞然因復極歡痛飲盡醉夜已闌乃別歸時折菊數十枝奚奴負之余輩各簪花髮際以爲笑樂月色如畫前途笙歌悠揚蓋人家娶婦方歸也

箕峰別墅記

渡澗而北迤而東又少折而北祖山隆然而起與澗流相爲曲折山勢偃立縱橫若翼若翔若翕若張若簸若揚如箕形者九土人因以名之附麓皆村落登高而視人家宛在舌上李君勉亭之居適當中峰之口因於舍南隙地爲別墅窟壁穿屋穴地導流敞南牖以助明架西廊而招爽蒔花移竹養魚飼鶴凡墅之所宜有者皆具乃日與朋好飲酒賦詩其中余之遇勉亭也最久至則輒息止於此凡勉亭之所樂於此者余皆得而有之若夫寒雨打窗清月墮廊修竹篩風候虫泣露則勉亭之樂此有所不盡余之所樂反較主人爲多勉亭嘗與

願齋遺集 卷下

二十一

山西省文獻委員會印

余遊山後申氏莊愛其水石之勝欲卜居之以買山無資爲憾然舍目前之可樂而慕不可必得之數所見不已繫耳夫物不必在己能樂爲貴必以在己爲樂其爲樂無幾矣余不有是墅而樂其趣焉往而不遇勉亭有是墅而山莊是慕又焉往而不繫也計山莊之值僅三十金致之亦非難願山莊可致安知不更有慕於山莊之外者則適以自繫而已矣烏在其能樂耶昔李贊皇愛其平泉山水至一草一木不可與人且以示其子孫余嘗笑其非達然則誠有樂於此之外者山莊亦寄也有所慕於彼之外者別墅且繫也知無適之非樂則向之若翼若翔若翕若張若簸若揚者固皆得而有之而其間晦明朝夕烟雨變態無不在吾心目夫誰得而奪之別墅山莊又不足言也勉亭囑余爲記余亦甚愛山莊之幽窳願力不能有之故爲之解嘲如此墅之中軒曰蕉綠館曰餐花徑曰尚香亭曰可詩亭亭之南有池曰小濠漢池西有廊曰邀月邀月之南爲翠游山房山房之外有畦地蘇菊曰菊畦曰藏春塢塢北別院曰聽鐘庵皆

聖之可記者直著之

遺經堂記

聚一世之珍奇財貨而審之而子孫有謀升合而不給者盡天下之腴土沃疇而私之而子孫有求寸壠而不得者審是則凡可以雄里閭而傲貧窮者庸下之所爭趨而賢豪之所爭避也人之愛其子也必為之謀長久彼其心非不誠欲之特知夫勢之不可久據子孫之賢否又不可知一旦去之咨嗟太息而難為懷何如於蕭散寂寞人所不爭者為子孫之寢邱斯謀之善者矣遺經堂者邢君秋丞之居室其先人朴齋翁之所遺也邢氏故舊族朴齋翁少而貧失學而為農見文人絮絮談藝瞭然不知何語心恥之及生三子則曰吾今得所耕矣力耕延師不使其子自外務躬粗糲而塾師飲饌必豐潔暇則置矮脚几於塾側聽琴兒啾啾聲雖不解樂也遇青衿流肅然敬翼莫測其中之所有呼諸子禮拜之即世所謂掉虛文讀別字者亦弗敢慢或更非笑即怒責汝曹何得願齋遺集 卷下 一二十三 山西省文獻委員會印

侮長者秋丞為諸生翁猶及見之翁卒六年而秋丞登賢書翁可謂食其獲者矣余嘗謂四民之業無常惟其擇而已矣今天下惟農工多世業而士則凡民皆可為然士之子或不恒為士而農工商賈之子往往多達豈盡才哉業非所素習而功成於己百其父兄之勤苦心志之專一所以望其子弟者又如彼也委巷之士秘兔園冊子為家學轉相授受膠固不可解解者蓋無幾其達者則又自忘其所致謂才者無待教不才者雖教無益而尊師重儒之道不逮其萬一狃於所業而輕其本大較然也故士之子恒為農而農之子恒為士翁獨勤勤懇懇勉其子之學而卒收其效天下事孰謂不可以操券取哉為翁子者既知書為士其所以繼翁志者宜何如是不可不勉也不然士農豈有常耶秋丞求余題斯堂以自省堂中貯翁所購書千卷余顏之曰遺經秋丞曰是不可不記因推其意以為之說俾翁子孫覽之知翁之所遺不在貨財田園而在斯也則登是堂惻然而動其繼述之懷其庶矣乎

問心齋記

李子亭山以問心名其齋而推其友王軒為之記王子曰旨哉子之所謂問心也人之生也五官百骸秩然有則莫不各效其靈無相牽制故目吾見其能視耳吾見其能聽手足吾見其能持行意之所欲官骸赴之而舉措肆若昂昂勉強而然哉蓋有動於不自知者矣惟其不自知則凡所以視聽持行之故問之目目不知也問之耳耳不知也問之手手足不知也即轉以問之口口雖能言之而亦終不知其所以然之實然則欲知其說者其惟心乎夫心體至靜惟靜故明凡周身之屬無不祇承其令罔或背違而養之失其道則明者乃有時而病病則耳目方命手足失典行事外戾或惶惑失志甚至於大發狂疾然其神豈如是耶其必有自來矣君子知其將然也必默察其病之所由起與夫心之所由病先後而制其未然或不能遽得其意則必將惟心是問故孔子言內省內自訟曾子言日省孟子言仰不愧俯不忤趙清獻之焚香告天司馬氏之願齋遺集 卷下 一二十四 山西省文獻委員會印

事無不可對人言凡此者皆問心之說也亭山問心之旨蓋取諸此而余重有感者獨念亭山與余總角交游齒相若平昔歡對逾所生家世情懷相告語無少隱諱心之相印覺友朋之樂無如我兩人者蓋自謂俱各少年聚首日豐茫不知世間有別離事今亭山館穀東山余亦息轍蓬廬經年始一會旋復即別回思曩日聯床夜話促膝談心時忽杳然如隔世事聚散離合之故有可以黯然神傷者矣而今亭山勤學若何進德若何余不得知雖欲一問恨徑寸之喙不足達遠人之耳亭山遠處東山其進德勤學之暇縱欲少傾懷懽而舉目無可告語亦不過搔首踟躕以心問心焉耳亭山之所謂問心者又烏知其不在此也余故歷述其言以寄亭山兼詢其問心之旨果安所在亭山覽之得無有問心滋感愴然而不能自釋者乎

右記

募修財神廟疏

天下有無關衣食之資而爲國計民生之所尤亟者其惟財用乎黃帝經土作井始開衣食之源後聖迭參經制漸詳然四民各有專業工賈之法既不可耕且爲則不得不通功易事以濟其窮蓋井田者所以裕衣食之源而財用者所以暢衣食之流者也自少昊氏始作幣三古同之至九府圖法立而經財之道大備取有餘補不足聖人所以持天下之平者其權至微生之有道而用之有節上之人以在民爲富下之人以不能多藏以自封故財之道聽乎人而操縱之權聽於上固未聽命於神者也聽命於神其秦漢而還乎夫山林川谷邱陵能出雲爲風雨見怪物者皆曰神先王祀之若財者邦計之大本民生之大命也謂爲無神豈通論哉顧先王之制祀小神由七而五而三而一下至門戶行皂之微莫不祀之而財無聞焉豈非以利者害之所伏苟爲之顯立其祀則人必有覬意外之福助而蹈非義者是故相與泯之第操其權於上而不使民有畸重畸輕之弊斯可矣夫愚民不能見利而不爭先王閱焉而不能禁於是

顧濟遺集 卷下

二十五

山西省文獻委員會印

特行其意於井田之中而杜其漸故田授之上而不能私其授之有數其歸之有時授之有數則無窮肉強食之患而民不侮歸之有時則無私相授與之弊而民不奸故家給人足而貧富均一民亦自知其分之祇有此數又各足以自贍而非有之財終不可苟取則以止其貪欲之念而消其爭奪之氣此所以養天下之民心者至忠且厚也當此之時雖有神焉不能爲之禍福則人亦孰從而祀之哉周衰道廢強大相併大國之苛無厭小國不給則且厚歛之民而官山府海言利之徒競進聖人藏富於民之意蕩然無存洎乎戰國益謀富強而不復能卹民隱以迄於亡然猶未有以匹夫而富埒人主者也則以井田之法猶未盡壞財用之權猶自上出故公家貧則民皆足公家富則民皆困而匹夫之心計不得私行於其間也更暴秦開阡陌縱民自耕爲世業不復歸田俾得使子孫而相傳鬻于是詐僞並起吞併相尙而民之貧富懸絕矣智者操籌於室而愚者顛連於道強者狗馬有餘食而弱者終歲不一飽觀於史遷傳貨殖

率多秦漢之際操一囊金則百物可致至於入賞授爵而卜式桑弘羊之徒遂得以取丞相富人之勢極矣當此之時轉徙無告之民蓋可勝言哉庸下之賈獨集于枯不能推尋其故則意其必有物焉陰爲之予奪其間黠者亦且藉以文其隱也遂譁然歸其禍福於神而禱祀興矣嗚呼神之能爲靈也蓋以時爲之也膠固既久則遂有爲之立名字以附會其神者噫過矣夫財者材也天之所生地之所出而人之所用也是三才之道所恃以立自有三才以來卽有此物豈待數千百年始有物焉以爲之主乎蓋嘗考之傳記黃帝能成命明民財又曰地之所生殖及九州名山川澤所以出財用也非是在祀典蓋自古帝王何嘗不祀財但其神既大不在七祀之列而又非編氓之所僭祀况庶人只立一祀又豈能祀也哉今之人不知非其所祀而競藉以祈福又沿俗以失其義則遂有溟漠無依之鬼假土木以竊酒牲者則神之不祀於古而祀於今者豈非時之所爲哉雖然世之日陷於利也久矣嚴爲之禁猶有奸犯而不悔者

顧濟遺集 卷下

二十六

山西省文獻委員會印

使知天下之物有神司之而不可以非分取由是以號於衆曰神之降殃降祥誠不爽也庶幾人知自修以邀神貺而止苟得之心所謂神者亦藉其積善之勢而陰詡之以盡鼓舞之能雖三代之人心何以異此則亦未始非神道設教之意也鄉之有財神廟也舊矣今諸君憂其傾圮而思修之將爲之募諸案而醮之金予不可以不言庶好善之士卽以神之所福汝者以報之神則神之錫福當更無涯矣謹疏

募修春秋閣疏

縣東南四由旬而遙爲翔山地廣平曠遠迤東漸丁山麓坦坡層疊而亡翔山之虛爲薄村王氏聚族而食焉村西北一拘廬舍地勢宏衍有故瀆形首受村北平原冲紆西愈下漸寬敞曲而達於汾盛潑東山村落諸谷水趨之故有洸襄之名矣明天啟丙寅先光祿公建春秋閣於此其下壘土爲墓修廣各五尋有奇崇三之二而又納焉皆藝以璧堂涂以偃坡垣其上而廟之級垣皆列室

爲溜流駐錫之所上重爲閼榮河四列楸相比以祀漢壯繆侯焉基之外爲垣百堵周垣而廊以楹計者百餘楹閣屹立爲一邑之巨觀蓋二百年於此矣異時墨客選勝往往載酒登臨每春秋勝日陽關舒榮陰嶺五雪蹠不廢音車無靜轍修禊之輩門草之儔絡繹而不絕至於英殘照紅樹關關汾波如練擊杖相聞水光山色濛濛於楣禁倚檻北望劉元海之墓在焉而弔其雄圖之不振其南則赫連昌就擒之所也欲求其殘壘短鐵而僅存登斯樓也洵足以打疇人之曠抱發逸士之奇文者矣聖堊題咏殆無虛日歲久烏鼠爲厲輟隨時補葺道光癸卯秋大雨以霖基之坤隅圯焉毀室曲房將隨以淪某等深維先人締構之艱難不忍視其就廢而神無以安且一方之壯觀係焉近切蟻壤漏河之懼頹時無米爲炊之艱遠慕集腋成裘之功所賴遠邇樂義君子共濟克成基址鞏固勝境增新俾居者無憂樂遊者無嘆嗟足且神既安而爲人福有先於尚義之人者哉此又樂義君子所傾囊恐後者矣他日好奇諸君或不顧齊道集卷下 一二十七 山西省文獻委員會印

右疏

禽昌考

魏地形志晉州平陽郡禽昌二漢屬河東晉屬卽漢晉之北屈也神嘉元年世祖禽赫連昌仍置禽昌郡真君二年改七年併永安屬焉有乾城郭城平陽真君六年併禽昌太和十一年復有晉水高粱城龍子城堯廟永安郡永安真君七年併禽昌正始二年復屬治仇池壁有霍山祠趙城楊晉屬平陽後罷太和二十一年復後屬治揚城有岳陽山東明神翼氏郡建義元年削平陽郡置翼氏割禽昌襄陵置有翼氏城義寧郡建義元年置治孤津城義寧分禽昌置

隋志臨汾郡襄陵下後魏禽赫連昌乃分置禽昌縣齊併襄陵入禽昌大業

初又改爲襄陵

元和志晉州襄陵縣周平齊自臨汾縣移禽昌縣於今理屬晉州大業二年改禽昌爲襄陵取漢舊名也先是以禽昌名者後魏禽赫連昌因以置縣故也

洪洞縣禽昌故縣在縣東南二十四里後魏太武帝禽赫連昌置因以名焉太平記襄陵縣後以此地禽赫連昌遂於白馬城置禽昌縣齊天保七年省周平齊自臨汾縣東北二十里白馬故城移禽昌於今縣焉亦隸平陽郡謹按近人多以禽昌自洪洞考之諸書殊未確故先列所據於右洪洞漢之揚縣迄隋不改魏志晉後廢太和二十一年復不詳所廢之年亦不知併入何縣以地証之今洪洞南爲臨汾襄陵北爲趙城霍州東爲岳陽臨汾故平陽霍州趙城汾西故永安魏真君六年併平陽入禽昌七年併永安入禽昌揚在其間時亦併入禽昌可知其後四十五年而陽復復六十二年而永安復南揚亦顧齊道集卷下 一二十八 山西省文獻委員會印

復矣此揚併禽昌之時可考者也據志禽昌本漢晉之北屈今吉州及大寧縣地晉後廢孝文始置定陽郡及各縣則前此爲禽昌之西境計亦與永安平陽同時也據襄陵下分置禽昌縣則南得襄陵地也翼氏割襄陵禽昌二縣置義寧分禽昌置義寧後爲和川併入岳陽在岳陽東是建義以前禽昌東境實盡今岳陽之地是禽昌全境南迄臨汾襄陵西抵吉州大寧汾西北兼洪洞趙城霍州東盡岳陽凡九州縣之地幅員之大實無比倫此其地之可考者也元和太平二志又言自臨汾縣移禽昌於今理臨汾今之絳州非是當是平陽縣二志就當時所稱名之耳下同太平記稱禽赫連昌於此誤也又稱於白馬城置禽昌縣又稱自臨汾縣東二十里白馬故城移禽昌於今理一稱臨汾縣一稱白馬城一稱故城實一地也或者禽昌郡當時即置白馬城與平陽爲雙頭郡後罷郡存縣亦如唐之太原晉陽同爲郭下歟二志又稱禽昌故縣在洪洞東南二十四里此卽後世稱洪洞爲禽昌之由今土人相傳太武帝

於此築城聞昌就禽因以名城與聞喜獲嘉同一命名語尙可信則當時蓋以此名城其立郡縣則不必在此也又今臨汾北界二十里有南麻城北麻城與洪洞接壤或麻即馬之轉即白馬故城音與太平記里數亦合以高粱舊屬揚縣証之此尙在北則當時屬揚亦未可知故二志皆言禽昌城在洪洞也二縣疆域之割裂皆由真君時省入禽昌併爲一縣又四五十年太和中復置遂不能復舊矣此禽昌縣治與城之約略可考者也自神嘉元年戊辰置禽昌縣至大業三年丙寅而改爲襄陵凡四朝二十主一百七十九年此禽昌置縣沿革之可考者也

又按太平記臨汾縣襄陵城漢襄陵縣城在縣東南三十五里又襄陵縣襄陵故城冀州圖云襄陵郡東南三十五里即古襄陵城也天業初曰禽昌後移就古城在趙城有東南六十里二說相合則禽昌在漢之襄陵古城與地形志襄陵治襄陵城亦合且志稱有乾城郭城皆襄陵境故隋復改爲襄陵歟並存以

顧齋遺集 卷下

二十九

山西省文獻委員會印

俟知者

右考

河東新修四門城樓紀功頌

天下鹽官皆寄治而河東獨有專城不與府廳州縣同理自鹽法道以下與其寮案皆萃居焉城在鹽池之陽建置最古舊日路村俗以其爲鹽運之所治因呼之爲運城蓋卽春秋之苦城也昔之卻奇食案於此故號苦城升叔禮苦鹽杜子春讀苦爲鹽是其証也又攷潛夫論曰苦成城名也在鹽池東北後人書之或爲枯齊人聞其音則書之曰車敦煌見其字呼之曰車城其在漢陽者不喜苦枯之字則更書之曰古城氏是初以池名城假同音之字爲苦後遂以名邑又因以爲氏焉但地不同今治又非專以權鹽與後世異耳今城之建見於圖志碑記者蓋本唐宋以來之舊而門之而垣之而樓之而又甃之又非一時之爲崇墉輪奐遂屹然爲晉南一都會矣城爲門者四各有樓二城外

各有郭郭有門有樓不重如城制而稍殺四隅樓各一又殺於郭焉年久傾圮

新修不一同治辛未今升任浙江按察使蒙古竹珊方伯觀察河東時鹽法久滯商販裹足池產復比絀公下車息疲與廢逾年池產日增商民漸甦公乃次第擘畫積滯諸政不再期百廢俱舉公既廉然池之弊在漏鹽而漏鹽之故在

池垣歲久未修也因酌取池鹽所出爲經費預支庫款分綱歸繳不假胥吏手坐商各修各段故民不勞商不費而事集既成功市野額祝僉謂數十年無此

舉也公又以城本衛商民而門又且夕所出入今樓櫓毀圮且將有傾壓之虞非所以肅觀瞻也會議紳商僉以新修爲請公立允之卽以紳商之廉正者董

其事材木無因乎舊礎礎惟取其新恢拓基址高大逾前名則重修功倍作焉凡四門大小十二樓靡不巍然而改觀重闢洞啓表裏鈎連商民不擾一如其

築池垣復以其餘賞修東門外之玉皇閣計經始於乙亥七月落成於丙子十月實光緒二年也功甫藏而公亦奉特命提刑兩浙矣董事諸君僉以公之豐

顧齋遺集 卷下

三十

山西省文獻委員會印

功駿債不可無傳且公又將去商民之思念愈不容已也謀泐石以示諸後而

巧文於軒自公蒞鹽軒卽尸茲寶筵相依久而知又深又胡能已於言窃以爲公德在人非筆墨所能宣公之遠猷在修池垣築隄堰諸大端茲樓特公德政

之緒餘耳而後無所須前無所緣動不爲補苴苟且之計此豈取辦倉卒而能然乃考茲城命名建立之由而徇輿情之公著茲銘鐫俾後之蒞茲土者有所

式旃至工之程度當別有記載不具書董事者例得備書其辭曰營營隄陰謀謀陸陸臨澤鹽販地沃近鹽晉竊初啓爰建名城代遷基移迄昉

地名有傲斯城匪都匪縣總離蒞止實茲衛捍兼構隣警秦疆昆連寇絕窺覷賴城是全峨峨方伯綏撫保障佐佐言力與城抗美利不嘗害馬務去咨度

池垣隄防鞏固顧茲樓櫓民人胥瞻狹陋傾圮奚示崇嚴焚燬楣楹丹楹刻栝重扉翼翼方隅嶽嶽公來樓新惠我商民公去樓存福我後昆李堰屹東姚渠

注西巍樓臺雲流澤孔齊維公之功億萬斯周維公之名茲樓並壽豐碑穹隆

爰頌公德敢告來者觀此貞淵

右頌

袁端敏公家傳

欽差大臣漕運總督兼江南河道總督提督八省軍門端敏公諱甲三字午橋河南項城人也曾祖父志恭祖父九芝父耀東三世以公貴累贈至一品如其官公七歲從父授經營務事君能致其身又父見而異之既孤家貧母氏績而課之讀年十四補縣學生旋食饑益自奮慨曰焉有用世志舉道光甲午鄉試乙未成進士授禮部主事考充軍機章京補精膳司主事轉儀制司員外郎主客司郎中掌司務廳印充口科會試提調官既值樞廷益潛心經世務中外陳奏遇利害所繫必準古酌今務窮本源知其歸趣乃已果毅敢言樞臣倚以為重宣宗成皇帝棄羣臣遺詔四事樞臣受命震恐疑非臣子所敢議謀勿宜示中外公訟言曰此大行皇帝盛德也引傳語楚共王事以徵疑乃釋未幾以御

願齋遺集

卷下

三十一

山西省文獻委員會印

史記名定例補御史則罷樞廷直當事欲留之公以言官可自建白願就台職遂擢江南道監察御史時咸豐初元也首疏以夷務初定宜博採羣議以圖久安又以郊祀日加恩侍從疏請益嚴聖敬得旨嘉獎先是特旨罷戶部捐例未幾計臣奏請復開公抗疏言令出惟反惑民聽乖政體有累聖德請仍罷之便天子以為然立收成命公益感奮知無不言不屑屑細故累疏當世切務定郡王載銓以懿親耆臣蒙顏遇中外達官望風趨承恭事多踰禮公嚴劾之請申舊制正國體有詔詰問反覆論駁詞不撓得實坐削階奪俸者衆朝綱肅然由是直聲震天下上察其孤忠弗之罪也歷轉掌江南道監察御史陞兵科給事中轉掌印巡視中城發奸擗伏除累年積匪聲震為清時粵賊初起河決豐口海內多故羣臣爭言事獨公疏請舉將才以副都統烏爾泰為首天下傳誦之又陳救時急務六策又請因決口導黃河由大清河入海復故道前後論兵封事十餘上皆中肯綮癸丑春粵匪據江表分陷淮皖侍郎呂公賢基以皖人奉

命回籍辦團練稔公知兵請借以母老辭侍部行抵涿州遠馳疏請公幫辦召

見襄勉使行時金陵賊將林鳳翔李開方已越清流關陷鳳陽懷遠宿州將由徐州長驅渡河北犯公至宿猝聞警城外兵僅五百前軍輜重皆在衆洶懼或議納兵州城以守公已臥矣侍部就問公堅臥不起曰今夜賊必不至質明守陴未晚何自擾為衆乃定次日賊至澮水則口已遣兵口疾趨扼隘斷渡矣賊不能濟乃西走亳州轉入豫晉皖城初陷時議已改廬州為首郡公至廬謂撫軍李公曰皖為金陵門戶今則為鄂楚屏蔽賊陷鄂皖而不守直趨金陵者意豈忘之哉方謀北犯且力不及耳我疾扼東西梁山絕其回擾則鄂皖完鄂皖完則順流而東合三吳以滅賊無難若乘江險使賊得養銳回帆西溯不惟皖境盡糜即鄂楚亦不能安枕後圖難矣撫軍然之而不能行也與呂公分道巡視務除土豪積猾近皆額手望公至至湖州民張銀盤等以漢回互鬥殺傷千人頽流為赤圍郡城急公初未將兵手檄馳諭謂同係朝廷赤子使者不

願齋遺集

卷下

三十一

山西省文獻委員會印

問漢回但分良莠急解散聽使者判曲直別首從止口誅倡亂者衆擒銀盤等數人以獻斬之餘置弗問並為奏嗣後辦理漢回案務持情法之平無得畸輕重穎民大服當是時皖事日棘淮甸群盜乘林李諸賊竄擾畿輔伺隙嘯聚響應蔓延至數萬侍郎周公天爵堅稱皖北民情曠悍難端一發禍逾闔獻未幾合五十八捻抗官軍周公平亳州軍詔公統其衆連戰皆捷殲巨捻江邦平王希禹等萬衆於王市集分軍搗龍元賊張茂大破之鄉民爭縛賊獻轅門公使質訊求其生不得然後死之雖死者自謂不冤故遠近齋牛酒具餼糧餉軍不裝糧而有餘食會呂公殉桐城大學士奕公復卒徐州軍詔公悉兼兩公軍旋奉署安徽布政使之命先是特命公署鳳陽府知府屬鳳穎兵備道皆辭不就至是復疏辭皖藩專兵事遂以給事中三品卿銜督軍自豫皖達清淮東西幾二千里地平曠無扼塞所在賊遙起恃公孤軍支柱其間願所部實不過三千人公所至集民團以忠義激厲衆樂為用金陵賊曾守倉胡以嶮等復由舒

六北出將渡河疾走與林鳳翔等合追及蕭瑒敗之半濟又敗之餘匪回走復躡於穎毫盡燔回軍討平亳州賊張捷三王道人等而揚州潰卒李興清等方挺險據睢寧之高家集復遣別將捕斬之以功擢都察院右副都御史於是粵賊陳玉成據安慶慮鳳翔之民輕死樂門欲盡得以為用偽檄煽誘千里驟然復以全方陷廬州撫軍江公忠源死之而劇賊張洛行已陰糾衆捻謀與玉成合公策臨淮介廬鳳穎毫間當南北之衝渦潯兩水交其前途移軍進駐分兵四出既清全淮上下游格兩寇使不得通然後出銳師再擊洛行等敗之洛行懼謀乞降公以洛行反覆思制其死命乃無北顧憂勒使獻他賊自贖洛行愈感益討軍實練卒選將屹然爲南北重鎮遂合廬州軍並進圖恢復遣別將趨壽九仗州與江南諸將相犄角規復金陵金陵賊震恐由是江淮被匪據者皆走數百里來乞師矣遽遭蜚語鐫官解軍事洛行等慶更生勢遂復熾公去之日淮甸軍民攀挽千里號泣於道廬州帥遣所親代公息於中道父老

顧齋遺集

卷下

三十三

山西省文獻委員會印

觀者問所之語以往鎮臨淮衆驚曰我袁公奚往耶吾儕遭亂以來流離顛沛自袁公至後得安堵復業今奚往耶比至臨淮復覩軍民攀號狀具贖道其實廬州帥披履輒然復易所親代之則由前請如故久之上察其誣事得白後廬州帥與侍郎勝保抵梧公復爲居間排解之衆益服公長者公既去臨淮年餘淮甸復大亂賊數千起衆至百萬蹂躪逾前淮人思公甚懷遠民胡文忠鬻子女徒步走京師欲擊登聞鼓求公再鎮格不能進懷狀自經死事聞天子爲之動容臨淮軍久困士民臨戰相勉以勿負袁公率結隊陷陣覆沒無一潰叛者中外交章論院事僉以公去官賊浸不可制丙辰復起公會辦剿匪事宜公方奉郭太夫人侍居禹州不忍出太夫人勉之行時大軍新挫駐歸德賊已逼城危甚公舊部多散歸甲里聞公至皆喜數日驟集三千人賊已廢至公親督陳士氣百倍短兵接戰賊益衆公馳赴前敵手麾進各大呼陷陣死者相屬繼進者戰益力大挫連年積銳賊鋒亳州被圍久城垂陷公疾趨援之重圍立解

顧齋遺集

卷下

三十四

山西省文獻委員會印

乘勝疾擊旬日五戰擒斬逾三萬遁入渦河死者復數萬遂掩雉河集擣賊老巢毀之賊黨散洛行以十八騎走皖豫少定遂以三品京堂幫辦剿匪事宜共事者遂有異同謀噤不得施至洛行得喘息再合餘燼歷十年而後定嘗分軍獨提偏師轉戰無休息軍餉方支絀歷險阻瀕危數四公夷然不動於心曾以飢軍二千追黑旗擒魁王寇三合股於毫西渦水悉數斃之毫西有太清宮者唐以來祠老子處也前夕賊見太清宮出兵無數終夜擾亂侵晨兵甫進賊爭走撲河擒賊所言既同公憮然曰將兵不能速平賊使神奮而奪賊魄焉適滋愧耳益淬勵將士以次削平毫東諸賊寨有鄧家寨者遠近號爲銅帮鐵底堅逾名城水淺土薄地道無可施則困以連營長壕或高築礮台下臨擊之遂爲攻堅不易之法維時洛行等方據正陽六安南與皖桐粵賊連結侍郎勝保久攻正陽不能下屢疏請公移師助剿未至數十里洛行惶懼棄正陽走六安侍郎以克正陽爲己功公弗較也鳳台諸生苗沛霖以善守雄鄉里糾衆數萬堅壁淮渦之間侍郎屢調不赴公馳檄諭之沛霖輸伏侍郎自往就撫之以六安委公甫部勒進兵粵賊李秀成逃圍固始公與侍郎合軍救之留子保恒獨當六安之賊洛行等屢出撲犯擊卻之相持逾半年賊不敢動李壽成復擁衆數萬徘徊六安固始間以投誠嘗試公命保恒以計縶之固始圍解李秀成挾壽成南走公謂擒匪精銳磨集六安宜謀定後動四面圍一鼓滅之勿急攻使得旁逸爲患侍郎不從遽進兵仰攻致敗賊越侍郎營北走歸蒙毫勢復張公奉命由徐州扼賊北面補太僕寺卿拜督辦三省剿匪之命始獨專兵事矣轉戰而南進軍宿州將由蒙城搗賊中堅賊失所據流竄東四遣子保恒簡銳卒疾馳援豫邀賊太和大破之擒獲無算同時分道反擊泗州賊連戰皆敗之洛行僅隻身免公遽奉內召賊勢益橫洛行復得南合陳玉成先是公議皖爲中原腰膂皖不定則湘鄂軍不能東下金陵迄不可復宜先除諸捻以全力圖粵逆與鄂撫胡公林翼約併力掃蕩胡公遣所部唐公訓方提軍五千襄糧從公以

厚兵力適李公續賓軍歿合肥唐公以回顧不果無何粵賊再陷廬州侍郎勝保軍屢躡沿淮郡縣相繼淪陷長淮之險盡失矣公之內召也實勝保南邀公與合軍公以受命獨當北路一搖足則羣賊北趨將貽朝廷北顧憂持不可勝保怒以不能和衷屢疏傾之至是天子悔不宜徵還公公既解軍事請假覲省禹州比陞見垂詢軍事獨對者十四乞歸養至泥首流涕情詞懇切上惻然憫之復詢悉公有兩弟不許歸旋擢漕運總督兼籌勦防事宜漕運事簡羣盜方惟肝環伺出沒不常公馳抵清淮擊走將瀾之賊餘潰奔始繕城儲糧爲戰守具尋佩欽差大臣關防代侍郎勝保盡督其軍數敗之餘積弊玩懦驟不任行陣公痛簡汰之激厲振刷再旬氣復振乃克臨淮進取鳳陽城賊渠張隆窮蹙乞降不許收斬之遂拔二城洛行走保定遠長淮又復清江浦甯南北水路要衝公亟言守禦於河帥不聽至是別部寇匪撲陷清江據以窺淮安公聞警遣兵馳擊走之淮安相距咫尺賴以保全金陵官軍之潰江南州郡同時陷沒大

齊顧遺集

卷下

三十五

山西省文獻委員會印

江以北無主帥人情恟懼公急遣將統舟師東出洪澤湖由高寶湖達江岸督兵練嚴扼之無一賊敢渡者復以練船救難民達北岸全活以數萬計揚州將薛成良擁衆肆掠邵伯高寶諸湖間總兵黃開榜會揚州兵討平之成良走依除州降將李世忠公謂世忠受國家再造恩不應爲逋逃數世忠感公威德縛獻成良斬之將軍都興阿未至揚州之先沿江千里皆賴公保障之力苗沛霖之劫制皖民也藉團練驅使鄉里而陰蓄猾健實著異謀黨羽既衆所爲多不法先後蒞皖軍者至輒投狀謁軍門詭稱自刻規軍實率以時方多難假名羈糜之公初亦欲收以爲用既察其終必反側推誠結之使撫羣練不假以兵事沛霖亦獨憚信公輒語人曰袁公厚我故臨淮鳳陽之役帶練助勦每進輒當前敵其後沛霖反狀日著意不自安獨憚公不敢發曰吾不敢負袁公袁公能活我也侍郎勝保挾沛霖爲重待之優禮特隆累保官至四川北備道沛霖益驕恣陰蓄髮不服冠帶納歛粵逆與玉成洛行相勾結首鼠觀望公嘗致書

侍郎謂沛霖反覆不可任復密疏請除之侍郎未之察也再奉命由豫入皖檄之來軍不至語多悖肆侍郎自以待沛霖厚甚遂以公手書示沛霖且責之曰爾多言袁公厚汝汝自省沛霖由是始貳公叛謀滋亟矣庚申秋京師戒嚴公疏請勤王溫旨慰止以長淮爲南北咽喉念公孤軍時羣寇間糧道屢梗戒公當持重籌全局車駕方秋猶灤陽公復瀝疏請回鑾事平各國請以兵助順討賊事下中外大臣議公力陳非策語切直事得寢復有建議請遷都者公痛陳不宜輕動以危宗社優詔嘉納方公請勤王時侍郎勝保復督軍畿輔沛霖論請入衛侍郎遽奏征之公力持不可會皖撫亦疏陳沛霖反狀沛霖知不免遂叛據懷遠圍壽州淮甸大震公駐師臨淮遣子保恒與諸將分道進取懷遠別簡勁旅疾援壽州而壽州已先期不守沛霖既入壽州乃認爲恭謹乞城下大吏代陳不敢叛公奉命罷攻懷遠會洛行率大股掩至淮濱欲北渡移軍擊走之乘勢平沛霖協從諸堡寨次第下三百餘遂進擊粵逆下定遠後天長來

顧齊遺集

卷下

三十六

山西省文獻委員會印

安洛行之走定遠也公命保恒會諸將進勦屢勝奪賊氣遂圍之斷其糧道城垂克玉成渡江來援洛行衆號二十萬保恒謀及賊未定急擊之玉成遂斂衆與我軍相持列營趾錯公以玉成悍點善兵且捻粵勢合衆幾三十萬論保恒持重勿輕發爲賊所乘玉成復恃衆築壘曰我軍糧道保恒嚴師保長淮賊掩撲再三不能撼玉成策馬周視曰此軍未易犯也旋聞鳳陽府縣數重公屢諭保恒堅壁老之出奇夜劫之賊敗走楚北連陷州縣十七人始歎公以寡當衆整暇爲不可及迨公再進軍復定遠玉成以慮定逼近他賊不足當臨淮軍乃自安慶馳入廬州自守之將軍多隆阿統兵繼至公遂合楚軍下廬州玉成哭走壽州追擊屢敗之其衆零盡隻身投沛霖公嚴檄責讓之乃權玉成送官軍伏誅淮南肅清捻粵不能復令公策沛霖終爲患將更通兩寇分乘亟肆以傲我師欲先勦沛霖則據皖上游勢鞏固不可猝拔兵交與持久不暇旁顧捻逆將乘機益肆擾粵亦必渡江援應而臨淮坐亦非策會科爾沁親王僧格林

沁再勦山東流賊公乃疏陳勦匪大局當先擊擒次第沛霖然後合力以取金陵請以李公禮宜撫院代鎮臨淮而自移師北會親王軍期漸削平詔可方侯代疾作是年秋文宗顯皇帝升遐公以哀感病益劇冬及春愈不支屢疏請歸田予假者再五疏乃許歸而李公以軍糧未集久而後至復以憂去官優詔留公代替又數月乃得代時同治元年十一月也此發復疏陳四事先崇聖學拳拳致意於用人聽言之要又謂議政親臣當專力軍國重務詞尤剴切云歸陳州即迎郭太夫人禹州歸養怡色承顏備慕倍於童稚疾雖苦未嘗使太夫人見困憊容聞呻吟聲也侍郎勝保之督軍陝西也復檄調沛霖統其衆赴行營公復力阻之沛霖亦初無行意然猶公在未敢逞公歸之明年癸亥春沛霖復叛據懷遠圍蒙城再陷壽州上犯歸陳皖豫盡擾詔公在籍督辦團練防勦事宜公急遣使馳諭皖民毋從逆皖民間公復視事爭閉堡寨殺沛霖使者蒙城圍急糧援道絕再疏請援並籌糧接濟詔悉以委公又請發吉林黑龍江馬隊願齋遺集 卷下 三十七 山西省文獻委員會印

四干且請飭豫東練步卒相機會勦皆允行既而疾益篤將吏率榻前受方畧齶嚙中冉冉皆道蒙城輪積轉運事遂於同治二年六月二十四日薨防所年五十有八遺疏猶引咎憾庸功未奏謂以寇賊貽君父憂也疏入上震悼贈都察院右都御史照總督軍營病故優卹賜祭葬予贈諡端敏子保恒以左春坊右庶子俟服闋後以翰林院侍講學士補用保齡以舉人授內閣中書大學士湖廣總督官文疏公生平事蹟宣付史館復請於陳州建立專祠其年冬安徽巡撫喬公松年滑河總督吳公棠復據臨淮淮安士民呈疏請於臨淮淮安並建立專祠淮安士民復呈請吳公題請入祀名宦祠項城士民亦呈請巡撫張公之萬題請崇祀鄉賢祠皆詔如所請公歿未幾沛霖旋伏誅其後捻黨再殲於山東中原肅清公子保恒以事降官鴻臚寺少卿詔參湖廣總督李公鴻章軍李公以戰績上特旨復翰林院學士官賞加三品銜詞臣左遷舊無還原衙者蓋異數也諭旨復殷殷念公舊勳不置謂保恒能仰承先志蓋鑒公滅賊之志無間存歿也文宗顯皇帝知公孝悌其勤勞不獲將母嘗郭太夫人八十壽寵賚備隆海內榮之洎公持節淮甸子保恒方官編修特旨詔見諭之曰汝父體豐碩不任馳驅朕甚垂念汝可馳伺左右且代赴前敵督士卒諭汝父俾專運籌也天下聞之尤為公感激榮幸焉公少勵學務實踐不空語性道而踐履必飭為諸生時與兄教授鄉里及門者率相勵以行相勗以道高才生多從之遊後將兵行梁宋間父老識者猶呼袁先生不官稱之也兵部主事王軒曰軍興歷三朝垂二十年征發半宇內使節四出將帥三數易僅乃底定當匪初起時先朝宿將猶有存者天未厭亂次第星殞復多特簡舊臣出典軍事然或殺身以成仁或負罪以速謫其以功名與軍事終始者蓋不數人大憲威虜將帥輩出榮筆奮於幕府執效自行間功業炳煥矣而舊臣存者又無幾人焉公以諫官受特達之知典軍事早且久盡瘁殞身天下皆哀其志大學士湘鄉曾公表公墓其畧曰蓋至功無形至名無稱世相崇頌以為願齋遺集 卷下 三十八 山西省文獻委員會印

亦窃自喜因益肆志於理學執道甚堅後文敬歿學者取師焉然先生性恬退不樂仕遺植明鼎將革乃隱居澗南之阿遂自號澗南日與二三朋好相倡酬後李自成舉兵入山西境慕先生名遣使持金幣來迎授北路德平僉憲僞職並及先生從兄呈才將大用先生托疾不往使者返自成不可復強之先生堅拒賊怒劫以威聲言欲火先生屋先生鍵戶坐門首張目語賊曰吾皇朝冠帶豈肯從汝作賊因念汝主素無嫌怨不欲辱以口舌必相強有死耳安能低首折腰向狐鼠面前稱臣妾耶速舉火勿稍延遂大罵賊知先生必不可致以實白自成自成不之怒遂置之先生自賊去後益無意當世乃愈放情詩酒不復與外間事至國朝順治四年卒年五十一大清既定鼎詔天下舉明季殉難諸臣以及畸人逸士有司上其事於朝廷議報可勅贈忠義給貲建坊崇祀忠義祠學者私謚貞靖先生事載洪洞館陶兩縣志並山西通志嗚呼先生不歿矣著有弋獲編當時已行於世又有澗南遺草一卷范梅臣諸先生序之其曾孫

顧齋遺集

卷下

三十九

山西省文獻委員會印

志禮始鏤版行世

王軒曰嗟呼世恒謂亂世無才豈信然哉觀先生之事此豈尋常醜觀下士所可勉強爲者非其天資學殖百倍流輩烏足能之余蓋嘗謁先生之墓矣讀碑陰之文想見先生之爲人而獨恨其於先生出處大節畧而不詳自今而後安知不與草木同其湮沒乎乃據據所聞妄爲之傳以示後之覽者嗟乎先生特以文弱書生而義不爲賊所屈初婉謝之又嚴絕之卒保首領以歿樹大家之粹楔享令名於無窮嗚乎先生可謂不變所守者矣

李義士傳

義士名呈才姓李氏山西洪洞人世居邑東鄉之張村幼負氣節任俠慕義尤好擊刺之術比長軀幹修偉膂力絕人精嫻武勇性剛毅不能爲人下常以氣懾服里中遇不平事輒揮老拳人以是憚遠之豪暴惡少爲之戢翼植明鼎將革土寇竊發嘯聚成林所在村鄉罹害甚酷義士爲禦侮計乃團鄉勇數十人

以備賊至賊焚掠經過洪洞聞義士名遣使請義士爲其渠魁義士大罵曰汝等醉生夢死之徒不識天之高厚刃已在頸而不自知乃欲以玷而公清白耶唾其使逐之去賊且怒且慚誓殺義士啖其肉人亦竊爲義士危而義士談笑如平時不少慮後數日賊果至沿塗焚掠成墟及村東賊亦憚義士勇未敢輕舉乃僞作聲勢以張皇之時秋禾已登曠野百里可見朔風方猛宿草全枯遇火輒燃照耀爲炬炮聲殷天雞犬盡驚老幼男婦哭聲如沸賊又陰令其徒火義士屋聲言將踏平張村義士怒曰鼠輩無禮竟敢欺吾乃手刀躍馬馳去周村大呼曰好男兒不懼死當隨李某殺賊奈何蛇伏狗竄乞且夕生活耶少年數十人聞然隨之少年者卽前所團之鄉勇也遂出村與賊遇賊見義士皆切齒欲生致之乃羣圍義士義士前趨揮刃殺賊人馬首落如雨諸少年奮力相攻戰殺賊頗多賊愈怒必欲得義士固愈力相持三晝夜不休然卒無奈義士何賊計窮知義士終不可得且死傷過半又糧盡甚悔之遂中夜解圍去義

顧齋遺集

卷下

四十

山西省文獻委員會印

士視賊去乃與諸少歸不失一人而賊死傷者以百數方義士之與賊相持也腹奇餓而苦無裹糧乃取賊肉生啖之以充飢渴則取賊血飲之賊恨愈深不殺義士不止矣賊去義士歸右手握刀左手持一人心血淋漓滴見者色變而義士欲啖自若賊去後李自成入山西境賊遂南下歸自成言及與義士相戰事盛稱義士之才自成亦素耳義士名復使賊持金幣聘義士授以僞職義士笑曰吾若從圖可立致顯位然初意云何是以暴易暴也堅辭不往圖知義士意決遂不之強然義士與賊持時時值隆冬露宿數宵夜深苦寒且飲食不類而身又被重創比歸已病調治罔效月餘遂卒鄉人惜之嗟乎義士一布衣而能奮身殺賊卒不爲其所奪其與世之苟活求容而規顏以事賊者真天淵哉當自成之初入山西也封疆諸臣望風請降接踵恐後以致不可撲滅誠得如義士者數輩置之顯要畀以兵權而使之討賊天下事尙未可知而卒以祖宗三百年之河山敗於千百庸妄人之手此信古之士所謂發奮太息而痛恨

者也嗟乎以庸妄人而居大位而慷慨奇傑之士往往沉淪草野而不得志此國事之所以不支也而或者乃歸咎於天下無奇才嗚乎豈篤論哉予故因論義士之事而發之

論曰義士其精參軍鄧伯翊之流亞歟不然何其烈也燕趙古稱豪傑之藪洪與趙大牙相錯其人多好義負氣地氣所使固無足異而余獨怪義士幼不識詩書而能嚴以拒賊之請婉以却闖之聘日具知其必敗蓋其才識智術誠亦有足多者焉余與義士後人名時升者相友善嘗聞其先世有藏刀甚奇蓋義士故物也每當陰雨輒鏗然作悲鳴不止曠月餘必以鷄血飲之否則自出其室長鳴欲飛居民有患邪祟者佩之即愈人以是寶之嗟乎刀鈍然鐵耳而靈異若是豈義士之精誠有以憑之耶夫以義士之志與其才使之大用於時其所為必有可觀而乃僅以此自見豈義士意哉然義士既不得志於時而猶能小試以展其用此雖不足以見義士之大而義士亦可少慰矣觀於各處俱被

願齋遺集

卷下

四十一

山西省文獻委員會印

殘毀而張村以彈丸小村巍然獨全不得謂非義士之力也諺有之士窮見節義又曰勇士護鄉隣嗚乎信夫

右傳

旌表孝子董霽堂先生孝行狀

孝子諱得昶號蘭溪鄉人稱霽堂先生則其字也先生之考封翁以孝行著族黨人祀邑之孝弟祠太封翁嘗語人曰吾子亦猶人子但自若更事凡起居飲食吾心無少不適耳因顧而歎曰天道有知兒生子如兒足矣果生先生先生少肫謹凜庭訓步趨無敢踰替年十七以商籍入運庠為諸生有聲念先世多積德後當達者奮然以顯親揚名為己任刻勵為學尤精草書家故中人產至封翁時家漸起封翁習於勤勞纖細躬親無暇時先生瞿然曰是瑣瑣者尙貽大人憂親力而操於外做垂老之精力為子孫無窮之計于坐而食於家徒口實於不可知之科第何以為子吾不忍以彼易此也因固請於封翁傳家政焉

封翁春秋漸高先生不敢為無方之遊有遊業在河東歲必一再往蒞往還恒期輒先期歸恐叨倚門閭之思也嘗以試事赴解梁未畢試忽中夜心動不能寐且而遂歸封翁訝其速也且察其目屢眇也異之則徐曰大人得勿少不安乎良久乃以情告封翁歎曰無他吾夜者與若母共念若耳不謂若遽知之也趨還就試封翁性素儉薄於自奉食不兼味而亟施予解囊無吝偶出先生則令人持錢物隨之遇難人子或有所求立予之族戚某家素無行數負封翁內慙久絕迹矣屬歲飢且寒嘗出財粟贖三族某不敢至封翁色不豫先生進曰大人得勿念若乎適已周之矣封翁乃憐封翁嘗曰吾心與事習不能時逸自兒持家吾心不有所事也兒在側吾食未嘗不飽也飲未嘗不甘也加一衣未知其煖減一衣未知其寒也蓋封翁起居有恒而先生色養無方俄頃無違左右即偶出每呼未嘗不在前也每有所需未嘗不豫具也中裙斯儉手自滌除必審諦其形色時其多寡以察飽煖之節不以假臧獲懼不實告也以故

願齋遺集

卷下

四十二

山西省文獻委員會印

封翁無喜怒于家無疾病於身以天壽令終而先生以惴惴自飭不敢致疾於其身以為親愛也封翁既歿先生盡哀盡誠動必以禮一革鄉人僭侈之習每歲時周忌終身孺子泣如初喪也先是封翁嘗據太封翁言以勉先生先生曰大人事祖父無愛兒事大人時貽大人憂且以大人之財事大人養且未能何力之可竭封翁歎息亦以其言為當也後先生四十無子家人以為憂配高宜人勸置繼室先生曰吾敢不念無後為大之義顧吾年猶未高且以吾父孝行卜之必宜有孫者吾何亟為高宜人度不可強伺先生至河東則鬻一女畜之家先生歸乃以女見先生重違其意將納焉女見而泣驚詢之以有夫家對乃曰父以事繫官故為是罔利耳先生遽以女歸其父母且厚賞之俄而高宜人娠哲嗣靜軒徵君生矣先生之訓子若孫也暇輒舉先人軼事遺言以告曰此雖庸行無大奇然其不易也願汝曹念之毋忘語及封翁孝行未嘗不流涕也嘗曰勿輕言孝孝子首重養志人子視無形聽無聲吾終身體之而知其

難也吾盡心求之而十猶失其二三焉違親心者多矣賴汝祖父厚於慈爲我
隱耳勿輕言孝泊靜軒養先生每勸膳稍豐輒泣然曰吾親他日未有此豐也
御一衣則曰吾親他日未有此輕煖也輒却去不御曰吾不忍踰親也家居汾
水之濱土阜特立築堡其上門焉陀而登先生出入徐步中行無少欷傾諸少
年或佻達在闕以遊先生見之必舉登高臨危非孝以戒里中婦姑勃奚於室
其夫嚙不能聲偶先生過其門夫遽入亟止其婦勿譁婦故悍奴視其夫然知
爲先生至亦遂止也先生軼事多可記類如此以非孝行所繫不具述至生平
行事家世爵里生卒葬忌子女婚配別詳行狀中先生歿之某年有司以孝行
請於朝旌獎如例入祀孝弟祠茲先生子思源孫麟等特輯先生之孝行求當
代巨公大筆錫之銘誄詩歌文辭而褒揚之以光家乘軒忝附世好敢辭謝陋
乃摺摭遺聞別爲先生孝行狀俾君子取信焉謹狀

董堯章公行狀

願齋遺集 卷下

四十三

山西省文獻委員會印

公系董氏諱文渙字堯章祝秋其號也世居山西洪洞之杜成東堡先代皆服
農後漸以鹽筴起家讀書力行以聞鄉里十傳至公兄弟乃益大公兄弟四人
同母者三兄芸舫太守弟芸菴中書故以文子後其大宗幼負異稟讀書能兼
人喜博覽能強記刻厲爲文務沈思鉤險梯幽必愜心而後已每塾課日常達
旦不寢年十六補學官弟子時兄方舉拔萃科兄弟受知於督學龍蘭移太常
携之入署肄業任滿復從之京邸俾廣交當代知名士由是學日進尋食餼咸
豐壬子登賢書丙辰成進士改翰林院庶吉士俄以在籍勸捐出力加五品銜
己未授職檢討歷充武英殿協修纂修國史館協修纂修起居注協修本衙門
撰文功臣館提調庶常館提調日講起居注官協辦院事奏辦院事咸豐辛酉
同治壬戌順天鄉試同考官癸亥會試同考官本科教習庶吉士壬戌之分校
也江南名士元和王生璞臣炳卷在公房初激賞之俄以二語襲希堂稿黜之
比撤棘生袖所業文來謁或疑其不可見公坦然相接則皆所業古文辭者公

贊其力募三魏而道鍊尤近易堂且爲指其純駁所在生丈况眼遂訂交洎癸
亥禮闈江南耆儒歐陽生九雲年六十餘矣道光丁酉科優貢生同治辛酉
始領鄉薦錢塘家宰許文敬公督學江西所亟賞拔士也中公聞中得其卷歎
爲積學謂非時下所能知力薦獲爲揭曉日士論翕然稱公之得人錢塘公尤
樂道之也公既充講官職得言事同治初元畿輔方戒嚴奸人挾詐誣陷輒以
前曾從逆通匪訐平民官遽逮繫展轉株連步軍統領衙門五城並刑部拘捕
圍圍幾滿吏役緣爲奸人心震恐公兄芸芳時官西曹日鞠此獄按之實無狀
雖多所平反而傾家者衆矣歸而私歎於室公詢知情乃上言請飭下步軍統
領五城勿得再受前項訟牒以靖善良得旨嚴禁止之人情大安二年冬奏陳
山西防河事宜當於河外分置要隘三數所以扼冰橋不當株守復地得旨飭
下撫臣行之又奏六部考課章程又奏山西州縣丁地多未畫一及各州縣地
畝隱蔽影射諸弊皆下所可行乙丑充文淵閣校理教習庶吉士京察一等引

願齋遺集 卷下

四十四

山西省文獻委員會印

見後以道府用時方修文宗顯皇帝實錄公歷充協修纂總纂官洎告成議叙
專以道員用丙寅八月簡授甘肅甘涼兵備道丁卯之官陝撫奏請留秦委辦
山西米捐總局事俄兼總局事久之以在事出力保加鹽運使銜庚午正月奉
鄉賢公諱去職次年服闋壬申九月復簡授甘肅鞏秦階兵備道癸酉冬十月
之任兵備道舊駐岷州回翔之變始改駐秦州而前任各官多統行軍留營差
遣之官者鮮故州無解署公至暫寓試院時百事草創無舊可因且承大亂之
後人戶凋瘵尤甚漢回雜居而清逆產安回民諸大政得新章驟不能得其要
領公鎮靜持之不矜不懣安輯之餘欽志役神察纖析鉅不期年而具舉官不
知困民不知擾時逆產變價累巨萬迺創立隴南書院厚其修脯糜餼延名師
課士學者廣集講舍恒滿公復按月躬自烏試爲之口講指畫反覆教誡文教
大興是科所屬中試者幾三十人次年亦如之復以學使案臨例當移居時知
秦州事黃君爲公門下士以州署讓公居而自移貨氏房殊未便遂相地申請

健立道署規模宏敞地勢高敞官吏永慶安居焉甘肅鄉試舊與陝西同開惟
武開各異乙亥今督帥左侯相奏准蘭州創建試院秦隴分闈鄉試屆期各簡
試官以本科爲始隴省官吏向未習科場事提調監試大員必曉暢條達者方
克勝任遂檄調公充外監試官能於其職光緒丙子復檄公往以資熟手兵備
道兼屯田茶馬舊司稅務亂後蕭然嗣稍有起色而時值軍興留支餉精故改
歸營務委員征收有司不與公抵任年餘當道察公廉謹札委總辦釐金局然
有專政者在稽查彈壓而已既而有蜚語中公者當道密遣人謁視之皆不實
待公轉優行將大任用矣公殊不自安遂方請解局事十二月奏准保賞加二
品頂戴丁丑五月十六日奉本生母秦太夫人諱聞訃去官未及行以哀毀馴
致滅性遂於七月十二日卒於秦州新署距生於道光十三年四月二十六日
春秋僅四十有五惜哉公卒之年其九月十二日長子維楨方以優貢生應朝
試聞公訃亦以哀毀天殤京邸公先世固多孝行天性之厚蓋父子所同亦異

願齋遺集

卷一

四十五

山西省文獻委員會印

哉公少好吟咏通籍後肆力爲之洎交代州焉魯川觀察遂盡焚少作一變爲
蒼老瘦峭之格業大進然下筆每多悲涼哀颯語與所遭皆不合同人頗訝其
不祥嘗規之俾屏暮氣公亦不自解迄不能易嗟乎詎知其竟爲不永年之兆
耶此則公之不無遺憾者也公學既成詩名達海外倡酬之作徧遐邇焉著有
祝樵山房詩集初編八卷續編四卷已久行世文集雜著尙尙未刊行所刊集
諸書十餘種其勅太守將彙爲一書問世別詳其目不具列公初娶同邑楊氏
衛千總三寶公女次娶四川岳氏封儒林郎翰林院編修嗣口公女三娶江
蘇汪氏直隸候補巡檢歷畧良鄉武清縣知縣福謙公女累贈封皆至夫人丈
夫子六人長維楨丙子科優貢生後公二月內卒楊出娶同邑楊氏議叙國子
監典籍延春公次女再娶太平劉氏候選郎中向書公女次維幹維恒維藩維
城維屏皆幼未聘幹出爲兄後城出爲弟後皆汪出垣屏皆妾石氏生藩葛氏
生女子子二人長許同邑庠生李魯封公長子未嫁楊出次幼未字葛氏生

茲芸芳太守將以光緒六年四月二十四日合葬公與前兩夫人於鄉賢公新
阡之次乃請於其友王軒曰吾弟服官無異人者然或以備他日國史之採擇
太常之紀錄不可無狀也惟子悉之稔盡書其生平較之家乘勒之宗祏用示
我後之人且以乞當代詎公錫之志表誅讚胥賴吾子之賜敢以頌左右忤曰
諾哉是吾志也故爲纂比其年月而叙之如右謹狀

右狀

受天李先生像讚

品超俗凡性淡華樸剛直自持忠信爲主善玉則鄉里見推藏器以州尉待補
僉曰此湖南之隱君子也庸詎知子象其賢孫繩其武謀燕翼而祥發德門贈
司馬而榮叨策府况復瓜瓞綿綿響濟濟天更有以篤其祜

右讚

莫齋彭君墓志銘代

願齋遺集

卷下

四十六

山西省文獻委員會印

自軍興以來海內亟於轉運度支日絀不得不借資商民而正供有常例不敢
增科欵於是救時之策有二曰抽釐曰勸捐而已釐征之商捐出之民士大夫
目擊時艱類能踴躍急公無煩有司之督促毀家紓難往往有之而止戈未期
卽義民樂輸無怨至再至三蓋時愈久而事愈難亦勢之必至者則雖能好行
其德素稱樂善慕義之士此風亦稍稍衰矣而吾鄉彭封翁莫齋獨以行義聞
於時焉彭故望族世居廬陵之延福鄉先曰炳文以理學崇祀鄉賢曰芹生官
太常卿崇祀名宦曰文序恩貢生是爲君曾祖生德祐德祐生光陽皆國學生
以君貴贈如其職君諱大斯字京與莫齋其自號也兄弟三人次居仲君少顯
異工吏書以貧廢讀與昆弟牛車懋有無以孝以養累致千金既不克自見於
世則益以億中展其才行其志樂推解好施予濟人之急不責之償已慨忘之
至出家財以佐公家之急則尤不勝數粵逆蔓延大江南北江西首居其衝與
兵籌餉無歲無之郡邑殘破者且以十數屢陷屢復屢稱稍息肩矣而出師四

接資糧扉屨之供以日月計不可少愆費視他省爲鉅諸行營倚爲不竭之藏焉至土壤夙沃富民多慕義則廬陵又視他邑爲最中人之產率出歲入十之二三以供軍乃得自食月爲程蓋視之賦稅尤亟云君於勸捐先後輸積至萬金皆爲邑人首倡無少難者吉郡兵燹之餘官寺多燬時議興修文廟公帑既不可請則倚諸屬縣紳耆廬陵郭下邑例占大成殿工鉅莫敢任者君慨然獨肩之壯麗乃逾舊制而府學署既郡之昭忠祠雙忠書院皆以次成費不貲而不以諉諸人焉君嘗以事携重貲赴常德方寇退江阜間齋路相望莫有堪者惻然傷之乃罄囊爲之瘞埋不竟所事而歸其他爲鄉里立社倉代勇氏建宗祠置祭田隆師友振寒微修治橋梁道塗義舉未易更僕數也嗟呼君之行事自人視之一鄉之雄於財者好行其德之爲耳然時事孔急士大夫視勸捐爲阱獲其勉而應之則或顧名義或迫督促蓋得已而己者寡矣君且能以餘力行義於一鄉可不謂難哉君有兄嘗謀新族之追遠祠未果君命其子繼成

願齋遺集

卷下

四十七

山西省文獻委員會印

其志君有弟客嶺南惜字放生千金不吝而自奉儉約如寒賤君有子官京師值鄉人修邸舍則走書請于君爲之首倡且董其役嗚呼是蓋足以知君矣君以國學生援例授同知欽加道銜加四級誥授通奉大夫以子世昌官庶常勅封儒林郎生嘉慶元年九月二十日午時卒同治九年二月初三日戌時壽六十有七配丁田段氏俱誥贈夫人劉氏誥封夫人子四世昌咸豐庚申進士翰林院編修世泰廣東卽補同知世芬工部營膳司郎中世濟邑庠生候選通判政司知事女子子二孫二孫女二婚嫁皆名族不備書茲世昌將歸葬君于鄉之某里以狀乞銘余不能辭乃爲之銘曰

性少成善事親遊自疾卽命神康年永代之身爰夢協威精禮施有政友弟昆善氣溢蔚德門越雁序比嚴君撫猶子儀豈均泊周甲覽揆辰稱觴謀子孫念族姓猶多貧曷分惠壽衆人有禦貨敗我湮僉曰某實比隣君曰毋此良民勵厥恥俾自新善無小心孔仁澤在口終不泯吉水長吉山嶙利厥後視此珉

雲巖韓君墓志銘

余同縣師友之聯雋禮聞者自道光庚子商君昌抑之辛丑尉君光霽伯綺師弟已來又得二人然惟商君早達餘多晚遇余通籍後至同治壬戌始捷南宮次年癸亥及門韓子耀光仲弢卽聯翩繼之交遊中固信多名士不藉一第重獨仲弢之早成而晚達則豈非忘友雲巖贈君下賢上善之效哉已而仲弢以知縣補京東之遷安有能名洊升溧洲每遣訊相問大政亦畧及之客有從畿輔來者其稱其治行或以淵源有自貢美於余余一第蹉跎自分事功非遲暮可就迺決計歸田藉筆耕爲養拙地得仲弢治民報國聲施爛然何莫非吾黨小試之端特其措置有本本諸庭訓爲多與尊甫雲巖君交深且久頗能道其梗概云君氏韓諱登科字帝詔同人則稱其別字曰雲巖從便也世與余家同爲洪洞縣人昔以耆德重于鄉而充鄉飲賓者曰大榮華然是爲君曾祖大榮生監生繼世遠繼生仰魏樂天是爲君祖若父君生十有一年而喪父赤貧

願齋遺集

卷下

四十八

山西省文獻委員會印

子立一妹甫九歲節母周操作養姑斷炊者數矣君時已從塾師學舉子文文且可觀誠不忍母氏手龜足繭而已坐食爲書生也發奮從賈僦居縣市歲得少金錢供母漸至饒裕嫁妹娶婦以無貽寡母憂而母以中年作苦過當久成氣疾喘促厄逆五十後不能安枕君乃以晝日滌澹付婦與妹而躬任中宵按摩抑搔之役購燧不去身藥物不離手值嘔逆大作卽立進利氣消痰之餌如橋餅等味候嚼咽少許喘定息調而後卽安如此者數十載母夫人雖體羸而心暢然弄孫爲娛親見綽楔旌閭而終君誠可謂善養也已君又自恨學業不終欲兒輩力學以成其志及仲弢能文每呈一藝必使自爲講解究其謀事之出何書造語之豎何義切切然惟陳言勸說之是戒加禮鄉先達如邢君秋丞韓君次翼景君孔山諸耆宿俾其子就正無虛日商君與余亦皆在禮敬之列余鄉舉時仲弢初秋賦同寓并門君亦至焉夜坐談藝恒四鼓許未休余意辨論仲弢意問難同舍生皆齟齬馴睡君獨危坐傾聽不少倦嘗語余曰講論余

未能盡解或每聞君雄辭博辨輒覺愜心貴當故好之不自知疲也是後余每以事至縣必君握臂道故坐未定而酒設語未半而饌具進于所呈藝鋪几上醮筆納手中務祈支分縷析即批抹稠疊則大喜呼二哥長揖不已仲弢之及門蓋始此也君性剛嚴戚友子弟之佻薄者至不能忍見之亦呵斥不少貧獨見士君子則屏息行溫言語者惟恐不稱其意者嗚呼古者緇衣好賢適館授餐性情之故匪由強勉如君者豈可且暮遂哉配尙君樹德女佐君事孀姑不辭勞瘁仲弢在腹母猶躬操井臼以致傷足而斃病卒於免乳之次日故仲弢生不識母每言及此尤痛也繼配庠生景君維清女亦逮事君姑服勤不異舊人撫前室子不以姑息博賢名而督責必嚴仲弢卒賴以有成生兩子而夫卒雖生計頓感終身持口不聽仲弢之處館恐廢學也仲弢官畿輔迎養署中者十三年猶紡績自課若不自知爲官舍者然壬午旋里居四年卒于光緒十一年八月十三日距生于嘉慶十七年正月初七日計壽七十有四而孀居者三

願齋遺集

卷下

四十九

山西省文獻委員會印

十八年誠與尙皆不媿吾雲巖之德配也追憶君之生以嘉慶五年十一月十四日卒以道光二十八年四月初六日弱一歲不滿五秩余所素歎也何生以嘉慶六年三月十七日少君一歲卒以道光七年十月二十六日年才二十有七歲昔聞君悼惜言之也長子卽耀光仲弢次子殿光已前卒捐職都司少子霞光捐光祿寺署正孫堯同治丁卯陷於賊垢前殤塢補縣庠廩膳生孫女四人皆嫁大族餘幼者不俱載據狀也君卒二十餘年以子貴誥贈奉政大夫曾贈朝議大夫尙亦累贈恭人景且生受封焉善教之效章章矣茲將於光緒十二年二月十九日合葬於窰莊之原仲弢星奔歸里紆道匍匐來并門乞余銘以禮以法以情舉無可辭銘曰

昔君遇余何其敬耶信友順親徒溫清耶談貨殖書學卓鄭耶乃心何日忘孔孟耶賓至二簋一何盛耶躬事賢者殆天性耶夫祇爲子求就正耶若見子貴詎非慶耶奈何中年遂罹病耶古之壽者弗論行耶君而早亡曷所定耶夫人

產亡豈亦命耶命無佳兒何人孕耶宗子喪妻能勿聘耶新人如故究孰勝耶何嘗須臾闕文微耶苟非如賓胡無勝耶阜通廡耶蔣詡徑耶孝子惟孝家非政耶有子本此愛百姓耶而君身後誥乃贈耶魂而命服有不稱耶我銘孔質敢爲佞耶上下四旁孰非証耶

靜軒董君墓志銘

公系董氏諱思源字星海別署靜軒世居洪洞之杜成東堡祖修業隱居不仕以孝行聞鄉里父得昶河東商學優庠生援例授同知職銜贈中憲大夫尤敦仁尙義兩世皆崇祀邑之孝弟祠初贈公嗣久不立高恭人懼不育勸置產不可問他出則密鬻一女以須至將納之爾既察其有夫矣遽賞遺之未幾而公生公性恂謹孩提卽知敦飭習安世德成若天性及就傅穎悟善解行愈修務合所讀弱冠入縣學有聲補廩膳生雖業制舉文獨嗜先生格言有益身心者輒手錄之俄丁母艱戚不饜禮飲泣承歡終喪毀瘠未形而倚廬下剪略血

願齋遺集

卷下

五十

山西省文獻委員會印

猶新焉以數奇秋試比薦不第嘗應拔萃科試輒冠其曹俛得而失之後歲科猶時列高等輒叱曰親老矣吾豈志斯區區哉歲丙午丁贈公艱哀毀逾前喪葬誠信服除修贈公德益謹初志用世既祿養不逮絕意進取始以力善行志於鄉矣咸豐元年邑舉孝廉方正僉推公時公以食餼資列齋首例先署名公曰我先著而自舉乎若迴避是亦與謀也遂闕無舉者初以海疆軍需倡捐議叔主事分部學習不就旋以歲貢貢成均子麟文煥文燦先後官中外累以其資誥封中憲大夫晉封通奉大夫各如其官軍興捐例日開累捐金至數萬所得議叙悉推予族黨及其子若弟復擇其秀者別置一塾延名師資之讀餼舖薪膏皆具成就益衆族之貧者給之田令自耕不徵其入或不能供租賦輒爲代輸焉三族賴以舉火負販賴以不失職者尤多嘗具車馬備貨糧捐僕賃浼親故更事者與俱走數百里救閭侮或至捐金代償所負以息紛人有言姑寬其息者公笑曰吾責若償乎立折券與之以老成者德遠邇悅服有疑難則羣

就公以質無虛日公首戒勿訟乃理喻情遣各如其意以去臨汾之屯部兩村
人民以浮收軍田租糧聚家幾至械鬪成大獄公前後解之捐數百萬緡五年
事乃定卒未與訟尤爲平巨難云他推解義舉多類此同治初元邑復舉孝廉
方正而恐公辭也遂牒大府既得請當考驗公始知惶然呈辭至三不徵已乃
勉就徵然終不出先是歲癸卯邑城南澗水之聚瑞橋圯於漲驛道病工鉅費
重公與從祖父各捐三千金倡修之遂集得萬餘金已已水復暴漲壞堤岸敗
城闔蕩田廬甚衆公又倡捐復其舊堤事集親相工學授區畫遽疾作歸逾年
春遂不起行路嗟惜有泣下者時同治九年正月二十三日也距生於嘉慶十
四年六月十一日午時壽六十有二公性恬靜不苟言笑居素封務黜紛華約
自奉而豐於應物見善若自出與人如恐傷遇下恩信雖有過不以聲色加之
不逆詐僞人亦不忍負也聘陳未娶卒娶秦誥贈夫人今存子四人長麟官刑
部郎中次文煥官甘肅甘涼道出嗣次文燦官內閣中書皆秦出次慶尙幼側

願齋遺集 卷下 五十一 山西省文獻委員會印

室張生孫二人長維楨府學生次維幹幼皆文煥生孫女一麟生以其年九月
二十八日午時葬公於村西先塋右偏之新阡法宜銘麟等以軒遊公父子久
爲能言也不敢以不文辭銘曰
於穆董公行成於內克孝承家益虔不匱顯親遇蹇移忠未遂阜魚盡痛我篇
斯廢父道無改舊德永循懲奢力儉守拙思勤路無宿諾隣有解汾葦善勇義
未行恐聞無怒胡遷忘善奚伐施不責報訥惟踐察淵澄不撓谷挹豈竭泰虞
盈懼宵與明發於子於孫果有達者家法萬石門庭駟馬古鄉先生沒而祭社
我銘其幽媿詞庶寡

鶴翁府君墓志銘
同治甲子夏四月軒奔喪至自京師五哭卒稅服爰營宅於西坡先塋世父
之兆左將以冬十月乙未安厝乃伐石以志其幽嗚呼軒無言則後世何述焉
兄系王氏諱昂字鶴翁先大夫子女五人長開季性皆六歲而夭次字張氏姊

十七而殤又次兄與軒故兄爲先大夫長子先世父以世嫡後大宗兄又以大
宗故先世父後生彌月先王父卽世初先王父屢抱孫旋失之愀然曰吾命無
孫祇苦生耳及兄咳先王父拊之首而喜曰兒當成立惜吾不及見矣遂錫今
名志千里也既而曰若再索男也可名軒先王母請益則曰亦非若所及也幼
有至性雅爲諸大人愛憐居喪孺子哭無時值練祥暨終身諱日必盡哀嘔隘
如始喪也弱冠先大夫棄養山左訃至先世父奉王母諱居倚廬訃者秘之兄
心痛不勝泣涕索使者問故再三乃弗克隱踰年先太恭人見背甫殯兄病毀
瀕於死先大夫既定兄下義道入窆坐泣血攀和不肯出於時先世父老矣兄
躬理家政習勞瘁親煩辱值荐饑數米並食蓋不忍道然軒方致志攻讀不知
飢窘之苦也兄長軒七歲逮家世盛時苑枯迭集錄處五載子幼女又夭代母
尤瘁焚獨四人三世相依室無主饋幾不可爲家軒亦閱然悲兄之勞而不能
代也泊先世父棄養軒以飢驅奔走四方且二十餘年數奇佗僚或色於室兄

願齋遺集 卷下 五十一 山西省文獻委員會印

輒悵然不怡軒意解則喜終不復言故雖飢寒半生不知內顧之憂也咸豐癸
丑逆匪擾山西踞洪洞七日八月既望焚掠東窺氣且逼兄率家人圍坐園井
側呼老僕曰善語吾弟收棺於此矣然竟免五年秋以子崇簡出嗣再之山左
時河決張秋注會通河合清而東未之知也客安平鎮八日危甚乃舍輿馬呼
舟徑渡抵寧陽遂至濟然至是與軒訣矣八年軒始以貴郎通籍省兄山左兩
月前已歸至是與崇簡又訣矣兄頻經喪亂益思弟悔初志乃以書諭軒曰祿
仕非我願願與若終相見也十年冬兄疾時鄉人之商京師者踵歸傳聞日異
聞之益憂悸病遂劇日夜嘔泣不已語家人曰吾弟死矣慰之不答族弟士騏
族孫浚河日問疾且視醫藥計爲軒書述無恙狀兄揮不顧曰勿給我爲強之
終不視俄而山左有捻匪之擾崇簡遂遇難家人戒不以聞然兄竟不起矣時
十二月二十日午時也痛哉未幾軒書果至語悉合嗚呼尤可痛也已距生於
嘉慶廿二年冬十有二月十一日酉時春秋四十有九兄初援例入成均歿三

載乃以軒官覃恩贈奉政大夫兵部職方司主事加二級初娶楊氏先卒贈
贈宜人繼聘景氏未娶卒繼娶侯氏今存助封宜人子四人崇簡楊出出嗣崇
典崇策崇箴女一均侯出孫二祖蔭祖蔭崇簡出世系詳先世墓志茲不悉載
嗚呼兄之爲人文諸名賢之輩非但不媿軒力能之而不以爲悅也固以爲天
下之兄未有吾兄者也銘曰

云嗇其遇而豐其性云篤其才而斬其命性惟天定實豐於身命非人爲斯亦
有因生則慕親死由愛弟小子無知欲述先涕形魄委化神終在天憑斯佳壤
視我貞鶴謂天有知子孫逢吉謂地有靈永綏家室藏深固密以矢來茲嗚呼
已夫嗚知余悲

炳南喬君墓志

孝於親而推愛於兄弟復及其子以養以教俾之成立授室一如其視兄弟也
不幸而兄弟之子又死其所以撫其遺孤者一如其視兄弟之子也可不謂友

願齋遺集

卷下

五十三

山西省文獻委員會印

乎治其家而施用於戚黨代之主計綜盈絀擇出內勞不避難富不淫利一
如治其私事也可不謂忠乎修其身而出其才以接世口必擇言身必擇行寡
過自好退然益下交無而朋白首彌親一如其居子弟職也可不謂信且敬乎
吾於喬君炳南見之矣君諱常煌炳南其字世居邑之萬安曾祖雲起祖萬卷
父毓祥君生而謹飭雅喜自修少受書於外舅家氏董馨堂贈公愛之君事之
如父與中表兄靜軒徵君同筆硯君相親如昆弟逾弱冠補博士弟子尋以贈
公春秋高徵君獨子承家先世產業在河東君遂依徵君主計事乃援例貢成
均終贈公徵君之世事無纖巨悉資君以辦所謂一如治其私事者也君口欣
然公早世遺子際與際會君撫之成立二子復前卒際會遺子二仰成以成君
以仰成嗣際與後復撫之成立所謂一如視其兄弟與兄弟之子者也君年差
長余入學亦先余初交君由靜軒徵君未深知也泊寄硯城游從乃幾十
年然相見輒無多語及別去又思之不置久之而人言盡然非余一人之私言

也所謂一如居其子弟職者也友也忠也信且敬也君殆兼之斯可銘已君之
歿也以光緒元年十二月二十二日未時距生於嘉慶十七年八月十日戌時
享壽六十有七君之繼配左氏亦以光緒四年四月初六日辰時卒距生於嘉
慶十九年七月初二日巳時享壽六十有五子際午優贈貢生理問術以知縣
用山東候補縣丞女二孫弼成業儒茲際午將以光緒六年七月廿六日並啓
元配杜氏壙合葬君夫婦於鎮西哨嶺新塋而祈言於余乃爲之銘銘曰
金則渾兮玉則璞兮砥廉隅兮泯芒角兮雙泉陽兮英之阿兮君安其室永不
磨兮

挹華王君墓志銘

君系王氏諱謙光字挹華世爲洪洞人明思陵朝屯田君家積官文華殿中書
舍人以書法名當世思陵嘉賞賜尙方筆墨累官工部屯田清吏司員外郎奉
旨督理江蘇織造廠祀忠義孝弟祠屯田君四子仲昌黎君煒以順治甲午舉

願齋遺集

卷下

五十四

山西省文獻委員會印

人官直隸昌黎縣知縣有聲事載昌黎縣志季縣丞君份份生作基作基生令
銓爲君曾王父王父泰升生二子長端次誼君之孝也自縣丞君以下三世皆
入邑庠王夕以下二世入國學皆不仕君以運庠諸生官成均需次司訓性隨
運不樂仕進敦樸素屏浮華交人能持其終雖燕處嫺言不出諸口遇事獨見
其大至於瑣碎則不計事過不留坦然靡所欣戚嘗客山左營隲策諸弁利者
率崇心計尙詐僞由是術輒倍息君獨異其趣久之無所得意殊自如人咸謂
君長者多倚爲重而謀人如已一介不苟會有天幸謀輒獲五十後累致萬金
終不易其初人固謂君長者當如是也時東運日弊君更事久盡不可爲乃決
計棄去君以余同事故輒以爲言後東商果益疲異時商比困天子優詔蠲租
又屢發少府之金貸息以蘇商急失業之商徒手而得多金猝富則飾裘馬縱
聲仗驕佚爲樂屑僨息粹無金又驟詔緩征商狂其利幸再蠲免會軍興旁午
度支告絀且募民輸命以佐國用而商人租息積負鉅萬不能償鹽官受其歲

賂務因循或速之急輒益其賂而商益困鹽官之陋例下口驕子之淫費實無
金歲賂不繼官不厭所欲持之急由是褻商籍繫枵腸斃罔者踵接商大困
人自危君時謝業獨遠患人咸服君之先見君既家居頗以田宅自娛事從父
兄蘊中君友愛逾同出姊適劉蔭而貧君終養之撫其繼嗣至於輕財慕義之
爲尤多不足云也君生於乾隆四十八年十二月二十七日辰時卒於道光二
十八年六月二十三日午時享壽六十有六元配李氏生於乾隆四十七年十
二月二十九日寅時卒於道光十年十二月初一日亥時享年四十有九繼配
尙氏今稱未亡人子男二士騏太學生娶余弟庠生名師倚女士驪幼未聘俱
尙出女一李出適張樞茲士騏卜葬君有日矣乃制詞請銘於余嗚呼余交君
久矣君長余一歲而弟畜余四十餘年交游之厚聚首之歡無非我兩人者重
以子女之戚君既老病家居余亦倦遊歲時斗酒相會退維往昔獨吾兩人存
耳歌呼未竟而哭泣隨之古人有言既歎逝者行復自念嗚呼豈徒爲君悲耶

願齋遺集

卷下

五十五

山西省文獻委員會印

乃爲之銘銘曰

挺異幹抱奇質神淵冰氣專一今之人華不實君譬石却甘疾靈煌煌鬱律萃
神之藏返冲謚歲實沈辰角出甲之朝初出日嗟王君居此室利厥昆永之吉
泐之堅扁之密歷千祀固無失

有山范君墓志銘

君諱毓榛字有山號竹林世居洪洞師曠里范氏之先出於金平陽衛校慰志
校尉元孫友寅明初以隊長從征太原有功世以武顯崇禎間聘君宏嗣始以
五經教授鄉里由明經任德州能其官既告歸與絳州辛文敬倡明理學著正
學編等書行世學者稱正學先生祀邑之鄉賢祠事載山西通志聘君子八人
皆爲邑諸生四子荷茂再傳曰猷爲君曾祖父猷生鈺金鈺生瀾是爲君考
世能守其家學君兄弟三人君居長少失恃讀書強記貧乏不能自給悵然棄
去客淮北數十年雖躬會計而雅喜文士遇衰袖徒輒岸然敬禮飭諸子與之

遊歲計所獲菽水外盡以爲延師資子鴻年既爲學官弟子君寓書戒之曰汝
年已壯而始獲一稔未足以繼先業苟自足負汝父矣由是督課愈嚴君爲人
精勤詳慎重然諾廉取予受萬金之託而不私錙銖淮北人爭慕之生平確守
聘君遺書行皆矩矱事繼母如所生撫兩弟嚴而有恩嘗以例捐貲授直隸州
吏目疆例復捐數百金盡以議叙予兩弟姊適趙早寡無子養之數十年如一
日先是聘君有專祠率春秋有司以特豚祀歲久祠圯禮廢君悉修復之至於
修先塋續宗譜則命子鴻年爲之以積勞客歿宿遷時道光二十七年十二月
十八日也距生於乾隆五十六年三月二十五日春秋五十有七既彌留執鴻
年手而流涕曰汝兩叔父事吾如嚴父余一日在各勿猜吾死汝輩宜益親睦
勿貽宗里羞况汝輩各三四十許矣人生駒過隙耳再來距有幾乎一杯羹勿
獨噉逾吾言非孝也嗚呼君可謂古之人矣元聘師氏德配王氏余族姑也生
於乾隆五十七年二月二十九日先君一年卒實道光二十六年十一月十五

願齋遺集

卷下

五十六

山西省文獻委員會印

日也子男二鴻年鳳年茲鴻年既扶君之喪至自宿日月有期矣適以銘幽之
文囑余余惡能辭銘曰

君祖校尉貽忠勤武績既偉顯斯文聘君再世發其珍惟君之死尙閔淳君遺
陰九傷哉貧車牛服賈養厥親詩書遺憾望之昆子姓已見興振振一介取與
義惟均曰實有命非由人稟命不融劇艱辛遺言朗朗堪書紳師岡左拱如朝
奔雙泉夾流波不渾歲舍潛灘日躡津羣陰欲終吉壬辰泐堅銘幽瘞墓門靈
風肅穆來精魂朱棺漆題封所存吁嗟范君安斯窆

魏恭人耐葬墓志銘

恭人係魏氏山東歷城人誥封武翼都尉候選游擊誥贈中憲大夫直隸州知
州加二級王炳文府君諱燦之繼室前署貴州黎平府知府王襄廷君諱贊勤
之生母也恭人方笄歸中憲爲側室中憲世籍山西之洪洞時僑居潞潞適室
苗恭人以疾廢不以伺姑旌表節孝衛太宜人里居於是中憲年幾五旬矣猶

無後乃廣備室恭人歸最先獨長諸姊年三十一生黎平是歲中憲歸里省親未至而苗恭人先期卒於家遂逆節孝東出就養由是遂以恭人攝女君界之內政恭人事姑孝先意承志左右致節孝款心節孝怡然爾無喪婦之戚也黎平稍長節孝乃命中憲以恭人繼室爲適恭人撫諸澹尤謹抑買下不以分自高諸澹亦自安咸謂恭人之宜爲大婦也節孝之喪恭人盡哀盡禮節忌朔祭恪慎親蒞必誠必絮如節孝存也教黎平嚴慈有法不事姑息道光六年黎平由濼洲始遷寧陽八年以直隸州知州分發安徽時黎平室劉恭人新卒而黎平方宦遊恭人獨操家政纖毫畢理無廢廢事御下惠而能察臧獲輩無敢相率爲盜者既以子貴誥封恭人十五年黎平以春秋高不能親養始陳情歸自黔由是恭人始傳家婦阿恭人而恭人老矣歲丙午黎平以積勞卒恭人憫曰天乎吾八十老人餘一子尙不及送吾終乎遂病越三年以壽卒實道光二十九年七月丁酉再生明也上距所生乾隆二十一年十二月戊子享壽八十九

順齊遺集

卷下

五十七

山西省文獻委員會印

有七生子女各一女長於黎平通都先卒恭人之喪以咸豐元年十月乙未歸附葬於中憲之兆同龔異宮整垣而達之而以中憲側室張孺人從附張出女子子二長適秦早寡次適蓋俱存至是距中憲之葬二十有八年矣軒於中憲爲從子恭人世母行也於其葬也乃爲之銘銘曰

坤儀之秀毓爲國彥懿德允貞眉壽克健修能內映令姿外儀胎教不愆孕魂發奇柔則維嘉徵文知貴象服攸宜虔尸中饋威姑愉愉諸姊祁祁孝行上承仁木下榮變彼二女曷殊毛裏誠教恩勤惟同之視暇修告絮蘋藻斯馨先祖肝蠻允假其誠副烈有輝威儀其悒絲綸較責其德實匹生榮死哀靡福不有銘斯幽藏蓋爾女士

張伯翹先生墓誌銘

乾嘉以來山右以文章經術負重名於時者蓋有三張先生云陽城曰雋三先生晉平定曰石州先生穆曲沃則伯翹先生也陽城以詩名家繼傳吳二徵君

後平定志經世傳專林潛邱之學海內久皆論定伯翹先生世第以高才能文相推許委巷塾師類能展爾其試讀詞賦樂道角藝瑣事爲美談其於先生之爲人與其學且於其文均無當也先生既逝世樂志交遊益簡願獨與趙城張于鏞洪洞商昌及王軒折行輩爲忘年交二君方習六書從問字軒治六數實自先生授開方術始初先生覽軒文喜曰吾銘墓多矣特異時誌吾葬未見其人耳將在君乎意蓋許爲知言也先生以咸豐八年四月廿一日卒家軒方官兵部訃不達同治十二年閏六月廿八日先生繼配賈孺人卒其年十一月初八日孤勛尙將附葬於先生之兆介張君以狀請銘嗚呼先生之學軒固未能盡窺也然宿諾久矣不敢辭先生諱子特伯翹其字號鶴亭曾祖毓翁祖宗緒父有正世爲曲沃見賢村人少孤貧悅學無外志以古大儒自許言行不二弱冠爲諸生文名甲一郡學使周石芳先生携之晉陽募高才生與張生角藝以經史百家言諸體文字雜試之皆第一有國士之目時倚三先生客學使慕其

順齊遺集

卷下

五十八

山西省文獻委員會印

弟子李毅工詩而狂贊邵陽魏源力學而狷皆不可一世獨與先生相交歎中道光戊子科副榜第一比因秋賦以備書老無餘志亦無愠懷晚節彌勵讀書務強記上口必百編暮年猶覆瀾不遺一字說經少據拾多創獲解縻漢被宋斟賈孔陶陸王不主一師無門戶之見通古韻讀三代秦漢魏晉文選諸書無時世音諸史尤耽玩志表鈎稽疏決融貫乃已天文獨宗晉清二志歷代地理官制年號世代諱避姓氏爵里諸目皆指數精審百不失一習周髀算經精律曆於鄭世子樂書天元曆理研究發明尤數十年精力專注者也爲文法尙書春秋經傳及司馬氏遷韓氏愈李氏柳氏宗元詩本三百篇自漢唐諸家及晉陶潛外餘不屑也工制舉文近者猶似嘉隆諸子也撰述甚富遺孤幼多散佚僅掇拾七經拾遺文集詩集雜著若干卷藏於家先生性狷介非友不友而服善樂下人獎掖後進譽之惟恐不盡一藝之工每自謂弗及一藝之長或立改已說從之不恥所短也嚴辭受固窮終身嘗稷食者三年黍食者五年夷然

不以累志當父喪不能具禮族戚資之比非以賄餘歸其貧者財非力所爲不
取歲脯率入三十金弟子視其時乏或贖金以餉量所需受之而止文非所欲
爲終不可得或持金踵門謝多不敢獻而去嗚呼此區區者未足盡先生而使
先生之可見者止是是孰爲之哉然先生固未嘗言也是可銘已先生乾隆
五十四年正月初五日亥時壽六十有八娶吳繼娶賈聰敏善持家佐先生能
婦撫助肖能母性嗜詩先生授之杜集皆成誦也壽六十有一子二人居洲吳
出殯次卽躬背賣出女四人長適續冲翰吳出次適王知三次適趙折桂次適
王若瑩俱買出孫二人書田書寶俱幼銘曰

餒腹騰志甘焉不病世寒身享安不咎命抱璞遺榮道勝人定今步古趨耆德
儒行甲冑忠信曾不人疑規表襲亦莫我欺寶我不貪貴我知希履卓懷潔
服惠守夸畏名恥盈飲博趨約悅善斯從攻已毋作冲泯伎求素謝離繫喉舌
三代鏗金憂石怡願後死永託斯文木壤哲萎稍負寢門札劍未解路諾猶聞

顧齋遺集 卷下 五十九 山西文獻委員會印

張鐵生先生墓志銘

光緒十年二月中旬前蒲州府教授張君紫廷撤蒞於太原會城之通志局時
君年七十矣既病同人亟爲治後事統給衾冒畢具復日夕更迭視疾以竣知
非之至蓋寢疾旬有四日至三月朔而君不起孤知非暨猶子長福甥盧書芬
皆侍含歛自復沐浴裝衣以至殯於外館同人僉會知非且扶輿歸里泥首請
於衆願得其老友王軒銘墓而兩楊君篤暨深秀一作篆一察書復浼王生政
與武生煦市石宋生榮第敦匠事皆君志也衆咸諾嗚呼軒自癸卯交君四十
餘年游最久知最深烏能無言君承張氏諱于鑄道光壬子年以避文宗嫌改
今名字紫廷其作子銓又曰鐵生者則所謂表今名者也世居趙城之北街祖
文彬歲貢生父樹人三世皆儉於庠父母以君官贈五品家世儒宗幼承祖訓
穎異善悟尤意強記讀書日倍常見十歲作文下筆斐然可觀未冠應童子試

知縣長沙楊昭節公奇之拔置第一招人署與諸公子同學復授以詩古文詞

悅之遂入庠道光乙未春歲試受知於濱洲相國杜文正公置高等應試還謁
昭節呈所試文三更始歸家方侍祖庭膳輩而曹逆之變作昭節闔門殉焉君
僅免於難是年遂舉於鄉出和順縣知縣武威張雪蒼先生兆衡門先生旋調
任曲沃署中有老明經孫七丈者忘其名字隴右名宿也君從之游乃指示以
讀經世有用之書學始有端倪時君尊甫計百丈館於曲沃之白家與宗先輩
伯翹丈子特同客傅氏君從受史學始教以讀志表之法旁及九數天官家言
學乃益進先是昭節殉難君失所師平定許蓮西師長庚方司鐸霍州雅奇君
才招同子輩輩讀書嗣每計借輒從許師入都因得從平定張石州先生問學
又授以說文諸經門徑遂習顧問之學學乃有家法先生留君肄業都中君以
家貧不能從先生乃函致鄉寧縣知縣安邱王彙友先生筠令君從門學癸卯
許師主講洪洞玉峯書院君偕遂與邢君萬秀商君昌景君山李君敏及軒先

顧齋遺集 卷下 六十 山西文獻委員會印

後訂交不爲時學益以文行相砥勵講實勸規無少假借同時尉先生光霞王
君椅孟君紫樹翁長皆與君三世爲紀羣之交而王君方以詩古文教牛耳爲
同人倡諸人者相與品目人倫商君謂可與君相伯仲而邢君終弗許以謂君
不可及諸人亦推爲知言也君性豪宕善談諧每上下古今踴躍風發詞鋒不
可遏抑一事論難往往援証至數更端而未已少頗盛氣或論學不合則反復
折辨必伸其說而後快然使說果愈已雖蹇不相下而心實善之旋卽改從或
詰其舊說亦笑不復辨嘗自言氣質非學所能化而改過服善生平所可自信
人亦以此多之丙午丁外艱服闋後屢上公車諸同人各以事不復聚君每與
軒偕時石州先生既歸道山兩人無所謁正人海落莫惟黎城王孝廉煥辰代
州馮廉訪志沂相與文酒往還時流亦不能識也君弱冠遊日下卽見器於壽
陽相國祁文端公一時鉅公多相引重泊多因名場矮屋中時物色海內聞人
通士傾蓋訂交客邸戶屢恒滿若臨桂唐啓華遂寧劉懋勳大興丁楷江都謝

增許君過從無虛日不以窮達計也咸豐壬子出都後授軒兩猶子饋因客山
東者二年館寧陽先從兄黎平太守喪廷公之蓮園雅擅花木水石亭台之勝
兩人雖詩酒唱酬實潛心於張王兩先生之學君氣亦漸壯乃於錢殿段桂王
諸家說文寢饋研究而詩今古韵尚書今古文皆卒業得其要領指歸是年秋
登泰山觀日出訪秦碑又約明歲爾後同謁孔林觀滄海以激發志氣從此將
閉戶讀書不出矣然卒不果癸丑大挑以教職注選聞粵匪渡河北竄遂歸里
甲寅匪擾山西勝公保開學督師追出其前扼韓侯嶺君長揖幕府陳策督師
奇其才邀之行謝不往署絳縣教諭者二載於時老成多謝惟伯趙丈歸然獨
存其弟子衛君天賜當八九歲受書時君即異之折行輩為忘年交及策友先
生再官曲沃衛君遂受知焉乙卯春君見以介軒曰吾黨後起有人道不孤矣
亟為之延譽由是衛君名益噪君獎掖後進多此類然自是以薄宦隱不復與
世接矣戊午選授絳縣巡導丙寅吏部以知縣徵取檄下不就光緒乙亥推升

顧齋遺集

卷下

六十一

山西省文獻委員會印

蒲州府教授戊寅丁繼母賈太宜人憂君年已六十有五值山西大礙今協揆
朝邑閻公奉命稽查賑務駐節運城檄君掌書記君在絳以守城出力加六品
銜賑事竣後奏請加五品銜庚辰宮保威毅伯湘鄉曾公奏修山西通志聘充
副總纂由是客會城者四年餘曾學使王可莊修選取高才生三十人肄業
晉陽書院巡撫南皮張公別立令德堂以館之復檄君襄教住院督察勤惰為
之析疑辨難循循無倦焉嗚呼君早負時譽意氣甚盛又多老成推許咸謂當
自表揚於世乃九上公車八薦不第几坐寒甍蹉跎沒世師友推挽力盡所學
既非時輩所能後進幾幾知名老病歸田乃頗荷鉅公之禮遇此豈始願所及
蓋亦畢生稽古之勤終不可闕理有固然於君初無加損然君亦可以無憾矣
君一弟子漢廩膳生妹四人四娶皆先君卒初娶楊生三子同殤於痘次娶劉
生一女嫁而寡天三娶嚴生一女後娶李生女一子一君四十九歲始舉子故
取迷大夫事名焉婚嫁名族不具書茲知非將以本年九月初二日葬君於城

東二里沙橋先塋之次四宜人皆已先耐爰備述平生世系學行學華可傳於
世者內諸其籍復系之銘銘曰

往君六十餘客鹽陽君官絳水弟子稱觸走伴丐余俾以文張報李云後忤忤
政忘憾並書來懇倚交長極知意諒乃故詞強謂君鮑叔會余購當區區未界
能勿失望拜愛咎口愧汗悚惶期茲七豸錦製是將昨遊晉九金釀豫慶十年
諸責計日庶償萬事匪料千古誰常頌禱猶聞歌哭儼更不謂祝嘏而為銘口
口復願違過謝情傷徐劍徒解照琴云亡將母余文果涉不祥一報平生長負
幽明泐之樂石日吉辰良奠此幽宅終安且康永利後嗣受福無疆

尉餐雷先生墓誌銘

國家以制科之文求士士以是應之工是業者可立致顯要而或以通經學古
之徒或終身不第蓋資格既立則進身之途非是莫由也速成之徒既不肯為
即志之士亦必降心伏首以先致其進身之具又不可必遇則且有沉溺老死

顧齋遺集

卷下

六十一

山西省文獻委員會印

於其中而無暇為之卒以不盡其才者至於晚達之士精力已敝或不能自振
則益茂有聞焉嗚呼若尉君者遇之矣而不幸以死不重可悲哉君學無師授
讀書里塾同塾生率固陋不知進取君獨好言為進士塾師惡其妄輒責之君
奮然曰是詎不可自為耶為諸生屢冠軍學使者與之廩食比因秋試則益佗
僚取試官所錄文讀之實無奇益厭斥之謂進士固吾有所不可知者時耳人
以為狂今工部尚書濱州杜公視學山西得君文大歎異遂舉道光甲午科優
貢益奮然曰是不可老我也吾終為進士耳庚子舉於鄉辛丑成進士是役也
杜公充會試考官得君文復大歎賞決為老名下徹棘知君名益自喜也君授
即用知縣分發湖南以親老請改陝西旋以疾歸丁母憂主潼關書院講席服
未闋卒實道光二十四年四月口日也君疾革聞人誦余所為應試詞賦亟歎
曰吾已矣嘗患吾鄉繼起無人今得王君吾死無憂矣嗚呼君之意可感矣詞
賦不足道也君諱光體字伯綺號餐霞世籍洪洞父某先世皆不仕弟二人皆

君授讀爲諸生娶某氏後君四年卒子一人謹女三人君工爲制舉文詩他詩
文駢體諸作率散佚其弟子往往能誦之君嘗有志於古而困於帖括比成進
士始稍稍爲之不幸遂卒余獨悲君之志宜不止此而止此也豈非命歟君之
葬未有期弟子商君抑之挽余爲銘君爲人諒直有內行抑之爲言數事皆可
記多難言故不著然可謂讀書之士矣銘曰

非窮於其身阨於其文孰懷斯志而不得伸跡則玩世而行實克敦此居游有
不盡知況於凡民抱其質固其淳嗚呼是在後之人

右墓志銘

楊鳳岡先生墓表

余鄉舉同歲生蓋藉藉稱二楊云二楊者各以闈中三藝海內傳誦至今不
衰當時公車輩所品目也一爲是科解首屯留楊君丹林大令中桂一則鄉寧
楊君鳳岡教授即君也君諱恩樹字汝桐鳳岡其別著弱冠入學爲廩膳生中

順齊遺集

卷下

六十三

山西省文獻委員會印

式道光丙午科舉人官至潞安府教授援例加國子監學正銜復晉光祿寺署
正銜先世以文學起家居縣城爲邑望族曾祖父楷祖父潛父陶皆諸生兩貢
成均詳誌狀中不備述往道光己亥余應童子試寓郡城邢君秋丞萬秀方居
憂介君來見索應試諸文賦補稿以去壬寅科試復遇君以邢君寓所邢君訖
坐客曰此今焦學使特榜一府三州屬二十五學之第一也乃述君自以僻處
山陬聞見不廣獨賴出門求友以自益故每試所至必多方結識一時知名之
士雖無介紹輒踵門自白即見拒不忤以是名流亦多識君者是後歲科鄉試
必相見論文如初索稿補歸亦如初癸卯秋試三人聚會城對雨小酌君歷叙
同時能文諸君丹林亦與焉比揭曉題名中半君所指名者而邢君亦獲售丁
未同試春官遊處爲久乃始窺君所學之底蘊非僅以時藝擅場者自欺向之
識君殊淺也蓋余再謁潞石州先生時君亦持王某友先生函往見王先生官
鄉寧君方從受六書之學余與邢君亦將謝詩古文詞以專力治經志趣既合

每旅邸論學往往四鼓許猶未能輟也君嘗言余性慙不宜於世王先生謂非

仕宦中人今歸常不復來將卒所業且以教諸鄉里他日得以校官以養親課

子足善志也別後遂久不見咸豐癸丑以大挑再試南宮開後排二等以歸乃

不復應試而與余亦久別矣丙辰署解州訓導丁巳選授天鎮縣訓導同治甲

戌升潞安府教授光緒庚辰母憂去官歸葬後乃僑寓潞安郡城與修長治諸

縣志其時子篤亦以繁峙縣教諭應大府聘修通志辛巳君就養繁峙縣學署

與余一見於會城會大府念通志未告竣違爲祿養志甲申調署陽曲縣訓

導乃迎養君於會城學署蓋自是余與君別逾三十年矣垂老聚首喜可知也

已詎意於乙酉三月十三日味爽無疾而終詎生於嘉慶壬申正月十六日壽

七十有四嗚呼丹林奔走風塵閱十餘年甫受一官而歿今墓木久拱矣君獨

以寒氈冷官優遊終老賢子孫家學相承方與未艾所得較丹桂爲多然余獨

怪二君早馳文譽乃僅以制舉文見而他不自表亦足悲已君忍煩耐勞遇

事善斷不爲遊移尤多先幾之見事過輒如所料暮年惟重聽僕背而健步善

啖終不藉杖以行論事不合則厲聲張目氣稜稜不可撓余嘗推君留心時事
且多讀有用書能大任惜性褊量拘終多齟齬信乎自知之審也君自以校官
職司風化凡事關名教必力任之不避勞怨而惟天鎮烈婦侯四姑一事抗詞
屢爭於同官類揭於大吏雖凶犯伏法終以碍於原諫未獲旌表引以爲憾造
次未嘗暫忘易簪前日猶以囑篤而不及家事一言嗚呼君固倔強不回然非
血性過人烏能然哉初娶鄭氏再娶閻氏皆先卒側室顧氏趙氏趙今存子一
卽篤辛酉科拔貢甲子科舉人繁峙縣教諭署陽曲縣訓導女二孫一之培監
生女孫六婚嫁皆名族不具書茲爲將歸葬君於先塋之次以羨道之文請余
與君交最早跡亦最疏乃四十餘年而終哭君之喪送君之葬非偶然者因述
交遊離合之概嗣之墓左俾後之人覽焉謹表

挹華王府君墓表

順齊遺集

卷下

六十四

山西省文獻委員會印

府君系王氏諱謙光字挹華山西洪洞人也先家秦中元季播越遂籍鄉土世
載令德十六傳而至府君譜牒攸分族姓聿維固可詳諸曾王考諱令銓字亮
采武庠生王考諱泰升考諱道字子春俱太學生府君寬靜慈惠和易友恭信
不違義儉不非禮其器宇宏深神識淵塞恂恂焉懽懽可測其涯已少與
從父兄蘊中府君受學先王父門機雲之喻於斯再親遂周覽墳典博通載籍
執經問難時效開余將欲舒天衢之修翼詠道岸之遐津嗣承先業營醴東土
乃奮述膠庠親光王以博士弟子人貢成均時不副志冥鴻高舉遂運府海
之奇籌抗鵬兮之軼迹中年後累致萬金不食爲寶謝業歸里閉門課子陶然
世外利祿忘懷矣與蘊中府君少狎長敬學更相師由是彌聯棣華之欽深枝
氣之愛雖異室各炊而緩急常周司當匱乏除佐厥資至於睦黨惟宗族與不
伐德人周其惠假物遂忘援人若棄蓋亦鄉魯之文學天性然爾乃久交彌篤
屢犯不校恭不諂上接不瀆下涯岸靡設人自不踰劇言亟辭罕見於色洵可

顧齋遺集

卷下

六十五

山西省文獻委員會印

謂和平養性澹泊少成者矣天不遐遺以道光二十有八年六月乙丑卒春秋
六十有六惜哉計之日衡欬術哀春歌不作感黨懷思聞風益悼與夫衡惠茹
施成爲出涕靡不謂貞茲澆俗式彼瀟風非斯莫屬而今老成殞矣遺命無厚
葬無稽喪無逾先人孤士賦敬承治命罔敢僭差以卒之年九月甲午葬於南
阡祖域之次而以元配李太君附禮也初娶李氏繼室尙氏今存丈夫子二士
騏太學生士驥俱尙出女子子一李出適張樞既克葬其孤士賦於是命工伐
石俾彰懿行以爲先民不作而所以揚之徹休者實藉斯文而知府君之深則
無逾軒迺蒲服請辭樹之墓道夫古稱一鄉之善宗族之良準之前言方斯無
虧小子不述後嗣何稱焉遂系之表俾清芬播於無窮亮節昭於異世其辭曰
於休府君先民之遺實稟祖德忠厚作基仁爲里美善實鄉師遺惠流世式敷
之貽滔滔頽波伊誰云濁德愆以儼怨叢采苦嗟我府君亦孔之篤義德超今
貞風絕俗亦有內行式和其家寔矣寡兄置之田廬未娶女媵惟厥孤匪惟

恤之實善其圖念之來告曰我取之念之來告曰我與之德我不居怨我不府
我心孔安報豈貴汝允矣府君鄉之善士大雅云亡遺範可效□□□示厥
孫子後有違者庶其視此

李勉亭先生墓表

於序此吾友詩人文學李君勉亭之墓也君諱敏勉亭其字喜書蘭故自號蘭
坡曾祖岱祖金果父衍慶君兄弟以文學起家少儻爲行好交遊師友皆知
名士受學史文昭術芸浦兩先生門與尉伯綺邢實子相倡酬以楹筴詩得名
淮南陳子異先生亟稱曰詩人歲已亥與余同以詩賦受知督學滇南張
桐廬先生補邑諸生君通眉長爪雅量有意度癖好山水家嘗箕山之麓關精
舍植花竹爲文酒會子異先生署曰翠游山房謙遊傾一時君交遊既廣未嘗
有擇人而心殊自別家故饒費金輒隨手盡遇急傾囊無所吝不給恨然累
日既揜抑不偶家且落交游稍稍謝去意澗如也願獨善余與雲章亭山三人
顧齋遺集 卷下

六十六

山西省文獻委員會印

警歎曰生平論交多矣獨三人知我耳三人者亦自謂能知勉亭也歲暮雪甚
輒策蹇徑造其廬呼酒痛飲賦詩歸去甲辰暮春修禊箕山題詩韓君墓甲古
流連酒酣登山狂歌人莫之測也嘗讀書平山時同學諸子雲章感慨悲歌佗
僚多大言實子喜繩尺程步而趨抑之好論當世務英偉有大略余頗喜形聲
訓詁家言對酒慷慨更相辨難君獨從容吟嘯不置臧否翫然遠也中年多故
飄落不自懷時時携酒登山吟咏爲樂愛申氏山莊水石之幽慨然有終焉之
志未幾君弟歿感血疾逾年遂不起年僅三十有九君爲詩宕逸有致頗留意
小學古音諸書齊志未就惜哉與人交久而彌永不短人人亦不能短也著箕
峯倡相集續集詩文雜作各數千言藏於家娶張氏子某於序自余始交君君
從父兄數季弟枚以次補學官弟子門族實從盛閭里君玉立英發斐然進取
視功名可立致交遊可常保抑鬱半生感慨係之殆金盡交絕固常情無足怪
而君兄弟俱殞於周歲之間今昔十年俛焉如寐而余且三哭其喪矣嗚乎李

氏門祚之盛衰與知已交遊之零落悲夫可爲流涕者矣以卒之年十有一月丙申葬於箕山之陰石兆爲君弟靜涵同日葬君疾革以墓石屬余欲得墓章書既克葬友人悼之未已遂欲表諸阡其孤曰先君有命矣敢請余泣然曰可哉余忍歿吾之友遂獨之曰詩人文學李君之墓嗚呼君閱於世者深矣而獨厚余惜余不足盡君也噫

陳峭夫先生教澤碑

先生系陳氏諱慎初自署峭夫以嘉慶十一年生福建福寧府之霞浦縣故學者稱霞浦先生以道光十七年丁酉科充本縣拔貢生二十三年癸卯中式本省鄉試舉人明年試春官不第應同年生陳貫甫大令之聘始來山西主洪洞玉峯書院講席越二載知平陽府知府長白延公聞其賢禮聘主郡之平水書院洪之人士如失慈母相與奔命額留得允歲餘延公復申命請曰所以爲大賢者將爲人師也郡屬十縣一州之士斐然多可感願不獲明師而先生獨私

願齋遺集

卷下

六十七

山西省文獻委員會印

在下邑非所以廣教也且洪士皆吾子弟先生來郡豈患不被其澤者而吾且得朝夕備諸誦助治化敦迫就洪之士負笈而從者蓋中分學矣初先生之教士也曰明經學曰端士習曰正文體及是一如其教乃進生徒而校其學行材藝第其高下而別其程於是定考課衡取舍嚴勤惰甄良莠物善 鑿澄濫矯正曲砥穎鈍惟嚴惟明非是置下第又進其才者而示之方培根柢筭術著精斯弛作類蒲軌遠大絕速小矩履行細趨向必果必敏非是者置下第學者誦習有規校藝有方步趨有則游息有時自成人以至童子咸執專經日課月程優游以俟其成勿荒勿嬉非是者置下第析疑問難踵接項望講畫之勞日不暇給引端符發應答無方其質之不及者亦不強所難也詩文制藝以及小學訓誥皆有法授易詩書三經各授其人皆專家之說也其論學曰非漢備之記傳聖學不能明非宋賢之性理聖道不能尊崇此抑彼皆非也故爲文必經粹道腹術與背理者雖工必黜而典禮器服制度名物之詳未嘗不考其故曲

學僞士不能售其伎教之三年生徒大進併舍而居伏臘而食歌之音洋洋盈耳篤志力行之彥相彼而出弋取科名者尤不可勝數也俄而延公擢去先生貞衷介石徇洪士之請再主玉峯旋主趙城以積勞卒於洪洞萬安鎮遺命必歸葬於閩實咸豐四年十一月十五日也春秋四十有九嗚呼哀哉於是先生之去鄉越十年矣而授室於洪洞者既已五載矣丑之秋洪洞被兵乃携家避地汾水之西主喬君樹猷鬻田產爲生舍死殯成於喬氏是館二三子爰推樹猷爲喪主以受弔而訃於若相問若相揖者軒既哭諸寢乃經而奔喪於喬於時二三子述舍者穉者歛者咸直次僉謂先生之教澤不宜無聞將伐石以樹書院講堂之偏垂之無窮而以文屬軒軒爲能已乃述先生立教之大端而系之言其辭曰

願齋遺集

卷下

六十八

山西省文獻委員會印

去聖日遠載籍道匪經師復古異說云微季世割裂乃更凌夷僅存章句完粹其希不有先覺購悟厥非吾黨是幸爰來我師俾我稿味陶鑄允資拯我方溺覺我方迷寔我周道坦遠於危登我高壘豁障於康我曠孔莠助我其蓄播之嘉種以痔我錯我盲之錮惟愛用醫投之惡石以甦我肌嗟余經經好與時違豈敢自信未識所依針砭之台爰釋余私敢不竭材瞭然以追參唯未達賜來何遲曳杖方歌易管承照悠悠教思於平之淵敢告來者無媿茲詞

信卿阮公義行碑

公系阮氏諱廷實字充吾信卿其號也明弘治間始祖自湖廣棗陽縣遷河津遂世爲河津人累葉以讀書起家公獨以少孤寡貧未獲終志詩書依母武氏習爲作苦負薪窮山食力養志武氏年九十有七願養終身公兄弟三人以次居仲公父諱國安先無子以公伯父次子爲之後洎公與弟先後生弟復出後叔父析數已久公兄不善理生家計日抽公以所分田產與之復蕩然公無異言公偉幹多力負薪倍常人備值常贏久之積貨百餘緡方謀立產業而兄以收豬變歲一夕負債幾相埒公罄囊償之無吝吝人怪問之則曰財者儻來

之物耳兄弟手足也我不代償則必辱兄且辱及先人矣我忍乎哉人咸歎公長者洎兄有子年壯不能立家室公爲之娶並代謀生業令自爲養兄長子又早世孀媳孤孫焚無告公配張孀惻然憫之言於公引歸同居十三年嫁子婚婦復割己田十餘畝及祖遺院基一所建屋昇之而使子誓券歸之以息後爭俾成室家焉蓋公孝友性成不必有所則做而能動與古合如此乃其輕財好義亦不以幼孤貧苦而餒其志初作苦窮山時有族弟某借往某力孱不耐任重獲致母不能自給居半載公積貲將歸奉母約某與俱某謝不與公曰若不念母寧不虞母念若乎某泣然曰吾徒手歸矣以爲養敢忘母乎政恐遺母愛耳公慨然曰是何憂若力薄不能致財耳非游蕩不顧親也且遂不歸親又何賴乎致親凍餒而又思子是倍之愛也吾誠不忍願以所蓄半昇若來則借歸則俱耳某感許之後某歿時猶爲其子言之曰汝某伯父大德不可忘也由是鄉人皆稱公盛德焉其後家益起德信益著賢選秦絳間所至人皆重之排

云謹誌

右碑表

順濟遺集卷下終



雲南叢書集部之六十三

一笑先生詩文鈔

共三卷

雲南圖書館藏板

甲寅
年刊

一笑先生墓表

一笑先生卒後閱月其孤郵書至昆明禮告君子不華謝賓客彌留之際神識瑩然語不他及唯屬身後之文當以挽劍川趙君孤子曹樾賴先君子戚友力營葬粗畢敢奉遺命以文請藩審書零涕曰先生命之矣其敢以謔劣辭先生姓李氏諱玉湛字會侯又字韞川晚自號一笑先生自為傳故一笑先生之名尤著先生先世自關中遷滇家麗江會祖慎嘉慶乙亥恩榜雲南鄉試舉人祖緝孫考映皆積學有隱德先生映之仲子以增廣生中式同治九年舉人候選教諭凡三攝大理

一笑先生詩鈔墓表

西雲書院監院事一舉鄉飲大賓其生於道光丁亥年月日卒以光緒丁亥年八月初一日春秋六十有一葬郡東團山之麓配孺人楊氏袁氏張氏子男一汝愚子女一所著有古今體詩曰一笑先生詩鈔二卷駢散文一卷藏于家先生幼岐嶷讀書日記數千言下筆驚其其儕偶未弱冠補博士弟子員負笈至五華書院從黃文節侍郎琮戴侍御綱孫遊縱覽書院藏書三年而畢學大進為制舉義清逸高淡坐是屢不得志于鄉闈而治詩古今文辭彌有法識者交口稱之先生願不自多咸豐初元金田賊起擾及大江南北而滇回亦乘間作

亂丙辰歲先生條上戰守機宜于辛鷗鄉郡守講求團練簡丁壯材武者任戰事自與同邑廩膳生故臨海令楊先生泗藻籌資糧甲仗往來調度于麗江鶴慶劍川三邑之間外禦回寇內殲土匪指拮艱鉅者六年賊抄陷旁近郡縣三邑亦不支逆氛及中甸維西先生猶佐今鎮遠鎮總兵和君燿晉記名提督張君潤欽兵據險規復中維進扼金沙瀾滄兩江以守先生家故裕自始事即輸以餉軍賊恨先生甚併焚其廬不悔也其後凡四復麗城兩復鶴劍不償其得失而扼吭拊背牽制賊勢卒收三邑合圍大理掃穴殲渠以竟底定之功苦戰

一笑先生詩鈔墓表

則諸將力而後縱指示論者多以推先生暨楊先生而謬逮不肖藩固惶媿謝不敏而以兩先生當之則良非浮譽先是藩于同治戊辰冬蒙筆至軍先生以故人子留掌機宜文字楊先生亦厚之三人者在軍中謀議多合約力肩軍事安桑梓不邀獎叙財貨出納別責之所司旦夕平賊長揖歸田里相與讀書譚藝以為樂至是冀可如願矣而反遭忌者媒孽庚午兩先生赴秋試坐蜚語繫獄藩居家亦橫被摧辱羣小出死力爭欲擠之不測賴天府廉知其冤得無急先生即以其年獲雋借計車楊先生則以明經貢成均藩後五年亦倖廁鄉舉

然楊先生暨潘終以當道別賜不已一再出玷啓事惟先生韜炎隱曜超然塵壘之外授經講學爲儒林祭酒始終一節完其初志以不負疇曩信誓之言潘與楊先生每歎仰先生植品之高爲不可及而又惜先生未竟其用俾國家增一艱難宏濟才也先生鬚眉疏秀頎然而長飲酒數升不亂處昆季極友愛篤于故舊操履粹然比年境愈困留次愈浩落嗜學愈劬環堵蕭然歌聲若出金石汝愚之生先生行年五十有九矣字之曰信天蓋以自况濬雨以事至郡見守令無有如韓昌黎之重玉川子者而鄉里乳臭小生不知閭井宴安緊誰之一笑先生詩鈔

墓表

三

力轉詆嫉厭薄甘自絕于君子爲之扼腕太息而先生乃無幾微之見于色詞潘是以又憮然自愁其淺也先生子爲詩初嗜庾信繼宗杜甫蓋身世所遭關山烽火骨肉死喪百感紛來而忠孝纏綿一語百咽與古人上契神明非苟求形似者比亦非獨感時紀事之篇多可備來者考證而已潘先掇菁華入麗郡詩徵全集之錄則當要諸異日嗟乎楊先生試令有循聲而奄忽颺逝潘與先生曾爲輓詞今又哭先生矣欲話向日崎嶇戎馬喋血戰爭之蹟而晨星碩果同事已無幾人况規爲志節之不自表暴者哉斯又後死者所深懇不僅交遊

存沒之感爲足悲也迺叙述以復先生之孤鏡之墓石庶使後之傳者舊續志乘者有所考焉劍川趙藩撰

笑先生詩鈔

墓表

四

幼他

麗江李玉湛題

天地幻他亦何常
深山鴻鶴變鳳凰
獨有銜泥屋梁燕
毛摧尾秃自悲傷

哀三君

趙君小菜 君諱準字衡萬小菜其號也甲午副榜貢生

山雨秋不斷崩巖落雷電草木誰得支
靡然各委頓哀哉小菜公使我淚如線
美玉絕微瑕精金經百練君存國猶活
君沒民誰莫丈夫肯瓦全羣兒凜生面
屹立仲

一

舉岸斯文見秦漢縱壑無纖鱗登龍始弱冠
中年苦奔走衣食能相絆尺牘倒陳遵
時賢重華翰翰鈴半陰符顧指堪定亂
汪汪千頃波學究天人貫于我丈人行
猥從小李喚驚馬當驥謬承極口贊德操
交士元留與青眼着 以篤質謬承獎許數常相慰藉云吾弟英爽年銳氣欲蓋彌彰稍涉閱歷終成偉器耳云云
塞裳入湖湘抵掌造士堂 癸丑年同住西林書舍約與東遊以慈命歸里不獲執鞭君往步至湖南為學使劉公校閱文場同事六七人獨見委任川蜀名勝區玉壺凜冰霜丙辰年復為四川學使支卷落他房行且擯抑公偶見之造詣頗高不禁稱贊支公亦其欣賞拔置領首既而詢審本生故名下士也生亦具問嶺末感其知已主人傾倒極吹薦重掄揚慕府愿求識面君未之許也

留班生軍中得周郎 支公書薦彭方伯處時彭正辦理

未遑明府聞君來傾身就相商
同人折所衷父老喜欲

狂艱危見英俊積棘羈鸞鳳
措施真裕如庶務宏大綱

反手擒巨盜長江靜驚瀧 陳發號者川匪渠魁也時在張姓時謀襲麗大為沿江忠縣主請君親捕君隻身在既至與土著和汝清等密謀誘擒而還其醜類數十人方置酒高會公行半

鳴鞭進中甸蠻虜走窮荒 喇嘛匪加亂縣主請公借往擊安邊敵何有禁暴靖無雙反側多破其營加喇嘛遠遁

子弟脅從未窮治官長恩開網
先生空流涕 子弟多被主特開恩原有賊黨心腹網漏實多君爭之不能得鼠輩益無忌憚與在鶴匪徒潛通消息引狼入室矣從

來敵難縱不斷還受制冷灰死復然
誰實階之厲至仁

戒姑息小惠難為繼養癰貽身災
因循豈云計偶爾疏

周防毒遭蜂螫肆非關智勇困家賊
能為累腔血灑郊

原獨留正氣存迢迢玉龍山何處
招親魂妻孥抱頭竄

長虞絳籠樊稽紹今已孤誰為山巨源
狂寇尙縱橫蠻夷隔天關我行且披髮
不得同洗冤家慈近六旬暮年失飽溫問心呼負負悽慘復何言
欲哭畏人覺放聲還自吞

和君獻楚 君諱璧

義鶴豈不武結巢近江渚老奉斃修蛇眾鳥賴舖乳健

自無敵英姿誰敢侮羣兒從東來虞獵付鼎俎盡族

供一餐羽蟲安足數我心實感傷淚背汗如雨太守切

民瘼仗君作心膂和府主知君可在每見肺腑相示呼以

入時危須異人墨經未遑處君丁外敷府主厚加賜

聯祝其墨經從公既葬仍奪情起辦團務漢有田子泰宗黨蒙鎮撫又如唐

張玠奮義斬胡虜邊徼倚長城中流峙砥柱盜賊憎主

人迴戈忍相取豺狼入室處大地失安宇青冥偶垂翅

塌翼不再舉巢覆無完卵闔門同斃鼓老母逾古稀臨

年死筆楚烏鳥區區情九泉恨難補愛弟復何辜癡子

應噴父人孰無一死悲君死獨苦低頭載酸鼻忍淚入

一笑先生詩鈔卷一

三

環堵

龔君鑑亭君諱卓清

從來英雄淚未解空復垂况我久枯槁念君難自持比

廬日微逐彼此總角時博戲數相負開懷無與擬初從

飲酒博奕數常相負鑑亭人嫌老龔憇吾愛老龔奇軀

幹偉九尺巍然英銳姿中年頗任依然諾無二詞劇孟

逃七國丈夫肯詭隨歲寒貞松見風疾勁草知飲罷酒

鑪卧狂呼笑羣兒匪徒與事狐羣狗黨紛紛趨附鑑亭

莫敢相不才獨蒙顧每見長自卑鑑亭粗豪多漫人駕

鼓用騏驎獵圍獲狡狴始舉團長偃蹇不就責以桑梓

相屬府主甚喜謂赴公敏誰敵擒奸功豈微賊黨巨猾

捕無不建議徒動聽壯懷未及施鑑亭建言回匪成官

諸賊枉殺良回激成其變而每戰輒敗賊勢轉張成首

罪魁國有常刑今當屬子弟往擒諸賊除內患然後徐

圖回匪耳議雖未行餘黨肆先發世事成噬臍猛虎既

遭縛遂為羣犬欺受恩一身小鼎獲甘如飴罵賊有餘

勇懦夫為之移我聞亦慷慨吞氣不擬悲何得效兒女

背人輒獻歛

刺鷄鳴鹽井失守感作

鹽井稱險絕沿途多隘口坡臺極天際直上九十九微

一笑先生詩鈔卷一

四

資湧泉予求復予取悠悠此何人棄甲曳兵走糜餉月

三千此恩亦良厚一朝事變起盡作喪家狗大節人所

欽微軀我之有肖令丈夫骨且夕歸速朽何況倉卒間

蕭牆事非偶干戈操同室憂患生左肘覆轍宜有以誰

當職其咎乃知在得人憑險其能久

意氣軒昂行

意氣太軒昂語言多唐突目如鷹鷂作愁胡聲如霹靂

乘烈缺猛虎直欲雙手擒雜種不難一朝滅冠蓋逡巡

趨下塵間談笑取高節睚眦必報復睚盱稱雄豪手

挑青絲鞵腰挂鸞鵲刀走馬疾鳥過殺人不自逃君不

見城上黑雲壓城高失羣鴻雁哀鳴磬如何但事驚吾曹

劍川圍城中寄麗江諸同事

比廬懸磬野停耕只有蛙兒竈上鳴如此情形如此水
令人哭憶晉陽城

紫虛散人與烏有先生為莫逆友屬大地否塞中

道化离寓迹于無何有之鄉忘懷飲咏寄興煙

霞誓不履塵寰一土一石恬如也無何而蒼蒼

者將有幹旋之舉烏有慨然身任而不疑詔紫

虛而颺之事二人始相與遇于秦越之郊紫虛

笑先生詩鈔卷一

五

疾鳥有之活我也奮袂攘臂而厲聲云

幹旋自幹旋何與散仙事嗟爾適何來臨淵擠我墜人

寰多是非岸谷入陵替離却莫愁鄉強來幽憂地劫灰

無了時風雨太陵厲太璞神不完膏火還自累終當御

風去與汝永相棄

紀事

先是鶴城圍劇鎮營游擊丁奉章千總趙國興

千長楊天佑大理屬領兵楊丙等見事不可支

陰獻降書而鶴城士民亦固邀與賊和以救城

城蒼赤王裕文集諸同事謀云和者降也我今

固無生理然未和而死則名存而民累和而後

死百姓或可以少安與其名存也母寧民安願

諸君無忘今日遂議和

丹心自可質神明却恨偏裨願惜身餘燼倘收容借一

降書遠達爾何人山川肯使屬戎犬勳業即今成弄麟

萬里難馴鴻雁羽怪他囊渡斬流民子同家叔等逃至

地江口禁渡難民遂用不果

漫題

韓信儒夫擒吳楚張良女子報強秦書生縱有倚天劍

不取沙場去殺人

笑先生詩鈔卷一

六

次李省田孝廉韻

魯國男兒未拂衣杜鵑解道不如歸却嫌玉水帶羶氣

閉倚江樓延素暉薄酒難為千日醉迷途漸覺數年非

灞陵飛將今何在取看南山縱獵圍

和紹夷江樓晚眺

午夢初回倦眼開小樓悵望獨徘徊江聲麥浪相迎送

輕燕閑鷗自去來邊界山河多入畫故鄉村落已成灰

更堪日夕牛羊下倚聽夷歌過釣臺

題橋頭糧台

何處容偷旦夕安愁懷一段付征軍西山晴雪牛羊下

陋巷將雞燕雀歡每怪香醪三斗少可堪麥飯兩餐難
長江不似回腸由滾滾波濤直下灘

題次柯糧台

雀合餘粒認巢飛燕挾新雛掠樹歸旅舍日長人意懶
江村乍靜履聲稀于茂滿地雙愁眼冬夏從征一敝衣
粗糲莫嫌難下咽可憐採盡北山薇秋成歉收民間拾粟果充飢

所驛小住二首

乍可留連便作家荒山飢走老年華倚門綠柳誰為主
對我紫薇空著花異地懷鄉長夜月居人敬客瓦杯茶
春秋兩度三逃難轉覺吾生未有涯

辛未先生詩鈔卷一

七

手將遠引意如何畏事非關愛薛蘿幸有殘生醒復醉
猶懷秃筆哭兼敵鳥魚花木恣驅遣富貴交遊空折磨
不惜高樓坐穿榻幼女名士老平戈

晚夏

梧桐十三葉二葉未辭柯雨已過溪少雲猶似獸多蒸
成枯樹菌開到故園荷搖櫓幾時去重吟淥水歌

野望

薄暮郊原踏翠行江村纔稍好西成關邊浴鴉欺秋水
牛背昏鴉噪晚晴雨過山如闌女靜風高樹作老龍鳴
愁懷別緒無聊極徙倚東臯暫眼明

表弟來

日月逝流泉人心非木石誰能暫相忘盡室阻消息中
秋月再圓流落空悲憶昨宵表弟來不寢談終夕初道
一方苦終言六親厄骨肉幾人存屍骸棄山澤親知遍
天涯強半歸殂歿幸免汗干戈飄零死瘟疫生民屬何
心降此無方賊家兄攜弱雛逃竄子地僻飢寒烏足名
言沉疴卧狼藉土俗况多猜驅逐走崖窟秋至霜露繁
冷風吹石壁弟來經月餘生死復誰測劇恐手足微相
離便相擲吁嗟兮蒼蒼喪亂曷其極天地故無情眼枯
究笑益空令窮獨叟沉痛中腸迫安得五莫濟因風振

辛未先生詩鈔卷一

八

六翮夷山有萬重輪此愁懷積

中秋

盈虛此錯行朔望相乘送今夜月輪滿傷心人事別未
辭一身孤骨肉無消息異俗乃解人中秋不言節

釣魚

一日釣三尾一年千有奇人生行樂耳多殺竟何為

客有麗人行

館主昨夜為余告客有麗人今日到輾轉終夕不成眠
凌晨沾露走相造聞君方自故鄉至為我試談故鄉事
鷹者宮軍久合圍釜魚穴蟻掃清未問言未及已悲泣

不能視謂有無限情指陳何處起義聲所布忍攜貳策
食壺漿爭相致振臂一呼雲合來連營大小七十二今
年夏麥頗登場孤塞小村足餽糧好是官軍從天下早
晚准擬毆豺狼眼前功業不時建日復一日軍心玩白
幟無端擊懈來七十二營鳥獸散可憐殺戮盡鷄狗四
面賊聲何處走焦土那容灰復然去年餘燼今烏有村
落人迹疏巒林哭鳴嗚殘喘幾不免誰暇及妻孥苦雨
淒風渡江急天涯淪落成孤立相逢相問且相憐江草
江花空飲泣英雄成敗難具論世事顛連蓋有因賤子
顛蒙復何知聊舉厓畧爲君陳軍中無主號令廢千長
一笑平生詩鈔卷一
九

悼亡篇

不死曾相見亂離宜有涯空家遂已矣甘苦曾幾時憶
昨結髮禮董生方下帷功名實予誤匹馬事奔馳獻賦
既無成負書空歸來孝先捧腹臥講堂花影遲春風剪
新韭秋雨露葵斗酒不時具糟糠轉怡怡談言每奇
中枕席多良規往往鄙婦謀轉致戚自貽矧予故福衷
日夕少娛嬉失意恒自困片言輒解頤隙駒易飄忽草
廛無久栖貧賤且相守豈云牀第私丈夫貴適志安用
好爵糜信誓猶在耳達觀真吾妻黃巾首禍始顛沛及
今茲子忝微聲累軍前効委蛇惟醒盡豪傑書生非亂
才幾番遇蹉跌棄置直如遺雜種既得志有家未許窺
啼鳥倦依託相對徒歎歎去歲官軍下故人實總師平
生重意氣倉卒仍分飛聞道東山阿懸弧白雲隈我時
大江頭南望雙淚滋踟躕不自得抑鬱思拂衣榴火明
江干蒲酒叶填篋未遑叙別情相見顏一開相慶弟有
後呱呱好嬰兒繼言逃難慘歲暮狼狽回奔走徒自苦
何不歌采薇感此來所驛雞栖假一枝阿兄勞暫歸弱
息累相攜偏裨言微利履險再失機踪跡不可問豈惟
音信稀夢中或相遇覺來轉恨非道路亦有言將信還
自疑人生重伉儷白髮爲長期前日數相棄我心未覺

悲如今復何言壯懷飛管灰燈火共十載未展一日眉
嬌弱小兒女攜將何所之得非念予拙九京免流離季
秋各殂謝仲冬始聞知慷慨坐窮獨遂貽哲人嗟卵胎
區其類乳哺各有宜有雛不自將奚以人父爲地方蕩
已盡蘆葦誰得辭何日息兵革北門收骨骸朔風正慄
烈陰雨重凄其孤鳳滯荆棘哀鳴傷故雌

哭楊子光親家

項子集一卷賂物傷人泣零如雨二

首

情好篤兄弟忝聯兒女婚君遺藐孤在我賸子身存月
落關山遠天寒霜雪繁不堪悼之淚仍對故人魂

一笑先生詩鈔

卷一

十一

除日由蘇卜灣回所驛

窮途逢歲盡暮暮且孤征空有祭詩淚况懷傷蕙情水
泉動寒韻山鳥帶新聲隔岸漁歌歇微聞瀆漢營

元旦

元春晨氣朗初日漸東上獨坐無與歡小樓試俯仰江
水碧堪染密林靜無響草木未敷榮含芽帶朝沆土風
頗可人禮節嚴少長襜褕還拜年入門便頭搶餅餌教
洽比水酒慶豐稔念此懷葛民噩然神與往側身望四
郊士卒向攘攘咫尺一江水猶聞歌擊壤

漫興

料頭箕踞山之阿一榻薰風一曲歌新雨去來原靡定
故人存歿亦何多登樓縱酒仍愁思擁被鼓詩引睡魔
惆悵半生成底事往年投筆近投戈

下吳竹過宿和煥五書齋

大江壯洪濤決滌駭瞻矚遊子有所之炎天下吳竹未
辭繫足蘭法此驕陽皓倦鳥審托棲欣投谷口宿入門
驚更喜一酌散沉伏苦恨相聚少夜闌薪繼燭世途畏
崎嶇人事方局促慷慨惜蹉跎豈云關榮辱我有詩百
篇借之據衷曲清酒三日閉臨軒共披讀薰風細細吹
紫薇散幽馥裁插既已了瓜茄近時熟高人憂禍胎屏

一笑先生詩鈔

卷一

十一

居高雙目長恐大江波泛瀾漲陵麓艱危重別離緒語
頻諳復叢菊吐霜花客來仍不速

逃難

我生習逃難徒步走天畔孤鶴瘦未穩及茲復驚鷺天
迴谷口低路人長空斷容膝無寸土有崖大于廟俯仰
不自聊北書巖下玩山花瑣細落行間字綠亂日入天
色昏雜處無親串嫌疑誰復辭衣冠坐塗炭生未聽虎
聲中宵吼達旦土人相與驚心怯背浹汗無事且歸來
悄然卧孤館天涯無近遠口腹實子糾潔服再蒙塵自
傷還自嘆登樓何處不得同王粲吁嗟兮故人帷幄

抱神算輕信成厲階遂為小兒謾流血殷長江積屍蔽
高岸含笑斷頭顱雙忠真烈漢執鞭予未遑北望徒悽
惋人事多錯悞何日脫憂患標首李榮華投誠剛復敢
任事和榮軒謂可倚也俾
之總營務防守巨營而身赴中甸剿辦蠻匪榮華橫夾
作威福將官兵練離心解體以致三仙古失守軍功姚
得功死之兵民被殲千餘及榮軒回事已不可為矣
逆匪隨轟破橋頭營軍功高聯甲死之橋頭被囚日久
聯甲設法守禦至是一破同死
者數百人榮軒東奔中維隨陷

書山村壁

背負肩挑趁夕曛一層山接一層雲捫天纔去頭三尺
有路長垂足二分虎學雞聲逼人嘯礮如雷響隔江聞
窮鄉僻壤關何事也要倉皇避亂軍

笑先生詩鈔卷一

早秋

涼風吹樹抄淋雨作宵聲葉帶青螢度花含白露榮蒼
茫山色老素篋客心驚欹枕待明月悄然鄉國情

江村雜詩 六章

風土從來異江村着意看午時冬日烈曉雨夏風寒坐
卧爐三面土人以地爐為窟沒
爐三面即坐卧處也饔飧粥一簞夜深人不
寐兒女怪追歡

桑麻倚江浦貧富一區田秋水落三漲春蠶起四眠家
家養鳥喙處處下魚釜誰與杖頭挂村酤不賣錢
星回仍縱酒歲首此鳴歡式好形骸外相忘禮數寬雞

豚折銖兩熬菴儘盤桓草草鞦韆索新年許一攀

簇簇蒼蓬栗離離玉汁梨日曛木李綻露重核桃低金

橋垂丹鳥石榴然碧岸何年孔林杏流落到蠻蹊

異俗多邪祟夷情信鬼神吉凶長問卜禍福不憑人伏

臘巫師醉春秋禱祀頻飯依香一攤念佛日千巡

珂珮長週額金環大龍頭家聲歸婦女俗習重氈裘地

僻風生屋山空月滿樓可憐大江水日夕向東流

一榻

一榻高樓迥寂寥恒獨居傾壺聊酌酒下箸習無魚窮
極不成隱學荒慵著書時聞鳴玉響團露動林於

笑先生詩鈔卷一

么麼

么麼從北來倉卒匪夷思官軍偶失利電散競星馳誰
能顧家室爭趨山之陂架木學巢居疊石聊鑿坏晚風
起蕭瑟平楚亂參差天色黯然異陰雲歛向低中宵驟
雨過坐卧俱淋漓向隅正嗚咽雲淨河星稀曉來窟室
外微聞笑語嘻相慶么麼窟官軍爭奪旂佼佼李都尉
長驅如雨師銜枚走疾風朝食滅此期舉國盡從賊百
人何能為眾心失去就羣議方危疑神武一陣刷惡氛
遂已夷惜哉渠魁逸得無貽禍機君看大江西齊民靡
子遺願言鼓餘勇夷蘊崇之嗟予窮獨叟心緒久已

灰及茲歷陵木翻作睢陽絲似弄鬪匪二次竄擾中甸
皆已投降惟餘管兵數十戶不與焉遠李文元由北
奉廉鎮委署中甸守備隨帶練勇百餘人耳夷民劫之
引避不從則以大寺喇嘛相脅迫令出境文元憤極揮
戈逐喇嘛登時發隊街救追跡一戰肅清賊首帶傷遁
去仰弄自是遂滅

赴中甸集子山句

知士今安用關山負雪餘林寒木皮厚弓凍絃鳴野
戍孤煙起雲歸一雁征恨心終不歇日感值愁兵

新年

邊城落魄過新年雪暗冰橫徼外天板屋數椽寒臥榻
土樓十室冷炊煙斗旋怪我形骸舊地僻從他服物鮮

一笑先生詩鈔卷一

五

莫道瓊裘春色晚踏歌喧遍自熙然

漫寫

流落殊方見異民天涯風俗此邦人浮屠勝似居官好
巨室多緣佞佛貧有客衣冠矚見惜憐渠溲酪自相親

參軍莫作嫩馬語詰屈聾牙總未真

抒憤

客心驚歲月垂老亂離情每抱冰淵懼况兼狼狽行愁
懷無斷續天色有陰晴狐兔幾時息清閑足一生

送張紹孔回鶴慶

新鷺剛出谷有客唱驪歌日晚清香樹春寒拉馬坡相

逢苦遲暮惜別恨如何為語諸耆舊天涯歲月多

山行 上承北東昇殿

不上青天想未已回頭我亦雲中子分明山向前坡盡
行到坡頭山又起

棉花地寄楊小泉外弟會理 小泉專价相 迎先簡此作

繫余厄屯剝漏乃走碌碌脫畧與時違偏淺不諧俗幾
從士隴埋劣免儒淵酷家國不可問慷慨成孤獨豈伊
歧路悲實有窮途哭七尺為累余藏之深深谷釣水侶
魚蝦採山話樵牧秋月兮春風醉醒大江麓隴西都尉
來邀我起沉伏敦卻不獲已還嬰世網濁英雄期願奢

一笑先生詩鈔卷一

六

將以求大欲東馬皮懸崖革囊來西蜀行旌滯棉州未

受許仙錄既盡叔元錢空房鳴轉曉公私多異同趨亭

未輯陸人心逐環轉雲雨太翻覆亦知行路難偶失人

間足野馬迷天涯遊絲替人目我有骨肉親致書再相

速薄裝載因人日替還躑躅署麗江府陸維西協李同

弄蠻匪所敗家鄉西元不問文元故剛鬚忿極將尋

仇港請陸公未悉情形耳蓋上稟自明稟上而陸公轉

怒時各目多上稟也峻使李署協借端除之李協體量

得實不從轉問紹林稟替進走狀由是有隙陸李故不

喜文元至是彼此罷絡爭相結文元懼禍撤回永北歸
廉鎮軍麾下當是時棉花地設有雲川局雲屬入大甲
每年捐輸銀八百兩糧入百石資經費川屬惟以街場
所得斗秤錢相抵有所稟保則皆川人雲屬不與焉

軍扎委文元赴棉分局港以為局不必分但使二屬捐
給同稟保同足矣而川屬執拘不允遂分焉分訖而川
屬不送之徒請文元赴草坪子議事至則聚眾圍之部
下披挂往迎始各散去而鎮軍撤回文元湛亦赴會理
局事如

寄和榮軒東川招舍弟玉淑歸

故人五載別音書兩寂聞回首雪山雲遙想東川月月
出東南隅流光何皎潔同邀玉兔影不共良宵席勢分
既已殊禮數遂相絕棄物有何求所悲同骨肉舍弟走
餽口非關失和協烽煙逼人來挺險誰能擇聞道兩月
前間抵故人側自傷手足微况乃遭蕩析功名非所期
冀延詩書澤不欲奉遺體沙場裹馬革願君迫之來勿

一笑先生詩鈔卷一

七

使久離濶

木驚灣江東地名初無義意以漢替番求其字之順口而已阿溪對岸

木驚灣頭望憂心直欲焚鄉園一江隔漢賊兩家分日
落山前堡雲沈水上軍革囊應許跨誰與樹奇勳

三鬚筆石鼓對岸時石鼓為賊所踞

走馬三鬚筆遙聞石鼓鳴漫誇諸葛壘地有諸葛營不是漢

家營眾嶺旌旗豎澄江組練橫少年多意氣未解請長
纓

里都紅石岩對岸

水從巴岔去山向里都迴日色冷岩石江聲吹將台

岩下有諸葛將台從來天設險還要地多材戰守應無敵英雄
安在哉

吳竹橋頭對岸

習習谷風冷行行莫問津山深藏餓虎江僻隱潛鱗俗
擅椎刀利地多流寓民相逢總相識若个性情真

所驛武侯城對岸

蔡牀曾此坐懷葛有遺民相處已成習今來轉更新舍
杯敦夙好薦果及良晨倘遂買山計何須再卜隣

巨甸

共說張都尉屯兵古巨原幾回功未就一線地猶存討

一笑先生詩鈔卷一

末

賊期身任扶危待手援桑榆倘非晚何惜簡書煩

巨甸居人多元姓自謂忽必烈苗裔杏泉有詩次其韻

順帝和林去中原無此民不圖亡國裔許作聖朝人習
俗甘循舊江山幾易新空留臨別曲悽切水之濱有元氏遺

音靡靡切此曲楚動人相傳世祖臨別所賜故名別時
錫黎究竟此曲創自民間木氏盛時承寧夷幸眾來襲
木氏設伏弑沙以自待之鐵夷始盡民間造此曲以弔之
故云北沙細細細者細樂也迄今喪事處猶用以助
哀聲急悲酸北沙者白尸之轉音白番夷也尸死也木
氏磁番勇於此地因以得名今土人猶名此曲為白尸
也改流後官府文書以北沙二字代

立秋前夕宿蘇卜灣大雨不寐

九夏今宵盡江聲亂雨聲風回排戶入雲湧觸階生畫

壁花愁落餘燈昏
溼明隣雞爭唱曉
逋客若爲情

贈杏泉

生平少年日攜手同問津
知交旣零落晨星餘
幾人數日不相見
白髮又添新已矣勿復道
身世難具陳

疊前韻

疇昔同舟濟相期據要津
隣卿惟有我知己
更何人世德青氈
舊交情白首新卅年
甘苦共膠漆笑雷陳

麗江李玉湛韞川

贈杏泉

用則行我蔽子佩共功名舍則藏子戴我負同徜徉不
 蟄不飛十餘春殘杯冷炙徒酸辛賦北建南成底事惟
 有性情長抱真離合既已頻悲歎亦何有漂去復漂還
 士偶笑木偶噫嘻吁天下多情何必吾兩人胡為攘臂
 搖頭往往不顧身不顧身老將臻老將臻泣沾巾
 故人楊子光歿數年矣每與杏泉茶烟促膝道及
 平生未嘗不仰天扼腕泣淚沾衣適其嗣子元

一笑先生詩鈔

卷二

一

之到巨來謁相見不相識既傷流離且喜故人
 有子仍愧將扶無力也

久別成新識遲即憶舊名流離近何事邂逅昧平生父
 執難為我孤兒尙有卿空餘巨源在相對不勝情

太平塘

亂山重沓處望望太平塘路險追風倦官新戍卒忙關
 荒堆落葉播植雜餘霜步騎穿林進溪流響正長

早發魯甸

駿馬踏征塵軍行健絕偏山梁魚貫度旂影雁行振土
 薄冰霜重林寒草木披抱鞍方踟躕書劍愧頭巾

酩酊

酩酊歸來晚荒城月色多令嚴軍自肅夜靜尉誰訶乘
 輿難為我豪情欲放歌英雄聊復爾只是太蹉跎

西行詩

維西進墩

西來天氣變冬雨作秋聲旅夢中宵斷離懷永夜清睡
 憐寒被薄呼取濁醪傾坐待曉雞喔雪花催客程
 草勁冰花壯林深雪藥明山泉凝不動樹葉重無聲馬
 蹴銀沙碎人登玉壘行揮鞭發長嘯凜冽北風清
 日飲峯頭霧人迷馬足塵江流飛活雪山勢兀堆銀萬
 竅吹森冽三軍待拊循嚴霜透犀甲矧此布衣巾

一笑先生詩鈔

卷二

二

墩汎北嶽廟

麗江玉龍山長夏積雪高不可躋登山者行未
 及半風捲地拳石飛天元世祖東下駐蹕於
 此劫雪石北岳安邦景帝世紀為麗江土主
 神應昭然尊稱北沙薩埵麗人旅居所在廟貌
 森嚴其屬下有阿霸跟的次巴孛灘等目但遇
 麗邑土兵奉調隨征往往有靈跡可紀云

我聞神最靈愆陽伏陰不侵凌我聞神最正禍淫福善
 如響應阿霸跟的力無前次巴孛灘勇且賢北沙薩埵
 祝未罷素馬練甲從天弄烏蒙顯顯聖能使小醜

咸歸命疾痛顛連輒呼祝天地父母同願復郡人士女
荷神麻巫覡婆娑舞且謳從來神聖無今古聰明正直
作民主春秋血食千載餘今日那於前日殊丙辰之年
亂伊始刀兵瘟疫今未已獅象龜蛇化鹿場衣冠文物
走蠻荒父老望神早殄賊不知神向此閭宅君不聞桓
侯生平鎮國中千載流寇歛克鋒

蠅杏 永韻

搖屑鼓翅 寶疑猜觸睫穿帷去復回役役都從羶處集
營營競向 熱邊來有時鑽穴迷窗紙最恨當筵落酒杯
白壁無端 遺點澆會憑霜雪為凋摧

笑先生詩鈔卷二

三

入秋 後見流民哀而有作

昨夜金風 昨夜秋商歌一曲不勝悲可憐無數驚巢燕
飛繞江頭 鳳秋洲

關少甫在詩代書次韻和寄

開緘字字 細張鈎讀罷琳瑯使我愁亂世偷存真局促
天涯契濶 此流留每懷歧路能傷足為卜繁星合滿頭
若問故人行徑好秋風蕭瑟幼安樓

巨津善事次杏泉韻六章

故國初淪 沒迤西此上游瓊裘尊大漢號令趁高秋
軒以辛酉九月由維無忌遂與義伯言相佐謀陸公貫
西進兵克復麗江城

來不才甘守拙投筆許同仇

瓦解無全局元戎仗劍行癸亥五月沿江失守和榮
軒收集散卒馳赴東昭兵
權生死以性命羽毛輕中維諸賊反戈沿江復為紅旗
馬提憲以李祖王署理維西協
象祖玉故首反戈未久心巨測空撫憲委楊玉科
署理維西協相見之次王科出不意刺殺祖王於寓所天
下鶴鵝陣人驚草木聲惜我功獨創白晝逞奇兵王科
日假賊旗破破城
軍無後繼卒棄城夜竄

楊業奔山後睢陽此治軍

如故 抗嶠追上將鶴城復得王科隨下東昭謁
撫軍留張潤率所部駐防沿
江辦理潤探知逆首姚得勝在鳳柯部下
得勝故劇賊就房為營壘以數十人死守入蔡樹奇
而暗地遣取接應我兵轉為所敗得勝逸去入蔡樹奇
動潤又以數百人夜襲劍城復之人餉兼親赴中維
勳等處微發接濟未及而城復陷諸生何慎言舉家自
焚

笑先生詩鈔卷二

四

方惜長鯨竄仍教義士焚書生乃慷慨大節屬斯文

草草踰城走飛繩跨女牆士民同挺鹿道路泣斜陽城
陷時委練日王鳳等駐守日夜縱酒為樂初不事事
勢急則各日先離城走士民携挈相隨劍城為空雲
幕金華月天沈石寶霜流離試回首暴戾恣無方

難方奔駭前途更悵悽殘生何處所進退失羈栖潤赴
以儘先都可楊清為統帶飭駐九河扼賊援路清既奉
命而逗遛沿江屢促不前至石鼓聞城已陷輒將該地
營盤概行燬盡避難士民遠見火烟以為
賊已到石鼓大受驚恐至有撲崖死者

中澤哀鳴雁嗷嗷生意微邢亡誰與復紀滅更何歸坐
使奔河眾無人解趙圍乞援頻痛哭盼斷夕陽暉

閔予七章章四句

人生如寄枯塵弱草少壯幾何立身不早其電光石火
忽焉已老自非金石誰能長保其北徂胡馬南翔越鳥
四時百物焉知天道其閔予賤子生辰不造十載戎馬
嬰此顛倒其武子神傷潘郎憂情壯武心疾南城淚絞
五其居然新醜失其故好心木形蟬既灰既槁其聾不忘
聰盲不忘瞭吁嗟噫嘻念我皇考其

雪山行 有序

湛生長雪山下日睹磅礴峻極玉宇瓊樓變幻
不可方物每思有所吟咏輒畏惡未敢執筆乙

笑先生詩鈔 卷二

五

丑秋楊杏泉聚首葭菼得讀其七字歌行雄健
宏深大力哉幾於夜半負之而趨顛倒狂喜作
續紹想逡巡久之亦復畏惡擱筆歲月不居忽
焉四稔今茲戊辰屯兵巨津東風解凍時和景
明軍政餘閑冥搜苦索既磨墨既伸紙轉念天
地僅有文字非輒生所能髣髴舉筆未敢輒下
雖然生於斯長於斯斯斯歌哭於斯每一仰止心
曠神爽行且老矣而眼前絕境不一見諸吟咏
山靈其咎予吟咏而不能髣髴萬一山靈其咎
予均之咎也不為與不能異矣率爾命筆撫掌

甘心

噫嘻吁雪山崔嵬高而矗互古無人造巔末雪山天矯
奇而特斯須變幻難究極鋒稜直刺太清破豈伊去天
纔咫尺扶輿磅礴夷夏交向背陰晴常不一玉笋玲瓏
爭空發天柱雷崖儼騰擲絳斧神鬼造化窮况乃丹青
能髣髴秋月金波春日麗玉壺點綴蓬瀛勢聳峭絕無
倚傍痕晶瑩未許織塵翳上帝寤旒坐紫霄神靈序班
萬笏朝陡然回祿飛空來焔焔能熊烈炬燒閑來縱目
生雲處帝釋仙翁紛馳驚或騎麒麟緊鳳凰御風飛錫
鐵堂去斯夕時明雲形變幻安南關上千里道一簇火

笑先生詩鈔 卷二

木

雲堆飄渺點蒼雞足歸崑崙石竇文峯迹已掃安南關
山正如一簇火雲矗立點蒼雞足附近安南關之僅
如門限石竇文峯遠在雪山左右并無崑崙可指已猿
狄枝窮虎豹藏草木不敢生其旁破除烟瘴協風雨赫
赫炎方成樂土崑崙須彌伯仲耳崑崙高秦岱孫之子老
君破碎在何許浪說滇南眾山祖從來物大難為置朔
南雍東非其地父老相傳土酋盛時輜軒戾止僅於邱
在雪山南二百里外附近劍川特較諸山高大地理
者遂以羅君為滇山之祖不知羅君于雪山曾不抵一
足趾也老君者肥遯西南天地間不干人世大名且義
軒以前此突兀漢唐宋明不虧蝕古雪豈與今雪新今
雪還同古雪白愚生虛度四十春成敗廢興幾沾巾此

山此雪無寒暑是雪是山孰能割舉立大小千可望不
可攀道是山高能聚雪還疑雪久積爲山噫嘻吁偉哉
玉龍標舉自何年有山有雪誰後先

蝶

訪綠搜紅至斜風細雨前一生花裏活幾度橋中眠薄
命今如此多情理或然萋萋芳草碧惆悵擲金錢

秋思和杏泉

攬轡慨然吾道東相望不覺已商風每當故國新禾熟
又見天涯晚菊紅雪嶺杳冥濛霧雨江濤悲壯助兵戎
駐顏無術行衰老白首關河笑二翁

笑先生詩鈔

卷二

七

和苦雨

伏雨連朝夕新秋便覺寒正愁籬菊老豈但水荷殘雁
信來何滯魚書達亦難懷人此惆悵幾日坐相看

麗劍復三首

故園恢復小陽初好鏹城壕認里間取調蠻兵兼獠練
規移火器與糧儲分張籠袖雙垂舞展放愁眉兩道舒
真箇今番歸去也灰餘底處卷詩書

屢經恢復屢沉淪報到紅旂淚溼巾披拂蒿萊全沒徑
摧傷骨肉幾餘人翻思碎骨尋常事不枉同袍十五春
滿目荒涼休嘆息淮西又喜屬王民

漫興

漫擬雄圖繼閣羅腥羶草竊十年過丈夫今見巴圖魯
雜種休誇曳落河未信榆關容鼠據終教洱水靖鯨波
可憐萬骨歸燐火一將功成意若何

遊滿賢林

走馬萬松庵言登賢林眺紆餘山徑窮石門豁一窺屏
騎進石門絕境非意料清虛小有天我心靜無躁不見
山抱環但見石逋隋或如屏嶂合亦類玉女貌林前獅
象蹲林間伏虎豹天柱觀音崖一一乃醋肖叩關宜有
人洪崖拍肩笑何當石室開琅嬛許檢校桂樹枝相軼

笑先生詩鈔

卷二

六

云是三清廟小憇雲生衣松風助吟嘯最愛晚晴初餘
霞漾夕照舉頭望碧穹樓閣排空造初疑屨氣成忽訝
香煙罩陡絕無寸土混沌誰與鑿盤曲數武間不覺上
頭到佈置依岡巒棟梁寄蘿葛俯視不見底誰敢向前
蹈此時擎天柱矗立更危嶠上有欲墜巖見之發狂叫
匠作亦太奇雲移石龕搖莫矜謝公癖將使昌黎喚呼
吸帝座通定知閻可踞造化重靈奇藏之深且奧移近
西湖邊看取影顛倒

留別趙月村四首

誰能千里別忍不作哀鳴揮手何容易壯懷堪死生三

年無兩載暮雨共朝晴忽漫歌賦去難忘此日情

何當一鏡對今夜明月餘軍事相貽累虛名轉念差

聞槐有市馬得桂攀花記取孤輪湧金華憶五華

喪亂嗟何極艱危未了身不辭茅屋老猶是聖朝人俯

仰濶天地嘯歌驚鬼神英雄多似草挾策竟誰陳

攬轡西南國顛連可奈何紅旂張烈火戰鼓響鳴鼉事

變驅人慣奇才信汝多澄清相望久漫擬着漁筇

予同杏泉赴鄉闈忽被禁莫測所由既乃知楊護

鎖其害也截殺未獲窮之於其所往吁可畏哉

畫地誓不入刻木誓不對君子防未然懷刑期自愛奉

一笑先生詩鈔

卷二

札

身執玉如凜凜甘暴乘云何兩布衣俾知獄吏貴簿書

十五載艱阻躬歷備赤手事戎行朱顏悲憔悴功名誰

復論傷之不可計勝敗兵之常瀕危經數四么麼未肅

清賤軀已殘廢所重桑與梓同仇敵王愾妻孥非我有

撥棄等癩贅營營形顧影時復暗零涕且喜三屬地依

然樹赤幟顧惟河東豕敢邀朝廷議今歲直賓興恩補

三科試誰言見獵喜聊欲逃軍事不道坐微聲能嬰當

途忌驚駭老畏程沿路有狙基天未絕斯文餘生偶然

遂險過不自知豈緣解趨避免傷二子逝又作鄒陽繫

縲綆多名賢焉知非磨礪人事久無憑碧翁倘有意相

期泯怨尤授命天君泰

鄉閭幸捷案廣祠外沿墻樹林特茂適有羣鵲爭枝喧噪不下千餘獄卒賀云二公貴人

也行且出矣詢之曰此素微也已而果出

子瞻詩案坐烏臺我不吟詩為底來攘臂景從資敵愾

虛聲買禍實為災忽傳啁鵲爭枝喜仍許登龍赴宴回

最是傷心踈躑處搔頭父老有餘哀道路訛傳被言驚疑之間捷音忽至

父老有喜極而泣下者

頑民

西南萬里有頑民卧甲枕戈十五春熱血心甘霑草土

愚哀指望達楓宸却緣迂拙天將廢遂使英雄氣莫伸

一笑先生詩鈔

卷二

十

愧煞年年謀討賊通中碎骨數千人

先主桓侯故里

命世鍾靈自有因君臣龍虎屬比隣天生英主能無佐

樊噲當年是故人

巫山

鐵壁排空壁峯巒太桀驚余家玉龍下不羨楚山高

雲雨襄王夢風流宋玉才豔言神女事何處有荒臺

漫興

小樓長偃卧新近不成人有擬土偶鬻錢者始為行立

為坐像工便而料廉價固不減也喜以語妻其妻領之明年而為卧像工料愈省而價將仍故又喜以語妻其

真
莫熱視云嗜省則省矣恨近不成
人耳嗚呼凌替衰薄尙成人哉
黨親可能干日酒沉醉百年身咄咄人間世無堪多認

將就復將就餘生與幾何幸從頑刃漏又作贅瘤多身
世甘寥落人情太折磨屏居吾有約莫遣再蹉跎

悼頽風

乍見路旁骨緬想朱門肉古人悲路人傷心爲愴目矧
此骨肉間榮枯異哀樂脂膏充私庖魯水進苜蓿相彼
市井兒睦嫻敦厚俗緩急相倚仗甘苦同饜飫自從陵
谷遷世事多反覆楚楚者衣冠而忘毛裏屬蔽櫟嗟我
一笑先生詩鈔卷二 十一

漫興

神龍蟄晉井威鳳辭修篁苦謝一尺木徒聞五采章利
見阻飛躍哀鳴冀歸昌螻蟻制汝困雞鶩爭鳴張頽此
稀世姿誰能久韜光子房未虎嘯呂尙未鷹揚落魄滑
水側竄身博浪旁屈伸自有時何用多悲傷

贈別趙月邨

乘興相尋興正清孤雲奄忽不勝情上堂剛慰三年別
分手仍傷萬里行身世已悲駒過隙天涯何處鳥求聲

應憐老大計逾拙未肯西窗共晦明

貴州道

貴州古黔國漏天稱自昔遲遲威畢間此語信徵實陽
氣鬱以陶迅雷冬未蟄于役再至止未經睹天日淖潭
行處深跬步愁活活豈但阻遄征門戶傷促迫緬懷行
路難稅駕少歡悅嗟爾聚族人慘戚尙何極咄哉多紅
顏不假脂粉飾沿途表石坊丹鉛銘貞烈未信泥塗資
具此窈窕質生長極邊隅儼與中州埒汙池出芙蓉巖
花開旌節靈秀使之然何必名都邑

長安

一笑先生詩鈔卷二 三
長安居不易惆悵古猶今柳雪尋常事鄉園萬里心炎
風燒麥浪赤日失槐陰惱煞栖林鳥爭枝到夜深

安宿縣旅次遇杏泉北上

萍踪乍合慰平生怪道連宵夢寐清客子渾忘羈旅思
譙樓怕聽短長更他鄉分手他鄉聚萬里班荆萬里情
緒語方濃雞又唱伯勞飛燕各登程

次旅壁韻

日暮羣動息秋來眾芳歇胡爲此征夫駸駸晨昏發我
來暮春初及茲流火月黃土眯人眼炎風燎髮髮名心
苦未死覓官再赴闕豈云樂奔馳生恐老埋歿駑駘氣

易盡歷塊仍顛蹶兩度總成空雙丸亦大促玉堂非我
居鑿坏歸營窟

虞美人

紅顏易衰落况聽悲歌聲意氣大王盡微生賤妾輕美
人歸異代弱草有餘情千載春風裏猶疑血淚傾

漫興二首

泉石風光好軒窗日影遲觀書揉雪眼飲水浸詩脾燕
語知誰訴花開笑我癡天寒春欲暮單袷苦難支
束木難爲柱空傷命不猶高官終速謗巧宦亦承羞邱
壑好藏拙庖厨肯代謀力耕吾有舌素位復何求

一笑先生詩鈔卷二

三

避瘟

若箇生非寄而期永不歸求仙人欠達畏鬼理何依天
地有時壞形骸况已微修身願吾事大壽古來稀

遊文峯寺

到此心多妙悠然萬象齊野花隨意落山鳥向人啼捷
徑須防滑歧途總易迷回鞭登覺路刮日藉金篋

小徑迷不得出
轉煩土人指引

讀蘇文忠集漫題四絕

一睡博萬里虛名留身後儋州繼惠州端爲吟詩走
多才信爲累尙口乃坐窮不記烏臺案幾從北海融

無生參大乘了了祖師意一覺踢倒盆何曾涉文字
忠告宜書紳如何竟忘却從今莫作詩深負良朋約

貴州道曉發二
次北上

鄉國日以遠雲物日以殊常道故園寒此寒故園無泥
潦旋馬足冰雪困役夫木皮厚而稼崖石皴以枯男子
四方志所苦非道途惜哉知命年筋力供馳驅桑榆戀
薄宦此計良亦愚驚馬逐萬里能無歷塊虞我有一樽
酒長對妻與孥圍爐話衷曲堆盤薦新蔬身閑意多泰
屋小人自舒戚里時相過吾亦愛吾廬奈何九折坂數
乘下澤車

一笑先生詩鈔卷二

古

黔道雜詠二首

玉露敲修竹茅簷帶晚瓜柿花紅間葉楓葉豔於花菘
圃編籬護柴門闢徑斜山田如磴道負嶽足禾麻
絕少年康處依巖構室家陰霾長密漠淋雨况交加道
險人夫困泥行里數賒馬牛看入笠何處且停車

契杏泉

牛刀困小鮮鴻才屈百里窮老投煩劇柄鑿固其理弱
冠事徵逐文字相娛喜讀書鄙章旬期之優而仕奢願
竟蹉跎時事值傾否中澤蟠修蛇四郊突封豕壁壘謀
自固鄉社結弓矢願指聯眾志紀綱歸張弛手足掉頭

日軍政休鞭筆葛巾坐運籌鯨鯢從披靡成虧數使
歷塊頻蹶起協理豈無人幹濟惟我爾連鑣敵王愾
刃得所止豈不畏險艱大義迫桑梓虛聲孽之媒讒間
成積毀長途脫虎口相對坐司李盛世無冤民秦鏡破
奸究嗟予久荒落龍門慙燒尾下第惜劉蕡五色眼易
昧微勞幸見錄飛鳥浙東海太阿如秋水不中苴屣履
強弩勢已窮干鈞安可恃聊欲資絃歌三徑期瀟灑負
郭有田廬東泉秉耒耜去歲京華春遺我一雙鯉開緘
如晤對早晚謝朱紫賤子報罷歸孑身失依倚妻孥仍
凋謝室家蕩如洗琅函倘相慰溫語消塊壘何圖關山

一笑先生詩鈔卷二

五

濶萬里報生死天道固難言搔首痛彼美心事更誰論
子期悲已矣風雨聽蕭蕭含毫不忍誅

木向東協戎招飲

舊雨聯翩集將軍畫錦歸豪情投轄飲健議唾珠霏綠

水環幽徑青蘿牽客衣猶憐枕戈日同賦北山薇

秋吟

每到秋涼輒苦吟風清月白恨難禁浮沈已足悲身世
感慨何須弔古今大道亡羊空飲泣循途詠鹿詠堪尋
明知獲算非長策却被虛名役此心

贈月村二首

久不見黃生鄙心時復萌鉛刀磨轉鈍寶鏡拭逾明
玉風前落雲煙筆下橫年來歡聚少乍合亦多情
聲價連城璧才名照乘珠交深相與淡智極乃能思柏
府催晨駕霜台聽夜鳥垂天有雲翼去去奮南圖
署臬
憲鍾

次和月邨見贈六首

吾人例多情老去怯言別咫尺愁千里矧當隔鄉國我
慙阮步兵濁世謀身拙君真姑射仙濯濯皎冰雪
倥偬復倥偬麻鞋短後衣不道漏刃餘猶許長揖歸幾
從礪谷折何止累卵危天地不終晦日月無私暉

一笑先生詩鈔卷二

六

世途方鬱紆忌此道旁絃傷哉柳下季馬往不棄捐栖
栖桑與梓所希極顛連顛連既云復彼且窮益堅

妖厲非自作忠魂失安安一朝天耳通滂沱泥下嗟惟

有李將軍窮老計逾左弄麀倘可期惡鳥許賀我來詩
誤寫

弄麀書懷共應寄
我云云故戲答之

人生何容易涉世百年久功名定何物身外非我有青
犢舊所傳坐此窮獨叟少年多奇氣相對顏孔厚
大隱不避朝小隱不辭山抗心懷葛前置身夷惠間可
憐紫芝老療饑不療辱我欲從之遊何處是商顏

鐵架山

四十一縣鐵何曾當一毛穹然同地厚斗絕與天高
足難爲步眞形互古牢邊城資保障永與鎮滔滔

漫興

不聞不見我何窮非是逃禪學踏空遮莫黃金從土賤
心知美玉委泥中模稜正好藏圭角堅白何勞辨異同
未聆塵談能具曉相逢大要說圓融

屈靈均

傷哉屈大夫懷沙毋乃愚君王不早悟大厦頽人扶留
此耿介質庶幾挽桑榆云何心慮亂孤憤捐厥軀豈知
古豪士生死無兩途讒毀旣交構殄瘁日以殊一朝宗

笑先生詩鈔卷二

七

社淪舉族爲虜奴不惜皎皎白甘心絕鯨魚鯨魚未解
哀君王或悟諸此意不求白此心久鬱紆無怪荆楚人
至今哀有餘拯弔未云足繼之以浮圖浮圖無君父何
足汗三閭靈爇倘不昧脫頤笑其誣

嚴君平

君平豈棄世卜肆留成都賣卜非餽口將以化頑愚與
人子言孝和氣溢里閭與人臣言忠微賤知捐軀吉凶
緣惠逆禍福明乘除砭俗解紛糾秋風摧朽枯丈夫處
世間歲月不可虛出當作霖雨處亦膺師儒利濟及人
物何必公與孤垂簾讀周易此豈方術徒荆榛滯鸞鷲

殺戮來騶虞誰能學牛僧曝背牆東隅

嚴子陵

子陵古賢哲深意人莫測親極疏之媒矧茲屬天澤客
星不肯留方寸具卓識豈伊事高尙矯矯表風節旣不
學巢由洗耳鳴孤潔亦不爲鄴侯白衣石鳩列蕭然羊
裘翁聖主勞物色慷慨就徵車何曾甘韜匿明良固可
喜遇合亦難必日進或阻滯聞聲思轉劇還歸富春山
垂釣聊自適不是耽烟霞軒冕棄弗屑道交金石貞王
度地天濶餘風灑寰區頑懦資奮發以此酬知己時清
兩奇絕何必居廟廊勉共大夫職區區誇隱淪深意何

笑先生詩鈔卷二

六

由白九京倘可作此語應不易

刺客遊俠

帝王繼臨御大道惟一中刑罰世輕重憲章無異同殺
人者抵死約法爲世宗綱紀整以飭賢愚誰不恭自從
有此輩世變難可窮隱賊互傾軋強梁相長雄布衣專
生殺黔首睨王公豈惟壞心術將恐趨頽風攘臂誰作
偏聯翩競追踪豪暴遍天下紛紛如蟻蜂迹其盜跖行
何足汗筆鋒置之不齒數亦可免景從爰有太史氏觸
刑罹災凶冤結鬱成憤激毫擘捫悶衷寫生具妙手螟螣
爲人龍遂令後世士心豔交推崇如有王者作協和

可封齊民識大義此輩豈能容
蒙犛帑既非義學繪豈云忠矧
此暗啞將魏王命在躬
椎鄙赴趙急於魏竟何功可憐
太子丹舉國弄頑童樊
生枉自剄禾黍荒故宮遊俠更
何事甘爲世元克瞬息
千百里肉身解飛空明廷適啟
口七首已陷胸踪跡大
詭秘誰能究始終

往事

往事淒涼不堪說連鑣規挽陽
九厄通中洞脅競先登
探穴擒渠爭獻敵如今事過復
何言芻狗已陳誰與惜
將軍放廢良弓藏猛士凋零寒
水咽兩眉無事手無心

一笑先生詩鈔卷二

七

功怨不居真良策溼灰霑絮無
飛期何用飲冰除內熱

漆園吏

莊生昔曠達遊戲於筆墨奇想
入非非寓言十七八不
知蝶是周寧識周爲蝶虫鼠亦
偶然成見何曾涉尻輪
彼自乘神馬不勞策雖云荒唐
鳴理緒如綺織後世浮
屠人乃有輪迴說得非齊物論
資之以口食刻舟劍已
離膠柱難爲瑟躬閱多遺忘矧
其死生隔噫從聖教衰
門戶亦多術隱怪雜神民虛無
矜奇僻申以果報因亦
足傲頑劣奈此倫理何本原實
先汨原壤登木歌情毀
而性滅鼓盆弔糟糠決裂匪朝
夕

南詔碑

驅馬葉榆南言尋蒙氏蹟歸然
南詔碑倒卧橫路側風
雨薄蝕太模糊嘆傷鐘鼎墮泥
塗零零落落難句讀但
見書法遒勁秀而腴小石旁嵌
爲指似謂言携貳非得
已螳臂那應抗豐隆閉關保聚
規逃死却思六詔歸併
日西取吐蕃東畧粵內宮妃子
白夫人憑仗妖邪逞妖
術桓桓二十萬王師索索如山
白骨堆蕞爾不毛敢終
拒定知回筆多諛詞不然我聞
此石扁舟浮海至當時
事迹頗奇異如何悠悠千百年
鬼神不惜碑沒字

白頭

一笑先生詩鈔卷二

三

白頭不我放公道及衰容去歲
松藏雪今年雪上松居
然添鶴鬢何止笑龍鍾鏡鑷無
煩爾青春會有冬

喜訊

再續鸞膠四載逾辛壬癸甲啟
呱呱談何容易叶熊夢
差足自豪將鳳雛喜訊忽傳忘
折展同人相賀爲懸弧
不妨謔寫弄麀字老蚌今生明
月珠月卽前贈詩云誤
寫弄麀書懷哉先
寄我余答以弄麀倘可期惡鳥
許賀我故此有謔寫弄麀句

自書詩稿後

不逐時妝炫冶容中書與我兩
龍鍾天生瘦骨屢而健
亦有癡情淡處濃苦語惟應醬
菽覆勞歌未中碧紗籠

人間競獻霓裳曲可笑先生方耳聾

王笑先生詩鈔卷二

三

麗江李玉湛題川

一笑先生述

先生西南潛夫也寡語言鮮結納無適無莫無追往無
逆來無沾沾所遭窮通順逆一笑置之故曰一笑先生
時或周旋倫類遇解人亦未嘗不傾頤而詞約旨盡弗
曉辨漠然忽然渾渾噩噩然輪困踳蹙殊不辨譽之爲
喜毀之爲慚也者其言曰凡今之世旋用鑿而混沌死
徃徃倏與忽之徒朝四暮三情狀萬變雖有巧歷莫測
端倪矧余凡夫俚俚失據矣復何能以口舌爭耶古有

一笑先生文鈔卷三

一

爭之者唐虞君臣成周父子曼乎尚矣幽厲凌遲孔孟
崛起既斧柯之不屬繫唇舌之徒煩雖亂賊小懲而大
誠而褒貶徒託諸空言漢唐而降大道多歧明公清流
爭以品概才人學士爭以文章伊洛諸賢黜邪崇正理
學僅存罔不奸黠爽或戚戚以終執雌守常將嘲作解
或藏拙永年之一道未可知爾用是自銘因以爲號

一笑先生集前序

避地無聊輒以韵語排遣非所好也然而布穀鳴夏促
織鳴秋當其時情有難已斯口不能默何必鸞鳳之中
律而鸚鵡之巧舌耶觸於目感於心發於志見於詞我

我達我勞我歌如是焉已耳韵語云乎哉

畏人集後序

詩非夙好亦不常吟歲月滋深紙墨遂夥或詒於子曰
古人不云乎容子常畏人矧避地避人畏首畏尾者哉
今吾子觀物流連感時悲憤雖亦排遣之一術不計微
聲之致災患非處變之善者也予應之曰吁有是夫雖
然僕惟畏之極故絮絮不已人有夜行者長歌而歸其
妻詰之曰子非狂子何歌之長耶曰吾畏鬼耳嗚呼其
卽此意也夫或苑而退顏曰畏人

驅我集序

一笑先生文鈔卷三

二

胡爲而棲棲遑遑勞勞拊拊曰夫有驅之者也伊古以
來賢哲眾矣尼山鄒邑兩地參天莫聲言思誰爲驅策
自非絕詣無間聖凡粵稽往蹟孰非驅之致然哉顧或
以功勳而爲伊爲旦或以名節而爲夷爲齊或以富貴
權勢而爲許史爲金張爲田寶之屬所驅不同驅而各
之所之則無不同也若乃慷慨誓師奮義討賊近乎功
矣而伊旦非所期功成不居長掛遠颺近乎名矣而夷
齊非所望至如窮富極貴炙手可熱憑權借勢吹灰可
然彼固莫我強我亦不任受然則胡爲而棲棲遑遑勞
勞拊拊也夫有驅之者也欣戚悲愉弗能自主東西

北亦聽所之倥偬偶暇不廢披吟時則登肩山立踐層
所經輒成題詠時則枯腸雷鳴標之驅我紀實也

倥偬集序

倥偬集者從軍之所爲作也大都衰颯之詞居多夫苟
非其人功不虛成如彼雨雪先積維霰事有必至理有
固然况流離顛沛日擊心傷憂從中來不可斷絕憶豈
好爲是呻吟哉

容與集序

漆園氏曰彼且爲容與與之爲容與此爲接物言之也
雖然人之生也亦焉往而不容與哉何以言之人無有

一笑先生文鈔卷三

三

賢愚窮通順逆盡之矣使其一成不變抱初以終則窮
者不可與言通順者又可與言逆哉乃窮通順逆萃於
一人盡歷之時而飛且鳴則容與而爲飛鳴矣時而潛
且伏則容與而爲潛伏矣時而蠻夷僻陋險阻艱難則
容與而爲蠻夷僻陋險阻艱難矣非我之能爲容與實
造物者之與我以不得不容與也奚止接物云爾哉如
云隨遇而安無與於己吾斯之未能信

居易軒詩遺鈔後序

忠臣孝子篤斐肫誠錯節盤根貞以浩氣此其人不
藉文字傳也而發于文字精神逆露往往歷千數百年

風霜兵燹不能磨滅俾讀者歛歛感奮慨然如見其爲
人有不離文字而不盡關文字者非夫句梳節比埋頭

一藝所能襲取而得也鄉先正趙雲升先生勝國之季
以名孝廉仕桂藩爲郎官與楊副使介夫何提學遺菴
嘔心喋血委曲艱難以扶明社之屋卒至步移玉改稿
死巖穴百折馬而不悔其忠孝至性與夫雄才偉略鬱
不得抒者則一于文字發之有居易軒詩文鈔若干卷

藏于家兵燹迭經存者不及十一先生裔孫拙菴司馬

採輯成冊將付梓人今夏司馬之子樾村廣文來遊芝
山出以示湛時方病疴伏而讀之窮兩晝夜沈疴霍然

一笑先生文鈔卷三

四

若夫夫以先生之高風亮節炳乎志乘非所謂不藉文
字傳者乎然湛讀先生之詩文淵源忠孝取法詩賦欲
言難言之隱以可解不可解之辭出之黍離麥秀之悲
香草美人之旨曠代以來當與杜子美元裕之相視而
笑獨惜滄桑百變人間零落泰山豪芒而猶幸留此具
體之微足以廉頑而立懦斯固後賢抱殘守缺之功無
黍版祖謂非先生之精神歷劫不敝而能然也嗟夫勝
國之運訖于吾滇志士仁人身死而名不彰者何可勝
數卓卓如先生而簡編散佚志乘所載畧焉弗詳文章
節行卒不得與巖亭林李二曲王船山諸遺老暴白于

天下尤湛所捲卷低回而不僅為先生悲者矣

悼趙小萊和獻楚龔鑑亭三君子文

北闕天高邊城斗絕黃巾陸梁赤眉妖孽張正泰起事用五色旗幟

其屬下以黃布裹頭別有前後軍前後先鋒左右軍左右先鋒等目包頭旗幟號稱義舉滅回

詭謀猖獗衰弱丁口誰區誰別官吏間閭吞聲流血噲

棄屠刀羣超倫軼毅藏博塞千英萬傑始舉事時屠兄博和成之

網漏刑餘雷奔電掣張姓到麗配徒人犯及有罪繁用者執行開釋俾令入伙倡強者用

為首燒掠追呼脂膏殫竭陵谷遷移冠裳毀裂弱回易

殄茲回曩逆觀察銜髭鬚為節坐令蒼洱長夏積雪

茫茫六詔壘壘白滑民不聊生回胡可滅張姓之滅回也誰以結連

一笑先生文鈔卷三

五

謀反三屬藏其揚言下榆而坐勤經遺以待檢回之變欲因以實其言豈知激成其變殘官踞城屠毒殺

戮不復緬彼君子我心苑結父母孔迺憫念傷燬剖符可制矣

任重敢廢國紀爰命我民編聯子弟團道保甲會結弓

矢訓練約束幹衛間里碌碌斯人誰與領此和生慷慨

袒臂而起遶舉鄉總序德尙齒籌議團長同心協理聚

壘堅壁守我邊郡天水國士文武雙美始自川蜀歸來

桑梓傷心慘目肌裂髮指彌逢補苴振作張弛龔家鑑

亭勇如虎兇急公嚮義不計生死禁暴安良三君是倚

慰彼黎庶拒厥蛇豕賊黨斂迹齊團後不見黃稗種帖

耳麗團蓋前不敢犯境而退失木黃鳥賴此栖止大

難民避地到麗者安士農工商黨術村市士民安居樂

使君破顏明府騰喜先是得縣主吞聲忍氣莫敢誰何

瘡夷未復磐懸比屋心則有餘力誠不足姓地方經

空經費之需樹屋道旁權不專屬舉動掣肘經綸局促

王鄉總以桑梓之誼頗事優容事無餘孽克徒厥辜未

服狐羣狗黨引處心腹虎視眈眈其欲逐逐門戶空嚴

蕭牆禍粹引狼入室甘心魚肉堂堂趙公詩禮家風耿

耿長劍躍躍青驄率先士卒陷陣衝鋒手刃狂賊顧盼

英雄隻身塵戰天日為紅眾寡不敵赴義雍容趙公臨

屬云吾力竭當誓死以報府主諸君努力以父母宗族為念又顧其子振脾云父不可同死汝速生為遺種

一笑先生文鈔卷三

六

計已而天柱既折翼戴誰崇地維則絕夾載斯窮寒風

瑟瑟書霧濛濛鹿走挺險里巷一空壯哉老龔僕幼與

居相善常以老龔相呼及長猶備禦東封鑑亭守激勵

練丁殺氣洶洶指揮發縱身臂相從拒險阻隘賊敗忽

忽西關既獻東道斯通前狼後虎腹背交攻走頭死路

眾志異同孤鶴徘徊見羈樊籠拚却一死其甘從堯斷

頭將軍據地賊洪鑑亭素與王裕文皆任俠不相下既

香結盟數使人敦請鑑亭入會逃匿不就及地方齊團

舉為本鄉團長赴公趨事深得子弟心王鄉總擢為六

鄉總團長至是被擒又可憐獻楚罹害獨苦錯覓葭葦

誤投巨網賊入據麗江蘇楚奔至阿喜擬進中甸效泰

其執請賊 炮烙剗刺肉爛 皮腐鬻割拮拉鼎烹醢俎低
首下心木石爲伍豈云愛身臨難不武上惟老母曰髮
偃僕孤注無名一擲奚取抗懷在昔曹范遐舉回谿垂
翅瀟湘備補眷念北堂深心誰睹志盡慘毒卒具刑五
一門十口同日嬰斧從此粉輪遂爲賊宇陳屍懸頭未
許哭收人守見逼正氣空留辭主衣冠文物附贅懸
痼昆虫太木繫卵綴旒市井奴隸談笑錄囚草事苟活
忍垢含羞離絃箭落拾地哀求湛黍末議未展一籌辜
負知己脫身遠沒偷生異域匿迹荒陬衣不蓋衾食難
下喉哭秦無路覆餗有由哲人云逝誰與同仇青絲白
一笑先生文鈔卷三

七

馬一任踐蹂何年故國庶其有瘳夷山嶙嶙夷水悠悠
披髮狂呼血淚迸流嗚呼哀哉疇職其尤千齡萬古顯

微聞幽

留別楊小泉啟

愚以糜鹿之姿抱山林之癖讀書半世不邀科第之榮
從軍十年未識簪纓之貴拳桂樹以淹留叙秋蘭爲佩
穉子蒸枯木劉勝寒蟬登昂望遠山人之屐齒常穿席
地幃天野老之情懷不薄一朝入世非緣販賣參苓干
里尋聲只爲壺運骨肉裴君不遇誰移管輅之床謝夷
多情別啟渭陽之館聞關 撲地鐘鼓池臺車馬如龍冠

冀文物摩肩擊轂見軒冕於北關吹簫聞笙聞絃歌於
南市煙霞增故國之悲風景動新亭之泣才輪驟驥伸
弓之崖岸難攀價乏琳瑯元禮之龍門莫上青霜凝而
菊圃寒白雁下而汀洲晚許元度之清風明月甚慰相
思藉叔夜之潦倒粗疏依然故態網繆款曲興盡悲來
憶張翰之尋鱸哀北山之猿鶴半榻寒燈今夜清談落
落一鞭殘照前途相憶茫茫流咽水而東西故愁雲於
南北會面幾何談心未竟惆悵窮途更向他鄉揮手淩
涼暮景可堪晚歲歌騷倍覺慘然誰能遣此吾弟風塵
鷹隼望雲路以奮騰阿兄局促駑駘臨沙場而躑躅他
一笑先生文鈔卷三

八

日春深盤谷知河陽滿縣桃花何當履着上方

一園菊圃

招諭杜文秀回眾檄文

照得壯節封侯猶是綠林散卒伏波歸漢甯非隗氏舊
臣順天者存識時稱俊况無辜良善究陷網羅情非所
甘勢不得已但使回頭及早應知失足何妨自逆徇倡
亂兵及連年荼毒生靈草菅人命戮其父而嗣其子殺
之夫而奪之妻詩書閑闕爲健兒墜釜執鞭不問誰家
子弟淑女名媛與醜虜抱衾薦枕敢云是我妻孥室家
已矣性命何存漏刃殘喘呼不及吸涸轍餘息夕不謀

朝針話芒曆度日如年亦有飄搖播越蕩析流離日暮
途窮痛死亡其無地天涯腸斷悲生聚以何時豈惟英
雄扼腕志士拊膺實屬天地不容神人共憤而乃無恥
匪徒下流鼠輩猥以狐羣狗黨妄冀附鳳攀龍義聲到
處乃詭避而不肯前妖焰逼來轉趨承而惟恐後居然
虎帳甘作婢奴負白旗以爲固笑赤幟之不靈豈知淫
爾子婦穢爾男丁卽是將軍都督掘爾墳塋暴爾骸骨
誰爲校尉中郎輪將之與抄掠孰重孰輕殺戮之與招
安孰仁孰暴順逆所在曲直攸分獨不見髮匪洪秀全
要結黨徒至三數百萬之眾陸梁州郡及二十六省而
通一旦元戎戾止大兵雲屯埋長狄於駒門斬蚩尤於
冀北擒渠鳩穴滅迹掃塵昨日稱雄而今安在矧此小
醜么魔西夷襍種鷄披隼翼糜蒙虎皮於滇南不過一
隅在迤西亦祇數郡勢同黑子地猶彈丸而欲逞其龐
技抗我天兵譬螳螂之怒臂聚蚊蚋以成聲方今大憲
念切民瘼奉行天討籌備鉅餉徵發隣封剿撫兼施南
北奔進旌旗所指若洪爐之燎毫毛節鉞所臨如長飈
之零秋籜建瓴破竹摧朽拉枯有何不殄滅者哉現經
本協親統大隊恢復麗劍凡屬投誠不次超擢而鶴慶
孤城大理等處尙稽天誅未歸王化除旣往不咎外合

亟傳檄相諭爲此檄仰陷城各邑人等知悉趁此大兵
雲集各宜激發天良或獻納城營或擒殲渠魁或從中
內應或在外反戈隨時之宜聽其自便倘或陰違陽奉
雖漢人在所必劬苟能革面洗心卽逆首仍許自拔本
協一視同仁與之更始共樹奇勳同膺懋賞轉禍爲福
有厚望焉易罪爲功在此時矣倘觀望不前坐昧先機
之兆則捷仗立下必貽後至之誅河傾酸棗杞梓與樗
櫟俱流火焱崑岡瑾瑜與珉珉同燼到得此時悔將何
及各宜慎遵毋違特檄

宜致趙月村啟

笑先生文鈔卷三

十

子都不自知其姣也有姣之者而子都以姣者譏蔑不
自見其陋也有陋之者而譏蔑以陋聞何者目能辨色
鑿影不能辨觀地對嶺同柴參學謝伊洛顧恒思慷慨
激昂有新建樹每見河人伏案聳肩輒眼白齒冷謂丈
夫奚事此爲非關矯激情不屬也乃自潢池盜弄烽火
燎原徵發簿籍艱險備歷窮欲達信勞頌歌事目睹身
受隨筆紀之我生不辰空劫灰命一十五載所謂慷慨
而建樹者畫餅焉已芻狗焉已此故人自擊仆遭際豈
不然乎惟是蚓鳴蟬噪充饜之餘冀除未盡者猶有存
焉要亦藉陳時事非無病而呻故姣不必子都陋不

必醜度而瑕瑜不掩妍媸互呈姣之陋之舍故人尙奚
屬哉夏自攘臂從戎迄庚午弛擔除散佚不計外得古
近體若干首厘爲四集曰畏人桑梓陸沈屏邇窮荒也
曰倥偬赤手討賊艱苦異常也曰驅我滇蜀奔馳迹迫
安處也曰容與鳥倦知還復爲馮婦也情因境異言以
時殊姣未必然陋宜夥矣幸爲我刪削焉大刀濶斧毋
其本非我以

雜誌

下筮卜尙已流俗有錢卜瓦卜竈卜鷄卜類難枚舉
至如火逸燈紅風警鴉噪嘖笑喜怒舉動形骸罔不有

笑先生文鈔

卷三

十一

凡此雖未盡衷諸道要亦至理庸焉究其極或驗或
不驗非卜不靈人心多昧也標夷有松卜其法取松葉
數百莖整令齊手槎口祝而擲之洒然委地其尾外散
其本內交圓如團扇因以問吉凶焉死生存亡于田交
易牧樵細故兒女私情不厭其瀆暇則男女競卜以爲
樂而女尤擅長自以爲神奇無不應也究厥指歸蓋有
取焉其亦錢瓦之亞而得揲著之遺意也夫

舊稱蟬以翼鳴察其四翼較薄似非堪此勁聲者薄而
觀之其腹際交接若鬮筭然末節近邊處平列三眼明
各有簧鳴則動眼開聲正自其中出據此則翼鳴

說語已然古人賦物命名必不漫然致悞豈蟬類固多
所見非耶抑容有他說耶或云蟬以翼鳴語本淮南何
足深據予云不然苟出子書烏得無據然淮南亦但言
蟬以無口鳴不言以翼鳴也已酉年秋闈東下同行楊
子光楊魯齋諸人時當夏末秋初鳴螭嘒嘒余與魯齋
弱冠好弄下馬掩取各得數枚以巾包裹置懷中而嘒
聲猶時時聞作因謂今乃知蟬不以翼鳴也子光怪余
性僻好翻古遂不敢置詞及屏居吳竹地特多蟬考驗
得實然猶不敢謂翼鳴之說必誣也癸亥夏閒歸里檢
拾餘燼偶見考工記以勝鳴句始悟翼鳴之說周密之

笑先生文鈔

卷三

十二

警談耳
滇之迤西蜀之建南夏季有火把節舊矣或云濫觴於
南詔之焚滅各詔或云川主追擒毒龍民間以火把相
助或云武侯南征乘夜發兵號令民間火把遞送沿訟
不一愚謂南詔縱火松檟殊非佳事民間何忍因而煽
煽哉川主神道幽渺何所資於民間之火把武侯發兵
之說近似矣按節期有以廿四日者廿五日者六日者
迤西鶴麗等處則以五六月三日蓋其時兵以夜行隨
到資送遠近不齊故節期亦異鶴麗等處聞風而爲之
故三日皆節而日期愈左或云秉畀炎火之遺也或云

示流火也故又稱星回節

或問寒食禁火果由介子推否愚意不然禁火當四時皆有古者春秋冬夏各有取火之木義取乎除舊布新且以謹回祿也後世簡畧異常而例禁猶相沿耳食久之忘其所以遂謂事由之推惟春有之夏秋冬不與焉果爾則但當如滇西建甯火把節不應天下皆然然則插柳何也云柳所以取火也不取火而猶斫柳斫焉而不得其用遂援古人插桃柳于門之例耳然則周舉移書子推廟何也彼謂寒食一月老少不堪今惟三日云云以是知太原之寒食為之推而禁火也天下之寒食

一笑先生文鈔卷三

三

為除舊而禁火也事同而所由異矣日前人論列多矣不聞為此言子言得毋妄乎曰余姑妄言之子姑妄聽之

端陽嘉節山中獠夷打饅頭煮菜羹醞梅酒一甕家人婦子席地聯肩聚首牛飲醉則箕踞傲睨旁若無人或携手跳躍唱和土音致足樂也鄙人屏迹窮荒朝不謀夕茲敢望紛團綵縷交遊徵逐哉雖然藉美景以言歡撫良辰而上壽古之制也而人之情也而今何如哉日月不相饒豺虎方獉裂汨汨潛夫復何時冀除蓬壘載祝我高堂載浮我大白

揚州甲邑庠生楊明仲子幼侍王鄉總門墻及長棄書

贊墻于鶴歲丁巳春尾夏頭鶴人不堪張氏之毒麗圖整飭百姓粗安擬聯絡為制張計以順甲選行往返者數矣質直無華然諾不苟故知其君子人也八月朔間復以張氏陰謀來因留馬十七日之變辛府主遣所募幹練百人赴局聽用鄉總命順甲管帶以往及東園兩西關餘黨已延賊入小萊戰致練目某見賊先奔順甲知事不可為以繩繫足于樹而自沉焉懼失屍也嗚呼季路結縵之風淮等愧死矣賊既入麗邑人鳥亡獸駭局中惟餘鄉總及淮二人忍淚含羞渡江逃命冀有所

一笑先生文鈔卷三

四

遇以圖恢復終于不果飲泣草間而已戊午九月值同學友楊立常于江村得悉其死狀特識數言用附三君子末云

匪徒既踞鶴麗劍等處蠶食及于中維勒索中甸大寺經費銀若干兩喇嘛以千金行成不許大寺故倔強振臂一呼雲集響應追奔逐北殺斃克練百十人轉以牛酒取和而去先是蠻兒見漢人稱阿爸加以文行尊漢人也至是稱楚加言狗漢人也嗚呼蠻夷藐視內地豈善徵哉有守土之責者幸思所以鎮撫云俗于二月朔九夜裝束男子十餘人務斬炫麗左手執

牛尾右播腰鼓宛轉迴環且歌且舞一女鬢各擊長柄
小鼓一面隨班進退其舞有虎跳龍升鳥飛鵲躍等目
約三十餘節今僅傳其半云舞將闌一人首蒙羊皮面
具盲聾龍鍾備諸醜態率之而出當場跌坐觀舞人聞
然喧笑厥各點項者圍繞而歌點項答歌歌竟點項手
拍素然若有所占算者其歌語嘔啞啞嘶概不可曉蓋
蠻舞抑葛天之遺歟

壬申春仲余公車南旋萬里奔波裘敝金盡蕭條索寞
殊廢觀瞻主僕形影而外僮一背夫相隨宿次蒼蠅孺
所謂鱗魚關也有劉姓子以寧府家丁司稅事蓋市井

笑先生文鈔卷三

五

而臧獲者覩余孤弱輒將背役書箱截入稅局僕人以
印傳往不聽再往則雷霆轉甚氣焰愈張既而旁觀謂
公車欺陵非便街坊道路噴有繁言則轉送分巡司所
冀圖分過司廳者知其悖也遣紀道意願以完璧歸且
勉余包荒勿與校余維國家名器掃地復不能有所創
懲徒使狗奴相相然自鳴得意嘻甚矣徐陵不云乎盜
有道焉其無憂矣若此者其謂之河

予嘗有天地幻化亦何常漫山鴻鵠變鳳凰獨有鸞泥
屋椽燕毛摧尾秃各悲傷之作辛未夏都門言旋過唐
武驛得句云今日英雄行處是登臨莫漫嘆時無蓋時

方擾攘草竊羣兇阻嶠相貴有慨乎言之也肅清後曩
所謂鳳凰者奚啻毛摧尾秃矣戊寅在榆城節屆天中
薰風暖人榴火照眼有以青梅見餉者予笑謝為時無
英雄安用此為


笑先生文鈔卷三

六

守拙齋詩存

沈恩孚





守拙齋詩存序

傳曰行遠自邇積厚流光余每誦其言而思見其人一日遇胡子樸安於雜座中聽其言觀其貌粹然儒者後又往往遇於道篤守窮約仍如故益信為今之君子久之聞君仕而隱遂得共事於安徽叢書編審處者有年友人亦莫不曰今之蓄道德能文章者莫胡子若君近袖詩示余曰此先君之遺稿也身際亂離家貧未梓今始綴緝成帙願得一言序之余敬諾攜歸夜誦一再作而歎曰古稱志在千秋目營六合遯世而無悶者其守拙先生乎其言雅正其音清越殆紫陽之徒歟若悲天憫人困窮不違者則古風雜感自箴諸篇是也若發摠襟抱音中琴瑟者則近體夏夜云夜靜更欲闌雨過苔猶濕推窗看月明誤引流螢入題畫云谷口一茅亭結在無人境獨坐萬峯寒松濤滿清聽諸篇與五言斷句客愁流水寫別恨落花知及居傍樹為鄰五字七言斷句家似曉星零落甚人如秋草別離多涇川句攜得摩崖一枝筆

守拙齋詩存

序

樸學齋叢書
第一集

乘閒更試白雲茶水及遠峯亂插夕陽天七字是也澄思熟玩可以窺先生之抱負矣若樸安之坐而言起而行知行合一非受之提命安能若是哉余聞涇之山川蔚然深秀每有處士發揚道義以津滸後世其發言也簡其導化也宏先生令德久而愈彰世之觀者可以興矣
共和丙子中秋廬江後學陳詩拜撰

守拙齋詩存

涇縣胡鼎愛亭著

與諸同人夜飲

高閣開筵夜舉觴二三結侶興偏長
山中風月堪歌嘯世外功名久淡忘
諸子高懷原磊落阿奴故態亦顛狂
尋章摘句嫌何事合老仙鄉與醉鄉

雜感

天地一蘆盧古今一棋局人生何擾擾
流光若轉燭忍使冰雪姿甘受摧與
辱趨庭憶往訓守身如執玉

儒生好讀書吟哦老窗牖萬卷徒紛然
一語非我有搜尋故紙中詞章競獵
取盜竊以為工毋乃顏之厚尚友千載
前感懷千載後渺然居其中何者永
不朽

清晨臨明鏡照見妍與媿偶爾蒙塵垢
常恐被人知面垢不忘澣心垢當於

守拙齋詩存

樓學齋叢書
第一集

誰隱忍復同護分明即自欺聖狂各分途
所爭祇毫釐此心幾回撫及早善
操持

皎皎天上月有圓亦有缺人生百年間
盛衰相更迭所以達觀人隨境貴怡
悅人世何紛紛謀生力已竭一朝舍之
去對此徒悽切立身未有奇吾自守
吾拙心地即福地妙悟金丹訣

鬱鬱路旁柳芊芊原上草出門遇年少
騎馬長安道結交多豪貴文身盡珠
寶富貴本浮雲焉能長自保幽蘭生空
谷甘偕蓬蒿老紛華既外摒貞心常
內抱寄言桃與李開先落亦早

春日寄懷芸樵

時芸樵陷賊中

風聲慘淡月淒涼偃臥深山暗自傷
焉得寄書傳異地遙知無夢不家鄉
鶯花已逐三春老羅網何堪四面張
我自思君君思我天涯海角兩茫茫

贈高峯主人

知君久已脫名場獨擁寒雲臥草堂
流水環門高士宅秋山入牖美人妝
半窗風雨吟新句一榻烟霞枕夕陽
呼取詩僧沽美酒陶然共醉菊花鄉

旅懷

大江東去日悠悠荏苒韶華似水流
有脚春回仍作客打頭葉落幾登樓
天涯遊子青衫淚堂上慈親白髮秋
滿目淒涼無限恨能無身世歎沉浮
酒酣拔劍獨悲歌南望鄉關喚奈何
家似曉星零落甚人如秋草別離多
謀生無計空彈劍殺賊有心徒枕戈
公勿渡河風正惡江湖何日靜餘波

寄家書

故園消息近何如浪跡湖山歲幾除
應識思兒情更切倚門遙望一封書
鄉關千里客身孤欲寫平安付雁奴
心自酸辛腸自轉幾回下筆又躊躇

懷友

與君相隔水之涯悵望伊人日幾回
半壁雲山遮不斷夢魂昨夜渡江來

守拙齋詩存

樓學齋叢書
第一集

羈旅旅館苦吟身獨立空階自愴神
只有多情天上月一輪分照兩邊人

春日偶書

花含曉露柳含煙春色江南亦可憐
古蹟難尋芳草地遠峯亂插夕陽天
隱身備保悲司馬極目鄉關泣杜鵑
一事思量惆悵甚何時先著祖生鞭

幾番風信到天涯物換星移兩度差
書不療饑難割愛夢因作客屢還家
塵中浪迹憐浮梗身外閒名付落花
故國烽烟何日息淒然無語夕陽斜

夏夜

夜靜更欲闌雨過苔猶濕推窗看月
明誤引流螢入

月夜寄懷芸樵

一夜難成寐羈愁客邸身醉邀月作
伴居傍樹為鄰生計窮偏拙交情淡更
真臨風懷往事回首益傷神

昔月猶今月今時異昔時客愁流水
寫別恨落花知世亂文章賤才高命運

奇思多空悵望夢寐以爲期

詠燕

衝雨銜泥傍水濱一年一度結巢新憐君自有凌霄翮偏向豪門寄此身

送友登舟阻風復回

握手情傷酒一杯驪歌唱罷數聲哀豈知天亦悲離別特遣馮夷送駕回

題焚香卜易圖

干戈擾攘天涯遍十有餘年苦爭戰百萬生靈盡荼毒眼中忽驚滄桑變孤蹤飄泊吳楚間惆悵鄉園不得還四海茫茫誰知己窮途落魄空淚潛展圖驚識先生面恍惚平生曾相見同是天涯遊遊人卓爾風標壓羣彥手中何所持一囊書劍自取攜目中何所注義文大衍五十數焚香卜易信有神指點迷途開覺悟我本人間顛狂客幸與相逢在岐路吁嗟乎丈夫懷才不遇世平生空負凌雲志縱橫意氣無所用遂甘埋名在市肆舉目烽烟忽四起

守拙齋詩存

三

橫學齋叢書
第一集

風塵日月若流水身世茫茫無限恨願求先生一卜指

偶感

我前有古人古人在人口我後有後人後人誰不朽縱觀古今來傳人能有幾茫茫苦海中萬事東流水平生不得意高歌長已矣

早秋即事

日暮開高閣長臥避殘暑故人適何來有酒聊共煮庭樹不知秋葉落復幾許

秋夜

閒居適無事信步出柴荆風冽流泉咽天高北斗橫月明兩無語相對亦忘情夜深萬籟寂蟋蟀空階鳴四顧何茫茫蕭條百感生

向化鎮晚歸

蒼茫雲水思依稀乘醉歸來日已微萬頃湖光兩岸白滿江漁火作螢飛

琴溪

一水澄孤峯立峯聳青兮水盪碧危橋百尺臥長虹鄉人嘖嘖傳古蹟憶昔琴高釣清淵鍊丹餌藥幾經年一朝白日飛昇去身騎赤鯉翔雲煙藥渣散入水中春化作潏潏泱泱無數之青鱗水族滋生谷繁行恨不相隨一釣綸仙乎仙乎不可望水面流出桃花香藥爐丹竈今安在但見游魚縱壑兮山高而水長

水西感懷

遨遊會記酒頻攜勝蹟當年說水西招得峯來青到戶踏將春去綠平堤風穿樹出鐘聲遠日落山含塔影低往事至今回首憶夕陽芳草望中迷苔侵敗壁月侵池不復風光似舊時翠竹圍來誰是主青蓮去後更無詩經春草已迷芳徑愛古文猶認斷碑煙雨亭邊煙雨歇一番吟眺一凄其

琴川懷古

守拙齋詩存

四

橫學齋叢書
第一集

琴溪勝地記曾經山自嶽奇水自渟一自仙人騎鯉去寒煙長鎖數峯青桃潭風景足盤桓想見交情恰古歡重到昔年分別地滿溪紅雨落春寒

涇川八景

湖山雪霽

女牆高處試登臨山色空明返照侵梅影香浮千點雪鐘聲散散萬重陰翻涼翰烟橫樹鶴唳寒霄月滿林古蹟空聞遺釣石料知鴻爪印來深

承流積翠

敬亭一氣接氤氳承流積翠翠峯層巒映夕曛草色碧同三月雨嵐光綠疊萬山雲鹿眠古洞仙難覓上有人許寶二龍吼深潭夜尙聞上有人共說吾鄉多毓秀千秋文筆總超羣色筆對

崑山夕照

極目蒼茫落照邊巍巍崑麓正高懸空青遠接天池水上有積翠寒封石洞

煙西有朝陽洞 日落樵聲經木末雲飛鳥夢過山巔賞心遙指雙流合丁清
至此合 月影波翻一碧連

賞溪煙樹

花明柳暗路迴環春水遙添碧一灣灘畔漁歌聞款乃林中鳥語亦間關淡
煙拖白原非雨遠樹排青更有山最是夕陽無限好綠楊影裏釣舟還

水西春色

碧雞啼遍杜鵑紅水西有鳥短竹林間曲徑通花落碧桃春又暮場空黃蘗
有黃蘗 師道場 夜還風荒邱碑碣斜陽外古蹟樓臺暮靄中尋到風光舊遊處一

庭煙雨護花叢

秋霜暑雨

蕭然爽氣撲檐楹山閣寒深俯碧漪翠竹影搖風定後綠荷香送雨來時霜
飛夏夜秋先到日麗晴天暑不知最憶青蓮好歌詠貂裘五月繫人思林名

守拙齋詩存

取李白五月思 憶昔秋霜海之句

五

樓學齋叢書 第一集

幙溪曉月

閒從城外覓煙霞溪自迴環月自斜四面雲山皆繞郭一天風露早啼鴉餘
光映水魚吹浪曉色迎潮鳥聚沙聽說幙名分大小叩門擬欲問僧家

巖潭秋水

巖中景物最清華怪石奇松夾岸遮兩岸蓼花樓宿雁半潭秋水印歸鴉波
澄月影搖空碧風蕩山光散暮霞攜得摩崖一枝筆乘閒更試白雲茶謝云

綠水水四
白雲茶

哭二弟玉甫

弟同治丙寅歿於江西當時年十七歲
千戈擾攘遍江東手足分離歎斷蓬一別竟成千古恨雁羣長自泣秋風

別來尚記舊時容在苒韶華秋復冬昨日寄書逢驛使書成猶寫汝開封
空山風雨課寒窗猶憶當年意態龐再譜堯堯成雅奏傷心遽換舊時腔

書來尙自訂歸期幾度商量後會時底事死生分兩地重泉何處寄相思

雲山千里悵睽違消息傳來是也非欲把來書看仔細啟封不覺淚沾衣
寄我春間尺素書小園風景燕來初可憐一字千行淚翻恨當時作報疎

他鄉風與故鄉殊野鬼崢嶸非爾徒飄泊孤魂羈異域夜臺弱質情誰扶
荆花忽被雨風摧疑夢疑真轉自猜正是相思腸斷處步虛聲似隔窗來

自歎浮生夢裏身弱齡先已謝紅塵而今桃李重開宴醉月飛觴少一人
幾度西風泣雁羣聲啼斷不堪聞可憐他日重相訪剩有荒郊數尺墳

姜氏同眠被尙溫天涯何處更招魂風前杯酒遙相奠不識是酒是淚痕
空階夜雨一燈寒獨坐愁懷強自寬夢裏明知形是幻夢時權作醒時看

酬芸哇先生感懷
別離經數載蒿地又相親自歷三生劫疑爲再世人逢迎憐計拙款洽見情

眞明歲申江約欣隨杖履春

守拙齋詩存

永思堂賞白荷花次芸哇先生韻

六

樓學齋叢書 第一集

玉質亭亭正吐葩輕盈何處點微瑕一池秋水宜明月半畝涼雲護素霞對
酒當歌忘夏日選詞疊韻豔春華賞心樂事眞無極乘醉歸來夕照斜

倒疊韻一首
各花初放幾枝斜態自鮮妍韻自華別具丰神空色相恰宜位置伴煙霞出
身祇合香爲國寫照翻嫌韻有瑕愧我傳神無妙筆凌波獨愛數奇葩

太白酒樓
憶昔太白號酒仙酒喝直欲吞百川有樓高矗大江邊日日痛飲樓之巔胸
襟空闊無今古一杯長嘯落花前高陽酒徒今安在不若此樓千古傳樓下

環流江水長樓外花飛盡酒香樓在空中人在鏡清風明月共翱翔我來把
盞揖公起與公相酌對江水捲入乾坤酒杯裏醉倚危欄酒半酣俯視長江

一帶耳江水悠悠風颼颼飄然夢墮海外洲見公呼我從輕舟瀛萊方丈共

遨遊醉看人世盡蟬蛸但能成仙百不求但能飲酒百無憂須臾夢回酒已醒始知身臥百尺之高樓樓上四壁畫雲山雲煙變幻指顧間古松蒼翠石爛斑指點當年舊遊處登樓把酒高呼太白騎鯨還

己巳歲暮解館示及門諸子

花繞西軒月轉廊五更燈火味分嘗無恆未可巫醫作有執頻將射御商天許讀書原福命士期報國在文章人生自古無中立克罔由來判聖狂
檢點琴書各自歸意因將別轉依依春秋佳日從頭數風雪前途撲面飛刮目好容三日見問心轉悔一年非相期遠大情無限何歎形骸暫與違

閒居

閒居無辱亦無榮郊外風光二月晴溪水生時春雨足亂山缺處夕陽明果然柳絮風情蕩到底梅花骨格清萬物靜觀皆自得利名何事苦相榮

苦熱行

守拙齋詩存

七

樓學齋叢書
第一集

赤日東升如火起古木參天燒欲死蛟龍盡向海底藏焦土可憐三千里大造鑄人等大冶一并收拾洪爐裏烈燄恍似腹內焚恨不口吸西江水去年秋來八月初秋風蕭颯入我廬今年八月秋分節秋陽更比暑氣烈鳴蟬樹上朝待露枯魚池中夜泣血安得長房暫出東海君立時雨注散熱氣不然東哲通神明請天三日甘雨霖我欲填詞向天訴唐突翻恐觸天怒且讀南華秋水篇颯颯清風暗中度幾回滌我冰雪腸疑在空明世界住舉頭青天無片雲落日銜山紅半樹

壬戌客崇沙芸樵以迴憶賦寄示其結句云復十年而覩茲兮知升沈

之何許今十年矣撫今思昔悵然有感歌以紀之兼柬芸樵

今皇元年歲壬戌君正僑居在楚北賦成迴憶寄我讀讀能使我長歎息南望鄉關同雪涕與君商量借歸計如何倏忽已十年今又紀元辛未歲十年升沈竟何似一編辛苦芸窗裏尋章摘句徒紛紛自愧姓名埋鄉里君不見

洛陽美少年治安一策千古傳又不見班超投筆事從戎萬里沙漠建奇功男兒有身宜許國自謂功名垂手得但覺高歌神鬼驚詎知老屋風霜逼昔年迴憶愴我腸今日迴憶轉傍徨聞雞夜半拔劍舞匣中光芒萬丈長

自箴三首

肺腑病不除由中必達外隄防穿不塞由小必成大防欲如防寇勿使逞狡獪攻之苟不力將反為身害當頭一棒喝汗雨三日沛

天高聽自卑室暗視偏炯近岸須回頭過涉將滅頂一朝自沈溺親友不能拯聖狂途自分理欲立不並披覽古人表置身在何等

策馬上危坡下窺深萬丈失勢一傾跌不堪更設想名教本從容天真自浩蕩人皆由平坦胡樂趨榛莽因循休自誤立志貴勉強

書懷

范叔窮途頻慨歎王郎斫地更悲歌運遲天上風雲會書著人間歲月多

守拙齋詩存

八

樓學齋叢書
第一集

下焦桐誰賞識匣中寶劍幾摩娑門前一帶清溪水依舊春來漲綠波

晚行途中作

侵晨披衣起隔垣呼左鄰相約出門去話長情轉親徘徊憩路側躑躅過河濱所志各不同同為行路人

詠史

汲黯

蕙直何慚社稷臣立朝風節想斯人公孫佞諛張湯酷端合淮陽老此身

梅福

老臣無力可回天識愈深沈志愈堅他日嘯歌吳市上英雄退步即神仙

耿弇

翩翩年少氣英豪斬將搴旗百戰勞憶自南陽成大策不應輕覩小兒曹

寶融

炎劉火運未全灰附翼攀鱗早自裁若聽隗囂東道絕姓名安得紀雲臺

黃霸

納粟得官豈足奇穎川自有政聲垂如何內舉為丞相翻使功名遜舊時

范滂

李杜齊名願不違從容灑涕別慈幃後人空抱膏蘭惜孰若申屠早見機

古詩一章贈芸畦先生

先生謀生太迂拙一枝秃筆三寸舌門前桃李樹羅列終朝嘔出數升血懷
刺不向豪門投妙法欲效生公說不仕不農亦不商就中別有長生訣人謂
先生懶如雲我謂先生皎若雪狂瀾中流一砥柱餘子豈但涇渭別有時繪
畫能通神筆底勾攝莊生魄先生謬謬花亦蝴蝶墨迹未乾盡奪取花枝爭向紙上摘
案頭書卷連百城篋中詩稿厚一尺興來輒飲三百杯勝作朝廷二千石酒
酣拔劍發高歌蒼茫四顧天地窄執筆我為先生吟私憂先生兩鬢白先生

守拙齋詩存

九

揆學齋叢書
第一集

大笑推案起明年看射金門策

待雪

輕颺陣陣峭寒加隔院兒童靜不譁老幹煙封盤舞鶴高枝風動凍棲鴉爐
圍火煖飛紅燄雲壓天低黯碧紗遙想酒帘高挂處前邨沽飲幾人家

聽雪

凍斷空階滴雨聲幽窗冷逼讀書檠料知竹徑堆來厚併入梅花韻更清絮
撲一簾風送響燈搖半壓夢初驚侵晨枕上寒先覺烏向簷端又弄晴

掃雪

牆東瘦竹壓籬根高臥何人畫掩門汲水烹茶通別徑攜壺沽酒失遙邨撥
開還作風前舞揮去尚留月下痕掃罷指頭冰欲裂紅飛獸火一爐溫

踏雪

江干乘興訪漁翁遠岸依稀一徑通行去坦途偏曲折觸來怪石亦玲瓏空

山瘦影惟留鶴野外閒縱恰印鴻誰種梅花三百樹併將收入畫圖中

憶懷感賦

烽火東南半壁殘十年離亂寄江干餘生已脫秦廷虜失路頻歌蜀道難零
落舊交千里別蒼茫故國萬山寒幾番回首成惆悵獨取幽琴對月彈
記得饑驅出里門一時無語暗聲吞炎涼初識人情幻患難誰將夙好敦宋
玉悲秋嗟落魄江淹賦別黯銷魂客衫珍重休輕浣半是當時舊淚痕
千條楊柳萬條煙南望鄉關路渺然客夢渾忘天易曉離情怕看月常圓百
年多難杜工部半世依人王仲宣聞說王師已東下羈人喜極不成眠
大江南北靜塵埃好賦淵明歸去來幾處園亭堆瓦礫誰家門巷沒蒿萊山
河有幸歸圖版簡策無靈化劫灰夜與故人閒話久秋風滿壑亂猿哀
借榻新園闢莽榛新闢為族前友朋燈火兩相親狂將復作嗤馮婦余述難
諸君已生獨無聊痛鮮民夔府感懷天寶事蘭亭修禊永和春那堪先正一

守拙齋詩存

十

揆學齋叢書
第一集

朝逝謂仙先生亦長泣歧途莫問津

梅月山房

亦家名丙寅從

境最幽梅花月影兩悠悠牆低為愛青排闥竹

密何妨翠繞樓絳綰風疎愁久別別十餘年烏衣日暖快同遊謂一經同

首如前事已是韶華六載秋

秋興

極目蒼茫獨倚樓蕭然木落萬山秋嵐經雨洗開真面樹接天高到盡頭漫
把瑤樽傾北海誰將長纜挽東流書空殷浩緣何事不信文章與命仇

目疾久不愈作以自遣

人乘昂藏七尺軀五官何可一官無倘然有目都長閉翻是先天混沌圖
我本無懷上古傳不禁遺笑問雙眸爾因何事愁難了每到臨風淚便流

涉世原知行路難平空轉瞬起波瀾只宜閉目人前坐閒是閒非不忍看

寒窗怕對讀書檠聊自閒吟適性情斗酒百篇難學步謂者勸余戒酒近來

詩思仗茶清

喜三弟到家

昔年弟出門小園花正香十三即作客氣概頗軒昂吾方謀食歸弟已整行囊匆匆一話別兩情各自傷去年滬上聚弟適立吾旁驟見不相識反問來何方欲為弟完姻商量返故鄉貧家百無有事費周章今春離滬上我先一帆揚與弟訂歸期兩綻菊花黃時光忽易過故園秋風涼感此懷遠客中夜起傍徨明知行途遠溪頭日日望明知客路安意外多驚惶時維九月初風雨近重陽果然吾弟歸入門忘解裝翻似生疎客語澀色矜莊吾忽聞弟至不禁喜且狂吾姊走且告吾妹趨出房道弟別家日已閱七星霜形容猶昔好身段較舊長吾欲為弟言欲言意轉忘回頭見爾嫂廚下羅酒漿小女出拜叔一一已成行一家燈火聚中宵樂未央樂極轉成悲悵然憶高堂欲報德罔極仰首泣穹蒼

守拙齋詩存

十一

樓學齋叢書
第一集

猛虎行

百里平原居民住突來猛虎踞當路虎目眈眈欲逐逐居民那敢櫻虎怒虎怒噬人如噬草蟻命朝存夕不保可憐年荒民苦饑民饑焉能供虎飽有時猛虎怒而起狐假虎威來鄉里狐爭剝民為虎媚虎欲肥今民欲死傳聞壯士已張弓欲發不發直矇矓一日淹留萬室空平生恨無縛虎力挾矢欲射射不得虎兮虎兮奈爾何我將去汝適樂國

遣興

功課終朝苦糾纏暫拋書卷亦欣然情深兒女偏忘累住愛溪山不為仙歸與妻謀春在瓊淡無人語月澄淵閒從物外尋真樂已覺生機滿眼前

感懷四首兼呈芸哇先生芸樵現叔

塵世紛紛感百端側身天地一儒冠久憐筆墨營生慣豈果文章奪命難已失巢煩新結構不平胸有舊波瀾何時得展垂天翼直上扶搖萬里搏

自古名儒溯漢廷何人抱策守遺經功名大半邀天幸制藝由來汨性靈瑞

巖遠東頭盡白羣空冀北眼誰青平生古調雖堪愛祇恐彈來不耐聽

坦然吾自率真吾一任紛紛說腐儒當世得毋元尚白旁人反看碧成朱窺

來一管非天小算到千秋有我無莫笑生涯都寂寞園中尚有傲霜株

讀盡詩書不濟貧空憐往事已成塵如椽筆向閑中攔似水交從淡處真自

快清風披兩代與先先生素與先大人遊何須明月作三人樓叔狂歌不待邀天問願

共梅花證夙因二月均館於梅月山房

輪船歌

昔言使船如使馬今看乘船如乘車船腰夾輪轉水船頭蹴浪飛花初時解纜火力微一聲陡起一聲稀船忽漸移火漸猛火迫水兮水運機一機已發衆機動波勢翻空向船湧開窗忽訝岸奔疾壓樓不辨雲來重天如張弓船如箭長江千里通一綫兩岸青山爭相迎須臾迴首看不見船旁量水

守拙齋詩存

十二

樓學齋叢書
第一集

報深淺

船前運舵大副選船舵在船頭不煩夜泊月影忙轉覺帆張風力輒水劃鴻溝兩道分路繞羊腸一氣轉有時暫住機更靈萬頃波濤一刻停清磬三敲戛然止先聲必行客紛紛渡小舸行人登岸足未穩翹首望船船已遠雙輪猶向耳中喧一身疑從天外返吁嗟輪船江上行得毋魚龍水底驚水族雖微亦知憤中原波浪何時平嗚呼中原波浪何時平

讀詩偶成

小閣藏書萬卷薰破來萬卷始超羣崔嵬傑閣空中起縹緲仙山海上聞快事原從艱苦得玄關祇向死生分江淹愧乏生花筆愛把詩編坐夕曛

次吳岑仙病起感懷元韻

園林遯跡自年年無復幽愁別恨纏清愛吟詩兼畫讀倦宜攤飯枕書眠山中逸老輕三傑林下高風繼七賢應識閒中生趣滿怡情緩步夕陽天吟君新句愛君閒滿紙烟霞古色斑高唱允宜敲鐵板行沽會記脫金銀好

山近牖招雲入芳草當門帶雨刪病起生涯無一事含飴翻喜小兒頑

月軒叔出詩稿見示長歌贈之

我叔意氣重結納囊筆遠作天涯客北走燕市雲南泛洞庭雪聲名到處爭
折節廿載風塵老車轍壯志獨起中宵舞高歌屢擊唾壺缺隨身三尺劍贈
人一腔血胸中塊壘消不盡吐向詩篇盡發洩夜半詩成向誰吟但見星月
耿耿當空光不滅無奈廿年人事同一瞥滄海桑田相更迭忽聞家鄉烽火
淨餘遠客歸心一夜熱見面翻疑再世逢到家空嗟四壁澈天心太不仁
怪事呼咄咄我既愴懷荆枝萎二弟於丙寅年物故叔復傷心玉樹折叔於甲未遭
苦年來一燈青叔指頭上雙鬢白我讀宋玉賦雌風吹不歇余今年又叔抱
相如疾微疴久相厄叔自丙未痊得毋窮愁坎軻特爲我輩設叔家門巷隔
咫尺我復時時過從問詩訣我有先人舊手澤叔爲題來字數百叔更示我
篋中詩一冊北遊草與湘中草盡是騷人舊結我歌燕市雲又歌洞庭雪

守拙齋詩存

十三
樓學齋叢書
第一集

須臾歌出黃卷山頭月但覺清光滿大宅

凌雲軒四時閒興

讀書之樂樂無涯一入春來興便賒煖日拂堤風裏柳清宵弄影月留花牆
頭綠引就詩客屋角紅藏賣酒家對景自堪成嘯詠人生莫慢感年華
終惜飛花賦感懷芳叢幽草復安排春風無力紅鋪徑夏雨關心綠上階對
閣陰思栽竹好倚闌詩憶采蓮佳兒童搖扇閒來話也識先生樂孔皆
蕭然秋景絕塵氛小閣藏書挹露芬送客夜留三徑月捲簾朝納一窗雲天
空忽見雁橫字沙淨旋看鳥篆文似此風光誰寫出令人却憶鮑參軍
三冬閉戶讀書勤志士光陰惜寸分吟得新詩添燭寫延來名士愛香焚烟
籠樹影吹難散風捲溪聲斷更聞坐把知交閒數徧才華誰是出人羣
春日即景
柳絲無力繞迴廊又被風吹上畫梁積雪消時知水煖好風過處帶花香鳥

因求友聲偏樂蝶爲憐芳舞更狂園內數竿新植竹漸能扶綠出高牆

詠寒士

天道有推遷陰陽判寒暑人道多變幻翻覆作雲雨士也胡獨寒天窮人亦
侮耕藉硯爲田藝僅書作圃一身無長物一家仰東脯長窮雖不侮縱死亦
何補生嗟我不辰飢愁兒啼午醜顏欲向人氣吞聲先阻歎息復歸來明月
空在戶豈無惡木陰雖熱不願處亦有盜泉水雖渴不可煮金門三上書神
奇化臭腐自謂風送帆詎知瑟膠柱松柏守堅貞鴻鵠會翔舉身縱處泥塗
心常遊太古夜半挑燈讀歌聲出環堵

凌雲軒即景

律轉金風暑氣收蕭然風景淡夷猶山因木落參差出水放波平自在流夜
坐幾回愁酒盡客來多半爲詩留壯懷獨有登樓興好看廣寒宮裏秋

題吳岑仙詩尾即用其賞雪原韻

守拙齋詩存

十四
樓學齋叢書
第一集

擬將詩句向人誇口自吟哦手自又澹若和風融柳絮輕如流水送桃花

新句吟來信足誇何辭險韻關尖又春風不是頻相惹老樹婆娑慣着花

連日與吳岑軒唱和戲贈二絕

得句休將險韻拋行間字裏細推敲沈思獨向階前立新月如弓挂樹梢
凡庸吐去始超羣生怕人云我亦云觀海手鋪千尺浪登山足踏萬重雲

以詩謝吳岑仙和章即以留別

天涯何處不相思爭索佳篇莫笑癡他日清風明月夜有人高唱卷中詩
君真多事寄春芳岑仙先以病起偶成詩見冰故有數日唱和我愛高歌學楚狂探到囊中愁減

色好添詩句壓輕裝

兩首新詩贈自君聲聲別恨不堪聞送行若問行人意溪上青山馬上雲
傳詩遞酒與方酣說到分離語半含愁絕韓溪一灣水情深不必定桃潭
歲終心緒已如麻夢裏湖山路更賒報道一聲歸去也凌雲軒外即天涯

次吳岑仙贈別原韻

苦吟詩入夢夜飲月浮危悲壯征夫意清新幼婦辭囊空愁買酒骨傲怕趨時他日天涯客將何慰所思

聚散尋常事狂歌醉一厄因離翻助興借別好題詩明月照千古好花開四時平安煩竹報慰我夢中思

留別凌雲軒

小住何嫌屋似舟韓溪六載夢悠悠劇憐小子稱狂簡更愛騷人共唱酬好事偏如花易謝韶光同是客難留籬邊手種芙蓉樹他日為誰點素秋本期十畝賦閑誰料饑驅別故關尚未消磨惟傲骨最難拋撒是家山小園任鎖雲三徑客路愁看月一灣此後相思何所似且將樽酒慰離顏

雜感

四壁蕭然一室閒幽階積雨點苔斑芳能自賞梅原傲俗恐難醫竹不刪世

守拙齋詩存

十五
樓學齋叢書
第一集

亂梅余拋典籍家貧累婦質釵鏡青青獨對園中樹淡汝風霜耐歲艱

幽齋不寐夜如年却悔平生俗事纏壯志幾時同豹變先靈何日卜牛眠

湖海去現田豐歉不關天

詩書滿架舊生涯去我空憐歲月賒胸自橫來千畝竹筆常開徧四時花也知附驥非名士敢信雕蟲即大家好古須將糟粕吐更從書裏擷菁華

天涯聞道靜塵氛花柳迎春盡吐芬客路影翻鴉背日征人心挂馬頭雲江山有句應添稿風月無情悔作文愁絕囊中一枝筆可能排陣掃千軍

示及門諸子

六載山居俗慮忘常將逸興寄濠梁水能到海由虛受花不爭春耐久香詩有少陵風始盛酒無太白月休狂平生自愧希賢聖門外徒瞻數仞牆矯首宜從天外觀襟期遠大稱儒冠希文與世同憂樂買誼陳書策治安仙

佛由來多幻妄英雄自古出單寒須知不朽名山業進步還求百尺竿

冬夜偶成

敢云高隱臥牆東行樂及時興不窮窗暗還明知雪白花開忽落剪燈紅清塘有影梅橫月野徑非春絮舞風擬買扁舟尋釣叟題詩收拾錦囊中

曉起偶成

夢回倚枕獨徘徊佳句多從枕上裁曉日斜穿窗影入好風遠捲市聲來山居閒愛書堆架歲暮愁深債築臺夙昔豪情今在否未會消滅是詩才

溪上晚眺

日落千峯外混茫一氣清寒流當石瀉遠樹接雲平煙直風初定波翻月有聲不如歸去晚古寺已鐘鳴

除夕偶書

天理有循環去來若有因去者日以疎來者日以親天時與人事一日一番

守拙齋詩存

十六
樓學齋叢書
第一集

新為語國中草歲歲有陽春

人患去日多既去不可追人患來日少未來不可知與其後日悔何如先自持愧悔即是我因循當咎誰

人生在世問天地一虛舟我亦乘舟人風颶日夜浮獨坐守除夕歲華不我留舉酒自斟酌身外復何求

出門口占

春風無勢力一例到寒門我別春風去梅花也斷魂驅馬向征路青山送我行平生仗忠信不必問前程

甲戌解館將有遠行被知己挽留更假館於聽濤軒

一曲離歌感不禁閒居依舊託清吟風高原有凌雲志雲在仍無出岫心與客談詩山蘊藉臨流弄影月浮沈文章敢道無知己空谷幽棲待賞音

話別韓溪近卜鄰聽濤軒內關荒榛閒將風月供吟稿又替溪山作主人細

草碧消三徑雪垂楊綠洩萬條春詩筒經卷安排定已覺風光滿日新
數椽小築崑山西花滿幽欄月滿溪遠樹浮青連屋起亂山聳翠接天低一
編舊業留雞肋萬里征心絆馬蹄最愛林間鳴好鳥聲聲頻聽勸壺提
審知容膝便爲安澗谷幽人樂考槃曲逕紆迴隨地轉中庭虛廠讓天寬夢
回靜夜濤聲壯月上疏窗花影寒牆外有山門外水怪人錯向畫中看

春雨晚晴

蓄薇無力柳絲輕二月郊原雨乍晴斷岸忽添春水綠好山都趁晚霞明幾
多歷亂翻鴉影無限歡騰到鳥聲九十韶光容易過明朝便擬踏春行
連日雲封樹欲沈忽看寸碧出遙岑香黏薄霧浮三徑鳥噪斜陽占一林春
但看花知節序詩還分日寫晴陰更尋舊雨過山館不憚挑燈語夜深

和月軒叔過訪元韻

考槃賢愧碩人阿門巷新邀長者過溪樹連雲低薜荔水花蹴月上藤蘿山

守拙齋詩存

十七

樸學齋叢書
第一集

林放浪形骸略燈檠磨歲月多謀道偏爲謀食計初心自笑果云何

聽濤軒卽景次前韻

世外閒情寄曲阿苔痕漫綠雨初過半窗清蔭留松桂一徑幽香護薜蘿臨
水柴門延月早迴風花塢聚春多溪山見慣評難定指示旁觀問若何

菜花次月軒叔韻

煖風忽送一畦香雨過郊原滿徑黃半畝攜鋤銷宦况數枝簪鬢肖邨妝芳
連麥隴牛歸晚花落春泥燕啄忙最好開軒面場圍散金璀璨映晴光

卽景

郊居風日正晴妍別墅奚煩擬輞川樹繞青松疎漏月春生綠水淡浮煙雲
山佳處常開牖蹊徑窮時忽有天邱壑尋常經見慣靜中相對倍怡然

夏日偶成

牆東瘦竹不須刪好自迎涼到此間雲氣遠含千澗雨天光低壓四圍山簾

防漏日時常補窗愛招風夜不關讀罷離騷歌一曲有誰能得此心閒

次盛周春日遣懷元韻

驅盡愁魔與病魔化機活潑眼前多一林煙濕鶯啼雨兩岸風翻燕剪波書
著短檠催老大酒酣豪氣未消磨遣懷示我新吟句持向燈前擊節歌
滿紙牢騷話不平原詩多感慨語閒愁竟似草芽萌功名難與爭時命吟咏何妨適
性情綠水波翻春雨足青山日落暮雲橫此中參透真消息心自幽閒夢自
清

近溪軒外白雲深

近溪軒盛周
兄設觀處也

一曲迴廊繞翠岑我愛清談穿竹徑君留小

憩坐花陰市中駿骨連城價枕上雞聲壯士心業在名山勤料理世人何事
刻舟尋

笑我清貧七字無願將書史作良圖薄田典盡惟耕硯好句穿成勝貫珠香

不爭春容菊傲筆還垂露潤花枯空山窮餓尋常事奚必窮通判兩途

守拙齋詩存

十八

樸學齋叢書
第一集

山居春日登前韻兼柬盛周兄

春來景物樂融和獨愛山居趣味多夜月宿花風弄影晚霞浸水日搖波怕
人驚夢常門閉邀客分吟共硯磨偷得閒身供嘯詠何妨槃澗自高歌
春郊一望夕陽平花已含苞草茁萌乘興遊時須盡興寄情深處轉忘情風
來引樹移聲去水直穿橋礙影橫緩步欲歸明月上書齋獨坐飲茶清
山被雲封望去深依稀寸碧出遙岑燕歸剪破一溪水鶯語調開三日陰返
照入林侵樹脚清風掃几逗琴心明朝便有遊春興春在枝頭好共尋
看山山外有山無一幅圍屏列畫圖新月印潭波洗鏡濕雲擁樹氣蒸珠鳥
啼花煖醒春夢鷹眇秋高獵草枯轉瞬秦淮浮桂棹是年有秋開可能展翼奮雲
途

丙子春移硯琅山

拂几新將筆硯移丹溪水畔堯山陞室虛生白同書坐客到談玄共塵麾夜

深半爲多情誤調古將求別調彈陋巷簞瓢吾亦足愧他兒女號飢寒
獨坐愁思集百端孤齋寂寞不成歡古書作鑒同心證世事如棋袖手觀調
不入時常自愛冠非新沐亦頻彈思君千里情何極夢鎖空山月影寒

落葉

風急天高鴉亂飛濃陰翠靄已全非綠垂會護枝千尺黃落空留樹四圍遠
客何時迴旅棹深闌無處寄征衣幾番暮雨吳江冷獨聽蕭蕭葉打扉
一番別意轉依依敗葉零星不忍飛靜夜何聲風在樹到門不速月臨扉迂
迴古道鹿猶臥寂寞空梁燕已歸寄語青松與柏歲寒莫謂賞音稀
秋老梧桐葉落稀孤齋連日雨霏霏林疎似讓爭山出風定還疑戀樹飛小
苑蟬聲吟處歇空階蝶影撲來非挑燈讀罷歐陽賦永夜清寒月滿幃
景物連朝已漸非飄零無復綠成圍乍開小閣延涼月空對疎林送落暉此
日離魂隨草萎當時薄命笑花飛何須門外呼童掃近日荒園客到稀

守拙齋詩存

二十一 樸學齋叢書
第一集

園林會記惜芳菲一霎風光事已違二月花開飄忽忽三年楮刻認依稀鴉
翻亂影逢秋雨馬踏乾聲趁夕暉畢竟東風榮萬物春來依舊興遄飛

出塞曲

驅馬向盧龍風寒月色苦我皇事邊功志在廓疆宇內地無人耕點軍紛勞
午男兒誓報國意氣輕醜虜未封關內侯倏化塞外土

入塞曲

昔年從軍去伙伴邀同行今日奏凱還九死僅一生問我何自還新破大宛
城我皇愛名馬馬重民命輕不惜萬骨枯一將功正成

自君之出矣

自君之出矣不復撫瑤琴朝彈腸已斷誰識琴外心
自君之出矣不復理華妝鏡中形對影膏沐爲誰光
自君之出矣不復對明月月高影可弄路遠夢難越

自君之出矣不復摘花枝花好無人見花殘祇自知

春雨

兩岸頻聽水鳥鳴連朝辜負踏春行溼紅黏樹嬌無力遠翠橫山望不明四
野雲封疑日暮一番雨足補冬晴閒吟老屋如舟小翻訝濤四壁生
寒逼重衾夢覺時東風習習透書帷料應柳弱愁無奈惱殺花開信較遲三
徑碧黏遊客屐一竿紅濕酒家旗捲簾恰喜新晴放好約尋春莫爽期

春日過聽濤軒呈月軒叔

征途倦輟賦歸與息影湖潭陂上居萬疊雲山環几席一庭風雨潤琴書溪
看水漲波初綠花怯春寒蕊未舒錯被老兵忘分契許容清話到蓬廬
拾級升堂大笑頻不知誰主復誰賓六年小別風光換今乙亥年三徑重
遊景物新對策世遺劉諫議叔祖著書人重鄭經神今看桃李門中植
絳帳風生四座春

守拙齋詩存

二十二 樸學齋叢書
第一集

辛巳二月雪

天公無端玉爲戲紛紛屑屑半天墮又疑天女散天花千樹萬樹相輝媚二
月初旬春將半尋春未省春風面雲屯霧積天地昏忽雨忽雪忽爲霰日暮
嚴寒朔風勁窗外梅花飛片片中庭堆積一尺餘胡爲既雪復震電隱隱隆
隆聲不止應是陰陽兩搏戰陰盛水滯木盡冰陽氣朝升陰氣凝羣陰構難
引類至愁烟毒霧積層層吾聞春雪不爲瑞况乃陰出干陽位中國爲陽夷
狄陰得毋天心別示異五行災異敢妄談且沽春醪盡一醉太陽一出羣陰
開冰消凍釋何有哉嚴威凜烈會逼人須臾化爲塵與埃嗚呼人事乘除祇
如此小人得志空爾爾君不見辛巳二月雪施盡狡獪終消滅南陌新晴好
踏春依舊春風見故人

春光過半久不接芸樵書寄奉一律

小園花煖蕊全舒幾度思君賦索居壯志蹉跎驚歲月閒愁消遣賴詩書一

行風送春初雁正月送運九千里雲邊海上魚每念故人長悵望不知消息近何如

三月初接芸樵書喜登前韻

連日相思鬱未舒年來久事閉門居將尋逸少三春約忽得劉公一紙書盟手香初焚寶鴨知心榮勝錫金魚久離叔度情多鄙長願偲偲切切如

雁字

界破羅雲一畫開揮毫遣興意徘徊試看淡墨輕描處處應許題名塔上來非誇筆陣掃千軍羽刷遙天八字分幸值岐山鳴鳳世願隨太史更書雲

月軒叔囑和壁間白芍藥詩

不誇品格亞花王別樣丰姿別樣芳鄭國贈來憐素契揚州舞罷卸紅粧翻階只訝春無色傍砌偏疑月有香卓約迎風多媚態應教栽處倚銀牆

擬東坡惠院海棠詩元韻

守拙齋詩存

二十三 樓學齋叢書 第一集

東風一夜榮萬木誰令名花成孤獨土人得此不知貴花亦笑人太露俗滿山桃李逞新姿自抱幽芳媚空谷倘遇詩人奏綠章應許阿嬌藏金屋微風含笑綠沾唇細雨勻脂紅暈肉西子妝成翠欲展大真醉起睡初足不因豔態便輕狂別有柔情益婉淑先生默默不得意奇枝怪幹撐滿腹時出郊原一散步忽見嬌紅映翠竹如此丰神如此韻那得不令人奪目此花豈合生此地回首鄉關望西蜀花亦惜我久飄泊安得輕身化黃鶴寂寞荒郊結曲賞毋令俗人傳此曲俗人自愛桃李姿歸來愁緒紛相觸

哭遷九三弟

彭殤自古理茫茫施報何由問彼蒼腸斷天涯見雁侶西風孤喚不成行溪橋判袂語依依祗道形容暫與違一別豈知成永訣槌心當日悔分飛屈指分岐一月餘殷勤會寄我雙魚傷心滿紙相思字竟作今生絕筆書傳來消息頓心驚三日危病了此生垂死不知腸幾轉拋將妻女撒空行

無端口角竟與戎弟四口為生行召到巫醫術並窮弟本生平無口孽填詞我欲訴蒼穹

病源細揣為何因橫逆飛遭竟喪身弟至上海有族弟非顯橫加弟忍胸中我自夢中頻禦侮醒來猶道汝為人

襟期灑落氣軒昂廿四年華日正長萬慮不虞聞汝訃教兄怎不淚千行三月清明細雨時一函珍重寄相思可憐書到人何在孰向棺前告爾知

生別翻成死別悲宴開桃李渺難期寒窗靜坐三更月苦淚頻抽獨繭絲一回悲痛一回憐從此音容兩渺然有約春歸歸未得子規啼不到重泉

去秋聚首菊花開問字中庭日幾回今日案頭重展卷無人更喚阿兄來怪事驚呼是與非兒童恍見影依稀弟亡後小兒於黃昏月有可知骨肉情難捨數日陰靈已早歸

死後遺書寄到今分明在日手親緘弟亡月餘後接啓封尚道人無恙回首

守拙齋詩存

二十四 樓學齋叢書 第一集

凝思痛徹心

荆枝一折淚會揮二弟於丙寅年江西南昌故今折雙枝淚滿衣地下鶴鳴有伴夜臺可念我孤飛

高堂自痛背晨昏弟幼垂髫幸我存雙親見背今日拋兄何處去可憐妻被不重溫

降殃降福理無訛我弟偏遭此折磨祖父傳家存厚德或緣罪業阿兄多合家剪紙為招魂慘霧愁雲天地昏眇斷吳江秋水闊酒漿一滴淚千痕

阿姪傷心土一堆阿姪六歲已隨書矣今朝弟亦赴泉臺可能覓向黃泉路抱得亡兒再轉胎弟有遺腹

良友書來共慰余愁懷藉此我稍舒不知泉壤思兄淚寄到何人慰汝書讀罷東坡詩一篇此情我亦欲云然願君世世為兄弟更結人間未了緣

淮陰侯釣台

淮陰臺下淮水深釣竿一擲漢業興風塵英雄人不識誰哀王孫勸進食漂
母隻眼識不同愧歎項羽號重瞳仗劍歸漢素願償劉項從此判興亡登壇
方使一軍驚狡兔纔死走狗烹釣臺猶存將臺圯恨不歸釣淮陰水賞不酬
功誅非罪十載英魂泣風雨

嚴子陵釣臺

富春山上神仙宅先生一竿垂浪白漢家社稷已全非釣台突兀高百尺當
日故人作天子披裘自釣桐江水在廷輔佐衆星拱惟有客星強不起嗚呼
巢由長避世夷齊不仕周乾坤清氣別有種不在王侯將相傳

讀胡文忠公遺集

一呼倡大義勁旅盡稱雄獨作中流柱如迴大壑風東南支半壁天地鑿孤
忠二百年來運中興第一功

贈朱侍屏內姪二首

守拙齋詩存

二十一 樓學齋叢書
第一集

不圖桑梓接蘭芬年少翩翩志邁羣剪燭清談懷阮籍謂台叔請纓弱冠羨
終軍襟懷朗澈天中月意氣飛騰嶺上雲最惜到家還作客可能常聚話榆
粉

坐破蒲團歲幾更十年面壁竟何成夢江花謝千枝豔窺井天多一隙明誤
我短髮催老大看君美玉發晶瑩及時好刷鷗鷺翼直待扶搖九萬程

和紫簪兄六十感懷元韻

憶君交君二十秋過從閒話共消憂生經浩劫猶身健歸把名山作臥遊芹
藻不妨留子采君每以詩為恨今賢耶已入泮矣詩書又為課孫謀君於小孫懸弧未及登

堂祝補和新詩當酒籌

嶙峋骨傲氣摩空境遇雖窮志不窮觀史事羅千載富君好銜杯樂與四時
同於酒詩廣伐木刪陰雨義篤連枝見古風六品街又為為納請旌杖
國杖朝從此始餌丹奚羨葛仙翁君不杖

登前韻再贈紫簪兄

少似芳春老似秋善尋樂處善忘憂折腰不慣陶元亮付少年擬擬知足
何如馬少游得句祇令兒輩寫看書常代古人謀伏波矍鑠稱翁日君尚年
華遂二籌

不持齋食不談空君素不信釋道不效昌黎送五窮事業惟經兼史讀性情恰我與
君同陽春調逸能翻雪深谷香幽自耐風惆悵吾師均六秩陶師十年作
宦憶文翁

再登前韻自感二首東紫簪兄

我以來兩鬢秋詩吟蟋蟀職思憂化機祇向鳶魚悟野性常從麋鹿遊身
似行舟江畔攔事如作室道旁謀子房未遇椎空奮前席何時借箸籌
更擬狂辭問太空東陵何富惠何窮人心百二秦關險世路三千蜀道同飲
約袁絲消永日行期宗懋破長風狂言直欲據胸臆一紙吟成寄放翁

守拙齋詩存

二十六 樓學齋叢書
第一集

孟冬朔與心會滄泉飲於時敏軒醉後放歌

頭似搖天足轉地十數年來無此醉頃刻眼底雲烟生今夕重領醉鄉味醉
鄉離世三萬里中有三山繞弱水山中花草四時春瓊樓玉宇騰空起乘興
我欲一遨遊相逢拍手笑不休公等皆從何處至劉伶李白真吾儕急取惠
施五石瓠剖為大樽浮江湖海外別有極樂園聽其所止而休乎須臾玄黃
盡變色鸞驅車兮龍負輓置身直在盤古前恍見天地始開闢放懷又似葛
天民不覺形神兩消釋俯視人世何匆匆紛如萬蟻旋磨中名韉利鎖擺不
脫蠻爭觸關何時窮百年黃土成邱隴一編青史了英雄吾聞禹王惡旨酒
作為訓辭垂孫子豈知夏桀亡國時不為儀狄為妹喜又聞靈均不解飲衆
人皆醉一人醒豈知湘水深復深何如生前一酩酊古來聖賢皆寂寞惟有
醉鄉風景頗不惡往來無人不嬌妍歌舞無時不歡樂人生百年偶然耳何
苦紅塵自束縛我讀淮南招隱篇請援此例招酒仙壺中春色年年好樽前

日影夜夜圓問誰節似元亮清問誰才似長卿強稟性誰知稽康懶憤世誰
同阮籍狂一一招來住醉鄉一醉三萬六千場不許罵座雜灌夫不煩觴政
行劉章更有貴介公子心鄙俗縉紳先生貌矜莊呼僮急逐出門牆不使承
槽接甕立吾旁醉鄉之樂不可量願君拋棄人事今日與酒仙相徜徉

甲申秋朱席珍約遊紫山同遊者朱芸軒朱泉孫兩茂才家心奮學博

昔聞紫山勝懷之十數年今作紫山遊秋日正清妍偕行四五人一路踏雲
烟古寺藏山麓傾欹屋數椽引入入勝處尋幽別徑穿奇石撐瘦骨嵌空若
雕鐫徑隨山曲折人如蟻磨旋天宇忽開朗上有亭翼然樹遠青環繞溪流
碧潺湲萬象森羅列清曠兩字宣亭名有鈎魚可釣新月靜澄淵溪中有石
有子棋可彈繁星散滿天又有石方謂境已窮詎知景又延石罅一綫明
遊客裳更褰入則如龍蟄出則如鴻翮峭壁不可度石棧相鈎連有岩曰大
士有洞曰隱仙造物逞狡獪一石忽倒懸我疑開闢時神女戲鞦韆又疑龍

守拙齋詩存

二十七 樓學齋叢書

尾挂雷雨隱山巖衆客方勇探一客畏不前謂心行行忽中止跋踏石梁邊
此中有深意我請兩相權進德莫如銳立志貴自堅涉世莫如却遇險善自
全紛然談笑間幽亭一息肩主人攜樽酒促席杯共傳醉後憑欄立濛濛水
氣澱洗盡塵俗胸萬累一齊捐嘆息此一遊人生有幾焉譬如對名友情好
倍纏綿又如讀奇書意味耐鑽研日暮始歸來夢遊太古先

既和紫筵兄六句詩復作長歌贈之

我昔與君初相見紅燈綠酒遞開宴志欲昂霄氣凌雲旁觀噴噴驚且羨鷗
鵬矯翼不上天翻身一跌錮林泉當日同人復星散從此華堂少月圓我今
館與君家鄰日日過從笑語親年來世事變愈奇我輩交情淡更眞詎料流
光如電瞥花甲逢君懸孤節不許登堂一祝釐但把新詩寫鬱結詩中嘆窮
復嗟老我有一言恣絕倒明年縱衰今年健明日縱饑今日飽操持自有主
人翁萬事何須榮懷抱開懷且進杯中物醉鄉便是極樂園一部縉紳如兒

戲百年事業同鼎沸須臾浮雲變蒼狗世味何如酒味厚况君飲酒兼讀書
更把古人澆魂礪年年我亦苦燈寒半生潦倒一書豈知昂頭在天外自
有奇氣胸中蟠我與君交二十載狂奴故態今尚在既撰新詞祝南山會侍
芳樽傾北海

和家盛周孝廉五十生子遺懷元韻

纔賦小星同夢廿君於旋聞荳蔻報胎含經營住穩安巢燕宛轉功深作
繭蠶問訊誰非情躍躍過期未免視眈眈子十一桑弧蓬矢懸門左一索
方知果得男

望兒心事久依違壽誕兒生始覺稀高適應添嘉譽重商瞿莫悔遠遊非開
筵酒待杯同舉誌喜詩宜管並揮一事可容塵後步明年攜手向京圻

疊韻再贈

嗜古聞君好我甘多才通敏晉愁含擁編酷似穿書蠹下筆酣如食葉蠶桂

守拙齋詩存

二十八 樓學齋叢書

折高枝香露瀉樹環精舍蔭耽耽注詩餘酒後兒閒弄奚羨
公侯伯子男
兒遲莫嘆願相違二十成名恰古稀筆字我方愁寫誤鴻名君合署知非趙
紫遍郊圻

感懷

矯翼飛鴻朝入雲翻空落地羽毛紛豈真得失前生定不道升沈頃刻分劍
氣獄中光自耀琴材爨下痛俱焚已拚筆硯都拋棄慚愧旁人更論文
一棹扁舟爲底忙當場意氣更飛揚江淹纔夢花生筆毛遂方思穎脫囊騁
尾附來名不許豚蹄祝罷願難償一錢不值燒殘稿五色會誇雲錦章
香浮丹桂有時攀聞得人言轉強顏難比登天歌蜀道渺如浮海望神山金
空已嘆貂裘做尸裹徒憐馬革還南郭豈無等濫側飯生不信命偏慳

兩字科名付逝波霎時壯志盡消磨千林葉落秋悲士一枕梁炊春夢婆折
戰沈沙拚棄置干將歸匣懶摩挲是天亡我非關戰嘆息重瞳喚奈何
西風八載白門秋費盡黃金買盡愁百萬雄軍期奪幟三千弱水竟沈舟漫
言駿骨連城重更畫蛾眉臨鏡羞却羨班生飛食肉公然投筆取封侯

貧病吟

辛未除少病中翻閱九四
榮編見此體仿而為之

奇貧偏與病為鄰貧病交侵豈有因善病何堪貧徹骨憂貧又值病纏身祇
將藥餌供多病縱有詩書不濟貧寄謝貧交相問訊恕余疎懶病中人
家素清貧樂有餘歲除但願病俱除挑燈病坐風搖壁閉戶貧居雪滿廬書
卷剩留貧事業詩編閒遣病居諸送貧未必貧能送且祝春來病漸舒

丙戌春就上饒館途中雪阻橫山

風雪行程阻橫山酒可沽凍雲三日合旅舍一燈孤岐路從頭問方音到耳
殊閨中小兒女應解憶長途

守拙齋詩存

為少軒題美人小照

玲瓏石畔夕陽西彼美無言翠黛低院內梧桐高百尺夜來可有鳳雙棲
誰製團團扇樣工班姬莫漫怨秋風抽毫欲寫團團影無限深情不語中

為熊霞亭題美人小照

弱質亭亭朝怯衣分明燕瘦傲環肥持來紈扇休輕撲好讓蜻蜓作對飛
為少軒題畫帳沿

入山不厭深入林不厭密况有素心人相與共晨夕

結伴山中行行忘遠道置身在山巔山山相環抱

谷口一茅亭結在無人境獨坐萬峯寒松濤滿清聽

朝過清溪渡暮過清溪渡渡口穿雲歸家住雲深處

遊南岩寺和陳丹溪茂才韻

南岩聞說氣雄哉今始攜朋訪勝來隔塢鐘聲穿樹出到門松影掃雲開問

二十九

橫學齋叢書
第一集

奇未把驚人句擊險方知造物才更向文公祠內息道心靜處得深培
境彌岑寂興彌豪門掩白雲徑掩蕭峭壁滴泉經夏冷
屋礙牆高寺在石崖下四壁
有編而上無覆瓦地幽晴訝深山雨日暮風生別浦濤到此熱腸
都洗淨也應身世嘆塵勞

東朱少坪

故人曾記夜聯床促膝談心話正長話到懶翁何所事近來半為作詩忙
秋來月朗更風清吟咏何妨適性情風月尋常皆妙諦文章始信本天成
料得挑燈興不孤夜深聊破睡工夫吟成佳句同欣賞可有新詩寄我無
蕭條孤館苦吟身待到重陽菊正新一棹扁舟風雨裏獅江江畔訪詩人

筱軒弟以留鬚詩索和歌長句贈之

瞳瞳日出朝霧開門外高呼髯翁來我驟聞之驚且猜急起披衣相趨陪見
君握手一大笑問此鬚鬚者胡為乎來哉君乃拉鬚為我道其故韶華流水

守拙齋詩存

朝忽暮翻年

朝忽暮翻年少幾何時不覺鬢髮滿面布東西奔走逐風塵半生始現宰
官身特欲老成表持重當途頗用貌取人我聞君言為君笑君其少安幸無
躁君但含情不復言手取明鏡付我照由來吾老吾不知攬鏡默默自凝思

百事未成老已至彼蒼生我將何為憶昔芸窗共筆硯君正垂髫我弱冠性

情嗜好仍故吾如何竟失本來面我生事事與君懸我齒差長君數年君既
留鬚我則未此事亦復輪君先我作長歌聊贈君羨君意氣尚如雲我倘並
驅中原駕未若髯之超倫而軼羣

筱軒弟將需次吳門賦詩留別次韻酬之

振衣纔拂帝京塵奉檄欣看虎阜春業廢詩書行作吏道期憂樂在同民居

諸我已回頭誤契好君尤握手親長願聲稱乎遠邇美髯意志嘆超倫

少時猶憶共師門氣最相投誼最敦卅載天涯成老大一官堂上慰晨昏

飛逸興詩傳東無限深情酒滿樽萍聚如何忽蓬散一腔心緒共誰論

三十

橫學齋叢書
第一集

讀朱少坪和章更疊前韻贈之

月明如水照匡床
悵念伊人夜正長
夢裏獅江纜咫尺
扁舟一棹去來忙
奉讀新詩字字清
翻從率處見深情
譬如作室經營始
還待鉤心鬥角成
聯吟興不客中孤
敢薄雕蟲非壯夫
從此騷壇添一幟
懶翁得似放翁無
世外閒情物外身
眼前風月逐時新
願君收拾詩囊裏
好替溪山作主人

題朱松坪殉烈行狀後

妖氛煽兮殺氣屯
白日無光天地昏
烏啼兮聲慘獸駭
兮羣奔羣走朱公至
性敦扶老父走山
邨日暮力已倦假
息定驚魂一解前邨驚呼後邨哭賊黨
突來搜山谷一家
屏息草莽伏父促
兒行苦不速兒縱
能逃父當奈何一
語未畢賊騎過父
竟陷網羅二解刀在腰挺在手賊衆牽繩縛父
肘父被擒兒焉走
父方病足苦僮僕
歸父願留兒備金
來贖取始以情動
繼利誘賊喜聞之
脫父紐父脫兒心
安拚兒身試虎口三解黃塵蔽天白虹貫日度父行已

守拙齋詩存

三十一 樓學齋叢書 第一集

遠坐地憤呼叱怒髮衝冠
目眦盡張慨罵賊聲不歇
一朝畢命著奇烈將軍
頭常山舌千古祇此一腔
血曾有老嫗親見之一
一向人說四解可憐兒死
別父猶冀生全幾度望兒
眼欲穿持金贖兒賊氛惡
土地橫下再遷延朝偵
探不得前夕偵探不得
前罵賊殺身衆口傳衣冠
狀貌美少年老父頓足哭
痛哉吾兒赴黃泉寡鵠孤
雛涕泗連五解父心悲兒身已父身安兒心喜人
生自古誰無死忠孝兩全
乃是事上朝廷邀旌旨咄
咄同聲呼烈士嗚呼
堯山峙涇水流丹心一點
碧血千秋六解

題遊赤壁圖

坡仙一棹駕扁舟
赤壁當年記勝遊
江上青山終古在
至今風月亦千秋
爲幼軒題畫

青山兩岸路西東
扶杖尋春興不窮
楊柳斜拖朝霧綠
桃花低襯晚霞紅
蒼然山外暮煙橫
歸去扁舟一葉輕
野老二三閒話處
夕陽猶向水邊明

題畫

幽人無俗懷
攜筇每孤往
天高秋氣清
條然發遐想
鴉翻日影亂
馬踏葉聲乾
一鞭遙指處
木落萬山寒
讀書者何人
將無歐陽子
不待夜中聞
滿耳秋聲起
屋角林端露
仙源此處尋
行來忘遠近
一徑白雲深

蕉扇

種蕉聽雨畫樓東
誰製團團扇樣工
覆鹿重占樵客夢
樸螢原是美人風
畫題逸少文成綠
怨寫班姬淚漬紅
出入君懷誇寵愛
晚來常映月玲瓏

竹衫

玉作膚兮雪作肌
輕衫恰合此君宜
虛心不與人同熱
著體非徒俗可醫
百節玲瓏成剔透
幾番瀟灑見丰姿
正當浴罷新披拂
奚羨雲羅霧縠奇

五禽言

守拙齋詩存 三十二 樓學齋叢書 第一集

不如歸去連年奔走
天涯路樓身未借上
林枝攜雛還傍他鄉
樹妻病與兒啼愁深
兼內顧不如歸去骨
肉團團一家住
家家插禾我獨無田
插甚麼典盡寒衣惟
耕硯一田歲入苦無
多苦無多補瘡挖肉
費張羅家家插禾手
執一卷獨高歌
提壺盧前邨有酒聊
共沽今朝髮已白昨
日顏是朱禍福相倚
伏好事不如無惟有
醉鄉是坦途

行不得也哥哥
荆棘叢生路旁多
手無斧柯奈荆棘何
方寸藏地府談笑生
風波行不也哥哥
安得振翼託卷阿

得過且過焉得人生
無坎坷買臣未逢時
風塵窮措大淮陰猶
從袴下遊諸葛自向
隆中臥得過且過百
折無令鋒銳挫

己丑仲冬由陸路往廣信過徽州新橫作

山上漢漢雲山下濛濛雨
忽然風颺開雲散
雨亦止風從何處來
雨從何處

去變幻須臾間造物誠多趣

黃墩遇雪

幾株老樹瘦圍村冒雨兼程日已昏變調忽聞歌白雪長途又說阻黃墩夢
同旅館燈將暗窮擁重衾被不温轉轉空床天未曉滿腔心事共誰論
和朱子才內弟三十初度原韻

到處人爭說項斯訂交迴憶十年時一燈風雨會聯榻千里雲山屢寄詩抵
掌好談天下事輸心獨奉古人師對君英立翻增愧我嘆無聞悔已遲

隨遇能安即坦途喜君喜氣不相殊彎弓虛射棲皮鶴去秋鄉試覓食同爲

止屋烏與俱就磨礪好期囊穎脫膏腴藉潤硯田枯問年陸贄來京日今

古相鄰德豈孤

爲少軒題背面美人畫扇

半含羞澀半嬌癡正面何如背面窺一種風神千種態令人幾度費猜疑

守拙齋詩存

三十三

樓學齋叢書

隨風透出鬢雲香雙鬢爭誇時世粧怎不同頭通一顧貪郎親近故違郎

纖纖細鬢楚宮腰雅淡妝成韻更饒我自銷魂難見面祇愁見面更魂銷

搖來一柄扇團團相對無言秀可餐君若有心憐妾貌妾原反覆任君看

一畫正面
一畫背面

靈山書院訪友步月而同

滿城炊煙起日落萬峯碧靈山舊講堂中有能詩客到門駐足聽歌聲出金
石相逢一握手挑燈談古昔松際露清光天邊濯素魄山月隨人歸水浸樓
臺白曠然動遠懷深情含脈脈

舟行遇雪

扁舟向暮北風寒極目遙天雪作團岸上蘆花新潔白枕邊濤韻舊波瀾撫
懷自作千秋想容膝翻憐一榻安爲祝風帆明日順推窗幾度望瀾漫

遊石鐘山

層樓傑閣勢巍然乘興登臨象萬千夜半鐘聲清到耳可憐無處覓坡仙

舟抵潯陽

憶泊潯陽歲幾更夕陽又見暮煙橫騷人別有傷心處不爲琵琶水上聲

和朱紫畚悼亡

聞君伉儷最情深絃斷聲稀感不禁一樹花殘春寂寂半窗月黯沈沈紫
懷偏在尋常事觸景都增悲悼心示我詩篇邀我和三年舊諾補新吟

十九年華事已陳一番回首一傷神悼亡詞苦詩成淚感舊情多夢亦眞痛

切無依憐幼子歡承特欲慰慈親篇中預訂他生約天上人間會有因

戲贈朱晴峯納寵

偶披陶集賦閒情我欲三生問宿盟昨夜夜深看星象小星正傍少微明
俊俏龐兒時世粧風姿綽約貌端莊檀郎一見鍾情甚故向旁人問短長

花到開時月到圓數來二八正芳年萬般情意千般態願作鴛鴦不羨仙

守拙齋詩存

三十四

樓學齋叢書

臨江高閣蕩餘暉江畔兒家認故扉南人好向滕王借粉本描將蝴蝶一雙

飛爲製衣衫樣合時短長肥瘦稱身宜抱來却勝量來準尺寸煩郎仔細思

憶得兒家舊姓陳陳豐敢說是前身佳期恰遇雙星節並蒂蓮花出水新

深宵花護一枝紅帳內香濃帳外風綠待成陰梅結子東君第一奏膚功

暮春偶書

閒中事業客中身禿筆欣同造物春過眼煙花三月暮賞心風月四時新
含萬物皆生趣我到千秋亦古人世事紛紛都夢幻不妨爛漫率天真

守拙齋詩存終

跋

我族墨莊公詩名藉甚蓋公治毛詩最深經術之氣發爲詞章之光讀求是堂詩集歎其彌久而彌新也其次玉樵公詩才縱橫陽湖洪穉存謂如陟險驂騮攫空鷹隼其所推崇之者至矣此皆清乾嘉時代也其後稍稍零落至同光時代極已 先父生長兵干擾攘之餘內迫于飢寒外困于人事而所至之處輒以吟咏紓其性情雖上不能媲美于墨莊玉樵而同光時代吾族能詩者羣推 先父蓋 先父之詩發於性情之初步廬江陳子言所稱爲其言雅正其音清越也樸安兄弟三人寄塵于詩若具夙慧然寄塵能詩先父若不知之蓋寄塵幼在家從樸安學 先父時處館于外厥後寄塵又進育才學校詩雖時竊爲之初未嘗呈政于 先父樸安不善詩而亦性之所喜但當時以詩非正當學問樸安與寄塵互相唱和鄉先輩輒不以爲然故未敢時時呈政于 先父也 先父之課樸安等者入股試帖之外輒及

守拙齋詩存

跋

樸學齋叢書
第一集

古詩文詞而樸安等之吟咏竟囿于鄉輩之陋習而不呈政于 先父此實樸安等之愚慧也此守拙齋詩存僅約三百首 先父平生所作當不祇此而身世之故友朋之情皆可於三百首中見之矣寄塵已逝樸安年過六十而又半身偏枯才氣索然子姪輩無有能詩者即族中後輩亦無有能詩者不僅墨莊玉樵二公之風渺不可追即求如清同光時代之零落而亦不可得此所以校守拙詩存不禁歎歎不能已也民國二十九年二月男樸安謹識

守拙齋文集

卷一 敬呈

守拙齋文集

卷一 敬呈

守拙齋文集

涇縣胡鼎愛亭著

寄芸樵書

月初由朱姓假得殘缺涇川叢書一部初刻四十五種半係前明鄉先輩所著國朝則四之一焉內談性理者十數種或宗姚江良知反覆曲折以圖其說或駁姚江之說又反覆辨論以著其非或創文社立會約想前明風氣如是然未嘗不各有心得也言政事者數種史論數種奏議數種如葉永盛如鄭欽鄭銳皆少時習聞者也說經者數種雜說數種則我族乾九公子貫附言韻仲公隻塵談與焉子貫附言二十餘紙余已全錄之隻塵談卷帙稍繁翻閱一通不暇錄亦不必錄內載論印章三則足下頗從事於此特為錄寄或足下所見證以前輩之說喜其相符亦未可知也趙環石涇川詩話一冊我族凌九公一詩彬仲公一詩余悉錄焉續刻七種左某兩種趙良爵說經

守拙齋文集

卷一 敬呈

三種趙琴士自刻二種初刻少五種續刻少四種惜不得全讀為憾子貫附言半雜俚語意在言外趙琴士評云用意忽隱忽見立言時淺時深以峭筆達幽情以沈思綴俗語與乎曠乎如莫測其端倪而及其煥然乃與道而大適前輩之服膺至矣乙丑下榻新園仙圃先生嘗論及之當時恨不得見藏諸胸中者蓋十六年今不意得而讀之錄而藏之幸何如也然我族前輩多有著述或當時已梓兵燹版燬我輩無力搜求不幸而不得見或當時未付梓遂不幸而終不得見者不知凡幾也可不惜哉

答芸樵書

芸樵足下辱賤教以所不及幸足下不我棄也僕知識淺陋株守鄉里既乏師友之益課讀餘閒偶一涉獵敢謂窺古人之奧哉閒有所作洵如東坡所云候蟲時鳥自鳴自已於寂寞中求生趣而已然性之所好亦有不能自已者往時讀古人文輒以為可追而取之放而為之也覺胸中所欲言者甚多

其成之也亦易其故何哉由其知迎之而不知拒之也今讀愈久愈不敢輕
率下筆昔以為多者而今見為少昔以為易者而今見為難然後知向者非
多也膚淺而已矣非易也函莽而已矣弟寂寞空山予焉哀憐疑誰與晰奇
誰與賞暮雲春樹能無知己聚散之感哉前寄所作實未愜心足下勤懇懇
懇舉韓子之言相易非友朋至愛誰能為此乎願僕所見亦有與足下異者
韓子云其皆醇也然後肆焉所謂醇者亦論不謬於聖人言不背乎大道而
已非謂文體之有大小也足下欲斂抑其才華狹小其規模謂如作屋然雖
僅蔽風雨不及宮闕之壯麗而勤加洒掃自足玩賞是足下所謂醇與韓子
異矣獨不見游山者乎必登五岳而後足盡山之奇又不見觀水者乎必經
滄海而後足窮水之大使以其未至五岳而曰不如培塿焉是亦山也未至
滄海而曰不如沼沚焉是亦水也則非僕所敢知矣且夫醇固不易言而肆
亦何可盡非董仲舒純儒也不能不惑於符命司馬遷良史也不能不有所

守拙齋文存

一一

樸學齋叢書
第一集

機憤此皆古人未醇處而欲因是以病文則不可竊謂古人之文莫肆於莊
子之南華其言未必醇也而讀者輒愛玩不釋莫醇於宋儒之語錄其言未
敢肆也而讀者偏厭倦思去何哉蓋以理論則取其醇以文論則取其肆適
五都之市無物不備而光怪離奇觸目炫耀者決非日用所常需之物夫為
文果有異於是乎易曰物相雜故曰文考工記曰青與赤謂之文亦與白謂
之章然則韓子所謂醇然後肆者豈必如足下以不肆為醇哉經營慘淡數
語敢不承教而加勉焉

擬司馬長卿大人賦

世有大人兮蒞乎中華差等百王兮會不足以相加嘆塵宇之卑隘兮願凌
虛而游遐咽九華於雲端兮咀六氣於丹霞驅風雷之八陣兮建日月之雙
旌擊靈鼉以為鼓兮駕蒼龍而為騎既逍遙以容與兮又倏忽以驅馳叱迅
電以為鞭兮挽長虹而為羈淨掃塵與灑道兮羌風伯而雨師揜赤豹文犀

之迂迴旋轉兮吹鳳管鸞笙之軌麗悠揚駢羅列布鱗以雜沓兮翕赫留靈
粲以成章履略婉虹策以遊景兮踐躡璇璣乘以流光瀏覽徧照凌以清空
兮吹噓咀吸曲括以冲穆柴虎參差駢以交錯兮兆追迅疾放而相逐駭駭
駭矚雲靈星流兮倏若電掣洵若濤奔迢絕溟滓而游濼鴻兮與元始乎為
朋嶸嶸嶸嶸以深入兮直出霄霓以涉嶺會召衆靈而差簡兮驅遣列仙於
穹天使軒轅典樂兮等女媧而瑟湘靈等郝素而簫秦史兮笙子晉而和雲
門跳躍壺公而舞若士兮呼彭鏗使揚旂衆仙環而警蹕兮息喧嘩而起行
詔招搖與太陰兮振殷麟而威軍裝伏鈞陳使當兵兮吾欲涉乎中荒接東
王公於左翼兮遇西王母於右翔齊搏搏其膠葛兮焱駭雲迅以方旗旆
郵偈其相旖旎兮飛亂蒙茸走以陸梁翳翠葳蕤炫以璀璨兮扶輿琦靡導
以安閑穿過金闕之輝煌的燦兮橫厲温湖之淪漪潏潏仰登椽而排闥闥
兮徑歷幽都紅丹崖徘徊洞穴而生蒼梧兮斜度烜洲陟嶠山周覽方壺游

守拙齋文存

一一

樸學齋叢書
第一集

戲弱水兮使處妃鼓棹而泛原胥時若洵洵將振動兮召天神填三島轉八
樞北望崑崙之竊冥昏默兮徑欲造乎石室舉紅頰而樹靈旂兮鞭蚩尤而
叱秦童風縱縱而扶轄兮鸞鳳紛其修靡攬立空谷舒以長嘯兮吾乃今日
親廣成子瞑然坐若槁木而死灰兮亦幸有安期生為之使必冥滅若此而
談道兮雖累萬言不足以取驅車徑去兮直道崑崙崑崙崑崙崑崙崑崙崑崙
葉績紛抗葦碧海兮絕紅塵據軒軒而周流兮忽軼軼而無垠陵高衍之崧
嶷兮超紆繚之清澄乘雲而上下兮與陰陽而沈浮厭寰中之陝小兮振策
翔乎十洲留清矚於墜戶兮仰橋首于天門籠八隅而猶小兮涉九霄而獨
尊入洞冥而亡色兮超希曠而亡聲與大化而往來兮亘萬古而長生

六甲君獻公分家譜序代陶軒師

自譜系之不明而敬宗收族之道廢甚至尊卑淆親疎混問以祖之所自出
而茫然叩以派之所由別而懵如譜之所繫顧不重哉吾族之譜自尙衡僉

守拙齋文存

四

橫學齋叢書
第一集

事公修於康熙八年嗣是族愈大支愈繁其散處四方者星羅棋布更有數十年不相聞問者由是而譜之修也難雖然合修之難分修之無難各修其分者而後合之則易於從事矣吾族以渠公之子汝堅公為龍坦之始祖渠公以後旁支他徙均載舊譜十六世至德四公而族以大故吾族鼻祖必自德四公始德四公再傳至德原公則為吾本支之始祖德原公再傳至文繡公則為吾本房之始祖文繡公四傳至君獻公則為吾本分之始祖同治甲子澤璣弟鈔錄君獻公分家譜一冊渠公以下世次分晰詳祖之所自出也君獻公以前不復載旁支明派之所由別也君獻公以後書之必詳者所以序尊卑定親疎也其生卒年月字某娶某悉載者遵舊譜例也不知者闕焉示慎也光緒丁亥歲兒輩借錄藏於家為異日修譜張本自甲子後澤璣所未載者更補書於冊錄既成取而閱之而不禁重有感也凡譜中所載者昔有為吾追隨者焉有為吾交游者焉有為吾提抱者焉燦然秩然展卷咸在

不啻親戚骨肉晤接於一庭乃問其人而少者壯壯者老者或不幸而凋謝也然後嘆吾自咸豐辛酉歲背離鄉井衣食於奔走而復宦游江西者蓋廿八年於茲矣吾族自咸豐庚申遭洪楊之亂十室九空有昔日充裕而今蕭索不聊生者焉有昔日繁衍而今零落不復祀者焉其僅存者半賤貧而失職其後起者雖教育以成材人世得失家運興衰反覆相尋可勝慨哉然而行道有福積德能延冥漢中或自有權衡不爽者余於是而愈不禁皇然懼憚然思也且夫千條萬幹皆一本之所生四支百節皆一脈之所繫蘇子曰吾所與相視如塗人者其初兄弟也兄弟其初一人之身也審是而吾族中之蕭索零落者必設義莊以贍其孤寡立義塾以訓其子孫亦庶幾敬宗收族之意乎孟子曰親親而仁民仁民而愛物天下未有仁民愛物而不本於親親者余愧有志焉而未逮或者自君獻公分以下得稍盡吾所欲為一息尚存此願必遂祖宗嚮爽實昭鑒之今兒輩譜既錄成而為之發端於此

守拙齋文存

五

橫學齋叢書
第一集

答小帆論北江中江書

昨承示北江中江辨條縷分晰證據確鑿欽佩奚似僕於水道向未用功而館中又無書可繙實不敢妄贊一詞冀無背不知為不知之義然反覆展誦覺意所愜者適如其胸中所欲言亦不能竟默默也而於心所疑者更不敢不貢於先生之前以待辨正悉條例之統希垂覽焉蔡注導漢水有云水之經歷隨地得名謂之為者明非他水也愚謂此特可釋東流為漢又東為滄浪之水兩為字耳若東匯澤為彭蠡之為字誠如先生所云彭蠡非漢所匯並非江所匯而先生以東有匯澤是曰彭蠡釋之獨見精細蔡傳泥讀為字而曰江淮不待疏鑿焉未必親治或遺官屬往視又曰三苗負險官屬之往者未敢深入遂誤以彭蠡為漢水所匯聖人作經以垂後世不審事實而姑為此懸揣之詞豈其然乎揚州三江既入繼以震澤底定則震澤所以底定者實由於三江之既入若依康成說則三江去入海千有餘里似與震澤不相關係且烏得曰既入乎而先生定以松江東江為三江參之國朝先輩諸論說略無疑義所云既瀦者治其上游既入者治其下流二語尤其明白而簡當也至於導漢水曰東為北江則北江為漢水明矣導江水曰東為中江夫岷江而稱為中江則不能合彭蠡而言之也經云東匯澤為彭蠡東為北江又云東迤北會于匯東為中江愚謂此數東字皆指所向而言雖指云漢自大別以至彭蠡大勢皆東即所謂大江東流也江水東流左合漢既為北江矣而右合彭蠡何不可為南江乎若江流曲折或迤北或迤南斷無直如矢之理書祇據大勢言之固不必節節泥定方向而先生謂水已北流彭蠡在東惡得名為南江得毋失之太拘愚謂康成左合漢為北江右合彭蠡為南江岷江居其中則為中江此三句用以釋導水之中江自無可議揚州之三江既入當以婁江松江東江為是應說無根未識當否幸卒教之

朱濟川君家傳

君諱爾楫字濟川號晴舫大茶其小名也幼讀書聰穎事親孝父以湖南州吏目致仕歸左右就養無一日不侍親側顧親老家貧生計日絀乃棄儒服買博蠅頭利供甘旨咸豐庚申春太平軍竄涇閭蹂躪不幸父母並遇害君幾痛不欲生後避地楚豫間每中夜念及淚輒泫淋漓枕席又以先人窆窆未營怒焉負疚若坐針氈因廣堪輿家言昕夕研究通其術太平軍平歸里乃卜其宅兆而安厝焉君既博通青鳥書遂出其術以應人之求凡卜地葬親者君為之踰山陟嶺勞瘁不辭殆所謂孝思不匱承錫爾類者與里中兵燹後骸骨遍野即向日浮屠郊外而子孫零落日久棺腐漸至暴露者復觸目皆是君惻然傷之愧無力代謀乃勸族中有餘之家出貲擇高燥地坎埋而置塚焉其有親屬者准領葬費以自營坎地共建義塚數十處遠近頌某封翁之德而不知皆君有以贊成之也君見義勇為而性殊耿介既通堪

守拙齋文存

六

漢學齋叢書 第一集

與尤精岐黃病者多延之治愈後未嘗索一謝生平無他嗜好惟視詩書為性命見先賢零編賸稿悉珍藏之族蘭坡先生所著文選集釋小萬卷齋等書經亂板燬皆由君出家所藏稿本而復梓行於世第幼業儒未成引為終身恨乃最次子度讀書惜度游庠時而君已不及見然君之靈亦庶幾慰矣君生某年某月卒某年某月壽六十有五配某氏子五女三

趙松雪手卷記

子昂手卷先大人故物也先大人人生平好古名人書畫見必購而得之識者至輒出所藏相示鼎侍側得時時窺之松雪手卷其一也咸豐庚申之亂倉皇出走向時可寶可貴之物或燬於火或沈於淵或溷諸污泥穢藪之中不堪觸目而此卷獨入於朱子墨莊之手墨莊者余從叔祖姻也避亂之際獲此卷於泥塗中寶藏之不輕示人墨莊之友述諸余余親質之始知其不虛也迺念家所珍藏消歸烏有而此卷完好獨存墨莊亦知寶貴不肯玩視未

始非此卷遭逢之幸也然而兵燹以來因苦流離堂上見背兄弟妻子不相保及賊氛掃淨振策言歸搜尋故物渺不可得僅聞此卷尚存而又為人所

得能無撫今悼昔而愴然涕下也乎余因語墨莊曰物之寶於人與人之寶是物莫不有數存焉文敏公去今數百年矣當其染翰揮毫或書以自娛或出於他人之請託未嘗不深為護惜留傳世世一旦時移勢易子孫有持以易食者矣有賣以供聲色之資者矣不知轉徙幾何人而後入於余家余又不幸遭變亂而復為君所得然則天下之寶物天下之公物也此物存而與世共寶之不必其藏於己也此物存而僅什襲儲之又何異於藏於人哉其手卷書昌黎盤谷序一篇其款識松雪老人墨莊秘不示余故述其顛末以為記

丹溪磐石記

吾鄉多山水之勝出縣治東六十里高列而屏張者曰黃堯黃堯之下丹溪

守拙齋文存

七

漢學齋叢書 第一集

之水出焉山之麓曠然平地人煙稠密居民連屬六七里皆余族也丹溪之水曲折穿村而出暮春三月飛花滿溪片片從上流浮出未至村口數十步徑曲而水旋如弓之彎如帶之繞風迴花聚如武陵春色不使片紅流於人間因名其灣曰春灣水出春灣北與大溪會勢可奔趨直下矣忽有大石突起如巨鰲作勢張口欲吞水石相擊如兩軍猝遇喧號叫呼互爭勝負石怒而踞水激而騰水乃溢而分流石始靜而中伏余竊嘆人之素橫一世者豈知造物必故有以天閱之不使恣意肆行觀於此也信然石廣二丈餘長倍之高出水數尺平如砥可布數席名曰磐石易曰鴻漸於磐磐大石也余讀書之暇向晚登眺遠看紅日西墜衆山以首承之似吞似捧返照入水中游魚隊隊可數與日影浮沈投以石條爾逝去水折波閃紅光萬道已而夕陽欲下水靜魚潛蒼然暮色自遠而至若乃時值中秋人影在地皎月當空攜酒呼朋多會於此余雖不勝飲亦未嘗不在焉月到天心纖雲四卷大千世

界一片空明而露華濡衣桂香撲鼻不啻置身廣寒宮闕俄有風西來冷然
襲襟袖斯時酒醒神清一聲長嘯感觸無端真覺此樂不易得也石之下有
石梁可通往來者南岸有寺曰堯峯禪院每當夜靜聞鐘磬木魚聲與風聲
水聲間奏蓋寺僧晚課也旁有亭曰得月近水之樓台也其北岸西行數十
步有閣焉建樓三層飛簷十二樓供奎星爲一族之文峯四面樓窗窗外看
瀑布如滾雪飛花水氣直逼樓上憑欄久立人疑與烟雲俱化旁有屋三楹
額曰碧簾前有梧桐高可蔽日木犀一樹開時清香遠聞余幼讀書於此東
行數十步老屋數椽柴門臨水則余家也人每披覽古人詩畫或一山一水
一石形容盡態恨不身臨其境余其詩中之吟叟耶抑畫中之醉客耶撮其
大概記之則以爲詩觀也可即以爲畫讀也可

誌陶軒師摘星譜後

奔之爲數小數也而天地之奇古今之變莫不該焉孔賢其用心孟美其致

守拙齋文存

八

樓學齋叢書
第一集

志非天下之至精其孰能與於斯若夫思運於一秤之上神游乎六合之外
指與棋忘而心與機化昭文之鼓琴也師曠之枝策也惠子之據梧也亦若
是而已矣吾師耽於弈者也萬感俱消與道大適理有即弈而寓者焉用志
不紛乃凝於神弈有因譜而精者焉鼎自同治甲子避亂歸家藏書卷蕩然
無存偶於故紙中檢得棋譜一冊展視之蓋吾師所手錄摘星譜也噫先生
之於業可謂勤矣獨弈也乎哉然鼎於是不能無感焉憶從師於堯山之麓
先君亦朝夕與偕每當長夏清風徐來吾師與先君輒置一秤於松蔭之下
鼎執經侍立其側子聲丁丁然書聲琅琅然鼎時猶未知此境之足樂而此
樂之不易得也不意一局未終滄桑頓易滿壑之雲霞變爲連天之烽火矣
辛酉歲吾師避地楚北不見者十七年矣而先君亦於是年棄養鼎自遭亂
以來舊業荒蕪既飽食以終日復一暴而十寒中夜捫心自呼負負展視此
編蓋不勝立雪之思焉抑又深終天之痛也

書四書審問錄後

余自束髮受經即聞族祖備五公有四書審問錄一書其中闡發聖賢之旨
獨有心得願購求十數年未獲一遇蓋是書之存者鮮矣嗣讀公四書撮知
審問錄於乾隆戊申己酉間版行問世同袍中有深契極賞者乃版寄金陵
書坊坊客江西人也數載罷坊歸覓版不得及今追尋冀尙可獲蓋公自敘
云爾或曰是書有竊據翻刻而篡易已名者公知之訟諸官久不決當事遂
勒兩毀其版云四書撮者前書版毀後撮其大略而存之者也然後嘆書之
失傳已非一日然里巷中未嘗無存本也何求之而竟不得與同治甲子歸
自申江家少明忽出篋衍所藏審問錄一編見示余受而讀之其中闡發聖
賢之旨獨有心得者余小子何敢妄議夫玉埋珠沈聞者共惜要其光怪陸
離終不能自秘然非有心者極力愛護之則亦終委泥沙其不至於銷滅者
幾希獨是余小子數十年願見之書昔求之而不能一遇今願於兵燹之餘

守拙齋文存

九

樓學齋叢書
第一集

得窺先輩之論著可不謂厚幸與嘗攷漢唐藝文志其間有錄無書者不可
勝數竊悲伊古文人閉戶著書研精殫思寢食俱廢及一書成耗心血幾許
不數傳而散亡磨滅自不一二存焉豈如承叔所云華文少實不足以行遠
與至若儒者窮經闡道探古聖之潭義挾先儒之精蘊鄭重而筆之書其言
粹然一出於正宜乎信今傳後矣無端而忌之者至焉爭之者至焉甚且訟
之公庭而不得直厄之兵燹而幾有同歸於泯滅者可不惜哉夫泯滅則亦
已矣獨介此若存若滅之交其存也可幸其僅存而不能常保其存也可危
此有心者所以歎歎而不自禁也今是書別無存本少明日抱此編其珍惜
也當何如夫左思之賦皇甫謐序而行之韓愈之文歐陽公讀而好之豈書
必有藉而傳與抑書之傳必有待與他日倘有力任剗剗者則此一編也藉
以闡明聖道嘉惠來哲其功當不在陸平湖張桐鄉諸賢下又豈僅爲是書
幸哉少明屬詳敘是書成毀之由與夫今日之所以僅存者爰不揣樸味而

謹識之

錄族祖韻仲公文書後

公晚年得偏枯疾讀書方山別墅著述自娛有隻塵談若干卷病中之所著也隨手纂錄細大不捐蓋深得段成式酉陽雜俎沈存中夢溪筆談陶九成鞍耕錄之遺意隨園子不語寄園寄所寄中頗采其說班孟堅云小說家流蓋出於稗官街談巷議道聽塗說者之所造也然閭巷之逸事往往多可喜可愕可泣足為風化所關而善者使人興起惡者使人懲艾或更足補朝廷政教之所不逮不幸事微身賤不得列於正史不一再傳姓名埋沒草木俱腐後之人入其鄉欲聞其緒論而遺老盡矣嗟乎一人一事一話一言何關輕重出之以文人之筆墨輒令讀者眉飛色舞慷慨激昂或以為談鋒之助或以為古典之所存而一人一事一話一言遂藉以長留天地間隻塵談雖小說家乎其用心不可謂不厚也至若事多創見語必瑰奇得意疾書有

守拙齋文存

十

樓學齋叢書 第一集

心手相應之樂誠足為博聞廣見者助公生平著述散失居多惟隻塵談久行於世讀隻塵談者可以知公生平之寄托今錄公文而備論之又可以知全書之旨趣也夫

書胡文忠公遺集後

嗟乎吏治人心之壞亂之所由生也在上者寡廉鮮恥在下者犯法作奸舉朝泄泄沓沓厝火積薪之下而自以為安一旦不逞之徒乘釁而起而天下遂一敗而不可收咸豐初洪楊之起於粵西也揭竿一呼亂者四應糜爛東南數千里妖氛所向攻無堅城勢如析薪破竹而無一人敢擢其鋒者斯時文弱武弛兵單餉匱天下遂有岌岌不可支之勢噫吏治之不修人心之不靖亂之所生豈一朝一夕之故哉乙卯丙辰間胡公開府鄂省義旗一豎風雲變色觀公所激厲獎勵而兵將之精勇百倍曩昔雖忠憤自在人心要惟公之誠足以激發感動之迄今讀其書猶勃勃然有不可遏抑者而况親

聞其警歎者乎公積苦兵間七八年籌餉籌兵日不暇給及上游得勢若湘鄉合肥諸公遂能盪汚掃垢乾清坤夷而公竟不獲親其效以歿悲夫公書凡若干卷而所以勲勳懇懇者要必以吏治人心為先務所為正其本而清其源也使早有如公者分任封疆制治未亂保邦未危天下事或不至一敗至此然不至此又烏以見公所為之難而所憂之深也願公所為難者已往矣後之值其易者又將何如也藉非有履霜之戒未雨之綢繆恐後之視今猶今之視昔矣然則吏治人心之壞為致亂之由而所以維持之使不壞者致治之道孰有外於此者哉

傳述哀辭 有序

丙子歲我族孟昭頌康各命二子師事余傳述年十一諸子中最長頌康次子也資穎悟解說書義輒心領神會遇古人綱常名節事余反覆推廣其說述忻忻若有所欽慕過邪佞卑污事舉以戒之述若有感然不安於心者年

守拙齋文存

十一

樓學齋叢書 第一集

雖童稚而若者君子若者小人若者上達若者下達其趨向已能卓然而不惑三年教以制舉之文四年成篇一藝成構思曲折靈心四映雖瓊瑤時不相掩而大旨明哲所讀左國博議諸書間為講說越日即能見於文年雖童稚而聰穎之資已見其大概如此丙子秋述長兄亡於漢迹在館閣之泣涕交頤月餘未見其笑容去年春迹四弟偕諸兄從余受課課罷聚一房凡述所聞於余者輒能為諸弟敷陳大義余至驚起離立問則對進退必以規矩對庭雖為父母鍾愛未嘗恃愛一日舍業以嬉年雅童稚而天性之克敦禮義之能嫻也又如此今歲秋闈後余以不得意歸將游豫章衣食於奔走頌康為其子挽留而述尤一住情深聞余去則悲留則喜師弟之誼有同父子余思人生富貴功名過眼都成虛假惟此至情至性其發之也最為真切余所以欲為述留而不忍舍之去也余之德業文章敢自謂已至而視為人師敢自謂無愧哉亦惟舉向所聞於師者而盡余心以教導之庶幾歷歲月可

望其有成又思迹天質頗優遇事解悟或他日善補余過以釋余之憾馬鳴呼迹今其死矣死之前一日急欲病愈至館慮其業之荒也頭岑岑然痛不可解醫者謂肝陽上升雜投以飲補寒涼之劑進藥之次日症驟變昏定後手足抽動目張口噤不能言舉家呼聲繞床默不一應余聞即往視之目眩吻數言張似欲言不得者喉間格格作響然呼吸氣則疏以長時鄰雞互唱余回館後猶私冀其無虞孰謂僅一日之延至酉刻而氣絕乎己卯仲冬十七日也噫是果藥誤耶抑壽命有限而非人所能挽回耶四載相依十日暫別不料一病而遂永決也嗚呼其可哀也已余既以詩哭之又作辭以抒予哀其辭曰

人之生也受命於天智愚壽夭今古茫然天既才爾胡靳爾年天欲歿爾胡令爾賢我為爾留爾今何往爾棄我去我將誰賞月暗燈昏書聲絕響面貌聲音接於夢想父母昆弟爾胡忍舍昔日書齋今日曠野死如有知惟爾自

守拙齋文存

十一
後學齋叢書
第一集

知如其無知孰識予悲我身猶在爾形已亡諸子聽講羅列成行回頭顧爾不見在旁嗚呼哀哉何日而忘

告三弟文

嗚呼吾弟之亡也百日矣雖然吾則何忍死吾弟也正月十九日送弟丹溪橋畔弟肌色豐盈也意氣豪邁也襟期洒落也我家三世單傳我兄弟始有三人二弟不幸丙寅年歿於江西我又潦倒半生忽忽四十仍愧無聞弟內志精明外貌渾厚私念振家聲者必吾弟也嗚呼天道無知則已天道而有知吾家世有積德吾弟素無失行何至未終其天年又繼二弟而中道夭乎二月杪接弟到滬上書書中詳敘到滬之日飛遭橫逆弟深悔此行我答書為弟寬解豈料兄執篋臨池之際而弟已不在人世乎後接凶問知心火內鬱口角發疔遂不救是豈忍念胸中即因是而致病以殞其生乎弟到滬十日而病病三日而歿以弟之強壯吾并不虞其病不謂一病不起而棄我

之速也弟卒於二月望日而凶耗接於三月十二日然則未聞訃之前弟病也何狀吾不得而知也弟歿也何語吾不得而知也弟未與吾面訣當不忍舍吾而去吾既俱不爾知則當弟彌留之際僵臥之時蓋棺之後吾意中猶謂弟肌色豐盈也意氣豪邁也襟期洒落也弟方在吾意中而不謂弟已赴泉下也嗚呼痛哉我苟早知其有此我悔不阻弟之行即使修短有定吾猶得與吾弟一月相聚則弟之病也我可以視爾弟之痛也我可以分爾我所欲言於弟者可執手而告爾弟所欲言於我者可忍淚而聽爾爾妻爾女可圍牀而送爾弟之歿也可啓衾而撫爾弟之殮也可憑棺而哭爾如是則我心庶稍盡而弟目亦庶幾瞑矣我雖悲且痛或不至於如是痛之深悲之切而更加之以悔憾也弟生六年遭喪亂全家逃匿山中弟方幼則惟吾抱之辛酉壬戌之歲高堂見背弟八歲隨我於崇沙則惟吾撫之自乙丑偕歸讀吾則為弟教之丁卯習懋遷于滬上裝吾則為弟理之甲戌弟年二十婚吾

守拙齋文存

十三
後學齋叢書
第一集

則為弟完之吾所以為弟者痛疼吾所以望弟者靡窮嗚呼二十七年兄弟而竟如是其已耶前年我病滬上弟侍我于床前我歸弟送我于鳩江弟舊秋返里每晨起必喚阿兄吾館中歸弟輒執書一卷問字中庭事有疑必與兄商之嗚呼此情此景何日可忘而今已矣吾與弟終不復見矣一月相連三生永訣則是陽關之曲即薤露之歌也折柳之贈即執紼之送也離亭之外即生死之路也長橋之畔即人鬼之關也嗚呼痛哉嗚呼痛哉昔年吾檢得二弟手書語弟曰人亡也而書猶在共傷悼者久之執意今檢弟書書在也而人已亡乎八月遵甫兄歿吾語爾嫂曰遵甫稍積餘貲孤寡尙足藉以為生吾有不測吾不知為汝所指矣同顧弟在旁意他日當為弟累耳執意兄尙視患人間而弟已不知何往乎弟有六歲子九月驚閉而亡弟恐吾悲痛輒為寬解執意不半載而父子遽相從於地下乎嗚呼死者不可復生生者何以為情吾自己卯金陵試歸咄咄怪事查至紛來計前後纔一年餘既

哭我受業之二子又哭我遵甫兄又哭我姪今又哭我弟也我腸幾何其堪此寸寸斷耶弟婦有遺腹幸男也為弟撫以成人藉非男也使吾子嗣弟後弟女四歲俟長當為擇配我苟能謀一衣一食弟婦應不憂凍餒爾嫂頗知大誼妯娌應無間言弟身後之慮或可稍釋然我懷其何以堪耶我自哭弟以來百念俱灰如弟盛年而一病即夭兄又安能自保其長久耶倘一旦變出意外我正不堪設想我非有戀於斯世而不舍也誠念三世單傳兩弟繼殂前後之事責在一身先人窀穸未營吾弟旅櫬未返一家細弱未識若何究竟每一提念肝腸迸裂弟九原有靈當默鑒我也雖然吾終不忍死吾弟也弟之面貌我永不親矣而猶在吾目也弟之音聲我永不聞矣而猶在吾耳也弟自少至長一話一言一行一事吾永無所取證矣而猶歷歷在吾心也謂弟為死吾則何忍然家人何以共泣啼於吾側良友何以競慰唁於吾前嗚呼吾弟其真歿矣而今後除夢寐之外不獲與吾弟相接除吾死之

守拙齋文存

十四

懷學齋叢書
第一集

外不復與吾弟相攜吾又恐夢中之語多不能詳而死後之事又不可知則吾終思吾弟不置也嗚呼痛哉

大母朱孺人事略

余家自高祖以下三世單傳而曾祖父大父又皆不承其年是以曾祖母大母兩世孀居撫孤守節得邀旌表於朝及鼎生已不獲事我曾祖母而大母亦已六十有四矣大母姓朱氏父諱某世居小溪村二十歲歸我大父生一女幼穉二十八歲生府君府君生周晬而大父卒鼎事大母十三年咸豐五年冬月大母病遂不起年七十六而卒鼎自三歲免乳後即鞠育於大母六歲就傅晚自館中歸率誦所讀書大母前以為常鼎幼與羣兒相逐有不洽或相爭鼎不甘人之欺也大母訓之曰爾慎毋與人爭也欺人者祇自欺受人欺者自有不欺者在於是太息而言曰爾大父之棄余也爾父方在襁褓外無期功之親內無妯娌之助賴先人薄田數十畝足以贍朝夕詎料耽耽

守拙齋文存

十五

懷學齋叢書
第一集

者視其旁思憑陵而吞并之有某者於爾父為從堂叔祖親心謂孤寡易欺蹈閉伺隙輒來尋釁揮斥乎門窗拋擲乎器皿咆哮跳躍勢洶洶我斯時屏息靜處淚簌簌下濕衣衿幾滿絕不敢出一言相抵以故不得逞其技我倘一與之較則墮其計中矣然余愈用是惴惴恐其計不售而設謀愈毒也余因匿爾父不使暫出防維慎密外則佯如無事者如是相侵擾五年至今念之心胆猶驚裂也孰知某積惡貫盈因他事繫於獄數年獄中出斃于路今其子孫困乏常求贖卹于余家亦何忍仇其祖父而不矜其子孫也然則欺人與受人欺者究竟可知矣爾誌之母忘鼎當時默識其事由今以思不禁嘆我大母履境之艱慮患之深而存心之厚也大母性樸儉終其身處糲自甘遇人急濟之勿稍吝御下有容事不當意閉戶默坐逾時復如初今汪氏大姊嘗為言鼎初生時大母堅臥不肯起後始知其男也被帷遽出喜動顏色家人聯翩為大母賀大母笑而言曰余老人數夜不寐心中如千絲萬縷重重纏繞今不知何以盡釋也蓋府君之生鼎也晚大母之望孫也切故鼎生而大母之鍾愛也特深鼎今已過四十大姊長鼎十六歲言之以為如昨日事也然大母之音容今惟大姊與鼎尚能憶之而大母之卒忽忽又二十九年矣悲夫

書朱松坪公行實後

咸豐庚申十年六月十一日同邑黃田村朱氏松坪死於洪楊之難其死奈何代父也何為乎代父父資政公掠於賊公好言賺賊願以身代父脫公遂罵賊而死也而或顧有疑焉者當資政公被掠時公未嘗不可脫身逃乃輕身赴賊不幾父子同陷於虜乎且安必好言之果能賺賊也曰是豈公所暇計哉古來忠臣孝子皆由於君父之念固結於性天者深固結既深斯其發之也遂有百折不同之勢雖事果濟與否未必不由於天幸當其一念勇決威武所不能劫刀鋸所不能奪山川水火所不能阻豈猶有計較於利害死

生之見瞻前顧後同其心而易其慮乎世固有讀書明義理慷慨忠孝事
一旦臨變負疚於名教往往初念明而轉念誤者嗚呼公亦行其心所自致
者而已矣其他又何知焉丙戌春余得交公子少坪因出其尊公行實示余
將求當世能文者以表彰之余謂公當日肫然之至性凜然之正氣自堪不
朽於兩間鄉黨稱之有司奏之朝廷旌之豈必藉文章而傳與然世之抱道
能文者往往樂書其事蓋忠孝在人心磅礴鬱積於內有一所觸遂不禁感
慨淋漓必一洩焉而後快而况少坪之惓惓無已也獨是吾鄉遭太平軍之
蹂躪死亡枕藉十室九空有不屈而死者亦有父子相棄兄弟不相顧而卒
歸於死者嗚呼如公者真無愧於死矣嗚呼如公者乃真不死矣

朱氏殉節事略

殉節朱氏族祖成麒妻也咸豐庚申春太平軍竄涇蹂躪我鄉里人皆走山
谷避兒啼婦號爭先脫為幸余時隨先君子避黃蓮巷居萬山中罕人迹

守拙齋文存

十六

樓學齋叢書
第一集

焉至是踵相接者赴若孔道軍情紛報言人人殊一日間數驚恐次日有
言氏殉節事者甚悉曰逆賊披猖風馳雨驟氏走不及脫遂完節以殉衆環
立慢息以聽曰某掠於賊由氏門過氏出驟與賊遇賊曳之氏左抱周歲兒
右指屋宇而言曰余家也歸茶以待何曳為賊信之斯時賊初至吾鄉家多
豐飽賊急於掠取財物縱馬去去須臾旋聞其室闐如也搜其廚突無烟焉
聞兒哭聲隱隱索之內室見懸梁而縊者婦也先君子撫膺太息曰智哉婦
也賊即不他往赴死易易耳然不以頸飲賊刃而畢命於一帛覺温序不欲
贖汚血猶無此蚤見也聞者皆感泣稱烈婦烈婦又曰始某見氏被牽時心
以為危及聞其言疑焉孰知其從容不迫而籌於中者熟也某方心感其事
賊遽驅之行走僻徑得免脫逃故悉其事也詳數日賊退家人聚始殮其尸
所謂周歲兒者亦死越數年其舅姑死其夫客外死余恐氏殉節事久而就
湮也因追述之俾後人傳焉

論曰孟子曰生我所欲所欲有甚於生者死我所欲所欲有甚於死者人皆
有是心能弗喪者幾人哉而况婦人女子乎死生榮辱所爭祇頃刻間計稍
遠緩有求死不得者烈婦不以倉卒亂不以遲迴誤孰謂巾幗中而易辦此
乎亂平會相國文正公奏設採訪忠義局凡出力與賊鬥與罵賊不屈及婦
女不受辱而死者准報名分別請旌嗚呼朝廷所以獎恤死節者至矣而顧
往往有冒焉者烈婦之邀旌也宜哉

誥贈奉政大夫子玉公事略

公諱有瓊字子玉晚自號悟凡散人先世徽州婺源籍自始祖德四公遷涇
龍坦村世遂為涇縣人胡於涇為著姓用科第起家筮仕中外者項背相望
傳十九世至公公自高祖分支來獨潛德勿耀然老成典型為里黨矜式而
族人之儀型於公也為尤至曾祖諱世恆太學生祖諱為澤父諱派祥以孫
誥祖貴馳贈奉政大夫生二子公其仲也公生九歲而孤居喪如成人禮事

守拙齋文存

十七

樓學齋叢書
第一集

母以孝聞少有志操就外傳溺苦於詩書既長文名藉甚願屢困童子試喟
然曰窮達命也文烏能與命爭親老家貧未能朝夕供甘旨其何以為子遂
棄舉子業憊遷於楚北之漢皋然性剛直不能諧際人事貿易中機變酬應
既非所素習又不能挾重貨居奇貨得自操贏縮之權終以寄人籬下不獲
大伸其志有族叔祖字近齋者家素封知公信實可倚邀與歸俾主持家政
公亦以家居得奉母晨昏欣然樂就之於是承歡膝下者二十餘年尋援例
授太學生顏其堂尚志以自勵生平志趣云與兄有珉極盡友愛之誼先公
卒無子公以子子之咸豐九年公疾篤而母是時猶健在彌留之際恨不能
終養聲呼阿孀哽咽而歿年五十有五以子誥祖貴誥贈奉政大夫公長
身躔立氣象巖巖如高山竦峙與人交絕少温言曼詞族中紛爭辨訟事人
或模稜兩可公獨侃侃剖決其是非一無所假借聞者氣為之懾而生平取
與之節尤矜矜不絲毫苟素精岐黃術病者延之診輒往終其身未嘗受一

謝人強餽者反盛氣叱之人至踧踖無所容然調郵貧乏往往罄所有以昇不自留其餘知公者乃嘆為東漢獨行傳中人不是過也娶鄭宜人子二長紹祖太學生嗣兄後次誥祖同知銜女一適朱氏孫四今二存女孫一

朱公際暉墓誌銘

公諱詩字子吟號際暉姓朱氏先世於文公為近支南宋初自婺源遷涇世遂為涇張香都人曾祖諱某祖諱某父諱某母洪氏早卒事繼母汪氏以孝稱弟誠汪出也友愛無間言公生而岐嶷就傅後溺苦於詩書少負大志為從兄秋園先生所賞識家貧不能竟其學隨父買漢皇中年父棄養而母老弟幼艱難萬狀公仰事俯畜以一身任其責公性敦厚家庭雍睦自恨髫年廢學暇輒手一編不釋而胸中鬱勃之氣每托吟詠以見志平生赴義若渴尤無時不以濟人利物為心咸豐庚申太平軍竄境鄉民爭遠避公獨首創團防里人賴以保全者甚衆時徵寧米騰貴飢民嗷嗷公籌貲往湖南購米

守拙齋文存

十八

校學齋叢書 第一集

數萬石運安徽大通平糶又於徽之祁門設粥廠招集流亡飢民就食者至不可勝紀公竭力經營走書勸捐情詞懇摯而有力者知公實心任事爭寄巨款以接濟之自辛卯冬至壬戌秋貲未嘗一日告匱全活者無算遠近德公彌深而公之心與力已彌瘁公手無尺寸之柄而能使數萬之餓殍復甦家無担石之儲而能使四方之貲財頓集人見義不能勇為而或諉以非力之所及者觀公之事亦可以興矣同治甲子亂事肅清公籌款返故里瘞暴骸賑餘生買耕牛懇墓田修葺神廟祖堂劫後瘟疫感作公精岐黃術治之輒愈魄遺悉屏居鄉以信直著族里不平事公片言釋之此皆人所難而在公第其小焉者也公例授太學生於同治乙丑某月日卒年五十七妻某氏子一孫一方公之居鄉團堵也秋園大令為其座師胡文忠奏留於楚時楚省需員遂荐於胡公將重用焉使公而重用其所施當不止此惜其不果行而以不用終也豈非命也哉今弟誠於某年月日卜葬於某原以狀請銘銘

曰
得天者厚感物者誠遺時者寒矢願者宏嗚呼此其幽宮知善人必有後兮以昌其子孫

守拙齋文存

十九

校學齋叢書 第一集

守拙齋文存終

跋

右文十九首 先父愛亭公之所著也 先父所著古文辭頗多惟以衣奔走依人作嫁大抵皆爲人代筆或爲時務論史論等應酬之作而又稍稍散失茲所錄十九首悉身世交遊之所見也代筆僅錄一首以吾族譜牒零落茲序尙可略見一二 先父幼年遭洪楊之難隻身走上海爲小手工業於崇明卒乃發憤讀書有以自立樸安年十五隨 先父讀書於里中年十七隨 先父讀書於南昌當時讀書者僅以八股文試帖詩爲正學 先父之所以教樸安者八股文試帖詩之外兼及古文辭及史子等樸安今日得稍有知識者皆幼年受 先父之教也 先父棄養於今二十有七年矣世變愈急來日大難未知所極樸安兄弟三人兄伯春卒於民國十六年今年弟寄塵又卒樸安年事雖不甚老而亦已過六十不及時將 先父遺著印出後願茫茫子姪輩是否能保在先人之手澤實不可必設使 先父之遺著

守拙齋文存

跋

樸學齋叢書
第一集


及我身而散此則樸安之罪也民國二十七年七月男樸安敬識

不冷堂遺集

共四卷

雲南圖書
館藏板

張竹軒先生像



不冷堂遺集序

歷代之亡以有清爲最善其帝號猶在也帝號猶存也
不過變統馭之權與政治之體執國政者既非殺君
而君吾民豈易姓受命者之可比哉古者五運週還家
天下之局無數百年而不革者有異代無異民必謂食
毛踐土于一姓國亡而與之偕亡焉其亦可以不必矣
卽謂受國厚恩當以身殉亦必世祿之家膺鼎鉉疆圻
之寄者乃爾餘則爲遺老爲逸民以至黃冠緇衣避世
死悶亦何不可之有雖然人生天地間以氣節爲立身
之本義之所在身且不恤持是以與家國事尙何有于

不冷堂遺集序

誠之不至忠之不盡者此其義事家天下之國宜然事
公天下之國亦何莫不然否則朝秦暮楚叛國悖本人
心亡而國亦不振矣辛亥鼎革滇中殉難者固不乏人
求其從容就義行其所安則石屏張竹軒先生一人而
已先生起家寒素非世祿之家可比也廣文冷官井有
疆圻之寄也况國僅政體之變更與歷朝異而先生竟
仰藥以殉亦可謂噫然不欺其志者矣先生之爲人正
大而和易不事事于絺章繪句之學而興之所至有時
亦發爲詩文顧不自愛惜散佚者夥所存者僅此三卷
嗚呼先生之行鄉里式之清史傳之卽無此遺文千載

而下亦孰不知有先生者然詩文爲性情之所發與精
神之所寄吾願讀先生之集者卽文字之迹求先生之
心沐其遺風養其氣節充此義之所在身且不恤之念
以治事而爲國則神州之宇黃炎之胤庶幾其有豸乎
甲子仲秋門下士瀘西陳度謹序

不冷堂遺集序

不冷堂遺集目錄

卷一

詩

卷二

文

卷三

聯

卷四

附錄

不冷堂遺集
目錄

石屏張舜琴倚軒著

詩

雪中發辰州壬午赴禮部試

檀聲絳雪入辰州却喜清江凍亦流
迎客柳疑輕絮舞衝寒梅欲暗香
浮心隨楚水縈成帶望到滇雲暖戀裘
寄報高堂遊子意春光瞬息在船頭

丁烈婦輓詩

人臣事君婦事夫臣道婦道一而已
偷生苟貽社稷羞丈夫不及巾幗美
巾幗何人字雲仙詩禮幼嫻深閨裏

不冷堂遺集卷一

母疾而愈危而安割股不傳孝之始嘉耦許締丁廣文
廣文吾鄉豪傑士琴瑟再鼓德音昭樹蔭重蔭顏色喜
憶自光緒甲午秋廣文居憂悲失恃每怪吾曹多坎坷
那占微恙竟不起乙未月閏日重五五絲續命祝夫齒
珠聯璧合歷四春鏡破釵分泣寸晷高堂毫釐姑祖姑
前室瓊瑰子賢子共姜守義曹娥孝同穴之志安由已
儻令躊躇戀在生回顧須臾可無死可無死死誰警慈
竹孫蘭相依倚盡孝有人孝有歸黃泉相見意決矣女
星夜沉隨卽星異水雲黑連昆水棟概何但式巾幗文
夫報國當如此嗚呼丈夫報國當如此

題袁雪樵詩集

學詩不立血不嘔生平愧未吾師伴
任秋航夫子以傷
親不立身不亡生平憾未予季儔
季儔弟疾親歿弟悲甚同日

雪樵雪樵何以鳴其詩至性兼至情風騷本自天籍

得科舉偏慳時下名幸哉難兄有難弟我託蔦蘿亦殊

君集由樹五賢祖神喜君集由樹五賢祖神

不即檢五搜輯之本桂樹秋芬第五株蓬萊夢徵第

解詩解見本雪樵雪樵逝莫哀翱翔入荒魂歸來詩卷

應仙明珠貢何慮寂寥掩塵埃
明珠寂寥二語詳墓碑

光緒庚子十月六日陳母周太宜人七十有一壽

不冷堂遺集卷一

辰小圃太史賦觴詞十二章諸生成有和作積
錄成冊洵盛事也琴瑟為世誼督課之餘勉成
七古一篇姑以當後序云爾

發宿輝映南極光并養無窮滇一方第祿綿巨雲漢章

旦七星中月令詳宜人教子追敬姜父書兒讀繼書香

書香可繼書債償巾幗丈夫識非常是時三池驚櫓槍

斯文流寓家螳螂界予正氣中堅剛英華少小經風霜

青鏡有味昆季嘗次第花開丹桂芳仲氏奮飛木天翔

皇華騰就母並將愛推手足吟聯牀孝友可風瞻玉堂

伯氏志超仕宦場不甘苜蓿甘梓桑
太史兄少庚銓

線魚羹憶滇陽安車迎回碧雞坊君恩酬報太史當花

得步影春日長懷與陟肥兼陟罔陳情表上趣還鄉龍
池精舍青垂楊鳥聲反哺勝笙簧植秀代耕意徇祥網
禾稼時羅酒漿七十老人壽而康顏歡舞排雁行爲
國儲材備修攘惟孝性反忠豈忘時事那禁海波揚欲
回元氣呼彼蒼積善之家有餘慶况乃累禩生聖主王
母萬壽祝無疆錫類期願稱百祥冷官觀人自膠庠訓昆明太史昆仲先後登賢書廿餘年來此足臧奎壁之府星煌煌願隨伯仲稱一觴

送王鑿石制軍奉召入都二首

甘雨沛滇郊和風翔滇地德澤共涵濡各言其意致我
不冷堂遺集 卷一

公天下才滇黔繼楚治兼圻重邊防修文及士類荒微

烽雖熄經史學欲墜師儒隆禮數英俊厚廩餼精舍構
麓池坊佛西湖際樹人歲月深何止詞章輩茲以詞章

論亦既多富麗昔日西林公述職趨宸陛一篇教士子
裁成切返施公行本恩恩其言仍藹藹揖別到書生從

容接末吏時琴監理經正書院愛蓮勝甘棠年年香自在書院水榭公題

聖人不觀兵一怒遏密旅君子不尚勇奇功成背水機
要贊當年公本深於此富祿召妖氛行省近一咫魑魅

出白山欖槍光昭市聲色公不動端倪亦以揣狼燧掃

三宵鴻鵠集三池劍戟鑄農器治亂旬日裏東海揚其
波綸音傳電紫恩眷注九霄賢勞思萬里聰強文溢國
謹慎諸葛氏或以移節期或以督師儼廟謨遠而宏窺
測誰得似天邊老人星應取爲良宰

送李觀察文山之官廣東二首

鬱鬱同居此開懷我望兄蛟龍終得水雛鳳有先聲電
聽三春捷星輝萬里明彈冠期釋服定遂海航行

辭別夷生苦高歌意豈然頻催劉子舞劉廣文康衢未著祖生鞭螺翠中華地鶯花五嶺天知交勞問訊濟困策全真

不冷堂遺集 卷一

丙申元日大雪

但欣瑞雪兆年豐那慮陰凝更兆戎東海濤聲沉白壁
南滇寶氣祕青銅花偏亂舞開心境酒爲消愁論首功

世界三千妝頃刻問誰奇巧奪天工
元日至人日雪不止用元日韻

庚申元日憶咸豐雨雪霏霏詠小戎曾令連朝忘暑漏
始看初日挂鉦銅瘡痍未復滋邊患凍餒無虞仰歲功

羈旅一家今慶幸挽回淑氣藉神工
初十日雪晴再用前韻

宰官祿俸漫言豐且喜炎方毒不戕翠海淡旬雲

晴天自曉漏聽銅寒威應殺家鄉疫方相休誇屏逐功
池上梅花初受暖吟詩作賀未求工

段廣文立齋以奉勸滇邊界瘴被詩以挽之

似君遭際此余奇幾信周民靡子遺君家以疫疾之難
僅存君一身余家

亦以破一兩兩致每歎昊天多鶻突如何險地任駒馳

華夷界限分星野君解測
量之法煙瘴萌芽二月時志業未成

身已殞那堪伯道更無兒

非等鴻毛性命輕籌邊將帥本關情越裳雖貢全輸鬼

阿瓦孤軍不敵鯨境壓兩隣稱樂園海國圖志暹羅穀
豐而賤甲子南海

康熙來歲運米數十萬石以濟閣粵聖祖有
天南樂國之哀圖存一綫望書生知君

不冷堂遺集卷一

最抱泉台憾筆絕茶山畫未明傳聞畫英界誤割
茶山地干餘里

報人國士有雙無更敬閨門是丈夫夫人錢氏偕其如
夫人矢志守節

兆小北山同穴誓擬歸南迤乞官符恩深犬馬貞連庶

女勝螟蛉孝未孤君有一室馨香應兩
昭忠祠從祀

兩夫人應舉節婦將來亦榮膺
祀典人生何用笑窮儒

哀六月 補癸巳

哀六月哀疫疾何日哀聲哽咽十三叔母逝姪女兩天

折繼以兩姪男雙親意悲切我父先臥病至此竟舌結

飲食不復進十四天崩裂季弟方抱疴性情素激烈登

堂三叫呼黃泉赴是日五弟痛子然我母病在室盼得

仲弟歸廿日地陷缺門庭戚友避嫌舍人跡絕惟我與

叔弟羈旅書未達回首春夏交還里假方乞那料兩月

窳八口竟使生離成死別昔年干戈擾攘秋荒涼野外

堆白骨幸彼離亂慶安全際茲承平禍倉卒城市灾黎

數百家我罪云何我第一此生有盡悲無盡言念手足

宜苟活悲苟活悲永訣淚既枯血亦竭嗚呼哀六月哀

疫疾

輓楊廣文月舫同齋

京華一笑證前緣君未會試同寓都門初不相識及冷
君選昆明教諭始相見快談連日冷

官同方遂十年竊比周程歎風月卻嗚沮溺戀林泉才

不冷堂遺集卷一

堪濟變官安小君以辨昭通軍務會保
薦知州後改秩就教語善排憂路導

先余居憂時
君屢過訪最是生平不忘處長辭猶到翠湖邊君臨
卒之

前三日猶步行訪我歸後即臥病也

禪關萬事水中漚生子終為最上籌既有遺編存篋笥

何難後嗣紹箕裘風塵偃蹇悲青眼雲路飛翔望黑頭

慙愧無人泉壤下知交未及朋儔

書懷

眼界新開紀壯游花光爛漫到皇州瞬成二十年前事

北斗橫斜在酒樓

桃花岸日喜重來太學探源更幸哉祇有龍門緣分淺

此番點額去仍回

寬裳未詠竟朝天聽漏蓬萊事宛然似此不才三獻璞
何須惆悵負華年

生母劉孺人忌日

雞豚速親存養較鐘鼎美祭親仍雞豚傷心遂不巳回
憶志學年母教嚴師比讀書時起遲溫習令長跪行步
偶不端鞭扑及舉趾恐防為秀稗非必取青紫母歿十
五年冷官壯入仕拜掃墓門露霜憶鄉里藜蒿易首
藉魚肉即甘旨浴佛前六日呼婦滌簋簋鞠我許孺人
生養倘及此祭豐望將來兒身既衰始薦荀益悲酸人

不冷堂遺集卷一

七

醉思酸筍不得一奠淚如水
令祭必備是物

故房師元謀縣令傅紫卿先生輓歌有序

先生四川涪州人由中書改縣令授任元謀入
滇簾凡七次琴鄉薦出其明光緒庚寅春初先
生自任之省道遇謀逆者於武定冷飯橋地方
以攔路劫財輩叱之遂被害矣初賊約以元宵
襲省乃期未屆而賢有司戕既沒其機旋踞富
民祿勸兩縣警報到省憲立檄營兵及鄉團攻
克之蓋由先生之取義舍生而賊之所圖未遂
也惟時烽煙道梗不知何處收其遺骸琴誼屬

師生憲命琴任棺殮事琴行至武定城外得之
並使人馳至元謀招世兄輩扶柩以歸滇人士
感循吏捐軀道旁有泣涕如雨者

惡風吹自冷飯橋欲滅燈火度元宵有人熱血灑山椒
幸免昆池血為濤富祿相去百里遙密箐深林比天高
魑魅潛蹤鴟鳥巢聲言猛虎苛政遭元馬治隔路三朝
威福安能遠爾曹縣官况是今賢豪斯文誤引巨人刀
吁嗟羣盜突如毛慘見猩紅濺鞞袍幸免白骨委蓬蒿
得酬知己憲恩叨星精太白光搖搖

題王玉芝畫梅見贈四絕句

不冷堂遺集卷一

八

籬角頻吹細細香惺忪夢覺讀書堂東君識透春消息
寄贈無煩驛使將

幽姿何待浣塵沙生自羅浮處士家璀璨猶須天醞釀
雨痕昨夜透窗紗

乞得仙人玉鏡臺橫斜疏影試徘徊平生同鶴清癯態
不是蟾光寫不來

開在百花頭上宜如何端許壓花枝料應苦耐當前冷
祇讓翻空六出奇

梳妝臺在省城北門外

梳妝臺上草萋萋臺下萋萋草更迷豈獨圓圓悲往事

新阡有墓傍臺西

逆天必不後人昌何用生兒嗣冠攘可怪桃花同薄命
猶嫌在世易禪妝

當生而死死而生死死生生雨不情未必前身忘殉義
來依舊壘快尋盟

梳妝兩字艷千秋臺外芳踪尚有樓城中翠海北岸有梳妝樓不問

名姬何處塚免教老淚更盈眸

己丑歲引見還鄉疊板橋題壁原韻四首

雲水光中路一條行行湖上暑全消更欣皓月團圓夜
勝似揚州廿四橋

不冷堂遺集卷一

九

欲將時車盡陳條已觀天顏志未消若果男兒終遂願
不乘駟馬不過橋

無端玉樹損雙條冰雪雖消恨不消欲向桃源攜種子
雲深恐蔽武陵橋

尚留棘院燭三條龍尾輕煙瞬便消好去燕都借李弟
齊驅並駕虎坊橋

澂江學署感懷

河陽花縣望來蘇亂後風光較昔殊千樹澗桃傳鳳嶺
幾村煙柳似龍湖魚知介石石原介人愛孤山山不孤
秀土城居耕且讀難為教養愧師儒

建水高孝廉德游將之任景東廣文時聞有納寵

之議戲占二截句以賀之兼以送行

看偏長安十里花當年壯志海天涯而今贏得青山老
取個懷妝伴冷衙

生徒前列後諸姬絳帳風流繼者誰幸有文君堪破寂
相如教化到邊陲

送陳崑山之臨安開廣道任四首

雙伸畢竟尺能量豈若神龍澤四傍霖雨有聲霑列郡

儒風雅意振邊鄉別開講舍收湖景欲種經畝發古香
慚愧無才才管領卻叨佳勝奉高堂辛卯年奉委經正書院監院次年

不冷堂遺集卷一

十

宸章下拜感羣情植秀如公本一誠墨瀟自天濡爛漫
花芬近水類幽貞每懷帝命還離翼一許朝班入鳳城戊午年昆明訓導俸滿

調引以教職回任章位置何嘗官舍冷俾宣惠化道光

太守賢聲幾播傳轅攀首郡倍流連蘭節保無瑕玉
倉廩豐儲不竭泉取善公心懸皓月沈寃疑讞見青天

豈徒班馬文名盛循吏規模信有然

繡衣應早觀皇州命宅南交選上游論品古稱崧嶽卓
治滇今貴海籌周鯨魚浪息威由德犴鳥聲歡去是留

何處商帆通絕島仁風足起大瀛謳

題聽鴻堂詩鈔

鳳皇池畔五侯家靈鷲峯前萬里遮不爲承顏雲彩下
何來吟興點蒼賒

寰區游徧境西南山水鍾靈次第參閒話儼同詩警絕

欲呼龍女當經談

非徒佳致詠翩翩蔽芾棠陰有象賢福祿重申思沐氏

一家功德尙留滇

瓊章寫就字婀娜滄海珠光照洱河樑構高標雙塔峙

擬鐫文石老巖阿

不冷堂遺集

卷一

三

和松山

文字知交締夙因阮公青眼感沉淪恐防蝴蝶飛階去
未秩曾教作上賓

陽春白雪郢人謳冷雨青燈破客愁最見性情肝膽處
清吟半是爲朋儕

不冷堂遺集卷二

石屏張舜琴竹軒著

文

不冷堂跋

少陳詩曰廣文先生官獨冷官冷署冷自古有然丙子夏余職昆明訓導署八冊冷愈甚因偕同齋高君葵瞻會府學王君稻村王君西山商請憲命與修己卯秋鳩工落成適余迎嚴慈到任從公之暇承歡如在家庭而屋宇重新堂上暖添十倍名以不冷實余之深幸也夫光緒庚辰中秋前二日

不冷堂遺集卷二

孫宜人像贊

宛若平瞻慈竹對金萱臨慈宿觀佛顏念締交乎家嗣方拜母於當年屢聽敬姜之績頻觀孟氏之遷為婦則克勤克儉教家則惟謹惟嚴享壽考則日晝日耆卜熾昌則既自既賢洵閨闈之式範宜藻績以傳神矧茲詔頒鳳書寶鸞不唯表芳徽於榮安之第且足彰淑德於清河之門

孫贊卿像贊

肝膽照人鬚眉如戟此君之概何可多得卅載相交一生心迹顯貴與游無卑諂色貧困投交盡推挽力磊落

丈夫公門頭白創業成家正路安宅書吏書生亦豪傑容今其已矣使我於邑遺像在望用式鄉國

致友人芭蕉果小柬

蕉之擅美名也以葉可書可畫宜風宜雨暑天蒙其蔭涼爽直沁心脾矣尚何羨浮瓜沉李之供人咀嚼哉吾鄉食品中曰檳榔曰蘆實曰蜜多羅曰麻木果之外更有芭蕉果者形如犀角一枝纍纍然數十枚剝而噉之味等橙橘性和平而潤腸胃解便祕其有功於沉痾者尤多夫蕉則何地無之惟果則非炎鄉不見炎鄉之蕉十樹或五六有果俗謂樹有牝牡牝則結實然則他鄉

不冷堂遺集卷二

皆樹牡歟可令人發一笑思暑後思之如嶺南荔枝專足取遐邇綠天醞釀方半熟懸之亭下止渴如梅茲分呈大雅之前品題一過以比昔之作紙製裳者增入舊典能不較遇懷公坡老為勝一籌耶

小柏山房雜著書後

人生骨肉倫常之事功名富貴之遭以及壽考子息之數莫非造物之所主持而唯此志之確然不可移易者券操之我雖造物不得以分其權文則志之所由見也立齋之雜著非志之所由見乎立齋少與余同事秋航次民兩夫子壯則以癘疾之難客於省更立室家余司

鐸昆明十八年是以論同學中之相親吾兩人爲最久
立齋志不僅在科第而鄉闈凡七與至己丑而誤中副
車蓋聞是科卷本擬元因策中不避時事故置副榜第
一名噫功名富貴豈吾輩所能操乎

哭殤子文

嗚呼生而爲祥死而爲殃其同乎萬物俱化而不能稍
有待於須臾者死者之常其未同乎萬物俱化而竟觀
此不能稍有待於此須臾者生人所傷此生死離別莫
不皆然而爲我之所最慟者九齡之殤嗚呼吾不見爾
百日餘矣豈能不思爾之所長其頭角崢嶸器宇軒昂
不冷堂遺集 卷二 三

文字講畫雖穉亦莊意爾之將來表著吾門者不爲驂
騮之馳騁或爲鴻鵠之翱翔不然效乃翁之拙計紹一
代之書香奈何枝催冷署魂滯他鄉晨風凜烈夜雨淒
涼但見螢度鴉棲義塚縱橫於其際地僻人靜社壇高
峙於其旁今固如此更百年而千秋兮安知其不爲狐
貉穴而甃龕藏此生死離別而亦皆然兮獨不見夫纍
纍乎西城之高崗嗚呼天壽之數吾固不可得而強兮
而感念疇昔悲酸悽愴不覺臨風而流涕者誰能使我
骨肉之情忘曾僕其攜果肴以往汝其來享

續袁方孟書

方孟仁兄大人閣下前月舍弟歸省報及舊好平安茲
復承惠尺書慰深寸念惟是鄉風淒楚羈旅縈愁自奉
公函以來夢寐俱形驚悸矣月之初三日弟約同鄉數
人往謁督憲撫憲申叙吾屏地動災重傷多懇乞格外
賑恤情詞迫切蒙面諭許其俟委員查明稟悉再籌添
補不敷須求委員矜憫災黎不惜辛苦又里門諸公襄
辦止臺亦甚望實力實心現在公款拮据憲恩如此寬
厚又聞鄰封各邑輸助數千金此真三代時古道隆風
再見今日者災非幸事尙幸有此人情再得諸公始終
維持其間尤爲不幸中之幸吾兄公正素著尙冀同扶
不冷堂遺集 卷二 四

桑梓無復以閉門不出更慰禱私肅此布覆敬請履安

與佩堂書

佩堂仁兄大人閣下弟俸滿調驗赴省本日投文稟到
叨神料理感激無涯惟年底爲日無多懇求賜速年內
歲事弟可回籍省墓兼接眷同行回任尤爲鏤篆手版
弟備不勞尊緒茲暫呈某費銀幾兩餘容續補刻下支
絀當邀鑒諒附呈乳扇一束卽請莞收趨候來日肅此
奉託敬請台安

上陳崑山鹽憲稟

竊查經正書院條規內開每課前列課卷傳房後飭書

鈔揭講堂三年由公籌款選刻一次以資激揚而備觀
摩計自光緒二十三年選刻丁酉初集一次首經學次
更學次雜文次賦次古近體詩次經文次試帖詩七類
訂為全帙札發各府廳州轉發觀摩在案原課藝之刻
流傳遠邇留心披覽者雖窮鄉僻壤不啻親業於人文
會萃之區而居人文會萃之區者亦因是鼓舞爭先以
求廁名於大雅此課藝之有裨勸學也夫古人鴻篇鉅
製豈乏膾炙人口其文具炳慰之觀哉特不若書院肄
業之文同時則契易相投同里則善易相感此課藝之
尤便勸學也茲值詔令興修實學來科以策論經義取
不冷堂遺集

卷二

五

士士之潛心經史時務之學者得丁酉課藝以為之勸
必有不不但願得丁酉課藝以為之勸者因年屆選刻取
三年來備選各卷呈請山長詳加斟酌選成課藝二三
四集底本體例仍前刪去試帖一類鈔存經學以下經
文以上六類計自光緒二十四年至二十六年彙為戊
戌己亥庚子三集共選得官堂課案百肆拾伍藝訂成
每集六卷共課藝壹拾捌本呈請憲臺鑒定製賜叙文
轉詳兩院憲鑒定製賜叙文發下另繕宋體一編付梓
刊刻校對既畢即呈樣本再請印刷裝訂多部札發各
府廳州以資激揚而備觀摩其寫刻工料一項飭匠估

計每字壹百個連續工板訂給銀壹錢貳分合計三集
共有叁拾餘萬字約需寫刻工料銀肆百兩有奇如蒙
允准照辦並請陸續鈐領轉發該匠開支至印刷裝訂
工料一項應俟寫刻工竣再飭匠估計每部工料若干
刷訂部數若干彼時呈明續領開支以抵價時有低昂
目前難以豫定擬請刻刷兩項隨時鈐領隨時摺報一
俟書成事竣逐一造冊呈銷再校對一項擬仍派令高
材生每篇每人校對一次更商請山長選派學識較優
之高材兩生加校一次似更詳慎所有遵章擬請刊刻
課藝各事宜是否有當理合繕具稟呈恭候衡核批示
不冷堂遺集

卷二

六

飭遵為此具稟伏乞慈鑒計呈課藝一篋共壹拾捌本
上丁巡卿制憲稟

竊查滇省自咸同事平後舉行庚午帶戊午一科文光
映井鬼之墟兵氣銷苴蘭之野惟時講藝者投戈伊始
安民者勸士為先各大憲憫應試者之乏資也乃當棘
闈之前舉行決科課試一次合三迤英髦而甄別之廣
設超特添增膏火而擇尤加獎焉卅年前修文偃武之
風至今傳為盛事蓋開科荷國恩舉則徧舉決科敷憲
恩行非常行矣本年庚子正科恭逢皇上三旬萬壽慶
典特開恩科一次滇士奔走偕來跋涉自林巒之表觀

光有志風雲會金碧之鄉此科人數盛於往科是何以故良由栽培深則奮興者遠昇平久則鼓舞者多彬彬雅雅之儔較之庚午科有加倍者第恐現值錢荒米貴貧寒之士得毋有乏應試資乎向例每逢鄉試之年各書院停課兩月合無仰懇憲恩准照庚午決科事例定期七月初旬舉行決科課試一次藉可覘多士之學業即以贍多士之筆資斯寒士歡顏沾感鴻慈無既矣如蒙允准卑職等請再擬呈決科事宜一單除稟撫學憲暨布政司鹽法道外理合稟請憲臺核批示飭遵爲此肅稟伏乞慈鑒

不冷堂遺集卷二

七

與樹五書一

樹五賢坦青矚前月僕訂期之任賢昆仲雅意稠疊偕同道諸子筵讌何氏園又繪圖題詩設醴西郊餞別之隆無以踰此僕初十省門揮手沿路含情廿三日行抵葉榆廿六日到任接事本衙署早經坍塌暫假館同年之家李子清賢仲所引進也入城之日予清借蔭高迎至十里塘觀音負石阻兵處以酒茶果品餉客到寓後又具盛饌以供晚餐意誠厚矣與送行諸同道之情文備至遙遙相映都爲僕所領畧不能忘者此間山水清佳勝名不負盤桓一月參苓不用疾病不生趙錕趨事

如常又覓得一僮幫同汲爨惟茶領雲波泉爲多增一嗜好耳泉出蒼山麓清冠諸流較之翠湖井之清輕正不能定其品次俟吾坦春闈得意歸來時到此一品題之北上束裝以早爲要到京後多得養息一切酬酢均可俟場後應爲之如領教場屋規模前鄉試座師在都總以多次趨謁望我者切自然教我者殷也至寄信回滇以託付天順祥爲妥回滇起程之前川資一項卽請其滙兌入都再請另寄一函入都儻有不敷可由渠號假用用後再寄信由滇籌措繳還此較活動大女兒及外孫等已回屏否令八弟肯由監應鄉試否均念之此

不冷堂遺集卷二

八

致卽詢文祺並頌潭吉姻侍生張舜琴拜手五月二十五日大理寄

與樹五書二

再者僕此次赴任叨承經正肄業諸君筵讌詩章及饋贈蠟燭各種茶食躬餞西郊又陳嵐翁筵讌撫南兄爲收拾行裝諸同鄉饋贈茶食許節翁賜給蠟燭茶食諸兒躬送西郊均應肅函致謝一時應酬不及煩賢坦晤時爲僕虔通悃忱是荷琴又及

樹五賢坦如晤前月遣李茂廷賈函入省未知能否如期而至次女子歸未能旋里而寄費又甚薄亦處境使

之然也心滋愧矣學院臘八日由榆起馬考永昌棚此
次榆棚考試因器重賢坦並厚視於僕吾坦亦必因之
爲課讀盡心憲之拳拳於吾坦僕亦感激於寤寐神明
之地也茲有李君采臣入省就陳方伯教讀館采臣卽
予清之兄僕在榆所心契之交也此君性情學問均見
雅馴且算數音韻之書均曾留心考究吾坦課程有暇
儘可與晤談當有獲益處僕曾致意於李君深喜吾坦
之在省可爲道義切磋琢磨之資也僕近爲債欠勞心
誠爲送考之苦幸賤軀強健可慰錦注所慮客臘調驗
三次六年俸滿恐不日又須遷任他處又深望遷任他
不冷堂遺集卷二

九

處或是佐雜等官出息較優冷官或可填還諸債亦是
一樂接家眷事或到來年二月定奪如有遷升可省夫
馬多費矣僕之升階應是計典所出之缺到來春可選
蓋由此生妄念耳又教授出缺亦是應升之階然此則
非所望乃所慮如果升之亦事之無可如何者耳接眷
事固所願其間又費許多躊躇惟有到來春二月定奪
爲是此叙卽頌潭安臘月十二日三鼓住省同鄉未及
函均爲道達念忱

與樹五書三

樹五賢坦如晤月朔定省言旋計當萱宇早瞻歡承冬

暖天倫之樂羨也何如省寓常屬內子看來諸事照常
外孫湯痕已褪疥矣堪以告慰府課榜發縣課約需封
印後方拆封也承令八弟以尊堂之命賜給普茶二筒
謹已拜領祈達此謝忱再有懇者聞小旃之弟在家無
事欲覓生涯未知能否穩成如孺子果可教之人煩問
及其家長俟文旌轉省卽許其攜帶出來路費給予若
于到省補還僕早遲自當出省眷口亦須回屏一次倘
得一妥實可靠之人隨僕前往自是切要之件然非陶
鎔於平日安能信其可靠卽外面周旋各事亦須再熟
於吾事者引而導之數月間方能左右嫻習趙錕固屬
不冷堂遺集卷二

十

可靠惟彼來年姻事恐一時不便出門當以多籌一着
爲是且來年有會試北上之事正需妥實之人照料賢
坦亦當由坪預酌一人訂明他時同赴北上之使令又
需強壯而漸近老成者尤爲相宜萬里之行結伴固須
留心選僕更須仔細蓋伴猶離合不定而僕則往復相
依也設有不慎此中之喫力費心有較之無僕從而更
苦者鄙人閱歷三次謹爲早日言之此叙卽頌侍祉統
頌闔潭安祺臘月十二日

與樹五書四

樹五賢坦青鑒月初展誦手書敬悉帝命榮膺履任浙

江提學嗣晤令三兄示及電傳府報又獲兼攝藩篆之
喜好音迭賁不但戚誼增輝滇人士亦嘖嘖稱道矣所
期敷政施教本所學以懋厥功庶可仰答朝廷特達之
知卽以大慰天下名流之望惟重任貴當得養分勞必
仗良朋得二三賢知左右之集眾長合眾力世界無不
可舉之事車馳驅而有輔道雖遠履能安也留意延訪
爲要尊堂康健介福迎養美甚僕精神不振未克出游
俟一二年後稿或可與擬道海而南赴賢坦之見招尋
蘇白之勝蹟到杭州一滌塵俗亦是快心事肅復恭賀
任喜並頌安祺餘另備啟

不冷堂遺集卷二

七

與樹五書五

樹五賢坦如晤昨承撰寄墓表一道亡室有光泉壤琴
當再拜銘心會楮謝卽時並請書寄棉紙一幅將來琴
自監工泐石以垂不朽是函計當早日到屏矣又念寄
坪第一函內意思恐未透澈曾祈令兄三世台府報轉
言之然猶恐轉言有未透澈者茲又特具一函重言之
蓋念此次賢坦由任回里是誠近來仕宦大員中所無
比擬者准以三月此三月中當以千金一刻視之與其
用一刻以應酬不如多一刻以待奉設因琴未見面賢
坦遂欲來省則因此一念之紛歧必有酬酢需數日者

此數日之酬酢只宜移之堂前問視多幾次萬不肯以
千金一刻之時光而浪費之數百里外親舊處也琴意
奏假有期如期回任斯爲巨子之道兩全此外如有遷
延則有負增中丞厚愛之意亦非鄙人期望之心也千
乞千乞琴屢欲飛馳還鄉以聆雅叙惟回顧家中冗累
當前有不能一朝離去者而去鄉十餘年游子耄矣一
旦言旋非流連月餘斷不能舍之仍入客路兩面著想
賢坦切不必來琴亦勢不能往留此因緣來年琴當到
浙一晤回任日說與女兒外孫輩聽之自然可以釋念
琴叨蒙上台及各朋好相待甚優勞雖不能効食俸等
於能員一切均望開懷但如琴所囑切勿晉省依限回
任力盡教育之職現奉縮期宣統五年開議院學臣應
行籌備事件自較從前尤宜加緊所以祝望賢坦回任
如期之意亦加倍懇切時局艱難循職分而報効之是
謂真解非至此而猶情繁富貴利達也聞賢坦提學彼
都爲邦人士所悅服還轅返旆勸其如期假期內省視
勿曠時刻是匪獨琴所盼禱矣專此敬頌侍祉並候潭
祺不_レ_レ庚戌十月十九日

不冷堂遺集卷二

七

與樹五書六

樹五賢坦青睞客冬輪車蒞止集悲歡離合於崇朝因

之無疾而偃息在牀至今春燈節而始獲散步手書疊
接快慰曷勝特欲復而未能即復焉酬答之疏不唯局
外之人不解其故別後心情如是賢坦諒之欣諭浙學
日有起色小女暨外孫輩隨任安適深愜鄙人私念省
屏潭第吉祥敝寓中三弟眷上下八人朱婿偕次女外
孫輩四人阿喬及諸僕男女四人李婿同乃兄三人赴
東瀛游學三女可常告歸省視家室統有十餘人終朝
言笑歡然並無寂寞冷澹之苦僕則每遇風日清和到
女學堂看視功課及文件一次又或到學務公所談話
一次處境如是隨時暢然自足惟自問素餐抱歉耳祈
不冷堂遺集 卷二

不冷堂遺集 卷二

三

綸綸書爲上截表銘書爲下截分兩截以題鐫邊紋則
上截雲龍下截蟠藻或萬字迴文令其各還各體上下
分明似較平列相宜卓識無不審辨如此是否尙所酌
量書寄並望函知照辦此復敬頌政祺小女及外孫輩
均好并念

與南陔二弟書一

南陔二弟如晤日昨接到手書知弟已委重慶轉運事
而且到差有日同事相宜慰甚因念此是入官第一次
試驗權量由人勉勵在已循分盡職實心任事積久自
有分曉至於事之勞逸薪之多寡無計也兄一身自信
不冷堂遺集 卷二

得力處在於勤慎二字兢兢業業不敢告勞事不假手
於人惟恐受過是悔習慣自然了不嫌苦歷數十年如
一日遂爲人所信任此弟所親見者也望即觀感興起
爲要傅芷青先生墓在涪州東鄉去重慶不遠得便躬
親致謁以明兩重知遇緣分不淺泉台有知慰何如也
少擬姻世講任所近在東道往來晤談見弟如見兄一
樂也李觀楓賢弟係舊相識其父以忠厚待人老成典
型故舊不棄客邊相與周旋所謂因不失親亦可宗也
近來兄病體少強久不服藥不覺困憊日行事件辦畢
猶有餘力私心自喜遠道勿以爲念安民由學步至於

穩定氣體較勝於前胃部少弱乳猶未斷其母能耐劬勞甚善三姑孀之母狀類偏枯輾轉床褥得伊二孀左右扶持不惟小女感激兒亦省却操勞多也伏暑天氣在川尤甚飲食起居珍重是囑此即問近祉

與南陔二弟書二

南陔二弟如晤遞接到梓潼任函備悉一是滙項照數收訖分縣雖無專權所司却有專責補助縣令之不及與有土地人民置身事外形同贅疣藍田筆記言之過當也弟謂不越俎而恥濫竽適合所居之位好在縣令是我輩中人宅心正大遇事不分畛域盡心竭力相

不冷堂遺集

卷二

五

助爲理是乃公誼中私情也弟勉爲之三弟行且到川骨肉團聚遊宦地方最爲難得設若旅費不敷可以就近接濟袁婿在浙由川一航可通自時厥後弟等努力爲之兄他日興致勃發將遊川到兩弟之任揚帆東下到錢塘就婿視女流覽西湖天台旁及廬山虎邱諸勝概亦意中事也弟以爲能乎不能姑言之以待其時耳弟意家眷欲俟嫁女後動身妹可不必蓋署中前出後空左右更無親人偶然離署印信付與誰守前因旅費難籌遲久故未遣發今既有款可資何苦因循貽誤茲特使倉曜送母及弟入蜀此是兄作主張幸勿見責於

彼到後休息月餘仍使倉曜回滇料理歸妹事務乃是兩全之道此間一切近況由眷口述書不贅及此復答順問近佳庚戌四月十六日由滇寄

與南陔二弟書三

南陔二弟如晤倉曜歸來辛苦一番閱歷漸有長進得弟手書暨資助三女嫁裝銀物閱悉收訖並爲三女領謝今後向平之願可謂了却無遺也喜事男家尙後我仍樸索各行其是兩不相妨在弟以爲然否邇來兄精神如常辦事無倦提學葉公相待甚厚謂予飲食起居安於署中爲便曾不知寓所有倉曜朱二姑孀夫婦子

不冷堂遺集

卷二

六

女及三弟媳倉寶姪姊妹等左右周旋頗不岑寂加以倉曜日漸解事行將爲之婚娶居家門面何可廢除不然賜遊之說雖於今實踐可也時事多艱需材孔亟力小願賒輒欲收效萬一所以戀戀不去者職是故也三弟到川許久訖未晤面同官一省相見猶難昔人感慨吟詠情見乎詞者類如此弟在任人地相宜此間畧有所聞或再留一年半年亦未可知慎終如始乃所願也遠道寄懷書不盡言端此順問時祉眷屬並及

與南陔二弟書四

南陔二弟如晤屢接函報備知此次赴都應試一喜舍

官得官信雖非高職卻不冷後來當有進步一喜京華
小住與女婿女兒外孫輩相逢萬里探親殊堪慰我別
念一喜海陸舟車之際均馭火輪眼界一新胸襟較我
通達屈計宜昌到蜀此日當早入錦城矣地雖初到幸
有朱濟南觀察袁少凝大令各至好蒞止在前一切堪
以承教自是託庇無窮念石屏同鄉而外滇之宦於川
者熟識亦正多人緣分重重提挈或左右推挽或前後
皆在我意中也山川隔越繫我春草池塘之思我信雖
疏弟函切不可少爲屬兄自三月爲崑憲辦理交卸後
擬即堅辭差事以期養息一時仍蒙崑憲薦之學憲屢
不冷堂遺集 卷二

七

辭不容飭辦學務公所會計課長事並移學署居住數
月來改良一切學務較前繁冗差幸一身頑健兩碗飯
朝夕如常兄原無恙嫂則自二月間疾患中風之熱留
於筋絡已成癱軟之症醫藥照料幸有弟媳同住鄧親
母亦多來我寓指導女兒有人大姪入方言學堂即東
文堂改設之校規程自納膳費五年請獎舉人食宿均
在校中曾託管理員關照一切次姪種痘後愈覺容易
養育每堂兄回寓必揖拜一回且解效軍操而舞手翹
足小兒嬉笑亦見時局不但令我解頤也三弟五弟各
安住其地滇中米價高昂幸各憲關心賑糶飢饉中尚

見地方靜謐兄夏季籤升順寧教授蒙留差在省祇辦
到任繳憑而已前滙京一款挪滙後函請文山將伯已
承照數寄到歸還號中將來手邊寬裕仍應歸還文兄
寧人負我勿我負人君子處世立心當如是也非吾
所有而用之卽據爲己有不唯不可有是事亦不可有
是心兄生平負人處多每當靜夜思之輒不禁頰然愧
而奮然起也弟到境遇舒展日應毋忘兄之此語弟隨
時衛生實心辦事蜀道迢迢仍不啻聚首而居至省寓
兄力可擔當弟可毋庸內顧客囊如果羞澀仍應從直
函告於兄兄案頭公牘纍纍寫家信言不能盡念念此
不冷堂遺集 卷二

六

屬起居珍重

與南陔二弟書五

南陔二弟如晤燈節前二日接覽手書並收到寄來者
膠保赤散等藥物知客途到澈計程不日吉抵渝垣慰
甚慰甚渝稱川中繁盛之區此間初次充差眼界胸襟
自應藉之一拓而轉運勞碌振刷精神不少是卽進而
愈上之基矣時局正需才之際歷練得一分經濟可以
舒展一分學也祿在其中毋庸計俸薪之多少毋庸計
官職之大小要必實心任事以毋負厥職爲宗兄近日
強健如昨早夜從公舒氏痛風未愈未便下牀幸有弟

媳率姪女輩扶持調養之喬姪學有進境亦解檢點病者湯藥三姑娘許字李蓋臣之第三公郎於客冬定聘蓋臣爲浙江籍補黑井提舉上年被議免官兄與之結親因允升孝廉執柯亦服其筆墨出身由幕客而爲離官白手成家洵屬有志之士及訪其培植子弟敬重師長尤爲官場好禮之人其少君八人第三子爲吾家婿兄弟躬親接見尙覺氣質雅馴弟關心此事願以告之三弟家書稀少偶有寄函均是不樂鬱鬱久居然省中充差近來更爲不易只好俟其奮然求進再爲籌畫截取揀選之費現在求官得官天恩之高厚爲千載一時之

不冷堂遺集

卷二

九

遭逢也惟少辛苦則不得耳五弟辦厥人言比較上年爲佳但錫價低落卽大號猶多折閱小本不問可知萬應散如函寄去次姪自種牛痘後尤好養育並無須藥物之應用省屏眷屬均好並告慰

與南陔二弟書六

南陔二弟如晤接閱九月十八日手函知供差淪垣如常安善好事耐心靜候足見心境有進漸幾定靜之途喜慰十分兄近來旣得養息衰而少病其所以遲遲寄書者接前次函滿擬調濟或有遷移是以權不發信以候客跡消息非如上年之牽纏疾病也語云平安卽是

福滇中亦時和年豐寓眷清吉五弟辦厥無虧折屏眷順適均可告慰弟懷三弟來省數月本欲圖考保送嗣又籌及此次須先開教缺方准與考不如圖截選則毋庸開缺而可期進取是以保送未入場現尙猶豫截選之途未知究竟請咨否須一兩月方能定之省寓二十餘丁口家常日用及應酬人事一切月需五六千金又加以臘月初三日三姑孃干歸吉期辦理奩具任憑儉約亦需百餘金之譜歸還公所填欠王李兩君代挪干五百餘一項亦期迫燃眉議紳月俸已優僅敷家常日用一節對之王李兩君汗顏無旣賠嫁何論矣幸秋節

不冷堂遺集

卷二

三

間承署學憲郭公委兼省會女子師範職業兩學堂總理添薪四十金目前可資婚嫁事將來可以湊助下債台惟女學辦理在開創之初識力短絀辦無起色未免有負郭公差委悚惕於中樹五得差浙江堪爲喜慰建格丁表弟聞其由陝入楚行將回滇一次未知確否果爾則可訂阿喬偕姻期矣此復卽屬珍重起居

與南陔二弟書七

南陔二弟如晤月之初四日接閱手寄九月初四日函敝及八月內寄我及三弟姪兒等函均已接到與閱並分寄矣兄本年自春夏之交卽耳鳴不已及入秋後添

患秋燥夜瘧既不能不服涼散升散之劑而耳鳴愈甚神氣因之愈衰屢次辭差均蒙憲恩慰留勉以調養安心可數日一到公所兄遵奉夜則回寓晝則趨公今兩月餘矣幸同事及書記司事等均推誠相待兄於公事未致廢弛近日疾已漸瘥鳴耳依然未輟已成半聾之狀然細語不聞究亦無甚妨碍耳茲仍移入公所夙夜在公堪以告慰弟祝舒室風痛較之春季畧平惟是坐臥朝朝不能起行一步尚幸弟媳及三弟媳兩姪兒三姑孀左右扶持又朱女婿二姑孀外孫女輩均來省看視五弟亦來省慰我別離之情三弟有函敘及本月來

不冷堂遺集

卷一

三

省商量截選之途約可携眷來省寓大有手足相依之樂惟天涯遙望尚有一雁在錦江耳念念三姑孀于歸之期李親家擬訂於來年閏二月兄已照允但願其母疾日見其瘳便是有福大姪兒近日不肯勤學倘能改過實心尙可望於一朝之發憤然操之過切又恐百病叢生其慮慮更有出於意所不到者擬俟來年代之完姻事會與五弟商及回坪訂於丁親家未知能否照允至姻費之籌畫與三姑孀同一年內一嫁一娶姑置之在後議及也二姪兒乳已不用竟日跑走言笑一任其天機之快鬱疾亦甚少可望其易長易成此子聰性

處佳留意養蒙後來曾一枝競奇可喜可慰之至仕途得意不可盡聽諸天然人力之攜持根基還須求諸己也得一差盡一差之能事何患其快意事之不遭逢耶試思由苦得甘人力中卻有天意靜以待之此語最有道理兄旁觀此局卅餘年一切爲升爲沉爲榮爲落均默參消息於片念也惟時與機總需靜待人貴自立古人豈欺我哉滇中戒煙甚嚴業經奏縮期限拔鶯粟而種禾黍均已一律遵行現在上米每斗價二兩五六人歎合哺鼓腹吾坪亦豐年共慶矣告慰旅懷並念近社霜天珍衛爲要李耀翁喬梓爲兄請安致念

不冷堂遺集

卷二

三

與南陔二弟書八

南陔二弟如晤三月及閏二月手書均接到覽悉鄴都運差既經交到平安卽是福矣差竣可望調濟云云境遇豐亨此中須聽時命現在各省人員擁擠只要有差可當者均算仕途有機緣如我滇有旣分省而回籍者數員是皆求一差而不得之員也退一步想便覺眼前路寬吾弟望好心切勿躁急爲屬兄於二月初交卸學務會計改委議紳因自己精神漸衰曾經稟辭數次均未允准今春葉學憲升署藩憲郭觀察由善後局禁煙局總辦升署學憲此時應辦交代一次兄就此時辭差

葉公稔知兄實在疲乏因同郭公商准交卸即委副科
長丁君蘭卿接兄正科長事一切公項均經交代清白
差內統計開費不少尙堪自信核實上下均無異議惟
已面六年內共借用租款存項一千五百五十餘金亦
屬實在借用逐柱有賬可憑茲既應一切交代清款自
已無此力量因請展緩至本月初十日交代清訖其款
係親友厚意假集又由兄議紳面分三個月薪水內轉
足共集成亦千半有零之譜歸還租款項下存儲了却
公欠此款有關用款百數十萬金不肯苟且絲毫之據
兄卅年冷官於世全無裨益祇用款於斯爲最鉅亦用

不冷堂遺集 卷二

心於斯爲最小時艱興學他人之好義有捐金至千至
萬至百者兄則自顧貧乏既不能效擁厚貲者之慷慨
樂輸亦不願效耗公財者之相與侵蝕所以銷差之後
便是囊無一文幸蒙憲恩友誼續以議紳一差月薪六
十兩尙可哺我一家八口不慮嗷嗷所慮貸款暫假不
知如何歸還佳屋現租樂豐街入省會館公館寬展好
住三弟仍在任所檢選截取及保送等出身能行與否
尙在猶豫未定五弟客冬來省一次意在借款辦理礦
砂兄通融無法具與一函託付文兄嗣同僅代挪公項
千元作本數目甚少想亦難以濟事今越兄由廠到省

詢及本年廠中米價平和雨水調勻錫價亦漲廠務大
有興旺之機文兄旺尖有九把只要公處廠本可加運
全局鬆動五弟當亦潤及箇舊李明府淑圃晉省兄曾
叨陪晏飲一次此公治廠相宜和平通達可相信矣舒
室風痛較前爲減血氣亦覺較前衰微峻補之劑不能
撥飯食每餐一碗雖不能行尙覺其浮腫漸消手足均
可畧動祇起臥要人攙扶而語言聲音尙朗生機或可
延長三姑孀當在本年冬季李親家送其大二世兄赴
京肄業俟九十月間轉省方定喜事之期至阿喬喜事
曾函致五弟請大通知女家丁府回言女兒年齒尙幼

不冷堂遺集 卷二

未肯依允再三請之均不依允只好展至來年喬任近
日較前頗有轉機雖未赴學而在家時多疾亦陸續用
藥調治雖未痊愈亦可漸次復元兄不肯操之太切亦
防轉生他弊可慮尤是無涯安任喜笑言動都是活潑
夫機關眷平安順遂均望釋念一切本應爲弟送眷至
渝以慰岑寂但恐差未寬餘加以眷口之開費或薪有
未給轉以添客邊之累是以稽延歲月候弟來接有信
再爲料理起程又途中尤須安人照料酌定何人爲安
來函亦須敘及寄與照像二頁查收以慰別思時際暑
天望珍衛千萬留意

再者省寓家眷平安地方雨水調勻米炭價不貴屏簡
一律豐順均可釋懷大姑孀常盼我到任一游因多病
而怯於輪駛願殊難償袁塔邀請羣恩馳聘一高品封典
與兄及馳贈舒室話軸到浙先鈔寄龍章一紙並撰舒
室墓誌銘戚誼光輝感荷天恩寵錫二姑孀同住寓中
擬俟秋間請假回屏即便隨同到里三姑孀出閣後處
家亦甚和平李婿偕其兄等游學東洋刻間計已到滬
姑孀每月省視我一二次寓中殊不寂寞客中念兄一
切可以告慰屬令寄渝家鄉羊奶菜及各項食品俟有
便辦理此類土產須價無多但須五弟回屏時購製裝
本冷堂遺集卷二

收寄省方能妥貼否則原味一差寄遠不耐咀嚼也或
俟兄回屏料理尤宜

與南陔二弟書九

南陔二弟如晤前月十六日手書接閱一切在渝充差
運局外又兼警局文案公費添資並可練習公牘深爲
之慰今之做官者先要自己能辦公牘如申詳札諭一
併付之書吏之手則弊易叢生既經閱歷一番則閱覽
他人之公牘其辦事認真否從可知矣况警察之公事
在在皆治內機關渝郡人烟稠密之地辦警察尤爲要
著亦尤爲難著世界交通四來攘往之域無一人不是

警察稽查卽無一事不是警察責成間闕何以安奸究
何以化胥視警察之辦法文案司筆札文義有關於實
行事之鉅細重輕先須裁度一編下筆時貴顯貴透不
可掉以輕心事貴審端應天下之紛願常固有其端變
亦有其端應變卽在審端端甚微也端至早也總之文
案擬稿須有分寸如係鈔錄等則書寫之事只要校對
無訛而已充差閒散易於藏拙充差緊要易於見疵要
差則人人望充然實則要差充之不容易也在上者有
一難辦之事惟恐不得其人此等人求之不得何待人
來求之孔子謂不患莫己知求爲可知求諸己不必求
本冷堂遺集卷二

諸人終日汲汲皇皇以求人知者須到酬知之際方見
平日修持今時辦事之難固有非耄老所及見者惟爲
資而仕邀升斗不必擁倉箱儉以養廉勤以補拙最是
持身要語否則終身碌碌欲進不可欲退不能如兄之
庸愚可笑者計誠左矣來函謂意在得一實缺官無論
大小以得一實缺爲可安所望不差傾耳以聽消息三
弟須來年方可入省料理北上五弟來省月初已轉箇
兩弟困乏均望文兄提携當不致袖手也省寓均平順
如常舒室風痛未發三姑孀于歸之期原訂來春閏月
至今則仍有不定喬姪不好從學移於嗜好然幸其年

輕膽小只好緩以導之究當有改悔日賢不肖雖在於
天爲父兄者化導有責成斷不能以其一念之差而遂
舍置之斯慮求之過驟轉以致骨肉乖離現祇令其早
晚在家不准交接匪僻有朱婿在寓僅可聚首鬯談次
姪性聰體健行走自如有時偕外孫女輩來公所中省
視阿伯亦甚近便蓋省寓在樂豐街相距咫尺保抱有
人不須顧慮兄近日耳鳴心怔等症均已愈訖一併告
慰卽望起居珍重多用衛生丸並爲兄致候李耀翁喬
梓安好

與南陔二弟書十

不冷堂遺集 卷二

老

南陔二弟如晤六七兩月之杪接閱手書兩函欣悉弟
媳率喬安兩姪到任沿途清吉兩姪暑天行路畧有感
骨現在均占無藥念懷慰甚弟意欲遣喬姪回滇侍我
足徵友愛至篤惟姪多年離於左右卽令其多住任所
幾日情理固應如是三姑孀姻事論在家從父之義當
以守制之年爲是惟李親家屢次懇求初以吉期止有
八月二十四爲說嗣經屢次婉言兄親到渠府面議勉
許展緩至十月周年以後而來年旣云不允約當在冬
臘兩月內期未擇定俟擇定方知何日至八月一議兄
斷不能答應也如到冬臘月三弟當可回滇或五弟廩

務可脫身來省茲有鐵路之便往還較前便宜爲多此
事從權辦理客事一切均應極其簡省但婚嫁事不免
瑣煩如有爲之周旋在側者兄精神亦省便多矣滇中
雨水調勻地方安靜個舊礦尖較勝去年雖砂丁人增
幾倍而米價不昂廠地亦形歲有豐收之意文兄晉省
晤談是以語屬可信目前各省財賦枯窘滇中尤甚所
望礦廠與旺寶藏出於土俾可辦理各要政愁苦者悉
化爲權欣則幸福不第一二家也屏眷省寓均無恙鄧
外嫂處遣倉寶往告眷抵任所平安外嫂寓安均此釋
念此祝起居珍重勤慎從公關署清吉并念

不冷堂遺集 卷二

老

與南陔二弟書十一

南陔二弟如晤兄自上年十一月十六日遣嫁三姑孀
後時際天氣嚴寒喘咳眩暈等症相逼而來伏枕兼旬
公私俱廢直至本年燈節後始能勉強步行函寄遲遲
職是之故江天懸念不知何如倉矐於喜期前三日吉
抵滇坦助我恰到好處慰我可不待言其隨丁謝貴及
長班等均一路平安到寓僅算給下脚大龍十二元沿
途尙見小心可抒遠慮客臘初二日收到同慶豐滙來
票平銀一百四十一兩八錢曾具收条寄去想望早日
交到梓潼署矣其銀換作龍元以一百元交給倉矐歸

還孫姓借款本息照約還訖歸還之日並命邀請鄧親
母及陳四姐到寓款待便午當同交還借項取回借約
茲將借約寄與查閱其餘龍元一併開發喜事不敷之
數又臆底收到郵局寄來奩件一單照單收訖遣謝貴
賈送並命倉曜親到李館致意李親家敘明川中不知
喜期局遲遲延之由各奩件已照付三姑孀謹領訖郵
局收據印章想亦寄驗到梓潼署矣兄每念弟及弟媳
篤念兄長厚愛姪女輩之意靡不遠道思馳惟弟數載
艱難甫得一差調濟如此許多花費轉令我不能不進
一言兄想六計以廣儲蓄本惟儉可以養廉時局至今尤

不冷堂遺集

卷二

五

當取以爲鑑如兄計算失於當初以至債累生平暮年
苦無退步非不知以退爲上策也既不能有裨於鄉國
復不能酬報於親友自愧何如所幸弟及三五弟年力
尙強可爲兄一彌補其力所不能到是固可念之而暢
然者也至儉之一字固是居官上訣但行政臨民精神
極爲緊要弟氣體素非強健衛生藥物一切宜留心購
備服用之斷不可因儉而並汰裁之爲要三弟客夏赴
都應試截取到京時適值蓬仙由東省赴引勸其購改
獎款捐足雙單月選可望試用知縣一班並慨然許以
假助千金爲電致文兄求假款千元承蓬仙文兄厚意

滿擬由捐辦理但辦捐上充必須開卻教缺因請咨日
未曾開卻教缺又不能如前例取同鄉官結赴部呈請
遂電兄由滇呈請計由司而院詳咨自應月餘方能到
部乃詳咨後先行電知開缺已咨三弟此時款已轉售
與人而教缺業經開除矣進上均費躊躇之至嗣於客
臘接三弟函敘及弟應截取試幸列一等第十一名十
一月初十日帶領引見奉上諭著以知縣用十二月初
十日籤掣四川初十日驗放十六日可領憑等云兄病
中喜極煩覺輕減幾分蓋此次截取好在同應試者較
集十餘人正在三弟爲難之際尤好在不須入捐途省

不冷堂遺集

卷二

五

費亦多多矣函又敘及擬先到東省一行已寄信與蓬
仙商酌俟接彼信即可定奪二哥處請兄先寄一信報
知聞近來兄弟同省不須迴避等云兄悉三弟用以知
縣因是喜中一層又喜與弟同省一層尤爲難得手足
同官一省會晤易得於他鄉不致有離羣索居之感也
此中承蒙皇恩先德喜慶闔家五弟近由屏中寄函報
到上年本雖不敷礦尖卻有發達之意袁堦請假回籍
省親於十一月二十日來省晤我住省五日仍乘汽車
輪船還浙隨接函報十二月初六日清吉到浙初十日
向任眷口均好知念并及弟媳及次姪到川已久水土

想已服習平安即望起居珍重爲要

與叔宣三弟書

叔宣三弟如晤五月初九日接閱四月十九日手書敘及弟由京起程及到省日期恰是一月沿途平安十八日行抵省城十九日稟到兄自三月發京函後未接弟函方以曾否起程有無川資爲慮適郵局送到川函喜慰十分卽二弟寄我之函懸望弟之到省並囑我催弟起程思望較我尤切弟兄同省凡事較爲便宜二弟先兩年到省風土人情閱歷既多一切自是嫻習手足關愛固不待言川省人員擁擠較他省得差尤難兄意趁

本冷堂遺集卷二

三

此調養一時留心考察各事一旦得差便覺開場出色俸薪雖薄辦事總宜認真時局正需人材果能委一差不負一差後來進步之高端在始基之勤慎做官脚踏實地風塵自有賞音至其遭遇遲早聽之最爲秘訣旅費或之我曾函囑二弟勻寄大女望我游任因病多怯於輪馳一時願未克償樹五壻因逢覃恩賜封二品封典給我並馳贈舒室夫人誥軸到浙先抄錄龍章寄滇並撰舒室墓誌一篇以伸半子之誼寵榮叨荷自應報告欣聞惟戀棧素餐人雖容我其如對人慚愧何川中名山夙慕擬將來揚帆南海游西湖而赴東魯更覽巴

峽義眉錦江之勝遊我潤蒼築茅數椽與鄉父老共興盤農實業以教子弟而服先疇未知能遂此志否弟與二弟不負初心應振發精神報効朝廷選取致用之意竭誠從事務望上事長官下益百姓時勢雖艱操持尤要毋以家計而紛擾寸衷也滇中雨水調勻糶米價平勿念此祝起居珍重五月十二日寄於省寓

與朱越宣書

越宣親家夫人青鑒瞬又節近中天伏念姑母姻太夫天大事告終阡表已畢吾兄孝思純篤自無窮期惟茲時局艱危太夫人報國矢忱深明大義靈在天當不亡

本冷堂遺集卷二

三

生斯世者宜有以警覺之維持之而弟不妨其進一言也提學憲葉公到任後以前總理薦仍委弟充學務公所會計課長一差接手無人現已移入學署新任整頓一切倍形駑鈍然尙存一息那便敢偷安耶葉憲改設六課章程舉用課長副課長外更舉議員四人卽陳君善儀李君文山吳君石生陳君和亭文兄不能住省欲舉兄以代而未發也承憲問及大有藉重之意特未將分位指明聽其言而熟察之非文兄舉以代之一職也名流推重要必品邁尋常現在時固需材合道德以求之卽歐洲各國不概見合格之士如果知音者遇弟不

但為弟幸當為滇幸學校之得人矣文兄在省尙望東裝即日或與和亭同路晉省一晤朋儔萬一不能同行亦候鈞音允其踐約為禱興學機關甚大一切求顯榮圖衣食等私意均非所期冀於吾兄此際上峯留意人材可為滇中學界一賀而函布達敬候禮席統維心照
不宣

稟各憲

憲台閣前敬稟者卑職等竊查滇省自咸同事平後舉行庚午帶戊午二科文光映井鬼之墟兵氣銷苴蘭之野惟時講藝者投戈伊始安民者勸士為先各大憲憫

不冷堂遺集

卷二

三

應試者之匱乏川資也乃當棘闈之前舉行決科課試合三迤英髦而甄別之廣籌膏火添增超特而更擇尤加獎焉卅年前修文偃武之風謳頌當時至今傳為盛事蓋開科荷國恩舉則徧舉決科邀憲恩行非常行矣本年庚子正科恭逢皇上三旬萬壽慶典特開恩科一次滇士奔走倍來跋涉自林巒之表觀光有志風雲會金碧之鄉此科人數甚於往科良由栽培深則奮興者遠昇平久則鼓舞者多彬彬雅雅之儔較之庚午科有加倍者所慮年荒米貴貧寒之士得無有乏應試資乎向例每逢鄉試之年各書院停課兩月合無仰懇憲恩

准照庚午決科事例定期七月初旬舉行決科課試一
次藉可覘多士之學業卽以贍多士之筆資俾寒士歡
顏沾感鴻慈無既矣如蒙允准卑職等請再繳呈決科
事宜一單除稟撫學憲暨布政司鹽法道外理合稟請
憲台銜核批示飭遵為此肅稟敬叩鈞安伏乞慈鑒
不宣

稟學憲

敬稟者竊卑職榆邑冷官叨荷憲恩委辦高等學堂收
發事自問出入權算平昔未精惟現在時局艱難朝廷
與學舉職半生食俸每愧素餐具非草非木之心效一
犬一馬之力兩年來戰兢惕厲矢懷慎慎書記躬親巧

不冷堂遺集

卷二

三

少過多為學校而理財任重不敢心輕書吏共此矢忱
藉以上答憲眷茲幸甘棠廣被上年支發報清自顧稟
賦非強耳鳴心忡等症時發時止倘再戀棧不已勢必
貽誤在公不得不叩乞憲台賞假數月准其遴員接管
收支俾交卸之後出堂調養諸疾一俟體氣稍好仍應
赴轅銷假充差以盡始終報効之意所有奉辦收支稟
求交卸下情理合繕稟恭候批示飭遵肅稟敬叩鈞安
伏乞垂鑒

移呈貢縣

為移請轉交抵捐銀兩並請移復事敝學竊查前貴同

齋葉君身後蕭條良深可憫有做同鄉袁樹五孝廉稟
蒙學憲會商藩憲准將其本年十一月所捐教職本班
先花樣抵捐他款領回原捐之款以示體恤並蒙飭令
做學憲為料理呈繳實收行知後適有捐生朱瀚報捐
即以抵銷此款茲當由葉君之子葉成具結領到前兌
正款及部領解費局費公費等項實銀共二百一兩六
錢三分稟明學藩憲原封專丁齎呈請煩貴學查照當
同葉君家屬交付葉君之子查收即令繕具收字一張
並請賜文移復以憑呈驗又查捐案發有庫收一張並
奉憲命移請取到一併移還以便繳局銷案禱切盼切
不冷堂遺集 卷二

須至移者

清誥授奉政大夫孫君墓誌銘

君諱汝彬字質卿雲南首郡首邑人也君少孤唯母與
兩弟是依艱難籌生計耳咸同間天下多事君年始弱
冠兵燹遍三迤而省會尤觀其彫傷當是時考試俱停
斯文愈困矣君乃學為治事其性情也爽達故其筆札
也靈通雖倉猝中無修飾所言動中機宜焉嗣乃投劾
岑勤勤公營克復迤東及各州縣摺內保獎直隸州同
同知銜蓋上臺嘉許之望其為出岫雲君亦願一試及
時雨也張太宜人訓之曰為民之父母良不易何如處

父母之邦為太平之民常依吾左右吾則喜君唯唯以
此意達岑公公愈重之初岑公秉藩篆專治兵未遑察
吏至是軍務稍定凱旋敘官方司吏乏員惟君勝任授
此職由是代耕有祿豈但上慰親心哉體柏廬以治家
習於是乎在噫世有幹濟如君者何微員未吏之是甘
即甘之矣又安能自侍庭幃以及周族黨惠朋傳令人
欣慕敬服之若是是何妨以高官顯爵擬之且高官顯
爵不得而擬之也君顯揚贈奉政大夫者祖父諱發魁
交諱煥贈宜大者祖母氏唐母氏張光緒二十八年二
月初六日君以疾卒於家享年五十有七元配李宜人
不冷堂遺集 卷二

生子三日瑋邑廩生選經正書院高材候選訓導十年

卒日瑋邑優行增生曰瑜早殤女四繼配普宜人生子

二曰珣幼讀日璟早殤本年六月初二日葬君於省城

北門外之李家山其子瑋以君與余二十餘年交誼銘

應屬余銘曰

世傳伯樂冀北羣空相馬相士孫氏術工相馬何貴與

人成功相士何貴治民用中僭轍弗取戀機何庸驥良

稱德偷龍可通雙駒汗血千里追風佳城鬱鬱金碧翠

隆

不冷堂遺集卷三

聯

石屏張舜琴榜軒畫

借寓八省會館題大門春聯

天重一家真一室

浮生若夢成若賓

題二門聯

五華螺翠添三徑

八省鸞樓借一枝

嫁女

不冷堂遺集卷三

教子須當為長子

有家還望汝宜家

為人擬史方伯升任粵撫七夕前五日壽聯二付

節授日邊輝增翼軫

籌添雲錦慶溢葭葦

桂嶺喬遷蛻旌香遠

松林蘿施鶴算綿延

為樹五撰賀其房師陳大令命冠

春草春花迎淑氣

佳兒佳婦奉文星

旭日冰開華並五

天邱星聚璧成雙

鳳兆吉占簪纓五世

鯉庭詩教琴瑟首篇

賀彭雲卿之子合登

製錦水鴻花簪杏苑

延齡式燕蒂並菊畦

輓宗叔倬翁

哲嗣夫木天清選光輝者吾族乎方共思羅珍鼎享期

願到花萼聯芳百忍堂中綿鶴算

不冷堂遺集卷三

同時稱陸地神仙夔鑠哉是翁也良足慰生不辰情猶

幸胡吳蒼遺老者英社又報鸞騰

輓元室舒氏

隨冷宦二十年姊妹相親人言無間

返故鄉三百里湖山依舊我愧遲來

輓側室李氏

死在老夫前惜烈性剛腸不能邀百世馨香九重旌表

慘深大事後念多方延嗣每痛哭雙親誥誡一紙家書

琴初娶石屏舒氏生子不育奉親命再娶昭通李氏為

妾時光緒十七年辛卯琴年四十六氏甫十九歲生於

同治十二年癸酉二月初九日辰刻冰人為昆明訓導

任向齋楊月舫氏襄勞大婦治家事頗知勤儉惟性情

激烈而好高平日以不能為琴早延嗣為憾泊光緒
二十年甲午三月廿四夜侯更闌人睡潛服毒自盡及
來曉始知之而終莫測其故琴反復思之而滋戚矣嗚
呼國恩浩蕩榮封豈逮於斯人家道衰昌血食難虛其
祀事是日棺殮畢厝於省北城外梳裝台後面麥地田
下鑄立片石高君琴瞻所題也越六日琴偕蘇君義菴
女婿袁樹五詣墓前一焚楮焉念氏以琴無子而來歸
又以琴無子而竟逝歿於琴事琴將何以為情乎因祝
之日如琴終有子當扶汝柩以所葬於屏琴夫婦百年
後當予之以木主一位以配享琴夫婦之傍所願靈魂
默佑乎將來怨恨胥消於地下則為琴之似續者宜體
琴之心以期毋負琴忠厚待人之意光緒二十年甲午
四月初六日誠於
省垣經正書院

為側室李氏追薦

未免有情漫把禪心沾柳絮

不能無過合當稽首向蓮臺

不冷堂遺集 卷三

三

哭兩亡兒

十餘年冷宦作家一索得男再索得男喜報到高堂不

羨他祿享萬鍾官居極品

三百日殤亡相繼大為新鬼小為新鬼傷心是何處正

當此桃都成實槐又開花

戊戌奉調由太和回省題經正書院監院二門

自古神龍居傍此

有時野鶴去還來

往盛追蓮華精舍

春風到桃李公門

壽王制軍

寅亮謙尊星映天邊南極

甲周復始日長閏後陽春

州前舖玉光齋華嚴會

日繞龍鱗雲移雉尾

春回三島花放諸天

題高等學堂收支處春聯

收藏十萬金所寶惟賢不惜揮之如土

支吾二三子生財有道何妨積而成山

自挽

不冷堂遺集 卷三

四

慚對君親師幸留此白髮數莖為廣文先生寫照

傷心今後誰禁我青山一臥任造化小兒安排

不冷堂遺集卷四

附錄

清史忠義傳稿

張舜琴字竹軒雲南石屏人光緒二年舉於鄉官昆明訓導十八年調太和訓導升順甯教授舜琴孝友能文章從事滇中教育垂四十年愛士最厚而監理特嚴當新舊學相爭之日舜琴調停其間卒能與學校核學費礪廉罔學政高釗中張建勳先後薦其才賞內閣中書銜大計卓異仍以教職用教職世稱冷官舜琴顧重視

不冷堂遺集卷四

二

之以不冷名其堂友朋會文門弟子執經問字以千百計管理女學尤兢兢以禮教為重宣統三年九月雲南變起迫舜琴仍舊職舜琴從容仰藥卒年六十六卒之日自輓語曰慙對君親師幸留此白髮數莖為廣文先生寫照傷心前今後誰禁我青山一臥任造化小兒安排時人傳誦之以為廣文之官自唐而始與清而終舜琴殉清並結廣文之局蓋千餘年一人云著有不冷堂詩集一卷文一卷聯一卷

張教授傳由辛亥殉難記鈔入

仁和吳慶堃子修

君諱舜琴字竹軒雲南石屏州人光緒二年舉人四應

禮部試不得志選昆明縣學訓導調太和擢順甯府學教授提學使葉爾愷調充學務議紳兼會計課課長省城亂作君大慟曰際此亂世吾輩又何生為遂仰藥死宣統三年九月十六日也在昆明十八年課士嚴明敦尚名節士無不敬張先生者監育才經正兩書院兼女子師範校長滇士樸僮甲午後稍稍習新圖書鄉人或詫怪君誘掖獎進之而整齊學規一準乎禮律已嚴一取予一嘆笑不苟也邦人無新舊皆翕服外國教習亦僉曰張君正人事繼母孝迎養昆明學舍榜其堂曰不冷嘗助許君五塘刻滇詩重尤集多蒐采遺佚分修雲

不冷堂遺集卷四

二

南通志以直筆忤當事意謝去大吏疏薦請以知縣用部吏索賕君不予乃仍留教職自是遂絕意進取云君卒之歲年六十有五有子二前卒以弟之子倉曜嗣舊史氏曰明桂王之亡也昆明諸生薛大觀死節時大臣親臣多不死獨一秀才死論者難之君冷官耳明大義為滇人光視大觀無媿色焉袁樹圃嘉穀曰自唐設廣文官千餘年以君為結局惟君重廣文廣文亦遂以君重諒哉斯言

別傳

呈貢秦光玉 璞安

石屏張竹軒先生殉節後十二年其嗣子雲曜屬光玉

為文表揚先德光玉竊維先生大節清史稿已編人忠義傳耿耿丹忱煌煌青史可以傳矣先生之道德之功業之文章讀陳虛齋師所作墓表袁君樹五所撰墓銘亦可以不朽矣尚何俟光玉之贅言哉雖然光玉執贊門下受教於先生者最深而服務教育機關與先生晨夕相處者亦最久覺嘉言懿行尚有為忠義傳與墓表墓銘所未及者謹就見聞所得別為之傳夫先生固當時所稱為溫溫君子通權達變者也而不知柔中有剛通中有介不畏彊禦其節操有足法者方雲南學務處成立先生職司會計有同寅某君者所弛之士也其傲

不冷堂遺集 卷四 三

慢恣肆不可一世之概同人皆下之先生不為之屈一日某君與先生議事出言不協先生輒面斥之不少假借某君卒不能抗遂巡而去先生之不畏彊禦此一事也又雲南設學務公所先生任會計科長有同寮某科長當道之親屬也以為既有所挾用財可以任意一日向先生籌款先生與之抗辯厲色嚴聲無所顧忌某科長亦無如之何先生之不畏彊禦此又一事也至於好學不倦人所難能先生任會計科長時行年六十有奇矣公餘之暇常取圖書雜誌閱之用以擴見聞拓知識其老而好學如此此皆先生之行之可傳者也先生嘗

與光玉言曰凡初任事勿輕發須多調查多研究然後舉直錯枉而不失人與利除弊而不僨事否則鮮不敗者又曰凡處務必先審端若端不審冒昧從事則星星之火可以燎原濫觴之水可以滔天即使竭力補救所傷實多此又先生之言之可傳者也嗟乎自先生下世忽忽十餘年矣回首師門僅得於十百之中畧述一二已捫心而呼負負若並此一二者而亦使之湮沒不傳無以垂範於後世則負疚尤深故就光玉見聞所及據實書之聊以補忠義傳墓表墓銘之闕俾後之君子有所考焉

不冷堂遺集 卷四 四

贊曰光玉從先生游二十餘年見先生於稠人之中或閒居獨處之際皆正襟危坐舉止不苟何其敬也然惟敬而後精神凝結胸有定力先生之學蓋植基於此矣嗚呼此先生所以有不朽之道德之功業之文章歟此先生所以有舍生取義殉清之大節歟

墓表 昆明 陳榮昌 小圃

宣統三年辛亥國變吾滇改革以九月九日既聞剪髮令執義不從賦輓聯見志從容仰藥以殉者石屏張竹軒先生一人而已先生諱舜琴竹軒其字也始祖諱崇然者明初從沐國公入滇家於石屏之西鄉白倉寨世

業耕讀閱五百餘年矣曾祖天扶祖顯承父誌紳有五
丈夫子長卽先生先生性孝友與人交和而介幼遭兵
燹學不輟同治庚午入庠次年食廩餼光緒丙子舉於
鄉四上春光不第授昆明縣訓導勤於課士榮昌以己
卯得優貢先生所舉也先生任昆明訓導凡十八年後
調太和縣訓導升順甯府教授其學行數爲當道所重
士林所服故外任不月輒調省充育材五華經正各書
院監院學務公所議紳女子師範校長朝廷旣變法改
書院爲學堂增學舍遺游學購儀器圖書歲出入數十
萬金倚先生爲會計絲毫無所苟先生嘗與我言士大

不冷堂遺集

卷四

五

夫平日學問品行無大愆尤若端正可信一與之臨財
其不污染敗潰者十百之中曾無一二義利之界不嚴
世道人心所由壞也嗚呼先生之言行如此其能臨大
節而不奪豈非素履夙積使然哉先生篤於師友元謀
令傳正青者先生房師也自縣如省中途爲匪首黃二
布客所誤戕匪勢方熾先生請於大吏自募數十人率
以往卒收其骸返省匪亦義之無或阻者又嘗薦友人
段立齋精輿圖從勘西南界務以瘴疫段無子先生爲
歸其榷又卹其妻女使無失所先生有幹濟才學使者
保獎五品銜內閣中書督撫復以知縣薦旣入京引見

部吏索賄弗與遂以教職終其在昆明訓導任署其堂
曰不冷謂自唐以廣文爲冷官而已則奉親會友訓士
日不暇給何冷之有學制旣改教職亦廢及先生殉國
邦人士於舊學署豎石曰張廣文不冷堂遺址蓋以志
盛德不能忘云先生生於光緒丙午年九月二日死於
宣統辛亥年九月十六日春秋六十有六配舒氏先二
年卒三人長適袁嘉穀旣貴以二品封典賜封先生
資政大夫次適朱某次適李其無子以姪雲曜嗣先生
之弟舜韶旣歸葬先生於石屏西鄉白倉山祖塋越十
二年癸亥乞文表墓榮昌旣受先生知又主講經正書

不冷堂遺集

卷四

六

院及改辦學堂與先生共事最久義不宜辭爲述其梗
概以昭示來許嗚呼榮昌自國變歸來不得見先生距
自今閉門却掃守硜硜之志以待斃者正欲留面目他
日見先生地下也先生有知其鑿斯言門下士昆明陳
榮昌敬撰并書於翠湖舊廬之課經樓

墓銘

石屏

袁嘉穀 樹園

先生石屏張氏名舜琴竹軒其號也身長八尺穎異過
人工文與書舉丙子孝廉四上春官屢薦不售官昆明
縣訓導課庠生文嚴明而愷惻尤敦品節連任十八年
昆明人士無不稱張師而尊之敬之者轉太和縣訓導

順甯府教授所至昌文教訪文獻當道聘修雲南志直
筆弗爲當道喜辭之管敬節堂現必肅行必公禮必敬
羣發頌服歷充育材經正各書院監院學務公所議紳
兼女子師範校長滇中風氣閉塞甲午以還始稍稍習
新圖書而鄉人或目爲怪異先生監書院獨扶掖而獎
進之調停摺紳輯和同學無偏無黨毅然一出於正寡
言笑嚴取予保古風愛士子恤寒賤增學舍遣游學購
儀器士論翕然無智愚無遠者無新舊無毀者無大小
無慢者無上下無疑者甚至外國教習亦奉先生爲正
人君子而師之雖謂三十年滇中教育之任皆先生荷

不冷堂遺集

卷四

七

之可也先生性至孝事繼母尤謹迎養昆明學署榜其
堂曰不冷自跋謂少陵詩曰廣文先生官獨冷余以奉
親故寮友日集何冷之有其胸次如此癸巳春太翁病
於家先生聞之並日馳歸而病旋愈友愛諸弟循循雍
雍棣華科第一時稱盛配舒夫人有賢德生子二皆早
卒生三文長適余次適朱君元生次適李君文堯妾李
孺人無出以弟之子念羅嗣先生幼勉學壯而老皆寒
素風大吏薦之朝以知縣用部吏索賄先生不之許引
見後仍用教職遂絕意仕進然保薦先生升知縣升內
閣中書者一再不已矣武昌事起滇中應之先生從容

仰藥卒時辛亥九月十六日也春秋六十有六明之亡
也滇人薛大觀以秀才殉明明史列之忠義傳讀史者
咸驚異以爲大臣不死親臣不死尙僅僅一秀才死先
生廣文耳世多輕其官鼎革之際蓋無一責先生以死
者而先生竟死視大觀之忠義殆無愧色自唐設廣文
以來迄清中葉官卑而職簡往往爭贊儀瀆職守廣文
遂爲世譏笑清既亡官亦俱亡幸有先生結千年廣文
之局惟先生重廣文故廣文亦以先生重是又不僅爲
一時一鄉增重者矣卒之日自輓語曰慚對君親師尙
留此白髮數莖爲廣文先生寫照傷心前今後誰禁我

不冷堂遺集

卷四

八

青山一臥任造化小兒安排旋歸葬石屏白蒼山離舒
夫人墓數十武著有不冷堂遺集二卷制藝一卷聯一
卷銘曰

死其心死其官一千年一廣文揭二十五史忠義之傳
表於其阡上亘三光下昭九原

行述

張舜笙

公諱舜琴字竹軒姓張氏滇之石屏人也張氏譜牒毀
於兵燹徵諸墓石初祖諱大緒公從明沐國公入滇遂
家於屏之西鄉白倉山寨世以耕讀爲業忠厚傳家積
累五百餘年傳至公會祖諱天扶處士公祖贈文林郎

諱顯承生奉政大夫誌紳公是爲公父公生而純篤好學幼年遭兵燹造次必於是而於聖賢立身處世之要往往身體而力行之平生無詭語與人交和而介發爲文章言中有物鄉先輩早有以覘其器識焉同治庚午大邑庠次年食廩光緒丙子舉於鄉授昆明縣訓導公日砥礪廉隅誘掖後進吾責也先行其言而後從之及門之士心悅誠服朝夕漸摩受益在語言文字之外一時聞風興起者父教其子兄勉其弟往往稱道公之嘉言懿行以爲師法蓋不徒以習舉業掇巍科爲公門桃李之盛而爭相效慕也唐莪生中丞薦公卓異得旨加

不冷堂遺集

卷四

九

級候陞譚中丞敘初張督學李端高督學勉之先後文章推薦屢奉特旨賞內閣中書五品銜行取引見仍回任候陞公在教職任內歷任督撫大吏率以優禮相待公思有以答其意因念滇處邊隅求通材難宜更有以提倡之乃謀諸陳崑山方伯商請上臺創建經正書院落成廣儲經史子集暨各國有用之書供人研究延聘名宿主講以宏造就公始終其事一秉規程與諸生相切劘不數年間人才輩出袁樹五京卿以經濟特元大魁天下餘登甲科入詞林者不勝縷指而實學尤蒸蒸日上公益勵精神力求進步適值朝廷變法改書院爲

學堂移公經理財用時方繕造無經可守公悉心擘畫防微杜漸當用則不惜其多當儉則不病其少各學堂以次成立百端待理事無大小人無上下惟公咨度此無他清白乃心勤慎迺職有以信之於平日矣癸巳公丁艱開缺服闋選太和縣訓導到任未逾年上臺電調來省辦事旋陞順甯府教授仍檄令在省供職兼辦學務公所課長暨女子師範學校總理各事宜統辛亥九月滇中革命風行變起倉卒新政界檄公任事諷公剪髮公自撰輓詞一聯云慙對君親師幸留此白髮數莖爲廣文先生寫照傷心前今後誰禁我青山一臥任造化

不冷堂遺集

卷四

十

小兒安排撰畢親書一帖使人分送黃香圃陳敬甫兩先生處遂仰藥而臥兩先生見輓詞驚訝趨來看視藥性已發灌救逾時而卒時宣統三年九月十六日也卒時諸弟在外僅嗣子雲曜侍側年尚幼公平素不名一錢光景蕭條親友爲具衣衾棺木以殮是年十二月扶柩歸葬於屏之白倉祖塋發殯之日各界各男女學生送殯者千數百人道傍婦孺莫不欲歔流涕云公生平事親以孝聞尤得繼慈歡心鄰里鄉黨親見其事時述一二以爲美談事上以辦公勤慎爲心無事不輕干謁一紙公文不肯輕易放過崑山陳方伯常語人曰吾與

竹軒共事卅餘年未見其小有過差蓋事實也待諸弟以友愛舜笙隨任讀書二十歲猶同榻臥舜鏞舜球舜韶歡然共處人不知爲異母弟也諸弟常外出家眷留省公照料不改常度至今家人婦女聚語及公盛德弟媳輩往往聲淚俱下四川名進士傅芝青先生公之房師也爲元謀令因公出境中道爲黃二布客匪黨所誤賊匪難未已喪不得歸師弟輩無可如何公請於大吏募敢死士數十人率之往迎柩歸匪知公義無與爲難者卒致喪於省另備棺殮歸葬西蜀友人段立齋奉督憲命覆勘西南邊界染瘴身歿得信之夕公獨坐燈黯

不冷堂遺集

卷四

三

髮豐少頃信至蓋相交以心靈魂與信俱來也立齋無子僅弱妻幼女公爲之經營後事存歿得所人有以事相託相求相商者必得其事之實際竭誠以告之事成已不以爲德不成人亦無所怨凡可以錢物應命者雖典質欣然與之負債累累人不責償詰朝無米不受非義之財與子弟書但責其循分守己不問其生財幾何安而行之不欲勿施之道已陳小園先生不輕許與人游泮時以師禮事公自貴至老致敬盡禮終身不改噫公之見重於人也類如此其以身殉國難也非好名也行其心之所安而已矣公生於道光丙午享年六十六

歲配徐氏先公二年卒生三子三女三子未成立皆先長女適袁樹五京卿以一品封典封於公次女適朱越宜孝廉之長公子三女適李盡臣觀察之三公子卒無子以胞弟舜笙之子倉曜爲嗣公詩文早膾炙人口然不以爲重得輒棄去散在親友間俟集梓之以見一斑云爾

傳贊

劍川趙藩樾村

際時之變行心所安天荒地老骨重神寒知交卅年大節千古秋菊寒泉薦君無吐

遺像贊

並序 陳榮昌

不冷堂遺集

卷四

三

宣統辛亥秋八月武漢軍興號曰起義滇軍響應以九月九日號曰反正又曰光復越數日下削髮令石屏張竹軒先生遂仰藥以死嗚呼陵谷之變正士君子成仁取義之時也死固其所而人之議者有異辭焉或曰排滿而復漢與齊襄復仇之義合人情之所同也何必死或曰易專制爲共和無事二姓之嫌雖出仕可也何必死或曰清帝雖退位而皇室無恙天祿未終君存與存亦義之宜也何必死持是說者萬口一辭順風而呼其聲滿天下賁育爲之奪氣蘇張爲之咋舌更無有攘臂爭是非搖唇論曲直者矣先生獨辨於心定於志決然

出於一死且為楹韻自輒以示捐軀之意嗚呼此其死
豈清濁之諒輕於鴻毛者可同日語哉孔子曰知我者
其天乎韓子曰信道篤而自知明者也吾於先生亦云
李君者先生之姪姪也以先生遺像及其自書輓聯裝
為一册以示余余因得而記之先生諱舜琴丙子舉人
光緒初任昆明訓導予時為博士弟子員常師事焉其
為人有清操取與一介不苟蓋養氣有素非取辦臨時
者贊曰

葵乎藿乎傾太陽松乎柏乎傲嚴霜躍冶干將愈日不
解君子知方人百余臧瞻公遺像髮短心長讀公輓歌
不冷堂遺集卷四

聲抑氣揚踴躍涼涼孤士無雙地老天荒斯人不亡

遺像題辭

陳榮昌

莫道邊荒蟻蝨臣心肝鐵石胆輪困數莖白髮有生氣
革命後先生不一顆金丹不壞身殘菊遇霜撐傲骨老
剪髮仰藥死

黃守義

冷官何事與興亡不放人間一擔當振筆疾書從此絕
引吭仰藥共誰嘗髮埋地下三千丈淚落天邊一萬行
結龍天招無限感昔年我亦列門牆

昆明王 滢 蘭洲

冷官無計救時艱獨坐淒然老淚潛毀譽由人身不顧
死生為國去難攀那無木石填滄海自有毫毛重泰山
一曲輓歌傳道路不知曾汗幾人顏

昆明王 滢 澄波

向道區區博士今為落落忠臣不忍三綱敗壞甯隨九
鼎沉淪

蒸哉一髮千鈞維繫人心世道儘教懦立頑廉不怕天
荒地老

李文晶 燭六

能捐軀命同龔勝那無權辭比薛方時傑競奔新世界
不冷堂遺集卷四

南

老儒不改舊冠裳幾莖白髮如飛雪九日黃花獨傲霜
埋骨青山懷抱盡忠魂應化薔薇香

昆明 陳貽孫 翼叔

竟夕烽烟暗斗牛熱腸氣焰霎時收冷官恰似霜天鶴
立向雞羣出一頭

留得枯容未死身衣冠猶是舊王臣一棺歸葬龍湖畔
杜宇年年泣暮春

晚節猶能傲雪霜成名堪配薛公堂招魂正在重陽後
折取黃花酌一觴

龍湖大會梵王宮多少頭陀幻夢中惟有先生真相在

三千白髮怨西風

予既為竹軒先生作記因命從遊諸子賦詩共得八首為書於冊以志後生景仰之意歲在甲寅中秋後九日榮昌又識於明夷河村舍之石南書屋

昆明 蔣壽曾

人生百齡死孰逃死判泰山與鴻毛自古殉國多英豪亮節清風高復高有明曾傳薛爾望舉室合瘞龍潭傍赫赫盛名青史揚至今骨並梅花香昆池司鐸石屏叟抗心追步薛公後辛亥之秋九月九西風振蕩撼牛斗我公自輓壯且悲三十八字真淋漓披瀝肝胆情見詞

不冷堂遺集 卷四

七

天經地義今在茲吁嗟平屈子懷沙葬魚腹大招招魂不忍讀文山正氣尤勃鬱直以長歌當痛哭公之意氣洵可方矯矯大節凌首陽神寒骨峭鬚眉蒼能令碧雞金馬亘古生輝光

昆明 周荃 楚香

衣冠寂寞江山改南北軍聲響應初豈謂便履陳敏節幡然更愧華譚書碧梧鳳志秋江冷綠綺琴銷夜月虛采采菊花奠卮酒重陽風雨更愁予

玉屏山下氣葱葱高塚青青野水東林暗竹雞泣暮雨夜深石馬戰秋風桓桓英爽今猶在落落襟懷誰與同

賴有知音袁太史穹碑重表故山中

先生早歲負英名八表同昏已獨清大義昭昭光日月休聲烈烈照丹青冷官從著千秋姓片名曾鏤五字銘重向巖宮一回首神鳥泣處落天星

典午諸公久陸沉廣文一死重千金名垂清史忠臣傳義重南京烈士心鯨騎碧波江月冷鶴歸華表暮雲深扁舟我向龍湖去憑弔忠魂淚滿襟

李文鑫 子鑄

真魂逝何處金碧空巍我蕩蕩龍湖水秋風感慨多黃花香晚節松柏挺霜柯淋漓絕命筆嗚咽自輓歌殺身

不冷堂遺集 卷四

七

無難色取義何番番髮骨還天地衣冠愧猿鬣壯志撼山川大節懸星河廣文一千載性公譬軸阿談經絳帳裡我亦時相過遠別甫經歲何料起天魔風雲忽異相溥海欣共和羣羣議集賁育氣為劇先生信道篤萬象胸中羅精靈旦日月千古不須磨焚香禮遺像髮膚慨蹉跎澆地三杯酒難禁淚滂沱

遺集書後

昆明 郝嘉增 明齋

吾師此志不可奪凡事行心之所安畢竟廣文官不冷從知殉節古來難孤忠遺繼文丞相一死直同薛大觀白髮數莖遺像在輓章讀罷淚頻彈

丁鶴年

呼天一意自孤行氣節文章與命爭慨世疇能希信國
悲滇公又繼薛生採將忠蹟補清史剩有遺篇當哭聲
楚些尙存師表在於今幽怨共難平

遺墨跋

趙藩

宣統三年辛亥秋革命軍起未百日而帝遜位民國肇
建自古天下之亡未有促於此者其天命耶抑亦人事
使然耶方帝未遜時在位之文武大吏不知戰守以死
職甚至携印以逃掃門降附者比比而是已不識蓋人
無所責綱倫法斃而欲天下之不亡得乎吾老友石屏

不冷堂遺集 卷四

七

張竹軒廣文監滇省經正書院一文學校耳獨于改革
之際自撰輓詞從容以殉嗚呼可以媿袞袞諸公矣曩
昔偕計於京師會館聯屋而居者數月昕夕談讌知君
端謹平易人也一旦臨大變能引決如此黃山谷所稱
不俗人者臨川李進誠太守藏君自輓手蹟莊為
册子曾乞余題今君猶子文濬復輯君雜稿為册見不
嗟乎竹軒大節重矣詩文餘事不足言然亦何嘗不因
以並重而賢子弟之珍遺翰誦清芬有合於致孝之道
余能不一再濡筆而題之

袁嘉穀

外舅竹軒先生忠孝大節昭耀天壤清史稿列之忠義
傳先生自有千秋不藉文字傳也第文字亦精神所寄
不可不寶先生臨終自輓為一册先生寄余手札為一
册海內各人爭為題詠今又集此册乃先生猶子文濬
所藏詩二首已收滇詩叢錄中餘為小品文亦可擇入
滇文叢錄聯當補冰玉集上卷末抄學堂章程蓋先生
生平多重教育故留意及之爾嗚呼人壽百年終亦塵
土先生自行其心之所安何計乎人之知不知世之傳
不傳陳虛齋師云地老天荒斯人不亡俯仰今昔不勝
泫然

不冷堂遺集 卷四

六

昆明 李炳奎

竹軒先生自講學行道以來品冠滇中學富海內近取
諸身遠取諸物其廸厥德而誠厥身者匪但長於詩文
而詩文亦足見先生曰雅曰頌或興或觀靡不詞吐金
玉井井乎具有條理猶善歌之貫珠流風餘韻而入音
克諧非尋常者所得媲美於萬一大節不移視死如歸
其與明季之薛爾望可謂後先輝映彼馮道之流烏
足論哉寶之至者各自歸詩曰尤矣君子展矣大成先
生有焉

遺札書後

袁嘉穀

光緒戊子見竹軒先生於昆明儒學署先生賞余文妻以女飲食教誨離合欣愉有非語言文字所能罄者迄辛亥先生殉節計二十有四年矣留此墨札十不逮一精光雅韻如奇毫端檢而潢之爲後世景仰先生者覽焉附詩一首乃先生丁亥年作敬選入滇詩叢錄中原稿存此戊午五月十二嘉穀爲先生立墓石訖因題

陳榮昌

竹軒先生爲昆明教官在光緒初年時予未冠也與家兒少庚俱在庠先生月必課士諸生以無獎資多不往獨少庚與予無不往者先生以是嘉之己卯考優貢先

不冷堂遺集

卷四

九

生遂舉予其考語曰持身維謹用志不紛自是之後常念此二語恐尺寸之或失以貽先生羞及居書院居學堂皆隨先生後予每愧教士無狀先生則曰子能持正諺曰一正壓百邪蓋誘而進之也先生以辛亥殉節李君藏其遺像予曾爲作記今樹五以先生遺札見不感懷往訓因識之於此嗚呼先生一死自有千古予猶覩面人世年且六十矣將老蓋棺定論於先生一謹字一正字能無負否也言念及此良用悚惕

南甯孫光庭少元

予昔旅京遭庚子之變歸訪陳小圃同年於經正書院

時監院事者爲張竹軒先生小圃盛稱其賢予曰是與我先叔丙子同舉於鄉年丈也我固識之小圃又稱院中高足輒及袁君樹五謂是先生子婿予曰樹五赴禮關時予已識之與先生固欲爲冰清玉潤矣踰年予主講育材講席與先生時相過從旋創學堂於五華書院遂與先生朝夕共事嗣是予或于役東瀛或歸任學務與先生無不有牽連共同之事事輒意見相契十餘年如一日迄辛亥九秋而先生條乃自成千古矣民國成立忽已七年追溯老成不可復見樹五裝潢先生手札見不敬讀一過不啻瞻眉宇而親聲歎也樹五曩年歸

不冷堂遺集

卷四

三

觀推親親之義欲省先生先生阻之曰與其用一刻以應酬不如多一刻以侍奉至哉言乎至時局艱難非至此而猶榮情富貴利達等語尤爲遠識卓論先生須清癯而性良易操履端潔而與人無忤讀茲遺札可以想見其人云

昆明張學智愚若

世之氣節久矣利祿所在卽一時之事一人之身不惜朝秦暮楚反覆無常矧屬異代雖然俯仰隨時草木同朽身死而名亦歿焉竹軒先生辛亥殉節於今七載讀遺札數篇猶令人欽仰不置是果何以感人之深哉太

節儉然孤忠可敬也嗚呼若先生者可以風矣

山陰陳 鶴 鳳青

振鐸冷官官不冷品學氣節冠滇省七篇手札生古香
墨花飛舞筆花騁此册永襲巾箱中留予媚鄉長管領
我交先生四十年讀罷遺墨心耿耿士人咸服稱真儒
君子善變其文炳辛亥重陽天地昏國祚已傾風鶴警
生氣猶存死心堅蒼洱昆華皆幻境吁嗟乎儒士殉節
傍若無笑他鷗鷺戀蒲蘆九龍池對異龍湖兩水澄清
鑒此孤忠孤

姚安 由雲龍 慶舉

不冷堂遺集 卷四

三

蝸爭蠻觸世石火電光身儒士挺奇節姓名終古新重
陽風雨日一個雪霜臣七品微官耳煌煌志獨伸
並世戴文節丹青秀可餐于茲見遺蹟同此抱忠肝嶽
嶽典刑在茫茫國是難橫流滄海遍公在忍相看

劍川趙式銘 星淵

四海人傳老鄭虔辨將一死愧時賢護持白髮還天地
留取丹心照簡編並世恥隨長樂老輓歌自署義熙年
異龍湖上春風惡猶見孤臣拜杜鵑

昆明王 燦 鐵珊

廣文設職原唐代殉節如公善始終視死當年追寇薛

偷生今世愧誰馮了無面目借時俗剩有鬚眉照太空
欲薦黃花奠卮酒孤臣心事問誰同

劍川趙 荃 湘皋

儒官取義報君師淚墨留存絕命辭毒藥甘飴吾喪我
頑銅鑄像子為誰梓於何地從尼父歲亦無心采伯夷
異代孤行行所是黑龍潭外九龍池

李繼麟 伯壘

羽檄傳邊省風雲幻九秋為伸臣志節忍與世沉浮白
髮悲盈首青山戀故邱幾篇遺墨在常使姓名留
憶別師門後於今已廿年荷池香自在翠海景依然驚

不冷堂遺集 卷四

三

聽哲人菱爭傳自輓聯茫茫千古恨大義可參天

嘉應 廖道傳 叔度

乾坤別創興亡局帝國乘除民國生舊主新邦各行志
西山片石自孤貞

遺札蕭森墨有香拳拳忠孝見肝腸先生高臥青山在
流得寒泉到雪堂

有女傳經慰伏生絳帷擇婿得英賢生移封贈歿營墓
冰玉相看古性情

介石風流又竹軒燈前詩札映奇芬明清兩代崇儒報
猶見滇南二廣文

晉寧方樹梅 曜仙

遺墨輝光日月新
名山之業自千春
冷官任道心偏熱
介石先生後一人

十二年來幾變遷
傷心事夢如煙蕭
騷白髮人何處
化作春山血杜鵑

石屏袁不鈞 百舉

青山一臥痛興亡
白髮蕭然事可傷
郎將虎賁何處是
千秋永恨蔡中郎

石屏袁丕元 亞耕

苔封馬鬣北倉山
墓在石屏北倉山
臥看滄桑亦等閒
天下本

不冷堂遺集 卷四

三

非一家物只留正氣在人間

石屏袁丕佑 藹耕

大節不可磨
千秋尚凜然
為辭人間苦
高臥北倉山
封碑紀歲月
風雨今七年
憶我垂髫日
隨親侍座前
愛日

華山頭茂草龍池邊
謂我靜且慧
命我篤而專
經年隨

宦游留學寓幽燕
世事那有定
滄桑極變遷
追思苦依

稀陳迹
夢魂牽精舍
且幻化矧乃一
廣文留得鬢鏤像

景仰追昔賢
倉山一片石
曾書自輓聯
並紀甲寅歲我

父樹之顛墓道草萋萋
山勢飛雲烟

保山林景輝 岷谷

萬里滇南一小臣
凜然大節自千春
拜觀白髮青山句
如見忠肝義胆人

祿勸梅宗黃 南村

蒼蒼者天茫茫水大命
孤臣未垂金與紫
孤臣一死道不孤
孤臣廣文先生耳

數莖白髮埋蒼山
一寸丹心照青史
翻雨弄雲竟何為

先生狂笑九泉裏
二百年前薛大觀
奇哉先生堪比美

秋風天際颯然來
黑龍異龍湖波起
忠魂一夜聲嗚嗚

化作明星照三迤

祿勸馬瑞圖

不冷堂遺集 卷四

三

孤臣死社稷社稷滿血淚
先生一廣文亦與社稷墜
天地生其髮髮白還天地
毫毛重泰山那許小兒戲
我今

讀遺札為驚亦為涕
廣文二千年結局在於是
嗚呼張

廣文死生遂其志

保山林景泰

夷齊甘餓死首陽
豈不痛殷政不綱
由來亂臣堪悞國

伐罪詎能皆武王
君自弔民我死節
適義何妨志如鐵

留得風操傲萬古
山高水長誓不負
劣恥粟愛髮心跡同

千載美繼有張公
青山長臥痛世變
萬里孤忠一冷官

冷官貴不如公卿
國碎公卿不知名
一片心照昆池水

生堪振鐸死不死懍然正氣留人間拜觀遺札且如此

蜀中哭胞兄殉國

胞弟舜笙

眼看家書淚下垂滿天風鶴晚秋時人如菊淡神孤往
因見臨終自輓詞

從容就義古人難想到危機胆自寒一刻千秋心早定
神仙空有返魂丹

地角天涯望不通辛酸含殮為官窮泰山固與鴻毛異
不朽無須石柳封

西山薇蕨彩雲南我亦歸尋荒徑三好與吾兄魂夢接
不言而喻當禪參

不冷堂遺集卷四

三

讀不冷堂遺集書後

大關張銘慈

弱冠負笈天南來文字受知袁夫子夫子授以不冷集
其人雖沒亦不死潔身自好少逢迎孝廉由來淡青紫
大府屢屢薦之朝惡從賄賂出而仕世人每喜得官榮
不能治民反足鄙不冷先生重教育首倡新學被羣訾
任勞任怨已有年耆老碩儒咸稱是苟非具有堅卓力
安得奏效有如此累土能成百尺臺欲施國學先桑梓
而今學校如林立賴有賢者為之筮自從輸入革命學
學術日漸趨奇詭人人喜談假自由道德烏得不披靡
人人皆爭平等權六經烏得不焚燬眾恨專制同階級

健兒連聲揭竿起天下紛紛頌共和先生獨以為非理

春暖兵禍無寧日家國從此多事已白日從容辭世間

青山長臥殊烈矣趙宋先出文信國朱明繼生薛秀士
先生可與並鼎足正氣昭昭光國史吁嗟乎虎嘯狼爭

戕同胞屈指何人算知恥不出高明計料中雖則憂人
亦自喜靈輻歸葬北倉山吾師早已為之誄今日我來

獻以詩當作私淑侍案几
過不冷堂故址感懷
高明趙鏡潛亦陶

紅羊劫換幾滄桑天地呵護此潛藏室邇人遠立惆悵
嗚呼千秋不朽鱸魚堂憶昔辛亥九月九風起革命濤

不冷堂遺集卷四

三

如吼驀地槍聲撼金碧起視河山非舊有先生早賦歸
去來先生不忍青城哀數莖白髮真知己造化小兒任
安排用先生絕中語古有愚孝光閭里今有愚忠標青史俗
論紛紛那解此三百年來爭一死居近聖宮得聖清蟬
蛻鳳逸自分明我來正值端陽後民國十年靈均遺韻兩交
榮峴山昔說墮淚碑昆海曾傳思召祠大觀樓中首有思召室湧月亭
一碣屹立廣文室巍巍遠紹岳墳枝噫吁嚱如此先生
如此烈文章道德稱三絕滄海橫流四維亡誰是顏延
之私諡先生為靖節

挽詩

昆明楊蔚雲

函丈趨承二十春早知節操邁羣倫疾風勁草今始見
屈指滇南有幾人

鐵石心腸無變更洞觀時局暗傷神華山一霎風雲起
取義成仁了此生

守經弗變豈迂拘氣節原來與時殊不恤人言甘一死
先生畢竟是真儒

一年容易又重陽觸景興懷增感傷聞道從容就義處
松楸南望斷人腸

過張竹軒先生不冷堂故址有感 昆明 施汝欽
金碧慘淡清社亡廣文大節嚴冷霜彼憐肉食亦何事

不冷堂遺集 卷四

三

遘難逃竄紛倉黃封疆臣不死封疆羣僚苟活庸何傷
恬然不怪偏天下世道誰爲扶天綱食祿之人死人事
此義自古重篇章况非守土殉國難凜凜如我竹軒張
君恩世受臣敢忘從容就義殊慨慷數莖白髮那拋得
肯污異代冠與裳青山一臥足千古異龍湖上真芬芳
二百餘年溯忠烈後先媲美明爾望先生早歲懷忠腸
欲躋清要匡君王春官屢蹶願莫遂冷官歸老苴蘭鄉
先生則曰官不冷用揭斯義名吾堂內行純篤學者式
森然桃李栽門墻孝友久爲此邦重板與數泣龍池傍
春風化雨被巾幗令聞甯獨傳膠庠平居有道變死節

真儒本自殊尋常乾坤正氣久愈著直與日月生輝光
我感世事悲滄桑欲闡節義相扶將夫子宮墻緬遺蹟
誰崇祠祀隆馨香求生害仁吾豈敢憑弔先生空泣滂

李 銑

二百餘年養士多冠裳濟濟竟如何從容取義阿誰是
道左豐碑試一摩

昆明 董鳳藻

先生石屏名下士竹軒其號張其氏以名孝廉作廣文
桃李公門門如市清室不綱政日非上書言事奈官微
五柳先生腰怕折解組鳴高賦日歸滇中大吏頻商確

不冷堂遺集 卷四

天

責以先覺覺後覺桑梓義務不容辭爰興師範倡女學
十八年居聖廟旁得附先師美宮墻冷官畢竟何嘗冷
顏額大書不冷堂造就數千女弟子學倡明自此始
羨煞滇中女同胞何幸高山得仰止重九義旗豎五華
大吏逃亡如喪家先生講學崇忠義肯容白璧有微瑕
世局滄桑如雷迅清帝存亡無處詆卑官終是受主恩
各行其是以身殉民國紀元又十年不冷堂名至今傳
我過滇垣瞻故址一碑屹立尙巍然歷事五朝嗟馮道
公然自號長樂老九原若使遇先生應將長樂變懷憐

昆明 周璧光

不冷心如赤常存氣若虹青難期報國圖易恥從戎時
事多蒿目臣懷矢鞠躬百年惟一死萬里盡孤忠懿矣
公行著嗟乎吾道窮堂空頻弔望過容式英風

昆明 沐希文

依稀故址認當年一片丹誠付碧天飛舞風花隨逝水
孤堂寂靜翠湖邊

貴陽 劉嗣學

讀書共欲致卿相聲勢炫赫太平象檣槍影見浩劫臨
性命苟生網常喪天南石屏有張公弦誦聲聞接泮宮
鐸秉昆湖雲水濶桂攀月殿露華濃春風普被及門樂

不冷堂遺集 卷四

三

寒意不知老柏同公乃名堂曰不冷今過令人發深省
養味有同士氣香冰心且向壺中領堂比清虛多仙客
人比梅花更皎潔寒梅如不遭霜雪陽香桃柳有何別
時惟辛亥之九月華山砲震紅垂白聞道官場皆婦妾
悲風吹斷聲淒切不須立功戎馬策不須執理向人說
不須僧寺逃禪悅不須首陽採薇蕨甘如飴鶴頂血
絕命書成命縲絕公能盡節愧無恥識是讀書真種子
薛公而後公繼之留得清名垂青史章甫縫掖淚眼揩
到頭只惟惜一死空堂人去夕陽紅摩挲殘碑薛半封
張能死節鍾死戰忠貞一例哭麟同同時死者有
鍾統制麟同

張勳齋

竹軒先生迴不伴滇中一代天人流平生志氣橫九州
讀書萬卷誓早抽究心濂洛契莊周理學一一勤冥搜
栽成桃李門牆週泰山北斗仰韓歐冷官不冷傲王侯
振鐸昆華事校讐四方賢士都來遊踰踰濟濟慕嘉修
不謂變起滄桑愁堂堂大節天地休五華矗立鳴松楸
尚有斯堂故址留我今瞻拜中心抽高風仰止足千秋

昆明 林 芾

不冷堂遺集 卷四

三

亮節清風亘古今愴懷故國具丹心知音合是追孤竹
笑煞無聊澤畔吟
冷熱因人世道微追懷往昔尚依依天涯咫尺空翹首
門第猶存景已非
浮沈塵世閱滄桑不朽惟茲不冷堂室邇人亡增感慨
千秋姓字自含芳

昆明 施 錦

人生如過客死即還大造先生今已矣詩墳半衰草憶
昔遊泮時得識先生早先生負文名學品超羣表司鐸
來直蘭相遇如舊好鄉薦感君恩一官非潦倒清政非

不綱末葉失所道武昌起革軍義聲飛六詔金星纏日
垣此劫誰云小重九夜塵兵響應秦蜀嶠嗟哉帝運終
千戈復擾擾起視華山顛五色旗飄繞先生受君恩殺
身無以報君辱臣死節孤忠誠矯矯蟪蛄無春秋朝菌
夕而老天地備終元亦復歸枯槁丹心照汗青山川同
壽考哲人繫已亡誰與闡幽渺我過不冷堂悲傷心如
搗故址今猶存金碧風淒悼

昆明 華清叔

不冷堂墟不忍看幾回憑弔欲沈瀾一官頭白桑榆暮
廿載毡青首宿寒講座文章今不朽儒門風節古猶難
不冷堂遺集 卷四

清流宜傍聖人宅喬木陰陰對杏壇

山樓畫閣幾聲哀鐵血潮流鷲地來南國誰拋銅狄淚
朔方已說柏梁灾河山縱復中原舊名教還從吾道開
知罪任憑當世論成仁聊以報涓埃

廣東 彭作棟

往事何堪回首望重經故址歎荒涼劫灰未冷心先冷
尚有斯堂不冷藏

尚有斯堂不冷藏先生忠憤世難忘當年桃李公門盛
留薦華山一瓣香

留薦華山一瓣香我金碧共爭光斜陽芳草誰憑弔

付與行人枉斷腸
付與行人枉斷腸河山半壁壯滇疆斯堂不朽春常在
流作先生百世芳

昆明 王 浩 孟然

昔日蕭條廣文身今為磊落一忠臣但使有功在名教
寧隨九鼎共沉淪先生自痛遭鼎革舉目河山非故國
小臣伏處南天隅北望銅駝空泣血嗚呼社稷已邱墟
不忍三綱同殄滅吾道一髮重千鈞卓然一死昭大節
張叔教授有諸生服誦遺訓猶未絕先生故址今尙留
憑弔遺跡心悠悠五華文運雖已矣先生不冷垂千秋
不冷堂遺集 卷四

劉國霖

古傳張氏有公藝乃以百忍名其堂滇中復生張子出
抗纜祖德揚前光人謂先生官本冷寒素家風要相稱
自命不冷近矯強烏知寓意有標準先生賦性好讀書
亦儒亦吏亦隱居熱中富貴如敝屣浮雲過眼皆空虛
試問命名旨若何自音吾家聚太和一氣翔洽樂融洩
春風旭日盈衡阿百忍翻作不冷寫循聲諧音特假借
餐餘首藉味不酸居傍宮墻便儒雅迄今人往風未微
高躅亮節不可追頻過故址式瞻拜令我憑弔猶歔歔

大關 羅錦雲

滇中多儒士張氏實宗匠當時揚塵時士林爭推向中原
原忽鼎革有清成淪喪黃花正斃茂雲南義聲唱人皆
食周粟先生獨淒愴酒泣別人間倉卒絕咽吭凜凜昭
大節千秋人倫望陳袁高弟子立阡標路旁大書清殉
節竹軒其字行故址今猶存渠渠在深巷有詩鐫成集
詩名不冷堂遊人至此者每爲之低昂吁嗟乎豐碑我
我曾幾年一生功名小教官先生尙有亡國恨也堪同
祀首陽山

昆明陳鈞

水竹清幽地先生舊隱居獨精倫理學時著等身書白
不冷堂遺集卷四

髮餘殘照青山愛故廬古屏留碩果芳芷徧庭除
一自滄桑後清名傳到今地留字羅跡堂見曾連心思
舊悲鄰笛殷憂到碎琴遺容如可覓我欲鑄黃金

石屏陳潛伯鍊

玉屏峩峩乾陽雄異龍漉沆湖當中石母雲根千年鬱
魁儒烈士天靈鍾龍孔書聲窶人子鴻博胎胚滇文風
巍科隲仕望項背大節不奪推張公辛亥日月九九重
民族革民清祿終百吏怔忡元戎匿學使曳髮瓊瑤胸
公時廣文屈末僚冷官不冷依巖宮城門書塞蒼鷹擊
聞變一笑殊從容筆颯颯墨隆蒿里難露自傷衷南

朝獨有李若水浩氣堪繼椒山翁滔滔皆是長樂老百
年地下慚相逢明夷待訪非素願黃冠備問滋疑叢我
昔鞠膺侍談讌聞言頗憶開心蓬髮髮飄蕭藹藹容語俯
心自問慚元躬公六十後項曲頤抵胸不能仰視常謂
彈指居諸二十載觸感世變思清丰公之宿處今尙在
破屋數間多塵封爲公書碑者誰子高第陳四人中龍
華山昆水標清節姓名不與時流空君不見民治共和
不言忠陶穀樊英盧藏用面事十主多豐功

張源

儒學原來是冷官先生偏不等閒觀召集閩邑俊秀士
不冷堂遺集卷四

講學轉忘夜將闌經史純熟兼讀子人材濟濟慶彈冠
我亦先生門下士愛業請益聚杏壇至今同儕多奇遇
天下人士括目看經濟特科列第一山東提學人品端
國體變更辛亥秋剪髮令下先生羞仰藥殉節知大義
不冷堂前淚長流後人弗忍君節沒短碑建立牆之頭
讀罷猶見浩然氣志士傍徨五體投堂址在今巖宮右
湫隘浸溫人知不我出此語我心碎修葺何竟無人謀
無人謀兮世陵替世陵替兮民志偷吁嗟乎先生大節
炳日月三百年來誰匹儔

王壽東

廣文垂老激清風
樗散微官志不同
苜蓿盤空餘冷炙
松筠節勁見孤忠
此桑未遂龍門隱
高徑誰憐翠海終
片石猶堪尋舊址
參天柏蔭接賢宮

宜良 李慎齋

先生堂傍泮宮西
土壁蟲穿老屋低
燕雀已迎新主人
碣碑空有舊人題
風檐還照讀書月
曉巷猶聞警鐸聲

耿耿精誠千古在
三春惆悵杜鵑啼
滄桑十載到而今
短碣摩挲怨不禁
拜向門牆無履跡
聽來風雨有哀音
難存大寶羞存命
縱冷微官不冷心

精魄已冲霄漢去
堂名空付後人吟

不冷堂遺集卷四

畫

昆明 司文彬

故址無人過鴉聲
噪夕陽落花驚蝶夢
敗葉斂蜂狂碧
血化芳牡丹誠繞
帝鄉先生真不冷
寒竹戴雪香

鎮南 郭青

千霄翠柏出紅墻
西巷堪傳不冷堂
風節千秋金鑑朗
冰心一片玉壺香
豈無快婿饒經濟
多有門人事表彰
故址依稀餘竹石
塵華碑字立斜陽

昆明 陳師愈

辛亥重陽秋風烈
杜宇啼盡夜月血
風聲鶴唳國祚傾
首蘭冷官心似鐵
冷官品學重士林
生平冰礪冰霜節

和雷謙恭人共傾
主持文柄尤高潔
我思不冷名其堂
先生殉國意早決
孟曰取義孔成仁
視死如歸真明哲
先生生長異龍湖
從此湖水化冰雪
生氣常留天地間
流芳百世人爭說
堂猶如故人非我
來憑弔肝膽裂
蒼松翠竹交枝柯
猶留清陰補墻缺
心香耿耿久留連
不覺檐角掛殘月
人生如此真可欽
遺址於今表石碣
令威化鶴儻歸來
回憶往事莫淒咽

石屏 王建中 宗堯

逝水隨人宅清風
尚洒如永懷徵士
望錯比子雲居數
仞宮牆逾微官學
校餘衰年持晚節
感此倍欷歔

不冷堂遺集卷四

畫

大姚 倪中原

四壁青青著意生
杜鵑啼處夕陽明
我來此地蒼茫立
慨想當年涕泗橫
疆吏不聞流血事
冷官偏作斷腸聲
五華山畔芳踪在
不盡千秋萬古情

鎮雄 石磊

清末辛亥歲革命
起羣英雲集而響
應瞬卽以亡清我
公當此際司鐸於
昆明自恨無謀畧
難與恢復兵又歎
膺微職固曾受恩
榮受恩宜圖報莫
報愁交縈主辱臣
宜死國亡臣寧生
遂效薛爾望殲身
以表誠薛時君綱
重公時則已傾猶
持松柏節自覺愈
堅貞毀譽舉弗顧

特立而獨行今過公廬地企慕彌傷情堂而曰不冷廬
節早已精豈徒公不朽堂亦千載名

昆明 盧祖蔭

長者幽居近市塵幾人憑弔任留連堂名不冷官偏冷
人弗求傳事竟傳都爲興亡增巨痛敢將衰朽惜殘年
難忘殉節從容日此地親書自輓聯

昆明 施傳訓

堂名不冷冷官題先生志節高夷齊義師革命自天意
首陽餓死昭地維風雨雞鳴晦不已冷官不冷寧過斯
我敬忠魂往一弔髣髴浩氣疑餘暉先生昔年誨多士

不冷堂遺集 卷四

三七

說經此地施絳帷設教輕文重器識切磋忠義堅自持
激昂言論尙在耳誰知慷慨存於茲金碧輝煌顏色好
其人往往才不羈青史前稱大觀薛先生後起堪追隨
諸生廣文繫大節重職苟免若死灰五華滇池歷世在
先生竹帛名與垂

昆明 盧嗣義

昨日步出城東村路經薛里望忠魂今晚徘徊孔廟側
清風明月悽黃昏廣文司鐸滇昆邑盤安首耆老邱園
矯矯隻身殉高節翠湖湖水慘不温毅然之魄錚錚鐵
皎皎之心曠曠飲酒賦詩誓白水號天泣劍從天門

我來憑弔華山下軼事父老爭傳言不冷堂前頻翹首
勿辭看碑醉一尊

桂林

衣襟日逝丹旌亡千秋大節自堂堂竹軒先生奇男子
忠義前後兩相望滿清未葉政不綱宗社忽爾淪滄桑
先生夙抱匡時畧無奈軍起太猖狂舍生甘與前賢比
死得其所天下揚勝國山河久瓦碎不冷堂前今益彰
憶昔設教賢官傍手植桃李盡芬芳循循誘掖無倦容
要伸 愚歸善良先生不冷鄭虔冷殘清 有人起盛唐
我敬其人三十載春風化雨樂徜徉祇今憑弔五華址

不冷堂遺集 卷四

美

室邇人遠爲悲傷堂空舍圯不足計先生之風昆水長

昆明 杜世麟

前清之末造四方起義兵武昌先後軼滇軍相繼行重
陽風雨夜一戰掃貪橫廓清專制體民國已觀成下令
禿髮辯爭先復漢京先生獨流涕泫然不勝情吾官雖
冷落吾道義皇榮吾書讀聖賢吾職重庠 賢死如泰山
重生比鴻毛輕廣文自寫照白髮留 莖從容撰輓聯
遂以身殉清我今過遺址浩然見靈英下馬遙瞻拜酌
香盞 觥先生雖已矣萬古留其名

蘇勸 梅梅齋

一代孤忠大節存秋風何處賦招魂可憐不冷堂邊路
孺子扶碑認舊門

舊時門巷草萋萋向晚羣鴉上樹啼行過一箇一惆悵
千秋悲淚哭夷齊

昆明全彝

清標原不愧儒冠傳列獨行人所難殉國一身輕似葉
高名千古重如山鄭虔冷宦丹心凜爾望孤忠白骨寒
偶過遺踪增感慨百般憂思集毫端

昆明李潤膏

廣文人獨冷養親我自甘故址人憑弔南八真奇男

不冷堂遺集卷四

楊繼文

不冷堂前過中心有所觸感懷竹軒師守身如守玉顏
色甚溫和志意亦誠篤存心更慈祥怛然無嗜欲曾見
所作文精理文選熟意味尤深長不厭百回讀憶其作
冷官首端重教育明倫堂講經士子受薰沐側身在學
堂銀錢司出入所貴在清廉學士多受福辛亥興革命
謠傳君受辱主辱臣則死甘願將毒服殺身以成仁史
冊終必錄陞山山色青昆池池水綠山水永不更大名
永不沒我作弔古詩放聲一痛哭

貴州謝邦彥

天地變幻之黃改陵谷貿遷田為海羣龍無首遭六爻
清命已傾國祚毀有清養士二百年滇亡死者一冷官
南孔西羅並戰歿三綱讓此三人完殷革夏命周革殷
其有應天而順人置身不在伊周列合與孤竹同比鄰
竹軒先生言始始低首拱手行讓步為人頗似段太尉
唐清異代同其趣青山一臥身騎箕先生不愧君親師
走肉行屍未死面如灰試思炙手可熱之某誰厥後史
氏列傳將安歸先生高節世無有不冷堂名托不朽九
原可作應愁殺如許浮雲變蒼狗五華山南不冷堂遺
址常依夫子墻吾道大防聖門光嗚呼先生是何傷

不冷堂遺集卷四

田孟祥

白石新開斜巷路當年此地號膠庠思賢每作無窮念
弔古空追不冷堂緯地經天成大義亡身報國有文章
年年風雨重陽後留得先生姓氏香

昆明匡國文

竹軒先生不可見門前殉節題碑在孔廟鄰松作龍勢
古格蒼髯先生態不冷堂成清物看養士百年表一代
數椽清風留故址今我趨過徒增慨憶昔未識先生意
不冷名堂洵堪怪豈知官冷心不冷熱血滿腔向誰賣
忿慨國事不堪為自悲官微難容喙斯堂當作明倫觀

猶是廣文先生解立身恐負君親師而今而後真無愧
想當成仁取義時淚洒遺墨寸心碎萬古白髮留數莖
一臥青山名千載使人百見百傷心誰不一讀一感喟
把臂應呼薛烈士明清兩淚定相對尋簷想像先生容
睇視淒然欲下拜他年史乘羅掌故愧我此詩不足采

王承禮典三

崧嶽降甫石屏鄉號曰竹軒氏曰張溫恭孝友厚禮讓
光明磊落宗綱常清季服官儒學藏廉明傳教儒知方
滇會欣得名師傅立身不讓前賢良教授豈能標忠節
前清亡際隨之亡捐身取義何堂堂三迤人盡欽義皇
不冷堂遺集卷四

早

世人說死死豈易先生死國滇池光過前居址行徬徨
伊人何在心悲傷潛馬瞻顧不冷堂豐碑矗立銘旌揚
張竹軒先生不冷堂故址 昆明 何秉智小泉

翠湖之淡華山衢舊時有署廣文居偃僕門墻見官冷
其惟賢豪意能舒我敬古坪張夫子雅人高致獨殊育
持身剛正貌溫和徜徉此間幾星紀居署顏曰不冷堂
襟懷磊落翰墨香千年廣文忽結局滄桑閱盡心感傷
瓦全不甘玉碎碎從容殉國派寧盡死為故鬼生舊臣
異代忠貞竟同概前清廣文公諱嘉績官白鹽井遺墨
執事千古留樹園大史輯公詩文各種為不能無一字

標舊遊我曾釀金樹豐福予與華允三諸君於丁巳八
節張竹軒先生不冷堂故址石碣立月免陳虛齋師題書前清殉
舊學官署左側通衢處過者見之表章前哲奚待謀
吁嗟乎公之行詣光史册公之精神視斯石後人拜石
如拜公乾坤正氣壯金碧

弔竹軒先生文

昆明 趙蘊輝

民國十年夏五月余如聖宮道過張竹軒先生不冷堂
故址下感先生亮節孤忠獨能成仁取義因焚香危坐
仿賈生弔屈原之意為文弔之其辭曰

事有遙隔餘載而相感者余不自知其何心非今世
之所稀孰為使余欷歔而不自禁余既縱覽乎民國全
木冷堂遺集卷四

早

無一二人能如先生之所為死者長已矣嗟余今日其
從誰當前清之失政求一盡忠全節者而莫得彼全滇
之袞袞諸公亦鮮有能從先生於地下豈胡運之告終
應歸諸天命之有常昔五代之變遷馮道竟保其安康
苟余身之安全雖國亡其何傷自古死有重於泰山惟
先生千古後尚有榮光宜陳辭以表揚庶幾乎先生大
名昭垂滇雲而益彰

哀詞

王繩武

時局感桑滄難救危亡銅駝遺恨鎖斜陽不冷堂前巢
舊燕故址淒涼 殉國樹綱常勁節流芳成仁取義令名

彰常愧我餘生戎馬苦策乏助勤

輓聯

袁嘉謨 銘泉

道出義皇人生自古誰無死

節同交陸故國平居有所思

石屏 朱光 越旨

大節殉廣文公能報國

吞聲哭中表我愧遺民

石屏 毛懷文 念會

讀聖賢書所學何事信國重千秋先生可謂無愧矣

作忠義傳竟屬誰人董狐不再世我輩其將默然乎

不冷堂遺集 卷四

星

石屏 舒華 揆庭

多少富貴功名當是時夢入邯鄲幾輩貪生喚不醒

古今忠孝節義惟先生行同信國滿腔正氣塞長空

石屏 張敬 畏夫

三軍行其是而匹夫獨行其非順逆且漫誇先生真為

萬世死

報國難言忠即捐軀亦難言孝毀譽何足論識者自有

一定評

石屏 饒鴻翼 遂生

知我輩當然節勵黃花名垂青史

信先生不朽學傳宗海功在儒林

胞弟 舜鏞

一身留白髮數莖勁草疾風吹散南天鴻雁侶

報國具丹心一片菊花晚節啼殘西蜀杜鵑魂

昆明 陳箴 敬夫

坎壤纏終身歎學博一官稍盡平生壯志

忠貞原素抱痛軀捐片刻遂留千載芳名

石屏 袁嘉猷 允升

一腔熱血居官冷

千載標名待我揚

不冷堂遺集 卷四

罌

在蜀間計寄輓

胞弟 舜笙

始於孝友卒於忠貞天性重人倫非惟采薇難為弟

肅然冷官毅然節烈同胞悲異地不忍簪花想見兄

軼事

公生平篤於師友初事任秋航先生先生工詩長於治

春秋三傳弟子甚眾聰明者涉於浮薄見公恂恂如也

喜過其望嘗指公告人曰吾道其南此子之謂也公學

問有淵源先生其嚮導矣繼事朱幼木先生先生以賢

公子博學多能遭時之亂隱於筆耕弟子皆一時秀出

博喜公恬靜好學親愛逾於父子說詩說禮儼然趨庭

召對先生仕蜀丁艱歸主於公之學署門巷湫隘不便
輿馬富有華庶之親友邀求再三不往方伯沈公朗山
詩友也延入署中談詩留住不可先生曰嘻吾不能希
孔而遽伯玉殆如其人主之便沈不能奪是歲公薦賢
書先生促之北上臨行以蜀棉裹衣數事贈謂之曰以
此附於骨肉親愛莫過於此服之無數可也迨公授徒
於鄭營弟子感公之教信有師承時鄭實夫家有負芻
之禍公講會子居武城章以去寇至弟子以荆棘掩門
寇未入室室外空地甚寬種瓜一頃瓜大如磨寇去弟
子以瓜為証言未擾及講室必欲速公再往公喜其誠

不冷堂遺集

卷四

聖

仍復到館寨中男婦老幼無論子弟受業未受業莫不
愛公敬公尊師重道後離館年久猶稱道弗衰雖曰公
盛德感人亦足見古風未艾矣

公十四歲弟南陔未週歲失恃中有一妹尚幼公父嘗
外出僱一乳媪哺之媪愛已子靳弟乳夜間哭則指之
公見弟柴瘠驚曰弟其病乎亟延醫診視檢察見指痕
心知其故謂乳媪曰吾弟不見親人夜哭尤甚吾將與
彼對榻臥聊以藉慰童子何知媪可勿忌媪無以為辭
私心遂不得逞至第四歲繼慈許氏來歸弟亦漸長有
所託公乃專心向學後公署澂江教職僅携弟課讀猶

同榻臥失恃之愛未衰矣

漢回構費公方弱冠公父質於箇舊一日訛傳遇害公
與中表朱樾宣兄負劍徒步繞道溪底峭谷一帶赴箇
省親至則見親無恙得入險出險之故私幸履虎尾不
啞人其象為亨却以戒心幾諫至再焉時箇中巨室李
文山先生盛年壯志好客如孟嘗太翁在堂見二客俠
氣逼人囑公子留意締交乃繼繼月餘彼此訂立蘭譜
而還後李府延聘西席太翁謂非張某不可使者賈關
聘來公許之束裝到館受事旬餘適得委署教職消息
乃轉薦朱君繼其後時朱君在屏課公諸弟讀遂攜往

不冷堂遺集

卷四

案

就館以教公諸弟受教久暫不一而李府子弟事之終
身其原實出於太翁風塵外之賞識矣

同治癸酉科鄉試士子報罷歸里同行七八十人書箱
行李百數馱致匪覬覦時因正路梗阻繞出路囊一帶
鳥道崎嶇公有貧友段立齋君徒步相從至此見路難
行公下馬讓之騎正彼此推讓間倏過行者十餘忽聞
呼嘯斫殺聲前途倒地兩人公牽輓友鞭策將馬斜奔
而下匪以槍擬之公曰馬不可顧也遂棄馬跳岩逃至
銅廠地方喘定見匪已去復上山看視傷者見不可救
囑銅廠人負屍歸為之棺斂以待其家人來扶公家中

聞信正驚疑間代公挑箱者先到不一時而公亦到闈
堂慶幸以為公於難處舍己從人因此推讓就擱前行
者死而公卒免於難默默中有天意焉

光緒己亥年學署老梅六月盛開人以為梅占花魁是
歲鄉試門弟子售者必多榜發不驗公曰非時而花不
祥之兆也迨至十月闈署患染瘟疫死而復甦者數人
惟一乳姪殤焉公病昏迷中夢人告以涼水治病醒而
索涼水飲甚急言心燒欲死非飲涼水不可不得已禱
於蓮花寺取水飲之公抱罈一吸而盡口稱快哉激得
汗下如雨遂不復燒少服清解劑病遂愈人曰所謂善
不冷堂遺集卷四

人天必佑之此方固不可嘗試

中庸言獲上由於信友順親誠身明善公生平獲上有
道未嘗不由乎此不然偶爾遇緣則不過一再而已何
投契之不一而足矣公遇譚中丞林中丞雖病猶於上
房接見遇王制軍李制軍莫不另眼相看遇丁學使高
學使張學使葉學使一皆隨時燕見儼如家人聚處毫
無勢分形迹亦伯陳公相待至厚且久數十年如一日
諸公先後保薦欲公出膺民社而公獨不厭教官清苦
終身以之此亦素位而行之志矣公待僕役甚厚僕役
亦感恩至深川人曾某事公最久應門嘗得罪人人識

其慈亦不之較光緒庚辰會試老曾隨行至河南道公
病熱症終日昏昏沈沈同伴恐誤場期輒先行曾焦灼
萬狀日頻數延醫診視服侍湯藥滌洗溺器問候飲食
夜不交睫晝不離身如是旬餘公病稍愈勉強前行行
數日曾又病公曰不入場數也遂停駐醫之醫好晝夜
兼行到京三月初六僅隔場期一日是科猶獲薦卷先
時滇中訛傳公在途病故家人揣曰如有不諱曾雖乞
食亦必匍匐來告知主僕義在則然也後得公信有同
姓歿於途遂至訛傳曾事公終身卒年六十以上云
公事繼慈孝行聞於鄉里光緒戊寅年公病怔忡多怒

不冷堂遺集卷四

學

多恐形狀欲狂居常不願見人惟於二親前則仍下氣
怡色如故二親却不勝憂旋於慈親衣笥中得母族舊
傳單方藥物一枚狀如硃砂包上批云治怔忡疾搗碎
蒸肉食之如法服食一劑而愈終身不復發人以為孝
行之報云

公對聯一卷曾與袁樹五大史所作合印焉公作為上

卷袁作為下卷書名冰玉集

公生平不傷鳥獸蟲魚

公生前不名一錢未置一產嘗自詔曰我一貧如洗人
不薄我每歲付我經理出入數十萬雖非私財而當用

則任我施爲其富有與本已何異至於公不是私界限却宜分明當公家拍賣裁缺武官衙門時相知勸我購置一所我想財力不逮借貸與租賃何殊况價無定率雖是公平交易難免退有後言貽人口實不買爲是公言如此所以甘自蕭條而於公祭無分釐侵蝕於公物無絲毫便利身後固昭然若揭矣

公癸巳丁艱丙申服闋選授太和訓導赴任日門人繪翠湖春篋圖題詠甚盛樹五太史有詩三首云沽得香醪綠一杯翠湖楊柳尚依依魚龍未變水先涸桃李無言春自歸官冷鄭虔欣事少冰清樂廣歎顏違東風孤

不冷堂遺集卷四

李

負東皇約眼望螺峰淚染衣新知舊學口碑同二十年來化雨中黑白鏤銖融大冶丹青俎豆煥鬻官春王竹簡風斯古神女蓮花月照空珍重臨歧期後起拳拳植秀聖恩隆碧雞山下碧雞關怪底無從遠執鞭燈夢紫週西洱水馬蹄踏破點蒼煙摩挲畫本留鴻雪惆悵離情話燕筵春色惱人惟此日春風坐我又何年以上家譜先生品端學粹大節凜然不以詩名詩特清俊余職史館以先生行事宜列清史忠義傳館中題之吳綱齋前輩士鑑曰此真清史之光矣如無諸公尙何以爲史乎

詩話

先生大節昭然遺墨傳後有自挽聯一册陳虛齋先生跋之手札一册余藏之雜稿一册先生之子姪藏之三册題詠不下數萬言蓋矜而重之者人人同此心也近又見先生乙未六月九日紀夢一文有云蜀宣子清心寡欲一意以養病爲宗忽夢神告以貧困夫余豈畏窮困而圖富厚之人哉特以生我者因窮困而失養愛我敬我者因窮困而日愁友我者因窮困而負累百千苟能一日而免窮困則庶幾哉可以對生我愛我敬我友我者亦未可知也云云雖遊戲之文而襟抱固不可掩賂通楊月舫孝廉官昆明教諭先生監經正書院丁艱

不冷堂遺集卷四

李

孝廉代其任未幾卒先生挽以四字曰冷宦熱腸光緒辛卯傅大令炳堉死於賊先生往歸其喪嘗管敬節堂一步一趨目無邪視謹嚴公慎人以爲師兼職通志局或有饋以雞雛者先生家人嚴拒弗納又嘗管公費數萬計精密終始交代之日餘款千金人或謂可移補某欠先生曰否某欠自當籌補然吾之所管出入有定斷無虧減之理亦斷無餘出之理可再易人核算之易數次而始知果爲司賬筆誤人愈服之虛齋師曰先生殉節由平日養之有素嗚呼至大至剛精靈炯炯觀其小者可以信其大也

光緒辛卯竹軒先生以昆明教官往祭高燒楊太史祠歸而語毅曰祠有舒香谷刺史補刻一聯曰八千里弱水壺天仙也有才甯免謫億萬年馨香俎豆魂兮無怨不須招跋云聯乃張月槎舊作第三句太腐且又不對疑為香谷誤記也毅聞而誌之今歲甲子於浪穹楊卓夫孝廉處獲見巨冊乃乾隆時昆明盧鳳岡抄本中有此聯第三句作七十年光風霽月乃嘆香谷果誤而先生之穎悟不虛也因據盧本詳正之

五塘師辛丑歲卒于石屏先生挽之曰詩卷長留

書院種梅花開時先生懸牌以護之錢小舫有詩云臨

不冷堂遺集卷四

三

風笑指護花牌

任秋航樂亦園詩稿孫菊君抱素堂詩稿先生均有鈔

本今所傳刻者先生力居多

先生公餘喜靜坐危膝直容雖家人行至座前不視不

語

先生嘗影鈔滇南文畧滇南詩畧呈譚中丞鈞培中丞

訝曰不意滇中人文如此之盛以上金鐘山雅談

遺札題詞

阿迷江國柱

蒼蒼金碧山湛湛滇池水川嶽信鍾靈生此奇男子嗟

世邁陽九末秩殊顯仕絳帳育羣英清廉譽桑梓一朝

浩劫來赤縣煙塵起紛紛朱紫客逃生悖其旨先生一廣文義不苟全體青山可長眠白髮誓不毀自輓卅八字從容殉節死正氣干紫雲勁節凌青史三綱賴以立四維為之美筆札留人間忠義貫千載我本一介儒聞風仰盛軌拜瞻公書詩臺芒耀光彩

徵江納正倫

凜凜忠節士慨然悲髮白滄海逐風塵山川黯雲積廣交貞獨守豈為生死惜一腔痛時淚灑落映滇國吁嗟先生志棄捐為誰適紫光射斗牛聲華溢金石遺札流古香花飛滿翰墨燈前展誦讀千秋燦顏色

不冷堂遺集卷四

三

阿迷萬嵩

正氣本天真捐軀為立仁蒼天降大劫白髮見孤臣墨蹟千秋燦丹心一紙新流風誰與比薛子結芳鄰

不冷堂

祿勸馬瑞圖

廣文官固冷廣文究何冷先生官廣文孤忠耿耿位卑有學在人境自仙境松柏有本性那懼霜雪猛辛亥九月秋一夜風塵警白髮青山臥精魂光滇省爾望與介石先生相馳騁

不冷堂遺集跋

嗚呼此先大夫竹軒公之遺集也先大夫性冲澹以孝廉官廣文學校制與兼任學務出納要職在昆明幾三十載處之怡如絲毫不苟常自署堂名不冷始反杜詩之意亦隱寓自有一腔熱血耳生平工於文門下士以千百計顧所作詩古文不自存藁辛亥改革先大夫獨皎然不欺其志仰藥以殉雲羅幼無所知惟有泣涕感傷而已姊丈樹五袁君為先大夫高足弟子慨念先大夫高風亮節即片紙零詞皆不可湮沒無傳遂力任蒐輯之後并督雲羅托親故廣為搜尋積久成帙詩一卷

不冷堂遺集卷四

卷一 卷附錄一卷雲羅不孝保守先人之手澤

迺呈之趙公樾村陳公筱圃陳公古逸秦公瑞堂王公

鐵山何公小泉方公臚仙暨諸親友之長者以刊以傳

表彰先德此雲羅捐頂踵糜生命未足言報也茲當付

梓之始敬誌其崖畧以見諸公與先大夫道義之交生

死如未夏可風薄俗而昭示來許云爾甲子冬十一月

張雪暉原名敬跋

天

正

續

親

集

集

文

甲

一

鈔

齋

齋

卷 緒 丙 申
物 于 大 滌

序

封邱何先生刻所著文曰天根文鈔於汝寧府學署凡若干卷天根子者先生自號也葆田得交先生三十餘年矣始予偕兩弟讀書濟南先生一日不介而造予講學論文志相得方是時兩人氣甚盛不知世有憂患事也其後再遇於京師則予以孤露之餘志意少衰而先生學愈進其氣乃益下既而予改官之皖先生亦為河南教官別去不相見者數年光緒庚寅冬予赴叔弟閩鄉官所道洛陽再與先生聚將歸先生為文以贈其行今見於集中者是也自是書疏往還光陰忽忽又已十年而先生年近六十葆田且六十有一歲矣庚子之秋

天根文鈔卷一

序

先生寄書至灘曰春與執事別汝寧東門外言時事相賈涕不圖數月後國家之變至此某弟近歿於官某將力疾往迎其骨與其妻孥前感執事言取生平所為詩文刻之若執事不忘舊好鑒其業之不復能進指其疵而糾其謬則幸甚葆田明年夏訪先生汝寧學署知又續刻文若干首因戲問云先生集無序得無以待鄙人乎語未畢先生已伏地再拜葆田亦再拜遜謝曰毋令旁人見者謂我輩老而猶狂也初先生游濟南所日與接者惟郭蓋卿輩數人其論文尤喜稱憚子居也以是人皆曰為狂士然葆田久與之游乃獨深知其狷介不苟又嘗見其與人書云吾文取徑於歸方要當登韓

歐之堂入太史公之室其自期許如是及晚年學益深養益純文乃日進於古而又以不得已而有作乃為不苟於立言豈非古狂狷之次與顧先生猶傲然不自足嘗謂葆田吾文有小說氣否子盍為辨之蓋先生文闡幽表微之作為多其敘同時人言行並瑣事必曲為傳之至敘述忠孝節烈雖僕隸乞苟苟有善弗沒也故其自言如此葆田既與先生別會是年冬予弟魯階卒光州任所先生寄書慰問並追理前言嗟乎予至此尙能序先生文哉夫人世憂患之端與學術興廢之故見於先生文內者詳矣今予所遭骨肉之感與先生同而其志氣衰退乃益甚又何能執筆屬詞以重為先生辱獨

天根文鈔卷一

序

二

念三十年來游蹤離合死生盛衰之際其間可感者恒多而予已無意於人世矣使予姓名得附先生文以傳百世而下不猶如見我兩人於汝寧東門外痛哭時哉今年秋適予編刻望溪文集補遺成乃取先生文序之距別先生汝寧時又兩餘年矣時癸卯秋八月榮成孫葆田序於大梁寓舍

汝甯府教授何先生傳

萊陽王埏撰

昔余侍先君子讀書濟南卽知有天根何先生先君子數年前授業門人也時余年未及冠未知向學獨嘗聞談者呼先生爲狂士而已其後乃一再見於京師自光緒庚辰以後不相聞問者餘二十年及余視學河南甲辰冬按試汝甯始再相見則先生背偃僂鬚蒼然與之語貌益溫氣益下使人浮囂之氣不戢而自消間與把酒縱談恨相得之晚追敘從先君子受學時輒相對泣下先生長余十五歲以先人故視余異恒人瀕行殷殷訂後會期今年夏余歸自懷慶乃聞先生死矣悲夫先生諱家琪字吟秋天根其別號也河南封邱縣人祖友

末根文鈔

勲積學不仕父傳興道光庚戌進士官山東黃縣知縣有循聲卒祀名宦妣唐氏先生幼負奇氣自爲兒童時已矯然異於衆人好讀書左國史漢下及諸子靡不周覽爲文下筆輒數千言晚乃由博返約學宗程朱爲文直入昌黎之室同治元年中順天副榜光緒元年舉河南鄉試第三再應禮部試不第乃援例得教職選授洛陽教諭河南學者多從之遊所成就者甚衆著有古文方等書俸滿推升汝甯教授汝甯之士敬服先生亦如其在洛陽也中州自前明李何兩先生以詩學倡迨後進國初有雪苑侯子以古文鳴流風旣遠近世學者日汨沒於功利詞章風氣亦少殊矣先生乃獨起而振

之其詩文皆卓然可傳於世近日大江以北能心知古文義法而不拘守桐城宗派者惟先生與吾鄉榮成孫先生然孫先生每自謂不及先生先生亦謂孫先生文吾不及也其虛懷好善如此始先生奉黃縣君諱僑寓濟南家計蕭索則益發憤讀書思有以自見旣連不得志於有司則日與齊魯間耆宿名士遊或詩酒流連窮日夜不倦當是時軍事方興吏治媮敗先生居常扼腕太息與當世齷齪者遇輒望望然去之其在洛陽汝甯也諸生有以詩文贊者靡不款接自餘庸俗人卽強聒之亦終日不作一語以是人或遠而避之而先生憤時嫉俗之志亦日甚適又喪其長子平居抑鬱無聊其卒

末根文鈔

也疽生腦後遂以不起余因追溯平生流涕而爲之傳論曰自古彊學力行之士一入流俗人之目不以爲狂則以爲妄先生殆疇行之士與孫先生尤稱其狷不可及余聞庚子春未亂時先生與孫先生相遇汝甯南門語及時事輒相向痛哭過者相與驚而異之嗟乎如先生者而謂之狂則其所謂不狂者可知矣顧安得世人盡如先生輩之關心時局耶噫

天根文鈔書後

慶第讀天根集不禁慨息也余吏隱東省五十年初同
 官聚譚偶涉文辭輒相顧避去以為腐不十年風會變
 則有閉門著書相與為詩課斷傳久者凡集中酬酢不
 下三四十人皆是也其人不盡產東省而天根與之結
 交則多在稷下驪客下吏貧病無慘之士紛然無公
 卿列其間其有游陟郡守監司者亦不澆書生晚毫塗
 抹結習獨異天根寄迹二十年而所得翕羽之助如此
 其去為校官亦二十年矣不惟此間典型寥落不復如
 前而洛汝同志儔侶亦似絕少豈汴省風會盛衰猶齊
 魯耶然則天根此編殆兩省數十年文人之總萃也天
 根乃不自足欲有刪減余謂君文簡勁冷峭可為繁富
 家藥石且所存既精而諸君性行遭際因之附見是尤
 不可漫有棄置者也八卷宜為定本嗣有遺述曰二集
 三集可耳光緒二十七年辛丑九月同學弟玉田蔣慶
 第時年七十有九

天根詩鈔卷一

一

天根文鈔目錄

卷一

論辨類

反學上

反學下

釋憂

權弊

審弊

義利解

立言

敘跋類

天根文鈔

目錄

書甯都三魏先生集後

書王覺斯詩殘彙後

書長山李氏七烈婦傳後

書李生傳後

書穆竹村卧雲山房詩四君詠後

送尹先生歸永新敘

書吳先生間邱行詩後

趙月槎詩敘

薛曉湘詩敘

王冊山詩敘

春谷詩鈔敘

贈李會侯敘

送孫佩向敘

春冶草堂詩詞敘

送許士衡敘

書牘類

與章純甫書

報張伯玉書

上段曉嵐先生書

與管司馬薦士書

與湯蘭士論藝書

與趙菁衫書

天根文鈔

目錄

二

與趙廣文書

卷二

傳志類

書曾文正公逸事

書浙江布政使蔣公逸事

書杭州知府薛君逸事

書金鄉知縣楊君逸事

王青蓮張繼庚傳

書包村

書金寶圩

書壽州二生

書蘇湘

書章邱二知縣事

書陸慶銜

紀黃厓獄

朱澹菴傳

唐棣傳

徐退傳

郭仲彭傳

黃香谷傳

三客傳

楊春園傳

天根詩鈔

目錄

三

李坦劉震傳

李孝子傳

鄧孝子傳

彭烈婦傳

任烈婦傳

宋節婦傳

二孝女傳

李氏二孝女傳

邱節婦傳

馮烈女傳

汪烈女墓志銘

李節婦傳

陳節婦傳

舒母周太夫人墓表

書二婦

乞烈婦墓碣

楚桐隱僧秋航傳

張道士傳

釋月舟傳

琴師少摩傳

賣餅傭傳

書賈

天根文鈔

目錄

四

治人傳

書金工石工

書流人

書句

書山東二義

書漢陽二妓

卷三

傳志類

澠池張先生墓碑

保山吳先生墓表

登州府同知紀先生墓表

宜良嚴先生墓志銘

翰林院編修王先生墓志銘

會稽童先生墓志銘

封中憲大夫李先生墓志銘

山東浙閩會館歸安丁君祠堂碑

山東知縣署城武縣李君墓志銘

甯海州知州湯君墓志銘

山東知府全君墓表

郝夢垚墓表

山東知府徐君墓志銘

王子梅墓志銘

天根文鈔

目錄

五

郭靖侯墓志銘

味蓼先生墓志銘

王逸蕘墓志銘

夏子九墓志銘

王澤山墓志銘

鄒樂生墓志銘

孫石來墓志銘

郭蓋卿墓志銘

朱越樵墓志銘

童菊生墓志銘

湯蘭士墓志銘

柳子琴墓志銘

翟式文墓志銘

豐潤趙菁衫墓表

唐狄文惠公祠堂圻祀張先生碑記

張處士墓志銘

樂文學墓志銘

文學楊君墓志銘

劉府君墓志銘

從九品署洛陽典史黃君墓志銘

洛陽管汎把總劉君墓志銘

明七乞兒墳碑

天根文鈔

目錄

六

卷四

雜記類

姜貞毅齒墓記

游蓬萊閣記

怡園記

壯學齋記

龍窪補漏圖記

城南感舊圖記

洛陽喜平礎石記

洛陽縣學西園丈人石記

殘槩記

哀祭類

東阿知縣周君哀辭

李少連哀辭

祭王冊山文

祭紀晦安先生文

祭趙菁衫文

家傳志哀祭類

何氏肝表

先府君行實

先妣事略

亡妻邱孺人墓志銘

天根文鈔

目錄

七

孫氏妹哀詞

弟瞻雲厝志

二僕傳

論辨類

反學上

學敝於世久矣三代之學視上之德與其所以教不盡恃書也孔子生春秋見世變日甚不得已以六經示學者曰守此庶無大過也戰國諸子各以邪說為敵孟子闢之不勝至秦學幾滅漢雖稍修復古書亡失大半存者亦分割增竄政教不甚取法而黃老申韓釋氏禰出以治世蓋數千年惟訓詁義理二家為千古言學之祖吾人所不能外者也明姚江之學興毗陸攻朱標宗旨提人心其敝也遂空談不讀書我朝之初諸老生已

天根文鈔卷十

十一

矯之至於中葉 聖人在上天下無事小臣末士皆得以入秘閣觀圖籍退亦獲優游著述以卒其業于斯之時號漢學而自命大師者徧海內矣取其書觀之其所解述不為無得其敝也敢為異說務勝前人終身硜硜於一字一音遠以為絕學在是而逾不適於時近數十年有志之士慨然念世儒類有體無用知古不知今于是倡為經世之說以時務導天下會寇亂一二豪傑立功名於其間致使人人瞋目抵掌謂天下事大可為究之其人皆鬪茸鄙賤附顯名趨勢利以自便其私而稍負才者不鑒前法不顧後患但以任事為能矯飾名譽果於殺人幸其不大用猶可全其身與名否則橫決

潰裂其禍不止身受之而後已訓詁日與古習庸禪世教講義理者或詭襲名義不敢顯奸也師心任事謂為時勢當然而皆可弗顧學者於此又不得不思有以反之也夫時務不可不知也天下豈有無源之流無本之枝哉或者曰本源固在今之業進士者孰不本五經四子書以為學然惟業進士而五經四子書之不廢人道賴以不絕也於戲微矣

反學下

欲反之亦反於五經四子書而已矣業進士者固未嘗以五經四子書為學者也何言之父兄之所教師友之所授不過曰苟讀之則可以得官衣食有所藉身家有

天根文鈔卷一

十二

所倚子孫有所託陽竊名而陰劫利古取士謂拔十得五今則拔十得一並不可必之數也雖然制科之法行之數百年矣名臣大儒未嘗不出其閒國家於以得人才之用然則法不必改亦在業進士者毋徒倖一第自畫於學而已矣執齋夫語繩墨不知語百工知之矣執百工語文字不知語儒士知之矣業進士者固知五經四子書者也天命之精君父之尊當代典制之繁且重實不能不本於古聖人之書知之日言之老死不違一置思者天下皆是也苟即其業反求之因竊名而顧義因劫利而慮害節其欲定其性養其氣斂其才父兄以是教師友以是授名臣大儒接踵日出雖學復三代可

也今之小丈夫稍讀書倖制科得自以爲學成遂自外不足學中年而還閒思別託業詞賦以學古傲當世而於世無用等此功名之說所以鼓蕩人心使人人棄業忘分於寇盜既平之後而無已時與

釋憂

書曰制治于未亂保邦于未危易曰其亾其亾繫于苞桑聖人之治天下豈惟祈天永命子孫萬世而已哉其君臣上下固以危亾爲念不敢一日自逸也都之人有善衛身者知陰陽之爲寇必於強盛之年時飲食節嗜欲而後疾病無所入里之人有善治家者知水旱之爲裁必於豐稔之秋勤本業謹蓋藏而後飢寒無所迫一天根文鈔卷一

三

身之疾病一家之飢寒雖其已入已迫庸可繳免而救於後而彼二人者必先兢兢焉若恐不免無救而豫爲之防况萬萬於身家而不知患哉天下之患始於不知防成於知而不救莫甚於一時倖免恬然以爲太平匹夫倡亂火山川墮城郭蹂踐所至徧天下而坐據下邑十數年之久良民之死與受汗脅者殆幾百萬一旦殲之山川出城郭復勇將義士戰殉名不彰者亦不知幾百萬而一二人收其大功邀極賞文武幕府上名於朝納金粟佐軍者皆得拜官於是多立名置公所在在於貧民算百物之稅以濟職與祿之窮破濩收材至於如此雖牧人之奴賈人之子屠酤傭保技藝雜流皆歎世

業不足恃棄家賣產徼富貴而官中子弟與四方游客耕無田居無室役事無力讀書不獲成名而幸天下之平上恩之普乞貸入貲以利一官息什佰復幾百萬此正君臣上下不敢自逸之日也文帝恭儉賈生痛哭太宗仁諳魏徵極諫真宗春秋方盛李沆日陳四方水旱盜賊之事以彼其時論者疑其過計夫治天下寧過計毋爲計不及今之君子或以外爲憂聖人處此不敢知也脩政而已

權弊

古之政無弊後世之政積弊今之號爲賢者爲政則務于盡除其弊其言曰職有俸也彼陋規何爲者也其裁

天根文鈔卷一

四

之用有經也彼浮費何爲者也其節之員之冗汰焉可也民之習俗苟不中于禮革之而已矣一其令嚴其法衆下無敢撓怨諱有不恤烏虜弊其終絕矣乎蓋以謂弊不終絕吾之政自可必之耳今夫弊之所以積者非一日彼但廁于官屬與民之游手不知其凡幾其人大抵無田宅而皆有家與身公私之需方待給天裁人事又從而擾于其閒使岌岌乎一飯之無可倖其心之不甘安坐以俟死也決矣而爲政者且曰是將反于古烏虜豈非不思之甚哉吾聞古之政持其大而不察于小戒太甚而不苛于微三代而後弊之不能無勢也權其弊而漸以圖之化于無形而不敢苟焉必旦夕之效其

庶有濟乎

審勢

天下勢而已矣用濼亦然夫濼不可畸輕畸重也國家承平日久濼務寬大寬大而畸輕之勢成焉殺人不抵罪盜賊公行莫誰何濼一輕而良民之致死者亾慮千百人矣變亂既興濼務嚴峻嚴峻而畸重之勢成焉讐誣疑似輒枉決賊之脅從者必及濼一重而良民之致死者亾慮千百人矣雖然勢有輕重而官吏用濼之際亦有難焉朝廷于治獄有失出入之條而入重于出斷獄之吏亦遂有救生不救死之說行乎其間是故盜諱之殺人之罪減之不刑囚無肯承刑之上官又將以

天根文鈔卷十

五

爲威逼自誣而坐以失入此爲吏用濼之難也若夫良民被禍亦甘諱而滅何也蓋一訴官囚或不承縱歸必陰圖復禍加厲無甯姑忍以待其斃從其黨效其所爲不惟脫禍且獲便利而犯濼者亦滋衆矣方其亂也武夫酷吏以功名競及亂已定稍任事者至以罪聞此自古天下之勢所以釁生細故浸至于不可爲也悲夫

義利解

賀人情也外賀內風者有矣其不復顯切幸也弔人情也外弔內喜者有矣其不復陰傷幸也世遂謂天下至險莫甚人情於戲性善情何至是哉毋乃義不明復有物驅之于不獲已與於戲非利也哉夫利在天地祇此

數君民皆不能獨擁者也生雖疾不勝耗之久開逾衆

逾啟爭之者之多方其爭也必先已後人欲利已必欲不利人豈欲不利人果不利哉不將有如唐時僧咒人自死乎既不獲已遂計不及而情不禁也或有不然而則必其骨肉親暱也則必其所嘗受恩私諂附之不暇者也既不獲已又安知不于其骨肉親暱與所嘗受恩私諂附之不暇者而亦有此情乎又安知不且顯切陰傷乎夫情一念也苟不顯切而陰傷君子之所怨也既不獲已又安知情之所出不有甚于顯切陰傷者乎於戲不忍言矣李林甫欲固其位以番將爲節度使遂致藩鎮之禍終唐世宏羊鎮琦延齡傅昇惠卿桑維翰之徒亦

天根文鈔卷十

六

皆欲見才希寵不憚爲朝廷取怨卒傲天下易曰開國承家小人勿用孔子曰小人喻于利豈非惟知利之一念必至爲國家害哉夫一念不如是甚也夫一念至于其骨肉親暱與所嘗受恩私諂附之不暇且不免顯切而陰傷而謂處上而易欺下而易陵之勢必忠之而愛之無是理也孟子之告君曰不奪不廢其言害已極而必反覆于仁義惟如是始不遺君親蓋以不明義害有不足懲矣故大學于平天下必終于以義爲利也

立言

自儒之名立必其人生讀書之家冠儒冠服儒服與師友日講論五經四子書如是者謂之學道門戶相爭標

榜遂熾不幸微賤雖有言行卓卓耳目足以師表海內
流傳後世輜軒之使不行國史邑乘不能徧載而文人
學士復從而蔑之以彼其徒自顧無修身立名之具悍
然恣肆無所不爲而盜賊起而國家危而天地敝非古
聖人志也古聖人與天地配陰陽水火之災旣變理而
挽回之鳳凰麒麟物中之豪傑也必特舉爲萬物勸況
人爲萬物首習之所移而可復其性也身之所污而可
貞其心也行之所疚而可表其言也曰唯天下至誠爲
能盡其性能盡其性則能盡人之性能盡人之性則能
盡物之性能盡物之性則可以贊天地之化育於戲立
言者得是說而存之其功遂與聖人等可也

天根文鈔卷一

七

敘跋類

書寧都三魏先生集後

草土之士有生內外交訂家國傾覆人物糜爛不可逃
之天地而闢高險之境開井田聚族而居聯父子兄弟
師友爲一體相與講聖賢之學古今治亂之故大抵躬
自反過相責死欲相代痛哭倡義值天下已定而觀中
原出邊關訪同志求人材屠沽賈街中見當事者輒首
告以恤民愛士爲之畫彈盜救荒長久利濟之策所至
緩急人老而賢委曲保護尤留意少年才俊進之以大
道以爲吾學薪火之傳恃此不絕其教原本忠孝言必
可行身不獲試冀千百載後讀其書用一二裨於世如

寧都易堂諸子當時人謂之有真氣豈不信哉予早喪
父母葬祭無狀弟不能畜交游不知以學行取資跬步
之頃防閑輒潰自視如無心肝人何以讀三魏先生集
獨怪叔子論古慕李忠定王文成之才而自命在左傳
經世一書今之士君子第稱其文或外之嗚虜勝國上
失政革命之際忠義最烈觀所作死事諸傳若於身有
遺恨者然其出處皎然明白而自任之重且遠猶如此
假使逢有道之世其所設施而造就者不可概見哉
書王覺斯詩殘稟後

天根文鈔卷一

八

于身于天下有議之者也其文列唐宋大家中豈非以
其藝之至與獨異夫孟津王覺斯所爲詩世無好之者
然牧齋梅村又未嘗無愛而重之者也或傳其擬山園
帖習之者卒鮮汝州杜澹圃得其自書詩殘稿愛而重
之也予觀其稿蓋數易幾難辨識字句必奇崛乃已詩
閒有及黃石齋倪鴻寶二公者按其時蓋在勝朝未革
命之前也嗟乎當是時覺斯意氣曷嘗不以此決千古
而足與二公相頡頏其時之人重其藝者縱不能有加
于二公豈遂讓哉

書長山李氏七烈婦傳後

自古之亂必有所由起而先及民其間草莽類藉以樹

功名而死烈惟女婦之衆夫人亦何不幸爲民爲婦女也女婦無天下之責者也惟愛惜其身不必遇強暴之陵白刃之劫而白處有不容以或苟故平世閭里節烈猶比比焉至於賊兵四起家室倉皇匿之無所脫之無術迫而以池井刀繩割夫婦母子之愛于一息之間稍緩且不及天下之境莫此難天下人之情莫此慘故雖事經千載言有餘痛而況生當其時耳聞目覩持世之君子宜不敢第付天數之無可如何相與表章歌詠以爲庶足慰烈魂而無憾已也粵寇之亂江南久山東屢犯皆立殲而死者已不勝紀有如長山國子監生李宗燕家姊妹姑婦攜孺子相率就縊若朱劉若鮑陳朱郭

夫根文鈔卷一

九

並其寡姊七烈婦姓氏事蹟歷歷爲獨詳蓋已傳之有據與雖然死烈時耳非婦女常行詩不云乎莫肯念亂然則亂定而重念之者其義又有大焉者矣

書李生傳後

咸豐十一年粵寇至肥城李生履祺與其弟給賊魁殺之闔門殉濟南郭翊爲作傳示其友家琪讀未卒輒詫嗟太息作而言曰烏虜生處里間措一身甚易何死爲迫于義而急難鄉里之賴全活者或不少也兄弟齎粉門無噍類又何恨焉士苟待統三軍樹大纛食萬鍾祿封萬戶侯雖不死可也

書穆竹村臥雲山房詩四君詠後

咸豐十年西人內犯 顯廟北狩京師諸臣或假歸或聞警走且有位列卿貳潛寄帑于畿輔郡邑問者不謂其時尚有戰守以死如長白穆君卧雲山房詩所詠之四君也之四君者豈受國家恩厚於諸臣抑先時不能遽脫倉卒臨變遂及于難與不然何同是人臣獨奮忠義弗去其職事之不濟必以身殉之也方是時余年未冠明年入都應鄉試聞人道當日事輒相與歛噓光緒二十年東人入寇京師震動適余老爲校官在二千里外踰年會試未計偕而交游弟子公車返類述其時亦有如嚮諸臣者今距 顯廟之世更兩朝二十餘年彼歸且走如某某言者猶呼名指斥而四君死事本末

夫根文鈔卷一

十

國史紀載未可知是詩之流傳士君子無不樂誦之至於今也烏虜可以鑒矣四君天津提督樂善副都統札某總管內務府大臣惠豐郎中清泰皆長白人

送尹先生歸永新叙

自天下用兵雜途並進得官易而官衆官衆祿不給貪墨弄文公私負責胥委異土子孫不可問一二明哲或見及此不蚤去豈必戀官蓋既棄田宅而官死生以之苟一息不敢自己豈非勢爲之哉永新尹先生以舉人薦辟授山東鉅野知縣量移黃縣一年解組歸道訪南過家琪家琪曰先生何去官之易也曰吾不知有官何知去先生故爲是說以自高耶抑自有術以處今之勢

也曰吾何術謹身節用視所入爲出無日不可以去官
吾何術夫心無官潛挽其勢至于無日不可去可以去
亦可以官彼官而死生以之者微特不能去並不能官
故方其盛也侈奢淫靡無所不至及其衰也身家殉之
悲夫黃濱海小邑多巨室官中號爲美缺先生自視事
迄去未嘗受一錢邑人留脩志書及成餽金僉曰於義
當受卻之易以嫌又卻之人以爲難予獨怪先生去官
之易苟非克己力學數十年其志不定稍一遲回卽重
終身之悔雖欲如今出處之綽然有不可得焉曰介于
石不終日貞吉其先生之謂與

書吳先生間邱行詩後

天根文鈔卷一

十一

孔子曰君子學道則愛人程子曰一命之士苟存心于
愛物于人必有所濟仕途之差爲官箴久矣自海內不
靖盜賊蠶起治縣者類以峻法嚴刑相尙草薶禽獮累
及無辜其殺人尤多者監司上其名而遷秩焉彼皆劫
財要功之心哉或亦時勢所迫不得不然與然讀吳先
生曉亭間邱行有曰我亦此肢體此理最易悟何也

趙月槎詩叙

向過書肆見有手其自撰杜詩解者取讀之曰異哉自
袁簡齋以來數十年詩人半汨于輕薄游戲之習是書
出匪惟揭杜心傳抑亦廣天下詩教也因叩其姓字蓋
趙月槎星海爲萊陽諸生云頃自言曰予少壯觀皇

帝都遊秦晉歷蜀川泛洞庭過洛陽走金陵下錢塘
盜四起開關萬里一身之外惟攜杜詩馬背船唇河風
山雪旅夜瓦鐙淋漓土墨每索一解心鏤腎髓一生精
力畢于此欲求有力者代刻焉令將老矣歸來至泆南
適遇朝邑閭中丞愛士僅刻所解近體數十首以傳言
已悄然曰今中丞且去予亦不得久居此也逾二年再
遇之青州詢所往以燕趙三晉對蓋前志也其秋余下
京兆第歸不得月槎之手杜詩解而馳驅天下也舉世
咸目爲癡爲怪一二知名不過曰才士才士耳其苦心
卒無有識者年不五十鬱鬱以死天邪抑人邪夫士不
遇時當一室餓守有所著聽其存亡司馬遷所謂藏之

天根文鈔卷一

十二

名山傳之其人蓋不願求當世之知矣昧乎此好使才
氣欲以驚聳振聵而終死困窮如月槎者何憾哉予嘗
鈔同人詩存月槎五律若干首甚肖杜夫以月槎身杜
之境奉杜詩窮且死詩之肖杜固宜特惜其解杜之全
稿不傳耳濟南知月槎者朱君澹菴宮君子行而遺詩
獨藏于余寥寥數篇魂魄所在予每低徊其生死之故
與著述之心不忍使後世無傳遂以其詩付梓焉

薛曉湘詩叙

苟于今之世其行磊磊而落落其言是是非非其任
事履萬死而弗顧險其疾惡鑠衆口而弗恤讓是必克
已潔身俯仰之間有無愧天地父母朋友妻子者雖使

已終身俯仰之間有無愧天地父母朋友妻子者雖使
祿萬鐘爵五等豈或有所奪哉吾送曉湘文表其志矣
曉湘曰唯唯否否吾役軍養老父死二弟弱日不再
食來山東謀生計已耳入中丞府且七年廩食外未嘗
有所取然自刻尚得以其餘易數畝田同之二弟此所
以歸也噫兵凶器疆場危地也因以富貴者衆矣馬援
有言凡人欲貴富便可賤今之富貴者不知皆可復貧
賤否而決去者卒豈雖日勢之積漸使然亦其苟焉自
放而貪微之於無已與其矣出處之視乎其人也吾觀
曉湘之持躬獨苦當其探賊窟入深山行歌松桂閒虎
狼不避白衣步擔廉吏卒弊無隱怨之不知功之亦不

天根文鈔卷一

三

受也歸之日得詩若干首復書此以爲詩叙

王冊山詩敘

於戲自古治亂之間豈不繫人材哉 國家承平二百年
所一夫弄兵糜爛徧南北楚中胡公起作天下之氣僧王
曾侯因之復爲平世其閒附以貴顯者不下萬計當是時
天下豈有不遇之士哉王君冊山生于西蜀萬山之中讀
書二十年秉家穿岷江游天下無所合以死然嘗曰些些
賊不足平也聞者妄之亦無有問其平賊方略者家琪遇
於濟南日與關詩酒徵歌舞靡然樂也酒酣每擲杯起大
笑或大罵又復掉頭曰吾去矣與居年餘若無所往者同
治十年人都應禮部試於戲死矣方天下之亂抱寸策奔

數千里亟求一試不得當亂既已居民市夫坐獲太平飽
食壽考而顧死徒以一二大言流播當世爲俗人笑是命
也夫命也夫詩多樂府大抵紀時事蘇臺柳四十首尤有
隱託氣奇恣而深于情其友曰此可存冊山也噫當世不
遇而爲希身後不可必之名知所不屑雖然古來非常之
士生平間僅以小技傳者又何可勝道哉

春谷詩鈔叙

古會稽郡酒高天下李少蓮生其鄉又好讀太白詩於
是以酒狂名予之旅滯濟南也骨肉死喪漠然無所向
訪才士得歷城郭蓋卿後復得少蓮蓋卿負奇稟書博
覽載籍古文詩歌書畫及科舉之學無不工少蓮雖幹

天根文鈔卷一

四

短小而氣豪能飲酒酒酣掉頭高誦已所爲詩音琅琅
然尤善摹漢魏樂府追風騷常州高麗中曰郭李二生
才非吾及也同治十二年蓋卿領山東解少蓮與予南
北各下第而少蓮詩遂富今少蓮寓書自傷年日益長
學日益荒境日益困而飲亦日益衰予讀至此不覺欲
涕嗚呼天地大矣山高木落獨望江湖退居一室秋風
夜起萬籟蕭森老雁孤鳴霜氣四塞於是俯仰無所浩
然興歌其精神意氣必有相頡頏於千載上者方今天
下人才日盛一二貧賤之士衆目之爲狂生久矣予爲
叙其詩願少連當益飲酒

贈李會侯叙

烏虜學術興廢之故其天地之運也哉孔子沒而百家雜出至于秦燔詩書坑儒士可謂運之極否者矣豈非生其後者所太息痛恨于終古者與漢老生掇拾遺文于煨燼之餘譎脫僞亂已失其舊然用此諸經漸立學官生徒蕃滋各承師說高密鄭氏並爲衆經注解其學術之中興乎晉人尙老莊南北朝學並立迄唐定義疏雖然數千年來所講明者大抵訓詁章句而不本諸身心性命以幾治天下之效于古聖人作經載道詔後世之爲人者不能體精微按切近擴其用于大且遠烏虜此程朱所以獨接聖賢之統緒而天地之運若于此復其初也元明以還惟本宋儒所集注取士直儒閒出而

天根文鈔卷一



法

學術亦歧高明者方宗溼王或且蠹于功利詞章碌碌之輩功令外之書不敢觀卽所童習老死不輟者弟奉之爲射甲科鬻爵祿之具而弗暇深求稍自盡于人已內外之間且夫天地之運做久則必反國初數閱儒篤信程宗立言植行抗之無媿間有遺逸者舊博聞強識力于著書而考證之學由此始矣乾隆之際運號極盛天子神聖崇學重儒手定諸經講義 詔開四庫全書館徵天下遺書其時人士類皆英奇絕特之姿又耄老好學于是厭宋儒之空疏以希漢實事求是凡夫名物制度之因革文字聲音之異同靡不廣搜博辨確當精覈有宋儒所未發者然好勝而鶩名播擊前賢不無

少過桐城姚氏嘗著論非之今海內用兵迄于亂定蓋數十年矣號爲士者日衆而讀書日寡稍利科舉便詡嫩才苟且因緣立致通顯當是之時雖有好學深思之士沒焉已矣此乃今日學術之陋士習之汚人心風俗之大憂而姚氏所未及慮者也河南府爲宋儒鄉偃師武授堂亦以經學名天下予居洛陽二年識李坦和龔性孤介口必道聖賢明年識李際雲會侯于易詩尙書論語大學類有解說和龔嘗商學于同里曹君肅孫而會侯尤爲曹君入室弟子曹君者同治開習學使者景君其瘡以儒行聞于 朝者也會侯持所解說示予且請言予疏治經言不足重會侯特著古今學術與天地

天根文鈔卷一



法

之運相係者爲文以贈蓋予之所感不細也假使今日者朱文正阮文達諸公振于上江戴諸先生尙存會侯獲與相師友天下學術之興非予之所敢知矣

送孫佩南敘

吾友榮成孫佩南以令合肥去官一日訪其弟六皆于閩鄉官所道洛陽將歸日子何以送我予以謂佩南之風節天下共知奚予言爲初予識佩南時自楚中載數車書攜二弟應試千里已而通籍成二弟名盡粥所藏書償父官債遂以郎官出爲令烏虜令雖微其法 天子之濫天下之公也前古之令如董宣周紆虞延輩皆敢于恬貴戚楊沛未到鄴曹洪劉勳馳驅告子弟使自

檢束又何異于令如是豈不以其法哉今之世與古異
勳貴家非他大姓豪強比以一令執濃于其間措置稍
過遂干罪戾佩南亦何辭夫行其濃而昧其禍不可謂
智若有所憚與徇逆計禍撓其濃持兩端已詭避而嫁
于人或者借勢家以盜名恣行其無忌之胸臆夫人容
有爲之者矣予固知決不出此何也信之于其素也雖
然儒術衰而世始尙奇節嬖嬰澳忍之徒衆反以齷齪
孤介者爲不合于時然則佩南于此又何必以是重不
更思所以自處爲一世之學校風俗正其本而樹之的
與山東古齊魯地伏轅而後世多儒者佩南尙樸學治
經古文辭有聲今巡撫張公禮延爲濟南尙志堂師首
天根文鈔卷一

志

編孟志藪孫明復集且爲予言少學好馳獵齒衰精茶
將反之于身心異日泰山徂徠之間必有望而知爲先
生之弟子者矣

春治草堂詩詞敘

自世遭寇亂文字之沒于灰燼者蓋多矣然名輩之全
集流傳海內家爲收藏再三鈔板者有之至于畸人孤
士輒散失無復遺可勝喟哉甘泉江鎔伯先生乾嘉時
爲名儒鄭堂先生從子今河南府通判汪君孟平之外
大父也鄭堂先生負一時經學望先生老死諸生而猶
遺所著春治草堂詩詞二卷于亂後噫亦幸矣孟平之
叔弟少符廣文刊于青浦首列郭頌伽吳山尊諸名輩

評語孟平出亦余屬一言余以謂其所著嘗見重于時
微孟平昆弟傳之則亦無聞焉又自恨學鷲枝葉而生
晚不獲從諸名輩游一誕正之以斯編之筆蹟宛然而
當年杖屨槃敦渺不可接且余亦嘗論交四方矣不數
十年又多傳記中人益令余顧江山而深今昔無窮之
感也

送許士衡敘

昔孟津許士衡來執弟子禮以文問士衡才高而志遠
年方少而日有名余謝焉閒歲一相見問逾殷卒錄余
所爲文去烏虜士衡可謂知余矣未爲知文也今夫文
者造化之鑰先聖之樞人倫庶物之權衡君子爲己之

天根文鈔卷十

志

學子是門焉非可藩籬乎人而室而室之者也古君子
之于文也必先游其神于廣大之宇涵其趣于淡漠之
區博之于載籍以厚其積反之于身心以踐其實參之
于人世之常變情僞以充其識而練其才于是操管以
爲之宜快其所欲爲沛然不可禦矣然又若咽之有所
鯁而不敢吐也澤之有所瀰而不敢洩也驟之有所靳
而已則疏可以已而不已則贅疏與贅皆苟也不苟
于文而後其文至自學道者陋文而治事者又以爲曠
然無具也而文之至者體原于道而用周于事是故一
行之書必審其是一詞之出必折于中立一誼設一論

必前未嘗有而爲後之不可易稱人之美必驗已之果有是美否也責人之過必驗已之果無是過否也方其運精獨造雖古人有不必師矧可姝姝焉守一家之臆說私法而失已哉易曰君子以慎言語文所以言也敢不慎乎余老矣方悔嚮所爲文日加慎而未蘄至于古之不苟者也士衡志于文亦求其不苟者斯可矣或謂余今士衡由鄉貢試禮部將仕于朝矣且時事孔亟于其行也子宜告之以治國家之經立身行政之本與夫安民克敵之方而猥以文爲雖然京師之大鉅公魁儒龍虎鳳鳩之林藪必有進而語之者余鄙人也所習止是不習者不能言故弗及也

天根文鈔卷一

五

書牘類

與章純甫書

純甫足下書來以先大夫之治東阿數十年後爲耆老所不忘重以繼其治之大君子志發幽光足下贊左右焉將條其治蹟上之大府請之朝廷從祀于清興以來名宦之列小子捧書長跪不知流涕之何從也按諸禮經先人有善而弗知不明知而弗傳不仁小子生十三年而孤當先大夫治東阿時十一二歲耳知不悉然嘗聞之先大父暨母氏云咸豐三年寇犯山東北徵兵例以民車州縣遞載或無代恒沒前境車每車發後焉力與爭車返乃已爲政廉而敏訟所逮不及鄰族左鄰

令自至夜已息矣必起爲斷曲直立罷遣胥吏無敢私錮人者寇來侵防禦益力城卒全自到官一載而病未久死其愛東阿民如此既病解職東阿民踵行省乞留者數四復相率挽其行百里猶聞哭送聲東阿民之愛先大夫又如此於戲母氏歿七年先大父歿十有二年先大夫歿且二十年小子生事先大夫不如侍大父母氏之日多其在東阿一年不獲數見先大夫閒見於大父前先大夫不一顧惟憶與病至家數人掖之面如紙氣喘喘然血上逆一息輒數百吐地爲之赤依依目中先大夫病于東阿不逾年而死也未嘗言勞其時之不戰僞稱斬獲與賊去報城復者倖賞無算獨不獲一

天根文鈔卷一

二十

級增又不得比與城俱亡者同其褒旌蓋以旣策名受國事自盡而已不知其他然則名宦之祀非先大夫意也且名宦何事也首結大姓來士子碑德政初去便仆百戶衣繖或陰劫還上下交賂以名入告禮官不察從其請而忝祀者所在多有至于數十年後耆老猶不忘繼其治者務闡其幽左右贊焉此以知官與民相愛自有真久而愈至而相與成其美亦不容已非必內交于其子孫而後然也我耆老誠不忘我先大夫歲時尸祝載名志乘小子感且不朽若必條其治蹟上之大府請之朝廷從祀于清興以來名宦之列亦惟繼其治之大君子主之小子不敢與聞何則子孫不能自樹立稍

有繼述使世咸謂真某氏子而徒日誦先人數十年前遺事要天下以爲名是辱先人且得罪後世也足下必曰子之言然家琪頓首謹上

報張伯玉書

同里何家琪頓首于伯玉足下聞之爲常人之子孫非難爲名人之子孫難爲名人之子孫難而爲賢者之子孫尤難夫所謂難者豈徒口祖父之德行政事表揚于天下後世爲闕闕寵已哉蓋以身祖父之身繼述其志事雖名位不同而所以致之者不敢有間其在古人袁微之於安蘇頌之於瓌李愬范純仁之于忠武文正固爲名父子楊伯起以清白吏之稱遺其後其孫奇靈

天根文鈔卷一

三

帝謂其死復致大鳥唐宣帝亦稱魏徵孫慕直諫有祖風家琪嘗以此自恨冀當世克見大賢大賢之後有賢子以釋古今不相及之憾竊惟尊公名德著當世誰不曰賢而足下以名諸生爲縣令一守家法猶日兢兢以墜先業是懼家琪不敢私諛以古人抑亦可謂孝子不匱矣今者又以孝思錫類至于不肖之小子每聞足下言與所惠書未嘗不搥胸痛哭已之罪戾不可贖而媿入地也小子生十三年而孤先王父暨母氏憐之不忍過督責輒流涕舉先君子軼事望庶類父不謂忽忽至今已逮先君子作宰之年而學不就名不立死喪患難古人或藉以成大器而乃不知省懼徒以鬱憤憂疾致

言行狂悖毀謗交集貽父母羞今夫河之水源于海其質至清也人見其泥沙之溷入而濁之名千百載不得洗其誣松柏受地氣之厚爲萬木不及苟有一枝陵于風霜復不自愛摧折道路過之者遂疑後彫之語不足信常人之子孫幸捷一科衆頌德報苟或失之又相與追咎祖父於戲頌德報可也區區之失不察而咎之安知彼他日之顯揚不有大于此者顧此亦子孫自取爲祖父者豈不冤哉若夫祖父有賢名同時之人久叢嫉怨方幸其子孫不才大肆汗蟻惟有下邑窮民倦念遺愛雖其後之無人猶必舉其數十年前之實政思展轉聞于上此以見三代之直道有不盡泯而祖父受子孫

天根文鈔卷一

三

之累如小子之甚乃天下爲人後者所當鑒之以爲永戒者也名宦之祀 國家巨典尊公名已上先君子爲人所寢重責報於小子名實之際但使無愧子孫敢不力雖然小子之貧賤甚矣其言行皆時貴之所棄也客居久困敝廬不能守先王父暨母氏尙賴足下力得歸骨身外惟數卷書弟官小奉薄不敢以非義財汗先人思今年理二喪甚急未知克舉否凡有力於先人者分當報設必曰如是則可不如是則不可不惟死者之賢不彰將窮民與良友之盛心且湮焉子孫自不能繼述其祖父斯已矣賢名之顯晦又安得不聽諸悠悠之世也哉家琪歸里時必道濟南恃足下知我故敢瀝血陳

之

上段曉嵐先生書

門下士何家琪頓首于曉嵐先生閣下伏以家琪累世清宦家江海閒不幸早孤衣食無資謗毀交集然讀書學聖人之道無所用于世發憤爲歌詩雜文又不得精其術無一二足以播人口而傳後來重以先骨久暴匍匐而歸族長老促其一試噫家琪文之爲世詎病久矣不獨鉅公名士舉相排斥卽在交游亦以其不類時相戒遑敢望公明之主司冥昧中之一顧哉當是時先生方分校得其卷獨以其不類時而賞之爲之特薦爲之傳觀必欲以第一人相待致主司擯而復收中心疑沮

天根文鈔卷一

庚

三

而終置一房首選非先生之力何以及此且夫先生之于家琪未嘗有一日之舊也家琪之姓名與所爲文未嘗達于先生之左右也然冥昧中獨私之如此者第以其文不類時意其人亦或有不苟自待者而重天下士爲 國家愛惜人才之意不覺勃發于中而不可已如是則天下之士遇者志得不遇者氣伸稍負才思用世者亦孰不鼓舞振起勉爲先生之所知哉抑聞之古君子之知人也非第知其文而已而其受知于人也非第以文報所知而已知之者必望其厲學行慎出處終其身一于古之道而後爲知之至受知者必自厲學行慎出處終其身一于古之道而後爲不負所知是故一七

之遇甚微而百世下追論之必曰嘗爲某公所知如吳之于賈陸之于韓歐陽之于二蘇而惜乎家琪非其人也家琪去歲度河而北春官被放螿海隅又百餘日矣聞先生改官山東復分校恨咫尺不獲謁而獨惓惓以是進者誠以先生重天下士爲 國家愛惜人才之意至于如此其門必有如賈韓二蘇名百世下者請以今日之言驗之也家琪頓首

與管司馬薦士書

家琪再拜敬伯足下空山之中有大璞焉蓋積大塊之元氣聚陰陽五行之精耿日月潤雨露揚風雲感雷霆而後始爲世出也其當聖人在上賢公卿比肩登之於

天根文鈔卷一

庚

三

天廟隆之于壇席左右於三代之重器馨香神明無愧也然方在江湖市肆間衆遭之與石等耳遇卞和則必特而薦之矣天下不皆和也石之自出于衆且夕加璞之上者蓋不可以千萬計而璞爲衆抑雖欲與石等不可得苟與石等亦庶乎有以自慰矣若璞之志甯永棄于江湖市肆必不肯一千衆與石爭而其大塊之元氣陰陽五行之精左右於三代之重器馨香神明者固在也卽使璞不遇和幸與石競功而比列璞不璞且未敢定又豈若江湖市肆永棄之爲愈哉嗟乎衆之不足以知璞與璞之不願知于衆斷斷然矣天生璞必生和其相遇非一日之故千百世巨公賢士之師也敬伯抱奇

才嘗被薦於 朝矣薦之者為故御史宗公其所同薦一為同里周君一為今恪靖伯湘陰左公也敬伯既以是顯名而又志宗公之志延訪天下士恨秩下不得與朝薦往往言于左公與四方軍府今有會稽李坤厚家琪友也為人廉直文深奧類古作者然未嘗干於眾故年二十未知名予因獻其詩一卷復擬是說進焉平亂而還天下之功名盛矣而謂江湖市肆之尙有璞也惟敬伯不妄予言而足當卞和之稱也夫家琪再拜

與湯蘭士論藝書

人具天地之心五行之秀氣秉陰陽而生卽性之所近以為學見有可以寓其心發其秀氣之一端若天下可

天根文鈔卷十

三

好之物無過于此然後壹其志厚其力不務博不旁獵不他遷進而追之懸其極而肖之出而與同好者朝夕居遊不敢非人不敢疑己獨行其是而不相師若有自得而不求知于外不動于一切之浮名一旦任心所之大發其秀氣凡有天之區有地之境日月山川風雲雷霆金石鬼神華實昆蟲之會無在不見所好其身已死其名已滅後之來者跋而望之默坐而思之若有人焉其姓字容貌不可言而可想像是吾師也吾友也學至是殆易所謂誠所謂神者乎今古之學文章書畫而已嗜文章者薄書畫嗜書畫者薄文章要之皆藝也有道存焉耳夫道者心與氣之交人之所以自為也故同一

藝也有數百年者焉有數十年數年者焉有千萬年至于無窮者焉名之遠近視其入之道所積之淺深無毫毛爽離道以言藝不知藝者也離人以言道不知道者也韓子論文有自樹立不因循之說亦道固然也蘭士以畫世其家而更大之幾抗古而可傳于後故與論藝如此當不訝吾言之夸而藉斯自信卒其業以俟百世而不惑也已

與趙菁衫書

家琪頓首菁衫足下家琪官卑冷而日此竊雖以平昔相友如昆弟相問學如師相往來投報如族鄰婚媾別數千里十年之久一再通音問自不知其何以為心也

天根文鈔卷十

三

近聞奉 命攝今山東按察使肅官常而慎民命甚盛甚盛山東嘗屢用兵矣歲歲塞河矣其由白衣官監司者比比也前歲鄭州河決其以勞膺賞者且六百人河南府校官亦有與其選者此皆不足道家琪嘗讀史至樊英殷浩房瑄諸傳未嘗不流涕今 上初年朝端有錚錚佼佼譽譽謬謬所號五六君子者今皆何狀哉其前死與以細行敗幸未敗而委蛇俯仰于晚節者無論矣以少年被盛名受大任統精銳之師馭驍勇之將奇謀不行力爭不得苦諫不聽委命狡敵坐失兵機喪辱而不能死已矣悲夫或者乃欲效明張桂之所為噫嘻吾不知死日何顏見 先帝也若夫博極羣書自命為

真小學真經學真理學者一旦而遁于洋學敢于犯亘古來未有之大難其意未嘗不在于利中國也自古言利之臣如桑孔介甫輩未見其利害皆一轍斂民以富國且不可況做中國之民便異域長驅之徑曲媚夫穿鼻儋耳之人方藉口補朝廷田租商權所不足其誰信之哉嗚呼禍所從來矣詩曰誰生厲階至今爲梗傳曰毋爲權首將受其咎縱果于自用柰公論何縱身微免柰天下後世何嗚呼其亦不思之甚矣之數君子者豈真失其本心哉豈向之飾行盜名爲今日決裂地哉才太高志太大視天下事太易而已然而天下之禍實胎于此此家琪所以絕意進取甘老死一校官而不辭

天根文鈔卷一

三

也大抵才志之徒其氣必矜矜則難持久勇于任事者其名必盛盛又若陰有物以敗之方其始識者已決其不卒何必待異日且夫名愈盛而媿愈深位愈高責愈重而報稱愈難量而後入足下嘗以之勛家琪矣足下以鼎盛之年仔宏濟之任建非常之業垂不世之勛名位正未有艾家琪于足下布衣交也聞之魏仲先之于寇平仲三訪聞一從遊蘇雲卿之于張德遠招以書幣迄不至彼皆各行其志也嚴子陵遺侯君房書曰懷仁輔義夫道有加於仁義者哉家琪所敢進于足下者亦以此狂奴故態願足下笑而置之家琪頓首

與趙廣文書

星臣廣文足下自余與君交每過必酒有役必餽且以余之不文手錄其彙促之作書徧貽其里之弟昆亦何其情之深致余之自忘嘗陋至于斯極也余生平之所遭亦奇甚矣而君獨豐之近年以來師友零落不可道幸猶遇君可以慰索居之歲月也復別去于斯之時天風日暮登青州城樓望西南諸山回顧城中人煙寥闊惟見故宮瓦礫與連阡禾黍交錯無垠謂余何心而能無下獨立蒼茫之涕哉

天根文鈔卷一

三

天根文鈔卷二

封邱何家琪著

傳志類

書曾文正公逸事

同治三年湘鄉曾文正公之克江甯也首下令復秦淮河鎧船江甯織工三年不稅他郡縣稅倍之木商自江漢至江甯者亦三年不稅是故四方之工商皆集江甯江甯城皆屋當是時凡江甯貧士下吏孤寡老疾無一失所者烏虜亂定以來封圻之臣類專務推算汰節綜覈苛刻爲功公勛蓋天下而其政寬大如此

書浙江布政使蔣公逸事

同治三年浙江復湘鄉蔣公益澧以功最爲布政使適天根文鈔卷二

常熟吳公存義來視學公往謁兵衛儀從甚盛吳公逆之入坐頃吳公進曰今亂定公左右宜少裁抑蔣公起旋伏地謝曰益澧少年不學隨大軍鞍馬竊餘功忝上命待罪于此公幸教益澧益澧敢不奉教遂叱左右去徒步出明日肅衣冠具弟子贊趨吳公門曰益澧願受學吳公不敢當固請曰吾一言望留意遇讀書士厚之耳公再拜謝初公屢得窖金給軍食及值鄉試士予金一錠會試者三倍之無毫毛私焉當是時紹興知府誅一士嘗爲賊誣誤者公聞解其職曰誅甚當雖然浙江入陷賊中一方之人其不爲威劫脅從者幾人而可盡誅哉且不能衛於始而罪於終 皇上下詔赦原許

不死復追論之是違詔旨也上追論一人下之許告仇

誣者必多甚或利其產以要功于上則民無噍類矣矧

反側弗自安昔之亂不將復起于今日哉于是大張示

論凡士民有敢以舊罪相告者以所告之罪罪之烏虜

公于政可謂識大體者矣當其起家武功未嘗問學折

節一言勇改過而堅從善雖耆儒不及殆天之所受異

夫人而尤能虛心以治事與兵興以來民之被禍有不

盡係于賊者而吾尤願以公之言爲當世有司告也

書杭州知府薛君逸事

浙江既復陷賊逸出者童子數千人無所歸杭州知府薛君時雨徧給衣被親送之市中諸賈肆揖賈而進之

天根文鈔卷二

二

曰此無家兒也願肆置一人爲其徒僉曰諾時同治三

年也童子長皆號薛兒

何家琪曰承平之時所在有育嬰養老守貞棲流諸義

所然立法不善或司非其人有生之轉殺之者矣以予

所見類中蝕其利甚且米雜以石灰食者輒病有甯餓

死不入者若夫廣施衣穀中上之戶冒領以被奴婢飼

犬豕而貧者不得與至于水旱盜賊之餘公私互假速

遲失宜名爲賑濟實益其禍事尤不忍道然則必如薛

君所爲而後謂之義哉

書金鄉知縣楊君逸事

咸豐四年春二月粵寇林鳳祥之渡河而北也出金鄉

偽率某九江人豫遣二使馳報知縣德興楊君鄭曰鼓
于門白事有密牒門者索弗與君肅冠坐堂皇對衆啟
牒賊書也言某遠來聞君好官愛民敢假城外數武地
縱馬去弗相犯且某故君同里也君暴怒髮上指冠突
落几後碎其書而唾其使曰賊奴敢爾賊奴敢爾吾方
以兵待賊奴斫賊奴頭賊奴其速來斬一人割一人耳
令反命而偽率至金鄉土城練卒二百敗之于李家園
時十有八日丁亥也明日賊大至君揮城中士民去曰
我死分也無累汝等退又以去語幕賓曰我死分也無
累君等劉應謙者安福諸生嘗邀所識五人共事幕中
先是或饋棗一筐是夕五人者徘徊應謙室輒食棗迨

天根文鈔卷二

三

曙棗盡應謙弗言去皆弗言去越二日庚寅城破君死
之妻邵二女殉城中無一人降方賊犯山東時牧令多
死城守金鄉首當其鋒其斬使事最烈忠義所感逮于
賓客士民尤所難致者及侵畿輔天津知縣謝子澄創
之卒用殄滅古來國家之亂類起于州縣酷墨之文吏
而成功死節反在武夫烏虜若數牧令者果何負于
朝廷也哉

王青蓮張繼庚傳

王青蓮者上元人身長八尺四寸以任俠聞雖爲諸生
習武勇力能舉百斤推號萬人敵道光二十年大饑米
價踊貴巨賈龍斷其利青蓮憤詣賈肆出其賈與約曰

今日價不平死女今日賈賤行趁趙前日敢不如命偏
請他肆賈皆然價立平咸豐三年粵寇至上書兩江總
督陸建瀛陳戰守策書八上不報著短褲袖力按城中
賊謀日手長髮頭十數級城將陷出所居巷人并其屋
爲一戶戶一燈納壯士十日登樓覘賊賊入殺之如是
者其月賊魁覺焉乃令壯士五跳舞樓上五迭出入戶
巷間賊魁驚異巷有鬼物火之火數日壯士偕殉焉當
是時青蓮殺賊九百人矣題詩樓壁曰生爲清朝人死
爲清朝鬼殺賊九百人誓不從爲匪火已字跡猶可辨
識云後數月同縣諸生張繼庚復以烈死初繼庚陷賊
中詐降賊徧知賊黨潛與其友輩謀謁欽差大臣湖北

天根文鈔卷二

四

提督向公榮軍聞賊期某日殺賊魁啟城城將啟矣謀
洩賊魁毒刑訊同謀徧誣賊黨賊黨多死不及友一人
何家琪曰青蓮繼庚皆書生無寸枋乃能出奇謀殺賊
如此假當時有知而用之者稍授以職與權安見其城
陷陷不卽復若繼庚已自達于官軍而謀旋敗豈非運
之所值其地之生民尙有方搆之大難天故撓之令弗
克奏效于十年之前哉烏虜亂之熾也烈士碎首無成
功亂定之後庸人豎子皆坐致富貴赫赫然勛名高天
下矣然青蓮事特奇詭其里人至今樂道之

書包村

咸豐十一年九月甲寅粵寇陷紹興令下屬縣民致貢

違者斬諸暨包村小而僻弗貢罪亦弗及屬縣民義之
徙居焉其弗徙者結聲援與犄角為 朝廷守寇怒兵
包村村故據險負絕壁數十丈中一徑袤三里許環以
水田碎石叢棘雜衢途包族大而立生者業農為人忠
信強有力村民長之賊夜至立生登壁高處鳴金大呼
而下曰殺殺風雷空谷應者萬聲賊反走為棘石絆墮
水自踐踏無脫者寇以為神凡攻村必擇驍武中道半
逸至則伏首受刃無敢敵于是包村之名聞天下初吳
越胥陷大兵惟道海可進取將發寇偵知之遣偽雌王
禦馬雌王者諸偽王中勇畧最領黑衣隊軍令嚴肅號
十萬徑包村大恨村無攻隙于是謀止軍築高臺礮而

天根文鈔卷二

五

塵之除年村大旱水涸礮發立生死家殉十五人女弟
美英亦戰劬三閱月村民始盡大兵乃以間入時同治
元年七月壬午朔也越三年天下以次平而寇之精銳
實盡此村

何家琪曰粵寇之平由鄉兵大抵鄉之士大夫率子弟
媼族轉戰南北所在立功封侯伯文武節麾徧行省如
湘淮諸軍盛矣若夫縱橫千里沒賊中守一隅以抗逆
敵非尤勢處其難哉立生村儉無過人智勇世所傳其
兵術類妖妄不足信徒以忠義號召其鄉皆流涕感動
并方殺賊功弗獲竟卒為國死此其志雖揭日月而軒
天地可也

書金寶圩

東南閭里抗賊名與包村埒而時尤久者有宣城金寶
圩咸豐六年圩故候選訓導丁燾創集鄉兵以禦賊當
是時安徽久為賊巢甯國府城再陷圩獨存賊攻之輒
挫同治元年冬十月偽侍王李世賢率悍賊圍之十有
二月丁酉破死者亡慮八九千人

何家琪曰於虜以彈丸之地一旅之師抗數千萬方滋
之寇至于七年之久功雖不就其忠勇何如也他如金
陵既陷知縣溫紹原守六合八年金陵大營之潰江蘇
浙江列郡悉淪沒舉人趙景賢守湖州與賊相持六閱
月長洲永昌徐氏無錫蕩口華氏皆畫水以衛其里迄

天根文鈔卷二

六

未破噫方粵寇倡亂之始官與民狃于承平不習戎事
故一時之郡縣賊至棄其土賊徒即報復城類無足怪
設有死力戰守如諸君者賊當不旋踵滅天下人民亦
不至糜爛殆盡即不然諸君不甘以其材棄之于勢孤
援絕區區之所增大軍以相驅除身可不死功且不必
後于時而立生翁乃殉一村一圩惜哉

書壽州二生

壽州二生兄弟也賊魁李兆受初起事劫為參謀不從
以刀赫之笑曰死耳不知其他兆受釋弗殺令一方人
無為二生計二生餓死

何家琪曰士可殺不可辱人知之生死之際一稍審度

則不能自決兆受嚇以刀而弗殺其不欲死之可知窮
其生計冀或從我天下人因懼餓死之一念遂至中道
改轍者多矣

書蘇湘

同治七年五月陝西巡撫劉典遣咸甯諸生蘇湘諭撫
延安望瑤堡蘭家坪安定四十里鋪諸土寇當是時回
人犯順所在嘯聚湘率十餘人走閒道攀嶺踰溝達望
瑤諸酋逆之時六月甲子也諸酋所部不相統攝而號
扈彰爲首衆三萬明日彰具牛酒勞湘諸酋咸會湘登
堂據上席諸酋環坐左右刀戟森列前階舞女唱塞上
曲其聲哀楚而門外人馬聲與相應湘獨持大樽且飲

禾根文鈔卷十

七

且取牛蹄噉之若無覩聞者良久曰汝輩自以爲士馬
天下莫強耶湘視之直旣奴不若耳諸酋領之一酋突
起謂湘曰君亦能騎否曰湘死且不怕豈不能騎者諸
酋以騎至高八尺許怒鬣風生昂首長嘶他騎皆戰栗
二萬人無敢騎者惟一酋能騎之湘從容攬轡頃及安
定城諸酋大驚遂議撫累日不決一夕殺人湘宿所恐
湘湘假寐詰旦謂諸酋曰久不聞殺人聲昨夜心頗快
睡便熟也雖然汝輩其以此嚇我蘇湘乎我蘇湘怕死
者不來此我蘇湘頭在可取也撫與否決今日諸酋曰
吾儕皆慶陽涇州人必撫其界保安言未卒湘立色變
按劍叱曰咄汝輩何出此言哉 朝廷以汝輩良民不

幸陷此非逆回比特允巡撫請宥汝輩汝輩敢以割地
劫 朝廷耶汝輩試思之咸豐以來粵寇之洪秀全楊
秀清石達開陳玉成尚有存焉者乎土寇之張樂刑苗
沛霖尙有未禽而戮者乎汝輩何出此言哉諸酋面相
覘不敢聲湘旋大笑曰汝輩庸人不工語言無足怪也
撫與否決今日于是七月甲申撫于蘭家坪登所部名
于冊馳報巡撫巡撫檄扈彰詣三原軍越二十日無行
意參將龔某始勸其就撫者也以身質不聽湘爲質乃
行已而彰歸被官軍服神色揚揚諸酋疑賣已詐言回
人至西川激湘逸要殺以挾彰湘不爲動謀寢湘去入
安定城諸酋已率衆臨城下湘呼黃世鐸與語喉令誘

禾根文鈔卷十一

八

殺之令不從世鐸者酋之桀也初安定困寇久無麥湘
以術假寇種種田二千頃復慮他寇劫民牛復假牛別
其牛角以紅布密令民牛角皆紅布凡居堡三月撫扈
彰部萬人巡撫更遣主事周某其衆湘少從軍以功
薦巡檢者七是役也擢縣丞賞藍翎

書章邱二知縣事

同治元年 上命朝邑閭公敬銘巡撫山東首舉廉吏
于朝者曰蔣慶第蔣君玉田人以知縣告歸二年矣中
外交薦起知章邱縣章邱富甲諸州縣而難治于是蔣
君與涿州全士錡並有賢名方是時寇亂大軍過境將
入城蔣君豫牛酒逆諸郊長踞帥前曰謹犒師請駐軍

十里勿驚城市民許諾乃起或誣奸民馬純序于大府
檄誅焉廉無他繫之屏左右告曰勿恐行釋汝旋馳數
百里行營見大府曰公檄章邱知縣誅馬純序誅叛賊
耶抑誅良民耶誅叛賊純序非其人若誅良民也知縣
固繫之矣聲色俱厲大府謝焉治獄詳慎常懼其枉小
有誤必悔而正之鞠盜與抵命囚則未嘗杖章邱民之
狡者好冒罪人供逮府輒反往往不獲真囚一囚反供
于府全君已受代蔣君聞詰囚曰吾杖汝未日未全君
亦曰吾杖汝未日未然則何以昔供而今反也囚語塞
蔣君曰雖然吾過也力請釋之他州縣民皆畏胥吏章
邱反是蓋全君遺胥吏準道里限時日予錢米不許受

天根文鈔卷二

九

民一飯民至詢其實偶受賕且杖且責倍償之弗怨也
初蔣君以進士歷知濰汶上博平武城縣咸豐三年權
擘率數百人越境防寇于徐州府之卞塘臨行以印綬
付典史曰我敗走毋納我我且死不敢以身累城也已
而寇他去及再為知縣四年自改官內閣中書而全君
以進士授主事改知縣選得嘉祥民患水不克輸賦大
府督之急盡舉俸以代而揮其子返曰吾今子百姓矣
踰七年遷歷城二君之賢名最章邱章邱民為之歌曰
繡江之水其流涓涓誰其我活維蔣與全又歌曰長白
之山其雲莽莽我其誰思維全與蔣

書陸慶街

同治十三年蕭山陸慶街以孤客游京師貧且病做衣
垢面一日其友觴于酒家同座有貴人某目而詢之曰
子何沔穢若是慶街年方少負盛氣擲杯起大言曰慶
街外雖沔穢中實不沔穢慶街生平未嘗以沔穢之術
貢媚竊大官濃寵慶街惡得不沔穢貴人默然已乃大
怒去當是時慶街幾危明年光緒改元貴人敗慶街籍
順天學舉鄉試慶街字紫珊

天根文鈔卷三

十

紀黃厓獄

大亂之世士民死寇兵湮不彰者不可勝數矣膺旌表
登載記留名天壤蓋亦亡慮千萬人矣雖然忠烈貞節
世震而敬之至于號為叛逆迹在疑似衆所冤憤越數
十年無一人敢雪之者余特悲山東肥城黃厓獄黃厓
張積中者江都老貢生山東臨清直隸州知州闔門殉
節積功第也以兄弟次七學者傳為張七先生為學本
儒兼道家旁及陶白治生之術論易財成天地之道財
讀如字廣大學末章生財之義咸豐三年粵寇陷江都
依兄兄殂見山東寇亂方熾思衛鄉人與山東官吏賓
客旅居無歸者道黃厓相其壁斗絕可結若為避寇計

迺築室講學其中鄉人與山東官吏賓客妻孥環居之
遠邇巨室亦聞而往焉于是黃厓有富名守若卒伍多
無賴同治六年春寇犯山東若卒有誘寇者益都臨朐
知縣捕得以變聞狀甚亟巡撫閻文介公遣總兵某率
兵圍之論三日降赦其罪是時積中已受制于下不得
出報書願自刎明非叛而已總兵某亟攻破之公令止
殺男子男子死女婦類衣不蔽體爭投厓長清昆縣也
知縣陳恩壽亟取家人衣衣之不給分裂布絮各護歸
其道遠者親局一室訪族戚屬焉事平獲黃幔黃棹幫
背有關帝廟三字迺入粵寇太平天國舊旗實其獄
公悔乞病去後十有六年光緒癸未科會試恩壽子冕

夫根文鈔卷二

十一

以第一人及第

朱澹菴傳

澹菴姓朱氏名蔭培字熙芝無錫縣學生出壽陽祁文
端公之門家貧客游爲人掌書記垂三十年以疾卒于
濟南年五十有五其初客山東也年方少尙六朝奇麗
之文才氣聲華一時無偶然不可否人人爭與交稱之
者皆以爲詩酒人也粵寇南下大江不守穴江甯觀吳
越主帥棄常州無錫亦陷澹菴妻殉母喪子幸脫來依
澹菴乃佗憐鬱憤悔前所爲爲文一本古大家表揚忠
烈扶持倫紀不遺餘力焉先是上元梅曾亮以能文號
天下蓋曾亮之學出于姚鼐鼐出于劉大櫟大櫟出于

方苞世所謂桐城派也澹菴從問義法會稽宗稷辰道
州何紹基皆稱澹菴山陰傅霖故才士客濟南且死鄰
厭苦之霖曰我死自有人埋我澹菴僅一相識果埋霖
晚年交永新尹繼美繼美亦宗桐城者爲擇十餘首序
以傳世曰澹菴文鈔

何家琪曰予詣澹菴時澹菴已病居卑下土溼論文章
有條理詞氣平易世之日視天不與人語若大不可一
世者往往逐流俗得官以去而澹菴老死無歆羨意嘗
語予曰吾輩志不可卑而氣貴能忍是外未嘗自異而
中有所不屑噫亦可重也已

唐棣傳

夫根文鈔卷二

十二

青州城有小樓樓一窗面雲門山山色滿樓中蓋布衣
唐棣居也棣字子山故籍吳縣少應青州童子試冠千
人千人以其非土著闕焉棣幡然自責曰吾何事與若
輩爭是區區者哉不復試日居樓讀書詩詞閒賣文以
給食雖貧不受遺樓下有榆槐諸樹餓輒烹其葉食之
有過客聞棣名袖金往閉樓不見強請之與坐樓上談
藝終日金不敢出其與游者有贈久之必以書償與游
者弗覺也年七十卒樓中

何家琪曰嚮過青州訪唐氏樓樓圯棣殉數年矣吾友
武進楊通叔嘗與游者也爲道其遺事示以所藏文章
一篋類殘蝕難辨大抵長詞曲通叔且言一夕詣棣棣

據樓閣携鐵笛訝其自製曲適秋風起其聲哀咽不可聞也

徐退傳

興化有老狂士曰徐退字進之又名進字退之咸同時以書聲于鄉富翁貴人乞其書不與與作輒付乞兒曰粥此可活女也以故富翁貴人反乞其書于乞兒子粥米于市婦織于室一日晨寒婦倚戶外晚退退方衣絮短褐向冬暄以手負背徘徊中庭吟嘯自得見婦曰何不織邪曰今日織不得錢敢乞翁一紙書辦數錢為翁具飯也于是舉袂露紙尾退大喜曰而翁書果直錢邪命出紙為書書盡其紙嘗以國子監生應順天鄉試不

天根文鈔卷上



三

中選立棄去獨手一杖挂胡盧行市中大呼曰專治天下黏塗雜病市人駭捕而囚諸大興大興知縣問退能書否曰能狂草如飛知縣善而釋之歸里遂不出書聯語于居室曰老夫仗一枝筆餬口小兒為五斗米折腰榜其門曰待死

郭仲彭傳

咸豐十一年粵寇侵山東及濰縣境劉家油坊村村民一人行遇寇其犬尾焉寇殺民犬暴起齧寇並死餘毛固側天津郭仲彭適客其外舅知縣張君所寇退過之喟然曰犬世所賤也乃若此可不敬乎手捧土斂其毛立石表之曰義犬墓仲彭名百齡篤孝尚義好交游父

師泰官知縣歸里病瘵且瘠凡寢與飲食寒煖溲溺仲彭承以意輒安之同治五年八月仲彭得疾將死書二紙一遺其弟一遺其友安州陳文焯躍入母懷而絕在二十有幾文焯字見三

何家琪曰見三與予舊常以仲彭臨絕書示予凡十六字其語悲而書古勁有法知其中不亂也見三且言吾愧負良友願重以子之文述其行誼甚詳予取一二焉若夫高犬之義而重其餘毛事雖奇其旨蓋微矣黃香谷傳

香谷姓黃氏商城人母夢一偉丈夫髮曲鬚類猿狀投入懷生而名之曰懸兒後更名殿荃少負奇稟讀書能

天根文鈔卷上



四

強記文立成數千言咸豐十一年以拔貢生詣京師朝考授禮部小京官擢主事願輒黜鄉試方持一卷讀忽擲之地曰京師人多于萬牛毛誰如香谷者于是鬱憤伴狂日飲酒澀聲妓怪偉其文以震駭人目書法益奇古香谷雖屢黜而名徧京師京師貴人愛其才爭令出門下香谷不一顧尤為其鄉項城袁文誠公知初公以待從出督辦陝甘軍饟事駐西安招香谷香谷偕眾幕客渡河已登舟矣適公僕奉公妾輿臨岸無他舟呵下眾幕客眾幕客有下者有坐旋起者有相觀未動者香谷立舟前徐語僕曰吾下吾徒步東吾不復渡矣僕謝罪率先渡以此公待香谷愈恭而香谷愈傲人皆稱

公咎香谷香谷文自矜重有素爲之者輒經歲弗就貴人至竟不得一字母命筆必取細紙良墨作意書之脫稿爲人攫去又不錄貳故無傳聞誦其詩曰匣中寶劍終歸水火底蓮花定燭天光緒五年游南海月夜被酒墮珠江蓮花峯下

何家琪曰予客青州知府李憲之官齋聞香谷行誼甚詳不復省憶今書其赴文誠公幕時事蓋賢公卿之待士與士之報知己自有其道不可以世俗之常例之也憲之且言香谷生而父出亡尋之不得方期取大名以行其志志弗獲遂浪游以死夫人之負才至流爲詭異放恣之行必有重傷心者不然香谷無以免世謗矣

天根文鈔卷二



其

三客傳

薛澗字曉湘韓城諸生也同治朝客山東巡撫平遠丁公寶楨幕府幕府客類以平寇功賞監司以下官獨不與最後以知縣薦資千金俾入 覲反其金曰澗秀才也分當力國事何官爲遂歸性孤介爲詩樸直初客濟南居城西土室無僕馬惟一醜妾供役使公檄廉郡縣事草笠短衣步千里如期反不受一錢公或有餽酒市酒釣大明湖中魚命妾煮之餉寒士泊歸負妾走山谷日將落野風大起忽聞吼聲甚惡一虎至登秦始皇家上狂叫曰畜類敢侮正人邪虎掉尾去

清河黎承忠字獻臣晚年自號喟園兀鼻善罵嘗以監

生黜順天試遂棄科舉業肆力于詩長歌行客河南祥符以啟事達郡縣啟事多微詞或譏于巡撫曰謗書也逐之喟園雖與衆齟齬而篤故交陽城典史錦州任君卒貧無子僕棄匱于野喟園聞之告于其二友二友尼焉喟園怒曰惡交而判生死非人也吾豈不能獨任哉當是時歲暮大雪道險巖徒行屢跣危登太行山四顧無人仰天高歌卒歸其匱少爲布政使貴筑傅公壽形知老多病河道總督奉新許公振禕賓禮之薦以五品職銜固辭不允一日將詣謝首舊金頂登車而以水晶者置車後背而坐及門徐出易之徧顧路人指其頂微晒曰天下可羞事尙有如此者邪

天根文鈔卷二



其

廉寰清者金匱人字兆平以布衣習名法客河南府縣者也爲人狷而俠不喜干時客之者寡恒貧嗜碑帖及三代秦漢器雖典衣必得之或謂曰子以白金易黑紙爛銅邪寰清笑曰公等貴金寰清視之糞壤耳糞是愛豈知黑紙爛銅哉游開封相國寺見一畝垢衣敝者病卧階下意其丐也詢之乃武進詩人王鐔大驚振之起鏹纍纍墜寰清膝居以客舍卒鏹金葬鏹其詩并重錄其鄉三家文曰張端甫侯子勤朱澹庵咸同以來江南故家墓多没于兵寰清歸省墓復舊址自以爲元文正公後世系尤重迺命舟躬訪遠族在安徽湖南者修族譜先是妻殉穴其旁爲生壙迨卒族人葬焉寰清好爲

小詩尤豪于飲客河南時赴友宴酣歌妙舞金鼓交作
寰清方抱大杯睡軒如雷矣

何家琪曰余論交多文人瀾從軍府久不失故諸生儻
所謂天下士非邪寢清等客耳而不干人歸死于里宜
矣夫名位世所尚窮極思通又人情之恒也唱園落拓
下方且老矣見知鉅公驟膺五品識與不識皆爲榮幸
彼口以爲可羞其志趣殆與今時人有不同者與

楊春園傳

君姓楊氏諱煦字春園澠池人父天榜縣學生君嘗與
他方賈互市山西賈遺白金五十斤君招而歸之賈杜
誤投以貨值百金亦返焉今之士大夫以詭術沒國帑

天根文鈔卷二

末

七

民財何可勝數賈之金與貨既屬於君去矣姑置之可
也不然待其來付焉而君必招而致之者何哉蓋以謂物
非所有不返其主心不安彼沒帑財者其心於義利之
間初豈皆其反者哉利之念日重而日長義之念日輕
而日消久且以爲固然反笑君所爲非人情烏虜君爲
國學生累以賑饑助役勞有司請敘職弗受孫莖舉光
緒十七年鄉試

李坦劉震傳

李坦雒陽人字和庵襄士也勇于義同縣劉震字春霆
差饒而好施坦少以國子監生應省試不中選奮然曰
是豈吾學哉乃棄科舉業讀儒書尤篤于孫夏峯李二

曲之學雖在客席每閉目端坐高論古人客盡去罔覺
也同光間雒水北溢壞城垣波周公廟坦倡于衆曰周
公父兄也父兄暴露而子弟宴處于心安乎欲葺廟先
隄雒且城亦一府資捍衛者也適條三事上有司大吏
閱過境趨數十里伏道旁以狀請不報請逾切卒如所
請有司敘勞者及坦坦辭曰吾言獲施行足矣家無舍
貸友馮元坤城陰閒田結茅居之時冬雪沒戶上下一
白不見炊煙知縣盱眙秦茂林賓禮之河南知府孝義
陸公襄鉞舉爲義塾師光緒二十年卒踰年震亦卒先
一日前其二友林世楨張祥祿而謂之曰震少不學今
以賈贏白金千五百屬君等質市肆積歲息資縣士之

天根文鈔卷二

末

末

貧而試省暨禮部者吾死瞑目矣二友諾焉及卒府訓
導汝州杜夢麟以其事并嚮所設主善堂義塾田百畝
宅二區聞有司有司請于 朝建坊旌其行震晚年喜
置書壁書卧其中卒後三年子玉堂舉省試坦無子
何家琪曰余至雒陽訪老蒼士得坦已又識震震好施
乞求衆稍不遂輒相怨望由是重負謗死未已泊子舉
一科或又以爲善報雖然非震心也假震私其子于不
可知之天何若及未死厚子產之爲愈哉恒人之情未
有不嗜利而畏死嗜利必貪貪必吝畏死必極以利子
孫息垂絕割千金豈微報者能爾乎而人且目坦假道
學烏虜

李孝子傳

李孝子名璧西華逍遙鎮七歲兒也同治六年寇亂從父避臨水寇逐之登舟舟近岸將下寇及刺父父斃大罵刃之未絕之也罵愈厲并殺之

鄧孝子傳

濰縣孝子曰鄧文昭廬父墓二年卒文昭縣學生授弟子城中墓去城五里許雖盛暑嚴寒必詣墓一夕大風雪諸弟子止之不可中疾死墓次年三十一

何家琪曰孝經云毀不滅性記云敬為上哀次之瘠為下身有瘍則浴頭有創則沐病則飲酒食肉又云毀而死君子謂之無子不勝喪比于不孝凡此皆為喪過乎

夫根文鈔卷二

九

哀者言之也非今居喪者之口實也昔皋魚立哭而死孔子敬之孟子亦以茅冢為死孝文昭不去父墓以致疾豈必以身殉哉蓋不如是則心不安不如是而苟安天下無不可已之事凡子臣亦無不可逃之責而援以自恕者矣

彭烈婦傳

彭烈婦者臨桂人山東滕縣知縣鄒崇孟女也歸陸豐彭錫齡膝以吳彭君令范縣烈婦與吳偕後置妾孫三人相愛彭君以事去官將從陝西軍二妾皆泣烈婦為治裝贊其行曰丈夫當竭力王事安得以兒女私奪義乎彭君行三人留居濟南愈相愛彭君不歸久無書書

至烈婦破半見白紙凶問也持書癡坐二妾問之不答

復問徐曰而主得死所矣言畢淚縷縷如麻襟袖俱透

二妾仰天大號曰安處我等烈婦曰我等易處彭君之

為同治八年四月迨七月庚寅匱反烈婦獨入室吳

潛伏窗罅窺之若仰藥狀亦入烈婦口堅閉餘藥盆中

吳曰妾固知主母志何不約我從烈婦曰人各有心是

何事約相從乎必從盃藥在可盡也吳遂抱盃盡家人

奔救烈婦腹卧前兒吳後舌強且言曰斂斂以手出一

指脫烈婦立橋孫猶掩面哭訴云

何家琪曰易曰二女同居其志不同行又曰二人同心

其利斷金同心之言其臭如蘭言人之難同如此夫女

天根文鈔卷十

幸

子同居平日且以私猜軋倉猝遇變各行其志而已安能必同哉鄒固世家義死而吳亦後之斷金臭蘭不足喻矣孫故倡也

任烈婦傳

烈婦氏龔嫁歷城任鳳廷疾不食亦不食家人強食之方食鳳廷死箸落地目上視半頃乃大哭出聲曰君死妾何敢生妾何敢生遂不食家人恐防之逾五日不死陽給家人曰今不死其無死時耶不食而且生豈非命哉復食家人喜懈于防晨潛起仰藥家人至救之已絕年二十有八時同治十年五月乙未其夫死庚申朔也

何家琪曰烈婦家故微非必讀書通大義也雖欲盡婦道或難于富貴族焉生無表見而死以節顯人豈不視自爲哉

宋節婦傳

節婦錢塘沈氏山東布政司庫大使長洲宋君煜室也宋君歿節婦結繩投井不得死席床側絕粒三日矣忽推枕自責曰暴夫骨而死豈瞑目耶起理喪自山東扶宋君柩歸先是宋君父母節婦父母俱未葬至是並葬之比反曰吾于兩家先人可告無罪矣同治六年六月辛丑卒年七十有六無子

何家琪曰節婦早慧詩書畫皆工絕一時號才女丁夫

天根文鈔卷二

三

與子之窮乃能忍死自盡若此禮婦人內夫家外父母家非絕之于其所生懼中人之心勇而力難兼如節婦之連葬數匱于兩家禮以義起亦先王之所許也士之文章彪炳潤色天下非兒女子比而職分所在其遭際未必若節婦之艱難也而或不盡豈才之啓哉

二孝女傳

惠民縣有孝女軼其姓母蚤寡叔父利母產欲嫁母母不從女亦不嫁偕居焉寇至女伏母而禦于門手刃數人寇大至女臂劍踣母出女起以臂障母寇義而釋之一孝女不知何許人也全家死盜以幼免及長盜日行市中無知者女陰識其人官入市女被髮指而大呼曰

此殺我全家者也盜伏辜

何家琪曰前史載寇亂之際如江次翁趙長平事固孝弟之足感人亦可見天理之在人心雖盜賊不至盡漸滅也當斯厄者惟望免親手刃數賊而賊釋之不亦幸乎若夫全家并命死何恤抱微志伺敵之閒言于官周官所謂書于士殺之無罪者其復讐與趙娥王舜異矣李氏二孝女傳

清苑詩人李鈞和之季女曰毓秀年十五以咸豐七年十一月二十五日死是月其兄毓泰女珊珊生二十四年以光緒六年正月二日死珊珊母葉疾時割臂和藥進及歿納剪懷中毓泰廉之仰天歎曰嗟乎吾罷宦

天根文鈔卷二

三

且老不幸見女橫死珊珊于是出剪置父前曰兒不死矣顧時時嘔血一日嘔甚遂絕先是毓秀母婁在殯欲殉家人覺乃寢蓋皆思母而疾疾而死去母死逾朞云何家琪曰何世之多孝女也爲人子孰不知孝父母苟非情之至生死之際有難言者乎今年公車入都道景州浮圖州人指其最高處言故知州懷甯彭君女殉母于此歎爲僅有今李氏二女生不及見而死若相從噫何世之多孝女也

邱節婦傳

節婦氏鄭陝西土族也少讀書知大義年十五受聘于陽穀知縣昌平邱君在田媒給言爲嫡入門之日服命

服見邱君配平宜人坐堂上遂自去命服服婢妾服長
聽請罪宜人初盛怒已而憐之呼曰妹無罪妹起遂掖
之起其家將訟泣止曰命也必與敵豈見天二日乎故
與宜人居終始無間言邱君在官多賸節婦自居一潔
室供佛誦釋史姑前而教宜子女宜子女親之
逾于母邱君歿子幼歸無計殮日戚友皆在節婦哭畢
慷慨對衆曰今雖貧喪不可不歸衆曰盍俟子長宜人
亦難之節婦曰不然歸何俟第粥家中物佐妾奩具尙
足辦葬資妾當獨任焉遂麻服率一僕一媪奉匱歸卒
葬宜人有疾親取巾帟穢器滌濯宜人眠寢起恒午節
婦侍宜人眠始眠而起嘗先朝禮佛卽入廚爲宜人具

天根文鈔卷十一

華

食家事勞者悉任之必請于宜人然後行給賞僕媪曰
此宜人意也宜人子泰來授官宜人命爲請 貤封服
命服焉

何家琪曰易睽次家人謂家之離自婦人也况嫡庶間
哉庶大抵怨嫡妒宜人誠逮下然如節婦之能自抑者
亦尠矣至于臨大事排衆議卒行其志雖義烈男子何
讓焉節婦余妻庶母同時吾友泰州宮母呂其女君孫
老且瞽矣事之若忘其喪明也其二子本昂昱長而官
州縣矣若不知非孫出也烏虜嫡庶之禮弗講久矣母
有美行爲其子者或且以爲諱然則余傳之于今世亦
曷可少乎哉

馮烈女傳

烈女洛陽高厓村人父馮獻玉許字後河村殷永福道
光十年年十八永福以死聞烈女方織于房忽以刀斷
其機請于父母往夫家村隣洛水將渡村人尼焉日三
往弗克渡烈女指渡處曰吾心如此水矣奚渡爲歸入
房織如故一日父母見烈女首垂機側以爲倦而伏也
呼之不應蓋絕逾時云後二十年馮族人市其骨于老
井村張氏俗號配鬼妻得錢五千張氏將舉骨葬輒病
如是者三遂止

天根文鈔卷二

譚

何家琪曰自來女婦節烈並侮以予論之事親撫孤歷
時久而志不易節爲難然而遭時不幸見陵強暴非死
不足以潔身烈不幾難于節乎咸同之亂海內女婦蓋
不忍言光緒初年洛陽大祲女婦粥于四方歲旣康婦
女少而價愈增無賴之徒于此利而掠焉其父母夫家
無不利之往往一女聘數男一婦更數姓至于爭訟官
概羈于官媒官媒者官人實倡屬也當是之時雖其女
婦之素知廉恥志守貞操有求死不得者矣若馮烈女
者父母未嘗強之克自致命遂志此固道光十年事也
烏虜

汪烈女墓志銘

汪烈女儀徵人贈君杰女河南府通判坦妹也咸豐三
年粵寇陷揚州贈君家城南守先人祠堂寇入將斧其

木王贈君抱木王泣曰此吾祖父魂魄所依也願以死乞免寇斧贈君額受創弗死縊弗死絕粒乃死五年揚州再陷烈女從母江嫂孫避城北三十里曾莊母病且革執烈女手泣而謂之曰時亂最女子不幸耳烈女頰首徐應曰苟獲死所幸莫大焉毋以兒爲念母旋歿八年揚州三陷九月己卯寇犯莊先是兄省舅氏璧甘泉宿儒時所僱南春先生也居去莊三里許聞變亟趨歸梗弗克前匿叢茅中夜潛行旦寇去至莊無人焉自門達室無人焉乃赴室後塘妻抱一歲兒浮水上昇席地踰時蘇兒已冰不能啼矣涼風吹波夕陽斜射見水底菰蘆畔有二人影左右相攜狀出之乃其嫗程女一卽

天根文鈔卷二

謹

烈女也程受聘于劉氏夫死不嫁烈女許字同縣諸生張丙笨未娶烈女年十九程二十七曾莊人號塘曰雙烈塘明年十二月某日兄葬烈女母墓側越二十有五年屬銘于洛陽教諭何家琪銘曰
女以水而完其潔水以女而嘉乃烈水重女邪女重水邪水與女名並不減

李節婦傳

節婦江蘇清河王氏山陽丞海陽李士瑛側室咸豐四年士瑛年六十九卒節婦年甫二十也踰數月而子洵生先是士瑛子符曾早世嫡妻楊出也故妾周遺子涪涪及諸女皆幼于是楊女君命節婦偕諸子女移別居

女君夙有痲疾節婦晨起必之女君所執婢子役符曾子臣俊基之虐及諸子女節婦退私居輒前諸子訓之曰汝等生微不可不自立涪涪洵遂奮于學相繼爲學官弟子員皆出客于外以脩脯養節婦初士瑛方歿節婦刃喉已絕家人掇之乃蘇光緒十九年年五十九卒里人以狀聞 旌如例

何家琪曰余向依弟萊陽官所距海陽不百里其地濱海多大風城曠樹白楊每秋夜與弟共坐鏡前聞空中有聲騞然復蕭蕭不已蓋楊葉墜也是時輒念少孤母早喪弟小官不及養未嘗不相與涕下洎余官洛陽識涪洵兄弟今洵又同客汝甯而弟適歿洵乞余作母傳

天根文鈔卷二

美

心惘恍海風猶在耳也

陳節婦傳

節婦會稽范氏適同里陳大葆割臂療姑疾不起夫死自經弗絕撫其孤孤又天凡守志四十五年卒

何家琪曰天下事未有可計其必成而爲之者也雖其事機待轉于是藉手而非常之變容起倉卒焉黠巧之夫有逆測無益或輟者矣而豪傑卒以樹功名至于敗壞已極莫施挽回要不惜一生身與名以殉之縱業不克竟立陷危亡而君子且許焉者蓋以其無疚于志爾夫君子之所謂無疚于志正世俗所謂闕于事情愚而拙者也不愚而拙此女婦之行所以獨不絕于天地也

與

舒母周太夫人墓表

昔諸城劉文正公父榮知甯羌州歲大饑假廳倉粟活州民而自鬻產代民輸納不謂今復有舒母周太夫人事也太夫人祥符處士學泗女知汝州直隸州奉化舒君亨熙再繼室光緒二年河南大旱大府以天災為時所恒有而國賦為重凡州縣官以災報者輒罪之曰盜耶抑沽名耶于是州縣官承旨災概諱而催科愈亟河南之境千里內罄飢相枕藉存者鬻田宅妻兒以輸賦無出鞭箠桎梏迄死乃已時之民非死於災即死於官幾無孑遺矣言者聞於朝天子震怒罷大府以下

天根文鈔卷二十一

三

官命重臣振撫而庫無帑倉無粟泊乎告貸四方四方之金踵至且百萬民無捄而歲已豐後大府又以其貲修廟宇刊書籍與諸不急務篡取立盡不稍留儲備異日捍患禦災之用為重可惜也方汝州君病且篤州倉有積穀僚屬不敢發太夫人獨至之曰罪在婦人亡何汝州君歿後知州責償償數千金汝州君以舉人起家州縣晉秩知府前太夫人任沈生子男四女一太夫人生男一女一以樹基靈寶知縣官中所加級晉封夫人春秋七十有五卒於光緒二十五年二月庚辰以明年四月丙申祔于松林鄉汝州君之兆初余教諭洛陽議樹基及遷教授汝甯樹基以太夫人喪赴且狀其行請

文表諸墓余特書其發倉事謂與先朝名臣均出于婦人為尤難並紀當時災狀告來者封邱何家琪表

書二婦

歷城西門外曰柴氏婦者其夫賈也貲盡不能養母婦詰夫曰母與妻孰重母重事夫與事姑孰重事姑重然則粥婦以養姑乎夫泣婦亦泣鄰楊聞醵金遺之卒不粥同時有桐城婦不義其夫之食而弗食也食豆漿一盂僅不死一日攜其子之母家不復歸婦人從一禮也夫死且不得嫁矧有夫者哉柴婦義重養姑若汗其身弗恤焉范史載河南樂羊子嘗行路得遺金一餅以與妻妻曰妾聞志士不飲盜泉之水廉者不受嗟來之食

天根文鈔卷二十一

三

況拾遺求利以汙其行乎羊子感其言捐金于野桐城婦之夫苟非劫盜何不可諫者禮女子嫁從夫夫死從子豈以一歸冀夫之悔而改行與二婦皆非中庸道天下不少降志辱身之士如柴婦所遇蓋天之全之者大矣

乞烈婦墓碣

萊陽沽河之南故有乞烈婦墓居人言烈婦不知何許人乾隆十五年歲大飢烈婦從其夫自西南乞至水沽頭夫病婦守焉夫卒婦亦卒蓋不食七日矣周生曲生醮錢市二椽葬於此焉烏虜天下之乞婦多矣乞而未有不就死者也而或為葬之傳之百數十年居人之口

乞亦自有等哉

楚桐隱僧秋航傳

道光朝錢塘陳君寶禾之丞順天府也集海內名士于所居古藤書屋楚桐隱以善其來會而儀徵僧秋航亦與焉桐隱名重慶故籍漢軍家京師讀書外塾會觀古寺其輒悟遂知名時年十有六也先是黃龍士以若程梁施范號本朝國手及是潘景齋殞衆推陳復初桐隱獨與抗王公爭延之嘗游廣東資頗壯顧性豪立散去咸豐三年偕陳君而南梗亂旅死于博興縣齋年五十二桐隱天姿絕異而秋航以學進少馳譽江淮間及北須眉皓古未嘗自言其年王壽佛寺十數載死名願船

天根文鈔卷上

完

桐隱局見周小松所編諸家譜秋航散見舊刻受子譜尊天齋譜中今陳君季子璋合刊二家桐隱秋航對局者存一二焉璋學有家法

何家琪曰其雖小道孔孟皆以非用心不能致精蓋其難矣若夫文偉嚴駕安石別墅識者以是決其能破賊亦以見君子之于學苟先自定其心天下事無不可為者也桐隱末士秋航又釋氏之徒屏萬好一其心卒以技名後世不然由其術以他干焉其成就豈必出時賢下哉

張道士傳

南陽府元妙觀有道士曰張宗璿字耕雲山東福山人

也同治三年皖寇美太凌犯府觀在府城北宗璿出千三百萬錢建砦衛逃民一夕衆喧寇至砦門閉逃民爭入聲震十里門者弗敢啟逃民益譁知府以下官諭之弗聽宗璿與約曰勿聲旦啟門旦乃入之當是時微宗璿言府幾亂

何家琪曰余不識宗璿何如人自南陽來者未有不稱宗璿意以為羽流之有高行者耳抑好交士大夫善文詞其昭名者邪泊見知府濮君所銘塔載其侍牛車四百乘應忠親王軍歲祿餽飢民三千口與道家主清淨者異儀徵汪君復為言建砦定亂事又非平日之誠信服人不克若是烏虜二氏無士大夫之責者也世之士

天根文鈔卷上

完

大夫動斥二氏矣天下艾安吾見士大夫冠帶酒饌車騎僕從大都氣象雍容如也

釋月舟傳

釋月舟雒陽人也名悟正能書畫尤工篆分脫口成詩嘗游汝州風穴寺天大雪將作畫會州豪僕數人假宿其寺華服輕裘環几觀焉私謂僧何人而能畫脫而笑之月舟俯首几上若弗知者立取丈幅紙挽臂懸腕手七大筆濡墨斗中自紙尾逆提直出紙顛為芭蕉枝葉皆具如天然餘滄雨下徧點觀者觀者相顧失色莫誰何也

何家琪曰漢佛法入中國首建寺雒陽至後魏其風熾

矣唐雖尚佛而佛之徒類喜文字與儒者游香山如滿其著也余來其地月舟已死僅聞其軼事先正白樂天歐陽永叔蘇子瞻所至交方外雖以任道之昌黎盛稱大顛取衣服爲別余獨怪世尚圓通而月舟顧奇兀如此烏辱佛之徒豈無人也邪

琴師少摩傳

少摩者道咸間宜黃黃樹齋侍郎游雅陽迎恩寺賞一韶僧詩而字之者也侍郎負海內重望以故少摩之字特聞于時少摩高姓宣印名詩至陶靖節有冲澹之致尤善鼓琴時又號爲琴師寺在東門外爲冠蓋迎送所方其獨居一室注目揮絃雖貴人至不爲起而與寒士

禾根來鈔卷十



三

下吏聯詩輒竟日嘗言吾琴有神夜鳴明日必有詩人至庭多牡丹高丈餘次四三尺花時具酒欄前以延客迨夕月上花影滿地客有未去者則其戶已扃惟聞冷泠之音出戶外而已

賣餅備傳

濟南市有賣餅傭曰孔叟自言滄州武生官千總從僧邸征夜聞田閒婦嘯甚急刀而出隱隱見二男子脅婦

狀趨前斷二男子頭歸婦于其家後隸京軍巡城有盜將劫一巨室尾之登屋亦登手格門瓦震如雨盜不勝下亦下遂殺之獄具以無左證流于此其賣餅也日黎明出夜半歸嚴冬身數十年絮衲首朱纓絮帽足破布鞢曰此我故物與我共死生者故不棄也

何家琪曰古稱耕釣版築魚鹽屠狗椎埋吹簫賣繒以及奴隸囚徒英雄多有然皆由功名著若無尺寸藉沒焉已矣夫聖王立賢無方後世尙資格或沒英雄至于寇亂之際乘時會奮跡者何可勝數叟以罪傭老不亦宜乎

書賈

禾根來鈔卷十



三

掖縣賈賈於萊陽元上村村人賈之弗奇也年五十矣妻不孕會歲荒益都馮氏婦爲人篋粥賈不知以百餘緡錢納爲妾婚夕婦泣賈詰之自言狀且曰有身八月矣泣弗輟賈既老無子積累年貲易一妾穉而美村人賀者滿室酒氣燭光溢牀几夜午賓客盡散酣醉獨對喜不自禁忽聞婦語中心惶惑乃排闥出繞庭步旋低首默念首觸老樹頓足反走曰豈有奪人婦而天子子者乎吾決矣吾決矣入而女之婦泣止翌日召其夫夫至當是時村方演優馮夫婦擁賈南嚮坐雙拜之拜訖各東西旁侍村人皆背優而面賈將歸賈厚資之村人高賈義多助者賈並遣人護其行訂其家毋復粥明年

賈自往視之婦生一男賈劉甫曾

何家琪曰光緒初年西北行省皆大旱先時無防禦之具緝振弗繼往往良家子流墮於奴妾倡優或遠航海外數萬里禽獸之國侮辱而死不知其幾獨脫一盆都婦晉鄧伯道納妾訊家屬乃其甥感恨終身 國朝方恪敏公初購一女見所攜先人詩冊有故友名還其家助嫁焉夫不忍甥與友人情所易出之於名賢世且傳為盛德賈何人乃能若是哉

治人傳

光緒十三年秋八月河決鄭州 上命督河使者率河南官吏塞之明年八月有老治人上以四鐵錘鐵錘者

天根文鈔卷二

三

塞河時所需也使者異焉曰此乃工一年之值羨而治之者工少時嘗值河決值有所羨輒疾醫藥必盡所羨乃已再如之今懼其復疾也願以輸于上

何家琪曰嗟乎彼所謂羨非必盡于中罔而得者且盡輸之而託以疾夫 國家之舉大役固不惜小費然當

國帑空虛之時為人臣者亦何心利于其間烏虜河

工之糜 國帑久矣今鄭州之工河未塞竭白金一千萬有奇治人之言有味哉有味哉

書金工石工

一石工以贖碑售于市一金工以贖爵易之石工曰彼以真易我贖也金工亦曰彼以真易我贖也各得意以

去

何家琪曰真贖之難知豈獨金石哉天下之人其于物未有不欲得真卒得贖而猶以為真無足異矣若既明知已之贖方以愚人遂不覺人之亦以贖來也悲夫

書流人

明成國公朱純臣大學士魏藻德陳演為賊將劉宗敏拷索賕賄至灼肉折脛備諸慘毒金足輒殺之世以為快今復有流人黃亞耀事亞耀新會人以罪流黃州咸豐三年粵寇至城中集兵守某薦紳士盡其金兵潰遂陷亞耀憤甚乞降寇索薦紳士得之鞭至死然後自殺烏虜亦快矣哉凡一命以上專殺人者法不容海曲呂

天根文鈔卷二

三

母之復仇矣不值寇亂其金且無出之一日而能死之哉若某薦紳士之盡金陷其城罪萬死不足蔽然苟非盡金之故安知城不可保而身或免死是其殺一城之人以及身矣天下之禍殺人未有不及身雖其受禍不同而皆非所料夫某薦紳士之死于亞耀固其盡金時所不自料者也

書句

予嘗行青州道遇一旬出囊錢與之取其一日吾何甚多囊能給乎且獨取非義也不顧去廉矣或曰矯也旬旦夕生死呼天呼父母或不應有所與不多取甯矯者所能託乎今夫人同居共事惟懷私罔其類甚或賊焉

爲己名若此者儻世之所號士大夫邪不獲致身士大夫之列而好苟異亦句之羞哉

書山東二義

臨清州有倡嘗識知州張君積功之婿崔成豐三年粵賊陷臨清張君偕崔殉倡毀容百計脫其子賊中閒關歸崔戚自奉母居田間晝樵夜織素見者以爲故農家婦也後十餘年膠州村中演劇賊突至一優登臺下持木刀與賊角賊驚顧優村人以閒脫優死村人私祀之爲神優袁三黃縣人倡名二玉

何家琪曰昔文家傳圻者種樹橐駝蓋君子不忍以微没人善也秦以後宦者之禍烈矣史猶取呂強張承業

天根文鈔卷上



書

豈可以類類之乎詩云采芣采非無遺下體孔子曰不保其往予取二義以倡優噫倡優耳且如此

書漢陽二妓

漢陽有二妓曰青蓮碧蓮同乳兄弟也始乳母夢吞蓮色青碧以爲祥而名之咸豐二年粵賊陷城賊魁大張宴召妓奏樂侍青蓮挾琵琶歌徐徐賊魁促之青蓮猛提琵琶擊賊魁頭賊魁頭碎羣賊磔焉先是碧蓮已爲僞南王子韋利用獲有殊寵及聞青蓮死醉利用酒而刺之焚其居投水中是日官軍遂復城

何家琪曰寇亂以來女婦之死于烈者衆矣未聞有殺賊與復城功如二妓者吾獨怪其母之夢蓮以爲祥也

夫妓何祥豈不祥其妓祥其死于烈與死于烈誠祥然不獨一妓蓮何以祥也烏虐天下人之賤至于妓極矣若宋毛惜惜以罵賊死賜諡立廟二妓名雖不獲聞于上而功實過之吾願天下人母但以妓爲賤之極也

天根文鈔卷二



書

傳志類

澠池張先生墓碑

先生諱文林姓張氏少則慨然以道自任不肯為俗學事州縣簿書幾三十年非其好也然自里居教以至於臨民蒞政之間凡發一言理一事勤勤懇懇周詳慎至務盡其心乃已及任監司年已老矣其苦志克己如秀才時終不敢以自放蓋其學以天理為主而反躬實踐官稍貴學道愈篤斯時人士乘亂隙盜利權殺人劫功者名位往往出其上獨抑不得施守死不變曰吾道固如是而號知之者類外以長者敬之實迂其道以為非

天根文鈔卷三

時所宜也終焉而已矣先世居澠池曾祖曰耀祖曰如乾父曰守己高行不仕娶陳氏舉道光十一年鄉試大挑知縣次山東咸豐初年粵寇起將北巡撫李公德以兵駐兗州令屬吏陳策先生倡于眾曰今一統之世大臣宜遠討先天下公壯其言于是自兗州越江南境趨河禦之十一年天子詔戶部侍郎杜翻練民兵于其鄉至則拔各郡縣士耆之悍者領保甲長民盡輸錢于長備軍需田廢催科無出長恃勢因民以抗官忿上變置諸法當是時先生以同知攝曹州府事屬縣亦以變請兵先生曰嗟乎此粵寇所以起數十年破數行省干百城殺億萬無辜之人至于今未已也吾廉之即變誅

其魁足矣何兵為有罪知府坐之立馳諭變者曹州府知府張文林按汝境乘一馬車役十餘人手鞭從道遇變者刀而出望見先生車刀墜地先生曰進皆膝而進下車一一指之曰汝等罪也當死變者齊應聲震數里半頃曰悔否皆悔又高言曰天不罪悔過之人今天子仁同天知府請汝命再知府不汝活也起皆起初襄治行省獄屢平反忤上官執愈堅嘗謂獄詞始最重觀所反知不能反者多民私販鹽率以盜論曰此無生者也示懲而已軍中欲誅竊賊曰盍屬州縣官獲一兵言錄某軍僉詐之將刑曰盍詢諸先生貌厚而氣完言直而行毅尊賢敬老汲引後進如不及官中未嘗去書晚

天根文鈔卷三

二

年學易匯漢以來疏易家為節錄取經史百家言天理者附李延平隨處體驗天理一語若干卷同治七年八月甲子卒前一日書報同歲生黃君來麟數百言大抵以死不聞道為恨年六十八凡為泗水汶上泰安鄒滕諸縣官至道員權濟東泰武臨道滕人請祀名宦祠子朝瑋靜樂縣知縣某年月日葬于濟南千佛山之阡銘曰

庸世以雜學而獨嚴于身翦亂以重法而獨寬于民烏虜古之人

保山吳先生墓表

同治十二年冬家琪自里罷鄉試來濟南父執保山吳

先生過舍字而教之曰天根科第有命也既業之力必
得不不然不如決棄之求古之學子年不小矣家琪敬請
明日謁先生先生氈巾方履出自上坐論古經義滔滔
千萬言大抵創解獨見精核詳明窺其意漢宋諸儒蔑
如也越數日間將官章邱又數日間先生病會弔喪城
西客有道先生死者疾而趨至客館其妻子未在一第
殮之方聞先生言時意欲自此棄舊業從先生求所謂
古之學於戲已矣豈學亦有命邪嘗容壽光觀先生聽
訟有從子與叔父爭產者先生前從子而問之曰叔父
之父女何人曰祖也叔父之兄女何人曰父也先生色
然厲聲曰不有女叔父是不有女父不有女祖父爲子

天根文鈔卷三

三

孫不有祖父何以爲人吾治女縣有年矣尙有無祖父
之民何以爲官吾去喟而起從子泣請罪願悉讓歸叔
父其叔父亦泣弗受先生復坐笑曰吾良民也令其族
人即堂上析之謹舞去先是治肥城粵寇北侵先大父
攜家琪來避地見一老嫗抱襁中兒入縣齋人言兒爲
冠縣知縣闔家殉節傳君之孤其乳母給賊爲己子負
而走數百里投父友者也及至壽光先生教之同其子
出拜幾七尺長矣後數年與先生子炯同列順天榜於
戲脫孤兒于百萬豺虎之中以奔其友乳母之力已竭
義已盡矣其友不能收恤或教之有得其道卒何所藉
以成名先生之教孤兒第恐負死友默默者並報之于

其子不相後先同舉一歲夫人亦疆爲善而已矣所值
不偶或未至時而流俗動咎天道若報施彰彰如此則
又何說先生諱樹聲字曉亭晚年得一周鼎自號曰鼎
堂舉道光二十四年鄉試四充山東鄉試同考官卒年
五十有八光緒四年繼配劉卒明年炯遂合葬于肥城
從先生志也先生少爲辭章壯詁經王聲音文字之學
至老不倦所著書曰鼎堂七種六書微卷帙最多其已
刊者詩小學歌麻古韻考而已外有說經說史金石諸
編死前數日所論四書小學未成家琪謂 本朝經學
卓絕千古乾隆中尤盛今江戴段王諸家之學軒天地
矣而先生獨屹屹于兵燹簿書之餘死無知其書者雖

天根文鈔卷三

四

聞緒論如家琪亦未嘗從而卒業焉豈非所謂命與
登州府同知紀先生墓表
獻縣紀先生諱煥迴字晦安太子少保文達公從曾孫
也十二世祖天申以歲飢賑粟萬餘石誥贈光祿大夫
父樹森敘州知府爲人抗直尙志節權貴不爲下而恤
民愛士慎刑獄出入罪尤反覆與屬吏爭累著公牘數
百帙先生少傳父學以民物爲己任砥礪獨行所不爲
利害不能奪雖困不悔好讀史服膺先儒名臣書故儼
儼明大計遇事敢言逆策成敗多奇中廣舉中獨舉
論往古國家吏疵民病引大體慷慨義形于色聞者咋
舌或逸去堅坐抗論自若由是官愈滯以丞佐死道光

二十年舉鄉試咸豐二年粵寇北侵倡捐燼餘助軍食亡何以直隸州州同待次山東當是時天下承平久兵制廢弛令各郡縣練土兵自衛其敝也魯眾抗官流爲盜賊先生居鄉豫思其患著私議及至山東變果值奏記大府大府一日懸令四城門類采其議而法過當先生見之曰噫州縣官將殺人矣又著酷吏論辭甚痛鉅佐濟甯南陽湖有布賈舟風敗漂至岸或取布知州獲七人將置之理先生曰貧民取無主物非盜比無死法以是坐一人同治四年僧忠親王死事曾李諸督師合駐兵騎闌入城叱之出先是居民夜數驚曾上元知州豫令張燈火嬉諸軍聞之愀然曰惡是召亂也投袂憤

天根文鈔卷三

五

起步城內外見示帖裂立盡謁曾文正公于軍府弁尼門先生肘橫揮手版高舉奔而大呼曰濟甯州州同紀煥迴請見突及寢公倒屣逆且稱于衆曰古所謂強項令紀君近之矣公有疾值萬壽節知州將奉萬歲牌即營次拜之力爭弗聽獨禮于行宮巡撫丁文誠公奏誅太監安得海將及輿夫君獨曰彼何罪哉即罪當未減不從輿夫逮至濟南市相哭曰今得紀君言死無恨迄事平擢同知加運同銜踰六年任登州又六年卒初居行省久負通數廉郡縣無瞻徇所至汰陋規其胥吏屬官非大違法置不問曰吾刻躬斯可矣士有一技善必爲揚譽薦上官有司或困之曰此國家元氣也

摧辱可乎嘗憂河患謂當借知方略士相形勢詢居民得所以受病之原參用古法行之可恃數十年徇眾益禍不爲也後大府治河人爭爲用獨辭卒爲光緒四年四月癸未配戈恭人後一月己未亦卒春秋六十有一喪中衰麻不能具子孫皆紙冠及殯諸生會弔數百人子堪第堪沛先生爲文法蘇氏論其學與程子同源于聖人遂悟子張亦具孔子之一體憶及孟子書益信已說卒之頃喃喃惟論海疆事蓋君至官西諸國通和抗禮監司獨不答一刺又著防邊議故死弗去懷云宜良嚴先生墓志銘

天根文鈔卷三

六

然世之不相知名者多矣從嘗與游之久聞行概緒論居或遠遠無由見之也思得間一至居之地實其所聞者踰時弗克往往而原上之柏已拱矣于是酌其墓帛以詩詞傷老輩之去人何遠獨立躑躅已耳第流風被邦之士殘紙斷句得之風塵反覆吟哦以想像其時不覺神志奪而聲氣聯立遇諸几席之間此其相感之心有不期然而然者如予與宜良嚴先生庶幾于此也已先生諱廷中字秋楨明恭肅公裔甘肅布政使煨次子也曾祖端縣學生祖民欽候選知縣皆以布政公貴吳縣顧道政蒞以侍讀督學雲南奇先生首拔之游京師知于欽縣鮑侍郎桂星先生少負才氣隨宦江山名勝

地無一日不以文酒聲妓招游客餽寒素不少惜布政公歿乃落拓無聊以資丞山東萊陽分防姜山居數年引疾渡江淮而南年甫四十也武進湯貞愍公以武臣能詩畫築園江甯訪焉復與王承恩寺僧定志交旋至揚州倡風雅拈春草詩和者百餘家方春秋佳日草笠白袷衣出游平山堂天甯寺玉鉤斜舊地士女擁觀塞路相語曰春草主人來也輒攜榼具酒茗餉之薄暮迺去亡何再丞萊陽秩滿以例推升兩淮鹽經歷是時江南陷于寇貞愍殉節定志歿先生衰老喟然曰吾不復南矣同治三年九月乙丑卒春秋七十始娶盛次李皆封孺人子三仕道縣學生爲兄廷正後仕遠知縣仕達

末根文鈔卷三

七

國學生孫四人仕道以十三年二月戊戌權葬于萊陽西郊詩清穎婉麗擅長詞曲雖爲末吏能得民七攝知縣不卒遷初去萊陽適歲飢檢筒得白金千斤曰幸俸餘此吾不可以一錢行也悉出賑之尤愛士特重吾師芷廷王編修家琪嘗客都師爲誦先生句先生又以新柳詩達濟南雖然亦烏知夫十餘年後酌其墓而追弔者心之相感至于此哉著有紅蕉吟館詩麝塵詞藥欄詩話紅豆箱秋聲譜哀江南諸曲共若干卷外啟事一卷其友高密單爲錫無錫朱蔭培皆有傳泰州宮本昂碑其墓予以聞于師者志之並系銘曰
何名之遠而仕之微也奚戀于此而不歸也其將留海

上之餘徽也

翰林院編修王先生墓志銘

先生姓王氏諱蘭昇字芷庭萊陽人爲諸生見知于宜良嚴秋楂高密單伯平二先生嚴丞姜山以詩名單訓導棲霞以儒者學兼訓詁文章爲教先生皆師事之咸豐十一年充拔貢生應 朝考適家琪侍先大父客通州延先生授舉業先生爲陳二先生之學家琪于是有志于古矣同治元年家琪充順天副榜貢生二年以大父喪至濟南值寇亂奉母貧居亡何母又歿鬱鬱不自得遂棄舉業招寒生下吏酒食聲妓嘯傲湖山作爲詞賦于是有浮名一日詣先生先生深贖大息曰吾不圖汝今一至于此汝祖長者汝父廉吏汝母節母汝宜力科舉爲世用汝今所爲是非佳子弟也是不肖子孫也汝無復辱吾門矣家琪皇然謝罪先生軀幹岸偉有志槩論中外事輒涕泗交頤顧時貴齷齪無可共大計者嘗爲人上今大學士左公宗棠書公奇其文立召之辭是時先生方授宛平陳氏子冕讀試累被放而年逾四十矣九年舉山東鄉試第一十三年成進士選翰林院庶吉士光緒元年家琪舉河南鄉試冕舉順天二年先生散館授編修五年先生子埈亦舉鄉試六年十一月戊子先生卒年五十有二烏虛先生通籍晚又早歿故志未施後三年冕以第一人及第人尤重先生教云曾

末根文鈔卷三

八

祖鎔祖甯遠父作求縣學生皆以先生貴母柳呂娶賀子
子二長塾縣學生次即塋喪歸自京師以某年月日葬
于某鄉某原家琪適授學官洛陽不獲會葬敬載世系
本末並追述嘗受愧厲之詞以志昔過且原學所自焉
銘曰

賈販胥鈔自古共據決科例孤提大筆登壇便奪萬人
氣起視天下榛蕪恨不手爲薙老入翰林年復促之命
何懟弟子家琪銘我先生庶無愧

會稽童先生墓志銘

光緒四年冬十有一月大雨雪會稽童先生之喪赴自
濟南家琪聞之心恟恍若失先生之于道信篤而守堅

天根文鈔卷三

九

于是天設一境以成其獨行之操爲天下後世則雖窮
之而卒使終其年烏虜豈偶然哉先生諱元鵬字雲翮
曾祖文惠祖鴻業父洽松母吳氏世居五雲門外富盛
村祖父皆以布衣任道先生少承其教恪行數十年專
治經私淑其鄉平湖之學以上宗程朱兄弟析產置不
取無半椽寸土立身行己必以禮無一介非義取不以
文干有司客游至山東曰此聖人鄉也吾將老焉其爲
教首以小學近思錄條規本白鹿洞而讀書序以分年
日程所居揭通書西銘于壁每與弟子講說六藝必切
按古人言行繩其身得失厲詞愧激至或預其父兄官
政曰某當從某當改禮數不至弟子不率教幾雖微必

天根文鈔卷三

十

中先生高座子孫兩傍肅侍終日不粒而講誦之聲達
戶外道路驚爲異人卒于其年九月乙亥十月甲辰權
葬于濟南新店莊年七十有二著有弟子藏述義一卷
童蒙須知便讀一卷晚年輯字音聲均求是編四十卷
字書均書類譜暨春秋三傳敘讀未成稿家琪識先生
晚先生嘗峻責其過以進之于道先生雖爲人嚴憚謗
毀譏刺及死皆歎爲不可及後生晚學儻有聞其風而
追希之者與銘曰

烏虜先生竟窮以死矣先生平生之志固如此而今而
後庶俯仰無忤天人而溝壑以成其志烏虜先生吾不
知視古聖賢何如而要可號之曰士

封中憲大夫李先生墓志銘

濟南湖山之間有詞客老重聽日攜數朋輩大聲論文
而前若不知有人者人聞其聲皆知李先生也先生
諱鈞和字仲衡其先明時由臨朐遷甯夏曾祖蔭春遵
化知州祖勳書贈中憲大夫祖妣繼祖妣皆陸贈恭人
考汝廉獻縣知縣妣曹楊獻縣君歿先生兄弟幼陸太
恭人撫之讀書獻陵山中籍清苑于是兄岱霖弟嵩齡
官州縣山東先生舉道光八年鄉試揀選知縣授棗強
教諭不就左右太恭人依兄弟老焉配鄒婁子毓泰臨
邑知縣先生累封中憲大夫配恭人同治十一年三月
辛酉年六十八卒明年四月辛亥葬于沛南茂陵山峪

末根文鈔卷五

十一

先生淡于仕進而苦嗜文字著甘來堂集若干卷詞與
宜良嚴廷中齊名雖老矣無日不與文士歌詩飲酒及
于少年不學之家琪故家琪哭先生不覺失聲且銘于
墓曰

躬不仕世誰尤耳不聞心何憂居則飲行則謳人呼爲
老僮而吾以爲古逸民之流

山東浙閩會館歸安丁君祠堂碑

歸安丁君自德州殯于濟南也會弔者數千人明年其
鄉人奉君位祀于浙閩會館之廡會館君倡建也予
以爲君之勤于國光于家名顯于天下豈爲一鄉私也
哉然觀于鄉知王道曾論記聖人鄉黨其教門人亦曰

鄰里鄉黨維桑與梓必恭敬止古之君子未有不兢兢
于鄉者也夫會館之名舊矣非酒食詩舞之謂蓋謂吾
鄉人既不得共處里閭而散之四方幸同客又各其業
不獲朝夕見館以會之流連竟日間其家世聯其姻族
各述其業然後通有無恤緩急必使老者壽幼者遂生
者立死者藏留者留之歸者歸之自建之日共守其法
以至于世世天下鄉之積也推此道以行之則天地萬
物皆得其所此君所以亟建此館而無敢後也丈夫襍
被出里門未嘗不念富貴不歸故鄉如衣錦夜游又念
死當首邱客貧死已矣稍可歸者往往用之宅之遠以
自固謂土人無厭不勝擾焉間有萬千里來奔者雖父

天根文鈔卷三

三

兄輩行拒弗納至子子孫蕩析魂餒一方爲天下笑然
則如君方顯宦而重念鄉人如此禮鄉先生沒祀于社
館而祠之豈云過乎予爰揭君建是館本旨並附祀之
義書于石誦詩二章妥其神焉君諱彥臣卒官督糧道
誦曰

上蒼蒼兮雲合下茫茫兮日入暝四方兮陰霾溼狐魅
舞左兮虬螭右立邈神駿之騰驤兮胡中道其阻澀圍
有梅兮方甲撫几筵兮及臘穆將愉兮神其來集
來集兮九重朝上帝兮雲中接晦霧兮騎長虹旌搖搖
兮迴靈風帝心仁兮四海同大散財兮歸至公廡宇孔
厥兮俎豆孔隆福鄉人兮那無窮

山東知縣署城武縣李君墓志銘

君諱聯珠字聚奎一字星如姓李氏直隸景州人曾祖曰景沆本生曾祖曰景潞祖曰謨雄縣教諭截取知縣父曰汧州學生母曰牛曰胡封孺人君舉同治十年會試第一授知縣待次山東負文望文人樂與游少者稱弟子濟東泰武臨道昆明蕭公尤賓禮之越五年攝城武縣方此之時河再決巡撫丁文誠公以為不塞患且大嚴寒風雪躬督文武數百員臨河徵西南諸州縣民田薪隄之期甚迫諸州縣類先事備雖遠河徵未及其民亦若願為官自輸力牛馬備役大道雨淫轉運積日月往往反裂其防亟鄰禍君初涖縣得狂疾六月癸卯

天根文鈔卷三

三

自經卒君為人純質和易然守咫尺義不少貶又訥而仁政雖急不忍一切術誘威脅為己功河工告成與斯役者皆以勞敘賞獨不幸死豈讀書人重負朝廷非一決無以自明與雖然君之志固曠日青天也蓋布政使李某素忌君名嘗面斥其非及是同知胡某復讒構焉時論悲之娶于趙子敬修是年九月戊辰奉君匱歸葬于孫鎮東阡年四十有六蕭公子應椿事師謹經紀其喪力予友大興章壽麟亦君門人也方應順天試宿旅店夜感夢大哭曰吾師死矣旋馳至其家集遺稿以返應椿梓焉予系以銘銘曰

守其榮射所缺也範其轍乘弗悅也馬雖驂駟岐途必

厥器雖敦彝淫工必鑿我莫此銘伸君精英之氣兮何
惟乎眾之輻磳

甯海州知州湯君墓志銘

山東臨淄故有社馬之役社馬者社四十里出一馬充大府役芻糧皆取給胥緣為奸民病之同治八年巡撫至境罷而勒諸石者知縣湯君鉉也古歲役不過三日唐定租庸調役已免于中及改兩稅而差役又起王安石別令出錢致吏之過取而議復舊法逾虐使民蘇文忠與司馬文正嘗爭論之其後既斂復役因役而斂名為兩稅而雜徭固不啻什佰也當代之役例發國帑有司縱上侵或不敢重剝下矣至於大府供張錢無出往

天根文鈔卷三

西

往費至不可計彼豈皆家而毀乎如湯君者可謂勇于義終除民之害者矣君去臨淄之明年閏十月癸亥朔卒其子孝則狀而丐君同官豐潤趙君為傳而以埋幽之銘屬家琪按狀君始祖明襄武王鎮常州次子遂家焉故陽湖為君祖籍曾祖曰縣學生炎祖曰候選同知振先父曰亳州州同秉彝母吳恭人君以國子監生鄉試順天累不遇僅挑取膳錄例敘鹽課大使入資為知州授甯海以憂未任服除攝曹縣先是攝商河一權鉅野君凡任四縣以功累加運同銜升用直隸州知州賜花翎春秋四十有九娶于張封恭人子六男二人長即孝則山東通判次適釗女四人二早卒伯適歷城舉人

吳珂季適曲沃縣學生仇汝功君字東笙少工詩詞尤長于畫寫生爲天下第一孝則亦以善山水名於時銘曰

蹟于第聲乃飛吏而老不家肥吾作銘章以貞百世藏山東知府全君墓表

道成之際粵寇作難兵役迭興四方騷動迄無元區山東境毗京師而國課民財尙號全盛是故官中政體務爲寬大陰蠹陽攘因循姑容自大府以下廚傳供張服御玩好無不塗飾張皇窮極華侈酣詠恒舞自夕達昕于是商賈擬于薦紳優伶輩于冠蓋雖警報之日至罔聞也同治二年 上命朝邑閻文介公爲巡撫首斥貪

天根文鈔卷三

三

墨之長吏少年統絙爲令者數人蕩滌懲創風氣幡然頓易平遠丁文誠公之守其或法言無爲言事有美帑會東南復寇北窺建軍需之所于行省令十數員司之遠邇轉輸不問出入帑金幾竭州縣民類聚眾結砦以兵自衛號曰團長藉口催科以抗官官之懦者畏避求去強者一切繩之以濫良莠並剪老穉靡遺田舍金繒悉沒入之大府以爲能官日起亂差定而健酷之吏靡然從風矣當是時持法而不失民望者惟稱涿州全君云君諱士錡字仲榮一字鑑三同治二年進士以戶部主事改官知縣歷官山東嘉祥章邱歷城知縣德州知州擢知府奉 命督游侍郎百川視河以疾歸里卒

年僅四十九未竟其用天下惜之嘉祥俗素曠值比境土寇蠭起民兵尤多不逞時充沂曹濟道長廣以知縣定亂而起官者也有高金榜者長廣以不道名捕之前知縣捕未獲君獲焉數其罪而責之曰今寇亂方熾爾不能出勇略衛疆圉罪一國帑空虛爾不能竭家財供軍食罪二藉恥爲兵資糧富室保障鄉里爾免死足矣爾乃敢恃眾抗 朝廷官罪三爾有此三罪爾其圖之金榜伏地泣且謝請自今改行以贖死君爲請于長廣長廣是時殺人殆數萬而金榜以君一言而釋比境反側者皆曰金榜且赦革心安業共爲良民君爲人廉直其爲政大抵抑豪強而扶貧弱任事果敢雖上官無所

天根文鈔卷三

六

回而憐才好士如不及章邱多巨室或訟佃負租君將杖佃乞免以貧君佯怒曰貧可免乎假一息粥妻兒來否則死此杖矣巨室感動免其租羨想子逆君從容語曰我將斃若子何如羨無難色已又曰雖然子若子也若可無葬錢乎明日錢具君曰何速也誰若貸曰僕迺呼僕而稱之曰汝好人也曰小人誠好人也君忽忿然作色曰杖汝好人杖汝好人蓋君廉得僕與羨私狀弗顯詰之也歷城爲行省首邑爲之者類曰候長官無暇君獨勤于政嘗獲巡撫與夫于博所杖之詭假巡撫刺乞免杖杖而死時爲之語曰不畏撫院金知縣而禮先于諸生郭翊柳文洙文洙翊後先成進士翊死君

哭之曰 國家少一人才矣旋卒時光緒十二年五月
壬戌是年九月辛亥葬于城東之原子濂以予嘗爲君
知郵狀來請表世系治行詳他所作志不復著者君爲
政之力持而矯正者若是而山東當時吏治亦少概見
焉

郝夢堯墓表

烏虜吾觀咸同以來海內人士之勛業位望何其盛也
當夫遭遇難危忠勇奮發 聖恩高厚破格錄用何必
盡科第山東之寇亂視江南湖廣諸行省稍差人士勛
位亦稍差寇定之後河歲爲患歲敘勞往往至府道是
時三河郝君夢堯由一科起家知縣以文名初予識君

天根文鈔卷三

七

介豐潤趙菁衫菁衫曰吾之爲古文自夢堯發之先是
有玉田蔣著生先生者以能文爲世師法時號畿輔三
家先生以進士與先黃縣君爲同官予獲撰杖焉菁衫
亦以進士爲知縣借君後至予所嘗與之相問學者也
蔣先生之出處最高早乞退中外交薦再出旋退不復
起菁衫除一邑不就去而走江淮爲大府司疏奏于是
君爲夏津堂邑諸縣居久之始積功遷臨清直隸州權
萊州府至道員按察使銜而遽卒爲可惜也君爲人坦
易而中有不可犯其文務切至而出以冲和初讀之若
平常要之不尙僻碎奇詭達其心之所欲言而止方待
次行省佐筦軍需所出納惟謹共事者陰憚之及治縣

于外軍運勞賞公私互假聞之歎曰使植恭在若輩何
至是然則君之爲政概可觀矣自予交君與之語未聞
及政或述其夏津穢賊魁修廂堂邑事君曰是烏足道
哉 國家之牧令猶田主之傭也傭日以所傭口于人
不爲耕耦笑哉或又稱君廉惠君曰嗚呼官誠貴矣時
勢誠亟矣必盡公以自利多賊無辜以爲功可乎其守
正而不自足類如此然獨重其所爲文謂余曰使吾輩
有一傳者則具傳矣君之集曰漱六山房菁衫之集曰

天根文鈔卷三

六

植恭字夢堯舉咸豐二年鄉試卒光緒十三年三月己
酉五月某甲子葬于杜家莊之原菁衫爲銘幽紀其政
甚詳余獨著其文與所交游以見君之所好與時殊也
山東知府徐君墓志銘

予病羈海上有以書告同歲生山東候補知府大興徐
君之歿感歎流涕向予之困于濟南也眾笑而斥之一
日以文哭仲衡李先生君適經紀其喪遂識予曰予與
吟秋定交于痛哭之間烏虜此予所不忍不銘者也君
諱啟謨字默庵一字許仲曾祖廣西桂林司獄長仁祖
廣東藍口司巡檢懋山父山東通判銓前母氏趙母氏
祝君少爲諸生才敏贍工駢儷文詩凄清醲郁父卒以

筆札養母無知者李先生清苑老名士客山東有女賢而慧必得佳婿見君文曰真吾婿也遂婿之同治元年舉順天鄉試已而屢黜春官以策干今大學士合肥李公于軍府三薦至知府未半載也復來山東交游日眾然語平生知己未嘗不言其婦翁而尤哀其兄也先是君學于兄啟文啟文以御史出授福州府知府未至官水死作海天雁景圖以志痛每宴客酒半出以示四座淚與酒交霑袍袖經歲弗澣也當是時寇亂初平賞功無算籌餼例開設局滿天下官吏俟缺行省往往千百人府道缺尤罕君數年未一攝府事惟襄按察司獄獄鄭城縣民妻殺本夫夫家多死于訟者君往勘一訊得

末根來鈔卷三

九

實論如律君日接雜賓暇輒邀寒士下吏伏一几聯詩句間誦婦詩以爲己弗逮吟哦至夜闌不休與游者皆忘其貴君慨然曰今之官如太倉粟鳥足驕人者噫以君之才進身與碌碌者伍又不獲稍藉自見徒以文采暴著不能不爲上官輕召眾嫉予觀君勘獄謂必大其施冀信吾言于異日而天折其年此尤予不忍不銘者也初君嘗司雲南捐輸事負公債萬金乃往湖南以楚材詩示平江李君元度元度大賞歎曰近百年無此作矣爲勒石徧貽湘軍諸統帥統帥皆有餽遺立償之楚材者蓋紀同光間中興將帥之助也凡著閱音山館文集若干卷而是詩特雄偉有史體光緒二年十一月甲

子以疾卒年三十有七子儀麟以四年十月丙申葬于歷城東鄉新店莊銘曰

彼胡爲者爭平地以高騫獨待施而忽焉中捐惟天子以才豔如初霞映日而迅如渴驥之奔百泉吁嗟乎誰如君之年

王子梅墓志銘

天津王子梅之名自京師以至海外耳而口之者蓋數十年予初見于濟南窮老廢病句生筆札往往出其餘飲一時寒士文人又十年而卒子梅生嘉慶中葉天下漸多故其人之能文章好賓客者非復如全盛時然公卿猶或憐才下士提唱風雅士亦有以才名揖讓于壇

末根來鈔卷三

三

坵之間當是時子梅之名大著子梅工詩善鑒別書畫金石尤篤友誼其爲詩大抵隨興抒寫雖尋常酬答具見性情聞人一技善卽與交貧輒周之力不及爲言于貴人別則書不絕死雖久言之未嘗不墜淚文爲傳之子弟爲撫之所至名山川前賢遺蹟必留題詠流連文酒必紀以畫如顧祠聽南春明六客諸圖是也及居濟南已弱足猶終日危坐竹輿朱履時見于湖山間嘗拓舊藏古器爲箋附識本末遠近流傳凡百十種子梅姓王氏諱鴻更名鶴別字天全曾祖錫如祖壽德父大淮曲阜知縣母程孺人娶官繼室郭子男二彬山東典史文蔚後從父大淮女二長適上元舉人張曦照次適歷

城毛拊子梅八歲從曲阜君客文清公松筠所文清公呼以小友嘗諷張溫和公立義莊公後積官俸置之曰吾可以見子梅矣是時瑞愍王阮文達杜文端文正祁文端潘文恭諸公皆重子梅海內知名士無不交子梅者高麗李尙迪尤契焉然以諸生累試不第五十餘始入貲爲丞得聊城甫擢知縣病光緒二年七月乙亥卒年七十著有喝月樓詩集全詩鈔若干卷初子梅籍蘇州祖墓在焉嘗手種梅花樹既老將封葬作生壙永新尹繼美爲志每飲予述往事與平生師友且曰我死子必銘之今年夏予下第春官復申前言烏虜士之不遇動咎無有力者振之名未被四海也若子梅猶老而未

未根文鈔卷三

三

困如此今且葬因系銘曰

斯人又已矣吾不獨爲斯人悲而今而後踵斯人之躅者誰魂魄有知應上與百年之耆舊九原之師友頡頏而追隨吁其又奚悲

郭靖侯墓志銘

靖侯諱綬之一字耳餘濰縣郭氏贈通奉大夫守中之曾孫榮汾之孫前山西布政使夢齡之第四子也母田夫人生母姜淑人濰山東名區衣冠甲第霞簇雲騰郭尤世族靖侯少年貴胄獨好古鑄一室著文章遂以詩名平生無雜交嘗友諸城劉春元掖崔崧瀛尤與膠柯蘅掖李豐綸善柯李故寒土不可招往往就靖侯以詩

相師友朝夕共居屏絕人事若將終身焉靖侯既隸學官鄉試濟南咸豐八年予從其族子松喬先生游適靖侯來訪才予詩當是時予年十四五靖侯方二十許風流跌宕自矜重一日浴于市之溫泉同浴者眾靖侯坐石上談數千年事若無人者其狂如此初山東土民練土兵類忤官鄆城趙生爲知縣誣繫濟南獄罪且不測靖侯力營救躬至獄勸以忠孝自愛卒立功于時同治六年粵寇至肅毅伯李公督師山東延之幕府亡何寇趨登州築土垣數百里于膠萊河以蔽之靖侯策寇必反渡宜豫防事平以知縣薦七年待次蘇州嘗忽忽不樂十二年以喪歸卒爲八月辛丑以十三年九月葬城

未根文鈔卷三

三

北姚家坊新塋年僅三十有八先生哭之曰惜哉靖侯使不仕安至此烏虜自古才士初好文章不幸值世亂遂自奮不欲以空言終靖侯豈獨不然惟素孤介入官中耳目萬狀未嘗不中悔第勢難已以至于死人生不過數十年耳志一再移雖昔之業不克卒往往有之夫修短命也靖侯卽不仕年止此而業之所就已有可傳者然則吾人身世之間宜知所審矣娶安邱張氏無出以弟杭之子恩誥後靖侯之詩自言由陸入杜最愛其七言謂可與柯五言配豐綸父圖有名嘉道間女女柯靖侯爲刊柯夫婦合稿附豐綸其自著者曰晚香稿餐霞集聊復集滄江詩鈔吳郡新詩銘曰

冠帶極枯實吏喧趨何如散髮坐對窮交肆志而逍遙
年不足才已古千秋萬歲視此土

味蓼先生墓志銘

江南常州乾隆以來劉文定公冠鴻博科其時如趙雲
松洪雅存黃仲則孫淵如秦小峴張皋文憚子居李申
音諸前輩以文章行誼相高流風餘韻被于海內至今
論風雅者必稱常州嗚呼盛矣吾友味蓼先生晚出六
歲而孤又喪母妻亡遺二子咸豐十年粵寇陷常州額
嬰刃子失旋得一子從渡江而淮而海客食山東少嘗
慕鄉前輩之風爲諸生不第以詩學爲己任深疾近世
輕儇靡麗之習于是喟然追風騷參蘇陸高岑而主杜

天根文鈔卷三

三

甫尤長于歌行大抵鍾厚入蒼剗剗蓄重雖極苦思而
出以渾老之氣每當秋夜風雨坐破屋中撫古人遺事
傳義烈而寫離愁高誦一過音悲神遠復千載下人忠
孝之心勃然而發吾不知視前輩何如要其境往往有
獨至蓋由其身歷艱難出入生死俯仰天地訝哭無端
而于古今之盛衰時事之遷變有鬱于中若難言自不
能已者讀先生之詩亦可以知人論世也已既客山東
爲人教授子弟而至濟南輒與同客諸君作詩社春夏
之交買大明湖上舟聚歷下亭鐵尙書祠堂賭酒鬪句
于芙蓉楊柳間當是時溫江王册山最豪好大笑先生
悠然沉默自册山之歿諸君多散去今先生復歿是不

獨乾隆盛事不可復見卽一方湖山之社不二十年聚
散生死已如此可勝歎哉先生志意敦篤爲更患難勵行

愈堅于世無所慕亦未嘗藉無聊不平苟以自放故人
或狂諸君獨號先生長者先生武進人姓高氏諱宅賜
字麗中著味蓼詩鈔十卷其友稱爲味蓼先生祖榮達
縣學生考伯壘妣趙娶于楊子保赤習度支客滋陽縣
幕先生方至萊蕪講席往爲授室喜曰吾自此有家矣
光緒二年將歸省墓尋病八月丙申卒年五十有九烏
虜先生遭亂去故鄉囊筆自食方克歸不得見先壟子
成立不得一日之養遇爲至窮惟文章行誼無愧前賢
此或先生之可以自慰者與予交先生久舍不及視其

天根文鈔卷三

三

予于是年十月丁未葬于里之城南三橋頭銘以遺之
能已于痛乎能已于痛乎銘曰

蓼邪蓼邪味之以老邪老一卷而名無終孰窮與通
王逸蕘墓志銘

昔予客山東論交得常州二詩人曰高麗中王逸蕘皆
自咸豐十年避寇去其鄉麗中詩主杜甫逸蕘自古逸
歌謠以及漢魏六朝盛唐諸體無不提而肖之尤工樂
府予交海內能詩士百數十人以高王爲冠而遭遇之
窮亦無有過高王者麗中詩予嘗刊于濟南及歸里三
見逸蕘皆裘葛不具饋粥不充而歌嘯自若前歲予滿
洛陽學官秩之開封逸蕘困甚顏色頹頓齒落髮禿未

一言貧子心陰感之踰年而逸蕘死矣方嬰疾旅舍主人惡而逐之他旅舍皆累負逋皆弗納金匱廉兆平者遺于相國寺廡下僵卧石砌蓋數易月矣乃走告諸鄉人昇至他所供醫藥死殮之時光緒十四年八月庚辰朔也逸蕘孤特高曠岸睨一時初至河南客賈人薄貴人去之曰渴不飲盜泉水兆平于是年十有二月丁卯葬逸蕘開封城東郭屯江蘇義冢側粥遺書所市地也表諸墓令踵葬者奠麥飯一盂酒一甌焉且告予曰子不可不志志之曰逸蕘姓王氏初名倬一字子相武進人曾祖國章縣學生祖長仁布政使司庫大使考守廉優貢生吳縣教諭曾祖妣謝祖妣黃妣葉妻謝前卒無天根文鈔卷三 五

夏子九墓志銘
予之交詩人多矣稍顯貴者十一二焉其他皆學未成而天學成幸遇矣而中年殂老且窮以死者也予銘吾友多矣稍顯貴者十一二焉其他皆學未成而天學成幸遇矣而中年殂老且窮以死者也其銘之也非以金諛也非其子若孫之乞請也非本其家之狀爲文飾也或哭之于遠方或追悼于數年之後志其文章行誼與夫論交聚散之迹以寄吾哀焉耳矣哀之至者莫如常州高王二君其次則雲南夏子九也子九諱鼎南甯縣人曾祖文廣進士惠州知府祖鎮奎莒州知州考寶田廩貢生教諭妣馬氏兄時生五歲能倍誦二南幾章章天根文鈔卷三 美

翁明經拔萃令名馳阿母習禮而明詩鬼伯一何相迫
促仙椿慈竹同時摧孤女熒熒無所依鄉里惡少年飢
爲食寒爲衣教妾歌舞傳粉而弄脂玳瑁筵前擊華卮
思爺娘淚漣漣阿爺明經拔萃令名馳阿母習禮而明
詩烏虜爺娘長無知烏虜使君今知之情詞悽惻聲與
淚并妓歸自經死子九以光緒八年某月日卒以某年
月日葬于濟南之某鄉某原春秋六十有七妻膠州冷
氏亦工詩子某銘曰

王澤山墓志銘

天根文鈔卷三

三

溫江王澤山客死京師也予與郭蓋卿哭于濟南蓋卿
爲作傳將葬予不可不銘君諱再咸澤山其字也志遠
大負用世才跡弛不羈與大竹鄧思哲鄂姜國伊號蜀
中三奇士咸豐二年舉鄉試適粵寇亂糜爛滿天下累
會試不第不屑以他途進乃南渡江馳游覽而金陵爲
寇穴江上大軍兵屢潰督師遁海隅寇徑常州入姑蘇
以抵湖杭盡焦土矣當是時 文宗皇帝輿駕出幸西
諸國和議未決京師震動君返北愈感憤惟會試自若
也已而之山東寇漸平日與予數輩載酒於濟南湖亭
間同治十年會試復不第君于是年五十有幾矣六月
以疾卒君廣穎方頤聲如洪鐘爲文不主故常尤工樂

府長篇驅役書卷拉雜排比變幻百出舉以盛氣而旨
必歸于正令讀者愕眙莫測嘗舉海內知名士曰某某
吾手下敗將也君固自高人亦未有不愧其才者噫君
之才第文詞勝人已哉顧顯以文詞科目斬之也古之
負才藉以樹偉績立大名何必一途 朝廷方破格待
天下士獨局于科目何也初君游江南時依幕府薦以
道員不顧場中一擬會元益自喜必得卒以會試終雖
然天下蕩平人才之盛如雲擁水趨鱗攀翼附而有一
士之不苟于進者其于風俗名節亦或有裨哉曾祖某
祖某父某母某氏娶某氏子某縣學生遺文多佚去歸
安丁祖德爲刊詩一卷行誼見傳中者茲不著銘曰

天根文鈔卷三

三

大江橫眉天拄目羣孤夜飛鬼晝哭薪日翹翹積華屋
白骨如山待誰肉身惟道勝不受枯三戰以文完其璞
倏然雷霆條雨雹真氣所噴萬怪縮形雖已做神自谷
有光上並日星燭

鄒樂生墓志銘

同治二年朝邑間文介公巡撫山東山東吏治積弊已
久州縣官類侵蝕國賦詭災冒緩後先交替遞代任債
軍需濫抵作爲報銷數年以還 恩詔下頒輒行蠲免
大吏相沿瞻徇概置不問幕中之客挾其智術展轉彌
縫或嫁罪他人或賣其主甚至一切坐故吏以幸脫公
力革其弊嚴定章程交代核算限以時日逾者立劾

朝廷善之下其法于天下當是之時布政司庫歲金贏大萬江西安福鄒君客山東嘗私議州縣積弊疏與公意合堂邑級將宋景詩初平僧忠親王徙軍大名疏請遷濮州河套難民種甘官屯劉貫莊逆產公難之下堂邑知縣議君爲議三難四不可稟上之公奇其才問孰爲是議者知縣對曰客鄒鍾于是君之名聞于當時客東曰兗州沂州以老初山東寇亂河屢決士人爭逐軍府覲美官牟大利君隱于客間至涉南結文酒社于湖山間君字樂生明文莊公八世孫曾祖泰捷府學增生嘗尋父數千里至歸化城遇焉祖照進士廣平知縣考希謙太學生妣歐陽氏君少負志略尙經世學博極羣

末根文鈔卷三

完

歷城縣七里鋪爲之銘曰性之貞而不絕于俗志之大而不詭于時學有本末不枉己以干進而其名亦嘗被勛貴之知孫石來墓志銘石來嶧縣人姓孫氏諱毓麟咸豐十一年拔貢生少負異才視天下事無不可爲者古今書無不讀無專業諸體文無不能無意必工草而毀曰是豈足見吾石來哉石來家故貧棄而游濟南以文自給當是時道州何子貞先生海內所號樸學儒也主講濼源書院才石來第其文恒上石來益自豪有狂名顧鄉試輒黜出試院大言曰必元矣必元矣黜則又曰主試無何先生孰元石

末根文鈔卷三

辛

徒步三千里省子貞先生吳門踰年先生歿而弟子鴻昌者居比子雞未鳴讀歐陽子五代史諸傳論淋漓悲壯如高秋風雨自天來者旋天諸生光緒二年鄉試復黜曰石來不復元矣明年十有一月戊寅自外歸入書院門踣卧地上高誦王子安滕王閣序至達人知命遂絕年六十始祖泗明永樂自山西洪洞徙嶧之牛山號牛山孫氏曾祖致祖丕挈國子監生父懷中縣學生前母王母宋娶于陰子肇熾四年四月歸葬于北棠蔭村之先塋烏虜世之所謂名士者以其狂也夫狂未有不出于窮窮而能見才志者自古難之狂日甚窮亦日甚至于死矣世復追咎其行若由自取覆載何如者獨此

天根文鈔卷三

三

士甘取窮而死不悔也亦可悲已銘曰

已矣石來天乎人也奚哀

郭蓋卿墓志銘

濟南郭氏有才子蓋卿者以兄弟之次自標曰郭五人亦郭五之偶出客他郡縣人相謗以郭五死然郭五一舉冠鄉試不數載通籍于朝爲郎官死年四十悲夫予少侍父官山東父歿客濟南所交多四方產其地惟蓋卿柳魯泉而已魯泉父兄以科名起家蓋卿先世隱于市有餘肆府學宮前蓋百年矣予過其肆見老翁蒼鬢龐眉類有道者諸子著短衫褙手和麥屑斷葱韭蟻齋必均一少子佐兄抱薪置爨下而敬容不衰遂與訂

交人調予曰女從賣餅兒游耶蓋卿雖負才名在父兄側歛抑質啞若愚鈍人父老死諸兄不復業肆弟八慎卿幼從學爲諸生然皆困乏歲往來京師蓋卿曰吾安得一日與諸兄弟同居共食如曩時乎既死慎卿乃徒步走數千里訪魯泉開縣官所道洛陽爲予述其病狀予方病起猶憶客青州時以病告蓋卿壽光蓋卿亟來視遂邀予養病其縣知縣保山吳鼎堂先生予父執也塗相去七十里同坐一獨輪車左予而蓋卿右相與抗論古今值野風大起論逾高聲如在雲際路人驚曰是何兩狂生及至其縣同榻卧同几飯同研文吳先生歎曰不啻一家昆弟也今予與蓋卿易地而同病予幸不

天根文鈔卷三

三

死死蓋卿能勿悲邪予自中年以還交游之死蓋眾矣或弔其喪或會其葬獨于蓋卿爲最先相識而朝夕久伴之友乃以官羈不獲一往哭不又重足慙沮而痛恨也邪蓋卿身癯而面黧目瞳子射人有光與之處雖意態狂絕而靜穆之氣令人心曠神遠少落筆卽異儕輩益遽于學爲古文詩論其鄉詩人抑新城而揚萊陽故其詩蒼鬱悲壯名其集曰大風樓其卒也以一晝夜爲人作數萬字噴血數升蓋卿諱翊初名翊廷一字俠卿以府學拔貢生中同治十二年鄉試第一光緒六年成進士官刑部江蘇司主事曾王父文華王父延麟父鏞贈如其官母申張贈安人娶蕭氏封安人無子以慎卿

子鳳官後卒十一年八月壬辰歸葬先塋以是年十二月辛未初蓋鄉下第與予宴于湖亭同座客讓之曰以吟秋而不舉蓋卿而不進士豈得曰才邪已而予舉蓋卿進士矣顧世所貴者翰林官翰林官類以書選蓋卿乃善書弗與然世之所謂才又豈足定蓋卿哉銘曰
般何度而不狂與梁卞何獻而不圭與璋牙曠何御而不瑟清廟與琴明堂如君者幸遇矣而不年彼當時之擲掄誹毀皆非所恤孰使後之感者徒與哭絕代之文章

朱越樵墓志銘

粵寇之亂人才雜進世家少年襲父兄之基棄書厭科

天根文鈔卷三

三

舉納粟入貲奔走軍府往往至大官而予是時方習制舉業立文社閱文者宜興崔先生乃葦山陰陳先生錦社中以錢塘朱君越樵齒長推爲祭酒不六七年春秋試多捷者予幸微一科而越樵獨以太學生終越樵諱應泉曾祖華祖祖銓廩膳生父沅與伯父澗瀚皆進士官知縣越樵侍宦游山東好飲酒善圍棋座中賓客常滿日取贈黃金纍纍然卒以是貧弗恤也爲文不入時格又不欲故奇詭以炫人光緒二年鄉試浙江于是蓋九黜矣或勸其少變舊體曰我朱越樵豈以得失易所守哉復黜明年二月壬寅卒年三十九妻同里許氏後一月十九日亦卒子照今于某年月日歸葬于某鄉某

原予悲而銘之銘曰

或販或屠或胥或奴或俳優或侏儒或乳臭而大夫或草茅而神仙爲徒一太學生錢塘朱嗟乎嗟乎

童菊生墓志銘

予之論交山東也最後得菊生當是時予以憂患自放好泛觀載籍文重爲世譏菊生獨善之雖寸紙必錄去閒效予惟恐不類予對之甚愧世之譏予者並及菊生予又未嘗不戒之也同治九年菊生年十九矣始以國子監生試順天已罷歸濟南獨居一室自念少失學無尺寸進娛老父母無以自比于人用是泣涕內責購書數千卷且誦且鈔徧詣吾交諸君相師友焉十二年秋

天根文鈔卷三

三

奉其家南歸試江南凡再罷以其親命入貲爲同知待闕浙江菊生旣南無歲不通書書動于言上援古義下陳時事歷狀所至山川風土暨與游之賢士大夫且謂世多故君當養精力待有用予謝而壯之光緒二年春予試禮部書來告以病反里將復試及出京師其中表兄弟曰菊生死矣菊生盛氣高詞感時恒鬱憤賞官非所好而試連不利復憂缺親養志古學迫于強記得一卷夜達旦不寐往往咯血迨死烏虜人材之成也蓋難矣材而不克定祈嚮苟于自待惟日逐世俗習速化術微時名幸而得焉識者由其志逆知其生平雖極祿位壽考猶夫衆所爲若夫材之旣具志又不肯阿于時由

此廊其本量以管其條理貞固涵養不懦不矜匪惟學之漸于古天下將有實受其利者人方奮而天蹙之致成就轉不如碌碌有所藉以自張爲世稱燉一二知交原其材志而或疑爲私吾不禁于此爲之孤其氣而深無窮之感也菊生長洲人姓童氏諱錫寬字栗仲曾祖以下無顯仕官至曹州府知府名正詩者娶卞恭人生子三菊生其次也卒爲四月己巳年二十五聘同縣徐氏前一月卒後三年十有一月乙未葬于上方山菊生之求友始予予恐不銘銘曰

天根文鈔卷三

三

湯蘭士墓志銘

予向志大興湯君東笙之墓今其子蘭士復卒以予一人不十年而銘其父子可悲也蘭士承父學寫山水自國朝四王追宋元大家頗得其筆法當是時陽湖汪昉正定王蔭昌其畫稱山東二同知蘭士少貧無名秦州宮子行與其弟玉甫精鑒別獨愛蘭士畫謂慘淡之作當出二同知上于是人知蘭士日踵蘭士門而蘭士之貧日甚也子行素善其父力爲蘭士計旋入貲爲山東通判方予訪子行于卽墨官齋蘭士適在神色枯槁夜將竟猶持筆不倦予與子行私憂之比自都來山東道病下車而一第一妹皆感疾甫絕蘭士哭不成聲不

數日亦卒時光緒五年九月壬辰未一謁大府也年二十九諱孝則娶于張無子子行玉甫歛之曰使蘭士不卽死其畫吾兄弟不能知之矣惜乎銘曰

江秋兮雁過木脫兮山多一紙終古兮其柰子何
椰子琴墓志銘

蓬萊椰君晉以光緒四年四月庚子卒于濟南金泉精舍其友秦州宮昱玉甫殮之昱兄卽墨知縣本昂子行歸其喪明年四月乙未葬于五里橋先塋之左封邱何家琪謹志而銘焉君始名培縉字夏君別字子琴其先出明太傅武肅公傳至贈奉直大夫開業爲君曾祖妣紀孫生候選布政司經歷授奉直大夫日明爲君祖妣

天根文鈔卷三

三

馬生三品銜國學生雲潭國學君娶于宮生君嗣娶陳

陶共舉十男子子以君後世父教諭君雲漢母葛韓君少侍教諭君讀書淄川官舍子行兄弟適以寇避地交君尤善君詩是時人士類習帖括求速化無暇顧君君餽學官省試累不中選謂僥第自命詩人已耳山東詩學新城萊陽諸公推當代大家久矣乾隆朝高密三李平先生亦承其學者也爲訓導棲霞年八十餘偉冠高履鬚髮皓然至登州造君廬見案有詩冊披緝微晒曰世尙有能詩士耶遂攜去翌日返諸君入門輒擲杖長揖且撫君背且驚歎曰吾幾失子吾向以爲子非必能

其詩者也吾今然後乃知子能其詩者也吾老矣他日子必知名獻縣紀晦安先生以府同知薦君入精舍精舍爲前巡撫平遠丁公寶楨舍宿學士地也烏虜二先生皆任道不俛仰世者才君詩如此是知學期自得而已何必苟同同而得者衆矣見知一二人乃足貴耳且知不知亦何與學事哉君家故封有積翠山莊西園諸勝教諭君既歸老君亦日夕吟哦其中遭亂家落客死年四十有五而教諭君七十餘子延基三歲悲夫妻王姜予初識君濟南旋別去而與同社諸君徜徉湖山閒游海上獨數見君君詩真樸澹永五言樂府特近古宮氏並刊遺稿滄州王丞嘗詣教諭君見座側有長大

天根文鈔卷三

妻

丈夫扶持抑搔作孺子態不知君詩人如君者然後可以爲詩人也已銘曰

骨竟還名亦綿生死之交今有然

翟式文墓志銘

嘉道閒掖縣之敦古學分書甲海內者爲翟先生云升第進士不仕云升之子曰齊廩膳生納百蟲竹管睨而筆狀之擅絕技齊之仲子曰熙典字式文三世工書畫而式文尤著以詩詩喜唐賈島龕島像于室有所作誦島前日聞仙許我否已乃曰聞仙爲之無以過也性孤峭希交游詠必及僧卧則抱大石或終日枯坐如入定禪爲諸生二十年未嘗以應省試母張氏老矣愈以此

謝進取光緒四年游濟南居一載適予自海上來識式文或謂式文將應試詣所居湖干漁家破屋一椽四無牆垣獨局戶歌離騷及去聞濟南有狂生掘西城外新泉飲而甘之盡一甕卒予驚歎曰必式文矣卒日乃八月壬寅朔也距試期不十日烏虜科舉之名所以奔走人才于四方者也顧尙有不求試之諸生既幸值焉天或斬其期不及待則又知雖其遭按劍之怒于一時者亦且有命將世之旦夕據非常榮利愈自有所以得之而徒詭其道之無倖決矣若乃遺脫萬事苦其志希古人于一藝之末至于窮且死又何爲而獨然與年四十二著聽綠山房詩鈔一卷初泰州宮氏兄弟歸其友柳

天根文鈔卷三

妻

子琴匱于蓬萊也出濟南城式文適入至是歸之如子琴其同里白澄泉亦諸生不喜試者也忽心動至行省視式文殮臨絕若有悟語澄泉曰勿使我母知妻王無子今於是年十月乙酉葬于南門外之先塋予爲銘之獨念濟南多名泉風雨夜嘯時也銘曰石之僻泉之潔生所性死不滅儻有人獨立于青山白雲間者其式文也耶

豐潤趙菁衫墓表

豐潤趙菁衫以少年甲第知縣待次山東十載大府未之奇也棄而涉大江訪孤山林處士家客漕運總督司章奏之京師諸朝貴爭與交當是時名大震再蒞山東

以同知薦至道員菁衫自奇其文務苦思極幽奧深至
淬鋒鏘碎雷霆幻窮怪變字句頗生造而要以心術爲
本詩三情有不盡之音都所譏述五十卷曰青草堂集
予客山東與菁衫立詩社大明湖上及歸爲校官載一
妾匱書一車出城西門適天濛雨行里許見一騎自蒼
煙中來乃菁衫也促坐道旁大樹下解所佩玉馬以贈
遂別去初將南游來別予曰國華生而孤母教之識字
幸成名顧州縣官近民而權微會寇亂功嚴酷禍民身
且裂敢徇人貽母感乎言已大哭上書大府乞去不報
改官治中以行時同治十一年也卒光緒二十年十月
丁未年五十七母李太夫人八十餘尙存悲夫菁衫諱

夫根文鈔卷三

堯

國華同治二年進士自知華樂安縣德州沂州府濟東
秦武臨道鹽運使按察使皆攝晉二品頂戴菁衫願身
有風度清介沈毅治事尤精密體國便民而已不與嘗
廉江都士張積中黃匡結黨招寇事無迹後大兵至殲
焉白青州小校刺知府王汝訥獄得無連坐兩充鄉試
同考官取士多老蒼海防軍需河工鹽權諸大政大府
悉屬領之凡所建議或從或不卒盡其言舌生瘡三載
任事如故同光以來大府皆助舊名臣閻文介丁文誠
張勤果諸公幕府廣開人材屢進白徒小吏連起至監
司甚衆顧菁衫始而見擯後雖漸被用矣卒殞以勞何
與妻呂夫人子恩澎舉人恩澎以明年四月壬寅葬于

先兆世次與政于所至之蹟玉田蔣著生先生志而銘
之余獨舉其平生大節表諸墓曰烏虛菁衫出處之際
蓋慎矣既貴伍于衆衆之所競而張之者皆非其所嚮
之所在而文特昌焉世之屈下位窮且老僅以文見者
亦可無不遇之感也已

唐狄文惠公祠堂埒祀張先生碑記

光緒十有六年春閏二月故刑部主事澠池張景樓先
生歿于河南府周南書院門生雒陽劉鳳山董子純謀
于衆爲先生位埒祀唐狄文惠公祠堂之廡將文諸石
屬記于其友縣學官封邱何家琪家琪曰諸君其謂先
生何僉曰先生早年通籍卽乞假養親是以身教孝示

夫根文鈔卷三

罕

人以根本之學足以明天下不獨爲吾黨矜式也嘗勛
諸生曰居家不可有異財于人于事無小大必以誠是
其爲教不獨文藝也創童蒙社而親督之是其所以成
就後學者首在養正之功不獨科第勛名畢乃業也先
生主講席凡十年親歿將入都未行卒是先生終始于
書院書院之士豈能恕先生而不有以報之哉家琪曰
可以記矣爰記其語並爲迎送神之詩俾歌以祀焉先
生諱詠光緒三年進士前翰林院庶吉士詩曰
秋風起兮雒中旌蓋如雲兮靈旣降庭有梧竹兮門有
桃李惟君與文惠兮曠代而尙友尙友兮跋予容與兮
堂下鳳皇來而不見兮衆鼓鐘序爰居麟伏處而失所

今任戲謔于犬與狐彼跖自以爲廉兮夷安得而不濁也雖貪鄙且表模範兮何仁孝之獨我告也羌世變兮胡極予未敢言兮太息御璫席兮陳桂酒弟子羅拜兮長先幼後雷雨暝兮夜方明留靈脩兮赤豹吼將君其侍親左右兮儻回翔帝鄉

張處士墓志銘

萊陽有處士曰張藹人諱桐生其先元時由樂安徙今居有諱夢鯉者仕明爲大理寺卿高祖學微同知生子二杰琪王簿杰麟歲貢生無子王簿君之子通政司經歷體元並後之生國子監生汝壽處士父也處士少失父母大母老不去左右持身約力族姻事賜窮乏或假

天根文鈔卷三

聖

貸折其券無他好唯書手置亡慮萬卷值卽重質衣必得得必竟讀嘗關一圍舍書寒暑風雨蓋數十年不出園中予以爲處士天性厚而內行篤非末俗及而其好書爲尤異也今之讀書士大抵守令式出干有司迨得一第遂思樹偉績壽大名以張國家取材之效否則爲文章傳注務勝前人誠如是其志業豈不卓犖也哉若夫藿食布衣沒首戶牖無希于世無祿于己而坐擁百家第以爲吾性于此須臾去之弗適焉雖不能大其用于天下而處家庭里黨間動與古合抱才不遇之士亦庶知世有自待如此者而區區窮通得喪之故可以無介于中而反求諸己也處士以貫入國學歲祿捐穀

敘正九品職未就光緒二年三月丁未卒年六十有一妻焦氏平度州太學生瑞楫女性慈順尤患廢疾嫗孀云同治十年先卒年六十子炳蔚孫傳臻傳璋某年月日葬于某鄉某原來請銘銘曰

弗獵詞華弗餌名虛弗券于榮利之途吁是之謂讀書樂文學墓志銘

棲霞老諸生樂君金坡有子曰厚文慧而有至性于所生能先意而悅之也于同生能和氣而翁之也同治三年六月甲辰以疾卒年二十有四將葬君屬余銘言甚悲雖然君嘗學易必知生死之故可無悲也銘曰

日不出沒何有陰陽萬物不消息世運何以長烏虜子天根文鈔卷三

聖

聞道可以知死矣後死者勿以吾言爲狂文學楊君墓志銘

文學楊君以同治某年月日卒其父仲明葬之歷城城東江南義地爲文哭之備述君之孝乞余銘君幼時母嘗以事觸大父怒君求代杖長事親逾謹烏虜閱子弟類席先世爵祿爲常寒酸之士未有不急富貴者君之孝獨在庸行可尙哉然年不永何也君諱道基字樸生武進縣人蓋年二十云銘曰

古孝子獲壽考孝如君而竟夭噫

劉府君墓志銘

封邱何家琪曰烏虜習俗之敝甚矣哉其垂鑿慎悖有

非一端所能盡者矣況乎文字邪況乎科第邪間巷之士一經老死而童子或操筆掇上第豈其文不係于學之久暫抑取之有未盡當與取文者方以此爲式式莫尙乎工彼于文固已符所取之式而號最工矣顧彼之所謂工不必人之所謂工也今之所謂工不必古之所謂工也由是觀之科第所尙因乎習俗可竟許得之無愧色外此概以爲文之弗敵雖老死有不足悲惜悼歎也哉予自前歲禮部報罷持戒不與人論文且不復試洛陽同歲生劉君銓三述其父西亭府君之軼事何以使予流涕不能止也府君諱逢清其字西亭也少讀書卽志于科第教授里中數十年從游者類籍學官食廩

天根文鈔卷三

聖

籛子舉一科矣而府君猶俯首應縣試光緒八年冬十有二月縣試適大雪府君已病不克往是日獨坐一室心怛怛然三展卷而三覆之召銓三至几前曰嗟乎吾竟終此矣汝勉治京師裝捷報來吾老眼當見之明年正月朔癸未卒年六十九曾祖若寬祖松林父啟福母申妻梁李子男一銓三舉人女一予旣感其事遂發憤爲銘以紓天下凡有文而不遇者之哀其辭曰

無雲大雨日忽升西闕然伐鼓不聞天雷蜩嗜九若蘭臭腐鼠足嚇乎羣鴟貧家之絲不榮黼黻田間之味不和鼎鼐曠至曠兮婁至眚醜莫醜于越女施世俗議論大抵如此而君文之遭擯也固宜死有子生勿悲咄予

銘亦何奇藏之幽宮鬼神避百萬載光陸離從九品署洛陽典史黃君墓志銘

君姓黃氏字海源漢陽人避寇客河南以貲爲從九品光緒十有二年攝洛陽縣典史明年秋七月己未偃師赴府訊囚馬東海羈洛陽獄獄廁故有老椿樹枝傍縣舍牆君初至見樹慮囚遁言于知縣除之知縣曰無傷也三言之弗聽及是知縣忽思省樹嚮哺知縣至獄囚方如廁知縣指樹曰是樹果可遁耶夜囚以是樹遁君聞之輟食三日冬偕汎把總劉君耀棠巡城夜關呼一二老柝卒共席地坐譚時事憤必飲酒飲必醉天大雨雪襟袖盡溼弗覺也遂嬰疾逾年囚弗得解官十一月

天根文鈔卷三

聖

乙巳卒卒前一日予視君疾君曰鑑死于典史年五十有五十五年二月戊寅里人舉葬于洛陽東郭外之湖廣義瑩曾祖嵩祖德佩父仲均母陳妻馬子樹人家琪與君同官哀君臨卒之言不能已于銘也銘曰官雖卑而志不卑方死之弗恤而禮違辭噫嘻典史其可爲邪其不可爲邪

洛陽營汎把總劉君墓志銘

光緒十三年冬洛陽縣典史漢陽黃君與汎把總濬劉君巡城夜飲也皆得歐血疾明年黃君卒又明年劉君卒悲夫予銘黃君矣惡得不銘君君諱耀棠字春山君之始祖玉瓚國朝康熙間以進士官撫州知府喪歸

大興道濬葬焉遂為濬人傳三世為君曾祖振基妣姜
生君祖映斗妣張生君父慶雲妣李生君自撫州君世
為儒君父以武舉起家官徐州都司初都司君督君與
弟懋棠學已而懋棠為諸生君竟中武舉同治三年也
當是時粵寇亂方熾河南北大軍咸集君晝習騎射夜
觀左氏春秋諸兵家言有得輒書于壁所至周覽山川
形勢備攻守會試不中第從大軍破賊于是小夫市兒
立超高位君竟就把總職於虜官至今日蓋難為矣武
職尤甚祿米營田不足塞官上者之誅求有粟一升曰
盍飯我僕有芻一束曰盍飼我馬惟結富豪通草竊溷
倡優無賴擄捕之徒賸窮民以路上上乃大悅君恥效

末根末鈔卷三

聖

所為竟死娶孫張邢子男如霖女三年與黃君皆五
十有五卒于十五年十二月丁巳逾二月懋棠逆君喪
歸葬于黎山銘曰

山風暮虎哮兮何怒山月來猿啼兮何哀生願為虎猿
友不願從武夫後地下儻有酒泉英魂毅魄飲之千千
年

明七乞兒墳碑

明鼎革時有七人者至萊陽南門外不食而死土人墳
之曰七乞兒烏虜之七人者豈果乞兒也哉胡為同不
食而死也以予論之蓋古首陽之徒與夫首陽之徒餓
也非乞也乞不免死餓者視顯赫之爵祿不如其死也

且當是時天下之以餓傳者多矣萊陽諸忠節類著史
傳獨不幸無徵雖然身列縉紳後世一舉其姓字不勝
指斥者彼皆何人哉七人而曰乞兒有餘榮焉

夫根末鈔卷三

聖

雜記類

姜貞毅齒墓記

余過萊陽姜貞毅齒墓輒太息不能去貞毅以建言忤明莊烈帝謫戍宣州衛明亡流寓吳中以死遺命葬戍所又作易簣歌以不能從親為恨子安節實節葬其骨于宣州敬亭山而以所脫二十四齒附先墓吳徐枋銘之者是也甚矣忠孝之道之難兼盡也孔子曰事君能致其身又曰身體髮膚受之父母不敢毀傷是故成仁或殺身而愛身者往往以父母為口實且夫身者自有生以來具天命之理凡人所當守之至于死者也身亡而理存則父母有命苟理亡徒存身不且重貽父母辱哉貞毅之以身殉戍固無負其理其子復體臨歿不忍于親之意以齒從先墓其志亦苦矣雖然齒不足道也

天根文鈔卷四

游蓬萊閣記

余客登州府諸生盧君觴于蓬萊閣之東亭相與梯百尺憑危欄望萬里海天一碧無際大風橫吹島嶼帆檣千百影亂落波外日射重城掩映霞光倏忽明滅二三同游輩左右肩袖恍翼青雲之上雖曰游宴而其所以餉我者蓋有在也今歸十餘日其境猶盪漾胸次間顧其時思文之且不能成何與天下之境雖近屬耳目

而有至深遠者存粹以臨之浮慕之思未嘗不動于中私據以自喜若已覩其略矣而不知真際所在稍一實之中迄無得盧君年少而好學且家于此必有獨會于心者余追記其游以問焉

怡園記

同治十三年九月弟詹雲尉萊陽萊陽官齋舊有園園東南海棠一株東西青桐對立北草舍三椽半傾圮階下雜蒔花藥其時秋矣惟西北牆細竹參差與門外枯藤掩映曩日風景蓋可念也詹雲謀明年二月新之請名于余余命以怡園請其說曰怡和也樂也詩曰兄弟既翕和樂且耽語云兄弟怡怡陶隱居以白雲自怡悅

天根文鈔卷四

二

亦取知足義也方春之時天地和同草木萌動生氣方盛時雨將降萬物皆有欣欣自私之意故古聖王于是月禁止伐木覆巢及于毋殺孩蟲而命有司省囹圄去桎梏出輕繫皆所以體天地之仁與天下大和樂而禮經載之尤詳也獄民大命也尉責重權輕苟存和樂之心民已受其福漢獄吏有陰德及子孫者園小而託天地官微而命于國家則節已俸亟亟為此者又豈第悟兄弟和樂之所先人必憑式之望其承數世之志大其後而萊陽之民願斯園幸自此繼尉者無不同此心以福我無窮也詹雲曰善屆時葺其舍遂書余言于壁封邱何家琪記

壯學齋記

古之君子人于天地萬物性于仁義禮智情于喜怒哀樂心于誠敬其言詩書其行君臣父子兄弟夫婦朋友之倫其位天子公卿大夫士庶人當其慎獨察幾于五官四肢之體既得其理矣而必實之閨門里巷起居日用之地復虞其事之不能貫也又必上而徵之朝聘祭饗爵賞征討之大下而極于農田水利訟獄荒政之詳務使其身無入不自得試之天下無有不效而其要祇全其天之所賦苟不如是則心與性情失而不可以爲人此之謂學先王不作孔子歿百家之書出而學歧今之士亦豈非本聖人之道習可以治天下之具哉而所

未根文鈔卷四

三

成不過一藝則已于古異矣陶君廉荃一日喟然于此名其齋壯學以自勵焉志可謂偉復不能不慨于少壯之間遺書請余記噫人生少時如日之初廁父兄師保之側無人事之擾顧其時方從事習俗所尙斤斤驕人也亡何謀口體奈妻子決科求仕田舍財米猥糞瑣碎龐然並至是故壯則不能學而壯亦無幾時矣日轉于上天不再中風霜變其毛髮塵土焦其面顏陰陽疾病凋其平生戚舊稍一執卷而心皇皇而視茫茫當此之時真有哭無嚮歌不成聲者假志偶奮未嘗不立齊于千載而上之人而一藝且不卒此不獨廉荃之慨天下學者弗暇思思未有不盡然于中者而況身世無成就

如余者哉雖然天命于人固不絕聖賢之微言大義振古如茲也志而學將不知老之將至豈以少壯殊哉今廉荃方爲民司牧際世大兵之後水旱告四方其所以衛民生紓天子宵旰之憂者將于學乎取之不曰壯行以失學故也古固無不行之學學而必行世之富精力思効大用于國家者宜少知所務哉

龍窪補漏圖記

同治四年春吾友曲靖夏子九自濟南舟其孥趨壽張道印河之龍窪舟漏風且亟有長鬣者補之旋失所在前一夕感夢其先借古衣冠人至子九以爲神追圖屬余記余嘗誕古之補天者矣雖然天下事敗壞已極苟

天根文鈔卷四

四

有人焉未盡無補救之道存也子九老布衣安貧學古數十年呼吸生死宜必有相之者顧神其補漏者何與且夫舟之漏也必求一二習舟者相所急而治之舟中之人猶慮其弗救矣假來千百無賴子緩其時紛其術攘其利而據其功陽以障外而陰反自削其內方且張皇緣飾姑嘗于萬頃叵測之濤幸須臾之不卽于溺也子九其免是矣

城南感舊圖記

揚州爲古江山勝地南北要區鹽筴之利甲于天下隋唐嘗稱盛焉國朝之興迄于乾嘉官是土者大抵提倡風雅其間人士與四方游客之才者翕然咸集流連

騰詠無虛日巨商大賈輕財好客不惜金錢致酒食歌舞居民家有園亭池館女子方外亦皆弄翰墨以爲名好尙所趨朝夕踵華風俗人心不無稍侈焉道光以來鹽綱革漕改道游手無所得食粵寇乘之其地遂爲官軍盜賊出沒戰爭之門戶當是時城屢陷人民之脫于難者蓋千百之什一也雖曩昔之勝蹟類依稀于荒煙灌莽之中無復有徘徊歎賞者矣孟平汪君家城南有故廬焉其先贈君殉于此廬並毀嘗追憶令善繪者爲圖曰感舊適通判河南府示家琪屬作記家琪撫之而慨然也夫寇之亂也南爲甚及其平也未克完舊觀而民物之豐殖猶逾北焉蓋天地之衰氣伏于太盛而萬

天根文鈔卷四

五

物之剝極未有不復且夫南富而北貧天下之大勢也富則尙義俠而其弊流于夸貧則崇儉樸而其弊流于薄今之爲治者不求其本惟以權商貨汰官中一切浮冗之費以爲足國而蘇民其實國不增益而民陰日賤識微知幾之士苟枋尺寸不敢幸天下旦夕之無事而懲禍亂之猝臨于風俗人心豫維持之將積累之貽儻縣縣延延有非世變所能盡淪者與然則孟平之所感豈獨一時一地之故哉

洛陽熹平殘石記

洛陽東門外有小石橋焉不知其何年橋也嗜古士王君硯耕一日過橋側見橋石有字狀諦視之若漢隸然

大抵紀姓名石丈尺而已久之得一石穢污中有熹平年造四字果漢石也走示予予曰嘻石之禍自此始矣石之在洛陽累千年無一人知之也其橋之穢污之石未嘗以爲不幸也且其意若私喜橋之穢污之或者庶免夫置之堂廡之上鐘鼎之側牛馬之所載舟楫之所運市賈小兒之所物色王公貴人之所賞譽晦匿以自全焉今有人知之矣同嗜古者將踵至知而至者衆則夫毀其橋出其穢污熏沐而篋去又所難免矣烏虜石惟懼人知而遁于橋于穢污且不免篋去然則人之不善自藏而輕去就又何爲也邪

洛陽縣學西園丈人石記

天根文鈔卷四

六

洛陽縣教諭學舍西院故藩潤地小且狹予掃除而廓清幽以梧竹橋亭遂園焉園有屋敗于雨因其土而山山不可無石凡人家僧寺石稍異不甚愛惜者予皆得而有之一日子友劉春山謂予曰城西南隅道旁有石焉盍取諸予如其言置山上最衆石乃撫斯石而歎曰嗚乎石之始非道旁物也洛陽自晉唐以來園林甲天下安知斯石不嘗揖讓抗衡于名賢耆舊婦女騷士問邪今不幸爲路人唾安知自今以往更不幸墮于糞土陷于壁砌没于草萊蕪穢朽腐以終求廁道旁不可得卽不然豪貴見而攫去運以斧斤標以品目且思以人工之巧易其本質焉又未必爲石之幸也予園之石空

靈敏瘦者頗有獨以其渾然形具于人也而高其位或曰此石隱者流宜丈人之光緒十五年秋七月封邱何家琪記

殘祭記

余嚮無金石好官雒陽識汝牡丹圃金匱廉兆平漸解嗜之雒陽又古都會較金石值陰雨水漲厓谷間往往出焉芸夫牧子鋤而拾之京師巨賈歲往來以重價購官此者取以獻貴人故完美類攫去而殘缺間得于余余金石外得均素祭三其一邊微缺而翠光欲滴絕可愛光緒二十四年春遷汝甯扇于篋甚密比至剖矣夫以千年之物毀于余如余愛何抑余愛之甚有毀于意

天根文鈔卷四

七

計之外者與或謂物之尤者見忌于造物是不然其諸物以樸爲貴尤者必華華則脆有自速其毀者邪已余以藥合之仍置几案間終日相對烏虜余平昔所最愛而失于今者蓋有矣且剖而不復合何獨于此祭而倦倦弗釋也

哀祭類

東阿知縣周君哀辭

同治六年四月十一日粵寇渡運河至戴家廟東阿知縣周毓南死之戴家廟東平州地戍之者爲都司朱某君則大府所檄助防者也寇之渡河夜方半君覺首往拒軍伍未集中烏槍死何家琪哀之爲作招魂之辭曰

維城與隍君守土些奉檄而來詎死所些明月高高監臣心些天風四下陰雲沉些河上之血流千年些於戲哀哉長思君些

李少連哀詞

會稽李少連與濟南郭蓋卿同以年少負才名然蓋卿一試舉解首成進士少連猶僕僕應順天試開爲人佐治縣名法非其好也蓋卿詩長歌行不必襲明七子而格宗盛唐少連則上追漢魏樂府四言自況曹瞞奴子建以下也年皆不永蓋卿四十少連未五十悲夫少連爲人傲晚有豪氣性嗜酒嘗借余飲于大明湖之歷下亭酒半拔長劍擊案歌宋人詞使李將軍遇高皇帝萬

天根文鈔卷四

八

戶侯何足道哉歌已大哭夜飲酒家往往三數日不歸或見其橫卧市上余戒之笑曰彼劉伯倫豈達哉我少連醉死六合我大家也何埋爲且子視眼中人日勞于冠蓋車馬唾溺而不休果誰醒又誰非死者哉其狂如此少連名坤厚初從永新尹湜軒先生受古文法歸安丁桐孫爲刊春谷詩一卷與蓋卿大風樓合集曰二俊昔余論交海內蓋卿少余少連又少蓋卿蓋卿死少連繼之余雖偷息而才日退老忝末官重增侮辱亦何爲也邪蓋卿死余既銘之矣少連卒不知其期葬不知其所爰爲詞鳴余哀曰方昂首以高謔兮天帝若爲驚忽一醉而倒地兮拌終

古之不醒翳朝暮之相逢兮孰非鬼物生而與伍兮曷若土中之獨宿獨宿兮何鄉不在鑑湖一曲兮而在明湖之旁青山兮夕陽秋水兮茫茫魂其來兮尙進子以大觴

祭王册山文

同治十一年五月己亥爲亡友王君册山之位于沛南湖社酒以醉之曰嗟嗟册山函天蓋地之氣之生而奇也攫雲雷而噴江海變化萬狀不知爲龍與爲蛇也自結髮許身君國四方擾攘獨抱寸策以遨遊也當是時屠刀販繪之伍類公侯立取仍以文章干天子死

天根文鈔卷四

九

來歸來魂終依戀于京師也生無路叩九重矢攀髯天上或膺特達之知也丈夫讀萬卷書尺寸無所展雖生何益然死而無見聞天下事愈不能忘于懷也我丁離亂死喪之餘交海內士無如君者竟潦倒挫折以至不振將眼底之滔滔付之誰也夢索我酒又教我名場速化之術君非徇時者所期或有在我輩更幾人敢不再拜受之也昔君與余同弔澹菴于旅寺今借二三友以奠君而丁家公子尤能力傳君詩也君性放達于世好唾罵而當其死識與不識愛惜敬禮有如此豈非常之才重于身後不宜于生時也君志在酒索之何心酌之又何心惟有託諸生死之痛向荒灘亂葦中獨哭來也

尙養

祭紀勝安先生文

烏虜人事之變極矣卽死生何足論哉凡在斯世無不同盡惟獨立不役于物者其元精灑氣互天地而常存古聖賢皆如此若先生者尤吾所宗仰親炙足以信其理之非妄而決其有然先生嚴正之性清介之操承以儒先之學名父之訓自束髮持之出處進退歷百折而不同者迄今六十有一年昔天下之不靖值破格用人之朝旦夕立顯達者蓋不可以數計何獨由知貢毀家倡義兵以保畿輔獻策大軍奔蹶數千里庶幾一試卒投老于散閒志既不遂弗肯稍依違于進尺寸雖身無

天根文鈔卷四

十

所措妻子困窮羣譏衆謗紛紜交集而其道未嘗一日之不伸譬如沙漠大野風狂而霧塞萬物披靡莫復振拔已而中天日出小草惡木與夫葛蘿藤葛又皆委曲攀附糾合而爭春豈不見夫孤松老柏奇崛勁直挺然于霜雪雷雨之外而獨守其根烏虜先生使位儕殿陛犯顏諫諍首折權貴必汲黯朱雲流亞卽監一方而領一郡要亦抑豪強卹鰥寡婦人孺子共許爲包孝肅海忠介之倫而先生曰吾老矣獨宜閒官于是縱觀史冊手著一編其中政治之本賢不肖之迹往訛不合者援大義爲駁正俾萬世耳目發以鐘鼓而濁以星辰嘗論自古國家之病莫大于雜而尤嚴者天澤之分冠履之

辨往往痛心疾首而噤于言故其時通侯首呼強項同
官下吏皆畏憚不敢聞以私及夫受職登州也腥羶滷
處遠數年無一刺通一語接亦驚警中國之有此臣天
下之人大抵目以顛狂矯激雖知交竊議為賢者之過
而言行具在試按本末亦可見其心之無愧于士民之
在下祖宗之在天方囂塵滾滾飛揚跋扈之無極而獨
令死然苟非真有生氣如先生者尸簪組而覩面目徒
號之僅繫于人死生之故自古不可知而余乃徧覽人
事歛歔慷慨將以遠邛諸青蒼之上近問諸大海之濱
尙饗

祭趙菁衫文

天根文鈔卷四

七

維光緒二十有一年二月庚戌何家琪謹以清酌庶羞
之奠祭于亡友趙菁衫之靈曰高之日星下之嶽瀆走
之麒麟飛之鸞鷲無不本兩間精英之氣以生而況一
代文人尤秉中州之清淑惟我菁衫三歲聖童二十名
宿以科目進身作一十年不調之令牧當是時盜賊削
平東南初復于是拂衣起挂冠去駕一葉舟自淮揚攬
金焦訪姑蘇下錢塘憑江山而弔古傷天地而高譎更何論夫賞
芙蓉于歷下之亭觀海日子泰岱之麓風雲一旦中外
推轂由二千石擢監司凡山東海防河工軍儲鹽筴幕
府之疏奏檄令靡不咨籌筦鑠洎權陳臬事不替月而
鉅豪強活良善立斷數百獄雖中壽死矣豈得謂之不

祿方今 天子聖明二三執政以人事君交薦其大事
可屬行將假之以節鉞任之以封圻胡為歸里而歿毋
乃天奪之速余昔論交海內大抵皆窮士下吏或少而
天或壯而促或老于貧病或溷于流俗或登上第而旋
埋或歷顯階而頓伏如菁衫者志槩卓犖聲名騰蹕姓
字上列于 御屏政績徧謳于巖谷而何以中心若有
所不足余嘗以謂今天下大患在州縣而監司無舉劾
之權以貪為寶以諂為才以暴虐為能以因循臆胸為
故事而所稱當時任事之賢又或不綜全局不知大體
不急先務但以瑣瑣者不勝其號令之煩數一切浮沉
離離之徒方且酣詬而豔舞大酒而肥肉以菁衫廁于

天根文鈔卷四

七

其間人皆以為榮吾直以為辱余又謂士之得志不得
志不在窮達而人之安危憂樂不在死生不見夫海上
驟警京師震動吾之弟妹各皆旦夕急難之中不能相
保余亦莫決死所又安知菁衫早歿之非大福余與菁
衫皆為孤兒吾母之亡菁衫為執手泣涕孰知菁衫生
僅識十日之父而死不終事八十之母蒼蒼者之相待
抑何其酷余平昔交游死亡殆盡菁衫前歲以書招我
而未往余真負心遂畢此生而不復把握今年入春以
來陰霾蝕日或風或雹似皇天哀矜下民無辜而被禍
余方獨徘徊于雒陽之冷園對怪石而倚古木以菁衫
之生平自有千古而病中不忘故人及于余將屬之以

身後之傳余亦思于此輟神虬乘天駟與之上下其追
逐二千里外不獲會葬執紼而遙酌以酒乃並抒家國
無窮之恨仰天而一哭嗚嗚哀哉尙饗

家傳志哀祭類

何氏阡表

何氏之先居於封邱蓋數百年始祖曰全故有廟廟前
爲墓墓碑記碑之時爲明崇禎而已中更亂譜失其世
次可考之祖曰範範生贈文林郎啟賢贈文林生永福
知縣世傑永福生贈文林郎玉春贈文林生康熙辛卯
科舉人中部知縣任中部生兗州府通判作舟通判生
英山知縣孝達家琪曾祖也自永福以來四世爲吏政

天根文鈔卷四

三

軼不傳家琪及事王考奉政府君敬原先德自奉政府
君始府君諱友勳字猷軒兄弟七人季諸伯祖皆出曾
祖妣萬氏府君程氏妣出也英山公之卒官安徽也府
君少諸伯祖或宦或學死喪相踵田產落府君悉讓所
有子族自居屋數間或覬之慨然曰老子里豈吾志哉
于是乎出游蜀粵無所遇復至安徽逆曾祖妣祖妣居
之蚤失學至是憤讀書爲人掌書記遂佐郡縣筦度支
爲上客凡數十年以其脩脯專延師督家琪父學並以
贍族寇亂適家琪父爲縣山東府君亦至嘗曰吾歲所
有殆族人福不共之郡縣無客我者矣且吾向同客者
皆安在乎某積數千金今及于難矣某私置園舍今歿

于兵矣吾貧免豈非幸哉踰二年家琪父歿府君年六
十餘家琪十三歲家琪弟家珍四歲僑濟南或勸府君
歸曰嗟乎吾出吾能一日忘吾里哉思力以義田爲吾
族百世計不及爲望吾子今何如半頃指家琪輩曰汝
視若長兒能有爲否咸豐十一年攜家琪應試順天明
年家琪充副榜貢生又明年府君棄家琪等矣春秋七
十有一同治二年二月戊戌也府君爲人有器度任繁
鉅事能從容中條理尤樂施有病者弼妻已成券矣夜
哭聞召予以錢物卒不粥或遠役將質子如其價而還
其子或曰詐也曰吾心也吾甯逆詐哉正陽關安徽河
道巨商集處也府君間佐官權見流尸倡造揀生船具

天根文鈔卷四

四

棺木相葬地約諸商釀金入公所與關終寇陷府君在
北聞之方食起曰談遂罷食我祖妣新安明呂忠節公
裔太平典史燕應女也歸府君晝治食扶持老姑撫諸
子夜織恒達旦道光二十年八月辛未年四十九以疾
卒武氏齊氏二姑與吾母間坐話往事告家琪曰汝父
舉鄉試將反時汝祖妣已卧病起呼予姊妹至後門望
見遠帆云其有汝兄在耶抑在後數舟耶二姑與母泣
家琪亦泣曾祖妣祖妣歿于安徽厝焉以亂不克歸母
病中時時語廬江紅廟地主吳氏云吾父喪先歸府君
與母氏家琪妻三喪並歸焉光緒十三年家琪始歸曾
祖妣祖妣喪踰年三月丁丑附葬于先塋府君之葬元

年九月丙午也府君以家琪父封文林郎入貲爲同知
晉奉政大夫祖妣初封孺人晉宜人生子男三長傳復
幼傳立早卒家琪父傳興道光庚戌科工黃縣知縣
女五長適祁門吳嘉元次適華陽卓棠次未聘卒次適
武安進士繁昌知縣武元鶴次適廣東候補道天津齊
世熙孫男二家琪光緒乙亥科舉人洛陽教諭家珍萊
陽典史女二家琪伏以數典忘祖古人所恥又不敢以
虛美厚誣重不孝罪揭一二石上俾天下知世乃有德
不能述志事不能繼之子孫哉烏虜長孫家琪謹撰

先府君行實

先府君姓何氏諱傳興字敦詩別字筱軒道光三十年

天根文鈔卷四

五

進士治黃縣不一年卒先是嘗勞于東阿咸豐二年粵
寇絕大江巢金陵旦夕窺河天下騷動 文宗皇帝與
二三大臣憂勤于上發吉林黑龍江兵南下徑山東所
過郡縣徵民車東阿道尤衝車具他邑闕輒促代踰期
不反民病之府君資以價且後焉將出境豫探懷中金
與兵令下一日東平州已納車廐中矣府君聞趨廐廐
塞廐者給焉入廐廐開望見車府君左手以劍斷廐欄
而右頰叱之曰出出盡出未幾寇渡河陷金鄉陽穀高
唐臨濟諸州縣遂擾畿輔達天津京師幾震當是時東
阿城孤危大軍遠屯土豪四起府君以縣小猝遇變難
守先鎮內安逃民開廩給粟會奸人謀乘飢竊發遂寢

外多募勇士設疑兵伏要害以示強閒獨身出曉警禍
福令止誅渠魁嘗詰一寇寇起若陰刺狀僕徐成在側
兵之首已墮猶惜鞠未詳也以故其黨解散初廉寇覬
行省亟趨張秋鎮焚舟梁塞渡口迄無警府君于是病
府君明敏過人訟且判且遣之廉以自飭胥吏犯過引
爲已咎胥吏退互責曰公如此我輩非人耶凡兵役防
禦皆自割俸無秋毫侵民既病請告民乞留于大府不
聽尼以媼婦府君禮車行病差移黃黃富多巨室喜交
官與民事府君曰如是知縣可廢也且過在知縣不禁
獄成陰得非法具毀之衆感泣曰微公幾陷不義卒七
年有豪強擅殺獄人服先識云方守東阿時他縣爭上

天根文鈔卷四

六

功府君獨不上曰職也欺而要罪矣黃平海寇如之府
君厚于人而不可干府君父奉政府君愛蘭或以進謝
日必藉是奉大人是明我不能子也配唐氏子家琪家
珍卒年三十有六五年八月甲辰也後二十年黃載志
東阿祠名宦焉家琪謹述

先妣事略

先妣山陰唐氏先世出自宋處士珏父諱堅亦高行不
仕母沈太君先妣歸先考先王母旋歿二姑幼深相愛
曰吾不獲久事姑愛小姑所以事姑也先考官山東適
武氏姑寡攜一女來依先考歿王父在堂老矣家事一
屬武氏姑曰微小姑吾何以事翁王父嘗置濟南宅一

區及歿先妣奉楊祖庶母武氏姑及子女居焉宅三院
初居中以前儼人旋居後更典衣物嘗困乏不言家琪
少負氣見世事輒憤歎先妣前而厲訓之曰兒孤何能
微祖父德餓死矣敢怨尤乎初先妣病武氏姑亦病屋
窗遙對秋夜風雨燈火閃動咳聲咯咯相聞武氏姑謂
先妣曰昔吾母吾兄遠是疾我二人復然我其先去哉
已而先妣棄諸孤武氏姑強起爲理喪哭之曰嫂竟先
我今武氏姑歿家琪妻子連喪徙舊宅又忽忽八年矣
家珍幼就學于外數日一反輒爲留果必問讀書何若
始食之大妹遠嫁次妹侍先妣疾勤尤憐之家琪娶昌
平邱氏大妹適安州陳兆和山西通判皆王父許婚次
夫根文鈔卷四

七

述
亡妻邱孺人墓志銘

孺人昌平邱氏翰林院編修沅州知府家煒孫女陽穀
知縣在田女祖母父母咸愛焉庶母亦母之年十九予
逆娶居濟南踰年徙通州又踰年反吾父早卒官予久
不第至是益貧孺人祖母父踵歿生子殤又生子晬殤
遂病歸依母居同治八年九月朔己巳反予宅壬申歿
年二十八初孺人來歸于是宅吾祖吾母武氏姑共一

堂自吾祖歿不數年庭階依然而嘗出入言笑之人忽
焉俱逝烏虜人世何如者如予所遭而世可知耶豈世
多富貴壽考而予家獨當其厄耶自寇亂以來其骨肉
之離散死亡不可勝道而予家歌哭于斯抑又幸耶以
孺人生歷艱難而死又易如此豈非予負孺人之甚耶
今于光緒元年耐葬于吾母唐太孺人之側系以銘曰
生爲愛女嫁貧儒死以哭子葬而從于姑予爲銘之復
何吁

孫氏妹哀詞

光緒七年夏五月余歸自山東充教諭雒陽無歲不聞
朋舊之亡猶幸骨肉健在覲以開往省二十四年春遷

夫根文鈔卷四

六

汝甯教授明年秋妹夫平陰孫建箴子銘以妹之喪赴
烏虜余年五十七矣早喪父母妹又殞骨肉存者惟祖
庶母楊太宜人齊氏姑皆年七十陳氏妹與弟家珍且
日老乃以區區之官久羈一隅不相見自不知此心之
謂何也子銘述妹不逮事舅姑撫仲兄公遺孤力持家
躬約而周里郤活一癡婢余念妹生二歲父卒黃縣官
所舉至旅濟南母恒病于是長妹遠嫁余亦出客數百里
弟從師外塾惟妹左右母母夜嗽不寐妹掖母起坐必
進湯方冬風雪逼戶牖燈火熒熒迨雞鳴始息母嘗喟
向余曰汝妹真吾女也余聞是言而且泣年十五母歿
踰二年歸子銘又念陳氏妹寡無子子銘以諸生佐治

河敘勞得校官職男曰和籍于學女四妹之境差愈余同產曰人妹最幼先死悲夫年四十六卒六月己丑也余不克臨哭文以哀之報子銘并自責余之重負咎于骨肉也詞曰

凡人于身判四體兮或毀其一儼稟死兮妹之喪父甫生齒兮解侍母疾夜數起兮于歸田家拮据米兮撫仲妯之孤不啻出己兮婦道克全年靳五紵兮聲于鬻官有夫有子兮瞻望諸兄莽河海兮風雨京華悲寡姊兮死事舅姑儻從吾妣兮虎噬中原禍誰始兮嗟余小臣么蝨蟻兮胡使天屬絕于此兮無以摠哀惟泣涕兮弟瞻雲厝志

天根文鈔卷四

九

烏虜余之骨肉于是乎盡矣余何氏三世皆以宦游客死父骨先歸曾祖母厝廬江祖與母暨妻邱氏厝濟南以寇亂越十餘年或數十年始克歸葬封邱先塋弟瞻雲又以亂厝異鄉可悲也初余聞瞻雲歿方抱疴力疾往取骨行至汴會拳民之變作遂止烏虜當此之時神州陸沈 兩宮出幸 陵寢蒙霜露畿輔大小官吏以若居民家室罹于禍者不可勝數瞻雲獲瘞骨土中又豈非獨幸也哉瞻雲諱家珍一字聘卿先考黃縣府君之子母唐太宜人生男女四余長次陳氏妹次瞻雲孫氏妹又其次也去年夏孫氏妹歿今瞻雲繼之陳氏妹在京師無音問而余以老病僅存韓退之曰人欲久不

死而親居此世者何也余今尙何有人世之樂哉瞻雲生四歲喪父十七喪母余不能成瞻雲名濟南惟宅一區迺粥宅爲入貲典史萊陽二十七年以卒瞻雲雖爲小吏未嘗自薄高麗之亂山東鄰海州縣或陷沒瞻雲曰苟以此爲國死千古矣秩卑又久不遷無所施民投訟狀曰有令在瞻雲天姿明敏丹青圍棋靡不工尤愛鼓琴官齋有小園梧桐樹下月上時獨坐一鼓焉祖庶母楊太宜人老事惟謹武氏姑有女爲夫董棄瞻之終身光緒三年歲大祲族人舉室來依者賴以活余同居官舍七年洎舉一科授雒陽教諭遷教授汝甯別二十年無月無書書至必曰安命卒前一月猶言之是可志

天根文鈔卷四

十

也卒二十有六年二月辛丑厝濟南饒家莊爲是年九月癸酉年僅四十九妻山陰胡氏妾徐氏子男二奎文縣學生乃文女四余自汝甯作志郵其子銘曰官海角葬湖湄子守墳兄銘詞骨雖旅而魂無不之尙故里祖父之是依

二僕傳

烏虜事人之道難矣猝試于艱危生死之間士大夫有不可知雖臧獲豎子不識字之人其立心行事苟有足爲世所哀憐矜式之者而不爲之書吾不忍也作二僕傳

徐成厯城人其先出濟甯斬徐負之氏徐復斬事家琪

先考府君府君權東阿知縣值粵寇亂北徵兵成日辦
數千人食府君以爲能迨授黃成以微過去府君歿家
琪兄弟幼成哭哀理喪力大父奉政君暨母唐孺人歿
皆如之初府君之蒞山東也成司庖汲爨者何實實亦
慝賊人中誠而才遜成然能苦役一錢不敢歎至惟嗜
酒醉則口喃喃役事愈勤家琪客濟南不去其門而成
以時至曰曾食人食而敢忘乎主幼且貧非成誰左右
之者佐知州韓君死代負千金債實有弟負人債盡償
以田後成死昔府君嘗涕謂小子曰予讀書時夜一鐙
老僕主發伏几睡且鼾且勸曰好好讀行成名及予通
籍死十餘年矣

天根文法

三法

詞義精深 敘事奇變 脉絡灌輸

二例

明道附論事 本經敘事附記言 本史道在究天人之際通古今之變事非天下所以存亡不書

二綱

義言有物 法言有序

義二目

獨見前無所因 後足為則言不過物不標榜 不攻訐

法五目

天根文法

謹嚴非苟簡噴礪非馳驟吞吐非含混矜鍊非艱澁自然非率易變

化非詭奇

要訣

微春秋多微詞 左史亦然

大忌

剽太摹擬亦同病 礪不一事太繁一事未末不詳

局法

起貴從源頭說下脉乃遠接 或直起直落突起突落或以提為轉或突轉結含蓄有逸韻或另提作結以示變或單句截然而止或例挽應起有正有反

筆法

咽 逆 突 雄 奇 提 頓 潔 簡 逸 澹

宕折

文固貴義法然非詣之精微格之遠大更濟以雄駿高古之氣盤鬱沈厚之力瑰瑋奇嚴之詞疎澹之味雋永之韻極之變化神妙之致則不能成大觀且文以記事事不過始繼終文不過頭腹尾通篇有渾昌有分貼有探源有結穴每段有提撥有過峽有整齊有錯綜而卒歸渾浩無迹一氣貫注可以成誦總之義貴精體貴潔法貴變神貴遠格貴渾大氣貴雄直趣貴幽冷詞貴簡奧而奇嘔筆貴疏宕而道折方為至文

讀古文法

天根文法

急讀以充其氣緩讀以傳其神

作文

古人作文皆善用其短雖師古而能別於前人所謂自樹立不因循也

作論

魏叔子曰作論有三不必二不可前人所已言眾人所易知摘檢小事無關係處此三不必作也巧文深刻以攻前賢之短而不中要害取新出奇以翻昔人之案而不切情實此二不可作也作論須先去此五病然後乃可議文章予謂後二病必至黑白混淆忠奸倒置外誤治道內壞心術其誣前賢悖公論猶後耳然作論非如

此無以見異年少有才人尤易犯今
國家變科舉法以策論取士文體固善於詩賦八股而
其病亦不可不知也

論文

自姚姬傳以陽剛陰柔論文於是兩派實則剛不參
柔氣剝而詞易激柔不參剛格弱而詞必平近時講桐
城派者主歸而力矯侯魏往往毗於陰柔雖廉卿摯甫
皆所不免試觀望溪之高古惜抱之清醇伯言之盤折
何嘗有此病

近時文之不如古者意求顯詞求詳意顯則淺薄詞詳
則冗雜是故善為文者微而簡

天根文法

三

古文三十四品

大如天厚如地重如石老如古質如布昂實如果朴如木
深如海陡如霹靂高如喬遠如名峻如峯曲如荒潔如玉
空如鏡清如泉疏如秋星密如天雋如美淡如雲搖曳
如風秀如花咽如秋蟬幽如處枯如禪奇如神猛如虎怪
如鬼雄健排奭如力士飄忽如飛雅如才逸如隱醅如
儒者物如大造之極境也
古文標識

義 神 氣 味 韻
骨 識 局格 主腦
胎息 筆力 筋節 血脉

精神 線索 機括 關鍵 波瀾

書法 証據 比擬 櫟括 張本

對照 層次 紀律 聲勢 光儀

色澤 起 中 結 始末

正傳 追敘 月敘 旁及 夾敘

先敘 帶敘 覆敘 類及 句法

字法 稱 微 反 逆

詳畧 謹嚴 潔 異同 虛實

抑揚 喻 刻畫 唱嘆 銘贊

綱 提 接 應 撇

側 單 暗 伏 登

天根文法

串 束 墊 補 襯

突 咽 冷 逸 間

翻 轉 掉 插 頓

開闔 繼續 起伏 出入 縱橫

橫擔 消納 緩急 錯綜 映帶

疏密 濃淡 參差 分合 質

峻 奇 雄 辣 鍊

縮 粗 細 直 曲

拗 屈 奧 折 幻

離 宕 渾 脫 婉

變 妙

右何天根論文即所謂古文方也天根與爵生學使
爲世交去歲學使按試汝寧日天根方爲府學教授
兩人每相見論文輒日夜娓娓不倦冬杪以此帙遠
寄學使蓋自道其生平學古得力之端功深如此宜
其以古文鳴中州者多年而人卒莫能窺其涯涘也
第其書初未分篇立目頗不易讀今天根已沒予謹
爲分次補題藏之篋中以便觀覽有好事者亦即以
此爲刊行可也光緒乙巳立秋後六日灘劉掄升題
於大梁學署

天根文鈔續集目錄

賦

虛榮賦

狼裘賦

論著

雜記八首

慮孤

序

水利卮言序

十六契齋詩鈔序

吳倚琴尋親記序代

天根文鈔續集

目錄

一

汪伯吾 國朝名人印譜樞本序

萊陽王氏家傳後序

書後

書吳磚殘拓本題詠卷後

書昆明蕭質齋先生年譜後

書黃受山陰符經注後

書賀于兩太夫人家傳後

書

與孫佩南書

與王竹侯書

與孫佩南書

再與孫佩南書

答蔣著生先生書

復馮觀察辭薦舉經濟特科書

贈序

送徐君去上蔡序

送陳鳳五序

壽序

蔣著生先生八十壽序

常振華七十壽序

傳

章仁甫傳

天根文鈔續集

目錄

二

何松亭先生傳

尹湜軒先生傳

董節婦傳

沈孝子傳

武進管敬伯才叔傳

山陰婁君傳

山陽畫師傳

黃封君傳

鍾西耘劉大受傳

肖山翁傳

鄭臬傳

李節母傳

陸烈女傳

孫伶傳

李烈女傳

吳節母傳

楊伯峯先生傳

墓表

劉衡堂墓表

封朝議大夫許君墓表

陳太孺人墓表

誥授朝議大夫廣西補用知府署桂林府事王君

天根文鈔續集

目錄

三

墓表

墓誌銘

楊府君墓誌銘代

廣西雒容縣知縣汝州杜君墓誌銘

陶君廉泉墓誌銘

哀祭文

陸右周哀辭

夢弟文

柳魯泉哀辭

雜記

冷吟閒醉軒記

書汝甯知府費君逸事

記鼠

書童僮

記貓

釣突泉斜柳記

陶廉泉宦游六蹟圖記

書郭李家人語

郵樓壽蘇圖記

種竹記

郎卓菴憩棠圖記

觀虎

天根文鈔續集

目錄

四

觀小媪

明魏閣石像記

賦

虛榮賦

光緒二十六年奸民煽亂衆國內侵一京師震動
 輿出幸于時中朝諸臣或泣諫以效死或間關以扈
 從家琪以下方學職不克率一旅師入衛又不克赴
 行在役奔走旦而舖晦而息口經手史以傲諸生幸
 天子不加誅用學使者薦進五品銜非不榮也噫亦虛
 矣易曰鼎折足詩曰不稱其服家琪之謂矣爰託爲賦
 以自責其詞曰

何子天根星精之石墜于人間化爲冥頑之軀老一

天根文鈔續集

十

朝廷閒散無用之末職子生三歲弄筆硯九歲解吟詠
 乃年垂六十猶經經執一卷自仙而自聖方十有三父
 歿官中人依寡母出侍祖翁以養以教以發其蒙何恩
 勤之未答尺寸而遺恨抱于身終二十明經三十孝廉
 當是時豺狼四起地拆天鏡海內豪傑與亡賴子靡不
 汗馬插貂由白徒膺郡縣封圻之寄子亦嘗爲軍祭酒
 而落拓一青衫不退不進無可奈何本才庸而官腐已
 所得之云多已故高其名世愈賤其價治經承許鄭之
 傳設教託陽胡之亞道統欲上繼義文周孔而子何以
 衣食不具內不免稚子嘯號而動輒齟齬外日爲庸奴
 之竊罵皇天不弔 神州陸沈 六龍在御陽蝕衆陰

鯨鯢橫行于大地鳶鴟競出于深林自幽并以至燕趙
 縱橫數千里流血盈溝瀆積骸高山岑而予上不扶社
 稷下不接蒼生况妹在難莫掇第客死莫收苟活于世
 亦獨何心但見其望雲和繼雁之唳向夜咽哀猿之吟
 子之著述左史荀揚子之詩詞漢魏盛唐子大振笙鏞
 之器世爭鳴瓦缶之場子以爲鳳毛麟角貴于金玉世
 以爲牛矢馬溺甘于酒漿殘飯誰憐下淪于過市吹簫
 之句一錢不直貽笑于當筵彈箏之倡何物水精光耀
 于頂其象形也儼抱明月之夜珠其假器也更甚真銅
 之贗鼎將班子于卿寺兮遜其鸞之潔將伍子于牧令
 兮無其虎之猛不見夫堂上仙吏冰壺玉鏡之高懸子
 天根文鈔續集

二

乃屏氣側足立于其旁曾弗媿恥而以爲榮卽非庠序
 之賤儒抑亦衣冠之優孟

狼裘賦

汝甯府教授何先生大雪行市中以錢七千易一裘意
 其狐而寶之或曰狼也狼產北塞者毛類狐先生不知
 狐並不知狼先生曰雖然狐貴人所裘狼類狐裘吾宜
 迺援筆而爲之賦曰

物萬于世貴賤靡常要視斯人之位置而不係馮生之
 彼蒼樵斧薪老桂女蠶仰柔桑荆棘刺于蘭晚錦繡被
 乎糞牆富碎明珠作溺器渴飲盜泉代酒漿呂鈞璜以
 餌姬伯尹負鼎以鬻殷湯夷吾以小囚父霸國無鹽以

醜女后專房相如少溷滌器之保馮唐老沈執戟之郎
雀頭之香生足蔑夫魏帝鮑魚之臭死且亂以秦皇方
今中國貪狼封狐爭噬人而據城社埋輪一例何必託
諷于張綱然而干歲狐幻通天之術九尾狐卜有道之
昌狼雖不才亦假名于良又何必惜買璞而得鼠謂書
璋而誤塵嗟夫嗟夫麟行地衆叱走狗雞升天自號飛
鳳龍忽失水便侮于橫行之鰐蟬偶登樹竟忘夫後攫
之螳若先生者其杖則竹其鞵則芒出門而肥無馬拜
賜而瘦有羊坐虎皮揭日星之大義騎驢背誣風雪之
短章但其表同一粹白兮亦何狐而何狼

論著

天根文鈔續集

三

雜說

東海有無力人焉羣盜入其室繫手足索財賄不已徧
戕其體未即死也已而大發憤自刺其心曰吾今而後
得強之道矣

人之一身五官四體心爲君以心可率官體也五官四
體獨眉無司無司必存之何也無此不可爲人也其有
司者或瞽而聾而拘攣亦不敢遽廢之也遽廢之則心
傷心傷則死夫人於一身皆知其廢之則死也

天之生物有材不材焉不材者視材衆矣任其自生自
養于其間未嘗強材之也豈天隘哉強材之用則力不
勝而致禍不用概棄焉必相與逞不材傾材者材者傾

不獲用用未竟而遽賊材亦夷于不材甚且退避焉聽
不材者之禍天下

烏虜病已亟矣忽爲之創新異之方來域內千里不習
之醫強責其旦夕必不可致之效此殆中心惶惑無所
復之至愚而拙之計豈不足重爲齎咨涕洟也哉人亦
有言父母有疾雖不可爲無不下藥之理與其坐俟斃
也夫病已亟矣新異之方雖良已後時域內千百不習
之醫非能用良藥者也責旦夕之效適以速旦夕之禍
病未除而元氣亡矣然則宜奈何一起居安其弱勿策
使強一飲食節以飢勿貪使飽藥宜輕用藥宜漸勿旦
夕重其猛如是一息延以祈永命于天不猶愈于未斃

天根文鈔續集

四

而速之與或曰姑試爾烏乎曾以尊親之體而敢一出
于試乎

盜劫巨室主人逸盜迫主返反挾爲質以令其驅役之
僕僕不忍主人之返于弗獲已也謹左右之防陰弭其
朝夕不測之禍患而乃相道路廣居宇侈供張曰吾小
人區區之忠惟在此

天下之得失人心而已矣其得也必有固結之本其失
也必有斷喪之端是故開創之世其取民也必薄而令
其有以生其罰罪也必寬而令其有以勉其征商也必
有定制而令遠旅有所贏以恤其勞其課土也必有常
程而令中材有所勉以呈其能其馭吏也必厚其祿且

不敢細繩其私焉而令不肖有所容不待臺上指下而後可贍其身家其季也反是

以人之強制我之弱劫我以虔劉天下之民科斂天下之財賦有死不怨者曰此非本志也若夫我已弱矣姑效其人之強以虔劉我天下之民科斂我天下之財賦天下其謂之何

秦變封建成卒起宋行新法夷狄橫明裁驛站流賊興歷代以來其變也本以妨害而害滋甚本以興利而利益削語云民不可操之急而使失業失業則盜賊興烏乎其信然與

天根文鈔續集

五

烏虜天下最危亡之機其惟孤而無助矣乎自父子兄弟以至宗族一不同心家不昌自官吏賓從以至士民一不同心府縣不治況九州之大四海之廣一人孤立于上者哉余每慮及此未嘗不追恨于嚮時 朝廷之變也方其始中外臣工各懷其私日奉故事以爲盡職時勢積弱政令不行浮躁暗沓之徒迺激憤爲首難不參彼已快逞旦夕左右肘腋冀微奇功而覺端猝起其人獨蒙惡名也固宜嚮使中外同心勤王之師四集而筦疆宇者嚴江海關塞之防不容敵援之大入則中之敵人尙寡其事或濟就令弗濟其志亦無惡于天下不此之務奉 詔而觀望遷延間有聞 命卽至者率新

募單怯之軍以當衆敵死猶被罪若夫江海關塞在在險要一不設防寢其 詔書私定和約但藉口各保疆宇之一言于是坐視十餘國虎狼之旅麇至 京師廟社震驚人民糜沸 乘輿出幸蒼黃脫難 宮寢既復而勛舊重鎮其功遂上與伊呂侔矣

序

水利卮言序

烏虜今之州縣官蓋難爲矣上有監司中有僚佐下有胥吏豪強其共事而持權者復有外諸國之人于此而興一政以便民便于貧不便于富便于良不便于莠凡此之徒皆足以怨讟之而阻撓之而媒孽之而誣陷之

天根文鈔續集

六

苟冀免罪戾安一日之位以遂志之所欲爲勢必不能光緒二十七年上蔡知縣徐君受之以事去官余旣文以送之矣歸吳中脉以所著水利卮言屬敘余老學職未諳吏治顧見君之政類有實蹟不獨治水也世之論君者亦不以爲無治蹟而但以不便于時爲詞衆口同聲無一人于其歸重惜而挽留之者雖然君歸矣河雒淮汝之間儻有聞君政思繼其志者吾甚願勿以君爲前車而坐視斯民之日在滔滔中也

十六契齋詩鈔序

烏虜人生遇合之間豈不難哉有君不能得之于臣父不能得之于子者矣不足動千載人之感傷涕洟也與

枋樞政專兼圻可謂之遇乎命也畀之于天者也撥魏科膺特薦可以謂之遇乎倖也干之于己者也少年才士江海飄踪忽逢奇女矢身相從遇而媒于情矣古鬼荒邱埋名捧莽路人剔爬揭碑天壤遇而標于俠矣由是言之遇其終窮矣乎若夫詩客暮年病且死執一卷而歎曰啼欲焚之吾魂魄所在欲傳之而無其力于是郵其詩于數百里平昔之友其友曰此吾責也取而刊之同時之友或助刊贊或刊別本其詩遂傳如甯海李君雲樵之所遇然後乃可謂之真遇也已雲樵名少白詩曰十六契齋詩鈔刊其詩者山陰婁君受之助贊刊別本者南海黃小宋高邑李小芸刊成受之跡余以余

天根文鈔續集

七

亦雲樵友也余厄于世久矣爲之論遇合而不勝古今無窮之感也光緒二十有六年仲秋封邱何家琪

吳倚琴尋親記序代

昔余讀史傳載宋朱壽昌棄官求母得於蜀 國初黃向堅寇亂中行二萬里得父母於滇未嘗不歎古人行誼非晚近及也光緒二十有五年余來守汝甯適江夏吳君倚琴待次府經歷示以尋親記自述咸豐間粵寇陷其鄉失母所在閒關走訪得於江甯年甫十七爲尤異夫以壽昌求母於久離之餘而向堅與君皆丁寇之方張子身出發鋒刃交於斯時也設親前死已不幸中道殂詎能逆決志之遂而志卒遂豈天特相之抑其一

念之孝誠雖極險阻艱危之境有莫或害者與要之孝爲百行先誠尤克濟天下之變豈獨子於親哉方今國家多事需才孔亟君滯下僚久年且老世之覽是記者可以慨然而興矣乎

汪伯吾 國朝名人印譜樞本序

楊子雲薄雕蟲篆刻非壯夫爲雖然童年寄其心一藝竭吾力矻矻老死成感絕名孔子之于道堯舜之于天下無以異夫務小忽遠大溺寸技不克經緯萬端者多矣然物理固有不相謀而相通豈非視其人職業之所在邪文章詩書法圖繪與夫金石刻畫雖若玩耳目而亦古人寄心之具耳夫苟喜名而惡實日浮沈職業

天根文鈔續集

八

之中不寄其心心寄矣或且姑嘗于膚淺責效于鹵莽而力不肯竭烏虜此聖道所由晦塞往古強盛之天下敗壞而不可爲也黟縣汪君伯吾未冠舉一科從事于古善書工雕印章跡余嚮所樞 國朝丁敬身以下十六家印譜諸前賢之藝無俟余言伯吾鉤樞精鈔儻亦所謂寄其心而力之竭者與余表老值世多故困窮官追惟 國家盛時方崇古學游跡所至日與鉅公魁儒墨客詞流相酬接故能以其藝名海內傳來者則又未嘗不因斯譜而慨然有慕乎諸前賢之遭也

萊陽王氏家傳後序

人生忽忽數十年老矣而凡疇昔居游之所朋友觴詠

之歡與夫登臨之山水亭沼賞玩之花木鳥魚撫摩之圖書絲竹極之尋常瑣事稠衆鄙諧之笑談皆已如雲散如風飄如塗塵飛滅每一念及未有不黯然神傷者况夫堂室戶庭朝夕出入杖者前抱攜者後雖霜露屢易而家人之聲音顏色耳焉而如聞目焉而如見此爵生學士萊陽王氏家傳之所由作也王氏自資政公以翰林起家桂林太守與學士伯仲聯翩接跡於清華之選可謂擅海內門第之盛人世之光榮矣乃學士於河南校士之餘追思先德雖所遭若難言不忍言自不能已於言至於垂涕縷述其情狀又何其意之摯而詞之悲也一日彙所作書達汝甯府學官何家琪曰子資政

天根文鈔續集

九

公之弟子也其爲我序之夫家琪骨肉早喪衰年滯未宦天地間一孤貧人也亦何忍序斯傳惟念學士天性純篤既貴不忘先人貧困時堅苦之志操且以貴基前美而先人反不及見人生之戚有大於此者乎昔陽亢宗爲國子師告諸生曰學學爲忠與孝也學士作傳本

是旨更以身先焉方今時俗變易學術紛龐倫紀講求蓋尠矣學士奉天子命任風化之責後生新進儻亦有讀斯傳而激發其本性相與維人道於不墜者乎是則天下之幸也已光緒三十年仲冬汝甯府教授何家琪再拜謹序書後

書吳磚殘拓本題詠卷後

國朝康熙年間朱竹垞藏吳寶鼎二年磚嘗拓而跋之越乾隆之際黃小松得一拓本裝池爲卷書其跋徵名輩題詠翁覃谿程魚門其著也後歸嘉善周氏吾友桃源戴少傳孝廉得于周氏之僕其拓本字已佚惟餘磚側螭文及名輩題詠而已方余之歸自山東也少傳爲言之及遇于汝甯始獲讀焉余惟磚小物嗜古家往往愛之視金石雖汚朝暴主之所造不或棄焉今少傳守此且二十年意不實殘紙而寶諸名輩之遺墨與余又思乾隆之時國家蓋極盛矣天子仁聖四海久安外無犬羊之擾中華不崇奇表淫巧之玩農工商賈各安

天根文鈔續集

十

其業于時朝右碩學鉅公與夫湖海方聞之士得于其暇按奇訪異羅散拾遺于榛莽埃壘之間爭賞交歎形爲詩誦余白首窮官少俸年逾四十尙橐筆詣人顧當世好尙類與古殊偃蹇一室摩挲殘卷能無慨慕諸名輩遭時之獨幸也乎

書昆明蕭質齋先生年譜後

光緒二十八年春家琪之濟南昆明蕭君紹庭跡其先質齋先生年譜屬書其後讀之至先生守濟南事作而起曰烏虜民心之不可失也有如此哉同治四年粵寇擾山東濟南戒嚴軍需繁而庫帑絀議榷商先生曰其地民惟利田日用皆南產關津所在已遞征若復權于

此物價必增而病民且行省根本地資民力多宜養其氣不宜失其心議寢寇亦定大抵權商必建公所設分司費用已巨司事之吏不能家喻而戶曉也則必假手于邵縣之紳士胥役紳士胥役不盡賢也則必苛斂浮收藉田戶以飽其私私之飽往往百千于公入且號爲權商商之巨猾反賄免術脫農與無業之民悉受害姦人煽之勢必有嘯聚抗官之舉嘯聚抗官固不難懲以法劫以兵也吡境聯村焚屠灰燼于是乎海內之民皆囂然喪其樂生之心而其禍遂不可問夫權商非加賦而民心坐失況由權商多立名目而征農秦漢以後之亡天下未有不繇此者也彼秦漢以後之臣甘蹈覆轍

天根文鈔續集

七

其人豈皆智不及此哉毋乃天下之變亂已極計至無俚倒行逆施巧佞之徒從而希寵營私不暇念根本原君民同體之心權中外禍患遲速緩急之故悍然行之無顧忌與不然先生之爲國家慮者蓋遠矣先生諱培元咸豐二年進士由詹事府右贊善授濟南知府卒官山東濟東泰武臨道今紹庭復觀察山東必重有感于斯言故特著之且爲後世告焉

書黃受山陰符經注後

黃帝陰符經黃魯直僞之然朱子嘗爲攷異焉昭代四庫列道家或釋以丹法黃君受山注一卷引據羣經義衷聖其推崇至矣方今海內新異之論日出幾謂聖人

之道不必遵三綱九法皆宜棄絕何盤古若是抑亦道與時爲升降運會所趨其人情風尚勢有不得不爲之移與夫是書真僞難臆決其注頗爲同輩所許吾獨悲受山老不遇于時藉箸述以自見而且託之皇初也光緒三十年仲秋封邱何家琪

書賀于兩太夫人家傳後

同治元年家琪年二十從萊陽王芷庭先生於通州旅舍季秋夜先生方寢家書至披衣起坐啟書視之不言淚如縷家琪執燭侍請焉曰吾妻於前二月亡矣已又太息曰貧賤夫妻百事哀吾妻所遭不獨貧賤也將復請見先生顏色黯然遂退今先生仲子爵生學士奉

天根文鈔續集

三

命視學河南試汝甯家琪適官教授出所作賀于兩太夫人家傳再拜受而讀之其述賀太夫人也有夫妹在室構太夫人於姑前者無不至而起敬起孝嘗取鐵鉗炙其體乘疾啗以炭灰若不知者方悟先生嚮之感傷在此烏虐人之人於天地間五倫而已以天合者惟父子母統於父兄弟次之雖以君臣之義而尊遜親若夫子婦之於舅姑第係於夫而望其孝如子恒情所難況乎夫之兄弟姊妹以及姊妹之屬意稍不合詬誶焉觖望焉且忤舅姑蓋尤難處也夫惟難處賢孝乃愈見耳自古人臣往往爲左右讒誣被罪於君極慘毒而無以自明乃死踰時而其忠直之心天卒相之白天下傳後世

岳忠武于忠肅楊左諸君子其著也賀太夫人所遭之苦未嘗自言先生雖微知之亦未一告於人而學士失母幼長乃獲聞於繼母于太夫人而心陰潛焉既貴遲之數十年始鳴咽命筆且以家琪爲先生舊門人託一言告來茲此豈賀太夫人當日所及逆料而要其不能終沒者賢孝之動天故也今值時勢孔艱而學士位日高責日重苟本賀太夫人之慮家庭者任國事亦必能堅忍盤錯爲當代名臣夫豈僅表先人生前一二事爲足盡子道而無愧已哉傳又載于太夫人教之如已出此亦學士之不忍不述者也光緒三十年孟冬汝甯府教授何家琪謹撰

天根文鈔續集

三

與孫佩南書

家琪再拜佩南先生足下五月四日蒙遠訪與之論古今及藝半晝夜此二十年第一快事也每當獨居一室輒憶足下罷官後無歲不游動數千里時而省弟時而訪友時而赴故舊之喪會名賢之葬孤踪高誼家琪自視如蛙蚓不可爲人足下前歲具疏請皇太后豫擇宗室子養宮中爲上嗣當路無肯代奏者又自不得達忠謹之論壅上聞不二年間變禍猝興時局潰裂至此此蓋天數使然非人力所能爲然老成之見後世或必有舉而惜之者曰是患也嘗有人逆知之其言苟獲

采必無是自古之事變徃徃言于前者不爲意甚且罪焉洎後悔悟已無及悲夫足下初欲赴行在未果今又欲俟兩宮駐蹕河南時上書言事足見足下之忠悃老而彌篤雖然吾輩惟能言之而已昔子朱子家居時草封事子弟諸生迭進諫以爲必賈禍蔡元定請以著卜遇遯之同人遂焚橐願足下亦姑卜之也家琪再拜

與王竹侯書

竹侯足下赴至齋尊公狀一通初開卷如青天白日霹靂一聲風雨之卒集也如時和物豐比戶誦舞飛將軍率百萬神兵自天下也如嚴冬大雪山崩谷陷龍蛇虎

天根文鈔續集

四

僞惟聞猿鳥悲號之弗絕也如河隄夜決萬丈陡落垣圯屋傾衰翁弱女起牀簣走死之不暇也如黃昏月黑灌莽燐火山鬼木客爭來攫人孤旅長途四望遼曠之不見村驛也如富室入羣盜操戈把火首拘王人蓄積百萬恣掠取而但乞軀命如達官獲罪縛于市將伏歐刀妻帑環泣顧日影而冀赦如城在重圍餉斷井竭雀鼠掘空忍須臾以待援如飢民就食中道病疫家人踵歿一嬰兒委地呱呱然尙索乳也非足下至性無此至文天下爲人子者讀之靡不肝摧腸裂涕泗交流矧如家琪少喪父母抱弟妹之戚者哉尊公志事雖未竟施嘗與慶典拜恩賜治外郡惠澤在民中壽祿終亦有

何恨古來之聖賢豪傑皆不過在人間數十年爲一二事足以不朽耳其著奇節奏偉功間見致之是有命焉若自待之本懷豈必長六官督八州活四海之赤子犁萬里之王庭銘勒鼎彝眉壽無疆而後志得意滿哉然則尊公固無恨于平生足下亦可以釋其胸臆感憤之私矣至于本孝誠以篤忠貞他日事業或有補尊公未及爲者是又在足下之自力與其遇非家琪之所敢知矣此乃家琪稱心而言者執以貢足下世俗唁慰非家琪能亦不敢瀆焉家琪再拜

與孫佩南書

家琪再拜佩南先生執事執事鱣鱣大節海內瞻仰雖

天根文鈔續集

五

三十年前相識之人幾敬之如古傳記中名賢未敢私以爲友也近聞中外交薦明詔屢徵不起名益重而節益高雖然家琪竊爲執事危之嘗以謂吾人以一身涉世之末流內不容不以名義自厲而外不可稍務名節之迹何也名節者比俗之衆之所欣慕而愧恥小人之所嫉忌必欲百其術以敗之而援爲口實者也雖其所尚本於天理之公其事出於時勢之所當然而不可以已然在愧恥嫉忌者方且誣之以所必不爲聞之以辭受語默之萬不能避一意堅定百折不同非以爲藏拙卽以爲名高甚至度以己私謂之養望以退爲進因其迹以律其心藉其疑似以實其罪烏虜毀之來也周孔

大聖人豈能逃哉族之時過事久公論大伸翕然稱之無異詞然當其先所以處之者蓋亦難矣是以曉曉者易缺傲傲者易汚古有盛名直節墮末路者豈盡自取勢迫之耳家琪嘗讀史至東漢之季未嘗不廢書而歎也李范誠賢者過林宗好獎士類孺子見特禮於太守叔度幾於模稜其免禍皆幸必如絕迹爲備之子龍然後可烏虜豈不難哉家琪少尙氣其文字頗多危言巖論幸人見罕諉未大騰而虛聲浪被至今爲累年三十有八卽絕進取甘老校官亦三蒙薦舉去年中丞劉公薦膺經濟特科上書固辭力陳新政不便指斥當事者比之六賊衆相愕駭及當事者敗衆又以爲知幾設是

天根文鈔續集

六

時其書達之於朝其速禍也決矣夫苟言足裨國首碎何恤若第以爲吾名焉節焉烏虜此宋元祐明東林之君子所以不能不爲後世惜也昔彭城老人以薰膏責龔生田畫送其友鄒浩曰使志完隱默居京師遇寒疾不汗五日死矣豈必嶺海外能死人哉毋以此舉自滿呂祖儉曰因世變有所摧折失其素履固不足言因世變而意氣有所加亦私心也向長讀易至損益卦曰吾已知富不如貧貴不如賤但未知生何如死耳家琪敢云知死生然末路之難不至死不定其慎慎于此也矣家琪故交前死比比類獲保令名執事曩要家琪以贈言之義家琪學行毫毛不敢望執事姑舉平生所自

惕者質執事非敢爲執事進也家琪再拜
再與孫佩南書

家琪再拜佩南先生執事辱答書并大文一卷戊戌擬
上封事爲當代大禮國本之所係中外大小臣工不聞
論列而乃出于江湖廢散之末僚其言純以至誠感動
下舉民間之法至援已家事相比例俾天下知君臣之
倫根于天性與家人父子無異而其調護之善處置之
正雖唐李長源宋韓稚圭歐陽永叔陳同甫無以過之
卽不幸所陳壅于上聞而我三祖七宗在天之靈
亦必有鑒此爲之呵護啟牖皇太后皇上之聖衷
于冥漠者也家琪始讀而歎繼之以泣卒乃不禁拱立

天根文鈔續集

七

起敬而慶中國之有人也他如記濟南聖學孟韓志事
也銘嘉定徐公稱君子無黨而揭小人不樂擊彈一語
于前尤得左史義法合春秋微顯之旨蓋執事之文本
于學行海內人士無其本而能爲其文者吾固知其罕
矣不能爲其文方且咋舌其文並不于社稷安危聖學
絕續人材邪正一置思焉家琪于是又懼執事之孤而
寡助終見其無濟於世不過令後之人曰某彼時嘗有
是文也已矣於乎自古文之傳于後者多而有濟于當
世者少 徃徃如是悲夫家琪再拜

答蔣翁生先生書

家琪再拜翁生先生几下咸豐朝先子與先生同官家

琪孤貧不學父執輩皆所嚴憚不敢近先生退閒濟上
家琪方日與諸少年湖山文酒之會撰杖履於長者時
恒寡及于壯歲一再試禮部不第歸爲校官望先生在
二千里外然先生之碩德良政未嘗不往來于胸以爲
三朝以來海內無幾人也辱賜書并示所著文集補刊
青草堂遺稿先生之文高古醇樸爲故友趙郝之所畏
避何論家琪近來文人大抵狃于桐城姚氏陰柔之說
其翹然獨立者尠矣先生亦宗法桐城然要其氣體近
方侍郎非姚氏比也烏虜堯舜之道孔孟以來數千年
之學術幾絕于世矣雖海內夙所共號爲閎儒亦且畔
其所舊學以從異術敢於筆之書假荀子之篇文其奸

天根文鈔續集

八

爲天下勸乍觀之如崇本朝重祖制而實陰有專主
詞詭意譎使天下震其名而忘其書之旨上下遠邇百
口同聲奉以爲當時通義千古之至論焉烏虜猶此天
地日月在上鬼神在旁堯舜孔孟之道竟絕斯已矣苟
其不然天下後世必有誅伐之者矣南海某氏之敗家
琪嘗於其公車所上書決之而愚駭之徒至爲之死悲
夫先生中年棄官至於耄耋守平生之志事不少變豈
獨文然哉昔望溪關劉歆竄經文以媚新莽姚氏於乾
嘉時亦嘗斥講漢學者矣設二子生今世痛恨當何如
此又家琪獨居私憤竊託於二子之義欲有發而未敢
者也下詢賤狀及所撰述謹表祈禱尙亮譽焉家琪再

拜

復馮觀察辭薦舉經濟特科書

汝甯府教授何家琪謹上書觀察馮公閣下家琪生而
博昧學復迂疏今更年齒垂暮精力衰茶平日壯心盡
如死灰其伏處一隅不見都門者十有八載矣辱賜札
並頒到撫院咨文一道令應經濟特科仰見明公汲引
下吏大中丞以人事君之公忠四方聞之莫不感奮起
舞古者士為知己者用韓子亦曰見知于大賢為可貴
矧當國家多事之秋凡在食踐稍具心肝者即無長官
之推挽亦當伏闕陳書力求自效孟子謂不以堯舜之
道事君而量其不能為賊而潔身亂倫亦不為宣聖所

天根文鈔續集

九

許職廁微末忽荷大賢之薦達而甘暴棄外生成尤非
所以報知己之道然而家琪皇然毅然而不敢應者何
也今 朝廷之所尚而天下號為時務者曰西學而已
矣家琪素所不習即如內政之方與險要郡國利病亦
未周知竊觀近來江海險要類為敵人所據兵甲扼于
咽喉樓觀逼于宮禁鐵路火輪已自萬里外長驅而達
于京師矣中國之利權半操於敵外之利日厚中之病
日深天下之病其細不可枚舉而大病所在為有耳目
所共見聞憂憤塞胸屏氣箝口而不敢言者家琪請昧
死為明公一陳之股票行而民志離科舉變而士氣喪
文武之職汰而百官解體將不用劉永福相不用李秉

衡舊臣者宿建一策則以為迂闊疏一諫則以為阻撓
少年新進之徒好為異論簧鼓其舌如犬之吠于市而
同聲如衆猿之升木而搖大本上方嚮用不次超擢之
因其一言立斥 部大臣且五六將自此長朋黨攻訐
之風而開忽棄老成之漸今年元旦日食入春以來恒
陰雨百川潰決道路謠傳畿輔六月大雪此皆小人蒙
蔽君聰怨積于下致斯災異尤深識遠慮者之所寒心
昔漢世祖出獵鄧州揮拒關及征隗囂郭憲拔佩刀斷車
鞅昭烈伐吳諸葛亮謂孝直在必能制王東行唐太宗
之於遼亦追思魏徵由此觀之人君之一舉動苟其非
道必貴有不屈之臣先為之抗論而力回始無貽悔今

天根文鈔續集

三

天下何時也側聞 車駕將奉 皇太后閱兵于天津
先期 詔示下方婦人孺子咸相驚詫 國帑民力皆
不足惜第恐強虜生心奸人竊發不測之患起于行間
上縱自輕奈 宗廟社稷何且根本重地居宇何可
偶曠嘉慶朝尚有教匪之亂況卧榻寢處久滋他族變
未可知或曰此 太后意非 上所敢違魯孟懿子一
世卿耳孔子告以無違而必準以禮豈有 天子反以
從親令為孝且天下者 祖宗之天下非今 上太后
之天下也席 祖宗數百年之大業而作孤注于一日
之巡遊 祖宗在天之靈必有愀然不樂者當此之時
中外大小臣工不聞有一人力爭之者抑所上章奏概

寢不報致異代而後遂謂我朝無人不重可痛恨而太息者哉雖然陳大義進謹論救外國以誦本朝飾區區之小術以牟大利于美仕者所在多有甚至刊書廣布煽惑萬衆以彼其徒初第不過欲爲希世叔孫通曲學公孫宏斂財之桑孔耳家琪以爲彼亦幸際聖明未極名位不卽見大敗設值前古危亂之朝鮮有不爲宋六賊唐六臣者家琪方恨不獲請賜尙方劍斷其頭而食其肉肯效彼所爲乎且上以實求而下以名應殷浩虛聲已足恥辱卽忠勇自命而智謀或疏坐誤軍國房瑄張浚論史者猶不少貸其罪家琪于此不自揆度昧古人難進易退之義輕于出處上方諄切下問而

天根文鈔續集

三

對不以實旣陰違本志復顯著欺罔苟其不爾妄逞臆說觸犯忌諱不惟一身受禍且懼上累舉主假令言有可采稍見施行雖萬死何辭若已逆料其不必然而曰吾姑試之云者則猶等彼微富貴之私心非忠貞矢志而習燭幾先者所敢出也若夫大賢特達之知則乃終身所不敢忘而一息尙存必思得當以報千萬一者也家琪言雖慙而心實苦必爲明公之所鑒察而哀憐至于家琪是時所處之境亦極困矣汝甯地最貧瘠民俗獷悍歲又累荒嗷聚之徒漸及城市日者學齋盜負一篋去每至夜分妻帑輒環坐待旦府學諸生大都遠在外縣泄官半載來謁者僅三數人尸位素餐莫此爲甚

方儼奉身而退適被恩遇不敢乞請若明公憫其窮阨而嘉其忠直許辭本官進之左右家琪雖老矣考往古之成敗論時政之得失自謂差有一日之長原咨文齋呈承示緩繳撫院之處敢求權代存貯靜候裁奪干瀆尊嚴詞語狂悖惶恐死罪死罪家琪再拜

贈序

送徐君去上蔡序

光緒二十五年春余自雒陽遷官汝甯道上蔡聞前知縣徐君壽茲受之名已再蒞上蔡名益著踰年獲罪去或曰君革縣車馬局減民歲輸錢萬緡取故所羨造槍礮不如法然非以私已余曰烏虜此君之所以去也今

天根文鈔續集

三

夫天下公私之名相假也久矣州縣初置一所以辦公取于民未甚無大美踵而寔增司事之人日衆不能無所私于其間私之者衆以爲分所當然習而利之矣一旦革焉衆必相與齎咨怨怒其不便會大府肅吏治偵伺之使出備彈劾于是衆之齎咨怨怒必上聞而貪庸之徒容有脫者且惟不私已衆愈媚之同官胥援此以自解曰吾非不能爲彼也旣奪衆利已復弗免罪亦何爲也哉烏虜如君者殆所謂徒知愛民而不善自謀者與雖然官傳舍也君家江南多山水園林又夙工詩今歸里方將杖筇攜酒招詞人墨客日吟哦于巖泉亭樹間覽雲物之變幻撫松石而盤桓其襟抱猶今人慨

想于數千里外云

送陳鳳五序

當垂暮之年處學術紛靡之口而取古人斷爛舉世不好之文冒風雪假別館校其脫謬訂前輩評點之異同汲汲若不遑人咸怪笑于此猶有同志者共從事焉是可異已濰縣陳鳳五客汝甯郡齋有姚選古文詞本中輯錄方劉梅諸家評點視余舊輯本互異因就其齋共校之鳳五吾友榮成孫佩南高弟子也昔余與佩南定交濟上余年二十餘佩南差長余睥睨一世而獨好古人集見善本雖重值必購然佩南少侍官及應春秋試通籍出仕老猶客異鄉其歸里伏一室時恒寡余每與

未根文鈔續集

三

論學舉數千年事或古人文如決江河須臾而萬流畢滙蓋皆得自道塗間雖在舟車不釋卷今所校即其嚮輯本而鳳五錄貳者鳳五亦可謂能承師學而好之篤者與雖然自科舉之制改文體若稍異何必師古況今海內偏立學堂科舉將廢而古人文益土苴余老矣精力茶不克舍夙好以從時鳳五盛年壯志而亦溺于是重取世怪笑何邪明年春公車之汴海內才俊來集不下數千人聞鳳五所好當更怪笑鳳五同里有劉子秀者亦佩南弟子也方應試在汴其以余言質之

壽序

蔣著生先生八十壽序

古者養老之禮憲而乞言有善則記之為惇史此壽壽者之權輿執筆以綴文者顧不重哉家琪少落魄江海遭世亂儻募其行偏宕其言歸就學職既不能濡跡以匡時又不能苦身以投老何足以壽玉田蔣著生先生今光緒二十有八年先生年八十矣先生同里閭共几席之人不知尚有存焉否也山東交游號能文者如豐潤趙菁衫三河郝夢堯景州李星如輩已歷歷不可見矣家琪先黃縣君前先生一科通籍為同官家琪又不見棄于先生齒衰學落矣且復進之于門命之坐與之斤斤辨古今學術之異同已倦不令即去微家琪誰壽先生者先生為人樸誠嚴自治而仁恕于物學宗程朱

未根文鈔續集

四

忍嗜欲苦筋力講世務備國家用又有合于其鄉顏李之旨是故其受邑也必以其心體小民之情狀不敢枉一獄冤一夫也其立言也必以其身設時與地而處之不敢或過詞也其治家強本而節用其教子弟先實而後華由是稍置田廬矣人不見其富以為儉所致也諸子有名春秋試列于朝矣人不見其貴以為德所基也先生有兄白首同居敬事無怠先生三十而釋褐五十二而抽簪閉戶謝賓客左右圖史纂文章輯要數百卷耄矣猶日手一編明年癸卯科鄉試屆重赴鹿鳴期人以爲天之所篤將更有無窮者也而家琪之壽先生則不在此家琪今年春至濟南嘗乞言于先生矣先

生日吾之年孔子不能得假孔子至其年學之進當何如又曰今時方机榷何壽爲令嗣鳳廷孝廉朝夕侍側命取一書必誦視三四然後敢進性甫待御以言事忤旨上鑒忠直弗深罪先生以爲大戚寓書戒之曰詔旨斥責語宜日鑊于膺庶不悖人臣勿欺之道五月十四日爲先生生辰是日也家琪已歸里不知堂上奉觴者幾人門外車幾兩馬幾匹敢以獲聞于先生者託古悼史之禮郵而進焉

常振華七十壽序

古者仕于其鄉其民事鄉之人共治之不獨載師任士間師任氏鄉大夫興賢能已也周衰士爭載贄以適他

未根文鈔續集

註

國柳下惠謂直道事人何必去父母之邦孔子周流列國道之不行終惓惓于鄉黨漢之仕進多由吏其辟舉非必遠于其鄉也至唐而科目始盛而吏仍不廢明況鍾出吏授知府爲名臣國朝內六部外督撫監司以及府縣之吏亦得敘勞入仕近歲中外多故仕途日紛而世俗顧重科目且以仕于天下爲榮吾友祥符常君振華先世以科目起家從父鶴亭先生洎諸從昆弟多有舉鄉試貢成均者其長子亦早籍于學振華獨以布政司吏老于鄉年且七十矣此正余所願以文壽振華者也今夫人之仕于天下藉以見材志誠非一鄉比也方其始仕豈不自以任天下由是而大施哉顧或阨于

時勢與權位其將興一利除一弊也而又不免爲上官僚屬其地之士民所抑而撓卒之志違材不得自盡而被謗譴爲鄉人笑卽幸不至是而興除之政乃在數百里數千里之外功德徧逮于殊方不知誰何之人而吾之族爛不與焉吾之隣里不與焉若夫襤被而往囊橐而歸徒使鄉之人見其旦夕之大宅盈市衢沃田連阡陌子孫之褸衣甘食肥馬高車出入于里閭之間相與夸耀歆羨以爲光寵噫嘻又何爲也哉振華雖爲吏凡其鄉之大兵大役與夫水旱諸災祲靡不襄其事而躬勞焉累蒙薦至縣令不就雖其材志未獲盡施其視任天下致謗譴與僅令子孫以田宅輿服驕鄉里者吾固

未根文鈔續集

三

知振華必不樂以彼而易此也振華之尊大母余從姑也于媀輩後而齒長余其從弟鄉試又與余同舉先君子之舉鄉試主其家余亦主之去歲從子奎文復主焉今光緒二十九年某月日爲其誕辰余羈汝甯不克往祝而郵壽以文有不能已者蓋以余夙無材志不能任天下老矣爲校官又重愧振華之勞于其鄉且鄉之人皆頌禱振華之年冀長荷功德于無窮而余揭其平生居鄉任事之勞告天下尤願天下之負材志者雖貴極富溢毋忘其鄉也

傳

章仁甫傳

山陰章壽麟字仁甫以名法業客山東泰安府幕知府某歿無子有妾將免乳矣其妻妬之將棄其妾歸京邸趣從者車車具仁甫諫曰妾生子若男也不當棄盍待之弗聽車發仁甫迺手鞭趨車前大呼曰敢發者鞭從者皆驚車止其妻待逾月妾生男

何家琪曰仁甫少孤母史病痺雖妻子不飯而甘旨毋余游山東時親見之若客泰安事則聞于其族煥今之客于其主生不欺以責賢矣主死而報之且爭人所不敢爭俾主以其力祀不斬而鬼不餒如仁甫可謂義勇假 朝廷得此一二臣 國事當何如仁甫初以國子監生累黜順天試入賞為知縣次山西不合仍客山東

天根文鈔續集

三

死年五十三

何松亭先生傳

咸豐季年肅順秉政張威福朝右卿貳多黨附尤喜致新進門下是時何松亭先生以王子進士為戶部主事屢招之不應監督通州倉以同官事牽連下獄罪擬死天子廉其冤未減職職穆宗即位肅順伏罪起知縣山東先生少從文端公倭仁講學慕陽明功業志任封圻洎入于縣鬱憤無聊當酒筵或校士試院長官滿座輒放聲謔時劇命僕立側和然所至無不有興除尤惡胥吏虐民磔堂下厯知益都齊河泰安諸縣初太監安得海自都以罪逃舟至德州知州趙新首發之巡撫丁文

誠公以聞復易車趨泰安先生誘致于行省日盪舟大明湖與之謁而陰羈縻焉 朝命至得海棄市先生歸老京邸注易數十卷年七十卒先生諱毓福鑲紅旗漢軍人

何家琪曰家琪少奉寡母旅濟南貧甚先生賞其文饋以金辭曰子有母待養其受之母歿家琪客游得金或倍徙然先生之德不敢忘也光緒元年家琪舉省試第三先生曰子何不元然子文元文也會試黜言將歸為校官先生又曰子豈終校官者家琪再黜會試為校官以老

尹湜軒先生傳

天根文鈔續集

三

同治四年山東知縣有以經術湛深文章淵雅用通政使王拯薦特命來者永新尹湜軒先生也先生名繼美咸豐九年舉人著詩管見詩地理考諸書為壽陽祁文端公賞其古文本方姚義法以上追其鄉歐曾之餘緒而尤以震川為宗初至山東交無錫朱澹庵澹庵文端弟子又嘗從梅郎中伯言游故其論文與先生合是時治經及古文者共推高密單伯平武進管敬伯長洲宋偉度先生惟稱澹庵而已澹庵歿先生為定其墓踰年授黃黃多富室而官俸不給用雖素清廉者或取資焉先生不攜妻孥慕一人閭一人庖一人一童司筆硯每聽訟吏捧牘達內室衣敝食糲上官供張概不應故律

公羨居二年將去黃黃人留脩志會訪古墓得北魏鞠
尺雲誌銘拓其文補舊志缺而石仍納焉何家琪曰家
琪年方冠爲文尙才氣立干言見先生乃務斂削古人
遺法亦稍獲聞焉故家琪一時師友多而受益最先生
先生去官三十年其清風峻節無繼之者豈獨文哉

董節婦傳

節婦新鄭歲貢生李淑女同縣文學董蘭亭妻也光緒
八年冬嬪蘭亭明年春蘭亭病數月歿節婦欲殉君舅
君姑在堂篤老且貧同謂曰何以養我節婦迺盡鬻嫁
時簪珥佐女紅易米以養一日米絕適母家有遺先奉
舅姑次叔次女妹自取棗實七而已後蘭亭六年年二

天根文鈔續集

三

十六卒每歸甯其苦狀未嘗一言父母前也

何家琪曰余近年喪一弟一妹又一妹早寡值京師亂
無音問聞其尙存瞽矣節婦兄玉其與余同官汝甯屬
余傳節婦夫以節婦婦貧家而寡代夫養親死不悔其
堅忍之性有過人者玉其且言妹偶至家日將脯爲辦
食留妹待不可自指其吭曰吾舅姑方無食吾雖食能
勿哽乎竟飢去言至此玉其獻歛余亦爲之獻歛

沈孝子傳

孝子姓沈名宗林字木雙萊陽人明建甯府同知殉城
難夢鯨八世孫嘉慶十七年父廣洙歿會孝子試登州
府叔父衛洙遣人語孝子父方疾亟迺假友良馬日夜

馳馬道斃跌而奔至里望見其門衣白者立歐血數升
未幾卒時五月甲戌也

何家琪曰孝子事近百年余聞于萊陽人記其略又三
十年矣一日檢殘書得紙稟乃文之烏乎豈孝子之魂
魄歷久而存必欲文于余以傳邪抑忠孝之理自在人
心分苟盡天不能沒者余文特寄耳或謂毀而滅性非
孝中道世之人子日藉口中道不概以孝聞卽不滅性
奚貴哉

武進管敬伯才叔傳

武進管敬伯才叔者乾隆朝御史以文章名天下學者
稱韞山先生曾孫也韞山先生子學洛孫繩萊皆承家

天根文鈔續集

三

學有名當世而敬伯尤心雄志時務道光二十年英吉
利內犯粵寇旋起海內糜沸年方盛發憤著書言天下
大計卓詭切至是時會稽宗御史稷辰以奇才異能四
人薦敬伯與焉未用敬伯又累黜鄉試以貴爲知縣山
東纂修山東軍興紀略數十卷光緒元年回人寇陝甘
湘陰左文襄公適爲總督招入幕參軍諮疏奏文字多
出其手先才叔爲湘鄉曾文正公知歷客督撫幕病瘵
尙應試肩輿入場會文正公再督江南榜發無才叔名
詰主司主司以未薦對而同考官執所薦卷前爭曰是
非管樂邪主司慙公曰命也才叔終諸生敬伯已擢知
府自請改河工同知待次二十年亦病瘵攝運河同知

數月卒敬伯名晏才叔名樂同時有長洲宋祖駿字偉度負才傲睨一友取坊本尺牘讀過之曰吾意子觀陸宣公奏議邪值貴游坐四人肩輿于塗呼之下曰遇故人禮宜如此見敬伯才叔曰濟南固多名士如子兄弟尙可與談耳亦累黜鄉試用軍功薦官卒河南知府著樓學廬詩文集三卷

何家琪曰余未識才叔敬伯長余十五年與論交謂異日必達而余老竊官若敬伯才叔知名天下且見賞鉅公卒不遇文正所謂命信與敬伯文不自惜多軼余得其刊本數首而已聞才叔哀成集余迄未見豈今亦軼邪偉度集雖刊流布少夫文之傳不傳且權于命而

天根文鈔續集

三

他何說焉悲夫

山陰婁君傳

光緒二十有四年 上以諸邊不靖 詔下團練法于行省河南布政使額勒精額客山陰婁君建議 國家兵枋不可下迆下迆勢必聚眾抗官蔓爲益咸同間團練之患可鑒且恃民力禦外侮竊懼外未甯而內先亂上之巡撫劉樹堂樹堂以聞 朝旨詰責幾獲譴踰二年團民果亂天下婁君杰名受之字何家琪曰當世所號賢客大抵日招貴游徵逐飲博以爲常佐治惟阿至不知有民違敢直言天下事謹長吏不顧如婁君吾意婁君容貌魁岸慷慨好議論訪其居乃枯坐一室狀如

山陽畫師傳

山陽畫師者項姓文彥名字幼平一字蔚如爲人澹榮利惟嗜畫名于時光緒十七年山東河決以累年畫直白金千兩助賑事上聞蒙 特獎于是山陽之名愈重天下識與不識皆以得山陽一紙爲榮先效周昉圖仕女已乃取宋元暨 國朝大家山水畫本摹之晚年自謂不減黃鶴山樵嘗爲闈官二十年忽解組去

何家琪曰余初與畫師同客濟南再遇于濟甯入畫師室見壁滿畫幅時暝色逼戶牖猶伏几弄筆不倦口吾年逾五十妻喪無子而苦爲此者身後名未能忘耳贈

天根文鈔續集

三

子一軸子作傳報我余聞其言而悲之作山陽畫師傳

黃封君傳

宿州黃封君椿齡字旬干少以任俠聞鄉里間咸豐之際粵賊據安慶而土寇復遽起鳳穎相犄角勢張甚五年亳州張樂行率眾圍宿城號數十萬知州某初至官策無出封君迺隻身往寇窟說樂行曰大王非共吾鄉里乎大王方召集天下豪傑起大事而首以翦鄉里爲名是示天下不廣吾恐天下豪傑皆解體不爲用且椿齡來時妻子負宿城圍中大王必欲破宿城盡先殺椿齡言已解衣就死樂行素聞封君名前執手而相勞曰先生吾鄉里長者吾縱不恤鄉里何忍殺長者立解

圍去比反知州示書一篋皆許封君通寇者封君不一
視悉焚之無何奉項城袁端敏公檄說降樂行于懷遠
留四十九日弗聽亦弗加害族隣小兒刈麥爲樂行黨
掠者說之縱歸先逆料壽州苗沛霖必叛戒族勿從及
叛他族來依皆免封君子鄉里善事無不爲雅好客雖
乞勺亦延之上坐年六十三卒時七年十二月丁卯也
光緒年間家數火屋貯火藥數十斤里人爭掠之屋迄
無恙以子勳煜官知縣 封文林郎加級 贈通議大
夫煜字燦甫

何家琪曰七國時魯仲連以一言卻秦軍解趙圍後射
書燕將下聊城漢朱家郭解類脫人于死封君豈其傳

天根文鈔續集

謹

與光緒二十二年余官雒陽會豫凱軍平回旋自陝西
詔遣散統軍者或蝕饑軍謀將爲變有省垣知縣調
護之變陰釋知縣卽燦甫也燦甫每廉州縣事必覈實
且持正雖上官不爲撓吾不意今世有燦甫及聞封君
行概噫有自來矣

鍾西耘劉大受傳

廣西宣化鍾德祥字西耘奇士也同治三年舉人客臺
灣軍府著愚籌論數十萬言大抵言強中國在得人心
而治兵理財次之歷舉經史以證光緒二年會試其友
何家琪遇于京師示之曰此吾近年發憤作也家琪目
爲賈誼陳亮方來試携江南寒士七人行是年成進士

改庶吉士明年授編修與家琪觀劇歌園貴客滿座忽
大呼曰一騎兵且勝可見紗帽下無人蓋借劇示諷也
借過正陽門車四塞又大呼曰沙漠地豈有人哉六年
家琪復會試西耘假歸見閩縣劉大受亦奇士與論其
鄉賢曰朱子何足道李忠定一人而已論史曰新五代
講章耳論唐宋大家文曰歐陽有文而無字是年同下
第後西耘爲御史以罪戍

肖山翁傳

肖山翁戴姓仁名山陰縣學生同治六年自河南應省
試返更清江邁友洪按察汝舟婿汪某僕倉皇狀詰之
曰吾王女之河南梗亂止旅店貨竭其夫往貸于揚州

天根文鈔續集

謹

踰期弗返店積租莫償店主將鬻吾王女吾王女且死
今遇公幸救吾王女言已泣涕長跼翁曰是在我我必
救汝王女罄囊并代乞諸同客償店租以車載女自徒
步送女于洪氏其夫旋返

何家琪曰余聞翁救女事未知孰氏交翁子守愚孫
善敬從余游光緒二十六年善敬歸里省翁始獲詳昔
余姑夫天津齊道員仲炎于周氏女山陰傅知縣蕩泉
于張氏女皆宦族鬻于娼幼出之長遣嫁士人姻高郵
薛同知詠購買一婢亦宦族氏張女而嫁之爲命婦而
張氏女夫亡並以守節聞烏虜今世之奴婢優倡大抵
皆兵旱頃姦人所誘鬻其族未可知而薦紳概役使恣

戲樂其哀而援之者幾人哉若翁以中塗待盡之質拯友女子稍緩卽死辱之際尤恒人所難余特傳翁埘三事焉

鄭杲傳

光緒五年己卯科山東鄉試第一名鄭杲文出傳京師京師山陰傅郎中鍾霖評直省文曰山東元甲天下于是鄭杲之名遠近無不知明年會試常熟翁同龢尙書爲總裁官將復置第一以卷得晚名後用王事分刑部上書本部尙書潘文勤公言天下事求代奏公寢之踰數年授江西司王事擢員外郎宗室盛昱爲國子監祭酒好士宅百餘間有池樹竹石之勝凡四方春秋試之士

天根文鈔續集

三

多借居焉杲雅奇于祭酒居踰十年杲名雖爲時重不謁朝貴公廨不恒至惟日與嶧縣王寶田膠州柯劭忞長白震鈞談藝一室京師人罕見其面二十六年夏癸惑入南斗上書言星變宜脩省不報拳民亂噫血京師杲憂憤成疾五月十四日城東南火或傳車駕已出宮杲方寢聞之起繞牀走喟曰可以死矣遂絕時年五十無子江西洪嘉與杲初交也與劭忞震鈞同斂之杲治經尤深于春秋著伏傳書序通釋一卷春秋三傳異同春秋三傳通義各一卷又王考一卷本春秋三傳以折近時君主民主之說杜詩小序四卷訂舊注年代之誤杲字東甫其先直隸遷安人以父鳴岡知卽墨縣遂

家焉京師陷至復喪始歸何家琪曰余舉省試東甫爲諸生未有名見余文曰子文何似望溪望溪文今尙有識者邪洎東甫舉首捷進士閱卷者皆賞以桐城派蓋東甫之師望溪自余發之余不第何與至于第而值時變以憂死無知者余重爲東甫悲也

李節母傳

節母新鄭趙氏同縣贈君李勤室也嗣子金生國子監生孫淑深皆歲貢生候選訓導導舉人光山教諭曾孫國琪舉人攝汝陽教諭國珩縣學生國琛國城國球元孫五人初節母年二十三而寡無子取兄公禪祿兒爲嗣長課之讀書及見孫曾成名光緒三年年七十三卒

天根文鈔續集

三

贈孺人節母終身衣麤食糲而時施于里死喪急難必周歲飢益力或貸焚券里人德之別其族曰李節母家何家琪曰國朝之制京師會試各行省鄉試府縣試皆取士以文而得之者類歸善于其先若節母之子孫人尤爭詫之以爲天所報余惟婦人之節居境恒苦苦則思鬱而氣厚厚積鬱人如大冬草木待春而發不盡關天道也夫世亦有德仁積累無子孫子孫不賢無聞者而人又以爲天道之爽夫人期自盡而已觀于李氏不已可徵信與

陸烈女傳

烈女太倉陸氏字巧蔭父雍伯攜家浙江卒祖母錢母

項養而表高行烈女幼讀書稍長工詩有天寒鶴背已
先知句傳于時父喪歸祖母母踵歿烈女年十九矣欲
殉雍伯嗣子曾業方成童哭止之曰吾豈惡生哉念獨
女生不如死耳有族祖某者謬憐而撫之某老妾嬖忌
烈女吟誦虐役之弗受遂有卻會造前庭曾業母所曰
嚮脯乃竊媢烈女于某日巧姑好古傳記自命才女今
何時不在室邪某惑焉詰責烈女辨且泣弗省遂
入室質明同室媢見窗啟驚告某跡之得烈女屍窗後
蓮池中是夜爲光緒七年十月二十九日北風作水冰
何家琪曰甚矣讒口之可畏也每覽前史至死生之際
未嘗不流涕夫名節人之大坊而死矢志世傳名節不
末根文鈔續集

末根文鈔續集

三

盡死可不死死亦有之況迫事會舍死無自處之道者
乎且女子讀書所以明禮義也而烈女語卽坐此悲夫
今汝甯太守蔚庭陸公眎狀作傳假烈女而士大夫其
志節更何如耶

孫伶傳

中國樂部最京師京師歌伶最程長庚長庚死師長庚
以歌鳴者最孫處處歌而獲巨產供奉 內廷輒稱旨
光緒二十六年夏拳民構亂 車駕西巡外諸國犯京
師京師陷外諸國有徵歌者及處處匿私室而門焉斬
門入令歌不應強之曰處一伶耳未讀書然嘗登歌場
演忠義事矣以歌侍中國 大皇帝豈能復爲汝會歌

乎卒不歌徵歌者曰惡吾殺汝如腐鼠姑宥汝汝歌所
獲產今不復汝有矣局處門而出處處出而乞于市
何家琪曰昔咸豐之季余試順天及見長庚時已老矣
處則光緒間公車計借所嘗聞歌者也不謂處伶自寵
其歌若是雖然處幸其爲伶也借非伶爲長官士夫迹
稍忤禍其身并及國與民前歲中外之釁起償幣億兆
誅譴大臣以下數十人民駢死無算自是而後靡敢不
卑屈順承苟免矣

李烈女傳

烈女李香珠父祥符縫人鄰媢給其父鬻于廣西賈爲
妾直五十金未與也賈先以十金啗其父夜犯烈女室
末根文鈔續集

三

烈女戶拒之賈復假其父命往烈女曰父命女敢不
從雖然女身父身也女以死報父矣作絕命詞八章仰
藥死時光緒二十九年某月日也年十六

何家琪曰彼奸謀脅父命烈女所遭誠有難處者然守
身爲孝而無違必以禮古訓之矣烈女詩非甚工惟志
貞而詞苦抑亦小弁野鷹之遺與且以小家孱質稍知
文尙能以死抗強暴況讀聖人書而受國家之重任者
哉

吳節母傳

女子爲人婦夫死舅姑老子幼家貧口衆督子學子幸
長稍有名矣可以謀一日之養而遽歿人生之遇未有

酷于此者吾嘗見世之富貴壽考多在婁誦丈夫而女婦類以節行見豈天之重節行不如婁誦丈夫抑非此節行之名不著夫富貴壽考誠無加節行即身後名亦豈有節行者所冀倖蓋凡自古之爲人臣爲人子爲人妻處患難存亡之際致命遂志自盡之道固宜如此而彼節行之女婦生之酷于天爲已極矣余孤子也母又早歿聞人女婦節行未嘗不悲況屬吾黨交游家室乎吳節母者吾鄉所志上元吳君文鏞妻也姓沈氏本浙江山陰人徙河南許州父廷枚原武縣訓導母氏王吳君以名法之學客河南南府縣歲修脯數千金而豐于奉親且不惜卹嫻友急人難故其歿貧無以斂而母楊太

天根文鈔續集

完

宜人已老節母事太宜人終太宜人之年太宜人若不知其子之亡也節母子四慶麟慶彝慶嵩慶賢皆令之學慶麟長督尤至以祖葬郟城入籍應童子試學使者徐公拔之冠其曹爲學官弟子應歲試學使者林公拔之冠其曹當時人謂可立致上第膺祿位然未及食餼而節母卒矣時光緒二十八年二月己亥年五十八年官雒陽慶麟隨學于余今狀節母行走汝甯乞爲文節母節行之詳已載榮成孫佩南先生所作志中佩南先生以學行聞天下者也其言可徵信余何文爲特悲女婦之節行爲人生遇之最酷而節母適與吾母同余之恨有過于慶麟者書其略唁慶麟並以志余痛也

楊伯峯先生傳

雒陽古程子鄉士多服儒書光緒初年封邱何家琪爲縣學官猶見李君坦口非二程不道也坦布衣尙獨行而以諸生里居教授則推楊君熙春學者所稱伯峯先生也其設塾也無貧富皆納之贄不具者反周其家以故數百里貧家子爭趨塾先生雖以文藝教人然自入其塾于親長罔弗敬也于交游罔弗信也于族媼鄉黨罔弗睦而卹也先生鄉試累黜終歲貢生子弟皆籍于學毗縣之學高材生類爲其門人二十七年某月某甲子年若干卒塾中門人會葬孟津許鼎臣持其喪不赴禮部試

天根文鈔續集

罕

何家琪曰自西法入中國教堂徧宇內矣今朝廷復詔仿西法京師行省府州縣皆立學堂聚數百英彥餼其中延通中西術者爲教習師日課月程限年卒業前代以來之學校未有如斯之盛者也由是人材奮興競功利而致富強其裨一國家當何如哉若雒陽楊氏師弟死生守古禮不渝吾以爲無忝鄉學云

墓表

劉衡堂墓表

今天下名實之不副者莫如府縣學官其次書院長夫學與書院固猶是閭塾黨庠之遺其官而長者皆士大夫號師儒而風俗之美人材之成遠不如古者何哉豈

古之教以德行道藝而今僅以藝與雖然是猶有所教也若學官惟仰食於諸生而已書院長雖教以藝或兼數所不必至其地至與諸生接貌焉而已甚則相怨詛亦猶之學官也審如是而望風俗之美人材之成如舟無楫車無軸而欲涉江海適燕越也吾同年友雒陽劉君衡堂長澠池韶山書院十年之官于唐門人相送數十里泣涕而別喪歸會葬數百人賻甚厚或言君長澠池晨起令諸生倍經不熟者復誦晡休其人行檢偶失必責之余謂以是施於他府縣當益怨詛然則澠池之風俗人材吾不知視古何如而已與他府縣異矣君諱銓三光緒元年舉人累會試不第官唐縣教諭不二

天根文鈔續集

聖

年卒癸二十三年九月戊戌越二年十二月丁丑葬鄭家窪年四十有五曾祖考祖考已載余向志君考墓考逢清 贈如君官妣梁李配馬皆 封孺人子一韶生長澠池時生也余爲學官久且嘗長書院矣故特揭君之長澠池者而論之如此匪惟稱君亦志余愧云爾封邱何家琪表

封朝議大夫許君墓表

江夏許君詠庚客河南監司幕府數十年光緒二十六年七月丁未以疾卒臨卒前其子芳而命之曰死人之恒也惟視君子小人之口于死之日爲榮辱耳是在平生自爲而已汝不可不知芳泣而受命余夙交芳會以

事自汝甯至行省弔君喪聞是論迺喟然歎曰烏虜君可謂知死生之故無媿君子者矣君子之爲人也將出一言必自反而思曰是言也死之日人其君子我乎不君子而不敢侈也將行一事必自反而思曰是行也死之日人其君子我乎不君子而不敢遂也是故其生也無一日不愴于其死而死乃甯小人則不然侈其言遂其行初不知死之日也死乃思匿其不君子者飾其君子者以欺罔人人不之信益暴其醜若夫爲釋老之學者又復外形骸齊壽夭于言行概漠焉不以闕于慮方且自詡爲了然于死生之間要其去君子之道抑亦遠矣余既返芳將卜葬君鄢陵狀其行請榮成孫君佩南

天根文鈔續集

聖

爲之志而述君年十二值寇亂脫親于難客幕府悉以所入推于昆弟族媼爲按察司客最久每治爰書廢寢食或諫之曰吾一字不愼彼命已矣敢惜己以殺人乎余于是又歎曰如君者誠可謂知死生之故無媿君子者矣君諱仲望詠庚其字也年五十有八以芳同知銜知縣加級 封朝議大夫配吳恭人性好施嘗佐君周貧乏年五十五卒于三月己巳祔焉芳年少而文恭人疾時刲臂進創幾殆亦君子也君世詳志中余不著著其臨卒之言與行事之大略揭諸阡後之爲君子者庶及一息未絕之前而早自兢兢也封邱何家琪表

陳太孺人墓表

大孺人姓陳氏上蔡外委諱殿義女同縣太學生馮君諱百福室候選訓導歲貢生樹護廩膳生壽護母也年七十八以光緒二十四年二月庚辰卒踰二年十一月甲申葬于胡岡寺側新塋樹護以狀乞表于汝甯府教授何家琪按狀太孺人性好施族媼里鄰多賴以活以歲飢力不繼憂而殞烏虐惻隱之心天所命于人人而皆有者也古聖之為人亦不過視人飢溺由己而已未嘗有異于人人也自後世失其天者多又不思人人皆可以聖而游俠之行遂耀于世睦婣任恤之風雖士大夫不恒有閒有好行其德者世俗反相與嫉之訾之以為矯情而干譽藉自詭飾其慳鄙之私甚至阻撓曳

天根文鈔續集

聖

掣使美舉弗克成有大力者尤甚及觀太孺人之好施致以憂死何其心之不同如此邪吾將表之見其心人所皆有且不得援無力為口實俾後之人知勸焉光緒二十九年孟夏封邱何家琪表

誥授朝議大夫廣西補用知府署桂林府事王君墓表秦郡縣天下而守令重漢守入為三公令封侯豈不視其人哉近世以來守權輕人多樂為令何也蓋令親民錢穀訟獄之事皆專屬守受成而已守之上臨以數監司不得擅舉劾且奉不足而仰資令苟稍豫所轄州縣政不便令上官亦以為侵職於是乎守類逸以自處彼樂為令者或別有故非必甘徇於勞此天下事所以日

即墜廢而不可振也萊陽王君諱塾字元達光緒十六年進士以翰林院檢討改官廣西知府權桂林九月行保甲法獲盜百黨散數千致渠魁八百里外何其任事勇決若是未幾歿方君為諸生時家琪恒見於第家珍萊陽官所與之論時事輒奮發決異日必有為不謂其僅一試而遽沒也悲夫曾祖甯遠國子監生祖作求縣學生考蘭昇翰林院編修家琪少所從受文法者也妣氏賀生君及君弟今翰林院學士埈季墳繼妣氏于曾祖祖考皆以學士加級 贈資政大夫妣皆 贈夫人娶魯氏 封恭人子昌濬縣學生昌瀛先卒君卒於二十八年五月壬午以明年四月乙未葬於萊陽城北新

天根文鈔續集

聖

阡年五十一三十年秋學士以河南學政試汝甯家琪為教授出所作君傳命表墓傳載治行詳復哀其用未竟家琪觀君所施行非凡守及又歎廣西古百粵唐宋謫宦地峻嶺荒江民獠雜處氣多瘴癘君即以此疾且自洪楊倡亂盜風熾官吏姑息相沿矯之者更操以急切亂滋甚而君前死為尤可惜也封邱何家琪表

墓誌銘

楊府君墓誌銘代

府君姓楊氏諱際三字晉齋鏡湖其別字也明初諱宣者自山西洪洞徙居滬池四傳以貢生官陝西平涼府通判有惠政民祠之曾祖太學生名彰祖縣學生天榜

父太學生煦母邵裴咸同間寇亂母衰病負避山中甘
餌無缺迨返以積麥贍族罄四十餘石居母喪恪遵禮
制力返做俗一鄉化之爲府學廩膳生有聲累黜鄉試
立學社於洪陽楊氏祠堂著願學社學程一卷開示學
者弗植品者擯不納娶李孺人子二莖縣學廩膳生保
和余兄子婿也府君生道光九年正月某日卒光緒二
年間五月某日年四十有八孺人生道光七年八月某
日卒後府君二年六月某日年五十又二逾九年十一
月乙丑合葬於洪陽之北阡保和來請銘銘曰
方君之盛而余猶弱及爲絲附化者不作坊表未湮過
墟生恪存爲醕耐瘞爲糟粕苟造物之有可以還何厭

天根文鈔續集

吳

乎寂以莫

廣西雜容縣知縣汝州杜君墓誌銘

校官于百司託名尊而職取宄爲之者大抵才質闕茸
而苟以自處者也不則早年銳進取蹟頗困窮老矣計
無聊賴姑述此息機者也惟其託名尊守令丞尉類謬
敬焉而世俗相諛往往曰汝校官才蓋譏其無用也間
有爲上官知薦擢州縣聲績著當時者而老死湮滅何
可勝道由是而言夫豈 國家設官之本旨哉抑是官
也專以學行詔士雖有雄俊開敏之才斲尺寸不得施
而遇合亦自有命與然以吾所聞見其人之克以才備
者卒不數數觀也家琪爲校官久矣前教諭雒陽時其

訓導河南府者爲汝州杜君丹圃殆所謂有雄俊開敏
之才者也君雖儕校官而府有大災大役上官必屬佐
之而尤爲前知府寶應朱公知光緒十三年鄭州河決
公適權開歸陳許道督塞河檄君監工以功薦知縣又
用前學政宛平邵公薦 特授廣西雜容縣知縣累以
薦 賜四品銜花翎二十八年六月九日卒春秋六十

有二廣西連年寇亂縣山而僻多伏莽君嘗夜騎撲盜
山中君先遷杞縣教諭凡爲校官二十餘年而州縣未
五稔且齒已衰不竟其才是可惜已君諱夢麟字丹圃
曾祖象賢祖瑗本生祖珩考應芳祖考皆 贈中憲太
夫妣高氏 贈恭人君兄弟四人次季以廩貢生入貢

天根文鈔續集

吳

爲訓導娶李恭人側室陳氏子男五河圖慧而殤先君
卒書勲猷勳監生振勳後伯兄女九長皆適士族幼未
字以明年某月日歸葬于先兆之側君久爲校官勤謹
述攷訂金石著錄若干卷洛陽古名都君嘗訪碑得南
北朝唐墓志甚夥北魏韓顯宗其尤也家琪初爲校官
卽識君自洛陽遷汝甯教授同官之與談藝者無幾人
君遠別而且死嚮于抱疾時以書要家琪銘今安敢不
銘獨以君之才久淹校官而猶幸一試于縣不至令與
凡爲是官者比觀而概笑之也銘曰

響方攬兮日已晡驥騁千里兮忽返間我銘君幽室兮
以睨夫碌碌之腐儒

陶君廉泉墓志銘

嗚呼人生聚散之故可勝喟哉有方聚而即散者矣有數聚而數散者矣莫悲於聚之久而散遂不復見以死間一再見蓋幸耳在骨肉且然況于友朋乎余別弟贈雲二十年死不復見前年春自汝甯奔弟喪濟南見友朋三數人而已道濟甯過陶君廉泉同登太白樓置酒話曠昔事往返皆留一夕去視與弟及他友死不復見者為獨幸今年秋廉泉子美中以赴至且狀其行請銘今而後亦不復見廉泉矣廉泉諱振宗一字緝庵其先自南昌徙湖南之甯鄉曾祖文鎬鎮遠府知府 授朝議大夫妣氏李周 封恭人祖章鴻鳳臺縣知縣考鴻

天根文鈔續集

聖

東利津縣縣丞祖考皆以廉泉官 贈奉政大夫祖妣李妣宋 贈宜人生妣張 封宜人有兄曰世厚考妣暨兄踵歿惟張太宜人在堂值粵寇亂喪不能歸葬濟南獨攜僕間關兵燹省祖墓于里時年十五也洎冠以貲為縣丞丞歷城當是時山東寇方熾人士干軍府微顯官廉泉以末吏與余招游客立文酒社湖山間殆十年余歸為教官廉泉以河工勞敘知縣同知用歷攝蒙陰蘭山范縣知縣濟甯直隸州知州除蒞澤逾二年去職仍待次光緒三十年七月丁酉以疾卒于濟甯客所春秋六十有二娶于宋 封宜人側室何孔子男九美中後兄知縣保艾前卒美浚按司獄美濟同知美濼美

澤皆國子監生餘殤女五二殤一許字二已嫁矣廉泉為人仁厚而樸誠所治州縣皆盜藪然甫臨盜輒息蓋為政不專恃法荷澤尤多盜躬率二三胥持牛酒勞田父勸戒子弟毋犯罪烏虜自咸同以來海內懲亂尙重典州縣官藉遷秩比比廉泉顧去職以死其去職又不僅系盜豈民俗獷悍非武健不足以勝任抑中外交通天方張彼之欲苟枋尺寸宜所在燼婦嬰上奇功而廉泉孰咎哉孰咎哉廉泉早為吏不廢學詩集曰多雲樓尤自喜其隸書嘗貽余漢碑撫本曰比古人何如昔濟南友朋社郭蓋卿外類他方產死歸骨埋其土者會稽李少連泰州宮玉甫是年十二月甲寅美中奉廉泉匱

天根文鈔續集

哭

葬長清之殷家村鄰舊社三十里許與三友墓累累相望也旅魂其不孤矣乎余悲廉泉並弔三友而為之銘曰
華不注秀明湖瘦觴斯詠斯死而塵于斯風又月兮何時騷魂借游兮山水知
哀祭文
陸右周哀詞
光緒二十四年秋大倉陸公守汝甯哀其兄不遇死而助孤成名慰先志也于是命右周蔭梅學文于府教授何家琪家琪懼弗任固請為弟子府客戴君子劬仲亦與焉踰二年蔭梅先歸試州籍於學右周早為諸生秋

借劬仲歸省試會拳匪內擾外諸國犯京師科停快快而返冬劬仲以暴疾卒右周哭之痛家琪哀以文右周讀之愈不自得又二年 詔行新法尙西學補庚子辛丑 恩正併科改試策論右周乃發憤昕夕練摩病矣屆試期將強赴公止之病篤冬十一月亟歸省諸弟至里卒年三十二家琪念時世變亂老窮末宦及門不幸之孤而立也乃繼劬仲而哀之其詞曰

堂堂中國胡徧來魑魅虺蜮之迹也崇妖妄敵天神盜氣化幻機械以爲絕學沾句唾溺雞犬皆飛昇舍此鳳麟而生自絕也無論乳臭純袴望風波靡卽魁碩之儒雄俊之士亦孰不改操而屈節也嗟嗟先王之道聖賢

天根文鈔續集

完

之理祖宗之法本千古而不易何一旦而爲之裂也汝年壯盛而忽不振況如余之衰茶也汝今乃上騰清虛之府縱覽夫濛沆之區而差幸人間腥羶穢濁之脫也余身若稿木而終未盡灰者心頭之血也哭汝以文而告以此汝魂有知應然余言正恐衆萬之徒貽瞶怒睨相與斬余舌也

夢弟文

孟秋旅店弟以夜至曰吾未死願兄勿涕憶余別弟倏二十年幸一執手且聽兄言弟生之初祖慶六十壽紀小名以下成立父卒官所弟甫三齡相依寡母諸孤伶仃年十有七從師外塾母歿牀頭隨兄同哭吾祖之遺

惟宅一區入貲作尉遂喪厥居今之丞尉狐尾鼠頭一體軟美孰德孰仇今之丞尉狼貪虎暴堂滿肉飛見錢則笑第官雖微弟志則大狄道龍場古人差輩萊陽官齋聊日適意園之曰怡兄爲作記方春之時芍藥盈階紫藤天半高挂老槐暑飲小池衆賓共譁醉捉蝦蟆或跌雙腳節屆中秋筵張大月洞簫一聲亂鶻飛越機雲共處每飯必俱我退私室才妾奇書妾侍寒宵若我以雪發憤抒文都化爲血兄固能文弟亦工畫彈琴圍棋獨宜弟拜胡掇一科授官千里從此相別人天生死容顏雖隔音問恒通千里海蛆落我口中萍有聚散鴻有來去安得大風兩魂並御况我同生本爲手足奈何一

天根文鈔續集

萃

斷弗克再續我曩病中弟爲調藥今弟之病未進一勺正月之杪尙有書來旋逾二月頓聞此災歲之在午兵潰于遼第矢蹈海波浪滔滔豈謂京師一旦遽變 鑿與蒙塵浮雲宮殿強支病軀將歸弟骨道塞榛莽恨不能發弟之妻子流落異鄉楊庶大母老而扶將去年之夏季妹先殞亂丁長妹儻葬蛟蜃凡此凶逢皆兄之罪戀祿忘親萬死猶悔余言未終弟袖忽絕真邪幻邪瓦

柳魯泉哀辭

光緒二十八年春余自汝甯之濟南與故人柳魯泉官子行舟大明湖徧過諸亭榭魯泉鬚髮皓然而意氣豪

邁自誦所作時劇旋振衣起舞夕至酒家縱飲高談月
落乃散去余與子行魏歎弗及既返子行告魯泉于是
秋死矣嚮余論交濟南時魯泉與郭盡卿年少諸生耳
已而相繼成進士盡卿年四十死即署而魯泉歷令蜀
大縣十餘年累官至監司矣一旦棄而歸市宅湖于日
召聲妓自娛嬉又逾十年濟南人情盡卿死艷魯泉顯
達有老福而又未嘗不怪其蚤退也魯泉見余而問曰
子謂我何如烏虜今時事亟矣海內政教之所尚不同
于疇昔也盡卿夙負才望焉知非天以死全其令名邪
魯泉直道而仕假不自乞退位愈高責愈重強抑志節
以曲赴時會不罪辱幸矣又安能有所表見于當世也

未根文鈔續集

三

哉余故人盡卿外若趙菁衫高麗中鄒樂生李少連子
行之弟玉甫常偕湖上游俱已凋謝獨幸與魯泉猶得
于後二十年鵲華山色閒一執手也乃文以哀之寄子
行俾弔于其墓詞曰

翳大造之生人兮可知而不可知貧窮傷命蹇兮何名
位貴盛之尤危彼少壯灰土兮雖百年猶有盡期子與
我垂暮尙一見兮不自解其喜悲奈別久而聚暫兮况
幽明之相遠值雲霧之陰霾兮光蝕星日而威奔風雷
惡鴟軒舉以逐鸞鵬兮老驥伏而見侮于狐狸嗟天地
不免剝兮物衆萬而觀齊惟吾生有交道兮庶振古之
如茲

雜記

冷吟閒醉軒記

番禺鄭介民取樂天冷吟閒醉詩意頗其軒屬余記夫
猶是吟醉而冷閒何也樂天自京朝官外徙故託興于
此介民年少任末吏胡自表爲蓋冷閒云者非境之謂
也苟非其人有得于冷閒之趣雖在空山之中與室之
內而思慮之所縈夢寐之所戀未嘗不日游于樓閣之
地冠裳輿馬之場卽當一詠一觴自命風雅其中之不
冷閒者不能不流露焉况乎境之本非冷閒者哉若夫
介民廉直於人不多所可論事侃侃雖勢要當前不少
挫此其所以克自適于冷閒而與樂天有差合者與不

未根文鈔續集

三

然方今之世其人之冷閒者多矣
書汝甯府知府費君逸事

道光閒武進費君爲汝甯府知府試童生初場揭榜值
端陽節名盡錄前童生而謂之曰汝等知余盡錄汝名
之意乎余非謂汝等之文皆可錄也余家故貧少失父
母織以供讀書憶試縣初場值端陽節余名未錄母爲
不食竟日余懼汝等亦有母爲之不食也言已泣下烏
虜君是舉豈獨善勸學蓋以身教孝也夫人未有孝而
不勉于學者且君嘗貧故知貧士之苦今之司文衡者
大抵高其識苛去取或輕率而抑之豈知應試者家人
相與憂戚怨咨之狀哉然則君又可謂仁厚爲心深于

體士者矣君名庚吉字耕亭爲學以洛閩爲宗每月朔望集諸生講羣經疑義于府學明倫堂尤善勸戒民徧懸諭帖于城市四鄉每肩輿過必下輿曰朱筆來輿人以筆至擇其要語自圈之曰此數語最佳願吾民共勉之

記鼠

光緒二十六年余僑汝甯宅鼠齧書類舊藏古本余異焉繼而歎曰今先王之道不行郢人慶梓之藝是尙國家甲令方以海外之政法列塾充選舉于是人士咸趨新學而孤賤之儒仍守一二殘編不決舍去愧斯鼠多矣

書童僧

天根文鈔續集

卷

光緒二十七年夏六月汝甯府大雨汝溢城外十方院童僧捕草蟲于汝墻墮水死余聞而悲之僧而童萬于蟲也日捕蟲奚害奈瀕水何然童僧微捕蟲無由瀕水瀕水亦可防也顧佛之徒齊人蟲安知不以其死爲生諸天邪烏虜每生惡死人之恒情也草蟲雖善鳴非人生必需之物也使朝廷懸賞爵千金歐人取不必需之物于瀕死地勇者不前彼童僧詎智不及此蓋以其一意于蟲不見水且狎之以未必死而斯蟲于是乎脫矣

記猫

鼠齧几上書余苦之乃乞鄰猫戶局焉猫穉而懦縮几下鼠如故明夕更易一大且猛者復戶局縛几側猫大號

力脫縛縱橫跳躍害物劇于鼠于是啟戶縱之返嗟乎猫捕鼠者也世乃有畏鼠之猫幸不畏而禍烈何與素無恩信結其心臨事又無術以馭之倉卒見役浸不可制漢唐之亡速外兵史譏訓注持腐株支大厦之傾有國者觀于猫鼠間尙少知警哉

釣突泉斜柳記

余不至釣突泉二十年泉微矣石欄左有柳一株斜出絲長數丈拂泉上嚮所未睹道士曰此趙養雲讀書泉上時所手植酒醉後踏以足故斜及遇養雲叩之信然養雲屬作記余因追憶二十年樓閣傾圮風雲變幻人物有而無盛而衰者不知凡幾養雲薄宦風塵余歸遁

天根文鈔續集

卷

田里皆更歷患難忽忽老至而獨見斯柳之由萌芽而枝葉巍然高大且以偶爾蹙踏之故不覺橫斜其態度擅一時游覽之觀也亦可異已光緒二十有八年季春封邱何家琪記

陶廉泉宦游六蹟圖記

光緒二十八年春二月自汝甯之濟南更濟甯訪吾友長沙陶廉泉時去荷澤縣職閒居于此三年矣見廉泉壁縣畫幅曰此吾宦游六蹟圖于長白松小夢者也子盍爲紀一言余異廉泉之圖不類今之仕宦者矣今仕宦之圖大抵圖其政自夸耀茲圖不圖其政圖其游曰蓮湖聽雨曰沂津問渡曰蒙山立馬曰范樓飼鴿曰任

城邊月日荷屏觀梅若官中無一事也者豈所蒞皆清
閒抑凡應官不妨暇逸與母乃天懷冲澹雖處訟獄盜
賊簿書輿馬繁劇冗雜之地如居獨室如臨深山絕壑
而一當之以鎮定從容與又不然視官事雖極勤勞無
非職分之常未足表異而甯託之以游覽之勝與今值
中外不靖 朝社震動廉泉去職之日追維往昔不能
愒然無身世之感而所以去官之故不欲自明故圖之
以此若以爲借寓騷愁則非知廉泉者亦非廉泉所以
屬言于余之意也已

書郭李家人語

光緒二十有八年余自汝甯省第贖雲墓濟南並訪亡

天根文鈔續集

五

友家搜其遺詩見歷城郭蓋卿妻蕭曰君知吾夫之死
乎曰死京官貧也曰京官無不貧而吾夫自貧死奈何
曰京師總理衙門者要津也京官爭求入或過吾夫招
之不應其人曰如子才且負盛名旦夕直樞密出乘輅
四方言未終吾夫大發怒曰子何侮我我郭蓋卿雖無
狀豈等若曹干富貴者侮我徑入內不出時大學
士南皮張文達公賞吾夫畫諷謁其門不往或又勸鬻
畫曰吾畫無價會稽李少連母沈年八十餘婦躓死惟
攜其從子季連孤男一女二居曰吾兒死于酒其遺詩
不可得得蓋卿畫一幅余探旅囊金薄周之歸檢篋衍
得萊陽訓導諸城趙星臣昔年書言第官典史時葬前

典史王君家五柞並置田贖其孥又聞縣人言知縣某
貪狡忌弟名曲結好且陷以利每索賕輒錮人典史廉
峻卻之某嘆訟者誣典史訟者反白典史上官廉其狀
罷某職而弟名益重余志第墓未及因載郭李家人語
附著焉

鄒樓壽蘇圖記

鄒樓者汝甯教授官齋其址俗稱二龍里余初來居時
樓焉而名之者也光緒二十四年十有二月蘇文忠公
生日招江夏吳倚琴江都賈紹唐吳縣張信初金價鄉
文木番禺鄭介庭門人山陰戴劭仲具酒肴懸公像祀
樓中祀畢飲而賦焉今越五稔矣文木在汴作鄒樓壽

天根文鈔續集

五

蘇圖寓書請余記余惟少客濟南一時之耆碩才僞爲
文酒之會蓋數矣其地有鵲華山大明湖七十二泉諸
勝間祀文忠于一室文采風流相輝映當此之時幾不
知人世復有何樂逾于此者雖歸里二十餘年其情事
未嘗一日去諸懷也方余與諸君飲賦于是樓也竊念
嚮時濟南所與共文酒之人已皆邈焉不可復見以爲
人事之無常雖前之視爲樂莫逾者至此不覺其淒以
悲乃居無何諸君中倚琴介庭尙同客餘皆別去而戴
生且殞然則今茲文木追圖之意又豈無所感于中於
邑焉而不能已已者乎夫自漢及宋以迄于今其間時
代之遞嬗人事之銷歸烏有者殆不可勝計而二鄒故

居與文忠誕降之辰獨儼在耳目前雖媪嬰無不知賤
賈不識字之夫類稱美而慕羨文人學士尤喜藉其高
風逸韻以流連觴詠傳述誦法幾與天地無終窮豈所
遭有幸不幸抑二鄒與文忠平生之砥行立名其所以
自待者與衆人殊與諸君生晚而所嚮不或遠况文木
年方盛舉一科才贍而氣駿異日文章事業其進而繼
公後不愧夫古月旦之評者當必有在余久困枝官且
衰病終無聞已矣而記此以見雖值垂暮之餘年尙不
爲海內魁英所擯俾託名風雅之林亦未始非吾生之
幸而足以自多也夫光緒二十九年春三月封邱何家
琪記

天根文鈔續集

卷

種竹記

光緒二十九年孟夏復來居汝甯府學齋蓋徙他所三
載矣登舊造之鄒樓窗面一荒園雖不見高山巨川而
有邱有壑曠如也地故種菜今草矣間以桑榆諸雜樹
賞亦可焉惟戶病日炎歎尤甚迺移前庭竹障之因徧
訪有竹家都二三十竿其時天多雨汝淮堰崩麥盡浸
竹于是活噫天下事至無常耳力已或弗克卒人助而
期獲難矣况必之于天乎第時偶幸物且以之自喜矣
修身信道之君子固足已淡外慕而所遭適會于天人
之間者抑何寡也

卽卓菴憩棠園記

余客山東三十年多師友而濰縣郭松喬先生則少時
所從遊又以詩見賞于其族靖侯先生故雖去山東歸
遇山東遊客未嘗不加禮而濰尤契余之爲教論雒陽
識卽君卓菴濰人而客于毗縣未仕也已謁選得縣令
待次汝甯會余亦來爲教授距初識時又二十年矣夫
以余之少羈江海鬱鬱焉不能以其才取大名顯位老
矣就末秩地遷而境愈閉若卓菴得令長宜有所藉以
表見矣乃別之久猶一邑未除鬱鬱類余者何邪蓋天
下之才衆矣仕宦進取之術又至不同矣年資之常望
實之重皆未足據者也然而工趨走巧營謀求援繫于
大力不得致身顯榮者亦或有之彼片羽而霄干仍纖

天根文鈔續集

卷

麟而浪萬里第風雲之偶假焉耳是以古君子之于世
甯自屈于偃蹇之中而不涎他人之寵利且天命之說
進退出處之義吾輩聞之熟而守之定自昔已然歲月
淹忽壯盛不再又肯從浮薄少年後效啜計之行苟尺
寸以稍慰晚景之蹉跎也哉今卓菴示一圖圖其貌坐
棠舍屬余記蓋于汝甯嘗權三屬縣皆匝月圖之意以
爲姑憩于此云爾卓菴齒長余而任官事能耐吾知其
異日獲除一邑宜必有愛于民如二南所詠也者而獨
念余與卓菴白首重逢于瓠城積瘵之地雖花時多陰
雨同居又且五六年方其把酒誦呼不能不倦倦于海
山之勝遊也光緒二十有九年仲夏封邱何家琪記

觀虎

汝甯春有錯虎積其牙簿而戲于市者余見虎始怒而吼繼悲而嘯終俛首而睡有可憐之色焉烏乎物有威于虎者乎當其居深山走險谷萬人或莫敢擾也然一失勢雖童子得而玩之蓋威有不足恃者矣夫以虎之威而不足恃猶如此哉

觀小姐

市人攜小姐要衆觀以索錢衆環而樂媼體不滿三尺問其年七十餘矣蓋殘于天者焉或曰特童女以術至老弗茁或曰侏儒異種夫鈞是人也而體獨小人宜矜之未可戲侮以為樂也抑非此錢無以得彼亦不獲終

天根文鈔續集

表

其年天下固有甘受人戲侮為生計者矣而人遂戲侮之以為樂則何心也彼媼而小小其體而已

明魏闈石像記

汝甯府北門外東嶽廟側有明魏闈石像一區其址故闈生祠也闈之敗宇內像俱毀惟此以石存瘞于土有年數矣既而出土上或鐫魏忠賢三字像背牧子芸夫輒拾碎瓦拋之像幾損光緒三十年三月二十八日會

免焉然闈像之見毀亦特以其勢去耳假使餘勢尚在

復有勢差類闈者臨當世安知椎而擊之者不皆為祠而奉之者邪今夫人之媚勢必有所求不則劫于彼之威也若以姦魄漸滅人即取其身馨香之齋粉之皆于彼無與矧斯石也冥頑無知第係名姦惡衆必欲毀之而後快何哉此蓋好善惡惡之本心人人所受于天者也或謂宜姑留像其地如岳廟鐵肖檜者示懲後世雖然中賢一刑餘耳姦惡非士大夫恒有士大夫之立身植行不求自慊夫所受之天惟徇勢苟貴富于此知所省哉

天根文鈔續集

鈔	天
二	根
養	詩

卷	物
緒	于
丙	大
中	燥

天根詩鈔目錄

卷上

古體

聖德頌十二章 有序

聖人出

日出光

三太子

二墓閒

三大事

三等人

述天語

天根詩鈔

目錄

昭莫多

示不疑

真知已

門戶爭

愛清官

賢蹟贊十三章

地連震

陳水旱

殺人例

還紅木

五通神

民訟冤

醉漢來

江南景

死于敵

時憲書

破肚總兵

兩兒頭

郎柱妻

同治中興篇

憶昔行

杜鵑行

天根詩鈔

庚子行

古謠

俗謠

短謠

月謠

淫雨謠

野馬謠

虎謠

狗鬪謠

蒼謠

獵曲

目錄

二

冬獵歌

得志篇

優孟樂

河間女兒曲

寓志詩

容與歌

維天八章

我生之初四章

燕燕一章

我之方生四章

四夢詞

天根詩鈔

寄弟三首

石問

冷齋鐵如意歌

相逢行

落葉辭

鴻雁行

登州夏將軍歌

逃兵歎

開荒行

大梁盛都會

萊陽表忠詩

目錄

三

兒受恩

服聖人

高城墜

蟲食禾

拜蘇墓

充老兵

真州李氏節義詩

五姑行

義僕行

俠哉方叟行

平涼行

天根詩鈔

目錄

四

霜烏篇書程母傳後

詠史五章

陳古

結交一章

讀顧亭林先生書感而有作

湖上有老桐一章寄高子麗中

偶憶

東行一首別同社諸子

水溝頭

京國三章

曉坐園中

二哀詩

春至登州訪紀晦盦先生歸來旋聞其歿

濰縣展郭靖侯墓並示其弟湘帆

渡濰

惟嵩有閒氣一章追述項城袁文誠公遺事贈張

景樓刑部

言志一章呈陸吾山先生

遺懷五章答黎嚼園

論詩一章示兒

人日感懷

老木

天根詩鈔

目錄

五

秋日海上望田橫島歌

海上中秋望月歌

明五人墓歌

濟南大明湖鐵尙書祠堂歌

萊陽左忠貞公祠堂歌

趙秋谷先生遺硯歌爲徐澤甫作

明如圖歌

歲暮行

大梁行

論交行贈高子麗中郭子蓋卿

丁太守古劍歌

狂歌寄王子冊山

短歌送王冊山入都

放懷歌觀丁桐孫畫卷

道州行弔子貞何先生并示石來

關中豪士歌送薛曉湘

中州行贈同里趙金聲

長安行贈陸紫珊同年并示楊君挺之舒君蘭生

日照丁布衣歌

白雲翁歌贈萊陽布衣趙鍾壽

靜海道中大風

徐敬孟畫鷹歌

天根詩鈔

目錄

六

聽宣師彈琴

江漢行送瀨池張景樓刑部之皖遊楚中兼呈

武昌張廉卿監利王子壽兩先生

光緒十四年六月二十九日夜夢題李文石公子

明湖圖得起句足成此篇

賤儒行

張靜娘曲

老健坡行

明項胥樵尙友圖歌

道州筆法歌追懷吾宗子貞年丈即贈其鄉陳伯

薊

入雨歎

漢張良銅印歌

茅屋謠聽江夏吳翁語少日尋親事

韓將軍訓兵歌

蘇文忠公生日歌 得古字

江上謠山陰戴守愚元直父子太倉陸孟孚右周

兄弟南游返爲作是篇

黃刺史大梁宴客歌

長歌寄孫京卿并示濰縣陳孝廉

重遇濰縣劉子秀孝廉汝甯獲讀其詩集夫詩雖

小道亦有守先待後之責焉追述師友感賦長

天根詩鈔

目錄

七

歌

明劉忠介公海天旭日硯歌

卷下

今體

有感

塞外

前感事

後感事

萬國

登岱

五月朔日蝕

吳健庵初得丞倅至白都

贈薛曉湘

讀書

渡河

月夜湖上

過湖寺訪許怡村

北極閣雨望

秋夜獨坐懷高子

破寺聞鐘

山行見殘碑

夜坐有懷

未根詩鈔

目錄

八

懷宮玉甫

懷關中薛大

別族人

監山

檢亡友童栗仲遺札

送薛曉湘之蜀中

春雨

聞高味蓼葬里中泣然成詩

聞韓申之同年自江南赴都並慰其下第

雨中懷宮子行

寄懷王子捷同年

奉郭松喬先生

贈掖縣翟式文湖上

檢靜娘篋

答同里劉大令

讀陽湖沈星府津門惜別圖有感

贈丹徒唐少秋

歲暮送星府

送金扶青歸莽桐鄉並携弟應試

得趙菁衫書並所著青草堂文集是夕夢菁衫至

丙戌中秋望月憶弟並海上諸故人

鄭州

未根詩鈔

目錄

九

秋暮大風雨晨登草亭有作示沈星府方罷試京

兆

萬室

伊闕

送徐養齋歸揚州

秋感

齊氏姑濟南陳氏妹京師孫氏妹平陰舍弟家珍

萊陽同日書至時有邊患悲喜交集感賦一章

遼陽州三首

不信

輓摩師

三夢摩師梳髮捐手植竹樹日吾于草木且有情也寤而紀之

古愁

秋雨陸耀滄書來云將重訪遲之不至

元夕詠古

吳生芋僧自汴歸雜以近文寄示且以書述憂病

狀慨然答之

聞山東巡撫李公罷歸

感事

哭弟

渭薛仲超文學兼懷劉良生先生

天根詩鈔

目錄

十

重游大明湖

用鄒君韻贈西華令舒敏之

先朝

詠懷古蹟二首

野望

過鵲山橋

感懷示高麗中郭蓋卿

寄贈王冊山

大學士倭文端公輓詩

讀朝鮮李君藕船與王子梅先生書感賦即贈先生

生

書感

聞人述張忠武公死事

讀曾文正公集

題汪允莊明詩選

別宮玉甫

上曾河帥

初春自萊陽入都

哭高麗中

感舊

懷人詩

謁宜良嚴秋查先生墓

紅葉

陳伯還建康豪士也遇于萊陽投之以詩

贈趙菁衫

懷趙菁衫

望海

萊陽懷古

與上元蔣紹由同年飲酒成詩

青州懷古

濟南旅感

青州寄舍弟萊陽

歸里留別趙菁衫

天根詩鈔

目錄

十一

遇管敬伯司馬大梁

聞關中蘇曉帆談昔年撫寇事紀之以詩

懷黎喟園

遇到南鄉先生

書懷

秋日遣興

夏日雨後郊望有感

病中聞族父奉曾大母大母匱歸自廬江

病中聞蓋卿刑部劾于京邸感哭一首

菊

秋暮作小亭

天根詩鈔

目錄

主

聞邊警追懷林文忠公

歸冷園

送曾曉亭歸鄉應省試

遊嵩山

海上

漢家

于今

讀靜娘月痕詞凄然有作

春初送豐仲虎之開封并追懷黎喟園

冬雪聞孫佩南訪弟祥符有傳其將膺薦起官者

余不信也作詩白之

雪後憶弟海上

謁朱仙鎮岳祠

六經

人有言陽湖沈星府客死者詩以哀之

雪中寄吳生芋僧汴州

汝南逢鄒文木

病中感懷

汝南學齋卽事

光緒二十四年八月十一日都城紀事

獨卧

感事贈鄭介亭少尉

天根詩鈔

目錄

主

光緒二十四年十二月十九日同人壽蘇文忠公

于汝南學齋分韻賦詩合刊一紙感成長句

蘇文忠公生日用去歲鄒文木松字韻寄文木

人有傳天津陷者追憶舊遊風景之盛不覺凄然

七月都門紀事

秋柳

秋感

逢鄒文木

感都門近事

寄孫佩南京鄉

題汪孟平西征草

順天榜放賀鄒文木捷並寄金氏兄弟狄蕭諸君

歲暮感舊並贈濰縣陳鳳五孝廉

哭長兒德葆

王爵生學使臨試汝甯樽酒相招詩以志謝

題鄒文木孝廉繁臺秋影圖

讀爵生學使家傳感賦即題其後

奉蔣丈箬生書答詩一章

追弔二祭酒

讀平度白澄泉 永修明經曠廬詩知其同社如董

蔚堂孫康侯光甫翟君素月樵郭蓉汀尙屏臣

諸君名若劉子秀則余舊識傳少隅則介陳鳳

天根詩鈔

目錄

西

五以詩通訊者也

古渡

曉發

過鮑山

過肥城黃崖山二首

夜雨

山行

周口歸塗作

冷園雜興二首

論詩絕句

盛朝文人逸事詩

昭代文人逸事詩

江南曲

望遠曲

涼州曲

送薛曉湘歸關中

秋望

懷方小東江南

春日郭蓋卿至濟上

視王子梅先生病

書吳梅村集聽女道士卞玉京彈琴歌後

秋望思高子

天根詩鈔

目錄

東

遙弔唐處士棣青州

夸門晚眺

東昌郡

濰縣弔郭靖侯

萊陽弔姜貞毅

秋獵

閨思

憶江上舊游三絕句

濟上

夸門

濟南懷古詩

訪二十四泉草堂

題冷玉短歌後

感舊詩

河上有懷李公故中丞德

山東二典史詩

弔二友詩

懷兩司馬詩

三公本事詩有序

聞二等恪靖伯大學士左公一等威毅伯曾公以

疾乞假

幽居

天根詩鈔

目錄

末

追悼嚴秋查先生

秋晴

遇前合肥令孫佩南洛陽

懷陳濟蒼濟南

讀張魏公傳

玉貌

趙菁衫按察山東遠貽書問追感今昔並憶舊交

送胡大令饒蘭州

讀明史鄭和傳有感

詠叔孫通

詠柳渾

詠種放

送客歸登州

苦憶

送秦客出塞

聞孫佩南蒙薦京卿銜寄贈

歲暮送人歸江西

旅順

老柳

朝鮮

聖明

露臺

天根詩鈔

目錄

末

書十六國春秋後

感南宋

中秋有感

八月下旬有白氣且天起東北至東南紀之

自題紀黃厓文後

輯湖社文錄題詞

天根詩鈔卷上

封邱何家琪著

古體

聖德頌十二章 有序

伏惟

大清膺

天眷命撫有中夏

列聖相繼名世夾輔

盛德鴻功莫可殫述

臣家琪生

際

昭代忝廁儒職數典未能竊滋愧焉恭讀

實錄兼稽

史歲爰紀數端綴以韻語謹成

聖德賢蹟頌贊各十

二章敢擬奚斯歌魯願附子淵揚漢云爾

天根詩鈔卷上

聖人出

聖人出集天命誅閭賊非敵百姓大軍入關立除明季

諸弊政

日出光

少而勤學日出之光講讀恭侍惟賢惟良經筵肇舉永

垂家法子無疆

三太子

朱氏天既亡諸王後先死是時安有三太子不見修代

一疏聞一時明裔具請恩自古未有我朝之深仁

二墓間

岳與子二墓間遺民請葬張煌言趙公許之上日賢

仁祖之仁真如天

三大事

三大事書之宮中柱逆藩既平河漕屬斬輔開中河漕

艘過宋禮陳瑄功孰多

三等人

帝曰此囚可寬臣曰死者無辜帝曰此囚可活臣曰

敢不慎諸帝憐天下三等人寒士窮民與囚徒特

徵鴻博儒豫免來年租

述天語

不貪一錢不妄殺一人聖世之臣廉且仁天語煌

煌當令天下聞

天根詩鈔卷上

昭莫多

親征噶爾丹勒銘昭莫多山欲城兮無駱駝俘有老胡

上令筵歌黃河北柰若何北斗南柰若何

示不疑

臣借入防不測屏左右示不疑推誠降人理所宜聖

人之意誰能知

真知已

馮溥直翰林元文佳狀元報主惟以人才先於虜乾學

尤愛士左右飛語論幾死真知已聖天子

門戶爭

門戶爭明為甚聖祖知之最痛恨惟彭與郭孤直良

可風名賢一皆當姑容執兩用中乃大公

愛清官

于公古今廉吏第一張公天下清官第一二公清廉皆

無匹 帝曰朕讀書數十年如此清官不保全清官奚

所賴以安惟 聖主愛清官

賢蹟贊十三章

地連震

天久旱夬象見蒙恒風洪範變君不見京師地震驚法

宮天子獨坐武帳中魏公直入矢靖恭密啟大臣懷不

忠夜出涕泣猶霑胸

陳水旱

天根詩鈔卷二

三

詞臣上書權相伏辜儒臣啟沃 聖祖勤學四方水旱

日陳言昔有李文靖今有熊文端

殺人例

殺一時者刃殺萬世者例夜半執筆輒流涕一人爭不

得炷香還自責臣此心天可白

還紅本

死頒赦何行刑封還紅本同官驚公等勿驚有罪吾任

之昔日諫獵臣天下誰不知

五通神

蘇州城上方山歲娶婦五通神湯公曰咄何神為象投

諸火永禁之君不見狄梁公程夫子妖不勝德古如此

民訟寬

江南訟陳寬江西訟劉寬鳴鉦擊鼓遠近傳 天子特

詔還其服凡爾小臣何虞獲戾于長官

醉漢來

醉漢來老奴安在山中雨水禾稼父母妻子皆何若客

至胡不為我設酒作賊胡為哉我將睡軒如雷梁頭男

子墜夜半知公神人非醉漢

江有風

虎邱一墳堆河道千糞船江南風景何足言 純廟聖

德胡為悔南巡吳公述之不愧古大臣

死于敵

天根詩鈔卷上

四

與其死于疾無寧死于敵吾儕平居言此時何不力兵

二百五十八戰皆捷聞於虜勇哉王武勳

時憲書

冠御賜冠衣辭母時衣奉時憲書三載朔望肅朝儀逆

賊倉皇入夜半索冠整衣死北面

破肚總兵

曾遂喜藍理死矣藍理在曾遂死矣南風大作雷忽止

臣腸雖出臣不死 聖母問汝何名臣乃破肚之總兵

兩兒頭

爾賊能舍其父我豈獨不能舍其兒爾殺爾父竟何為

我忠臣兒厲鬼手兩兒頭能擊爾

郎柱妻

夫雖死幼子在背家雖圍寶刀猶佩兒年十四知父仇
啖仇耳鼻刃賊頭

同治中興篇

南海始土寇西邊入羣夷削平一中外咸仰 中興時

兩宮女堯舜 詔下御簾垂周公赤舄度北面遵朝

儀郭李競功烈韓范資扶持文士皆麟鳳武夫具熊羆

二疏與四皓尊為帝者師幽風圖往古金鑿戒來茲緬

昔至盛治歷朝有成規文景尙清淨貞觀萃羣材漢唐

不足法上與三代齊草莽臣稽首昧死陳便宜一曰重

名器一曰謹帑財一曰嚴胥吏三者為綱維無功多冒

天根詩鈔卷上

五

賞良將氣先頽官僚日肥橐費重民力疲 朝廷有定

制煌煌 聖訓遺胡以 祖宗法而濟宵小私黜陟上

下手坐例以為辭公然索賄賂百政權潛移冤沈水旱

患兵兆陰陽災治亂本相伏憂懼宜常懷神明出 沖

主獨斷寰海知高天升日月大地奉神著江河中流立

雨露庶物滋一夫無不獲八蠻誠同歸 修德紹 羣

聖萬載丕丕基

憶昔行

憶昔 先皇駕北出正陽門外森秋日西戎壁馬來賓

王官民驚走棄家室別苑野火紅燒天雲霞捧上九霄

兀 六龍初御人不知近臣扈蹕都倉卒明年秋風慘

行人燕山萬里橫飛雪 詔書哀痛布下方草野哭聲

帝廷徹董公上疏請垂簾巨姦未除魄先奪雷擊鬼

物雨蘇民中外咸仰王正月 兩宮聖人抱 沖主佐

以二三濟時傑海內盜賊次第平遺矢告 廟 神顏

悅諸夷雜處終可虞萬世人心那能失 同事豫聞吾

豈敢清時必從始亂說於虜但得親見 今上准政紓

前憂雖使終身溝壑甘棄物

杜鵑行

海上狂夫失所往暮夜遠向杜鵑哭首回萬里不逢春

風雲慘淡木森肅百神拱列朝高天左日右月雷中懸

龍直上兮將安攀忽憶昔年歲在西 國家多難軍民

天根詩鈔卷上

六

走宵旰未畢 先皇憂南北親定 沖人手十三年間

重太平此時誰不蒙生成嬉卒脫甲拜官臥老農飽飯

看兒耕殊恩日日宣 帝廷一朝飛下哀痛詔惻惻人

心無不到猶仗天威驚邊徼神明仁壽稽我 朝元氣

千秋 祖宗廟

庚子行

昔道光朝歲庚子南海之濱啟釁始不圖因循六十年

天下陵遲遂至此當時政枋執穆相和議一主禍陰釀

且聞王公尸諫死林公焉得不煙瘴一炬燒毀天驕船

償之以直金萬千廈門要害似賄賣大小眾國梯航連

文宗御極首下詔佞臣立除賢特召猶未外甯內竟

憂誰使中原滿羣盜庚申之歲駕北巡野火先焚圓明
園猊猢乘開都門入監國賴有恭王賢蒼梧山崩日墮
淵重瞳上馭 兩宮還肅順伏鎮曾秉鉞垂簾共頌中
興年大江以南半壁復一隅聊借敵人力從此衷甲假
通商如火之燎不可熄痛哉 穆宗棄弓劍前星未耀
曾遺憾 今皇大統嗣神明惟以家法爲金鑑一自三
韓左臂亡陪都根本失保障沿海諸邊已爭據登萊列
郡難爲防何物鼠子息義憤起莫噬豺狼自殘犬豕正
陽門上火燭天大呼殺人滿街市達官不論况細民流
入御溝有血水犬戎坐奪天津口兵皆不戰將皆走可
惜李公號重臣空拌一死莫措手浩浩兮秋風飄飄兮

天根詩鈔卷止

七

飛蓬亂奔兮野鹿徧叫兮哀鴻鳴鴉夜號魍魎笑霹靂
不下天如聾瑤池翩然降王母東皇潛出羣仙從回首
先朝如昨日又見 鑿與塵再蒙塵再蒙胡西兮不
東發祥基肇 太祖 太宗 世祖入關風虎雲龍
燕京定鼎 殿陛九重赫濯 陵 寢時祭孔豐遙望
長白山頭草正在濛濛霜露中

古謠

心爲天孔幾慎一動
天黑見星屋黑見鏡
黃沙漫天下民有冤
老樹無秋老女無愁

大道旁草以弱而長棘以強而亡

鯉魚升河將冰

牛角堅鼠能鑽

器巧用小毀早

腰劍鈍壯士奮

錢有生殺權

官高年老妾嬌兒小

東家倡雙戶閨西家女門前立

婆由婦爲其苦身知

纏足鞭之行痛從心上生

天上吏不見人間尉

天根詩鈔卷上

八

家有孤仗老奴

口黠必愚體肥必虛

龔學雷聲瞽說天明

歧途知返道無遠

莫望豐年且力田

村女之中有西施市勾之中有伯夷

俗謠

父母生衆子衆子原一身一身且秦越何況行路人
國枋目上馭奸雄本能臣國法自上理盜賊本良民
寒士不計錢未必天窮死富翁善積財老生執絳子
短謠

談天下事盡一杯酒生死寸心得失衆口

月謠

月月汝何缺汝缺人應別

淫雨謠

淫雨無年淫賞無官淫刑止亂其亂無端

野馬謠

平原野馬束錦鞶大道倡婦嫁高官

虎謠

民本官之食化虎非奇聞借問治民者誰非封使君

狗闕謠

皋陶解薦不如徐子狗有罪不敢觸而賢輒喙以口於

天根詩鈔卷上

九

虐此之謂徐子狗

著謠

動必思咎萬事無苟

獵曲

左有兔兮右有狗嗟爾老鶴死人手

冬獵歌

天死寒日雪平亂山風沙四合夜得虎還

得志篇

今人貴得志得志果安若未冠擢科名未老登臺閣

今人貴得志得志果奚如有錢阿堵滿有妾專房居

今人貴得志得志果何極門生徧中朝戎機統外國

優孟樂

衣冠今優孟優孟古衣冠昨日主人壽歌舞紛開筵一

曲賜錦千百端隅坐有客潛下淚惜我秩卑終是朝廷

官

河間女兒曲

河間小兒女琵琶高于肩不彈亦不唱逢人但道錢

寓志詩

北吹之風而有南飛之鳥物各有志不在大小

容與歌

蕭蕭兮木秋悠悠兮河流慨風波之滿目聊容與乎孤

舟

天根詩鈔卷上

十

維天八章 念祖也

渾渾維天萬物厥初時實生民井之田之樹之甸之千

億斯年

稽我始祖率彼淇澳乃至于衛爰卜爰筮築室于茲我

始祖來憩

崧山之陰大河之許厥邑封邱有姓百戶厥村維何曰

小里薛世居其所

秦有大縣高祖治之皖有大縣曾祖治之民之愛矣惟

我何氏思

肅肅我祖何氏之季播越靡定吏治其昇族嫺與鄰以

腹以字篤生我考以光後嗣

於戲我考丕顯于京爲政克明克廉克讓啟處不違惟
王事是將齊人之望

克配我祖大呂之功迺村迺舉迺治女工我母維唐降
自越鄉戚憂以老下告大呂諸孤用保

枝其繁矣水其泉矣凡今之人蔑其原矣誦祖德兮百
世之則兮

我生之初四章 侍母疾也

我生之初祖父具存我生之後惟母一人

此日何日此鄉何鄉母雖不言厥心實傷

晝飼兒飯夜綻兒衣願兒無恙躬飢寒之弗知

劬勞十載撫兩孤兒兒既長矣猶無已時

天根詩鈔卷上

燕燕一章 思父母也

燕燕于飛有雛隨止堂上之草春亦歸止彼鳥有知彼

卉有知人無父母云胡不悲

我之方生四章 責躬也

我之方生天命厥性師保其誰曰孔與孟少而讀書長

而觀行百年須臾奈何弗敬

大鈞幹運日月升雲 於皇聖世不遺微臣天下之重

任在吾身禹泉伊旦彼皆何人

我祖遺訓在保九族我考賢勞胡爲不祿小子來歸先

隴是宿涕泣徘徊仰彼喬木

有弟失學莫成其名有妹早寡莫保其嬰二人已矣所

恃惟兄上慙許武下愧陽城

四夢詞

夜來何所夢夢見明湖水中有老鷗似識舊游子

夜來何所夢夢見平生友刺船招我登重結社文酒

夜來何所夢夢見弟與妹阿母坐中堂四人共兒戲

夜來何所夢夢見我靜妹土底十餘年容顏猶如初

寄弟三首

一官亦何爲竟至無骨肉今日天下事不獨此當哭

爾既不能來我亦不能往一別二十年齒逐歲月長

濟南舊有屋兄弟東西住何不置一椽同爲歸老處

石問

天根詩鈔卷上

光緒十五年秋予于洛陽城隅得一石肖丈人形其棄

置蓋久矣既記其事復作歌以問之

石丈人汝來前汝且安坐聽我狂言汝下何不塞茫茫

之海上何不補蒼蒼之天而乃獨卧洛陽城隅之西偏

洛陽自古天下盛衰之所係華林金谷久已歷歷隨雲

煙孤柱雖堅莫支大廈仙輶雖熟莫濟荒年江海橫流

徒令犀牛傳一自五丁開蜀道舟車從此便夷蠻良嶽

且移趙宋鼎禍福于汝何誅焉汝不見學舍小園之草

勃也茅作亭而竹作障也大兩壓屋化爲山而刺棘敗

瓦怒相抗也一朝徙汝亭之旁何公然拱立而作人狀

也石丈人汝來前數汝祖典可能一一言書何爲而啟

神禹功何爲而紀始皇苟所遺無餘臭流百世之芬芳
子何所諱而稱孝吏何所取而名廉苟虛聲之是盜來
萬口之攻砭縱令蹟則怪怪奇奇胸則磊磊落落骨則
崢嶸而碎磷氣則抑鬱而旁魄或傭之于販夫屠沽或
避之于峻巖絕壑而苟其寸心之無主亦何異于世上
一切面其脂而鬼醜首其冠而虎惡亂曰我欲佛汝兮
佞子匍匐我欲兄汝兮孔方側目賸汝于牀第兮貌不
如玉侍汝于几席兮書不解讀石丈人石丈人汝其從
我游爲汝插菊滿頭注酒滿甌相與對此萬古之高秋
冷齋鐵如意歌

余齋置鐵如意十餘年矣惜其負質矯健而于世無所

天根詩鈔卷上

圭

用也歌以壯之

於虜如意汝何不爲朱雲劍以斬禹頭秀寶笏以擊訛
類王著銅錘以斲阿合馬之腦而徒負此鐵中之錚錚
傭中之佼佼於虜如意我亦不能枕之如越石之戈著
之如士雅之鞭指揮之如諸葛之羽扇而乃等之于談
元之塵尾拊馬之便面振古以來天下不如意事十常
八九獨錫嘉名胡爲乎而况天地之盛衰國家之治亂
吾人骨肉交游死生聚散之故不如意時恒有如意時
恒無獨錫嘉名胡爲乎迺碎珊瑚迺擊唾壺手如意而
重爲之歌曰渾厚之質剛建之德節雖屈而抗竹之直
色雖黝而抵玉之白其精也如金其介也如石其寒也

如冰其削也如壁其空明也不必水晶其光怪也不必
琥珀舉而起舞可以折破陣之鎗橫而嗚咽可以裂出
塞之笛執而濡染淋漓可以代大筆而作詩賦之檄當
今之世如意耶否耶面赫赫兮割佞席齒稜稜兮嚼柔
肋氣凜凜兮奪鬼工而褫奸魄眼中鐵漢老無敵筆管
蛟龍下霹靂不鑄六州錯不易連城壁不用帶甲百萬
而寸心足以報國

相逢行

婦入賊中生夫入兵中死中道而相逢抱頭哭不止

將進酒觀白下陳大一飲三百杯卷子感賦此篇

月自古江自流交不逢天下士說不盡胸中愁惟有一

天根詩鈔卷上

圭

飲憑弔向來龍蟠虎踞帝王州六代興亡一旦暮故宮
皆井青山路秦淮嗚咽繞石頭餘哀總入蘭成賦王氣
銷歇仍雄都興朝巡幸六龍趨管籥偶然虛天塹新
亭翻歎風景殊繁華頓萃春申浦壁壘周遮震歌舞蜃
樓慘澹百蠻天鮫市喧塞中華土金珠濫賤驕簪纓魚
肉羶腥尊鼎俎上座皆何人貴官雜大賈四筵屏以如
花女獨君子此寓孤懷縱飲日輒三百杯飲之不足圖
爭開但見千圖萬圖圖中之杯雲卷而濤飛吳越題句
皆才子大梁狂生拍案起欲贈一言請自此圖始我
皇行道守在四夷天下之責當今其誰少壯歲月不我
再英雄心事惟酒知將進酒有所思月古兮復來江流

兮復回太白復生亦徒高卧市上誰道謫仙才

落葉辭

秋風上天謫一葉萬里瀕洞江海入寒鼉白晝曝日晴
老蛟半夜咽潮泣若有人兮洞庭山珠宮縹渺靈旗翻
神指似握千年淚偶彈落向黃雲間且逐猿啼三峽曲
蜀鵲猶賸春魂哭南來鴻雁聲何哀前飛鷹蒼後鷲禿
明月出關山涼露華帶酒霑衣裳趙女莫老人閒舞乘
龍騎鳳夢如雨天心爲我迴終古

鴻雁行

亂山日落登高臺悲風洶浩荒天來鴻雁孤飛不知止
橫流萬里長江開古人所爭惟秋氣微物何敢愁天地
天根詩鈔卷上 七
儻得鳳凰軒然翔以爾翼之休自棄三千六百人間禽
當時歎其皆無心一聲高唳羣亦怪那許大澤獨行吟
長安道上多車馬木葉蕭蕭隨雲墜我分空山待老材
何由卻遇風塵下

古義士行

美桐城姚瑩建寧張際亮也道光朝瑩備
兵臺灣西國犯海禁誘以漁舟殲焉諜者趨天津上變
謂必殺瑩時方議和 詔逮之初際亮與瑩交聞耗大
哭夜急乘小舟渡江至京師謁執政營救滅死尋起官
此固 天子聖明規知其忠然如際亮者可不謂義乎
際亮旅死瑩歸其骨

日墜萬山暮兀坐懷古人古人已矣不可見大義當令

天下聞昔年西人入中土海內飛鷁日通賈手把異藥

有奇香坐使良民心盡蠱桐城姚侯鳴孤忠閩疆一角
無夷蹤執政者誰倡和議高天霹靂沈獄中建寧張子
英雄友雪涕登舟大江口洪濤萬丈挾夢飛已向 君
門夜泥首書生結髮受 君恩衣裳斧鑕非所論 中
朝有詔赦孤臣天威士氣從此伸便死恃爾能招魂京
華破店風雨昏枕劍不起天無春遺骨負之歸里門是
時宜黃鴻臚上一疏瀾扈焉知非遠慮四方復出有心
人儻隨哭上諸公墓謂黃爵滋

登州夏將軍歌 將軍名辛酉

皇帝二十一年春倭人入寇侵海濬海濬諸邑類陷沒

天根詩鈔卷上

六

登州郡峙孤無鄰蓬萊高閣齧雲表猛濤惡浪齊相吞
天公累日降大雪飛烽叨滅狂風翻一夜詭言賊數至
滿城官民驚失魂披衣把火干兮百兮踣且奔是時城
中空無人突見沙罅礮出摧燒倭船之火輪倭人怪歎
何鬼神倭人且勿歎非鬼亦非神城中猶有夏將軍於
虛城中獨有夏將軍

逃兵歎

去年遼海逃兵至能言遼海兵潰事兵家勝敗古之常
共賴主帥勇且智主帥夙稱博雅儒弱冠早直承明廬
羣書徧覽况兵法韜略前欲無陰符曩時朝野首定約
湘中持節又上萬言書一戰計能擒孟獲再取頸欲係

單于敵未見兮我礮一何多礮發盡兮敵來可奈何可
奈何敵礮發我兵棄礮逃則那亂馬退飛二百里大雪
風卷煙塵起單衣枵腹滿道旁橫尸敢信國殤死望見
中營不敢奔森森幕帳列壁壘左右圖史故依然三日
前已有烏止於虜湘軍昔號天下之勁兵連歲製造戰
器利且精惜哉一旦勤王名

開荒行

井田變阡陌秦人以富强豈知三代制由此遂淪亡經
界既不正賦役恒相妨大戶鶩兼并利誘更勢攘田多
租或寡坐食侷侯王小戶供耕作隱盜以為常最苦田
實盡空券猶追糧 朝廷有成法計畝用丈量苟假胥

天根詩鈔卷上

七

吏手叢弊尤難防河南大旱後所在紛開荒村廬莫可
計姓氏何須詳私征賦詭免不入庫與倉損上果益下
民說宜無疆

大梁盛都會

大梁盛都會車蓋多威儀交游重酒食衢路如雲馳風
俗尚既久性情為之移但縱口腹欲金銀何足奇市儈
固皆爾仕宦尤相宜中華無異物羅致來蠻夷烹飪極
精巧絡秀親手為主客具已醉欲退姑委蛇朝殮千家
產夕飲萬民脂頗聞山西旱馬矢以充飢

萊陽表忠詩

兒受恩 表姜忠肅也

招田父飲窮村滄海橫流且與飲一罇罇未盡北兵至
紛紛逃死獨垂淚兩兒早受國家恩當年親教忠孝字
誥敕煌煌身拜賜

服聖人 表宋忠節愍也

誦聖人書居聖人里學行苟不服聖人什伯之罪真足
恥宋侍郎言有如此儒冠平日亦誰無此言高坐抵掌
驚愚頑倉皇置身或不然惟有侍郎言獨踐遂與同宗
吏部矢報君親戒苟免報君親服聖人

高城墜 表趙節愍也

致政家居無守土責受爵昔年今日宜報國邑雖小中
朝有尺寸那容棄之走率眾登陴且死守萊陽城頭夜

天根詩鈔卷上

七

鴉叫寒風栗栗落月照身墜一葉魂九廟更有贛州清

水塘師兮弟兮相頡頏

清水塘楊忠節死難處忠節節愍師也

盡食禾 表沈烈愍也

孫受砮火一門盡兮蝕禾猶作全家皆死文君不見柏
南向忠臣墳石不轉烈婦魂寸心感萬物俱能千載存
兄文試或棄弟椎戰失利滿朝翰林不識字男兒一死
光天地

拜蘇墓 表左忠貞也

北京沒已廿年南都陷一月前與朝雖有禮孤臣持節
將安還臣安還臣有死死不辱大明使某也鬼帝祭泣
其名某也賊御酒祖其行沈迅無辱姊懋第有降兄於

摩非鬼非賊亦非兄來勸說
拜韓城蘇子卿
律與陵君不見我公會

充老兵 表美貞殺也

既不死敗血出復不死小紙密臣無狀兮萬死輕一息
猶許宣州充老兵稽首孤行曰北面痛哭不見前宮殿
大地須臾滄桑變龍髯不可攀詔書絕賜環餘生未畢
聊縮冠君恩常戴敬亭山

真州李氏節義詩

五姑行 殉寇難

剛風吹月桐開來瑩然下照冰井臺照見纍纍骨五堆
土花漬血凝青落海枯石爛蒼天哀

天浪詩鈔卷上

十九

義僕行 代主死

人間昏黑游長夜王侯姓字塵埃化苟報主恩死索罷
睜睜眼不刀頭怕白日當天雷霆下

俠哉方叟行 美武進方敬亭也

天塹設長江流忽自小孤山下擁入城石頭鐵鎖久中
斷年年蘇臺一隅烏啼愁感豐十一年倉卒變至常州
府武進縣縣人方叟敬亭隻身行義于其間賊亦不能
殺兵亦不能掠官亦不能用惟有避難老弱婦女長跼
乞相送俠哉方叟腰帶劍手挽舟賊中出入不敢或休
死負其骨生脫其孤一錢不受懷有千金書使母知有
子使妻知有夫俠哉方叟武且仁年七十膝有兒與孫

兒能讀書早著秀才巾家有梧桐生新枝老鳳夜率百
鳥集隱受天露滋階前又茁九莖芝祥雲繚繞仙風吹
扶搖鳳望離高飛俠哉方叟今罕倫今之豪傑利但專
已害不問人蠹祿糜爵惟愛身豈無人心而不愧君與
民於虜方叟真罕倫

平涼行 美丹徒宋沂也同治八年八月十二日死回
寇難長子庚長先期行庚錫方九齡亦免難妻鄒子庚
祺女蘭貞其家同死者十二人

平涼城頭秋月懸平涼城內井水寒一家冤魂相聚語
不死故鄉死逆旅君不見丹徒故諸生姓者宋沂其名
當年曾無一命榮奉母避寇奔關隴胡爲回紇亦復攻

天根詩鈔卷上

二十

此城母在兒敢死母亡身可輕太守片言感知已力禦
半載期功成皇天不青雷自地鳴以身當城城忽崩頭
顛已墜刀猶橫孤兒天許脫程嬰婦女亦荷 皇家旌
職官百拜祀薦馨金山祠廟魂歸處不盡長江萬古聲
霜烏篇書程母傳後

白楊樹霜欲飛烏夜啼游子悲聞有萊陽縣尹母賢世
所稀母賢何如昔在道光之酉年侍夫疾涕泣懸出室
復入室袖刀封股願代以身陰霾雲慘白日寒君已矣
何生爲君有兒誰教之廉飭躬慎斷獄終身行兩言足
於虜母存即父存於虜子賢即母賢我心一何戚戚爲
作此詩天下人子當奉母儀

詠史五章

惟昔神武主好大而喜功平隴復望蜀頭白兵計中數
世必起釁乃至國帑空當其開邊日貫朽粟陳紅
華夏雖極大一狼走干羊飢渴本不耐而滋它族強欲
取且姑與金繒漸輸將如以肉餒虎肉盡時之常
漢末至桓靈驚爵西園始晉武有直臣私庫盍早止既
以貪進身豈能廉律已紆難而毀家古來曾有幾
科目仍選舉讀書人才出惜故霍將軍不學而無術折
節周三害卒能血戰殉相如與揚雄文章是何物
富貴乃丈夫大抵婦人見求退且無地要官胡可戀功
高固震主衆忌亦得譴我愛田子方安往不貧賤

天根詩鈔卷上

三

陳古

蔡京給君實寶參愚長源君子誠可欺亦在謹其端小
才無足賞小信不足歡經術尙綠飾詞章徒美觀誠心
付公道耳目未容偏曲從上所令不貴其苟難一人儻
誤用天下基禍根
夷吾出于囚呂望隱于市粥畚有霸才賣漿有奇士傑
哉周戴儻少行衆所訾一旦立勛名忠孝震四海伊川
可經筵孫復宜國子柏耆與辛讜平賊良有以汶上白
老人治河策亦偉求才宜何如請自布衣始

結交一章

大梁莽男子九歲弄文翰三十未成名忽忽更患難幸

結天下交匡我中不亂燕趙誰清才孤鶴來天半豐潤

衫南國常侍孫徵聲發殘硯王郎抱琴心獨寫古哀怨

武進高麗西江文章區衍談奪虎變安福鄒鏗鏗守遺

中王逸蕘永新尹怪哉蜀中龍鱗爪時一見溫

山王最少濟南生海日鞭金絢郭後出會稽李筆亦

凌雲健李秦關大俠薛劍氣上河漢韓城薛揚州宮

弟兄脫刀首貧賤宮走也提一軍短衣敢爲殿平

生望道心相期在狂狷

讀顧亭林先生書感而有作

寸心天萬世六合清明開風雲積時代日月相往來地

維隆西北萬里山橫排中突一華起渾抱洪濛胎河水

天根詩鈔卷上

三

昆侖頂畢氣吞江淮方海司出納全版爲之回士不遇

三代賢愚齊塵埃反望古制復假手凡庸才清時召不

起老病完形骸冬青屢相識夜哭臣麻鞵淒淒春雨苑

獵獵秋風臺匹馬倦天下著書空餘哀

湖上有老桐一章寄高子麗中

湖上有老桐一夜秋色定我對念故人詩境愈蒼勁風

霜自天來受之以爲命愴然發商音寒琴帶至性最怖

當世才往往以奇競誰能輔吾仁少年狂大病堅苦成

節操遠企亦恭敬

偶憶

南韓與北蔣卓哉兩牧令經濟不自有治民多實政孤

僻寡朋儔古賢內自鏡文字謝時知潛學在性命吾眼

滿簪纓兩君心所敬吳縣韓仁山刺史
玉田蔣著生大令

東行一首別同社諸子

大海浩終古我行忽欲東登高一長嘯草木多悲風早

年丁患難百感來胸中先人下車處小子時與同三十

名不就遊迹如飛蓬獨遠濟南社老爾秋濛濛

水溝頭

夜半馬足滯云至水溝頭老鵝長羣鳴下上溝水流主

人把火出遠客當姑留入門不索飯但言倦欲休馬亦

厭芻秣橫卧朋村牛是夕九月晦天雨星河收夢覺日

忽午策馬辭前溝萊陽萬山峪有弟堪相投疏食聚鄉

天根詩鈔卷上

井男兒慎遠游

京國三章

京國客已倦願言趨平陰平陰泰山麓萬徑藏村深敝

輪戰亂石回視尤驚心有妹昔嫁此數載遠商參田家

逢惡歲相見無霑襟

再至濟南城下馬訪舊友喜遇三五人湖上重攜手大

早日無光枯到荷與柳獨立鷗來依似吾十年偶萬山

滿白雲何處追文酒

東行海上境處處聞兵屯竊問兵何為將以防飢民壯

者負米去老弱縛軍門一粒未到口早已殺其身須臾

但少忍長官議振貧

曉坐園中

空階滴宿雨初日在茅屋春去園花稀繁然鬱深綠不

知歲月邁但覺悅幽獨曉起坐石陰新蟬出喬木

二哀詩 哀老友王子梅高麗中也

衣冠起冠盜世平獨罷宦垂暮號天全吁嗟人已半筆

札脛萬里誰為一飯辦每聞湖山閒佳日開文醮老屋

兀破牀語舊輒先歎醫惟 祖宗朝寰宇正清宴 明

詔屢求賢白衣直 便殿斯時方少年意氣凌河漢賢

王降禮迎屬國繡詩編才子皆吾徒四海共几案高名

震一丞人事草芥賤詎分七十餘頓成身世變銘冷生

前墳貌壽死後硯子梅嘗作生壙永新尹繼美銘之
又以硯刻已小像寄高麗故人子

天根詩鈔卷上

天厲堅苦操孤孽獨未止一士出賊中宛轉老窮死自

黃東南流勇哉大江水突如烽火來從此無鄉里身踏

額血垂魂在差自喜恍忽日月星反見向地底戴頭定

海東對鏡影疑鬼家室焦土餘塊肉竟吾子發憤更著

書寸腕奔經史琴硯百撫摹時引孤忠起秋風中夜鳴

淒然彫百卉餘生畢悲歌直下千載涕詩中有古愁刀

外無知已

春至登州訪紀晦盒先生歸來旋聞其劬

三年遲我至去後心愈悲苟非一相訪安有重見時流

連不數日遂至長別離湖山文酒社歷歷生鬚眉老蒼

忽已盡風雨高天來

維縣展郭靖侯墓並示其弟湘帆

東萊有名縣城外環長河緬自乾嘉來甲第如雲多郭氏冠帶族方伯尤我我才子字靖侯意氣青天摩年少宮文藻遠應鴻都科識我齟齬時脫口爲我歌稱我工詩句許我同切磋忽聞客宦死渺矣滄江波招魂向君里春草迷山阿惠連念夙好酒肴以相羅同車詣新墓感舊先涕沱經史勛名世雅意昔如何志業媿知己歲月其蹉跎

渡淮

荒沙流不盡淮水恒如斯臨風懷昔傑赫赫奇功垂兵法本無定因地以制宜假王一自請鐘室禍遂基漢恩

天根詩鈔卷上

三五

誠非厚臣鑒須在茲樹勛千古分何事要君爲

惟嵩有閒氣一章追述項城袁文誠公遺事贈張景樓

刑部

惟嵩有閒氣類產天人姿自非立偉績安見名世奇項城袁端敏 先朝曾督師哲子文誠公忠孝秉臬主吾父齒差長同歲籍金閨對策趨 前殿見許天下魁外出爲縣令贈別公有辭丈夫苟報 國授職無尊卑公遂直史館天祿書咸窺既佐督師軍旋 命征西陲鸞鳳翔雲霄寰宇瞻德輝炳然虎豹變四夷驚 天威關隴勤撻伐軍食肩獨仔小子困異旅相召寸檄馳黃石書未讀敢參帷幄機江海十載閒勛名日月垂羽貂逮

步卒一官再拜辭公車昔初上謁侍頻稱才親勛故人

子進身追前徽是時豫州界積疹成大飢陰陽久錯亂國手豈能醫老龍蟄不起誰爲鞭風雷日焚宅自火土疆田難維萬頃米無粒口絕榆槐皮物力旣已竭人事因之睽懷中兒盡羸羸餘老嫠親屬尙相割遑論醢與鷄哀死不敢哭夜埋亡其齒存者枯到骨反見野犬肥大府重財賦催耕詎濟私牧令儻仁愛無柰媚權娃羨錢民莫辨但任遭筮筮筮膚無肉不堪一飽糜臣恒憤所切上書肝膽披 皇帝立震怒大小服同禱首下哀痛詔往振曰疇咨倉虞慮莫發戶口繁難稽灑涕告四方轉挽舟車疲一身百萬命請代呼神祇公竟以

天根詩鈔卷上

三五

瘁死怨者還誹訾揅荒無善策矧值倉卒時精靈帝左

右至今爲雲霓吾父昔治縣禦寇日登陴先期塞渡口保障翊 京畿孤忠激熱血所噴蘇瘡痍坐此不中壽下邑民猶思 恩褒祀名宦公亦新建祠譬如泰少室相配何崔巍昨逢張太史云爲公所知改官入郎署田里乞骸歸下式鄉社學上奉壽母慈媿予經術淺同郡主臬比造化縱神秀以人爲盛衰風教本不做要在身維持吾聞古君子道大出處齊衣冠或糞土金石非文詞程邵與韓富景行其可躋

言志一章呈陸吾山先生

凡士有大節出處首當慎本志苟一途終身成悔吝小

子少孤貧身世交疾疾離亂死生餘經守尺寸當其
戎馬場智愚同干進旦夕埒風雲奚別鵬與鷄長安屢
上書未免一第溷歸來託冷官且負苜蓿飯偉哉陸先
生奉 命領大郡撫民逮流亡拔士先孤獨治平抗吳
公弗獲賈生薦下走亦何才當路被汲引梁園昨致書
爲我公車勸不惜分黃金厚意何繾綣是時歲大冬未
雪先集霰春風一朝來桃李競華炫鍵戶讀周易觀象
莫如良知止終不辱素位外不願平生問何學所獲類
拾攜立言媿聖經植行忝祖訓身獻信不成何事對天
問憶自咸同來四海失清夏近歲民稍蘇天復垂星變
國事需老成豈以書生辦功利實階梯非巧不成宦

天根詩鈔卷上

莊

操刀更持籌紛紛角屠販豈無數賢者積弊思一振譬
如治亂繩過急則必斷又如御敗車強馳則必僨元氣
資培養大局貴撫鎮蔑婦不恤緯室女倚柱歎先生忠
直操當世所嚴憚但期媿舉愛不屑伍絳灌發憤談時
事或目爲謗訕惟恃此血誠隱荷 帝心眷人生志各
殊原視天所分方者不能圓剛者不能鈍萬衆冒中庸
一夫疾瀕愿率性入仕途焉得免排擯豎儒重感此靜
坐矢焚硯桑種八百株書置三千卷名勝實之恥德修
爵無賤再拜長者前陳詞敢欺謾
遺懷五章答黎謂園
萬言上皇帝歷詆諸公卿舉朝咸動色名世今果生齒

莽受大任論罪誅猶輕何如衡門下枯死完吾貞
束髮知讀書惟在竊上第所學不須深但揣時人嗜浮
詞一見收公然忝高位吾輩老沈淪志趣得毋異
早歲盛才氣陵轍無前人一篇方落筆謂可以千春時
過中漸餒棄置勿復珍丈夫百年內何事勤空文
家國喪亂餘血性平生留歌哭忽無端衆願唾而走興
至飛大尊頗爲山川友客歸守舊居夢寐來朋舊
死者骨已朽生者長相思一字無酬答恃有寸心知黎
子識雖晚盛業猶予期俯觀江河流仰視日星垂
論詩一章示兒

天根詩鈔卷上

莊

嬰兒初語言所發動天籟稍長習爲詩便足見志概敬
誦三百篇河源啟宗派怨誹遇可傷刺時聞或戒褒貶
寓微詞春秋義無外屈騷接國風比興寓忠愛漢魏格
猶古六朝漸蕪穢李杜出盛唐遂開大疆界韓公斯文
雄卻喜弄險怪樂天主諷諭質實亦相配宋明逮我
朝歷歷奉著蔡才人今愈多道孰見其大媒語與鄙言
最爲名教害予生少孤貧無學苦文賣觀世類膏肓反
身亦癩疥何事感喟生自罵爲狂吠衰年業更荒呻吟
迄未廢一日不克傳矧敢望千代作此示汝曹吾其真
老悖
人日感懷
兩間郭郭區要以人爲質孰無千載懷而不奮一日歲

三百六句其數肇紀七大易卜陽復卽此例元吉駢我
生之初祖父業敬述二十噉虛名五十困末秩中原屨
勝義廓清苦無術生民類失居莫佐天陰隲鳳麟臺閣
高下蔑小臣蝨自非魏元成撫時聊憤叱

老木

老木雖久衰中尚餘元氣本實苟自存枝葉乃有奇斧
斤緩相尋莫召風雨至

秋日海上望田橫島歌

氣蓋一世項已垓下徂威加四海劉復沛宮蕪表裏山
河不足恃四瀆五嶽之外留此片土乾坤孤田氏兄弟
能得士大王小侯橫所恥五百之人同日死千年魂魄

天根詩鈔卷上

无

猶在此霜氣四塞秋浪高蓬萊神仙不可招大梁狂生
放此地登高望遠獨弔古人豪搗禰衡鼓吹伍員簫鼙
劉伶酒歌屈原騷更持昌黎大筆向空祭可以狀汝氣
節之磊磊志槩之囂囂秦創郡縣六國剖青齊餘霸猶
人口酈生雖下七十城此島終爲田氏有烏虜中原戰
伐歷歷爭城功九泥脫手如亂峯試一長歎比廣武誰
爲豎子誰英雄滄溟萬里來長風

海上中秋望月歌

木葉亂飛海雨絕雁聲老入中秋節自非手中酒一杯
誰與共此萬古荒涼之明月蟾兔尙爲仙何況瓊樓玉
宇中行人兮真嬋娟嬋娟復嬋娟竊藥奔何年紅顏不

凋落此鏡遂常圓令我俯仰中心茫然浮雲薄如紙張
之反騎光明天河淺不盈尺織女欲渡愁無船明日霜
今夜露氣候須臾已非故一聲玉笛關山萬重人間苦
樂各有境莫言此夜此月風光同亂日海之流兮漫漫
西風吹兮歲將寒瑤琴兮獨彈鳳凰不至兮誰假羽翰
袖桂子兮佩芳蘭願隨明月兮望長安

明五人墓歌

盛朝峨峨張御史特疏首鏹魏奄墓虎邱山旁秋草多
不蝕五人會葬處落日陰霾天無光前車轍踵漢宋唐
明祖宮碑久鑿此再傳壞法東廠始神廟毫情少主蒙
斧鋸之用乃假家奴盡芟諸臣工錦右撤防罷經略此

天根詩鈔卷上

幸

舉遂令明祚終三十二可斬二十四大罪楊左上書徒
流涕豈知世間不畏死尙有吳門男子在突聞緹騎來
燕京白晝香燕如屯星大呼雷動天山崩百姓知有天
子何知有東廠抱頭鼠死真鼠黨飛章誣亂亦何冤知
好義者兩好官王著曾憤銅鏡擊施全枉使白刃殘春
秋討賊匹夫重不然安得姓字上埤東林傳詔使國門
永不出清流儻賴公等完是時朝廷諸臣無一存存者
刑餘之兒孫刑餘兒孫亦嘗口誦聖賢身受祖宗恩元
氣斷盡國尋滅門戶水火空紛紜一隅偷息或報怨但
有奄豎無君親吁嗟五人乃市人吁嗟市人有五人
濟南大明湖鐵尙書祠堂歌

華山秀削芙蓉孤下有七十二泉瀟爲濟南之內湖盛
世士女姿游眺一掬猶薦鐵尙書明禰皇孫燕飛北功
臣賢盡開藩國周公直欲攝成王聖賢自古假亂賊伯
巨先見如賈生齊黃乃被家令名正學朝端講周禮口
實猶資靖難兵白溝一戰德州陷湖水暴涌城將崩尙
書有策曰勿恐但見王頭幾落上有高帝之神靈是時
設宴水心亭杯酒已足吞北平犒慰士卒激忠義湖波
俱作蛟龍鳴自非中官漏密機安得大江飛渡趨金陵
烈火膏煎身獨掉此心不二何死生漢晉已事莫須說
王尙有子踵覆轍眞藩宸濠旋見滅生雖未成王楊功
死猶堪並方景烈所恨負恩曹國李盛庸平安力戰不

末根詩鈔卷止

三

能死削爵自殺嗟晚矣君不見異日桐城妻妾流環佩

雙雙投此水

明崇禎十二年山東左布政使桐城張忠節公妻方妾陳並投大明湖中

萊陽左忠貞公祠堂歌

君不見范倪諸公死從莊烈帝黃瞿閩粵殉唐桂成旅
會聞古中興况據高皇弓劍地萊陽左公受命行號召
陰聯天下勢天命已歸事甯濟事有不濟以死繼胡爲
同儕先攜貳此身可殺君命不可辱社稷雖亡存名義
什門入北燕詔書拜受禮責先富弼往契丹獻納二字
獨抗言更有元璠弁邵皓經比蘇武被留一一皆生還
元于文山豈違殺 盛朝遇公恩尤寬漢官亦有夢炎
輩遂令歐刀柴市不得歸黃冠子英縱遣無故土河間

教授亦良苦馬角苟生終須與鴻毛浪擲或失所何如
義取與仁成易名特許褒忠貞公鄉是時節義衆獨留
俎豆千秋馨殿寢凋殘山河改腐螢舞燕皆何在荒祠
日落靈旗寒電掣神光照東海

趙秋谷先生遺硯歌爲徐澤甫作

秋谷先生不可見秋谷二字猶能重遺硯我撫此硯重
歎獻清時遭遇何獨殊聖童負譽在髫歲一官坐罷長
江湖國初以來首壇坫新城門下爭風趨論詩獨與此
翁偕毋乃客氣中未除文章性質天所命宗派差讓阮
亭正負才縱令九州空使狂終爲一生病師友之閒惟
二馮長句亦許吳生工但幸後死稱宿老唐之李嶠將
毋同出處最契石交久笠屐相隨萬里走江煙嶺雨嵩
少雲硯苟有知應回首近來棄擲埋灰塵徐君獲之如
奇珍拂之拭之光采新銘詞入古書有神徐君作書亦
自喜執筆輒呼秋谷起硯兮硯兮汝知己

末根詩鈔卷止

三

明妃圖歌

漢時畫工死已久世上日出明妃圖我撫此圖三歎息
前後左右皆匈奴中一弱女子獨坐橐駝車橐駝高步
里無萬千昨日漢殿今日漢關出漢關非漢地風沙四
障雲如蓋苜蓿衰草亦旌旆肥赤走卒牛羊穢生吞鹿
肉蒲桃醉胡婦跨馬來入衛頭戴絨冠不挽髻別有風
姿中華異吁嗟乎君恩不可忘君命不敢違失一婢子

不足惜如何遂長邊人威武皇聲靈在天下票姚名字
何巍巍妾身一出和議定徒令後世陳絹敗紙長光輝
歲暮行

天寒日陷北風惡水上小兒赤雙腳踏冰夜得凍死魚
明日入市口尚託謀生有道非必迂農圃大聖所不如
功名富貴等一飽但免奢望無窮途萬物榮華逼歲暮
陰陽交戰乾坤孤君藏之理古如此失所安得悲一夫
君不見大梁處士性狷獨乞食無才今賣屋

大梁行

黃沙日日孤城長人言此是古大梁我之故鄉今始到
獨立四顧何蒼茫君不見長河流君不見嵩山立乾坤

天根詩鈔卷上

三

元氣結中央日夜大聲交呼吸夷門訪俠客梁園尋賦
才把酒更上禹王臺秋風高嘯雲天開今年我 皇整
初 此方才視天下盛洛陽本志策治安伊川宗派希
賢聖文章貴有真性情片語但出知生平我輩期許果
何在豈以虛名得失爲重輕大梁終恨難久住看我拂
衣海東去

論交行贈高子麗中郭子蓋卿

麗中名宅賜武進人
蓋卿名翊歷城人

天下山水江南好高子避亂渡江早不然君南我方北
安識乾坤有此老濟南郭五最少年文章意氣真無前
直與此老作抗手畏哉才大詩千篇麟鳳不作宣尼死
從此世上多才子苟非網維在君國千秋萬歲多故紙

兩君才志原有爲堪與伍者何其稀風塵滿目論交道
手酒一卮當屬誰

丁太守古劍歌

虹霓色變日月蝕霹靂震怒塵沙黑夜半恍見古精靈
天風吹聚酒杯側公也好古與神通劍乃不敢藏其鋒
荒廡朽樑有騏驥涸池溝水多蛟龍生不遇時亦已矣
苟假尺寸寧無功當世千萬橫磨鐵持此抗之鋼盡折
倚雲立呼天地心劃江頓活瘡痍血公之意氣亦視此
早出此身佐 天子神燭肝膽鬼物驚策決帷幄豺狼
死丈夫樹勳動萬年姓名豈借微物傳金石書畫玩具
耳紛紛考證如雲煙上蒐尊彝下瓦礫誰親見之三代

天根詩鈔卷上

三

前劍雖難辨固已古今爲公有誠得主天下承平罷擊
鼓長槍大戟安足數獨爾劍兮羞世伍酒闌四座看公
舞

狂歌寄王子册山

册山一字澤山名再咸溫江人

不見册山老才子眼中世界渾如狀讀君樂府十餘章
頓令心胸千載曠蜀江水碧蜀山高當年家在青天上
十獻奇書不見收此骨江湖任放浪姑蘇城外火燭天
磨盾草檄將軍帳十萬蒼生痛哭來一人卧向江頭唱
丈夫有劍不殺賊何如馬革裹尸葬酒樓往往狎優倡
解衣磅礴神何王浪游一日東海東走也提筆時相向
乾坤龍虎滿風雲差幸文壇有草荆

短歌送于册山入都

老矣英雄牛馬走三千年事日挂口忽然倒地嘔心肝
起視天下欲援手東風一夜吹行雲黃塵拉雜征途春
下馬花前但索酒醉眼看殺長安人
放懷歌觀丁桐孫畫卷

年少有懷彌大塊前古後今無其對思乘天駟超天河
迴鞭忽掣昆侖外何子撫此圖喟然發長歎二十年前
世肇亂先帝宵旰御便殿天上弓劍已秋霜四海功
名馬都汗戰場並轡馳雲龍被所思兮兩文忠謂林公胡公
老臣謀國死乃見九原不作今誰從頭上人人插貂羽
那管腥羶入中土中土羣盜大半平誰獨有心淚如雨

天根詩鈔卷上

三五

昔聞陳同甫叩闕一上書更笑灌園叟貧賤閉門胡為
乎不如放懷聊自娛寶刀名馬身與俱帶刀上馬行萬
里俯仰天地為之孤出漢關揖戍卒過燕市起狗屠公
等可以為丈夫於處公等可以為丈夫

道州行弔子貞何先生并示石來

道州之書人爭怪死後我歎真絕倫一生精力聚小技
手迴寸管如千鈞昔年越職一言事孤臣長放江湖濱
此中位置有天意淋漓瀉墨皆君恩兩楚勛名天下
冠當代書法不可無斯人蛟龍變化風雷吼陰陽開闢
萬象吞神妙所到已無主細縵太極元化根非公不能
作公字縱令世俗苦心偷貌難掩真可惜老成志業盡

流傳片紙猶生存於處去年人謗公今年公真死哭倒
嶧山老弟子

關中豪士歌送薛曉湘曉湘名瀾韓城人

一人掉頭關中去東邦海嶽屏藩開近年幕府大官起
無數咄汝青鞵布韞舊秀才來時父初死病牀妻未起
鄰翁相送返自崖勉樹勛名榮故里中原豺虎孤客行
長揖眼底無公卿此身不愛况官爵但見高歌徒步來
去天地如門庭片策功成真反掌滿世簪纓能長往黃
河一水負關上終南太華左右杖龍門劍倚千萬丈長
安豪傑汝雄長獨立西望何浩蕩
中州行贈同里趙金聲金聲名鐘

天根詩鈔卷上

三五

君不見程邵許呂下逮湯與張中州道統何其長於處
可以為吾鄉山有嵩兮水有洛清淑之氣古不薄磅礴
鬱積代毓材生非其時傷寂寞寂寞何可傷窮達自有
時達當上書經世業令四方見窮亦立身講學名待千
秋知昨遇一丈夫執手便此語叩其姓名知為中州之
奇士我亦中州人何乃不識爾半世物色滿風塵交臂
相失真可恥趙子趙子今時賢及門諸弟俱少年天地
非大我非小平生要不負其言但使天下人士皆如此
何懼西北朝暮起滅之雲煙

長安行贈陸紫珊同年并示楊君挺之舒君蘭生紫珊名慶
銜大
與人

緇塵日厚東風惡冠蓋縱橫笙歌虐憔悴斯人無地著
久聞孤旅奇氣橫長餓惟嘔血數升胯下短衣出韓信
座上狂鼓搥瀾衡丈夫有骨天終不能死風霜水火并
助寸管成時名爲我更道兩好友胸次文章今無右就
中蜀客誼更親飢與同餐渴共酒酒醉高歌市上走於
虐自古草澤多英雄失時埋沒俗眼中一言知已且難
得何況性命能與同親朋盡絕得奇遇人力反若天無
功不然父早死忠母苦節孤兒志業豈竟銷途窮我感
君言忽悲泣祿養此生獨無及匹馬何事長安入
日照丁布衣歌 布衣名良善字少山

天根詩鈔卷上

七

道是日照丁布衣人謂布衣拙我歎布衣奇解經惟宗
漢許慎下筆直逼秦李斯昔年遇賊笑不殺此僨饒有
神仙姿濟南逍遙亦偶爾何乃滿耳蒼蠅飛山風亂嘯
海水立龍虎戰鬪驕狐狸飄飄鳳皇九天表安見下界
鴟鼠與蟲雞於序泰山泗水千載無人師新廡連棟青
雲齊清泉聊汲荒城西雨晴初市買殘瓦月夜古冢尋
斷碑精神感召鬼神泣風塵真趣更有誰能知

白雲翁歌贈萊陽布衣趙鍾壽

白雲翁東海東無孫無子惟抱寸管日向天外之秋風
作書昔貌諸城體一時好者多葉公人情論古日苛刻
風塵反欲求真龍我聞貴賤原不係名位精神獨造天

無功丈夫立身苟一藝布衣宰相將無同白雲翁盍不
挾策京師中王侯愛士賓禮隆不然渡江託傭保賃春
或遇皋伯通古來餓死亦有命黃頭枉據銅山銅翁兮
翁兮手中之管破屋一落豈不高蒼穹

靜海道中大風

大風橫來車倒走沙氣噴天如中酒惡雲四垂黃無垠
白日依然午縣斗豎儒所志非詞章奮欲上書平西羌
僕夫舛睡馬長嘯北望 帝闕心茫茫

自濟南之洛陽別上元蔣紹由膠州柯敬孺鳳孫兄弟
十年交游大半盡濟南忽遇蔣與柯蔣子喜談兵雄劍
時時磨柯氏兄弟學有本名父傳經母口授以詩歌僉

天根詩鈔卷上

素

才百不逮促膝共坐猶覺胸中之氣上與青天摩青天
高高浮雲奈何安得滄海化杯酒飲之永不揚鯨波我
將歸老嵩山阿君不見右龍門左大河程邵遺書在漢
唐陳蹟多洛陽花木天下盛手鏟盡種秫與禾 朝廷
拔材日破格致身不必賢良科儒官之職本不小硜硜
斗筭遭譏訶我願三子者蘊學一大當世用毋徒著書
終歲傷蹉跎

徐敦孟畫鷹歌

白日陷江秋氣肅山風浩浩嘯大木蒼鷹欲飛秋羽翰
安知伏處非汝福貴家公子多錦鞬陽雖汝豢陰汝囚
飢飽苦附莫颺去局促反爲羣鳥羞我輩小官頗類此

那能一縱天萬里驅逐肯與狗同功來去不爲馬所使
圖僅咫尺周天寬俯仰四顧心茫然松桂摧枯百草死
狐兔縱橫盡出山

聽宣師彈琴

春雷吼空作飛雨天風吹墮老鶴語深山鳴咽細泉流
暗逐落花出幽渚早知此境非人間我欲居之年復年
平生懷抱向誰盡請聽宣師指上絃

江漢行送瀝池張景樓刑部之皖遂游楚中兼呈武昌
張廉卿監利王子壽兩先生 景樓名詠

大江忽挂亂後眼四十年前我舊產被酒南望接天遠
小孤屹立江之旁武昌上扼漢水長西連巴蜀東吳越

天根詩鈔卷上

五

天下形勢趨荆襄衡嶽清淑氣鬱積魁奇之士何厯歷
抱甕丈人操誠孤卻劍漁父誼更特誰使禰生殉鸚鵡
至今餘血碧片土赤壁日夜驚濤飛中有百萬征人灰
庾公高樓古明月白雲不隨黃鶴沒最怪司助句偶然
此後無人敢落筆秋風送雁兮木葉零橘柚垂實兮丹
桂飄馨帝子降兮君山青思騷人而不見兮蘭荃蘅芷
足相羊兮湘沅與洞庭自昔粵寇朦朧直下數千里人
民雖躪風景在一時名將楚中多益陽之功冠四海噫
嘻此行才定與古抗山川入胸作奇狀把筆抒之興亦
壯文章老輩餘幾人張與王與君其訪

光緒十四年六月二十九日夜夢題李文石公子明湖

圖得起句足成此篇

公子名葆珣義州人

十年又見濟南景展圖使我魂夢驚不知此幅是圖還
是夢但見大明湖水涓涓猶似當年青當年我卜湖上
宅湖水朝夕之所經公子清游不見我我能姑述往槩
勞君聽南坏岱麓東勺滄溟紅雲一朵北拱 皇帝京
西湖古稱天下勝不如此湖內環城城頭臺傑閣四山
開錦屏匯泉寺左鐵公右中央云是李杜亭自有天地
卽有此湖水何以李杜而外游客都無名我之同游客
最盛一時文酒真縱橫老狂杯擲鷗鷺躍少豪歌起蛟
龍醒況有畫裏蛾眉伴我讀書者記曾珊珊環佩來向
闌干憑汝采菡萏我掇浮萍浮萍前散後仍合菡萏朝

天根詩鈔卷上

四

艷暮失榮美人名士皆何往尙賸清風明月遙共天涯
三兩星昨我別湖水湖水應不平聞道鵲華山頭流民
滿翻疑鄭監非窮形胡不持此作圖獻萬里燭照原神
明年來河復大梁決隣災相視孰重輕一朝功上 天
顏喜 賞官千級 賜祿萬鍾真覺僊人可致黃金可
成河亦終古清世事遠近漫託慨游蹟今昔難忘情更
續殘夢寄公子隔簾銀漢秋痕生

賤儒行

咄咄少年落拓江湖歸坐一甌老天壤置我安用哉廣
文官卑職最重 朝廷元氣需栽培以人事君學校始
吏治經史爲之胎近來師道等市道賤儒坐受諸生哈

學俸經年議莫決一錢費盡儀秦才富家驕慳反相劫
侮弄老子如嬰孩小胥中間更狡誘肉私噉盡肋餘雞
心計雖巧不如鼠與僮口舌雖佞不如優與俳陽城胡
環不可見宣聖所云斗筭之人無乃皆吾儕我不慣此
白取困餬口無術空徘徊一身莫恤矧家室日聽婦罵
兼兒唬春秋大典崇祀事犧牲不備蘋蘩微昨徒羣廟
神豈享餘臭三日蠅滿街我欲正之權不屬所司何職
滋疑猜況當淫雨沒田舍身卧向來敗壞之冷齋嚴牆
一立古所戒夢回夜半驚山墮天以窮厄鍊吾骨陰陽
那許戕形骸君不見河水決戰場開三十年來海內多
奇災驚馬揚塵翳日月小魚跋浪騰風雷千秋大命在

天根詩鈔卷上

聖

此筆猶能傲睨一世獨吐平生骯髒慷慨之奇懷

張靜娘曲

余之初識靜娘也卽贈以詩歌彙佚僅憶起句于時掖
人林象茶爲作授詩圖同人題詠幾盈卷予集中豈可
無是詩哉今靜娘之歿忽忽十年矣足成此曲殿圖末
焉

女郎抱書坐一室怪底男兒盡投筆虎頭燕領誇封侯
蛾眉肯作鮫生匹女誠班大家樂府秦羅敷夜把漱玉
小詞背鏡讀聲聲秋入窗外之蕉梧我聞古來士之奇
不奇于玉佩與瓊瑤女之美不美于翠羽與明珠擅左
鮑之詞藻而丰韻遜負施旦之標格而才調殊秀昧一

顧足聲價何況聰明意氣絕世之所無憶我年少日萬
口唾狂奴湖山壇坫主文酒海內才子來吾徒紅顏更
得一知己畫師辛苦爲傳圖前席百拜侍講畫風塵立
許千金軀寒士快意有如此人間萬事等雲浮奈何小
別病魔始坐付韶光如流水長安下第初歸來捧心及
向郎前死妝臺鏡掩十年春玉簫何處尋前身莫歎朝
雲不同老千秋一幅卷中人

老健坡行 美前河汝陝道孝義陸公之政也

虎牢關險設自古一夫當前萬夫莫用武至今俗號老
健坡下者猶易上者苦升如天高沈若淵不見日月惟
見土蛇盤中徑狹以長互數十里力穿弩方聞頭上叱

天根詩鈔卷上

聖

牛耕旋驚腳底出人語來車遙遙不可覩驅之驅之莫
出戶雲色四霾駭雷鼓萬丈飛泉挾風雨客等浮萍一
漚聚漂入河海那得取譁天何處且安所坡巔似見屋
數椽因山作壁何其堅人有几榻馬有樞晝容潛伏宵
堪眠政之經世豈必大卽此已爲行子賴衆云此乃觀
察陸公所創爲我聞此言欲下拜不拜公拜吾 皇惟
願任公 廟堂棟與梁大廈可以蔽八荒徧平邊微崎
嶇之路成康莊

明項胥樵尙友圖歌

尙友圖者明項胥樵追憶其平生師友而圖之者也有
五老焉首董元宰宗伯次陳眉公徵君又次李罔卿魯

竹史釋秋潭末一人卽胥樵也胥樵自題圖作于壬辰時老五惟竹史尙存在。國朝順治九年殆所謂滄桑之餘與胥樵名聖謨秀水人以布衣老然則斯圖之作其寄慨者深矣今藏河南太守文煥公家出示家琪家琪爲作此歌

元明以來論書畫趙吳興後董華亭吳興遭遇微不幸天壤落落齊垂名項君華亭之弟子並友眉公與魯李論交復有稱秋潭至今猶見聚一紙圖託尙友果何爲文藝弗貴况名位是時貂璫之燄正熏天忠臣烈士立奪氣黨禍雖不附左楊潔身遠引亦吾義宗伯故是東林賢乞休再出還歸田況如徵君卒不起優游天許同

天根詩鈔卷上

聖

高年奈何運代去太速故國山河空滿目風塵獨立衣冠非傷心豈爲交游哭我憶少日尙文采開樽結社遍四海三十年間半死亡鬚眉一一眼中在恨無妙筆代傳神輒來夢底重論文出處大節但不苟安必我輩非古人後之視今今視昔平生要貴白心迹縱使才華邁等倫冀土棄之嗟可惜於虞項君項君名賢徒晚節猶託殷餓夫一時邢米皆千古愁絕當年張瑞圖

道州筆法歌追懷吾宗子貞年丈卽贈其鄉陳伯瀨滿世俗書競姿媚道州宗丈獨不然鍾王趙董等奴隸一生惟服顏平原平原忠義貫金石煌煌大節星斗懸顏籀以來書有統派雖似異終同源丈少守古文弗苟

一畫遂失。廷試元漢飛將軍有臂善射不萬戶數奇叟亦逃于媛。帝放詞臣作書聖從此江海多雲煙濟南皋比擁講舍小子髻角隨翩翩筆法三訣口親授力弱自恨弓難彎體結以方分各立鋒必先露藏乃圖况云作書須自作人始區區小技安能傳晚年攜筆向吳越興來渾灑供酒錢中興功歸鄉後進金陵雜述成詩篇丈死今已二十載寸球尺璧留人間龍蛇誰使出君手毋乃衣鉢宗同禪持之入市溷真贗隻字猶直黃金干於虜一藝之精風氣趨嚮尙如此令我獨立擲筆懷前賢丈廷試策主司擬第一以丈行太字堅不久雨歎

天根詩鈔卷上

聖

太陰氣盛銷陽和魍魅盜枋崇玄曆今年元旦逢日食五行錯逆萬象成偏頗洪範曰狂恒雨若自春徂夏何滂沱雷一鼓兮飛盡屋上瓦風一吹兮拔盡田中禾陽侯倚勢更肆虐濤來白馬直抉山峩峩下有萬里容不滿之滄海上有萬年流不竭之銀河海不能變桑島河不能洗兵戈我聞。國家以民爲根本違忍驅之策之盡化龍與鼉皇天心豈不仁愛或者羣靈百怪左右熒惑多迺登高而望遠九州八極滔滔已皆是胡爲平閭閭之表朝吐霧夕降虹晦霾譎幻爲之激浪而助波安得赤手獨捧紅日出但愁鼇柱一折亂石欲補無女媧汝南此時薪楚漂沒粒且絕縱彼千金之子溝壑填項

俄君不見長者蛇屈者蝸逃者蟻旋者螺訓狐啾啾于
惡木猓猶狺狺于曲阿鱸鮓橫行莫敢侮蝦蟇之屬亦
復相與鼓舞而婆娑迷陽荆棘莽四塞坐令蘭舟桂楫
窮不知其所過神聖不作大訓在人生有命匪由它汲
黯張湯難共任江都平津羞同科卽今豈無仁經義緯
匡時輩少壯已矣况蹉跎窮老腐儒破屋底猶能撫劍
飲酒忽爾痛哭忽高歌於序哭亦不須哭歌亦不須歌
雨兮雨兮可奈何雨兮雨兮可奈何

漢張良銅印歌

項王刳印不出袖英雄盡入沛公殼留侯亦復從自留
獻策輒悅歎天授侯家先世五相韓報仇豈不起華胄

天根詩鈔卷上

聖

奈何一奮博浪椎祖龍不中中車副大索十日匿圮橋
老父何煩孺子侯豈知少年盛氣不折不能成大勳正
如病狂須鍼灸納履便可帝王師不獨兵法書中售我
願假侯權四擊不庭窮宇宙又願乞侯書捧向大廷首
敷奏椎旣失去書亦亡何來此印爲侯壽印兮豈是侯
所珍方恨中原未靖寇三寸舌掉亦何奇論功差免伍
人獸淮陰鐘室廷尉何傑並當時獨躬脊偶然借著印
趨銷至今六國遂莫後孰代昌者無易堯御史印且付
非驟可憐漢璽擲婦人莽操遞嬗命不又吳縣中丞今
之侯好古不惜兼金購寶如拱璧什襲藏豈徒文字追
史籀於虛振古以還纍纍之印若若綬後或居上新開

舊羅蟬拜賜日以多頗有圭璋出徑竇如侯智勇果幾
人一例留遺祇銅臭

茅屋謠聽江夏吳翁語少日尋親事

翁名藩字倚琴

汝南城大多茅屋中有一翁老且禿翁早無家更喪妻
三十年來惟獨宿風狂之子昨又亡差喜尺嬰出婦腹
翁頭雖白猶如兒有母夜夜夢見之夢見母忽失虎狼
四逐風雨疾夢見母忽還烏鳥投懷明月圓萬里干戈
雜人鬼相逢一旦天幸耳不見城中血骨堆豈獨君家
有母子忠孝所恃在寸心母今墓草荒煙深胡爲客老
不歸去薄宦那足供浮沈翁少從戎大江濱樓船旗幟
高風雲中興侯伯滿眼底爭誇終賈當立勳只爲母在
身未許不然督八州封五等豈至老爲蠻語一參軍參
軍兮參軍官雖小兮名早聞挑鐙帶淚說往事使我感
傷夜不寐

天根詩鈔卷上

聖

韓將軍訓兵歌 將軍名立本懷遠人

漢有國士曰韓信隋擒虎暨宋世忠將軍毋乃是其裔
膽勇智略何相同我重將軍在文雅說禮敦詩真儒者
霜氣滿天秋月高刁斗森肅風怒號虎帳一聲令突下
星辰四動旌旗颯峩冠上坐訓大義雷霆碎磔懸波濤
識字須從忠孝始讀書要自孔孟起吾曹不能身爲衛
霍生封萬戶侯卽當矢滅匈奴爲國死兵法運用妙一
心古今不知亦徒爾子房橋下師太公元凱腹中癖左

氏不見夫出玉關標銅柱斬郅支頭傳樓蘭首歷歷彼
獨非男子方今獬狴族類滿中原莫敢誰何甯弗恥儻
不敵愾但虐民罪且無赦功安紀烏虜將軍之訓誰不
聞經生相視皆何人窮時伏几牖下殉瑩蠹貴來垂帷
輿內學釵裙縱令四海承平長槍大劍盡無用口賦競
病亦應羞殺中書君

蘇文忠公生日歌

得古字

草昧天造糝黃土衆萬歷歷祖盤古生日獨讓坡公傳
哀哉王侯將相何足數子由弟明允父師惟六一翁詎
友王介甫黃鼯秦張游其門相從況有朝雲女文章早
歲動先皇子孫宰相才親許天下大計屢力爭那恤主

天根詩鈔卷上

晁

疑執政怒既不死御史臺之狴圖又不死僂耳鬼門魘
魅禦人間歲歲度此辰君恩猶借殘年補翰林內召曾
幾時春夢遶向阿婆語死生已了患難餘遠謫反詔展
鵬羽嗟我遇蹇未聞道此心自命抱宿莽瓊池弄兵水
旱交誰使斯民賦萋楚秩微力薄好大言有似赤手張
空弩憶昔盛會開濟南故人一一角龍虎汝上豈必雋
才無漫笑參軍與主簿胡爲學舍來壽公忘卻今朝趨
官府君不見有宋山河付販賣章蔡死骨棄何所不平
子將故里存公乃直奪月旦主一紙畫象懸樓中何以
餉之首筍脯美酒在樽魚在俎少長先後拜且舞天人
儻下直眉宇

江上謠山陰戴守愚元直父子太倉陸孟子右周兄弟
南游返爲作是篇

我雖大梁人生小在江上宣城一拜謝元暉滿胸詩興
老猶王甲馬苦驅北地來歷歷顏面生塵灰就中敖遊
濟上佳青山影落明湖杯壇坫左右盡龍虎閨房一鳳
尤長眉少年之境詎不樂不分齒衰地墮惡忽聞戴陸
諸君南中還令我狂懷頓磅礴金陵昔爲豺狼窟大江
滾滾日流血干戈已定三十年至今如聞聲嗚咽黃鶴
樓呼不下長庚尾鸚鵡洲掘不起彌正平願移焦麓片
石眠千載高隱借焦先又願剪取西湖水鎮日澹妝對
西子烏虜天下萬事人生那有足瞥眼一過卽大福百

天根詩鈔卷上

晁

尺瓊樓春夢醒不及杜翁秋風屋君不見蓬萊宮闕高
于天三兩殘鴉嘯暮煙

黃刺史大梁宴客歌

刺史名璟字小宋南海人

世間富貴豈有止不如棄擲金印買酒張筵招才士大
梁盛會萬口傳誰似南海黃刺史刺史本是神仙儔風
塵一墮數千秋彈章忽到大歡喜從此不與凡夫游左
肩畫客李危峯疊嶂斗室起右翼書家鍾飛鴻舞鶴來
庭中蛟螭大壑縱所如笑視蛇蚓終溝渠冠博帶盡
桎梏脫身直上崑崙墟咄哉大梁都會人物無不有車
如雞棲馬如狗檠戟門前日奔走雨汗浹背火灼心那
得冰雪文在手不見黃刺史四座多詩人或雲表而笞

鸞鳳或地上而搏麒麟勇猛則昆陽之戰虎豹婉麗則
東山之攜履裙聲碎磕如崩雷下神怪色斑駁如金梳
出古墳海蜃浮而層樓見天葩放而寒谷春恨我下方
獨螫不得往欲施巨刃擺乾坤更不見刺史胸蟠元氣
吐吞萬象一揮毫而壓眾賓于是眾賓再拜長謝共盡
大樽刺史醉而歌眾賓皆起舞渺往古之陳迹尋吾生
之天真刺史之樂有如此一身且泡電兮而何萬戶侯
之足云

長歌寄孫京卿并示濰縣陳孝廉京卿名葆田字佩南榮成人孝廉名世昌

魚龍晝夜吞大荒江海洶風濤狂雷霆下瞰不敢擊

末根詩鈔卷上

聖

坐浴兩曜無光芒粵自草昧立人極君臣父子爲紀綱
三代漸微迄戰國干喙簧鼓爭螭蟾天生魯鄒兩野爰
著書力救斯道亡祖龍一炬典籍燼諸儒搜拾何皇皇
晉唐以降佛焰熾聖脈不絕如餼羊退之建統啟濂洛
經緯日月中天昌門戶忽分戈操室漢宋相角猶朱王
大學在道不在藝吁嗟古本誰其詳格致雖同判義利
漫以口實滋紫陽千秋禍本祖周禮以姦假聖真披猖
荆國新義踵欽莽章耶蔡耶餘波揚况今中外合一轍
後生干進遵 朝章海內豈無數耆舊一朝盡化禹與
光亂絲不斬緒莫理稗種雜植年胡康吾友孫子今明
復遺經抱讀泰岱旁一宰合肥抗奇節臯比坐擁成老

蒼大梁客遊阿弟死扶筇獨立懷故鄉東望先壟隔濰
水高踞儻接韓理堂更聞其地多英俊薪火一綫相維
匡杜鵬叫徹春光晚程符山前草正芳

重遇濰縣劉子秀孝廉汝甯獲讀其詩集夫詩雖小道
亦有守先待後之責焉追述師友感賦長歌孝廉名

昔隨園氏才恢張坐令詩教流俳倡當時崛起高密李

兄弟力以清真瘦削之筆迴瀾狂中晚唐賢圖主客誰

爲入室誰升堂同里繼作單夫子伯平薪傳吾師王萊

陽芝庭先生小子侍師年未冠頗聞緒論窺門牆交徧四海

敢忘本山東久客真故鄉左指滄江靖侯右柳子琴才

式文茂才大風郭五蓋卿齊雁行世事反覆三十載平生師

末根詩鈔卷上

辛

友多淪亡榮城孫佩南不死亦云幸天以碩果塵冰霜

陳君鳳五初識詩亦好傅君少閣佳句遙寄將學使吾

師之賢嗣爵生汝南玉尺才親量劉君試院來襄校跡

以鉅集紛琳琅義取國風音合樂詞格下間參齊梁由

來師古在神不在貌百代宗派猶瓣香近今學術尙險

怪論史別有奇肺腸窮兵括利誇漢武焚阮上欲功秦

皇著書且敢侮孔子法令安得不管商何況孫卿名更

詭直黜聖制崇殊方晉人罪猶浮桀紂橫議何似談老

莊夏交滌庵府獄紀與阮其言雖過心實傷乾坤大道

塞榛莽一小技自等秕糠嗟我衰病舊業荒每思師訓

源霑裳師友死生之誼尙相負焉能報 國恃此區區

之文章儉父但率胸臆語醜女不慣時樣妝案頭箚作
螢蠹腐奚事朝隨蠅而集溷暮逐蝶而尋芳岱之色何
蒼蒼海之水何茫茫劉君劉君寶汝風塵無價之美玉
後賢歸待名山藏

明劉忠介公海天旭日硯歌

乾坤流血龍野戰虞淵日墜滄海變有明屋社三百年
人間尙賸叢山劉公之遺硯巍巍公固道德儒濡毫吮
墨乃其餘登朝首奮擊闔豎高顧共結東林徒上書治
本談聖學小夫能不譏爲迂何況是時奸相秉政滿朝
若長夜罪督誤國更致滔滔盈華夏東方未明屬趙公
幾人曾見日輪大北都已陷南都又入歌舞春惟公草

天根詩鈔卷上

至

莽稱孤臣內黨外鎮圖報復刺客屢遣何遠巡毋乃汝
有英靈護忠義公旣絕粒殉國胡爲而獨存門入從死
或遺逸孔庶附祀俎豆新有汝澤猶留公手翼世書亦
口傳久人譜功豈讓六經直使光天之下少飛走君不
見皇州自通遼海船滉茫一氣波濤連百寶坐蠱肝膽
絕誰遑愛重古器摩貞堅我願率土臣心鑒此石一片
同捧赤日升高天

天根詩鈔卷下

封邱何家琪著

今體

有感

落日古神州茫茫天地秋醉醒在杯酒歌嘯上江樓飢
鼠空城叫孤雲曠野浮可憐心不死一片杜陵愁

中原已如此終仗出羣材力戰無今日功名半死灰孤
軍邊草盡萬騎大江來南顧憂初釋 天顏一爲開

塞外

塞外天無主男兒且一行千年誰不死萬里此長征白
草秋風勁黃沙戰骨平夜來嘶鬼馬落月漢家營

前感事

天根詩鈔卷下

聞道邊書急紛紛策馬臨須知求自試俱有報 君心

短甲秋風冷荒墩海氣陰誰爲陳曲逆出入滿黃金

王者原無戰皇天豈不仁要思根本計惟在織耕民兵

器奇千古滂工役百神向來中國患非獨失和親

憶昔

祖

宗世天威達四征近聞盟內劫反欲議銷兵密勿多謨

告 朝廷重老成奇言新進輩未可肆譏評

後感事

罪已回天變禹湯今聖人千年元氣鞏一念 帝心仁

飢溺憂同切艱難訓屢陳求言脩政本謬謬有詞臣

蓄患非朝夕何人遠鑒明禮亡容示儉獄亂每妨耕此

責首州縣普天同死生可憐鍾釜惠掠眾或爲名

萬里原同井均輸世大和功猶隆敘賞役敢當催科穀

貴爵爭賤民殘官日多爲諷憂國者妙算竟如何

萬國

萬國輸財賦東吳第一區人煙侵地狹江海坼天孤處

處煩官吏朝朝權稅租可知兵燹後民氣未全蘇

登岱

元氣陰陽互渾渾太古天何人一措手磐石五千年野

老談封禪殘碑入暮煙萬株松柏樹生意獨依然

五月朔日蝕

天根詩鈔卷下

純陽五月朔當午日中臨火德千年王神明萬國心元

精終不滅鬼物敢相侵下土驚天變應思制眾陰

吳健庵初得丞倅至自都

木葉亂山稀霜花繞轡飛相逢一握手來處是京畿昔

者君門近慙余射策非風塵滿車蓋爾志獨官微

贈薛曉湘

莽莽此中原孤行落日昏萬山石爭出亂派水流渾時

事一歎盡詩才五字存君看古幕府惟有布衣尊

讀書

讀書三代後何以位斯身諸葛真名士汾陽古大人華

夸此天地治亂有君臣當世侯封滿吾堪理釣綸

渡河

不盡英雄感臨流獨慨然往來千古迹生死萬人天白
浪驚雷走黃沙落日懸舊隄何處是形勢想當年

月夜湖上

孤月水無夜亂山天入秋十年湖海夢一權酒人舟詩
味瘦新蟹客緣深老鷗平生寥落意容易感前游

過湖寺訪許怡村

一角枕湖寺詩人樓許潭遠山雲駐榻疎柳月依門才
好名能淡交貧古易敦天涯別舊在歸思慰雞豚

北極閣雨望

閣峭插孤臺門危拓水開人煙千樹合山雨滿城來境

天根詩鈔卷下



三

絕飛仙想秋高客賦才碑陰低首過踏盡古莓苔

秋夜獨坐懷高子

雨歇亂蟲鳴樽前一卷橫中宵懷老友天地又秋聲水
驛荒蘆隱山城落木平行吟猶客路應觸昔年情

破寺聞鐘

怪雨吼蒼龍空幾樹松前朝千載事破寺一聲鐘佛
久金身壞僧無粥飯供涼螢殘殿角夜夜入飛烽

山行見殘碑

猶是河山迹人間事可哀古今惟片石風雨滿荒苔
落鳥雙下青峯樵獨來漸看成没字到此尚徘徊

夜坐有懷

千里獨游境萬山高卧人海風殘酒夜花雨異鄉春遠
道書無絕交情別總親湖亭回首處綠徧去年蘋

懷宮玉甫

夜角起邊愁人歸萬里游大風吹地轉滄海抱天流下
馬惟呼酒停舟更上樓要將腰下劍早斬月氏頭

懷關中薛大

功名戎馬易衣食故鄉難當世能歸去韓城一薛瀾關
河天下險邊塞古來寒西北高樓在浮雲帶醉看

別族人

故里居三月吾生始有家族人齊奉酒游子又登車寒
雀俱黃葉狂風走白沙昨宵圍坐處曾與話桑麻

天根詩鈔卷下



四

鹽山

駢馬鹽山下躊躇首重搔城殘猶有石地曠半無毛况
復頻年旱邊論市價高近畿天下本何以慰民勞

檢亡友童栗仲遺札

一雁過江遲春風對酒卮豈知書到口是汝命危時片
紙在天地千秋餘憤辭眼中人未死字字有英姿

送薛曉湘之蜀中

天盡大江流蒼茫古益州不須論出處行矣此奇遊賣
卜君平市籌邊李相樓七年風雨夕夢繞海山秋

春雨

大道人煙絕荒年骨肉輕妻兒生割散天地太無情夕

照各愁影長河猶哭聲今年春雨足隴上有牛耕

聞高味蓼葬里中泣然成詩

喪亂獨千古常州高布衣驚魂家久棄死骨子能歸江

水沒孤雁春山空落暉東南諸老輩松柏盡成圍

聞韓申之同年自江南赴都並慰其下第

曉雨片帆開春潮走怒雷天空孤鳥下風疾萬山回白

日一杯酒黃金何處臺胸中無得失初看大江來

雨中懷宮子行

木末亂飛葉天風滿草亭千山秋雨白萬戶海煙青侍

母真爲政臨民首慎刑比聞新治美石几愧橫經

寄懷王子捷同年

禾根詩鈔卷下

五

天遠雁孤鳴蒼然萬木平十年無一面秋水濟南城昨

向驛亭過方知詞客名京華試回首樓閣五雲生

奉郭松喬先生

少日曾聞道窮途浪逐名無成今老大真覺負先生言

念舊遊客依然湖水清圯橋重下拜敢忘授書情

贈掖縣翟式文湖上

海駕萬重山松風日閉關忽吹白雲出片影鵲湖聞客

楊漁家溷詩龕石佛頑高堂盼歸雁整翮早秋還

檢靜娘篋

總是傷心物如何著眼看留遺能有幾莫復任彫殘自

此砧聲斷誰憐客子寒病中衣手製紅氈可曾乾

答同里劉大令 曾蒙

孤隼矯風塵誰堪輩此人相逢樽酒下同產大河濱吞

吐一時傑才名千載鄰行藏雖異轍所得總清貧

讀陽湖沈星府津門惜別圖有感

一水控神州蒼茫煙雨秋地開蠻賈市天擁海門流形

勢古如此當年我舊游向來憑眺處兒女總閒愁

贈丹徒唐少秋

京口江山勝胡爲賦遠游北來風景異未免故鄉愁芳

草金陵古霜楓鐵甕秋依人成底事醉後一登樓

歲暮送星府

歲暮去何依飄零百計非才高容見忌親老未能歸雪

禾根詩鈔卷下

木

莽荒山冷天空獨鳥飛狂奴誰不識夜叩酒家扉

送金扶青歸葬桐鄉並攜弟應試

淚滿大河流先人此宦游直隨春雨浪灑上浙江舟憂

患少年幸清名天地留幾家文筆在花萼並高樓

得趙菁衫書並所著青草堂文集是夕夢菁衫至

涕泣夢中至但言時事艱中原幾人物河海總波瀾官

起憂應重民窮政在寬便看文字業雕鉢出忠肝

丙戌中秋望月憶弟並海上諸故人

兄弟怡園夜開筵數酒籌那堪一回首已度五中秋明

月猶如昔何年繼此游故交三兩在重與訴離愁

鄭州

曾是經災地行人掩淚過村稀平野大河近惡風多沙
積不成樹荒田初種禾未知牧民者生聚政如何

秋暮大風雨晨登草亭有作示沈星府方罷試京兆

萬物忽焉老蒼然秋色多孤亭莽風雨俯仰動悲歌時
勢那堪道文章將若何浮名真細事相約卧煙蘿

萬室

萬室流離日千官會合期昊天方降禍若輩正逢時土

貴金翻賤薪高地盡卑河清如可俟囊橐亦何爲

伊闕

青天忽一束何處雨峯來佛滿石餘佞碑存劫不灰龍

飛泉竅出鳥奪洞門回終古多風雨蒼茫立碧落

大根詩鈔卷下

七

送徐養齋歸揚州

一葉下高柯涼生洛浦波秋風孤櫂遠明月故鄉多骨

肉中年感交情醉後歌紅橋重過處禊事近如何

秋感

不殺自神武秋陽猶似春姑容非種久坐使我民貧權

假機難斷時危誤况頻從來天下事痛恨在因循

聞說諸助貴當年善用兵精銷餘暮氣邊靖仗威名孰

使後先盡真教悲涕并豈無孤柱在坐鎮擁旌旌

齊氏姑濟南陳氏妹京師孫氏妹平陰舍弟家珍萊陽

同日書至時有邊患悲喜交集感賦一章

四處書同至猶如聚一堂忽驚時幾易輒下淚千行大

地闕河在浮生日月忙但悲泉路裏問訊獨茫茫
遼陽州三首

直下朝鮮國唇亡齒並亡坐驚數千里不見一人當

列聖赫靈在孤城天下強千年陵寢土保障有金湯

百萬徵兵集其如不戰何微功猶見忌帥意本私利舊

部酣嬉慣新軍乞句多紛紛溝瀆死不在執干戈

何物韓邊外公然敢用兵大官備文武小賊獨忠貞驕

敵欲終卻內奸先使清徐公真妙算可惜牧州城

不信

不信彈丸地猶是大捷聞孤忠如早鑿寸土豈容分國

恥終思雪人材幾出羣津門誰仗鉞百萬久屯軍

大根詩鈔卷下

八

輓摩師 摩師卒于正月二日是夕予夢師至榻前曰

西方有淨土逾十日又夢同游古寺異哉

坐卧皆屍冢吾師獨涅槃要知成佛易還是作人難一

飯此生累孤琴何處彈夜來如覺我垂老戀微官

淨土果安在斯言豈妄傳九邊流戰血中國逼腥羶世

界空花影人心浩劫天可能真解脫不結再來緣

自我昔游雒論交情最敦相從頻闕句小坐輒開樽白

日去如水青山春在門禪房重訪處回首一聲吞

三夢摩師梳髮指手植竹樹曰吾于草木且有情也瞻

而紀之

本是頭陀相緣何髮忽生絲絲如繫俗世世不忘情萬

古山河在三春草木榮冷園落跡長尙望短筇行

古愁

駿骨駑駘役蛾眉惡女仇敢傷當世遇獨抱古時愁玉
宇瑤樓夢空山大澤秋豈徒才命左萬事總悠悠

秋雨陸耀滄書來云將重訪遲之不至

秋雲連汝洛雨撼亂山墮之子方行役前遊肯獨來衰

時徵晚節薄宦見清才坐待孤亭暮荒園滿綠苔

元夕詠古

酒半奪雄闕奇功只等閒一軍初唾手四座正酡顏自
失邊陲地今無尺寸還如何千載上苦爲賦平蠻

吳生芋僧自汴歸雜以近文寄示且以書述憂病狀慨

天根詩鈔卷下

九

然答之

久已無生路况聞衆謗傷豈圖窮博士賞汝大文章客
困親需養時危論忌狂少年身有待莫但殉名場

聞山東巡撫李公罷歸

豈是壞長城無如海角兵若教留保障反恐敗和盟時
局真危急 朝廷幾老成羯奴休便賀 聖主有權衡

感事

明誠傳聞異翻驚號令新無魚猶竭澤救火卻添薪後
進爭言事奇謀但利身中朝權孰握念此獨傷神

哭弟

正月書猶在旋驚二月亡今生兩兄弟一別廿年長痛

極反無淚病餘還自傷行將收汝骨歸葬母墳傍

遇薛仲超文學兼懷劉艮生先生

瀏陽傳學統弟子被餘風氣象皆儒者文章異俗工君

方游太室獨立在雲中隨處足吾趣休傷世路窮

重游大明湖

不死終來此其如別恨長已稀朋舊輩况失弟兄行時

節仍飛絮湖山正夕陽老鷗如識我應笑鬢毛蒼

用鄒君韻贈西華令舒敏之

提筆追斯籀何知鄧石如碑殘補素碣鼓斷續周車書

法只餘事吏才原早儲正期膏澤降不獨麥苗舒

先朝

天根詩鈔卷下

十

先朝天命武功恢累世曾傳絕域開直拓西疆三萬里
一時多少出羣材江山莽莽中原大歲月堂堂壯士哀

未死誰能料窮達獨披風雨立荒臺

詠懷古蹟二首

草堂歲月猶開寶萬里旌旗落眼前何用丈夫身許國
祇憑野老哭回天死生親見收京日今古同悲出塞篇

滿地江湖問歸路百花潭水夢無邊

浣花草堂

雲中攜到驚人句千載風流第一樓白日長安全在眼
青天蜀道獨昂頭後來狂客才誰敵生不同時我竟愁

當世騎鯨仙再返洛陽無路問糟邱

大白酒樓

野望

日陷雲昏雁叫愁關高邊圻大鵬遊十年蕭瑟樓孤旅
萬里蒼茫赴獨樓老樹雜風天暮野空山屯雨海回秋
悲聞太息者誰子更對江湖窮九州

過鵲山橋

帝闕風雲萬里開華嚴下界起樓臺閣公賓客多名士
謝傅家兒盡相才四海薦書天地大百年世事古今哀
夜深爛醉無人見唱過鵲山橋下來

感懷示高麗中郭蓋卿

中原兵馬猶征戰骨肉江湖半死生身世到今宜痛哭
文章不貴有時名感恩末路餘奇氣噉飯荒年媿力耕
俯仰乾坤惟兩子共余貧賤託交情

天根詩鈔卷下

七

寄贈王册山

朝登十萬卷書樓暮下長江千里舟此氣盡吞天下士
有時從食小諸侯一生那解起鄉思兩鬢新看多古愁
痛飲不言惟大笑眼中何處是滄洲

大學士倭文端公輓詩

每聞天上老臣謝輒哭 先皇顧命年司馬中朝真宰
相伊川重任古經筵遺章垂死心同見後輩無師道待
傳嗟我何人比遷史執鞭竊慕晏嬰賢

讀朝鮮李君藕船與王子梅先生書感賦即贈先生
畫戟龍門諸老盡江山人事久蒼茫詩魂曠託吳中早
旅食年支歷下長文舉平生滿樽酒幼安晚境一藜牀

差憐海外交情重萬里相遺書數行

書感

衰衰當時楚國材魚龍逐隊大江來十年戰伐英雄盡
萬里中原幕府開海月明珠沽口市春風殘雪雨花臺
祇今獨弔曾丞相落日鍾山無限哀

聞人述張忠武公死事

年少刃橫白玉鞞向公隻眼拔登壇死全晚節真周處
天慰忠魂斬賀蘭軍次石頭降賊出眾虛朝食唱籌難
如今吳越銷兵氣賸有萇宏血未乾

讀曾文正公集

湘陰章奏重胡公會相文章亦自雄使節命親受 先
帝邊愁天竟瘁臣躬北門管鑰 中朝望南國旌旗第
一功况有舟師遺善策精魂終古繞江東

天根詩鈔卷下

七

題汪允莊明詩選
一朝詩卷復唐風海內羣推七子功格調依稀難脫迹
交遊標榜易無終中州天地餘元氣萬古文章有至公

莫倚後來責前輩如今壇坫問誰雄
別宮玉甫
目窮弱水三千丈夢滿羅浮四百峯每見登臨多感慨
不妨詩酒慰心胸英雄氣奪桓司馬兄弟才高陸士龍

聞正東來予又去秋風儻約一相逢
上會河帥

五丈原頭大星落武鄉不見淚霑巾

謂文王公人材古說三

湘盛忠孝家傳一脈親 先帝遺憂猶有在後來任事
屬何人四方俱靖謀休置願向明公獻徒薪

初春自萊陽入都

海城酒醒日初殘襪被單車路杳漫魚覺春來冰畫縫
馬行山背雪噓寒空談文字千秋易滿世功名一飯難
有客棄繻應自笑獨懷何策向長安

哭高麗中

忽聞老友沈州喪客夢驚回咽淚流一飯艱難耕筆命
百年生死戴刀頭詩歌歷下湖山社戰伐江南草木秋
此日歸魂先壟畔莫從離亂泝前遊

天根詩鈔卷下

七

感舊

梅老菊生高味蓼當年氣誼最相親兩間能得幾知己
一歲況亡三故人交道至今書遂絕夜來入夢貌猶真
分明死別還遙望獨倚層樓大海濱

懷人詩

抱書遠自楚天歸萬卷翻餘馬正飛苦志竟成諸弟學
箋經真挾古人微洞庭湖上白雲渺不夜城邊黃葉飛
宮錦方披親不見好將交職補春暉

孫佩南榮成

亂山老樹遠江流畫幅高懸客卧遊家法真能傳一技
吾曹此亦有千秋春宵蠟淚侯門宴白日蜃樓海國憂
聊託微官豈初志十年前已薄貂裘

湯蘭生問墨

謬宜良嚴秋查先生墓

綠遍江南春草天當時詩句至今傳五陵裘馬名公子
三月煙花舊少年賸有蔡姬依白雪誰令斯立老藍田
改亭修墓千秋事搔首新碑夕照邊

時即墨令宮本昂爲建碑

紅葉

百花爛漫冷春過二月風光時幾何大造飛霜同雨露
千林落日老關河蕭疏北苑丹青筆古艷南朝子夜歌
但望吳楓莫回首朱欄江上夢痕多

陳伯還建康豪士也遇于萊陽投之以詩

扁舟夜下大江潮夢貼孤帆萬里飄戍壘星搖蕃卒劍
歌樓月碎女兒簫杯高片席無千古圖裏名山有六朝

天根詩鈔卷下

西

莫說東南花事好天涯春雨正瀟瀟

贈趙菁衫

古歷山頭乍闢居此邦相訪况如余十年重下留賓榻
一紙親勞薦士書巖谷霧深藏虎豹江湖浪闊混龍魚
吾曹出處皆斯志豈必歸田是遂初

懷趙菁衫

脫冠呼酒意縱橫散秩何如阮步兵四海勛名還賦筆
重陽登眺獨秋城霜飛歷下旋蓬影雁去淮南歇勝聲
十七年前吟社在爲君搔首媿平生

望海

天擁觚稜五色霞忽驚蜃氣幻光華百年禮樂元中土

萬國衣冠正一家自古奇才無技藝民生至寶在桑麻
河源漢使如回首豈道今乘海上查

萊陽懷古

積翠仙宮有古松丹陽墳下草茸茸千年唐宋希人物
二水姑尤是霸封海鳥大風荒郭滿梨花春露亂山濃
頗聞勝代多忠節小住斯邦亦敬恭

與上元蔣紹由同年飲酒成詩

秋風夜嘯海回波塞草初黃牧馬過斯世遭逢同不偶
大樽放飲竟如何雲高荒壘蒼鷹下木落寒沙斷雁多
側聽鼓鼙徵將帥未須倚醉獨悲歌

青州懷古

天根詩鈔卷下

五

高城屹立控天東山海提封表裏雄五夜鐸鳴前代寺
百年麥秀故王宮人煙久已寒秋雨老木猶能肖大風
盜狗鳴雞俱寂寞懷杯底問誰同

濟南旅感

長安花盡滿塵緇孤客重來濟上驕不第庸非今日福
常貧頗有故人知秋風海國揚波日貴宅園亭弄石時
獨愛大明湖畔月扁舟相照夜歸遲

青州寄舍弟萊陽

少無宦興老名虛吾道千人百不如四海同心惟弱弟
十年生計有殘書新霜白雁秋深後古驛青山酒醒初
客路那堪獨回首怡園風景近蕭疏

歸里留別趙菁衫

二十年來鷗鷺羣湖干片影各紛紛無家歸日翻如客
有數交遊況別君世命孟韓千古統天肩嵩岱兩峯雲
吾徒皓首相期事不獨平生數卷文

遇管敬伯司馬大梁

奇才一表動長安更走邊關氣鬱盤百戰餘勛付奴輩
中興大筆出衙官沙驅地轉河聲疾日射天孤塔影寒
自古中州雲物盛與君同上吹臺看

聞關中蘇曉帆談昔年撫寇事紀之以詩

四座箏琶魑魅醉萬重刀戟虎狼雄何來按劍一奇士
叱咤如飛天半虹已見降人歸部落不妨長揖卧山中
天根詩鈔卷下

六

華陰忽醒希夸夢海內頗聞論戰功

懷黎唱園

搔首問天人便驚獨行酒市走狂名虬蟬樹下空千態
鸞鶴雲中自一聲腸飽窮愁書尚咽骨餘老病筆能撐
偏予入洛詩才減懷古真慙陸士衡

遇劉南鄉先生

雲端獨立氣盤雕歸老林泉白髮飄聊答君恩培後
進曾容直諫憶先朝亂花開落春風樹大海升沈暮
夜潮卻喜青山隨杖履壯懷予亦十年銷

書懷

少年被酒氣如雲把筆常思掃萬軍時事正艱安薄宦

名心漸淡怕論文樓臺盛會新絃管山水風流舊履裙
別抱幽懷誰與說掩書鎮日對香焚

秋日遣興

長夏炎蒸鍵戶居雨中天氣入秋初蟲吟砌近添落韻
鴉宿林高補葉疏愛古苦搜荒寺碣逃名嬾答貴人書
卻憐方外交游盛相與談禪徹六如

夏日雨後郊望有感

城隅桃李管春濃杖策郊原訪古松一抹遠山絳雨畫
萬家新麥帶雲春忽思海角資軍實未免邊籌困大農
還望輸財來卜式從今闕內踵侯封

病中聞族父奉曾大母大母匿歸自廬江

天根詩鈔卷下

萃

離亂孤兒病久侵直延一息到如今徵官幸賴先人澤
歸葬方資學俸金百戰山河千里骨九原祖父昔年心
白頭長者真堪感何日親攀松柏林

病中聞蓋卿刑部殞于京邸感哭一首

鴨子灣前長綠蘋六年卽署不知春哭君直擬奔千里
此念原堪矢百神郊愈速雖今昔異范張交到死生真
湖山舊社銷沈盡扶病登臺淚滿巾

菊

菊是花中真隱逸至今相對輒思陶孤芳差幸迹能尋
濁世微嫌名太高天地無情留爾瘦風塵有酒人秋豪
從來萬品惟宜淡更許何人一字褒

秋暮作小亭

雨冷風高霜氣適茅亭獨坐正深秋塗葦十鴉憐鴛馬
芻飽千斤讓大牛才短幸逃時貴賞官貧不累子孫謀
洛中聊復容吾老碧水青山可釣遊

聞邊警追懷林文忠公

干羽虞廷曾格苗漢家兵馬困天驕老成謀國無今日
夸夏通和已四朝忽聽西邊來警報未知此變更誰招
當年大樹長城倚何事秋風苦動搖

歸冷園

夢斷蓬萊鷓鴣班冷園春盡喜初還縱無高節追東海
應免移文誚北山老我一生惟澹泊傲人五鼎只清閒

天根詩鈔卷下

萃

須思知足直吾道福命何關造物怪

送曾曉亭歸鄉應省試

夜筵酒態見縱橫冒雪平明出雒城因海無人知國士
九重待汝問蒼生劍埋塵土有真氣箇入湘沅多怨聲
好除風雲酬素志吾徒原不薄科名

遊嵩山

神物英靈古降生何人敢向此山行八方齊拱中峯影
千載猶聞萬歲聲日半滅明無曉暮雲爭吞吐自陰晴
道旁三闕摩挲處風雨飛泉石亂鳴

海上

海上風掀萬里波况聞陵寢逼蛟鼉西秦共說相張祿

南粵公然王趙佐時務蠻夸今俊傑版圖 宗祖舊山
河如何風閱金貂客日日單車出郭多

漢家

漢家使出早輪埋國事何人實厲階邊塞界難立銅柱
內廷議但棄珠厓霧消大野思黃帝石補高天仰女媧
鴨綠江南遼水北試望氣接五陵佳

于今

先皇憲典昔嚴森萬事于今積弊深有藥難醫恒弱病
無人不抱濟私心爰書滴滴冤民血宦囊煌煌大帑金
果使天威清內患外方小醜敢相侵

讀薛娘月痕詞凄然有作

天根詩鈔卷下

九

夙締仙緣夢綠華清如秋水艷如霞夜會描影潛來月
春輒銷魂不爲花杜宇枝頭今化血鴛鴦湖上舊浮家
那堪斷句飄零處似見蕉窓映碧紗

春初送豐仲虎之閒封弁追懷黎喟園

濁泥如漆汨夸門絃管繁華車馬喧久客焉知非故土
春風猶識舊王孫黃河白日荒隄在斷石叢蒿廢苑存
莫歎此邦風雅歇把樽先酌喟園魂

冬雪聞孫佩南訪弟祥符有傳其將膺薦起官者余不
信也作詩白之

海雲遠盪大河黃雪帶荒沙蝕日光泥滓當途遑辱腳
風波如此敢褰裳危時正賴中流立直節難逃一字狂

自有吾徒千古在世人未許料行藏
雪後憶弟海上

昨朝大雪忽新晴直覺寒從心上生內地已驚皆敵國
邊防尙自壞長城海連近甸無鷹隼春入殘年盼雁聲
不見弟書今五月隨風吹寄淚縱橫

謁朱仙鎮岳祠

當時誰有安邊策一哭何妨向岳王國誤權臣原自昔
死餘遺恨在殘疆兩宮魂魄終沙漠半壁山河幾夕陽
底事金元同覆轍祠堂瞻拜獨輝光

六經

四夸學貴兼充國三策文誰似仲舒變法要須籌盡善
天根詩鈔卷下

十

得才漫使不如初士爭一技棘猴巧賈重千金構机書
從此六經無用處可堪重憶火秦餘
人有言陽湖沈星府客死者詩以哀之

血涌江流骨作堆隻身奉母此中來乘時所養多勛爵
無命文章亦死灰第卅年猶策蹇罵驚四座自傾杯
秋風秋雨長安道從此應無狂秀才

雪中寄吳生芋僧汭州

奮擊蒼頭起一軍雖然戰北氣空羣士窮那有逢時技
年少能爲放膽文師曠臺高河正急梁王苑廢雪猶紛
愛才誰似徐曹縣曾把韓蘇助到君

汝南逢鄒文本

常州朋舊彫零盡與子初逢便慨然才調宜隨諸老後
騷壇怕憶廿年前斷橋柳短荒隄境破屋苔深久雨天
差喜城南一灣水猶堪攜酒買漁船

病中感懷

萬事人間久不任况當老病日侵尋平時最恥千時策
垂死難忘報國心容有王頭爭斷壘更無馬骨直千金
余魂試問招何處歷下亭邊春水深

汝南學齋事

汝流一綫接江東邵少春山似洛中餅雜豆糜疑馬料
家園屋小抵牛宮本無師道人誰重豈有開官老不窮
稍喜荒園三二畝酒堪種菜託英雄

天根詩鈔卷下

光緒二十四年八月十一日都城紀事

妙齡玉面幾書生一旦同歸亦自驚豈必初心甘黨逆
偶緣異學微奇名大魚久飽鉤翻脫狡兔潛逃窟早成
家國與人況骨肉鴻毛死果爲誰輕

獨卧

獨卧江湖氣不馴久孤志節敢言貧官如雞肋真無肉
老去猪肝尙累人濁酒殘編千古席雜花浪絮一年春
夜來異夢誰能信泣捧封章奏 紫宸

感事贈鄭介亭少尉

拔劍當筵一放歌此才此世便如何官場眾口公評少
天下奇男血性多鷹隼橫飛亦鴟鳥蛟龍鼯睡柰龍鼯

子真巖谷今安在擬相從結薜蘿

光緒二十四年十二月十九日同人壽蘇文忠公于汝
南學齋分韻賦詩合刊一紙感成長句

蘇蘇生日今仍讌宋畢而還此會稀風雨江山千古是
壺觴賓主一時非吾徒未必無才子 盛世曾聞重布
衣漫把小詩浪傳播有人感遇淚頻揮

蘇文忠公生日用去歲鄒文木松字韻寄文木

一歲一瞻圖裏容如公真是後彫松生經萬劫仍磨礪
知到九泉有蟄龍異代邊氛終未見中朝黨禍昔曾逢
幾時同拜人猶散獨薦寒齋酒滿鍾

人有傳天津陷者追憶舊遊風景之盛不覺淒然

末根詩鈔卷下

燕南塵土搏車騎春色津門忽撲眸尺五雲煙藏 帝

關萬家楊柳盡揚州廿年久向江湖老三輔難忘少壯
遊管鑰無人流水夜斷腸七十二沽頭
七月都門紀事

紫城月落漏聲催西望居庸四扇開炬赫大官都扈
蹕流離小戶總成灰 九重宮殿銀鑲冷三晉雲山
翠輦來自古秦中天下儉守關亦仗出羣材

秋柳

靈和殿裏柳初殘秦隴西巡路更難故事三朝今又見
小臣老淚怕重彈玉關雁影因風遠 紫苑蟬聲入夜
寒愁絕六宮回首處一輪月冷舊長安

秋感

秋入高天炎尚蒸悠悠滿耳繞飛蠅時危真覺無生好
病人能教老境增兵火日邊多殺氣笙歌江左自華鎧
諸君漫作新亭泣 九廟神靈正式憑

逢鄒文本

纔喜歸來便哭親年年應悔客風塵一家聚首無多日
四海憐才有幾人絲竹月明孤館夜松楸露冷異鄉春
豈知五十老遊子今尙因君淚滿巾

感都門近事

日光慘淡野風霾東市朝衣一旦皆黨禍安知無孟博
罪名誰敢問王涯同拌碧血魂何感但有青山骨可埋

天根詩鈔卷下

好化冤魂隨望帝哀鳴行子淚應揮

寄孫佩南京卿

太白星精畫吐鋒北望遙想涕霑胸危時方識疾風草
晚節要爲寒歲松琨玉秋霜真烈士泰山高密古儒宗
吾鄉舊近蘇門任不慕公和慕夏峯

題汪孟平西征草

不圖七十支離變風雪猶能千里行久把榮華讓流輩
聊將老健慰平生杯常有酒天真樂人到無官夢亦清
聞說山中妻子在好期偕隱飯青精

順天榜放賀鄒文本崑崙寄金氏兄弟秋蕭諸君

九重特詔開科日四海英流獻策時遊子名成親不見

少年才好妾能知明珠耀目千金價萬馬垂頭一顧奇

尙有方干羅隱輩秋風涕向信陵祠

時借閣河南

歲暮感舊並贈濰縣陳鳳五孝廉

交游歷歷徧東海老始識君懷抱開祭酒儒推齊魯席
訪碑字拾漢秦灰故山社已沒芳草荒驛春遲舒野梅
獨羨盛年富文藻 明廷待策濟時才

哭長兒德葆

顛狂已分成貞疾九粒誰教促此生縱乏蜚聲雞鳳望
能無舐犢老牛情兩行花燭真如夢一命簪纓枉繫榮
地下若逢兒大母爲言余鬢雪絲盈

王尊生學使臨試汝甯樽酒相招詩以志謝

天根詩鈔卷下

乘輅星使出長安月旦橋邊眾旌觀師表人倫從古重

艱危時局得才難傳成先德情詞痛交敘窮官禮數寬
最是兩行紅燭夜卻談風雪共征鞏

題鄒文本孝廉繁臺秋影圖

秋赴繁臺天宇空銷魂影尙舊游同柳疏遠岸千行碧
人倚雕闌一抹紅清艷夢猶傳畫本登臨涕易下英雄
如何歷歷中原事盡付河流日夜東

讀爵生學使家傳感賦即題其後

百鳥爭喧講舍新獨談孝友有斯人誠能格處何生死
交到真時泣鬼神荒海水霜千古恨高天雨露九原春
開編第一傷心者老病窮儒無告民

奉蔣丈著生書答詩一章

浮雲滿眼瞥旗旌杖履何人訪老成有子方為真御史
與兄同邁古耆英風塵志遂東山卧天壤文垂北斗名
一角明湖高隱處閒鷗來話白頭盟

追弔二祭酒

少年酒市始相見三北名場文自奇才士立身終大節

兒曹俗眼豈能知 翠華兩度蒙塵日秋并全家報

國時癡絕一生金石癖可從水底得殘碑 王蓮生

宗臣劉向抱深憂好客平原公子儔一疏直言抗藩邸

萬間賜第主名流簪抽早歲才終老書著危時死未休

掌故先朝苦搜輯滿風雨茂陵秋 盛伯義

天根詩鈔卷下



誦

讀平度白澄泉 永修 明經曠廬詩知其同社如董蔚堂

孫康侯光甫翟君素月樵郭蓉汀尙屏臣諸君名若劉

子秀則余舊識傳少隅則介陳鳳五以詩通訊者也

山左論交三十載坐歎我竟此君遺更聞後出詩才盛

益觸當年故舊思萬里邊城鼓日一年韶景雨風時

不孤翟九死生誼 謂式 尚有湖干鷗鳥知

古渡

孤客立磯頭日暮秋風起四望無人煙茫茫一片水

曉發

荒店一夕寒喔喔雞聲起殘夢繞鞭飛月明三十里

過鮑山

奇才貧賤有世道古來難何處尋知己孤鞭過鮑山
過肥城黃崖山二首

今日楓樹林昔日桃源宅何處白蓮開恐有沈經歷

未盡谷陰血已無過客嗟春風吹不到自化滿崖花 前

明錄之非實此言
昭雪之無日也

夜雨

積溼生百蟲向午響未歇不知夜雨過滿徑秋落沒

山行

上山方作雲下山已成霧出入一峯間變化不知處

周口歸塗作

去日桃李林來日風雨樹惆悵路旁人一年春又暮

天根詩鈔卷下



美

冷園雜興二首

屋一二椽幽潔石三五塊嶙峋此中大可老我用世自

有其人

無古無今明月獨來獨往清風飲酒逃名元亮著書多

事揚雄

論詩絕句

十九首祧三百篇性情聲律儻同傳後來樂府紛紛唱

但解標題絕可憐

建安風骨只陳思餘子浮葩那足師太白偶然追大雅

仙才曠代豈人為

元亮胸襟高萬古少陵悲感激當時不知詞賦成何用

終愛香山諷諭詩

蘇黃而後更元虞漫道唐亡詩派殊獨讓劍南忠憤性
中原到死肯忘無

開國青田早啖名後先七子各爭盟亭林豈以詩鳴者
古質真堪殿有明啖名一作奮聲

盛朝文人逸事詩

劉謝高風不可尋徘徊東閣獨沈吟當時賴有斯人在
一片先皇碩命心李文正

痛哭廷階上諫章君恩貫死老投荒插花傅粉歌鬟繞
一曲彈詞淚萬行楊用修

天上浮雲白日昏楊家代疏早聲吞父冤哭訴君終許
禾根詩鈔卷下

萬樹松楸盡拜恩王元美

舊社盟寒句不磨竹枝老費美人歌獨能生救一奇士
千古沅湘哀怨多謝四溟

帷蓋恩全故舊臣一書手上淚霑巾生前苦諫誰能省
我惜江陵失此人于文定

狂獄中宵苦孰知藥漿欲盡有餘悲千秋忠孝孤兒恨
祇付餘姚一鉄椎魏子敬餘姚謂黃黎洲也

落日河山拌此身何因女弟附風塵絕憐鄒顛傾城色
卻重陳黃一輩人陳忠裕明使柳如是嘗自稱女弟子于公而苦其嚴正漳浦黃忠端亦有鄒顛氏事于此

天授孤兒綺歲才死從君父志甯灰子山一賦江南後

莫更人間讀大哀夏存吾

墨灑妖姬歌舞場蠻娘幕下艷文章歸來背負孤琴死
南海茫茫古月涼鄭湛若

荒山啼盡杜鵑春中夜曾聞拜野臣風雨諸陵寒食路
一盂麥飯更無人顧亭林

昭代文人逸事詩

寒霜烈婦表高秋免洗諸囚淮海流誰共詩人千古在
梅花明月舊揚州王文簡

漢家鼂賈久無人對策明廷孰直陳魁選吳中甲天
下慕廬而外只章民馬章民

蠻荒風物早圖形宸翰遺頒肅典型常使琉球傳勝
禾根詩鈔卷下

蹟皇華一代卻金亭汪舟次

奇博當時共不如布衣異數拜彤除高風真動韓公
歎七品官歸飽讀書朱錫鬯

下拜吳中孝子師詩人荒冢賴維持少年袖底籌南論
別有傷心世未知計改亭

一甲親標龍翰飛名傳文苑素心違擲杯竟憚豪奴
氣誰表當年狂布衣姜西溟

拳帷講學歛霑衣溫厚風詩近已稀落日宣城山色裏
不應仍弔謝元暉施愚山

萬里西行葬故人荷戈救死批龍鱗還朝御歷旌遺
疏聖代從來重直臣洪北江

獨援奇獄過江行海內于今走義聲京洛交游生死際

君看歸骨有桐城張亨甫桐城姚石甫也

聖武輝煌載筆新近年戰蹟接麒麟圖傳海國知何意

我亦 中朝積感民魏默深

江南曲

江南江北春奈何花花月月得春多絕憐百戰干戈後

重聽四時子夜歌

十里一闕五里橋船來船去暮還朝江邊新發穆穆柳

折盡千條復萬條

海天萬里浪如山疾鳥飛過半日間自有西船商婦喜

送即纔去見即還

宋根詩鈔卷下

七

望遠曲

翠樓西望路悠悠萬里烽煙未見收忽送紅旗飛騎過

道儂夫婿已封侯

涼州曲

隴水東西鳴咽流榆關月帶漢宮秋不須更照陰山雪

昨夜征人已白頭

送薛曉湘歸關中

太行西上接黃河淚滿風塵野客歌短劍獨來還獨往

不知天地有干戈

秋望

西風吹老不羈才予亦飄零酒一杯醉卧城頭下白日

漫天秋色萬山來

懷方小東江南

金門昨見使君驂椽筆淋漓帶酒酣得失一官輕似葉

滿船書畫下江南

春日郭蓋卿至濟上

春風吹出海中峯雲氣東來客夢龍十萬樹花一杯酒

幾人天地說心胸

視王子梅先生病

中原草莽起英雄誰肯江湖問病翁惟有蘆花灘上雁

年年相伴哭秋風

書吳梅村集聽女道士卜玉京彈琴歌後

宋根詩鈔卷下

三

渺渺空山入道身瑤琴一曲悔風塵那堪被詔金門日

重遇前朝女逸民

秋望思高子

荒山臺畔雁呼羣大地西風吹白雲瘦日霾天秋色眼

茫茫江海我思君

遙弔唐處士棣青州

少不高科老不侯江湖鐵笛日橫秋忽吹天外孤雲落

千載青州處士樓

夸門晚眺

元氣兩間中嶽在秋聲萬里大河來獨看落日下荒塔

更逐浮雲登古臺

東昌郡

大河橫絕東昌郡寶馬鈿車截渡來誰識風塵天下士
行人苦問射書臺

維縣弔郭靖侯

海上詩人郭靖侯一官落拓死蘇州我來不見墳何處

白草蕭蕭澠水流

萊陽弔姜貞毅

龍馭當年未賜環孤臣合死敬亭山故鄉土有先人骨

風雨忠魂儻一還

秋獵

秋原落日亂山圍孤兔縱橫草正肥多少健兒回首處

天根詩鈔卷下

九天雲外一鷹飛

閨思

玳瑁梁閒燕夢醒征車正過短長亭含愁盡日樓頭望

二月春寒初未青

憶江上舊游三絕句

浮山雨過滿蒼苔七十二峯花並開猶記大觀亭上坐

長江萬里卷天來

敬亭斜帶暮雲橫謝朓樓頭夕照明少小舊居忘不得

青山夜夜夢宣城

牛渚煙藏江上峯錦袍采石派仙踪孤舟夜泊蕪湖岸

卧聽霜楓月下鐘

濟上

濟上浮家廿載曾績麻課讀夢難徵絕憐風雨秋窗裏
寡母孤兒共一鏡

夸門

大梁興廢古難論日下黃河沙石渾獨歎信陵今不見

蹇驢細雨出夸門

濟南懷古詩

蓮子湖頭弔鐵公誰知俎豆有雙忠更憐參政無祠廟

寂寞樓臺煙雨中

接跡三公眾共知文章節義況人歸荒祠秋水斜陽外

零落門前一石獅

天根詩鈔卷下

布政祠堂塵障遮相將環佩水為家夜深月到湖心處

照見連枝雙藕花

明左布政張秉文死難妻方妾陳同投大明湖中

訪二十四泉草堂

邊李壇高滿賞音隱居秋史亦孤吟著書人去才名在

千載蕭蕭黃葉林

題冷玉短歌後

天下誰知冷玉名短歌一賦想平生如聞明月殘霜夜

十萬邊城鼓角聲

感舊詩

總角紅絨始拜師國風朝授暮唐詩一株窗外海棠樹

曾否花開似舊時

唐子翰先生

白髮忽登江上船
倥傯戎馬早歸田
孤兒長大東來日
忍憶麻衣拜別年

趙夢亭先生

四壁秋山滿畫圖
敗紈殘墨抵明珠
奇貧嗜古直如命
可有蘭亭殉葬無

楊旭齋先生

秋風帷罩一鏡昏
落葉聲乾拌酒樽
況是槐花黃盡後
長安千里爲招魂

徐壽臣先生

宦海魚龍一旦空
仲弓孝友幾人同
直言親戒通家子
二十年前老畫風

陳栗堂文

書齋樹下夜香焚
兒許髫年志不羣
南海骨歸囊似水
祇餘唐宋八家文

陳幼存文

西秦罷尉客江鄉
老病猶登翰墨場
親見案頭翹足立
天根詩鈔卷下

三

日臨細字十三行
祖舅呂雲生先生跋
病一足而臨古帖不能
游子天涯淚萬行
外家零落劇堪傷
十年寸草春暉盡

唐少桐舅氏

追悼何心誦渭陽
河上有懷李公故中丞德

草笠蹇驢袖大椎
賊奔千里渡河追
夜來十萬騎窺岸
大樹森森危坐時

山東二典史詩

百萬雄師議戰難
守臣無恙歎城殘
冀隴能踵江陰節
典史 皇家一命官

冀良若翟菊坪同殉 咸豐四年粵寇難

弔二友詩
下第歸來酒尚醺
百年人事總如雲
錢唐江上青山土

數尺新添烈婦魂
朱越樵妻許殉節

二十年來志盡違
故鄉已返更何歸
蘇州城外山花滿
胡蝶雙雙家上飛

童栗仲聘妻徐同歲死

懷兩司馬詩

天地蒼茫有古今
偶拈老筆一霑襟
千秋誰配斯人集
賈誼新書蘇志林

河間紀晦菴曠迴

日下丹青有重名
江南亂後託餘生
不圖黃鶴山樵外
七百年中兩叔明

常州汪叔明助

三公本事詩有序
長洲沈文愨公老而不遇
館于木瀆主人婢與比舍紡

績申旦日聽沈老相公讀詩聲
令人忘倦也主人遂歸
天根詩鈔卷下

三

公桐城方恪敏公少以祖父戍塞外
歲往來營菽水嘗日不食清涼寺僧
中州厚待之湘陰李文恭公未第時
游蜀不能歸訪同里友于曲巷一伎
陰出金餽焉後公來典試伎失所在
噫彼皆何如者能識非常人于塵埃
中而或且不望報賢矣

晚歲文章耀上台
天恩人望共崔嵬
誰知江上青衣女
早識孤吟老秀才

邊壘風雲達九重
至今海內艷奇逢
省親萬里孤行日
幾聽清涼寺裏鐘

臂金偶脫付王孫
俠女何心望報恩
使節西來人遂杳
桃花紅過舊樓門

聞二等恪靖伯大學士左公一等威毅伯曾公以疾乞假

中夏盟書初定日舊臣鬢髮漸衰年卧龍司馬平生學肯向湘江望暮煙

幽居

梧影當窗竹繞廬古琴破硯共幽居近來世事都看慣不著韓非孤憤書

追悼嚴秋查先生

年年芳草入春生烽火江南老淚橫悵絕萊陽新柳可手書遠寄小門生

秋晴

天根詩鈔卷下

三

雨歇秋雲薄似羅白蘋風起水成波可憐一片斜陽影總在寒鴉飛處多

遇前合肥令孫佩南洛陽

投幘江流首不回天教歸老箸書才洛陽兩過無人識獨拜董公祠下來祠祀漢洛陽令董宣

懷陳濟蒼濟南

名滿京師但碎琴湖山如畫一開襟樽前莫話朝鮮事措大頭顱五百金

讀張魏公傳

朝廷倚任比長城大計豈容鹵莽成千古勛臣同一歎但將名器作人情

玉貌

玉貌曾矜並世無眉痕苦向鏡中摹年來漸覺羞塗抹賸粉殘膏付小姑

趙菁衫按察山東遠貽書問追感今昔並憶舊交

青草春開箸作堂銷魂筆投自漁洋近來詩境應何似萬里霜天一鵲翔

秋老江淮紅樹林邗溝吳會總題襟它年更著歸田錄猶是南游往日心

送胡大令餞蘭州

黃河西上曉關開山近皋蘭憶將才十萬征人射雕處中原天使犒軍來

天根詩鈔卷下

三

讀明史鄭和傳有感

天威萬里一朝陽俘獻曾聞中國強自此海濱多大舶鄭和通使下西洋

詠叔孫通

野外儀成殿上驚求官縣最苦餘榮可知未肯同行者尙有當時魯兩生

詠柳渾

將相何爲昧敵情書生料事卻分明戎夸自古無真信不見平涼結贊盟

詠種放

天上徵書去復還高風常在白雲間肯忘阿母殷勤戒

惜汝當年一出山

送客歸登州

朝來送客向登州欲寄家書萬淚流自洛達河河達海

隨波並下海東頭達海一作遠濟

苦憶

人事平生萬念空只餘骨肉寸心中正聞鼙鼓邊關動

妹在京華弟海東

送秦客出塞

朝房尸諫王文恪 陵寢魂依吳柳塘不媿秦中鄉後

進肯拌一死向沙場

聞孫佩南蒙薦京卿銜寄贈

天根詩鈔卷下

五

清風江上昨來歸海內爭傳孫合肥官職聲名盡何用

約君同采故山薇

歲暮送人歸江西

寒林葉盡曉烏嘯天卷浮雲傍暮低人事無憑歸總好

孤舟風雪大江西

旅順

沙擲金錢星布營防軍見說甲兵精可憐水底魚雷滿

到此何曾聞一聲

老柳

老柳年年風雨交春煙低護月籠稍不知新發枝多少

盡被烏鴉銜作巢

朝鮮

海卷琉球入暮濤越南風雨沒蓬蒿中朝又失朝鮮界

不見當年劉大刀

聖明

干政刑餘 詔立除 聖明戒鑒履霜初殿前不少簪

纓輩終讓貂璫一上書

露臺

秦代阿房一炬灰陳樓隋苑總塵埃漢文皇帝承平世

獨念民生罷露臺

書十六國春秋後

諸王朝內太阿持遂啟羣胡擾亂資于古人生難處世

天根詩鈔卷下

五

中原瓦裂土崩時

感南宋

朝局先爭一著棋兵家和戰費因時韓公頭斷函金日

笑殺當年秦太師

中秋有感

海上離居二十年况經骨肉隔人天可堪重憶怡園夜

兄弟銜樽對月圓

八月下旬有白氣亘天起東北至東南紀之

素練東拖銀漢流天心似寫 廟堂憂無端一映橫磨

劍劃斷燕雲十六州

自題紀黃崖文後

陰谷春來血不乾
年年花鳥總無歡
挑燈夜紀黃厓獄
多少冤魂泣筆端

輯湖社文錄題詞

江湖浩蕩獨游身
田里歸來二十春
自顧何如李元禮
平生師友有荀陳

詩 味
文 吾
存 廬

四明張氏約園開雕

序

國家取士多途在真徹其真意自唐以降不由進士者謂之白衣公卿士類之重可知也清沿明制科舉相仍薦於鄉試於禮部然後用於朝迴翔十餘年資既深而望始重然後顯其位得之若斯之難也而說者曰求人於詩賦經義所得幾何況復限之以資格材真能將何以奮焉嗚呼有清一代循良之吏骨鯁之臣捍疆圉平大難者出於科舉多矣若以資格言資格又何能限人才名曰資格而巧取豪奪者亦眾豈尙得謂資格

味香廬稿

二四明叢書 約圖刊本

用人乎吾師江亭美先生文學著於時年十七為弟子員二十八中副車三十一舉於鄉三十九成進士官刑部主事五十五選授江西永新縣知縣五十六蒞任五十七調省五十八以疾卒於家余悲先生之遇而歎國家之待士何薄也夫一舉再舉始成通士積歲月日閱二十二年自通籍以至改外又歷十六年以天子之命吏十月繳憑到省至次年八月始檄赴任晚清疆吏之權威已可概見履任甫十月廉循之吏遽奪與異己之口此誠何說也雖然為吏以長子孫吾知非先生之志

久矣先生忠厚君子也天將厚報之放假於異己之口而使去之速而先生卒能順天之意浩然而歸如棄敝

屣曾不依違其間非所謂積仁潔行者耶味吾廬者先生取莊子故吾新吾之說而亦陶淵明吾亦愛吾廬意也今讀其僅存之詩文寥寥五十六篇首以集陶詩而先生生平之志見矣有清之變莫大於甲午莫甚於庚子甲午之變先生居京庚子之變則在母喪之中王寅服闋適在拳亂之後與王友萊侍讀往反酬唱借足痛之什至十疊其韻不特抒寫衷腸而工部忠愛於斯寓

味香廬稿

二四明叢書 約圖刊本

焉當是時也重關大啓滿目凋殘感薄俸之間曹勛兒輩以敦儉旅懷棖觸皆寄於詩晚友之章尤不苟作若論其文則祭葬趙太夫人二篇不啻永叔之表瀧岡也憶先君子之沒包蕉舫先生輓之曰二十年拙宦沈淪而先生更與以詩今衡先生之出處實有同於先君子者特先君子未屈於疆吏耳蓋先生年三十九始通籍而先君子之通籍年亦三十七矣先生之沒年五十八而先君子捐館年僅五十六也天之厄之者豈異也然先君子之著述如困學紀聞補注寸草廬奏稿及小謨

觴館文集注與編輯之寸草廬贈言雖以壽鏞之不自
已次第刊之而先生所僅存之詩文伯子覺齋獨能蒐
輯殘牘彙爲二卷更輯贈言及僉載爲一卷使壽鏞得
以編次警校縱區區者不足盡先生之學問而真性情
流露於字裏行間者已於是得之然則厄於此而伸於
彼者壽鏞與覺齋益當交勉矣壽鏞既草家傳固知無
當於萬一今更序之如此以誌感焉時民國三十三年
七月弟子張壽鏞

味香廬稿序

三四明叢書
約圖刊本

味吾廬稿卷首

長男江義修恭編

鄞縣通志人物編仕績傳

江仁徵字定甫光緒十六年進士官刑部十餘載自請改知縣授江西永新永新號稱難治仁徵一以誠接之民感其仁恕相勸為善邑之某鄉俗悍常抗糧不輸官吏憚之莫敢督催惟仁徵任中先時輸納或問仁徵曰君何治而得民若是仁徵曰生平頗記大學所言心誠求之雖不中不遠竊有志焉乃不自意而為吾民所諒

味吾廬稿

卷首

一四明叢書

約園刊本

實無他術也仁徵在官僅十閱月為忌者所傷而去民爭籲留不得後至者訖不為民悅及祥符馮汝駸撫贛察其枉檄仁徵回永新任仁徵以病辭永新民間之率來私請仁徵慨然曰民易親事上不易也卒不赴時江西學界刊發雜誌歷警省縣官吏不少假借獨於仁徵稱為溫厚循良清廉公正賴紳贊元亦曰江公誠篤君子也在官無異人之政而民安之殆古所謂仁恕之吏歟季子義均字韻琴京師大學師範科畢業曾被選浙江省議員家貧守正會有賄賣參選者嚴詞絕之卒

困曠以終

江亭美先生家傳

張壽鏞

江亭美先生既沒之三十六年其子義修編先生所著味吾廬詩文牘稿示壽鏞又取生前贈言及沒時輓什彙為一卷屬為整齊且曰君知吾父最深乞一言為家傳俾與鄞通志傳並存壽鏞受命逡巡自維謙陋未報師恩雖義修不言猶當勉為之願未能得其萬一耳嘗憶先君子詔小子曰先生敦篤君子也實少余七歲聯之以文酒劇之以道義更使汝兄弟師事之師其人非

味吾廬稿

卷首

一四明叢書

約園刊本

僅師其文也是知先生莫如先君子矣歲庚子先君子捐館先生哭以詩讀辛苦文章難造命消磨貧病易傷生句知先君子者又莫先生若及今思之不啻先生自道矣壽鏞何足以知先生而先生之真性情固自有可傳者在爰述其概先生姓江氏諱仁徵字定甫一字亭美號懲葺浙江鄞縣人也江氏系出皖江宋宣和開始祖少虞公以宣教郎知定海縣即今鎮海未及考績而卒葬於邑之白鶴山子孫遂家焉故曰白鶴山江氏又曰江家山循山而西曰靈巖鄉聚族而居不下七百家

清初十五世祖文公始遷郡城和義門至二十世是謂
企濂先生卽先生之考也妣趙氏封贈如先生官生二
子先生居長贈公以居積起家有潛德衣食靡可給先
生自少靈敏好讀書性復慈祥愷悌外和而內介作事
有恆日之所行夜則筆之積成巨帙願遇事有不安於
心者往往以驚直出之故不諧於俗而以齟齬終先生
身材短小弱不勝衣然趨義則不後人爲文以清真雅
正爲宗戊辰年十七爲弟子員有聲庠序辛未遭贈公
喪而趙太夫人積哀成疾幾殆先生於苦中延醫嘗

味香廬稿

卷首

三四明叢書

約園刊本

藥調治萬方露禱中庭願以身代真誠所感幸得無恙
然自是公私叢集於一人先生雖復跌宕文史不以境
遇豐嗇爲憂而甘旨之奉惟恃脯脩指授生徒根柢經
史作文尤重義法先後受其學者皆掇科第各盡其材
己卯中副榜壬午領鄉薦庚寅成進士觀政刑部假歸
省母壬辰秋復入京供職明年壽鏞偕弟壽鏞始受業
焉甲午中東事起朝臣無離京者先生日則趨部以其
餘暇與友朋相酬唱且刻香聯句爲消寒集陳雪樵比
部康瑞馮時香孝廉毓華童柘騰廣文廣年與先生四

不啻乾隆閒四明李謝鄭萬四友焉而詩格清高以先
生爲最今其詩可稽也明年馬關約定先生遂歸養母
居鄉之日掌教鎮海觀瀾書院三年得士尤盛而子弟
多自課與弟仁綸相友愛然督之嚴與諸子等以是皆
成名己亥四月趙太夫人卒壽鏞往弔之哭泣之哀有
逾孺子先生則年已四十有八矣壬寅服闋入京時拳
禍之餘瘡痍滿目旅懷悵觸又皆寄於詩鎮海王友萊
侍讀榮商容膝軒詩集中與先生唱和之作尤多先生
四疊韻詩所謂今我憩京塵蜩曲如伏蝻鬪捷愧未能

味香廬稿

卷首

四四明叢書

約園刊本

索居亦所恐者紀實也蓋迴翔郎署者非白首未得選
除且適有王侍御祖同者奏請令六部候補司員回籍
不扣資俸屆補缺再傳到部議雖未決而汰官之說起
矣先生自遭甲申家業中圯子女累重京曹薄俸杯水
車薪雖布衣菜飯素重節儉又復天懷沖澹實無以支
撐遂決請改外丙午選授江西永新縣知縣壽鏞適以
輸漕入都與先生朝夕相見一日酒微醉謂壽鏞曰子
知我能爲吏者乎今天下號爲能吏者供奔走聽使命
我能之乎趨利避害我能之乎不顧良心不怕輿論我

能之乎知其不能而爲之鮮不敗矣壽鏞因慰之曰事
盡在我而已不在我者可聽也自古循吏皆出書生先
生既領之而鬱抑之懷形於顏色十月緣慫到省明年
八月始抵永新任下車伊始卽訪問疾苦延聘方正勸
學平訟與民休息永新素號難治先生一矢以誠往者
輸納錢糧多不如期及此則先時畢集且巷歌街謠莫
不欣欣有喜色以爲酷烈之餘以煦燠噢咻出之永之
鄉人士皆曰是本醇儒爲循吏敷教化以文章也會有
司江西官銀錢局者與先生不協排斥異己當道不察

味香廬稿

卷首

五四明叢書
三約圖刊本

莅任十月遽調省而繼之者則晉庸齋壽鏞也嗚呼先
生之醉言果驗矣壽鏞所謂循吏出於書生者亦驗而
惜乎設施止於此也及巡撫馮公汝驥由浙調蘇察知
其枉命布政司檄令回任其邑之公正士紳僉以還我
使君環而請也先生卒不願指然而歸歸逾歲宣統元
年己酉七月二十七日以疾卒春秋五十有八所著味
香廬詩文存二卷藏於家配王氏子五義修邑庠生義
耕義銘義均邑庠生義準孫七人曾孫八人以民國元
年十一月葬於鄞東新建鄉包李塢之原

贊曰死生亦大矣當先生之生也贈公使祝史卜之年
至五十七八而終嗚呼命之說豈謬哉然君子之死也
年不必永志不必伸亦視其人與文可傳與否而已如
先生所遺詩文寥寥五十餘篇讀之使人孝弟之心油
然而生推之持已交友齊家治國無施而不當區區一
邑之長特小試耳猶未能如其志焉天下事概可知已
雖然天厄先生之遇而不能厄先生之眞性天厄先生
之志而不能厄先生之眞情然則人之生也眞性情又
豈可少也哉

味香廬稿

卷首

六四明叢書
約圖刊本

味香廬稿卷首

味吾廬詩存

清郵江仁微亭著

擬陶靖節歸園田居

集集中句

衰安困積雪仲蔚愛窮居邈哉此前修投冠旋舊墟千載有餘情吾亦愛吾廬先巢故尚在深谷久應蕪歸去來山中屢空常晏如今我不為樂歲月共相疏我屋南窗下感物願及時秋菊有佳色園蔬有餘滋衰榮無定在懷此貞秀姿稱心固為好遠望時復為歲月將欲暮得酒莫苟辭養真衡茅下何事繼塵羈

味吾廬詩存

一四明叢書

海國刊本

和王友萊同年榮商侍讀足痛

足捷能爭先趾高能示勇君乃用其柔左跣致浮腫憶昔倭釁開請兵躍且踊胡今行蹢躅溼氣脛生瘡肉瘤腐如蛆重爾癢如蝻跣步雖云艱跌坐復何恐嗟哉奔競流牛馬走相踵君身躋清華恬退絕趨奉寧求容膝安勿市曳裾寵寧行我躡涼勿受人慙慙鄙彼賤丈夫超距而登壘今茲足不長舉止益慎重溼痺將漸瘳傲骨毋孤聳倘能杖藜來會當洗翠捧

疊韻再和

人生過五十欲買無餘勇壯氣日銷磨棄材甘擁腫盲者不能視跛者不能踊況乃時局艱亂階釀微燼蟪伏

寶裏雞瑟縮爾中蛹中夜起徬徨念此心惶恐我與君齊年軌轍難繼踵美君有高堂歸則可侍奉美君值承明出則多榮寵嗟我愧不才友朋相慙慙交交謀升斗去去違邱壘傀儡復登場藐若鴻毛重塵壤隔雲霄仰視身欲聳結鞵為王孫願將病腳捧

三疊韻

驅馬出郊場騎射鬪材勇驕驕步方前驚胎腹已腫勝

味吾廬詩存

二四明叢書

海國刊本

負決須臾觀者如雲踊豈不奮英雄無奈苦楸樞咄哉琅玕生詩思抽獨蛹巴里和陽春舌僵心更恐長歌聽未終妙舞又接踵善賈信多財鼎錫厚自奉旁有竇人子卻立難分寵才盡笑江郎謝君空慙慙惡醉勿強酒輟耕勿至壟枯管那生花有如千鈞重揜索飢腸嗚吟哦寒肩聳雖欲效西施安得心常捧

四疊韻

世路多崎嶇壯往亦傷勇況復異種滋魍魎兼沐腫長安游俠場健兒紛跳踊偶有蹕行人舉俗訥跛廬今我

憩京塵蟠曲如伏蝻鬪捷愧未能索居亦所愁思欲訪
同心逸少遊難躡汝士不羈才結客盛供奉元龍湖海
康好遊博光寵有時益其閒蓬場聊憇憇夜半始歸來
月黑草沒蠶邏卒噴相視車載無輜重似此冒險行令
人毛髮聳不如守蓬廬安坐酒卮捧

五疊韻時寓齋析炊

我懷彈斂生寄食恥無勇丈夫乞人憐口嚼面赤腫一
飯亦區區飢啼飽卽踊何似於陵廉匍匐效跛履嗟余
客都門食葉寧如蝻釀金附公庖轆釜當無恐豈知乾

味香廬詩存

三四明叢書
約園刊本

餓愁決裂不旋踵杯勺難分甘薪芻聊自奉增竈如疑
兵炊屢乏故寵主人親料量奴僕私愁憊東市暮叩關
西市晨登壘遂令門戶分一一苦繁重同居勿同廚諺
言非朦聳自今喫家常笑將此腹捧

六疊韻柬劉比部止芬一桂

我慕劉貢父血氣老尙勇腰健謝鳩扶背直殊駭腫重
來泣西曹同僚喜欲踊愧我則齊竿肩隨笑疣廼吏胥
猾如狙曩徒紛若蝻君爲持其平讞定咸知恐退直多
餘閒過從不旋踵竹林偶同遊秫酒聊相奉談笑善談

請交遊分光寵還復得汪倫近局互憇憇汪比部厚池同寓慈谿館
君謂明年春歸去守先壘諒哉達士心不爲微名重同
是羈旅人聞言先驚聳留君作此詩索和將硯捧

七疊韻示仲弟及諸兒

掉鞅入名場文戰苦不勇造物旣生材詎甘終擁腫數
奇偶地運時至紛騰踊譬諸歧黃家著手療積廼腐草
亦爲螢凍爾亦化蝻進取會有期棄置原無恐明年恩
榜開前後相接踵風氣費揣摩功令須遵奉壯志勿衰
頽同學多貴寵努力愛春華斯言非憇憇我豈子叔疑

味香廬詩存

四四明叢書
約園刊本

八疊韻仍和友萊同年

作客逢衰年老拳徒奮勇君病足踣踣我患齒浮腫不
如少壯時醉飽競跳踊南居厭煩勞北來苦寒瘧水酒
難爲魚絲盡將化蝻人壽能幾何孱弱良可恐與君結
比鄰農夕欣躡踵但知朋友樂邊謀妻妾奉但求飽與
安邊論辱與寵閒曹偶羈縻往事空憇憇君看車前騶
俄歸山下壘本來培壤卑難負扇扇重滄海方橫流胡

墨相對發去去保餘生故園花盈捧

九疊韻

螳螂奮臂前恃其螯觸勇駱駝擁脊行指為馬背腫聾
子尋聲音跛人學跳踊齊末不揣本治疣反加虺方今
他族滋紛紛飛蛾蝻楊旁睡已鼯逼處將無恐輸款逾
萬千飢民相接踵雖存變法心其奈具文奉粉飾示太
平苟安固榮寵黑白終混淆中外互慙慙官舍付夷酋
郵縣試館為
學福所累
城闔為市壘地既割東南鼎可問輕重緬
懷發祥區長白猶高聳霄漢望迢迢誰將天日捧

味香廬詩存

五四明叢書
約園刊本

十疊韻和戒博

拔劍作悲歌王郎氣何勇嗜好戒撻蒲如刀割疣腫服
日偶消閒朋輩皆怵踊君今復何為卻步學跛虺君前
世情洶湯火撲蛾蝻坑塹落人多聞之輒生恐嗟哉牧
豬奴呼喝相接踵勝則雜彩投敗則全籌奉更有大博
徒航海爭利寵輸與我瀛洲設局來慈惠金穴與銅山
俄頃化平蕘萬乘為孤注那計事輕重債進了無期皆
裂髮欲發寄言局中人勿復骰盆捧

述懷

閒曹飽繫寄吟身在再年華又一春入世終嫌長孺贖
謀生無奈阮郎貧愁澆濁酒心先醉欲剔青燈影獨親
都道不如歸去好故鄉風味話鱸莼

感事

比來國事如絲棼況乃榆關熾敵氛樞府議和真留買
書生條奏太紛紛東來戰艦矜飛渡北望邊烽蔽暮雲
自笑冬烘等莫展請纓壯志讓終軍

壬寅六月二十二夕作家書後口占七截七律各

一章以示諸兒

味香廬詩存

六四明叢書
約園刊本

明朝祀事禮宜虔椿蔭遙違已卅年小子未能躬與祭
側身南望更悽然

情長紙短筆難宣寫畢家書倦未眠努愛春華期後輩
飄零秋樹感衰年弟兄聚處宜和順身世艱危在保全
知否慈闈心力儘諸般內政要分肩

過查山獨坐感懷

一聲驪唱動離愁話別家人鯁在喉才短已無鴻鵠志
時難聊為稻梁謀三年慈蔭悲凋謝八載鄉居嬾應酬
漫說補牢猶未晚星星華髮漸盈頭

忍把河山半壁看長安棋局已收殘重關誰制夷氛惡

游子先歌蜀道難各口防疫更番查驗而行鐵路奔馳

分境界紅巾邏守禁民團飢來驅我誠何事況乃朝端

議汰官王祖同侍御奏六部候補司員可全

舟次口占寄內並示諸兒

漫言富貴等輕塵嫁到黔婁亦夙因髮白終為多子累

氈青甘食半生貧指挂門戶非容易拋撇家鄉孰與親

寄語津沽羈旅客謂修盼歸更有倚閭人

舟次無事振觸旅懷口占六截錄寄仲弟兼示諸

味吾廬詩存 七四明叢書 約園刊本

兒

出門最喜是還鄉忽忽光陰兩月將怎奈事端太煩瑣

家居更比旅居忙

淹留非計不如行又是驢歌促客程珍重一聲臨別地

背人垂淚總傷情

送我登舟去復留江干停佇幾回頭稚童亦解分離意

眼看雙輪逐水流

此行原擬挈家來日夜迴腸費主裁計出萬全真不易

劇憐獨客上強臺

閒曹薄俸本無多杯水車薪奈我何但願汝曹敦節儉

布衣菜飯且挨過

家書欲作筆難宣說到離懷更惘然一事尤須勞記取

高堂侍奉要周全

修兒自京回津臨行作此送之

謀生艱苦往來疲落魄重逢喜更悲我已北來猶惘惘

汝應南返莫遲遲春風辜負吹嘘力謂洪君復齋海水愁當

湧沸時此去長途勞望眼可能攀折桂林枝仲弟侯汝同赴省試

中秋後一日月下閒步

味吾廬詩存 八四明叢書 約園刊本

閒步庭階趁晚風銀河雲淨月凌空誰家秋思渾無奈

照見嫦娥兩地同

都門作客鬱離衷猶喜杭州遠信通今日剛逢場事畢

可能穩步到蟾宮

八月二十三日

行年五十悔蹉跎又是忽忽一載過鏡裏鬚眉驚忽改

架前書簡懶重摩萍飄北地孤蹤寄鮑繫西曹壯志磨

今日閒居無箇事拚謀尊酒醉顏酡

壽陳詠橋夫子八十勸

歸然共仰魯靈光八秩耆英望久彰元亮襟懷超曠代
太邱風範式吾鄉得天知樂兼仁壽入世規圓復矩方
忝列門牆親杖履敢陳蕪語侑椒觴

春滿華堂做綺筵先生晚福更綵綵知好學三冬足
誰識辭官一著先名世文章關福慧怡情泉石即神仙
粵西爭似鄞西好老圃逍遙自在天

雪鬢霜鬢鬢鑠翁主持壇坫紹宗風元亭問字疑相析
絳帳談經辯不窮室似邵窩安樂處人如洛社畫圖中
天才奇特由天縱文獻南邦孰與同

味香廬詩存

九四明叢書

約圖刊本

由來清福早修成坐擁羣書抵百城手定千秋編邑志
眼看四世振家聲興來詩意參禪味老去名心屬後生
今日杖朝人共慶德星聚處壽星明

輓范梯青年伯雲棟

怪殺春風驀地狂那堪挫折到靈光通才肆應神無倦
直道孤行氣自昂事蹟合登耆舊傳姓名成惜少年場
南塘激灑西流水難洗愁人此日腸

年來撲杖樂趨承面圍談心感慨增許我分叨喬木蔭
哭公齊罷上元燈酒榭尙憶春光暖手札猶新墨氣騰

惆悵老成凋謝盡支持時局更誰勝

輓劉嘉軒夫子鵷

臘殘人去太匆匆爆竹聲中絳帳空剩有遺經分乙火
更無隅坐侍春風扶衰安得求仙訣造命由來屬上穹
小草曾叨梁木蔭登堂瞻拜恨無窮

輓張肖菴給諫嘉祿

凶耗傳來涕淚傾瀟瀟寒雨近清明廿年薄宦春婆夢
一夕魂歸杜宇聲辛苦文章難造命消磨貧病易傷生
哭君齋志重泉下結局如斯太不情

味香廬詩存

十四明叢書

約圖刊本

監司待命列班行溽暑興嗟鬢已蒼贏得清名留諫草
更無良會續吟觴都門琴劍收殘局客路旛幢黯夕光
早識浮生晞露似悔教此去別家鄉

輓葛豫齋同年祥熊

臘殘人去太匆匆堂舍驚傳一夜風尙憶勝游聯日下
僅留遺愛在吳中鳴琴劇邑聲名遠拔幟文場意氣雄
今日不堪回首處勞生趁趁總成空

輓王壽臣同年承燾

廿載交游意氣中相期出處與君同故人東浙名猶重

勝會南皮迹已空入世誰憐身計拙論文暫喜夢魂通
吾家誇有生花筆偏是今朝賦別工

華國文章妙入神瑯琊風調更誰倫君恩未許誇前席
世詰應堪繼後塵忍使衰親悲宿草劇憐愛弟失傳薪
故園秋雨瀟瀟夜鶴唳歸來不復晨

輓寶幢陸薇洲年伯儒懷

鄖嶺黑風寒寶林白日暮胡然喪我公凶耗徧行路公
性好讀書持躬復樸素功名付後賢機雲聲四布長君
吾畏友萃苓鳴鹿賦所惜殞天年生命歎朝露仲子卓

味香廬詩存

十二四明叢書
約園刊本

犖才雲衢騁聯步鯁生慙不文驚駘許驥附同居兩月
餘各各心事訴具言遭迥運中歲薦多故惟有椿蔭濃
聞之羨且如秋初束歸裝滬江爲少駐積勞病忽攫頓
使公驚怖遠道走相視方藥得無誤病痊公偕歸歡聚
荷天祚冀謀升斗資祿養伸孺慕豈知逾月間駭聞頓
公訃別公曾幾時無復展良晤堂深鬼瞰燈徑荒蟲弔
樹遺挂空在帷瞻拜淚欲雨思爲執拂歌愴惻不成句
魂兮何處招酌酒黯江霧

輓周獻甫親家熙清

六秩稱觴壽宴開祝詞未竟輓詞來雀屏謬列豚兒選
蝶夢旋驚鶴使催知己凋零今殆盡諸孤幼穉總堪哀
新河塘畔西流水欲賦招魂幾溯洄

滬濱句留憶去秋勞生聊爲稻梁謀悠悠世路誰青眼
草草功名已白頭鬢直性情偏忤俗銷磨貧病易工愁
卽今時局艱難甚撒手臨崖萬事休

輓王小蓮年伯錫袞

寂寂斜陽秀水橋梓桑太息老成凋午科鄉舉輝三代
亥算年華歷五朝望重彥方行路感學宗君一瓣香燒

味香廬詩存

十二四明叢書
約園刊本

至今飛鳥歸何處悵望雲天萬里遙
春風子舍捷名場老眼摩挲夙願償祇是長齡逢疾厄
頓教遠道促歸裝宮袍遲待三年賜湯藥猶親兩月嘗
槐蔭方濃椿蔭萎無窮淚點灑青箱
七十言懷雅什傳和章未就愧遷延擬將補獻長生頌
誰道旋吟惜逝篇洛社衣冠尋往蹟緱山雲鶴遊游仙
稱航空憶躋堂日回首芳塵一泫然
養疴正值暑天中元氣雖虛翼漸充談笑猶然曠午飯
呻吟陟爾厄寅宮考終五福身皆備穆卜三番讖竟同

我昔曾蒙青眼待聊將燕語寫悲哀

附錄

甲午冬夜在慈谿試館同陳比部雪樵馮孝廉詩

香董廣文柘隱刻香聯句效詩鐘體題曰甲午

消寒集

第一課拈題 宮馬

宮花彎月才人髻 馬鬣嘶風戰士袍 亭芙

宮髻遠堆新黛綠 馬蹄淺蹴落花香 雪樵

宮眉淺黛描新月 馬足輕塵趁晚風 詩香

味吾廬詩存

十三四明叢書
約園刊本

宮漏沈沈酣午夢 馬蹄得得快春遊 柘隱

第二課 形雪

眞形五嶽袖中畫 寒雪三更枕上詩 亭

忘形交訂如蘭契 快雪詩成詠絮才 雪

象形古篆肖蟲鳥 踏雪閒雲共鶴梅 詩

忘形野鶴刷沙立 帶雪山梅向水開 柘

第三課 麻曠

安得麻姑擘酒脯 更邀曠誓譜詩歌 亭

恩頒麻詒承新寵 樂奏曠師暢古風 雪

九重麻詔宣丹陛 百爾曠官愧素餐 詩

草就麻書燒燭短 花濃曠野覺春長 柘

第四課 讎斷

帝虎手讎千帙字 征鴻目斷一天雲 亭

古簡校讎秦火後 春雲壓斷蜀山尖 雪

校字已讎分帝虎 敲鐘不斷起靈龍 詩

書駁復讎柳子議 集編腸斷淑真詞 柘

第五課 山達

啼鳥不驚山客夢 海鷗應識達人亭 亭

味吾廬詩存

十四四明叢書
約園刊本

客路貪看山色住 豪情且作達觀遊 雪

袞闕補成山甫職 貝經寫就達摩書 詩

采藥遠從山客去 拈花羅拜達摩來 柘

第六課 軫芝

松徑遠流琴軫韻 藥籠滿貯朮芝才 亭

一闋薰風揮軫後 九秋涼露采芝回 雪

流水聲聲聽軫玉 晴雲朵朵繪芝英 詩

一曲相思憐軫玉 九重恩詔煥芝泥 柘

第七課 季風

惠連有夢懷羣季 范叔論交仰古風亭

霸才一代思狐季 樂律千章奏雅風雪

蘭亭禊事修春季 柳岸酒帘趁曉風詩

半抹斜陽烘月季 一籬黃菊綻秋風栢

第八課 岸橋

岸畔月明漁子艇 橋邊燈上酒家樓亭

岸邊千尋征騎過 橋通一水彩虹橫雪

岸闊儘教人繫艇 橋平不礙客騎驢詩

岸豎青帘春酒熟 橋堆紅葉夜潮來栢

味香塵詩存

十五 四明叢書
約圖刊本

第九課 綠煙

新綠半叢含宿雨 嫩煙一縷颺輕風亭

嫩綠如雲籠竹院 淡煙和月瀉梅林雪

波綠淡拖羅一幅 雲煙彌鎖數千重詩

邨綠平分三泖水 炊煙寒鎖一山雲栢

第十課 枕離

孤城枕郭邊聲起 壯士離家好夢長亭

有客枕流招隱去 爲誰離恨上心來雪

夢回枕上人千里 話到離時酒一尊詩

白雲枕臥三千疊 翠竹離披月一彎栢

第十一課 除敢

酒氣能除千古恨 詩才直敢萬人當亭

生意不除初草綠 惜春那敢再填詞雪

三害已除安里社 一官何敢□□□詩

童柘騰廣文一聯佚○第十二課第十三課均失

第十四課 梅卷

風橫玉笛梅腔弄 酒酌金龜卷耳庚亭

殘雪未消梅有信 輕雲臥壓卷重披雪

味香塵詩存

十六 四明叢書
約圖刊本

長沙遷客梅花笛 南國懷人卷耳簫詩

□閣明蟾梅訊早 春風待燕卷簾頻栢

第十五課 佚

第十六課 茶苑

滄泉別補新茶譜 志怪重繙說苑書亭

圍爐重訂陸茶譜 賦雪空懷梁苑才雪

重爐撥火新茶沸 走馬看花上苑來詩

雨前閒試新茶鼎 月下高談法苑經栢

第十七課 帳驢

羔羊酒煖薰家帳 風雪詩尋瀟上驢亭

九華夢醒仙家帳 一路梅尋瀟岸驢雪

絳紗樂奏經師帳 素紙卷書博士驢詩

數曲笙歌金縷帳 一鞭風雪瀟橋驢柘

第十八課 田玉

田文好客徒豪舉 玉局泛舟續後遊亭

田祖迓來春擊鼓 玉人記否夜吹簫雪

田野一犁鳩喚雨 玉關幾度雁驚秋詩

田家穀穗三秋望 玉笛梅花五月吹柘

味吾廬詩存

十七四明叢書
約園刊本

第十九課 眼尋

眉眼分明人世態 尺尋枉直自家知亭

柳眼風前凝曉露 梅尋雪裏透春光雪

入眼奇花嬌水曲 千尋古木倚雲隈詩

到眼奇書應拍案 緩尋芳草好攜筇柘

第二十課 鬢唱

鏡裏鬢垂容易老 客中唱別不成聲亭

俊才鬢亂名先著 好句唱酬興欲狂雪

雙挽鬢垂雲墮後 七言唱罷月明時詩

雙角鬢盤金螭影 一聲唱徹紫駟歌柘

第二十一課 活嬌

良醫手活千人命 游女聲嬌一曲愁亭

撥來火活茶初熟 折得花嬌露未乾雪

一爐火活茶聲細 數朵花嬌螭影忙詩

源頭水活溪深處 籬角花嬌月上時柘

味吾廬詩存

十六四明叢書
約園刊本

味吾廬詩存

味香廬文存

清鄞江仁徵亭著

寧波和義門江氏支祠碑記

我江氏系出皖江宋宣和間始祖少虞公以京職宣教郎知定海縣即今鎮海未及考績而卒墓在邑之白鶴山子孫遂家焉故白鶴山又曰江家山循山而西曰靈巖鄉瓜綿椒衍聚族而居不下七百家國初時十五世祖文公始遷郡城和義門分支實肇於此靈巖鄉故有宗祠相距六十里歲時大祭雖風雨必率子姓往而於

味香廬文存

一四明叢書
一約園刊本

和義門東偏立祖堂俾奉近祀蓋三百年於茲矣傾圮不可修葺族叔緒洪公顧而慨焉議建支祠尋商諸族叔緒述公且告以舊有隙地去祖堂僅十餘步規基約得四丈有奇時緒述公繼世傳公為宗長矧然曰是吾先子之志也曷敢不葺乃事顧需費不貲緒洪公乃出資首倡族人多量力以應復於宗祀遺產稅捐若干不足則先代償之抑尤難者鳩工庀材事煩而冗緒洪公率族之能者董其責任其勞自夏徂秋奔走喘汗日與匠石伍始觀厥成儻亦在天之靈有以默相之乎是舉

也經始於癸卯二月落成於七月望日若夫擴充而光大之尤在於後之人已徵於壬寅春與參未議旋以遠遊都下供職秋曹不獲躬襄其役撫衷歉然今工既告竣郵書命徵為文以記之爰綴其崖略如右二十一世孫仁徵譔

祭先妣趙太恭人文 己亥

嗚呼吾母竟棄不孝輩而長逝也耶吾父於壬申六月棄養距今二十有八年而不孝輩得以為人者賴有吾母在耳胡今又棄養耶嗚呼自吾父棄養後弱弟幼妹

味香廬文存

一四明叢書
一約園刊本

吾母以次婚嫁凡家事皆身任之故不孝兄弟得以一意讀書歲己卯不孝中副車壬午膺鄉薦庚寅倖博一第就職刑部吾母以不孝未入詞林勛之而又慰之及歲癸巳不孝仁綸成諸生越丙申孫義修繼之凡此皆上賴祖宗之蔭吾父之德抑亦吾母之力也吾母嘗謂不孝曰汝曹微有功名惜汝父不及親見耳言之輒淚泫泫下不孝輩退而識之誠無以慰母心矣吾家以吾父勤儉積中人產而不孝輩又不解經營歷十餘年而遺業蕩然蓋自甲申以後家境日益落食指日益繁吾

母之心胸亦日益勞苦不孝偶以參餌進力卻之謂吾
老且健可勿藥其實憐不孝處境窘急而隱爲之節省
也他如起居服御皆從簡薄言念及此悲何可言又况
人事之變迭致憂勞長姊適柴早卒次妹適周中年旋
失所天三妹適鄭早孀壬辰綸婦又歿遺有孫義廉孫
女玉英吾母憫而撫之其明年復爲綸弟續娶而前後
中又一避寇亂兩遷家室倉皇轉徙靡所安寧盡吾母
之心力亦幾瘁矣猶憶壬辰之秋命不孝供職京師越
兩載歸省旋去乙未夏又歸是時義修婦病卒亦遺有

味香廬存

三四明叢書

約圖刊本

曾孫禮琮曾孫女韻瑛均幼而吾母以憂傷故面頰下
痰魄驟起旋即療治自是不孝決計家居不敢遠離膝
下重吾母憂也吾母素有肝疾壬申以來旋愈旋作有
時病勢劇增不孝盡心竊憂之蓋瀕於危殆者數矣而
如天之福得以無恙近十年來宿疾旋瘳精神強旺耳
目聰明不孝私幸康健如斯期頤之壽可馴致之今春
三月爲孫義銘授室言笑飲食異於常時孰謂其未踰
月而棄養耶三妹之子友焯完姻在即孰謂其纔隔四
日而吾母竟不及待耶此則尤痛不忍言者也當病初

起時胸膈作痛微黑潮熱不孝以爲偶感風寒亦老年
人所常有庸詎知痰火鬱結熱極寒戰僅此五六日間
而溘然長逝也耶嗚呼昔之病若重而得生今之病若
輕而轉死耶其風邪之內閉耶其方藥之誤用耶其數
耶其命耶其皆不孝輩罪戾所致耶嗚呼痛哉嗚呼吾
母之病總由於憂煩鬱結不欲爲不孝輩明言而不孝
輩不能隱爲觀察平時強爲消遣而不孝輩又不能曲
爲承歡而今而後欲團聚晨昏依戀寢門其尙可復得
哉而今而後不孝其長爲無父母之人矣茲屆三虞之

味香廬存

四四明叢書

約圖刊本

期越三日敬奉靈匾殯於家園哭奠一觴靈其有知其
哀不孝輩之孤哀無依而爲之降鑒耶嗚呼痛哉

安葬趙太恭人祭文 庚子

嗚呼溯吾父之見背兮已歷廿九載之長歲庚辰卜兆
於茲土兮實爲吾鄉東鄉在包李畧之右兮居新建廟
之傍僉謂奠厥攸居兮積善之必昌奈兒輩之不肖兮
禮每缺乎蒸嘗去年吾母又棄養兮撫柩捲而神傷歎
流光之如矢兮忽已屆乎大祥今涓吉以奉靈輓兮爰
合窆乎高岡埋此一坏土兮占年向之安康嗚呼生不

能奉養兮歿又徒切其悽愴此後長爲鮮民兮心鬱結
而傍徨所幸餘蔭之布護兮期勿墜乎書香茲當羸安
窀穸兮敬上獻乎一觴託微詞以昭告兮願降福而無
疆

韓退之平淮西碑書後代

淮西之亂愬用降將李慶之言乘雪夜行百二十里直
搗其窟而元濟擒厥功偉矣而公此文於其命將倍寫
憲宗與度獨三致意論者以公爲行軍司馬從度視事
主將之間理或然歟嗚呼此豈爲知公而可與讀公之

味香廬文存

五四明叢書

約園刊本

文哉夫淮西之平平於愬實平於度而實平於憲宗之
能斷方是時頓兵四載餉疲力竭朝廷譁然議撤師無
主討者獨度與武元衡不能間序所謂一二臣同者此
也而元衡又被害孤危之日慷慨上言憲宗卒聽用之
臨門一送諸將效命越數月而縛大憝使不至國勢凌
夷者非度之力哉文中惟斷乃成一言又豈爲袒護相
臣亦正以歸美天子耳所惜者以憲宗之明而猶難與
圖成不旋時而度罷相矣而公亦出貶潮州廟堂無主
議士高張卽其所倚爲柱石者且斥逐如此又何愛其

文而以之罪仆者乎願公之文不以此爲顯晦且天欲
傳之君有以抑之而公之文爲千古矣

宋仁宗建儲論代

傳稱孔子大舜禹之德曰巍巍乎有天下而不與焉嗚
呼聖人之言是早知後世人主未有不重視天下爲可
喜之物不於其子若孫授之而終若有所吝焉者卽如
宋仁宗之建儲吾蓋有以見其心矣景祐二年曹皇后
以帝久無嗣擇濮十三子宗實取而育之是爲英宗顧
其時年幼不能預定爲儲者猶未知其人之賢否神器

味香廬文存

六四明叢書

約園刊本

之重不可不慎於付託也理固然也其後宗實之賢史
稱之卽仁宗亦深知之則正宜優異禮秩置之左右試
以職務俾內外人心知有所屬而藉以杜覬覦之端保
太平之福豈不甚善而顧寂無所聞舉國皇皇一時如
范鎮趙抃司馬光文彥博等莫不以建儲爲言乃一則
曰當有待再則曰後宮有就館者姑俟之迄賴韓琦數
言而定然猶曰朕留意久矣誰可者嗚呼此誠何心哉
或者謂國本之宜早建固也而范鎮援天象兵變之說
莫速其成得毋隱結宗實爲異日固寵之計適以啓仁

宗之疑而不果乎不知定策由於宸斷而鎮所言亦惟
曰選拔賢者固未嘗明指其人也或又謂仁宗在位春
秋尚富設生有皇嗣則宗實雖曰養子而天下已以儲
貳目之此時欲易則近於廢立不易又隱伏禍機夫豈
非仁宗所慮及乎不知真宗自悼獻既薨即取近屬育
於宮中迨後復遣歸還退居藩服何嫌何害正不必爲
仁宗曲護也或又謂天下者太祖之天下也太宗攘之
趙普贊之遂使昌陵子孫幾如民庶仁宗感動於心思
賢拔德復承大統如婁寅亮之爲高宗計乎果爾則亦

味香廬文存

七四明叢書

約園刊本

當官詔羣臣早自裁決乃徒煩在廷之嘵嘵耶況乎有
以慰太祖者究無以對太宗也吾有以知其不然矣春
秋經書九月丁卯子同生何以書表而揚之使國皆知
以繫眾望可見國本之定猶不在建儲之日而定於始
生之初其爲鄭重固何如耶若仁宗者是直不顧安危
不知利害希冀萬一獲有嗣子傳之無窮使非有一私
天下之心橫據於中亦何爲此是其不決哉雖然自家
天下以來三代聖主欲求如舜禹者已不可得其他無
論矣於仁宗又何尤焉

亞父碎斗賦 以贈亦人傑也哉爲韻

范亞父雄心磊落壯志軒騰慨中原之鹿失當漢室之
龍興玉則藏諸一任報隆瓊玖斗胡酌彼何妨破膽
稜前功從此休休奮袂而憤情驟起有恨烏能已已衝
冠而怒氣旋增蓋張子房以玉斗謝亞父也華鏤黃珠
美借白璧辭杯杓之不勝敢奇琛之是惜當筵舞劍曾
看虎帳場威入座獻觴用謝鴻門設席願大王無忘盟
好幸何如之惟執事弗腆輸將宜乎不亦而增則拂衣
以起離席而顧既金匱之未奠何玉學之徒陳恨不從

味香廬文存

八四明叢書

約園刊本

玦示三番手誅赤帝誰令此功矜百戰坐失贏秦劉季
歸歟孰籌帷幄老夫耄矣何戀奇珍大局如斯行見漢
家得志吾謀不用休言楚國無人一老心雄滿腔血熱
天地低昂風雲變滅鐵錯鑄而已成玉無瑕而終缺吾
屬今爲之虜瓦解旋形豎子不足與謀兵爭莫決沛公
有天子氣徒令樽俎折衝將軍失戰士心坐使河山割
裂箸方競借甘言已啗重瞳鼎亦徒扛豪氣莫存三傑
徒觀其雪錫交加霜鋒怒把撞來而響聽鏗鉤斫處而
聲驚暗啞深情激烈渾疑碎擊唾壺幾片摧殘絕似碎

留破瓦分杯羹而莫與冠徒笑未沐猴醉冠酒兮何辭
功竟收乎汗馬三尺劍鋒銳銳厲惡敢當哉七秩翁志
氣軒昂何其壯也迄今訪斬蛇之大澤登戲馬之高臺
緬流風而憑弔湖往事以徘徊符節曠承霸業難收餘
燼印刑待傲憤王空負雄才徒令後之讀史者猶見其
英姿競奮烈志未灰犄角兩雄正是公矛映日挺身一
怒幾如瓦釜鳴雷捐金行反間機謀誰爲此者擊劍想
英豪氣概今安在哉

淵明歸里賦 以三徑就荒松菊猶存爲韻

味吾廬文存

九四明叢書

約園刊本

塵緣夢破泉石心耽宦情冷淡鄉思沈酣抗節清高挂
冠自樂立身孤傲束帶何堪望故鄉兮無恙棲空谷兮
自甘琴書可消憂奚必馬招以六富貴非吾願何妨聘
卻以三原夫淵明之爲令也赤芾榮膺素絲職稱懷抱
恢宏經綸素定一官落拓何時鄉里停蹤千里宦遊到
處山川攬勝卻愛柳栽彭澤幾同潘令之植花豈其旆
返柴桑願效蔣生之開徑無何志凌鼎烹情甘石漱春
夢一場清風兩袖嫌機務之紛煩惡督郵之鄙陋身將
隱矣劇憐紫綬誤叨腰肯折乎豈戀素餐覓授幸迷途

其未遠欲賦逍遙念未秩之可捐早明去就於是簿書

長謝琴劍輕裝踐舊約於鷗鳧歸思勃發觸鄉心於鱸

膾歸興匆忙拂袖東來詩酒送長亭之畔出門西笑煙

波泛一葦之航平時俗吏風塵歎簪紱久爲束縛此日

長途躑躅料田園定已閒荒則見衡茅在望故地重逢

兒童伺候稚子追從步柴扉而景逸引樽酒而情鍾環

堵樓遲領嘯歌之妙趣傲廬小隱話離別之孤蹤踏柳

徑以盤桓依舊宅環五柳聽松風以流憩猶然園植孤

松遂乃澗谷流連林泉往復五斗米何容繫戀無慚處

味吾廬文存

十四明叢書

約園刊本

士高風三笑亭聊續因緣足占幽人清福此地有桑麻
雞犬儘可容身當門卽風月煙霞洵堪寓目小窗半掩
間居而顧盼庭柯曲徑斜通緩步而賞吟籬菊回憶夫
一行作吏十室綏猷勞形案牘屈節官郵曷若此泥塗
終老軒冕無求臥清夢於羲皇樂道而忘得失託先民
於懷葛委心以任去留北闕忘情伏處則賦詩諷詠東
臯舒嘯登高則拄杖夷猶從此長甘隱逸滌盡塵煩意
曠神超身絕樊籠之累地偏心遠門無車馬之喧先生
不知何許人因寄所託惟吾所樂者在此欲辨忘言迄

今猶想其升斗長辭遠舊鄉於東里室廬可愛擬仙境於桃源能不緬芳蹤之既杳而悵韻事之猶存也哉

壽張星洲先生六十序

星洲張丈肖菴給諫之族叔也給諫余舊交兼有葭莩誼頻於座上晤先生給諫稱其內行肫摯且述其母太恭人之苦節余爲之肅然起敬已而給諫官京師余亦供職秋曹梓里親朋徒殷馳系今年四月十一日爲張丈六十揆辰其子松村茂才擬先一月預慶因致書給諫而屬序於余余以姻世誼不獲辭爰就略而書之先

味香廬本存

十二四明叢書

約園刊本

生爲贈朝議大夫曉知公之子贈公元配黃氏繼配樓氏均無出再繼配沈氏生先生甫三齡而贈公捐館家無儲石儲沈太恭人性剛烈有丈夫氣概不肯受人憐薪米之需皆取給於鍼術先生稟資穎敏年十五學業餘姚姚地瘠苦而業小無起色居六載遂決然辭去然而零丁孤苦推轂無人家居困頓者又數年歲戊午業油於甬上其初事懋遷也一歲賺百緡擬先營葬父有從父裁之曰汝志良可嘉惟汝支數世單丁且汝父五十七歲而生汝汝生三年而汝父沒蓋不絕如縷矣盍

先爲妣續計乎先生從之咸豐庚申元配馬恭人來歸善主中饋頗得太恭人歡先生經營于外恭人贊襄於內錄積寸累而家日以起越年專寇擾城先生遷居南鄉寇退甬市利倍操贏巨奇億之多中不數年而稱小康焉同治乙丑妻贈公於西山之麓壬申太恭人春秋六十有六諱在妻刻刻已歷六六之頃於信場考一

味香廬本存

十二四明叢書

約園刊本

一修復之宗堂將圯出資完葺不遺餘力急先務也然後贖回舊宅購負郭之田數十畝援例輸粟得府同知加級請封太恭人願而樂之曰幸哉有子先生自幼以不逮事父爲憾其事母也能先意承志出必告反必至母所依依繞膝若嬰兒然數十年如一日光緒己卯馬恭人逝世先生慮母缺養繼娶曹恭人壬午太恭人病黔婁嘗藥無間頃刻而曹恭人性至孝善服事積七十日夜之久衣不解帶無倦容迨太恭人棄養先生毀瘠之餘乃泫然流涕曰今而知祭之豐不如養之薄也曩服賈藉佐甘旨以養母耳母逝矣雖萬鍾復何求從此杜門讀禮足不履市井於祠旁隙地構屋數楹延師教于而已在督課之暇惟孳孳以纂修譜牒爲事蓋譜牒

之不修至是垂三十年矣先生欲獨任之而力既不逮
謀諸族之人則又以少假歲月爲辭於是專修本房支
譜詳考博采殫竭心力譜成復蒐輯先代遺容繪諸冊
裝成一軸匣而藏之其水支以外亦靡不家詢戶訪編
彙以存以俟後之纂修者焉是其識不尤高出庸眾人
倍蓰耶先生自奉甚約而贍人則俛若不及焉蓋其自
壯而老奉行感應篇惟謹于濟人之急救人之危二語
尤拳拳焉性嗜酒而不多飲每於半酣時爲兒輩述先
太恭人艱苦狀淚涔涔下而不自知也先生之行如此

味吾廬文存

十三四明叢書
約園刊本

宜乎肖菴給諫之嘖嘖稱道也昔歐陽文忠公嘗言曰
爲善無不報而遲速有時先生縱未獲及身致通顯而
丈夫子三皆英英偉器伯子松村茂才癸巳秋闈曾邀
鶚薦仲子竹坪以俊才補博士弟子員並皆績學能文
軾輒郊祁齊名庠序風雲一便知非池中物也季子梅
庵精計然策亦闔閭中之矯矯者文孫在襁褓中已岐
嶷出眾由是觀之天之所以報太恭人之德與先生之
孝者豈非方輿未艾歟稿成袖以商給諫給諫曰是實
錄也吾叔當之可無愧色然則先生其亦以余言爲不

濫而驟然晉一觴也乎光緒二十年歲次甲午三月

味吾廬文存

十四四明叢書
約園刊本

味吾廬文存

味音廬外紀

弟子張壽鏞編次

江亭芙先生年歷

二十二年正 三月二十三日 誕生二歲	成豐二年 三年二歲	甲寅 四年三歲	乙卯 五年四歲	丙辰 六年五歲	丁巳 七年六歲
戊午 八年七歲	己未 九年八歲	庚申 十年九歲	辛酉 十一年十歲	壬戌 同治元年 十一歲	癸亥 二年十二歲
甲子 三年十三歲	乙丑 四年十四歲	丙寅 五年十五歲	丁卯 六年十六歲	戊辰 七年十七歲	己巳 八年十八歲
庚午 九年十九歲	辛未 十年二十歲	壬申 十一年二十一歲	癸酉 十二年二十二歲	甲戌 十三年二十三歲	乙亥 光緒元年 二十四歲
丙子 二年二十五歲	丁丑 三年二十六歲	戊寅 四年二十七歲	己卯 五年二十八歲	庚辰 六年二十九歲	辛巳 七年三十歲

味音廬外紀

一四明叢書
約園刊本

味音廬外紀

二四明叢書
約園刊本

壬午 八年二十歲	癸未 九年三十歲	甲申 十年三十三歲	乙酉 十一年三十四歲	丙戌 十二年三十五歲	丁亥 十三年三十六歲
戊子 十四年三十七歲	己丑 十五年三十八歲	庚寅 十六年三十九歲	辛卯 十七年四十年	壬辰 十八年四十一歲	癸巳 十九年四十二歲
甲午 二十年四十四歲	乙未 二十一年四十五歲	丙申 二十二年四十六歲	丁酉 二十三年四十七歲	戊戌 二十四年四十八歲	己亥 二十五年四十九歲
庚子 二十六年四十二年	辛丑 二十七年四十三歲	壬寅 二十八年四十四歲	癸卯 二十九年四十五歲	甲辰 三十年四十六歲	乙巳 三十一年四十七歲
丙午 三十二年五十三歲	丁未 三十三年五十四歲	戊申 三十四年五十五歲	己酉 三十五年五十六歲		

贈言錄

右表僅就 先生出處之大者列表 先生造士 極多歷歲適館其年代多不可考姑略之

文

贈江君享美五十壽序

包履吉 蕉舫

余同年友候補刑部主事享美江君既服闋將之官京師而以世變之頻數憂患之未有已逡巡若有待焉於是君年且五十矣禮人生四十曰強仕五十曰艾服官政君自釋褐登朝著無幾何即請假南旋侍奉太夫人從容色養殆逾十年迄今猶可及時以自奮於古人服官之義未有以違也伏念國家自削平粵寇海宇斐安又數十年矣朝廷蹈常襲故準資格以用人士之迴翔

味香廬外紀

三四明叢書
約圖刊本

郎署者非白首不得遷除頃歲以來中外構釁兩宮西狩於創鉅痛深之後維新百度皇上未明求治思有以振拔人材導鬱宣滯故苟有賢者能者皆當不次擢用則君之行又可以緩乎哉君配王恭人與君同甲子生以三月十八日八月二十三日則君攬揆之辰也門下士李詩史謀以其日偕同人為君及恭人稱觴以余與君久故介君之伯子覺齋秀才來謁文初君嘗索余作小傳余諾之而未果也今此之請又烏能辭君家世儒素贈公企漁先生始以居積起家家日裕衣食屢可給

君少開敏因得一意讀書年十七受知學使者補博士弟子員有聲庠序聞未幾贈公棄養太夫人積哀成疾幾瀕危殆君於苦中延醫嘗藥調治萬方靈禱中庭願以身代真誠所感幸得無恙然自是公私叢雜責成於一人君肆應於外奉人處置其內家無僮僕日惟一老嫗司爨火而已門庭蕭然不數年間諸弟妹以次婚嫁而君仍不廢翰墨治舉子業日益工指授生徒並有師法光緒己卯中副榜貢士壬午領鄉薦庚寅成進士觀政秋曹復貴顯矣先贈公時有列肆在郡中及贈公

味香廬外紀

四四明叢書
約圖刊本

見背司計者不謹於出入致失巨資由是家業中圯而君又多子女之累日用飲食歲需千金重以喪葬嫁娶之費蓋自通籍以後生事日蹙益不能不為家室計矣然君方跌宕文史不以境遇之豐嗇動其心每至露初星晚時或與二三朋好流連杯罍酒酣以往談諧間作以是傾其座中人座中人亦非君不歡其天懷沖澹人真得而測其際也顧余於君夫婦之間則更有進於此者渤海鮑宣漢之賢司隸也方其窮時其妻少君與宣共挽鹿車提甕出汲修行婦道後卒佐宣以成名子孫

城昌豈與夫北郭先生老萊子之妻徒碌碌自守審量
於出處之交助成其夫之高致者比邪覺齋之來謁文
也具述君生平行誼及恭人劬勞之狀謂世非無備嘗
艱苦之人願未有如其兩尊人之甚者徐謂以恭人之
賢明諸子之年少而多才則君方灑然無內顧之憂可
銳然進取以求見知於時而副聖天子破格用人之意
異日身名俱泰庶前此之所謂劬勞者其暫而餘慶之
來正未有艾也故於其爲壽也詮次爲序蓋非獨爲君
景福之祝而亦將藉此以速其行云

味香齋外紀

五四明叢書
約園刊本

詩二 唱和 壽德案王榮商侍讀和作
見容庵新詩集者不錄

馮毓華汲蒙

平生壯志未全酬雪地冰天此宦遊飽繫一官生計拙
蓬飄千里酒腸柔漫言心事遠劉向已笑功名等馬周
我亦都門思射策幾回南望不勝愁

薊門搖落客心驚况又烽煙起海濊丞相居然韓侂胄
將軍無復李西平空懷敵愾籌難展不解求人骨自清
夜夜多情窗外月更殘漏盡伴寒檠

陳康瑞雪樵

年年悵望白雲高遊子懷歸敢憚勞千里舟車仍北上
一天風雪又西曹不疑儘有平反具王吉難爲叱馭豪
莽莽海途重回首更堪虜勢倚天驕

倉猝東瀛起陣雲九重日旰自憂勤似傳幕府籌邊策
誰建樓船橫海勳珠璣百年空落落梯航萬國正紛紛
小儒更有平吳慮捷奏甘泉況未聞

童廣年柘塍

何必低心志自灰功名富貴有天裁校書欲慕更生願
投筆悔無定遠才琴劍一身燕市雪平安兩字故鄉梅

味香齋外紀

六四明叢書
約園刊本

多情夜夜天邊月伴我寒窗醉玉醅

遼陽告警暮連朝國事如斯心已焦莫漫停鞭賦花月
先教徙地伴漁樵防倭籌策情誰切和約成書氣已消
記否漢家經百戰將軍自有霍嫖姚

詩二 附 哀輓

陸廷獻漁笙

當代文章伯吾門政事科官從彭澤老才比醴陵多初
返芰荷服旋聞高薤歌西江遺愛在碑碣忍摩挲

陳受頤尺珊

時局方新空寄想性情如舊怕言詩弔君不作酸心語
庭樹森森君弗悲

責家來級之

君秉殊姿稱傑出少時曾夢生花筆與君夙為齊年友
風雨論文一樽酒君仕京華我居鄉暮雲春樹遙相望
禁門通籍二十載飲餞出宰綰銅章宦途歸來不得志
鼎湖終是廊廟器誰知一病臥文通夢遊遂棄人間世
吁嗟乎人生百歲如朝露駒隙光陰等閒度喬柯千尺
餘蔭長門庭鬱鬱與公樹

味音塵外紀

七四明叢書
約圖刊本

竺麀解得賦

日落蒼茫茫乾坤無正色魑魅爭道路人迹翛然息憶
昔客京華夜譚忘漏刻相處不半載留行分南北宦途
驚險危君子道否塞里門復見君云是占家食時事不
可言卻曲避榛棘厭世苦不早衷情實愴惻黃雲暮漫
漫坤厚藏嘉德從此瞑弗視傷哉曷有極

袁堯年曠臣

蹤跡相違不易逢白頭重復聚私衷江西自昔稱循吏
滬北於今憶寓公酒後偶談當世事興來猶有大王風

鎮海虞寒莊推君為科舉時代八股可憐無盡春聲恨
大王酒酣耳熱喜用八股腔調取樂
都在生離死別中

宋炳蕃晉卿

積暑成秋厲文星旋掩芒豈真關命數君家相傳謂君
五十八歲命途
有阻竟胡忍賦哀傷峻望高山仰精英夜壑藏從過城
北路寂寞弔斜陽
束髮論交日相逢意便傾雅懷欽磊落博辯喜從橫夙
有芝蘭契常敦車笠盟人琴今已杳思舊不勝情

味音塵外紀

八四明叢書
約圖刊本

判升沈迹旋增契闊愁衰年重聚首何意忽分流

清秩由來重誰令出宰官三年成薄宦一權穩回湍吏
治何嫌拙循聲自不刊西江遺愛在應共古人看
纔把歸裝卸忽忽客滬濱祇因頻借箸未暇息勞薪貞
介陶彭澤風流戴叔倫相期型薄俗何遽謝紅塵
聞疾頻趨訪憂君骨相癯尙希消疹戾無計覓扁盧寂
寂莓苔徑蕭蕭風雨廬思君不可見繼志望諸孤

范翊鈺清笙

偶櫻微疾忽沈迷痛絕難忘死別時君臨歿時適余過
訪不禁慘怛久之

醫藥乞靈終寡效巫師說命豈無疑君初病即憂不起
謂蘇命盡於今歲
然耶其名山約伴成虛願宦海抽身果夙期解組歸來纔
數月緣何撒手遽分離

卅年結契喻苔岑晨夕過從證素心疑義待商頻款步
縱談無忌數開樽浮名轉瞬雲同幻華髮垂簪雪漸侵
屈指知交零落盡空教老淚灑潏潏

洪家納復齋

君自江南返我從冀北歸談諧仍故態出處覺前非世
變人情幻年衰壯志違芝蘭橋下路風景尚依稀

味香齋外紀

九四明叢書
約圖刊本

憶昔同門日童年志趣高彈冠慶早達釋褐任秋曹薄
宦如浮梗澄懷對濁醪君才非百里胡作折腰陶
莫謂催科拙循良自可傳毀家完宿賦遺訓竟歸田已
畢向平願猶存梁案賢相期沮溺約無地得耕煙
萬物功成退浮生奚重輕如君方可死惟我乃虛生差
幸兼旬聚難忘卅載情客中還送客大夢羨先驚

戴鴻祺季石

玉樓天上偶傳呼太息修文事有無昌谷妙才應不忝
長沙妖讖未全誣功名消歇穠華盡書卷飄零帶草蕪

門戶相依今幾載那堪樽酒憶清娛

張彪炳慎卿

一病何由謝此身期年作宰見原因功名雞狗難言命
風雨鴟鴞最愴神解組未安歸隱席鄰春旋黯遠遊津
秋聲容易添愁思又到秋來哭故人

客裏遲君幾轉腸驚聞噩耗倍淒涼李邕識面心何切
宋玉招魂恨正長幸得征塵回北轍勉將輒語慰東牀
卽今我亦成衰老寒雨黃昏兩鬢霜

樓紹棟筱山

味香齋外紀

十四明叢書
約圖刊本

盛年登第擅才華文采風流本大家奇樣詞章真好處
筆頭想亦夢生花
出宰豫章有政聲攀轅父老恰與情一琴一鶴返歸棹
好送風光兩袖清
風雨名山話舊時一生姻婭最相知豚兒叨庇靈椿蔭
早得趨庭學禮詩

秋入江城月不圓杜鵑聲裏病纏綿可憐遊子歸來日
無奈悲風起暮天

李國馨詩史

賤子垂髫日耳熟先生名文壇欽宿將藝苑董英聲少
壯始執贄忝作門下生春風蠶桃李欣忻皆向榮惟此
樗櫟材培植無一成四十而無聞曷慰先生情

先生性嗜飲聖清費評量每當侍宴日杯酒論文章根
柢在經史勸勉極周詳時有投機言相與共舉觴斯景
猶在目斯情曷能忘胡為歸道山痛斷鼻魚腸

先生年五十厥歲曰辛丑磐以受恩深晉祝先生壽先生
五十國磐邀集同門諸友製屏為壽先生曰汝來相歡以樽酒酣飲移時
晷嬉笑寓啓牖倏忽經八載師訓少受授係此八載中

味香齋外紀

十二四明叢書
約園刊本

宦海勞奔走回翔郎署間刑曹勤職守捧檄赴江西出
為民父母僅作宰官身奚克展素負沉復溢然逝瞻仰
空山斗

今年二月間作客申江邊先生賦歸來觀面兩無緣在
再經數月始經噩耗傳未獲一訪道此心胡棄捐大厦
壞梁木少微暗星躔作此以代哭曷禁淚潸然

鮑茂煥廣生

翳昔年少步履追隨執經問難日侍董帷我師之學推
倒一時文壇詩社賴師扶持曾不數年而風波迭起時

勢推移斯文化為異端而學者至於用喪旋渦濼河非
師所知昔其未用人以為病及其既用又以為遲旋脫
京曹供職於贛嗚嗚希冀將有設施今春解組悵惆失
望而猶庶幾於萬一者幸我師之未衰孰謂師乃無意
於斯世也奄一去而莫追豈厭世濁濁潔身而逝乎將
民之無祿而天莫之遺小子無狀受教於門下者卅年
於茲一聞師喪匍匐往弔蓋上悲時世之不過而下以
與其私

謝 煒日初

味香齋外紀

十二四明叢書
約園刊本

宦海抽帆計未差煒于光緒甲辰解金華錄 公以部
曹改知縣丁未蒞江西永新任途年
詩病萍蹤贏得聚天涯漫游相約爭飛步細嚼知難靠
補牙何處池塘宜謝草更誰遠夢到江花尋常閒詠成
詩讖回首當年淚似麻

年年瀟瀟儘句留久與文郎氣誼投若論交情應後輩
恰緣年格僭同儔讀書難得香傳世理事原來仕已優
太息故人今不見空教嗚咽泣江流

別來兩地繫相思一戰秋風不自持遙寄祝詞占勿藥
權充庖代敢差池公以理事 驟聞噩耗渾疑夢怪底星

流似預知借問九京沽飲處阿誰落拓伴書癡

中原風氣變歐西花樣翻新迥不齊我輩生平稱頑古

兒曹任聽混華夷泉臺可有桃源境蹤跡肯忘雪印泥

聞說永新神使至續迎循吏渡江溪公疾大漸請永新

君讓三將笑我爲馮婦此言也似讓非

誰蓋遺愛在民歿祀于社固其宜也

解組歸來僅半載賞心快讀遂初篇張公風度猶如昨

阮籍豪情不減前偶染微疴驚夢豎旋聞噩耗返遊仙

我公此去無遺憾綸誥重重表墓阡

董曾久奐伯

三四明叢書
味香廬外紀
刻圖刊本

茲花楓葉起悲愁魯殿靈光不復留賀老還鄉纔兩載

藥公立社已千秋九重恩誥輝輝掖一卷楹書裕燕謀

從此西江沈夜月仰瞻遺像淚長流

馮丙然泚繁

筆掃詞場看春秋報捷文運筆昌西曹分部選東浙盛

名揚牛刀試亦何妨志奪我循良沐恩光宦情似水召

赴仙鄉空教淚灑壺漿過州門痛哭別列門牆學科

誰振起商場孰主張梁木壞哲人亡星月夜蒼茫願異

日流芳史冊阡表瀧岡

謝寄意難忘

余載

書江定甫事

張美翊箋

往讀武進張皋文編修茗柯文編書左仲甫事蓋記其

治霍邱之政甚平無奇也願其文絕可愛今效爲之書

江定甫事

吾友江定甫以進士官秋曹逾十載忽自請改知縣謁

選得江西永新光緒三十二年十月繳憑到省明年八

月抵任又明年調省及祥符中丞由浙洎贛察其枉命

布政司檄令回任君以病屢辭不赴惟時余在祥符公

味香廬外紀

十四四明叢書
刻圖刊本

幕府則大怪之嗣晤永新賀主事贊元詢以吾友江君

作令何如賀君則曰侯誠篤君子人也在官無異人之

政而吾民安之殆古所謂仁恕吏者余曰然江君之爲

政固如此及閱留東學界江西雜誌永新縣來書其言

曰吾邑自韓公去後無良吏閭公死後無慈官十餘年

來如某某之貪庸某某之殘苛其尤著者惟某公彼善

於此亦不久於其任去年今日忽有溫厚循良清廉公

正之江公來公本醇儒爲循吏敷教化以文章下車伊始

卽訪問疾苦延聘方正討論政策勸學平訟與民休息

其不待止官督率而無曠厥職者猶其餘事狹隘酷烈之餘以煦燠噴淋出之莫不欣欣然有喜色乃當道不察竟無故而謂省而督庸貪婪魑魅魍魎之某令出現攫人於光天化日之下至今而尚留何若是之不與民同好惡也凡雜誌所載於江右官吏多皆警獨於君如此余則大驚喜因問君非有奇才異能在官僅十閱月何以能得士民之心君則嚙嚙而信曰吾有何才能以稱斯官惟願記大學所云心誠求之不中不遠以是出政位民無他道也吾聞永新號稱難治自吾之至一以

味音廬外紀

十五四明叢書
約圖刊本


誠待吾民往者其鄰某鄉輸納錢糧多不如期官憚之不敢問吾亦催徵而輸納者洗時畢集民間吾之將去也益殺之恐後以是之故吾罪稍輕吾何德於民而民之愛之若是惟吾則既病矣故不敢復往以負吾民而重吾罪言之貌戚然有憂色且出其邑紳士公函相示皆速君回任而還我使君之聲且環以起也烏虜觀於此誰謂民無直道哉而今之爲民上者疾視其民何也聞君之去任爲官銀錢局所中夫以溫厚循良清廉公正出於民之口者尚不安於其位則州縣誠不易爲矣

寒叟曰臬文書左仲甫事有云今之爲治輒曰儒者迂闊愚才不任事以吾觀左君迂闊人也蓋余於江君亦云抑聞吾友山陰湯壽潛嘗先爲安徽青陽令三月卽告歸繼其任者至爲民所逐以去曰求如湯侯者來然則繼君之任固匪易哉君名仁徵定甫其字也浙江鄞縣人宣統元年元旦同邑友弟張美翊撰

味音廬外紀

十六四明叢書
約圖刊本

味音廬外紀



鶴巢詩存

四明張氏約園關雕

序

忻君紹如長余四歲余於其卒也既為詩以哭之其子
 燾一日以文存四卷詩存一卷攜以眎余余兄事紹如
 者也自庚午始輯四明叢書為余草凡例洎後有所疑
 輒往返商榷茫茫墜緒得紹如搜編者亦多矣孰意戊
 寅之秋與之一別遽作古人不獨善人君子難得易失
 而交游零落如此此歐陽子之所以致慨也紹如為簡
 齋先生次子生十七歲而孤每念庭訓有曰學猶殖也
 厚其培而去其害時至則熟焉剽竊以為工涉獵以為

鶴巢文存 序

一四明叢書
約圖刊本

民國二十九年九月世愚弟張壽鏞

鶴巢文存目錄

卷一 論辨

漢宣帝信賞必罰綜核名實論

張蒼領主郡國上計論

唐太宗盟突厥於便橋宋眞宗盟契丹於澶州論

開元四年召新除縣令試理人策論

元代分封諸王論

大學之道在明明德在親民在止於至善義

周唐外重內輕秦漢外輕內重各有得失論

鶴巢文存 目錄

一四明叢書
約園刊本

學堂之設其旨有三所以陶鑄國民造就人才振

興實業國民不能自立必立學以教之使皆有

善良之德忠愛之心自養之技能必需之智識

蓋東西各國所同日本則尤注重尙武之精神

此陶鑄國民之教育也講求政治法律理財外

交諸專門以備任使此造就人才之教育也分

設農工商礦諸學以期富國利民此振興實業

之教育也三者孰爲最先策

三國志帝魏辨

响樓碑諸說異同攷

青衿城闕解

富弼奉使如契丹請易書而行論

卷二 序跋

亦政堂支譜序

續修支譜序

姜氏創立族譜序

四明清詩略緣起

國學生麗泉公八秩開一大慶之序

鶴巢文存 目錄

二四明叢書
約園刊本

族兄如意老人七十晉九壽序

夏伯瑾太史七十生日贈言

方君式如明經七十壽言

谿上費瑚卿廣文七十贈序

久敬說贈顧君元琛七十生日

徐君衷白七十壽言

林君芝浦七十生日贈言

徐君弼士六十生日序

蔡君仲衍六十壽言

說器贈張申之同年六十

慈谿張節母楊太孺人五十壽言

千秋金鑑錄書後

晦廬跋

匪窟悲思記跋

卷三 傳志

族曾祖母王太孺人傳

先文學府君家傳

張藜齋先生家傳

鶴巢文存 目錄

顧君猷嘉譜傳

盛節婦費孺人傳

先母陳太恭人行述

姜君炳生行述

黃泥鼻阡表

先府君墓柱文

清故州同銜國子監生張君墓碣銘

故內閣中書副貢生方君墓志銘

明經張君墓碣記

三四明叢書
約園刊本

重修滬浦廟記

寧波錢業會館碑記

四明公所甬北支所碑記

毓秀義塾記

虹橋別業記

芝軒記

陳氏涵養山莊記

卷四 雜著

高祖使陸賈賜佗印為南粵王賦

鶴巢文存 目錄

擬謝希逸求賢表

復雲麓同年尺牘

董公鄧耘像贊

曹君蘭彬像贊

方君式如明經哀詞

金允升先生哀詞

題盛小吾先生畫

梅占春小傳

四四明叢書
約園刊本

鶴巢文存卷一

清鄭 忻江明紹如甫著

論辨

漢宣帝信賞必罰綜核名實論

漢治多用黃老之術而獨至宣帝不然黃老之為治疏節關目崇尚簡易其流弊至於一切廢弛文景之世不如此之甚而古治之不復卒亦坐此然則罔密文峻任法而治較勝於簡易乎曰滋不可也法令者治之具而非制治清濁之原也宣帝起於側陋知民疾苦讀政平

鶴巢文存

卷一

一四明叢書
約園刊本

訟理一詔藹然仁者之言而又增小吏之秩復功臣之後迹近寬大獨其弊吏之政流入苛深夫弊吏者朝廷之大權也總於天子分寄於大臣幽明黜陟得其當而已必欲以一人綜核則不能不多為之法以防制之拘攣之使大奸有所不能踰而賢智之臣亦無能效尺寸於法之外夫果恃此法令而可以制治清濁豈非弊吏之善政然而黠者舞文巧者欺飾弊常出於所防而患每中於不覺若膠東相王成以偽增戶口賜爵矣趙蓋韓楊之誅人或冤之矣賞罰之失當名實之不符竟出

於罔密文峻之世則治具果安足恃乎而徒使當時諸臣如魏相丙吉于定國輩兢兢奉法懼於獲戾無能大有所設施斯非帝刻覈之過耶向令帝非以法令為重則小臣無所欺隱大臣得以有為一心一德共圖上理其治效宜有加於文景惜乎有復古之資而帝不善用之也雖然輕典重典用各有當漢之吏治未壞也而偏重法令轉益其弊故吾以為過若夫臣下泄沓羣吏玩弊之時則又惜不得如宣帝者而為之君也

張蒼領主郡國上計論

鶴巢文存

卷一

一四明叢書
約園刊本

張蒼非大臣器也史盛稱其主計之才而於相業則無聞甚矣史無溢美之辭也蒼之領主計屬於蕭何原其職守當如周太宰之有小宰與司會職內諸官抑其時設官未備而高帝善疑特使蒼領此職藉以分何之權歟是皆未暇深論獨怪蒼為相十餘年豈無一二事可表見而史第津津於此何哉史稱蒼好書善算嘗為秦柱下史始歸漢從沛公略地積功封北平侯及遷為主計典校郡國簿書以列侯居相府者四五年於茲夫簿書之職具臣之事也史之著此猶曰是趙魏之老不可

爲滕薛大夫云爾豈竟以工於書計賢之耶況漢初功臣差等首從起豐沛之人次從入關次從定三秦蒼固從入關者蕭何爲相而蒼乃以列侯主計有以知其無大用之才矣其後所就不過比定音律而又專於信已沮公孫臣之進言聞於知人不能察中候之爲奸利史於蒼之所短皆直書不諱蓋以蒼本文士無幹濟之略其所長者特好書善算而已吾故曰非大臣器也或曰漢之度支領於丞相主計之職亦度支郎中之比固權要之任也蒼之領此能當其職乃異時入相之資史公

鶴巢文存 卷一

三四明叢書
約園刊本

蓋賢之矣然則當文帝之世庶事草創制作將興正可以有爲之時何以一無所表見而史但著其短哉蓋漢初之置相多用舊臣往往才不當任蒼罷免後申屠嘉以次進用彊毅雖過於蒼而病無術學讀史至此因歎漢世之無大臣而並以見史公子奪之嚴也

唐太宗盟突厥於便橋宋眞宗盟契丹於澶州論中國之於夷狄有以恩結之者有以威脅之者所謂威非徒兵力之強也其國本人心必有深固不搖之氣譬於無形而奪以先聲而彼始駭然以懼否則輕舉妄動

雖有兵力無濟故親征之舉有成有敗唐武德九年突厥入寇至便橋太宗出禦之懼而受盟宋景德元年眞宗以契丹內犯親幸澶州虜知有備亦帖然就誓此皆脅之以威無亡矢遺鏃之費而弭禍於俄頃之間夫虜挾其百萬兵力乘釁以窺我我以百萬兵力禦之而猶懼不濟而天子一人之威足以懼伏之而有餘親征之舉固禦夷之上策歟然而明之王振襲其已事徼倖一時卒致喪師辱國爲天下僂笑何哉今夫千金之子坐不垂堂矧以大君之尊親臨行陣庸敢無所恃而爲此

鶴巢文存 卷一

三四明叢書
約園刊本

唐宋之世師武臣力什倍於明而國本人心尤能自立於不敗雖當時舉兵決戰亦無難燿突厥之師而平契丹之壘況臨以猝然之威豈有不懾服者哉唐宋君臣老謀成算非王振輕於一擲之比也嗟乎夷狄之患無代無之吾苟有足恃與戰可也與和可也苟無足恃則與之和而自修其政自息其民可也蓋自古國家未有無政與民而能絕夷狄之患者唐之盟突厥也不數年而旋滅之宋自澶州之役歲幣日增而爲患仍未有息則以當時之國本人心其盛衰亦較異耳有國是之責

者宜深維至計毋徒事賄和毋輕言決戰天下其庶有
豸哉

開元四年召新除縣令試理人策論

以資格用人以循資格限用人之人而求選敘之無濫
不可得已選敘既濫而求應選者之於治有效於民有
濟亦不可得已命匠氏以治材不問所習而第其姓名
以爲高下引重之馬不齊其力而但別其羣以充選則
工必傷斲馬必更駕用人之道亦然故欲整吏治必自
慎銓選始唐代銓政並歸吏部吏部留放率循成例開

鶴巢文存

卷一

五

四明叢書
約園刊本

元四年以選敘之濫召縣令試理人策至有放歸學問
者夫以盧從愿李朝隱雅負時名典選稱職而冗濫如
是則其餘可知裴光庭循資格之說當時尙未行也而
敝壞如是則其後又可知此豈一試之所能振刷哉今
夫守令之黜陟懸於吏部吏部之賢否決於天子誠得
其人則畀以專權不格以常例天子責其成而已而又
設考課之員嚴稽察之例令而賢也賞及於吏部其不
賢罰亦如之大權之所寄賞罰之所及銓選之際抑豈
有不周詳審慎者今不得其要領欲挽數百年之積弊

於一試之頃卒之冗濫猶是敝壞猶是雖其後分爲十
銓親決試判而積習仍如是然則一時之釐正果何益
於吏治乎且當時所謂理人策者尤不足信詞理如章
濟而不聞以循吏稱毋亦崇虛詞而鮮實效者耶夫不
除資格則士多冒進不責成吏部以慎銓選則人樂因
循而徒以一試警厲之宜其不足以得人而吏治亦無
由整也嗟乎五季之衰仕途冗雜士薄外任至不肯注
雖唐世猶然開元初政極意更張乃不重責成而吏部
非才終以循用資格爲便銓政之壞果遂成爲世變哉

鶴巢文存

卷一

六
四明叢書
約園刊本

可慨也已

元代分封諸王論

藩鎮之禍漢唐以來視爲厲階議者創爲沿邊封建之
說以爲足以輔郡縣而無弊然而地小不足以資控制
地大則足以生亂階如元代親藩並王塞外而數傳以
後竊奪相尋爲患之烈不減漢唐之世則信乎封建之
難行也元之疆域奄有俄羅斯東西之地西偏諸部卓
齊特用兵於前巴都及轄魯征討於後所得部落卽予
鎮撫諸王各安封域朝貢不絕屏蔽京畿世享其利矣

其東偏則自太祖時已隸版籍太宗分王子弟北極吉
利吉思南盡謙州益蘭州封地之廣幾徧朔漠至世祖
平宋並各予以內地食邑建親之典至優渥矣而不數
年閒乃顏首倡叛亂海都諸王相繼而起蹂躪於東部
者亡慮數十國備禦征討垂三十載至元貞七年都幹
及海都子徹伯爾始罷兵入朝諸王叛者亦相率來歸
於乎其服之難而叛之易哉豈處之未得其宜耶抑
帝王子孫皆不肖如卓齊特轄魯之後之累世朝貢固
僅見耶此有元一代封建得失之林也且夫為封守計

鶴巢文存

卷一

七四明叢書

約園刊本

則邊徼之地誠宜建立藩鎮以資翼衛然既假之以土
地授之以甲兵即難保其不互相爭奪國家全盛之時
彼或捍禦外侮以徼寵命一旦陵夷必且有帝制自為
者漢之七國晉之八王明之靖難同此轍也乃顏海都
地最大叛亦最先尤其明鑒後之人而必欲復藩鎮則
賈生眾建少力之說固不易之論哉

大學之道在明明德在親民在止於至善義

大學首章聖人明學術之大本政治之常經而即以定
教育之宗旨蓋天下之凡為教育者無以易此矣教育

不正宗旨不明於是舍本騫末之弊有欲速之病有
偏至之蔽故夫立學之始不可不審也三代以上治與
學合一自庶民之俊秀至天子之元士無不入學名物
象數少儀內則既肆之小學矣逮入大學則致意於大
原大本盡在我之性以為體明在物之理以為用所謂
德即天命之性五常之德也所謂明即率性而行之也
格致以庸之誠正以閑之至於身修而德明矣而可推
之家國天下矣夫古人之勤懇為此者凡以為家國天
下也凡以為民也民亦有德德亦宜明革其舊習以復
其固有鼓之舞之以盡其性故曰明明德於天下新亦
明之謂也二者既具而其要尤在於得止蓋天下之道
不立其極則或倚於一偏為我之無君兼愛之無父皆
一偏之弊至善者大中至正之則明新之臻其極而無
弊者也此皆大學之所有事也其道亙古今而不變其
理合聖凡而同歸故曰在在者取必之詞也蓋聖人教
育之宗旨如此今夫世運雖殊學則一也學術雖殊道
則一也講藝事而不先尊德性弊在騫末與人才而不
先育民行弊在欲速二者交蔽是曰偏至均非古者大

鶴巢文存

卷一

八四明叢書

約園刊本

學之道也古之大學釐然有當秩然有序確然而不可
易蓋先聖哲王千百年相傳之道非孔氏一人之私言
也得其道而明之庶乎教育之有成也

周唐外重內輕秦魏外輕內重各有得失論

行封建之意則治飾封建之名則亂此古今世變之大
較然也若周若唐若秦若魏皆其已事也自周以上人
君制治未有不行封建者至暴秦而大變之二世短祚
禍亦較烈魏之世侯國置防徒寄虛位其制更劣於秦
而其閒若漢建七國晉封八王則皆飾封建之名者也

鶴巢文存

卷一

九四明叢書

約園刊本

論者謂唐之藩鎮治最近古而吾猶以爲飾其名而無
其意故終不能以已亂然以較秦魏之孤立無援其得
失抑不可以道里計矣今天天下者非一人私之而卽
能以永保者也吝其所有刊印不予秦以趣其亡削奪
羣藩禁制已甚魏以速其弊由君子觀之皆匹夫之智
耳聖人者有大智焉眾建諸侯世其爵祿俾各治其治
以成吾之治以爲子孫帝王萬世之業故與其使天下
有內重外輕之弊毋任使後世有外重內輕之弊此聖
人制治之術也周之初制分土錫爵大小相維王畿之

內六軍萃焉雖有桀鰲粹難生變蓋內外之勢均矣東
遷以降王迹旣熄天王綴旒然延祚猶數百年其失也
非封建之咎也唐府兵之設重內制外可謂盡善初亦
未有失也自天寶之亂四方精銳盡在西北朝廷無以
自固而外重之勢始成重以遙授兼領之紛更父子將
禪之僭襲大權旁落羣鷲不靖唐祚之移實基於此且
其弊尤在不予以傳襲夫旣置之沿邊以固疆圉則宜
世其爵祿俾各治其治而乃紛紛更代以開希冀卒至
稱兵抗詔自相傳授叛將降臣迭起爲患吾故曰唐之
失亦飾封建之名而無其意者也而論者乃謂周弱於
封建唐亡於藩鎮夫不究利害之本末而徒以其害而
已則天下亦安有所謂善法哉然而周與唐傳祚久遠
無草竊之猝發無篡逆之內變終愈於秦魏之世徒以
快一日之專制也宋至靖康始立四道金至興元猶建
九公彼其末造尙用是以持其後則信乎周唐之制之
爲慮遠而所失輕也然則處今行之可乎曰誠欲泯輕
重之弊則莫若寓封建於郡縣重守令之職復世官之
法先以邊徼次及內地有周唐之利而無秦魏之害是

鶴巢文存

卷一

十四明叢書

約園刊本

所謂行封建之意者也而獨如積重之難返何哉

學堂之設其旨有三所以陶鑄國民造就人才振興實業國民不能自立必立學以教之使皆有善良之德忠愛之心自養之技能必需之智識蓋東西各國所同日本則尤注重尙武之精神此陶鑄國民之教育也講求政治法律理財外交諸專門以備任使此造就人才之教育也分設農工商礦諸學以期富國利民此振興實業之教育也三者孰爲最急策

鶴巢文存 卷一

十二四明叢書
約園刊本

今之世學戰之世也學戰之操勝數厥有三因有精神以鼓舞之有法制以歷練之有技術以便利之然而三者之中精神爲要無精神則亦無法制技術今使有一學境於此其於理想界政治界格致界無有乎弗具無有乎弗賅則必其人之精而明疆而固者也有國勢於此其於理想界政治界格致界無一人弗精無一人弗備則必其國民之沈而毅專而一者也故夫國民者孳乳人才基礎實業者也近今東西各國公私學堂率以萬計法制之密技術之精論其作用大率從同願皆

有其國粹主義自爲準的而非他國所能假借雅興之尙文斯巴達之尙武古代無論已以近時列強言之英吉利則注重德育體育者也其學科與程度較遜他國而絕大之學術家政治家出焉蓋教育之宗旨不在形迹而在精神也德爲新造之國前倡民族主義後爲民族帝國主義凡所組織能令其民愛國與自愛之心聯爲一體亦教育之最勝者也而日本之大和魂沿流於斯巴達尊王尙武使一國如一軍尤能吸取文明與歐西列強並要而論之無非恃國民之精神而已若法之

鶴巢文存 卷一

十二四明叢書
約園刊本

學堂徒養官吏俄之教育務抑民權積弊相承無足比數矣且夫國之所以有教育者爲國民也非徒爲一人一事也教育之所以有效者以全國皆注重於此非一人一事之烈也不此之務而羅致各學多爲門類以期速就不必其學之果無益也試問誰教之而誰學之耶匠石之成室也鳩工庀材大局既定然後楹榑臺棟次第交施若先謀楹榑之雕刻臺棟之藻績則必無完構矣教一人習一事所謂藻績雕刻者也若興學而不急先務雖法制技術事事具舉而國民之精神做廢如故

頑鈍如故有法無人吾未見教育之能有效也往者日
本興學以爲西洋工技必合東洋道德而成吾中國相
傳之道德優於日本矣誠去文法之已甚絕欺罔之積
習以振起國民精神精神既振人人嚮往士豈有不競
於學工豈有不競於藝人才豈有不就實業豈有不興
乎夫有教育而後國民可用有國民而後教育可施亦
其勢然矣然而此豈一日之事哉

三國志帝魏辨

陳承祚作三國志帝魏不帝蜀後之議者蓋起此皆盲

鶴巢文存 卷一

十三四明叢書
約園刊本

人捫燭之談也夫承祚仕於西晉晉受魏禪如僞魏卽
僞晉承祚之帝魏勢迫之也非其本心也觀之三國志
中而釋然矣史例起於馬遷斷代爲史起於班固一代
之書必有專稱如漢書晉書之類今不曰魏書而曰三
國志是夷魏於吳蜀也不以一統予魏也蜀始終稱先
主後主操則先稱公後稱王丕則先稱王而後稱帝明
魏以漢臣而篡漢與蜀之始終稱主者迥殊至芳則稱
齊王髦則稱高貴鄉公奐則稱陳留王不帝其子孫以
明不帝其祖父魏自明帝以後不載皇后與蜀之後主

兩后俱載者迥殊不后其妻以明不帝其夫曾帝魏而
若是耶劉焉劉璋不附於袁紹呂布等列有二義焉一
則不使魏之似正統也董袁羣雄旣已無奈而列於魏
志矣使二牧而同此例則竊據者全繫於魏不幾疑魏
爲正統乎一則明昭烈之興先有驅除也二牧窺竊神
器而慶鍾先主如陳涉項羽發難宰割而成於漢家也
黜魏尊漢雖未明言而已可了然於心目間矣先主傳
曰漢景帝子中山靖王勝之後勝子貞元狩六年封涿
縣陸城亭侯坐酎金失侯因家焉祖雄父宏世仕州郡
其統系何正也於操則曰漢相國參之後桓帝世曹騰
爲中常侍封費亭侯養子嵩嗣官至太尉莫能審其所
出本未明其爲宦官遺孽無足比數書帝系者豈有如
此書法哉且論先主之德則曰少語言善下人喜怒不
形於色此帝王之度也於操則曰少機警有權數任俠
放蕩此奸雄之略也於先主形狀則曰身長七尺五寸
垂手過膝而操無聞焉於先主符瑞則曰舍東南籬角
上有桑樹高五丈餘遙望見童童如小車蓋往來者皆
怪此樹非凡先主少時嘗於樹下戲言吾必當乘此羽

鶴巢文存 卷一

十四四明叢書
約園刊本

葆蓋車而操亦無述焉此可見先主有天日之表圖鳳
之祥迴非操所能及也其爲帝先主乎帝操乎其評先
主曰法毅寬厚知人待士有高祖之風焉及其舉國託
孤於諸葛亮而心神無二誠君臣之至公古今之盛軌
也其評操曰漢末天下大亂雄豪並起太祖運籌演謀
鞭撻宇內擊申商之法術該韓白之奇策官方授材矯
情任算終能克成洪業抑可謂非常之人矣以高祖擬
先主而以韓白申商擬操試以兩評字字較量孰主孰
臣固不俟知者而始知也曹丕篡漢先有李伏一表繼

鶴巢文存 卷一

十五四明叢書
約園刊本

有劉廙辛毗等疏許芝復博引圖讖至一千一百三字
丕皆辭讓至於心慄手悼於是辛毗司馬懿等復上書
陳勸丕辭謝然後獻帝下詔禪位凡十三丕辭亦十三
獻帝傳所載至數萬言而承祚盡刪之至先主則悉載
劉豹許靖等疏疏中復言前後上書者八百餘人其誅
丕之篡漢而許先主以人心天命之歸昭昭然矣況丕
受禪則曰爲壇於繁陽庚午王升壇卽阼百官陪位事
訖降壇成禮而反曰卽阼而不曰卽皇帝位曰事訖曰
成禮而反所訖何事所成何禮率略荒忽如不欲書至

先主則於許靖等疏明言臣等謹與博士許慈議郎孟
光建立禮儀上尊號卽皇帝位於成都武僭之南而卽
備述其昭告之文鄭重若此曾帝魏者而有此書法乎
而不第此也漢書紀傳後有贊承祚用班例宜亦作贊
而乃改之曰評以魏吳皆亂臣無可贊也蜀雖從同曰
評而於楊戲傳中特載蜀君臣贊以表異之如非以蜀
紹漢焉用是燕文哉夫欲以正統予蜀所最難者生時
一帝字歿時一崩字承祚以主字代帝而先於二劉評
內有慶鍾二主之語二主者高光也是先主卽高光也
復以殂字代崩而載諸葛出師表曰中道崩殂是殂之
卽崩也所謂放勳殂落者也承祚帝蜀之意更復昭著
矣而猶得皆其帝魏耶要之三國志中無一處不寓帝
蜀之意而其名爲帝魏者勢迫之也豈其本心哉

鶴巢文存 卷一

十六四明叢書
約園刊本

岫嶼碑諸說異同攷

岫嶼碑始出於南宋明時尤著宋以前僅見歌詠而已
碑之本末則楊升庵集湛若水甘泉文集汪師韓韓門
綴學皆嘗辨之所見所聞各有異辭亦攷古家一大疑
案也夫夏世藝文至今罕存矣是碑歷四千餘年之久

顯明於世刻之者十餘家

楊慎安如山楊時喬容瑞張襄毛會建李藩高氏刻本汲

縣刻本岳麓釋之者凡五家

楊慎楊廷相楊時喬沈鑑本衡山木

字沈鑑與楊慎異者十一字即瑛與沈鑑異者九

者二十二字楊時喬與四家異者五十餘字

既難符合復經點竄愈益歧誤而諸家著錄輾轉相承

皆若鑿鑿可據即近人朱彝尊王昶雖未深信亦不敢

竟斥爲僞蒙嘗刺取諸說合而證之蓋抵牾有不可勝

言者焉王象之輿地紀勝曰禹碑在岫嶠峯又傳在衡

山縣雲密峯宋嘉定中蜀士以紙打其碑七十二字刻

於夔門觀中據此則今之岳麓本並諸家釋文何以皆

鶴巢文存

卷一

七四明叢書

約園刊本

七十七字耶湛若水謂衡山神禹碑嘉靖間發於地中

碑末書右帝禹刻四字其中所云不可識而引徐靈期

南岳記云夏禹導水通瀆刻石書名山之高南岳文云

高四千一十丈似碑又僅此六字者衡山岳麓二本同

刻於宋嘉定同出於明嘉靖而相左若彼其他無論已

述異記曰崆峒山有堯碑禹碣皆籀文按此說亦不足

據即使可據亦在崆峒而非岫嶠孫氏承澤引以證此

尤爲失核楊升庵引水經注曰禹治洪水血馬祭衡山

於是得金簡玉字之書湘中記亦云岫嶠山有玉牒禹

案其文以治水上有禹碑然則碑文皆治水法何以就

釋文觀之而爲承帝曰咨翼輔佐卿云云也且大禹治

水由冀充青徐而揚至荆時功已將竣謂必案玉牒而

後能治有是理乎吳越春秋曰禹東巡登衡嶽血白馬

以祭不幸所求乃以蒼水使者之言齋於黃帝巖岳之

下登宛委山發金簡之書觀此是大禹刑白馬於衡岳

而得書於宛委且又無立碣之明文如謂此碑即所得

金簡則亦當在會稽乃以得書混之立碣宛委屬之岫

嶠可乎不可朱氏彝尊謂見吳越春秋果何所見而云

鶴巢文存

卷一

七四明叢書

約園刊本

然耶劉禹錫寄呂衡州詩云傳聞祝融峰上有神禹銘

古石琅玕姿祕文龍虎形韓退之謁南岳廟兼賦岫嶠

山詩云岫嶠山尖神禹碑字青石赤形模奇又云事巖

蹤跡鬼莫窺道人獨上偶見之蓋夢得徒聞其名昌黎

亦不過馮道士一語未見其碑故朱文公韓文攷異云

今衡山實無禹碑此詩所記乃當時傳聞之誤而王氏

昶謂證之道人登山偶見之語是岫嶠禹碑無可疑者

夫據昌黎一詩即以爲實然是則陳倉石鼓確是周宣

王物持之問世又誰信從耶至其釋文則亦有不足據

者楊氏慎釋云久旅忘家宿岳麓庭岳麓者岳之麓也
既曰麓又曰庭不辭甚矣長山刻本釋文云登島瀉端
鄉邑按鄉邑之分實在周時夏世未有也暗歇遲眠句
尤淺近不古總之碑既晚出字亦臆度合以諸說無一
可信其非夏禹物蓋不待智者而始決焉謹攷之如左

青衿城闕解

青衿之義當從毛傳爲長漢石經改衿作衿說文衿字
注交衽也从衣金聲攷今聲金聲之字皆有禁義爾雅
衣皆謂之襟孫郭注並云交領釋名釋衣服襟禁也交

鶴巢文存 卷一

十九四明叢書
約園刊本

於前以禁禦風寒也襟字最古衿爲段借字若衿旁从
金金从今得聲明係晚出故毛傳訓衿爲領實能引伸
衣皆之義確爲可從惟城闕二字乃云乘城而見闕模
糊影響未足爲訓且城闕本連文安能於闕上添一見
字以支離其義乎鄭箋謂國亂人廢學但好登高見於
城闕以候望爲樂孔疏引爾雅觀謂之闕謂闕者人君
宮門不宜乘之候望此言城闕蓋城上別有高闕鄭氏
未見發明孔氏尤鑿空無據竊嘗參攷城制核以諸說
而得所折衷焉說文章部缺缺也古者城闕其南方謂

之缺段氏引公羊傳注曰天子周城諸侯軒城軒城者

缺南面以受過也猶軒縣泮水義也毛詩城闕當作缺

闕其段借字非象闕之闕蒙按此說甚當攷尙書大傳

云百里之國城九里宮三里七十里之國城三里宮一

里五十里之國城一里以城爲宮鄭爲七十里國其宮

南面當屬城以宮外之門爲城南門卽所謂庫門者中

爲雉門內爲路門庫門無臺雉門路門有臺禮器郊特

牲所言臺門是也若兩觀謂之闕周制天子設於應門

兩旁中央闕然故曰闕大夫不臺門諸侯不兩觀鄭安

鶴巢文存 卷一

二十四明叢書
約園刊本

得有闕之稱公羊傳載子家駒之言曰設兩觀乘大路

天子之禮何注引禮天子諸侯臺門臺觀爲通稱闕爲

專稱以闕爲臺觀則可謂臺觀卽闕則不可且闕之字

以兩而得名易象艮爲門闕虞氏云兩小山闕之象元

和郡縣志伊闕山兩山相對望之若闕闕以兩得名侯

國一觀必不稱闕是城闕爲缺之段借字無疑城闕者

南城缺處謂庫門內外也城外爲鄉鄉學所在士旣廢

學但往來遊治於城市之間故詩人刺之諸家惟泥於

觀闕因並以登高爲言不知詩言在詩豈嘗言登乎或

曰稱臺門爲闕猶稱夾室爲个詞義之閒容有通假然則詩何不明言在城臺而必因諧韻而稱曰闕以開疑似之漸豈古人文字亦趁均率湊耶此必不然矣

富弼奉使如契丹請易書而行論

嗚呼頭能壓日險人心於九幽手欲障天付國事於一擲模胡面血舐時空識中丞皓白頭鬢歸去依然提舉自古權奸檔國鬼蜮憎人前後竟如一轍哉鄭公當慶曆之年任正言之職以中書之糾察招許國之猜嫌而結伴外臣頗知敵要詔書遽下軺節遂行論者或謂以

鶴巢文存 卷一

三四明叢書 約園刊本

真卿宣慰許淮實盧杞甘心坑陷不知此猶人臣之分不足爲政府之病也夫冢宰當國貴覈人才臣子事君何言利害主之者誠爲有意受之者尙覺無辭獨是長羅奉使生尙可還林甫陷人死猶未已輶軒嚴重敢恣報復之心寶冊輝煌竟逞上下之手非張儀之詭楚成約旋更效先穀之怒鄰行辭頓易假使出都旣稔展喜之命旣承奉幣回皇殷浩之函竟達開北朝之巨衅來西鄰之責言無論納屬國之賜難期抵乳喋子雲之血終贖豺心而當是時控龍川邊方警懸哨之鴿飛狐道

口徒占炙脾之羊尙北門之鎖鑰又開西樓之機槍直起捆刀弓以珠玉易樽俎爲干戈雖小范知兵胸餘數

萬老種善戰氣壯三千必不至十六國羯胡荒銅駝於京洛五百年王氣息泥馬於錢塘而烝蠅飛蝟已費東山之錡斧奔狼突豕終廬南國之珮瑁況乎望北地之歸魂冰天雪窖據西湖之偏局水賸山殘未始不因控馭乖方致使中原多故則夫因後時之覆轍定此日之爰書雖受辱虜廷無暇爲行人扼腕而貽危家國得不爲當軸痛心幸而周中書僞劄經堂吏而糾明張廷尉

鶴巢文存 卷一

三四明叢書 約園刊本

奸謀因長史而檢舉而黨人險隘猶爲謾面之談辱主仁柔不礪誅心之鉞嗟夫盈廷皆馬知趙車令之威權舉國趨羶識實將軍之勢欲雖或壽張之幻蔽日無常毋亦倒授之權履霜有漸也乎迨夫善鄰之書付國子以潤色和戎之策聽魏絳以成功抗一節以馳驅使四方而專對穹廬失色琅琅辨誦之聲椎髻降心款款主賓之禮不失朝廷之體遂正兄弟之稱而聞榮辱兩言蠻夷長猶爲動念爭獻納一字樞府臣竟少留心自襲中夏之聲威終被外夷之匿笑猶欲假資政作賞功之

地以司徒酬軍國之謀此有識所心非豈賢者而首肯
哉大抵鄭公亢直易招同列之嫌許國檔權不少營私
之計而乃六州鑄錯依然鐵骨之錚錚百鍊純鈎反完
英鋒之鏘鏘掣肘雖多萬計成績終炳一時千古如新
誰是比肩而繼跡九原可作不將慙汗之淋頭也哉

鶴巢文存

卷一

三

四明叢書
約園刊本

鶴巢文存卷一

鶴巢文存卷二

清鄭 忻江明紹如甫著

序跋

亦政堂支譜序

甲寅秋八月吾忻氏續修亦政堂支譜既竟宗老德渠命江明序之序曰忻之為氏見宋鄭樵通志列入四聲為欣氏續通志補之始作忻其實忻欣古字通非別有所謂欣氏也今山西忻州廣韻作欣州謂因欣口得名欣口即水經注之忻中口無二地也此非忻欣通用之

鶴巢文存

卷二

一四明叢書
約園刊本

證乎鄭志謂欣氏望出西河西河在宋為汾州今為汾陽攷忻州靜樂縣本漢汾陽地隋曰汾源唐置管州以境內有管涔山為汾水所出故名而忻州之忻川水源出西管涔其上游為忻中口見於水經是其地相屬其水同源西河一郡實兼今忻州所轄之地鄭氏所謂望出西河蓋明著吾氏為晉產其或因忻水忻口而得氏如傅蒙涂嵇陵陽少室之以地著歟以鄭漁仲之淹貫古今尙未能證而實之遑論末學唐林寶作元和姓纂而已姓不知所由來非敢援以解嘲亦以見徵文攷獻

之難也自余有知得觀先世譜牒嘗欲掣窮其系本作氏源攷而久之而無所發明雖然為譜之道不在是也以余觀前人之譜蓋綦慎矣以始遷祖為一世大傳繼別為宗之義也溯所自出別為舊譜圖一卷徵其可信而存其可疑史闕文例也自光緒乙亥仿房從枝分諸譜體而為支譜吾外舅董孟如師主其事條目敘次釐然井然夫以前人所詔示鄉先正所審訂如斯其慎且詳今茲續修余更何以益哉昔程子有言管攝天下人心以厚風俗必須明譜系收宗族立宗子法今人心缺薄風俗頽靡極矣異說朋興紀綱淪斃如橫流潰決而不可遏趨時之子其不為所激盪者幾希吾氏山居風氣樸儻先代節義之遺至今未沫吾願吾宗人以孝友為砥柱以詩禮為隄防毋軼於舊軌毋逐於時趨宗法雖不可復以是為明系收族之道其亦庶乎夫導河積石導江岷山不必遠溯重源但使龍門九江以下支分派別各循其軌而水固已治矣為譜猶是也明支系辨親疏序長幼穆然勵水源之思識先河之義愛敬良知人人能是而族固已治人心風俗固已厚矣尙何事旁

鶴巢文存

卷二

二四明叢書
約園刊本

疑沮忠汾君先廓祠宇祠成奉主於寢爭議以滋君竭誠調劑折衷眾論徵信疑既斥財以贖眾遂延耆宿定凡例立祠規羣情大懼而是譜乃有成緒於虞蓋其難哉忠汾君商於滬慷慨能任事余以校詩之役往來滬上一日君觴余長揖請曰吾家自明季由姚江來鄞四百年未有譜傳統既遠同異相疑今幸稍加釐正藉先人之靈族姓之和以集事恐其久而渝也族之人重君名君盍一言以信吾族之人余曰噫哉君之知所本也夫未有統緒不正而可言譜者傳曰親親故尊祖尊祖

鶴巢文存

卷二

五

四明叢書

約園刊本

故敬宗敬宗故收族收族故宗廟嚴凡以明一本耳昔聖王順人情以制禮立宗法以統族推本自出之祖特著繼別之宗以宗子治一族之政釐正倫序平亭曲直而族之人毋或違越族皆受治國家乃不勞而安自宗法既廢系緒散而無稽臣庶之家於是有統宗之祠懸書讀法享祀會食胥於是乎在而譜牒亦因以盛行體備於六朝例嚴於唐宋自古迄今相沿毋變蓋一本之義之所防制者微而所範圍者大也姜氏之爲譜大率循歐陽氏之法其中以年遠失攷閒涉疑似之嫌或寬

其既往或闕其所不可知譜未成而先訂祠規其第六章繫以譜規曰嗣後族人有子異姓者編入閩譜其主入毓義祠詞義森嚴統緒正矣餘文皆寓勸懲之意以作譜例之先聲此所謂收族而宗廟嚴也姜氏知所本矣今論者動言家族制可廢殊不知積族而成鄉積鄉而成縣積縣而成國族者國之始基族必系以譜譜者治之始基也夫治有術焉始於家族求其易治而已今之人乃理絲而棼之也忠汾君知是義其宗人亦達心以和以創成斯譜余尤信其族之多賢也姜氏其終有聞矣故徇其請而樂爲之序

鶴巢文存

卷二

六

四明叢書

約園刊本

四明清詩略緣起

外舅董孟如先生編輯郡人詩起清初訖光緒中葉凡一千六百餘家江明方弱冠從先生遊文字之役蓋身親之先是歲庚寅浙江學政南海潘公續輯兩浙輶軒錄寧波一郡屬先生主政先生竭一載之力采嘉道後郡人詩八百餘家上之書成所甄錄者不及其半先生以摛集之匪易文獻之有存毋廢也迺追輯國初以來諸家之詩合之所上底本釐訂增補別爲一集未及審

定而先生遽歸道山藏弄不慎寢致散佚同光兩朝至全遭蝨蝕今距先生歿且三十六年中更喪亂此殘本者僅而得存可謂幸矣江明每撫手澤慨焉興歎思欲校補錄副而逡巡未果友人胡文學璠毛茂才雍祥輒愆慰付梓且任行銷以責胡君率銀五百圓毛君率千圓既成約迺集郡之俊彥謀所以校正者僉曰稿多散佚宜再徵求以復舊觀復更端言曰今清祚既訖例當斷代先生歿後三十餘年中凡屬清代之人之詩宜續輯以成一朝之錄於是延耆宿置寫官廣徵博采得稿

鶴巢文存

卷二

七四明叢書

約園刊本

近千家闕佚者補之譌脫者訂正之近三十餘年中之詩別存之方事之始僉議用聚珍版精印以廣其傳凡閱時兩載有餘糜款逾萬金而是集迺出塵篋而登籤軸江明始念不及此其及此寧非先哲之靈所牖啟者哉嗟乎今之世何世也古學消沈異說坳起人樂於放佚相率嗤節義爲愚頑薄文章爲無用一二抱殘守闕之士厄於衆勢喑嘿無聲夫宋之亡也吾鄉王深寧陳西麓諸公悲歌慷慨唱酬於荒江寂寞之濱明之亡也汐社尤盛遺臣野老黍離麥秀之感一託於詩而今何

闕寂耶豈詩教亦中絕歟雖然節義者人道之原文章者不朽之業自遜國十九年來人人厭薄古學此集已若存若亡矣今幸藉諸君之力竟先生未竟之緒既以存一代之風氣且俾後之尙論者見先民之矩矱而思復其舊於世道人心或不無少裨焉宜諸君之亟於觀成而欲有以廣其傳也是役也校印之資出自捐募樂君俊寶曹君顯瑛左右余籌款尤力與凡有助於是集者援漢碑陰例書名簡端以彰其伐至續稿之輯摻采未備遺漏滋多所存或非其至者竊擬度藏以待增補

鶴巢文存

卷二

八四明叢書

約園刊本

諸君曰非前所云斷代意也且慮久而散佚因連綴付印而并誌其緣起如此

國學生麗泉公八秩開一大慶之序

文章之道與時變遷龍門列傳班史因之至范蔚宗氏作後漢書儒林之外別爲文苑又別爲獨行逸民以傳奇偉夷曠之士文愈繁例愈密矣後世史志祖述班范因時詳略門類各殊旣傳獨行又別爲忠節孝義諸傳非今人行誼加多於古也古所謂儒蓋靡行不備自道德學問判若兩途於是有儒而不忠節孝義者而至性

至情艱苦卓絕之詣乃常得之於儒之外故作者特表異之以示獎勵之意歟夫史志之例既有然矣若夫文之有序體異記載序其事非傳其人也然而歸震川姜湛園近代文章巨子也而其爲人序壽讌聞亦樂道其生平忠孝大節以爲因事陳言其人果足傳者見於吾文而著於當世使聞者亦有所觀感興起云爾谿上徐君聖瑞余姻家也其尊甫麗泉先生年七十有九戚友舉稱慶恒例製錦爲壽而以鎮海王明經家藩之略來徵余文余讀之作而歎曰有是哉是古孝義之倫也是

鶴巢文存 卷二

九十四明叢書
約園刊本

惡能以無言蓋先生少時值粵寇方熾鄉縣連陷家惴惴不保父方客閩母盛太君命子婦出避賊而已視家先生涕泣請行不可則置妻子親族山中獨身回家奉母當是時焚掠徧鄉鎮瀕於危者屢矣以母故終不爲動賊目某知其事抵村戒其黨勿入扣門謂曰毋恐余必汝免以全汝孝也而山中土匪起家人歸報爲邏者所止先生聞信亟往挈眷屬以歸言於賊目釋被擄者一村得無恙越年父昭明公間關歸自閩先生勸勿復出家經亂中落乃服賈甬江資脩脯以養無何夫人盛

氏歿方盛年守義不復娶出務執業入供菽水晏如也太君治家勤既喪婦益勞苦善病病則非先生侍無當意者一日適在肆夜半忽心動告歸肆距家二十餘里倉卒失道旋繞叢莽聞僅乃得達其後病益劇日侍左右撫摩抑搔指掌爲褐色所染常深墨稍閒則雜取古昔名媛懿行娓娓與談冀緩其所苦如是者蓋四閱月未嘗少懈初盛夫人病篤持聖瑞泣曰吾所遺止此繼我者幸毋虐吾兒吾目瞑矣先生慰之曰卽有不諱余不再娶何如夫人頷而逝至是太君疾革伸三指示先生蓋太君屢囑以三百金買妾故彌留以爲言而先生始終守義比邁終堂之感毀瘠幾滅性益不復措意家室矣此非至性至情有大過人者而能如是耶吾聞徐氏之先嘗以儒術顯科第庠序奕世濟美先生雖服賈而幼承祖訓備聞高曾之矩矱居恒讀家藏之書所瀏覽古人忠孝大節亦夥矣故卓然能有所樹立然吾以爲忠節或由於感發而孝義則本於天授先生之得天厚其所表見乃行其性之所安發於情之不容已非有慕而爲之也明經知先生較余爲詳言其生平嘗卻金

鶴巢文存 卷二

九十四明叢書
約園刊本

拒色至再而不欲自暴然則推先生之心雖其眾著之行亦豈願藉以求名而徼福哉吾觀孝義傳所載其人類隱約而其後必有達者修德獲報如操左券先生神明彊固綏福延釐享子孫之奉皆所固有不足言報施也獨念今世道德日替天幸留此靈光碩果矜式後進必將貽以無疆之休使其行誼稱述於世庶幾有觀感興起者乎以此爲先生壽於古人立言之義或無謬焉是爲序

族兄如意老人七十晉九壽序

鶴巢文存 卷二

十二四明叢書 約園刊本

吾沂氏自明初定居湖上十數傳而繁盛甲他族蓋祖宗忠厚開基繼繼繩繩奕世濟美其間必有耆年碩德如漢陳寔唐張公藝之倫行修於家澤流於後以蕃息吾子姓而大吾宗昉然稽之往牒求其事狀昭然者而不得也余曩讀畏齋集見所爲送馮彥思序知吾宗有諱都字舜俞者師事彥思彥思師事畏齋並能傳朱子之學而舊譜中無足以徵信者猶曰此遷鄞以前事耳至如明清鼎革之際有諱熊者從錢忠介公起義名在當時疏中而吾譜不詳其事蹟則夫耆年碩德之湮沒

於無紀載者其亦多矣抑吾先人務敦實踐爲善不求名不欲以文字自見歟然如二公者幸藉他人之著述存其崖略以詔吾後人又以見文字之大可貴也文至壽序體靡矣而世競尚之且以爲述德之辭登之家乘以章其美族兄如意老人名元茂少業工更歷艱苦晚受子孫之養爲善於家得長者名嘗欲藉余文以禳之而未暇爲也一日其子賢倫謁余言曰吾父今年七十有九人子之私冀有以悅其意旣徵詞林諸公之詩海上名家之畫張陳於堂爲稱觴之助然不得吾叔文吾

鶴巢文存 卷二

十二四明叢書 約園刊本

父終不歡且無以詔我後也敢固以請余曰子之親勤於爲善善者名之符壽之券名與壽皆由自致而奚藉余文余非能爲夸詞也無已則臚敘其已往之迹而深致其無窮之願可乎夫所謂善者非一端而已上焉者以德義化其鄉以禮讓型於族此善與人同者也其次施予以爲仁修持以徼福雖趨向不同要皆感發於爲善之一念君子亦有取焉兄生當亂離家貧少而失學執一藝以自贍旣邁終堂之感門祚益衰與元配史拮据措拄復罹躋屐室廬焚如挈家之滬列肆於市米鹽

之計男錢女布之需取給於箴帚綢繆未竟遽賦悼亡
蓋其所遭如行崎嶇之徑觸趾荆棘如操敝舟顛簸風
浪中而不知所屆及其履坦途登彼岸而年幾五十矣
繼室胡佐兄治家刻意勤儉諸子亦各有樹立賢倫工
居奇奮跡遠播賢僑買於滬能勤其職兄迺摧幢息機
安受頤養越年返故居重整家業且以其餘惠及三郇
焉族故有學曰崇義兄以資主其歲會其勅設者曰
承德延師庀具皆出私財里鄰窮乏者賙之老病者存
之田野暴露者掩埋之藥餌漿粟寒衣之屬歲有施舍

鶴巢文存

卷二

十三四明叢書
約園刊本

於是族人引重凡路政火政之籌備宗祠譜牒之興修
咸推職志以其能施予也兄貌豐而秀性慈而氣和好
禮佛清晨起琅琅誦貝編日有常課暇則刺取經典中
因果之說及古今來仁人孝子義夫節婦一二軼聞爲
人講誦鄉里皆稱善人以其能修持也凡此皆已往之
迹也吾聞兄頗不欲徇俗爲壽詔賢倫曰時艱民困非
宴樂之時盍搏節以拯災乎鄉之祇園寺吾所嘗遊也
普陀之千步沙海岸梵音吾所嚮往也盍築亭以憩行
人乎賢倫如其旨既輸捐且建亭而名以其字兄巽然

曰勝壽我矣推是心也好行其德以成其名將來設施
必更有大於是者年彌高德彌劭利人澤物進而至於
善與人同尤余所深願者也兄今有孫十人曾孫八人
門闢之盛方興未艾譬之於木本固則枝茂譬之於水
源遠則流長祖宗忠厚之遺將鍾其報於吾兄之身而
繇繇无極他日有述世德紀人瑞者庶有徵於余言也
已是爲序

夏伯瑾太史七十生日贈言

夏君伯瑾年七十謂余宜有贈君固余少時肄業同舍

鶴巢文存

卷二

十四四明叢書
約園刊本

友也今俱皤然老矣惡能無辭始外舅董孟如師主講
崇實書院以經史淬厲後進維時高材生若鄒鹿萃水
愷彥陳懷夫陸藍卿陳和琛及君皆師所奇賞者月課
校所獻藝褒然舉首率不越此五六人余與蓋君紀常
隸名較晚紀常師之再從子治詩古文有家法余與相
師友自後每試榜發兩人者突出與此五六人頡頏或
驥首駕其上則大駭以爲師私也及觀其藝則又羣相
推服君由是知余然自以名都講久頗欲上人又年長
於余七歲每燕見輒字余曰少弟弟豈妒之而不敢易

之云爾未幾君成進士入詞林奉朝命視學隴右蔚然以文章華國矣而余僥得僥失假蹇者且十年逮歲壬寅與哲弟祥甫同舉於鄉君適以省覲南旋相見極歡甲辰余通籍出宰皖中聞君用薦外除守江西吉安有聲帶水之隔無緣通問旋遭國變棄職歸田君方奉諱家居同處憂思然蒿目玄黃使我心瘁杜門事親罕入城市而君以衣食之故奔馳靡定蹤跡益遠蓋自甲辰出都仕履異地出處異跡與君闊疏者復二十有餘年其後省志開纂官以孟如師行狀屬轉達一訪君於滬

鶴巢文存

卷二

十五 四明叢書

約園刊本

寓余校訂詩略完師舊業君亦嘗郵書示余瞻念朋舊比年飢驅出門客授海上君知之喜動顏色過從益頻追敘疇昔時復作都講口吻而意加親矣君近以撰述自娛有所作輒就余與閑雲商權閑雲勵志抗節寢饋書史君佩之余尤重之所居密邇值暇日非君與余訪閑雲即兩君者過我歲寒相對各具標格余兄事君而不敢弟視閑雲蓋閑雲少我五年而文章風節則實出余上縱談之頃見君意氣少衰余嘗為壯語解之吾輩曩在講舍獲首列攜獎金歸壽其親衣食裕如也境遇

何常藜藿吾安之藿食吾甘之寧有我輩窮餓者邪君子亦固窮而已且人生之窮達命數之修短友朋之離合與國家興亡皆有係焉由今思之吾輩所嘗居講舍安在君我而外所指數之五六人其人與骨皆已朽矣當時互相雄長者安在即所謂華國之文章已變為黍離之哀感所謂令長二千石之建豎已淪為荆棘之銅駝所不我奪者桑榆之景與泉石之交耳此其中莫不有天者存焉而又何嗟於吾窮境遇天所造身吾珍也壽命天所畀生吾尊也余每見閑雲則以窮自壯而於

鶴巢文存

卷二

十六 四明叢書

約園刊本

君轉樂其年年歲歲笑語歡呼無改曩時都講意態使余得常以年少自壯也系以詩曰 大兒文舉小兒楊弟畜頰陰獨擅場戰搦詞壇工角藝篇成御殿早聞香白頭能說貞元盛青眼誰嗤典午狂百十七科慙後勁今朝席末許稱觴 生平怕作閒文字用龔句特為先生擁鼻吟壽世鴻篇知夙富起衰健藥喜常斟師門幾輩靈光賦鄉里當年大呂音瓦釜雷鳴舟壑感寸田尺宅共盟心

方君式如明經七十壽言

國家設甲乙科以取士名臣碩彥多出其中世人豔羨以爲科舉得人之盛宜其重也雖然士之所以自處何如乎前史之所稱今獻之所錄所謂賢豪閒者多矣苟其道積於身行高於世則其人不以科目重而科目轉以人重其在清初有若杜于皇以勝國副貢文章風義傾動海內當世公卿望塵側席且不得一接其聲歎雍乾之際有若胡稚威兩中鄉試乙科節行嶄然學問淹博九重爲之動容雖偃蹇不得志而承學之士至今猶豔稱之以視掇巍科膺顯爵徒焜耀於一時者其輕重

鶴巢文存

卷二

十七

四明叢書
約園刊本

迥不侔矣余於國變後以客授迹滬上得一人焉曰鎮海方式如明經隱身篤善耄學不倦庶幾吾所謂道積於身行高於世者歟始余友徐弼士茂才與君善屢致君意欲一見而輒相左去夏君以事介而過余狀貌醇古意其爲有道者心焉識之閒嘗一造其寓廬圖書四壁斐几木榻蕭然儒素不知其席豐累世如南陽之有樊重也手錄史漢日有常課卷帙盈積幾於等身端居一室衣冠必整頓笑必嚴與人接恂恂似不能言沖粹虛和發於至誠自處極刻苦而勇於行善見所當爲

揮斥巨貲無少吝其所資助建設於鄉里於杭於滬以及各行省之災振不可以枚舉世多能言其事者其於四明公所尤惓惓一秉其先祖濶齋先生枹設之意守其成規加以式廓躬督其事始終勿渝歲時巡視雖值盛暑亦周閱丙舍無少避忌余撰甬北四明支所記中嘗及之旣一再見而心敬其人其後過從頻數益有以知其審蓋篤行君子也少從邑中名宿張菊舫孝廉劉翥軒明經遊治經工舉業年十六成諸生己丑癸巳兩中鄉試副榜不應舉而修行於家事父黼臣先生甚謹

鶴巢文存

卷二

十六

四明叢書
約園刊本

出爲世父後鞠於庶祖母朱太夫人太夫人歿所以闡揚其節者甚備治家善以德感於房從甚厚於伉儷甚篤門內之行庶幾前賢此豈科目中人所數數見哉昔范蔚宗撰後漢書於儒林文苑外別爲逸民獨行兩傳意以東漢節義之風變絕千古不可不著其事以維世教吾郡自宋以來以忠義氣節章聞者具在圖籍其得力於講學者有慶曆五先生昌明於前淳熙四先生宣揚於後故當世變倉皇之際類多艱貞宏毅之儒瑰璋奇特之士身任綱常孤行一意不肯少貶其志節者踵

相接也沿及明季此風尤盛逮今不過數百年而士大夫
夫茶然不能自振橫流倒地舉足波靡先正典刑蕩焉
以盡其做先中於學術而禍遂及於人心風俗因以變
遷倫紀且有毀滅之懼可勝慨哉若君之隱不違親貞
不絕俗被服儒術以刑於一家式於鄉里竭其才量以
施於遠邇穆然有東漢之風豈非衰世之麟鳳而遯荒
中之至契哉世變亟遷流極貞下之元剝極之陽碩果
之生蒙泉之養得如君者幾人庶乎其有望焉君外柔
而內剛氣怯而神勇有杜之耿介而不效其懶散有胡

鶴巢文存

卷一

十九四明叢書

約園刊本

之峻潔而不蹈其簡傲淵然粹然尤爲余所心折者也
其諸有宋諸儒先流風餘韻之所寄乎今年三月四日
爲君七十壽辰親好者謀爲文以張之屏而屬其事於
余余謂純嘏弗祿君自能以學養致之尋常頌祝之辭
何足以辱君故就臯所知見者爲道其梗槩如此

谿上費瑚卿廣文七十贈序

於是吾老友費君瑚卿廣文年七十矣始余壻於董氏
孟如先生親授之學先生應甬上運商之聘主海運事
寓慶安會館會館者運商期會徵發所在也君先人與

諸共事實手搆之君讀書其中掌公財出入之冊暇輒
就先生問業余假館旁舍因得與君相見時余未弱冠
君才逾三十意氣之盛可知也會先生校刊全氏七校
水經注踰年潘學使續輯兩浙輶軒錄四明一郡以先
生主選政君與余並得與檢校之役昕夕聚首縱論古
今時或圍棋醪飲以爲樂若不知人生有所謂憂患之
境與聚散之感者或日集先生所余取案上書諦觀鑪
香爇余衣弗之覺君遽以告先生謂余駭也則相與大
笑其風趣多類此無何先生歸道山余倅僚不得志授
徒自給君則以諸生援例官訓導試署淳安以憂未之
任旋攝桐鄉教諭以去曩時讀書之處無復有過從之
雅比余通籍出宰安徽涉歷大江南北者且七八年蹤
跡益闊疏矣辛亥國難作余歸而敲門而君先嘗辭寧
海訓導不赴及是就故居營別業儲書數萬卷顏曰小
滄桑館將老焉余嘗爲詩紀之甲寅君六十並成四律
以獻年來余賃居甬上君爲寓公如故而遇余加厚余
亦樂就君追敘少年情事蓋忽不自知距吾兩人始相
見之日已三十六年於茲矣今夫窮達時也聚散人之

鶴巢文存

卷二

二十四四明叢書

約園刊本

所恆有也憂樂情與境之適值者也獨念此三十餘年中吾兩人之所遭際始而若風日駘蕩春花怒發繼而露零霜降落實取材忽而天地崩裂四時失序今則如昏夜操漏舟風雨交作波濤澎湃渺不知其所屆蓋處安樂者什一二而倉皇變幻憂患之境常八九而窮達不與焉而聚散更無足論焉然則人生百年顛倒於造化之手沈蕪於醉夢之中彭匪壽而顏匪夭昔人所爲感慨係之者也雖然有道者憂患其境不憂患其心君少多疾病中遭怫鬱晚迫於公私之累而皆夷然處之

鶴巢文存

卷二

三四明叢書

約園刊本

居官居鄉雖卞急務存忠厚久之人服其真率家庭豫順子孫滿前雅好客所居室賓從時至莊諧雜作無劾容今老矣絃詩中酒興復不淺尤篤念故舊每過君輒詢訪董氏邱墓及先生遺書存否後人何似以任達則如彼以敦篤則如此荀子曰美意延年然則君其有致壽之道矣余不善爲諛詞願交好如君宜有言以贈匪以爲壽亦欲於憂患之餘重尋文字之樂庶幾今而後其常聚而毋散也則猶是少年之風趣也已爲序

久敬說贈顧君元琛七十生日

昔宣聖周流列國獨許齊晏嬰爲善交蓋春秋以降盟誓作而信義微士多涼德交道寢衰燕朋面友烏集之交比比皆是求其盡簪勿疑縞紵如舊以禮相終始者蓋寡若乃兩京人物崇尚氣誼一言之契可終身千里之隔如一室肫然古處庶幾有久敬之風焉夫交者相互者也信必互信義必互義敬必互敬其道淡以成其究則在不竭歡不盡忠故君子先擇交而後能全交晏子之久敬必其所與友者皆可敬者也皆可久者也觀其於越石父而信其有知人之明也余歸自皖獲交洪君鞠蒙肫然古處人也旣因洪君復得顧君而友之每燕見相對極歡洪君美鬚髯意氣豪邁君則言詞慷慨禮意殷摯余年最少亦最疏略三人者性少異而各相視莫逆君愛重余文屬爲其先德家傳得余之諾益致敬焉余鄉居無俚君資之入市以居冀晨夕相見而余疏略如故後所居肆折閱亟理之以告君君不問出入蓋知余之不誣也有勿言言必盡有勿需需必應雖余姻戚子弟亦振業之比年君優游家弄余以善病不恆造君而余子燾供筆札於君之所業君則視如己子扶

鶴巢文存

卷二

三四明叢書

約園刊本

掖之使之有立每見必訊余蓋相處二十餘年而君之纏綿周至與其初納交時無以異也鎮海范君柳堂績學修行君子也交君數十年君禮之如昨蓋君知人明故能以禮相終始雖再歷數十年吾知其亦無以異於今也歲正謁君知君今屆七十而神明彊固不減五六時夫長生久視之術在吾儒言之曰恆其德而已君之於友可謂恆矣於其生日書此以志感且致無窮之願焉

徐君衷白七十壽言

鶴巢文存 卷二

三四四明叢書 約園刊本

衷白坦易任真與人交不設城府磊磊落落率性而行若不知人世之有機械者少讀書不得志有先業在漢皋客漢爲汗漫之遊不屑屑心計人皆易而欺之獨余弟麓三鑒其誠與之善時時爲規畫一二衷白亦暱就余弟然不能用也卒爲人所持意不樂而歸歸治田園衣食粗給終不以此置懷衷白中年喪偶不再娶壹意課其子淹貫中西之學學成工筆札給事當途得祿以養君則處理家政無苛細無下急子婦承顏諸孫遠邇或徒步出遊隨興所之流連竟日發爲詩歌質直自喜

不計工拙其天性然也余因余弟以識君有年矣辛未冬同寓滬濱會東鄰構燮駐滬軍特起與抗余居偏戰地一夕數驚謀寄君廡下君曰是吾所樂與數晨夕者也同度榻一樓與君抵足而寢時鏖戰未已余善病恆不寐隱隱聞礮聲飛機聲與君鼾睡聲相續比明君急起購戰報讀之時而狂喜時而蹙然以憂如是者幾匝月余久主君家見其男唯女俞子婦無私蓄事必稟命頗有舊家規範則大樂忘其在兵火中蓋羨君坦易任真積誠相與之所感者深而其康彊逢吉亦未嘗不基於是也今年君七十哲嗣步衡欲得余一言爲壽君知之止勿使請然余自有其不可已者因就所知見爲質言其壽徵如此余弟謂余君喜讀活人書祕不以示人其尊生蓋有素云

林君芝浦七十生日贈言

鶴巢文存 卷二

三四四明叢書 約園刊本

余始識林君蓋老友費瑚卿廣文介之費氏故以懋遷起家列肆甬東君嘗爲之主計廣文年長於君弟視之酒食必招與共出游必偕相狎也已而君作客滬上蹤跡稍疏然每歸必就廣文留連竟日或逾時不相見則

書問不絕於道兩人者心迹同好尙同自中年至老健
飯亦同故交之久而彌篤如此一日余在座廣文指謂
君是吾黨之能爲古文辭者君獨無所求乎君則致嚮
慕意越日以所署芝軒屬記自是每過廣文必及余君
於文之有風趣者一見輒能上口又喜誦少時所習唐
人詩貌腴而神王中寬而外舒非素習君不知其爲七
十人也他日廣文諧之謂余曰是班白者尙不能離姬
侍余笑曰然則陸展青青法何不講耶君曰不青青遂
少余乎髮短而心長余自視直壯耳蓋君兩眉白頂上

鶴巢文存

卷二

三五四明叢書

約園刊本

髮相映斑然故云爾夫中寬者其天全也外舒者其形
逸也天全故神王形逸故貌腴貌腴神王故自視常若
少年君非有異稟非能修養但不役役於名利任天而
動不擇而安而遂幾於是然則居易俟命之君子尊生
樂道之至人其中寬而外舒又當何如耶昔榮啟期有
三樂而行年九十柳公度不以元氣佐喜怒而氣海常
溫皆此物也廣文今少衰矣以家累故恆戚戚君盍以
此文示之俾中寬而外舒與君同致於大齊也余是以
不能已於言

徐君歿士六十生日序

柳泉先生之哲孫曰歿士徐君少時蓋嘗執贄於董孟
如先生比爲諸生肄業書院月試與余同齋舍因是以
識君余之少也肆力於諸經先公親督教之不名它師
年十八以館甥從孟如先生遊始獲汎覽羣籍結納知
名士時先生主講院中請業之餘閒叩及吾鄉學統先
輩著述則嘗於其指示中間柳泉先生之風想像其議
論丰采以生晚不及見爲恨蓋余少歿士三歲歿士侍
其祖方穉齒爲日且甚淺也兩先生學問文章負東南

鶴巢文存

卷二

三五四明叢書

約園刊本

重望顧以余竊窺其撰著一則峭直廉悍出入於子一
則詳贍疏達規樞於史此蓋其造詣之各異至讀其懷
舊之作述先德之文纏綿悱惻委曲微至使人愀然以
思慨然而生慕其性情真摯之處兩先生無弗同也孟
如先生事母孝於兄弟推甘讓善撫孤姪孤甥猶子余
親炙之而身取法焉柳泉先生之行則但於其文髣髴
得之要之其爲古之人無疑夫有真性情然後有真學
問文章不根於性情性情不衷於倫理本實先撥而侈
談學問以爲標榜之具皆欺世盜名者也余每持此論

以衡人君未嘗不聽余言余既交君久則出其性情以互相砥礪君父平甫先生至性人也嘗傾資刻先集復哀輯遺墨爲煙嶼樓筆記手鈔成帙蓋真能讀父書者君稟其教通經史大義爲文灑落自喜顧不常作而於源流義法言之能詳抉摘他人文利病尤中竅要喜讀古今集部就所爲述德懷舊及繫於名教之文熟復之審其當否以知其純駁而後卒業焉此可以見君之性情矣先是君家門鼎盛所居水北閣爲文會賓朋狎至比伯兄桐孫明經卽世越十年而其弟璇笙茂才又無

鶴巢文存 卷二

二七四明叢書
約園刊本

祿君隻輪孤翼無所嚮往中間遭失怙之痛絕意進取唯懼不克有其家故嘗與伯季別籍矣至是迺復以一身肩之遺孤子女凡九人食之教之振業之使底於成以婚以嫁蓋二十年而始畢乃事而君配馬夫人者諸孤皆母事之男錢女布各有條理庭除楚楚不失先太夫人家法君得以顯心外事既葬二親遂以伯季附而已亦營壙於其間曰吾喪兄弟不忍吾二親之哭也今使地下得常聚也爲治生之學輒致奇贏曰吾非有利於此也吾以衣食吾子弟有餘則以刻遺書竟先志而

已君晚而得子今就外傳矣雖嘗營宅別居而撫字諸姪如故馬夫人時返舊廬董率之亦如故也蓋交君三十年所而君之性情始終無間乃今而自信其知之獨深也夫稱人之善必舉其大者至者文章之體應爾君才識開敏明當世之務臨事舉重若輕赴朋友急難如不及譽之者無異辭而余概不以及者非君之至也抑余曩讀史慕西漢萬石君之風而南北朝擾攘之際弘農楊氏孝友奇節疊書於史幾若以一家之事成爲一代風俗蓋世家之可貴在彼不在此今董氏微矣君子

鶴巢文存 卷二

二七四明叢書
約園刊本

之澤不及五世而徐氏得君而中振吾更願君之進而勉之也君今年六十精神如少壯方校勘煙嶼樓筆記釐爲讀書志次第付印以先集壽世而不敢自言壽於此益見君之賢因竊附古人贈言之義爲敘之如此云
蔡君仲衍六十壽言

余始識蔡君在徐君弢士所弢士余少時友也有別業在城中桑海之際士鬱鬱不得志則相聚爲談諧縱飲以遣日余棄官歸往來弢士寓所乃得蔡君者而友之焉維時簪裾之盛不減徐氏城西草堂之舊而醇德舊

學如范先生柳堂洪先生復齋年輩皆長於余皆折節與余交兩先生甚愛重蔡君君所居竹林館中亦時有兩先生蹤跡最後復齋卜宅與君鄰樂共晨夕柳堂且介故人子以醫學師事君其推挹如此而君特不鄙余視余如兩先生愈久而交愈篤他日復齋謂余蔡君蓋知子者其謂子和光同塵而胸有涇渭能文章能知文章之難勉於庸行而歉然若內疚蓋適如子之分際蔡君信知子者鄙陋如余誠不識何以得此於君也今夫磁石之引鍼琥珀之拾芥其所以脗合之故物不自知

鶴巢文存

卷二

三五四明叢書

約園刊本

也同聲相應同氣相求感通之妙物與物亦不相期也要之各從其類而已惟人之於友亦然夫以君之愛余而有過情之譽與余曠者之願交君而如恐不得當所謂從其類者非邪蓋君嘗有意於用世矣先德克齋先生以進士令松溪有惠政君隨宦久熟其地之風土人情以貲爲巡檢一任竹崎再調三層嶺旋卽謝去其始欲有所建豎不惜浮湛末吏一旦挂冠歸必其中有大不然者其出處甚審也余始遇君若甚落莫者久之灑然又久之而翕然其擇交甚慎也精篆刻音律尤工績

事遇所當意輒傾倒出之所不可絕不假借若是乎其和而介也先是君兄弟三人君出爲世父後松溪爲吏廉身後家無餘財君旣得遺產則剖爲三己取其一而以所羨畀兄若弟薄田數十畝以租入共祭祀儲其餘金不以分諸子勸他日爲義莊若義塾以仁三族曰吾以示吾志而已且俾子孫自立諸子亦受命唯謹若是乎其內行之修也少好方書日取內經反復之至老彌篤所嘗寓目書甚夥顧無秦漢以下者其處方必極其受病所在審慎出之或一方而決其究竟累十劑不易卽不能決則終夜以思日驗問其情狀審其當否而後敢卽安尤貧賤視之尤勤君曰吾以求知非以爲德也夫醫亦古學也利害於人甚大視文章尤精微若是乎有其能而知其難也凡君之所以謂余皆君生平得力之處余實愧君君不余愧也此交之所以久也君今六十矣追憶前十年值君生日宴歿士別業朋儕之盛今不能無聚散之感而吾兩人者猶得切劇道義白首不渝可不謂僅與諸子乞言因敘與君相知之雅詩曰永以爲好此友朋投報之作也曰壽言者循俗之詞也

鶴巢文存

卷二

三五四明叢書

約園刊本

說器贈張申之同年六十

孔子言君子不器而許子貢以女器聖門如賜猶未足語於君子與曰殆非也不器者言其體器者語其用也范金以為聲大者鐘鏞小者鈴鐸其體堅以閱均之有聲而用各有地矣琢玉以為飾重者圭璋輕者珩璜其體溫以潤均之為飾而用各有時矣夫鐘鏞鈴鐸圭璋珩璜皆器也任大任小任輕任重而皆能成聲皆足致飾則所謂不器也今夫人之才亦若是已矣本體湛然如金相如玉質得其時置之廟堂而華貴列之古玩而

鶴巢文存 卷二

三四明叢書 約園刊本

典重不得其地雜之瓦礫而晦然不消蓋其體既立雖百變其用而體常有餘夫是之謂器夫是之謂不器同年張君申之有端木氏之達政事言語才也少從學於耆宿為制藝則冠軍試策論則命中治詩古文則規摹魏晉膺鄉里選則步武老更其在議院拒賄凜如也樞關洵海剔弊肅如也鬻財甌越規畫井如也治河縣西利澤溥如也比年旅滬同鄉聘為主辦凡興學拯災及有大工役簿書期會靡弗親上自鉅人長德下逮販夫賈豎靡弗賓接蓋皆本鞠人謀人之素志無庸俗功利

之見雜於其閒所謂本體湛然者也士惟珍此湛然者耳或隱或見為介為通志趣之異時地之不同寧有係於器不器邪君今年六十戒家人毋為壽夫金玉之壽世不紀歲年又何取頌禱之文獨以君之才年及耆而聰彊如少壯將來艱鉅之投或有什伯於前者吾願君之貞其體而善其用也故託於古誼而設喻以為贈

慈谿張節母楊太孺人五十壽言

張節母楊太孺人者故孝廉紳伯先生之子婦子雲茂才之室也張氏谿上著姓孝廉父曰耐仙明經諱梅以

鶴巢文存 卷二

三四明叢書 約園刊本

輸饒功授京曹縣志傳其行誼所謂富好行其德者也孝廉繼之茂才述之以世其家茂才蚤卒節母迺以節聞於縣余嘗謂士大夫之風義莫盛於東漢而婦女節烈之行之可傳莫多於明之末造推原其故蓋自光武不以祿仕屈子陵而士競於氣節明祖定六宮之禮帝室之女不得再適而天下明於女教禮意之所漸摩法制之所綱維其由來者漸矣今夫書道政事必曰肇修人紀詩歌王化乃曰起於閨門人紀者政教之本閨門者人紀之源也然而政教明而後人紀立人紀修而後

閨門肅其道交相成而其效互爲終始是故禮義廉恥
謂之四維有國者以厲其士民有家者以化其子姪胥
是道也吾觀於張氏之世德而信太孺人之節之非偶
然也蓋明經生平嘗汲汲以表章忠節爲事吾鄞張忠
烈之墓在西湖南屏山麓歲久蕪歿爲捐金而封樹之
邑中窮殘苦節以吏胥需索壅於上聞明經與縣人葉
君仁呈懇行省大吏得設局采訪彙案請旌著爲例之
二事者一繫於人紀一繫於閨門其有裨風教也大夫
忠臣不事二姓烈女不更二夫道一而已明經之汲汲

鶴巢文存 卷二

三三四 明叢書
約園刊本

爲此其意則詩書之遺其事則前史之美政非區區好
行其德也君子不出家而教成於國況其家之親炙者
乎故善氣之涵育於孝廉茂才之象賢徵之而其正氣
之凝聚則於太孺人之節發之太孺人爲緝軒孝廉之
女內則女誡在室時聞之素矣旣歸茂才不數載而稱
未亡嗣君咀英甫周歲也太孺人曰吾惡可不爲張氏
宗祊計耶撫育孤子措拄家政者垂二十餘年夫古之
稱節母者非徒守未亡之訓也以一身而兼父師之職
以閨闈而承門戶之重曾子所謂託孤寄命臨節不奪

之君子惟節母亦足以當之太孺人則其人也家故素
封租籍市券手籌筆疏咸有條理近自三郟遠及地方
善舉斥金仗助無不人鑿其心而詔嗣君以壹志詩書
續承先緒使之學成而有聞於時宗戚內外乃僉以茂
才君爲不亡然則太孺人之節張氏所賴以有家者也
可不謂重歟夫勵名節以教其家卒能保有家世明經
之貽也節母之後必有達者嗣君咀英之所宜兢兢也
太孺人年五十咀英來乞言余謝以病旣而思今之世
何世也蔑禮義而崇名法舍廉恥而言人權毀棄經說

鶴巢文存 卷二

三五四 明叢書
約園刊本

破壞前制而人紀幾於滅絕如張氏之世守家法又得
太孺人之節以矜式閨門此實係於世道人心非一家
之細事也筆而紀之冀有所觀感丕變風俗以復漢明
之舊故徵引前史推本於其世德而勸嗣君以讀書成
名彰苦節之報卽以爲太孺人壽其爲壽也大矣若夫
頌禱之私有諸君子之文在無俟余之辭費也

千秋金鑑錄書後

張文獻千秋金鑑錄新唐書藝文志入儒家類通志藝
文略入諸子類本傳稱九齡上事墜十章號金鑑錄以

伸諷諭大抵其書臚述前聞借鑑異代雖未出大學衍義之上而與文皇帝範一書實相埒故宋儒真西山有謝御賜千秋金鑑錄表曰惓惓進說曰懇懇愛君曰三宗可法曰丹宸獻箴皆足見是書之崖略洎乎有明曆本雜出王漁洋皇華紀聞所指駁者一爲隆慶間曲江所刻一爲嘉靖間文獻齋孫希祖所撰陸世楷廖燕輩亦極力排舐之當不復熒眾聽矣是刻出韶郡爲今通行之本書分十章與本傳所言合而摭拾唐事傳會成文紕繆之處不可勝計較之明刻惑人尤甚焉試撮舉

鶴巢文存

卷二

三五四明叢書

約園刊本

其大略以書之唐書兵志言府兵最詳十六衛之設實踵隋制錄於治府兵章多襲其詞而閒有增改如所云若晉至隋法愈誤而權愈替太宗皇帝平定海內建立府兵等語則自相刺謬矣府兵起於西魏後周而備於隋豈始於唐者乎又云制十節度使以總諸鎮之兵攷唐時節度使凡八彼安所據而乃云十耶錄中盛稱宇文融復備載姚崇宋璟張說韓休楊範等事是又不然宇文融言利之臣文獻所心惡者卽張說韓休輩亦豈有善之足述且徐浩撰公神道碑稱公此錄述帝王與

衰以爲鑒戒總不應闕入時事致類稗史彼欲藉此以堅後人之信而豈知體例旣乖謬妄實甚乎尤可疑者開元二十四年上欲廢太子瑛鄂王瑒光王琚賴九齡力爭得無動其上金鑑錄也亦以是年八月乃竟有東宮雖尊不可專政之語則其所爭者果何謂矣而謂九齡忍作此言此豈復有人心者哉其偽撰序表有曰不世出之主等百世而往又云觀保民致治之方錄中亦有聖德淵深隆逢陛下聖神文武於以長享萬年之基等語唐人最重廟諱於御名尤所敬避而竟敢斥言以

鶴巢文存

卷二

三五四明叢書

約園刊本

臣名君實所未聞夫旣託名前哲矣何以率略荒忽竟至於此其他謬誤又何足論焉何足論焉
晦廬跋
費君善謀顏其居曰晦廬廬曷爲而晦之以居是者之自晦而晦之也君才識明敏論事若燭照而數計方盛年神氣瑩澈沈靜有內心見者以遠到期之君亦不安小就而思有以表曝於世也然則曷爲而晦之君曰吾於世無以自見吾跡則韜晦而志在養晦故名余曰有是哉在易遯之上九曰肥遯無所疑古之君子身丁國

難抗高蹈之節屢徵不起如晉之陶潛宋之謝枋得躬耕賣卜深自諱匿是乃所謂韜晦者也若夫范蠡雪恥張良擊仇其始苦身戮力隱忍受辱而其後卒以成功是則養晦之說明夷之象所謂用晦而明者也斯二者君皆無取要之韜晦與養晦二義其區別不離乎是昔范蠡用計然之策施於國而霸治產積居而致貲累巨萬君所欲表襮於世者其志事誠未可量而吾望其爲范大夫也詩曰遵養時晦君今者無所表見時未至耳世安有懷才而終不遇時者然則君取養晦之義可矣

鶴巢文存

卷二

三

四明叢書

約園刊本

因書之以爲晦廬跋

匪窟悲思記跋

玉几詩人以匪窟悲思記示其友鶴巢子鶴巢子喟然曰詩窮而後工非詩之與窮爲緣也蓋有工而不窮者矣未有窮而不益其工者也三百篇孤臣孽子勞人思婦之作感發於性情抒寫其牢愁幽怨傾吐其磊落不平之氣其思深其詞苦其音噍以殺至於長言不足索歎重啼罕譬而喻主文譎諫述已往之事宣難達之情往往有文人學士百十言所不能盡作詩者以一二字

形容之而情狀如見所謂工也夫孤臣孽子勞人思婦皆處窮者也或窮於心或窮於事或窮於固然之境與夫適然之遇要之皆窮也窮則專壹刻摯深入顯出凡漢魏大朝以來號爲工詩者未有不由此者也玉几晚年喜爲詩意致斐然不假雕飾屬以非意之遭乃有悲思之作倘所謂牢愁幽怨磊落不平者非邪觀其所爲人之指焉其皆迫於窮而出乎繕寫成什屬爲之跋且請媵之以詩嗟夫玉几詩人之窮適然之遇也余自辛亥後匿跡銷聲編詩見志年來客授海上以了餘生其窮則固然之境也而性不好爲詩匪惟不工且以善病故思輒不屬無已則請誦檜風之末篇曰匪風發兮匪車偈兮顧瞻周道中心怛兮以答玉几之意玉几聞之得毋曰鶴巢子才盡矣不哀適然之遇而悲固然之境徒爲此陳言以塞責也

鶴巢文存

卷二

三

四明叢書

約園刊本

鶴巢文存卷二

清郵 忻江明紹如甫著

傳志

族曾祖母王太孺人傳

孺人姓王氏年十七歸我族曾祖惟南公逮事君姑婉
婉承順克盡婦道君舅仰峯先生名諸生也以院試高
等食廩餼不幸早世以故惟南公棄書習農業孺人勤
襄家政服粗布服躬操作雖勞動不少懈于歸僅四年
而惟南公歿長子甫周歲次者猶在腹也茹苦含辛上

鶴巢文存 卷三

一四明叢書
約園刊本

事衰親下撫遺孤家綦貧益粟椀衣胥乞靈於鍼術一
燈熒然恆丙夜不寢時或哀慟達旦其姑慰諭之乃止
比兩嗣君稍長遣之就塾督課維嚴遭張太孺人之喪
營埋祭葬靡弗勲禮人益以是賢之卒於同治二年八
月十三日年四十有九

贊曰孺人之歿於今三十有三年矣其苦節特行例得
邀旌表之典而遷延未果亦一闕也嗣孫錫崖為余從
父行今年上其事於有司而吾族方修家乘實乞余書
其大略載之傳中嗚呼煢煢一婦人畜貌孤於襁褓之

日以養以教以漸於成立卒能保有家世若儒人者可
不謂賢哉

先文學府君家傳

府君諱繼善譜諱禮約號薛園又號簡齋性峻潔不喜
華靡待人忠實無他腸鄉里後進來學者善誘之不帥
教督過之辭色不少假嘗曰忝為人師擁皋比歲食館
穀而因循以誤人子弟人雖不我責何以對吾心也以
故出其門者率能敦行力學有聲於時同治五年成諸
生光緒四年食賢宮餼累試布政司卒不遇府君為文

鶴巢文存 卷三

一四明叢書
約園刊本

深湛好思導脈經史發為中聲每一藝出僭輩罕過之
者喜讀儒先書手一編丹黃靡勸課兒曹歲旦一二日
即教之讀所習諸經剖晰義理往復再四務使明曉而
後已居家整肅華言風語不自其口出人皆敬畏之而
亦無不樂近之者先大父有子二人長即府君次為丙
田先生甫弱冠以劬學天逝府君哭之慟已乃仿魏鄧
哀娶甄氏唐懿德娶裴氏例為之冥婚命次子江明奉
祀之事母氏林太孺人益謹問煖噓寒依依如兒時女
弟四人兩者蚤寡撫其遺孤不異所生故居湫隘別購

宅去錢湖十里歲時必具衣冠遍謁家廟與宗部故舊厚相往來蓋府君勤於學謹於家而篤於至性如此江明不幸生十七歲而孤過庭之訓聞者亦僅矣兒時所記一二不敢忘府君嘗曰凡人立身必觀之於其本親者其本也九宗三郤由近而遠苟吾力所能爲賙之保之不可存利己心拔本塞源而能有濟者吾未之聞也又曰擇交處世須立定腳根不爲利脅不爲物誘又曰讀書當以靜養爲第一工夫斗室蕭然如質明神如臨師保釋氏所謂明心老氏所謂心如槁木語雖不經若

鶴巢文存 卷三

三四明叢書
約園刊本

以虛空之念從實地推行其爲學亦庶幾近矣且學猶殖也厚其培而去其害時至則熟焉剽竊以爲工涉獵以爲能雖有弋獲譬之雨集溝澮有立涸焉耳又曰富貴利達伐性之斧余每見豪家子弟呼盧喝雉朋飲酒操俗音律治蕩終其身吾甚惡之吾願吾子孫世世能讀書足矣此皆不肖習聞之久而思之又久而身歷之乃益歎府君識之卓品之粹勵學之嚴斯乃其心得之言也光緒十四年六月十七日卒年五十有二今年族之人方有事家乘諸父老及與府君遊者僉曰宜有傳

江明不肖何足以知府君猶憶府君病亟易簣時顧不肖兄弟曰吾生平幸無大過不致累汝曹汝曹勉之毋使吾含恨於地下也嗚呼言猶在耳而府君之歿將及十年不肖輩荒嬉廢業學不加進清夜自思罪何可道述府君言行以傳府君旣日以自警且俾吾後人奉爲家教焉

張藜齋先生家傳

先生諱雅詩字幼蘭晚號藜齋鄞縣人張氏系出宋南軒先生累世隱德居南鄉行春里石硯嗣徙於城別爲

鶴巢文存 卷三

四四明叢書
約園刊本

市心橋張氏曾祖永禮祖恆足以先生父貴贈官如例父儒績附貢生福建縣丞歷授臺灣某縣縣丞某口府經歷署彰化縣事積資以知縣升用加同知銜授奉政大夫曾祖母梁氏祖母姚氏湯氏母孫氏俱贈封宜人先生讀書務爲躬行不屑屑於文藝窮老布衣而於當世之務能知其概要其處家庭族黨之間艱苦卓絕則純然以性情行之故其所表見皆足爲人矜式張氏在石硯有祠自徙居後未嘗與會食之典修廢繼絕屢請於宗老議弗協嗣謀於族之賢者旣得請重葺譜牒而

以繼事不憾因緣它故眾集矢於主者未竟而中輟先生迺網羅舊聞探近支別爲支譜昭穆系本粲然明備自高祖以下以次列木主而祀焉而歲時展石礫宗祠仍不少懈奉政公有兄三人別居尋卒先生以首邱之義親扶柩歸葬世父某某公之柩失其標識泣涕尋求卒不獲終其身以爲大憾辛壬之交粵寇擾郡先生方稚年奉母氏避居邑之冠纓莊奉政公服官於閩至是道梗無音信艱難措拄悉惟母氏是賴而事母益謹嘗病喘扶持抑搔衣不解帶者累月庶母先卒母孫宜

鶴巢文存

卷三

五四明叢書

約園刊本

人相繼逝匍匐稱貸喪葬粗具孤子一身迺艱萬狀惟溺苦於學以求爲自立之計奉政公歷官臺南北亂平稍寄俸入先生悉舉以償逋負一姪歸陳緩急相倚報之尤加厚焉歲壬申聞奉政病耗刻期航海抵官署竭誠侍養明年遭大故哭踊幾殞重洋數千里閒關奉櫬以歸蓋先生至性過人而所處多困心衡慮之境如此先生既屢試不得志乃薄遊遼東爲諸侯上客襄營務辦捐輸以功得巡檢晉秩五品然輒未一試待人有恩紀嘗主寬甸董氏病甚其友爲悉力調護且經紀其行

卽先生平日感人之誠可知矣其它行多類此茲不著著其學學大者先生卒於光緒三十年十二月二十三日年五十有五配沈宜人前卒子二長學津次學濂女二人孫五人先生歿十年嗣子津若濂以行略來請爲傳猶憶曩年過從郡寓談次先生謬愛余文重以姻誼不可辭也乃詮次歸之

鶴巢文存

卷三

六四明叢書

約園刊本

贊曰冠纓莊陳氏余所自出張氏又陳之外家也余少時及見外祖母母舅今皆卽世獨姪尙存卽先生姊也陳氏今式微中表相繼天喪寢至不祀往歲津濂兄弟謀於戚族爲立嗣余悲夫天道難諶榮悴靡常以吾太夫人之聖善推本於其所生其必有厚德無疑乃至不能庇其後亦可歎已先生居冠纓莊久余至其地聞父老言先生設塾授徒嚴正無假借浮薄之士不出其門地方義舉毅然身任之於風俗有關若賭博淫戲禁之尤力有習西洋教者欲就其地立堂講演先生杜漸防微說以利害事遂寢諸所設施其有德於一鄉甚大至其孝友勤儉則里之人至今恆舉以詔其子弟今先生旣歿而嗣子津若濂能世其家以不墜先生之教善人

有後又若有天道者存吾聞先生以不得成名引爲生平憾事自世事日非名教墮棄求所謂獨善其身爲政於家而施於一鄉戛乎難之名之顯晦又寧足論邪詩曰雖無老成人尙有典刑若先生者可以傳矣

顧君猷嘉譜傳

君名誥譜名成諤字猷嘉顧氏自明季由杭州遷鄞世爲鄞人父諱昌圻母徐氏君奮自孤童承奉母教以明允篤誠著聲鄉里閒至今歿三十餘年知君者每語及僉曰顧某眞長者云方昌圻公之歿也君生才三年徐

鶴巢文存 卷三

七四明叢書

約園刊本

太夫人撫之曰是呱呱者顧氏一綫之延二老在堂孤未有立是吾責也吾未敢卽死他日長成讀書敦行毋負吾苦志矣年十三太夫人遽歿貧無依爲酒家傭刻苦自厲外家徐喜其誠且愛其才招之入市木之肆木肆在甬江固營運一大宗也君筮出入唯謹消息盈虛具有心計富室倚爲重自是主肆事者垂三十年市中

泗交頤少孤失學賈近市無建樹以大其宗則怒焉以憂故君與人甚厚而自奉務纖嗇持行高而處身務卑刑于之化翕然合德子五人皆有雋才家駸駸起矣光緒甲申七月二十二日邁疾卒年五十有八論者惜之始顧氏之世嘗顯矣今城南顧家井其族居地也傳緒中衰潛德弗曜至君第三子瑞澐高掌遠跡承先志勇於爲義躬膺懋賞襄贈其先人顧氏始大然則太夫人節行之報與君之所以貽後人者蓋遠矣

鶴巢文存 卷三

八四明叢書

約園刊本

而行謹愿不惜自卑下以敬禮賢士大夫其意足重也瑞澐自言澐不肖媿負先人先人蓋重士崇道常以已不得終讀書爲恨由斯言以觀然則君所以貽後人者誠遠矣自奇衰之學與天下輕士故亂未有已欲已亂必使人人有士行觀君之行事與其用意與士奚擇哉

盛節婦費孺人傳

孺人費氏慈谿人父諱鴻來母氏吳年十八歸同縣盛氏夫曰沛棗相莊十年二十九而寡性閑靜明大義動止必於禮法自始嫁以至爲椽兩家門閭鼎盛費氏世

爲商以南北營運積有巨貲盛亦起家廢著席累世富厚營財甬市魄力兼人在郡邑中並著名氏第宅崇闕俛仰給足孺人處之夷然絕無驕侈之習在室時侍母疾居喪服勤致哀宛然士行及爲婦事舅姑如事父母滋益恭舅梧岡孝廉鍾彬居家有法見者惕息姑尤善病左右或不當意藥茗之屬孺人輒手進無它諉朝夕祇承毋敢安肆以是並得舅姑歡其於姊姒諸姑間用意周浹壹歸於和旣寡彌自斂抑雖甚悼痛不敢以激烈之行蕉萃之色重傷老人意先是生子一樹謙女二

鶴巢文存 卷三

九

四明叢書
約園刊本

臨喪舉遺腹樹諍稍長督過如成人不以無父而姑息念親老孤弱積憂成疾時時諷誦釋典或令諸子執書從旁深切誥誡傷先人之齋志每每掩卷於邑而罷舅歿諉家政兄公不問羸絀無何商業折閱陵谷忽變公私交迫則斥所有爲彌縫裁冗緝匱節食縮衣相與拮据以保遲莫繩樹謙兄弟宜自樹立毋喪志毋有依賴勤以趨事儉以養廉處約宜爾處樂亦宜爾每燕見未嘗不以此諄諄焉樹謙娶於秦鄞富家也資贈頗厚一日請於孺人將以營先兆孺人曰毋庸吾計之熟矣吾

屏當簪珥得錢若干可以爲之棹凡生有所養食吾之力吾甘焉老有所終吾自爲計吾安焉樹謙事母孝不敢違商於滬屢欲迎養孺人終不可婦秦氏侍姑家居菽水之奉久而彌謹見者忘其爲富家女蓋化於其姑云孺人以甲戌十一月二十九日遘疾卒年五十有九子樹謙孫三人樹諍出爲世父沛杓後

論曰語有之士窮見節義豈不信哉自來易代之際不乏抗志之士然亦有晚節委蛇窮而喪其所守者矣明季遺民風義夙絕若徐俟齋李蜃園沈耕巖之倫窮餓

鶴巢文存 卷三

十

四明叢書
約園刊本

守志至於三旬九食藜藿不充而義不受餽其節行之皦然雖殷之夷齊宋之二謝無以遜此蓋此數子者生平所學致嚴於義利之辨事變激發守之而愈堅固其所耳費孺人以一稜婦值其家盛衰易軌而黽勉有亡不欲以它財營葬此衰世士大夫之所難而孺人斷然處之無待再計則其中之所守可知矣曩者吾友徐弢士嘗爲吾言之相與嗟歎因備著其事貽其後人并以諭今世之爲士者

先母陳太恭人行述

母姓陳氏外王父太學生諱某公第四女年二十三歸我先考贈公前妣史恭人生兄欽典七年矣二十六不孝江明生三十一妹適李氏者生三十二自東錢湖徙居港陸三十四弟庭鏞生四十二贈公卽世四十四大母林太宜人卒自贈公卽世而吾家能有立至今繫吾母之力五十以後諸子各勤職業不孝江明需次在皖母獨率子婦持門戶六十一就養望江縣署明年皖有亂挈家依庭鏞漢皋居三年爲宣統辛亥江明歷官亳州寧國至是調知潛山縣復迎養母驟遭國變崎嶇而

鶴巢文存 卷三

十二四明叢書
約園刊本

歸歸十年以宿疾卒於家實辛酉六月四日也年七十有五母之來歸也事大母二十年無日不敬戒無纖芥不當意故居在湖上室湫隘外宅二楹贈公館生徒大母所居小樓容一榻一几贈公與母常蹙然不安而其時房從有不足吾家者日尋衅母曲意譬解卒徙居以安大母其人尋悔終亦禮遇之大母志也贈公頎身玉立性方嚴以諸生爲邑大師遠近來學者宿舍常滿母具食飲必周備家無僕婢爨汲皆任之日辟纊月織絕有常程大母以下皆衣之贈公治家嚴諸子不帥教扑

責盈百母意矜憐而無姑息室中陳設必整齊門內必靜肅絲粟不治或終日濯濯母則益敬無幾微不然之意及贈公將終謂母曰吾猶急子行不吾愧吾母老諸兒學未成以遺子矣自始病至歿母侍疾數月不離側方暑爲拭不潔兒輩偶趨出母則斥之曰汝曹讀書何爲亡親矣不孝兄弟終身以爲疚大母病風痺三年轉側需人母事之篤謹日撫摩抑搔食則手進之涕唾手承之夜分必起扶掖更衣雖嚴寒不稽時刻聞微呻則起益頻數大母意安之凡飲食臥起必母乃適雖姑姊妹在旁不假手也旣成喪母睡中猶時時作驚起狀終喪有戚容於諸子教愛如一庭鏞少就兄讀兄督過之母不爲忤不孝兄弟言語不檢或習於浮靡拂其意則流涕誠飭不孝輩卒不能改亦優容之而自奉甚嗇每製新衣必什襲以藏饋時食必問值多寡或日庭鏞自外歸奉狐裘廉其值以告卒不常御也丙午江明補授桐城縣知縣值母六十假歸上壽母喜且誠之曰若儒緩民必安之慮不稱上官意雖然積誠以相感無難也未之任板授望江母至縣見水道淤淺曰此處農田不

鶴巢文存 卷三

十二四明叢書
約園刊本

如吾鄉饒沃水旱不時官宜籌荒政其後江明在望江復社倉在亳州治洛河如母之教署後有廢壤飭丁芟治爲圃吾鄉務蓄菜雪裏蕪見方志尤美蒞之盛以陶器竿以石可半年食圃成取種下之庭有石橢圓自洒滌用以詒督課婢媪作息有恆子婦主中饋如其在家毋製金飾毋衣錦綺曰吾兒不能苟合於時宜時時爲退休地也江明歷皖南北凡內事雖千里外常爲之節制方國難初作母莅潛山未旬日踰月皖有變江介莠民竊竊謀爲亂母誠江明毋顧家於是徇城鄉立團練

鶴巢文存 卷三

十四四明叢書

約園刊本

明罰勅法境內得無動而時局蒼黃心私憂不測先是兄隨侍在署母命以帑行不得通忽庭鏞聞關來省迺奉母盡室行道安慶邏者疑官挾貨遁要庭鏞就質某署索行篋幾徧皆弊補衣始廢然及遜位詔下母馳書趣江明歸時不孝已引疾以典史某攝事候代比來家母方整理門戶課耕自給曰吾家故貧賤吾安之素矣居嘗謂一家之中尊卑長幼各循其序男女各治其職居室雖陋而內外秩然菜羹蔬食而中饋有主若是其家必治易之則亂推之治縣卽推之至於治國莫不皆

然故十年中目擊時事之芬亂常太息不已不孝痛自念爲吏既促促無狀學殖日落復不能抑心理家政分吾親之憂而中年以後長兄旣歿家室相安循循軌轍身免於大戾徒以有吾母耳嗚呼母氏聖善人子歸美之恆情而如母之至孝極順勤其身淑其家以莊其子孫其事立人倫之極其言皆可傳於後宗黨稱之士友信之則非人子之私言也不孝負罪人間偷生視息徒以有吾母耳今母逝矣不孝尙何恃以爲生耶母以江明同知階值宣統元年覃恩得封太宜人嗣江明加四

鶴巢文存 卷三

十四四明叢書

約園刊本

品銜例得封太恭人以國變未及請子三欽典國學生國子監典籍銜前六年卒江明光緒二十八年舉人三十年恩科進士安徽桐城縣知縣庭鏞國學生鹽運司經歷銜女一適縣學生李芳年前卒孫四人承重賢疇賢燾賢鑄賢銘孫女一人不孝偷生一日不敢沒親善不敢誣親葬有期略述梗概銜恤陳詞干謁當世立言君子錫之銘誅毒痛慙寒荒率不備不孝男江明泣血述

姜君炳生行述

余識姜君炳生始戊辰編詩之役詩最錄鄉獻斷目清
代正續凡四十三卷自校訂迄印行閱時三載費逾萬
金鄉人士欣成之者姜君其一也越明歲己巳君纂家
譜成索余敘其始末先是十年君嘗設族學建義莊矣
方事之始展轉以條例屬訂定余固未知君何如人而
以其能仁族也援古誼爲之發凡起例君因是重余見
輒致敬曰微先生莫成吾義至是君歿嗣子承遺令屬
其戚王君來請曰願有述余以病謝請益堅乃次其略
而歸之君諱忠汾炳生其字姜氏之先在明季有曰祥
鶴巢文存 卷三 十五四明叢書
約園刊本

地產贏得過當貲益饒君曰吾毋殉財爲也幸有餘以
貽子孫吾知止矣遂一切謝去君雖與外商狎然未嘗
有馳騁之娛綺靡珍異之好居家遵任公約衡量出入
教飭子弟毋固毋不孫用是以保有其家恆自念先人
有長者行食貧累世未克有所設施迺遵其意而行之
以爲至戚莫如天屬推而暨於一族暨於一鄉暨於一
邑凡吾力所能及皆吾應有事也皆吾先人遺志也故
其所施行不徇衆不驚名心之所之懸的以赴其課之
也有程其爲之也必規諸久遠既設族學建義莊矣時
鶴巢文存 卷三 十六四明叢書
約園刊本

慶者自餘姚稍遷至鄞之梅墟族寢大以氏氏所居曰
姜家隴遂世爲鄞人曾祖諱明誠妣包氏祖諱倫篋妣
俞氏考諱孝義妣王氏陳氏代有隱德逮君迺奮起以
好義聞於時君生而岐嶷顧體羸善病年十五棄書學
買於滬無所得弱冠喪怙恃以孤篋彌自淬厲少涉獵
旁行文字舌人語言乃益展習之爲時效用滬上縮鞞
江海歐美大賈廬集牟利器君才爭相延致業日起倚
畀日隆君則要之以誠信出其識略高掌而遠跡與時
俯仰恒操厥贏駸駸稱素封矣比歲以滬市開拓賈價

方軌行者便之舉辦巡警以輔守望厲行自治以厚民生凡都市之所建設村中幾備焉其戚王君實左右之而受成於君王君謂余凡君所爲皆先有成算擇人任事分年程功已成之迹所費無慮數十萬其未既者遺令中諄切誠督要於必行且別舉遺產若干備他善舉之需此則惠於一鄉者也其他在滬在甬關於教育興作振貸諸大端皆量力扶助邑中近編新志君聞而起曰是鄉邦文獻之所寄也吾曷嘗有志矣首輸三萬金以爲倡蓋君孳孳於爲義不遺遠近此其尤較然者也

鶴巢文存 卷三

十七四明叢書

約園刊本

吾聞君事兄謹兄曰錫鑿已別籍矣迎之居滬至老相愛如兒時妹家貧以時饋給姊早歿語及輒於邑諸甥皆振業之使之有成由君內行觀之其生平所措殆根於心者歟有本之水盈科而後進放乎四海有本之行始於親親極於愛物道固如是也君以癸酉十月十六日歿於滬春秋六十有七配趙氏子男三守賢守良守方守良前卒女四皆適名族孫男五節和節清節寅守賢出節裕守良出節盛守方出君先營生壙於東錢湖之下水既成自臨視見其地小學簡陋不能以普及

慨然曰吾事也治學舍費若干歲費若干吾皆任之矣其塵心蒙養至老不倦有如此者余嘗論范史傳獨行以爲雖一節之士風義夔絕讀之足以使人興起自後作史者尠立門類郡縣志亦然惟吾鄞萬授一氏纂修府志因李志之例立特行傳以存一郡之奇傑然所載好行其德者亦復寥寥可數嗟乎世之握齷守富者多矣有能以睦婣任卹著聞於時是亦千百中僅見者也君之爲義竭其才量由家族以暨於鄉邑而其事實功效迄能垂之永永余故委曲書之以爲爲善者勸今方

鶴巢文存 卷三

十八四明叢書

約園刊本

輯邑志有采摭君之行誼者庶有徵於余言是爲述

黃泥畧阡表

光緒八年先大夫葬祖考兩世於湖上黃泥畧之麓其時距曾王父之歿蓋五十有四年矣啟櫬棺徽敗不可舉迺易棺更斂先大夫噉然哭急解已衣爲藉親奉持安置具冠服絞衾如禮自始事至卒斂哭失聲親友會葬者皆泣下江明方穉未知先大夫悲哀之深也將窆而甚奔走泥淖中以次蒧事先大夫有弟蚤卒亦穴其右以耐既葬乃進不孝兄弟而誥之曰葬不可緩也小

子識之烏乎自吾王父以來至於先大夫之身期功之親以細故輒相構難洵遭喪亂家亦中落故曾王父之葬遲久而始舉及今思之宜吾先大夫悲哀之深之至於是也曾王父諱自上字凌霄氏忻世系詳家乘中以少孤不竟於學服賈養母高王母曹太孺人苦節高年公事之甚孝疾且殆自以不得終事母引爲大憾既歿則聞太孺人室中入夜衣履有聲裴回牀下呼阿母家人始常驚久而習知爲公也皆感歎而以爲孝行之無閒生死如此卒以道光八年正月二日年四十一妣戴

鶴巢文存 卷三

十四明叢書
約園刊本

孺人守志三十年咸豐八年十二月一日卒年六十七子三長卽吾王父贈奉政公公諱成國字常春以字行端重寡言笑遇人無少長戚疏造次必於禮宗鄙以嚴見憚設肆里中自主之其爲賈質而廉而身折節爲儉其於人亦然非時節或酤酒若市珍物必問家何需否則竟裁抑之喜讀儒先書自念世爲賈近市非初志中年益究心經史之學訓子弟有法每課讀嶽嶽坐對指摘其得失過於嚴師先大夫績學敦品皆家教也同治元年粵寇擾寧波公有姑歸洪氏避亂頓舉山中閒關

省視憂悸成疾遂卒閏八月二十三日也年五十二公

固國子監生以次孫江明官馳贈文林郎晉贈奉政大夫妣林氏贈孺人晉贈宜人林太宜人人事姑甚謹撫子女甚勞苦遇戚鄰里甚有恩紀以光緒十六年五月五日卒年七十八子二長卽先大夫次叔父諱禮綱劬學天逝年十八卒以同治八年六月八日未娶先大夫爲聘陸氏亡女合葬命子孫世祀之江明禱昧無似罔知舊德願嘗逮事先大母平居所詔告與過庭之所嘗聞大略尙能省記而語所不及闕焉弗傳自咎玩愒未

鶴巢文存 卷三

十四明叢書
約園刊本

嘗博訪詳稽其湮沒何可勝道然卽就所省記之一言一行推見吾曾王父王父之生平幽光潛德其所佑啓者實大而愧不肖輩修名不立喪贈不及遠無以貽令名也思欲以文字表章一二自知淺薄不稱則又怨艾嗟歎者久之繼念今距世尙近及今無迹後人益罔聞知負罪滋甚用是攜摭舊聞伐石摘詞揭之於阡以示我世世子孫俾尙知先德墓西北向左爲曾王父母以次而右是山之麓實處巽東南隅山曰朝北山曾孫朝議大夫四品銜安徽桐城縣知縣署亳州知州江明表

先府君墓柱文

先府君之葬也埏道之石未具遷延及今三十年矣不肖自以修名不立言不徵信未敢以狀求有道之文而放廢餘生奄忽將盡一二舊聞思遂泯滅以重不孝迺輒書之墓柱且以貽吾後焉府君諱繼善譜諱禮約字簡齋寧波府學廩膳生少受業王實夫先生之門先生篤行有道士也事寡母極歡家居動必以禮喜讀宋五子書其學以誠實不欺為主府君事之謹所居隔一水月日造請契合異尋常師弟晚年恆舉本師行義詔子

鶴巢文存 卷三

三四明叢書
約園刊本

弟曰讀聖賢書難在實踐如先生真足爲後輩法吾僂俛焉而弗逮也鄉邑之士及事王先生者則交口稱府君似先生云不肖生十七年而孤所嘗習十一經皆府君指授而於其學行之至者茫乎未有聞知既居喪吾母陳太恭人泣語諸子曰汝曹知汝父之爲人乎吾家故貧也汝父資館穀以養室廬庫隘置生徒外舍一椽之庇吾與吾姑共之姑所居室裁容膝晨夕省視意蹙然不安而其時羣從有不憚吾家者相侵益甚迺奉母他徙歲入僅給養不能豐而意有餘也女弟之寡者竭

誠撫之俾孤甥有立葬祖父及殤弟三世爲一塋屏當以濟皆吾姑所念釋在茲者也居嘗語余讀書期有益吾身吾狷急不容物時而有得則渙然焉積久而怡然焉而獨於事親常缺然也此汝父省身之學而吾第舉其事之易見者也自吾來汝家未嘗見汝父有情慢之容安肆之行祭祀必齋遯言動必檢攝設置必整齊燕居如臨師保繩諸生必於禮法盛夏常褐衣冬一綈袍十年不易今吾得敬蚤莫以有吾家汝父教也汝父之學吾不能知其行亦不能悉數也不沒汝父勉事吾言不肖兄弟涕泣謹受教自府君歿後十數年中諸子或儒或賈循循軌轍幸免於戾及不肖作宰皖中太恭人因事勛勉務以經術爲治毋渝先人誠敬之行以此得不獲舉於上下旋遭國變棄職杜門既喪長兄又失我恃不肖以愆尤叢集之身尙復偷生視息門庭依舊子姓日增非吾府君盛德之留貽曷以有此我後人敬念哉仰瞻先壟優然肅然永奉爲家法以畏吾世則府君與太恭人懃懃誥誡之遺志也府君卒於光緒戊子六月十七日年五十有二宣統元年尊恩以不肖同知階

鶴巢文存 卷三

三四明叢書
約園刊本

贈奉政大夫安徽桐城縣知縣嗣不肖加四品銜例得
晉階朝議以國變未及請元配史太恭人生兄欽典而
卒實同治己巳四月六日年三十有一繼配陳太恭人
卒以辛酉六月四日年七十有五不肖前爲家傳述所
聞懿訓以當面命茲特著其以身教者明吾府君學有
本原匪直言教而已我後人其敬念哉癸酉冬十月第
二子江明謹述

清故州同銜國子監生張君墓碣銘

君張氏諱翰芬慈谿支浦人鄉俗少文君尤以質勝無

鶴巢文存

卷三

三四明叢書

約園刊本

字知與不知皆稱其名曾祖德雲祖乾利兩世隱德考
學元以軍功起家授定海千總擢都司粵寇陷浙公在
杭城破巷戰負重傷回籍旋集義勇攻鄞西賊峯復慈
谿有功事載鄞慈兩志及董氏明州繫年錄都司生三
子長舜芬前卒次蘇菜廩貢生敘功保以知縣用隱於
醫有集行世君其三也少魯鈍以家貧親執醫御之役
兄讀書擔簋從行而秉性沈毅篤於孝友妻太夫人卒
君已能自立喪葬極厚事兩兄甚有禮蘇菜善病君親
調藥餌扶持之惟謹君精計然策滬上巨商延主葺藥

肆屢獲奇贏勸立公所釐訂規則同業奉爲職志戚友

貧者振業之其才者汲引如不及以是推於人人或以

急難告量力扶助之無少吝故聞君之歿三郡皆泣下

可以見君之爲人矣配朱安人無出光緒某年某月某

日卒繼室以其姊生子二長鳳鏘次鳳閣女二長適洪

某次未字孫一樹榮君以國子監生援例授州同銜卒

於光緒三十四年五月二十日年五十二今年十月卜

葬於某鄉某原以原配朱安人附而穴其右爲繼室生

壙事既具其兄蘇菜明經來請銘余交明經最久蓋敦

鶴巢文存

卷三

三四明叢書

約園刊本

篤有道人也君歿時明經哭之至喪明以是益賢君乃
爲之銘銘曰

氏族名字聲氣相矜山邱零落沒世無稱繁名與實疇

重疇輕寧野母史毋貌榮名君以質勝見君性情貞現

不泐視此刻銘

故內閣中書副貢生方君墓志銘

方君之卒也余旣爲辭哀之越明年其孤卜以四月朔

葬君慈谿東鄙郎官坪之新阡元配鄭恭人前卒已下

窆矣先期來請銘誼不得辭君諱積鈺字式如鎮海縣

人方氏於縣爲著姓其先居閩之莆田宋時有諱軫者以任子官太廟齋郎上書劾蔡京論戍後爲鄞令罷官遂家焉占籍明州居慈谿鳴鶴山稍遷三鎮海鳳浦舉再徙柏墅族始大曾祖亨學用懋遷起家有義行事詳縣志祖仁和早世考玉書附貢生中書科中書兩世以君階獲贈如例祖妣氏劉妣氏鄭並以節旌君幼學篤行顓顓自敕身處膏腴泊然儒素自爲諸生試於省兩充副貢旣不遇援例授內閣中書不謁選而爲政於家本生祖潤齋府君父黼臣府君仍世好義嘗主持滬上

鶴巢文存

卷三

三四明叢書
約園刊本

四明公所拓基構宇爭界保冢設支所甬北不恤資力前後功稱最公所者郡人旅殤瘞殯所在也君嗣爲董事謹守先緒事益修舉歲會時祭旬月視察必躬涖必敕必周終其身無或渝者平居不事聲氣若邑有大役就君諮商凡文獻所繫農田所賴民生所需輒身任無難色施及遐邇所建設輸助實宏且多而君敏然若無與從未一語及之其敏抑不伐善類如此顧余尤心折君者蓋嘗就本原之地夷考其行謂如君之踐履篤實於古人殆庶幾焉君之少也鞠於庶祖妣朱太夫人旣

歿哀思無已迺以遺資葺宗祠以其節請旌入祀闈揚之甚備念事親日淺則敬諸父若父雖齒少於已不敢先進退唯諾必謹律身甚嚴服御無珍綺斐几木榻環列圖書日蚤起手寫日記錄史傳可法式者積帙至等身客至雖燕褻必衣冠端居一室嘖笑不苟諸子兢兢各勤所業內外執事數百指恪共帥職無有敢惰謾者其於鄉里耆宿及後進知學之人皆折節敬禮久而愈摯凡君行義之所著壹出於誠絕非貌爲恭讓取謹厚名者所能至於乎是可銘已君年七十有一以丙子四

鶴巢文存

卷三

三四明叢書
約園刊本

月十二日卒鄭恭人卒於癸酉某月某日年六十有口子男三傳洪傳洵傳濟女三適裘適史適倪孫五人曾孫二人銘曰
貧而樂富好禮之兩言道本體禮於身徹表裏儉若恭其涂軌孝與謹其根柢卓哉君敦踐履刑於家修諸己立頑懦式浮靡魄藏斯銘以紀石不泐山不圯

明經張君墓碣記

吾友張君之歿也其孤弱葬故綬今年始卜吉某山之陽具碑碣如制筮日下空憶歲已未君臥疾滬寓余視

之論所苦君曰吾病夙矣吾一生潦倒子所知也顧自
省無大過幸而獲沒得子女以葬死不憾至是諸孤理
前言具狀再拜謁余文諸碼何忍辭也蓋君始爲諸生
盛文譽積不得志罷成心疾家貧用方書自治療因
盡讀漢以上諸書以醫名於時方君懸壺郡中所往還
皆余舊識讀余所爲傳記文而善之介而相見驩若平
生旋爲余已消中之疾因定交焉未幾余宦皖君移寓
滬濱蹤跡稍疏國變後余以憂憤故病肝胃益暱就君
君款留旬月治之百方並用諸法散遣以廣余意如是

鶴巢文存 卷三

三四明叢書
約園刊本

既久病且閒而君外樂易而中多菟結邁疾數月竟以
不起此余所爲深悲永歎者也君諱龢榮字性如別署
萃墅慈谿縣學廩膳生援例充貢曾祖德雲祖乾利皆
力農考學元負氣骯髒膂力絕人以軍功授千總粵寇
擾浙助守杭州擢都司禦賊巷戰負傷歸同治紀元募
勇會官兵復慈谿有功事具緒編修成博所爲墓表妣
裘氏封恭人君念都司公傷廢功在鄉土而不竟其才
銳然思以儒術自奮少從何崧青葉子川兩先生游博
涉書史爲文華實並茂十試行省屢薦不一當某科主

司得其文奇賞之已入彀矣而見遺君自是不復試既
以善病通醫學則益專精其業爲人治病審證察脈推
究病原處劑立方直中窾要於素問所稱五疫辨之最
晰壬寅丁未夏秋之交甬滬水疫盛行他醫莫之察也
賣漿某家已斃四人君既拯其祖若孫比其子疾動君
遠出他醫治之誤尸斃矣君至楔其齒視舌有生氣急
投辛溫而愈妻姓婦傭也鍼刺汗泄勢垂危與以覆附
及夜往視則俛別室矣揭帳燭之察其絡血未敗君曰
是患寒痲毒閉宜解毒活血可生也痲下霍然治他疾

鶴巢文存 卷三

三四明叢書
約園刊本

多類此性忼爽而愛人視人疾痛如己在疚或證有出
入朝視之夕必躬問焉而後安尤貧賤者尤軫恤焉晚
而授其子鳳郊詔之曰醫小道人所託命毋雜應爲能
毋倖中以喜必察於三部九候明於陰陽表裏寒熱虛
實之分隨證施治仁以爲質學識以濟之毋以其術市
也生平不輕撰著有急治彙編若干種皆論說方案隨
手錄存者此不足盡君之學而於此亦可得其概云君
雖游於醫子暇輒臨池學書神似南宮與余論近今文
章家源流得失極推方姚曰吾不能是矣斲子病已而

有進也居家內行甚修於三御有恩紀與子游者皆稱之卒以己未十月二十五日年六十有四配王孺人子四鳳樓出爲人後鳳郊能世其家鳳采鳳燁女一適裘孫三人孫女四人今距君歿十有六年矣余以貞疾坐廢不自意偷延視息今且及君之年得見君葬以完諾責惟是學不加進才盡氣灰狀君生平彘彘不稱無以厭君之望重理前緒彌自媿已

重修滌浦廟記

易曰天地閉賢人隱夫隱之道蓋異矣巢許之高蹈遺

鶴巢文存

卷三

三十四明叢書
約園刊本

世者也夷齊之苦節屹世者也賢者宜何所處乎吾嘗徵之於遯遯彖辭曰與時行象曰君子以遠小人惡而嚴身隱矣於時於人又奚與者蓋遯之時義守靜以制動扶陽以抑陰其道足以輔相天地左右斯民然則遺世非賢人之隱而隱者之必有裨於世可知也秦漢之際隱君子曰黃公生於鄆葬於慈其事蹟見於史志遠難徵信而兩邑人尸祝之至今滌浦廟者宋時爲社清代改建始祀公夫無德於其鄉距世且遠而神之也何居傳曰筆路蓋襪以蔽山林秦以前明州僻在海澨

節義之風誰實啟之公當秦之暴漢初之雲擾名動萬乘潔身不仕儻所謂賢人者非耶其所傳應徵出山羽翼太子事溫公修通鑑已闢其誣今試讀其采芝一歌託迹唐虞寓意悲憫庶必有介石之操厲世磨鈍之行足以興起百世者晉夏統嘗言會稽風俗循循有黃公之高節就流澤之所逮以想見公之爲人先河之功詎非祀典之所宜舉者耶廟建於乾隆中葉歷百餘載寢失舊觀里人徐炳燿曰吾不知公之道於世奚若也吾徐氏世世奉嘗此剝落傾圮之不葺無以妥神靈迺與從子規從事營度廓而新之殿廡門垣聽事之屬闕壯逾昔糜白金萬有二千任其半而以其半屬諸勸募經始丁巳仲秋越一年歲事落成之日遠近瞻拜恐後濟濟踴躍咸肅以敬鄆縣忻江明聞之慨然曰甚矣賢者之繫人思也自秦漢以來國家治亂之迹君子小人消長之故略可考見晦盲否塞蓋莫甚於今日吾思天地之閉人心之澌滅也庶幾有隱君子者輔相而左右之用遯之義守坤之貞砥柱橫流扶掖名教以爲九鼎一絲之寄意在斯乎然則黃公之得祀與是廟之成皆於

鶴巢文存

卷三

三十四明叢書
約園刊本

世道有繫因闡易義著公之所以祀以諡來者

寧波錢業會館碑記

記曰大信不約說者謂約劑也周禮地官司市以質劑結信而止訟凡市易必有劑自古然已錢幣市易之券也國法變遷人趨僥利若唐之飛錢宋之交子會子今之紙幣以輕齎稱便風行海內其為信亦約劑類也此所謂市道也市道而幾於大信者有之乎曰有之今寧波錢肆通行之法殆庶幾焉海通以來寧波為中外互市之一地當海口外貨之轉輸鄰竟物產之銷售率

鶴巢文存 卷三

三四明嚴書 約園刊本

取道於是塵肆星羅輪舶日月至儼然稱都會矣顧去閉關時不遠市中行用以錢不以銀問富數錢以對自墨西哥銀幣流入內地始稍變其習然不用銀如故即有需則准他路銀虛立一名以錢若銀幣易之日有市市有贏縮通行省內外以為常吾聞之故老距今百年前俗織儉工廢著擁巨資者率起家於商人習踔遠營運徧諸路錢重不可齎有錢肆以為周轉錢肆必仍世富厚者主之氣力達於諸路郡中稱是者可一二數而其行於市匪直無銀乃亦不專用錢蓋有以計簿流轉

之一法焉大抵內力充諸肆互相為用則信於人人故

一登簿錄即視為左券不啻也其始數肆比而為之要會有時既乃著為程式行於全市其法錢肆凡若干互通聲氣掌銀錢出入之成羣商各以計簿書所出入出界某肆入由某肆就肆中彙記之明日諸肆出一紙互為簡稽數符即準以行應輸應納如親授受都一日中所輸納之數為日成彼此贏絀相通轉而計息焉次日復如之或用券掣取曰界某肆司計者以墨圍之則為承諾如所期不爽無運輸之勞無要約之煩行之百餘

鶴巢文存 卷三

三四明嚴書 約園刊本

年未聞有用此為欺給者雖深目高準之儔居是邦與吾人為市亦不虞其有他儻所謂大信者非邪顧吾又聞之咸豐之季滇銅道阻東南患錢荒吾郡尤甚市中流轉之錢直大減當見錢之半鄉民病之洵洵謀為亂數月乃平夫錢幣之為用載信而行虛實必相輔直必相準如權之在衡如契之同而別之使民不疑循是則理不則亂今紙幣充斥帑藏蓋寡罔利者或外輸不已虛車無實後將有受其敝者夫思每中於所習而法必期於相維吾願當事者毋變其俗而有以善其後也錢

肆舊有公所湫隘不足治事比年期會益繁適度地江
涓別爲會館鳩工於甲子某月朞而蕝事旣成來請爲
記因著其事之有繫於風俗者且揭其利病所在冀後
之議市政者有省焉至是館之成捐輸之姓氏及在事
有勞之人凡金石例得書者別具於碑陰茲不著

四明公所甬北支所碑記

四明公所者吾郡人客死叢殯之所建於滬上經歷久
遠曰四明者標地望以名之者也吾郡之續建公所始
自光緒八年仍其名者內外不嫌同辭也茲繫以甬北

鶴巢文存 卷三

三四四明叢書
約園刊本

者記事必實其地曰支所明有統也先是滬上公所地
爲外人所侵吾郡人之僑滬者出全力與爭事乃寢鎮
海方黼臣觀察其先世固嘗有造於公所者旣幸茲壤
之獲保又念首邱之義俾死者歸骨於鄉不可以無所
爰采眾議相地甬江之北建丙舍置義山歲運匱還戒
期趨葬無主愆期者瘞之表次立碣男女異兆著爲例
上海東南一都會也郡人衣食茲土者日益眾公所規
模日益展拓吾甬共給之事亦日益繁而國中海口商
步及各行省之旅居者凡有四明公所若會館運匱歸

葬率傳於滬以達甬丙舍不容則以時加闢慈谿小隱
山義冢不敷則益置網灘山廣之於是觀察之子明經
積鈺繼任滬事以兼攝非計誣諉於鄉之賢者分營並
進別爲會以董其成諸所設施漸規遠大逮前六年戊
辰厚集羣力爲一勞之計相之度之揀之築之基址曠
如屋舍翼如蓋自支分後遞嬗至今譬之建國初爲附
庸繼列小侯終則位於甸服儼然會歸之極焉尾閭之
翰濫觴於涓流岱宗之峻積案於土壤始事之功眾擎
之效至心乃大著吾四明故多義舉然以余所見後先

鶴巢文存 卷三

三四四明叢書
約園刊本

疏附一倡百和不憚罄其力以竟其施莫茲所爲盛蓋
死喪之戚在原之痛人子泚頰鄉鄰急難情之至也動
之以至誠要之以可久事皆眾著款不虛糜治理之至
也以故十數年間滬公所所屬之南廠北廠東廠與四
明醫院先後告成集資不下五六十萬且以餘力伙助
於鄉鄉之人亦集資十一萬有奇以成斯舉昔孟子以
養生送死無憾爲王道之始因民之利而使民資以死
生其趨令也如流水取鄉之財而使隸於鄉者資以死
生其響應也若桴鼓吾觀於鄉而知王道之易易也旣

訖工主所事者林上舍植陽具圖籍來請爲記因備著其顛末而並爲推本言之如此所之制四周爲廠以厝厝凡爲閱三百二十中爲舍稍前爲堂區爲三等其數如廠四之一後爲停厝處用以頓舍凡十所有社祠有先董祠有祀室有治事室門垣廊廡庖瀉咸備章程條例具於冊所外隙地及義山若干別有籍而所之前迤左築室曰歸復處爲郡人病歿於外俟斂之所亦隸屬焉見董其事者方積鈺陳道域余盍顧釗卓殿英毛雍祥張濂俞煌徐秀祥已故者費紹冠梁秉年董嘉徐方

鶴巢文存 卷三

三五四明叢書
約園刊本

來陳俊伯嚴英袁彌通陳聖佐蔣能保皆郡人並有勞於茲所例得附書

毓秀義塾記

記曰古之教者家有塾黨有庠州有序蓋周時行鄉遂之制學校徧於國中周官黨正謂飲酒於序王制耆老皆朝於庠鄭注以爲鄉學孟子曰夏曰校殷曰序周曰庠庠序之名不專屬州黨要之州黨之必有學乃一定之制所謂黨庠州序者特錯舉言之而惟家之有塾則有定地有定名蓋教始於家家者統族屬而言太宰九

兩其一曰宗以族得民宗法旣行必不可使家有不教之子弟故設爲塾以教之爾雅塾者門側之堂所謂夾門堂是也然則今之家塾大率本此矣陸補庵先生以名孝廉爲邑大師憫子姓失學以爲俗之不醇由家之無教欲仿古建塾之制而資力未逮迺集眾議以六世至十一世祖並有圭田祭則歲舉而搏節子姓享餼之筵席儲以爲學費拗議於光緒八年閱十載始延師教授凡房從之及年者咸入焉補庵先生手訂塾規名之曰毓秀自是厥後歲有羨餘則置田以垂久遠寸銖積

鶴巢文存 卷三

三五四明叢書
約園刊本

累羣力經營又二十年而塾始成於序蓋其難哉維昔賓興之典隸於鄉學州學者謂之秀士升於司徒曰選士而黨正屬民讀灋書其德行道藝族師書孝弟睦婣有學者以爲選舉之標準推其意蓋凡稱士者必當務於有體有用之學自宗法廢學校衰俗尙澆漓士習浮夸有心世道者怒焉憂之吾願陸氏之父兄繩子弟以古法始之以孝弟睦婣終之以德行道藝以無媿秀士之稱斯先生命名之微意也塾凡三楹規制整樸在堂之東屠門之左與夾門堂之制合旣成先生之子習義

來請記迺質書之而徵之古法如此是役也與其事者
洪筌洪緣孝偉世善世坤世寬皆有勞例得附書

虹橋別業記

梁君文臣以乙卯之秋作宅甬東彩虹橋越年就其北
爲別業經之營之既有成緒壬戌冬君歸自齊識余於
費瑚卿廣文所迺屬爲記蓋至是余蟄居鄉里者十有
一年矣此十一年中余不知以何紀年也但知爲某干
支而已不知今是何世也但見憧憧擾擾如築室于道
謀而已夫國中猶廣廈也庇其下者不知凡幾而無主

鶴巢文存 卷三

三七四明叢書
約園刊本

人焉盜賊踞其室禽獸奪其居使居是者皆播蕩於風
狂而驟水深火熱之中而不知所屆故處今之世如烏
之巢幕燕雀之處堂苟以圖一日之安而已而梁君迺
於其時成別業一若自適其適且務欲爲久遠計而徧
徵題識而及於余梁君之言曰吾之爲此非以觀美吾
先德可念也吾於別業祀之吾遺書可寶也吾藏弄其
中吾子弟不學可慮也吾於餘室爲校以教之吾之經
營是誠不能以已也余聞君作客萊維閒善居積一貨
殖才耳而其言若此夫明人倫尊經籍啓迪後進皆儒

者與人家國之事而君言若此其志行殆必有過人獨
區區治生也歟哉使天下之人而皆知此義嘗國於廣
廈寧復有棟折榱崩之懼然則君之爲此於世道有繫
余故樂爲記之質之廣文以爲何如

芝軒記

林君芝浦以字名其軒屬余誌之始余未識君谿上費
瑚卿廣文謂余芝浦至性人也行修於家而信乎朋友
及見君則貌癯而腴眉白目光內斂類知道者聆其言
曠達而肫摯與相處意常有餘廣文之言蓋信君好書

鶴巢文存 卷三

三七四明叢書
約園刊本

畫所居軒琳瑯滿架多名人手蹟尤雅慕余文且曰某
錄錄無足稱請君爲言所以名軒之意吾聞芝爲瑞草
爾雅疏王者仁慈則芝草生又嘗讀抱朴子所論列石
芝木芝草芝都數十種則流於神仙服餌之說世傳神
仙多荒誕獨葛稚川氏寡欲潛修尋書問義於儒者爲
近夫未有神仙而不本於真性情者有真性情斯能長
生久視君之行於人爲瑞人於物爲瑞草其人如其字
以名其軒誰曰不宜即以君爲抱朴子之倫其亦可也

陳氏涵養山莊記

涵養二字屬心性言始見於宋儒語錄然非本義說文
涵水澤多也詩鄭注訓涵爲容玉篇養育也長也从食
羊聲有食人之義之二說者引申之大抵不離乎澤物
者近是六朝文體瓌瑋猶用古誼陳書沈炯傳文帝嗣
位表曰王者之德覃及無方矧彼翔沈孰非涵養蓋謂
德澤之廣上蟠下際無物不在涵育之中與書稱咸若
詩詠鳶魚其悒一也然則涵養云者非有仁心有仁聞
具民胞物與之量而以博施濟眾爲事者未足以語於
斯陳君子埴旣營生壙於縣西鄙八馬橋其祖塋在芝
山之麓相距不百步也歲丁卯構山莊若干楹有堂有
聽事門廡翼然庖福咸具堂中奉祖若妣而虛其下爲
他日棲神之所旣成額以涵養曰吾軒以是名也今卽
以名吾莊吾曩遊芝山而樂水木明瑟花鳥怡人是莊
適居其勝時一流連焉足以豫悅吾心性云爾他非所
期也雖然君豈勵勵焉爲身謀爲豫悅計者綜君生平
內而尊宗祠廣祭田外而卹養振乏拯溺施糶以及地
方生計災荒善後義所當爲赴之如不及由君之事以
窺君之志殆無往而非仁慈之流露而猥曰吾以謀一

鶴巢文存

卷三

三四明徵書
約園刊本

身焉夫一身之與民物孰大孰小其爲名孰久孰暫君
辨之審矣而況爲德於鄉者固已若是其侈哉今夫有
天下之任者以利天下爲事有一方之責者以澤一方
爲事蓋各有其分量焉以君所爲令其所處高所及遠
寧不能擴胞與之懷而宏施濟之願惜乎浮湛眾中未
獲藉手於大者遠者然而河潤始於濫觴雨施起於膚
寸君之心足以澤物而有餘余故以爲涵養之名不虛
也抑聞之宋吳秉信兄弟四人奉親居小溪朱山堂後
產玉芝人以其孝感所致因號堂曰芝堂山曰芝山芝
山之得名自吳氏兄弟始君家世與之媿孝友亦庶幾
似之語曰親親而仁民仁民而愛物謂孝友爲仁愛之
本也君誠知本者其推暨於民物固自易易故因記斯
莊也而輒援古誼以爲言

鶴巢文存

卷三

三四明徵書
約園刊本

鶴巢文存卷三

鶴巢文存卷四

清鄞 忻江明紹如甫著

雜著

高祖使陸賈賜佗印為南粵王賦 以令稱臣奉漢約為韻

漢高祖即位之十一年於時三垂用命四貉輸誠惟南粵趙佗承任囂之舊業據南海之雄城誅守吏而收旁郡稱武王而竊榮名自秦時為外表之尊曾發龍川而移檄比漢帝王關中之後猶憑駱役以抗衡帝以為中原既定邊患宜平彼夷人於此屈彊敢作負嶠之勢令

鶴巢文存 卷四 一四明叢書 約園刊本

我國有加禮數應深望闕之情非同議結和親立闕氏以收冒頓行見化成漸被諧越裳而變丁令有陸賈焉才華宏肆氣宇嶒峻舊是行人之選新聞寵命之膺星軺遠出天語親承謂但使供藩臣之職勤方物之登臬將投戈來歸圖籍賢王伏地載馨威稜固封疆而世守奉玉帛而歲增此輩如羊羣何待雄師之撻伐乃公居馬上詎容異類之憑陵乘傳遊橫浦陽山用宣中國聖人之德銜書至桂林象郡俾易蠻夷大長之稱然而苗頑未格桀鷲難馴詔書雖下約束罔遵其國露紆魁頭

比夜郎自大其君雖結箕踞如凡伯弗賓何以折梗頑

而使化何以援威德而直陳何以去黃屋左纛之儀俾

修臣職何以致鯨魚荔支之獻時集奇珍耀朔方十八

萬旌旗何以使舞天先至收黑山四百三部落何以令

率土稱臣賈則前而致詞曰殘熒雖閃不能當渤海之

流也細卵雖堅不能勝昆侖之重也方今皇帝朝野一

新河山並鞏百蠻之族歸心九譯之來接踵而王猶長

遠徼以自雄幸虛名之坐擁一旦朝廷震怒出函谷而

興師將士電馳下零陵而鼓勇罪正不庭鋤嚴非種彼

鶴巢文存 卷四 二四明叢書 約園刊本

絳灌特持節鉞凡有臯者必誅問番禹僅等彈丸何所

恃而不恐願西望拜長安之命爵秩榮膺故南行渡滄

水而來鶴書遠奉佗於是穆爾改容嘅焉興歎謂新朝

既大包容豈下國敢生離畔南人不復反願今生永作

藩籬漢德方代興使外服盡歸羈絆邀兩字之榮封飛

九天之華翰甌越之君帝所命幸荷恩施服嶺以南王

自治用資衛扞信辨士之言比十萬眾居然氣奪英雄

致囊中之賜直數千金應見光昭璀璨干戈載戢誰將

絕道以背秦帶礪如新長此築臺而朝漢良以申大義

之堂堂矢正言之謬謬善隨何之說辭抒鄙生之才略
故能使奉詔欲獻聞言感躍大夫出塞業頌盛典於剖
符天子臨軒將念殊勳而錫爵羨使者歸來闕下有平
外微之功令夷酋僻處海濱時幕帝鄉之樂以此服漢
高之能善撫綏且益嘉陸賈之克膺付託看此日受銀
符而通使羅拜新君待異時禁鐵器而構兵重申舊約
擬謝希逸求賢表

臣聞騏驎服馭用致千里之效麟鳳在囿斯成九陽之
功稽古龐鴻職植之世扈鳩蹟頤之朝曷嘗不藉資徇

鶴巢文存 卷四

三四明叢書
約園刊本

齊以佐沖漠伏惟陛下斟酌元化陶鈞太儀步趨莖韶
曠若淵海佩服黠績遂如神明五官五橫揆牧得士七
曜七政綱維有人用能治奏登咸領溢衢若臣竊惟興
替所由隆弛之漸式觀往牒眇覲玄風驅羊入夢是膺
黃軒之圖飛熊載占爰受蒼姬之籙赤龍帝子錫二九
之封白水真人圖四七之佐是以藻朗金石鬱蒸風雲
虞軌唐模塗歡里忭而歲歷綿曖瑤華罕嗣弓旌之典
滯乎郊坰瑤王之珍翳諸林藪豈惟下璞不潤荆陰將
無隨珠有遺漢浦鳳翽不舉鶴書罷搜進選之軌不其

謬歟方今三雍穆化五典從人而敦儒貴才一任選部
計資定品惟曰限年致令勢要悉登膺仕憫彼寒悴莫
望清途九品辜中正之名六條廢淹滯之舉欲使飛黃
服阜赤文候日其可得乎且夫惟善爲寶楚書所歎知
人則哲惟帝其難今欲以一人之識鏡九流之務斯卽
山叟知士切漢構凌雲之臺燕昭好賢臨河做碣石之
館竊恐沈珠莫掇淪玉未抽夫桓公取才不遺九九王
良甄隱非憚屑屑越石縲綬之士晏子延爲上賓毛生
賣漿之徒趙勝目以國士楊喬容槩木於左右丙吉擢

鶴巢文存 卷四

四四明叢書
約園刊本

郡牧之能名簡冊所載良爲盛准如臣愚見宜普命大
臣各舉所知以付尙書依分銓用若其稱職舉主延賞
任非其才坐以黨惡迺若巴蜀文雅見化於長官中牟
股肱慎簡夫良令兒童竹馬爭迎郭伋之車漁陽桑枝
先受張堪之澤是宜就加榮寵久假事權庶使圓首方
顛苗黍之歌載穆滂仁曠誼薪楨之典允升臣生遇亨
途躬漸王路實深文仲竊位之恥冀免絳灌沮才之誚
輕陳庸管懼氛恆典

復雲麓同年尺牘

奉手致并大著真如從天而下嗟乎吾輩尙有生日耶
辛亥以來疊經憂患於天爲僂民於家爲鮮民於國爲
子遺之民尙有生日可言耶兒子不聽阿翁言乃以茲
事瀆先生寧不諒先生新愈之體乎事師事父兩失之
矣但既承閣下觸暑握管三十年知己賤名不可不留
於大集中輒復轉噴爲喜雜誦大著情至文生中年哀
樂歷歷寫來覺河南道上京華邸中桑海巨劫苦出餘
生之情狀如在目前忽喜忽怒可歌可泣則又驚歎而
下拜不圖爲文之至于斯也惟其中獎飾過當讀之汗

鶴巢文存 卷四

五四明叢書

約園刊本

顏無地因來教有就商增損云云輒依指刪節一二而
以稍近實際語附益之仍嫌過情也親自謄寫信筆所
之略有異同於不幸而壽一段文字同心之言悽然欲
絕意擬歸結於不苟同不虛生以寓箴規故復有增損
極知僭妄恃愛幸不見罪則請改爲贈序存稿而於謬
爲點竄處加以謚正將抄本寄擲俾得交兒子敬謹錄
藏知師若父生平有此雅故同此隱痛也四明清詩略
已付裝行就正臨穎無任主臣

董公鄧耘像贊 并序

公諱雲遠字懋勳號鄧耘鄞人祖諱明倫太學生欽旌
孝子父諱義太學生贈修職郎公爲贈公次子少讀書
兼習騎射年二十五入邑右庠爲諸生母張太孺人早
卒事繼母卹備極孝養性端嚴人畏而敬之子弟不率
教雖童幼必重斥或開罪於公輒請宥於鄆太孺人太
孺人爲緩頰公必順從而無違焉董氏自明季居高塘
未有祠孝子公遺命以構祠爲首務故贈公亟亟爲之
不幸未竟而卒公承先志踵成之督率工匠毋偷毋怠
以蕺厥績贈公之歿也方營新宅而未竣遺命撥田二

鶴巢文存 卷四

六四明叢書

約園刊本

十畝爲公自建西廂屋之費公讓而不受其敦行於家
有如此者邑中向有常平倉胥吏上下其手以歲入之
穀強貸富民而收其息侵蝕累數千金又有所謂莊首
者其法以一圖爲一莊歲派富戶一人主之錢糧逋欠
及境內命盜諸案惟主者是問被其役者雖生監婦女
亦不能免鄉邑之患莫此爲甚公與石孝廉名俊張教
諭變曹孝廉廷璉力控大府勒石永禁一方之患始絕
其爲德於鄉有如此者始贈公力學不得志公兄雲廷
公晚年始博一衿以未遂顯揚爲憾公雅意繼述儲書

萬卷延名師督課子弟比長子璘饒於學次子琅舉於鄉而公之意迺慰生平於尊祖敬宗尤所致意先代墓祭必親往展拜有後至者督過之嘗曰祖宗一生心計盡在子孫以一年中之一日事尙不知盡心揆情度理安乎否乎又曰喪具稱家之有亡與其多費以治喪不如樽節以裕祀其篤於承先啟後有如此者公生於乾隆二年四月二日卒於嘉慶三年七月二日春秋六十有二以次子新昌訓導官贈修職郎配殷氏沈氏王氏皆孺人江明壻於董氏外舅師孟如先生公會孫也歲

鶴巢文存

卷四

七

四明叢書

約園刊本

時過外家拜公遺像肅然起敬既又得家狀而讀之益心欽公之爲人迺略敘其生平而系之以贊詞曰

濯濯於室侃侃於公直內方外惟道之從自公有作繼起多賢文章經濟裕後光前若山有脈若川有源典刑世世尙其勿諼

曹君蘭彬像贊

錢湖之水盈盈兮似君貌之清二靈穆如彝鼎兮似君神之寧君容與與兮根於中情婉愉以事母兮洵柔愛而爲兄施由近以及遠兮藹乎善氣之迎亦徇時而興

學兮毅然養正以爲程窮計研之遺策兮紛目謀而心營餘事爲詩以自遣兮蕭然兀坐而神凝往予茸鄉獻之叢著兮謀鳩資以刊行君義形於色兮奔走訊予而相翼以成始見君之貌兮今則見君之心形有時而傲兮心亙古而常惺青山無恙兮湖流有聲告我邦人兮式是典刑

方君式如明經哀辭

歲次丙子四月十有二日鎮海方君式如明經以疾卒於滬上之舍館先是君病脾泄足微燠余視之起居如

鶴巢文存

卷四

八

四明叢書

約園刊本

恆時謂當以藥瘳也自後苦消中益以腹痛始居內謝客余訪之醫問之其家病狀乃有進無退輒怒焉以憂嗚呼孰謂其遽至於是耶余客授滬上晚而獲交於君君禮余意甚摯每相過研索經義賞奇析疑坐輒移晷余亦閒就君閒話疇曩或旬月不見聞余小極必臨視余病肝胃得藥餌輒相饋余所居門巷時時有車轍馬跡焉而今已矣嗚呼垂老遯荒寂寞侶得懇款如君者而交之而又奪以去余其何以爲情耶創臆填膺無所抒寫迺泚筆而爲之辭辭曰

天帝夢奪我善人死者何憾生失所因君懋厥德卿
長奚讓君善於文爲時哲匠兩登乙科終閱英華以淑
其身以修於家隱不違親貞不絕俗沙社衣冠士林眉
目世趨下流禮教淪喪一砥巋然百川爲障澤枯起瘠
乃其緒餘恭儉好禮是曰眞儒胡天降戾靈光乍傾少
微夜黯赫曦晝暝民之無祿喪此典型遠近悼痛矧我
友朋生失所因死者何憾我作此辭寧惟私感

金允升先生哀辭

清遜國後二十年歲在辛未五月癸丑前景寧縣學訓

鶴巢文存 卷四

九四明叢書
約園刊本

導鎮海金先生卒年八十先生諱士衍字允升其先教
授於家以學行陶淑邑後進後進之士宗之至今論師
道者必曰金先生爲儒官教士如其鄉秩滿而歸遭值
國變杜門不問世事讀書靜坐毅然守不磷不緇之節
晚號磷叟蓋其自道云嗟乎古今易代之際必有士焉
違眾抱獨扶植名教其身之存歿不徒繫一方之重而
晞髮白石竟歌吟聲阜帽黎牀亦成故物故足哀也金
先生非其人歟其孤賢宗以事狀來乃爲詞以哀之詞
曰嗟君師之天秩兮寧隨運爲乘除眾跂誓以背常兮

吾志節其曷能渝抱祭器而拜廟庭兮誓終爲孔氏之
徒明吾志以致遠兮曰惟澹靜之慮柴桑忽其彫謝兮
名與故國而俱書人亡則國亡兮吾以哭海巢之舊居

題盛小吾先生畫

右盛小吾先生設色人物山水畫二通其一以山爲體
溪巖樹石界之一人據亭坐兩童子汲水煮茗若伺應
者其一以水爲體草樹扶疏蕪葭叢雜水榭中一人持
杯凝望小艇三五凌波往來帆影篙聲耳目如接幅中
點綴有致山坡行策杖者石梁上凭閣觀者略約跨水

鶴巢文存 卷四

十四明叢書
約園刊本

騎驢過者皆望中景也賓主分明生氣遠出先生殆胸
有邱壑或寄跡適在是閒而作此歟畫無款題年月哲
嗣士廉出以相示且謂余曰吾父好讀書能詩知醫顧
常以體弱輟業寄情繪事不多作不自珍茲特其幸存
者而筆意閒適猶想見吾父之性情吾敬謹虔藏貽示
吾後子盍一言重之余不知畫然嘗學爲詩米襄陽文
湖州之畫名古今矣而讀襄陽丹淵兩集一擅風格一
饒韻味何與其畫相似也畫者無聲之詩不知其詩讀
其畫可已士廉君承家學於醫家言無所不窺余以病

胃輒就治君進以澹慮適情之說傳曰上藥養性不必其藥石也觀先生之畫其卽先生養性之術歟因參其意而各系以詩

深林翳巖岫閒花得春意位置亭臺中長物可成志觀象默無言清淡滌心胃似聞呼兩僮泉香茶熟未置我清涼界風來聞棹歌有橋通彼岸有閣臨陂陀捷登與安步得失竟誰多願從乞杯勺飲之還太和

梅占春小傳

余自遯荒後落寞寡歡今春燕某氏園客有善飲者

鶴巢文存

卷四

十二四明叢書

約園刊本

談明季復社故事聞伎梅占春工牡丹亭諸曲則遣致之來羞澀可憐良家子也詢問家世槎觸余懷作

梅占春小傳

梅占春剡城人年十六七許纖小儇慧貌秀麗不著意修飾而姿致天然家故中人賞其父賈也薄女紅不事使就鄰家讀書願善病作輟無時師愛其慧恆卽家授之漸通句讀最後乃之縣之省求所謂女校者而肄業焉未幾亦棄去桑海之際邑遭蹂躪父有肆在里中盜聞其貨挾以去勒贖千金家人驚且憤既贖父出死喪

枕藉貨遂罄占春年旣長侘傺無聊則雜取牡丹亭石頭記諸小說而日浸淫之爲鄰某所給暱焉母不知檢因媒氏挈以之甬媒聞女慧利其貧說之隸樂籍母惑之女執不從則以死要之曰寧忍吾爲道殣邪始居北里愧憤不自勝獨與吾友某善書問往還情詞悽婉席次語及身世輒烏邑泣下一日中酒迺戟指罵其曹偶曰若何爲者若倡耳我豈與若儔哉嗟乎人生處喪亂之際所遭不幸顧此則失彼顧彼則失此千迴百折不惜自裂其名如李陵陷身匈奴思欲得當以報主王右丞以遺世之高致而汙於僞命豈非賢者哉一日委蛇終身蒙恥士夫好持苛論而悠悠之口狎侮橫加且夷之與噲等伍如斯類者蓋大可悲也雖然寧爲玉碎毋爲瓦全古今弱女子且然何況士夫獨其中有甚不得已者其身雖辱其名旣裂而充其羞與噲伍之心重諒其所遭之不幸則如陵之忠義右丞之高尙寧當以辱身而掩邪君子觀人於其晚節占春其慎以圖終矣占春工書牘自署劍眉諱其姓故不著著其可感觸者如此

鶴巢文存

卷四

十三四明叢書

約園刊本

鶴巢文存卷四

鶴巢文存

卷四

十三

四明叢書
約園刊本

鶴巢詩存目錄

五古

田家雜興

648

擬杜留花門

挽從母陳太宜人

題小滄桑館

哭李九香同年

七古

天封塔歌

鶴巢詩存

目錄

一 四明叢書
約園刊本

贈劉驥達同年

五律

館中春雨有懷

上巳日同謝君景綬董君運水包君藥聖踏春集

蘭亭字率成四律

曉發橫谿

寄懷董君運水

哭徐麗泉先生

挽林朵峯太守

七律

感懷奉和鎮亭師

黃葉

紅葉

餞別鑾非軍門

讀彭澤詩

古劍

西湖柳

擬少陵秋興

鶴巢詩存

目錄

二 四明叢書
約園刊本

贈湯君遜盒

贈王惜庵同年

費瑚卿廣文索詩賦此答之

贈張君詠霓

次韻奉和王蓮友明府

集題梅百詠集句酬高閒雲同年

五絕

過南屏張忠烈公墓

七絕

次韻費冕卿卽席

偕友赴甬雲麓文伯兩同年有詩紀事卽次其韻
以事爲人篡名讀雲麓同年拒滬上好事者瀛洲
會之招賦詩二章見志感而賦此卽用其首章
韻

鶴巢詩存 目錄

三四
明叢書
約園刊本

鶴巢詩存

清郵縣忻江明紹如甫著

五古

田家雜興

賽社歲復修祈穀迓田祖朋侶雜邇來烹雞具新黍柴
門逐江開涼風拂遠渚對此話桑麻歡呼孰賓主力穡
乃有秋此事亦振古

豐年多黍稌高廩相連屬門無一吏呼家有十年蓄荷
篠誰氏子熙熙但鼓腹置身羲皇年古道載敦樸我亦

鶴巢詩存

一四明叢書
約園刊本

田閒來長歌紫芝曲卽此敘閒逸悠然爽心目

擬杜留花門

用原韻

天地遺塵昏長河怒奔決胡雁蕭蕭翔睥睨無漢月大
將出幽燕中原苦戰伐禦侮召外兵羈募道不絕兩京
指掌收峩峩見宮闕宣光自神武奚事假此物登高一
以眺荒郊含落日連雲萬竈屯刀兵森霜雪勢壓渭水
流悲泉共嗚咽牛山但隕涕豈知末大折秋風西北來
秋氣常嚴急天道有慘舒水懦旣更烈聞道留花門揮
霍極京室顧視哀鴻儔人煙轉蕭瑟

挽從母陳太宜人

凍雲黯滿地瑟瑟風吹衣入門見縞素有淚紛如絲前
者訪母病母病知難支豈期棄我去不及再來時維母
有令德內外稱仁慈早歲相夫子姓名達丹墀謹事君
舅姑潔手奉盤匱夙聞內則訓子婦禮無私寧求眾人
諒常使親心怡親病躬侍藥晨夕慎扶持舅謂吾婦賢
渙然釋前疑賢孝不自裸重陰忽朝曦以是天祐之晚
歲得諸兒樛木能逮下應之以蠡斯飲食若教誨慈母
兼嚴師家聲幸無墜綬福宜在茲他善亦稱是恩紀徧
親知我昔隨母氏上壽晉瓊卮歲時頻問訊遠或數月
期婆娑兩老人相對生光儀祝母如吾母後先晉期頤
黃楊驚厄運苦被霜雪欺母病匪今始母去竟何之書
此當哀詠奚解吾母悲

題小滄桑館

堯舜官天下天位輕敝屣妣氏崇世及顓制此焉起自
夏迄今茲興亡更幾禩封建運告終井田亦殘毀人各
私其私割裂禍山水陵谷迭變遷天地成奇詭然而造
物者寧彼不易此眾驚亂之門抱獨治所止物物俾有

鶴巢詩存

二四明叢書
約園刊本

主愛護斯董理勢厚寧獨偏保存良足恃瑣瑣田宅謀
分當貽孫子食德服先疇敬恭桑與梓一旦悲黍離
躅故宮址易主已繁歎誰肯泯姓氏費子告我言茲土
音見禡汝陽今我歸整葺詎能已吾亦愛吾廬世事任
波靡靈光歷劫存命名暢斯指江河不廢流寓言道在
是俛仰極古今歌聲應變徵高臥夢羲皇來日知何似

哭李九香同年

羣盜弄潢池宗周悲黍離君返自江漢我亦行遯歸紀
綱已傾墜大廈誰能支我隱於市君隱醫我拙於文君

鶴巢詩存

三四明叢書
約園刊本

善詩歌聲雜變徵相對恆歔歔誓同槁木槁秋葉辭故
枝生既無名氏死復何所悲徒嗟失羣鳥踟躕一號嘶
君死在俄頃飲啖如平時是豈肝腸崩熱血濺裳衣周
有萋宏曾化碧君今熱血灑向誰吁嗟乎君血我淚共
此心無情天地尙窮陰

七古

贈劉驥達同年

兵家儒家別部居文經武緯道則殊誰與兼之青田叟
篋中寶劍胸中書荆山直下漢川來嶽奇浩博稱君才

學劍更學萬人敵書成挾策上燕臺東盡滄海南湘沅

馳騁欲窮天馬轅神州昏墊意不樂掉頭去去臥鄉園

如此才華詎容隱長安冠帶紛援引福星一道浙東西

聖水稽山屬封畛君以錢塘道尹調會稽此官舊制兼兵備隱然

重鎮海東地改絃不調茲益勞但覺稱名今昔異君年

五十貌豐厖拊髀太息心未降當官盡吾力所至能令

轄境無驚龍中宵起坐讀孫子君著孫子說行世太白耿耿生

光芒有時舒紙作秦篆筆端不滅吳鈞強媿我同時薦

秋賦一例邯鄲難學步才人未嫁青娥老歎息韶華已

鶴巢詩存

四四明叢書
約園刊本

非故韶華有盡情無極風雨瀟瀟數晨夕浮萍飛絮各
因緣京洛緇塵成往迹感君慙慙懷舊衷勸君努力明
德崇文章功業由此選家集試讀犁眉公

天封塔歌

明州建國形勢雄大江如帶環郭東海濤橫溢斯鎮之
陡然平地卓孤峯有唐通天登封紀飭眾庀材興鉅工
是時鄴治猶未移天意已將靈秀鍾凌雲健筆扛百斛
中有精氣藏飛龍又如長劍倚碧落寒銑倒射青芙蓉
陽開陰闔互盤礴烈火一炬鏐鐵鎔宋元以來迭興舉

文人諸記碑磨礱逮入我朝更修葺煥然費經營功
內材堅樸外觀壯勢若直透雲霄中四面關戶恣登覽
街衢交錯棋橫從官衙佛市森羅列坐市者肆儒者宮
日月雙湖兩杯酌一城橢圓如掌同東望太白南金嶽
縹緲欲接仙人蹤此塔峩峩鎮此郡海若卻步毋敢衝
願千萬禩作砥柱登高長嘯天爲風

五律

館中春雨有懷

愁懷每不解況乃雨纏綿書卷晝常掩孤燈夜獨眠抗

鶴巢詩存

五

四明叢書
約園刊本

顏慚腹笥無語對詩篇時復悄然望遙村隔暮煙

上巳日同謝君景綬董君運水包君藥墅踏春集

蘭亭字率成四律

浪跡山陰地年年禊事修放懷隨水盡極目老風流俛

仰今時寄絲絃此日幽人生亦暫敘集類每同游

永日山林趣亭陰少有天長流足幽抱化宇亦隨遷茂

竹娛清聽崇蘭引大年靜言風詠事列坐次諸賢

每以春興感遷流況及終暢懷當水曲終古此山崇觴

詠欣今抱觀遊慨昔同所之亦既倦絲竹寄和風

取次懷春曲春情盡有期清和天地氣修短古今悲暢
敘無終日感興又一時情懷聽大化老至豈能知

曉發橫谿

艤棹過清溪形東影欲西曉風吹斷雁初日開荒雞詩
意與俱遠青山向我齊不堪愁裏聽孤鳥一聲啼

寄懷董君運水

同是窮途客閒情付醉吟與君日攜手幾輩孰知音夜
雨聯牀誼暮雲春樹心平生詩酒契我亦賦苔岑

哭徐麗泉先生

鶴巢詩存

六

四明叢書
約園刊本

昔聞徐孺子高義冠南州自託葭李誼言從杖履游秋
風侵病骨春雨滯歸舟問訊嗟無及公胡不暫留

昨介耄期壽蕪文爲紀年赤眉知孝子白髮老枯禪身

以孤行潔名應易代傳瀧岡他日表鄭重待書阡

挽林朵峯太守

平昔忘年友晨星漸已稀會文成往迹入世懼危機宦

倦君先隱時荒我亦歸無端頻感逝望斗更何依

一對明廷策泉漳治績新霽山多隱恨靈石作詩人梁

月懷其落野花無復春招魂何處是惆悵憶前塵

七律

感懷奉和鎮亭師

抗懷回湖中興年幸覩金甌缺處圓迨而幾曾深計慮
積薪徒自逼熬煎山河六代成官地功罪千秋顛帝天
百萬金縷供手擲救時猶道相臣賢

離亂驚心天寶年深宮感泣識崔圓龍蛇談起三邊棘
猿鶴聲哀百慮煎元振寢兵甘辱國杜陵憤世每呼天
東山久繫蒼生望我為斯民敢借賢

西湖柳 用漁洋山人秋柳韻

鶴巢詩存

七

四明叢書
約園刊本

湖名西子最銷魂況是垂楊綠到門長日可憐垂手舞
新春初仿畫眉痕王孫官舫湖邊渡遊子征車郭外村
只為年來多別緒繁華舊事莫重論

晚蓬明月曉鞍霜離恨年年曲水塘遙塞更添持戟士
深閨怕啓寄書箱青樓萍梗憐官妓朱邸桐陰歎故王
欲向南朝尋舊夢一舟北去大功坊

咸道科名汁染衣關心時事想都非牽絲彭澤風塵悴
訪翠章臺信息稀三市春來遊騎鬧六更鼓罷曉鶯飛
物猶如此人將老元子平生壯志違

春到吳山總可憐江城微雨禁城煙京臺衙市程遼闊
宛洛關河恨邈綿畢孟軍營盤馬路循和亭館聽鷗年
六橋煙樹今無恙何必尋詩灞岸邊

黃葉

秦淮煙樹半霜痕秋到江南欲斷魂宮柳衰殘雲黯淡
井梧搖落月黃昏疏篷影裏前朝事畫角愁邊晚照村
遣興不辭頻中酒離人心緒與誰論

紅葉

閱盡花番一建瓴揚州綺夢幾人醒御溝水逝詩都怨
鶴巢詩存

八

四明叢書
約園刊本

驛路晚晴車乍停賸有燕支含墮露半隨鴉點散零星
哀蟬落葉情何限望斷斜陽木末亭

擬少陵秋興 用原韻

風生虛籟響空林秋至人閒倍鬱森眼底江山都感慨
劫餘天宇但窮陰拂纓已負終軍志視策徒雄祖逃心
聞道遼陽罷征戍更無淒夢繞疏砧

秦晉關河迤邐斜似隨螿路到京華炎風未肯銷金甲
弱水誰從挽鐵槎芻粟枉供胡馬俸菰蘆淒動佛狸笳
客途多少傷時淚迸作荒山躑躅花

夸父橫戈怨墮暉中原王氣竟衰微
流膏灌路魚爭上毒霧漫江鳥戒飛
豈有重臣資控馭但籌下策亦依違
長城散牧多閒馬可惜霜嚴首不肥

勝局憑收劫後棋變絃竟作曲終悲
直驅海若翻凶浪猶望河魁相吉時
出塞疲驢頻囊橐過雲哀雁總遲遲
漢家肯把珠崖棄猶有朱鳶入夢思

太乙靈仙隸九山無端控鶴向人間
苦窮元化供三筆且學清齋禁八關
塵網忽攪身外感霜顛漸損鏡中顏
才人厮養原同盡便擬青衣廁卒班

鶴巢詩存

九

四明叢書
約園刊本

一昔臨邛怨白頭長門慣賦漢宮秋
極天風雨無邊響斜月關山觸處愁
已慨一軍化猿鶴何能終歲狎鳧鷗
會當倚劍崆峒上忍使窮奇崇禹州

翻覆誰窺造化功盛衰都在轉圓中
孤花自抱凌寒節敗葉難禁過峽風
鶯界春迴荒地綠鯨淵氣懾曉暎紅
要持一息爭天運失得何勞問塞翁

我宅江鄉勢演迤青山遶舍水平陂
任他松菊荒三徑分與鷓鴣借一枝
警夜烏嗥呼夢覺催人駒影逐時移
秋來秋去渾何事遠樹茫茫天四垂

贈湯遜盦君

同是前朝白髮人輸君詩酒樂閒身
忘懷得失希元亮隨分居游學頽濱
腕底蓬山供點筆君纂修岱山志已刊行眼中

柔海任揚塵卻欣賞樹清芬永秀發
孫枝代代新君於十年前曾手植代代橘結實累累喜而形諸吟詠其風致可想矣

音塵未接氣相求坐領書城肯乞休
鄉國遺編思訂誤昌國典錄關係一邑掌故君嘗鈔校一過穴巖墜簡待尋幽
唱酬韻事追耆

社清初吾鄞高隱學與錢菴諸公結耆社社慎選遺民往還酬和所稱明山九子者也文字因緣
託選樓賦我琳瑯資採摭君所輯翁州詩徵稿本曩年校訂四明清詩略曾假一鈔

鶴巢詩存

十

四明叢書
約園刊本

更期鑒別有陽秋

贈王惜庵同年

隱居著論續潛夫翰墨生涯夙所娛
題扇右軍驚市眾書囊大令投門徒
皮藏家有磨崖拓篆刻名應煮石呼
更羨詩才兼畫品天然妙筆輞川圖

昔年同賦鹿鳴詩宦學分馳又一時
十載津門勞夢想半江淞水證心期
衣冠歷劫都如舊鬢髮催人各已蒼
金石千秋君自有願言共葆歲寒姿

費瑚卿廣文索詩賦此答之

行遯荒江謝俗紛忽逢舊雨一傾樽爲言衰鬢同潘岳
君痛賦悼七有約新詩索許溷世事蹉跎容我懶傷官偃蹇
得君尊石田茅屋歸來早杯酒心期合共論

七十年華眼底過閱人閱世感如何早憑遺蔭爭高曠
轉爲清才受折磨耄學尙思搽壁簡苦吟只唱定風波
達觀近悟莊生旨隨分都成安樂窩

神州搶攘說辛壬壘塊填胸酒不禁洛社誰尋遺老迹
滄桑猶繫故園心辟塵祇合黃冠隱對鏡寧辭白髮侵
卅載論交知己感相期共續采薇吟

鶴巢詩存

十二四明叢書
約園刊本

萬事如棋末劫難羨君抗手獨登壇懶看時局爭盧雉
且結幽棲託鳳鸞幾輩優游同覓醉百年容易強加餐
遺塵高躅無人問別墅何妨擬謝安

贈張詠寬君

小築園亭事息游期將著述紹前修匡時計相書篇在
興學文翁教澤流干帙彙成鄉國集一經貽作子孫謀
明山況有神仙侶消受清閒到白頭

次韻奉和王蓮友明府

養心於佛隱於官出世何如入世難差幸本來存面目

每從真率見胸肝蕪城秋老詩懷迥蓮幕霜清劍氣寒
聞道淮陽有遺愛知君不作宦游看

我與深山木石羣明心見性卻輸君飄搖身世愁風雨
寂寞鄉關望水雲夢裏鶯花空色相靜中鐘磬遠音聞
憑君得識旃檀理尤勝奇香百和薰

集題梅百詠集句酬高閒雲同年

鑑湖乞得便還鄉志節皎然日月光不願和風諧世俗
剩將傲骨看滄桑穀城黃石誰能見白鹿青厓我欲狂
一片冰心冬在抱釣臺通窟兩芬芳

鶴巢詩存

十三四明叢書
約園刊本

未許羊權恩俗塵白衣甘與淡爲鄰龍髯馬角成孤注
泛宅浮家作散民只有清標餘縞袂肯將遲暮怨芳辰
貞心便足爭千古合使齊年比大椿

歲寒三友共論心放眼高歌四座驚嶺上白雲爲伴侶
人閒城郭半榛荆荷鋤帶月清閒課散髮乘鸞獨自行
別有義熙心事在孤芳依舊抱幽貞

風急天寒意自怡興來潑墨漫淋漓論詩雅愛陶元亮
筆法誰傳楊補之爲寫生枝點春色

嘗以墨梅二幀見貽俱從太

極孕神奇麻姑尙有丹砂戲占盡風流醉習池

五絕

過南屏張忠烈公墓

勝國衣冠在青山見淚痕首陽如有志何事恨雙猿

七絕

次韻費冤卿卽席

瀟灑情懷似樂天清歌妙舞每當筵鬢髮不稱風光好
纔怕增年又過年

天上瓊花取次開消寒無計且銜杯眼前亦是瞽鴻侶
卻報雞鬟勸酒來

鶴巢詩存

十三四明叢書
約園刊本

偕友赴甬雲麓文伯兩同年有詩紀事卽次其韻

文物彬彬舊四明跡蹠交錯恨難平衛王懾敵成奇策
不負重洋一夜程

十里錢湖壽域開我行兼爲買山來山在湖上撫棺一

哭遠兄弟有事族淺土鴿原倍益哀擬爲先兄營

以事爲人篡名讀雲麓同年拒滬上好事者瀛洲

會之招賦詩二章見志感而賦此卽用其首章

韻

巢居戢翼遠塵紛求友嚶鳴未絕聞飛入冥冥終被篡

可知野鶴遙閒雲

餞鑿非軍門

欲將俠骨老淮陰一笑掀髯遂解簪汗馬辛勤名將業
金雞籌畫盡臣心百蠻威懾雷霆厲兆姓恩銘雨露深
何事故園歸去賦峴山觴詠滌塵襟

讀彭澤詩

泠泠琴意寫和沖菊酒居然大隱風典午衣冠遺一老
柴桑貞介薄三公平生志節青天在故國河山綺語空
猶有瓣香章柳繼晉唐代吳審音同

鶴巢詩存

十四四明叢書
約園刊本

古劍

斗牛終古照豐城三尺純鈎百鍊精閱盡興亡杯底影
難忘恩怨匣中聲山河歷劫銷銛角豪傑當年寄死生
極目風塵今未息好將霜鏢出長平

鶴巢詩存

曾

爽

豪

隨

餘

二

當

瑞

秀

此
書
之
名
曰
十
一
卷
之
西
方
新
學

篤慎堂燼餘詩稿序

吾鄉近二十年以耆儒宿學著望者推 金一士先生及鄭守庭師而輩行最前者尤推先生爲首又皆本忠厚孝友以勸導風俗 杖 奔走風塵以不獲見先生言論丰采爲憾今歲孟春爲序文孫淮生司馬詩知其淵源家學既復以先生賸稿委爲序言稿約三百首蓋燬于庚申之亂而僅存者近世傳稿非專尙奇奧卽以藻麗爲工先生不矜才不使氣和平溫厚得詩學正宗讀其詩可想見其人斷墨零章益足寶貴先生往矣守庭師垂老江濱猶以勸導風俗爲己任而惜合志同道之無人也讀先生詩者其益可慨也夫時辛未仲秋後學何杖廉昉甫謹序

篤慎堂燼餘詩稿

序

一

序

憶昔舜過山頭望江流之浩渺姬王祠下弔古蹟之蒼茫攄懷千載而上出郭十里而遠則有低徊悵惘神魂飛越者焉若夫瞻言桑梓非異地之飄零極目蒹葭悵斯人之不出華陰成市士夫慕道而來通德名門鄉里望塵而拜基也過元亭而載酒從圯上以求書與先生之羣從遊獲侍先生之側得讀先生之詩小窗延明令我久坐一編茹古喜客能文春風煦其陽和秋水昭其

篤慎堂燼餘詩稿

序

一

澄澈送目遠屆登高泰岱之峯俯觀眾流溯源星宿之海彙古今而周燭合洪纖以廣包託旨彌澹選言尙莊無媿雅頌之亞抑亦騷經之倫時則操几杖以從遊懷鉛槧以執役美蔭之庇託於鄧林觀止之歎興於虞樂童子六七從詠而歌食客三千濫吹亦列以風胡之善鑿兼蓄鉛刀若中郎之賞音不遺柯竹遂使大匠所顧臃腫號爲良材博物所稱小草成爲遠志泊乎城裂金甌車奔鐵籠鴻避燉而哀螻燕睇巢而成恨自此分馳

南朔莫紀星辰而先生駕返道山神歸兜率龍蛇當厄
空傳撒瑟之期牛馬方走未與執紼之列逮至滅刺人
海弭權鄉關才非騎省值間居而感懷士無虎賁慨典
型其已謝於是重過黃公之壺欲哭西州之第則人渺
山河地餘烟水玉杯之書盡燬於兵火石鼓之字半蝕
於蟲沙典冊高文難求司馬零章賸句亦炬祖龍先生
之哲嗣文孫相與追輯散亡攷論闕失孔壁振其遺緒
沈樓復其舊觀並就口授所誦手錄成編懼先德之勿

篤慎堂燼餘詩稿

序

二

彰悼遺澤之就泯示予斯集屬爲弁言媿非任昉作序
之才過承敬禮定文之命竊惟先生早歲鸞龍中年表
鶚占鏡兆於芙蓉守盤餐於苜蓿驚湖水秀人識孝廉
之船鹿洞風清眾仰皋比之座若其詩書宿好圭璧視
躬洵士林之楷模實人倫之圭臬迄今代謝風流評空
月旦文康之玉早埋安石之金更碎悼冥契而精亡感
知音而淚落則有嗚咽難言欷歔滋愴者矣然使鄴侯
仙去不留架上之書王充論高莫寶枕中之秘流水無

聲廣陵絕響其爲悼歎更何如耶今雖管豹難窺勺蠶
奚測而輯崑山之片玉求大海之遺珠劫火已銷吉金
不壞琴名焦尾冷然清曠之音裘號吉光蔚矣陸離之
采況復青箱世守絳帳親傳弄著作於名山紹家聲於
世閱洵乎公不讓卿亦且孫能繩祖盛德百世垂聲于
秋先生亦可弭憾於斯文爲靈而不朽矣同治十一年
壬申季春武進後學徐壽基謹序

篤慎堂燼餘詩稿

序

三

金一士先生家傳

全椒薛時雨撰

往歲時雨讀金一士先生燼餘稿題詩二章近序江陰金氏文牘復得讀先生制舉文文孫武祥因以狀句爲傳誼不可辭按狀先生諱諤字一士號嘯厓常州江陰人世居大岸村大岸金氏以文章行誼爲郡邑望祖繼雍正乙卯舉人乾隆元年以博學鴻詞徵官刑部雲南清吏司主事考捧問歲貢生候選訓導先生幼敏劬學九歲隨父居城南談氏別業故唐荆川先生讀書處所

篤慎堂燼餘稿

家傳

一

謂陳渡草堂者也訓導公名德雅望時流過從先生聞見習治所詣驟進好爲詩趙雲松洪稚存諸老見之皆驚異外兄孫伯淵先生尤愛重焉年二十補縣學生訓導公晚得末疾先生經營菽水徧走江皖瀾閩所至與其偉人長者游禮聘者趾相錯嘉慶己卯舉順天鄉試道光丙戌大挑二等用教職守銓壬辰權嘉定縣教諭乙未選授蒙城縣訓導甫一稔丐病去嘉定故壯縣民庶殷殖故事童子試入學學官出保任索贄禮視其人

貧富爲多寡家高貴者懸格程價不取盈不止遇已生日則箕斂其下以爲壽雖市賈無或漏者先生皆恥不爲曰吾官卑顧號人師而以利自市乎蒙城地貧瘠先生守道不變潔已課士一如嘉定時會邑有大工作官紳以勞敘保邑令列先生名先生固辭曰儒官何力之有敢攘功耶卒不受獎上官同僚愈益重之母夫人里居在養至不能具鮮菜又以職守所繫不得以時歸省乃浩然棄官課生徒以爲養終其身無返顧云敦內行

篤慎堂燼餘稿

家傳

二

居母夫人憂年六十毀若孺子弟三人先後爲娶婦弟旣歿復卹其孤或遣就傅或樹生計咸身肩之與人和厚無疾言色誨學必準道誼官嘉定蒙城學子至者恆以倫常孝友提命之不帥教者反復勸導之必使默化而後已去蒙城日遮送涕泣祖帳賦詩者累數十百人先生賦詩有我是迂儒今又去諸君還要當官看之句蒙人至今猶能道之生平踐履篤實嘗言爲學之功當自不伎求始尊德性道問學悉基於此彼斷斷於程朱

陸王之辨者皆理障也尤負知人鑒被容接者成就甚衆設帳故人家生徒頗綴高第故羔鴈常充於庭然性廉介雖豐穀餼倍於舊未嘗渝先諾居鄉好談因果謂卽儒者吉凶影響之理而淺近易明足爲顯愚下一鍼砭同縣鄭解元經躬行君子也每造廬請謁先生樂得同志常與親歷各鄉宣講鄉約民有忿爭不相下先生徐出一言解之各感謝去邑有大政令或以咨先生先生無不言然足不履縣庭同歲生來宰邑者投一刺而

篤慎堂燼餘稿

家傳

三

已庚申四月常州旣陷先生猶集團議守禦旣而事不可爲遂感憤致疾九月卒於家年七十有八妻史溧陽故大學士文靖公曾孫女仁賢慈儉克儷先生年八十有二後先生四年卒子二仁祺應澍女一適同縣繆氏以貞孝 旌

薛時雨曰常州也江陰於常望縣也乾嘉以來鉅人學子輩出其以文章經術著稱者駢坐輻輳顯顯照宇內余嘗樂交其郡之賢士大夫餘光嗣聲往往未沫至

夫操履貞白卓然爲閭黨矜式如古陳仲弓王彥方其人者則又樸愿無文采不足以震遠而垂後觀於先生抑亦本末該備表裏完粹之君子人與余友何廉昉太守弒先生鄉人也其序先生詩謂能以忠厚孝友勸導風俗允矣雖然遂足以竟先生乎哉

篤慎堂燼餘稿

家傳

四

題識

江陰金先生為先大父己卯同譜道光丙申丁酉戊戌間與先君子同客徐州以文字相契時詰嗣晴初丈侍先生於客舍亦與先君子朝夕過從後三十年同治甲子丈與憲和皆自故里避兵輾轉至長沙為述往年交誼之厚文醮之樂相與欷歔者久之因出遺集篤慎堂燼餘稿三百首見示蓋自全稿燬於兵火從平日記憶及他處搜訪錄為此編以存佳二於

篤慎堂燼餘詩稿

題識

二

千百者也嗚呼自東南寇亂文獻漂零詞人墨士之所撰著燬滅無存者不知凡幾今先生詩文雖多散佚此編一出先生之心術風規猶可想見孝子之不沒其親讀者可以感矣先君遺稿幸無恙稿端有先生題記謹錄一紙俾丈永皮之亦以誌兩家文字之緣歷兵燹之後離而復合有如此也甲子五月初七日世再姪平湖張憲和文星甫謹識

題詞

一代能幾才一才能幾日時會遞興廢文章互得失有幸有不幸傳豈藉紙筆況乎劫兵火遺稿尤易佚若非得替人誰與為繼述吾友一士公哲孫秀無匹念先人譜誼為我述祖德兩代迭趨庭團樂荷訓迪到公有遺文毋乃貽厥力家集盡名篇一篇倍可繹補讀少年書繪圖自題墨上為身世慨下為子孫惕一卷少而老俯仰成今昔我以君自題還為君賞識

篤慎堂燼餘詩稿

題詞

一

見孫如見君為君長歎息感舊更論文悠悠意何極文孫澁生囑題並代錄先生自題補讀少年書圖詩二首

番禺年愚弟馮詢子良甫拜題

題詞

毘陵風雅有淵源壇坫相推碩望尊束髮能驚甌北
雙騁詞欲抗兩當軒江湖歲晚吟身健首藉盤寒火
候溫老輩遺微惜銷歇澄波如練弔詩魂
文字其如浩劫何才人心血此銷磨牛腰卷重難收
拾琴尾音留賴護呵桐有孫枝垂蔭遠沙餘金屑獲
珍多秋江處處皆詩意述祖憑君擊節歌

全椒後學薛時雨慰農甫拜題

鮑慎堂遺稿

題辭

二

題識

金淮生同轉出示 令祖一士先生贖稿一冊受而
讀之覺醞釀深厚音雅而節和性真而體婉不愧有
德之言兵燹之餘僅存二百餘首渾金璞玉歷劫不
磨老成典型于茲未墜賢子孫護持勿失亦見先生
之遺澤孔長也庚辰正月番禺陳澧蘭甫謹識

乾隆間常州詩人最盛自甌北老人洎毘陵七子而
外工聲律者尙多有之流風所扇至嘉慶道光間沿
波嗣諒猶不乏大小雅之才如 金一士先生其最
著者也先生生平所作詩不下三千餘首茲集掇拾
於兵燹之餘所存僅十之一而氣體冲雅格律醇古
猶可闕見大凡然則劫火緇塵不能使之悉泯者由
其珞氣精光足以自存於天壤間也光緒甲申文孫
淮生運同以示越人汪琮莊誦一過謹識卷末

鮑慎堂遺稿

題識

三

篤慎堂燼餘詩稿卷上

江陰 金 諤 一七

漢壽亭侯玉印

神物不多見寶氣甯久藏瑩然發光彩漢壽亭侯章
繫古大豪傑佩此真琳琅年深仗呵護世遠流芬芳
紐端鐫御筆稽古彌精詳云昔漢先帝自蜀賚錦囊
使者到荊州士卒齊騰驤想見拜受時際會胡明良
精靈照千古鬼魅走且僵聖賢豈寂寞遺迹垂無疆

篤慎堂燼餘詩稿

卷上

一

金鐘列東序石鼓懷西方何代弗寶貴況乃手澤長
稽首更鞠躬執匣如圭璋試看牛斗間作作時有光

飛來峯

奇峯飛到勢給訝一路看山此更嘉洞裏倒懸千石
筍壁間遍鑿萬曇花果如靈鷲能翔舞定有天龍會
攫拏日暮鐘聲何處起松杉落落梵王家

仙居山接冷泉清絕頂攀躋眾客驚樹老直同蠶偃
卧人來或作躡橫行高僧掛錫留名久刺史栽松夾

道平只恐和雲要飛去虬枝鐵幹為高擎

謁岳忠武王廟

宰木蒼蒼裏清嚴廟貌孤江山千古恨忠孝一門俱
感情騎驢客猖狂立馬圖天心雖莫挽大義敢模糊
謁于忠肅公墓

百戰孤身在艱難事兩朝竟遭蠱毒空憶鷲鷲謠
早阻南遷議曾回北狩遙祇今祠宇外激烈往來潮
金鼓洞觀石刻仙蹟野鶴飛來四大字

篤慎堂燼餘詩稿

卷上

二

空山少行跡野鶴忽飛來此境僊人識何年古洞開
瓦間蒼鼠竄樹底禿鷲哀一擊雲霄去凌空首不迴

書壯烈伯李忠毅公長庚小傳後

大將報國捐軀亦何恨 聖主酬庸而士卒咸奮君
不見忠毅公聲名天下震 一解 公泉州人寄籍臺灣

幼負奇氣自命非凡入塾弄筆大書天生我才必有
用果然一生得此七字橫胸間 二解 漲海奔騰通絕

域嗟爾蠖螻敢為鬼為蜮 天子命公統領之職公

拜稽首誓殺此賊三解 堂堂出令既嚴且明旗分五

色壁壘一新四解 既統水師更善火攻火藥火薪載

以艨艟連環船子母船不若此船完固所向無前五

解 焚賊巢斃賊黨中有貨物首功者給賞軍民歡如

雷賊不就戮何待哉六解 賊計窮走山東將軍追之

疾如風賊叩顙入兩廣將軍追之密如網七解 朔風

烈烈黑洋水飛沫驚濤澎湃起挺身殺賊不怕死不

擒巨寇勢不止賊船圍在我船裏公復乘船躡其尾

篤慎堂燼餘詩稿 卷上 三

大呼縛賊直指顧問耳八解 撲面一礮衝雲霄大星

下墮天門高將軍死矣兵號咷一手尚執盾一手尚

持刀瞪目直視凜然生氣臨洪濤賊乃迴望魂銷膽

喪九解 總制奏 九天 重瞳屢顧心哀憐憐其毅

哀其忠不惜破格恩恤爾丹衷十解 顯爵封授 誥

命輝煌專祠祭祀俎豆馨香將弁兵丁感涕不遑十

一解 危坐讀公傳慷慨無悲酸將相成功一時易君

臣遇合千秋難十二解 小醜雖免脫大戮必鯨封英

魂來往怒潮起時作金戈鐵馬聲洶洶十三解

觀海

才人看書如看水煙波浩瀚行間起豈知觀海如觀

書一覽天地疑無餘年來萍泛心已折多少煙雲驚

變滅白衣蒼狗更難知莫負奇境空獻歛我思中主

九州悉雄郡何乃八十一分中一分回視山川城郭

一片青濛濛漩漫匆匆潮頭近蓬壺縹渺靈旗張龍

宮鮫室金銀裝取靈雜還下大荒或執鸞尾緊笙簧

篤慎堂燼餘詩稿 卷上 四

赤日倒影龍藏珊瑚生彩珠生光中有島嶼入煙

颺墨齒窮髮通舟航雲耶水耶總飄忽不盡茫茫接

天闊安得乘槎任我遊眼光所到氣先奪須臾掃盡

浮雲空到此益顯乾坤雄一聲狂嘯百怪走但覺滿

身獵獵吹天風

花神廟竹枝詞

天開圖畫引遊人柔綠嫣紅一片春同到隔湖隄上

去百花生日拜花神

管領名花日正遲莫教風雨悵芳時一爐沈水深深
祝不是桃根定柳枝

牡丹富貴玉梅清心性原非一樣生十二月花都數
遍不知那種最關情

催花不管柳眉愁澹澹春光水面浮花底鴛鴦花上
燕旁邊閒煞一沙鷗

借趙古槩郭涵若遊湖上遇雨

炎夏正端居清涼思水殿共出清波門隔湖放舟便

篤慎堂燼餘詩稿

卷上

五

欵乃櫓聲柔空濛宿霧嘯山疑屏六曲波如鏡六片

頓覺暑氣消悠然忘俗念勝賞已遍歷遊興總不倦

白雨跳珠來菱荷裳亂戰同人集古寺小坐亦吾願

老僧致茶筍神安心益戀復登望湖樓樓在聖湖中

一一見雨來近山尖雨過遠山現俯仰只片時氣象

已百變卧看濕雲歸南北兩峯占竇乳滴空谷石腳

露晴旬歸路溼松杉清風滌庭院回望月舒波皎皎

白團扇

大石佛寺

媧皇鍊石可補天異僧鑿石能像佛擘開巨嶺千仞

高架見瞿曇一頭出西湖水本通江流始皇曾此維

龍舟西湖志湖木由江通海始桑田滄海原無定更

化金身照錦州宣和年間始位置飾以黃金建以寺

慧劍真能倚九天法眼果然小十地層層峭閣凌雲

煙猛虎帖耳天龍眠只有前峯如獅踞旁有獅

難馱不敢前子峯

篤慎堂燼餘詩稿

卷上

六

將自毘陵赴杭蔣巖林囑寫風雨論文圖

席帽忽忽又遠離難忘握手對牀時別來風雨知無

恙何處雲山不繫思刻意悲秋憐宋玉多情贈別感

王維開圖他日重回首應悵勞人天六涯金鼓以

偶成五古十首

風騷既歇絕漢魏留吟哦庾鮑擅清俊盧駱如江河

崛起杜工部下筆皆包羅稷契自期許遷謫嗟蹉跎

樹大蚺蟬撼命蹇魑魅多微之作序銘謂公古未有

介甫選詩集惟公亦居首稱史有魯直稱經有景綸
或謂詩中聖或謂詩中神而我集公句也如作公記
時序百年心文章千古事

毛公作詩傳初未留其名及讀後漢書其名乃見稱
孝經標鄭注或疑卽康成唐人辨其非至今終難明
可知著述家未嘗博聲譽藏之石室中光華自然露
唇亡齒必寒皮去毛焉附君子知其然亟其所當務
房瑄用車戰陳濤嗟輿尸安石用周禮蒼生悲流離

篤慎堂燼餘詩稿

卷上

七

謂是法未善商周易成宜謂是法難革唐宋何傾欹
始知天地間綱常不可移其餘諸制作焉用拘泥爲
蚩尤實造兵帝王皆用之用其禁暴亂弗問造者誰
居今而反古聖人所深危

我上峻峯巔嗟我置身高有客亦攝屐撲面忽相遭
借問從何來別指路一條卽此可恍然公等勿多議
大道本同源源同術或異果然登絕頂則又無殊致
兩翼者能飛四足者善走有能有不能不必強相偶

千秋筆一枝彼此垂不朽楊雄善著書對客則吃口
以詩強子固未免形掣肘用取其新長教率其固有

所以古聖人諄諄戒矯揉人非同鹿豕性豈猶杞柳
神仙何處居傳言長不死豈知歷元會天地有終始
我聞古樵夫觀弈深山裏腰柯亦旣爛手談尙未已
又聞劉與阮遇女桃花水夫婿半年多滄桑七世徒
然則果飛昇歲月亦如駛一十二萬年曾不一瞬耳
丹藥况難求瑤池豈易企愚哉秦始皇邈矣赤松子

篤慎堂燼餘詩稿

卷上

八

窮士入蘆中悲歌動魚鮫王孫遇漂母大德豈斗筭
吁嗟倉猝間得此生死交所以古之人慷慨重知己
意氣偶相投已列五倫裏

風詩三百篇繼者十九首又從五言古作爲七言偶
古人亦愛新愈變愈不朽豈知數百年陳言又滿口
風會所趨向文章亦分割興到見性情無庸等株守
天氣清且和蕭齋惠風透入門筆如海開牕花似繡
古人不可見前望徒茫茫勉欲窺其奧終難挹其光

會心從中來草木皆文章所以擅詩才山川亦相助
畫或倚牆參書或聽江悟

人逢寒氣至入室母漂搖和叔宅朔方鳥獸皆氄毛
萬物藏於冬譬如弓矢彙古木獨崛強葉脫風蕭蕭
解衣類客狂釋甲同兵驕一絲不掛體豈以鳴其高
嗟爾津液降彼長此則消終讓松柏枝青青獨後彫

補題

峭寒連日逼疏櫺補出層層襯畫屏望去詩書都雪

鶴嶺堂餘詩稿

卷上

九

亮坐來幃帳訝風停凍蠅從此鑽難破寶鴨能教燕
倍馨儻得處宗雞解語未妨竟夕隔牕聽

掃地

陳蕃掃室每辭慵我愛倪迂執帚從豈比向時塵拂
面頓教立地鏡開容端嚴研几纔無俗整理琴書不
厭重尙遜當年清閤閣竹梧洗到綠痕濃

焚香

鷓斑初試麝纔薰盡日垂簾看篆文掠地清風吹不

散告天心事密難聞博山鑪煖春如海沈水煙濃曉
結雲何處可容參一瓣筆牀硯匣總氤氳

灌花

羣芳入譜各爭妍自灌根荄忍息肩一日看花千日
養三分人事七分天還祈宿雨霑枝上好趁朝暾隔
樹顛消受繁華如錦繡須知調護在春先豈百歲華

西風懷蔣巖林

好友若明月對之常皎皎好友別時多明月圓時少

鶴嶺堂餘詩稿

卷上

十

憶昔兩髯齡形影長相隨今年石城下文戰狗淋漓
西風吹落葉同此程程悲君謂汝勿傷騰達會有時
語畢卽分手忽忽又奔馳今夜明月明不覺百端集
丈夫抱壯懷烏能久鬱抑祖述旣著鞭班超亦投筆
但願紫氣中兩劍同飛出

武林旅夜卽事

離江三十里獨坐忽聞潮夜半月初上秋來木未彫
魚龍吹浪近風雨人城遙壯士知何限茫茫共此宵

贈朱心垣 良焯

才人逸氣肯消磨老去名山襍被過千里江湖供嘯

傲兩閒詩卷任搜羅

時方輯國朝江左詩鈔

王融雜俎年來滿

張嵯清談客邸多我正忽忽歸放棹錢塘門外奈愁

何

歲暮旋里

遊子念高堂游雲返故鄉長風送歸棹細雨溼輕裝

放眼程途遠驚心節序忙忽忽歲云暮又見早棊芳

篤慎堂燼餘詩稿

卷上

十一

立春日吳江道中

飛霞朝朝羈此身曉看物候一番新太湖雪霽天連

水小艇風來氣已春細草欲蘇憐過客梅花已放解

迎人計程漸近蘭陵路竹樹吾廬望眼頻

游獅子林

米顛愛石皺透瘦玲瓏日日藏襟袖倪迂秘此作圓

林幻出巖扃誇結構一畝宮將萬象包十笏地呈千

嶺秀龍盤虎踞逸驥騰鬚鬣皆古松稜稜初疑狹路

一而一誰識奇觀層復層直如身入壺中去別有一

天不知處又如八陣圖中來東馳西逐空徘徊豈真

蝴蝶藏花小飛去飛來總相繞不羨猿猴恃體輕衝

沙犯嶺飛林表我思造物好逞奇奇山奇水皆驚疑

此更人工奪天巧包羅奇境應無遺雲林先生善畫

癖千載流傳神奕奕好作疏林平遠圖有筆不皴大

斧劈豈知邱壑貯胸中卻於此處露奇特要知粉本

本來同寫上生絹人未識尋芳竟日草堂低檻外煙

篤慎堂燼餘詩稿

卷上

十二

波路欲迷牆角夕陽迴眼看氍毹樹擁金猊

柘湖卽事

九峯纜過一帆斜二月煙邨放杏花隔海人家有雞

犬海濱與甯波相望廣輿記相傳夜靜時每聞越中雞犬聲滿城春色是桑麻

疇盡田鱸魚入饌驚新味蓴菜沿溪發嫩芽同此江南

好時節雲山何用悵天涯

清明

如此好時節他鄉已幾迴尋芳向何處信步指城隈

花氣隨潮擁春秋帶雨來飛飛雙燕子任爾掠蒼苔

題談蘭芝出獵圖

談君別我十五年天涯芳草空情牽一朝握手出圖
示軟裘快馬何翩翩南山北山冷煙裏健鶻饑鷹脫
金鎖誰其從者碧眼兒口出雷聲鼻出火後來鞍馬
何繽紛歷亂胭脂起陣雲羊侃侍兒原好武李波小
妹亦能軍引起離愁莫摧挫回頭舊夢同皋座陸氏
文章兄弟傳王家池館聲名播楊柳從前未滿園鶯

鶴鳴堂詩稿

卷上

三

花往日曾經過當年蘊藉不勝衣誰知尺笑儒風懦
俯身捷下千仞岡挽弓用箭如邊疆心折豪氣撼山
岳展卷不覺神飛揚君不見王粲從軍屢回顧徐陵
負羽嗟遲暮古來戎馬幾書生短衣豈便長材誤嗟
余厯碌走風塵帽影鞭絲感行路亦有雄心願據鞍
圍場一片雲平處

雪夜書懷和湯雲厓作

去年雪霽南山巔我曾策蹇西湖邊今年雪花大如

掌草堂冰玉琤琮響湯君出示書懷詩洋洋洒洒何

淋漓焚香煮茗愜情話對此可以舒襟期亂鴉飛歸

喬木古凍雲片片當牕戶多少關山羈旅人談何容

易江鄉聚君家梅花開未開定有老幹橫蒼苔會當

載酒醉花下明月扁舟獨往來

偕李王坡曙洲好遊平山堂遇雨

三月春光最動人平山堂畔騎麟麟歐陽池館今何
在二十四橋煙雨春

鶴鳴堂詩稿

卷上

四

山塘七里似平湖處處園林一幅圖想是避地微雨
過粉奴花底玉腰奴
婪尾猶苞春未闌東風有路到前灣一重桃樹千重
柳身在多情薄命間
幸逢仙侶得同舟他日相思兩地愁祇我萍蹤更無
定不知何處是揚州

登金山

江上西風起薄寒搗來絕頂好憑欄空中純是蛟龍

氣眼底俄驚鶴鶴盤丹閣近銜秋色老碧汀遠點夕

陽殘坡公豪句今猶在獨立蒼茫任縱觀

昔年曾向上方遊丙寅歲除自臨湖旋里於此阻風此日重經又暮

秋嶺樹參天山北固浪花捲地水東流人間離合都

如夢自古登臨易動愁且向中冷尋勝跡待他風轉

看行舟

乙亥季秋赴閩二十九日抵杭州擬遊西湖未

果

篤慎堂燼餘詩稿

卷上

五

六年離夢阻江干今擬重遊興又闌直把西湖比良

友別時容易見時難

丁卯戊辰己巳客武林自庚午游棠湖後尋客秣陵瞬六年矣

十月朔因事小住仍偕張仁軒張星垣暨涂生

懷生安生游西湖欣然賦此

江上濤頭阻客船重來欣賞好林泉天開圖畫仍無

恙我與湖山算有緣翠竹黃花尋昔夢紅燈綠酒記

當年相期南北峯高處閩海歸來到頂巔

過富陽縣

布帆安穩渡江流境到春江處處幽四海名山推兩

湖一年好景數三秋雨餘紅樹開生面雲放青巒漸

出頭記得畫中曾一見黃子从富春圖曾見驚疑不

覺似前遊

初七日過溜江灘水勢甚溜風順得以逕過古

桐江遇順風瞬息百餘里卻怪進灘後黯慘浪忽止

頃尙高於山今乃平如砥此豈風力衰只緣水流駛

水急從西來風怒自東起風與水相搏洶洶若摩壘

篤慎堂燼餘詩稿

卷上

六

乘其力爭時扁舟飛渡矣不然勞絳挽進寸退已咫

豈非仗神祐借我一帆使前路釣臺高蒼茫煙樹裏

過釣魚臺

天下盡先生誰與輔光武天下無先生高風孰千古

赤伏符興景運開先生掉首賦歸來祇今惟有桐江

上水繞山環一釣臺

溜江灘至烏石灘七十里號爲七里街蓋逆水

七十里甚難行若風順則轉如七里耳適遇

順風食頃果到

七十里逆水渾如七里行始知天下事時至莫能爭

自錢塘以來一望數百里皆紅葉也

多少胭脂色層層葉上加有山皆絳雪無水不紅霞

老屋猶蓬梗扁舟更葦花惟餘驛亭畔一片夕陽斜

抵蘭谿過家仁山先生故里

家學淵源在祠堂何處尋高山長屹屹喬木自森森

一代夷齊志千秋濂洛心至今留矩矱瞻仰倍神欽

信真靈應詩稿

卷上

七

金華道中

水路看山徒自喜縹緲蓬壺隔煙裏陸路看山始覺

真不惟相見且相親一峯晴雲一峯雨峯峯蒼翠侵

眉宇疊嶂層巒錦繡開清泉曲澗笙簧來平時作詩

任豪放弩張劍拔驚相向偶然學畫更離披今日纔

知渾厚宜試看仙境豈人料即論奇處亦天造眼前

好悟大文章可惜會心還未到五百灘頭昨已過金

華道口又煙蘿客中莫漫增惆悵如此程途亦足多

括蒼山

峻嶺忽天半蒼蒼孰與齊白雲藏一邑縉雲紅樹照

三溪棠溪赤溪管溪東跨仙居小西臨東隱低名山徒悵望

誰肯共攀躋

小蓬萊山

莫悵蓬萊遠蓬萊在眼前雲開見宮闕客到即神仙

青翠藏飛瀑丹黃接遠天會當凌絕頂一覽萬家煙

十八日上馮公嶺高十五里懸崖峭壁上摩蒼

信真靈應詩稿

卷上

六

空頂有桃花隘宋楊億嘗比之劍閣洵險路

也亦奇境也得五古七首

馮公諱大臬

巍巍馮公嶺突兀超羣峯千盤到半山已入雲霄中

回視我行處惟見青濛濛曠然發遐想民物橫心胸

宿霧散氤氳曉日開瞳矓扶桑光照耀得毋金銀宮

搖足紆餘行輿夫非敢惰乃如大江中平地將人簸

五里一息肩計行十五里又如春蠶筐三眠更三起

寄語同行者慎勿嗟難行不上高山高不知平地平

看山不喜平行山又平好一望已心折况乃路途繞
傾耳驚啼猿裂背絕飛鳥怒雷吼瀑布亂雲雜新篠
苟非馮公開萬古人踪少忽訝林箐中炊煙起裊裊
絕頂桃花隘谿衍勢蟠伏嗟哉宋楊億畏之等西蜀
既登最高處小坐息童僕一陣罡風吹人人膚起粟
安得同心人于焉結茅屋曠漱元和津煙霞吾已足
上山輿夫難下山輿夫易只一轉瞬間頓覺勞逸異
忽如舟揚帆忽如馬縱轡木雞俄奮翼饑鷹瞥側翅

鶴頂堂詩稿

卷上

五

潭豈萬丈畏坂甯九折避洵哉齊人言不如善乘勢
夕陽忽西匿高岡下羊牛人皆思晏息余亦茅店投
喘定一回顧萬嶺齊雲浮聖言洵不虛地險惟山邱
欲語口先塞恐增遊子愁

平生愛山水尤愛奇絕者今茲奇絕處真能甲天下
儼或心膽寒山靈笑應哆謂我如葉公好龍徒好假
所愧無奇才不能盡揮灑胡弗留有餘待補畫圖寫

石門洞觀瀑

即道書元鶴洞天

萬丈石門瀑從天落半空到來雲忽斷飛作雨濛濛
氣壓層巒俯聲驚絕坐通何人知此意長嘯激清風
山裏仙人去山前峭壁開白龍終古戰元鶴幾時迴
荒寺圍松鬣殘文剝苔苔空懷謝康樂臨眺獨徘徊
康樂搜山始得此勝

石門洞謁劉青田先生祠

渡江開國幾春秋廟貌依然鎮此邱萬古雲霄追蜀
相一生事業果何由侯空餘野鶴遺仙跡猶有清猿動

鶴頂堂詩稿

卷上

五

客愁寂寞石門憑弔處斜陽煙靄望中收

過吹臺

王子晉吹笙處

蒼翠倚桐半入雲吹臺山下葉紛紛世人那識鸞笙
響海雨天風偶一聞

過飛雲渡

清晨飛渡海梢來白浪滔滔一望開順水行船如走
馬不知雲氣是樓臺

桐山嶺分水關遇雨

閩浙交疆處雄關鎮嶺頭雨來千樹合雲起萬山浮
跋浪鯨鼉湧衝波鹿豕遊皇天憐旱久路迴客休愁

宿福鼎縣

海嶠高寒起暮煙衙齋暫此息勞肩臧孫走雨原非

聖左相御盃且避賢青蔗堆盤憐梗瘦糖蔗瘦如蘆管黃魚

入饌喜鱗鮮石首魚通年有之卻思故里團圓處如畫溪山

小雪天

福鼎道中

姥峯爽氣挹千家纔出城南路尙馭一片空濛山色

三

裏不知是雨是雲花

路上行人爭路時排空雨腳尙如絲羨他一鷺低昂

處萬頃山田五畝池

朱烈婦詩

朱庭謨字楷堂涇縣諸生體素羸娶婦某氏

夫疾革引刀自刺願以身代遇救得生夫歿

撫孤成立今已游庠道光癸巳年其從兄晉

齋孝廉以烈婦事實徵詩

夫如生妾可死籲天灑血深闈裏夫已死妾宜生哺

雛翼卵涕泗橫青燈熒熒藥爐小當年艱苦誰能曉

仰天難覓返魂香顧影惟餘拔心草引刀自刺何從

容不知有刀但知有儂以身代某天頻呼不知有儂

但知有夫吁嗟平鼻可割臂可折祇恃區區此心決

君不見撫孤今日搏扶搖報答重泉恨漸消閒來試

把霜鋒看轉覺芒寒不敢操

卷上

三

篤慎堂燼餘詩稿卷下

江陰 金 諤 一士

到蒙城學舍

重疊文憑下選曹催來淮口駕輕舸娛親有檄心原
喜坐客無氈氣漫豪書畫一肩行李薄關山千里夢
魂勞年前曾與梅花約忍負枝頭月影高

渭陽棠蔭滿江干

家舅氏蔣立菴先生曾任潁州郡守

阿士頭銜笑太

寒敢謂官卑供職易卻憐學拙入時難年豐差喜人

篤慎堂燼餘詩稿

卷下

七

情厚地僻原宜禮數寬講幄乍開庠序裡祇愁無補

費盤餐

春明門外湖前因聚散升沈惜此身一曲知音彈淥

水卅年遊迹看紅塵諸公臺省連番上同學輕肥幾

輩新夢蝶樓邊重迴首近來頗悟寓言真

蒙城為莊子故里樓

在城東

歸帆纔出練塘邊

上年甫卸嘉定學篆

繫馬山桑未息肩定有

英雄嗟末路漫勞絲竹遣中年草堂每憶芙蓉地粉

社難忘穰種天何日小園謀五畝江鄉春綠自耕煙

謁莊子祠

祠在蒙城東門外有濠梁夢蝶樓諸勝

出郭二三里祠堂花木幽寓言空窳古宦跡寄荒陬
草沒觀魚沼雲低夢蝶樓歲時走野老天地沈寥秋

得家書喜硯孫從孫北闈發解

開緘喜色露新痕知有佳音到里門五代八科懷祖

吾宗自曾叔祖訥菴公康熙丁卯科掄魁後至硯孫歷五世凡八科

四年兩捷感

天恩子晉從姪先以壬辰恩科發解

文章必售原先決門祚相持

篤慎堂燼餘詩稿

卷下

二

記共論寄語長安需次者不須感喟管城髡

父子公車事最難南宮明月正團圓茹連待爾登同

榜匏繫慚余羈此官樞馬尚存千里志旅鴻敢戀一

枝安春風得意花爭發還望泥金次第看

孝女祠 失序

昔年孝女說曹娥今見山桑孝女歌總是為親拚一

死憐他三載淚尤多

骨肉流離了此身紅顏到此恨難平長淮萬古東流

水隱約還聞嗚咽聲

將去蒙城留別諸紳士

趣裝又欲出山城不負烟波舊日盟
薄宦經年殊草草新交幾輩重行行
愁添江管縈離緒喜動萊衣慰客情
自有知音存海內焦桐莫作感懷聲

卓犖英才各逞奇自慚無補悵臨歧
重逢或遂三生願此去原曾十日思
報國文章期竹帛過江音信待
謀枝連番把盞新秋節忍忘依依話別時

篤慎堂燼餘詩稿

卷下

三

蒙邑諸紳士於五里亭設餞詩以卻寄

中途遙望簇衣冠如此離筵酒怎乾
我是迂儒今又去諸君還要當官看

過從頻番誼最親一鞭忍便出城闈
升沈聚散尋常事此處纔能見性真

東門祖帳正新秋自願何才愧挽留
長短亭邊楊柳樹一條條繪別離愁

蕭縣道中

征塵連日馬蹄催離合情懷往復迴
望見彭門山一角煙鬢高下遠迎來

綏來樂府為鄭孝子作

蕭縣孝子萬里尋親使者額其廬
郡縣傳其人一解 兒時不知父何處長跼母前問其故
母欲言之哽難遠而甫三齡而父遠戍二解
仰首號泣寒烏啞啞兒不願娶婦願從此
逝穿雲入海覓河爺安得生兩翼空咨嗟三解
某年某月鄰某戍烏魯木齊甘為執鞭

篤慎堂燼餘詩稿

卷下

四

偕行弗迷奈無宿春惟乞提攜四解 黃沙白草風蕭

蕭黑河八月雪亂飄出關性命輕鴻毛五解 千山萬

水十生九死隣某到戍孝子喜孝子且弗喜而父戍

所去此尚三千里六解 扶病往心彌堅糧盡窟深谷

魑魅蹲其前僅得免焉七解 窮晝夜條逾月抵綏來

足趼蹶急走詢父早沒八解 一慟幾絕天茫茫哀感

穹廬釀錢助勸送而父魂魄歸故鄉九解 鬼神鑒知

道途護持辭家八載乙未之秋抵里塾行無虧十解

果能行路無遠果能爲時無晚皇天高高鑒誠悃孝
子者誰曰鄭立本 十一解

幽居

颯颯西風落葉新槐根小築傍河濱功名豈便稱人
傑遇合從來有夙因五畝未謀歸隱地一編依舊苦
吟身燕雲萬里無消息夕雁晨鴻枉自頻

韶華回首去如馳紅樹青山又一時夜雨聯牀新得
句秋風吹帽舊題詞陸中蕉鹿原非夢江上尊鱸別

篤懷堂續餘詩稿

卷下

五

有思暇日聊爲無事飲未妨酌酌任傾卮

海天萬里路茫茫卻憶盧鴻舊草堂辟蠹無方空隱

几截蛟有字或黏牆小園幾處栽榆柳舊圃何時足

稻梁人事十年成往跡可容長揖恕清狂

寂寞寒缸擁百城圓曦條又照牕明少陵詞賦玉無

益開府文章老更成要看黃花持晚節怕聽翠竹起

秋聲幾時真遂田園樂頭白還堪負耒耕

獲硯

四首 賸一

憶昔趨庭日曾頌研一方道茲名滿徹研背有倅汝
滿徹形斷文章此石形微肖當時事忍忘感之翻欲泣持立
獨徬徨

春日郊遊

客裡春光過禁烟春遊好趁雨餘天大彭館外青青
柳不唱陽關也可憐

燕子樓邊草徑荒尙書舊第最淒涼珠歌翠舞人何
在一樹桃花澹夕陽

篤懷堂續餘詩稿

卷下

六

獨酌

牕前幾日綠成陰小飲還宜嫩澁斟獨樂略知迂叟
意思機久識丈人心須防抵鵲休持玉始信呼盧莫
注金暫與曹騰君莫笑茫茫世事古猶今

哭方雲帆茂才二首

遽爾干將折難禁傷痛聲赴都如送死人夢尙疑生
二老情空愴千秋氣怎平當年風雨地歷歷記分明
底事鎖眉頭偏擔萬古憂崔駟何不樂吳質卻長愁

淚任青衫滿書憑綠字留石城他日過悲咽大江流
題宗言僧畫 宗言乾隆時金陵詩僧畫法超逸

數峯淡不真一水渺無際此境何人知秋暝復秋霽
人謂禪家畫我謂畫家禪江干幾株柳記得冷雲邊

題陳小屏春明餞別圖

都門送別柳如煙裙屐風流憶昔年恨煞尊前飛絮
急玉簫金管正纏綿

忽忽兩度送歸驂枚馬仙班又酒酣莫怪搏沙容易

簞慎堂燼餘詩稿

卷下

七

散歌喉誰是舊何戡

廿載輪蹄別恨深花間我亦記題襟近來久絕春明
夢今夕無端感不禁

得臨湖高希之刺史書并蜀中見懷詩感念昔

遊卻寄

萬水千山渺無際隔卻音塵如隔世忽傳江上尺書
來又如晤對顏爲開二十辭家到芝麓英流幾輩同
馳逐顧盼詩壇酒社間墨瀋飛騰筆花簇就中與君

情最親論心寫素通殷勤雲龍交誼當如是車笠盟
言何足云荏苒流光三十載茫茫踪跡睽湖海幾處

滄桑風景殊幾家宿草門庭改誰是當時座上人方
干羅隱尙沈淪底須話到存亡事纔覺臨風闍愴神

君也觥觥差吐氣西川作牧專城寄雪嶺雲開飼鶴

天錦江水淥調琴地曾列文翁寮宋班猥知曾鞏師
生誼還山抱負豈全舒且喜甘棠接天翠而我猶然

夙願違年年雲水浣征衣頻番鴻雪新痕在一樣鶯

簞慎堂燼餘詩稿

卷下

八

花舊侶非王粲登樓最蕭颯馬周入市總歔歔卻憶

當年到官舍掉頭頗有旁人詫五畝何曾早歲謀一
紙仍欲奇書借讀君手札誦君詩令我低徊不自持

多感故人心尙適所嗟遊子暮何之舊曲重翻折楊

柳百年相矢相要久我已清霜早上顛知君兩鬢猶

青否好風準擬駕輕航何日重登君子堂旅邸夢迴
彌望處江天雲樹自蒼茫

題秋郊送別圖爲武仙槎觀察

凌漢

解組旋陝

作

五載陽春正詠歌一時賓從奈行何須知萬戶攀留
意更比秋郊別意多

驛路迢迢樹色蒼一琴一鶴趁輕裝乞歸莫道尋常
事幾處能開綠野堂

翹才高館望嶙峋一語曾添四座春授簡鄒枚同賦
別可知還有受知人

哭房師花曉亭 杰夫子

篤慎堂燼餘詩稿

卷下

九

台星忽實曲江磯悲咽層雲慘不飛尚有直聲留

殿閣爭傳仁政遍郊圻韋侯累世科名早謝傳中年

絲竹稀千古大名青史在門牆慟哭自沾衣

記得持麾出國門

夫子於庚辰夏
出守重慶府

廿年一別黯銷魂

雲霄空負吹噓力蒲柳難忘灌溉恩後日心香何處

熱當時手澤幾行存可知楚蜀蒼黎外頭白彭宣賸

淚痕

哭方頴齋 傳穉外兄

一別慟千載旌麾黯九衢隻身遙赴闕雙旄倏登

途 以引見 事業東南重謳思先後俱惟餘寸心赤

耿耿拱宸樞

四明歸里日悽愴大江秋

由甯紹台觀察奉
諭旨旋秣陵已四年 差幸

敝廬在堪為棲隱謀風塵空極日霜雪欲盈頭不敢

閉門卧君恩還未酬

歎息焦桐樹西風驟下身自經勞拂拭竟與拔沈淪

鯨海恩同開燕臺望更頻傷心何以報銜感只沾巾

篤慎堂燼餘詩稿

卷下

十

他鄉惟表弟杜句最纏綿作別輒千里相依曾十年

吞嗟驚薤露慟哭悼桑田空掬臨風淚焉能滴九泉

輓田小坡 寶齋太守 六首

小別已踰年重逢甫經歲萬事真茫茫公也竟厭世

悽愴動中懷焉能禁揮涕而况道義交復兼文字契

海內幾知音落落晨星繫近日多凋零茲辰益驚悸

眷言溯平生悲風結陰暄

蔡邕禮王粲座客驚某某謝尙近袁宏譚論忘時久

嗟予何所長一編享做帚而乃傾蓋間稱揚不絕口
生平少許可於我獨否否因此轉自傷雕蟲徒覆瓿
知音忽零落一慟忍回首

勞績在河壩銘誄亦已詳三十餘年來蒙蔭非一方
緬想莅秦郵驟漲連淮揚下游處釜底隻手賴保障
厥後雲梯關海口資宣防束水師前賢接築長隄長
昔爲淇園竹今爲召伯棠檠戟所臨處民謳不能忘
間情寄詠吟唐音追正始性嗜臨池學名帖摹萬紙

篤慎堂燼餘詩稿

卷下

七

回憶締交初文讌盛錢里有客賦白蓮索和四座起
是時梧院秋夜涼月如水送客各還寢得句忽狂喜
呼僮秉燭來達旦談不已更憶下邳署予做石經體
遙見做晴牕蛟龍紛腕底公謂隸與楷用筆無二理
試玩鍾王書可以見程李余今每執管斯言猶在耳
升沈冷暖場煙雲一轉胸祇此式穀謀諄諄意難罄
清白本家貽丹黃復手訂讀書破萬卷豈爲科名競
頗愧歷年來下帷同考證

昨夜盛暑中徐方葺城闈一病感勞勩遽驚旗鶴迎
以死而勤事祀典所宜行異時奉蒸嘗桐鄉有士民
惟嗟吾黨中知己無多人衙齋遺墨在卷軸猶縱橫
珍藏毋散佚千秋著令名已矣勿復言薤露聲淒清

聽雨口號

凍雨敲牕酒易消燈前聽雨炯清宵桐曾入纍咄焦
尾米待成炊愧折腰世事茫茫渾似墨舊游歷歷總
如泡祇應趁曝借隣叟含鼓謳吟答 聖朝

篤慎堂燼餘詩稿

卷下

七

題晏竹卿春江擊楫圖

一笑大江橫春來波浪平天教寄遐覽人自動豪情
煙樹六朝色風濤三峽聲還應懷祖述經略在書生
庚子初冬偶成

漢唐勁旅扼三邊總在機宜一著先豈存憂危翻誤
國斷無忠愛不容賢流民雁集應開網諸將狐疑尙
控弦聞說東南好財賦也須耕作待豐年

兩階干羽化偏頗不熱鯨鯢亦止戈彼已可擒纔可

縱我原能戰自能和功名易耀宜知懼意見難符究孰訛千古中興頌方召寅恭輔政問如何

朱蔗根購得舊玉蟬漢時物也予心愛之慨然

持贈誌謝

君本詩中豪拔戟成一隊又能博載籍辨才洵無礙暇時精鑿古羅列別真偽黜然不釋手贗者孰蒙昧千里汗漫遊筭必璠璣載昨購古玉蟬殉物審漢代肪白質猶存猩紅色詎退金盃與珠孺此蟬實其類

德真堂遺餘詩稿

卷下

三

不知何年月流落在閨闈遭際既得所雲光護靈靈嗟子亦嗜古摩挲一而再羨魚恐徒勞易羊慮難遂儻作虞公求母乃近狂悖君也似已知解囊竟割愛欣喜出望外什襲敢云瘁感如賜雙環寵比贈百琲硯非蘇濺唾帖豈蔡致志所恨楚無寶如何謀報佩知君重意氣車裘泯吝態雙綏雖玩物生平見梗概今人易翻覆小利已叵耐所以天地間維持賴君輩

偶成

忽辭枝去送殘春零落飛花最愴神寄語東風好護惜不教墮溷只飄茵

謁史閣部祠

蟲沙浩劫幾經秋廟貌依然鎮此州宿世原爲文信國鞠躬豈讓武鄉侯誓師江上濤俱嘒拜表朝端淚迸流賸有梅花繞孤嶺夕陽幾樹暮煙收

姚子薌福培屬題問樵圖

酥凍憑誰探舊林空山寂靜白雲深凌寒一樹著花

德真堂遺餘詩稿

卷下

四

未數點應知天地心

淮濱重遇感華顛冷暖關心記廿年此後懷人江上夢憶君定憶藐姑仙

中州河平上朱雲溪襄河帥百韻

聖世麻徵集神河瑞應彰金隄查永奠紫籙特明揚嘉績昭彝鼎計謨仗棟梁魚人稽如后龍馬證羲皇四表皆清晏千年俾阜康宸垣頻送喜憲府本持綱往者洪流泛曾於中土障歲星逢丑度道光辛丑月

瑄紀申方七月漫溢綠字探消息丹文想混茫喧逐驅霄

斧激烈挾雷碾鼇掣瞻洄注烏填盼頡頏事宜慰

宵肝務在戢農桑 帝日來咨汝臣哉進厥良元精

鍾岳瀆 前席寄金湯公於蘇臬奉 上諭授 東河河督督塞決口蒿目

紆籌策焦思費絜量舉惟問黔赤駐節鎮蒼黃源認

輸西域流知繞北渙入關從屈曲出陝乍跳踉駟馬

追難駛犀牛鑿未磅歌徵前後漢詔紀舊新唐代見

防衝瘁時聞著論詳瓠房臨輦蹕棗野擁壺漿異製

鐓磨石奇蹤鼓洗鋼神蟻當助順怒鼻莫憑強何況

八方會尤期一葦杭 星雲均表瑞陬滋悉傾陽汴

口襟喉地夷門冠蓋場吹臺蒼榆柳官渡撥菰蔣度

土瀦瀦澗占辰陰角亢簡書勞往復版築竭低昂勇

賴王尊大謀超賈魯臧碧羅天共轉朱馭日初長萬

鍾團如雪千屯肅若霜鳩工咸効命駿發不分疆豈

藉銅符趣毋煩馨鼓鏜負薪羣職奮挽輦庶民忙應

笑鼉鼉駕殊嗤蝸鸞搶鯨吐爭阨要蟻孔謹歧傍

鷲嶺堂燼餘詩稿 卷下 五

聖慮猶兢業臣躬敢怠違戴星朝暮勤零雨燠寒忘

平格孚周召和衷協杜房時星使 已先至已教深吠滄復為

固隄防事統芟梢密功兼漉澹昌依然波順軌遠矣

路通航貝闕森松柏珠宮煥桷栒六塔垂炯炯一柱

接蒼蒼績可元圭告禘堪白璧償濂夸推不世 喜

起際非常忠蓋先 交契勤勞普錫慶酬庸 綸綍

賁晉爵祝豸將溯自花磚步都傾玉珮鏘已卯庚辰 聯捷授職

編鳳梧頻獻納魚藻屢賡颺壺挹僊醺冽袍分獸錦

煌 經筵翊帷幄史館峻門牆經筵講官 國史總裁幾載輶軒

出連番鐵網張梁園披翰墨洛學振膠庠視學 中州北極

遲韜略南維待直匡水經窺窅奧地志飾縑緗以京 堂至

河南 襄理 芒碭飛繪旆江淮照繡裳觀察 淮徐所經俱整飭每

事必慈祥陳臬威增重開藩吏共踰兩任蘇臬 一權蘇藩頓令

虛狴犴長使實倉箱樓幻氛消蜃車迴臂竄螳英夷 不靖

防禦 海口 碑盈道路 心簡在朝堂觀展蓬萊表 恩

濃槐棘行斯猷宣黼黻 相悅叶宮商繫昔聲原赫

鷲嶺堂燼餘詩稿 卷下 六

而今烈更光龍門通瀾瀾鵬海注汪汪鱗次興都邑
鴻碁足稻梁九千規里曲五百應期剛不伐誰能及
無爭孰克當軍容鵝與鷁兵法馬如羊轉漕波臨鏡
飛芻飈送檣桃花紅夾岸瓜蔓綠沿塘瑞應呈山澤
休徵洽雨暘謙彌撫劍履望自邁圭璋濟上雙旌駐
奎邊六蠹趙河督駐劄濟甯岱雲護高閣壇月映修廊恩溥
慈顏悅時太夫人迎養節署禧延美意洋孝緣忠益至文以武
逾章書靜香榮篆春融玉按瓊賓朋盡枚馬著作有

篤慎堂樓餘詩稿

卷下

七

瓊瑤全境新栽黍連圻夙樹棠不才慚散木奚術勤
遊繯學懼隨時俗文舫吐沛滂萬言希對策十上愧
擔囊負米情常切飄蓬氣易恆幸陪山簡座曾接令
公香蔭郁喬松翠榮回小草芳雲泥蒙略分風義荷
裁狂盛德咸傳誦微忱倍感惶挈瓶終覺陋窺管或
無妨河復宜揚雅嵩高久恆望沙隄界鈞軸瑤殿
譜笙簧几几還歌鳥皤皤早兆璜冰夷安澤國海若
靜波鄉磐石綏中外平衝合表坊和羹資燮理吐哺

識淵藏頌應圖書起風先候旬翔田間望台耀光彩
炳銀潢

將游大梁簡大梁舊好

滾滾黃河控上流乘槎此去趁清秋廿年不作燕臺
夢千里猶爲梁苑遊山館酒盃憐契闊津亭詩句感
綢繆賓朋若問枚乘賦莫說觀潮筆陣收
重疊書來趣起程鄉關無奈鼓鼙聲自慚老至居人
下多愧途窮仗友生東閣料應容詆蕩西園期與頌

篤慎堂樓餘詩稿

卷下

六

承平只餘舊雨偏留戀

謂陸曉汀姚子薌

怕聽臨風班馬鳴

中秋下邳舟次

海月團團上河濤滾滾流遙山見西楚佳節又中秋
酒易曹騰醉豪誇汗漫遊梁園有人盼採杙莫淹留
遙憶高堂上蟾光定一般卻憐今夜月難得故鄉看
久客心情減深宵風露寒舵樓聊遣興小飲具杯盤
舟行遲緩遣悶

艤艫十丈牽日日舵難前未貯中山酒休乘上水船

唵花訝才捷看樹任情偏我道終登岸篷牕且晝眠

重九日虞城道中

虞城道上正車馳何處登高可賦詩卻憶去年同看

菊雨螯斫雪勸餐時

上年九日姚子薌招飲

大河月夜舟行

上下天光入望寬秋宵明月正高寒儘教九曲波無
際化作琉璃一色看

掛帆今夜好風多莫問雲濤幾曲過雞犬不聞煙樹

篤慎堂燼餘詩稿

卷下

六

遠卻疑船已近銀河

玉宇真無纖翳蒙芙蓉一朵擲晴空珠宮貝闕知何

處都在蟾光照耀中

幾尺雲羅映水遙金枝閃處翠旗飄若非月殿開青

鎖定是星駟下絳霄

兩岸高峯忽送青風濤喧耳幾曾停大羅天上霓裳

曲知有仙人記共聽

上界分明見斗台中流隱約過漸臺不妨便作乘槎

看此水原從天上來

道經彭城有感

彭門舊遊地重過轉淒然綠樹非前度青山似往年
賓僚感今昔客旅怕流連慎勿探東閣荒涼蔓草邊
江上阻兵革胡爲還遠行游梁愧憑軾過宋憶班荆
霜鬢增枚叔風懷減馬卿似聞海氛息振舵且遄征

彭門感舊

感舊疇能遣彭門又一程往來千里地賓主廿年情

篤慎堂燼餘詩稿

卷下

幸

身世何人憶文章獨我傾黃墟重回首淒絕塞鴻聲

將抵豫境

前程聞已近商虞河水滔滔盪舳舻桴鼓不驚薪早
屬風光便覺眼前殊

江鄉未許狎閒鷗地北天南易滯留千古夷門爭佖

想特來補足少年遊

上水遲緩舍舟而車

既苦舟行緩何妨竟舍舟知難宜變計能進在專謀

露溼鞭絲晚風吹帽影秋危橋還繫岸遲汝在中州

晚朱雲溪河帥

帝簡來中土迴瀾詎偶然桑麻纔徧地箕尾竟歸天
力竭鯨吐處心枯蟻漏邊宣房甫經歲感泣滿河壩
千里梁園路崎嶇霜滿林我來賀河復誰料弔星沈
刺滅懷中字琴悽指下音當年山簡座歷歷記虛襟

題李厚餘璋表姪廬墓圖 乙巳

嗟爾幼而孤時方在襁褓聞爾旋失恃纔知覓梨棗

篤真堂畫餘詩稿 卷下

三

翳余卅年來故鄉隔天杪暫歸如傳舍親朋半衰老
喜聞爾成立少孤爲客早所恨會面難參商背昏曉
今秋過大梁河濬盼皓渺忽焉聚搏沙客中邂逅巧
虎賁似中郎尙覺典型好何況玉樹枝臨風對皎皎
竟日語不休斜陽霽古道示我廬墓圖至性格蒼昊
先人廬且睽何處廬瑩兆感之淚沾襟百端集懷抱
龐公上冢時我亦心如擣展圖再三讀往事溯鴻爪
斗酒與隻雞此願何時了鬱鬱睇寒松萋萋指宿草

惟有孝子心描畫難成稿庶幾焚香供還同擁篲埽
藉以報九原清芬本未邀勉旃揚名聲他年看阡表

梅花

莫作凡花看超然色相中前身是明月今日又春風
鶴艇唼和靖驢鞍畫放翁不知江上雪幾樹照晴空

題洪幼懷符孫齊雲山館詩

大梁客館快雪晴齊雲詩卷當應橫憑他萬里寒芒
關冰玉照來字字皆晶瑩齊雲山人吾舊雨白下都

篤真堂畫餘詩稿 卷下

三

中共羈旅一別俄驚廿五年眼底流波事如許重逢
彼此鬢髮蒼卻喜抑塞奇氣仍激昂不信試吟卷中
句迴環能使神飛揚瑾瑜吐異彩砥礪等瓦礫鐘鏞
發大聲箏琶盡盪滌回憶菴苑高閣蘭城東曾謁龍
門老鉅公論詩獨闕千載不傳秘珠光劍氣剖別毫
釐中 尊甫稚存先生論詩 山人分明知此意令我撫
以味光劍氣爲喻 今追昔不能置我亦不問漢魏迄六朝作者於何入
室濟其裁但覺滿紙盤旋走精銳菴苑絕業九堪嗣

阿兄著述有藁行世亦等身一家才藻談何易劇憐傲骨

彌峻嶒五畝將謀愧未能東閣縱然留杜甫西園何

處識枚乘嗟我萍踪更踽踽淶水能彈渾漫與世事

殊多竝笑藝人情祇自蛩憐駉洪生洪生勸爾酒一

瓢江鄉鷗鷺盼我曹曷不歸來檢點名山事業更狂

飲胡爲乎猶將麟角儷牛毛胡爲乎猶將麟角儷牛

毛
汴梁詠古

鶴嶼堂餘詩稿 卷下

垂

邯鄲未許虎狼吞高會先驚禮數尊客有三千咸避

席翁今七十尙監門勒兵終竟功無匹相士原宜好

夙敦聞說黃初猶仁想祇今盃酒更誰論夷門

萬古黃河穩泛槎滎陽一決始咨嗟有方可療田成

海無術能醫水挾沙徒說避衝謀亦暫但教培薄事

彌除側聞宣室憂勞甚早晚忠誠出建牙棗野

隴華宮畔接清流濟北淮南笑異謀文體果然開一

代園名猶自占千秋觀濤有客驚奇句賦雪他年託

勝遊中禁正需枚馬輩固應賓館早兼收梁園

阿瞞兵寡竟成功興廢爭看一戰中疑懼豈能臨勁

敵笑談久已藐明公犬牙壤錯新都逼牛耳盟寒往

事空且莫覬覦天下定東南正復有英雄官渡

不聞宣撫授天戈又報煙氛逼汴河彼果可擒纔可

縱我須能戰始能和鼎彝誰信商周小花石猶疑吳

越多但使巨奸如距脫蓬萊豈便失嵯峨良嶽

分封大國綠車催內府奇珍迤邐來出入不離阿保

手安危豈有撫綏才銀潢派衍原增重金穴財多祇

自培四萬頃田猶附益斜陽何處問荒萊福藩

題王心如太守廣恕出關省親圖丙午

雄關萬古通行入取青拾紫何紛紛別有慕思莫能

解白雲可望天無垠涿鹿遙連遼海地盧龍險阨常

山勢搖鞭豈爲覓封侯匹馬衝寒無退志方君筮仕

遊維揚笙歌窟宅冠蓋場忽嗟陟岫意不樂掉頭詎

畏長途長一程一程雙淚引離鄉彌遠親彌近想見

冰天雪窖中無限春風滿堂蘊比鄰載進王荆關作
此贈別雙淚潛笛裏關山夢中路至今髣髴生綃間
憶我遊梁寄萍跡君已銜哀過駒隙叔子推襟誼最
高孟公投轄名尤籍喜見青箱手澤新等身著作推
扶輪更觀隸古逼秦漢鎔金屈鐵何嶙峋此日桐孫
萃文苑猶持祖硯意繾綣名父之子廉吏孫固知世
德詒謀遠披圖三歎路屈盤莫將此事尋常看塞外
奇勳古來易庭前庸行人生難揮翰固應共投句留

簡慎堂遺餘詩稿

卷下

美

與傳家好珍護追思轉覺意惘然手指千巖飛翠處

七十自壽

壬子

江鄉差喜浣征衣屈指春秋倏古稀涉歷幾曾諳世
務衰屏幸未蹈危機扶藜不厭人爭席剪韭還欣客
款扉間與兒孫述彛訓願他聰聽更何祈
萍蹤幾處溯關河地北天南卅載多薄宦五年原草
草還家雙鬢已皤皤偷閒尙或遊城市稽古仍思補
網羅好趁新涼頻把盞老來不礙醉顏醅

題吳門老和尚遺像

併序

老和尚者明季侍御李灌谿先生也先生名
模吳縣人出處大節詳郡邑志並 國初諸
老遺集當南都擁立時曾疏劾四鎮誤國不
用引疾歸南都失守削鬚髮爲僧今吳門老
和尚堂中有僧衣塑像故名道光丁未吳江
翁二典敦書命族子柎照塑像繪小幅題曰
老和尚遺像裝冊徵詩

簡慎堂遺餘詩稿

卷下

美

五百名賢祠宇森

先生崇祀五百名賢祠

一龕猶是傍禪林滿

衣賸有銅駝淚抗疏空懷鐵身心老去版衣彌了了

覺來夢幻太駸駸蟲沙浩劫歸何處遺像重瞻感不

禁癸巳赴蘇會詣簡慎堂瞻請遺像

題愛石圖

併序

愛石圖者王學愚先生所繪小像也一時名
士題贈滿幅 先君子亦題詞亦闕其時
方隨侍陶園讀書見先生與 先君子過從

甚密今其長君守靜出圖見示覺風流之如

昨悵手澤之猶存卽題二律於卷末云

龍門曾記挹謙冲當日披圖愧阿蒙萬事都如雲變
滅一卷依舊玉玲瓏補天豈易迴飛馭填海猶難繫
轉蓬悽絕先人遺墨在淚痕滿紙泣西風
往事俄驚六十秋最難觴詠盡名流高情尙憶垂青
眼末座空慚久白頭是處鷗波留勝迹幾時鴻雪證
前遊石邊擬剪招魂紙展拜先教願略酬

篤慎堂燼餘詩稿

卷下

七

題劉節母夜績課兒圖

然藜堂畔母兼師歷盡冰霜感卷施照我鳴機照兒
讀萬千辛苦一燈知

更闌鼓轉麗譙東背誦如流寒夜中又報宣文講經
義停梭呼與細研窮

遊泮纔聞總角年聲華爭羨著鞭先莫言一點寒燈
小已見文光上燭天

節母春秋鬢未蒼嬌兒早摘桂枝香

詰嗣繼善發一
解年甫逾冠

言卻可同歡躍報答慈恩日正長

暉子駢學博彙目招同人賞菊

雙泉書屋菊初綻主人對菊開芳醪饌既精腆酒復
醕簾捲西風共歡抃曾聞此菊入君家十度繁英歲
月賒養成品格獨高尚不似尋常妝點花始知灌溉
無他術護葉多於護花日人力奚能更減增天機常
與留疏密譬如素娥出海新霓裳羽衣當稱身又如
青女駐天半珊珊環珮無纖塵其餘枝幹亦成趣蕭
森絕不求依附世上徒矜矯揉工紛紛那得知其故
盤桓未已夕陽催樹影蒼茫扶醉迴我家亦有東籬
豔明歲安排手自栽

篤慎堂燼餘詩稿

卷下

七

癸丑秋暮雨阻郡寓魏瑤生連日過訪把酒論
文藉慰岑寂歸舟口占卻寄

荻花楓葉起寒飈一棹煙波廿里遙卻悔龐公入城
市客牕五日雨瀟瀟

且喜彭宣琢句新雨中壺榼往來頻談深莫厭頻聽

漏文字還餘未了因

訪戴奚須著屐忙

擬訪惲子駢學博士
守靜上舍泥滑未果

放晴我卻返

江鄉扁舟載得黃花滿
遲汝來看晚節香

感事二首

癸丑九月就所聞述之

蹂躪邊陲恃地偏
稽誅忽撼楚吳天
舳艫已報橫江

截烽火還驚累月連
轉餉八州勞走檄
籌兵萬里待

開弦東南財賦由來重
誰使萑苻遠蔓延

莽莽三塘我郡鄰
驚心怕問劫餘塵
豈無忠勇能酬

篤慎堂燼餘詩稿

卷下

五

國多有依違反累身
百雉尙堅先棄甲
萬羊雖富已

傾困食毛踐土生成久
多少蒼黎望轉鈞

自題補讀少年書圖二首

老憶古今書所讀
曾無幾端居偶吟
諷得寸亦可喜

繫子方四齡祖庭發
蒙始九齡至陶園
隨侍庭訓邇

既冠卽辭家負米越
千里浪遊四十年
悠悠曠礪砥

往事如流波頽唐
吾老矣瑯環積萬
卷補從何處起

祇宜手一編閒中聊
復爾譬如倒餐蔗
庶或知其旨

糟粕寓至味煨燼
蘊奇珍勿以不悅
學而輕擁百城

所恨質推魯十駕
殊艱辛況今老病
兼安得純功純

惟念熸燭光尙猶
愈夜行繪圖用自
勉如對箴銘新

松菊幸無恙鼎彝
並雜陳何時築此
室俯仰愜平生

說與兒孫知爲學
毋因循汝曹肯努
力珍重少年春

題汪性初行乞圖

莽莽塵埃惜此身
便教乞食亦嶙峋
烽煙未靖需才

急會否江湖遇異人

篤慎堂燼餘詩稿

卷下

五

叩竹枝

節高中實叩山竹
博望攜從西域迴
當日賜鳩頒國

老幾人異數得叨來

大宛名馬世間無
此竹曾聞載與俱
萬里關邊致珍

異老農何幸一枝扶

接沈梓堂居士

又丹

見懷詩長歌卻寄

丙辰

古來才人擅一藝
草聖詩仙各名世
君於此等卻不

廉熊魚兩兼破常
例八詠樓前五樹
枝絳帷曾見授

經時五十年來盛名播乃蒙過訪投新詩乙卯小春見訪留連

竟日各 人生聚散原如夢把袂題襟各珍重樽酒方

為竟日淹離懷倏又三年共今日詩筒遠寄將纏絲

往復情彌長幾迴吟諷不忍釋坐對梅花空斷腸揮

毫復為作屏幃指與兒曹仰宗匠并為小兒應謝書楹聯屏幅不

須鐵筆更促迫賺得珠璣已慰望懇刻補讀書齋小印未就來詩有補

讀先教鐵 少微星朗江天秋澄波激灑雲霧收花木

一庭書滿屋樂志豈肯干諸侯嗟我年來守園圃訪

鶴慎齋餘詩稿 卷下 一 筆

舊都無釣遊侶窮愁未覺著書甘老病殊憐作詩苦

不恨訂交晚但傷離緒多搏沙難聚時易過南來倘

許掃蘿徑願聞高論驅煩苛寒梅正放照飛蓋有酒

不飲奈別何

聞官兵克復鎮江誌喜 丁巳

江上俄傳鐵甕收全吳扼要此咽喉六年勞費煩

宸慮一夕清平播壯猷十二月十一日夜半諸將克城進勦黨惡立教

誅帳下輸誠仍許宥刀頭 聖朝敵愾埃地喜何況

吾鄉切近尤

幾番遷徙萬家空今日纔安中澤鴻尚冀驅除靖餘

孽轉思保障仗元功向帥在時戰守嚴密賊不能下竄今日得以成功 蟲沙

劫運知將盡鳧藻軍威定益隆西望南都致 天討

同仇畢竟在和衷

子仙姪送紹酒 戊午至己未

春風三日已微和且喜牆頭美酒過何事傾樽拌酌

酌不嘗此味十年多子旋里後皆飲蘭陵酒未暇購紹酒也

鶴慎齋餘詩稿 卷下 一 筆

幕府歸來餞臘遲姪客歲小除夕自鎮江京峴山余提軍營回里老耽小酌

阿咸知卻教振觸梁園夢花勸鶯酬縱飲時中州王青園司

馬處紹酒最佳

誦拄杖 子六十後與杖頃刻不離誦之

朝夕相依老病身亦趨亦步最情親平生舊侶知多

少似汝扶持有幾人

嘲拄杖 位置偶一失所便致傾倒嘲之

老來此物最相需位置先防妥貼無卻笑扶人原仗

汝自家猶是要人扶

竹坡先生遺集詩稱

卷下

三

篤慎堂燼餘文稿 光緒丁亥附刊詩後

江陰 金 諤 一士

夢雨山房遺稿序

嗟乎小坡太守之卓卓可傳者不僅在詩而詩固可傳也憶壬午歲太守邀予客授彭門一日寓齋小集時方新秋座中王容齋觀察以白蓮花詩索和因吟漁洋山人門外野風開白蓮句太守謂露筋祠詩古鮮合作惟山人拈白蓮比似不脫不黏足爲絕唱剪

篤慎堂燼餘文稿

一

燭至漏三下娓娓不倦客散各還寢太守得句乃大喜呼童秉燭叩門謂漁洋以白蓮比似貞女子白蓮詩將以貞女比似白蓮因於門外朗吟卽稿中野鷗影落橫塘裏貞女魂歸古寺前一聯可覆按也遂縱論達旦其豪興類如此生平於漢魏以來諸家靡不研究尤嗜唐人詩

國初諸老中雅愛漁洋山人集故其遺詩曠遠絲貌不事藻績而神韻尤勝太守子宏勳從予遊讀禮之

暇手繕所存詩將鏤版行世夫先人著作表而彰之此人子事也向有五七古如千首秦郵舟中爲何人攜去今所存僅近體卽近體所存亦僅河上數篇斷墨零縑更當珍惜矣至行誼政績傳誌備詳尤工書次第勒石皆所謂卓卓可傳者茲可弗言卽詩中境地讀者自知之亦可弗詳言嗟乎昔遊如昨彈指廿年撫卷追維歎逝感舊之懷益歛歛不置矣

鄴賢紀畧序

篤慎堂燼餘文稿

二

彰德前郡志一修於明太宗伯崔文敏再修於明相國郭文簡志例載人物然二公皆不載名宦鄉賢兩祠謹嚴名教預杜濫登在當日自有深意惟祀典至鉅咸懷闡揚今志且缺如倘日久漫漶不幾無徵耶國朝雍正年許少司馬憫前志之不載慨近時修葺當事倉忙報命不暇致詳於是按志乘釐正列敘著彰郡逸志一冊郡邑名宦鄉賢犁然畢具旣慎且周足爲文敏文簡彌逢其闕以俟將來誠鄴中不可無

之書矣然限於篇幅僅從姓氏下旁註治畧行畧一兩行挈其綱領未盡其節目也辛丑春田生宏勳奉其大父碧坡中丞主遵

旨入安陽鄉賢祠見郡邑兩學所祀鄉賢各有異同愀然疑焉退而稽諸郡志未備乃博攷歷史兼參他說滙邑中之賢自漢晉迄

皇朝得如千篇而中丞家傳以次載入是蓋推其表揚先德之意等而上之擴而充之故不及名宦也專

篤慎堂彙餘稿

三

列鄉賢可爾並列鄉賢之未經入祠者亦可爾輯成請爲弁言子自愧衰忝然有關世道人心之舉竊樂道焉異時諮訪安邑人物者綜覈名實一覽瞭然景慶炳於此都模範垂乎奕禩聞風興起者不獨在枌榆間也已反覆數過爰序而歸之

李太孺人家傳

太孺人姓李氏父諱保泰字晉生寶山人寄居崑山以名進士改官揚州教授博通古今勤於著述爲海

內學者所宗仰兄鈞載舉人常熟教諭太孺人在室卽以孝謹稱讀書嫻禮範年二十歸武進國學生謝君申甫逮事祖姑舅姑婉孌承志能各得其歡心謝故武進右族持門戶不易舅姑知太孺人賢而才畀以家政巨細咸有法則嘉慶乙丑舅卒越二年丁卯祖姑汪宜人卒壘佐國學君匡襄一切哀禮兼盡丙子太孺人年三十有八國學君卒所天之痛幾不欲生顧念姑老子幼不得不留身竭心力以答泉下甲

篤慎堂彙餘稿

四

申姑萬太孺人卒太孺人綜核大事叔與姊皆取決焉盡哀盡禮一如前喪國學君在日慷慨好施與貫資於戚族者甚鉅既沒太孺人邀戚族泣告曰遭家不造藐孤負累累將若之何皆慰之曰此可徐圖勿以爲念大孺人曰不然諸孤而不能成立也是重負戚族也卽諸孤而幸能成立也未亡人亦不願以夙逋遺累也遂罄資以償不足又變產而益之然自是家漸落先業幾墜太孺人憂之賴其兄教諭君協

力太孺人復早作夜思得完先業黽勉指柱以至於
今太孺人工女紅經理家政外鍼管線繡未嘗一日
廢離率僕婦篝燈夜績漏頻下無倦容家人以年高
宜息養為請太孺人愀然曰心宜常操身宜常勞習
慣之事雖老不疲也且安坐而食不祥莫大焉平生
自奉刻苦而厚於矜恤遇事警敏有條理戚族咸資
其區處教子課孫寓嚴於慈延名師受業敬禮備至
迨兩孫相繼補博士弟子員太孺人色霽猶諄諄誠

熊慎齋燈餘稿

五

以毋自畫五十餘年來心力交瘁矣以咸豐三年正
月二十九日卒春秋七十有五子三曾撰曾向曾定
俱國學生女子一子次子應澍其婿也孫十遊庠
者二女孫二長適國學生趙善培次未字曾孫二曾
女孫二俱幼太孺人沒後百日曾向以狀涕泣乞傳
并致曾撰曾定意余不文固辭不獲乃按狀而詮次
之

金諤曰嗇生先生之學行私淑有年矣予嘗至崑山

登其堂知太孺人稟承有自及附姻婭益知太孺人
賢太孺人自于歸後迭遭大故哀痛迫切備嘗艱辛
卒能事事合乎大義婦道母道卓然可傳即其所以
訓飭家人者務在操勞又豈世祿之家所易觀哉

熊慎齋燈餘稿

六

後跋

先君子自幼卽嗜爲詩趙甌北洪北江諸先生見之輒歎爲未易才稍長嗜益甚及客游於外尤多懷古交遊之作歲暮歸省必彙呈百數十首先大父尤嘉賞之年二十遊庠後卽赴金陵繼至皖南復遊浙遊閩十餘年間作詩至千餘首後赴京鄉會試旋乘鐸嘉定蒙城其間十餘年亦得詩如千首泊至淮至徐至豫遨遊公卿間與諸名士唱和著作益多六十

篤慎堂燼餘詩稿

後跋

後精力漸衰遂旋里館於郡城與惲子駢先生杖履過從爲文字交七十後在家頤養猶諷詠不輟自豫南旋又得詩盈卷嘗手自編次約得三四千首同志者將合古文駢體詩餘時藝匯爲全集以付劖剛庚申之亂稿置行篋悉被兵燹棄養後搜遺笥中所餘草稿及友人所摘錄並口授長孫則仁所記誦者急繕寫一帙約二百餘首顏曰燼餘詩稿係少年及老年所作者而中間四十年篇什皆蕩焉無存卽少年

及老年所作亦不及十之二三斷墨零縑更當珍惜矣集首向有諸名公贈序及題詞亦無一存者繕寫既竟謹述顛末其餘古文駢體詩餘時藝尙俟搜輯云同治癸酉十月男應澍謹識

先大父燼餘詩稿家君於同治癸酉冬月刊於長沙約仿從前全稿次第分爲八卷有每卷僅存一篇者又全刻南游筆記草本中有僅存一二句者常以體例錯雜爲憾去歲郵寄廣州命重刊之

篤慎堂燼餘詩稿

後跋

二

謹仍依原本次第合爲上下卷計存一百八十六首凡未成篇者不再列入光緒乙酉三月刻成敬

誌緣起

孫武祥

謹識

蒙城縣訓導金先生墓表

繆荃孫

大江以南閩閩相望韋平之族台鼎承家郊邨之倫大科接踵而欲代通儒術世傳詞藻惠錢而外實罕儔偶若乃人人有集續風雅於一門濟濟羣彥扇芳馨於七葉杜陵詩聖膳部開其先坡老文宗斜川爲之繼發揮前烈騰蹈餘蹤如一士先生者有可述焉先生諱諤字一士江陰人世居西鄉大岸祖鑑明通進士乾隆丙辰薦舉博學鴻詞官刑部主事父捧闈歲貢生候選訓導

篤慎堂燼餘稿

墓表

十一

均名德自耀位祿不副聲華達於朝右著述重於藝林先生衾扇嫺勞黻鬢廣誦述祖德於傳硯飫庭誥以受經年九齡從父讀書唐氏故園荷衣覓句已翹異於常童松寮弔古輒流連夫勝地老師宿學咸相推許弱冠受知平寬夫學使補縣學生旋因家累俾作客遊貧且依人饑來驅我春暉寸寸敢辭負米之勞金綫年年不步擔簦之困卸裝於皖公山下弔檝於明聖湖邊春江波綠鷗夢同圓秋驛塵黃馬蹏欲碎藉江山之勝概寫

羈旅之間情每當歲晚言旋里閉倚廬息望穹室紆歎團圍燈火誦征途得意之詩投贈縞紵紀益友獨行之傳雙親顧而樂之先生亦怡然自得焉己卯捷順天鄉闈三試禮部不第大挑二等委署嘉定縣教諭先生以爲儒官雖卑職在教士束躬圭璧潤色詩書問字之酒不論夫厚薄束脩之羊詎計其肥瘠在官一載輿論翕然卽補蒙城縣訓導治之一如嘉定復以爲骨肉之獄感之以至性則易孚薦舉之牘得之於非分則可恥上

篤慎堂燼餘稿

墓表

十一

台寮屬同聲引重終以萱堂暮齒蒙邑長途歸省則職守攸羈迎養則險阻是懼遂旬疾去諸生追送有泣者先生亦戀戀不忍賦詩有我是迂儒今又去諸君休要當官看升沈聚散尋常事此處纔能見性真之句孝公教授著錄者三千人疏傳去官祖道者數百輩今古一轍識者榮之旣辭人爵尤樂天倫弱弟三人友于相愛壯爲授室歿爲營葬撫其諸孤以養以教咸使治生罔或失業門庭敦睦鄉黨矜式復以食指多累泥爪重尋

遂客彭門間之梁苑相逢舊雨長聚德星珠槃玉敦聯
藻盛乎襟裾遲錦淹藹獨秀歷平壇坫旅遊最樂篇積
較多迨夫息影舊廬陶情暇日斜陽老圃尋童時釣遊
之所新月清樽聽野老桑麻之話方謂雅抱庶登大耋
昊天不弔兵燹驟經先生覲桑梓之禍值龍蛇之厄歿
於咸豐庚申九月十二日得年七十有八葬於前周鎮
瑤岸村之原生平富於詩存三四千首并文稿俱燬亂
後綴拾殘牘刻於長沙曰篤慎堂燼餘稿二卷不及三

篤慎堂燼餘稿

墓表

三

百首埊文三篇而已先生之孫武祥以先生體魄久掩
元石未立敬述嘉行遠徵鄙文荃孫竊觀邑中華族品
行之敦飭文彩之聯翩未有如大岸金氏者先生光前
輝後尤平昔所服膺者也嗚呼通德慕鄭公之里清風
在茲遺碑式董相之陵高山仰止是爲表

民國庚午年鑄

茶莊集錄拾餘

遂寧楊蜀生題





柴扉集拾餘一卷

清杜闕撰原名德輿字若洲由廩生瞿學政調任尊經書院光緒戊戌進士鼎移後更今名字柴扉今乃列席省議會議員是書從普天忠憤集及友朋處傳鈔付梓柴扉足跡遍天下其著述甚富所撰各種楹聯鄉人遊歷歸述者稱道不絕屈指在二十年以外其稿藏家待梓壬戌年撰五尖詩省垣和者如林曾經付梓而手民因事敗露畏罰潛逃詩稿已失叢書出版在即碍難補梓新津胡淦識

柴扉集拾餘

長甯杜關柴扉著原名德興字若淵

哀遼東賦有序仿庾子山哀江南體

粵以乙未之年建巳之月東爨扇逆和議行成余乃歸自京師寓居滬江賊氛未熄留而不歸時危道艱迫於斯役上書窮於蘇季憂天甚於杞人此世狂攘余涕於邑長沙之慟哭時勢策以治安少陵之愴懷君父責在諸將昔韓非子之孤憤東方朔之客難著有成篇託為慰志班固之賓戲自論不遭崔駰之達旨未遑求仕德興年逾壯歲始舉孝廉蒿目東瞻顛天長歎西風鱸膾未免悲秋北洛鶻聲祇深憂世擊

柴扉集拾餘

一

祖生之楫抱憤江中請南越之纓空懷闕下蘇門嘯傲黃浦飄零夷歌有亂耳之音女樂非移情之具追為此賦聊以抒懷不無感憤之辭惟以哀怨為主日月逾邁河清未極嫖姚已死瀚海塵飛李廣云亡北胡風勁若放失祀呼餒鬼而無靈項羽高歌嘆逝雖而不渡魚門懸胃詎深蠶蠶之虞烏幕退師競有虎狼之懼庶將軍之善戰惜其已老楚子王之驕敵知其必敗禦車無計空貽笑於螭斧委肉何益遽甘心於虎蹊岳軍之勢成背嵬人纔五百謝安之威蕪唳鶴兵止八千遂乃戰勝朱仙殲除秦虜豈有萬眾東征一朝北潰風摧電掃如枯葉焉遼海無一簣之防

榆關世壽離之備麟頭鐵額者與暴皇年封豕修蛇者

行災華域將非上國雄風挫於諸臣手乎是知庸才

尋命不免峭谷之悲聖主中興卒有溥沲之厄嗚呼

陽爻遭運嗟耿鄧之不存水府填星有勛華而莫救

天埲地贖可以流涕太息者矣况復駭浪狂奔萬里

無乘風之路唾壺擊碎壯年以伏櫪自鳴聞者欲矢

其音義者欲據其憤王仲宣之登樓賦愧乏其才庾

蘭成之哀江南爰仿其體我大清之纂聖登皇廓四

維而鳳舉承天撫錄攝羣部以龍興殄中邦之流寇

掃橫海之餘腥奠燕京而為宅拓荒域而來庭逮國

祚之縣延有神宗之代起藩臣定於淮南登服誓於

瀘水竄苗民於三危見回紇於單騎陽城則張角已

誅甬東則夫差可徒銅柱思交趾之盟鐵碑紀滇池

之美方肆剪於鯨鯢正無憂於豺豕波振四海塵昏

五嶽鐵甕藏狸金陵挺鹿魚軍乃稱假玉雲臺悉為

列宿汾陽復兩京之舊劉宏致百城之福况乃風

光宸掖德頌宮闈娥臺比迹如幄齊嶽裁縉減膳披

練垂衣義明八遠道變九圍絹帛頒於耆老簪珥警

於嬪妃洵法天而式化乃成功而引歸我皇親政之

歲鯁生食鯁之年始聽經於虎觀仍讀史於馬遷訪

相如之故里慕揚雄之太元有經書而無庫足文藝

而非淵臨溪水暖濯錦花妍醉春風於郢酒弄柔翰

於濤箋乃振翻而不飛屢遺珠而見棄黜羅隱而告歸厄劉蕡而下第除名選佛之場虛願登科之記於時化光玉鏡訟息金科貴德張緒益封蕭何戎利收於魏絳詔書賜於尉佗安平則鐵籠車軸昆池則艦列樓戈物禁奸萌風清武帳輸貨翔羗授權將相庾翼之戎政嚴明向龍之軍事曉暢勁箭之定天山文犀之息風浪二十年來中原無事文饒爲籌邊之臣元鑄爲責盟之使枕戈空激於劉琨醫國猶伏於陸贄豈知東海潛虬南山隱豹高歡以資財結客陳勝以旗竿號召朝廷方崇禮官揆文教捧獻壽之觴下與廉之詔襍彗星而祈祥結匈奴而修好河上戍兵

柴扉集拾餘

三

聖經堂叢書

門前揖盜卧鼙鼓於漁陽關山林於蚡冒程異以空庫爲有餘蘇秦以合從爲至要賀堂深於燕雀安枝棲於鷦鷯曹邱則數顧金錢元代則善藏刀鞘桑戶不能避陰雨之飄林柯不能禁颶風之暴既而天假強胡連兵構禍山警烽烟江橫鐵鎖潢池弄波赤壁埋火乃選將於李陵更屬軍於魏顆固知投鞭而斷流不能圍棋而安坐矣彼狡獪之成性正雕鷲之摩秋捕影則爲鳥爲獸興雲則如馬如牛暴邊境而鳴鏑伺甌脫而伏矛善誘兵而冒敵屢抗命而尋讎值乾坤之清夷尙有事於輪將吳子與盟於中夏單于視學於講堂柳渾先料其異志任尙徒總其大綱狼

貪狎變鸞食爲殞和親絕於異域奇兵伏於遐荒始則啟禍江黃稱兵曹衛欲封縣而滅陳敢射天而學羿淵勒起而亂華飛黃出而奮銳嘆大角之躔兵嗟熒惑之守歲師敗鴟軍陣摧魚麗燧象狂奔火牛魔逝地則沙走塵飛天則雷轟電掣華元棄甲而馳簡子中肩而斃箕子遺封一朝授戎包胥哭於廷上黎臣痛於泥中充國無禦邊之策劉錡鮮破虜之功趙括何知堅壁周瑜未便乘風遂乃握炭流湯沃焦覆甕怨賦朱儒悲深子仲血濺水流尸填土壙鎮惡之骸腫不飛劉晏之船場無用子反爲後殿而奔馬超爲流矢所中擊鼓遺袍藏軍覓洞電彩交馳風聲亂關退師何止三舍坑卒至於萬眾龍沙則帶甲應寒馬窟則長城俱慟將軍立名困守孤城諸將先遁一軍不驚城崩化燼糧絕呼庚以寡敵眾雖死猶生天沉沉而鬼哭風慘慘而雲橫張睢陽之厲齒仲子路之結纓洞胷傷脰苦於江元亮亡身殉國愴於韋忠貞問東征之一役誰復有此精誠伯謙爲將雄畧豪宕戰具整齊舟師勇壯挽承矩之刀魚乘豐稷之海浪神勇奮於澹臺老謀深於陸抗雙手孤撐兩翼先喪金龜俱沈帆檣無恙秦豈乏人魯未可量乃藉公以行私敢欺君而罔上指三字而成寃壞長城而失傍楊僕死而樓艦危子胥浮而怒濤漲於是賊饑紛

柴扉集拾餘

四

聖經堂叢書

騰陣雲莽蕩敗則卷霧先逃退則聞風四望雖狗彘而堪虞竟牛後而甘讓將敗兵窮山崩瓦裂火焚其旗車亂其轍趙失魏和虢因虞滅摧勁弩之三千棄連營之七百望榮陽而走險還霸上而定策而乃示吳將以輕裘老秦師於高壘卧營中而解衣傍城外而塞水李勣鎮於塞垣晉人期於角犄驚謀報之傳宣馳輕車而赴援彼吞鯨而浪靜胡縛羊而鼓喧知談虎而變色遂躍馬而驚魂成安返於趙壁伍參改於南轅既失守於李牧空習射於樓煩棄險潼關之隘駐軍雁塞之門疵吹毛而獲罪石填海而呼冤若乃中丞李公捍衛山東畫山谷而多算鎮藩離而有

柴扉集拾餘

五

功曹劇猶慎於妄動李綱無取於進攻民編伍兩士選驍將持軍負雪駕艦馳風惜量沙之高唱復易旗之遞逝登州萊州濱海無際截葦布於先登擊楚軍於半濟閉壁有餘破竹無勢嗟我皇之握符見羣酋之亂世本蓄怨於東夷又悼心於藩衛墨子願而生悲君山感而流涕德興祖籍隸於蜀南家居鄰於清水負題橋之素志愧凌雲之絕技昔走馬於成都今驅車於燕市衡品不居王前求賢請自隗始步月窟而探蟾登龍門而躍鯉願飛鵠而仍留數聞雞而欲起於時猷猷侵方至於涇陽臨江橫槩跨海飛航雷車火繼鐵甲金槍駕鼉梁而競渡出孤窟而寢昌魚

吞舟而善伏鳶刻木而高翔崆峒之人武勇蚩尤之霧昏黃獸不困而敢鬪狼反顧而森張天子乃勞心宵旰軫念要荒神謨發電睿斷凌霜閻生靈之塗炭怒夷虜之披猖兵甲投於馬武樓船統於龍驤遣信陵而救趙命虞詡而平羗賞諸軍而挾纊呼我士而趣裝奉母儀而敦孝節穴費而充糧謂六計之稱奇將八克而制勝戰功必出於兜鍪繫虜自隨於鞭鞆兵仗橫陳風聲迅聽擊温郤而書成斬公孫而期定爾乃魯衛不睦渾濬爭先冠軍置酒驩會莫敖舉趾高憲樂騫違命於苟偃與駢見惡於趙穿東睢之水赤矣門官之屬殲焉二陵未知死所兩廣無復生旋

柴扉集拾餘

六

或以有罪當誅無功受貶饑鷹側飛餓虎難養張爨憲之虧減月工王應朝之尅扣軍餉瓊裏雪餐糜和冰釀麥麩青枯茗華白族擄掠千羣顛連萬狀是率獸而食人直為盜而非將士馬如林不戰而喪又或茫茫平壤望敵先驚斬關忽遁拔寨啟行笑人百步輪局一秤渡江列陣背水藏兵江東坐併於孫策河北召寇於方平七十城之版籍數百里之屯營莫不沙崩石破路斷牆傾若夫愚佻短畧腹蟠目睥扼要江洲閉關海岸敵軍飛自天來強寇絕於山半總兵七人聞聲而鼠巾幗遺羞自亂警枕誤驚於錢鏐地道空築於羊侃將不省兵眾焉能戰昔之樓櫓備

戎加以矢石紆難可惜創自十年壞於一旦至若誤國庸臣大言欺人師出無律兵退無因望援軍而遁跡畏前敵而回輪顧榮之羽扇藏篋羊公之裘帶生塵王恢逗撓而遠避景宗按甲而遠巡喪師失地辱國誤民備人實惟作始豎子難與謀新罄竹不能書其罪決水不能濯其身俄而海軍先投揚帆駕舟逝波浩浩去國悠悠望塵蓋於金門豎旗幡於石頭蘇峻肆逆於東晉庶其書盜於閭邱降表李世家之起草宇宙大將軍之反讎相君之背不如齊王信噬人之肉有似呂溫侯况復盲人失路喜鵲養羞負山少力鈞國無鉤蹲池老鳳加冠沐猴殺浩正書空之日

柴扉集拾餘

七

壁經室叢書

秦檜當禁戰之秋莫解嘲於蕭娘呂姥因失望於杜斷房謀奏疏請斬於張詠防微隱疚於韓休乃使邊塞鳴鼙關山碎笛士氣傾頽皇衷慘激烽火通於甘泉戰骨暴於沙磧李邦彥固請求和哥舒翰不能禦敵骨鯁廷爭蒼鷹殿擊宋使增幣而憂危里語詆糠而警惕未伏闕而陳書已尋盟而捧檄委商於而賂秦割齊民而附狹說和之印纍纍約法之條歷歷一敗至此云胡不感眷言藩服魂斷心悲威公泣盡郵子歸遲喬木全壞荒城半缺宮之奇行悲龍尾百里奚去嘆羊皮烏啼月落鳥泣花衰燐飛失火骨冷無尸宮廢黍離之地臺荒鹿走之時則有鼠身異域避

亂天涯妻琴泣路親朋哭家鬢華白而蓬轉血淚斑而竹斜見離鄉之伯玉逢遠道之秦嘉莫不望塞雲而增感對關月而長嗟况復君戎遼西妾在碧谿砧衣擣月匣粉封泥紅蘭露泣綠草烟萋蕭騷之歌和複沈約之咏銅鞮令暉有楊叛兒之曲孝武爲丁督護之題別有俘虜不還風蕭水寒苟堂危而擊鼓鍾儀虜而戴冠學斷髮而身毀聞割舌而心酸午夜之胡笳不斷丁年之劍缺空彈若遼陽之亂離乃蔓延之漸致昔僅擾於邊疆今已乘於內地漢陵之草猶芳岐山之水無異天耶地耶將卜鼎於千世伍員滅楚而功成班超封侯而志遂宗澤之留守堪防張良

柴扉集拾餘

八

壁經室叢書

之復仇甚易衰衰諸公同寅協恭興利除弊補漏彌縫與君痛飲直抵黃龍支持大厦以禦羣凶世無平而不陟道無往而不復惜清談之流輩誤天下於荼毒羊雖亡而未遲犬不顧而何逐際聖君之神武食胡爲而徒穀且夫成仁取義正氣歌焉昔余祖於當年靖土寇於蜀川泊余身而圖遠又驚變於蠻煙傷心諸將退縮不前主憂國辱余欲呼天况復朝有弊夷野多遺賢順天者昌得師者玉舊格蠲除虛衷博訪將縱壑而魚肥更康侯而馬壯頌合進於王褒夢早卜於呂尚宋仁宗政府之察奸漢高帝軍中之拜將掃氛穢而告成奏凱歌而驩唱蘇民命之毒痛釋

余心之於愴諸葛亮臨文涕泣不知所云馮將軍收功桑榆穉有所望

此賦作三大段看前由本朝開國敘起說到東征之敗而思諸臣之能濟艱難者為一段繼由本身敘起說到東征之敗而怨諸臣之坐失事機者為一段末段以愴嘆出之哀字寫得悲歌慷慨酣暢淋漓一字一淚令人不可卒讀而序中策治安責諸將二意於煞尾點出而望其有恢復之機非平日憂國憂民先有一腔身世牢騷之感者不能構此至其取材閱麗用筆清新胸羅全史而以騷情逸韻出之直追六朝神境

柴扉集拾餘

九

拜服佩服年小弟子敬馮秉鏡

葉母詹太宜人六十有八壽言

歲已未元日揀元數筮一年對人事貞悔卜稽曰燕聚嘻嘻往來熏熏廷人有慶利用悅于君狩于酒食肥而諛而夷其牙而或承之哀主多燕喜酒食事越今乃大應神乎玄乎饗親取嬰大慶纍纍獻酢鑽鑽升于堂顛衣倒裳飲食吭吭朋從爾醜月日計之不足不其兆歟維十月哉生朝越十日吉葉母以時生于筠母系出筠世族詹氏歷年六十有八番番然老矣嗣子棧理財用掌邦之出內僚友溺于習僉謀酌醴祈耆和淳喜樂以休母告棧曰吁咈哉天方降虐于民四竟困窮繼自今國且殆若之何其誕茲多方

柴扉集拾餘

一

胥用威侮朋比在位賢人逃于荒小大好艸竊姦充凡百執事師師非度民乃不康予惟貧貧害敢縱于非彝用燕喪威儀矧女高祖奠厥居于筠惟自約厥躬厥父子明明仄微德功惟懋歷年所勿之替予念女高祖之德予惟自鞠自苦祇事女乃祖乃父女不憂乃祖乃父之攸困敢荒失厥命弗獲其嘉予乃顛隤其如台烏乎仲叔季弟幼子童孫娣姒命姑媚姓予惟時其嫗育之內罔不瑩女敬念哉女幼典于學時惟俊士爰及職事予懼女弗克負何肆省于馬湖之隩女克庶政理以迪前人烈相小民出郭而祝曰有人上于天山有木火炎炎鋤而盜糧而田大滿

碩施惟豐年予用以怡天府之國葩爲上腴良窳屢
之今惟女故恐枕于有眾又而至于都汝念哉寇虜
在塗何戟解解毒于遠邇生其命喪民罔不恫盜
臣不乃歛怨于民民將疇依民之無祿荒國及家女
惟制一國之用龔乃事虔乃心母俾民曰賤資其寧
惟承予聞褒利滿匈不利于公招樂之幾不移日而
悲驕奢宴劬胡可長也女母豐滯戒其朋還于庸不
克從核曰俞杜關問之曰都哉母德備矣美矣懿矣
宜筮之筮得期頤之吉爰作頌曰何福滿肩樹德滿
田澹然物然柳亦淵然自天休之彌百年

柴扉集拾餘

二 陸經堂集書目

代作白牡丹脫伶籍文伶姓陳號素卿後改號

竊聞孱孱者柔心者羞位尊者業賤者憂物不

美不尤種不良不留游魚鼓風乎滄洲飛鳥振翼乎

高邱庖丁相殷漁父與周竈下養而將爛羊頭而侯

卻克跋而善戰諛諛惡而多謀耕田夫志不小牧豬

奴功莫儔寺人癰疽能爲聖主蒙莊尿溺可以道修

口甯爲鷄後母爲牛香可爲薰臭不爲豬從流下而

忘反謂之流未聞下喬木而入于幽此伶所以負七

尺頑軀而志在百尺高樓也伶系出寒微幼失教育

誤入伶籍倘曉音律好事者謂伶貌有張良好女之

姿冠有陳平美玉之目是宜畫以張敞深淺之眉衣

柴扉集拾餘

陸經堂集書目

以司馬巾幅之服於是婦人義髻男子喬妝靈均美

人以自况張儀妾婦而何妨昌宗傅朱粉而入禁闈

孔儀衷和服而戲朝堂豈真乳有瀉流事出唐書德

秀果爾男成女體人來漢代豫章劉真假婦樂籍教

坊傭農生子橫徑孔方陰人不陽柔性不剛回眸一

笑不莊利屣雙弓不長貌雌而聲不雄體弱而氣不

揚本無螺紋鼓角脈之異儼然天健漏怯變之傷學

天女魔髮之舞譜韓娥趙女之腔幻撲朔迷離之影

而有羅紉粉黛之香疑者詫爲人疴觀者錯認女郎

胸目招手以怒周穆王雲鬢花顏以媚唐明皇霓裳

六么之曲如煞邯鄲倡頓挫瀾灘之技妙絕于公孫

大娘而伶清歌一曲滴淚于行。遂濫廁於油頭粉面之場而沈溺於泥塗洞園之鄉。擇術如斯緊可悲也。譽之者謂伶以玉版無雙。瑤臺第一。錫以白牡丹之名而不副其實。沈香亭北。曷云珠露凝香。妝鏡臺前。漫許瓊姿映日。西子淡妝而不醉。楊妃善舞而何媚。亦安敢襲郭芍藥之嘉名。而以鄭櫻桃為比類。特以易凋者容色可愛者春華。玉樓艷質瓊島仙葩。盛則如雲如霞。散則為泥為沙。恨復恨兮鳩盤茶。穢莫穢於楊白花。白髮唐宮。梨園子弟。青衫滄浦。商婦琵琶。張微度曲猶新。何哉老去堪嗟。潦倒龜年。春花已落。淒涼協律。色藝難誇。任懷仁之怨仇。隱形鬼座。黃頭郎之槁餓。寄死人家。一朝之失千里之差。而猶鯁鯁於爭妍如寵。鬪靡矜奢者。何其愚也。毀之者謂伶以籍閱之婉媚。比安陵之尊身。鄙宋朝艾豸。叢豬之醜。而疑高安侯金貂華袞之尊。穆提婆謂之外嬖。韓長鸞目為倖。臣輕車隨風。曰周小史共舩而釣。曰龍陽君且以軍中之男妾。而概西方之美人。豈知嬉戲者。侵侮之媒。俳優者人道之蠹。宋華弱與樂轡共狎。優而不悟。東方朔與侏儒惟飢飽之是務。我方入於地獄。人以我為錢樹。墮瀾堪憐。拂絃早誤。出淤泥而荷亦有香。坐塗炭而衣又何汗。居於下流。君子之所必惡。蒙之不潔。佳人亦失其素。墨翟空悲。染絲楊朱泣。

柴扉集拾餘

二

淒涼協律色藝難誇任懷仁之怨仇隱形鬼座黃頭郎之槁餓寄死人家一朝之失千里之差而猶鯁鯁於爭妍如寵鬪靡矜奢者何其愚也毀之者謂伶以籍閱之婉媚比安陵之尊身鄙宋朝艾豸叢豬之醜而疑高安侯金貂華袞之尊穆提婆謂之外嬖韓長鸞目為倖臣輕車隨風曰周小史共舩而釣曰龍陽君且以軍中之男妾而概西方之美人豈知嬉戲者侵侮之媒俳優者人道之蠹宋華弱與樂轡共狎優而不悟東方朔與侏儒惟飢飽之是務我方入於地獄人以我為錢樹墮瀾堪憐拂絃早誤出淤泥而荷亦有香坐塗炭而衣又何汗居於下流君子之所必惡蒙之不潔佳人亦失其素墨翟空悲染絲楊朱泣

於歧路。陷奔年年。迷樓處處。冥冥何知。昭昭誰訴。未嘗不吞聲飲恨於傾城之一顧也。夫伶亦未可厚非也。傳有伶官禮重樂工名倡祕舞。妙妓材童。踴足為節。手袖為容。諸臣顧官。子都子丰。尉遲璋為長史。郭門高有軍功。優施戲於魯君之幕。優孟遊於楚王之宮。景入哥之權重。史彥瓊之威雄。俳優近太微而尊。優人封陵戶而崇。雷海青氣凌安賊。敬新磨手批唐宗。魚龍環瑋鷄至交作。制曲者蔚茂多。標弄者黃幡綽。千有餘人。元徽邪鄭八十四。調劉禹燕樂周匝之乞刺史。景州憲州阿丑之譏媚。臣王鉞陳絃又何止。權傾於四方。藩鎮而政。夫於六州魏博。試別有倡樓脫籍。孽海騰身。紅拂心挑甘隨李靖。紅綃手語往報崑崙。楊柳章臺故妓。桃花扇底香君。紅玉是南朝女傑。李娃為并國夫人。琴操皈依於淨域。周韶蟬蛻於風塵。錦雲不嫌蓬首。珍奴具有夙根。是皆駕愛河之寶筏。而能渡色界之迷津。何況渺渺之躬堂堂之彥。牡而忽化。笄而易弁。襲新聲於龜茲。教法曲於前殿。妖妍北里之音。遊戲宜春之苑。太叔洵美且都。何郎有覲其面。鄂君舉繡被以蒙蓋。王鈇著舞衫而自賤。豈終以丈夫之鬚眉。而效碩人之盼倩。竊以故我依然。今吾何苦。類似人傀。勢成妖蠱。行婦人政不祥。試女兒裝不武。朱節之妻有鬚。李善甫兒無乳。不男不

柴扉集拾餘

三

於歧路陷奔年年迷樓處處冥冥何知昭昭誰訴未嘗不吞聲飲恨於傾城之一顧也夫伶亦未可厚非也傳有伶官禮重樂工名倡祕舞妙妓材童踴足為節手袖為容諸臣顧官子都子丰尉遲璋為長史郭門高有軍功優施戲於魯君之幕優孟遊於楚王之宮景入哥之權重史彥瓊之威雄俳優近太微而尊優人封陵戶而崇雷海青氣凌安賊敬新磨手批唐宗魚龍環瑋鷄至交作制曲者蔚茂多標弄者黃幡綽千有餘人元徽邪鄭八十四調劉禹燕樂周匝之乞刺史景州憲州阿丑之譏媚臣王鉞陳絃又何止權傾於四方藩鎮而政夫於六州魏博試別有倡樓脫籍孽海騰身紅拂心挑甘隨李靖紅綃手語往報崑崙楊柳章臺故妓桃花扇底香君紅玉是南朝女傑李娃為并國夫人琴操皈依於淨域周韶蟬蛻於風塵錦雲不嫌蓬首珍奴具有夙根是皆駕愛河之寶筏而能渡色界之迷津何況渺渺之躬堂堂之彥牡而忽化笄而易弁襲新聲於龜茲教法曲於前殿妖妍北里之音遊戲宜春之苑太叔洵美且都何郎有覲其面鄂君舉繡被以蒙蓋王鈇著舞衫而自賤豈終以丈夫之鬚眉而效碩人之盼倩竊以故我依然今吾何苦類似人傀勢成妖蠱行婦人政不祥試女兒裝不武朱節之妻有鬚李善甫兒無乳不男不

女其何以自處。不偃不備。亦莫子敢侮。祇增惟薄之羞。宜作女媧之補。又况營業許人自由。平權要能自主。朱買臣覆水可收。喻伯牙碎琴不鼓。讀戲園規約。取締雜伶。恨賤子生平。誤充樂口。伏乞解網推仁。開籠放女。伶誓自今以後。不為盈之讓鷄。亦豈為馮婦搏虎。揮來慧劍。斬斷情根。放下屠刀。立參佛祖。自願負耒營生。居家養父。卒言李桂官狀元夫人。而長作共和國齊民之伍。

柴扉集拾餘

四

柴扉集拾餘

長甯杜 關柴扉著 原名德興 字若洲

滬上感咏十二首

窮達安有命。詩書偏誤身。先鞭曾著我。壯歲不如人。夜讀仲宣賦。秋思張翰。數看雁南去。霜信落江濱。東北尙多難。悲秋劇苦辛。天涯猶故我。海外有孤臣。劉永福孤 板蕩中原局。安危百戰身。遼陽餘痛在。首惡爾何人。

不戰師先潰。倉皇去若飛。天王自明聖。大帥忍依違。身敗名俱裂。兵窮將獨肥。誰憐宋脚子。堅壘失戎機。枉負皇天寵。 葉志超牙山一敗。捏報城亡。土易崩。葉勝仗。明賞二萬兩之多。

柴扉集拾餘

一

超奔平 鳥啼箕子國。鬼哭漢家陵。反噬傷饑虎。高飛失飽鷹。至今悲傳變。孤節獨爭。 平壤之失。左竟使長城壞。誰云執法尊。方伯謙。戰牙山有功。反一江濤共怒。三字獄成冤。馬革空酬志。雄心未報恩。不堪聽杜宇。月夜喚孤魂。

何處求林馬。 旗幟之失。七統領先逃。獨徐邦道與戰。馬隊悉陷。 空言斬海鯨。

火攻悲赤壁。水戰誤昆明。 如洋將漢納根。債事丁汝昌。卒戰船降。倭之類。 折三千督蒼茫。七十城幾人握兵。要卧聽鼓鼙聲。 督者意在主和。故遷就致敗。

東伐歲云暮。天寒風怒號。王恩逾挾纊。將命不同袍。

公家所給皮襖棉衣。籌策樓空寄。李中丞秉衡。投戈等件。概將領扣去。

枕自高。頻年輸餉。甚可惜。曳兵逃。

忍割商於地。遺黎尙愛君。讓臺高與倭義民不服。輔車依號叔。

弱冠憶終軍。北極餘兵氣。南溟有寇氛。中流誰砥柱。

獨立看孤雲。

聖主終仁孝。深宮奉母儀。去年籌餉殊艱光緒奉未

開元圍譙。况惜露臺費。凡新年宴會諸事貌瘦民猶

病財輸國易疲。債倭兵費二百兆。蹲池有老鳳。何以慰天慈。

泄沓天方蹶。言官誦戎邊。安維峻謫合皮邊甯知汲黯直。竟

學史魚賢。維峻為吳柳堂弟子朋黨聲援厚君恩忠孝全窮途

誰灑淚。先後其愴然。錢德祥亦謫戎邊

一統猶全局。群凶滿四方。羯胡終猾夏。張楚亦稱王。

柴扉集拾餘

盜國供私飽。焚臺啟夜行。可憐後庭妾。七日學宮粧。

唐景崧臺灣稱王自上伯理璽天德之

號甫七日私取庫藏自焚撫署而逃

屢上嚴安疏。樞臣忌諱多。公忠爭欲戰。私議釀成和。

仙隱留侯策。張秉鈺所著之秋吟杜老歌。防邊亦孔

亟詎謂息兵戈。

同鶴叟。方旭虬髯胡曉冬日訪何兩宸城北新

居用工部陪遊何將軍山林十首原韻

城市容高隱。何須傍野橋。珍禽翔擇木。石馬俸騰霄。

所居在石馬巷元老今猶健。髯翁此見招。相期踏街去。跬步

信非遙。臘日江城冷。家風水部清。平皋閒引鶴。幽谷喜遷鶯。

莫遣人沽酒。無勞婦作羹。會當尋飯顆。處處看山行。

兵氣躡閩海。邊愁動月氏。時福建有警家藏均有獨立之耗田來西

蜀國上接古滇池。張聯合莽莽天胡醉。安危君不

知。一函彌勒頌。暇日未停披。

竹勁寒猶葉。梅低臘未花。巡檐馴鳥雀。補壁幻龍蛇。

問字情逾切。談詩興益賒。鄭樵有良產。知是舊藏家。

地僻祠堂近。居鄰丁公雷氏兩祠天空戶牖開。高懷祇友竹。幽

趣得妻梅。詞艷心花發。烟香鼻觀來。何出陳鼻柴門

新甃石。一路淨無苔。

文富五千卷。茶清第二泉。撫磚心愴惻。何得古磚生子倚翠意纏綿。處士新納銅雀何年瓦。金龜太古錢。

柴扉集拾餘

摩挲日成癖。法物重西川。

滿架茶藤古。欹牆橘柚香。驚心斜日暮。侵髻朔風涼。

林鳥飛飛去。缸魚故故藏。同行俱老醜。翹首望空蒼。

憂來不敢飲。一飲酒如池。微命甘粗糲。狂歌倒接羅。

同爲老賓客。笑煞少年兒。祇合商山隱。采芝相與隨。

各有山林志。携扶上白雲。因妻蓋作菜。課子學成文。

世亂英雄襍。時乖冷暖分。如君守高潔。近世總紛紛。

夙昔西湖約。秦少伯刑部分西湖地二畝何嚶嚶吾黨在。落落故人多。有口如蟬噤。無心聽鳳

歌。不嫌延俗客。載酒且重過。

冬夜重訪何兩宸不遇。仍用杜工部重遊元均

織就囊中錦時撰得詩文一籤分架上書不辭乘雪

棹重為顧茅廬月半寒凝兔更初夜聽魚幾經與者

誤錯認故人居是夜為輪夫誤

秉燭遊何處幽窗月自移茶香勞驥子客熟戀獨兜

昔訪相如肆酒坊共飲今懷叔度陂却憐修竹瘦寒

翠倚疏籬謂處士姬人補翠也

藤蔓擊空際梅花入夢時側聞新得句疊咏舊遊詩

前遊詩十首何望望空書慨蒼蒼短髮絲或因尋鶴

去倘與老髯期謂前日同遊之方胡二君

待子人不至孤懷爾許長琴心在山水是夜彈琴以待雲影

亂攬槍傲世千金骨浮生一枕梁漫漫夜何極胡乃

自栖皇

荏苒悲生事蹉跎入暮年春心舒翠柳劍氣逼龍泉

為築溪邊屋時營郭外田時經在成都柴扉無覓處

歸路獨倚然

庚申正月八日偕丙子蜀山携子媳彤士問漁

暨王君克成遊武侯祠轉草堂小憩壁間刊

有工部卜居堂成二詩即用其韵為聯句

路轉城南城西頭蜀春回天地尚幽幽漢家陵寢餘

王氣柴蜀道兵戈動客愁笑指梅花紅錦簇克醉看

竹葉碧雲浮慙非驥子能詩事形小坐何嫌屋似舟

漁

當年詩史此衡茅漁勝日尋芳出近郊竹徑綠搖寒

玉色形菜畦黃苗嫩金梢似聞鼓驚元夜克願逐

溪山覓小巢已分九州成大錯柴相期共隱避人嘲

蜀

庚申正月二十日夜訪楊重岳仍用工部重遊

夜叩柴門入幽人正讀書經餘仍在壁時壁經堂主

傳列女畫隱此名廬楊善書所居世事甘芻狗生涯

託蠹魚客來携酒未却訪于雲居

別業新栽竹楊君購地敷逢春手自移纖縑憐愛妾

啼乳弄嬌兜時兜哭習隱在南郭結隣懷漢陂翻嫌

牆蔽月列柵近疏籬

柴扉集拾餘

五

花落枝逾醜梅妝不入時看人新醉眼聽我舊題詩

茶釀饒春味琴荒有亂絲楊有古琴安絃後悔因朋

黨誤慚愧對巫期

破碎神州易艱危蜀道長雷聲喧瓦缶兵象見天槍

相與避塵埃何由足稻梁會邀三徑月對飲說羲皇

假山盈一尺老屋幾經年橋壞猶鋪板池乾不引泉

畏人花作障羨子矜為田卅載論交厚相逢豈偶然

春興八首用工部秋興八首元均

城南新綠覆平林宮觀嗟峨萬木森糝徑風花空富

貴幕天烟雨乍晴陰神羊尚望東來氣春鴈應回北

向心多少遊頭遊宴客行厨處處動刀砧

錦江江水逐江斜。雨霽山光湛物華。帝里頻年啼怨

魄。仙庵何處覓靈槎。凌波態舞春人珮。捲葉聲吹牧

子笛。老去蒼顏紅欲醉。翻台白髮笑桃花。

墟烟黯淡帶斜暉。雲漢蒼茫隱少微。四面青山迎我

笑。謂內子蜀山一雙嬌鳥傍人飛。謂侍婢桂浣花卜

它愁無計擊楫橫江願已違。自顧孱軀不嫌瘦。祇今

天下幾時肥。

大江南北一枰棋。野戍年年鼓角悲。半壁河山三鼎

局。羣雄割據五胡時。風雷夜動神龍起。苜蓿春濃戰

馬馳。匝地紅塵飛絮亂。花開花落繫人思。

幽燕王氣接西山。身世塵勞廿載間。賈誼屠薪憂漢

室。匈奴互市偏蕭關。皂袍不慣趨星署。明鏡無端老

玉顏。回首先朝朋輩在。春來夢繞舊仙班。

三楚烽烟下石頭。江山龍虎秣陵秋。元年一統新春

朔。南京政府成立。予入內務部。為禮教局長。寡婦孤兒故國愁。空定禮

儀馴鐵馬。早盟心事付沙鷗。即今羣盜如毛集。擾擾

神州看益州。

遜位南都不計功。臨時孫大總統。議位於袁氏。嵩高北極鎮當中。

容臺典重行春令。南政府北遷。余仍入內務部。為禮教局長。枯塚悲涼

厲朔風。帝識虛傳歧麥秀。女官新染繡裙紅。冥冥鴻

翼歸飛急。且向花潭訪釣翁。

柴扉集拾餘

六

壁經堂叢書

軌擇樹鶴鷄不定枝。舊苑荒花蕊盡春。城閣闌干

杓移閉門種菜。因風懶倚杖看雲。苦雨垂。

歸來曲

庚申九月秋。世亂無是非。杜子見幾作。浩然賦言歸

言歸欲何為。薄采故山薇。買舟江樓曲。良朋送者稀

一棹青衣水。重摩凌雲碑。石蟾問向我。問我今何時

民國四年籌安會起。余避之嘉州。登凌雲山。而今我

得石蟾銘以紀之。有今何時。石蟾出之句。而今我

何言感時刊我詩。淘淘道士觀。蕩蕩又魚磯。喧喧舟

子橫。飄飄行人衣。回顧問漁媪。子媪名寶。書字問。愁顏感兩

眉。亞山殊駭絕。心急更憂危。我乃涉波濤。曠然神以

忙。舟次漢安縣。花轉清溪湄。三艇小於葉。局促身如

羈。十灘九停擱。水淺石參差。登岸還里間。家人環四

圍。瘦男與羸婦。孱女與痴兒。一一拜我前。問名半不

知。別家二十年。家家傷亂離。民國已九載。民困乃如

斯。匪亂猶可已。兵荒胡可支。人命賤螻蟻。新米貴珠

璣。官吏日朘削。充囊圖自肥。家貧骨肉疎。此情當語

誰。盼我歸去來。寶裝千萬貫。詎知趙清獻。但餘琴鶴

隨。飄然舉兩袖。惟任清風吹。一箱復十箱。却有書囊

纒。頭上何所有。髮髮白皚皚。身旁何所有。老留骨與

皮。囊中何所有。幾管退毛錐。家人間我言。垂頭噓以

柴扉集拾餘

七

壁經堂叢書

宜衰年畏風濕。歸亟當治罷。勞八九日。陋室比華
棧。棧棧朔風起。蕭蕭嚴霜霏。圍爐共妻子。陶然笑語
嬉。嗟余增老醜。且喜神不疲。撥火火狂笑。蜀人謂火
日大笑火笑者揚灰灰亂飛。田家足此樂。濁世復何
天晴之兆也。之側日懷當局。南北相爭馳。神龍亢无首。羣虎怒生
鬚。長官從何出。自名旅與師。春秋從民願。民治安所
施。逆知十年中。阻兵寧有期。禍至無時無。民命視殘
糜。及此圖苟全。時復理琴絲。讀書不厭舊。種竹常欲
肥。我愛雙桃紅。移植愁榮萎。時在成都購回
雙桃花數十本遊山看
不足。策杖循東菑。陶公闢荒徑。世與我相遺。歸來兮
歸來。茲焉閉柴扉。

柴扉集拾餘

九

柴扉集拾餘

苦雨嘆

垂。老歸故園。愁貧復愁雨。寒孟多滯露。匝月無乾土。
壁色積墨黑。緣柱滴煤乳。陰霾漬衣袂。濕霧宿環堵。
陋室吾何媿。老屋頽已古。親戚過者稀。友朋氣尤沮。
子婦滯城南。屢爲愁霖阻。榕孫頗神秀。望晴每延佇。
蕭蕭坐短窗。但與古人伍。讀書蒼不明。點畫半訛迯。
時復撫碑碣。迷茫窮岫嶺。白日倏已暝。山光黯庭戶。
烟雲何羃歷。天地一矇矓。圍爐聞火笑。卜日日在午。
縣縣復縣縣。課時那能數。山姬發令愁。梅奴故皆廢。
開門看平疇。戴笠過荒墅。踏鞵畏泥濘。倚節憂步武。
行者肩以筮。販夫病以屨。中田一老農。扶犁愴獨苦。

破衰不避體。饑驅老牛牯。大官飽食肉。焉能辨禾黍。
大造混茫茫。中原走豺虎。官兵多於民。軍餉從何取。
况乃旱太甚。災區連北五。重以蜀先亂。瘡痍待誰撫。
厄運遘陽爻。妖星填水府。窮陰晦八表。毒霧淫四宇。
民勞苦凍飢。安得無怨怒。皇天胡不慈。何以慰寒窶。
我生惡冥冥。曝背愛晴煦。願借羲和鞭。撥雲見青天。

柴扉集拾餘

九

柴扉集拾餘